











DIRECTORIVM CONSCIEN TIÆ,

Per Fratrem IOANNEM DE LA CRVZ,
Talabricensem Theologum Sacri
Ordinis Prædicatorum.

PROE MI V M.



VM iuxta Psal. 33. teneamur declinare à malo fugiendo peccatum , & facere bonum , sectando virtutem , oportet intelligere , in quo stat bonitas virtutis , & malitia peccati . Peccatum , ait *August.* 22. *contra Faust.* cap. 27. est dictum, vel factum, vel concupitum contra legem æternam, mediatè, scilicet, vel immediatè . Et *D. Thomas* 1.2.q.71. art.6. explicat sic. Peccatum est actus humanus carens debita commensuratione ad suam regulam, quæ est lex æterna . Sub qua intelligitur recta ratio, quæ deriuatur à lege æterna, & leges, & præcepta maiorum, quæ à Deo habent vim obligandi, iuxta illud Christi, Luc. 10. *Qui vos audit, me audit, & qui vos spernit, me spernit* . Et de istis legibus aliqua præmittemus, vt clariùs intelligas in quo stat malitia peccati , examinanda à nobis iuxta ordinem præceptorum Decalogi.



A

DE

D E L E G I B V S.

D. Thomas 1. 2. quæst. 90. &c.

S V M M A R I V M.

*Varia legis diuisiones, num. 1.**Lex humana obligat in conscientia, num. 2.**Quando obliget sub peccato mortali, num. 3.**An metus excuset ab obseruantia legis, num. 4.**An ignorantia excuset, num. 5.**Ignorantia affectata non excusat, sed auget peccatum, nu. 6.**Ignorantia vincibilis non tollit omnino, sed minuit peccatum, secus de inuincibili, num. 7.**Qua diligentia adhibenda ut ignorantia sit inuincibilis, nu. 8.**An detur ignorantia inuincibilis præceptorum naturalium, n. 9.**Lex propriè pœnalis obligat in conscientia, num. 10.**An pœna legum pœnalia incurrat ante Iudicis sententiam, num. 11.**Quomodo legislator teneatur suis legibus, num. 12.*

- I** NOTANDVM quòd præter legem æternam, quæ est summa ratio existens ab æterno formaliter in Deo ad omnia gubernandum, ex qua omnes aliæ leges deriuantur; lex primo diuiditur in naturalem, & positiuam. Lex naturalis, præter illa vniuersalissima principia, *bonum est faciendum, & malum vitandum*: &, *quod tibi non vis, alteri non velis*, continet decem præcepta Decalogi. Lex autem positiuæ diuiditur in diuinam, & humanam. Lex diuina continet præcepta fidei, spei, charitatis, & poenitentix, seu contritionis. Et lex diuina, alia est vetus, quæ iam cessauit Christo resurgente: alia est lex Evangelica, quæ supra alia præcepta naturalia, & diuina, addit præcepta fidei explicite, & Sacramentorum. Lex autem humana alia est Ecclesiastica à capite Reipublicæ Ecclesiasticæ pro Ecclesiæ regimine edita: alia est ciuilis, à Principe Reipublicæ Sæcularis pro eius regimine edita.

- 2** Dub. 1. *An lex humana obliget in conscientia.* 1. Conc. Affirmatiua de lege humana iusta. Ita D. Thom. 1. 2. q. 96, art. 4.

art. 4. Quia lex humana ab æterna per naturalem deriuatur, iuxta illud Proverb. 8. *Per me Reges regnant, & legum conditores iusta decernunt*; ergo ex eadem lege æterna, & in quantum ei subditur, habet vim obligandi. Et quidem loquendo de lege Ecclesiastica, conclusio est definita in Concil. Const. sess. 8. Et colligitur ex illo Luc. 10. *Qui vos audit, me audit, & qui vos spernit, me spernit*: & ex illo Matth. 18. *Si Ecclesiam non audierit, sit tibi tanquam ethnicus, &c.* De lege etiam ciuili id negare est temerarium: cum sit contra communem Doctorum consensum. Et patet ex illo ad Rom. 13. *Qui potestati resistunt, damnationem sibi acquirunt*. Ad sic enim obligandum non requiritur in Rege potestas spiritalis, sed sat est, quòd per suam legem ponat aliquid in genere virtutis, & obedientiæ; cuius subinde contrarium vitium erit.

2. Conc. Leges iniustæ bono humano contrariæ, etsi de se non obligent; ligant tamen aliquando ob vitandum scandalum. Leges tamen diuino bono repugnantes, nullo modo seuiuntur. *Ita D. Thom. loco cit.*

Dub. 2. *Quando lex humana, vel præceptum superioris obligat sub peccato mortali?* 3

1. Conc. Lex de re graui in se, vel ad bonum commune maximè conducente obligat sub mortali, aliàs sub veniali. Primùm patet in lege iubente ne triticum, arma, vel alia à regno extrahantur, cum ex hoc graue damnum Reipub. sequatur. Secundum patet in lege statuyente quibus vestibus sit vtendum.

2. Conc. Lex præcipientis aliquid sub excommunicatione, vel alia censura statim incurrendis, aut sub pœna capitis, exilij, aut alterius pœnæ grauis, obligat sub mortali. Grauitas enim pœnæ arguit grauitatem rei præceptæ. Nisi aliàs constet rem præceptam esse leuem, nec aliàs exponas te periculo subeundi dictas pœnas. *Ita Caietan. verb. præceptum, Armilla verb. lex, & Soto 1. de iust. q. 6. art. 5.*

Dub. 3. *An metus excuset ab obseruantia legis?*

1. Conc. Sic *D. Thom. 2. 2. q. 19 art. 3.* Omnis metus etiam leuis excusat à peccato, magis, aut minus iuxta eius qualitatem. *Ita cap. Sacris, de his, qua vi, &c.* Et patet, quia talis metus minuit voluntarium, vt dicitur *1. 2. q. 6. art. 6.* ergo & peccatum. Non tamen excusat omninò à peccato uetus leuis. Quia cum sit leuis, facilè potest vinci. 4

A 2 2. Conc.

2. Conc. Metus etiam grauis, & cadens in virum constantem non excusat omninò peccatum contra præceptum naturale negatiuum; v. g. fornicationem, furtum, &c. cum ista sint intrinsecè mala. Imò nec excusat omninò peccatum contra præceptum naturale affirmatiuum mandans maius bonum, quàm sit quod timetur amitti. Sicut lex, quæ iubet aliquid pro conseruandò bono communi, vel vita spiritali proximi, seruetur cum metu mortis. Item, dictus timor incussus in contemptum legis diuinæ, aut humanæ, saltem Ecclesiasticæ, non excusat omninò ab obseruantia talis legis, vt si Tyrannus in contemptum legis minetur mihi mortem, si v. g. non frango ieiunium, teneor ieiunare, etiam cum illo periculo: quia bonum religionis præstat vitæ. Et ob hoc Eleazarus noluit carnes porcinas comedere. 2. *Machab.* 6.

3. Conc. Metus grauis, & cadens in virum constantem, ab intrinseco, vel ab extrinseco incussus, excusat omninò; Primò ab obseruantia præcepti naturalis affirmatiui, etiam si includat negatiuum, vt præceptum restituendi, vel subueniendi extremè indigenti. Ista enim non obligant cum tanto rigore.

2. Excusat omninò ab obseruantia præcepti diuini, & à fortiori præcepti humani præcipientium minus bonum, quàm sit bonum, quòd timetur amitti. Et sic Dauid comedit panes propositionis, ne fame periret. Et Israelitæ ob hoc excusabantur à circumcissione in deserto, vt ait *D. Thom.* 3. *par.* 70. *art.* 4. *ad* 3.

Dub. 4. *An ignorantia excuset?*

5 1. Conc. Sit. Ignorantia concomitans, quæ scilicet, non est causa peccati, nec accusat peccatum: cum opus factum ex tali ignorantia non sit peccatum, cum nec positiuè voluntarium; Nec excusat peccatum: quia non tollit voluntarium: cum nec tollat scientiam, cum qua actus ille esset inuoluntarius, imò libentius fieret. Ita *D. Thom.* 1. 2. *q.* 76. *art.* 3. *¶* 4.

6 2. Conc. Ignorantia directè volita, & affectata ad liberius peccandum ex parte affectationis auget voluntarium, & peccatum. Quia peccatum tunc oritur ex voluntate magis affecta, & inclinata ad malum, cum affectet ignorantiam, vt liberius peccet, & magis directè, & principaliter fertur sic peccans in peccatum, quàm in ignorantiam: in istam enim fertur, vt in medium ad liberius peccandum. Ignorantia autem affectata proueniens ex errore existimantium se sic Deo magis

magis placere, sicut fuit ignorantia D. Pauli, minuit peccatum: cum ista iuuaret Paulum, vt misericordiam allequeretur, iuxta illud 1. ad Timoth. 1. *Misericordiam consecutus sum, quia ignorans feci.* Ita D. Thom. art. 4.

3. Conc. Ignorantia vincibilis, vtpotè, eorum quæ quis potest, & tenetur scire; cum aliàs sit indirectè voluntaria ob negligentiam sciendi necessaria, non tollit omninò peccatum; sed minuit voluntarium, & peccatum, cum tollat scientiam vitantem peccatum. Ita D. Thom. art. 4. 7

4. Conc. Ignorantia inuincibilis rerum etiam, quæ quis scire tenetur, sed non potuit faciendo totum quod in se erat, excusat omninò à peccato, cum sit omninò inuoluntaria. Ita D. Thom. loco citato.

Si quæris, quæ diligentia sat est, vt ignorantia sit inuincibilis, & dicatur hominem fecisse totum quod in se est? Ad hoc dico 1. Non tenemur ponere omnem diligentiam possibilem, vt orare, disponere nos ad gratiam, sed sat est ponere diligentiam moralem, & media proportionata, interrogando alios. Et idem est de inaduertentia. Si enim posita omni diligentia morali, non potuisti aduertere periculum, illa inaduertentia erit inuincibilis. Et etiam si secuta sit ex causa culpabili, euentus ex illa secutus non erit voluntarius. Vnde quando nulla præcessit cogitatio, vel dubitatio legis in communi, vel particulari, erit ignorantia, aut inaduertentia inuincibilis. Quia si non præcessit dubitatio, est impossibile interrogare alios, & vincere illam ignorantiam. Imò circa operationes omnibus communes, non sat est dubitare in communi, an sint aliquæ leges communes, vt ex hoc quæras, an sint aliquæ particulares circa tuam operationem, hic, & nunc, nisi aliàs habeas aliquam notitiam, ex qua dubites probabiliter esse aliquam particularem legem circa tuam operationem. 8

Dico 2. Circa operationes peculiare cuique ratione status, aut officij, statim se offert dubitare, an sint aliquæ leges circa talem statum, ex qua notitia tenemur quærere tales leges, aliàs ignorantia earum erit culpabilis, vt patet in Iudice, Aduocato, &c. Nisi sit officium carens legibus, aut si habet, sed non communiter notas, & aliàs qui habet ista officia nil de hoc cogitauit. Nam si probabiliter dubitet, tenetur si potest cessare ab illa operatione, aut quærere veritatem per se, vel per alios. Et si alicui ex officio incumbit

bit quærere leges per se illius officij, tenetur esse ita dispositus, vt sciat leges communiter occurrentes, an dubitare, & inquirere in casibus occurrentibus. Patet in Confessore, qui tenetur scire peccata, & circumstantias saltem mutantes speciem, & prudenter dubitare circa peculiare materias, & censuras Ecclesiæ, vt consulat doctos. Aliàs istorum ignorantia erit culpabilis: & si in particulari errent, peccabunt. Si tamen sint satis instructi modo dicto, & in casu particulari deficiant per obliuionem rerum, quas sciunt habitualiter, non imputatur eis ad culpam. Quia moraliter loquendo non possunt habere in promptu omnes veritates occurrentes circa singula negotia.

9 An vero deatur ignorantia inuincibilis legum, & præceptorum naturalium. Ad hoc dico. 1. Non admittitur ignorantia inuincibilis primorum principiorum naturalium, vt istorum; *bonum est faciendum, malum est vitandum*. Quia ista sunt coniunctissima naturali lumini intellectus practici: sicut prima principia speculatiua, v. g. *quodlibet est, vel non est*, sunt coniunctissima naturali lumini intellectus speculatiui. Imò nec datur ignorantia inuincibilis aliorum præceptorum naturalium, non ita vniuersalium, vt sunt præcepta colendi Deum, honorandi parentes, educandi filios, & similia. Quia ista facile deducuntur ex primis principijs, nec vlla ratio ea ignorauit.

Dico 2. Admittitur ignorantia inuincibilis aliorum præceptorum Decalogi, sed ad breue tempus. Quia ista sunt conclusiones deductæ ex dictis principijs: ergo requiritur tempus ad discurrendum, in quo possit esse ignorantia: licet ad breue tempus, cum deducantur immediatè ex illis principijs per euidentem consequentiam. Circa alia autem præcepta naturalia, quæ non immediatè, sed labore, & inquisitione deducuntur ex dictis principijs, potest esse ignorantia inuincibilis longo tempore: v. g. quod sit licita simplex fornicatio, aut vindictio iniuriæ. Licet ignorantia de fornicatione, aut de habendo plures uxores raro admittatur inter Christianos: cum de istis communiter doceantur. De alijs tamen, de quibus communiter non docemur, potest esse ignorantia inuincibilis longiori tempore, v. g. an aliquis contractus sit vsurarius. Et a fortiori datur ignorantia inuincibilis legis positivæ, & cuiusvis facti in particulari, etiam contra legem naturalem.

Dub. 5. *An lex pœnalis obliget in conscientia?*

1. Conc. Lex propriè pœnalis obligat in conscientia, nisi IO
oppositum exprimat. Pœna enim propria est ita connexa
culpæ, vt iusta non sit, nisi culpæ correfpondeat, iuxta D.
Thom. 1. 2. q. 87. art. 7. & 2. 2. q. 108. art. 4.

2. Quia proprietates inseparabiles à lege est obligare ad cul-
pam: vnde leges sub pœna vetantes venationem, scissionem
lignorum ex silua communi, non sunt propriè leges, cum non
obligent ad culpam, sed statuta quædam.

An pœna legum pœnalarum incurratur ante iudicis senten- II
tiam? Sit 2. Conc. Affirmatiua de pœnis priuatis, vt sunt
excommunicatio, suspensio, interdictum, priuatio vtriusque
vocis. Ita communiter *Thomista* 1. 2. *quæst.* 96. *artic.* 4. &
Bannes 2. 2. q. 62. art. 3. *dub.* 2. Secus sit de pœnis consilient-
ibus in actione, & passione, vt exilium, pœna pecuniaria.
Et de pœnis consilientibus in sola passione, vt pœna capitis,
abscissionis membri. Non enim tenetur reus ista subire ante
sententiam declaratoriam criminis, etsi in ipsis legibus dica-
tur de transgressoribus, ipso facto, absque alia declaratione
sint priuati officio, &c. Intelligitur enim hoc absque alia de-
claratione pœnæ: non tamen absque alia declaratione culpæ,
cui est imposita illa pœna. Ita communiter cum D. *Thom.* 2.
2. *quæst.* 62. art. 3. & *Bannes* ibi *dub.* 2. *Solu.* verb. *pœna*. In-
humanum enim esset, si reus occultus deberet se prodere, con-
demnare, & simul esse testis, iudex, accusator sui, & execu-
tor sententiæ. Nec est idem de pœnis priuatiuis. Quia per
istas v. g. per excommunicationem non priuamur bonis ha-
bitis, sed suffragijs, quæ ab Ecclesia nobis prouenire pote-
rant, & per suspensionem, & irregularitatem, non tollitur
potestas iam habita, sed solum impeditur vsus talis potesta-
tis: at per alias pœnas priuamur bonis iam habitis.

Dub. 6. *An legislator teneatur suis legibus?*

12

1. Conc. Legislatores particulares tenentur suis legibus vt
directiua, & coercitiua. Patet in Canonicis facientibus ali-
quod statutum, cui omnes subduntur: cum cœtus Canonicor-
um sit superior ad quemuis Canonicorum in particulari.

2. Conc. Legislator, qui non habet superiorem, non tene-
tur legibus non obligantibus omnes ex æquo, vt legibus ve-
stium. Bene tamen tenetur legibus obligantibus omnes, vt
legibus taxantibus pretia mercalium, non vi coercitiua, cum
à nullo puniri possit: sed vi directiua, vt ait D. *Thom.* 1. 2.

q. 96. art. 5. ad 3. Peccabit enim si violet tales leges. Ita ea, confidimus, 25. q. 1. Et l. digna, C. de legibus. Quia Papa, aut Rex per suam legem ponit rem præceptam, v. g. ieiunium in specie virtutis: ergo, &c. Sed sicut Papa, aut Rex possunt ex causa rationabili cum alijs, sic & secum in suis legibus dispensare: Hæc de legibus summam dicta sunt: alia enim multa circa hoc passim occurrent in sequentibus tractanda. Et quia transgressiones omnium legum sunt contra aliqua ex præceptis Decalogi, per istorum ordinem examinabimus earum malitiam.

PRIMUM PRÆCEPTVM DECALOGI.

Ego sum Dominus Deus tuus: Non habebis Deos alienos coram me: non facies tibi sculptile vt adores illud.

IN isto præcepto mandatur nobis Deum diligere, & colere. Quod maximè fit per virtutes Theologales, quales sunt fides, spes, charitas. Quæ dicuntur Theologales, quia habent Deum pro obiecto immediato: fides credendo in eum, spes sperando in ipsum, & charitas illum diligendo. Item colimus Deum per virtutem religionis. Et sic de istis virtutibus, & vitijs contrarijs, suo ordine dicemus.

ARTICVLVS I. DE FIDE.

D. Thomas 2. 2. q. 1. &c.

S V M M A R I V M.

Quid sit fides, num. 1.

An credere aliquid per fidem sit necessarium ad salutem; nu. 2.

In lege gratia tenemur omnes credere explicitè articulos fidei contentos in Symbolo, etiam ex præcepto diuino, num. 3.

Omnes Christiani ex præcepto Ecclesia tenentur scire memoriter

ter articulo fidei, & præcepta Decalogi, prout unicuique est possibile, num. 4.

Quid agendum Confessario cum poenitente, qui talia ignorat? num. 5.

Curati, Prædicatores, & Confessores tenentur explicatius scire mysteria fidei, num. 6.

An confiteri fidem sit necessarium ad salutem? num. 7.

An liceat Christianis in terris infidelium uti vestibus illorum pro saluanda vita? num. 8.

Quotuplex infidelitas, & an omnis sit peccatum? num. 9.

Quæ propositiones sint contra fidem? num. 10.

An blasphemia sit contra fidem? num. 11.

FIDES virtus Theologica est habitus supernaturalis, quæ I
certò credimus veritates à Deo reuelatas Ecclesia. Ad credendum enim fidei mysteria non sat est lumen naturale; sed infunditur nobis aliud lumen diuinus, utpotè, lumen fidei.

Dub. 1. *An credere aliquid per fidem sit necessarium ad salutem?* 2

1. Conc. D. Thomæ, q. art. 3. Adultus nequit saluari sine fide alicuius mysterij supernaturalis. Patet ad Hebr. 11. *Sine fide impossibile est placere Deo.* Et declaratur statim, quæ sint adultis in omni statu necessario credenda explicitè, & distinctè, dum subditur. *Accedentem ad Deum oportet credere, quia est, & inquirentibus se remunerator.* Ita D. Thom. art. 8.

2. Conc. In lege gratiæ tenemur omnes distinctè, & explicitè credere articulos fidei, prout in Symbolo continentur, non solum ex præcepto Ecclesiastico, ut patet in Conc. Brac. 2. sed etiam ex præcepto diuino. Et patet 1. Quia Apostoli ex præcepto Christi tenebantur docere explicitè omnes articulos fidei in Euangelio contentos, iuxta illud Christi, Mar. 16. ad Apostolos: *Prædicate Euangelium omni creaturæ;* ergo eodem præcepto tenentur fideles credere: aliàs frustra præceperetur Apostolis talium prædicatio.

2. Patet ex Symbolo Athanasij, ubi explicatis articulis diuinitatis, & humanitatis subditur: *Hac est fides Catholica, quam nisi quisque fideliter, firmiterque crediderit, saluus esse non poterit:* sed de omni actu nostro libero necessario ad salutem habemus præceptum diuinum: ergo.

3. Patet de omnibus articulis sigillatim. De quatuor primis

mis diuinitatis patet. Quia Deus trinus, & vnus est obiectum per se nostræ beatitudinis. De 5. patet. Quia ex præcepto diuino, & naturali tenemur exhibere cultum Deo pro nostra creatione, ergo tenemur explicitè credere Deum esse omnium Creatorem. De 6. patet. Quia tenemur scire esse præceptum diuinum de pœnitentia: sed nullus potest pœnitere sine spe veniæ, ergo tenemur explicitè credere Deum esse iustificatorem, & Saluatorem, & sic etiam credere explicitè vnā Sanctam Catholicam Ecclesiam, quæ est communio Sanctorum, id est, Congregatio fidelium, sub vno capite Christi Vicario, in quæ est Sanctitas, non solum quia in ea sunt multi iusti sibi inuicem in charitate communicantes: sed etiam quia habet Sacramenta sanctificantia. Tenemur etiam explicitè scire tria Sacramenta: vt potè Baptismum pro remissione originalis, & actualium peccatorum ante Baptismum commissorum, & Eucharistiam credendo sub speciebus panis, & vini, Corpus, & Sanguinem Christi, & non substantiam panis, & vini contineri, & pœnitentiam pro remissione actualium peccatorum post Baptismum commissorum. Et patet. Quia habemus præceptum diuinum de recipiendo ista Sacramenta, vt dicitur in suis locis: ergo ex iure diuino tenemur scire ista Sacramenta, & dispositionem ad recipiendum illa. Imò & alia Sacramenta, virtutem, & dispositionem ad illa, quando sunt à nobis recipienda. De 7. articulo, quo credimus Deum glorificatorem, ad quem spectat carnis resurrectio, animæ immortalitas, beatitudo parata bonis, & pœna malis, patet. Quia sine istorum fide, & cognitione non instituitur rectè vita humana. Illi enim de quibus Sup. 2. quia negabant substantiam istius articuli, dicebant: *Cornedeuamus, & bibamus, eras enim moriemur.*

De articulis humanitatis idem patet. Et quòd sit præceptum diuinum credendi explicitè solum Filium Dei esse incarnatum in vtero Virginis, & ex ea natum, mortuum esse, & surrexisse, est ita certum, vt oppositum sit hæresis. Et nota perpetuam Mariæ Virginitatem annecti articulo Incarnationis, & Natiuitatis, & sic eodem præcepto diuino est explicitè credenda, aliàs non ita acriter punirentur errantes in hoc, non admittendo eorum ignorantiam, & sic articulus Natiuitatis Christi ponitur ab Ecclesia cum ista explicatione Virginitatis Mariæ in partu, ante partum, & post partum. De alijs articulis humanitatis, etsi non sit ita certum esse de præcepto

cepto diuino illorum fides explicita ; est tamen securius id sentire. Quia Apostoli , qui in primordio Ecclesiæ prædicabant rudi populo, quæ tenebatur explicitè scire, docebant omnia ista : vt patet ad Ephes. 4. De descensu animæ Christi Verbo vnite ad inferos : & de eius Ascensione , dum dicitur . *Quod autem ascendit , quid est , nisi quia descendit primum in inferiores partes terræ ?* Et de sessione ad dexteram Patris patet Act. 2. vbi ait D. Petrus de Christo , *dextera Dei exaltatus , &c.* De aduentu Christi ad iudicium dicitur Act. 10. *Præcepit nobis prædicare , quia ipse est constitutus à Deo iudex viuorum , & mortuorum .*

Ex dictis sequitur . 1. esse erroneum , & damnatum in Direct. Inqui. 2. p. q. 10. quod sat est etiam in lege gratiæ credere in communi, quod credit Ecclesia . Et patet ex illo Marc. 16. *Prædicare Euangelium omni creatura , qui non crediderit condemnabitur .* 2. Sequitur, omnes Christianos ex præcepto Ecclesiæ teneri scire memoriter articulos fidei , sicut & præcepta Decalogi , prout cuique sit possibile . Quia d. 4. de consecrat. *C. baptizandos , & C. non liceat*, præcipitur, quod nulus baptizetur , nisi sciat Symbolum Apostolorum , & memoriter reddat , ergo à fortiori ad id tenentur baptizari . Sicut Religiosi professi potius , quam Nouitij tenentur scire suas leges . Sufficiet autem pro memoriæ labilibus, cum fecerint quod in se est , si interrogati , an talis , vel talis veritas sit de fide , vt si v. g. furtum sit contra aliquod præceptum Decalogi , sciant respondere veritatem . 3. Sequitur ignorantes ista non esse absoluendos, cum sint in malo statu . Nec tenentur Confessores eos docere tunc : cum non sit facile in tam breui spatio : sed differatur absolutio quousque ita sciatur : nisi alias poenitus sit in articulo mortis , tunc enim instruat de mysterijs magis necessarijs ad salutem : qualia sunt mysterium Trinitatis , & Incarnationis : dum tamen doleat de tali ignorantia , vt de alijs peccatis . 4 Sequitur , Quod licet detur ignorantia inuincibilis articulorum fidei in his , qui nec docentur in Ecclesia a Parochis , nec domi à parentibus , & si isti morentur tunc , saluentur cum fide mysteriorum primæ conclusionis : tamen ista ignorantia , maximè articulorum diuinitatis , & quatuor principum humanitatis raro admittatur . Quia doctrina Christiana , maximè articuli ab Ecclesia celebrati , vbique satis prædicatur , & omnes habent aliquam notitiam , qua saltem suos maiores interro-
gent,

gent, quid credere, & scire teneantur.

- 6 3. Conc. Curati, Prædicatores, & Confessores tenentur explicatius scire fidei myſteria, cùm teneantur alios docere illa, non ſingulos in particulari, cùm hoc ſit impoſſibile, vt ait *D. Thom. 3. par. q. 67. art. 6. 7. & 8.* Sed in communi in Eccleſia per ſe, vel per alium, aut ſuadendo parentes, vt iſta doceant filios, & famulos.

Dub. 2. *An confiteri fidem ſit neceſſarium ad ſalutem?*

- 7 1. Conc. Affirmatiua *D. Thom. q. 3. art. 1. patet ad Rom. 10. Corde creditur ad iuſtitiam, ore autem confeſſio ſit ad ſalutem.* Ex hoc patet, iſtam fidei confeſſionem eſſe in præcepto diuino: cùm de omni actu noſtro libero neceſſario ad ſalutem habeamus præceptum.

2. Conc. *D. Thom. art. 2.* Hoc præceptum eſt affirmatiuum, cùm non obliget ad ſemper, ſed pro loco, & tempore, &c. vt-
potè ſi periclitetur honor Dei, vel vtilitas ſpiritualis proximi, confeſteamur fidem etiam cum vitæ periculo. Nec licet verbo tenus negare fidem, aut negare verbo tenus eſſe Chriſtianum, & dicere eſſe alterius ſectæ etiam in ſecreto, & à perſona priuata quæſitus. D. enim Petrus à puella in ſecreto quæſitus negando ſe eſſe Chriſti diſcipulum, peccauit, licèt in corde veram retineret fidem. Ait enim Chriſtus, *Matth. 10. Qui me negauerit coram hominibus, negabo & eum coram Patre meo.* Imò in ſecreto publica auctoritate quæſitus, cuius Religioſis ſis, ſi taces, peccas mortaliter, vt ait *Chryſoſt. homil. 25. in Matth. & D. Thom. ad Rom. 10. lect. 2.* Secus ſi à perſona priuata quæſitus, taces. Quia tunc tacendo cenſeris paruipendere interrogationem: cùm non periclitetur honor Dei, ſicut in alijs caſibus. Sed nota, quòd quæſitus etiam publica auctoritate, an ſit Chriſtianus, non in odium fidei, ſed vt ſciatur tua religio, & mores, potes tacere, iamdè & aliquando negare etiam ſine mendacio. Sicut olim Hiſpani quæſiti ab Indis ſi erant Chriſtiani, negabant. Quia per Chriſtianum intelligebant Indi hominem rapacem, homicidam, &c. Ita *Bannes 2. 2. q. 3. art. 2.*

- 8 Dub. 3. *An liceat fidelibus in terris infidelium vti illorum veſte, aut ſigno pro ſaluanda vita?*

1. Conc. Peccas mortaliter vtendo veſte, aut ſigno inſtituto pro cultu alicuius ſectæ, vt apud nos ſunt veſtes ſacræ. Quia vtendo illa veſte exhibes cultum auctori illius ſectæ, etiam ſi ſolùm exterius illud facias, ſicut ſi metu mortis ſolùm exterius thuriſices idolum. Nifi aliàs illa facias non ad proteſtandum,
etiam

etiam exterius, illam sectam, sed potius ad eam detestandum. Sicut in Comedijs licitè utimur dictis vestibus, & thurificamus idola representando Sacerdotes idolorum.

2. Conc. Licet fideli uti infidelium signo, vel veste propria eorum ex more patriæ, aut ex lege instituta pro distinguenda religione, si aliàs non instat præceptum confitendi fidem. Quia ista nec significant religionem, sed nationem, nec qui talibus utitur proficitur illam religionem. Sicut & licet nautis affigere suis nauibus vexilla Saracenorum ad decipiendum eos. Et licet exploratoribus uti ad idem veste, & lingua Turcarum. Ita communiter *Thomista*, & *Bannes*, 2.2. q. art. 2.

Dub. 4. *An omnis infidelitas sit peccatum?*

9

1. Conc. *D. Thom.* 2.2. q. 10. art. 1. Infidelitas sumpta negatiuè, utpotè, eorum qui non audierunt Euangelium, non est peccatum. Patet ex illo Christi, *Ioan.* 15. *Si non venissem, & locutus eis fuissem, peccatum*, scilicet infidelitatis, *non haberent*. 2. Nullus tenetur ad impossibile, sed est impossibile cognoscere veritates fidei, sine reuelatione Dei: ergo.

2. Conc. *D. Thoma ibi*. Infidelitas contrariè sumpta, utpotè, non recipientis fidem sibi satis promulgatam, est peccatum mortale. 2. Qui deserit fidem in baptismo susceptam, aut discredet cum pertinacia alicui fidei articulo, sciens esse ab Ecclesia, ut de fide reuelatum, est hæreticus. Et est excommunicatus, ac incurrit alias hæreticorum pœnas, si explicat suum errorem verbis, aut signis externis etiam secretissimis. Secus fit contra Adrian. si retinet errorem in mente, tunc nec est excommunicatus, nec incurrit alias pœnas. Cum Ecclesia non iudicet de occultis, ut communiter docent *Thomista* 2.2. q. 11. art. 3. *D. Ant.* 3. part. tit. 24. cap. 4. *Caetan.* verb. *hæresis*, *Silu.* ver. *excommunicatio* 7. Et idem de illo, qui ex metu fingit se hæreticum verbo, aut facto, ut est communis sententia. Quia excommunicatio, & aliæ pœnæ feruntur contra hæreticos; ergo non sunt extendendæ ad fictos hæreticos. Alias blasphemi essent excommunicati, dum verbis tribuunt Deo, quod ei non conuenit, & lenones dum vocant mulierculas Deos suos. 3. Qui cum plena deliberatione dubitat de veritate alicuius articuli fidei, est infidelis. Ita C. 1. de hæret. Secus fit si sine plena deliberatione titubauit, aut vacillauit in hoc, vel si tentatus in fide suspendit iudicium.

3. Conc. Inter propositiones contra fidem, ut patet ex *10 Conc. Constant. sess. 8.* Alia est hæretica, utpotè, quæ clarè constat

stat contrariari fidei, vt ista: *Christus non est Deus*. Alia est erronea, quæ est contraria veritati fidei, sed non ita clarè ex defectu euidentis testimonij, quo illud probetur, & in hoc sunt gradus. In 1. gradu sunt propositiones contrariæ conclusioni Theologicæ illatæ per euidentem consequentiam ex fidei principijs, vt ista: *Christus non est risibilis*, Imò istæ sunt proximæ hæresi. In 2. gradu sunt propositiones contrariæ doctrinæ Catholicæ vniuersaliter edoctæ in Ecclesia, vt istæ, *Monachi suo labore tenentur victum comparare. Orationes applicata per Prælatos, & Religiosos pro aliquo specialiter, non plus illi profunt, quam si in communi pro eo offeruntur*. In 3. gradu sunt propositiones contrariæ doctrinæ, de qua sapientes vehementer censent, quod sit veritas fidei. In 4. gradu sunt propositiones, quæ iuxta sententiam probabilem, & quasi necessariam iudicantur contrariari alicui veritati fidei, vt ista, *Pueris in baptismo non datur gratia*, quæ videtur contrariari isti veritati de fide, pueri mundantur in baptismo à peccato originali. Alia est propositio sapiens hæresim, quæ licet possit habere bonum sensum, tamen ex circumstantijs temporum, & personarum habet saporem hæresis: vt ista propositio, *fides iustificat*, in D. Paulo est Catholica: & prolata à Lutherano tenente solam fidem sine charitate iustificare, sapit hæresim. Alia est propositio male sonans, & pium aurium offensua, de quo non datur certa regula, sed arbitrio sapientum relinquitur, vt istæ: *Imperatores errarunt docendo Ecclesias bonis suis. Magisteria sunt vana Gentilitatè introducta*. Alia est propositio temeraria, vtpotè, asserens aliquid in materia fidei contra communem Ecclesiæ opinionem, sine magna autoritate, vt quod Beatissima Virgo non sit in cælum cum corpore assumpta. Alia est propositio scandalosa, quæ licet possit habere bonum sensum, tamen generat scandalum in audiente.

4. Conc. Idololatra baptizatus credens idolum esse Deum, & vt sic colens ipsum, est hæreticus, & incurrit hæreticorum pœnas. Quia cum habeat errorem in intellectu, satis illum explicat illo cultu externo. Idololatra verò externus tantum, qui metu mortis, vel curiositate, vel ex quadam impia voluptate afficitur tali cultui, vt faciunt lamæ, non est hæreticus, cum non habeat dictum errorem in intellectu. Est tamen verè idololatra cum voluntariè colat idolum, & incurrit excommunicationem latam à Ioan. 22. vt habetur in
 Direct.

Direct. Inquis 2 par. q. 34. & alias pœnas hæreticorum , præter confiscationem bonorum .

Dub 5. *An blasphemia sit contra fidem ?*

II

1. Conc. Peccat mortaliter contra fidem blasphemus tribuendo Deo quod ei non conuenit, vt si dicat, Deum pœnitere, aut tollendo à Deo quod ei conuenit, vt dicendo Deum non esse omnipotentem ; aut per vitam Dei , idest, Deus non habeat vitam, aut tribuendo creature, quod est proprium Dei, vt si dicas eam aliqua creasse. Ista etiam locutio, *hoc est verum, sicut Deus est veritas*, erit blasphema, si dictio, *sicut*, dicat æqualitatem : ita quod velis adæquare tuam veritatem veritati diuinæ. Secus si dictio, *sicut*, dicat proportionem, ita vt intendas, quod sicut Deus est veritas, quod tu dicis, suo modo sit veritas . Illa etiam locutio, *de Deo renego*, est solum blasphemia . Quia etsi qui illam profert, videatur apostata, cum totam fidem negare videatur : hoc tamen profert verbo tenus, & ex ira, nam in corde veram retinet fidem . Alia est blasphemia hæreticalis, quæ significat aliquem errorem contra fidem, vt si dicas, *Deus non habet prouidentiam, aut est iniustus, quia me fecit pauperem, aut similia* .

2. Conc. Blasphemix peccatum committitur in Sanctos, vel tribuendo eis, quod eis non conuenit, vt dicendo, pœniteat S. Petrum, aut negando eis, quod eis conuenit, vt dicendo, per vitam S. Petri, idest, non habeat vitam S. Petrus, si hoc ita non sit ; aut nominando per modum conuiuij pudenda membra Sanctorum .

3. Conc. *D. Thom. 2.2 q. 13. art. 2.* Blasphemia est peccatum mortale, ex genere suo ; & solum fit peccatum veniale ex inaduertentia, & indeliberatione. Ita *D. Thom. ad 3.*

ARTICVLVS II. DE SPE .

D. Thom. 2.2. q. 17.

S V M M A R I V M .

Definitio Spei, & eius præceptum, num. 1.

Vitia opposita Spei, num. 2.

DVB. *Quid sit Spes ?*

1. Concl. Spes virtus Theologica est habitus, quo certò speramus beatitudinem ex auxilio Dei . Itaque spes respicit Deum, vt finem, quem speramus assequi, & vt causam

I

sam

ſam efficientem, cuius auxilio ſperamus ipſummet aſſequi.

2. Conc. De Spe habemus præceptum diuinum. *Pſal. 4. Sperate in Domino.* 2. Spes eſt diſpoſitio ad iuſtificationem, vt dicitur in Conc. Trid. *ſeſs. 6. c. 6.* Sed omnis actus neceſſarius ad ſalutem exiſtens in noſtra facultate, eſt nobis præceptus: ergo & actus ſpei.

3. Conc. Præceptum ſpei eſt affirmatiuum; & ſic non obligat ad ſemper, ſed pro loco, & tempore, &c. Vtpote cum veneris ad uſum rationis, referes te in Deum, & ſperabis ab eo gratiam, & gloriam, & etiam in articulo mortis, & quoties inſurgunt motus deſperationis, & aliquoties intra annum, vt dicemus de Oratione in 3. præcepto

2. 4. Conc. Contra ſpem peccas primo deſperando impetrare veniam peccatorum, & gloriam. 2. Sperando in creatura, ſicut in primo mouente ad beatitudinem, dicitur enim Hierem. 17. *Maledictus homo, qui confidit in homine.* Poſſumus tamen ſperare in creatura, vt in ſecundario mouente, & iuuante ad beatitudinem, & ad hoc inuocamus Sanctos: & Beatiſſima Virgo dicitur ſic ſpes noſtra. 3. Pecces contra ſpem per præſumptionem: quando putas tuis meritis ſine gratia Dei poſſe aſſequi beatitudinem, aut quando cum confidentia impetrandi veniam peccatorum perſeueras ſine pœnitentia uſque in ſenectutem, aut horam mortis.

4. Contra ſpem peccas non ponendo in laboribus confidentiam in Deo, aut ſi non ſperas quando inſurgunt tentationes deſperationis, & maxime in articulo mortis, tunc enim ſperanda eſt venia, gratia, & gloria.

ARTICVLVS III. DE CHARITATE.

D. Thomas 2. 2. q. 23.

S V M M A R I V M.

Quid ſit charitas, & quis ordo ſeruandus in charitate: num. 1. Quando peccat homo contra dilectionem proximi, & quomodo debeat ſe gerere cum ſuo inimico? num. 2.

I **C**haritas virtus Theologica eſt habitus, quo Deum diligimus ex toto corde, ex tota anima, & ex totis viribus, & proximum ſicut nos ipſos. Et eſt ordo in charitate. Primò, tenemur Deum ſuper omnia diligere, omittendo omnia ob ipſum, & ob obſeruantiam ſuorum mandatorum.

De-

Deinde secundum naturam spiritualem debemus nos magis, quam proximum diligere. Debes tamen ex charitate subire damna corporalia ob bonum spirituale proximi; iuxta *D. Tho.* 2. 2. q. 26. art. 4. ad 2. Tenemur enim in extrema necessitate spirituali proximi exponere vitam periculo pro subueniendo ei: sicut deceptum ab hæreticis in articulo mortis, teneor si possum docere veritatem, etiam cum vitæ periculo: magis enim est à nobis diligenda vita spiritualis proximi, quam corpus proprium, ut ait *D. Thom.* art. 5. Sed extra extremam necessitatem non tenetur homo particularis exponere vitam periculo, aut magnam substantiam pro vita spirituali proximi: bene tamen pati aliquod damnum. Secus fit de Episcopis, & Curatis, qui extra extremam necessitatem tenetur sæpè subuenire subditis, cum periculo vitæ, & bonorum. Nunquam tamen tenemur exponere vitam pro vita corporali proximi, nisi aliàs proximus sit maximè necessarius pro Reip. conseruatione. Quia tunc exponitur periculo pars pro toto.

Dub. *Quando peccat homo contra dilectionem proximi?*

2

Conclusio: Homo peccat contra dilectionem proximi.

1. Odio illum prosequendo, iuxta dicenda in 5. præcepto.
2. Non exhibendo ei, etiam aliàs inimico, communia signa dilectionis. V.g. orationes, & beneficia impensa toti communitati, tunc peccas contra charitatem ob odium, & scandalum; & contra iustitiam distributiuam tollendo ab eo sic debitum.

Quia ut pars communitatis habet ius fruendi beneficijs communibus: licet enim non tenearis, tuam substantiam distribuendam relinquere, si tamen facis, teneris seruare distributionis formam: nisi aliàs sis iudex, aut Prælatus, & illum excipis in pœnam delicti. Aut nisi beneficium fit multis de communitate, relictis alijs, nec amicis, nec inimicis. Ita *Bannes*

2. 2. q. 25. art. 9. dub. 3.

3. Peccas non exhibendo proximo signa honoris consueta ex more patriæ, si aliàs illa exhibeas, & modo ob inimicitiam omittis: Hæc enim, ait *Bannes*, censetur vindicta, & peccatum mortale.
4. Peccas mortaliter ob scandalum, non salutando inimicum salutantem eo modo, quo salutabas, quando non erat inimicus.
5. Teneris conuersari cum inimico ob vitandum scandalum breuiter in publico cum salutando, & cauendo à frequenti conuersatione, ut vites periculum peccandi, si adsit, ut ait *Bannes* dub. 2. Secluso tamen scandalo, non teneris cum eo conuersari, etiam ante conuersa-

B

retis.

reris. 6. Inimico petenti veniam ostendes signa dilectionis, iuxta personæ conditionem. Non tamen teneris condonare pœnam pecuniariam iustam pro damno, aut aliter tibi debitam. Difficillimum autem videtur non condonare pœnam corporalem, & carere odio, seu appetitu vindictæ; nisi alias familia offensi sit iustamata, si inimicus non punitur. Ita *Ban. dub. 5.*

ARTICVLVS IV. DE RELIGIONE.

D. Thomas 2. 2. q. 81.

S V M M A R I V M:

Quid sit Religio, num. 1.

Peccata contra Religionem, num. 2.

Regula ad cognoscendum pactum implicitum cum Dæmone in incantationibus, & veneficijs, num. 3.

- 1 **D** V B. *Quid sit Religio?*
 1. Conc. Religio virtus moralis, & pars potentialis iustitiæ habet pro obiecto cultum Dei, & eius munus est colere Deum pro beneficio creationis, conseruationis, gubernationis, &c.
- 2
 2. Conc. Peccas contra istam virtutem. 1. Colendo Deum cultu falso, vt cæremonijs Iudæorum, aut Saracenorum. 2. Colendo Deum cultu superstitioso, vtpotè superfluitatibus. Et licèt hoc regulariter sit peccatum veniale, tamen canere in Ecclesia turpes cantilenas est peccatum mortale. Ita *Gaietanus, & Medina in Summa.*
- 3
 3. Peccas incantationibus, & veneficijs. Et hoc peccatum est grauissimum, cum in istis adsit pactum saltem implicitum cum Dæmone. Et vt hoc cognoscatur, ponit *Gaiet.* verb. *incantatio* aliquas regulas, ex *D. Tho. 2. 2. q. 96. art. 2. & 4.* 1. Si ponitur aliqua conditio vana, vt necessaria: vt si ponitur virtus in verbis sacris, si sint scripta in pelle, aut tali hora, & similia, quæ nec ad Dei cultum, nec ad rectam spectant rationem. Ista enim vana ponit Dæmon sicut cæremonias, quibus ipse colitur. 2. Si ad effectus naturales ponis signa, aut verba, nullam vim naturalem habentia ad illos effectus, talia verba, aut signa referuntur ad Dæmones illa intelligentes. 3. Si ponas nomina incognita, aut obscuræ significationis. 4. Si me-

dijs

dijs naturalibus intendas effectus mirabiles , aut excedentes virtutem agentium naturalium : sicut scire secreta cordium : sanare citò hominẽ , aut animal, tunc Dæmon comprehens virtutem herbarum , &c. nobis nil videntibus , applicat actiua passiuus, & sic sanat . 5. Regula . Si intenditur finis vanus , & impertinens , vt motio annuli dicendo verba Sacra , virtus enim diuina non facit inutilia . 6. Si verbis veris miscentur falsa , aut res apocriphæ , & incertæ , & hoc peccatum veneficiorum semper est mortale ob dictum pactum . Excusabitur tamen quis ex ignorantia talis pacti credendo bona fide esse licitum , dum non monetur de veritate .

4. Peccas contra Religionem diuinando futura nullam cum causis naturalibus connexionem habentia . 5. Peccas tentando Deum , vt si petas à Deo miraculum sine necessitate : aut quòd faciat aliquid via extraordinaria , cum possit via fieri ordinaria . Secus si petas à Deo , vt per bona media ostendat tibi suam voluntatem , vt eam impleas .

Vota , iuramenta , obseruantia festorum , sunt etiam actus virtutis Religionis , sed de istis dicetur in 2. & 3. præcepto .

SECUNDVM PRÆCEPTVM DECALOGI.

Non assumes nomen Domini Dei in vanum , &c.

Hic vetantur iuramenta sine debitis circumstantijs facta . Et huc etiam reducuntur vota , de quibus agemus in hoc præcepto .

ARTICVLVS I. DE IVRAMENTO.

D. Thomas 2. 2. q. 89.

S V M M A R I V M.

Quid, & quosuplex sit iuramentum, num. 1.

Quando iuramentum assertorium sit licitum, num. 2.

Iuramentum assertorium factum sine veritate semper est peccatum mortale, etiam in materia leui, num. 3.

Iuramentum verò promissorium, dum res promissa iuramento est pignora, obligat solum sub veniali, num. 4.

B 2 Qui

Qui iurauit soluere vsuras, an teneatur sub mortali eas soluere, num. 5.

Iuramentum promissorium ex defectu iustitia, est peccatum mortale ex suo genere, num. 6.

Iuramentum de re impeditiua maioris boni, si fiat Deo, est nullum, secus si fiat homini, num. 7.

Item iuramentum promissorium rei bona ob malum finem, est nullum, si malus finis intret obiectum promissum, num. 8.

An iuramentum extortum metu cadente in constantem virum obliget? num. 9.

Quid de voto, & matrimonio facto ex tali metu, num. 10.

Iuramentum assertorium factum sine intentione iurandi, est peccatum mortale per se loquendo, num. 11.

Idem dicendum de eo, qui scitè iurat promissoriè, si aliàs iure tenebatur, num. 12.

Peccat etiam mortaliter, qui iurat promissoriè cum animo iurandi, sed non obligandi se, etiam si id faciat coactè, num. 13.

An consuetudo iurandi sit peccatum? num. 14.

An liceat petere iuramentum ab eo, quem scio periuraturum? num. 15.

An iuramentum promissorium sit dispensabile, & à quo? n. 16.

Episcopi possunt relaxare omnia iuramenta non votiuia, nec ordinata ad bonum tertij, etiam perpetua castitatis, peregrinationis Romanae, &c. num. 17.

I D V B. *Quid, & quotuplex sit iuramentum?*

1. Concl. Iuramentum est assertio diuino testimonio confirmata. Et iurare, est Deum in testem adducere, vel explicitè, vt dicendo, iuro Deum; vel implicitè, vt si iures per creaturas, tunc enim non iuras per illas adducendo eas in testes infallibiles veritatis; quasi tribuendo eis diuinitatem: quia sic iurare esset blasphemum, sed iuras per creaturas, vt in eis representatur Deus, & sic implicitè inuocatur in eis Deus. Imò si iures per creaturas, sine respectu ad Deum, nec eas adducendo, vt obiectum in quod exerceatur diuina iustitia, nec vt testes infallibiles: sed vt tales quales ipse sunt, nec iuras, nec peccas, vt si dicas, *giuro al Soto*. Quia sic iurantes, potius id faciunt, vt vitent iuramenta. Ita *Nauiar. cap. 12. nn. 5. ex mente Dini Thoma*.

Ex dictis patet, ista verba: *in bona fide, in mea conscientia, in mea anima*, iuxta aliquos non esse iuramenta, vt patet ex sensu,

sensu, qui talis est, *iuro in fide boni viri*, idest, loquor vt decet bonum virum: iuro in mea conscientia, idest, loquor, quod scio esse conforme meæ conscientiæ. Imò nec ista verba, iuro per meam conscientiam, per meam animam, per meam fidem, sunt iuramenta: sed idem sonant, quod priora verba, nisi aliàs intendas Deum inuocare in istis creaturis. Ita *Ledesma tract. 11. de iuramento, cap. 1* contra Soto. Ista autem verba, *viuit Deus, Deus est veritas, coram Deo loquor, Deus scit*, sumptâ enunciativè non sunt iuramenta, secus si sumantur inuocativè, vtpotè inuocando diuinam præsentiam, vel scientiam, &c. in testimonium asserti. Ita *Ledesma, & Caiet. 2. 2. q. 89. art. 1.* Et vt verè iures, non est necesse scire Deum adduci in testem per iuramentum, sed sat est, si intendas facere, quod alij faciunt, quando iurant.

2. Conc. Iuramentum, aliud est assertorium, quo confirmatur veritas præsens, aut præterita, aliud promissorium, quod respicit aliquid in futurum implendum; aliud, quo adducitur diuinum testimonium per simplicem contestationem; aliud execratorium, vbi inuocatur Deus per modum punientis, aut præmiantis, vt dicendo, Deus non det mihi vitam, si hoc ita non sit. Qui verò maledicit se in testimonium mendacij, solo peccato periurij peccat: cum ibi non reperiatur vera maledictionis ratio. Sic enim iurans non habet animum, vt sibi eueniat maledictio, sed solùm peierat, iurando falsum.

Dub. 2. *An sit licitum iuramentum assertorium?*

2

1. Conc. Iuramentum assertorium, veritate, iustitia, & necessitate factum, licitum est. Patet *Deuter. 6. Dominum tuum timebis, & per nomen illius iurabis*. Patet etiam exemplo sanctorum. Abraham, *Gen. 21*. Iacob *Gen. 31*. Moyses *Exod. 2. & D. Paulus* in suis Epistolis sæpè iurant. Et aliquando tenetur homo iurare, vt pro bono communis, vel innocentis. Quia verò dictæ conditiones regulariter non reperiuntur omnes in iuramentis, non licet multiplicare illo. Et sic in Sacra Scriptura sæpè reprehenduntur iurantes. *Ecl. 23. dicitur, Iurationi non assuescat os tuum*. Et iterum: *Vir multum iuranti, implebitur iniquitate, & non discedet à domo eius plaga*.

2. Concl. Iuramentum assertorium ex defectu necessitatis est peccatum veniale, cum tunc parua fiat irreuerentia Deo. Sed ex defectu veritatis, semper est peccatum mortale, etiam si iuretur leuissimum mendacium, cum in eo summa veritas Deus adducatur in testem mendacij, in quo ei maxima irro-

3

B 3 gatur



gatur iniuria. Ita communiter cum *D. Thom. 2.2. quest. 98. art. 3. ad 2.*

4 Dub. 3. *An sit licitum iuramentum promissorium?*

1. Conclusio. Iuramentum promissorium veritate, iustitia, & iudicio, seu prudenti consideratione factum, est licitum, & obligat sub mortali ex genere, vt est communis sententia. Si tamen res iuramento promissa sit parua, etsi sit totalis materia iuramenti, obligat sub veniali. Ita *D. Antonin. 2. part. tit. 10. cap. 4. §. 1. Silu. verb. Iuramentum 4. Soto 8. de iustitia q. 1. art. 7. & Ledesma cap. 3. de iuram. contra Caietan. 2. 2. q. 89. art. 7. & Nauar. in Man. cap. 12. num. 10.* contrarium asserentes de iuramento, cuius totalis materia est leuis, ob reuerentiam diuini nominis. Sed conclusio patet. Si res iuramento promissa est mala, tollitur omninò obligatio promissionis iuratæ: ergo si sit parua, minuitur obligatio. Aliàs nater iurans punire puerum, quando non multum expedit, aut dare ei pomum, peccaret mortaliter non implendo: cum ibi interueniat reuerentia diuini nominis, quæ est ratio Caietani. Quod nullus admittit. Imò, qui vrbauitatis causa iurant, se non præcessuros alios in via, non peccant, etsi non impleant. Sic enim intelliguntur ista iuramenta, quòd quantum est ex affectu iurantis non præcedent in via.

5 Si arguas. Qui iurat soluere vsuras, tenetur sub mortali eas soluere ob reuerentiam diuini nominis, & non ob promissionem, vt dicitur *cap. debitores, de iureiuran.* ergo etiam ob reuerentiam diuini nominis, erit danda sub mortali res iurata aliàs bona, etsi sit parua, si sit totalis materia iuramenti. Aliàs enim qui iurauit dare centum, & soluit nonaginta, integrè solui moraliter, etsi non mathematicè. Ad hoc dico teneri istum soluere vsuras, non solum ob reuerentiam diuini nominis, sed etiam quia voluntariè eas iurauit, & sic si vsuræ sunt materia grauis, erunt soluendæ sub mortali; & si sint materia leuis, sunt soluendæ sub veniali, cum aliàs ex parte mutuatarij solutio vsurarum sit bona, licèt ex parte vsurarij sit iniqua.

6 2. Conclusio. Iuramentum promissorium ex defectu iustitiæ, est peccatum mortale ex genere. Nam si sic iurans non habet animum implendi iuramentum quando iurat, erit periurus mortaliter, cum deficiat veritas iuramento, quæ est animus implendi. Et committit aliud peccatum mortale, quod est iurare promissorio rem, quæ est peccatum mortale inten-

intendendo se obligare ad illud . Et si res promissa sit peccatum veniale , erit pro hac parte peccatum veniale cum priori mortali . Si autem habet animum implendi, dupliciter etiam peccatum mortale, & intendendo obligare se per iuramentum ad peccandum mortaliter , & habendo intentum peccandi mortaliter ; nisi aliàs res iurata sit peccatum veniale . Quia tunc peccabit duplex peccatum veniale ; vt ait *Soto, & Caiet.* 2. 2. q. 89. art. 7. Et si cum tali intentione iures rem indifferentem , vt potè , nec bonam , nec malam , peccas venialiter , nec teneris iuramento , cum res promissa sit vana , & impertinens .

3. Conclusio . Iuramentum promissorium de re impeditiua maioris boni , vt de ducendo vxorem , aut de non intrando Religionem , si sit Deo , est nullum , cum ei non offeratur res grata . Secus si sit homini , vt si iures patri , quem alere teneris , non intrare Religionem , aut si iures , perpetuò seruire hospitali , intendendo eius vtilitatem . Quia verò hoc iuramentum fit regulariter ob reuerentiam Dei , potest sic iurans intrare Religionem : Quia intentio sic iurantis est , se velle seruire hospitali , dum non ascendit ad altiore statum .

4. Conclusio . Iuramentum promissorium rei bonæ ob malum finem, vt eleemosynæ ob vanam gloriam, vbi malus finis intrat obiectum promissum , ita vt tota hæc eleemosyna ob vanam gloriam promittatur , est nullum & peccatum, cum sit de re mala . Et idem est de iuramento rei bonæ ob assequendum malum finem , aut in gratiarum actionem , pro malo fine assecuto : vt pro occisione inimici . Sic enim iurans protestatur Deum esse auctorem peccati . Si verò malus finis habet se tantum , vt motiuum ad iurandum , valet iuramentum , & obligat . Et idem de iuramento rei bonæ, cui malum iungitur , vt dicitur de simili voto .

Dub. 4. *An iuramentum metu cadente in virum constans, tem extortum , obliget ?* Et idem de voto .

1. Conclusio . Iuramentum, sicut & matrimonium, & votum factum ex metu illato ab intrinseco , vt potè ab infirmitate , vel à causa extrinseca naturali , vt à tempestate , obligat : Et idem est si sit ex metu illato iuste à causa libera . Vt si mulier deprehensa in adulterio cogitur iurare , aut vouere Religionem . Ita *Silv. & Med. in Sum.* contra *Soto, d. 39. q. 3. art. 3. & Luden. l. op. 1. p. 152. cap. 45.*

- 10 2. Concl. Votum sicut & matrimonium factum ex metu cadente in virum constantem illato iniuste à causa extrinseca, stando in iure naturali, aut diuino, valet, ob voluntarium simpliciter ibi repertum, & sufficiens ad omnem contractum, & ad peccandum mortaliter. Ita *Silv* verb. *metus Suarez lib. 1. de voto, cap. 7. num. 12. Aragon. & alij contra Soto 7. de inst. q. 2. art. 1. ad 2. nouissimè Raphael de la Torre q. 88. art. 3. d. 11 cum D. Bonan. Panor. Angl. & Nauar.* Sed stando in iure Canonico irritatur in cap. *Pralatum*, ca. *Abbas*, cap. *ad audientiam*, de *ijs, qua vi, &c.* & in Conc. Trid. *sess. 25. c. 19. & Soto, & Medin. in Sum.* Non verò irritatur in iure iuramentum illo modo factum: sed ob reuerentiam diuini nominis est implendum, dum res iurata non est illicita, iuxta *c. si vero, c. verum, de iureiuran.* vt si iuro, latroni minanti mihi mortem, dare centum, teneor implere iuramentum, dum non relaxatur. Ita *D. Thom. & communiter Theologi, & Iurista.* Illo verò iuramento impleto possum repetere donatum, etsi iurassem non repetere, aut non denuntiare de hoc, iuxta *cap. ad nostram 2. de iureiuran. cum glos.* cum hoc iurare sit illicitum, vt ait *D. Thom. art. 7. ad 3.* vergeret enim in deteriorem exitum; ait *D. Thom.* cum sit contra iustitiam publicam.

- 11 Dub. 5. *An iuramentum sine intentione factum sit licitum?*

1. Conclusio. Iuramentum assertorium factum sine intentione iurandi est peccatum mortale ex genere. Ita *Silv.* verb. *Iuramentum 4. Ledes. tract. de iurament.* Deficit enim tunc finis iuramenti, vtpotè confirmatio veritatis. Et sic actus iste, vt ait *Caiet. artic. 7.* est perniciosus toti generi humano, in quo illuditur diuino testimonio, & tollitur conuictus humanus. Non enim daretur fides iurantibus timendo, ne iurent cum tali dolo: ergo sic iurans etiam coactè, peccat. Quia si tenearis iurare tunc, vtpotè iuridicè interrogatus, & iuras sine intentione, etiam verum, peccas mortaliter cum non impleas præceptum Superioris respondendo sub vero iuramento, vt iussus es. Et si non tenearis iurare, & iures sine dicta intentione, solum peccas venialiter. Cum tunc parua fiat irreuerentia Deo, nec alicui sequatur notabile damnum. Ita *Ledesma, & Soto 8. de iustitia, q. 1. art. 7. contra Caietam. 2. 2. q. 89. art. 7. dub. 1.*

- 12 2. Concl. Qui voce tenus, & sine animo iurandi iurat promissionè, peccat mortaliter, si alias iurare tenebatur, vt ait *Soto.*

Soto. Sed non tenetur implere, ut ait *Silu. Nauar. & Soto*, nisi ad sit scandalum, aut damnum tertij. Quia si virgini iuras etiam fictè, aut etiam sine iuramento promittis nuptias, etiam fictè, ut ea potiaris, teneris implere. Ita *Diuus Thomas 2. 2. q. 89. art. 9. ad 4.* Qui verò iurat alteri aliquid dare, habens in animo, si illud debuero, nec peccat, nec tenetur dare, si non debet. Ita *Silu. verb. Iuramentum, num. 4. & Nauar. in Manual. cap. 12. num. 14.* Et sic excusat iste, *num. 18.* illos qui quæsti an habeant aliquam rem, etsi habeant, iurant quod non, intelligentes in animo suo non habere ad dandum illam, non enim peierant, contra *Silu. Ludou. Lop 1. par. cap. 42. & Ledesma*, non admittentes talem æquiocationem, cum non sit in communi vñu hominum. + *Et sic damnata ab Inn: xi.*

3. Conclusio. Qui iurat promissoriè cum animo iurandi, sed non obligandi se, peccat mortaliter, etiam si iuret coactè, ut ait *Silu. Armil. & Ledesma*, cum hic fiat iuramentum, & adducatur Deus in testem, & cum mendacio, utpotè siue animo obligandi se. Ita *Caietan. iuxta cap. in dolo 22. q. 2. cum glos.* & tenetur implere promissum, si sit licitum; nisi aliàs ignoret obligationem esse intrinsecam iuramento. Quia tunc nec peccat sic iurando, nec obligatur iuramento, sicut idem dicitur de simili voto. Ex hac conclusione sequitur a fortiori, iuramentum promissorium de re bona factum ab aliquo cum animo iurandi, & obligandi se, non autem implendi promissum, obligare, etsi sit peccatum mortale sic iurare, etiam si aliàs res iuramento promissa sit mala mortaliter, ob defectum veritatis requisitæ pro iuramento promissorio: duplex enim veritas requiritur pro iuramento promissorio, vna intentio iurandi, & obligandi se, altera intentio implendi iuramento promissum. Ita *Caiet 2. 2. q. 89. art. 7.*

Dub. 6. An consuetudo iurandi sit peccatum?

1. Conclusio. Consuetudo iurandi indifferenter verum, aut falsum, non est peccatum, sed imputatur ad peccatum, si non vis eam retractare, cum tunc velis saltem virtualiter permanere in occasione proxima peccandi, nec es absolvens. An peccet, qui cum tali consuetudine iurat inaduertenter. sit.

2. Conclusio. Iuramentum falsum procedens ex ista consuetudine, etiam inaduertenter, erit peccatum mortale, in eo, qui per potentiam non retractauit istam consuetudinem. Ita *Caiet. 2. 2. quæst. 93. art. 2. ad 2. Visitor. & Ledesma tracta*

de iuram. licet enim iuramentum hoc non sit volitum in se, est tamen volitum virtualiter in illa consuetudine: sicut peccata ebrij prauis, & volita in ebrietate. Secus sit si post penitentiam de illa mala consuetudine iures falsum inaduertenter, cum iam illud iuramentum nec sit volitum in se, ut patet; nec in illa consuetudine, cum feceris totum posse ad eam tollendam. Dixi, quando iuramentum falsum procedit ex consuetudine non retractata, quia si procedit ex motu naturali, qui est primo primus, non erit peccatum, cum nec volitum villo modo. Ita *Soto 8. de iustitia, quest. 2. art. 3. ad 2. in 3. dicto*. Qui enim habet consuetudinem non necessitatur ad operandum semper ex illa, sed tunc consuetudo habet se concomitantem, & sic nec accusat, nec excusat, sed relinquit actum in sua natura.

3. Conclusio. Iuramentum verum procedens inaduertenter ex dicta consuetudine non retractata; est peccatum mortale in habente consuetudinem indifferenter iurandi verum, & falsum, ob periculum iurandi falsum. Secus in non habente consuetudine mentiendi, aut iurandi falsum. Ita *Ledesma cap. 5. de iuram. cum Soto*. Quia tunc nec adest periculum, nec virtualis intentio iurandi falsum ob istam consuetudinem.

15 Dub. 7. *An liceat petere iuramentum ab eo, quem scio periuraturum?*

1. Conclusio. Iudex potest, imò & tenetur petere tale iuramentum ad instantiam partis.

2. Conclusio. Persona priuata peccat mortaliter tale iuramentum petendo etiam per iudicem. Ita *D. Thom. 2. 2. q. 98. art. 4. Soto, & Ledesma*. Quia sic inducit alterum ad peccandum sine utilitate. Nec est idem de petente mutuum sub usuris ab usurario parato, nec de petente iuramentum à parato iurare per falsos Deos: Quia in his petitur aliquod bonum vtile petenti, utpotè mutuum, & veritatis confirmatio, cui iungitur peccatum ex malitia mutuantis, aut iurantis, sine eo quòd à petente intendatur: ac in periurio nil boni reperitur, sed totum est peccatum.

16 Dub. 8. *An iuramentum promissorium sit dispensabile, & à quo?*

1. Conclusio. Iuramenta votiua, utpotè, quæ fiunt Deo, & intuitu colendi ipsum, eo modo, & ab eisdem relaxantur, dispensantur, ac commutantur sicut similia vota,

Ita

Ita communiter . Et de istis votis ita intelligitur *Soto 8. de institutis quest. 1. art. 9.* Et intelligitur conclusio etiam de iuramentis votiuis mediata ordinatis in commodum tertie personæ, sicut iuramentum dandi eleemosynam, contra Sæ, verb. *votum* .

2. Conclusio . Iuramenta non votiua , vtpotè facta in favorem tertij , ab isto solo relaxantur , seu commutantur , aut ab habente super istum , aut supra iurantem , aut supra rem iuratam potestatem dominatiuam . Imò & Prælati , & Principes possunt indirectè relaxare iuramenta subditorum , vetando , v. g. aliquem contractum , & annullando iuramentum factum de illo .

3. Conclusio . Iuramenta non votiua aliàs non ordinata in commodum tertij , vt iuramenta ieiunandi , castitatis , aut Religionis , possunt relaxari ab Episcopo . Ita *Ledesma c. 4. de iuram. contra Caiet. 2. 2. q. 89. art. 9.* quem *Torres ibi* , & Doctores communiter sequuntur , asserentes iuramenta absoluta perpetuæ castitatis , Religionis , peregrinationis Romanæ , Hierosolymitanæ , & Compostellanæ , sicut & similia vota , esse Papæ reservata . Sed nostra conclusio videtur *D. Thom. 2. 2. quest. 89. art. 9. ad 3.* absolute asserentis posse Episcopum relaxare omnia iuramenta . 2. Ista potestas non est ab Episcopis ablata à lege , aut consuetudine : sicut est ab eis ablata potestas circa vota absoluta castitatis , Religionis , &c. Et aliàs ista limitatio pro votis non est extendenda ad similia iuramenta . Quia vinculum voti est maius , cum immediatius respiciat Deum , & sit promissio facta Deo , & ponat materiam promissam in virtute Religionis : at iuramentum sit in confirmationem nostrarum veritatum . Ex his patet . 1. Quod quando in privilegijs conceditur relaxatio iuramentorum , possunt etiam dicta iuramenta relaxari . 2. Patet . Quòd quando datur facultas circa vota , non possunt cum illa relaxari iuramenta non votiua : cum sint distincta vincula , vt ait *Nauar. in Manual. cap. 17. num. 272. & Ledesma* . Quia etsi vinculum iuramenti sit minus vinculo voti : tamen vinculum iuramenti non clauditur in vinculo voti , & aliàs commissarius non potest excedere commissionem .

17

D. Thomas 2. 2. q. 88.

S V M M A R I V M.

*Quid sit votum; num. 10.**In dubio utrimque equali an voueris, non teneris voto, num. 2.**Qua requirantur ad valorem voti, num. 3.**Votum de re mala mortaliter est nullum, & duplex pecc. mor. de re mala venialiter est etiam mortale, num. 4.**Votum de re indifferenti manente in sua indifferentia est nullum, imò est peccatum veniale, num. 5.**De re alias præcepta sit verum votum, num. 6.**Propria materia voti sunt opera consilij, num. 7.**An votum non peccandi sit validum, num. 8.**Quanam, & quanta sit obligatio voti in materia graui, num. 9.**Qua, & quanta in materia leui, num. 10.**Ad quid teneatur ille, qui vouit ingredi Religionem? num. 11.**Quo tempore vota sint implenda, num. 12.**An vota unius obligent alium? num. 13.**Quotuplex sit votum castitatis, num. 14.**Peccata contra votum castitatis quomodo in confessione explicanda, num. 15.**Quot modis votum tollitur, num. 16.**Qua causa sit sufficiens ut fiat valida irritatio, dispensatio, commutatio, & interpretatio votorum, num. 17.**Parentes possunt irritare omnia vota filiorum emissa ante annos pubertatis, num. 18.**Quid possint circa vota emissa post annos pubertatis, siue personalia, siue realia, siue mixta, num. 19.**Quid possint domini circa vota suorum mancipiorum, num. 20.**Quid maritus circa vota uxoris, & uxor circa vota mariti? num. 21.**Quid Papa, & Prælati Religionum circa vota Regularium; quid Priorissa, & Abbatissa circa vota monialium, num. 22.**In Ecclesia est potestas dispensandi, & commutandi omnia vota, excepto voto Monachali, num. 23.**Episcopus potest dispensare, & commutare omnia vota subditorum aliàs non reservata Papæ, num. 24.**Vota visitandi Hierusalem, Peregrinationis Romana, Commendellana cum voto Religionis, & castitatis perpetua, sunt reser-*

reſeruata Papa, in illis tamen aliquando poteſt Epiſcopus diſpenſare, num. 25.

An & quomodo vouens poſſit commutare ſuum votum, n. 26.

Quomodo faciendæ votorum commutatio, & quæ circa illam ſint conſideranda, num. 27.

DVB. 1. *Quid ſit votum?*

1. Con. D. Tho. ar. 1. *Votum eſt promiſſio facta Deo, de his quæ ei magis placent. Sic definiuntur votum communiter. Et ſic, vt dicitur ca. litterarum de voto, propositum religionis non eſt votum, cum hoc conſiſtat in promiſſione, etiam mentaliter Deo ipſam intuenti, & acceptanti facta. Vbi nota, quod in dubio vtrimque æquali, an voueris, non teneris voto. Quia inter æque probabilia tuto ſequeris quod malueris. Imo ſi poſita morali diligentia non potes ferre probabile iudicium, quod voueris, non teneris voto. Quia in dubio melior eſt conditio poſſidentis ſuam libertatem. Ita Soto 7. de iuſt. q. 3. art. 2. Med. in Sum. lib. 1. cap. 14. §. 7. Sanchez cum alijs lib. 1. de ſpon. d. 9. Torre. 2. 2. q. 38. art. 3. d. 3. & d. 4. Idem ait: cum dubitas an eſſes rationis compos quando vouiſti, quo præſumitur quiſque carere toto tempore pubertatis, niſi contrarium certo conſtet, vt ait Soto art. 2.*

2. Concl. D. Thomæ artic. 1. *Ad valorem voti requiritur primò, vt fiat plena deliberatione, nec ſateſt ſemiplena. Quia cum votum obliget ſub peccato mort. ex genere, petit libertatem neceſſariam pro peccando moraliter. Nec requiritur pleniffima deliberatio, qua conſideres omnes circumſtantias in particulari, ſed qua communes, & grauiffimæ circumſtantix rei, quæ vouetur, conſiderentur. Hæc enim deliberatio ſat eſt ad omnes contractus. 2. Requiritur propositum voluntatis. Quia ſi voues religionem ſine animo promittendi, & obligandi te, non facis votum. Licet in foro externo, dum non conſtat de animo, cogeris ſeruare votum, & ad id teneris ob vitandum ſcandalum. Imò ſi voues caſtitaſtem ex animo, ſed ſine animo obligandi te putans ignoranter obligationem non eſſe intrinſecam voto, non voues: cum habeas ignorantiam circa ſubſtantiam voti. Sicut ſi contrahis matrimonium putans eſſe ſolubile, non manes vxoratus. Quia ignorantia circa ſubſtantiam matrimonij, aut voti, facit illud inuoluntarium, & nullum. Imò ſi voues aliquid cum ignoratiâ circumſtantix grauiffimæ rei*

rei promissæ, quam si scires meritò non voueres illud, non teneris voto. *Ita communiter, ait Torre. 2.2. q. 88. art. 3. d. 2.* Et patet in vouente ire Hierosolymam putans parum distare: sed ignorantia circa substantiam est maior: ergo. Dixi, ignoranter. Nam si sciens naturam voti, & obligationem ab eo inseparabilem, intendas promittere, verum emittis votum, etsi per iniquitatem non habeas animum obligandi te. Quia qui vult causam, vult effectum quem scit esse in causa. Si verò voues castitatem cum animo promittendi, & obligandi te; non tamen seruandi promissum, à fortiori, verum emittis votum: cum iam saluetur vera promissio, etsi cum peccato, & mendacio ob intentionem non seruandi promissum.

4 Dub. 2. *An votum debeat fieri de meliori bono?*

1. Conc. D. Tho. art. 2. Votum de re mala mortaliter, est nullum, & duplex peccatum mortale. Tum ob animum peccandi mort. Tum etiam quia sic vouens protestatur Deo placere peccatum, & coli peccato. Imò ob hoc peccas mort. si voues videns, & sciens peccatum veni. *Ita Caieta. ver. votum Torre. art. 2. d. 1. & alij contra Soto, art. 3. Silu. ver. votum 1. D. Ant. 2. p. tit. 10. cap. 4. §. 1. & Nauar. cap. 12. num. 28. & 34.* Nam peccatum veniale, etsi in se sit leuis materia: at vt offerendum Deo in cultum per votum, est materia grauis in specie irreligiositatis, sicut mendacium in se est quid leue, at si iuretur, materia grauis est pro iuramento. Nec est idem de iurante promissorie peccatum ven. cum iste sic iurando non protestetur placere Deo peccatum ven. sed adducit Deum in testem suæ malæ promissionis. Et dictis patet, quid dices de vouente rem bonam ob malum finem, vt elemosynam ob vanam gloriam. Nam si malus finis intret obiectum promissum, votum non valet, vt dixi de simili iuramento. Et idem est de voto rei bonæ ob assequendum malum finem: aut in gratiarum actionem pro malo sine assecuto. Si autem malus finis solum se habet, vt motiuum ad vouendum, vt si voues religionem militarem animo luxuriandi, valet votum. Quia talis animus non intrat rem promissam: sed extrinsecè ei vnitur. Et idem est de voto rei bonæ, cui malum iungitur, vt si voues rosarium, si habes filium ex adulterio.

5 2. Concl. D. Thomæ artic. 2. Votum de re indifferenti dum manet in sua indifferentia, sicut & votum de re necessaria, vt de non volando, non valet. Imò est peccatum veniale

niale ista vouere : cum votum debeat esse de re grata Deo , & non de inutili , & vana . Sed si tollitur indifferentia ab aliqua re , & ordinetur in finem bonum , votum de illa valebit : vt si voues non intrare aliquam domum , quòd alias erat indifferens , eo quòd ibi sit mulier incitatus ad malum , dum est ibi illa mulier non potes illuc intrare , sed illa amota non teneris voto , etsi alia perniciosior succedat . Nam vt suppono , votum factum est ex motiuo primæ occasionis . Ex dictis patet , votum cessandi ab opere seruili in die , v. g. Sancti Thomæ , vt expeditior fias ad vacandum Deo tunc valere . Et idem de voto non ludendi cum aliquo , si sic vitatur occasio peccandi . Secus si in honorem sancti voues non laborare præcisè , aut non ludere cum aliquo , quia tibi displicet præcisè . Ista enim indifferentia sunt , & vana , & melius erit laborare quàm esse ociosum .

3. Concluf. D. Thomæ art. 2. De re alias præcepta sit verum votum . Patet ex vfu vouentium castitatem . Tunc enim rei alias præcepta additur noua obligatio . Nam castitas ante votum solum pertinebat ad temperantiam , & per votum pertinet etiam ad religionem . Imò etsi promissum pertineret alias ad religionem , iuxta D. Thom. art. 5. ad 1. vt audire Missam in festo , per votum confertur ei nouus gradus in eadem specie , & noua obligatio alterius præcepti de implendo voto . De eadem enim virtute dantur plura præcepta explicanda in confessione . Nec est idem de furto verito lege naturali , & diuina , vbi fur non peccat dupliciter contra duplex præceptum formale ; quia secundum præceptum est prioris explicatio , nec addit nouum gradum in eadem specie . Sicut si cum eadem solemnitate voueas iterum , quod iam voueras , non inducis super te nouam obligationem : sed secundum votum firmat primum . Illa enim sunt plura præcepta materialiter , non formaliter , cum procedant ex eodem motiuo præcipiendi , aut prohibendi , iuxta dicta 1. 2. q. 72. art. 6.

4 Concl. D. Thomæ artic. 2. Propria materia voti sunt opera consilij . Ista enim sunt Deo grata , & absolutè voluntaria . Vnde votum de contradictorijs consilijs Euangelicis ; vt de non mutuando , de non intrando religionem , est nullum , & peccatum veniale ; cum sit de re inuisa Deo , in qua ponitur obex Spiritui Sancto mouenti semper ad meliora . Alias si illud votum valeret , moueret Deus simul ad duo contradictoriè opposita . Votum autem de impossibilibus

bilibus cum consilijs dum durant , vt votum seruiendi hospitali , valet ; cum sit de re bona , nec impeditiua maioris boni ; quia sic vouens potest intrare religionem . Votum autem de impossibilibus cum consilijs , & simul eorum impeditiuis , vt de nubendo , quando alias non instat præceptum de hoc ob commune bonum Regni , aut ob legitimandum filium ex concubina , & eius honori consulendum , &c. est nullum , etiam in patiente vehementissimas carnis tentationes : quas vix nisi vsu matrimonij vincere potest . Ita Soto 7. de iust. qu. 1. art. 3. Aragon. & Torre. 2. 2. qu. 8. art. 2. dub. 9. contra Caiet. ibi , Sanchez lib. 1. de spon. d. 4. num. 7. Ludou. Lopez. tom. 1. cap. 44. cum Cano. asserentes quod isti erit opus consilij , & materia voti nubere , & quod isti consulit Paulus 1. Cor. 7. Si non se continent , nubant : melius est enim nubere , quam vri . Sed nostra doctrina patet . Nam vt aliquid sit materia voti , etiam respectu alicuius in particulari , non sat est , quòd respectu illius sit melior , sed debet esse melior ex natura sua , & absolute : sed nubere non est sic : cum impediatur religionem , quæ est melior . Nec Paulus dixit , melius est nubere , etiam isti non valenti se continere , quàm intrare religionem . sed quàm vri , id est , quàm tentationi succumbere , iuxta D. Tho. ibi .

8 Dub. 3. An valeat votum non peccandi ?

1. Conc. Votum non peccandi mortaliter valet . Ita Soto 7. de iust. q. 1. art. 3. & communiter Thomista. 2. 2. qu. 88. art. 2. cum sit de re moraliter possibili , & grata Deo .

2. Conc. Votum non peccandi absolute , aut non peccandi venialiter , vel vitandi aliquod veniale , quod vix vitatur à perfectissimis , vt diuagatio mentis in oratione , communiter reputatur nullum , & vt de re moraliter impossibili , quidquid sit de voto vitandi peccata venialia , quæ à multis vitari solent , vt mendacia , &c. cum hoc sit possibile , & Deo gratum . Sed probabilius reputo valere votum de vitando saltem diuisione , & in particulari omni peccato , etiam veniali . Quia alias secluso voto tenemur vitare singula venialia in particulari : ergo hoc est possibile moraliter . Alias obligaremur ad impossibile Et sic potest esse materia voti , & possumus obligari præcepto , quo tenemur implere vota sub solo peccato ven. cum votum hoc sit de re parua . 2. Religiosus peccat contra votum castitatis venialiter in actibus luxuriæ non plenè deliberatis : ergo potest quilibet facere speciale votum vitandi istos actus , & alios ,

alios, qui sunt peccata venialia ex defectu plenæ deliberationis.

Dub. 4. *An votum obliget?*

1. Concl. *D. Thoma art. 3. & 10. ad 2.* Votum obligat sub 9
mortaliter ex genere, ex lege diuina, *Eccles. 5. quodcumq; uo-*
ueris, redde, & ex lege naturali. Ita communiter, quia pro-
missio homini facta ab eo acceptata obligat sub mortali ex
genere: sed promissio voti validi statim acceptatur à Deo:
ergo obligat sub mortali ex genere, & ex sua natura. Non e-
nim est in potestate vouentis obligare se sub peccato veniali
in materia graui, *ut ait Torre art. 5. d. cum Soto. q. 1. art. 1.*
& alijs contra Sanchez, & Suarez. Nec etiam est in eius po-
testate obligare se sub peccato mortali in materia leui.
Nam sola emissio voti pendet ex voluntate vouentis: quanti-
tas verò obligationis voti pendet ex quantitate obiecti secun-
dum se. Si obijcias, Vota Tertiariorum Ordinum Prædica-
torum & Minorum, non obligant etiam sub peccato veniali
ut constat ex eorum statutis à Papa approbatis: ergo, &c. Ad
hoc dico, ista non esse vota perfectè, & simpliciter, de qui-
bus hic loquimur: nec qui violat ista vota, facit formaliter,
contra virtutem religionis, cum non faciat contrarium virtu-
ti formaliter, nisi peccando.

2. Concl. Votum de re parua, etiamsi sit totalis materia 10
voti, ut de non mentiendo, obligat sub peccato veniali cum
in eius violatione parua fiat irreuerentia Deo. *Ita Soto. 7. de*
iust. q. 2. art. 1. Nauar. in man. cap. 12. num. 40. Torre
contra Caiet. q. 89. art. 7. Et intelligitur etiam de votis leuium
ordinatorum mediâtè in vtilitatem proximi temporalem, ut
votum dandi quotidie pauperi assen. Vbi nota, quòd si pluries
omittendo istam paruam eleemosynam deuenisti ad materiam
grauem, non peccasti mort. in singulis omissionibus, teneris
tamen tunc ex virtute religionis sub peccato mort. reddere il-
lam quantitatem omissionis. Quia eleemosyna hodie omissa co-
pularur eleemosynæ hesternæ, & alijs omissionis; sicut vnum fur-
tum paruum copularur alteri: & ex iustitia teneris restituere
sub peccato mortali quantitatem grauem minutatim furatam.
Imò sicut peccat mort. contra iustitiam, qui à principio habet
animum minutatim furandi materiam grauem: sic & peccat
mort. contra religionem, qui habet animum omittendi tota il-
las paruas eleemosynas vsque ad materiã grauem. Nec est idem
de voto recitandi quotidie Pater noster, cuius omissiones nun-
quam copulantur; & sic etiam minutatim omittatur integrum ro-
C sarium,

sarium, adhuc non est recitandum sub peccato mort. quidquid dicat *Manu. Rodr. in su. cap. 99.* contra communem sententiam. Vide *infra dub. 6* Ex dictis patet à fortiori, præceptum prælati de re leui in se, & in ordine ad bonam gubernationem obligare sub solo peccato ven. Nam esset intolerabile si posset prælatus in omni materia, etiam leuissima, obligare sub peccato mort. 2. Patet, votum, aut iuramentum non ludendi, intelligi de ludo in magna quantitate, aut aliter illicito. Secus de ludo moderato, cum iste sit actus virtutis Eutrapeliæ.

Ita Nauar. in Ma. cap. 12. num. 11.

II

Dub. 5. *An qui vouit religionem, teneatur adire omnes religiones, quousque recipiatur?*

1. Concl. *D. Tho. art. 3. ad 2.* Si iste habuit animum ad eundem omnes religiones, ad id tenetur: nisi defectus ob quem ab vna reijcitur alias non emendabilis militet in alijs: aut nisi ob moralem impotentiam, non possit adire monasteria distantia.

2. Concl. Si votum sit iuxta communem modum vouendi, non tenetur vouens adire omnes religiones possibili meta-physicè. Et si vouit religionem Prædicatorum, non tenetur adire monasteria remotissima: sed quæ arbitrio prudentum non multum distant, attenta qualitate, & possibilitate vouentis, & hoc solum est sibi moraliter possibile.

3. Concl. Si vouens habet impedimentum perpetuum, de obligatur à voto: cum sit impossibile illud implere. Et si impedimentum sit temporale, faciet, ait *D. Tho.* sibi moraliter possibile, vt illud tollat, v. g. si nescit grammaticam, tenetur sub peccato mort. illam addiscere. Nisi alias ignoraret hoc esse necessarium, & si sciret, non voueret religionem. Nec tenetur sumere habitum Laicorum: si intendebar esse religiosum Choro-ristam. Item si ingressus religionem intra annum probationis iudicas te ineptum religioni, non teneris voto: cum religio tunc sit tibi impossibilis. At si sine causa rationabili dimittis habitum, aut expelieris à religione ob defectum emendabilem, adhuc teneris voto. Quia votum religionis, quantum est ex se, obligat profiteri in religione, iuxta cap. *super eo*, & cap. *consulti*; de regular. & *Caiet. cum D. Tho. 2. 2. q. 189. art. 4.*

4. Concl. Vouens religionem, non satisfacit intrando religionem, aut monasterium, vbi corrui obferuantia essentialium, & ceremoniarum. Imò si vouit istam religionem, aut monasterium, non tenetur voto: nisi in breui speretur istorum

istorum reformatio .

5. Concl. Qui vouit religionem non tenetur ad eius obferuantias, dum non profitetur illam, etiamfi peccet differendo ingressum. Quia nullus tenetur ad exercitia alicuius status, nisi media susceptione illius status, & ista censetur intentio vouentis talem statum. Nec est idem de vxorato vouente solemniter castitatem in religione: qui, etsi professio sit nulla, nec ad religionem redire teneatur mortua vxore, tamen tenetur seruare castitatem quantum est de se non petendo debitum, etsi teneatur reddere. Ita cap. quidam & cap. places de conuer. coniu. Quia votum solenne castitatis actu claudit in se promissionem castitatis ex tunc seruandæ quantum possit à vouente; Sicut qui vouit dare centum, & tantum habet decem, tenetur ista reddere. Quia decem comparantur ad centum promissa, sicut pars actualis ad totum actuale, & qui intendit dare centum, intendit etiam dare decem. At castitas non comparatur ad religionem promissam, sicut pars actualis ad totum actuale; sed sicut obiectum secundarium ad primum. Nec etiam est idem de muliere vouente virginitatem, quæ adhuc violata tenetur seruare castitatem in illo voto promissam, & ex affectu ad illam promissa est virginitas. Nisi alias vouendo virginitatem solum intenderet seruare illam, & vitare primum congressum cum viro. Et qui vouit absolute ieiunare in sextis ferijs, si dies natalis Domini in sexta feria occurrat, erit ex illo voto ieiunanda, vt habetur cap. explicari, de obser. ieiun. cum glos. & Nauar. in Manual. c. 12. n. 12.

Dub. 6. De tempore impletionis votorum. Et non est sermo de voto negatiuo non faciendi illicita; v. g. non furandi, & similia. Ista enim vota statim incipiunt obligare: sed de voto affirmatiuo, v. g. faciendi aliquid.

1. Concl. Ex D. Thom. art. 3. ad 8. Si taxasti tempts pro tuo voto, intra illud tempus implebis. Et si taxasti tempus ob eius deuotionem, siue votum sit personale, vt ieiunandi in vigilia S. Martini, siue sit reale, vt insumendi aliquid pro illo festo, aut in eius honorem largiri tunc aliquas eleemosynas, illo tempore transacto, & voto non implero, peccasti mort. sed non teneris alio die ieiunare, aut alia facere. Quia materia istius voti est ieiunium, aut eleemosyna ob deuotionem festi S. Martini, & in eius honorem, quæ materia iam non extat. Ita Torre. artic. 5. d. 7. cum Caietan. articul. 12. .

C 2 3. Concl.

2. Concl. Si taxasti tempus sicut mensuram pro impletione voti, vt si vouisti intra mensem intrare religionem, adhuc illo tempore transacto, teneris voto; quia votum hoc non fertur in circumstantiam temporis. Et idem si vouisti dare quotidie elemosynam, non ob deuotionem temporis, sed vt sit communiter in vtilitatem pauperum, semper durat obligatio dandi, dum non datur. Imo singulæ parue elemosynæ, singulis diebus omillæ copulantur: & erunt ex religione sub peccato mort. reddendæ, quando confecerint materiam grauem, iuxta dicta dub. 4.

3. Concl. *D. Tho. loco citato & q. 189. art. 3.* Si vouens non taxauit tempus, & votum est conditionale, impleta conditione, impleatur votum. Si autem votum sit absolutum, determinetur tempus arbitrio prudentis, attenta qualitate, & possibilitate personæ, & alijs circumstantijs.

13

Dub. 7. *An vota vnus obligent alium?*

1. Concl. negatiua. Quia votum est actio personalis habens robur suum ex voluntate vouentis: ergo non obligat alium, si ab illo non approbatur, nisi fortè ex pietate, aut ex obedientia, quando alias promissum non est nimis graue. Item si in aliquo oppido voueatur, aut iuretur aliquod festum, aut ieiunium, soli vouentes, aut iurantes tenentur ad illa ex voto, aut iuramento, ait *Ledes. cap. 3. de voto contra Manu. Rodr.* At successores ex sola consuetudine habente vim legis, obligantur. Imò nec ista obligant sic, si non adsit auctoritas, & approbatio Episcopi, vt non vouentes obligentur in vim præcepti Ecclesiastici. Ita *Torre ar. 3. dub. 5.*

2. Conc. Vota realia vnus transeunt in eius hæredes, iuxta sufficientiam hæreditatis, & non plus. Vt si vouisti centum aureos pro hospitali, hæres tuus ex hæreditate tenetur, sicut & alia legata ex iustitia soluere, etsi à vouente essent ex sola religione debita. Ita *Torre d. 7. cum Soto q. 2. art. 1. Palu. & alijs.*

14

Dub. 8. *Quotuplex sit votum castitatis?*

1. Concl. Votum castitatis est duplex. Aliud simplex, quod fit priuatim sine aliqua solemnitate. Aliud solemne. Et fit solemne dupliciter, vt habetur *cap. unico. de voto in 6.* aut per professionem expressam, aut tacitam ad certam regulam, aut religionem ab Ecclesia approbatam. Et vt ista professio valeat fiet in manibus valentis incorporare profitentem tali religioni, vt cum communi tenet. *Panorm. in cap. correctum. de regu. & Silu. ver. religio. 8.* Et cum isto voto

voto alia, etiam terræ sanctæ commutantur, tum quia in melius, tum quia morimur priori vitæ. *Ita ex D. Thom. art. 12. ad 1. & iuxta cap. scriptura, de voto.* Et hoc voto consequimur remissionem omnium peccatorum. *Ita D. Th. ex 2. 2. q. 189. art. 3. ad 3.* Aut fit solemne per suscepcionem sacri Ordinis. Quia in susceptione sacri Ordinis secundum ritum Ecclesiæ Latinæ à qua illud votum annectitur Ordini sacro, illud votum, etsi non expressè, implicite tamen emittitur. *Ita D. Tho. in 4. d. 37. 1. q. 1. ar.* Et hoc sat est, sicut etiam in professione tacita religiosus solum implicite vouet castitatem. Imò in professione nostri Ordinis Prædicatorum solam obedientiam vouemus expressè secundum nostram regulam, & in hoc implicite vouemus castitatem, & paupertatem.

2. Conclusio In confessione explicata, si votum tuum, aut tui complicitis sit simplex, an solemne. Quia etsi vota ista sint eiusdem spectæi, utpote de eodem obiecto, tamen notabiliter grauius est violatè votum solemne. Et in sententia veriori explicabis si votum solemne sit clericale, aut monachale: cum istud sit grauius. Imò *Ledesma cap. 6. de voto* ait, votum clericale ex natura sua esse simplex & solemnitate ei iungi accidentaliter ex statuto Ecclesiæ: sicut idem dicitur de voto simplici castitatis patrum Societatis. Et quod clericus satisfacit dicendo in confessione se vouisse castitatem, sine eo quod dicat se vouisse eam solemniter, nec tenetur dicere se esse clericum, aut sacris initiatum: cum tamen *ca. 19. de poenitentia, Con. 1. dyb. 1.* dixerit teneri clericum explicare circumstantiam Sacerdotij, Diaconatus, aut Subdiaconatus. Et ex dictis etiam patet Religiosum non teneri explicare circumstantiam Ordinis sacri; cum idem votum castitatis eadem solemnitate, ab omnibus religiosis etiam conuersis emittatur.

Dub. 9. *Quot modis tollitur votum?*

1. Conclusio Votum tollitur. 1. Per irrationem. 2. Per dispensationem. Et istis duobus modis tollitur omnino vinculum voti. Etsi differant, quod voti irritator debet habere potestatem dominatiuam in vouentem, ut ait *D. Tho. art. 12. & communiter*: at dispensator, sicut & commutator voti debet habere prælati auctoritatem, ut ibi ait *D. Tho. 3.* Tollitur votum per interpretationem, utpote, pro tempore quo durat causa ob quam declaratur votum non obligare. Et ista interpretatio licitè fit à quouis viro

prudente 4. Tollitur votum per commutationem , quia non tollitur obligatio voti: sed mutatur in aliam materiam .

2. Concl. *Iuxta D. Tho. art. 12. ad 2.* Dispenfatio , commutatio , & interpretatio ad sui valorem requirunt causam sufficientem Non verò requiritur causa pro irritationis valore. Quia subditus suo voto non potest suum superiorem obligare . Etsi aliquando peccabit superior irritando votum subditi , vt si videt tale votum esse subdito valde utile ad bonum spirituale . Imò etsi votum sit à subdito emissum de licentia superioris , adhuc potest ab eo , aut successore sibi æquali , & non ab inferiore irritari. *Ita Torre ar. 9. d. 2.* Nam prælatus concedendo licentiam vouendi suo subdito , non abdicauit à se dominium , quod habet supra actiones subditi : ergò adhuc potest irritare vota etiam cum sua licentia emissà . *Ita Torr. cum Caiet. Silu. Soto , Aragon. contra Ricard.* Licet peccet mort. qui dedit talem licentiam , illud irritando sine causa rationabili , vt patet ex illo Num. 30. *si post quam pater, aut maritus consenserint in votum filia , aut uxoris , retractet tale votum, illa manet libera à voto : pater tamen portabit iniquitatem suam .* Et nota, quod votum semel irritatum non reuiscit, etiam si irritator vellet. *Ita ca. quidam, & cap. placet, de conuer. coniu. Rose. ver. votum. 1. & Tabi verb. votum .*

3. Conclusio. Sufficiens causa pro declarando de obligationem voti erit , si impletio voti est contra legem naturæ , aut finem voti , vt si vouisti ieiunium cum quo periclitatur salus , aut impeditur maius obsequium Dei .

4. Conclusio. Sufficiens causa pro dispensando voto erit , quæ iuxta probabile dubium obstat executioni voti , aut si votum impedit maius bonum, aut si vouens sit in morali periculo violandi votum orto ex natura status , vt patet in voto castitatis coniugati , qui tenetur cum sua coniuge habitare . Erig etiam causa sufficiens *iuxta cap. adueniens, qui cler. ver. vou.* vehemens tentatio , aut infirmitas vouentis , ex quibus oritur morale periculum violandi votum : dum hoc periculum non oriatur ex malitia vouentis , quæ non debet ei fauere , *vt ait Soto 1. de iust. q. 7. ar. 3.*

5. Conclusio Sufficiens causa pro commutando voto , vt habetur *cap. veniens de voto* , erit imperfecta deliberatio , alias sufficiens ad peccandum mort. Patet in eo , qui voluit ita perfectè deliberare de industria , aut ex nimia inclinatione ad materiam voti ob amorem, odium , aut aliam passionem

tionem. Ita Torre d. 4. cum Soto, Silu. & Nauar. Quia ista vota licet ex animi leuitate facta regulariter habent malos exitus Item omnis causa sufficiens pro dispensando voto, erit à fortiori sufficiens pro illo commutando; cum sit minus commutare. Imò ob hoc ad commutandum votum in aliam materiam aliquando laxiorem, sat erit minus dubium de causis sufficientibus ad dispensandum. Et aliquando sat erit aliqua notabilis difficultas in implendo votum. Item ad commutandum votum in materiam probabiliter æqualem, sat erit maior promptitudo vouentis ad vnā quā ad aliam materiam. Sic enim æquale obsequium fit Deo, & alias *Hilarem datorem diligit Deus*. 2. ad. Cor. 9.

• Dub. 10. *Quis habet potestatem dominatiuam ad irritandum vota?*

• 1. Concl. Parentes possunt irritare omnia vota filiorum, etiam Religionis, aut castitatis, emissā ante annos pubertatis. Ita Soto Silu. verb. *votum* 4. Nauar. cap. 12. nn. 67. & communiter, cum D. Tho. Quia, vt ait D. Tho. ar. 9. & q. 189. art. 5. filij ante annos pubertatis iure naturæ subduntur parentibus, & loco istorum, tutoribus, in omnibus suis actionibus, eo quòd tunc carent perfecto vsu rationis. Et cap. *puella*. 20. q. 2. ab Ecclesia, & à repub. habentibus à natura potestatem, taxantur anni pubertatis duodecim pro femina, & quatuordecim pro viro. Nec obstat si ante istos annos expletos habeat quis perfectum vsu rationis. Hoc enim est per accidens, & sic adhuc istius vota possunt à parentibus reuocari. Quia vt ait D. Tho. lex solum attendit id, quod frequentius accidit, & sic, adhuc hoc non obstante est iste sub cura parentis. Post annos autem pubertatis vota personalia filiorum non possunt à parentibus irritari, cum filij tunc sint sui iuris. Ita Cai. Soto. Sil. ver. *religio* 2. Torre ar. 9. d. 4. & communiter cum D. Tho. art. 8. contra *Tabie. ver. votum*. 5. Imò etsi vota ista sint facta ante annos pubertatis, ob eandem rationem videtur probabilis sententia Soto Sil. Arag. & Mann Rod. in su. 3. p. c. 91. n. 53. non posse à parentibus post annos pubertatis irritari. Sed opposita sententia. *Victo. Caiet.* 2. 2. q. 89. a. 5. & Nau. c. 12. n. 71. est etiam probabilis, eo quod ista vota sunt cum dependentia à consensu patris, & cum conditione sub intellecta, si pater illa non irritet: sed vota ista non sunt absoluta per hoc quod filius impleat quatuordecim annos, sicut nec alia vota conditionata sunt absoluita per hoc, quod conditio impleatur,

ergo. 2. ista vota si non confirmantur post annos pubertatis, habent imperfectionem vsus rationis, & infirmitatem, ob quod datur patri à natura potestas irritandi illa, ergo. Vota autem realia filiorum facta ante vigesimum quintum annum possunt irritari à parentibus, vel tutoribus. *Ita communiter cum D. Tho. art. 8. ad 2.* quia toto illo tempore subijcitur filius patri aut tutori in administratione temporalium. Nisi alias, *ut ait Soto, Navar. & Manu. Rod.* filius sit emancipatus, aut habeat bona castrensia, aut quasi castrensia, de quibus etiam patre inuito potest pro libito disponere, *ut dicemus in 7. præcepto q. 1. dub. 5.* Vota verò mista filiorum, utpotè partim realia, & partim personalia facta ante dictum tempus, ut votum peregrinandi, in quo aliquid infumetur, iuxta sententiam probabilem possunt à parentibus irritari, vno excepto voto eundi Hierosolymam, ut habetur *cap. ex multa. de voto.* Et saltem in omni sententia possunt parentes suspendere istorum votorum executionem pro tempore quo filius sibi subditur, cum vota ista cedant in damnum patris, cessando ab eius seruitio. Et idem ius ac pater, habet tutor ad irritanda vota. *Ita cap. puella. 20. q. 2. & in tit. de administratione tutorum.* Secus de matre vidua etiam alias non tutrice, *ut ait Torre. ar. 9. d. 4. Nau. c. 12 n. 64. Silu. ver. religio 2. contra Innocentium.*

- 20 2. Conclusio Domini possunt irritare vota realia suorum mancipiorum, & personalia cedentia in suum damnum, ut votum orandi, ieiunandi, peregrinandi, intrandi Religionem. Secus de votis non impediens dominum seruitium, ut votum castitatis, non iurandi, non peccandi, &c. *Ita Caiet. ar. 8. Torre. ar. 9. d. 2. Silu. verb. votum. 4.* Imò, & vota enissa à subdito pro tempore, quo non sit subditus, ut dicunt isti, non possunt à Domino irritari; etsi *Soto, & Ledesma, cap. 7. in fine* dicant oppositum; quia ille tunc non est subditus suæ superiori quo ad suas actiones, & materiam voti.

- 21 3. Concl. Maritus potest irritare vxoris vota, etiam ante matrimonium enissa, de dando eleemosynam, cum sit bonorum administrator, & de orando, ieiunando, peregrinando: imò & de non peccando, & de alijs etiam ad salutem necessarijs. *Ita Ledesma. c. 7. de voto, Torre. ar. 9. d. 7. ex D. August. in n. 30. q. 56. Soto 7. de iust. q. 3. ar. 1. Sanchez li. 9. de matrim. d. 39. n. 4.* Nam vxor est subdita viro, ut capit. Quia vero coniuges in pertinentibus ad matrimonium sunt pares: ut patet ex illo 1. Cor. 7. *Mulier non habet potestatem*

statem sui corporis, sed vir, & vir non habet potestatem sui corporis, sed mulier, & aliàs irritare vota sit Superioris; non potest vir irritare votum castitatis vxoris, quantum ad non petendum debitum. Ita August. in Num. q. 59. & Torre art. 9. d. 3. Imò nec votum non reddendi debitum, factum alias de consensu viri. Ita Ledesma. & Torre, licet opposita sententia Soto 7. de iust. q. 3. art. 1. videatur verior iuxta dicta dub. 9. Concl. 2. Imò ibi ait Soto, votum coniugis, maximè viri, de non petendo debitum factum sine consensu alterius coniugis esse nullum: & idem dixerat Ledesma, c. 1. de matrim. cum Armil. verb. debitum, & iuxta D. Thom. in 4 d. 32. art. 4. ad 3. Quia dicunt, esse durissimum matrimonium, maximè mulieri, si ipsa semper deberet petere debitum. Sed oppositum est verius iuxta dicta; & patet ex c. quidam, & c. placet, de conner. coniu. vbi dicitur, votum castitatis vxoris valere, & obligare non petere debitum, cum hoc sit in eius potestate. Et idem est de viro. Et à fortiori patet contra alios non posse vxorem vllum viri votum irritare, etiam de non petendo debitum, cum mulier in nullo sit superior viro: sed è contra, vt Paulus ait ad Ephes. 3. Vir est caput mulieris. Fateor tamen vota viri de præiudicantibus matrimonio esse nulla, vt votum longæ peregrinationis, vt ait Torre art. 9. d. 3. Vno excepto voto vltamarino in subsidium terræ Sanctæ, iuxta cap. ex multa, de voto.

4. Conclusio Papa, & Prælati regularium possunt istorum irritare vota, etiam de his, ad quæ ex iure diuino, & naturali tenentur, vt de non peccando. Et solum tollitur Prælati regularium in c. licet, de Regularibus, posse irritare votum ascendendi ad arctiorem Religionem, aut superiorem statum. In omnibus autem alijs, vt est communis sententia, Galet. art. 8. ob totalem traditionem voluntatis Religiosi factam in professione, Religiosus iure diuino, & naturali subditur Prælato; & sic nullum votum Religiosi est firmum renuente Prælato. Quia si emittat votum de vetitis à regula, aut Prælato, vt de peregrinando, intelligitur si Prælatus det licentiam; & si de non vetitis, intelligitur, dum Superior non renuat. Nam etsi in voto non peccandi, aut non faciendi aliàs à Deo, vel Ecclesia vetita, materia non sit omninò subiecta Prælato, sed ab eo sit indispensabilis: est tamen ei subiecta quoad vinculum voti ob dictam totalem traditionem. Ita Soto 8. de iustitia, quest. 3. art. 1. Nauar. cap. 12. num. 64. & Ledesma. Et idem est de omni habente potestatem.

22

testatem dominatui in respectu sui subditi, vt de Priorissis, & Abbatissis, quæ possunt irritare omnia suarum monialium vota. Aliàs possent istæ, quando præcipitur sibi aliquid à Priorissa, excusare se ob votum contrarium, quod esset absurdum.

Ita *Ledesm. c. 7. in fin. & Torre art. 9. d. 2.*

23 Dub. 11. *Quis dispenset, aut commutes vota?*

1. Conc. *D. Thom. art. 10.* In Ecclesia est potestas dispensandi, & commutandi ex causa legitima omnia vota, excepto à *D. Thoma, art. 11.* voto Monachali. Hæc est de fide, & patet 1. ex cap. 2. de voto, & ex communi traditione Ecclesiæ, & vsu à tempore Apostolorum, de qua nullus dicit errasse in re ita graui, & ad mores fidelium maximè necessaria. 2. Quia sic expedit bono Ecclesiæ regimini. Ita communiter cum *Diuo Thoma art. 10.* Istam enim potestatem commutandi, & dispensandi in votis, aliàs de iure diuino, & naturali obligantibus, vt dixi *dub. 4.* habet Ecclesia ex commissione Dei, in persona Dei determinando, seu declarando quid sit Deo acceptum, & congrua materia voti. Ita *D. Thom. art. 10. ad 2. & art. 12.* sicut inferiores Prælati ex commissione superiorum sæpè dispensant in istorum legibus, & ita expedit.

24

2. Conclusio. Stando in iure communi Episcopus, & Cælibdus in Sede vacante, & alij habentes iurisdictionem quasi Episcopalem, dispensant, & commutant omnia suorum subditorum vota, aliàs Papæ non reseruata, vt ait *D. Thom. art. 13. ad 3. communiter.* Etiam si materia voti cadat in commodum alterius, vt votum Deo factum dandi aliquid pauperibus, aut Ecclesiæ. Ita *Caiei. tom. 2. opusc. 9. 3. de voto, Silu. verb. votum 4. Torre art. 12. d. 2. cum Armst. Namar. & communi* contra aliquos. Nisi, vt ait Torre, talis eleemosyna sit iam acceptata ab eo, cui est voto promissa. Quia tunc tale votum sine istius consensu, non est dispensabile. Et conclusio patet. Nam Episcopus in sua Diocæsi habet tantam potestatem, quantam Papa in toto orbe, dum à Papa non limitatur. Secus de Curatis, qui sine priuilegio nulla vota possunt dispensare, aut commutare, vt ait *Torre art. 12. d. 1. cum D. Anton. Soto, Silu. Namarro.* Et patet. Tum ex *D. Thom. art. 12.* requirente pro dispensando, aut commutando voto Prælati auctoritatem. Tum ex *Innocent in cap. 1. de voto, communiter recepto ab Hostiens. Panorm. & alijs* contra Mann. Rod. in *quæst. Regul. tom. 2. quæst. 46. art. 9.*

25

3. Concl. Votum visitandi Hierusalem, reseruatur Papæ, cap.

cap. quod super his, & cap. ex multa, de voto, & votum peregrinationis Romanæ, & Compostellanæ, & votum Religioris, & omnimodæ castitatis perpetuæ referuntur Papæ ex consuetudine, ut ait Nauar. cap. 12. num. 75. Torre art. 12. d. 1. cum Panorm. Soto, Silu. Suar. lib. 6. cap. 21. Quando aliàs dicta vota sunt absoluta in re, etsi sint conditionata secundum formam externam, ut ista vota, promitto intrare Religionem, si pater moriatur, aut si frater maior habeat filios, ubi dictio, si, æquiualeat his dictionibus, quando, cum, post, & sic sunt vota absoluta. Ita *Torre, Med. Gallo, Penna, Aragon.* Et intelligitur conclusio per se loquendo. Nam aliquando potest Episcopus dispensare in dictis votis etiam absolutis. 1. Si instat necessitas dispensandi, & non patet arbitrio prudentum, facilis aditus ad Papam, ob pericula itineris, inopiam vouentis, &c. Ita *Silu. verb. votum, 4. Caiet. 1.2. q. 93. art. 4. Torre, Nauar. cap. 12. num. 42. Suar. lib. 9. cap. 26. num. 9 Sanchez lib. 8. de matrim. d. 9. num. 22.* Et etiam expedit bono communi Ecclesiæ. 2. Si dubitatur de valore dictorum votorum, siue dubium sit iuris, siue facti. Ita *Torre art. 12. d. 3. cum vota ista ob dubium non censeantur vota simpliciter, de quibus est reservatio. Ex dictis patet. 1. posse Episcopum dispensare in voto promissi clericatus, in voto temporalis castitatis, non nubendi, vitandi mollitiem, non petendi debitum. Imò & in dictis votis Papæ reservatis, si sint conditionata pœnalia, etiam conditione impleta. Ita Med. in sum. lib. 1. c. 14. §. 6. Ludou. Iop. 1. par. cap. 44. Sanch. lib. 8. de matrim. d. 10. num. 8. Suar. c. 23. lib. 6. num. 6. Torre cum alijs, contra Soto, & Nauar.* Et patet, quia intentio vouentis, v. g. Religionem si tale crimen committat, non fertur per se, & directè in Religionem: cum non affectu ad eam, sed ex odio, & ut à tali crimine se cohibeat, vouet illam, sed reservatio voti Religionis, &c. intelligitur de voto Religionis, &c. simpliciter, & directè, ergo &c. Et ob eandem rationem idem dic de voto Religionis, castitatis, &c. verè, & purè conditionalibus, etiam conditione impleta: cum adhuc maneant conditionalia, & ortum habeant ex consensu imperfecto, & condicionali. Ita *Torre, cum Oriella, Anton. Gom. Sanch. num. 12. contra Valent. Aragon. Nauar. Gutier. asserentes ista vota, etiam non impleta conditione esse reservata. Vbi nota, vota pœnalia posse commutari, etiam quoad pœnam contractam: ut si vouisti non accedere ad mulierem, & si accedis dare talem elemosynam, post accessum potest commutari*

mutari tale votum etiam cum pœna incurſa . Sicut & quando vouiſti dare quotidie eleemoſynam , poteſt commutari votum cum eleemoſyna non ſoluta : quia iſta non ex iuſtitia, ſed ex Religione, & voto debetur, ergo facultas tollendi votum ad omnia ſe extendit. Ita *Torre art. 12. d. ult. contra Nauar. conſil. 23. & 32. de Voto . 2.* patet ex dictis, poſſe Prælatos regulares diſpenſare, & commutare omnia ſubditorum vota, etiam tranſeundi ad arctiorem religionem : cùm iſtud non ſit ſimpliciter votum religionis, ſed religionis arctioris . Ita *Caiet. art. 8. contra Palud. in 4. d. 28. q. 4. art. 4.* negantem dictis Prælatiſ poteſtatem iſtam diſpenſandi, eo quòd habent poteſtatem irritandi . Sed hoc eſt contra communem ſententiam, cùm habeant iſti auctoritatem Prælati, ſicut & poteſtatem dominatiuam . Imò etſi iſti Prælati non poſſint ſuorum Nouitiorum vota irritare : cùm nondum ſint ſibi per profeſſionem traditi, vt ait *Nauar. in Man. cap. 12. num. 65.* tamen ob poteſtatem ſpiritualem, quam habent in eos, poſſunt illorum vota commutare, & diſpenſare, de quo in noſtra *Epit. lib. 1. cap. 6. dub. 20.*

4. Concl. Qui poteſt etiam ex commiſſione diſpenſare in votis, poteſt & illa commutare . Quia hoc eſt minus illo, cùm per commutationem non tollatur, ſicut per diſpenſationem, vinculum voti, ed mutetur in aliam materiam. Ita *Soto 7. de iuſt. q. 4. art. 3. Suarez lib. 6. cap. 12. num. 9. Palud. art. 3. con.*
- 26 5. *Torre art. 12. d. 1.* Et colligitur ex *D. Thom. art. 10.* Imò & ipſe vouens poteſt commutare ſuum votum, ſaltem ſecundùm *Soto, Suarez, & Torre contra Aragon.* quando non eſt Papæ reſeruatum, in aliam materiam moraliter euidenter meliorem . Ita *Torre art. 12. d. cum Couar. Nauar. Cord. Armil. Soto, & Caiet. ex cap. peruenit, de iureiur. contra Silu. Palud. Ricar. Pannorm. & Felin.* requirentes ſemper pro commutatione auctoritatem Prælati . Imò in ſententia probabili *Medina, & Henricq. lib. 2. de pœnit. cap. 20 §. 5.* vouens poteſt commutare ſuum votum in materiam euidenter æqualem : quia æquale obſequium fit Deo, & aliàs *Hilarem datorem diligit Deus . 2. ad Cor. 9.* Item Confeſſores poſſunt habentium Bu'lam Cruciatae commutare omnia vota, excepto voto Religionis, perpetuæ caſtitatis, & voto vltimarino, vepotè, quando iſta vota ſunt abſoluta : Secus ſi ſint pœnalia, aut conditionata ; quia vt ſic non ſunt reſeruata, vt dixi *dub. 12.*

Dub. 12. *Quomodo fiet votorum commutatio ?*

.1 Conc.

1. Conc. Virtute Bullæ, aut alterius privilegij vota mitius commutentur, cùm Papa in hoc aliquam gratiam concedat. Ita *Man. Rodrig. in Bulla*, §. 9. num. 107. cum *Cord. g. 1. q. 2* Sed *Torre art. 26. dub. 6. cum Silu. verb. votum*, *Nauar. c. 12. num. 63.* & *Caiet. verb. votum*, oppositum, ait, tutius, & sequendum, quia commutatio sonat æqualitatem rei ad rem, vt ait *C. iet. ex Arist. 5. Ethic.* At commutatio in minus aliqualis dispensatio est: ergo cum facultate commutandi Bullæ, non potest votum commutari in minus. Et nota, quod commutatio virtute Bullæ sub excommunicatione lata à Commisario Ciuitatæ fiet in eleemosynam pro subsidio belli contra infideles, saltem secundum partem, vt ait *Suarez. lib. 6. cap. 16. num. 18.* Imò pro pauperibus erit vera Viualdi intelligentia, 3. *part. Cand. cap. 14. num. 39.* quod fiat erit, si commutatio fit in subsidium spirituale: cùm Bulla solum dicat debere fieri in subsidium. Sed *Torre* id de subsidio temporali, & non aliter putat intelligi. Secus sit de commutatione facta à Religiosis in quoduis opus pium per sua privilegia, de quo in *nostra Epitome de statu Religionis, lib. 2. cap. 6. dub. 8.*

2. Conclusio. In commutandis votis diligenter omnia taxentur. Votum perpetuum regulariter commutetur in aliam obligationem perpetuam, vt ait *Torre art. 12. d. 6.* Et si vouisti peregrinationem attende sumptus itineris, etiam cum socio si es vir nobilis, demptis expensis, & sumptibus domi faciendis, & ducendo famulos, & equos, vt ait *Argon. art. 12.* & *Medin in sum lib. 1. c. 14. §. 6.* & 7. nisi alias vouisti ire cum ista pompa, vt ait *Torre art. 12. d. 5.* Attendantur etiam pericula, labores itineris, & damna ex tua absentia in tua familia secutura. Ita *Nauar. num. 77.* Attendantur etiam sumptus, & labores redditus, vt ait *Torre cum Caiet. verb. votum*, & *Ludou. Lop. 1. par. cap. 49. ex cap. magna. de voto*, id expressè insinuante contra *Henriquez lib. 7. cap. 30.* & *Man. Rodr. in Bulla*, §. 9. num. 107. & *Angles, diff. 6. de voto.* Qui enim vouit ire Romam, dicunt isti, satisfacit eundo, nec tenetur redire. Et nota 1. Quod semel facta commutatione alicuius voti in aliam materiam, non reuiuiscit prioris materię obligatio, etsi vouens fiat impotens, etiam ex malitia ad opus commutatum, quia commutatio non fit conditionatè, sed absolutè, & simpliciter: ergo semel facta expirat prioris materię obligatio: nec ob malitiam reuiuiscit. Ita *Torre art. 12. d. 5.* Nota 2. Quod commutatio, aut
dispen-

dispensatio voti, facta virtute Iubilæi petentis ieiunia, confessionem, &c. non valet si non implentur requisita pro obtinendo Iubilæo. Ita *Torre, art. 12. d. 6. contra Enriq. lib. 7. c. 9.* Quia gratia omnes Iubilæi, vt est ista votorum commutatio, & dispensatio, conceduntur sub illis conditionibus. Nec est idem de absolutione à reſeruatis. Quia ista non datur sub conditione. Verum est, quod quando Iubilæum lucraris in vna ex duabus septimanis, sicut non potes bis absolui à reſeruatis semel in vna, & semel in altera septimana, etſi in ambabus septimanis facias requisita pro Iubilæo: sic nec potes bis vti gratia commutationis, aut dispensationis, sicut nec bis lucrari indulgentiam. Ita *Torre, art. 12. d. 6. & Suarez, cap. 16. num. 16. lib. 6. contra Enriq. lib. 2. de Indulgentia, cap. 11.*

3. Conc. Qui habet facultatem dispensandi, & commutandi vota, melius faciet vtendo vtraque potestate, vt sic defectus in assignando sufficientem materiam pro commutatione suppleatur per dispensationem, & causa sufficiens maior pro dispensatione, quàm pro commutatione, suppleatur per commutationem. Ita *Enriq. lib. 7. cap. 30. num. 5.*

TER TIVM PRÆCEPTVM.

Memento vt diem Sabbati sanctifices.

Festorum sanctificatio fit cessando ab operibus seruilibus, audiendo Missam, orando Deum, ieiunando, & seruando alia Ecclesiæ præcepta, quæ ad hoc tertium præceptum reducuntur, de quibus suo ordine dicemus.

ARTICVLVS I. DE CESSATIONE AB OPERIBVS SERUILIBVS.

S V M M A R I V M.

An liceat laborare in diebus festis, num. 1.

In die festo licet exercere etiam pro pretio opera ingenua, vs docere, patrocinari, &c. num. 2.

Sed opera seruilia facere in festo est peccatum mortale ex suo genere, paruitas materia excusat à mortali, num. 3.

Et tamen opera seruilia licita sunt multis casibus, num. 4.

Licita

Licite sunt etiam ea, quæ sunt in usu, sciente, & non veniente Superiore, vt coquere cibos, &c. num 5.

DV B. 1. *An liceat laborare in festis?* Et festa dicuntur, quæ iubentur seruare in iure, aut ab Episcopo cum clero, & populo ex causa rationabili non contradicente, iuxta *cap. conquestus, de ferijs*. Ita *Armil. verb. festum, num. 21*. Et festa sic instituta, sunt etiam seruanda à Religiosis, cum sint vicini oppidorum. Ita in *Concil. Trid. sess. 24. cap. 12*. Nec seculares possunt in domibus Religiosorum ob pietatem laborare absque necessitate, & licentia Ordinarij laborantium. Ita *Man. Rodr. verb. festa*.

1. Conclusio. Licite exercentur in festo, etiam pro pretio opera ingenua, v. g. docere, patrociniari in Aduocato, piscari, depingere, acere recamaturas, id est, *labrar, à border*, & designare in cartis, quæ sunt postea fabricanda, & similia. Ita *Armil. verb. festum*. Et licet iuxta *Gaiet. 2. 2. q. 122. art 4. & Nauar. in Man cap. 13. num. 14* non liceat in festo transcribere libros, & processus ob quæstum: sed re vera, nec ista sunt opera seruilia, nec ob pretium seruilia sunt, vt ipse *Gaiet. verb. festum, Nauar. num. 1. & 2. & Med. in Sum. §. 8. & Ludou. Lop. tom. 1. cap. 52. fatentur*.

2. Conclusio. Peccatum est mortale ex genere, facere in festo opera seruilia. Et ista sunt opera corporalia, in quibus vnus homo alteri seruit, vt ait *D. Thom & Caiet. 2. 2. q. 1 art. 4. ad 3. & cap. 1. & cap. conquestus, de ferijs*. Inter opera seruilia computantur. 1. Mercatus, scilicet, negotiationes, & locationes. 2. Iudicium ciuile, præter excommunicationem, quæ potius habet rationem legis. 3. Litigare, vbi non vetatur informare iudicem, etiam cum Aduocato, & procuratore, nec appellare, sed litigare quoad actus iudiciales. 4. Iuramentum in causis iudicialibus, nisi aliàs petatur pro pace, aut alia necessitate. 5. Iudicialis strepitus. Et annullatur processus, & sententia lata in festo, etiam de consensu partium: nisi aliàs pro pietate, aut necessitate. Nam aliquando immanitas delicti notorij petit reum subito, etiam sine processu, suspendi. Dixi ex genere. Nam ex paruitate materie erit peccatum veniale. Vt laborare per dimidiam horam, grauis enim materia reputatur à viris doctis labor vnus horæ, etiam si laboretur pro paranda materia ad opus sequentis diei, vt si figulus parat lutum. Et idem est de purgante triticum,

ticum, aut farinam, nisi vsus sit in contrarium, sciente, & non contradicente Superiore.

- 4 3. Concl. Aliquando licet facere opera seruilia in festo.
1. Pro salute corporali, vt patet in pharmacopolis potum agris, etiam pretio propinantibus.
 2. Pro vitando damno imminenti hostium, aut tempestatum, licet colligere fructus, &c.
 3. Licet refarcire vestes pauperum, & ipsis, & pro ipsis ablato scandalo laborare pro victu acquirendo, et si lata sit excommunicatio in laborantes. Ita *Nauar. in Manual. cap. 23. num. 14. & 15. Armil. verb. festum, num. 25 & Caiet. verb. festum*. Et sic tonsor potest tondere barbam laboraturis in crastinum, & idem *delherrador*.
 4. Pro Ecclesia paupere licet eius edificatio, cultus agrorum, & domorum, sed de licentia Ordinarij, vt ait *Caiet. & Armil. verb. Festum*. Et quoties necessitas propria, aut proximi non est ita clara, petatur licentia ab Ordinario, aut Curato, vbi iste solet dispensare. Ita *Ludon. Lop.* Sed si necessitas certa est, non est necessaria talis licentia, vt ait *D. Thom. 2.2. q. 147. art. 4.* sicut nec ad non ieiunandum, aut vetitis vescendum.
- 5 4. Conclusio. Etiam sine necessitate sunt licita in festo opera seruilia, quæ sunt in vsu, sciente, & non rennente Superiore, vt coquere cibos pistorios, & alia ad victum; coquere lateres, ollas, vitrum, calcem, nauigare, itinerari, locare, & conducere homines, & animalia pro die sequenti, vendere supellestilia in subhastatione, molere triticum, & mittere ad hoc animalia tritico onusta, vendere calceos, & alia, quæ sunt in vsu, & iuxta *cap. licet, de ferijs*, piscari thunos, sardas, &c. quando isti pisces certis diebus veniunt, & illicò fugiunt. Et idem de alio lucro transitorio. Ita *Caiet. Armil. Ludon. Lop. & alij*. Et puella laborans ob vitandum otium excusatur a Sa, verb *Festum*.

ARTICVLVS II. DE MISSA.

S V M M A R I V M.

Tenemur sub mortali in festis audire Missam ab Epistola, vel Evangelio vsque ad finem communionis, num. 1.

Quomodo Missa sit audienda, num. 2.

Qua excusent ab audienda Missa, num. 3.

DVB. 2. An fideles teneamur audire Missam in festo?

1. Concl. Tenemur sub mort. audire in festis Missam, 1
ab Epistola, aut iuxta *D. Ant. 2. tit. 9. cap. 10. Nau. in Man.*
p. 21. n. 2. & Mann. Rod. vers. festa. ab Euangelio vsque ad
communione finitam. Et qui alia omittit satisfacit Missæ,
etsi peccet ven. ob paruitatem materiæ omissæ. Imò qui au-
dit dimidiam Missam ab vno Sacerdote, & aliam dimidiam
ab alio, satisfacit, cum audiat integram Missam. *Ita Nauar.*
& Soto d. 13. q. 1. ar. 1.

2. Conclusio. Etsi non sit necesse audire Missam, vt patet 2
in procul astantibus, debemus tamen interesse Missæ mente
& corpore: ita vt si commedè possis oculis videas, & auribus
audias. Qui enim de industria avertit oculos, & obstruit au-
res per bonam partem Missæ, non satisfacit, etsi aliàs mente
attendat Missæ. Et requiritur pro Missa attentio requisita pro
recitatione horarum; nec tollitur ista attentio recitando Ro-
sarium, aut alia tunc, sed magis sic excitatur deuotio: de quo
dub. 3. Et qui in Missa discurrit pro necessarijs Missæ, sati-
sfacit. *Ita Sà. ver. Missa.* Qui autem transit per oppidum,
vbi celebratur festum particulare, non tenetur audire Missam,
secus si inde recedat, vel eo accedat. *Ita Sà.*

3. Concl. Excusamur ab audientia Missæ pro vitando 3
scandalo, aut damno in corpore, honore, aut diuitijs: pro me-
dendo infirmo, pro custodia filia, aut si non habes velles qui-
bus decenter iuxta tuum statum in publico appareas, aut iti-
nerando cum socio nolente expectare Missam. Excusantur
pastores, & alij custodes. Sed si sint duæ Missæ & duo pasto-
res, vnus audiet vnâ Missam, alter alteram. Et si sit sola
vna Missa, alter eorum alternatim audiet illam. Excusantur
etiam, qui ex more rationabili patriæ solent domi manere;
sicut puellæ, vbi mos est, ne domo exeant, & viduæ per men-
sem luctus, & puerperæ per dies Purificationis abstinentes ab
ingresso Ecclesiæ, iuxta *c. 1. de Purificatione*. Excusatur
agaso extra oppidum manendo, vt pascantur bestia, & qui
vendit panem, & alia quæ non possunt omitti sine graui dam-
no. Excusatur qui bona fide putans in tali hora, aut loco
Missam celebrari, expectat vsque tunc; & postea ex aliquo
euentu non celebratur, & qui itinerando bona fide putat per-
uenire ad horam Missæ, & ex negligentia inculpabili id omi-
sit, aut si Missa sit anticipata plus solito.

4. Cong. Patres tenentur monere, filios, & famulos, vt
D Missam

Missam audiant; & non occupare eos in operibus seruilibus. Et si sub graui pœna iubeant eos laborare, aut omittere Missam, filij, & serui non peccant obediendo. Et idem est de vxore. Ita Caiet. Armil. & Ludou. Lop. tom. 1. c. 52.

ARTICVLVS III. DE ORATIONE.

D. Thomas 1. 2. q. 83.

S V M M A R I V M.

Quod sit praeceptum orationis, & quando obliget, num. 1.

Qua attentio requiratur in oratione, num. 2.

Quis teneatur recitare horas canonicas, num. 3.

Religiosus professus chorum, ad eas tenetur sub mortali, num. 4.

Tenetur etiam ad eas dum est eiectus à religione; secus si ex chorista fiat laicus, num. 5.

Habentes beneficia Ecclesiastica hoc praeceptum obligat, & habentes pensionem spiritualem tenentur recitare Officium paruum B. Virginis, num. 6.

Qui habet tenuissimum beneficium non tenetur recitare horas, num. 7.

Ad quid teneatur beneficiarius non recipient fructus beneficii, num. 8.

Quid dicendum de illo, qui habet titulum beneficii sine possessione, num. 9.

Qui habet Capellaniam an teneatur recitare horas, num. 10.

Coadiutor alicuius beneficii ad eas non tenetur, num. 11.

Dominicani sub mortali tenentur certis diebus recitare paruum officium B. Virginis, & singulis septimanis officium Desuictorum, num. 12.

Ad eadem recitanda tenentur dum vtuntur Breuiario Romano, num. 13.

Non est peccatum mortale dicere officium de Sancto dum agendum esset de Feria; si tamen hoc fiat in Sabbato, dicendum est paruum officium B. Virginis, non Canticum Graduum, num. 14.

Inuertere ordinem horarum, & dicere Missam non recitatis Matutinis, non est peccatum, num. 15.

Quando repetenda sint hora propter omissionem alicuius partis, vel interruptionem, num. 16.

Quinam

Quinam excusentur à lectione horarum in toto, vel ex parte, num. 17.

Beneficiarius simplex, omittens horas sine legitima causa, tenetur restituere fructus illius divi, num. 18.

Quis modus servandus in hac restitutione, num. 19.

Quinam teneantur recitare horas in publico, num. 20.

Canonici absentes à choro per novem menses singulis annis tenentur restituere quotidianas distributiones, & fructus etsi legant domi suas horas, num. 21.

Probabile est Canonicos satisfacere legendo horas domi, dummodo habeant Vicarios, qui cantent in choro, num. 22.

Probabilis tamen est eos teneri recitare in choro, num. 23.

D VB. 3. *An oratio sit in præcepto?*

1. Concl. Affirmativa. Patet *Luc. i8. Oportet semper orare, &c.* Sed cum hoc præceptum sit affirmativum, non obligat ad semper, sed in necessitate. Et ad hoc sunt festa instituta, ut in eis homo vacet Deo.

2. Cont. Quoties homo est in gravi necessitate infidelitatis, desperationis, &c. tenetur orando implorare Dei auxilium. Quia tunc potissimè obligat præceptum orationis.

3. Concl. Qui nunquam orat peccat mortaliter. Quia cum hoc præceptum sit affirmativum, aliquando, etiam extra gravissimam necessitatem, debet obligare. Et qui per multum tempus non orat, non videtur habere gratiam Spiritus sancti, qui ubi habitat, *postulat pro nobis*, id est, postulare nos facit, & clamare ad Deum *gemitibus inenarrabilibus. Ad Rom. 8.*

4. Concl. Non requiritur actualis attentio in tota oratione, ut sit meritoria, & impetratoria, cum sit impossibilis mortaliter, sed sat est prima intentio qua accessisti ad orandum, cum animo implendi præceptum orationis, dum tamen in ea de industria diu non diuageris, aut alia facias impediens attentionem. Quia sic orando peccares, nec impleres præceptum orationis. Et nota. Quod attentio pro oratione est triplex.

1. Qua attenditur ad verba, ne orans in eis erret. 2. Qua attenditur ad sensum verborum. 3. Qua attenditur ad finem orationis, ut potè, ad Deum, & ad rem pro qua oras. Et hæc est maximè necessaria; & ab idiotis haberi potest, etsi non intelligent orationem. Et cum ista attentione simul impleas præceptum audiendi Missam, & recitandi horas, ut ait *Gaiet. opusc. de hoc, Soto d. 13. q. 2. art. 1. Med. in sum. Torre 2. 2. q. 8. contr. 8. d. 3.*

D 2 contra

contra *Silu. ver. Missa 2. & Armill. ver. festum. ut dixi dub. 2.*

Dub. 4. *Quis tenetur horas canonicas recitare?*

1. Conc. Præceptum recitandi horas, obligat. 1. *in ca. dolentes, de celeb. Miss. & c. fin. de 92.* initiatos maioribus
- 4 ordinibus. 2. Religiosos professos vtriusque sexus choristas, sine ad id teneantur ex natura status, quod verius reputo *cum D. Ant. p. 3. tit. 14. ca. 4. §. 1. & Na. in man. c. 25. num. 96.* siue ex consuetudine immemoriali, quod alij volunt. Et quod teneantur, est communis sententia Thomistarum, & Canonistarum contra *Med. Complut. de quo Torre, 1. 2. q. 83. art. 16. controu. 6. d. 2. Ledesma tract. 9. de relig. c. 4. ubi* etiam imponit Caietano ipsum dicere, non obligare istos hoc præceptum sub mor. Nec est audiendus Aragon, ait Ledesma, improbabiliter asserens, quod si religiosus professus semel aut iterum omittit horas, non peccat mort. bene tamen si pluries. Et nota, quod si Religiosus professus à religione eiicitur, tenetur horas recitare, sicut, & clericus degradatus.
- 5 Quia ex sua improbitate non debet leuamen reportare, nec per talem expulsionem liberatur à suo statu aut ab intrinsicis
- 6 ei: secus de chorista translato ad statum laicorum, ait Torre, *controu. 7. num. 17. & 20.* Tertio obligat hoc præceptum habentes beneficia Ecclesiastica. Inter quæ computantur portiones, & alia beneficia, etiam nullum seruitium habentia, & præstimonialia, ut declaratur à Pio V. in motu incipiente *ex proximo Latera Conc.* Vbi etiam præcipitur habentibus pensiones titulo spirituali, saltem primæ tonsuræ assignatas, recitare officium paruum beatissimæ Virginis.

- An vero recitare tenearis, si habes tenuissimum beneficium? *In hoc Silu. ver. hora. Nauar. in man. c. 25. n. 102. & glos. in c. clericus victum, d. 91. tenet quoddam sic.* Sed oppositum tenent. Soto 10. *de ius. q. 5. Man Rod. cum Aragon in sum. 1. p. cap. 340. Ledes. & communiter Theologi, maxime Thomista.* Et patet. Quia obligatio recitandi horas in beneficio, oritur ex stipendio, & beneficio, & debent ista inter se proportionari, sed tenuissimum beneficium, seu stipendium non proportionatur cum tam ingenti onere recitandi horas, ergo. Vbi nota, quod iuxta Ledesman, tenuissimum beneficium est, quod non excedit viginti ducatos, & Soto dixerat, quod non excedit octo ducatos, quod idem est. Nam in tempore Soti, quando stipendium Missarum erat dimidium argantium, octo ducati æquiualebant viginti modo, quando

quando stipendium Missarum excedit vnum argenteum. Addit etiam Soto & alij prædicti, quod si beneficium non sit sufficiens pro victu clerici pauperis, si tamen sat est ad bonam partem victus, obligat recitare horas. Aliàs si adhuc sic non sat est, obligabit recitare aliqua ad arbitrium prudentum pro quantitate beneficii.

4. Beneficiatus, qui vltro cedit alteri fructus, aut sua culpa non capit eos, eo quod non vult seruire Ecclesiæ, ob quod fructus dantur vicario seruienti, aut si acceptat beneficium cum onere reddendi alteri omnes fructus, iste, inquam, in istis casibus tenetur horas recitare. Ita Torre, controu. 6. d. 5. Secus de habente beneficium sine fructibus per Papam alteri concessis, quia ob fructus tenetur horas recitare, ait Caietan verb. hora. Sot. Namur. Ledesm. & Man. Rod. contra Siluest. verb. hora & Medin de oratione, qu. 9. ponentes solum titulum beneficii cum seruitio, maximè, vt ait Na. si capit quotidianas distributiones etiam insufficientes ad victum, obligatur recitare horas.

5. Qui habet titulum beneficii, & ex negligentia non accipit possessionem, vt pote si sit excommunicatus, & facillè obtinebit absolutionem, vt accipiat possessionem, etsi interim ob excommunicationem non capiat fructus, tenetur horas recitare. 6. Si beneficiatus litigat super beneficio, & data sententia obtinebit fructus sequestratos, aut ab aduersario perceptos, etiam si non acceperit possessionem, tenetur horas recitare. Quia fructus saltem post litem contestatam, debentur vero beneficiato, si vicerit. Ita Nau. in m. c. 25. nu. 104. & Ma. Rod. in su. p. c. 140. contr. Caiet. Palud. & So. Sed melius distinguit Ledesma tract. 9. de religione, dicens, quod si beneficiatus possidet beneficium, & certum sit eius ius, ita quòd certo sibi applicabuntur fructus, tenetur horas recitare. Secus si non possidet beneficium, & dubitatur an possidebit, aut si possidet non capit fructus, & dubitatur an spoliabitur.

7. Qui habet capellaniam à solo fundatore sine ordinario institutam, non tenetur horas recitare. Nam cum ista non sit beneficium Ecclesiasticum, solum obligat dicere Missas. Secus sit de habente capellaniam collatiuam, vt potè, auctoritate ordinarij institutam, siue ad eam promoueat capellanus solo iure collationis, aut electionis, & confirmationis, siue per præsentationem, & institutionem. Ita Namur. in man. cap. 25. num. 121. Torre, de horis Canonicis.

contr. 6. d. 6. Silu. verb. hora, ubi etiam dicunt, quod si iste non satisfacit Missis, aut alijs oneribus capellanix, quia puer, aut impotens est, sed ista facit per alium, adhuc recitare tenetur. Quia istud est onus personale annexum habenti beneficium: nec alteri delegabile, etiam ut studijs vacet. Ita communiter iuxta *Clem. 2. de celebr. Miss.* contra *Panorm. & Gerar citatos à Torre contr. 7. num. 16.* At si à Capellano ad omnia, etiam ad recitandum impotentij, aut à Prælato in vacantia Capellanix committatur alteri tota Capellanix administratio, tenebitur solus iste recitare. Quia horarum recitatio computatur inter pertinentia ad administrationem beneficii. Ita *Torre contron. 6. d. 6. cum Medin. Ledesma, & Nauar.* Et nota 1. quod qui habet plura beneficia, satisfacit semel in die horas recitando.

- 11** Ita *Torre dub. 4. cum D. Thom. quod. 1. ars. 13.* Nota 2. quod coadiutor alicuius beneficii, etiam cum spe certa futuræ successionis, non tenetur horas recitare, nisi aliter à Papa disponatur in bullis coadiutorix. Tum, quia iste non est beneficiatus. Tum, quia alter cuius est coadiutor, tenetur horas recitare, & pro vno beneficio non sunt duo obligandi ad recitandum horas. Nec obstat, si coadiutor absente coadiuto habet sedem in choro, & vocem in Capitulo. Nam ista sunt priuilegia ei concessa, quæ tamen non efficiunt eum vere Canonicum. Ita *Torre dub. 6. & Nauar. in Man. cap. 2. num. 18.*

- 12** 2. Concl. Prædicti tenentur sub mortali ex genere studiose, & deuotè horas recitare nocturnas, & diurnas. Ita *cap. dolentes, de celebrat. Miss.* Et prout in eorum Breuiario disponitur. Tenentur etiam recitare alia, quæ ex laudabili consuetudine, ut obligantia sunt instituta. V. g. In nostra Prædicatorum familia, tenemur recitare officium paruum Beatissimæ Virginis, exceptis certis diebus, & in singulis septimanis integrum officium Defunctorum, &c. Dixi ex genere, nam ex paruitate materiæ omissio Hymni, aut breuis Psalmi, erit peccatum veniale. Et licet qui vtuntur Breuiario Romano, ut ait *Torre contron. 8.* peccent mortaliter, si sepe, non si semel, aut iterum, recitent per aliud Breuiarium ob præceptum Pij V. tamen secluso isto præcepto non peccat
- 13** mortaliter, qui extraneo vtitur Breuiario, dum etiam recitet alia obligantia in sua Religione. V. g. Si Religiosus Dominicanus recitet per Breuiarium Romanum, tenetur recitare Officium beatissimæ Virginis, Canticum Graduum, & Officium Defunctorum, prout in suo Breuiario notatur. Esti enim
in Bre-

in Breuiario Romano à prædictis liberentur: tamen hoc intelligitur pro recitantibus per Breuiarium Romanum, in sua Religione receptum. Item non peccas mortaliter, si etiam absque necessitate recites de alio festo contra ordinarium, aut si pro feria recites de Sancto, dum tamen recitando in Sabbatho, de beatissima Virgine, & omittendo feriam, recites etiam officium paruum beatissimæ Virginis, non verò Canticum Graduum. Et intelliguntur ista per se, & regulariter. Nam si in Dominica, v. g. recites officium ferie secundæ, peccas mortaliter cum defraudes officium diuinum, in notabili quantitate. Et si in Natali Domini, aut Paschate, & similibus recites de Sancto, peccas mortaliter ob defraudatum finem cultus Ecclesiastici in celebratione festiuitatum. Et si in Quadragesima recites officium temporis Paschalis, peccas mortaliter ob vtramque rationem dictam. Ita *Torre controu. 8.* Item non peccas mortaliter, si etiam sine necessitate anteponas, aut postponas horas intra eundem diem, aut inuertas ordinem horarum. Ita *Torre, cum D. Anton. Angel. Silu. Soto, & Medin. in 3. præcepto, §. 11.* Item non peccas dicendo Missam nondum recitatis horis Matutinis. Ita *Torre controu. 8. ad 2.* Quia nec de hoc stat præceptum, aut consuetudo: vt contra *Nauar.* dicunt multi relati à *Silu.* verb. *Missa*, nec Missa, & horæ habent inter se connexionem, aut ordinem. Et nota quòd pars notabilis horæ, sine qua omissa, in parte recitata non saluatur, iudicio prudentum, forma, & modus horæ, est iterum cum tota hora recitanda. Sed si in parte recitata saluetur forma, & modus horæ, sat erit repetere partem si sit notabilis, etiam culpabiliter omissam, vt si in Matutinis Dominicæ omisisti Psalmum *Diligam te Domine, &c.* At si pars omissa etiam culpabiliter sit parua, non est iterum recitanda. Quia parum pro nihilo reputatur. Et idem quando prædicta recitantur sine attentione formali, aut virtuali. Ita *Torre controu. 9. num. 13.* Item si interruptis horam cum causa legitima, repetes à parte interrupta. Et idem si interruptio, etiam culpabilis, est brevis. Secus si interruptio aliàs culpabilis est longa, tunc repetatur hora. Nam longa interruptio culpabilis discontinuat totam horam, non sic interruptio legitima, etiam longa. Item nec repetes horam, si ob vanam gloriam, aut ob alium finem mortalem recitasti horas. Ita *Torre loco citato, num. 14.*

Dub. 5. *An excusentur aliqui à recitanda horas?*

1. Conclusio. Excusantur à recitando horas, 1. Infirmi

D 4 non

Hæc propositio est ad hunc tenentem xi. h. 2. h. 1679. et 54. et 65. et

non valentes recitare totum officium qui nec partem, et si possint, tenentur recitare. Ita Manuel. Rodr. in summa 1. parte cap. 145. contra Nauarum cap. 10. de oratione num. 9. imo Torre, art. 17. controu. 7. ait quod qui ex quauis causa non potest recitare maiorem partem officij in qua seruatur forma officij Ecclesiastici, non tenetur recitare minorem, vt si non potes recitare horas ante meridianas, non teneris recitare Vesperas, nec Completorium, et si possis, Quia, ait, omnes horæ vnicuique officium diuinum reputantur, in quo Ecclesia representat quæ Christo in sua passione acciderunt: ergo cum illa representatio saltem in minori parte non saluetur, ad eam non tenemur. Item, et si infirmus, qui cum socio facile inuenito recitare volet, ad id teneatur, sed non obligatur ad inquisitionem socij diligentem. Ita Torre, controu. 7. nu. 4. Nec tenemur audire officium diuinum, si non possumus illud recitare. Quia præceptum hoc, est de recitando, non de audiendo horas. Ita Torre, cum Nauar. At infirmus, qui potest serio loqui, aut alia prophana tractare, non excusatur à recitando horas, cum hoc sit illo facilius. In dubio tamen an nocebit horarum recitatio, erit necessaria Prælati dispensatio, sicut & pro ieiunijs, aut cibis. Ita Torre ex D. Th. 2. 2. qu. 147. art. 4. 2. Excusatur à recitando horas, qui subito occupatus aliqua necessitate, quæ sine peccato, aut scandalo omitti nequit, vtrique obligationi satisfacere non valet, v. g. pro pacificando populo rixari volente, pro confutanda aliqua mala doctrina pro prædicando Sermone qui non potest sine scandalo omitti. Ita Silu. ver. ho. a. Nau. loco cit. cap. 9. n. 88.

3. Excusamur ob maiora opera quam sit recitatio horarum. v. g. pro medendo infirmo, pro audiendis confessionibus in magno concursu. Et à fortiori satisfacis si sciendo te sequenti die occupatissimum fore, anticipas horas præcedenti vespere. Ita docet Nau. de eo qui in concursu publico aliorum candidato innum est lecturus, aut conclusiones defensurus,

Dubio 6. *An qui sine causa legitima non recitat horas, teneatur restituere.*

1. Conclusio Negatiua de Religiosis, & de initiatis sacris Ordinibus: cum isti non ex iustitiæ, sed ex sola Religione recitare teneantur.

18 2. Concl. Beneficiati simplices, vt pensionarij, præstimonarij, &c. si horas non recitent, tenentur restituere ex

iure

iure diuino, & naturali. Quia ob hoc solum dantur sibi stipendia, nec eis incumbit aliud ministerium spirituale, ergo si hoc non præstent, sicut qui non laborant in vinea, tenentur ex iustitia restituere stipendia. Nec sat erit *contra D. Anton. 3. part. tit. 6. Adria. & alios relatos à Torre, controu. 9. num. 23.* si recites cras horas omittas hodie. Quia Ecclesia non dat stipendia, vt pro se orent solum, sed etiam vt Deo exhibeatur cultus iuxta formam ab ea præscriptam, modo in honorem istius sancti, modo alterius, modo ad celebritatem huic diei dicatam, & modo ad alterius diei solemnitatem. 2. Patet conclusio de omnibus beneficiarijs, etiam cum cura animarum, ex *Concilio Tridentino latè sess. 9. cap. 9.* vbi sic habetur. Qui obtinet beneficium cum cura, aut siue cura animarum, si transactis sex mensibus à die obtenti beneficij, & cessante legitimo impedimento non recitet horas, tenetur pro rata omissionis horarum fructus restituere pauperibus, Ecclesiæ, aut alijs quibus sunt applicati ex speciali statuto, *vt ait Nau. in Man. 25. num. 122.* Imo non recitando intra illos sex menses peccauit contra iustitiam, & restituere teneretur, si alias à Papa in dicto decreto, iustis de causis non liberaretur à restituendo. Ita *Torre controu. 9. num. 35.*

3. Concl. Modus restituendi declaratur à Pio V. in motu incipiente, ex *proximo Lateranensi Concil.* vbi sic dicitur. *Statuimus, quod qui in aliquo die omisit omnes horas, restituat omnes fructus respondentes illi diei, & si solum omisit matutinas restituat dimidios fructus, & si omisit ceteras omnes horas, alios dimidios, & si horarum singulas, restituat sextam partem fructuum.* Et intelligitur de habentibus beneficia solum obligantia recitare horas, vt sunt pensionarij, præstimonarij, &c. Secus de habentibus beneficia principaliter obligantia ad alia, v. g. ad missandum, prædicandum, docendum, aut ad curam animarum. Isti enim si omittant horas, restituant tertiam partem fructuum pro rata omissionis modo dicto. Nam tertia pars censetur respondere recitationi horarum. Imo si intra annum omittant recitare per decem dies, nil restituant, quia sunt serui liberalissimi Domini, qui multo minus, quam Domini temporales, ad pauca attendit. Ita explicant istum motum Pij V. *Med. in sum. in 3. præcepto §. 11. Lud. Lotem. 1. cap. 145. & alij.*

Dub. 7. De horis in communitate recitandis.

1. Conclusio. Horæ Canonicæ sunt in publico sub peccato mortali recitandæ à communitatibus Ecclesiarum Cathedralium, Collegialium, & Conuentualium in Ecclesia. Ita in *Clementina gra. de celebrat. Miss. de quo Caiet. verb. hora*. Nisi, vt ait *Ledesma*, ex consuetudine recitentur aliquando in claustro, Processione, aut alibi. Et citatio ista debet fieri iuxta notata in ordinario. Sæpè enim defectus in recitatione priuata est nullum, aut leue peccatum, & tamen erit peccatum mortale in recitatione Chori. Sicut recitare priuatim, etiam sine causa de Sancto in die feriali non est peccatum mortale, & id facere in Choro sine causa vrgentissima, erit peccatum mortale. Et idem circa defectum ordinis in dicendis horis, & interpolatione, & interruptione horarum. Quia sic grauiter læditur decor cultus diuini; in recitatione publica, in qua est necessaria vniformitas. Ita *Torre controu. 10. d. 2.* Qui autem tardè intrat Chorum satisfacit, postea recitando solum recitata à Choro. Imò qui officio Chori incepto inseruit ibi, quærendo Psalmos, aut alia pro officio, aut præparando dicenda, aut alia, si omittat interim à Choro recitata, etiam si illa non audiat, nihil ex his tenetur postea supplere. Ita *Torre, & Sà, verbo hora*.

2. Concl. Dicta obligatio primæ Conclusionis spectat ad Superiores communitatum, & ad eos, quibus ex officio incumbit, vt sunt beneficiati. Isti enim tenentur sub mortali curare de horis dicendis in suis Ecclesijs. An verò Canonici satisfaciant recitando domi, & non in Choro.

21 3. Concl. Canonici non astantes horis in Choro per nouem menses singulis annis, etsi horas domi recitent, tenentur restituere Ecclesiæ, aut quibus competunt ex speciali statuto, quotidianas distributiones, & fructus Canoniciatus. Ita in *Concil. Trid. sess. 24. c. 12.* vbi statuta, & consuetudines absentis ultra tres menses reuocantur. Ex quo patet esse iniquam consuetudinem de lucrando omnes fructus sola assistentia paucorum dierum, vt diei Sancti Michaelis, aut Purificationis. Quia isti fructus dantur pro seruiendo in diuinis Officijs. Ex iusta autem causa licitè dispensatur sine onere restituendi in hoc, vt pro addiscendo, aut docendo in Scholis. A Capitulo. Ita *Torre controu. 10. d. 6.*

22 4. Conclusio. Probabile est Canonicos satisfacere, domi, & non in Choro recitando horas, dum tamen habeant Capellanos, & Cantores, qui cantent in Choro. Patet ex vsu multis

multis retro annis præscripto, Prælati videntibus, & consentientibus, nec reuocato in Concilio citato. Ita *Medin. & Ledesma in sum. 1. parte, tract. 9. de Religione, Nauar. lib. 2. de restitut. cap. 2. num. 217. Aragon. 2. 2. quæst. 83. art. 13. Sando sit. de diuinis Offic. cap. 16.* Tenentur tamen isti sub mortali, & obligatione restituendi assistere non solum physice, sed etiam morali attentione saltem tertia dubio 3. requisita, pro audientibus Missam, & orantibus. Et sicut qui audit Missam cum ista tertia attentione, potest alias deuotas orationes recitare, sic & Cononicus assistendo in Choro diuinis Officijs Ita *Torre controu. 10. d. 9. cum Nauar. cap. 13. de orat. num. 19. contra Silu. verbo hora, quæst. 11. & contra alios requirentes in Canonicis solam compositionem externam, etsi interius de industria se diuertant.*

5. Concl. Probabilius est teneri Canonicos recitare horas in Choro. Ita *Soto 10. de iust. q. 5. art. 4. Torre, Nauar. c. 11. de orat. num. 41. Lud. Lop tom. 1. c. 145 & Mann. Rodr. in sum. c. 145. 1. par. Quia Canonici sunt instituti, non solum vt assistant in Choro, sed vt canendo assistant, & ob hoc sibi dantur stipendia, vt patet ex Cencil. Trid. sess. 24. c. 12. Vbi sic dicitur, omnes Canonici per se, & non per substitutos diuina compellantur obire officia, atque in Choro ad psallendum instituto, Hymnis, & Canticis, nomen Domini reuerenter, & distinctè laudare. Idem habetur in Concil. Basil. sess. 21. § 3. Patet etiam ex Decreto Pij cit. dub. 6. vbi sic dicitur. Tametsi quis Choro additus non recitans, omnibus horis cum alijs præsens adsit, fructus, & distributiones forte aliter assignatas, sola præsentia iuxta statuta, foundationem, consuetudinem, aut alias sibi lucrifecisse prætendat: is etiam præter fructuum, & distributionum amissionem, graue peccatum intelligat admisisse. Et licet possit hoc intelligi de nullibi etiam extra Chorum recitantibus, & ob solam assistantiam fructus obtinentibus, tamen viri timorati ad recitandum in Choro ex istis verbis censent se esse obligatos. Et idem dic contra *Soto art. 5. & 6. de recitante de industria sine attentione. Quia stipendia debentur verè recitantibus, sed iste non recitat verè, nec implet præceptum recitandi horas, cum attentio sit de substantia orationis, iuxta Med. & communiter contra D. Anton. 1. par. tit. 1 c. 4. § 7. Silu. Cord. & alios citatos à Torre controu. 8. d. 8. & contro. 9. in fin. Nec est idem de deuotione, cum ista non sit de substantia orationis, sed modus eius, & sic indeuotè, sed attentè recitans tunc capit**

capit fructus, sicut implet etiam præceptum orationis, & recitationis horarum, si aliàs intendit implere tale præceptum. Quia enim benè, & attentè recitavit, sed cum intentione non implendi tale præceptum, nec iterum recitandi, peccavit mort. ob animum non recitandi cum intentione implendi dictum præceptum, & iterum recitare tenetur, vt impleat. Nisi alias animo mutato intra tempus talis præcepti, velit præcedente recitatione satisfacere. Quia illa prior recitatio habuit totum requisitum pro substantia præcepti istius, & solum defuit voluntas obediendi, & satisfaciendi præcepto, ergo si ista modo dicto suppletur tempore debito, nil deerit. *Ita Torre, controu. 9. num. 10.* Excusantur tamen Canonici à recitando in Choro ob legitimum impedimentum infirmitatis, ineptitudinis vocis, aut similia, aut quando canitur cantus figuratus hoc est *canto de organo*.

6. Conclusio Qui sine causa legitima recitando in Choro dicit summissa voce versum sui Chori, & alterius Chori versum tantum audit, non satisfacit. Quia non communicat in oratione cum altero Choro. *Ita Caiet. verb. hora, Armil. verb. hora, num. 12. Nauarr. c. 10. num. 47. in Manua.* Sed oppositum tenet Torre, cum alijs, *controuerfia 8. dubio 1. & Tabiena.*

ARTICVLVS IV. DE IEIUNIO.

D. Thomas 2. 2. q. 147.

S V M M A R I V M.

Vnica comestio est de essentia ieiunij Ecclesiastici n. 1.

Ista comestio debet fieri hora undecima, licet tamen aliquando illam prauenire n. 2.

Abstinencia à carnibus est de essentia ieiunij n. 3.

Ferijs sextis prohibitus est esus carnium, licitum est tamen vesci carnibus in die Natalis Domini, si incidat in feriam 6. velsabbatum n. 4.

Abstinencia ab ovib, & lacticijs non est de essentia ieiunij Ecclesiastici. n. 5.

Qui tenentur ieiunare num. 6.

Qui excusentur à ieiunio num. 7.

Quid agendum in dubio an aliqua causa excuset à ieiunio. num. 8.

An defessi ex labore sumpto ob recreationem excusentur à ieiunio . num. 9.

Quando vigil ia sancti Ioannis Baptista occurrit in festo Corporis Christi , ieiunandum est pridie. n. 10.

DVB. 8. *In quo consistat ieiunium Ecclesiasticum ?*

1. Concl. D. The. ar. 6. Vna comestio ad summum est de essentia ieiunij Ecclesiæ . Per istam enim , & naturæ fit satis , & concupiscentiæ vires frænantur . Vndè non violat ieiunium . ait D. Thom. ad. 2. qui bibit etiam ante prandium , nec qui sumit aliquid per modum medicinæ , ait D. Tho. ad 3. nec qui non valens aliter vitam transigere sumit manè aliquas vuas passas , aut similia . Nec seruitores gustantes cibos etiam carneos vt videant si sint satis parati . Nec qui semel post prandium facit collationem , vt moris est . Secus de comedente sæpe post prandium aliquid etiam ab amico in vitatus ne potus noceat , contra Armi. & Med. in Sum. Item qui violat ieiunium bis de industria comedendo peccavit , sed non peccat postea sæpe comedendo . Nam ieiunium semel de industria violatum iam non obligat , contra Conar. 4. var. cap. 10. num. 1. cum iam seruari nequeat . Nisi quando ex ignorantia , aut inaduertentia comedisti bis , vt ait Nauar. cap. 21. num. 27.

2. Concl. Dicta comestio debet fieri hora competenti. Et licet olim hora competens esset hora tertia post meridiem , sed iam ex vsu est taxata hora vndecima ante meridiem , & supra . Imo , vt ait Med. secundum aliquos , licet præuenire istam horam , & comedere hora octaua ; aut nona . Sed hoc , ait Nauar. debet fieri ex causa rationabili , vt ob hospites , aut ob itinerandum . Nec licet sine privilegio uti mane collatione , & prandio vespere , ita Nauar. num. 14. & Caiet. ver. ieiunium . Quia nec ius , nec vsus hoc concedit .

3. Concl. Abstinencia à carnibus est de essentia ieiunij Ecclesiæ . Et sic dispensatus in esu carnium , est dispensatus in isto ieiunio . Ita Caiet. & Med. contra Victo. & Corda in sum. q. 14. Et nota : Dispensatum in esu carnium non peccare contra aliquod iuris præceptum comedendo piscatum , sed contra præceptum naturale conseruandi salutem , si ista nocent . Sed in Synodalibus Toledi iuste vetatur cum excommunicatione pro diebus piscati , esus carnis & piscati simul in eodem prandio . Et hoc non intelligitur pro come-

comedentibus carnes cum tædio, sed his ad excitandum appetitum ista comedere licet. Nota 2. Non licere dispensato ob infirmitatem in esu carnis comedere carnes nociuas. Quia alias esus istorum erat vetitus in Quadragesima, &c. Et infirmitas non dispensat in istis cibis nociuis. *Ita Man. Rod. in sum. 1. p. cap. 24.* Et idem de dispensato in Quadragesima, in esu ouorum, cui non licet edere lacticia, si ista saluti nocent; *contra Med. in sum. & Enriquez. lib. 7. c. 103. num. 8. tom. 1.*

- 4 Nota 3. Esu carnium pro sextis feriis, &c. vetari. *c. de esu carniū d. 3. de cons.* Sed in *c. explicari, de obser. ieiū.* excipitur dies Natalis Domini, ob festi excellentiam, si occurrat in feria 6. & à fortiori si occurrat in Sabbato ob eandem rationem. Quia ubi est eadem ratio, ibi est eadem iuris dispositio. Et licet ibi excipiantur qui ex voto, aut sua regula vetantur ista comedere, tamen istorum prælati possunt in istis diebus, sicut, & in alijs, aliàs à iure non vetitis, dispensare. *Ita Viçto. Silu. & Armi, ver. ieiunium, & Tabie. contra Med. in 3. præcepto* Quia ut ait Panormit. *in ca. explicari*, per dictum decretum tollitur ius commune, & manet in sua vi votum, & religio, sed in religione, v. g. Prædicatorum potest prælatus dispensare in constitutione vetante carnes. Imò comedendo tunc carnes isti religiosi non peccant, etiam si id faciant sine licentia: cum leges eorum non obligent ad culpam, ergò.

- 5 Quarta conclusio. Abstinencia ab ouis, & lacticiis non est de essentia ieiunij Ecclesiæ. Et sic dispensatus in his, adhuc ieiunare tenetur. Et nota quod stando iniure in solis ieiunijs Quadragesimæ esus istorum vetatur *Ita ca. denique dub. 4. & D Tho. art. 8. ad 3.* Sed ut ait *Medin. in sum. in Castella* saltem ex consuetudine talis cibus est vetitus, etiam in alijs ieiunijs. In sextis autem feriis extra Quadragesimam, & in alijs diebus piscati, qui non sunt de ieiunio, ut sunt Feria 2. & 4. rogationum, licet comedere oua, & lacticia, nisi alicubi sit usus contrarius. Et ita declaratur in Synodalibus Toleti, Compostellæ, Salmanticæ, Placentiæ, Coriæ, Badaioz, Iacn, ut refertur à *Manuel. Rod. ver. ayunos* Et in dictis Synodalibus Toleti declaratur, non licere comedere carnes Feria 2. & 4. Rogationum, & *iuxta cap. rogationes, cum glo. dub. 3. de Conse.* Et nota contra alios esse peccatum mort. comedere in Quadragesima biscochos sine priuilegio. Nec valet, quod substantia oui est versa in aliam

aliam substantiam : aliàs liceret comedere cibum alium ex carne confectum , cum ibi substantia carnis versa sit in aliam substantiam .

Dub. 9. *An omnes ieiunare teneantur ?*

1. Concl. Attingentes 22. ætatis annum , vsq: ad 60. annum teneantur ad ieiunia Ecclesiæ , & ad ieiunia loci , & ad ista etiam tenentur , qui illic eodie manent , sicut & ad festa illius loci , non qui transit . *Ita Sa. ver. ieiunium .*

2. Concl. Excusantur à ieiunio . 1. Non attingentes 22. ætatis annum . Quia ante illud tempus egent pueri multo & frequenti cibo , & nutrimento ob necessitatem augmenti . *Ita D. Tho. ar. 4. ad 2. Et sermo est de ieiunio Ecclesiæ , non de ieiunio ab istis voto promisso . Et pueri nondum attingentes octauum annum possunt in diebus vetitis edere oua , & lacticia* *Ita Cord. insu. q. 60. Lud. Lop. 2. p. c. 6. de bulla. Mann. Rod. 1. p. c. 23. cum Perd.* Imò Sã , tenet pueros ante usum rationis : cum non sint legibus subiecti , posse edere carnes , & *Mann Rod. idem insinuat . At Caieta. 2.2. q. 147. art. 8. id concedit solum , ubi sit consuetudo .* 2. Excusantur à ieiunio senes post 60. annum regulariter . At si quis istorum adhuc vires habet , ieiunare tenetur . 3. Excusantur debiles , & *ut ait Nau. in man. c. 31. num. 16. qui laborant dolore capitis , aut vertiginibus , & qui non dormiunt , aut calescunt si non coenant .* 4. Excusatur qui non valet reddere debitum uxori ieiunando . 5. Prægnantes , & lactentes qui egent multo cibo pro se , & fœtu . 6. Excusatur mulier , si ieiunando sit macilenta , & iniusta viro . 7. Qui non habet sufficientem refectiõnem pro hora prandij *Ita ex D. Tho. art. 4. ad 4. Excusantur laborantes , exceptis scribis , sartoribus , aduocatis , & alijs , cum quorum labore compatitur ieiunare . Et intelligitur de laborantibus non pro solo die laboris , sed & si debent sequenti die laborare , ne inepti fiant ad laborem . Et à fortiori excusatur , qui ob opera pietatis maiora ieiunio , non valet ieiunare , ut pro medendo infirmo , pro prædicando , docendo , audiendo confessiones . Et tandem excusantur , qui sunt obligati ad opus incompatibile cum ieiunio .*

3. Concl. In dubio aliqua causa excuset à ieiunio , vel an habeas aliquam ex dictis causis , consule prælatum , aut curatum , qui in casu peculiari possunt nullo habito consilio dispensare , et si solus Papa dispense cum aliquo generaliter . *Ita D. Tho. & Caiet. ar. 9. & 1.2. q. 97. n. 4. & in 4. d. 16.*

g. 3. art. 2. ad 3. Et idem ait Caietan. de cibis. Et si prælatus dubitet de sufficientia causæ, aut iudicet eam minus sufficientem, commutabit ieiunium in alia opera pia. *Ita Caiet.* Si autem ex probabilitate morali, aut experientia patet, quòd non comedendo carnes, aut ieiunando infirmaris, sine dispensatione comede carnes, &c. *Ita Lud. Lep. 2. p. cap. 6. de bulla, & iuxta D. Thom. lococitat.* Et si in singulis Quadragesimæ septimanis potes bis aut ter solum ieiunare, ad id teneris.

- 9 An verò defessi ex labore sumpto ob recreationem, vt ex ludo pilæ, excusentur à ieiunio? In hoc *Medin. in Sum.* affirmat, etsi labor sit assumptus ob visitandam concubinam: dùm tamen labor iste non assumatur in fraudem ieiunij: idest, *por no ayunar.* Cæterum iuxta *D. Thom. 1. 2. qu. 17. art. 5.* qui prævidit, aut prævidere debuit, quòd ex impedimento à se posito voluntariè, idest, sine pia utilitate, aut necessitate, non valet ieiunare, peccat mortal. in sua causa, non ieiunando. At si non prævidit, aut expertus est ex illo impedimento sequi necessitatem non ieiunandi, non peccat postea non ieiunando, nec in se, nec in sua causa. *Ita Ca. 2. 2. quæst. 150. artic. 4. & 1. 2. quæst. 20. articul. 4. & 5. Cord. lib. 5. quæst. 18. & alij quos refert, & sequitur Vega de iustificat, qu. 12. con. 3.* Et nota quod occurrente vigilia. S. Ioannis Baptistæ in die corporis Christi pridie est ieiunandum ex statuto Leonis 10. *Ita Nauar. in man. cap. 21. num. 11. Vide Caiet. ver. ieiunium.* De alijs præceptis Ecclesiæ, quæ ad hoc præceptum reducuntur, vide in suis locis. Vt potè, de communione in tract. de Eucharist. De confessione in tract. de pœnit. de solutione decimarum, & primitiarum, omnibus constat obligatio sub peccato mortal. iuxta morem patriæ.
- 10

Q V A R T V M P R Æ C E P T V M.

Honora patrem, & matrem, vt sis longæuus super terram.

S V M M A R I V M.

Contra hoc præceptum peccat mortaliter filius dehonorende parentes, eos contumelijs afficiendo, &c. n. 1.
Peccat etiam mortaliter filius non obediendo parentibus in re gravi. n. 2.

Non

Non subueniendo illis grauiter indigentibus dum potest, n. 3.

Quando parentes, & Superiores peccent contra hoc præceptum, num. 4.

Quando coniugati, num. 5.

Quando subditi, num. 6.

DVB. *An hoc præceptum obliget sub mortali?*

1. Conc. Peccat mort. ex genere filius, dehonorando parentes, percutiendo eos, aut contumelijs afficiendo, ad irā grauem prouocando, aut desiderādo eis graue damnum. Quia etsi ista sint alijs peccata mort. respectu cuiusuis, tamen notabiliter aggrauantur ex parentum circumstantia, necessario confitenda. 2. Filius, qui dedignatur haberi pro filio talium parentum, si id facit ex contemptu, peccat mort. Secus si sit ad vitandum damnum sinistrę opinionis, aut ob aliam causam rationabilem.

2. Concl. Peccat mortaliter filius non obediendo parentibus in rebus grauib; , v. g. in pertinentibus ad regimen domus, vel substantię, aut in pertinentibus ad bonos mores, vt si præcipiunt ei fugere ludos, scandala, meretrices, malos socios. 2. Et si filius sit liber pro assumendo statum Religiosi, aut coniugati, aut si vult ducere vxorem, peccabit mortaliter ex genere, non consulendo parentes in hoc, qui hoc melius iudicabunt, quàm filius, qui sæpè amore excecatus eligit sibi vxorem indignam, & in magnum dedecus suę prosapię.

3. Concl. Peccat mortaliter filius non subueniendo parentibus grauiter indigentibus, si alijs potest. Imò vt eis subueniat tenetur non intrare Religionem. Iuxta D. Thom. 1. 2. q. 101. art. 4. ad 4. & q. 189. art. 6. Et si iam sit Religiosus, & parentes extremē egent, tenetur petita licentia egredi è Monasterio, si non potest aliter subuenire parentibus. Ita Nauar. in Man. cap. 14. num. 14. & Caiet. art. 4. citat.

4. Concl. Pater etiam peccat contra hoc præceptum non instruendo filium in doctrina fidei in bonis moribus, sed in prauis, & vaniloquijs. Ex his patet, quomodo domini peccant in seruos, & è conuerso. Et certè peccant domini mortaliter non præbendo seruis necessaria: non curando, quod recipiant Sacramenta, permettendo eos durare in peccato.

5. Conclusio. Inter coniugatos violatur hoc præceptum, percutiendo maritus vxorem sine rationabili causa, aut contumelijs eam afficiendo, aut non prouidendo necessaria. Item si vxor non obediat marito, si rixis, aut aliter præbet ei occasio-

6. 6. Concl. Subditi peccant contra hoc præceptum non seruando præcepta superiorum: quæ si sint de rebus grauib; in se, aut in ordine ad bonam gubernationem, erit peccatum mort. eorum violatio: at si sint de rebus leuib; erit peccatum veniale.

QVINTVM PRÆCEPTVM.

NON OCCIDES.

In hoc præcepto veratur occisio proximi spiritalis, & corporalis, directa, & indirecta, de quibus suo ordine dicemus.

QVÆSTIO PRIMA.

De occisione corporali.

ARTICVLVS I. DE HOMICIDIO

D. Thomas 2. 2. q. 64.

S V M M A R I V M.

Licet occidere peccatores, sed non autoritate priuata, n. 1.

Quando liceat occidere tyrannum, n. 2.

Numquam licet occidere seipsum, n. 3.

Quomodo homo teneatur conseruare vitam suam, n. 4.

An liceat desiderare mortem aut aliud malum sibi vel alijs, n. 5.

Quando licita sit occisio innocentis, num. 6.

Quibus & quomodo liceat occidere suum inuasorem, n. 7.

An liceat occidere inuasorem pudicitia, honoris, aut diuitiarum, n. 8.

Prohibitum est sub excommunicatione reseruata Papa acceptare duella, & quos comprehendat hac excommunicatio, num. 9.

An liceat procurare abortum per sumptionem medicina, &c. num. 10.

DVB. 1. *An liceat occidere peccatores.*

1. Conclusio, D. Tho. art. 2. Affirmatiua. Et sententia Scot. in 4. d. 5. qu. 3. dicentis solos illos peccatores fore occidendos, quos Deus reuelauerit, vt occidantur, est erronea. Patet. Exod. 22. *Maleficos non pat eris vivere.* 2. In iure ponitur poena capitis adulteris, sacra furantibus, & alijs deditis, circa quorum punitionem non extat specialis Dei reuelatio.

2. Concl. D. Thom. art. 3. Ista peccatorum occisio non est licita priuatæ personæ. Nam ista occisio est licita in quantum ordinatur ad bonum communis: ergo ad illum pertinet, cui incumbit cura communis; vt ad Principes, & ex istorum commissione ad alios. Ex quo patet non licere priuatæ personæ vindicare se propria auctoritate. Alias turbaretur maximè Respublica, & esset otiosa publica potestas.

An verò liceat priuata persona occidere Regem tyrannum;
Ad hoc fit.

3. Concl. Non licet priuatæ personæ eum occidere Regem, qui solum est tyrannus in regimine omnia in suam utilitatem conuertendo: cum habeat ius ad Regnum. Licet autem priuatæ personæ eum occidere Regem, qui est tyrannus, quoad ius dominij; eo quod tyrannide, & armis Regnum occupat, & alias Respublica semper ei resistit. Nam quæuis persona illum tunc occidendo vtitur auctoritate Reipublicæ quæ adhuc iustè bellat in ipsum.

Dub. 2. *An liceat homini occidere se.*

1. Concl. D. Tho. art. 5. Non licet homini occidere se, etiam pro non peccando. Quia cum occisio sui sit intrinsecè mala; non honestatur ex vilo fine bono.

2. Concl. D. Thom. ibid. ad 1. Occisor sui peccat contra charitatem propriam, & contra inclinationem naturalem, quæ quis naturaliter diligit se, conseruando se in suo esse, & resistendo corrumpentibus, & peccat mort. contra iustitiam in ordine ad Deum, qui solus est Dominus vitæ, & mortis: & in ordine ad Remp. quæ est custos vitæ ciuium.

An verò teneamur conseruare propriam vitam. Ad hoc dico 1. Non tenemur conseruare vitam in omni euentu, & per omne medium, etiam possibile. Nam non tenemur quære meliores cibos, aut medicinas pretiosiores. Quia cum præceptum conseruandi vitam sit affirmatiuum, non obligat

pro semper. 2. Nam potes exponere vitam periculo pro quavis virtute, iuxta illud *Ioan. 15. Maiorem charitatem nemo habet, ut animam suam ponat quis pro amicis suis.* Imò ad id teneris aliquando, ut pro bono spiritali proximi, & pro defensione Reipublicæ.

Dico 2. Homo potest extenuare vitam abstinentijs moderatis. Ita *D. Thom. 2.2. q.88. art.2. ad 3.* ubi ait, abstinentias esse adhibendas cum rationis mensura: ita quòd concupiscentia refrænetur, & natura non nimis grauetur. Et sic si quis taliter debilitetur, ut non possit debita exequi opera, ut Prædicator prædicare, Lector legere, peccabit etiam si vouisset abstinentiam istam.

5 Dub. 3. *An liceat desiderare mortem, aut aliud malum proprium, aut alienum?*

1. Conclusio. Licet desiderare propriam mortem ob desiderium essendi cum Christo, sicut Paulus, *ad Philip.* aut ob vitandas Dei offensas, aut ut liberemur à vitæ periculis. Sed desiderare eam ex desperatione, aut impatientia, grauissima culpa non caret. Et eam desiderare, ut à laboribus liberemur, quoddam genus pusillanimitatis præferebat, etsi non sit peccatum mortale. Sicut nec peccat mortaliter mater, quæ videns filium, aut alterum in periculo amittendi famam, aut in graui, & prolixa infirmitate, desiderat ei mortem. Quia ista non ex odio, sed ex amore desiderantur.

2. Concl. Licet desiderare alteri mortem, aut aliud malum non ut sic, & ex odio, sed sub ratione boni, ut cesset à peccando, aut ab aliorum damno. Ita *D. Thom. 1.2. q.76. art.1.* Sæpe enim in Sacra Scriptura imprecantur mala peccatoribus. Et sic possumus desiderare isti inimico iniuste inuadenti, pro nostra defensione, si aliter non possumus ab eo liberari. Ita *Man. Rodr. in Sum. 1. par. cap.17. num.6.* Et idem ait ex mente Aragon. de litigante cum potentiori se, sua iniuste occupante, & habente pro se iniustos iudices. Nam licet cuique defendere se meliori via possibili, sed per alterius mortem causatam à Deo, liberatur ille ab iniuria: ergo licet eam desiderare. Si arguas: non licet priuatæ personæ occidere prædictos, ergo nec desiderare illorum mortem. Ad hoc negatur consequens. Quia licet priuatæ personæ desiderare, quod sit à Iudice suspendatur, sed non licet priuatæ personæ illum suspendere.

6 Dub. 4. *An liceat occidere innocentem?* Et non est sermo de innocente probato nocente falsis testibus, de hoc enim dicitur.

dicemus in 8. *præcepto q. 3. art. 1.* sed de innocente in re, & in apparentia.

1. *Concl.* Licita est per accidens innocentum occisio, vt in bello iusto, de quo *art. 3. dub. 3.* sed non per se, & ex intentione. Ita *D. Thom. art. 6.* Quia idem est licita malefactorum occisio, quia isti corrumpunt bonum commune, sed vita innocentis potius conseruat illud : ergo.

2. *Concl.* Si ciuitas obsidetur, dum aliquis innocens traditur occidendus, potest Respublica contra Soto, istum innocentem cogere, vt se tradat Tyranno, cum & ipse ex iustitia legali teneatur se tradere tunc pro bono communi. Imò absolute potest Respub. illum hostibus tradere tunc, sicut in bello exponit licite innocentem periculo pro sui defensione.

Dub. 5. An liceat homini occidere suum inuasorem.

Conclusio. D. Thomas art. 7. Licet cuique occidere suum inuasorem cum moderamine inculpatæ tutelæ, vtpotè, cum minori damno possibili inuasoris sufficienti ad propriam defensionem. Quia tunc non intenditur inuasoris mors vt finis, sed vt medium hic, & nunc necessarium ad propriam defensionem, & vitæ conseruationem cuique à natura concessum. Quod etiam habet verum, etsi inuasus det operam rei illicitæ ob quam inuaditur, vt si reperitur cum vxore inuasoris. Quia hoc non confert isti ius inuadendi alterum propria auctoritate. Et intelligitur conclusio 1. secluso bono communi. Nam si inuasor sit valde utilis Reipublicæ non potest inuasus eum occidere, cum bonum commune sit præferendum particulari. Ita *Soto, & communiter contra Man. Rodriq. in Sum. 1. par. cap. 139. num. 8.* incaute asserentem licere occidere Regem inuadentem. Si verò inuasor sit persona priuata, & inuasus utilis Reipubl. tenetur inuasus occidere inuasorem pro bono communi. 2. Intelligitur illud licere etiam ante actua-
7
lem aggressionem. Quia etsi non possumus præuenire occisionem eius, quem timemus fore inuasorem : at si iam fecit aliquam actionem in ordine ad aggressionem, vt parando insidias, acuendo ensen, aut si iam sit animo paratus ad id, si aliter non possum fugere, licite eum occido, antequam instet meum damnum. Quia tunc moraliter loquendo iste est inuasor, & ego mei defensor. Ita *Caiet. 2. 2. quæst 95. art. 8. & verb. duellum, Couar. in Clem. si furiosus, 3. par. tit. 1. num. 2. D. Anton. 2. par. tit. 1. c. 22. Soto 5. de iust. q. 1. art. 8.* Qui excipit iudicem, & testes mortem tibi certo parantes inique. Sed

de hoc dicemus in 8. *præc. q. 3. art. 3. dub. 12.* Si arguas, ex charitate tenemur plus diligere vitam spiritualem proximi, quam nostram vitam corporalem: sed in dicto casu periclitatur vita spiritualis proximi, cum sit in malo statu ob inuasionem, & si occiditur tunc, damnatur, ergo. Ad hoc dico maiorem esse veram in graui necessitate hic non reperta: cum inuasor sua malitia, & sine necessitate exponat se illi periculo, & possit ab eo exire, non inuadendo.

8. Dub. 6. *An liceat occidere cum dicto moderamine inuasionis rempudicitia, honoris, aut diuitiarum.*

1. Concl. Affirmatiua. Itaque fugientem cum equo tuo, aut rebus aliquanti pretij, quæ aliter certo non recuperabis, licet sagitta confodere. *Ita Silu. ver. excommunicatio. 6. §. 6. Soto 5. de ius. q. 1. art. 8. Bannes, & communiter cum D. Tho. art. 7. in argu. sed contra.* Et patet. Exod. 26. ubi excusatur à

scatu sanguinis percutiens infringentem fores. 2. Diuitiæ sunt necessariæ ad vitam, & virtutem conseruandam. Ex quo patet à fortiori licere viro nobili expectare suum inuasorem, & occidere in sui defensionem, si fugiendo infamatur. Secus de alijs, vt de clericis, & religionis, qui si possunt fugere, tenentur: cum ex hoc non infamentur. Non tamen licet percussio repercutere. *Ita Bannes, & communiter.* Et patet. 1. Pet. 3. *Non reddentes malum pro malo.* 2. Qui sic repercutit, nec defendit se, cum iam sit percussus; nec sic reparat, honorem contra D. Ant. 3. p. cap. 3. §. 1. & Victor. *relect. de Bello q. 2. n. 5.* asserentes licere colapho percussio percussorem statim gladio repercutere pro propulsando ignominiam. Imò Nauar. in *man. cap. 15. n. 3.* ait licere percussio insequi percussorem, & repercutere, imò, & occidere, si sit necesse pro sui honoris defensione, sicut, & pro diuitijs recuperandis. Sed si hoc ita esset, liceret etiam marito, vxorem in adulterio cum adultero captam occidere, contra D. Thom. in *add. qu. 60. art. 1.*

An verò nobilis possit acceptare duellum.

9. 2. Concl. Sit negatiua. Nec enim patitur dedecus non acceptando. Cum in Conc. *Trid. sess. 25. cap. 19.* & à Pio IV. in *bullâ incipiente. Ea qua, &c. ann. 1560. idibus Nouem.* vetetur sub grauissimis pœnis, & excommunicatione Papæ reservata. Vbi nota, ista decreta solum damnare duella solemnia, quæ fiebant impetratis campis, & licentijs à Dominis locorum, cum patrinis. Et sic ibi excommunicantur, etiam isti Domini istum duellum permittentes, aut pro suo possent non

Hæc propositio est damnata ab Alex. vii die 24 Julii 1665, et à 2^a ex 45.

non prohibentes, & mandantes, instigantes, aut ex proposito spectantes, auxilium, consilium, aut fauorem dantes, equos, arma, pecuniam, commeatum, & alia subsidia scienter ministrantes, aut socios quouis modo præbentes. Et eisdem pœnis subiacent, qui ad locum destinatum pugnaturi accesserint, etsi impediti pugnam non commiserint, si per eos non stetit quo minus illa committeretur. *Ita declarat, & statuit Gregor. 13. in motu incipiente: ad tollendam detestabilem duellorum, die 9. Decem. anni 1582.* Vbi etiam extendit idem Gregor. dicta decreta cum suis pœnis, & reservatione excommunicationis ad duella etiam priuata, vt notat etiam Nauar. lib. cons. 2. de purga. vulgari. Idem ac Gregor: statuit Clemens 8. in motu incipiente, Illius vices 6. calen. Septem. anni 1592.

Dub. 7. *An liceat procurare abortum, si aliter non subuenitur prægnanti.*

10

1. Concl. Non licet applicare prægnanti medicinam per se tantum ordinatam ad abortum: cum solum intendatur occisio fœtus. Et de reservatione istius casus dico, qu. 5. de pœnit. dub. 3.

2. Concl. Licet applicare prægnanti medicinam per se causatiuam salutis, etsi per accidens sequatur abortus. Quia ille, sicut & occisio inuasoris, reputatur effectus per accidens secutus ex salute prægnantis per se intenta. Et sic prægnans porest saltare, currere, si hoc sit causa per se salutis, etsi alias sequatur abortus.

3. Concl. Licitum videtur saltem ipsi prægnanti sibi applicare medicinam æquè salutiferam, ac causatiuam abortus, sicut licet occidere inuadentem, etiam sine culpa, vtpotè si sit amens, & tamen percussio qua iste occiditur, ordinatur per se physice, & ad propriam defensionem, & ad inuadentis occisionem. Et eodem modo est à voluntate intenta, vtpotè medium necessarium ad propriæ vitæ conseruationem: & eodem exemplo videtur licere filix, aut alteri sic coniuncto applicare matri talem medicinam: sicut & se defendere à tali amente eum occidendo, si opus sit.

4. Concl. Si constat matrem mori, & consequenter fœtum, licet ei applicetur medicina æquè salutifera, & mortifera, maximè si fœtus non sit animatus. *Ita Almain, & alij contra Cord. lib. 1. quæst. 28. dub. 4.* Quia si mater & fœtus periclitantur, tunc non fit iniuria fœtui, si pro liberanda matre fit in ea talis experientia. Et idem est de medi-

cina causatiua pollutionis, aut ebrietatis, imò à fortiori, cùm in istis non adsit iniuria tertij.

ARTICVLVS II. DE MVTLATIONE
MEMBRORVM.

D. Thomas 2. 2. q. 65.

S V M M A R I V M.

Quando liceat aliquem suis membris mutilare, num. 1.

An liceat patribus, & dominis verberare filios, & seruos, n. 2.

An liceat alterum incarceratione, num. 3.

- I **D**VB. 1. *An liceat alterum suis membris mutilare?*
 1. Concl. *D. Tho. art. 1.* Licet peccatores suis membris mutilare, sicut & occidere, ne Rempub. suis moribus inficiant.
 2. Concl. *D. Thomas ibi.* Licet pro salute mutilare alterius membrum de voluntate eius, aut gerentis curam illius. Quia pars ordinatur ad totum, ergo licet secatur pro salute totius, etsi infirmus ad id non teneatur, cùm non teneamur vitam conseruare per media difficillima extraordinaria, vtpotè, patiendi tantum dolorem, aut faciendo magnos sumptus, sed per media proportionata ordinaria.
 3. Conclusio. Licet secare membrum pro vitando mortem, etiam ab extrinseco illatam, sicut si habes manum ligatam potes eam secare, vt fugias feram, ignem, hostes, &c. Quia talis secatio est medium necessarium pro saluanda vita, ad quam membra ordinantur.
 4. Conclusio. Extra dictos, & similes casus non est licita dicta mutilatio. Ita *D. Thom. art. 1. ad 3.* Quia si membrum est sanum non secatur sine damno totius, & si aliter toti supposito subuenitur, exponitur sine necessitate periculo mortis, vtendo mutilatione. Ex quo patet non licere membrum secare ob peccatum vitandum. Quia peccato aliter obuiatur, cùm subiaceat voluntati.
 2 Dub. 2. *An liceat patribus, & dominis verberare filios, & seruos?*
 1. Conclusio. *D. Thom. art. 2. ad 1.* Licet id facere ob correctionem moderatam. Sed non licet eos occidere, aut mutilare, cùm illi nec sint domini vitæ, & membrorum illorum,
 nec

nec sint custodes boni communis, vt iudices, quibus pro bono communi licet occidere, & multare peccatores. Licet etiam magistris, & pædagogis, & maritis ob correctionem moderatam verberare vxores, & discipulos, etiam sacris initiatos, nec sic excommunicantur.

Sub. 3. *An liceat alterum incarcerare.*

1. Concl. *D. Thom. art. 3.* Hoc non licet nisi seruato ordine iuris in pœnam pro culpa, aut ad cauendum malum. Et patet. Quia per incarcerationem impeditur vsus membrorum, ergo si illis non abutaris, non licet incarcerari, aut detineri.

2. Concl. *D. Tho ad 3.* Cuilibet licet detinere alterum ad breue tempus, ne malum in communitatem aut in tertiam personam committat, vt si quis vult se aut alterum occidere. aut scandalizare, docendo errorem, vel sollicitando mulierem non paratam ad peccandum. Ista enim detentio est defensio innocentis. Et à fortiori licet detinere mihi iniuriam inferentem, & in hoc durantem, dum voco iudicem :

ARTICVLVS III. DE BELLO.

D. Thomas. 2. 2. q. 40.

S V M M A R I V M.

Conditiones requisita ad hoc vt bellum sit iustum, num. 1.

Quid agendum quando est dubium de iustitia belli, num. 2.

An in dubio de belli iustitia possunt milites bellare, num. 3.

An in bello iusto liceat hostes spoliare, occidere & redigere in seruitutem, num. 4.

An liceat clericis & monachis bellare, num. 5.

An clerici in bello iusto possint hortari milites ad pugnam, & dare eis arma, num. 6.

An in bello iusto possint subverti Ecclesia & clerici occidi, n. 7.

DVB. 1. *An liceat bellare.*

1. Concl. Affirmatiua, *D. Tho. art. 1.* cum tribus conditionibus. 1. Auctoritas mouentis bellum, qui debet esse Princeps, aut Resp. perfecta non habentes superiorem pro legibus ferendis, & pro litibus finiendis. 2. Causa iusta, vtpotè recompensatio iniuriæ illatæ ab alio Principe, aut eius subditis, ipso non puniente. Dum non sit aliud mitius medium pro recompensando iniuriam: quod erit tentandum si sit

si sit spes de illo. Item erit causa iusta, si alter Princeps non vult restituere ablatum. Et qui indicit bellum tenetur prius
 2. **examinare cum prudentibus causam belli.** Et si hac examinata manet æquè dubia iustitia pro utroque Principe, & vnus eorum possidet, alter non potest eum bellare. Quia iuxta reg. 63. iuris, *In dubijs melior est conditio possidentis.* Et sic si possidens ab alio spoliatur, potest bellare spoliato-rem, cum sit ei illata iniuria, & alter restituere teneatur. Sed si id de quo est lis à nullo possidetur, in æquali dubio diuidatur. Et si dubium sit inæquale, diuidatur pro rata dubij: ita vt maior pars detur ei, pro quo stat maior veri similitudo. Et hoc patet ex modo seruato in litibus priuatis. 3. **Conditio belli est recta intentio.** Ita vt finis belli sit pax Reip. aut eius bonum spirituale, aut temporale. Et si ex alia intentione moueatur bellum, erit peccatum mort. aut ven. iuxta malitiam intentionis. Cum dictis conditionibus erit iustum bellum, ait D. Thom. Et patet 1. ex Sacra Scriptura, vbi multi Sancti, Abraham, David, &c. bellarunt. Et in Ecclesia sunt institutæ religiones ad bellandum contra hostes fidei. 2. Principi iure naturæ conceditur vindicare suos ab iniurijs eis illatis, cum sit eorum custos: sed non potest aliter, nisi per bellum. Quia cum Principes bellantes non habeant superiorem in temporalibus, ad quem recurrant pro iustitia facienda, Princeps iniurians ipso facto subiicitur alteri iniuriato, quem nisi per bellum non potest punire. Et supra, & alia damna non sequuntur ex bello per se, sed per accidens ex vitio subiecti.

3. **Dub. 2. An in dubio de iustitia belli possint milites bellare.**

1. **Concl. Milites parati bellare in bello iusto & iniusto, sunt in malo statu.**

2. **Concl. Miles dubitans de iustitia belli, si sit subditus Principis bellantis, aut ab eo conductus, tenetur bellare.** Quia ad militem, si aliàs non est consiliarius, non attinet examinare causas belli, sed habet se, vt Hector, qui exequitur iudicis sententiam. Esset enim impossibile, & in damnum Reip. si omnibus militibus esset danda ratio iustitiæ belli. Alij autem nec subditi, nec conducti, si dubitent de iustitia belli, non possunt bellare. Quia nec obedire tenentur, cum non sint subditi, nec stipendiati. Et aliàs bellando, exponunt se periculo irrogandi iniuriam. Et si sic bellent, restituent sicut & Principes, & consiliarij, damna illata in bello

bello cuius iniustitiam culpabiliter ignorarunt tunc :

3. Concl. Si ante initum bellum offertur bellanti condigna satisfactio, tenetur acceptare. Alias restituet damna : ac si bellum esset iniustum. At si bellum sit inceptum, ait Caiet. non tenetur acceptare satisfactionem.

Dub. 3. *An liceat in bello iusta hostes spoliare, occidere, & redigere in servitutem.* 4

1. Concl. In bello iusto, defensivo, aut aggressivo, licet inferre hostibus omnia mala : ut destruere arces, occupare regna, occidere reos, etiam parva victoria, usque ad plenam satisfactionem, & pacem stabilendam. Ad hoc enim ordinatur bellum. Capta vero à militibus in actuali conflictu, sunt illorum, ut ait Div. Thom. 2. 2. *question. 66. artic. 8. ad 1.* Nec computantur in satisfactionem rei pro qua bellatur.

2. Concl. Etsi sit intrinsecè malum occidere ex intentione innocentes, qui nec bellant, nec sunt causa belli : licet tamen eos occidere præter intentionem. Sicut licet applicare prægnanti medicinam per se sanatiuam, etsi sciatur ex illa per accidens secuturus abortus. Si autem sint alicubi multi innocentes, & pauci nocentes, non licet istos expugnare cum periculo innocentum.

3. Conclusio. Stando in iure gentium, licet captivare, & spoliare hostes, & etiam istorum infantes ratione carentes, cum isti cum suis bonis habeantur sicut bona nocentum, & Reip. contra quam bellatur. At inter Christianos capti in bello iusto non sunt mancipia, sed detinetur usque dum pecunijs redimantur.

4. Concl. Licet redigere in servitutem apostatas à fide rebellantes contra Regem Christianum, sicut & non baptizatos. Et ita contigit in bello Granatæ, tempore Philippi II. Hispaniarum Regis prudentissimi. Quia dicta dispensatio in iure gentium de non vsficiendo mancipia inter Christianos captos in bello, etiam iusto, facta est in fauorem fidei, sed illi fidem reliquerunt, ergo licite fiunt mancipia. Innocentes verò cogniti, alias adulti non possunt fieri mancipia : benè tamen innocentes ratione carentes, maxime si lata fuit pœna rebellibus; quod si rebelent, ipsi & eorum infantes fiunt mancipi.

5. Concl. Licet servis captis in bello, etiam iusto, fugere dominos, sicut & iuste incarcerato licet fugere carcerem. Ita Bannes 2. 2. *quest. 40. ars. 1. Contr. lib. Vari. c. 2.*

n. 10. contr. Silu. Turres, & Nau. in Man. c. 17. n. 10 Et patet ex. §. Item primo 1. Instit. de rerum diuis. Et licet confu- lere istis fugam. Imo & ad id iuuare, ait Ledes tract. de chari. c. 13. Quidquid de seruis iuste emptis.

Dub. 4. An liceat clericis, & monachis bellare.

5 1. Concl. D. Th. art. 2. Per se loquendo illud non licet ob multa retrahentia in bello à contemplatione diuinorum, cui illi intendunt. Et sic clerici maiorum ordinum, & Monachi etiam conuersi: cum sint Deo omnino consecrati, peccant mort. bel- lando, manent suspensi, recluduntur perpetuo in monasterio, & si quis istorum moritur in bello, non sunt pro eo oblatio- nes. Ita c. quicumque, 23. q. 8. & c. eos qui 20. q. 3. Alij vero clerici minores bellando, sicut & ducendo vxores, peccant ven. cum remotè ordinentur ad Altaris ministerium.

2. Concl. Aliquoties licet prædictis bellare, vt si Respub. sit ab hostibus obsessa, tenentur bellare etiam sine licentia Papæ. Quia cuiuslibet incumbit defendere Rempub. Et hoc non solum in bello defensivo, sed & in offensiuo, existen- te eadem grauissima necessitate. v. g. cum Rex gerit bellum contra infideles, cuius victoria maximè expedit paci Ecclesiæ, & oportet Clericum bellare. Non verò licet Clerico bellum offensiuum ob solam victoriam. Item licet Clerico ha- benti dominium temporale Reipub. perfectæ indicere bellum iustum, & instituere duces ad hoc, sicut & instituit iudices pro causa sanguinis. Aliàs non posset vindicare, & punire iniurias illatas suæ Reip. Imo, etsi Episcopus non habeat tale dominium, potest vocare Regem, qui bellet pro sua Ecclesia. Ita c. Maximianus, 23. q. 3.

3. Concl. Clerici licetè bellantes possunt, vt alij milites, hostes spoliare. Secus de bellantibus illicitè, & sine licentia saltem gerentis bellum iustum. At bellando cum sola istius licentia iuste sibi retinent spolia capta, etsi alias peccent bel- lando. sine licentia Papæ, aut sine dicta necessitate.

6 An verò clerici in bello iusto possint hortari milites, & da- re eis arma ad pugnam. Ad hoc dico tract. de irregul. dub. 7. licere eis, etiam in actuali conflictu hortari milites, dare industriam, & fauorem, etiam si interiùs intendat occisio- nem. Sed non possunt dicere eis, occidite, nisi alias sit hoc necesse pro defensione dicentis, aut Reip. Licet etiam clerico dare arma militibus, dum non intendat occisionem. Quia si ista intentio adsit, satis explicatur exterius dando arma,

non

non tamen exhortando ad bellum. *Vide loco cit.*

Dub. 3. *An in bello iusto possint Ecclesia, & Clerici expugnari.* 7

1. Concl. Illud non licet per se loquendo. Quia Ecclesiæ, & clericus non bellans, & illorum bona sunt exempta, *in c. ignoramus, de tregua.* Per accidens tamen possunt Ecclesiæ subverti, vt si hostes confugiant ad Ecclesiam, vt inde pugnent.

2. Concl. Si imminet periculum gerenti bellum potest extrahere ab Ecclesia illuc confugientes, vt se, & sua defendant, & eos spoliare. Secus si non imminet tale periculum, sed gaudent illi priuilegio immunitatis Ecclesiæ.

3. Concl. Clerici dum pugnant possunt occidi, & spoliari. Sed parva victoria; si non timetur periculum in futurum, non possunt occidi, aut spoliari, etsi pugnaverint. Quia Rex extra actualem conflictum non est eorum iudex.

ARTICVLVS IV. DE ELEMOSYNA.

D. Thomas. 2. 2. q. 32.

S V M M A R I V M.

Eleemosyna est in præcepto, & quando obliget, num. 1.

Quid discatur superfluum natura, vel status, num. 2.

Episcopi strictius alijs obligantur ad dandam eleemosynam, num. 3.

An possit fieri eleemosyna de male acquisitis, num. 4.

Pauper si quis peccat potendo eleemosynam, & quando tenetur restituere, num. 5.

DVB. 1. *An eleemosyna sit in præcepto, & quando obliget.* I

1. Concl. De fide Eleemosyna est in præcepto. *Luc. 11. quod superest date eleemosynam.* Et *Matth. 25.* aliqui damnantur, quia non dederunt eleemosynam. Omissio enim eleemosynæ est occisio proximi indirecta, iuxta *cap. pasce. d. 86. ex D. Ambros.* vbi sic ait, *pasce famem morientem, si non paupisti, occidisti.*

2. Concl. Eleemosyna obligat. 1. Si ex parte dantis est superfluum, & ex parte recipientis, extrema necessitas, vt pater. 2. Si ex parte dantis est superfluum, & grauis necessitas ex parte recipientis. Auarus enim *Luc. 16.* damnatur, quia

- quia non dedit Lazaro eleemosynam, qui tamen non patiebatur extremam necessitatem, cum esset mendicus. Imo in communibus & leuibus necessitatibus, in sententia probabiliori D. Thom. *ut ait Bannes art. 6. dub. 1. & 2.* tenentur dare eleemosynam de superfluo. Quando sunt multe necessitates graues, tenentur diuites minuere sumptus, alias non pertinentes ad decentiam status, in cibis, vestibus, & famulis.
2. Nam tunc censetur periclitari bonum commune, cui ex iustitia legali est subueniendum. Et nota superfluum naturæ, aut status non stare in indiuisibili. Non enim est superfluum status, quod seruetur pro dotibus filiarum pro infirmitatibus, &c. dum non cogitetur de crastino, utpotè seruando in aliquam fictam necessitatem, *ut ait D. Tho. ar. 5. ad 2.* Nec superfluum pecuniæ paratæ ad ascensum altioris status ad quem licet ascendere, nisi adsint graues necessitates. Nec superfluum conuiuia, & sumptus in cultu, & venatione, & alia pertinentia ad decentem splendorem statum cuiusuis. 4. Obligat eleemosyna si ex parte recipientis est extrema necessitas, utpotè quia incidit in infirmitatem, aut aliam necessitatem, ex qua probabiliter timetur mors, aut membri secatio, tunc tenemur ei subuenire, etiam de necessarijs ad statum. Nec facit erit, *contra Nau. in Ma. c. 24. n. 5.* illi necessaria commodare, aut uendere expectata solutione, nisi iste extremè egens his, habeat alibi necessaria, aut suo labore possit victum comparare. Nam stando in iure naturæ omnia bona sunt communia, & de iure genitum facta est rerum diuisio, & appropriatio: sed in extrema necessitate redditur vsus communis omnium etiam pertinentium ad statum, & extremè egens licetè illa capit, nec dominus potest illum impedire, alias daretur bellum iustum vtrinque: ergo Et intelligitur. 4. dictum, nisi dando iste eleemosynam, cadat à suo statu: quod fiet quando necessitates sunt multe. Quia tunc istie rationabiliter malet mori, quam venire ad statum humilem, & relinquere filias indotatas, & tradendas futoribus. Dicta doctrina colligitur ex D. Tho. ar. 5. & 6. & Caiet. & Bannes, ibi.
3. Conclusio Est a dictos casus eleemosyna est in consilio: Ita D. Tho. Et si aliquando, *ut ait Villo. Soto, Cano, & alij, quos refert, & sequitur Bannes art. 6. contra Caiet.* extra dictos casus tenemur de necessarijs ad statum nobis subtrahere, & dare gratis, aut mutuare. 1. Cum quis est in periculo amittendi statum, ex quo sibi, & suis eueniet maxima misericordia

feria. 2. Si quis patitur magnam iacturam suorum bonorum, & possum ei subuenire, sine graui damno, si mercator deficit, quia non soluitur sibi debitum, ex quo sibi graua accrescunt mala. 3. Si quis ducitur captiuus, aut in carcerem, & pecunia data, aut mutuata liberatus, poterit suos alere, alias erunt in magna miseria.

4. Concl. Episcopi, & proportionabiliter parochi, & alij clericici tenentur ex charitate, strictius alijs dare eleemosynam, ex beneficio, patrimonio, &c. Quia ratione status debent ut magistri alios docere verbo, & exemplo. Et Matt. 5. dicuntur Episcopi *lux, ciuitas supra montem posita*. Et iterum dicitur eis. *Sic luceat lux vestra coram hominibus, &c.* Et nota contra Nauar. in *Man. cap. 17. num. 94.* Episcopum esse dominum suorum reddituum, nec teneri alere pauperes ex iustitia, sed ex misericordia, strictius alijs. Et sic non absoluitur, si saltem quartam partem reddituum non eroget pauperibus, etiam in communibus necessitatibus. Nam in grauib, quæ solent esse tempore pestis, famis, aut plurium ægri tudinum, ad amplius tenetur iuxta proportionem necessitatum ouium. Et aliquando ex supellectili, & vasis argenti tenetur eleemosynas facere. Nec satisfacit dando eleemosynam egenis occurrentibus, sed tenetur inquirere pauperes diæcesis, & eis necessaria ministrare. Ita Bannes.

Dub. 2. *An possit fieri eleemosyna de malè acquisitis.*

1. Concl. De re cuius homo non sit Dominus, non potest fieri eleemosyna. Dicitur enim *Prou. 3. Honora Deum de tua substantia*. Sed nota quod si habes alia bona pro restituendo, & alias res à te accepta sit vno vsu consumptibilis, ut pecunia, vinum, oleum, &c. potes ex illa facere eleemosynam: cum non tenearis restituere eandem rem numero, sed sat est redde re eius valorem.

2. Concl. Si res iniuste accepta, non potest retineri ab accipiente, & alias non sit reddenda ei, à quo est accepta, potest de ea fieri eleemosyna. Patet in pretio accepto per simoniam, ut dicitur tract. de simon.

3. Concl. Si acceptio rei non est illicita, potest de ea fieri eleemosyna, etsi id ex quo acquiritur sit illicitum. Patet in pretio accepto pro meretricio, assassinato, pro sententia, aut testimonio iniustis, &c. Quia de his acquiritur dominium.

4. Concl. Qui habens maiora debita, quam diuitias, & censens bona fide, se posse in futurum soluere, dat eleemosynam

nam

nam, non peccat. At pauperes restituent, sicut & hæredes, qui bona illa hæreditent. Quia illa bona tunc sunt obnoxia restitutioni obligatione personali, ita vt obligatio personæ tunc transeat ad rem. Et nota 1. Quòd si extremè egens potest sibi subuenire mendicando, ad id tenetur: & diues habet ius, vt ab eo eleemosyna petatur. Et si non velit dare, potest pauper capere, & dominus non potest defendere. Aliàs restituet pauperi damna secuta. Sed si extremè egens patitur graue dedecus mendicando, non tenetur sic conseruare vitam, sed clam accipiat sibi necessaria. Nota 2. Quòd pauper fictus peccat mortaliter petendo eleemosynam, & restituere tenetur quando sibi dantur eleemosynæ sub conditione saltem tacita, quod sit pauper, vt contingit in amplis, & extraordinarijs eleemosynis: sicut cum petitur eleemosyna pro captiuo, qui non est. Secus si donatio sit absolutè, vt præsumitur in eleemosynis ordinarijs, etsi aliàs fiant ob motiuum falsum.

An verò qui sunt sub potestate alterius, vt serui, filij, vxor, &c. possint facere eleemosynas, dicemus in 7. præcepto, q. 1. dub. 1. &c. vbi agemus de potestate illorum ad donandum. Ea enim, quæ possunt donare, possunt pauperibus rogare.

QVÆSTIO SECUNDA.

De occisione spiritali, etiam indirecta.

ARTICVLVS I. DE SCANDALO.

D. Thomas 2. 2. q. 43.

S V M M A R I V M.

Quid, & quotuplex sit scandalum, num. 1.

An scandalum sit speciale peccatum, num. 2.

An spiritualia sint omittenda ob vitandum scandalum, num. 3.

Qua præcepta cessent propter scandalum, num. 4.

An mulier ornans se committat scandalum, num. 5.

I DV. 1. *Quid & quotuplex sit scandalum, & an sit speciale peccatum?*

1. Concl. Scandalum est dictum, vel factum minus rectum,

Etum, id est malum aut habens speciem mali, præbens alteri occisionem ruinæ. Et scandalum, aliud est actiuum, quando cum dicto tuo, aut facto intendis per te, vt alter ruat, inducendo eum ad peccatum, aut si id non intendis, ipsum dictum, vel factum est inductiuum ad peccandum: vt si publicè peccas, aut facis aliquid habens speciem peccati. Aliud est scandalum passiuum, quando dictum, aut factum vnius est alteri causa per accidens peccandi, vt si præter intentionem operantis, & operis conditionem aliquis male dispositus ex illo opere mouetur ad peccandum.

2. **Concl.** Scandalum passiuum non est speciale peccatum in scandalizato, vt patet. Scandalum vero actiuum per se est speciale peccatum. Nam si scandalizans intendit per se ruinam alterius, etsi alias iste nō ruat de facto: sed actus specificatur à fine per se intento, ergo. Si tamen tuo dicto, aut facto solum intendas implere libidinem, & non alterius ruinam, etiam præuisam, talis actus non erit in specie scandali. Nam in mortalibus, quod est per accidens non dat speciem. Erit tamen tunc confitenda circumstantia scandali, nisi inculpabiliter ignorasti aut non aduertisti talem ruinam. Ita *Bannes 2.2. q.4. art.3.*

3. **Concl.** Scandalum actiuum aut passiuum est peccatum mort. si ruens cadat in peccatum mort. aut si scandalizator intēdat ruinam proximi mortalem, aut faciat seu dicat id ex quo moraliter sequitur ruina alterius mortalis præuisa, aut culpabiliter ignorata. Erit autem peccatum ven. si scandalizatus solum ruat venialiter, aut si scandalizator solum intēdat ruinam alterius venialem, aut si actum non ex se malum, sed habentem speciem mali leuis, indiscretè committat. Ita *D. Tho. art.4.*

Dub. 2. *An spiritualia sint ob vitandum scandalum omittenda.*

1. **Concl.** Negatiua de spiritualibus necessarijs ad salutem, vt impletio præceptorum, quia nullus debet peccare, vt alterius peccatum vitet, cum in ordine charitatis propria salus spiritualis præferatur saluti spirituali alterius. 3

2. **Concl.** Non sunt omittenda consilia ob scandalum ortum ex malitia sicut fuit scandalum Phariseorum. At ob scandalum ortum ex ignorantia, aut infirmitate pusillorum, sunt occultanda, aut differenda, quousque reddita ratione cesset. Etsi ratione reddita & intellecta non cessat, non omittantur. Quia iam ex malitia eorum oritur scandalum,

- 4 3. Concl. Præcepta negatiua, cum vetent intrinsicè mala, non cessant ob scandalum. Secus de affirmatiuis, etiam naturalibus, & diuinis. Quia occurrentibus duobus præceptis impossibilibus leuius præceptum cessat, vt grauius seruetur, quale est præceptum non scandalizandi. Patet in muliere, quæ potest non integrare confessionem, si credit confessorem scandalizandum, & potest omittere Missam si scit probabiliter iuuenes scandalizandos si domo exeat. Imò si timetur scandalum pusillorum, tenetur modico tempore non exire. Sed si diu dureret, non erit iam scandalum pusillorum, sed Phariseorum, & sic tunc exibat. Et idem dic circa ornatum, & fucos mulierum. Nam vt istis, vt non coniuges ad lasciuiam prouocentur, erit peccatum mortale, vt ait *D. Thom. 2. 2. q. 169. art. 6.* cum finis intentus sit mortale peccatum. At si id facis ex animi leuitate, & vt appareas pulchra, diues, aut ob alium finem venialem, solum peccas venialiter, etiam si aduertas aliquos ex hoc ad lasciuiam incitandos, dum hoc non intendas, nec tibi placeat aliorum incitatio. Quia istorum scandalum est passiuum, acceptum, & non datum: cum mulier habeat ius ad ornatum ex natura sua licitum, & communem alijs mulieribus. Ita *Calet. & Armil. verb. ornatus* contra *Bannes*, sed iuxta *D. Thom. loco cit.* nisi forte adsit scandalum pusillorum aliquando, iuxta modo dicta.

ARTICVLVS I. DE CORRECTIONE FRATERNA.

D. Thomas 2. 2. q. 33.

S V M M A R I V M.

- An correctio fraterna sit in praecepto, & quando obliget, num. 1.*
An peccatori liceat alium corrigere, num. 2.
An sit corrigendus peccans ex ignorantia innuincibili, num. 3.
An teneamur corrigere cum periculo vita, num. 4.
An aliquando excusetur à corrigendo, num. 5.
Publicus peccator, & hereticus pertinax non est secretò corrigendus, sed denunciandus, num. 6.
Occulti verò peccatores primò sunt secretè corrigendi, num. 7.
Mulier sollicitata in confessione tenetur denunciare sollicitatorem Inquisitoribus, nisi sit spes emenda per secretam correctionem, num. 8.

An

An liceat secretò correptum, sed obstinatum, denunciare in foro externo pro bono eius spirituali dum est copia testium, num 9.

DVB. 1. *An correctio fraterna sit in præcepto, & quando obliget.* 1

1. Concl. *D. Tho. art. 2.* Correctio fraterna pro loco, & tempore, & alijs circumstantijs obligat sub mort. Patet *Matth. 18.* *Si peccaveris in te, idest, sciente te, frater tuus, corripe eum.*

2. Concl. Homo priuatus non tenetur corrigere de peccatis venial. nisi sint proxima causa mortalium. Patet ex illo *Matth. 18.* *Si te audierit, lucratus es fratrem tuum*, quod de re perdita ob peccatum mortale intelligitur. Secus de iudicijs, & Prælatis, qui sub mortali tenentur corrigere peccata venialia turbantia pacem, & curiositatem vestium lege vetitam. Et Prælati Religionum tenentur curare, vt seruentur ceremoniæ Religionis, vt sic status religiosus conseruetur, et si, aliàs transgressores non peccent.

3. Concl. Non tenemur corrigere peccatum omninò præteritum, cuius nullum vestigium complacentiæ, aut damni imminet, nec in futurum timetur. Ita *Soto de regem. memb. 2. q. 2. Bannes 2. 2. q. 33. art. 2.*

4. Concl. Et si hoc præceptum, cum sit naturale, ex natura rei obliget peccatores, sed aliquando non licebit eis corrigere. Nam si publicus peccator alios publicè corrigat, alij scandalizantur. Aliquando autem dum non sit publicè, erit fructuosa peccatoris correctio, & illum obligabit, etiam si peccatum corrigentis constet corrigendo, vt si peccator corrigat alterum, simul gemendo proprium peccatum, & non increpando illum, aut si sit reprehendendo se simul. 2

5. Concl. Homo priuatus non tenetur exire à peccato, vt sic alterum corrigat, sicut nec tenetur addiscere scientiam necessariam pro corrigendo. Et intelligitur hoc seclusa necessitate extrema spirituali proximi. At Prælatus tenetur addiscere scientiam istam, & exire à peccato, etiam extra necessitatem extremam, vt oues corrigat.

Dub. 3. *An sit corrigendus peccans ex ignorantia inuincibili.* 3

1. Concl. Omnes tenemur ab alio tollere ignorantiam iuris naturalis, & diuini, dum est in periculo peccandi, & ignorantiam facti contra tale ius diuinum, aut naturale, si alijs sit

spes emendæ , vt si Petrus putans Mariam esse suam vxorem vult accedere ad eam, aut si Sacerdos vult ignoranter consecrare in aqua. Quia ista non ignorantur sine magno damno .

2. Concl. Homo priuatim non tenetur ab alio tollere ignorantiam legis humanæ, v.g. ieiunij, nec ignorantiam facti contra illam legem, vt circa ieiunia, festa, &c. secluso scandalo, & damno tertij. At qui gerit curam aliorum, vt pater, maritus, dominus, aut prælatus, tenentur à suis tollere ignorantiam omnis legis, quam illi scire tenentur, & ignorantiam facti circa tales leges, etsi subditi ob ignorantiam à peccato excusentur, vt si ignoranter non ieiunent, aut non recitent horas Canonicas, &c.

Dub. 3. *An teneamur corrigere cum periculo vita.*

4 1. Concl. Omnes tenemur etiam extra extremam necessitatem alterum corrigere cum aliquo damno temporali, cum sit plus diligenda vita spiritalis proximi, quàm bona temporalia.

2. Concl. Omnes tenemur exponere vitam periculo pro vita spiritali proximi, extremè indigentis, cum ista præstet vitæ corporali, & sic præferatur in ordine charitatis. Sed extra extremam necessitatem non tenetur homo priuatus alterum corrigere, etiam cum graui periculo honoris, aut bonorum.

3. Concl. Prælati extra extremam necessitatem tenentur vitam pro ouibus ponere. Ita *D. Thom. 2. 2. q. 85. art. 5.* Et patet ex illo Ioan. 10. *Bonus pastor animam suam*, id est vitam. *dæ pro ouibus suis.* Sicut enim Prælati tenentur dare elemosynam in multis casibus, in quibus alij non tenentur, sic & corrigere. Tenentur etiam inquirere defectus subditorum, vt ait *D. Thom. q. 33. art. 2.* Quod alijs non licet. Et in periculo hæresum tenentur assistere, censum, & vitam periculo exponere, & prouidere in tempore pestis, etiam magnis expensis de ministrantibus Sacramenta: Curati etiam tenentur assistere, nisi alius suscipiat curam suarum ouium. At Religiosi ad illud non tenentur. Ita *Bannes, 2. 2. q. 33. art. 3. dub. 4. cum Caiet. 2. 2. q. 26. art. 5.*

Dub. 4. *An aliquoties excusamur à corrigendo.*

5 1. Concl. A corrigendo excusamur 1. probabiliter scimus, quòd alter corriget, aut quòd peccator de proximo accedet ad confessionem, & emendabitur. 2. Si scitur probabiliter quod peccator non emendabitur. Imò si probabiliter non speratur emenda, vt ait *Caiet. verr. correctio.* Sed hoc non videtur certum. Imo si certus sum, quòd correctio non nocebit

cebit in spiritualibus, & aliàs dubito de emenda fratris, teneor corrigere. Patet ex illo *Matth. 10. Si te audierit, &c.* Ecce quomodo loquitur in casu dubij. Dixi in spiritualibus. Nam si damnum sit temporale, vt grauis infirmitas, teneor corrigere. Quia spiritualia sunt præferenda temporalibus. Sed habeatur ratio damni temporalis, vt conferatur cum spe emendæ, quia tantum potest esse damnum, & tam parua spes emendæ, vt sit omittenda correctio. Imò in dubio æquali omittatur correctio: nisi aliàs proximus sit in extrema necessitate, vt in articulo mortis. At si scio quòd proximus fiet deterior: sed postea resipiscet mea correctione, teneor corrigere, etiam extra extremam necessitatem. Deus enim aliquando permittit hominem cadere in peccatum, vt confusus resipiscat.

2. Conclusio. Qui ex timore, tepiditate, verecundia, negligentia, aut alia simili causa non corrigit, non peccat mortaliter si aliàs sit ita paratus, quòd si crederet probabiliter posse fratrem emendare, omnia postponeret charitati fraternæ. Ita *D. Thom. art. 2. ad 3.* Et intelligitur conclusio, nisi aliàs actus redeat in naturam suæ formæ, v. g. quando si correctio omittatur sequitur proximo notabile damnum in spiritualibus. Quod continget in peccante ex ignorantia culpabili, à qua difficile exibat, nisi doceatur, aut incidet in graue damnum animæ, & corporis.

Dub. 5. *An ordo correctionis positus Matth. 18. sit de iure naturali.* Et non est sermo de publico peccatore, iste enim erit denunciandus, vt dicitur *1. ad Timoth. 5. peccantem coram omnibus argue.* Aliàs scandalum oritur, dum non constat de pœna istius. Ita *D. Thom. art. 7.* Et Hæreticus pertinax etiam occultus, semper est denunciandus, nec præsumatur emenda per secretam correctionem vnius, etiam grauissimi, de eo qui non credit toti Ecclesiæ. At si quis ignoranter, & sine pertinacia protulit aliquem errorem, nec aliàs docuit illum, erit corrigendus. Ita *Bannes, 2. 2. q. 33. art. 8.* Sermo est modo de alijs peccatoribus occultis.

1. Conclusio. Affirmatiua, quia omnes tenemur ex præcepto naturali eripere proximum à peccato, medio suauiori, aliàs efficaci, & cum minori damno, sed nullum medium est tale, quam primò corrigere proximum semel, aut pluries secretè, si sic speratur emenda: deinde si hoc non prodest, adhibere vnum, aut duos testes coram quibus verecundetur, & resipiscat, & tandem si hoc non sat est, denuncia-

viare illum coram Prælato, vt patri. Hoc enim medium aliàs naturale, vt conuenientius, est à Christo explicatum *loco cit. ergo.*

2. Concl. Etsi per se loquendo dictus ordo sit sub peccato mortali seruandus; aliàs infamabitur proximus sine necessitate, tamen si prudenter iudicatur secretam correctionem non profuturam, transibis ad secundum medium. Et idem est de secundo. Imò & tertius potest omitti, si scitur probabiliter non secutura emenda, quæ est finis correctionis. Et intelligitur hoc de peccatis nocentibus soli peccanti, nam si nocent alteri, & maxime bono communi, etiam in temporalibus, & non speretur emenda per secretam correctionem, sunt denuncianda, vt ait *D. Thom. ars. 7. de quo dicemus in 8. præcepto, q. 2. art. 2.* Item mulier sollicitata in confessione, aut proximè antè, vel post, non absoluitur, dum non denunciat Inquisitoribus sollicitatorem. Nisi, vt ait *Ledesm. in sum. 2. par. tract. 4. c. 4.* esset spes, quod iste secretè correctus emendabitur: quæ spes potest colligi ex qualitate corrigentis, & ex conditione corrigendi, vnde si mulier sollicitata scit alicuius idoneitatem ad illam correctionem, posset cum eo hoc intendere. Et idem sentit cum *Salce Man. Rodr. in 4. regul. tom. 1. q. 59. art. 4.* de viro sollicitato circa confessionem ad actum nefandum. Quia etsi Pius IV. in commissione data Inquisitori Generali Hispaniæ relata à *Man. Rodr.* solum loquatur de muliere sollicitata, tamen ratio, & mens illius legis etiam se extendit ad istum casum, vtpotè cum institutori istius Sacramenti Christo iniuriam faciant: & de illis verificentur verba illa dictæ legis, vtpotè, Nos in animum inducere nequeunt, quod qui de fide Catholica rectè sentiunt, Sacramentis abutantur, &c.

8

9 Dub. 6. *An secreto correctum, & obstinatum possimus pro eius bono spiritali denunciare in foro externo, quando supputant testes, & civilis.*

1. Conclusio. Pars affirmatiua est probabilis, si hac via speretur emenda. Ita *Caiet. 2. 2. q. 33. art. 8. Soto de regim. memb. 2. q. 4. conclus. 7.* Nam emenda fratris præferenda est cuius iacturæ honoris eius, aut famæ. Et etiam, Quia si ita non fit, scandala oriuntur, & datur ansa istis obstinatis committendi secreta scelera.

2. Concl. Pars negatiua est etiam probabilis. Ita *Bannes, ars. 8.* Et patet ex illo *Matth. 18. Si Ecclesiam non audierit, sit tibi sicut ethnicus, vbi concluditur totus ordo correctionis.*

2. Quia

2. Quia publica correctio iuxta *D. Thom.* ordinatur per se ad bonum commune, ergo non est adhibenda pro bono particulari fratris. Maxime, quia si delicta aliàs secreta, & nulli nociua in foro externo publicentur, potius nocet, quam profit communitati, ob scandalum datum fragilibus similia parandi scelera.

3. Concl. Licet Prælato, etiam coram paucis grauib, qui profint, & non obfint, increpare istum, & monere, quod de cætero vigilabit super eum. Et si est iuuenis, licebit eum verberare, sicut idem liceret tunc patri carnali. Et potest ei præcipere sub excommunicatione, ne vadat ad locum sibi periculofum, & alia neceffaria ad emendam. Ita *Barnes*.

SEXTVM PRÆCEPTVM.

NON MOECHABERIS.

D. Thomas 2. 2. quæst. 135. & 154.

Not. ex *D. Thom. 2. 2. q. 153.* Luxuriam pro coitu illicito esse peccatum mortale. Quia luxuriator utitur venereis delectationibus, maxime absorbentibus, & impediuntibus mentem circa diuina contemplanda. Ait enim *Aug. 1. Soliloq. 10.* *Deiciunt maxime ab arce animum virilem blandimenta foeminae.* Nam si ista non honestentur ex matrimonio in ordine ad propagandum speciem, erunt peccata mortalia. Nec obstat quod per coitum expellitur semen superfluum ex alimento: ergo sicut emissio sudoris, & aliarum superfluitatum, sic & emissio seminis non erit peccatum. Ad hoc dico: Quod etsi semen sit superfluum ad nutritionem, est necessarium ad generationem, ad quam ex se ordinatur. At alia excrementa nullo modo sunt necessaria. Ita *D. Thom. art. 3. ad 1.*

Not. 1. ex *D. Thom. quæst. 154: art. 1.* Species luxuriæ esse septem, utpote simplex fornicatio, stuprum, adulterium, incestus, sacrilegium, raptus, & vitium contra naturam. Et istæ species aliquando diuersificantur ex parte viri, ut si vir sit vxoratus, est adulterium; si consanguineus, aut affinis suæ complicitis, est incestus, si Religiosus, sacrilegium. Sed regulariter istæ species diuersificantur ex parte foeminae, eo quod istæ species differunt ex parte materiae, & foemina in

coitu habet se vt patiens, & materia. Et sic vir non tenetur confiteri circumstantiam suæ virginitatis, etiam in actu externo, quo amisit virginitatem, licet id bonum esse asserat *Soto d. 18. q. 2. art. 2.*

ARTICVLVS I. DE SIMPLICI FORNICATIONE.

D. Thomas 2. 2. q. 154.

S V M M A R I V M.

Fornicatio simplex est peccatum mortale, & intrinsecè mala, num. 1.

Non est tamen peccatum si sit vi extorta, & absit consensus in actum, num. 2.

Oscula facta secundum morem patriæ sunt licita, num. 3.

Tactus, & amplexus libidinosi inter coniuges sunt liciti, dum absit periculum pollutionis, num. 4.

In alijs verò sunt peccata mortalia, num. 5.

An sint permittenda meretrices, num. 6.

An liceat eis locare domos, num. 7.

An famuli istarum meretricum peccent ei inferuiendo, num. 8.

I VB. 1. *An fornicatio simplex sit mortale peccatum.*

1. Conclusio. *D. Thom. quest. 154. art. 2.* Affirmatiua, & diffinita in *Clem. ad nostrum, de hæreticis*. Et patet ex illo ad Ephes. 5. *Omnis fornicator, &c. non habet hæreditatem in regno Christi*, sed ab hoc regno nullus excluditur, nisi per peccatum mortale: ergo. 2. Quia fornicatio cedit in damnum proles generandæ, quæ est defectu patris, nec debite educatur, aut defenditur, nec satis promouetur in bonis internis, & externis. Nec obstat si quis fornicator satis in his proli provideat, aut si probabiliter creditur nullam secuturam prolem, vt inter steriles, ergo saltem iste non peccabit. Ad hoc negatur conseq. Quia omnia ista sunt per accidens, & regulariter prauè educatur proles sic nata: & talis fornicantis seminatio ordinatur per se ad proles generationem, & in lege solum attenditur quod est per se, vnde illa fornicatio est intrinsecè mala: cum sit seminatio deordinata priuatione naturalis ordinis ad debitam proles educationem, et si de facto aliquando non sequatur proles, aut per accidens debi-

debitè educari possit. Item vt lex aliqua, etiam in aliquo de- obliget, non sat est quod cesset finis eius in isto, sed debet cessare in generali, qui enim contra legem defert arma nocte, etsi sit senex, qui non debet educere gladium in aliquem, qui est finis dictæ legis, violat legem, cum non cesset lex, etiam pro isto, dum non cessant in generali damna, quæ lex intendit vitare: sic etiam de fornicatione.

2. Concl. Fornicatio cum sit intrinsecè mala, non excusatur ob metum infamiæ aut mortis. Nam consensus etiam coactus sat est ad peccatum mort. Excusatur autem ob vim absolutam, dum absit consensus in actum, aut delectationem actus. Nec tenetur mulier, quando vi opprimitur, defendere se ponendo manus in oppressorem, aut clamando, aut membris resistendo, si super his incutitur sibi metus grauis, dum tamen non se accomodet sceleri secundum situm, &c. *Ita Soto, 5. de iust. q. 1. art. 5. Nauar. in man. cap. 16. num. 1.*

Dub. 2. *An oscula, & tactus sint peccata mort.*

1. Concl. Ex se ista non sunt peccata, cum licitè fiant sine libidine ex more patriæ, aut ob aliam necessitatem, etsi in eis excitetur aliqua sensualis delectatio, dum non acceptetur, sed permittatur: nec ad sit periculum consentiendi in eam. *Ita Victo. & communiter, cum D. Thom. art. 4. Quia dicta causa est licita, & aliàs talis delectatio non acceptata euenit præter intentionem. Sicut nec tenentur viri spirituales abstinere se à colloquijs spiritualibus cum scæminis honestis, etsi patiantur aliquas titillationes inuoluntarias. Ita Med. in sum. §. 18.*

2. Concl. Dicti tactus etiam libidinosè exerciti, sed sine periculo pollutionis, sunt liciti coniugibus, cum assumantur vt media excitatiua actus venerei liciti inter eos. Imo, & oscula, & amplexus libidinosi sine periculo pollutionis sunt licita sponsis de futuro, eo quod sponsus habet quoddam ius, licèt inchoatum, & imperfectum ad corpus sponsæ: quod ad ista licentiam præbet. Et ista sunt velut principium promissarum nuptiarum. *Ita communiter, & maxime Caiet. 2. 2. q. 154. art. 4. Med. Nau. c. 14. n. 18 & c. 16. nu. 12. & Ledes. c. 3. de matrim.*

3. Concl. Dicti tactus libidinosi etiam ob solam delectationem in eis reperiuntur sunt peccata mort. in non coniugibus. *Ita communiter cum D. Thom. art. 4. Caiet. Silu. ver. delectatio, contra Marti. de Magistris, tract. de temperantia, cui*

cui Visio. & Cord. in quæst. videntur assentire, etsi insinuent, hoc non esse dogmatizandum. Et patet conc. usio. Quia delectatio in his reperta ex sua natura, est medium excitans ad coitum, ob quod quando confitetur coitus non sunt consistendi isti tactus, cum sint intrinseci coitui, sicut nec consistuntur alia dicta, facta, cogitata, vt vuluta turpia antecedentia, comitantia, & consequentia proximè coitum, *vt ait Nau. lib. 5. conf. 14. de pœnis & remis.* Sed qui vult media ad finem, vult finem saltem interpretatiuè, nec moraliter loquendo potest illum præscindere, ergo, &c. Nec est idem de visu mulieris pulchræ. Quia ista visio, *vt ait Caiet.* non sic ad coitum ordinatur, sicut tactus, etsi non tangantur prudenda, sed manus, pes cum pede, aut vellicando brachium &c. Ex dictis patet, quod si mulier dubitet an libidinosè tangatur non fugiat consuetos honestos amplexus iuxta morem patriæ. At si sentit se libidinosè tangi, subtrahat se nisi aliàs ex tali subtractione, vt potè, in publico facta, sequatur scandalum. *Ita Sil. ver. delect. 5. 2. & Armi ver. osculum. Et ita intelligitur Caiet.*

2. Concl. Dicti tactus, cum sint circumstantiæ coitus, pertinent ad speciem coitus, ita vt si fiant cum vxorata, erunt adulterium; cum consanguinea, incestus, &c. Etiam si ex intentione operantis nun ordinentur ad coitum: sat est enim quod est sua natura ordinentur ad illum.

6 Dub. 3. *An sint permittenda meretrices.*

1. Concl. *D. Thom. 2. 2. q. 10. art. 11.* Affirmatiua, pro vitando sic maiora peccata contra naturam.

2. Concl. Licet locare domos meretricibus, non hac intentione, vt in eis peccent, sed vt ibi habitent. Nam res indifferentes ad bonum, & malum, licitè venduntur etiam ei, de quo certò scimus illis malè vsurum, sed non in damnum tertij, dum tamen venditor non intendat illum malum vsu, sed vendere rem suam. Patet in agno vendito ludæis, de quibus constat illum velle ad sacrificium. *Vide in 7. pra. q. 3. dub. 12.*

3. Concl. Famuli istarum meretricum licitè eis inseruiunt aperiendo ianuam amatoribus, associando eas euntes ad peccandum, componendo lectum vbi peccant, dum tamen hoc non intendant, nec in eo sibi complacent. Et patet ex 2. conc. Imò *Nau. li. 5. conf. 4. & 5. de pœn. & remis*, ait, possit istos seruos deferre literas, quibus amicus vocatur ad peccandum, & eos verbis à sua domina prolatis vocare, dum

tamen

tamen nec eos ad malum incitent, nec sibi complacent in illorum peccato, sed solum simpliciter proponant verba domine suæ. Et ista, ait, honestantur ex eo quod sunt serui illarum stipendiati. Sed oppositum tenet Ledesma, *cap. 9. de abstinentia*. Quia, ait, sic eos vocando inuuant ad peccandum. Ita etiam Man. Rod. in addi, ad §. 9. Bulla, dub. 12. num. 153. vbi retractat contrarium dictum cum Nau. in sum. 10. l. c. 203. Sed videtur esse idem ac de secunda conclusione dicta.

ARTICVLVS II. DE STVPRO.

D. Thomas q. 154. art. 6.

S V M M A R I V M.

Stuprum est species luxuria distincta à simplici fornicatione, num. 1.

Adhuc est talis etiam dum fit ex consensu puella & parentum eius, num. 2.

DVB. 4. *An stuprum sit species luxuria.*

Concl. Affirmatiua contra Sot. d. 18. q. 2. art. 4. vbi ait, stuprum non esse distinctam speciem à fornicatione simplici, nec in confessione explicandam circumstantiam virginittatis, nisi in solo actu, quo amittitur virginitas, ob damna secuta. Sed conclusio est D. Tho. art. 6. & communis. Quia in violatione virginis existentis sub cura parentis, aut tutoris reperitur specialis deformitas in genere luxuriæ Tum ex parte puellæ. quæ ob violationem impeditur a matrimonio, & ponitur in via meretricandi, à quo retrahebatur metu amittendi signaculum virginittatis: ratione cuius, etsi scemina careat parentibus, & tutoribus, adhuc dicitur stuprata. Tum etiam ex parte patris, aut tutoris eius curam gerentium quousque maritetur. Ita D. Tho. Nec obstat si virgo ex consensu sui, & patris violatur. Quia iste consensus est inuoluntario mixtus ob necessitatem, aut passionem. Tum maximè. Nam etsi mulier sit domina suæ integritatis contra Medin. in sum. tamen non est domina illius sicut diuitiarum, ita vt pro libito possit illam sicut diuitias distrahere, sed seruato hoc ordine vt custodiatur vsq; ad nuptias. De stupratore quando, & quomodo restituere teneatur, dicemus in 7. præcepto. q. 7. art. 2. dub. 4.

AR-

ARTICVLVS III. DE ADVLTERIO.

D. Thomas. q. cit. art. 8.

S V M M A R I V M.

Adulterium est species luxuria, & ob illud praeisè nihil est restituendum, num. 1.

- 1 DV. 5. *An adulterium sit species luxuria.*
 Conclusio D. Tho. art. 8. Affirmatiua. Quia in adulterio reperitur specialis deformitas in genere luxuriæ: in quantum accedis ad mulierem alteri matrimonio iunctam, & impedis bonum prolis alienæ. Et sic irrogas iniuriam marito, cuius etiam est concausa adultera. Non tamen tenetur adulter restituere marito adulteræ aliquid ob solum adulterium, vt dicemus in tract. de restit. art. 3. bene autem ob spurium progenitum, vt ibi dicitur, art. 6. dub. 6. & 7.

ARTICVLVS IV. DE INCESTV.

D. Thomas. art. 9.

S V M M A R I V M.

Incestus est speciale peccatum luxuria, num. 1.

Vnde, & quando aggrauetur eius malitia, num. 2.

Committeretur etiam incestus per comixtionem habentium inter se cognationem spiritualem vel legalem, num. 3.

- 1 DV. *An incestus, id est coniunctio consanguineorum, aut affinium, sit species luxuria.*
 1. Concl. Diu. Thom. art. 9. Affirmatiua. Quia species luxuriæ sumuntur per distinctionem mulierum, ad quas fit accessus, sed in incestu importatur specialis conditio mulieris: cum sit abusus consanguineorum, aut affinium, ergo. 2. In abusu istorum inuenitur aliquid incongruum commixtioni venereæ. Tū quia consanguineis naturaliter debetur honor, & in actibus venereis reperitur turpitudine contraria honori, vnde de istis homines verecundantur. Tum etiam quia consanguinei debent sæpè conuersari inter se, & si non accerentur a venereis, daretur eis opportunitas nimix commixtionis.

2. Con-

2. Conclusio. Inter proximiores consanguineos, aut affines erit grauior incestus intra eandem speciem. Imò in 1. gradu grauior est incestus cum matre, aut alia quam cum sorore, & sic in confessione explicandus. Ita *Soto, d. 18. q. 2. art. 4. Nauar. in Man. cap. 7. n. 3. & communiter, de quo Ledesm. c. 9. de pœnit.* At incestus extra secundum gradum non aggrauat notabiliter. Et sic fat est confiteri sic, commisi incestum extra secundum gradum. Ita *Ledes. loco cit.*

3. Conclusio. Incestus etiam committitur in accessu habentium inter se aliquam cognationem spirituales contractum per baptismum, confirmationem, aut per cognationem legalem ex adoptione ortam, cum istæ cognationes dirimant matrimonium cum eis contractum.

ARTICVLVS V. DE RAPTIV.

D. Thomas art. 7.

S V M M A R I V M.

*Quid sit raptus, & quando committatur. nu. 1.
Pœna raptorum. num. 2.*

DVB. 7. *Quid sit raptus.*

1. Concl. Raptus species luxuriæ committitur, quando mulier vi rapitur ad matrimonium, non si capiatur etiam vi ob aliam causam. Ita *multi contra Nauar. c. 27. num. 150.* Et ita declarauit congregatio Cardin. die 23. Ianuar. anni 1586. vt refert *Fari. in Conc. Trid. sess. 24. cap. 6.* ex quo patet, quod si mulier è domo patris egressa, & amore iuuenis tacta eum insequitur, & ab eo etiam corrumpitur, non dicitur rapta. Ita *D. Thom. art. 7. & Nauar. lib. 5. cons. 1. de raptu, ex cap. cum causam, de raptoribus.*

2. Concl. Inter raptorem, & raptam, dum rapta est in potestate raptoris, non potest stare matrimonium. Et raptor, & eum auxiliantes, ei consulentes, & fauentes excommunicantur in Conc. Trid. cit. manent perpetuò infames, & si sint clerici, de proprio gradu decident. Et tenetur raptor raptam decenter arbitrio iudicis dotare, siue eam in uxorem ducat post raptum, siue non. Ita *in Contit.*

ARTICVLVS VI. DE SACRILEGIO.

D. Thomas art. 10.

S V M M A R I V M.

Quid sit sacrilegium, & an pertineat ad speciem luxuriæ vel irreligiositatis, num. 1.

Quando committitur sacrilegium ratione loci, num. 2.

An qua coiuuit cum religioso satisfaciat dicendo in confessione se coisse cum initiato in sacris, num. 3.

1 **D**VB. 8. *An sacrilegium, id est accessus ad monialem, & clericum, aut religiosum sit species luxuriæ.*

1. Concl. Affirmatiua. Quia quando actus vnius vitij ordinatur ad aliud, transit in speciem illius, sicut etiam contingit in actibus virtutum. Sed quando polluitur persona sacra, irreligiositas ordinatur in luxuriam, cum ex nimio appetitu luxuriæ acceptet homo communiter violationem personæ sacræ, & non è contra, ergo ista irreligiositas, seu sacrilegium est species luxuriæ, & non è contra. Ita colligit Caiet. istam rationem ex *D. Tho. art. 10.* Non verò numeratur à *D. Tho. art. 11.* sacrilegium hoc inter species luxuriæ. Quia sacrilegium ex se directè pertinet irreligiositatem, & reductiuè ad luxuriam.

2. Concl. Sacrilegium est, exercere actus tuos per externos, præter colloquia, in sententia probabili, in Ecclesia, aut in locis benedictione deputatis ad sacra peragendum, non verò in alis locis monasterij, vt in dormitorio, etsi ibi sit altare ad Missandum Nam loca ista non sunt benedicta. Ita *Lud. Lop. tom. 1. cap. 197.*

3 3. Concl. In sententia probabili, quæ coiuuit cum religioso satisfacit dicendo in confessione se coisse cum initiato in sacris, si hic sit ordinatus, aut cum eo qui vouit castitatem solemniter. Ita *Nauar. in Man. cap. 6. num. 4. Cord. in sum. quæst. 4. Manua. Rôd. 1. parte, cap. 55. num. 5.* Sed probabilius est teneri explicare se coisse cum religioso. Ita *Soto 8. de inst. quæst. 2. art. 5. Ledesm. cap. 19. de pœnis. Con. 1. dub. 1. & communiter Thomista. Vide supra in tract. de voto, dub. 8.*

ARTICVLVS VII. DE VITIO CONTRA NATURAM.

D. Thomas art. 11. & 12.

S V M M A R I V M.

Quid sit vitium contra naturam, & quibus modis committatur, num. 1.

Quis ordo in speciebus luxuriæ quoad gravitatem malitiæ, n. 2.
Vnde aggrauetur malitia vitij contra naturam, num. 3.

DVB. 6. *An vitium contra naturam sit species luxuriæ.*

1 Concl. Affirmatiua. Nam ibi reperitur deformitas repugnans ordini naturali actus venerei, quæ conuenit speciei humanæ, aut quia sine coitu causa delectationis pollutio procuratur, quod est mollities, aut coeundo cum complice alterius speciei, quod dicitur bestialitas: aut coeundo ad illegitimum sexum, masculus cum masculo, aut femina cum femina, quod est sodomia, aut si non seruetur naturalis modus in coitu, vel non seminando in vase, vel vtendo instrumento indebito, &c. Ita D. Thom. art. 11.

2 Concl. Inter species luxuriæ peius est vitium contra naturam ex suo genere. Et in hoc leuior est mollities. Ita D. Thom. art. 12. Dixi ex genere. Quia ob damna, aut alia, peius est virginem deflorare, adulterare, accedere ad monialem, quam monialem, vxoratum aut virginem extra vas polluere.

3 Concl. D. Thom. art. 12. Inter alias species, peior est incestus, cum sit contra naturalem reuerentiam debitam personis consanguinitate, aut affinitate vnitis. Post incestum peius est adulterium: cum sit abusus mulieris viro subiectæ ad vsum generationis, cui fit iniuria. Deinde est stuprum, quod est abusus mulieris alteri traditæ ad solam custodiam, cui non tanta sicut marito fit iniuria. Aggrauantur stuprum, incestus, & adulterium ex raptu. Et omnia ista aggrauantur ex sacrilegio. Et infima species est fornicatio, vbi soli proli generandæ fit iniuria.

4 Concl. Si in coitu contra naturam concurrant deformitates aliarum specierum luxuriæ, ex eis aggrauatur notabiliter. Abuti enim moniali contra naturam est sacrilegium; abuti Virgine est stuprum; abuti vxorata, adulterium, & abuti consanguinea, aut affine, incestus.

ARTICVLVS VIII. DE POLLVTIONE

D. Thomas art. 5.

S V M M A R I V M.

*Pollutio directè voluntaria est peccatum mort. num. 1.**An aliquando liceat vti causa proxima, vel remota pollutionis, num. 2.**An pollutio habita in somnijs sit peccatum mort. num. 3.**An liceat gaudere de pollutione sequuta in somnijs, vel eam desiderare, num. 4.***I** DVB. 9. *An pollutio in vigilia sit peccatum.*

1. Concl. Pollutio directè voluntaria est peccatum mort. Ita communiter cum D. Thom. art. 5. Et patet, 2. Cor. 5. vbi istis mollibus negatur ingressus cæli, quod solis peccantibus mortaliter denegatur. Et isti molles tenentur explicare obiectum cogitatum in pollutione. Nam si mulier cogitata sit vxorata, est adulterium; si virgo, stuprum, &c. Et explicabis, si pollutio sit facta proprijs, aut alienis contactibus.

2. Concl. Pollutio indirectè voluntaria, vtpotè præuisa, & volita in sua causa, erit peccatum mort aut ven. iuxta malitiam cause. Pro quo Dico 1. Non licet absque necessitate, aut pia vtilitate vti causa per se pollutionis, etiam alias licita. Patet in tactibus coniugum, quando ex eis regulariter sequitur pollutio extra vas. Quia eodem præcepto vetatur res illicita, & eius causa per se, *ut ait D. Thom. art. 4.* ergo qui vitur illa causa vult in ea illum effectum, etsi nolle alias, quod sequatur, aut aliquando per accidens non sequatur. Iam enim quantum est ex parte sua dedit causam. At si sis certus moraliter, quod ex tuis tactibus non sequitur regulariter pollutio, etsi alias pecces exercendo illos, sed non peccas peccato pollutionis, etiam si aliquando per accidens sequatur. Dico 2. Licet vti causa proxima per se pollutionis, ad effectum per se alias licitum, dum tamen pollutio non intendatur sed permittatur: nec adsit periculum probabile consentiendi in eam Patet in confessorie audiente turpia aut studente illis pro confessione, & in medico tangente pudenda pro medendo illis. Quia isti non volunt causam pollutionis, vt sic. Et ex dictis patet à fortiori

tiori licere uti causa per accidens pollutionis ad effectum alia per se bonum. Quia non tenemur vitare omnia, quæ sequuntur per accidens ex nostra operatione, secluso damno proximi, quod semper est ex charitate vitandum, si potest vitari commodè, & sine proprio damno. Dico. 3. Qui sine, necessitate, aut pia utilitate utitur causa remota pollutionis, qualis est, quæ aliquando disponit excitando ad pollutionem, iuvando causas proximas, peccat peccato pollutionis venialiter solum, & secluso periculo consentiendi in pollutionem, & alias non intendendo illam. Patet in excessu cibi, & potus, qui erit malus venialiter, & malitia gulæ, & malitia pollutionis, si advertitur inde posse sequi, etsi aliquando per accidens non sequatur. Et pollutio tunc erit peccatum ven. cum sit aliquo modo voluntaria, non simpliciter: cum non sit voluta in se, nec in causa proxima, sed solum in causa remota. & sic imperfectè voluntaria, & imperfectè peccatum. Et sic verificatur illa regula, quod quando causa pollutionis est peccatum ven. pollutio in ea voluta est solum peccatum veniale. Intelligitur ergo non de causa proxima, sed de remota. Aut intelligitur quando causa est peccatum ven. ex inadvertentia rationis, seu ex imperfecta deliberatione.

Dub. 10. *An pollutio in somnijs sit peccatum.*

1. Conc. Si ista pollutio procedit à causa mor. v. g. à cogitatione turpi mortali habita in vigilia, erit peccatum mort. & si procedit à causa veniali, erit peccatum ven. & si à nulla causa ex dictis procedit, non erit peccatum. Quia peccatum debet esse voluntarium in se, aut in sua causa: sed pollutio in somnijs non est voluntaria in se, ut patet: ergo debet attendi voluntarium repertum in sua causa, ut de eius malitia iudicetur. Et procedit conclusio etiam de pollutione incepta in somnijs, & finita in vigilia, dum homo deliberatè non consentiat in illam, sed eam permittat. Ita *Narr. in Man. cap. 16. numer. 7. Ledesm. tractat. 17. de abst. cap. 16.* Et idem ait *Ludou. Lop. tom. 1. cap. 74.* de pollutione veniente inter somnia, quando homo non est omnino à somno excitatus, nec habet plenam deliberationem. Et ut pollutio in somnijs procedens à causa mort. non sit peccatum mort. antequam dormias, doceas de tali causa: *ut ait Ledesm. & Med. 1. 2. q. 71. art. 5.* Quia cum ista pollutio solum habeat malitiam causæ, ablata per poenitentiam, seu dolorem tali malitia causæ, tollitur etiam malitia sequentis pollutionis.

G

2. Concl.

3

2. Concl. Non Licet gaudere de pollutione in somnijs secundum se: cum ex se sit mala, et si excusetur ex somnio. Aliàs liceret eam procurare. Sed licet gaudere de bono effectu illius. Imò, & de illa ut est causatiua effectus boni; v. g. sanitatis. Quia sic considerata pollutio in somnijs est bona, & medium ad finem bonum, ut potè ad sanitatem. Imò, est probabilius licere ægro sicut & eius medico, desiderare talem pollutionem in somnijs ob sanitatem: non desiderio efficaci, & dando ei causam, sed desiderio inefficaci, & simplici. Ita *Siluest. Angé-uer pollutio. D. Ant 1. p. tit 6. cap. 3. Nauar. in Man. c. 16. num. 7.* Et patet ex *D. Th. 2. 2. q. 76. art. 5.* ubi ait, licere desiderare ægritudinem peccatori, ut resipiscat, ergo, & licet desiderare ægro pollutionem ob sanitatem.

ARTICVLVS IX. DE COGITATIONE MOROSA.

D. Thomas 1. 2. q. 74. art. 6.

S V M M A R I V M.

Delectatio morosa voluntaria obiecti cogitati quod est pec. mort. est mortalis. n. 1.

Quomodo fieri possit peccatum ven. n. 2.

Delectationes morose diuersificantur specie ex obiectis & explicanda sunt in confessione. n. 3.

An liceat coniugibus delectari de copula habita vel habenda secluso periculo pollutionis. n. 4.

An liceat vidua delectari de copula praterita cum viro suo. num. 5.

1. DVB 11. *An delectatio morosa obiecti turpis cogitati, sine desiderio assequendi illud, sit peccatum.*

1. Concl. Delectatio morosa voluntaria obiecti cogitati, quod est peccatum mort. est peccatum mort. Ita communiter de quo *Ledesm. c. 17. de absti.* Et patet, quia consentit in rem quæ ex se est peccatum mort. & via ad peccatum mort. Dixi voluntaria. Quia si ratio non plenè aduertit, id de quo cogitatur, et si aliàs sit longa mora, & facilè posset reprimi delectatio, si aduerteretur, non erit peccatum mort. Ita ex *D. Th. 1. 2. q. 74. art. 6. ad 3.* Et patet. Nam ubi non est aduertentia rationis, non est actus humanus, seu voluntarius, & sit nec peccatum. Et intel.

intelligitur de inaduertentia actuali, vel virtuali. Nam si ex negligentia culpabili, actu non aduerras, mortaliter peccas, cum iam virtualiter aduertas. Et dicitur plena aduertentia, quando actualiter, aut virtualiter attendis illam cogitationem esse periculosam, aut malam in se, aut in sua causa, malitia saltem in communi, etsi determinate non attendas, aut ignores esse malam mortaliter, aut venialiter: tunc peccas mort. ob periculum peccandi mort. Nisi alias probabiliter credas esse malam solum venialiter.

2. **Concl.** Delectatio morosa fit peccatum veniale. 1. Ex paruitate materiae, vt si obiectum cogitatum sit peccatum ven. 2. Ex defectu plenae aduertentiae. Nam si aduertentia sit semiplena, erit solum peccatum ven. etsi voluntas consentiat. Quia ad perfectum peccatum, quale est peccatum mort. requiritur plena aduertentia, & plena deliberatio. Imo si aduertentia sit plena, & voluntas, & ratio negligenter se habent in reprimendo illos motus, erit peccatum veniale, vt tenuit *Languas* 1. 2. q. 74. art. 6. Et si *Ledesm.* tenet esse peccatum mort. Item in sententia probabili *Victoriae*, solum erit peccatum ven. in talibus cogitationibus, seu delectationibus, suspendere actum sine consensu, aut dissensu. Sed vt dicebat *Languas*, probabilius videtur esse peccatum mort. ob periculum consentiendi, cum illi motus de facto saepe trahant voluntatem, etiam prius reluctantem. Item qui non reprimat motus illicitos mortaliter, quando potest, & tenetur, censetur virtualiter consentire, sed consensus virtualis sat est ad peccatum mort. ergo.

3. **Concl.** Delectationes morosae sunt diuersae speciei ex obiectis: & explicandae in confessione. Itaque delectatio circa vxoratum, est adulterium: circa virginem stuprum, &c. Ita *Doctores communiter, maxime Thomista, D. Ant. 2. par. tit. 5. c. 1. §. 6. Caieta. Tabi. ver. luxuria, q. 8. Nuñez. in Man. cap. 16, numer. 9. & Ledesm. loco cit. contra Vasquez, 1. 2. d. 122. cap. 2. & alios modernos.* Et patet. Quia talis delectatio est, v. g. de cogitatione circa vxoratum, ergo ab isto obiecto sumit malitiam, & speciem. Si arguas, iste solum delectatur de cogitatione accedendi ad istas personas: Ad hoc dico, quod iste non delectatur de sola cogitatione, sed de cogitatione circa tales personas. Itaque totum hoc, scilicet cogitatio morosa turpis, v. g. circa vxoratum, est obiectum talis delectationis.

Dub. 12. An liceat coniugibus delectari de copula inter eos

habita, aut habenda, secluso periculo pollutionis.

Conclusio affirmatiua. Ita *D. Ant. 2. part. tit. 5. cap. 1. §. Palu. in 4. dist. 9. quest. 3. art. 1. num. 7. Caiet. ver. delectatio. Ledesma loco cit. & communiter contra Nau. in Man. cap. 16. nu. 10.* Quia tactus libidinosi secluso periculo pollutionis extra vas sunt liciti coniugibus in ordine ad finem matrimonij, ad quem ex sua natura ordinantur. Imo, etsi de facto ab operante non ordinentur, erunt solum peccatum ven. ergo idem erit & fortiori de dicta delectatione. Dum tamen, *ut ait Ledesma* quiuis coniux proprijs tactibus seorsum non se prouocet ad membri alterationem, quidquid sit de alteratione ex dicta delectatione secuta. Quia illa prouocatio erit peccatum mort. nisi fiat ad habendum copulam cum coniuge presenti, aut qui statim speratur. Quia tunc ista prouocatio ordinatur ad finem licitum matrimonij.

5 Dub. 13. *An liceat vidua delectari morosè de copula praterita cum viro suo.*

1. Conclusio. Licet delectari de tali copula considerata in ratione boni honesti, aut vtilis, vtpotè, in ordine ad habendos filios, aut vitandum fornicationem. Quia copula ista sic considerata est bona, nec habet rationem mali, aut libidinis, ergo delectatio de illa, vt sic considerata, non est mala.

2. Conclusio. Peccatum est mort. delectari de dicta copula delectatione venerea, & libidinosa, seu in quantum delectabilis est, libinosè. Ita *Ledes. & multi moderni.* Quia delectatio vt sic non habet rationem boni, sed est mala mortaliter. Sicut ergo non licet viduæ delectari in opere externo, sic nec delectari de tali opere internè cogitato. Et iuxta dicta intellige *Palud. Caiet. Angel. Arm. & Syluest. ver. delectatio*, asserentes non esse peccatum mort. seclusa pollutione, alteratione, & motu sensuali, istam delectationem, cum non sit peccatum mort. delectari de eo quod non fuit peccatum. Et idem est de delectatione copulæ futuræ inter sponfos de futuro.

SEPTIMUM PRÆCEPTUM
DECALOGI.

NON FURTIVM FACIES.

Hic agam non solum de furto, sed & de alijs contractibus, in quibus, si rectè non fiunt, iniustitia reperitur. Et de restitutione, qua reparatur iniustitia alteri illata. Et pro omnium exacta declaratione tractatum de dominio præmittam.

QVÆSTIO PRIMA.
De Dominio.

D. Thom. quæst. 66. art. 1. & 2.

S V M M A R I V M.

*Quid sit dominium, & in quo fundetur, num. 1.**Quarum rerum homo habeat dominium, num. 2.**Homo est dominus bonorum spiritualium, externorum, & internorum, num. 3.**Convenienter facta est rerum divisio, num. 4.*

Dominium est facultas utendi re in omnes usus lege permissos. Sed cum ista facultas utendi rebus, iuxta 1
D. Thomam 2. 2. quæst. 66. artic. 1. radicitur in intellectu simul, & voluntate, solæ istæ potentie fundant dominium, iuxta id Genes. 1. *Faciamus hominem ad imaginem, & similitudinem nostram*, id est, cum intellectu, & voluntate, seu libero arbitrio, & *præsit piscibus maris, & volatilibus, &c.* Ex quo patet. 1. Bruta non habere dominium, etsi metaphoricè Leo dominetur animalibus, & Aquila avibus. 2. Patet, Hominem non habere dominium rerum antecedentium liberum arbitrium, ut vite, & membrorum. Nam solus Deus est Dominus vite, & mor- 2

tis, & homo custos vitæ suæ. Et sic peccat contra iustitiam occidendo se. Et etiam Respublica est custos vitæ ciuium: Et sic licet possit exponere periculo ciues pro tuendo bono communi, cuius est principaliter custos; sed non potest pro libito eos occidere. 3. Patet hominem esse dominum propriæ libertatis, & sic potest se vendere. Et est dominus honoris, & famæ, contra *Caiet.* verb. *detractio*; cum illa subiaceant libero arbitrio, iuxta *D. Thom.* 2. 2. q. 73. art. 4. ad 1. Et à fortiori est dominus temporalium: imò & spiritualium, non solum externorum, vt beneficiorum, & iurisdictionum: sed & internorum, vt virtutum etiam insusarum, charitatis, & gratiæ, iuxta sententiam veriorum, quæ colligitur ex *D. Thom.* 2. 2. *quest.* 60. art. 1. ad 3. vbi ait hominem esse dominum rerum pertinentium ad ipsum: sed ista pertinent ad hominem, ergo. 2. Aliàs, si amitteres gratiam per furtum, peccares dupliciter contra iustitiam; tum auferendo alienum, tum amittendo gratiam: Et sic ex iustitia tenereris eam statim recuperare per pœnitentiam: cum præceptum restituendi quo reparantur damna illata contra iustitiam, obliget semper, & pro semper. Nec *D. Thom.* 1. 2. q. 73. art. 9. ad 2. sentit oppositum, vt ibi ait *Medin. cum Canon. relect. de pœnit.* sed loquitur in sententia aliàs præbabili.

4. *Not.* 1. Quod etsi in iure nature diuitiæ essent communes, tamen iure gentium post peccatum facta est earum diuisio, & appropriatio; & postea iure humano est multiplicata. Et hoc ita expedit, ait *D. Thom.* 2. 2. q. 66. art. 2. tum ob vitandas lites; tum etiam quia cum homines ob peccatum sint negligentes, maximè circa bona communia, agri manerent incultis. Et sic statim ac Adam peccauit, & habuit filios adultos, facta est ab eo diuitiarum diuisio; vt patet *Genes.* 4. vbi Abel obtulit Domino de primogenitis gregis sui. Ex quo patet esse iusta dominia, & diuitiarum diuisionem. Et ita diffinitur in *Concil. Constant. sess.* 8.

Not. 2. Quod etsi dominus rei possit illam cui velit dare, sed debet fieri iuxta præscriptum legis, vt patet ex diffinitione dominij. Et sic agemus de translatione dominij, & de causis, quibus ad inuicem inter homines transfertur. Quales sunt, voluntas domini rei, lex Principis, & sententia iudicis, de quibus sigillatim dicetur. Et primò de voluntate abdicante à se dominium, promissione, aut donatione.

ARTICVLVS I. DE PROMISSIONE.

S V M M A R I V M.

Promissio interna facta Deo obligat, non verò facta homini, num. 1.

Promissio facta absenti coram testibus obligat saltem sub veniali stando in iure communi, num. 2.

Sed secundum leges Castella obligat sub mortali ex suo genere, num. 3.

DVB. 1. *An qui promittit aliquid, teneatur ex iustitia reddere.* I

1. Concl. Promissio, etiam interna, facta Deo, obligat. Ita *D. Thom. 2. 2. q. 88. art. 1.* Quia cum Deus intueatur cor hominis, statim acceptat eam: At promissio interna facta homini, non obligat. Nam si non explicetur verbis, aut signis, non potest cognosci, & sic non acceptari ab eo cui fit. Et ex hoc patet 1. Promissionem, aut donationem, etiam verbis factam surdo, aut absenti, non obligare, sed posse reuocari antequam cognoscatur, & acceptetur. Ita *Soto 3. de iust. q. 5. art. 3.* Quia promissio, & donatio est quædam datio, sed datio dicit ordinem ad acceptionem, ergo non oritur obligatio dandi antequam alter acceptet. Quod adeo verum est, ut etiam promissio secluso voto, aut donatio ad pias causas facta absenti, ut potè Ecclesiæ, aut pauperibus, si non adsit qui pro illis eam acceptet, non obligat. Ita *Iul. Clar. tract. de donat. 2.* patet Quod si promissio, aut donatio fit Petro præsentem, qui illam cognoscit, & acceptat, transfert dominium in eum. Imò iuxta *Iul. Clar. contra Iosephum Flo. de voto,* etsi non expresse acceptet, sed taceat. Quia iuxta reg. iuris, qui tacet consentire videtur. Quod maxime est verum in favorabilibus. Sed de promissione facta absenti coram testibus.

2. Concl. Stando in iure naturæ, aut in iure communi Canonico, vel civili, promissio facta absenti coram testibus, solum obligat sub peccato veniali ex virtute veracitatis, in iure enim naturæ reputaberis mendax, si non impleas promissum. Et in iure Canonico *ca. iuramentum, 22. q. 5.* & in iure civili *ex l. 1. ff. de pactis,* habetur, quod promissiones sunt feruandæ, dum promissum non est illicitum, nec aliæ res sint mu-

tate, sed durent in statu, quo erant tempore promissionis, vt ait *D. Thom. 2. 2. quæst. 110. art. 3. ad 5.* Vbi nota, Quod omnis cuentus sufficienter auertens me à promittendo, si post promissionem superuenit, satis soluit obligationem promissionis: vt si promisi Petro frequentanti scholas mille aureos pro studio, si postea luxibus vacat, deobligor à promissione. Quia promissio debet esse spontanea, & voluntaria: sed mutatis rebus, meritò definit esse voluntaria, ergo &c. Ita *Cauiet. & Victor. cum D. Thom. loco citato, & Nauar. in Manual. cap. 18. num. 7.*

3. Concluf. Stando in legibus Castellæ promissio facta absenti, etiam sine tabellione, si sit probabilis in foro externo, & facta animo obligandi fidem, obligat ex iustitia sub peccato mortali ex genere: dum tamen res maneant immutatae modo dicto. Ita *l. 2. tit. 16. lib. 5. nou. recog. & lib. 3. ordinat. tit. 8. l. 3.* Vbi nota, Quod stando in iure communi isti testes sine tabellione non faciunt nouam obligationem, sed solùm dant testimonium de tali promissione. At stando in legibus Castellæ, ex ipsis gerunt vices partis, & nomine partis acceptant promissionem: aut ipse Rex nomine partis ex tunc per suam legem acceptat illam, factam cum illis conditionibus. Quia Rex cum expedit bono communi potest transferre dominium ex vno in alterum. Et hætenus dicta non procedunt de promissione rei aliàs indebitæ, extorta per iniuriam, & secluso iuramento, quæ non obligat, sicut nec promissio facta cum damno communi, aut tertij, etiam cum iuramento.

ARTICVLVS II. DE DONATIONE IN COMMUNI.

S V M M A R I V M.

Quid sit donatio, & quoduplex, num. 1.

Quibus casibus donatio inter viuos possit reuocari, num. 2.

Donatio facta vi, aut metu cadente in constantem virum, non est valida, num. 3.

Neque etiam valet donatio prodiga etiam iurata, num. 4.

Donatio excedens 500. aureos facta sine auctoritate iudicis prohibetur in iure, sed valet in conscientia, num. 5.

Donatio conditionalis non valet deficiente conditione, num. 6.

Donatio causalis inter viuos non valet causa non stante, secus de

de donatione causali inter mortuos, num. 7.

Donatio modalis valet etiam non secuto modo, num. 8.

DVB. 2. *An per omnem donationem transferatur dominium.* 1

Not. 1. Quod donatio est datio irredibilis compensationem non intendens. Ita *D. Thom. in 1. d. 18. q. 1. art. 2.* Et sic donatio remuneratiua obsequiorum, & beneficiorum, non est propriè donatio, sed recompenfatio, aut gratificatio.

Not. 2. Quod donatio est duplex, alia inter viuos, & fit quadrupliciter. 1. absolute, vt si dicas, dono tibi hoc. 2. conditionaliter, vt si dicas, dono tibi hoc, si hoc feceris. 3. modaliter, vt si dicas, dono tibi hoc, vt vestiarius. 4. causaliter, vt si dicas, dono tibi hoc, quia me iuasti, & ista potius est remuneratio, quàm donatio. Alia est donatio causa mortis, quando scilicet in ea fit mentio mortis, aut quod donator habeat donum dum viuit. Ita *lib. 3. fori. tit. 12. l. 6. & 10.* Et debet fieri coram quinque testibus, de quo *Hugo. de Celso, ver. donatio, num. 3.* Et donatio ista est in vita reuocabilis. Secus de donatione inter viuos per se loquendo, si sit perfecta, vtpotè si traditum est donatum, aut scriptura donationis. Ita *l. 2. tit. 12. lib. 3. fori, & l. 17. Tauri, & l. 8. tit. 30 p. 3.* Et si post hæc donatarius tradat donatum donanti, vt vtatur eo, *l. 10. tit. 12. lib. 3. fori.* 2 *Dixi per se loquendo.* Quia aliquoties donator potest reuocare donationem, vtpotè, ob ingratitudinem, vt si donatarius impias manus in eum iniicit, aut atroces iniurias ei intulit, siue graue damnum rerum suarum, aut vitæ periculum, siue corporis læsionem inferre præsumpsit. Ita *lib. 3. fori, l. 1. tit. 12. & l. 90. tit. 22. p. 4.* Et habetur *cap. ult. de donat.* vbi glossa addit aliam causam, vtpotè, si donatarius non impleuit conditionem positam. Et sermo est in textu, vt explicat glossa, de donatione etiam per traditionem perfecta, & absoluta. Ita etiam *Siluest. verb. donatio. 1.* At hæres donatoris non potest reuocare donationem, nec allegare dictas causas, si donator de his in testamento non meminit, nec allegauit dictas causas pro reuocanda donatione. Ita *l. 10. tit. 14. par. 5. & cap. fin. de donatione.*

1. Conclusio. Donatio facta vi, aut metu cadente in virum constantem non valet. Ita *l. 7. tit. 12. l. 3. fori, & l. 11. tit. 4. p. 5. & l. 13. tit. 33. p. 7.* & communiter contra *Panor. c. Abbas. Imò vt ait Nauar. in Manual. cap. 17. num. 4. Adria. & Ludou. Lop.* 3

tom. 2. cap. 177. cum alijs contra alios Iuristas, donatio, quæ non fit animo libero est nulla, etsi non adsit tantus timor, quantus requiritur in foro externo ad eam inuolidandum, iuxta notata in l. interpositas, C. de transaction. & l. metum, §. 2. ff. quod metus causa, & patet. Quia donatio est gratuita datio, & libera: sed metus etiam levis extenuat libertatem, ergo & irritat donationem, Hæc autem dicta sunt secluso iuramento. Quia si donator quouis metu coactus iuret donationem, implebit eam dum iuramentum non relaxatur, etsi donatarius tenebitur remittere donationem, aut acceptam restituere. Ita cap. 1. de iureiur.

- 4 2. Concl. Donatio prodiga, etiam iurata, cum sit contra bonos mores, vt si sit omnium bonorum, iuxta *D. Thom. 2. 2. q. 32. art. 10. ad 2.* aut ita quod non suppetit donanti facultas alendi familiam iuxta decentiam sui status, est nulla. *Ludou. Lop. lib. 2. instr. nego. c. 43. Man. Rodr. in sum. 1. par. cap. 94. Iul. Clar. tract. de donat. & Bart. l. Stipul. Et in l. 7. tit. 12. lib. 3. fori, irritatur donatio omnium bonorum præsentium, & futurorum. Imò lib. 5. nou. Reco. tit. 10. lib. 8. vetatur donatio bonorum præsentium. Et intelliguntur ista de donatione propria. Nam si donatio sit Ecclesiæ, aut alteri causæ piæ, valet: cum ista non sit propriè donatio, sed fiat causa obtinendi gratiam peccatorum veniam, iuxta *Iul. Clar. & Nauar. c. 26. num. 39.* Sed donatarius tenebitur ad debita, & alimenta donantis item intelliguntur, nisi donator intret Religionem, iuxta *D. Thom. 2. 2. q. 117. art. 1. ad 2. de quo dicemus dub. 4.**

- 5 3. Conclusio. Donatio excedens 500. aureos facta sine auctoritate iudicis competentis, vetatur *l. Sanclimus, C. de donat.* Sed valet in conscientia si aliàs non sit inofficiosa. Ita *Ioseph in Flo. & Ludou. Lop. in instr. nego. lib. 2. c. 43.* Imò si firmetur iuramento, valet, etiam in foro externo, iuxta *cap. si verò, & cap. debitores, de iureiur.* maxime si sit renunciando dictæ legi. Etsi secundum *Ludou. Lop. & Man. Rodr. verb. donatio rap. 64.* hoc non sit necesse.

- 6 4. Conclusio. Donatio condicionalis non valet deficiente conditione. Ita *cap. cum sit, de condit. appof.* Imò etsi conditio sit turpis, aut impossibilis, aut matrimonij, seu maioris boni impeditiua, si constet voluntatem donantis esse, vt tali conditione stante, & non aliter, valeat donatio, si non stet conditio, est nulla donatio. Ita *Caist. verb. j. ana. Soto, & Nauar. c. 23. num. 67. iuxta cap. verum, de condit. appof.* Quia deficiente voluntate

luntate donantis non transfertur dominium. Et intelligitur si donatarius non fecit totum posse, ut impleteretur conditio. Nam si fecit, & per illum non stetit impletio conditionis, debetur donatum. Ita *l. 22. tit. 9. p. 6. Et iuxta reg. 66. iuris in 6.* vbi dicitur: *Cum non fiat per eum ad quem pertinet, quominus conditio impleatur, haberi debet ac si esset impleta.* At si donans cum conditione turpi, aut impossibili, &c. voluit suam donationem iuxta ius valere; aut si non constet de voluntate donantis, tunc cum eius voluntas sit declaranda iuxta ius, erit valida illa donatio, etsi deficiat dicta conditio. Quia in iure conditio turpis, aut impossibilis, &c. habetur pro non adiecta, seu impertinenti. Ita *c. fin. & c. verum, de condi. appo. Et ita intelligitur Silu. ver. hereditat. 4. & Armi.* Et idem colligunt à fortiori de donato propter nuptias, aut hac conditione, ut nubat; valet enim donatio, etsi donataria inter religionem, & omittat nuptias. Nisi alias donator voluit dare hac conditione, ut nubat, & non aliter.

1. Concl. Donatio causalis inter viuos non valet causa non stante, nisi aliter constet de voluntate donantis. Et sic mulier cui datur aliquid, ut alliciatu ad turpia, si non consentiat, red-det illud. Ita *Eud. Lop. cum Ioseph tom. 1. cap. 76.* Quia deficit tuæ voluntas donantis. Et hoc maxime est verum in muliere solita consentire. Nam si sit honesta, & semper protestata est, quod non consentiet, etsi illud accipiat, & alias vir non explicuit se illud dare ob dictam causam, nil restituet. Ita *Martina. Rod. in su. 1. p. c. 95.* Dixi inter viuos, nam donatio causalis causa mortis valida est, etiam non stante causa, ut si Petru à nullo deceptus censens Pau'um esse filium suum instituit eum heredem, licet Paulus sciat se non esse filium eius, nihil restituet. Ita *l. 19. 20. & l. 1. tit. 9. par. 6. & Soto 4. de iust. q. 7. ar. 2. contra Molina. tractat. 2. de iust. di. 235.* vbi etiam ait ille, quod vltima dispositio, & testamentum, ut valeat, non sit inuoluntarium etiam mixto errore, vi aut metu iniussu illato, ita illi dispositioni causam dantibus, ut illis seclusis testator aliter disponeret. Et idem ait de precibus importunis, & molestijs, quibus non obstantibus testator aliter disponeret de rebus suis. Dixi à nullo deceptus, nam secus fit, si deceptus ab alio id fecit.

6. Concl. Donatio modalis valet, etiam non secuto modo. Ita *cap. verum cit* ut si des Mariæ centum, quibus nubere possit, sunt ei dandi, aut ejus heredibus, etsi non nubat. Quia talis donatio est pura, & sine conditione. Ita *Baldus lib. 4. cons.*

249. Secus si dicas, mando Mariæ centum pro dote sua, aut ut nubat, Quia tunc talis donatio esset conditionalis, de qua supra. Ita communiter, ut ait Acoſta, lib. 2. de condi. appo. cap. 22. & Comarr. de testa. c. 5. num. 11. Hæc de donatione in communi.

ARTICVLVS III. DE DONATIONE IN PARTICVLARI.

S V M M A R I V M.

Qui sint inhabiles ad donandum, n. 1.

An serui possint aliquid donare, n. 2.

Quid possint minores circa donationem, num. 3.

Decretum Concilij Trident. irritans renunciationes bonorum factas à nouitijs ante duos menses proximos professioni, num. 4.

Hoc decreto probabiliter annullantur renunciationes factæ ante susceptum habitum vel cum pacto quod non valebit renuntiatio si à religione exeat, num. 5.

Non tamen irritantur donationes causa mortis, num. 6.

Omnis alia donatio non sequuta professione est irrita, num. 7.

Qua sint bona filij familia, & de quibus possit donare, num. 8.

An filius peccet accipiendo de bonis patris, num. 9.

Vxor liberè disponit de bonis paraphernalibus, num. 10.

Quid possit vxor circa eleemosynas, n. 11.

Quid si vir durus expresse vetet donationes? num. 12.

Quid si maritus auarus vel bonorum dissipator, non prebeat familiæ necessaria, n. 13.

Quid possit maritus circa bonorum administrationem, num. 14.

Quantum possit Pater vel vidua expendere in pias causas, n. 15.

Quantum pater vel mater possit donare extraneis, num. 16.

Qua & quibus casibus possit pater donare filio, num. 17.

An possit pater dare filio titulo meliorationis, num. 18.

An hac melioratio sit renocabilis à meliorante, n. 19.

Qua donationes valeant inter coniuges ante vel post matrimonium facta, num. 20.

Qui sint priuati facultate donandi, num. 21.

Qua donationes sint vetita, num. 22.

I **N**ot. Solos habentes peculium, rationis compotes, & per leges non inhabiles posse donare. Ex defectu primi religiosi

ligiosi, & serui donare nequeunt. Ex defectu secundi non possunt donare amentes, minores. Ex defectu tertij multæ donationes sunt vetitæ vxoribus, filijs, & alijs, de quibus suo ordine dicemus. Et de donationibus religiosorum vide in nostr. Epit. de statu religionis, lib. 1. c. 3.

Dub. 3. *An serui possint aliquid donare ex aliquo sibi proprio.* 2

1. Concl. Serui capti in bello iusto, sicut licitè fugere possunt, sic & retinere sibi donatum, hæreditatem, aut lucratum. Et sic illud donare possunt: cum sint illorum domini. *Ita Man. Rod. ver. donatio.*

2. Concl. Serui emptitij sunt etiam domini sibi donatorum, & sibi lucratorum post seruitium exhib. tum suis dominis, aut ex sua portione resaruatorum. *Ita Man. Rod. loco cit. contra Ludou. Lop. instruct. nego. lib. 1. cap. 40.* Quia ratione seruitutis solum tenentur non defraudare dominos in seruitio ordinario, at si de somno, & requie detrahendo aliquid lucrantur, possunt sibi retinere, & donare.

3. Concl. Serui bello capti, quales sunt omnes ferè Æthyopes commorantes apud nos, & illorum descendentes, sicut sunt domini suæ libertatis, ac iniuste sunt mancipia, sic & rerum quas acquirunt. Imò & possunt pro sua libertate iniuste vsurpata, & pro suo labore, & seruitio dominis impenso tollere ab eis illud precium, quo talis libertas & seruitium arbitrio prudentum æstimatur. Et sic illi possunt ista bona donare.

Dub. 4. *An amentes, & minores possint aliquid donare.* 3

1. Concl. Donatio furiosi, *ut habetur. l. si furiosus, de homicidio,* & donatio minoris, 14. annorum, etiam iurata, *ut habetur l. 16. tit. 5. par. non valent.* Quia donatio est actio humana, vtpote, libera, & in facultate hominis existens, sed furiosus, & minor ille regulariter non possunt habere talem actionem, ergo.

2. Concl. Si minor ille post 14. annum ratificet contractum, aut donationem, erunt valida. Et si tunc facit sine tutore donationem iurata, in foro externo non cogatur implere, *ut habetur l. 16. tit. 5. par. 5.* At in conscientia erit implenda, dum iuramentum non irritatur à tutore. Quia cum ista iuramenta non sint contra bonos mores, ob reuerentiam diuini nominis sunt implenda. Et nota, quod tutor pro pupillo aliquid potest donare, *ut mittere munera ex more con-*

consueti magistro & consanguineis sui pupilli, & remittere debita isti, aliàs non ita liquida. Ita l. *pactum curatoris*, C. de pact. & Lud. Lo. cap. 39.

3. Concl. Minor iste sub tutore aliàs doli capax potest donare, & ludere quod filius familias inò, & plus: cum iam habeat bona hæreditata.

4. Concl. Minor post 14. annum intrans religionem potest omnia bona sua donare. Sed *iuxta Conc. Trid. sess. 25. c. 26. ubi sic habetur: Nulla renuntiatio antea facta, etiam cum iuramento, aut in fauorem causæ piæ, valeat; nisi cum licentia Episcopi, aut eius Vicarij fiat intra duos menses proximos ante professionem. Ac non aliàs sortiatur effectum nisi professione secuta. Aliter verò facta, etiam cum renuntiatione ipsius fauoris sic, irrita.* Et intelligitur ista lex etiam de excedentibus. 16. annum renuntiantibus. Nam ista verba, antea facta, non referuntur ad ætatem renuntiantis, de qua iam dixerat in Cap. præcedenti, sed ad duos menses proximos ante professionem. Ita *Fari. deci. 265. ex declaratione Car. d. Et deci. 122. refert eosdæm declarasse validam renuntiationem factam cum modis requisitis intra duos menses proximos tempori, quo professio fieri legitime posset etsi actualis professio per aliquot dies differatur. Et decis. 127. refert dictam Congregationem declarasse, illud decretum Concilij non loqui de renuntiationibus factis ante habitum susceptum. Et ita etiam refert. Nau. lib. 3. conf. 81. de regu. ubi etiam oppositum colligit probabiliter ex mente Concilij, & sine qui est libertas in nouitio ad profutendum, aut non profutendum, quæ libertas tolletur, si videret, quòd redeundo ad sacculum non haberet quo viuat. Ex quo etiam patet non valere donationem, aut renuntiationem ante duos menses factam cum pacto, quod non valeat si à religione exeat. Ita etiam *Nauar. conf. 82.* Quia etiam sic tollitur à nouitio dicta libertas, tum quia parentes, vt sic bona filiorum obtineant, faciliè filijs suadent religionis ingressum, & ipsi precibus, & timore reuerentiali coacti non renuent: rùm etiam, quia continget donatarium in odium nouitij incurrisse, & sic nouitius, vt donationem annullat, à religione exeat contra suam voluntatem, quod non esset necesse, si donatio sine requisitis in Conc. Trid. cit. esset ex se irrita.*
6. Et nota 1. Concilium solum loqui de donatione inter viuos, non de donatione causa mortis. Ita *Nau. conf. 83. contra Farin. loco cit.* Nec obstat, quòd Concilium absolute loquitur

loquitur de omni renuntiatione, quia debet intelligi de illa, quæ obstat intentioni Concilij, quæ est libertas profitendi, vel non profitendi, vt dixi, quæ solum tollitur per donationem inter vivos. Cum ista si sit absolute, est irrevocabilis, & si sit cum pacto, quod non valeat si à religione exeat, vt reuocetur, debet novitius à religione exire. Donatio autem causa mortis sæper est revocabilis, dum novitius non proficitur, & sine eo quod exeat à religione. *Nota 2.* Quod donatio facta à novitio, etiam cum dictis conditionibus, si non proficitur, est irrita, va
 7 in Conc. ci. decernitur. Etsi sic moritur ante professionem cum dicta renuntiatione, & sine alio testamento, succedunt ei hæredes ab intestato. Ita *Congregatio Card. ut refert Parase. in suo compend.* Nec obstat, quod iam saluatur intentio Concilij prædicta, etsi donatio sit valida. Quia licet hoc ita sit, at Concilium noluit à novitio tollere posse testari pro anima sua si velit, & sic absolute irritat donationem non secuta professione.

Dub. 5. *An filius familias non emancipatus possit aliquid donare.* Et sermo est de filio habente, iuxta l. 4. *ut de testa. l. 5. nova Reco.* legitimam ætatem, vt si vir habet, 14. annos & foemina duodecim, iuxta l. 13. Qui enim habet 25. annos, donare potest. Ita l. 2. *si. 4. p. 5.* Et nota, quod bona filij, alia sunt castrensia, id est, acquisita ex militia; alia quasi castrensia, id est, acquisita aliquo officio publico beneficiarij, aduocati, tabellionis, medici, aut alterius officij, ob quod reportat publicum stipendium, aut acquisita ex domo Regis, seu Reginae: alia sunt aduentitia, id est, acquisita à filio sua industria, seu euentu, siue ex donatione facta sibi, & non intuitu patris, aut si aliquid à matre, seu alio hereditavit: alia sunt profectitia, id est, acquisita à filio ex bonis paternis, aut occasione patris sibi obuenientia.

1. Concl. Filius familias potest de bonis castrensibus, & quasi castrensibus, etiam patre invito, in vita pro libito disponere. Ita *c. licet de sep. in 6* cum istorum bonorum habeat dominium, & usufructum Ita *Sil. ver. peculium l. q. 3. Lud. Lop. in instr. nego l. 2 c. 39. Nau in Man c. 17 n 141 & communiter.* Et potest de istis testari, duobus tertijs partibus suo ascendenti relictis, secundum aliquos, quos refert, & sequitur *Moli. to. 1. de iust. tracta 2. d. 231.* contra alios.

2. Concl. Filius familias non potest disponere de usufructu suorum bonorum aduentitiorum: cum iste usus sit patris. Et licet possit testari de tertio istorum bonorum, vt pa-

zet ex l. 5. Tauri : cum in alijs duabus tertij necessariò succedant ascendentes, tamen si pater habet vsum fructum etiam illius tertie partis, mortuo filio non implebuntur eius legata, aliàs scilicet, non pia, aut saltem exceptis missis, & expensis funeris, ante mortem patris : cum ius cessandi filij debeat esse sine præiudicio patris. Ita Doctores quos refert, & sequitur Moli. de iust. & iur. tracta. 2. d. 138 Et intelligitur Conc. nisi quando donator bonorum aduentitiorum filij voluit, quod vsus fructus illorum sit statim filij : aut nisi sit clericus maiorum ordinum. Ita Siluest. ver. clericus. 4. cum Hosti & Panor. & Arm. ver. clericus, ex authen. presbyteros, de Episcopis, & clericis. Et iste pro recuperandis suis bonis non eget patris consensu, vt dicunt dicti Doctores. Item. Etsi stando in iure communi, vt ait Sil. ver. peculium, 1. & Arm. ver. peculium, possit pater dum viuit sibi retinere dimidios fructus bonorum aduentitiorum filij post nuptias filij sed stando in legibus Castellæ, filio, & filie coniugatis, & velatis, qui vt habetur leg. 47. Taur. in omnibus habentur vt emancipati, tradetur vsus fructus suorum omnium aduentitiorum. Ita l. 8. & 9. titu. 1. lib. 5. nou. Recopil. At si pater sponte emancipet filium, potest sibi retinere dimidios fructus dictorum bonorum. Ita l. 93. tit. 18. p. 3. & l. 15 tit. 18. par. 4.

3. Concl. Filius non potest disponere de bonis profectitij, cum ista sint patris. Sed illo mortuo potest vltra suã legitimam accipere de bonis patris, quantum in eis præ alijs fratribus laborauit, aut saltem quantum daretur extraneo tantumdem laboranti. Sed duplici limitatione, ait Nauar. num. 144. contra S'la. 1. Quod alias filius non teneretur alere patrem, vtpotè habentem quo viuat. 2. Quod filius saltem tacitè protestetur se nolle ei gratis inferuire.

9 4. Concl. Filius familias potest ex bonis patris isto non concedente accipere sibi necessaria iuxta suam qualitatem pro victu, & vestibus. Imo si peregrinatur, aut est in studio, potest ex sibi datis pro victu aliquid insumere in luxu, elemosynas, aut alijs iuxta quod sibi similes licitè faciunt. Ista enim censetur voluntas rationabilis patris, vt est communis sentententia, de quo Medin. in sum. de ludo, & Nauar. num. 556.

5. Concl. Filius aliter quam dixi accipiens ex bonis parentum aliquid notabile, restituet parentibus, aut alijs fratribus. Ita Nauar. & communiter.

Dub.

Dub. 6. *An vxor possit aliquid donare?*

1. Concluf. Stando in iure communi potest vxor pro libito 10
disponere de bonis paraphernalibus, qualia sunt quæ præ-
ter dotem, & arras traduntur vxoribus magnatum, aut quæ
ex aliquo lucro, etiam illicito acquirunt, post sufficientem
domus administrationem, in quo sensu loquitur *D. Thom.*
2.2. q. 32. art. 8. ad 2. At stando in legibus Castellæ, vbi lu-
era sunt communia coniugibus, & istorum bonorum sicut &
arrarum, & aliorum bonorum administratio reservatur ma-
rito pro oneribus matrimonij, *iuxta lib. 3. tit. 2. lib. 3. fori,*
& lib. 7. tit. 11. p. 4. non potest vxor disponere, etiam de
dictis paraphernalibus, sine licentia saltem interpretatiua
mariti.

2. Concl. Iuxta licentiam viri interpretatiuam licitè vxor, 11
absente viro, aut dementato, elargitur solitas viri eleemosy-
nas. Ita *Palud. in 4. d. 15. q. 1. ar. 6 & Nau. c. 17. nu. 155.* Nam
administratio domus ad vxorem spectat tunc, nisi per virum,
aut alium superiorem aliter statuatur. Item potest vxor ex si-
bi signato à viro pro victu aliquid sibi subtrahere & donare.
Et potest titulo eleemosinæ, aut gratitudinis donare, quòd aliæ
vxores similes ex more patriæ donant: vt sunt vestes detritæ, &
comextibilia. Et *iuxta Bannes 2.2. qu. 32. art. 8* potest vxor di-
uitis quotannis in scio viro dispensare in licitis vigesimam
partem lucri annualis. Quia dictorum dispensatio debet esse
interpretatiuè volita à bono viro.

At si vir ita durus expressè vetet dictorum donationem ? 12
Ad hoc *D. Anton. 2. p. tit. 9. c. 16 §. 1. & Nauarr.* dicunt, quod
vxor intelligat illud sibi vetari, ne immodicas donationes
faciat: & sic non cesset ab illis paruis largitionibus. Sed si
sibi persuadet maritum omnem vetare donationem ? absti-
neat, *ait Siluest. var. eleemosina*, nisi in duobus casibus. 1. si
pauper extremè eget, & alias maritus non exponatur peri-
culo extremæ indigentiae. 2. vtiliter gerendo negotium vi-
ri vt si sit sceleratus, & facit eleemosynas, vt à Deo conuer-
tatur, siue ad euitandum eius damnum: sicut fecit Abigai
donando panes Dauidi, 1. *Regum 25.* dum tamen ista fiant
sine scandalo viri, vt *ait Nauarr.* Ista sententia Siluestri, etsi
probabilis, aliis verò, *de quo Ludou. Lep. tom. 1. c. 174.* videtur,
quòd tunc fit maxima iniuria vxori, dum viro cogitur, ne
iuxta morem vxorum sibi similium parua illa largiatur, &
sic seclusis rixis grauibus cum viro & scandalo non pec-

cabit vxor grauitèr, non obediendo viro in his. Et meritò. Nam et si iuxta leges Castellæ administratio domus ad maritum spectet: at non fuit legis intentio ita ligare vxorum manus, vt non possint in hoc, quod earum filii, imò & plus: cùm non sint ancillæ, sed sociæ virosu[m] consortes, & dominæ domus.

- 13 3. Conclus. Si maritus auarus, aut bonorum dissipator non præbet necessaria familiæ, licet vxori illi clam accipere. Imò suis parentibus, & fratribus grauitèr indigentibus potest etiam renuente viro, dare de bonis communibus, iuxta decentiam personarum & sufficientiam facultatum, maximè si vir in fraudem vxoris aliquid suis consanguineis, aut aliter elargitur. Et intelligitur hoc, quando maritus non vult ista providere. Tenetur verò vxor in partitione bonorum illud sic datum de parte sua defalcare: sicut, & maritus tenetur defalcare sit data suis fratribus, & ab eo consumpta in fraudem vxoris. Et intelligitur hoc de amplis donationibus datis consanguineis pro conseruando decentiam status, vt ait Cord. g. 125. non de paru is elemosynis, illis sicut aliis pauperibus datis. Nam cum istæ extraneis largiantur sine illo grauamine defalcationis, sic & possunt etiam largiri parentibus. Ex dictis patet à fortiori teneri vxorem defalcare ex sua parte, quæ consumpsit aliter quam dixi.

- 14 Dub. 7. *An possit pater, seu maritus aliquid donare suis aut alijs.*

1. Conclus. Cum maritus iuxta leges Castellæ sit bonorum administrator, vt dixi dub. 6. potest etiam renuente vxore, illa distrahere per contractus onerosos, vtpotè vendendo, emendo, permutando, remunerando seruitia, & beneficia: dum tamen istæ remunerationes, merita seruitiorum, aut beneficiorum notabiliter non excedant, nec fiant ad hoc: quod vxor, aut alij hæredes in suis partibus defraudentur.
- 15 2. Conclus. Pater, & idem de matre vidua, potest extendere etiam vltra quintum suorum bonorum in opera pia, in elemosynas, in Dei cultum pro anima sua. Ita Nauarr. numer 39. Ludou. Lop. tom. 1. cap. 170. See distinct. 41. quest. 1. art. 4. Quia in lege, vt dicemus, solum vetatur ei donatio propria excedens quintum bonorum: sed largitio pro causis piis non est propriè donatio: cum non careat omni spe retributionis, ergo. Et ex hoc patet posse parentes in vita, & morte instituere capellaniam ex bonis excedentibus quintum bonorum: dum tamen consulatur status filiorum.

num. Quia ista institutio non est donatio gratiosa, sed onerosus contractus, *ut ait Lud. Lop.* Et nota, quod nomine causæ piæ non intelliguntur modò expensæ funeris, ut cera, Missæ, offerenda, &c. Ista enim, sicut & alimenta filij spurij, de quinta parte bonorum deducuntur. *Ita lib. 5. no. Reco. 3. tit. 6.* Hæc de donationibus improprijis, nam de proprijs fit.

3. Concl. Pater, vel mater habens descendentes legitimos, non potest donare extraneis ultra quantum suorum bonorum. *Ita lib. 5. nou. Recep. tit. 6. lib. 12. & l. 18 Tau.* Imò si post donationem nascatur filius donatori, donatarius restituet donatum. *Ita Silu. ver. donatio. 1. Couarr. in 4. decre 2. p. c. 6. num. 17. iuxta l. si unquam. C. de reuocan. don. & Hugo de Celfo in repr. ver. donatio, numero 5.* Nisi alias donatio fiat inter coniuges modo dicendo dub. 8.

4. Concl. Maritus non potest donare bona immobilia, imò nec mobilia in notabili quantitate, nisi computando hoc in partem suam. At de bonis communibus potest, sine animo tamen damnificandi uxorem, aut filios, facere plures donationes modicas, etiam si omnes eam summam conficiant, quam quia notabilis est, simul & semel donare non posset. *Ita Lud. Lop. tom. 1. cap. 175.* Item non potest maritus alienare dotem uxoris: nisi sit sibi data in rebus mensurabilibus, aut ponderabilibus, & appretiata. *Ita lib. 7. & 21. tit. 11. p. 4.*

5. Conclusio Donatio patris facta filio, etiam non emancipato, valet in casibus sequentibus. 1. Si donet illi mobilia pro bello, aut studio. 2. Si donet filio vsumfructum suorum bonorum aduentitiorum. 3. Si quid donet vni filio pro seruitijs ab eo præ alijs filijs impensis: dum tamen donatum non excedat seruitia, alias excessus non valet in eo quod excedit tertium vel quantum bonorum, de quo potest pater disponere in fauorem filiorum. Si tamen filius viuente patre non recipit seruitiorum remunerationem: nec aliàs de hoc conuenit cum patre, nec protestatus est petiturum mortuo patre, non poterit hoc ab alijs hæredibus petere. Quia amore filiali censebitur illa seruitia fecisse. 4. Si quid donet filijs pro matrimonio. Vbi nota, quòd si ambo coniuges promittunt dotem filio, aut aliam donationem propter nuptias, soluetur ex bonis communibus, & defectus supplebitur ex bonis amborum coniugum æqualiter. At si solus pater dictam dotem, aut donationem promittit, soluetur ex bonis communibus, & defectus suppleatur ex bonis patris. *Ita l.*

18

8. *ti. 9. lib. 6. nou. Recop.* Not. 2. quòd etsi l. 101. Matriti edita anno 1534. vetetur ne parentes causa nuptiarum possint filios meliorare in tertio, & quinto assis: bene verò antè, aut post matrimonium: at in conscientia tutè possideturtalis melioratio si fit. Quia lex ista non est cum tanto rigore recepta, *ut ait Lud. Lop. tom. 1. c. 175.* Imò etsi cum parentes per contractum inter viuos, & cum scriptura publica promittunt nullum filium meliorare, non valet melioratio si fit, tamen si per contractum inter viuos promittant, etiam sine scriptura aliquem meliorare ex causa nuptiarum, aut ex alia causa onerosa cum tertia persona, ad id tenentur, & si non faciunt, dicta melioratio pro facta habeatur. *Ita l. 3. no. Reco. tit. 6. lib. 6.*

5. Valet donatio facta filio, aut alijs descendantibus legitimis, etiam viuentibus istorum parentibus, *ut dicitur l. 5. no. Reco l. 1. tit. 6.* in tertio & quinto bonorum, & non plus; aliàs excessus restitauatur. *Ita l. 26. Tauri.* Et vt iste excessus sciatur, attende valorem hæreditatis tempore obitus patris. *Ita lib. 5. no. Reco. l. 6. & l. 3. ti. 8.* Nisi donatio fiat causa nuptiarum. Quia tunc datur optio, cui data est dos, taxandi illum, aut iuxta tempus obitus patris, aut iuxta tempus quo fuit dos data, seu promissa. *Ita l. 18. & 26. Tauri.* Et nota, 1. quòd melioratio ista potest fieri inter ipsos descendentes cum hoc grauamine, quod si melioratus moriatur sine filijs, alij descendentes succedant in melioratione. *Ita l. 27. Taur.* Et à fortiori potest poni quoduis grauamen hæredi non necessario. Non vero potest poni conditio, seu grauamen in legitima filij. *Ita l. 9. tit. 5. lib. 3. fori, & cap. Rainutius de testam.* Nec vnico descendenti in quatuor ex quinque partibus bonorum parentum, cum istas necessario hæreditet, bene tamen in quinta parte, cum illa extraneo legari possit. Et idem est de tertia parte habentis solos ascendentes: cum illa extraneo legari possit.

19

Not. 2. quod dicta melioratio est in vita reuocabilis à meliorante. *Ita l. 1. tit. 6. lib. 5. no. Reco.* Nisi in tribus casibus. 1. Quando meliorator per contractum inter viuos posuit filium in possessione. 2. Quando traditur filio coram tabellione instrumentum donationis. 3. Quando donatio, etiam sine scriptura est promissa ex causa onerosa cum tertia persona, vt si ex causa nuptiarum, aut alia simili. *Ita l. 6.* In his casibus non est reuocabilis melioratio, nisi meliorator reseruaret sibi facultatem reuocandi illam, aut nisi ob aliam causam donationes fiant reuocabiles iuxta leges.

Not.

Not. 3. Quòd melioratio non extrahatur ex dotibus, aut donationibus propter nuptias aliorum filiorum. Nec ex donationibus allatis à filijs, vel descendantibus ad partitionem. Et prius extrahatur quintum, quam tertium. Ita l. 9. Item melioratio soluatur in bonis signatis à meliorante. Et si non signauit bona, non soluatur melioratio in pecunia, nisi hæreditas non possit conuenienter diuidi. Ita l. 4.

Not. 4. Quod si parentes alicui suorum descendantium aliquid donarunt in vita, aut morte, etsi non dicant, quod uolunt illum meliorare, ista donatio, si alias non sit facta alia melioratio totius tertij & quinti, computetur in tertio & quinto bonorum. Et si excedit tertium & quintum, computetur excessus in legitima Et si etiam excedit legitimam, excessus iste restituatur alijs hæredibus. Ita l. 36. *Tauri.*

Dub. 8. An donationes inter coniuges valeant?

1. *Concl.* Licet dare sponsæ ante matrimonium vulgò dictas, ioias, non excedentes valorem octauæ partis dotis suæ. Ita l. 1. tit. 2. lib. 5. no. *Reco.* Et si non sit matrimonium culpa mulieris, aut quia sponsus, obiit, sunt ista integrè restituenda. Nisi alias sponsa sit à sponso osculata. Quia tunc sibi retineat dimidiam istorum partem. Ita l. 3. & 5. tit. 2. lib. 3. *fori*, & l. 23. tit. 11. par. 4. Et si matrimonium consummatum morte soluatur, dicta omnia sunt vxoris, aut hæredum eius, si alias non sint sibi datæ arre. Quia si datæ sunt, ex iois, aut arris eliget alterum istorum, quod maluerit ipsa, aut eius hæres intra quindecim dies, à die quo sint requisiti per maritum, aut eius hæres. Ita l. 52. *Tauri.*

2. *Concl.* Donatio remuneratiua valet inter coniuges, vt cum maritus dat vnam rem vxori, & vxor alteram marito. Ita l. quod autem §. si vir. ff. eodem. Et sic maritus ob dotem sibi datam ab vxore, & ob eius virginitatem dat vxori arras, quæ alio nomine vocantur donatio propter nuptias. Quæ tamen non excedent decimam partem bonorum mariti. Ita lege 1. tit. 2. lib. 3. *fori.* Nec iste potest cedere huic fauori. 2. Plebeius potest dotare fœminam nobilem. Quia ista nubendo cum plebeio confert ei munus quoddam remunerabile. Ita *Silue. cum Bart. ver. donatio. 2. q. 1. & ver. dos.* Vbi etiam notat istam donationem valere, etiam si fiat matrimonio contracto At si sit ista dotatio inter æquales, aut à viro nobili dotante plebeiam, vt sit firma, fiet ante contractum matrimonium. *iuxta lib. 3. titul. 12. lib. 3.*

fori, & *Hugo verb. donatio*, num. 3.

3. Concl. Donatio pura, & simplex facta inter coniuges contracto matrimonio, aut ante illud, sed pro tempore matrimonij, non valet Ne coniuges mutuo amore ad inuicem donationibus spoliuntur. Ita *Ludou. Lop. tom. 1. cap. 172. Siluest. Nauar. c. 17. num. 149* & *Manu. Rodr. in sum. 1. par. c. 92.* Et intelligitur per se loquendo. Nam in sequentibus casibus valet. Primò. Si Rex donet aliquid Reginæ, aut è contra. Ita *lego penult. C. eodem. 2.* Si datur pecunia pro adultis domibus reparandis. Ita *l. quod si vir, ff. de donat.* 3. Si donator per talem donationem non fit pauperior, etsi donatarius ditior fiat, aut è contra. Ita *cap. donatio, de donat. inter virum, & uxorem, & l. et si constante, ff. eodem, & l. quod autem.* Nisi donator reuocet donationem, iuxta *l. 4. §. 6. tit. 11. par. 4. & l. 19. tit. 2. lib. 3. fori.* 4. Si donatio fit causa mortis, vt donatarius post mortem donantis donatum habeat. Ita *l. sed interim, ff. eodem.* Dum tamen donans non se priuet facultate reuocandi donationem, iuxta *gloss. ibi.* Si vxor donet aliquid marito ad dignitatem, aut honorem aliquem acquirendum. Ita *l. quod adipiscenda, ff. eodem.* 6. Si durante matrimonio maritus remittit vxori dotem promissam, aut partem eius. Ita *Bald. in l. et si constante, C. de donat. ante nupt.* Remissio verò alterius debiti non valet. Ita *l. si sponsus, ff. eodem.* 7. Si maritus deputet vxori pro victu suo, & suorum certum quid pro estimatione fructuum dotis, & non plus. Ita *glossa in l. ex annuo, ff. de donat. & Silu. loco citato* refert dictos casus, & eorum iura.

¶ I Tandem Not. Esse aliquos priuatos per leges facultate donandi. Primò, Reus læsæ maiestatis, in *l. final. ad legem Iuliam.* 2. Qui contraxit veras nuptias. 3. Qui commisit crimen capitale non potest donare post condemnationem. Ita *l. 2. tit. 4. par. 5.* 4. Qui in aliqua re cadit in commissum. Etsi vt ait *Nauar.* pœna commissi non incurritur ante condemnationem. 5. Hereticus post sententiam declaratoriam, & non ante, priuatur omnibus bonis, quæ possidet à die patratæ sceleris vbicumque inueniantur. Ita in *direct. Inquis. lib. 3. tit. 9.* Et sic post istam sententiam nil potest donare. Ita *cap. cum secundum leges, de hæreticis in 6.* Vnde si probabiliter creditur, quod crimen manifestabitur, non potest suis bonis contractus celebrare: cum tradat rem vitiosam, nec seruet indemnem secum contrahentem. Sed potest tunc donare, & pro necessarijs sua consumere. Ita *Victor. de relect. de indiff.* Et addit

addit *Navar. cap. 17. num. 106. Angel. & Silu. verb. donatio. 1.* Quod donatum à committente crimen inducens ipso facto priuationem bonorum, iuste retinetur à donatario ante sententiam declaratoriam.

Not. 2. Esse aliquas donationes vetitas. Et 1. Donatio pro omni illicito, quod à lege punitur, vt pro adulterio, &c. Et sic intelligitur *lex affectionis, de donat.* 2. Miles non potest aliquid donare concubinæ, aut meretrici. Ita *l. 2. C. de donat. inter virum, & uxorem* Cui iunge clericum, Doctorem, & aduocatum, qui dicuntur milites, per notata in *l. miles, ff. de sententia, & re iud.* At dictæ leges non obligant in conscientia, etsi concedatur ibi repetitio donati. 3. Aduocatis, & ministris iustitiæ est vetita munerum receptio, vt dicetur suo loco. 4. Qui ex aliqua donatione fit impotens ad soluenda debita non potest donare, manumittere mancipia, remittere debita, aut celebrare contractus, quibus fit impotens ad debita soluendum, vt dicetur de vsurario. Et potest donatio, aut alienatio per creditorem reuocari intra annum à notitia talis alienationis. Ita *l. 7. tit. 15. p. 5.*

22

ARTICVLVS IV. DE LEGIBVS PARTITIONVM.

S V M M A R I V M.

Qua bona sint communia inter coniuges, & qua propria alicui coniugum, num. 1.

Soluto matrimonio, ex cumulo bonorum vxor primo extrahit sibi dotem, & arras ante alia debita, num. 2.

Quibusdam tamen casibus id non licet, num. 3.

Quando vxor amittat dotem, & arras, num. 4.

Quomodo solutis debitis bona, qua supersunt sunt diuidenda inter coniuges, num. 5.

Vxor pauper diuitis mariti, hereditat quartam partem bonorum mariti, & è contra, num. 6.

An vxor possit occultare aliqua bona, dum sequestrantur bona mariti viuentis, num. 7.

Qua bona sint adducenda à filijs ad partitionem mortuis parentibus, num. 8.

DVB. 9. *Quomodo diuidantur bona soluto matrimonio.* **I**

Not. 1. Quòd inter ista bona, alia sunt à viro allata,

H 4 alia

alia ab vxore, ex dictis bonis lucrata, quæ vocantur (bienes gananciales, ò meioras.)

Not. 2. Bona castrenſia viri aliàs non lucrata expenſis am-
borum coniugum non eſſe communia, ſed peculiaria viri. Se-
cus ſit de redditibus iſtorum bonorum habitis durante matri-
monio. Ita *l. 2. tit. 4. lib. 3. ordinam. & lib. 5. nou. Recom. l. 5.*
tit. 9. Item fructus in fundo apparentes ſoluto matrimonio
ſunt communes, & ſi tunc non pullularunt, ructus futuri erunt
coniugis, cuius eſt fundus, demptis expenſis. Ita *l. 3. fori, l. 9. tit.*
4. Et procedit hoc in fructibus hortorum, vinearum, & arbo-
rum. Nam ſi fructus colligantur ex agricultura, & agri ſemi-
natione, etſi non pullularint, erunt communes ſicut & expen-
ſæ. At fructus arborum, & vinearum plantatarum durante
matrimonio ſunt communes, ſed vinea, & arbores erunt coni-
ugis, cuius eſt terra. Ita *l. 3. tit. 4. lib. 3. fori.*

Not. 3. Quod grex pecorum, mancipia, aut alia aſſata ab
vxore in dotem, ſi traduntur marito appretiata, cenſentur
tranſire in dominium per quandam veluti tacitam venditio-
nem. Et ſic ſubibit illorum periculum, & tenebitur ex fructi-
bus reficere numerum animalium ſibi traditorum, vt verus
uſufructuarius. Ita *l. 21. tit. p. 1. & de reliquis ſuſtentabit*
onera matrimonij. Et quæ ſuperſunt erunt communia. Si ve-
rò iſta tradantur viro inappretiata, vxor reportabit illorum
periculum, & fructus cedent marito pro oneribus matrimo-
nij, ſed cum obligatione reficiendi numerum animalium ſibi
traditorum. Ita *loco cit. Ludou. Lop. tom. 1. cap. 176. & Hugo*
verb. dote, num. 16. 17. & 18.

- 2 1. Concluſio. Ex cumulo bonorum primò extrahatur dos,
& arræ, aut joiræ, iuxta dicta *dub. 8.* Et ſermo eſt, de dote
appretiata, iuxta *l. 16. tit. 1. par. 4.* & de inappretiata, vt ha-
betur *lege 19. & 13. tit. 1. par. 5.* Quia dos, & arræ, aur joiræ
præferuntur alijs debitis, etiam antiquioribus non habentibus
hypotheças expreſſas ſuper bona viri anteriora ad dotem.
- 3 Niſi in quatuor caſibus. 1. Quando vxor obligauit ſe, &
ſua ad debita mariti, vt ait *Nauar. in addit. ad cap. 17. num.*
134. & 135.

2. Quando viuente marito bona dotalia ſunt reſtituta
vxori, vt ex eis faciat ſibi placitum, & illa conſumpſit pro
oneribus matrimonij. Tunc cenſetur illa mutuaſſe marito.
Et ſic priùs ſoluet debita antiquiora, ſed non poſteriora. 3.
Si vir ſuaſu vxoris in præiudiciũ creditorum bona ſua diſ-
ſipauit,

si patuit, tunc vxor ex dote soluet creditoribus. 4. Si vxor bona à viro accepta, vt solueret creditoribus consumpsit pro oneribus matrimonij, etiam maximè necessarijs: tunc si non sint alia bona mariti, de suis soluet vxor creditoribus, cum sit causa, sicut & in 3. casu, quòd debita non soluantur creditoribus.

Not. 1. Quod si sint plures dotes plurium vxorum, priores prius soluetur. Nisi extent bona allata ab alia vxore: quæ ista in istis est præferenda. Ita *Hugo verb. obligatio, num. 13.*

Not. 2. Quod nec vir etiam cum vxore, nec vxor mortuo viro, dum habet filium, potest arras alienare: cum filius succedat ei in arris. Ita *l. 7. tit. part. 4. & l. 4. tit. 2. lib. 3. fori.*

Not. 3. Quod si vxor ob adulterium: imò si ob fornicandum recessit à domo viri, & si de facto ob impedimentum non fornicetur, nec postea sit eidem reconciliata, amittit dotem, & arras. Ita *cap. plerumque, de donat. inter virum, & vxorem, & lib. 15. tit. 17. par. 7. & l. fin. tit. 2. lib. 3. fori.* Vidua etiam fornicando amittit arras. Ita *l. 9. tit. 12. lib. 3. fori.* Sed prædicta non reddantur ante condemnationem.

2. Conclusio. Post dotem, & arras soluantur debita contracta durante matrimonio ex bonis communibus, aut ex bonis mariti, si non sufficiunt bona communia. Ita *l. 14. tit. 20. lib. 3. fori.* At debita contracta ante matrimonium soluentur à coniuge debitore.

3. Conclusio. Solutis dote, arris, & debitis, excipietur vxori lectus quotidianus ex bonis communibus, aut ex bonis mariti, si non sufficiunt bona communia. Et si vxor iterum nubit, restituet lectum pro medietate, si sit deductus ex bonis communibus, aut totum lectum, si sit deductus ex bonis mariti. Ita *l. 6. lib. 3. fori.* Et si vxor attulit lectum, non deducatur iste pro lecto communi. Ita *ibi.* Et idem est de marito superstite, cum correlatiuorum eadem sit ratio, dicunt Iuristæ. Vestes etiam pullatæ coniugis superstitis deducantur ex bonis communibus. Ita communiter Iuristæ in *l. 3. Tauri.*

4. Conclusio. Deductis prædictis, & alijs bonis à marito allatis, bona quæ supersunt, sunt communia æqualiter diuidenda inter coniuges, aut eorum hæredes, etsi vnus eorum plura bona attulerit. Ita *l. 3. lib. 3. fori.* Et nota, quod si coniux superstes iterum nubat, potest de istis bonis communibus, ac de alijs suis disponere, iuxta *l. 14. Tauri.* Nec

6 Nec tenetur ea seruare filijs prioris matrimonij. Sed cùm hoc stat, quod quoties vidua nubendo tenetur seruare filijs prioris coniugij bonorum proprietatem habitam à priori marito, aut ex successione filiorum prioris coniugij, similiter tenetur viduus iterum vxorem ducens. Ita l. 15. *Tauri*, & *glossa communiter approbata in l. fœmine*, §. illud, C. de secundis nuptijs. Et sic vt explicat *Cisuentes cum alijs*, in l. 15. *Tauri*, quod legatur coniugi, aut acquirit ab altero coniuge, & non titulo verè remuneratiuo alicuius rei, si iterum nubat post obitum istius restituetur filijs prioris coniugij, etiam si illud sit sibi relictum absolute, & in perpetuum. Eo quod iste iterum nubendo mortuo coniugi iniuriam facit, ratione cuius sit peioris conditionis altero extraneo, cui dictum legatum ex quinto bonorum absolute relinquitur. Et intelligitur, nisi aliàs de licentia saltem tacita mortui coniugis, aut filiorum eius matrimonium contrahat, aut postea alijs matrimonium celebratum ratificetur. Et idem est de hæreditato per coniugem superstitem ab aliquo filio prioris coniugij intestato de bonis saltem obuientibus isti à parente mortuo. Secus sit de bonis filij ex eius testamento, aut donatione suo parenti viuo obuientibus.

7 5. Conclusio. Vxor pauper mariti diuitis, hæreditat quartam partem bonorum mariti, si aliter pro sua qualitate viuere nequit, etiam si extent filij mariti. Ita l. 7. tit 13. par. 6. Et idem colligunt Iuristæ de marito paupere respectu vxoris diuitis, cum correlatiuorum eadem sit in omnibus ratio. Et arbitrio iudicis relinquitur declarare quis in hac parte dicatur pauper. Non tamen potest vxor pro obsequijs viro præstitis aliquid accipere, quia ratione matrimonij ad ista tenetur. Imò nec potest aliquid accipere pro artibus, quando sine testibus, & scriptura sunt promissæ. Quia talis arrarum sponsio gratiosa reputatur, sicut fit sæpè in nuptijs. Ita *Ludou. Lop. tom. 1. cap. 16. Nauar. cap. 17. num. 11*. Imò si vxor attulit præter dotem aliam supellectilem vt sindones, &c. quæ non sunt computata in dotem, vtpotè nec appretiatæ, nec inuentoriatæ, si sunt consumpta in communi vsu coniugum, non sunt vxori reddenda. Quia cùm non intrent partem dotis, non debet maritus ea seruare integra. Ita *Siluest. verb. dos, quasi. 2. & 3*. Ex dictis patet vxorem etiam sub excommunicatione demandatam, non teneri manifestare accepta ex bonis mariti pro compensanda dote, aut alijs sibi debitis,

tis,iuxta dicta. Ita *Nauar. num. 135*. Item si mariti viuentis bona sequeſtrentur, poteſt etiam vltra dicta occultare medietatem bonorum communium, ſibi debitam, *iuxta debita*, ſi timet, quod vix, aut magnis expenſis eam recuperabit. Dicitur enim *lib. 5. nou. Recopil. titul. 10. l. 10.* neutrum coniugum ob alterius delictum partem ſuam ex bonis multiplicatis ſibi contingentem, etiam in caſu hæreſis, aut alterius criminis amittere, nec infontem, & culpæ inexpertem multa ſuæ medietatis dictorum bonorum mulctari. Ita etiam *ca. decreuit, de hæreticis in 6.* Niſi fortè, vt ibi dicitur, mulier nupſit viro, quem tunc hæreticum cenſebat. Imò ſi viuente marito eius bona ſequeſtrentur, poteſt occultare de bonis mobilibus neceſſaria ad vſus quotidianos, vt menſam, lectum, veſtes, & alia, ſupelleſtilem, & neceſſaria ad victum. Ita *Hugo verb. ſequeſtratum, & verb. executio, num. 36. & Ludow. Lop. tom. .cap. 162.* In dictis enim, & equis, aut alijs animalibus, & inſtrumentis pro labore neceſſarijs vetatur fieri ſequeſtrum, aut executio, *l. 4. & 5. tit. 13. p. 5. & l. 7. 8. & 9. tit. 12. lib. 5. ord. & l. 5. tit. 19 lib. 3. fori*. Et quoties iſta licitè occultantur, ſcientes, & iuuantes non teneantur id reuelare, etiam ſub excommunicatione, & iuramento quaęſiti. Quia illa excommunicatio ſolùm procedit contra celantes aliqua bona illicitè: Et iſta debet eſſe intentio excommunicantis, & ad hoc ſolùm habet ius.

Dub. 10. *Quæ bona ſint adducenda à filijs ad partitionem mortuis parentibus?* 8

1. Concl. Arma, libri, &c. data filio militi, Doctori, aduocato, aut maioribus ordinibus initiato, cùm ſint facta quaſi caſtrenſia, non afferentur ad partitionem, nec poſſunt à patre reuocari. Niſi aliàs ſint penes patrem ſeruata, nec filio tradita, quia cùm filius tunc non acceperit poſſeſſionem, non cenſetur in illis melioratus. Ita *l. 1. C. de caſtren. peculio, & Nau. r. 17. num. 156*. Aut niſi talis donatio ſit aliàs inefficiola; vt potè excedens tertium, & quintum bonorum, in quibus parentes poſſunt quos velint filios meliorare, quia tunc exceſſus in his reſtituetur, aut in legitima filij computabitur.

2. Concluſio. Bona conſumpta cum filio à patre in ſtudio, non adducuntur ad partitionem, etſi filius non doctoretur. Ita *l. pater familia hæreticis*. Et *Hugo verb. diuiſio, num. 7.* adducit multas leges Caſtellæ ad hoc. Niſi pater haberet apud ſe bona caſtrenſia, quaſi caſtrenſia, aut aduentitia filij. Quia cenſe-

tenetur tunc patrem ex his velle alere filium . Ita *l. fin. C. de dotis promiss.* Aut nisi filius accepta pro libris consumpsit cum meretricibus, tunc computentur in legitima filij . Ita *Armi. verb. peculium* .

3. Conclusio . Sumptus excessiui facti à patre cum vno filiorum in luxu , & vestibus, non adducuntur ad partitionem : nisi solæ vestes pretiosæ, quæ supersunt . Ita *Nauarr. in addit. ad cap. 17. num. 158. & 180.* Imò vt ait *Ludou. Lop. tom. 1. cap. 171.* nec ista adducuntur ad partitionem , nisi istorum donatio sit à patre reuocata, aut nisi excedat quintum , & tertium bonorum . At si pater dabat filio pecunias , quas filius pro libito in his luxibus infumebat, tenetur eas in sua legitima computare . Ita *lib. 5. nouis Recopil. tit. 8. lib. 3.* Nisi aliàs constet patrem voluisse illas donare titulo meliorationis in tertio, & quinto bonorum, & non plus .

4. Conclusio . Bona soluta à patre lege coactò pro damno , aut debitis à filio , non pro necessarijs , sed pro luxibus , computentur in legitima filij . Ita *l. si filius familias, C. ad Senatūconsultum Macedon.* Secus si pater ista soluit pietate motus , & sponte , vt filium à morte , vel carcere eriperet . Quia tunc si donatio non sit magna , & aliàs non constet de voluntate patris , videbitur illud dare titulo meliorationis . Ita *Armi. verb. peculium, Nauar. num. 164. & communiter* .

5. Conclusio . Sumptus facti à patre pro colligendis fructibus ex bonis filij aduentitijs non computentur in istius legitima . Cum isti fructus sint patris , & iuxta regulam iuris, qui sentit commodum debet etiam sentire & damnum . Imò tenetur pater reparare damnum illatum in his bonis . At sumptus facti à patre pro augendo ista bona, computentur in legitima filij , si pater illos fecit animo repetendi . Et si dubitetur de isto animo , & sumptus sint magni , credatur illos fecisse animo repetendi . Secus si sint parui . Et idem de sumptibus nuptiarum, qui cum sint magni, si dubitetur de animo patris , credatur illos fecisse animo repetendi . Ita *l. 3. §. fin. de muner. & honor. & l. ex parte, §. filius ff. familia eriscund.*

6. Conclusio . Vestes, ornamenta, &c. accepta tempore nuptiarum computentur in legitima filij . Nisi oppositum constet de voluntate patris . Ita *Nauar. in addition. ad cap. 17. num. 166.* Non enim præsumitur donatio istorum, sed

sed concessio vsus illorum. Ita *l. ad vestimentorum, ff. de peculio, & l. mortis, ff. de dona. inter virum, & uxorem*. Sed non computentur in legitima alimenta necessaria ad viētum quotidianum: nec dicta ornamenta precio quo empta sunt, sed quo æstimantur tempore partitionis. Imò nec ista computentur in legitima filii, quando opes, & dignitas parentum sunt ita magnæ, quòd illorum donatio præsumatur. Ita *l. filius, ff. de donationibus & Silu. verum peculium 2.*

7. Conclus. Si filii coniugari volunt hæreditare parentes, adducunt ad partitionem omnia recepta à parentibus, exceptis bonis castrensibus, & quasi castrensibus cum fructibus, etiam apud patrem existentibus, & exceptis suis bonis aduentitiis. Ita *l. 14. tit. 4. l. 3. fori. Nisi ut dicitur, l. 3. tit. 15. par. 6* parentes aliter ordinassent, si alias potuerunt in istis bonis alias non excedentibus tertium & quintum bonorum istos meliorare, vtpotè, si non sit facta alia melioratio, aut scriptura de nullo meliorando, aut aliter. Tunc enim non possunt parentes defendere, quod accepta ab istis filiis, non adducantur ad partitionem, iuxta *l. 18. & 19. Tauri*. At si filius coniugatus separet se ab hæreditando, non adducet ad partitionem recepta, sed excessum suæ legitimæ, aut meliorationis, si potuit iuxta modò dicta meliorari, etsi non sit expressè melioratus. Ita *l. 26. Tauri, & lib. 3. tit. 8. lib. 5. no. Reco.* Et debet istorum valor taxari iuxta dicta dub 7. Et nota 1. Quod bona ad partitionem adducta p. sūt extrahi ab adducente illa pro pretio taxato. Ita *l. 3. tit. 4. par. 5. & l. 2. tit. 5. part. 6.* Nota 2. Quod diuisio, & partitiō facta inter hæredes, aut alios, etiam sine scriptura, non potest rescindi. Nisi sit minor, qui illud petit, & ostendat se damnificatum. *l. 8. & 13. tit. 4. l. 3. fori.*

8. Conclusio. Si filius in fauorem patris dolo, aut metu reuerentiali renuntiet suæ legitimæ, non valet renuntiatio. Et sic potest de cumulo bonorum suam partem suam sumere. Secus si spontè, & scienter iuret se fore contentum minori portione, iuxta *cap. quamuis, de pactis, in 6* Etsi in foro externo semper præsumitur metum, aut dolum adfuisse: iuxta *Institas relatos à Ludon. Lop. tom. 1. c. 173.*

ARTICVLVS I. DE LEGIBVS IMPEDIENTIBVS
translationem dominij, & primò circa spurios.

S V M M A R I V M.

Parentes tenentur iure natura alere filios spurios, & in morte possunt dare illi quintam partem bonorum, num. 1.

Quid filij illegitimi possunt obtinere ex bonis parentum ex testamento vel ab intestato, num. 2.

An filij clericorum vel religiosorum possint aliquid recipere à parentibus ultra alimenta, num. 3.

Quis possit legitimare spurios, num. 4.

An pater possit relinquere amico sua bona sub confidentia quod illa dabit filio spurio, num. 5.

I DVB. 11. *An leges inhabilitantes spurios ad bona parentum obligent?*

1. Concl. Parentes iure naturæ tenentur alere filios, etiam spurios, vtpotè incestuosos, sacrilegos, adulterinos, & conseruare naturam eis ab ipsis communicatam. Ita *cap. cum haberet, de eo qui duxit quàm po.* vbi præcipitur parentibus alere filios etiam ex damnato coitu genitos, pro suo posse. Et idem præcipitur l. 1. & §. si. 19 p. 4. & l. 9. & 10 *Tauri* permittitur parentibus dare filiis spuris in vita, & morte titulo alimentorum quintam partem bonorum, imò plus, si quinta non sat est attendita qualitate parentum, & filiorum, & alijs deficientibus filiis legitimis, & naturalibus. Ita *An. on. Gomez, & Azuiedo in l. 9. Couarr. & Perez ab eo relati Molina libro 2. de primogen. cap. 51* Et si quinta pars excedit alimenta spurii, non minuatur nisi solis filiis clericorum, & religiosorum, circa quos seruetur lex 22. Ioannis Regis primi concedentis istis de quinta parte sola alimenta necessaria. Ita *lib. 1. ord. si. 1. l. 22.*

2. Concluf. Parentes etiam habentes ascendentes, si non habent descendentes legitimos, possunt relinquere totam substantiam filio naturali. Ita l. 9. & 10. *Tauri* Imò mater cum sit certior de prole, ad id tenetur, & ille succedet ei intestatæ. Ita l. ultim. si. 13. p. 9. At si sint alii legitimi, & filius istæ naturalis legitimetur per sequens matrimonium, succedet æqualiter cum alijs in hæreditate. Ita *cap. 2. & cap. tanta, qui si ij sine*

fm legi. & l. cum quis, & l. nuper. de naturalibus liberis, & l. 2. tit. 15. p. 4. Si tamen non legitimatur, sola quinta pars potest ei legari; dum non sint plures, quam quatuor filij legitimi. Quia tunc filius naturalis non capiet totum quintum, ne plus illegitimo, quam legitimis proveniat. Ita *Molin. loc. citat & Azueto in lege 9. Tauri, ubi pro se citat Garfian & Matien-* eo. Et in eodem casu dicunt isti, non potest pater legare extraneo quintam partem bonorum. Sed si pater decedat intestatus sine descendantibus legitimis, filius naturalis succedet in sextam partem bonorum. Et si decedit cum testamento, omisso filio naturali, hæres tenetur istum alimentare. Ita *l. 8. & 9. tit. part. 6.* Et si pro alimentis non sat est sexta, aut quinta pars, ut permittit. in *l. 9. Tauri*, hæres tenetur illum alimentare pro modo facultatum. Ita *Gregor Lopez in 6. par. citat.* Et ita intelligitur *Roderic. Suarez, in l. 1 tit. 6. lib. fori*, ubi distinctè videtur dicere, ultra quintum, aut sextum prædictum filio naturali alimenta deberi.

3. Concl. Spurius genitus ex soluta & vxorato, succedit ab intestato, & per testamentum in omnibus bonis matri non habenti descendentes legitimos, etsi habeat ascendentes legitimos. Ita *l. 9. Tauri*. Sicut & isti spurio decedenti intestato sine descendantibus succedent parentes pro parte, qua spurij succederent parentibus. Et si spurii non habent ascendentes, succedent eis fratres ex parte matris, etiam illegitimi, si non adsint legitimi. Ita *l. ult. tit. 13. par. 6. vide Hugo. ver. hæredes, nn. 60. 70. & 72.*

4. Concl. Probabile est, solos filios clericorum, & religiosorum inhabilitari per leges ad recipiendum ultra dicta alimenta aliquid à parentibus in vita aut in morte. Ita *Soto 4. de iust. q. 5. ar. 1. ad 4.* Sed probabilius est omnes spurios præter naturales, & alios tertie conclusionis ad illud esse inhabiles iure communi, & Hispan. Ita *Bannes 2. 2. tract. de dominio, disp. 5.* Dicitur enim in *Auth. licet C. de donat.* Ex damnato coitu nati, utpotè incestuosi, sacrilegi, adulterini scilicet, utrimque, aut saltem ex patre matris, omni prorsus beneficio excludantur. Et *l. 10. tit. 3. p. 6.* vetantur parentes aliquam donationem facere spuris, quales sunt prædicti. Et *l. 3. tit. 5. p. 4.* vetatur ne tales spurii iure hæreditatio succedant parentibus, aui, aut consanguineis descendantibus. Et specialiter id decernitur de filiis clericorū *l. 1. ordina. tit. 3. & l. 5. tit. 3. l. 2.* & de filiis religiosorum, & monialium in *l. 9. Tauri*. Istæ autem le-

leges non sunt purè pœnales, sed positiuè iustæ, inhabilitantes spurios, *ut ait Baynes, & Conar. in 4. decret. 2. par. cap. 8. con. 1.* Et si spurij contra istas leges aliquid acquirant, tenentur illud restituere veris hæredibus. Et in omni sententia tam parentes, quam spurij peccant mort violando istas leges. Et nota. Quod filii religiosorum, etsi per dictas leges sint inhabiles ad bona parentis non religiosi, sed non ad ea, quæ parens religiosus eis dederit. Quia cum religiosi ex voto paupertatis careant bonis, illa bona, quæ de Prælati licentia possunt consumere in vsus licitos, possunt dare suis spurjis: cum adhuc ista sic concessa non sint bona religiosi, sed religionis, & tenebitur religiosus de istis alere spurium, & de hoc curare saltem pro medietate. Nam ad aliam medietatem tenebitur alter parens.

4

5. Conclusio. Papa in terris Ecclesiæ, *iuxta cap. per venerabilem, qui filij sint legit.* & Rex legitimat spurios, ut succedant in hereditate parentum dum tamen parentes, nec antè, nec post spurij legitimacionem habeant descendentes legitimos. Ita l. 22. Tauri. Et licet filius naturalis, *iuxta cap. 1. & c. tanta tit. citat* legitimetur per sequens matrimonium, si parentes non habeant impedimentum dirimens matrimonium, secus si habeant, & alias filius iste nascatur ante dispensatione de contrahendo matrimonio, non si nascatur post dispensationem, etsi ante illam sit gemitus. Ita Sarmi. libr. select. cap. 9. num. 9. Conarru. in Epis. decre. 2. p. cap. 8. § 2. num. 30. Silu. ver. de filiis legit. qu. 7. & Ledesm. in summ. cap. ult. de matrim.

6. Conclusio. Solus Papa legitimat illegitimos ad ordines, & dignitates. Ita *cap. per venerabilem, qui filij sint legit.* Et ex Papæ commissione alii dispensant, *iuxta dicta à nobis tract. de irregul. & in nostro Episom. de statu relig. libr. 1. cap. 6. dub. 18.*

5

Dub. 12. Quid si quando pater reliquit amico sua bona sub confidentia, quod ea dabit suo filio spurio?

1. Conclus. si pater absolutè reliquit sua bona amico, sperando quod illa dabit suo spurio, sed sine obligatione de hoc, non peccat, etsi talem spem amico declaret. Et amicus iste potest sibi retinere illa bona. Tenebitur tamen ex iustitia alere spurium cum eius pater ad id ex iustitia teneretur. Imò ex gratitudine, & aliquando sub peccato mort. tenebitur ei alia beneficia impendere ultra alimenta. Et si iste amicus omnia bona det spurio, iste tunc illa recipit. Quia per leges

leges, solum inhabilitatur ad bona parentum : at ista non sunt iam bona parentum .

2. Conclus. Si pater dedit bona amico hac conditione , vt reddat ea suo spurio peccabit mort. nec spurius potest illa bona accipere ; sed sunt restituenda hæredi ab intestata . Ita Soto .

3. Concl. Si pater sine conditione instituit hæredem amicum data fide de reddendo hæreditatem spurio, amicus iste est verus hæres, nec inhabilis per legem ad hæreditatem ; sed priuatur hæreditate per legem in pœnam datæ fidei contra legem ; & tenetur reddere hæreditatem spurio, non ex fidelitate solum, secundum aliquos probabiliter sic sentientes, sed etiam ex iustitia secundum Bannes , & alios . Et patet : quia iste tenetur ad hoc sub peccato mort. vt etiam contrarij fatentur, sed virtus fidelitatis etiam in re grauissima solum obligat sub peccato ven. ergo miscetur ibi obligatio alterius virtutis, vt potè, iustitiæ ob datam fidem .

C I R C A L V D O S .

S V M M A R I V M .

*Conditiones requisitæ ad ludum & quinam possint ludere. n. 1.
An per ludum transferatur dominium rerum luctuarum .
num. 2.*

Quando ludus sit peccatum mortale, num. 3.

DVB. 13. *An leges vetantes ludos impediunt translationem dominij .*

1. Concl. Stando in lege naturæ per omnem ludum transferitur dominium ; cum tribus conditionibus . 1. Quod ludentes habeant bona , quæ possint alienare . Et quæ possunt donare ; possunt ludere . Et sic religiosus potest ludere , quod de licentia sui Prælati potest consumere in quouis vsu . Secus si licentia sit limitata ad vsus certos . Et si licentia sit data ad vsus licitos absolutè , adhuc potest aliquid paruum ludere . Nam ludus in parua quantitate , & ob leuamen animi licitus , est . Et idem potest de pecunijs datis sibi ad iter . Vxor etiam , & filius familias possunt aliquid paruum ludere iuxta eorum qualitatem sine expressa licentia mariti . Sicut & scholaris , cui quotannis dantur centum aurei pro
I ali-

alimentis, potest ludere, sicut & aliter distrahere quinque, & ad hoc præsumitur licentia patris interpretatiua. Et de bonis castrensis; & quasi castrensis potest in vita ludere, & distrahere sibi volutum, vt dixi dub. 3. Et nota, quod qui non potest perdere pecuniam in ludo, nec potest lucrari. Nec potest lucrari ultra quantitatem quam potest perdere. Si enim habes decem solum & exponis ludo viginti, solum potes lucrari decem, & istis acquisitis, potes exponere ludo viginti, & lucrari totidem. In omni enim contractu est seruanda æqualitas. 2. Condicio ludi est, quod fiat sine dolo. Nec censentur dolus communes ludentium cautelæ, v.g. embidar de falso. 3. Condicio, quod ludus fiat sine vi. Et censentur vis importunæ preces, & opprobria quibus notaris de miseria, &c. vt inciteris ad ludum. Et qui sic coactus ludit potest lucrari secundum Doctores, quos refert, & sequitur Ludon. l. op. tom. 1. cap. 184. contra Victor. & Bannes. 2. 2. q. 62. art. 2. dub. 5. Et contra LeA. c. 6. de iust. com. cum scienti, & volenti non fiat iniuria: sed non potest perdere: vt ait Soto, ex mente D. Thom. de iust. q. 5. art. 2. contra Adria. Et idem videtur contra Soto, de ludente cum filio familias, aut alio non valente perdere. Iam enim videtur renuntiare iuri suo. Alia condicio solet assignari pro ludo, vt quod seruetur æqualitas inter ludentes, ita vt qui melius ludit, id alteri declaret, & det illi atra. Et si alter eas nolit, aut si sciens alterius peritiam adhuc vult cum eo ludere, iam renuntiat iuri suo, & sic alter tunc non peccabit contra iustitiam ludendo. Nam scienti, & volenti non fit iniuria. Hæc de ludo stando in iure naturæ.

2. Conclusio. Stando in iure Hispano per ludum aleatum si luditur à militibus durante bello, & reportantibus stipendia, non transfertur dominium. Ita lib. 3. ordinam. tit. 2. l. 1. Vbi sic dicitur: (Mandamos, que el que gana a las tablas, o dados al soldado dineros, armas, bestias, sea tenido de lo boluer.) Mandamus quod omne lucratum à militibus in lusu chartarum, denarij, arma, bestia, sit obnoxium restitutioni. In quibus verbis, vt patet, non speratur sententia iudicis.

2. 3. Conclusio. Aliter ludentes ludo vetito, etiam lege Hispaniæ acquirunt dominium rerum sic lucrarum, & solum conceditur perdenti ludo vetito repetitio intra octo dies rei perditæ, l. 2. tit. 10. lib. 8. ordi. rega. Et si ille negligit recuperare, conceditur criminis alteri, aut iudici ex officio ista repeti-

petitio intra duos menses tantum. Ita in *reper. preg. l. 3. tit. 2. leg. 3.* Et multo probabilius est, istam repetitionem esse faciendam coram iudice, ut lucrator restituere teneatur. Et sic qui perdidit, non potest sua autoritate usurpare sibi pecuniam ludo amissam, quidquid *Adrian* probabiliter dicas secundum *Ioseph. contra Bannes*, *Ludou. Lop. tom. 1. cap. 183.* *Soto, Med. in sum. Nauarr.* Nam aliter fit dominus rei lucrator, cum ludus transferat dominium, & leges solum concedant perdenti, ut sibi per dictam repetitionem, & non aliter reddatur res ludo perdita.

4 Concl. Stando in iure communi, qui perdit data fide, tenetur soluere. Ita probabiliter contra *Soto, & Conat.* cum nulla lex in tali iure irritet talem ludum, & alias fides, & promissio sit seruanda. Sed stando in iure Hispano non tenetur Hispanus soluere pecuniam amissam data fide, etiam ludo licito. Ita in *reper. preg. tit. 8. l. 2. ubi dicitur:* (Damos por ningunas qualquier obligaciones, promessas, eferiuras que acerca de los iuegos se hizieren) idest, annullamus quascunque obligationes, promissiones, scripta circa quoscunque lusus. Et merito, nam cum animus ludentis ludo incaluit, si ludatur credita pecunia, luditur sine termino, quod non fit presente pecunia. Et intelliguntur ista secluso iuramento, cum ibi non irritetur. Alias enim ob reuerentiam diuini nominis seruetur, dum non relaxatur. Poterit tamen postea repetere coram iudice pecuniam datam. Et nota, quod si perdens data fide det rem amissam, transfert dominium: cum leges hoc non impediant. Ita *Med. in sum. Nau. in Man. cap. 17. nu. 18. Lud. Lop. 10. 1. c. 184. contra Soto, & alios. Et patet ex usu.*

Haftenus de peccato iniustitiae commissio in ludo. Nam ex alijs fit ludus peccatum mort. contra alias virtutes, ut si sit cum irreuerentia Dei, blasphemando, peiurando, aut ob ludum omittendo Missam, solutionem debitorum, sustentationem familiae, exponendo se, uxorem, & filias periculo peccandi mort. Nec isti absoluiamur cum sint in malo statu. Item ludus turpium in Ecclesia est peccatum mort. Ita *Sila. verb. ludus*. Cedit enim in contemptum Dei, & domus eius, quam decet sanctitudo. At si ibi representantur aliqua vana, & solatius, nec lasciuia, dum absit mala intentio, & pusillorum scandalum, non damatur: sicut nec ibi chorizans.

Tandem, recipiens in domo sua vacantes ludus mort.

libus, & eis ministrans mensam, aleas, & lumina ad diu, & non
 Qu ludendum, peccat mort. Ita Nauarr. n. 16. & communiter.
 Quia non solum consentit, sed & iuuat ad peccatum luden-
 tium. Imò in duobus casibus restituet, non restituendo luden-
 tes. 1. Si ludit, & perdit qui non potest perdere, vt pupilli, re-
 ligiosi, &c. alias ludentes vltra sibi licitum. 2. Si lucrator vsus
 est dolo, sciente, & tacente receptore ludentium. Ita Nau. &
 Ludou. Lop. c. 182.

CIRCA TESTAMENTA.

S V M M A R I V M.

Qua sint requisita vt testamentum sit validum, n. 1.

*Probabile est contractum validum iure natura valere in con-
 scientia etsi irritetur iure humano, num. 2.*

*Probabile est etiam talem contractum & testamentum esse irri-
 tum in conscientia, n. 3.*

*Probabilius tamen est testamenta per leges irrita defectu solem-
 nitatis valere in conscientia ante sententiam iudicis, n. 4.*

Quomodo testamenta soluantur, n. 5.

Quinam possint testari, n. 6.

*Qui potest testari, potest hoc alteri committere, & ad quid te-
 neatur talis commissarius, n. 7.*

Morienti intestato qui haeredes succedant & quo ordine, n. 8.

I D. VB. 14. *An contractus irriti per leges ex defectu alicuius
 solemnitatis sint irriti in conscientia: cuius modi sunt te-
 stamenta?*

*Et nota, quòd in testamento aperto requiruntur tres testes,
 & tabellio: & sine tabellione quinque testes vicini oppidi vbi
 sit testamentum, & ad minus sint tres testes, si sit sine tabellio-
 ne, & quinque haberi non possint. Et si sit cum septem testibus,
 etiam non vicinis, & sine tabellione, valet testamentum si ha-
 bet alia requisita. Et valet etiam si testator non nomet hære-
 dem, aut ab eo nominatus non acceptet. Et in testamento cæci
 sint quinq; testes, & tabellio. Prædicta habentur, lib. 5. ordinam.
 tit. 4. l. 1. & lib. 5. non. Recopi. tit. 4. l. 1. & 2. Et pro testamento
 clauso requiruntur ibi, & l. 3. Taur. septem testes, qui subscri-
 bant ipsi, aut alij pro ipsis, & requiritur subscriptio testatoris,
 aut alterius pro eo, & subscriptio, & sigillum tabellionis. Re-
 qui-*

quiritur etiam in testibus certa qualitas, vt quod veniant rogati; nec sint surdi, muti, infames, mulier, seruus, minor 13. annorum, amens, hæres, aut istius consanguinei intra quartum gradum. Ita *l. 1. §. 9. & 11. tit. 1. par. 6.* Nisi pro causis pijs. Et pro codicillis idem, ac pro testamento aperto requiritur.

1. Concl. Legata pia coram duobus testibus, etiam sine rebellionem facta soluantur. Ita *cap. relatum, 1. de testam.* At legata non pia testamenti minus solemnitis, secundum *Panor. in c. cum esset, de testam. Armil. verb. legatum, Siluest. verb. hereditas, 3.* soluentur: & si non soluantur clam accipi possunt à legatario. At *Victor. Soto 4. de iust. q. 5. art. 3.* dicunt ex tali testamento non oriri obligationem naturalem ad ista soluendum. Et nota 1. quod si legatarius præmoriatur leganti, spirat legatum, & fit hæredis. At si moritur postea, etiam antequam hæres adeat hereditatem, legatum transit ad hæredes legatarij. Ita *l. unica, C. de caduc. tollend. Armil. Siluest. verb. legatum, 1. Hugo verb. legatos, num. 52.* Et si legatarius moritur ante tempus signatum à testatore, vt sibi detur legatum, aut si non signato tali tempore moritur antequam petat legatum, spirat legatum: At si legatum debeatur solui cum hæredi placeat, & hæres moritur, tenetur statim solui. Vide *Hugo num. 48. verb. derechos, num. 11.* Nota 1. quod si in aliquo testamento aliquid legatur pro pauperibus, sunt in Hispania excludendi ab isto legato, illi quibus in testamento aliquid in particulari legatur, etiamsi sint pauperes, & consanguinei testatoris. Ita *l. 3. tit. 10. par. 6.* Quod obligat in vtroque foro. De quo *Enriq. tom. 1. lib. 7. cap. 23. in gloss. in fin.*

2. Conclusio: Probabile est, contractum validum iure naturæ valere in conscientia, etsi irritetur in iure humano. Vt si Petrus sit à Paulo institutus hæres per testamentum minus solempne omisso fratre, qui est hæres ab intestato, in foro externo hereditas dabitur fratri, at in conscientia hereditas est Petri. Ita *Adrian. Siluest. Innocent. Panormit. Ancharan. Butrio, Bart. Inson. Felin. Alciat. Decius, & alij relati à Bannes tractatu de dominio.* Ex quo patet, quod etsi electio irritat solo iure humano sit etiam irrita in conscientia secundum Bannes, nec electus possit eam acceptare. At secundum dictos Doctores valet in conscientia. Et patet ex dictis, cuius signum est, quod talis electio, cui deficit aliquid ex necessariis requisitis de solo iure humano, cassatur à superiore, ergo ex se valida erat.

3. Concl. Probabile etiam est contractum irritum iure humano esse irritum in conscientia. Ita *Cano. Bald. Alex. Immol. Covarr. & alij relati à Bannes*. Aliàs illa lex esset mala, & peccaret iudex iudicando iuxta illam: Et sic hæres institutus per testamentum minus solemne tenetur restituere hæreditatem hæredi ab intestato. Si obijcias caput cum esses, de testamentis. ubi consultus Papa de consuetudine Episcopatus Hostiensis, ubi nullum testamentum admittebatur sine dictis solemnitatibus: ait Papa, istam consuetudinem esse alienam à diuina lege, & more Ecclesiæ: cum in ore duorum, aut trium testium stet omne verbum. Et decernit ibi, testamenta facta coram duabus, aut tribus personis idoneis esse valida. Ad hoc dico ex glossa ibi duo. 1. quod Papa illud statuit pro illo Episcopatu, & alijs sibi spiritualiter, & temporaliter subiectis. At non potest irritare leges Regnorum sibi non subiectorum temporaliter, aliàs non contrarias fini spirituali, *vt habetur cap. cum ad verum, & cap. quoniam d. 10.* Cuiusmodi sunt leges testamentorum, quibus obuiatur hominum fraudulentij. Nam etsi esset conformius legi diuinæ dictum duorum, aut trium testium, si homines naturali sinceritate viuerent: hac tamen deficiente, licet augere testes in multis casibus pro vitando multa damna, vt ad condemnandum Episcopum, &c. Dico 2. & melius, Papam illud statuisse pro relictis Ecclesiæ, & prijs causis.

4. Concl. Probabilius videtur, quod etsi leges cohibentes voluntatem domini, ne in alium transferat dominium rei suæ, obligent in conscientia, nec transferatur dominium contra illas, vt patet in legibus pupillorum, primogenitorum, & spuriorum; secus tamen est de legibus prescribentibus solum modum, sub quo fiat translatio dominij ob vitandas lites, vt in legibus testamentorum, & alienationis bonorum Ecclesiæ: ubi non cohibetur voluntas domini, vt transferat dominium rei suæ: etsi pars cui fauet lex, possit vti beneficio legis, & repetere, & si alter per sententiam damnetur, tenetur reddere, sed non ante sententiam. Et sic sunt vsu receptæ istæ leges. Ita *Victor. Soto, Bannes, & communiter Thomista*. Ex his patet, quod licet qui acquisiuit hæreditatem per testamentum minus solemne, non teneatur hoc declarare hæredi ab intestato: at si iste petit declarationem, non potest alter hoc occultare, nec vti dolo adducendo falsos testes, aliàs restituet. Quia hæres ab intestato

stato iuste petit declarationem, ergo alter iniuste celat, aliam daretur bellum iustum vtrimque seclusa ignorantia. Ita Barbas loco cit.

5. Concl. Prius testamentum soluitur, primò reuocando illud coram testibus, etsi non fiat aliud. 2. si post testamentum nascitur proles testatori. Ita l. 70. tit. 1. par. 6. Tertio, si testator rumpit testamentum, aut sigilla testamenti oblerati. Ita lib. 75. tit. 1. p. 6. Quarto Testamentum vbi instituitur hæres extraneus soluitur per aliud testamentum, etiam non consummatum, vbi instituitur hæres ex succedentibus ab intestato. Ita lib. 22. tit. 1. par. 6. Item etsi valet testamentum, aut dispositio, vbi quis etiam coram duobus testibus, & sine tabellione disponit de rebus suis inter suos descendentes, iuxta l. 7. tit. 1. par. 6. At si post hæc conficitur aliud testamentum cum solemnitate requisita, prior dispositio soluitur lege 24. tit. 1. par. 6. Et nota, quod si testamentum fit coram testibus, & sine scriptura, iudex postea conuocabit testes, & iuxta eorum declarationem conficiet testamentum. Ita l. 4. tit. 16. p. 3.

Dub. 15. De valentibus testari.

1. Concl. Damnatus ad mortem potest testari de suis bonis, exceptis confiscatis, & confiscandis, & cameræ aut alteri applicandis. Ita l. 5. nou. Recop. l. 3. tit. 4. Et per istam legem corrigitur lex 15. tit. 1. par. 9. negans isti testari. Item filius aut filia, etiam sub potestate patris, habentes ætatem legitimam, vt si filius habet 14. annos, & filia, 12. possunt testari. Ita l. 4. tit. 4. l. 5. nou. Recopil. Et per istam legem corrigitur lex 13. & 16. tit. 1. par. 6. Sed isti tenentur suis ascendentibus relinquere duas tertias partes suorum bonorum, iuxta dicta dub. 5.

2. Concl. Qui potest testari, potest hoc alteri committere, sed coram tabellione, & testibus pro testamento requisitis, alias non valet commissio. Ita l. 5. noua Recopila. tit. 4. lege 13. Et iste commissarius tenetur exequi suam commissionem intra quatuor menses, si est præsens vbi sibi datur commissio, & si est absens, sed intra Regnum, intra sex menses, & si est extra Regnum, intra annum. Quibus terminis transactis spirat commissio, etiam ignorata, Et tunc si in commissione præcipitur sibi facere aliquid determinatè, vt quod instituat Petrum hæredem, &c. talis res profecta habeatur. Ita l. 6. Et in casu quo commissarius non consecit testamentum, hæres succedens ab intestato, alias nec

ascendens, nec descendens defuncti, tenetur applicare quintam partem bonorum pro anima defuncti. Et si hoc intra annum à morte defuncti non implet, cogatur per iudicem ad petitionem cuiusvis de oppido. *Ita loco cit. l. 10.*

3. Concl. Dicitur commissarius sine speciali commissione non potest instituere heredem, nec aliquem heredum meliorare, nec substituere, nec dare tutorem filijs defuncti. *Ita l. 5.* Nec potest reuocare testamentum semel à se factum, nec facere codicillum, etiam ad pias causas, etsi sibi reseruet posse reuocare, addere, minuere, aut facere codicillum. *Ita l. 9.* Nec potest reuocare, sine speciali commissione testamentum factum à defuncto aut partem eius, *l. 8.*

4. Concl. Dicitur commissarius in virtute commissionis sibi datæ absolutè, & in generali potest exonerare conscientiam defuncti soluendo debita, & de residuo distribuet quintum bonorum pro anima: & alia diuidet inter hæredes ab intestato. Quibus si caret, dato vxori defuncti sibi debito secundum leges, disponet de alijs in causas pias, & vtilis defuncto. *Ita l. 6.* Et si defunctus nominauit heredem, commissarius solutis debitis de sola quinta parte disponet pro anima, si defunctus nihil aliud concessit. *Ita l. 11.*

8

Dub. 16. *De successione hæredum.*

1. Concl. Morienti intestato succedunt hæredes hoc ordine. 1. Descendentes. 2. pater, & mater æqualiter. Et vno istorum deficiente succedit alter, & non ascendentes, aut descendentes deficientis. 3. Succedunt aut patrum in bonis à patre habitis, & aui materni in bonis habitis à matre, & lucra istorum bonorum æqualiter inter eos diuidantur. *Ita l. 10. tit. 6. lib. 3. fori.* 4. Deficientibus prædictis succedunt fratres, & loco istorum iam defunctorum, eorum filij. Et sunt præferendi fratres amborum parentum, ac istorum filij, fratribus vnus parentis. Et idem de priuignis deficientibus fratribus ac eorum filijs, *de quo Hugo ver. hæredo, n. 42. 43. 44.* Quinto. Deficientibus prædictis succedunt proximiores consanguinei collaterales. 6. Morienti sine consanguineis etiam collateralibus, succedit Rex. *Ita l. 1. C. de bonis vacan. & lib. 5. noua Recop. tit. 8. lib. 12.* Et clerico tunc succedit ecclesia, aut altare cui seruit. *Ita l. 1. 2. q. 1. c. 2. & q. 5. & c. l. de succe. ab intest. Et lib. 1. nou. Re. tit. 9. l. 2. & 3. habetur, quod Ordines Trinitatis, & Mercenarij non reportent legata incerta, nec quintam partem morientium ab intestato.*

2. Concl.

2. Concl. Hæres fideicommissarius, vt post certum tempus restituat hæreditatem alteri per leges non impedito, potest quando ipse, aut eius hæres hæreditatem restituet, sibi retinere quartam partem, quæ dicitur Trebellianica. Ita *l. ultima tit. 5. p. 6. & l. 8. tit. 1. l. p. 6. Vide Hugo ver. fideicommissio*. Et computentur iuxta istam quartam partem fructus percepti. Nisi iste hæres fideicommissarius sit hæres ex descendantibus legitimis. Quia tunc præsumitur testatorem ultra dictam quartam voluisse illos fructus illi applicare. Ita *l. 8. tit. 2. p. 6. de quo Hugo ver. fructus, n. 14. & Lud. Lop. tom. 1. c. 140*.

3. Concl. Hæres voluntarius hæreditat saltem quartam partem bonorum testatoris, quæ dicitur Falcidia. Sed hæc deducitur ex bonis remanentibus, solutis debitis, expensis funeris, testam. codicilli, & inuentarij, & solutis legatis Ecclesiæ hospitali, loco religioso, pauperibus, redemptioni captiuorum, aut altero legato pio: ex istis non deducitur falcidia, sed integrè soluantur ab hærede voluntario. Nec etiam deducitur falcidia ex legato alicui sub conditione, quod non alienetur, sed quod veniat suis hæredibus, nec ex legato pro dote mulieris, nec ex legato ex quo testator specialiter præcepit, vt non deducatur. Item non deducatur falcidia ex vllis bonis, si hæres iste non fecit inuentarium tempore debito. Et ista falcidia deducitur iuxta valorem bonorum testatoris tempore obitus eius. Nam melioratio, & fructus, sicut & deterioratio est hæredis, & non legatarij. Et prædictorum leges refert Hugo *ver. falcidia num. 3*.

4. Concl. Legatarij non possunt legata petere intra tempus datum hæredi pro faciendò inuentario. Ad quod tenetur hæres intra 30. dies, & perficere intra tres menses: Et si bona sint dispersa, potest addi vnus annus. Et debet fieri inuentarium per tabellionem coram testibus, vocatis creditoribus, & legatarijs oppidi, vbi sit, commorantibus. Et facto inuentario prius soluantur debita: deinde legata, deducta falcidia, iuxta dicta, *de quo Hugo ver. inuentario*.

5. Conclus. Legatario detur legatum alias purum, & simplex cum fructibus perceptis, à tempore quo sibi debetur legatum, vt notè à die quo hæres per se, aut per alterum adiuit hæreditatem verbo, aut facto. Ita *lib. si ita relitum, §. Pegasus ff. de legatis, & l. 37. tit. 9. part. 6. de quo Lud. Lop. si. 1. cap. 240*. Quia si ex tunc legatum est debitum, ergo & fructus, si fructiferum sit cum res domino fructificet. Et nota,

ta, quod hæres, & legatarius debent suo nomine, & cognomine nominari, aut ita signari, ut clarè noscantur: alias succedet hæres ab intestato. *Ita l. 10. & 11. tit. 3. par. 6.*

6. Concl. Hæredi potest à iudice concedi vnus annus pro acceptando hæreditatem, intra quem non potest aliquid hæreditatis alienare, vel vendere, nisi pro sepultura defuncti, aut alijs necessarijs hæreditati. *Ita l. 3. tit. 6. par. 6.* Et si vendat, impignoret, colligat fructus, aut similia faciat, censetur acceptare hæreditatem. *Ita lib. 11. 12. tit. 6. par. Vide Hugover. deliberar. & ver. baredero, num. 41. & 45.*

7. Concl. Episcopus cogit fideicommissarios, seu executores testamentorum, etiam si sint religiosi, ut defunctorum pias exequantur voluntates, licet testator hoc interdixerit. *Ita c. tua nobis, de testam.*

ARTICVLVS VI. DE LEGIBVS PRÆSCRIPTIONVM,

ET VSVCAPIONVM.

S V M M A R I V M.

Quomodo differant præscriptio & vsucapio, num. 1.

Leges præscriptionum obligant in conscientia, num. 2.

Cum mala fide non curris præscripti, num. 3.

Dubium probabile habitum in principio possessionis tollit inchoationem præscriptionis, num. 4.

Inchoata vero præscriptione tale dubium nihil efficit, n. 5.

IVB. 17. An leges istæ conferant ius in conscientia. Et nota, quod præscriptio, vsucapio differunt. 1. Quod illa est circa immobilia, ista circa mobilia. 2. Vsucapio fit inter præsentés per triennium, & inter absentes per quadriennium. At præscriptio inter præsentés in eadem Proincia fit per decennium, & inter absentes per 20. annos. Et ista est præscriptio longi temporis. Nam præscriptio longissimi temporis fit inter præsentés per triginta annos, & inter absentes per quadraginta. Et ista est necessaria pro rebus Ecclesiastici, in cap. illud, de præscriptionibus. Imò contra Ecclesiam Romanam, in cap. ad audiendam, de præscrip. &c. si qui, de præscrip. in 6. & contra bona religiosorum non præscribitur, nisi per centum annos. *Soto, 4. de iust. q. 3. art.*

§. art. 4. Et vide in nostro Epit. de stat. relig. lib. 2. c. 3. dub. 2.

1. Concl. Leges dictæ sunt iustæ, & conferunt ius in conscientia. Ita communiter Theologi, & Iurista. Quia quando expedit bono communi, lex potest transferre dominium ex vno in alterum, sicut & impedire talem translationem: sed expedit maximè bono communi, quod istæ leges conferant ius: tum ne rerum dominia tanto tempore maneant incertæ, aliàs qui eas possiderent, non curarent de eis, timèntes, ne aliquando à veris dominis repetantur: tum quia hac via obuiatur multis litibus. Ergo, &c.

2. Concl. Qui possidet rem mala fide, tempore requisito pro præscriptione, aut vsucapione, non acquirit eius dominium. Patet ex reg. 2. iuris, ubi dicitur. Possessor male fidei vlllo tempore non præscribit. Et aliàs daretur furibus occasio furandi.

3. Concl. Si res possidetur dubia fide, & dubium sit leue, non tollitur præscriptio. Sicut cum eodem leui dubio, an Maria sit vxor mea, teneor ei reddere debitum, & possum petere. At si dubium sit probabile, & habitum à principio, tollit inchoationem præscriptionis ante factam sufficientem diligentiam, vt est communis sententia. Ad inchoandum enim præscriptionem requiritur bona fides, tam in iure canonico, vt patet cap. vigilantis, & cap. vltim. de præscrip. quàm in iure civili, vt patet l. 1. C. de vsu cap. At si facta sufficienti diligentia, adhuc manet in dubio rationabili, incipit præscribere, & continuat præscriptionem. Sicut idem dicitur de dubio rationabili, an Maria sit mea vxor De quo, q. 3. de matrimonio, dub. 1. dicemus.

4. Concl. Dictum dubium probabile veniens incepta præscriptione secundum Soto, 4. de iusti quasi §. ar. 4. & Adrianum in 4. in materia de resti. interruptit illam, si aliàs possessor non adhibet sufficientem diligentiam ad inquirendum dominum rei. Quia iam iste videtur habere malam fidem: cum non habeat conscientiam, quod illa res sit sua, & negligat examinare cuius sit. In quo certum est, peccare mort. cum exponat se periculo retinendi alienum inuito domino rationabiliter: sed peccatum mort. nulli debet fauere, ergo.

5. Concl. Probabilius est, dubium hoc etiam non adhibita illa diligentia, non interrompere præscriptionem inceptam. Ita Comarr. in reg. possessor, par. 2. §. 3. Bannes hic, & alij, quos refert, & sequitur Silues. verb. præscriptio, 2. §. 3. & est communis Iuristarum. Quia in iure ad inchoandum præ-

præ-

prescriptionem requiritur bona fides, & ad continuandum istam solum requiritur, quod possessor non habeat malam fidem: sed qui dubitat probabiliter, an res sit sua, non habet malam fidem, cum dubium probabile sit medium inter bonam, & malam fidem, ergo. Et sic patet ad argumenta opposita.

QVÆSTIO SECVNDA.

DE FV R T O.

D. Thomas 1. 2. quæst. 66.

S V M M A R I V M.

Quid sit furtum, num. 1.

An liceat occultè accipere rem suam ab alio iniuste detentam, num. 2.

Ad quem pertineat res inuenta cuius ignoratur dominus, num. 3.

Ad quem pertineat thesaurus inuentus, num. 4.

Furtum in materia graui est peccat. mort. & qua sit materia grauis, num. 5.

An qui à multis accipit paruum quantitatem peccet mortaliter, num. 6.

An liceat furari ob necessitatem, num. 7.

I DVB. 1. *Quid sit furtum?*

1. Concl. Furtum est ablatio occultè rei alienæ inuito domino rationabiliter. Ita communiter cum D. Tho. art. 3. Et idem est de iniusta detentione alieni, quæ in conscientia reputantur furtum. Ita D. Tho. ad 2. Ex quo patet, quod probabilis præsumptio, quod dominus rei æquo animo feret acceptionem eius, excusat à furto. Et non sat est dubium de tali animo.

2. Concl. D. Thom. art. 5. ad 1. Non est furtum accipere alienum autoritate Dei, aut iudicis, sicut Israelitæ ex mandato Dei omnium domini spoliauerunt Ægyptios, Exod. 12. Item. Qui occultè accipit rem suam ab alio iniuste detentam, etsi peccet contra iustitiam legalem usurpando officium iudicis, ait D. Tho. ad 3. sed nihil restituer, cum non acceperit alienum. Sat erit dicere ei, quod illam

iam

iam acceperit, ne sit sollicitus in restituendo eam, si id possit facere sine suo graui damno. Imò si sim certus, me non posse via iuridica recuperare rem meam ex defectu probationis, aut ob malitiam iudicis, aut quia amittam creditoris gratiam, aut aliter, possum clam illam accipere. Ita *Caiet. Bannes, & communiter*, 1. 2. q. 66. art. 5. Nec hoc scientes tenentur illud reuelare, etiam sub excommunicatione interrogati. Et ista certa sunt, dum aamen accipiens certò sciat, rem acceptam sibi deberi. Nam in dubio melior est conditio possidentis. Vnde famuli nihil possunt clam accipere à dominis ultra salarium taxatum, allegantes non sibi satis solui pro seruitio, nisi certè constet, salarium esse minus iusto, vt ait *Nasar.* cap. 17. num. 108. Vbi addit, quòd assumens illum, qui suas operas locare consuevit nullo taxato pretio, tenetur ei, quod alteri simili dare, si conduceretur. Et ad idem tenetur, qui alium occupat in alio seruitio post impletum ministerium, ad quod est conductus.

3. Concl. *D. Thom. art. 3. ad 2.* Non est fur, qui accipit sibi inuenta, quæ non fuere alicuius, vt sunt lapilli, gemmæ in litore maris repertæ. Talia enim primò occupanti iure naturæ conceduntur. Nec est fur, qui animo restituendi accipit quod de proximo fuit alicuius, sicut nec qui sibi accipit alienum habitum pro derelicto. Ita *D. Thom. ibi.*

4. Conclusio. *D. Thom. loco cit.* Inuentum cuius dominus diligenter inquisitus non comparet, iure naturæ fit inuentoris. Ita *Orellia, Bannes, & communiter Thomistæ Ludou. Lop. tom. 1. cap. 151, Sarmient. lib. 9. selectar. cap. 10. & alij contra Nasar. cap. 17. num. 170. & Couar. in regul. peccatum 3. par. §. 1. num. 5.* asserentes esse erogandum pauperibus. Et *Couar.* allegat pro se *D. Thom. 2. 2. q. 62. art. 5. ad 3.* Sed *D. Thom.* ibi agit de iniuste acquisitis, quorum dominus diligenter inquisitus ignoratur, vt patet ex contextu, de quo *Bannes dub. 7. ibi.* De inuentis enim agit *D. Thom.* hic, & censet esse inuentoris. Nec etiam sunt reddenda pro redemptione captiuorum, vt ait *Bannes, Soto, 5. de iustitia, quest. 3. art. 3. & communiter contra alios.* Nam vt ait *Enriq. tom. 1. lib. 7. cap. 36.* solum sunt applicata per legem Regni redemptioni captiuorum bona dicta (*Mostrencos, de la res*) vt sunt iumenta, pecudes, & similia animalia. Et nouissimè in prag. Matriti edita 10. die Februar. anno 1623. applicantur ista pro nuptijs mulierum pauperum, & orphanarum. Et sic enim ista, sicut & alia,

3

alia,

alia, eorum domino diligenter inquisito, & non inuento, iure naturali, & communi sient inuentoris: tamen circa ista sunt seruandæ leges Castellæ, *lib. 6. ordina. tit. 12. l. 1* ubi habetur, quod illorum inuentor tradat ea iudici, vt in diebus mercatû voce præconis dominus inquiratur, & non inuento dentur eum ex privilegio Regis competunt. Et lex ista, *quidquid dicat Mann. Rodr. in sum. 1. par. cap. 41. num. 2. & Aragon. 2. 2. q. 66. art. 5.* obligat in conscientia, vt ait *Bannes*. Sed adhuc ista non sunt reddenda antequam petantur, vt postea dixit *Mann. Rodr. in qq. regul. tom. 1. q. 38. art. 4.* Et adhuc petita sunt danda, si perseverent in propria specie apud inuentores, non si sint erogata in pios vsus, maxime de consilio Confessoris, vt ait *Nau. in man. cap. 17. num. 393.* Imò & potest istorum inuentor pro istis componi cum Bulla compositionis, vt sibi ibi concedatur, nec tenetur tunc amplius restituere.

- 4 §. Conclusio. *D. Thom. loco citato.* Stando in iure naturali, licet inuentori thesauri illud retinere ubicumque inueniatur. Sed stando in iure communi, & Hispano, thesaurus arte magica inuentus applicatur fisco. Ita *l. 2. C. de Thesaur. & l. 44. tit. 28. part. 2.* Sed cum istæ leges sint pœnales in odium Artis magicæ, non obligant ante sententiam iudicis. Ea idem dic contra *Nau. cap. 17. num. 172.* de thesauro de industria inuento in alieno fundo applicato per leges domini fundi. Nam leges istæ sunt pœnales. Secus de thesauro casu inuento in alieno fundo per dictas leges diuidendo inter inuentorem, & dominum fundi. Quæ leges quoad hoc non sunt pœnales, contra alios, sed positivæ, iustæ, ordinatæ ad componendas lites inter inuentorem, & dominum agri. Vterque enim poterat contendere thesaurum esse suum, alter titulo inuentionis, alter titulo domini agri. Ita *D. Thom.* Potest tamen, qui scit in alterius agro latere thesaurum, emere illum agrum, & retinere sibi totum thesaurum. Hoc enim approbatur à Christo Matthæi 13. in parabola ementis agrum. Et patet: Nam si ignoraret ibi latere thesaurum, licitè emeret talem agrum: sed scientia emptoris circa ea, quæ non pertinent ad substantiam rei, non augeat eius valorem, ergo. Imò *lex 6. Castella lib. 6. ordina. tit. 12.* quæ thesaurum etiam in proprio fundo inuentum applicat Regi, excepta inuentori quinta, aut quarta parte, non est pœnalis, sed positiva, & iusta, vt ait *Bannes, & communiter contra Siluest. verb. inuentum, & contra Soto.* Imò *D. Anton. 2. par. tit. 3. §. 9. cap. 1.*

cap. 1. & Palud. num. 4. d. 15. q. 3. art. 5. dicunt esse communent
vsum in toto orbe. Sed quia lex ista est velut impositiua tribu-
ti, intelligitur vt aliæ leges tributorum, quod liceat inuentorẽ
retinere Thesaurum dum non petitur, & petitus reddatur sine
dono. Ex quo patet à fortiori, esse iustam legem applicantem
Regi mineralia, vt patet l. 6. tit. 28 par. 3 Quia ista sunt velut
fructus, quos terra parit pro defensione patriæ, & cum Regis
sit illam defendere, meritò ei cedunt.

Nos. prædicta procedere de Thesaurò propriè sic dicto,
qui est vetus depositio pecuniæ, cuius nulla extat memoria,
ita vt dominium non habeat. Ita l. nunquam, §. Thesaurus,
ff. de acquirendo rerum dominio. Sed loquendo de Thesaurò
impropriè sic dicto, qui est depositio pecuniæ, aut alterius rei
pecunia æstimabilis, reconditæ sub terra causa honoris, aut
lucris, certum est inuentorem non acquirere eius dominium:
eum non habeatur pro derelicto, sed ordinetur in vtilitatem
Reipublicæ, aut dominorum. Nisi aliàs recondatur in sepul-
chris superstitionis gratia pro cultu idolorum, & falsæ reli-
gionis, sicut fit inter Mauros, & olim inter Indos. Accipien-
tes enim hoc, non restituant.

Dub. 2. An furtum sit peccatum?

1. Conclusio. Furtum ex genere suo est peccatum mortale,
eum ex natura sua habeat sufficientem materiam ad destru-
endam charitatem, & pacem. Sed ex paruitate materiæ sit pec-
catum veniale. Ita D. Thom. art. 6. Sed in assignando mate-
riam grauem pro peccato mortali, furti non datur certa regu-
la, sicut nec pro alijs peccatis; sed arbitrio prudentium relin-
quitur, qui ex varijs circumstantijs loci, temporis, copię,
inopiæ pecuniæ, hoc taxant. Vbi nota in furto duplicem ma-
teriam grauem assignari: vna ex parte personæ, à qua res su-
ratur attento damno ei euienti ex ablatione rei suæ. Si
enim damnum sit graue, materia ablata censetur grauis cum
illo respectu, vt si à futoce furetur acus, quo victum lucra-
tur. Altera materia est grauis ex se, & obiecto. Circa quam
variant Doctores, alij taxantes duos argenteos, alij à qua-
tuor vsque ad sex. Sed hæc taxa non videtur sufficiens. Nam
in vna Prouincia tanti æstimatur vnus argenteus, quanti
in alia duo, & tantum illo, quantum istis emitur. Et pro
diuersitate temporum variatur valor pecuniæ, sicut & alia-
rum rerum, iuxta copiam eius, & inopiam. Melius ergo
taxatur materia grauis, vt sit illa, quæ est permutabilis pro

re alicuius considerationis, & momenti. His positis sic

2. Conclusio. Qui furatur materiam grauem primi generis, non est fur, peccat tamen mortaliter ob damnum illatum, quod reparare tenetur, cum notabiliter lædat proximum.

3. Conclusio. Qui accipit etiam ab homine ditissimo materiam ex obiecto grauem, peccat mortaliter. Quia furtum ex genere suo est peccatum mortale, ergo semper erit mortale, quoties furatur materia grauis. Quia ad hoc est impertinens damnum alteri illatum. Aliàs non peccaret mortaliter, qui à Rege furaretur mille aureos cum parum illud lædat: nec qui à multis furando vnum assem veniret ad materiam mille ducatorum, cum paruum damnum singulis inferat. Consequens tamen falsum est. Nam etsi singuli sint parum læsi, tamen fur iste habet in suis bonis plus notabiliter, quam debet habere: quod etiam cauetur à virtute iustitiæ.

6 4. Conclusio. Qui ab vno, aut multis furatur paruam quantitatem animo deueniendi ad materiam grauem, in quouis furto peccat mortaliter ob illum animum. At si sine illo animo per furta parua deuenit ad materiam grauem, secundum aliquos, actus, quo attingitur materia grauis in virtute præcedentium, est peccatum mortale, dum tamen vltimum furtum præcedentibus moraliter coniungatur, nec sit notabilis interruptio inter illa furta. Sed verius ait *Navar. cap. 17. num. 140.* quod nunquam peccauit mortaliter, sed tenetur sub peccato mortali restituere illam materiam grauem minutatim furatam.

7 Dub. 3. *An liceat furari ob necessitatem?*

1. Conclusio. *D. Thom. art. 7.* Si necessitas sit euidentis, & maximè vrgens, ita vt ex ea graue periculum, cui aliter non subuenitur, imminet, licet pauperi sibi accipere necessaria ex alieno, nec tenetur sic extremè egens restituere, si veniat ad pinguiorem fortunam, contra *Navar. cap. 17. num. 55.* Et patet, quia diuisio, & appropriatio rerum est introducta iure gentium ob bonum, & pacem orbis, sed ius gentium non derogat iuri naturæ, quo in extrema necessitate omnia sunt communia, ne orbis pereat, ergo.

2. Conclusio. Diues ex sola charitate tenetur subuenire extremè indigenti: sed ex iustitia tenetur non impedire eum accipientem sibi necessaria. Et si impedit, potest extremè egens illa accipere vi. Nam ista vis non est aggressio, sed defensio. Et impeditor tenetur restituere damna secuta ex suo impedimento.

Dub 4.

Dub. 4. *An rapina sit peccatum?*

1. Conclusio. *D. Thom. art. 8.* Affirmatiua. Quia rapina est ablatio alieni vi, priuata auctoritate. Imò & iudex accipiens ab alio aliquid contra iuris ordinem est raptor, & restituere tenetur.

2. Concl. *D. Thom. art. 9.* Rapina est granior furto: cum per eam inferatur damnum in diuitijs, & iniuria in personam: at per furtum solùm inferitur damnum in diuitijs.

QVÆSTIO TERTIA. DE EMPTIONE, ET VENDITIONE.

D. Thom. 2. 2. quæst. 77.

S V M M A R I V M.

Triplex regula iuxta quam taxantur pretia rerum, num. 1.

An liceat vendere rem pluris, vel emere minoris quam valeat, num. 2.

Taxa tritici obligat ex iustitia, num. 3.

An talis taxa obliget pro annis sterilibus, num. 4.

An permissio violandi taxam conferat ius in conscientia, nu. 5.

An liceat ultra taxam tritici reportare expensas asportationis, num. 6.

An liceat titulo gratitudinis aliquid accipere ultra taxam, num. 7.

An qui emit triticum ultra taxam possit illud vendere eodem pretio, quo emit, num. 8.

An volenti vendere triticum liceat miscere illud paleis, nu. 9.

An sit facienda taxa pro pane cocto, num. 10.

An liceat omnibus vendere panem coctum, num. 11.

An sint licita monopolia, num. 12.

An contractus cum deceptione citra dimidium iusti pretij transferat dominium, num. 13.

An venditor teneatur aperire vitium sua mercis, num. 14.

An mercator teneatur minuere pretium sua mercis, quia nouit futuram copiam talis mercis, num. 15.

An liceat negociando vendere carius rem quam sit emptæ, num. 16.

An liceat vendere res in malum ordinatas, num. 17.

I **D**VB. 1. *An liceat vendere rem pluris, aut emere minoris, quam valet.*

1. *Conclusio.* Pretia rerum non constant ex natura rei ; sed taxantur à lege, vel consuetudine, attenta eorum utilitate in ordine ad vsus hominum . Pro quo triplex regula assignatur . 1. *Regula est.* Lex humana Reipublicæ Regis, aut alterius habentis ad hoc auctoritatem . Et pretium sic taxatum consistit in indiuisibili, vel ex parte magnitudinis : vt in taxa tritici, vbi taxatur pretium 18. argenteorum, ita vt hoc pretium non excedatur, etsi ab eo aliquoties deficiatur : aut ex parte paruitatis, vt in censibus redimibilibus, quæ non possunt minoris emi, quam viginti pro vno, bene tamen maiori pretio, aut ex parte vtriusque, vt quando ædiles taxant pretium ciborum . Et si dictæ taxæ fiant arbitrio prudentum, attenta rerum utilitate ad vsus hominum, copia, & inopia, & sumptibus factis erga illa, erunt iustæ, & obligabunt . 2. *Regula est Communis vsus fori.* Et hoc pretium non consistit in indiuisibili, sed variatur ex circumstantijs loci, temporis, copię, inopię mercium, & mercatorum . Copia enim mercis cum inopia emptorum minuit pretium mercis : & copia emptorum cum inopia mercias, auget pretium eius . Et sic omne, quod causat talem copiam, aut inopiam, auget vel minuit pretium . Nam si merces inquirat emptorem, vilescit . Quia tunc censetur esse copia illius, & inopia emptorum . Et sic ait *Navar. in Manual. cap. 23. num. 84.* quod potest quis emere rem minoris iusto pretio, si eius venditio multum refert venditori, & parum emptori, vt qui solo victu locat operas operarij . At si emptor inquirat mercem, crescit pretium ob contrariam rationem . Item si simul venditur magna copia mercium, vilescit pretium . Quia est inopia emptorum sic ementium . Et si venduntur minutatim, augetur pretium, cum sint multi emptores . At inopia mercis cum inopia emptorum, sicut & copia vtriusque, nec auget, nec minuit pretium, vt cum venduntur res in subhastatione . Nam etsi inquirant emptores, etiam voce præconis : si tamen multi emptores concurrant, iustè augetur pretium . Sicut si multæ merces vendantur minutatim, & sint pauci emptores, iustè vilescit pretium . Imò in eodem tempore, & loco cum eadem copia, & inopia mercis, & emptorum, adhuc pretium non stat in indiuisibili, sed assignatur triplex pretium iustum, vtpotè infimum, medium, & rigorosum, iuxta quod

quod potest vendi vlna panni pro decem, pro vndecim, pro duodecim.

3. *Regula.* Pro rebus, quæ non veniunt communiter in vsus hominum, vt gemmæ, &c. est conuentio inter emptorem, & venditorem secluso dolo, & hoc pretium multo minus consistit in indiuisibili, sed variatur ex dictis.

2. *Conclusio. D. Thom. art. 1.* Iniustum est vendere rem pluris, aut emere minoris, quam valeat, per se loquendo, nam aliquando per accidens licebit, vt patet in hortulano habente mulam vitiosam, quæ prodest ei vt sana, tunc si ille non exponit eam venditioni, sed in gratiam tui vendit eam, potest recuperare in pretio damnum, quod incurrit ex eius venditione.

3. *Conclusio. D. Thom. art. 1.* Non licet vendere commodum, quod reportat emptor ex re empta. Tum, quia hoc commodum est ipsius emptoris. Tum, quia res debent appetriari, secundum quod seruiunt communibus vtilitatibus hominum, & non secundum quod seruiunt vtilitati istius particularis.

Dub. 2. *Circa 1. Regulam. An taxa tritici obliget: scilicet 3 in Hispania.*

1. *Conclusio.* Rex per suam legem potest taxare pretia rerum: Et ita expedit conseruationi boni communis, maxime pro rebus communiter singulis necessarijs, sicut triticum.

2. *Conclusio.* Taxa tritici obligat non solum ex obedientia, sed etiam ex iustitia. Et patet: Quia habito maturo consilio cum prudentibus, & consideratis circa triticum communiter euenientibus, & expensis regulariter factis ab agricolis, taxatur faneca tritici pro 18. argenteis. Nec in hoc sunt attendenda damna, aut commoda vnus, vel alterius, nec excessus vnus tritici supra aliud. Tum, quia excessus expensarum, & qualitatis tritici regulariter est paruus. Tum, quia non taxatur in hoc infimum pretium pro viliiori tritico, nec supremum pro perfectiori, sed medium vtrique proportionatum. Quod maxime expedit pro mercibus ita necessarijs, & in quibus non est ita notabilis excessus, vt in vinis, pro quibus omnibus esset iniustum taxare idem pretium.

Dub. 3. *An dicta taxa obliget etiam pro annis maximè sterilibus?*

In hoc. 1. Sententia negat. Ita *Manuel Rodr. in sum. 2. par. cap. 79.* Et probat 1. Quia iuxta *D. Thom. 2. 2. q. 66. art. 7.* ob necessitatem frigoris, licet furari ligna, ergo ob necessitatem

sanis licet non seruare taxam. 2. Lex Ecclesiæ non obligat cum periculo vitæ, ergo nec lex civilis.

2. *Sententia ait*, Esse iniustum velle quòd triticum eodem pretio vendatur tempore copię, & sterilitatis. Quia sicut pretium aliarum rerum, sic & tritici crescit, aut decrescit iuxta eius copiam, & inopiam. Ita *Molin. tom. 2. de iustitiâ, d. 364.* Et addit *ex Nauar.* quod in maxima necessitate tritici tollitur eius taxa. Et ita tenet communiter Schola Patrum Societatis.

1. Conclusio. Ista taxa obligat pro annis maximè sterilibus. Ita communiter Thomistæ, *Medin. Bannes, Orellæ, Mondragon.* & consiliarij Regis timorati, & docti: qui omnibus pensatis iuxta dicta *dub. 2.* fecerunt dictam taxam, & præcipiunt ab omnibus seruari, & puniunt violatores. Et cum ipsi habeant magnam copiam tritici vendendam, & confiderent rationes, quæ sunt in oppositum taxæ, nihil innouant annis sterilibus.

2. Conclusio. Sententia opposita est improbabilis. Ita *Ledesma. in sum. 2. par. tract. 8. cap. 32.* Et patet. Tum rationibus dictis. Tum, quia, vt Molina fatetur, quando dubium fit, an taxa obliget, standum est pro taxa; sed in nostro casu ad minus versatur ingens dubium, an obliget taxa, ergo.

Ad 1. oppositam dico, Quòd D. Thom. non ait esse licitum furari, nec vllus sanæ mentis hoc dicere potest: cum furtum sit intrinsecè malum, sed solùm ait licere in extrema necessitate accipere alienum: ista verò acceptio non est furtum, vt ibi ait D. Thom.

Ad 2. dico. Ita esse, quòd leges humanæ, non obligant cum vitæ periculo, sed ex hoc non sequitur, quod possint vendere triticum pluris pretio taxato, cum non patiaris aliquam necessitatem, qua cogaris sic vendere. Ad Molinam dico, verum esse antecedens, sed ex hoc non sequitur, licere excedere taxam, sed quod infra illam taxetur pretium maius, aut minus: iuxta eius copiam, & inopiam. Ex dictis patet non licere vendere triticum, aut alia, computando sumptus, laborem, & industriam, v. g. si faneca tritici constat agricolæ, 20. argenteis, non potest eam illo pretio vendere. Ita *Man. Roir. in sum. c. 79. Cord. in sum. q. 84 Palud. lib. 4. de contract. c. 2. Gutier. in pract. lib. 2. q. 180. Ledesma. loco citato contra Mexiam.* Quia taxa non attendit bonum, aut damnum particulare, sed bonum commune. Item, si vrät Mexia,

xia,

nia, liceret venditori tritici seruare se indemnem, liceret alijs negotiantibus semper lucrari aliquid in suis contractibus, quod falsum est, vt ait *Sos. 6. de iustitia, quest. 2. art. 3.* & communiter Doctores taxantes semper pretia rerum iuxta earum copiam, & inopiam.

Dub. 4. *An permissio violandi taxam conferat ius in conscientia.* 5

1. Conclusio. Si Rex, Regale consilium, aut alij ex istorum commissione dicant, quod nulli vetetur vendere triticum pretio possibili, talis permissio est dispensatio taxæ.

2. Conclusio. Si ista permissio ita fit, quod aliqui taxæ violatores, etsi non omnes, puniuntur; talis permissio non dat licentiam violandi taxam. Quia ex hoc, quod aliqui puniuntur, non consentit Rex tali violationi. Ita *Ludou. Lop. in sum. 1. par. cap. 226.*

3. Conclusio. Si Rex potens sine scandalo punire taxæ violatores, & cogere vt afferant triticum, non facit, sed dissimulat: probabilius est talem permissionem dare licentiam violandi taxam. Nam iuxta regulam iuris, qui tacet consentire videtur. Ita *Panor. in cap. circa, de consangu. Medin. C. de resist. q. 56 Butrio, vt refert Siluest. verb. lex, q. 6. Cord. in sum. quest. 78. & communiter.*

4. Conclusio. Solis agricolis conceditur iam in prag. edita Eboræ 18. Maij anni 1619. vendere sine taxa, & decoquere ad vendendum solum triticum à se collectum, dum tamen singulis annis vsque in finem Octobris illud coram iudice ubi fuit collectum registretur, ne vltra à se collectum sic vendant.

Dub. 5. *An liceat vltra taxam tritici reportare expensas asportationis.* 6

1. Conclusio Affirmatiua; cum ita concedatur in pragmatica. Et istæ expensæ possunt reportari etiam à nobilibus, & communitatibus vendentibus triticum suorum reddituum, etsi illi non soluerint suis agricolis tales expensas. Quia ex eo quod agricolæ obligantur asportare gratis triticum in nobilium domos, recipiunt ab istis alia beneficia æquivalentia. Ita *Manuel Rodr. & alij contra Ledesn.* Item pro obligatione quærendi triticum ponendum, v. g. Matruci, potes vltra dictas expensas plus accipere ad arbitrium prudentum, cum ista obligatio, & diligentia sit distincto pretio æstimabilis.

2. Conclusio. Licite permutatur triticum emptum pro 14.

argenteis pro empto pro 10. ob expensas. Et qui accepit triticum 20. argenteorum non potest illud vendere pro 20. sed pro 14. Et qui accepit triticum 14. argenteorum potest vendere illud pro 20. argenteis: quia hoc moraliter attendatur. Nam supposito, quod utrumque triticum in se est æqualis valoris, & per illud cambium non sit permutatum pretium tritici, sed eius substantia: cum pretium pendeat ex expensis, quæ in cambientibus remansere, quiuis eorum potest vendere suas expensas. Ita *Ledesm. loco citato*. Ex quo infert, quod qui miscuit decem fanecas tritici emptas pro 14. argenteis, cum alijs emptis pro 20. potest vendere dimidias pro 20. & aliàs pro 14. Sed melius faciet vendendo omnes pro decem, & septem, *subiendo el precio de unas, y baxando el de otras*.

7 *An liceat titulo gratitudinis aliquid accipere ultra taxam?* Dico, quod si illud sine vi, & dolo offertur ab emptore pro gratia sibi dandi triticum, & non alijs, in tempore necessitatis licebit illud accipere. Ita *Ledesm. Manuel Rodr. & Medin. q. 36. de restit.* cum illud amplius non titulo pretij, sed gratitudinis detur. Sed diligenter attende, an voluntariè detur. Et si excessus sit magnus in casu dubij non censeatur gratis datus; quia illa gratia non est digna tanta gratificatione, & sic restituatur.

8 *An verò qui emit triticum ultra taxam, v. g. pro 10. argenteis possit illud vendere pro eisdem?* Ad hoc dico, quod si illud pretium fuit iustum ob expensas asportationis, potest vendi illud pretio. Secus si fuit iniustum ob deceptionem, aut aliter. Quia deceptio illa non confert ius vendendi triticum, sicut nec alia, ultra pretium iustum. At hoc non intelligitur de tritico sic empto à Republica pro victu civium; quia tunc ciues soluent totum pretium datum, sicut qui mandavit alteri emere triticum pretio sibi possibili.

9 *Dub. 6. An liceat habenti triticum purgatum, & volenti vendere illud, miscere illud paleis quibus regulariter colligitur, & venditur?*

1. Conclusio. Probabile est non licere. Ita *Medin. in sum. Ledesm. 2. par. tract. 8. cap. 32. & Manuel Rodr. in sum. cap. 79. num. 10.* Nec est idem, dicunt isti, de vendente triticum cum paleis, quibus regulariter colligitur; quia iste non utitur dolo, sed triticum bonum, aut malum vendit, prout Deus dedit.

2. Concl. Probabilius videtur oppositum. Ita *Lud. Lep. 10. 1. c. 192.* quia etsi isto vtatur dolo, tamen pretium rei attenditur ex eius valore: sed triticum post purgationem paleis mixtum est ita bonum sicut & alterum ex area collectum cum mixtione palarum: ergo potest eodem pretio vendi. 2. Si petas à me triticum ita purum ac defertur in molendinum, possem pro faneca ita purgata maius exigere pretium: ergo similiter. Ad arg. dico, quod dolus inducit obligationem restituendi quando in re intulit inæqualitatem, & iniustitiam, vt si petas triticum in loco humido, vt sic turgescens plures impleat modios.

Dub. 7. *An sit taxa pro pane cocto.*

Concl. Iudices, & rectores sub peccato mort. & obligatione restituendi damna, tenentur taxare panem coctum: cum ita sibi præcipiatur in pragmatica tritici, & ratione officij tenentur ex iustitia seruare istam legem. Et intelligitur per se loquendo. Nam aliquando melius faciunt panem non taxando, vt si ex hoc deficiat panis. Ita *communiter Doctores*. Sed non ex hoc poterunt pistori vendere tunc pro suo libito panem, sed pretio moderato deductis expensis. Imò & hoc ipsum debent attendere iudices taxantes panem. Quia si vnum triticum sit emptum pro 14. argenteis, aliud pro 20. aliud pretium erit taxandum pro pane tritici 14. argenteorum, & aliud pro pane tritici 20. argenteorum. Alias erit iniusta taxatio, & cum obligatione restituendi excessum, aut defectum iusti pretij.

An liceat omnibus vendere panem coctum. Dico 1. Peccant mor. contra obedientiam legis vendentes per se, aut alios panem coctum, exceptis pistoribus, & agricolis in casibus sibi concessis; quia alijs hoc vetatur lege maximè expediente bono communi, aliàs nullus venderet triticum, sed panem coctum, vt sic plus lucraretur. Et intelligitur per se loquendo, quia clerici licitè vendunt panes sibi in Ecclesia oblatos, vt ait *Ledes. & Man. & Ro.* Nam lex dicta lata est in eos, qui in fraudem pragmaticæ tritici, non vendunt triticum, sed panem, vt sic plus lucrentur.

Dico 2. Non peccas contra iustitiam vendendo panem coctum pretio iuste taxato pistoribus obligatis, aut pretio iusto: currente si non sit taxa, dando pistoribus obligatis pro obligatione vendendi panem, iuxta dicenda dub. 11. Et intelligitur tamen panis istius voluntariè vendentis habeat similes expensas panis taxati. Nam si, v. g. sint diuersa pretia, aliud

pro pane tritici, 10. argenteorum, aliud pro pane tritici 14. argenteorum, non possum vendere panem tritici 14. argenteorum pretio panis tritici 20. argenteorum. Ita *mann. Rodr. & Lud. Lop. in instruct. nego. lib. 1. cap. 15. & Gutierrez in pract. lib. 2. q. 181.*

12. Dub. 7. *An sint licita monopoliæ; vtpotè, cum merces reducuntur vendenda ad paucos venditores.*

1. Conclusio. Licetè conceditur alicui in præmium sui laboris venditio alicuius mercis, sine damno Reip. sicut conceditur auctoribus librorum, vt ipsi soli eos vendant: quia sic alij excitantur ad studium, & laborem.

2. Conclus. Non licet illud concedere pro rebus maximè necessarijs, nisi aliàs vrgeat maxima necessitas & Rex taxet pretium istarum mercium. Quia ex inopia venditorum crescit pretium. Imo si præueniendo alios emptores emis res non ita necessarias, vt postea alijs carius reuendas, ex eo quod tu solus eas vendis, peccas mortaliter contra iustitiam. At si alij emerunt sibi necessaria, licetè emis quod superest, vt postea tempore inopiæ vendas etiam carius. Nam hoc utile est ciuibus cum tunc habeant merces velut in deposito pro tempore necessitatis, nec extra oppidum deferantur. Et intelligitur hoc seclusa lege in contrarium, sicut in Hispania est lex vetans emptionem tritici ad reuendendum. Et qui oppositum facit peccat mortaliter contra istam legem, aliàs importantissimam.

3. Conclus. Non licet venditoribus pacisci inter se, v.g. de non vendendis calceis, nisi tanti; quia ablato isto pacto, minoris emerentur. Et idem est de emptoribus inter se conuenientibus de non emendis mercibus nisi tanti. Excusabuntur autem emptores si illud pactum fecere, vt redimant vexationem venditorum, qui dictum pactum prius fecerunt. Quoties ergo ratione monopolij fit excessus, aut defectus in pretio iusto, restituetur. Et si quis ignorando monopolium vendidit pretio currente, ablata ignorantia, restituet ratione rei acceptæ excessum iusti pretij. At qui fecerunt monopolium, restituent etiam ratione iniustæ acceptionis excessum pretij, etiam ab alijs reportatum, dum alij non restituant.

13. Dub. 9. *An contractus ubi interuenit deceptio citra dimidium iusti pretij, cui in iudicio ob vitandas lites denegatur actio; transferat dominium.*

1. Conclus. Si vterque contrahens ignorando pretium mer-

cis

cis bona fide se commisit fortunæ æquali, valet contractus, nec tenetur læsor refarcire damnum: cum sit seruata in hoc omnis æqualitas.

2. Concl. Si vterque contrahens bona fide ex ignorantia antecedenti, seu dante causam contractui, celebret illum, non valet contractus. Et tenetur læsor refarcire ratione rei acceptæ, & restituere rem cum fructibus quos secum habet, aut id in quo ditatus est, demptis expensis; quia res suo domino fructificat. Et si velit sibi retinere rem, vñ sibi conceditur, l. 2. C. de rescind. vend. restitutis fructibus perceptis secum habitis, aut id in quo factus est ditior: cum nondum comparasset dominium rei, supplebit pretium rei. Et intelligitur conclusio, quando excessus est magnus, nam si sit paruus, vt si pro re valente decem dentur nouem, secundum rectam prudentiam non censetur venditor inuoluntarius circa substantiam contractus, sed circa defectum pretij, & sic hoc solum suppleatur. Et à fortiori patet, contractum celebratum mala fide ex parte lædētis, & cum ignorantia ex parte læsi, esse nullum, & teneri læso rem ratione iniustæ acceptationis restituere læso rem cum fructibus etiam consumptis, demptis expensis. Nisi alias excessus, aut defectus sit paruus; quia tunc hoc solum suppleatur.

3. Concl. Contractus celebratus mala fide, sciente & volente læso vt patet in contractu vsurario, valet. Et solum restituatur excessus, aut defectus pretij, cum in hoc solo sit læsus inuoluntarius. Ita Med. & Bannes 2. 2. quæst. 77. art. 1. dub. 4. contra Contra. & Ioseph. in Flo.

Dub. 10 An venditor teneatur dicere vitium rei vendita. 14

1. Conclus. ex D. Thom. ad 3. Vitium occultum, & nocium declaratur emptori: cum contractus debeat cedere in vtilitatem amborum contrahentium. Et tenetur venditor, ait D. Thom. ad damni compensationem. Secus de vitio noto, aut non nociuo; nisi alias emptor dicat nolle rem vitiosam, aut si quæsitus venditor an res sit vitiosa, tacet, aut præuenit emptorem dicendo rem esse sanam. Quia tunc contractus est nullus, cum sit inuoluntarius ex parte emptoris. Et idem est, si res sciente venditore, est inutilis emptori: vt si miles emat equum ad bellum & alter vendat equum ad hoc inutilem. Secus si bona fide vendat ignorando intentum emptoris: ipse emptor sibi imputet, si non explicuit se. Aut si venditur emptori ad reuendendum alijs, quibus erit utilis,

lis, sed tunc facta venditione moneatur emptor de vitio rei, ut non vendatur pluris quam valet, verbi gratia, si vendo tibi vinum ad statim bibendum optimum, in breui tamen corrumpendum, teneor tibi dicere hoc vitium ut non serues illud. Et idem est de emptore qui scit aliquam latere virtutem in re vendita communiter à petitis notam, ut patet in rustico vendente gemmam lapidario, tenetur emptor dicere venditori talem virtutem, aut augere pretium ratione illius; quia res illa iuste aestimatur tanti. Nec satisfacit illius; emptor dicendo rustico, se velle manere tutum in conscientia, quòd si forte res plus valet, illud sibi donet. Quia etsi sic donet, censetur donans inuoluntarius ex ignorantia antecedente & dante causam contractui & sic contractus est nullus *contra Caiet.* Si tamen virtus latens in re est occulta, & latens etiam peritos in illa arte, nec communiter quæritur ob illam virtutem, cognoscitur autem ab isto emptore ob raram scientiam, diuinationem, aut aliter extraordinariè, non tenetur eam manifestare, nec augere pretium ob illam. Quia iustum pretium rei attenditur ex utilitate in ordine ad vsus communes hominum: sed res ista communiter aestimatur, v. g. centum aureis secundum quod deseruit communi vsui hominum. ergo Et idem est de venditore sciente extraordinariè aliquod vitium rei venditæ, quod à petitis non cognoscitur, nec vitium reputatur.

2. Conclus Res licitè venditur iuxta valorem quem habet quando venditur. Licitè enim venditur domus pretio currente in curia, etiam à sciente curiam in breui mutandam in aliud locum. Et si emis aliquid, potes soluere in moneta, quam scis cras deponendam à suo valore. Et potes illam nunc mutare, & recipere postea valorem quem habebat, quando mutuasti, etsi non esses eam consumpturus ante eius depositionem, *contra Siluest. & Angelum verb. usura.* Quia per mutuum transferatur dominium, & res domino perit, & sicut commodum ei cedit. Ex quo patet, quòd si mutuasti decem aureos, quorum valor post mutuum est auctus, non potes eosdem, aut valorem auctum recipere, *ut ait Soto, 6. de inst. q. 1. art. 2.* nisi esses illos seruaturus in tempus augmenti, *ut ait Silu. & Nau. in comment. de usuris, nu. 48. & colligitur ex cap. nauiganti, de usu. & aliàs sit de hoc præmonitus mutuatarius, iuxta dicenda, q. 5. de usu. dub. 7.* Et sermo est modò de aureis in ratione monetæ. Nam consideranti in ratione metalli, potest obligari mutuarius, ut reddat idè pòdus auri, *iuxta dicenda q. 6. art. 3. de cõijs.*

3. Conclus.

3. **Conclus.** Copia futura mercis à te nota non minuit pretium tuæ mercis: sed licitè vendis pretio currente. Ita *D. Thom.* 15
ad 4. Quia tunc tanti æstimatur, & scientia, aut ignorantia vendentis, sicut dixi de vendente domum, nec auget, nec minuit pretium. Et licet interrogatus de copia futura taceas, aut dicas nil scire: cum *ut ait D. Thom.* non tenearis veritatem manifestare ex iustitia. Imò etsi mentiaris dicendo, non esse futuram copiam: si aliàs ex tuo mendacio non creuit pretium, licitè vendis pretio currente. At si creuit, restitues augmentum, & damna secuta etiam alijs emptoribus, qui ex alijs emerunt illo pretio aucto ob tuum mendacium. Istorum enim ex causa mortalis.

Dub. 11. *An liceat negotiando vendere carius rem, quam sit empta.* 16

1. **Conclus.** Aliquoties licet, aliquoties, non. Quia *ut dixi* *dub. 1.* ex varijs circumstantijs loci, temporis, copiae, & inopiae variantur rerum pretia. Ita *D. Thom. ar. 4. ad 2.* Falsa est enim regula *Sco. in 4. d. 15. qu. 2.* dicentis, posse negotiatores lucrari quod daret Resp. ratione stipendij, si ex eius mandato negotiantur. Alias si dimidia pars mercium absque culpa negotiantis periret, posset ex mercibus remanentibus refarcire damnum & stipendium, quod daretur à Rep. ob negotiandum. Et si desert merces de longinquo, ob quod fecit maiores expensas altero, qui ex loco proximo detulit similes merces, posset ille rem eiusdem valoris, imò viliorẽ, pluris vendere, quam alter.

2. **Conclusio.** Mercatoribus obligatis licet pro obligatione aliquid accipere vltra pretium alias iustum, ob copiam, aut inopiam, quod à non obligatis reportari potest. Quia ista obligatio est distincto pretio æstimabilis à valore mercis.

3. **Conclusio.** Si do alteri rem meam, *ut vendat pro sex, & vendit pro octo*, non potest sibi retinere illa duo. Nam hoc obsequium fit regulariter, amicabiliter, & gratis. Nisi alias, *ut ait Nauarr. cap. 23. num. 97.* qui vendit soleat hoc exercere pro pretio, nec excedat pretium sui laboris, nec valorem rei venditæ: Nam si excessit valorem, reddetur excessus emptori.

Dub. 12. *An liceat vendere res in malum ordinatas.*

1. **Concl.** Non licet vendere res ordinatas solum ad malum 17
ut idola; quia hoc esset cooperari peccato emptoris.

2. **Conclus.** Licet vendere res indifferentes ad bonum, & malum.

malū. Et si aliās, ut ait *Cate.* venditor sciat emptorem male illis
 vsurum, sed sine damno tertij. Licet enim locare domos me-
 retricibus, contra *Nanar. cap. 17. num. 19* 1. *Medin. qu. 3. de re.*
sti. & contra alios relatos à *Ludo. Lop. tom. 2. cap. 191*. Nec in
 hoc venditor complacet sibi aut consentit peccato emptoris:
 cum non teneatur vitare eius peccatum hoc medio negandi
 merces, sed consilij bonis. Vide *D. Tho. 2. 2. quæst. 169. ars.*
2. ad 4.

QVÆSTIO QVARTA.

DE SIMONIA.

D. Thomas 1. 2. q. 100.

SVMMARIVM.

Quid sit simonia, & quale peccatum, num. 1.

An sit simonia offerre pecuniam nolenti aliter baptizare vel ab-
solvere in extrema necessitate, num. 2.

An liceat cum pecunia redimere vexationem in beneficijs, n. 3.

An liceat cum pecunia negotiari electionem dignioris, n. 4.

An liceat dare vel accipere pecuniam pro actibus supernatura-
libus, num. 5.

An liceat Prælati accipere pretium pro vsu sua potestatis,
num. 6.

An sit simonia accipere pretium pro omissione actus spiritualis,
num. 7.

An liceat accipere pro annexis spiritualibus, n. 8.

An liceat vendere sepulturam, n. 9.

Quid sit pensio, an sit beneficium & an liceat eam vendere,
num. 10.

An sit licita resignatio beneficiorum sub aliqua pensione, n. 11.

An sit licita permutatio beneficiorum, n. 12.

An resignatio confidentialis sit simonia, num. 13.

An sit simonia dare spirituale pro obsequio vel intuitu consan-
guinitatis, num. 14.

An sit simonia conferre beneficium pro vitando metu, n. 15.

Pœna lata contra simoniacos, n. 16.

An simoniaci semper incurrant has pœnas, n. 17.

An simoniacus mentalis teneatur restituere.

DVB. 1. *Quid sit simonia.*

1. Concl. Simonia est studiosa voluntas, id est actus voluntatis studiosus, emendi, aut vendendi aliquid spirituale, aut spirituali annexum. Ita definitur simonia per suum actum; sed per suum genus definitur sic: Simonia est irreligio, qua studiosa voluntate emitur, aut venditur spirituale, (id est supernaturale, v. g. Sacramenta, gratiæ gratis datæ, prædicatio, consilia ordinata ad salutem animæ: Theologia, siue quæ ex motione Dei interpretatur Sacram Scripturam, & numeratur inter gratias gratis datas. 1. Cor. 11. & vocatur ibi interpretatio sermonum; siue quæ ordinatur immediatè in finem supernaturalem, vt ad docendum id, quo rectè vita instituitur, hæreses confutentur, & fides roboretur) aut spirituali annexum, v. g. beneficia, prestimonia, docere Theologiam, quando hoc annectitur alicui beneficio, aut canonici. Secus si sic non annectitur: cùm alias sit naturalis; & acquisibilis viribus naturæ. Ita D. Tho. art. 3. ad 3. Nec licet accipere pretium pro licentia ministrandi Sacramenta, aduocandi, docendi Theologiam: etiam quando licet aduocato, & docenti Theologiam pretium ob hoc reportare. Bene tamen licet accipere pretium pro consilio ordinato immediatè in finem naturalem, etsi ordinetur mediatè in finem spiritualem, vt pro docendo te veritatem, quam alijs vis prædicare, aut pro consilio in ordine ad forum externum, etiam circa materiam spiritualem, vt circa matrimonium. Nam etsi res illa sit materialiter spiritualis, at formaliter, & ex parte finis est naturalis, & vendibilis.

2. Concl. Simonia est intrinsecè mala contra religionem ex parte materiæ, & contra iustitiam, dum venditur quod non est pretio æstimabile, & vendibile. Et est vetita primò & per se iure diuino; Matthæi 10. *Gratis accepistis, gratis date*, & secundariò, iure naturæ. Nam suppono quod v. g. Sacramenta, & alia sunt supernaturalia, & sic inuendibilia, & supposito, quod obtinentes ista non sunt domini illorum, nec ea acceperunt ad vendendum, sed ad communicandum gratis; ratio naturalis dicitur esse iniustam eorum venditionem, & pretium acceptum pro eis restituendum. Et idem est de rebus habentibus spiritualitatem ex annexione ad spirituale, vt beneficia: Ita Soto 9. de iust. q. 8. art. 1. & Theologi contra Canonistas asserentes istorum venditionem

venditionem solum vetari iure Ecclesiastico. Sed nostra sententia colligitur ex *D. Tho. ar. 4 ad 3.* vbi ait, ius percipiendi decimas esse spirituale. Ex quo sic supposita annexione beneficij ad titulum spiritualem saltem primæ tonsuræ pro præstimonij, licet facta ab ecclesia, est absolute spirituale, nec vendibile sine titulo cui annectitur, ergo cum vtrumque sit inuendibile, erit contra ius diuinum & naturale talis venditio.

- 2 Dub. 2. *An nolenti baptizare puerum morientem sine pretio, liceat offerre pecuniam, non in pretium, sed pro redimendo vexationem, utpotè si non sit alius qui sine pretio baptizet.*

1. Concl. Satis probabilis est sententia affirmatiua. *Palud. in 4. d. 5. Soto. q. 6. art. 1. Ricard. d. 25. art. 3. Alexand. quot. 9. Panorm. in cap. cum Ecclesia, de simonia.* Sicut extremè indigenti licet petere mutuum sub vsuris à nolente aliter mutuare, etsi vsura sit intrinsecè mala: ita in nostro casu. Quia sic offerens pecunias, nec intendit emere Sacramentum, nec cooperatur malitiæ alterius, sed redimit suam vexationem, quod erit licitum. Nisi aliàs qui vendit, faciat illud in contemptum fidei. Imò ex his colligit *Adria.* satis probabiliter *contra Caieta. & Panormitan.* idem licere in eodem casu adulto morienti sine Baptismo, aut pœnitentia. Quia etsi iste non patiatur extremam necessitatem Baptismi, aut pœnitentiæ: cum possit conteri de peccatis, sed quia hoc est difficilimum, potest suam redimere vexationem illo medio offerendi pecunias. Ita *Le-desm. cum Vislo. & Orella in sum. tract. de simonia.*

Dub. 3. *An liceat cum pecunia redimere vexationem in beneficijs.*

- 3 1. Conclusio *D. Thom. ar. 2. ad 5.* Hoc non licet ante ius acquisitum ad beneficium. Ita in *ca. Matth. de simon.* Quia sic parareretur via ad spirituale per temporale. Et intelligitur de redemptione vexationis à valente prodesse, & obesse, vt ab electoribus si sit intentione, vt profit, aut à competitoribus etiam indignis, vt desistant à præbenda. Non de redemptione vexationis à valente solum obesse vi, dolo, aut aliter iniuste. Quia hoc est merè temporale, & emibile: nec redimitur aliquid spirituale, nec sic paratur via ad illud, nisi fortè remotissime: sicut qui dato pretio addiscit necessaria ad beneficium. Ex dictis patet, quòd si litigas cum alio pro beneficio, non potes sine Papæ licentia conuenire

cum

cum eo, vt accepta pensione, aut pecunia, desistat à lite; quia sic parares viam ad spirituale per temporale.

2. Conclusio *D.Tho.ibi.* Acquisito iure ad beneficium cum confirmatione, licitè redimitur cum pecunia vexatio ab omni impediēte possessionem. Ita *cap. dilectus, de simonia*. Et est communi. Nec sic paratur via ad spirituale per temporale; cum redimens habeat totum ius ad beneficium: sed solum tollit impedimentum iuris habiti. *Ledesm.cum Orella, contra Soto.*

Dub. 4. *An si electores volunt eligere ad beneficium, minus dignum, liceat negotiari cum pecunia electionem dignioris.* 4

1. Concl. Licet dare pecuniam ne eligatur indignus. Ita communiter. Nec sic paratur via ad spirituale, proximè, sed solum intenditur, ne eligatur indignus, sed seruetur iustitia distributiva in bonum Ecclesiæ. Imò licet dare tunc pecuniam, vt eligatur dignus in communi: cum sit idem dare pecuniam, vt eligatur dignus, & ne eligatur indignus. Ita *Lod.cum Caiet. & Orella. tract. de sim.* At non licet dare pecuniam, vt eligatur dignissimus, etiam in communi, quando sunt alij digni: etiam in sententia tenente Ecclesiā habere ius ad digniorem coram digno. Quia Ecclesia tunc obtinendo dignum non patitur grauissimam necessitatem, ob quam redimendam illud liceat: sed tunc pararetur via ad spirituale per temporale illi dignissimo.

2. Concl. Si sit solus vnus dignus secundum Soto, licet dare pecuniam, vt ille determinatè eligatur. Sed oppositum est communius, quia tunc potius istius, quam Ecclesiæ redimeretur vexatio: cum Ecclesiæ vexatio satis redimatur potendo dignum in communi. Etsi postea qui dat pecuniam possit declarare electoribus: quòd solus iste sit dignus, dum tamen ad eius electionem gratis procedatur. Ita *Ledes. cum Orella.*

Dub. 5. *An liceat dare, aut accipere pretium pro actibus spiritualibus; vt pro celebrando, absoluendo, &c.* 5

1. Concl. Negatiua. Imò nec licet dare, aut accipere pretium pro labore annexo istis actibus, sicut nec pro vsu calicis, aut chrismatis: quia esset vendere spirituali annexum. Licet autem accipere pretium pro labore extrinseco istis actibus, vt pro eundo ad prædicandum, aut missandum longius, & pro obligatione celebrandi in capellanijs. Ista enim sunt temporalia, & extrinseca rei spirituali.

2. Con-

2. Concl. Licet accipere pecuniam pro Sacramentis, non in pretium, sed vt stipendium ad victum. *Hac est de fide, & colligitur ex varijs rationibus quibus hoc ostenditur. 1. Cor. 9.* Et quoties dicunt, ista esse gratis præstanda, intelligitur, idest sine pretio, non sine stipendio. Et quando in sacra Scriptura vocatur pretium, & merces, est impropria locutio. Et si pro his accipis excessiuum stipendium, eris iniustus, sed non simoniacus, cum illud non accipias in pretium. Imò si celebres, intendendo principaliter stipendium, & non cultum Dei, non eris simoniacus, cum talis intentio non dicat animum emendi, aut vendendi spirituale, sed accipiendi stipendium, etsi aliàs pecces mort. abutendò re Sacra, vt medio ad rem inferiorem. Ex his patet. 1. licere ex natura rei pacisci de tali stipendio. *Ita Cai. & Siluest. ver. simonia, & Nau. in cap. 23. nu. 106.* Et licet c. vlt. de pactis, in Conc. Trident. sess. 23. cap. de obseruandis in Missa, vetentur ista pacta, vt suspecta de simonia, sed hoc non intelligitur de obligatis ad Missandum, aut prædicandum pro aliquo tempore, qui pro tali obligatione possunt facere pactum: sed de prædicantibus, &c. semel, aut iterum sine tali obligatione. 2. Patet non licere accipere pretium pro exequijs defunctorum necessarijs: cum sint quid spirituale. *Ita c. suam, de simonia.* At possunt in illis statui pro victu ministrorum certæ oblationes, & stipendia. Pro alijs verò in funere non necessarijs, vt pro musica, & alijs deseruientibus ad pompam funeris, licet exigere pretium. Cantores etiam, organistæ, & alij similes possunt operas suas locare, cum sint spirittualibus accessoræ.

6 Dub. 6. *An liceat Prælati accipere pretium pro usu sua potestatis, v. g. pro visitandis, & corrigendis subditis auctoritatiuè; pro dispensando in votis, aut alijs Ecclesiæ legibus, pro committendo alijs vices suas, aut administratione rerum Ecclesiasticarum.*

2. Conclusio Negatiua *D. Tho. ars. 3. ad 3.* Quia ista administrantur ex potestate spirituali, ergo gratis sunt præstanda.

2. Concl. Prælati diuites tenentur alere ministros ad prædicta necessarios. Et sic isti ministri nihil possunt accipere à fidelibus pro sigillo, pro litteris testimonialibus, pro visitandis subditis, & similibus, ad quæ ex officio tenentur. At si accipiant, etsi peccent contra iustitiam, sed non sunt simoniaci: cum non accipiantur in pretium, sed vt stipendium.

ditum. Et sic in *Conc. Trid. sess. 21. c. 1.* permittitur notarijs, alias salarium à suo domino non accipientibus, accipere pro istis testimonijs, vbi de hoc sit consuetudo, aliquid alias non excedens decimam partem nummi aurei: dum tamen ex hoc nihil proueniat Episcopo, etiam indirectè.

3. Concl. Licet Episcopo non habenti sufficientes redditus, & suis ministris, accipere moderatum stipendium pro testimonijs ordinum, pro visitandis subditis, &c. Ita *D. Thom.* Et Papa accipiendo pro dispensationibus maiorem, aut minorem pecuniam iuxta earum qualitatem, id facit titulo stipendij, quo coerceat inimicos Ecclesiæ, &c. Et Episcopi accipiendo pecuniam quando absoluunt ab excommunicatione, id faciunt in poenam delicti, & non in pretium pro absolutione.

Dub. 7. *An sit simonia accipere pretium pro omissione actus spiritualis.* 7

1. Concl. Non est simonia accipere pretium pro omitendo actu spiritali ad nullam potestatem spiritalem pertinenti: v. g. pro non orando, pro non intrando religionem. Nec pro omitendo actu pertinenti ad solam potestatem Ordinis, vt pro non celebrando. Quia talis omissio nec est spiritalis in se, vt patet, nec in suo principio: cum non procedat à potestate spiritali: Character enim non respicit omissionem Missæ, sed Missæ celebrationem.

2. Conclusio. Accipere pretium pro omitendo actu etiam pertinenti aliquando ad potestatem iurisdictionis, quando hic & nunc nec elicitur, nec regulatur ab ea, vt pro non audiendo confessionem, non corrigendo, &c. quando ex officio non tenetur ad ista, non est simonia. Secus si ommissio talis actus sit authoritatiuè ex potestate iurisdictionis, vt si confessor audita tua confessione, & distante clauæ te non esse dignum absolutione, vendit negationem absolutionis. Ita *Palud. in 4. Silu. verb. simonia 9. Panor. in c. nemo, de simo.* Quia talis negatio tunc procedit à potestate spiritali clauium concessa confessoribus. Ioan. 20. qua possunt soluere, & ligare negando absolutionem. At si parochus, aut alius confessor neget absolutionem non auctoritatiuè, sed ob aliam causam, & vendat talem negationem, non erit simonia iuxta sententiam probabilem. Quia talis negatio non procedit à potestate spiritali, quæ non dicit tunc talem negationem, sed ex malitia procedit negantis.

8 Dub. 8. *An liceat accipere pretium pro annexis spiritualibus.*

1. Concl. Simonia est accipere pretium pro annexis spiritualibus, sicut ab eis dependentibus, ut pro beneficijs: quia ista non possunt esse sine titulo spirituali cui annectuntur: ergo si venduntur, erit cum illo, & sic simonia.

2. Conclusio. Non est simonia accipere pretium pro annexis spiritualibus, sicut quid præsuppositum ad illa, ut sunt vasa sacra; nam ista sunt vendibilia ex se, seclusa annexione ad spiritualia.

3. Concl. Commendaturæ datæ cum obligatione militandi, & defendendi Ecclesiam, aut in præmium militiæ præcedentis, non sunt beneficia Ecclesiastica: quia ut ait Soto, non sunt annexæ titulo spirituali professionis, sed titulo militiæ: quidquid alij dicant; & sic earum venditio non est simonia. Erit autem contra iustitiam; cum sint instituta, ut præmia militantium. Nec Papa est earum dominus, sed dispensator, & sic non potest eas vendere sine causa rationabili concernente bonum Ecclesiæ, alias venditio erit nulla.

9 Dub. 9. *An sit simonia vendere sepulturam.*

1. Concl. Vendere sepulturam secundum se consideratam, ut dicit humationem corporis defuncti, non est simonia: quia ibi non est aliquid spirituale, nec defunctus illud affert, nec locus id exigit. Secus de sepultura secundum quod quæritur à fidelibus in locis benedictis. Ita *non satis de simonia*. Quia sic dicit aliquid spirituale in ordine ad finem supernaturalem; quæritur enim ob religionem loci. Licet tamen accipere pecuniam pro sepultura ista titulo stipendij, aut eleemosynæ ad reparandam Ecclesiam, & alendos ministros, ut patet ex usu taxante talia stipendia.

2. Conclus. Vendere terram necessariam ad sepulturam in Ecclesia, ex se non est simonia: cum sit mere temporale, secus ex prohibitione Ecclesiæ in cap. *non satis, de simonia*. ista enim prohibitio facta est in ordine ad reuerentiam debitam rebus sacris, & benedictioni sepulturæ. At non erit simonia accipere pretium pro sepulturâ in loco honoratorio, aut pro iure perpetuo ad sepulturam; ista enim sunt temporalia, & per accidens vnita spiritualitati sepulturæ. Et idem ait D. Thom. ad 3. de iure patronatus ad sepulturam, aut capellam; hoc enim est temporale, & vendibile. Secus de iure præsentandi ad beneficium. Et sic licet vendendo id cui anne-

anne-

annectitur hoc ius, transeat cum eo, sed nihil addatur in pretio pro illo iure. Ita c. quia, & cap. de iure, pat. De quo Arm. ver. ius patr.

Dub. 10. *An pensiones sint beneficia.*

1. Et nota: Quod pensio est ius ad certam partem beneficii, à Papa alicui consignata, aut ex eo quod diu seruiuit Ecclesie in temporalibus, vt militando, aduocando, seu in spiritualibus, vt docendo, prædicando, &c. Aut si alicui Ecclesiastico ob impotentiam, seu aliter, datur coadiutor, cui ex redditibus beneficii datur pensio. Aut si beneficiatus priuatur beneficio, & ei datur pensio. Aut si indigenti probo Sacerdoti, ne mendicet, datur pensio. Aut si monasterio, collegio, aut hospitali pro pauperibus assignatur pensio. Aut si ob bonum pacis inter litigantes circa beneficium, alteri vt desistat datur pensio. Et tandem voluntariè resignanti beneficium, consignatur pensio. Semper enim adesse debet vlla ex dictis causis pro consignanda pensione, alias etsi non sit simonia illam consignare sine causa, erit tamen contra iustitiam commutatiuam in ordine ad habentem beneficium, cui ex iustitia debentur omnes fructus.

1. Conclus. Pensiones consignatæ ratione coadiutoris, predicationis, aut alterius ministerii spiritualis sunt beneficia ecclesiastica, cum iam illi fructus annectantur titulo spirituali.

2. Conclus. Pensiones consignatæ ob militiam, aduocariam, indigentiam, ob bonum pacis, aut ob resignationem, non sunt beneficia. Ita Soto, Caietan. opus. 17. resp. qu. 10. & Med. in sum. §. 23. contra Nauarr. c. 23. num. 111. & Lud. Lop. 10. 1. cap. 103. Et patet: Quia dictæ pensiones non consignantur titulo spirituali, sed temporali militiæ, indigentiae, &c. Nec obligantur isti pensionarii ad aliquod munus spirituale. Nec ex vi talis pensionis tenentur recitare horas canonicas. Etsi ex decreto Pii V. in motu incipiente. Ex proximo Late. Conc. illi quibus conceduntur pensiones tanquam clericis, vtpotè requirendo ab eis primam tonsuram, teneantur recitare officium paruum beatissimæ Virginis; adhuc tamen istæ pensiones manent temporales. Et idem dic contra Soto de pensione consignata priuato suo beneficio: quia iam iste non habet ministerium spirituale, ob quod sibi detur pensio; sed ei datur titulo alimentorum. Nec obstat quòd istæ pensiones antea erant spirituales ex annexione ad beneficium; quia iam per Papam sunt ab eo separatæ.

L 2 Et

Et si istes, quia istæ pensiones de licentia Papæ permutantur pro beneficijs, ergo sunt spirituales; Ad hoc dico *iuxta Adriam & Medin.* quod illa non est permutatio, sed translatio personarum, utpotè pensionarij ad beneficium, & beneficiati ad pensionem. Ex dictis patet non esse simoniam vendere pensiones, quæ non sunt beneficia: cum sint temporales pretio æstimabiles, & pretio redimibiles. Ita *Soro 9. de iust. q. 7. art. 2.* etsi non possint redimi aut vendi sine licentia Papæ. Ita *communiter contra Nauar. c. 25. n. 114.* Quia etsi istæ pensiones sint factæ temporales, manent tamen sub dispensatione Papæ, & ex causa potest eas tollere.

Dub. 11. *An sit licita resignatio beneficiorum sub moderata pensione.*

1. Conclusio. Licita est talis resignatio certis conditionibus. Prima. Quod pacta inter partes fiant omnino libere; ita ut ante Papæ licentiam non fiat pactum irreuocabile resignandi beneficium, & soluendi pensionem: etsi possint de illo pacisci, non absolutè, sed sub pœna soluenda à primo reuocante consensum. 2. Quod non interueniat pretium pro renuntiatione. 3. Quod omnis conuentio de quouis temporali declaretur Papæ, v. g. quanta sit pensio, quibus, & cuius expensis expediantur bullæ, &c. His conditionibus erit licita resignatio. Et patet ex usu, non enim interuenit hic pretium, cum pensio non sit pretium beneficij. Et qui istas condiciones non seruat, committit simoniam, & excommunicatur, priuatur, & inhabilitatur ad beneficia omnia, & alijs pœnis puniatur in motu Pij V. incipiente, Intolerabilis, Kalend. Iunij, anni 1569. *de quibus infra dub. 16.* Item resignator debet viuere viginti dies à dato consensu de resignand. Ita in *regula octaua Cancellaria*, de infirmis resignant. Et intelligitur de infirmo resignante, non de sano. Ita *Nauar. lib. 1. cons. 2. cit. de renunt.*

2. Concl. Non est simonia resignare beneficium reseruando omnes fructus pro pensione: cum hoc soleat fieri de licentia Papæ: nec ibi addit pretium, sed mere gratis fit resignatio. Sed si ista resignatio non sit in fauorem clerici diuitis, & omnino voluntarij, malè sonat. Quia tunc nec debite Sacramenta ministrantur, nec subuenitur pauperibus, quibus parochus speciali vinculo charitatis subuenire tenetur. Item. Redditi beneficij sunt stipendia laborantium; ergo est contra ius diuinum, & naturale, quod nihil detur la-

bo.

boranti, maximè quia in iure, ait Soto 9. de iust. quæst. 7. art. 2. cautum est, ne pensio excedat tertiam partem fructuum. Quod maximè est verum in beneficiis cum seruitio, & potissimè cum cura animarum.

Dub. 12. *An sit licita permutatio beneficiorum.*

1. Conclusio Non valet talis permutatio facta sine licentia, & causa rationabili. Patet ex varijs decretis in tit. de rerum permuta. Sed non erit simonia talis permutatio sine licentia attentata: cum non detur temporale pro spiritali, sed vnum spirituale pro altero. Nisi aliàs fiat cum permutationis pacto, aut pensionis obligatione. Quia iam daretur temporale pro spiritali. Ita Soto, Penna. Silu. ver. sim. Adria. quodl. 9. ad 4. & Thomista 2. 2. q. 100. art. 4.

2. Conclus. Si beneficia permutanda sint inæqualia in redditibus, potest de licentia Papæ fieri compensatio in pensione, aut pecunia statim numerata. Ita Caie. Silu. Med. in sum. §. 11. Ledes. cum Orella, tract. de simon. Et videtur colligi ex cap. ad quæstiones, de rerum permuta. contra Adria. quodl. 9. ad 5. Soto, & Nauarr. c. 23. nu. 100. Et istorum ratio est, quia ille excessus est annexus præbendæ titulo spiritali. Se ista sententia procedit quando talis compensatio in pensione vel pecunia, fit sine licentia Papæ: secus si cum illa: Quia cum Papa possit separare illum excessum à titulo spiritali, & sic maneat temporalis, potest cum licentia Papæ statim pretio redimi. Ita Ludou. Lop. c. 303.

3. Conclus. Si beneficia permutanda sint inæqualia in dignitate, habet speciem simoniæ, si fit etiam de licentia Papæ permutatio cum compensatione in pecunia. Imo Silu. Soto, q. 7. art. 2. & Ledes. cum Med. & Orella. tract. de simon. dicunt esse simoniam. Sed Nauar. veriùs tenet oppositum. Quia non censetur vendi tunc ille excessus spiritalis, sed compensatio habet rationem pensionis, quam sine vitio simoniæ potest Papa dare cui velit, etsi alias peccet si causa deficiat.

Dub. 13. *An possim resignare tibi meum beneficium sub confidentia, quod tu postea alteri resignabis, aut dabis mihi, aut alteri fructus beneficij, aut partem eorum: Et idem est de conferente, aut presentante cum eadem confidentia ad beneficium.* 13

Conclusio. Si talis confidentialis resignatio fit sub obligatione ciuili, etiam implicita, erit simonia, cum illa obligatio sit pretio æstimabilis: Secus si speretur ex gratitudine

etiam verbis explicata, cum nullum tem
 oralē detur in prē-
 tium, sed resignatio fiat omnino gratis. Si obijcias: Quia
 Pius V. in motu cit. dub. 11. vetat sub xcommunicatione
 Papæ reservata, & priuatione, & inhabitatione ad omnia
 beneficia omnes resignationes absolutē cōfidentiales: Ad
 hoc dico ex Nau. cap. 25. n. 103. quod loquitur de solis resi-
 gnationibus cōfidentialibus aliās simoniacis. Et si Ledes.
 tenet vetari ibi etiam resignationem sub spe gratitudinis,
 alias verbis, aut signis explicatam; cum ita habeat speciem
 simoniæ, sed non quando spes solū mane interius.

Dub. 14. An sit simonia dare spiritui ali pro munere ob
 obsequio, aut à lingua.

4

1. Concl. D. Tho. art. 5. Dare ista ex pacto, & obligatione
 pro spirituali, erit simonia: cum ut sic sint pretio æstimabilia,
 Secus si dentur ex liberalitate, ex consuetudine, aut ex hone-
 state. Sicut nec sic mutuare esset usura: bene tamen si ista ob-
 sequia ex pacto pro mutuo darentur. Ex his patet, non esse si-
 moniam seruire gratis Episcopo pro concilianda eius amicitia,
 ut ipse postea det gratis beneficium. Sicut nec erit usura mu-
 tuare alteri pro eius gratia habenda, ut sic iste postea det aliquid
 gratis. Nec ista obsequia habent tunc rationem pretij. Secus
 si Episcopus intendat à famulis seruitium in pretium ob spem
 beneficij, & ob hoc nullum, aut tenue salarium eis largiatur.

2. Concl. Dare beneficium consanguineo intuitu consan-
 guinitatis, etsi possit esse peccatum mort. contra iusticiam
 distributivam, utpotè, si sit indignus: sed non simonia, ut
 ait D. Tho. ad 2. Sicut nec est usura sic mutuare. Quia qui sic
 dat beneficium, aut mutuatur, non accipit in pretium con-
 sanguinitatem, cum iam habeat illam Secus, si, ut ait D.
 Thom. de alteri beneficium obligando eum, ut dicat se esse
 tuum consanguineum, ut sic nobiliteris. Hoc enim est pretio
 æstimabile, & esset usura sic mutuare. Ex dictis patet: 1. Esse
 simoniam dare beneficium alteri, obligando eum ut te laudet
 coram Rege, aut ut à Rege Episcopatum tibi obtineat. Ita
 colligitur ex D. Thom. ad 3. Quia ista tunc habent rationem
 pretij. Secus si ista petantur sine obligatione. 2. Patet: Esse
 simoniam dare aliquid in pretium famulis Episcopi, ut in-
 tercedant pro beneficio. Sic enim paratur via ad spirituale
 per temporale. Ita Soto 9. de iust. q. 7. art. 3. Navar. c. 13. n.
 109. Secus sit si sollicitatori Romæ instituto pro obtinendo
 beneficio solvatur stipendium sui laboris. Nam quod emis
 à sol-

à sollicitatore, est temporale.

Dub. 15. *An sit simonia conferre beneficium ob visandum
metum amittendi aliquod bonum.* 15

1. Concl. Conferre beneficium ob vitandum metum amittendi vitam, honorem, aut amicitiam cum altero, aut aliud bonum ad quod collator beneficii habet ius ex iustitia acquisitum, non est simonia; sicut nec sic celebrare, aut prædicare: Quia metus iste non habet rationem pretij. Ita *Adrian quodlibet. 9. citato & Soro*. Et idem est de conferente beneficium hac conditione, ut sibi solvatur debitum aliàs certum, *contra Pannam, & Ludou. Lop. tom. 1. c. 304*. Quia in dictis casibus datur beneficium omnino gratis, & nihil accipitur, aliàs indebitum, nec sic mutuare erit usura. Ita *Ledesm. tract. 23. de simonia, & communiter*.

2. Concl. Conferre beneficium ex metu, quod sibi non dabitur id ad quod quis non habet ius ex iustitia acquisitum, aut quod non conservabitur in simili bono, erit simonia, si inter sit pactum saltem implicitum inter istos, aut alios vice istorum. Quia dare beneficium ob assequendum illud bonum erit simonia, ergo similiter.

Dub. 16. *An sint pœna in iure pro simoniaciis & qua.* 16

1. Concl. Affirmativa. Et prima pœna est privatio beneficii, & pretij pro eo accepti, & inhabilitatio ad omnia beneficia, nec his dominus fructus beneficii. Ita *c. si quis Episcopus, & cap. presbyterorum 1. q. 1*. Et solus Papa dispensat in hoc, ut patet ex *c. detestabile, de simonia*.

2. Pœna est excommunicatio. *Patet loco cit.* Et intelligitur de simonia in beneficio, Ordine, aut ingressu religionis commissæ, & non aliter *contra Soro q. 8. art. 2*. Et per beneficium intelligitur etiam Prælatura religiosorum, sed non capellania fundata sine auctoritate Ordinarii, nec commendaturæ: cum ista non sint beneficia, nec vicaria temporalis: cum beneficium sit quid perpetuum, *secundum Felin. n. cap. postulastis, de rescriptis*. Et in eodem casu excommunicantur mediatores istius simoniæ: cum sint verè simoniaci. Ita *communiter Theologi, & Canonista, & habetur in extra. 2. de simonia*.

3. Pœna est suspensio à functione Ordinum simoniacè susceptorum, etiam si crimen sit secretum. Ita *D. Tho. ar. 6. ad 1.*

4. Pœna est infamia. *Patet c. sane, 15. q. 3. & depositio c. sicut, de sim.* Sed ista, ait Viçto, non incurritur ante senten-

tiam iudicis, *iuxta cap. de hoc, de simon.* Et nota quòd Sixtus V. in bulla contra malos promotos ad Ordines, etiam minores, alias statuit pœnas, quas postea Clem. VIII. bul. 21. apud Manuel. Rodrig. in bullario, voluit solum habere robur contra simoniace ordinantes, & ordinatos Et sic ibi simoniace ordinantes primo suspenduntur ibi ab executione munerum Pontificalium, & à collatione Ordinum, etiam primæ tonsuræ. 2. Interdicuntur ab ingressu Ecclesiæ. Et si spreta dicta suspensione, aut interdicto, prædictis temere se ingerant, à regimine suæ Ecclesiæ, aut monasterij; & à perceptione fructuum omnium suorum beneficiorum sunt suspensi, & à solo Papa dispensantur: Ordinati autem simoniacè, 1. suspenduntur ibi ab exercitio Ordinum simoniacè susceptorum, & sine spe ascendendi ad alios ordines. Et si ministrare præsumunt, sunt irregulares, & priuati omni beneficio, & ad illud inhabiles. Et si sint regulares, priuantur etiam vtraque voce. Sed quis dispenset in istis pœnis dicetur à nobis in tract. de suspensione.

17 Dub. 27. *An dicti simoniaci in beneficio, Ordine, & religione, incurrant semper dictas pœnas.* Et sermo est de simoniacò reali, nam de mentali dicetur dub. 18.

1. Concl. Simoniacus realis; qui cum pacto saltem implicito signis insinuato dandi & accipiendi spirituale pro temporali, de facto recipit beneficium, & dat pretium, incurrit dictas pœnas, cum sit vere simoniacus. Et intelligitur si sciens, & volens, aut saltem non renuens, recepisti spirituale pro temporali. Nam si alijs procurantibus simoniam in damnum tuum, te ignorante, aut te sciente & in bonum tuum, sed te reuente recepisti beneficium: non resignes illud; nisi postea consentias soluendo pecuniam promissam, aut reddendo solutam. *Ita cap. nobis fuit, & cap. sicut tuis, de simoni.* At si non fuit facta simonia in tuam fraudem, & damnum & te ignorante, nec volente quando id noueris, teneris ratione rei acceptæ restituere beneficium cum fructibus quos habes, & id in quo factus es ditior, demptis expensis, sed non incurris alias pœnas, *ut ait D. Tho. art. 6. ad 3. & iuxta cap. ex insinuatione de simonia.*

2. Concl. Qui obligatur exterius dare temporale pro spirituali, aut è contra, sed sine animo obligandi se, sed recipiendi spirituale, & non dandi temporale, aut è contra, non incurrit dictas pœnas. *Ita Caiet. tom. 2. opusc. tract. 9. qu. 2. Soto 9. de iust. qu. 8. ar. 1. contra Nam. cap. 25. num. 106. Quia iste*

iste non est verus simoniacus, cum non habeat animum emendi spirituale. Imò secundum Nauar. si accipit beneficium, non tenetur illud resignare.

3. Concl. Qui cum pacto dandi, & accipiendi spirituale pro temporali, soluit pretium, sed non recipit beneficium, non incurrit dictas pœnas, & pretium sibi restituitur. Ita *Ledesm. tract. de simon. cum Caiet. Vileo. & Soto*. Quia dum non est traditum beneficium, non est consummata & perfecta simonia, sed leges solum puniunt perfectam simoniam: ergo.

4. Concl. Qui cum dicto pacto non reuocato recepit beneficium, sed non soluit pretium, *secundum Sot. & Caiet. 2. 2. q. 100. ar. 6. ad 6.* non fit dominus beneficii, & sic demptis expensis restituet illud cum fructibus, non primo possessori, cum ad hoc sit inhabilis, sed Papæ, & incurrit alias pœnas. Sed oppositum est verius. Ita *Nau. cum alijs ab eo relatis, & Ledesm. cum Orellan. & communiter Thomista*: cum ista non fit simonia consummata, dum non datur pretium. Et iste est stylus curiæ antiquus, qui *ut patet ex cap. ex litteris, de constit.* non solum declarat, sed facit ius. Item, in extrauag. 2. de simon. solum puniuntur simoniaci in Ordine, vel beneficio, cum ad opus dandi, vel accipiendi peruenerint. Et cum lex ista non magis loquatur de datione prætij, quam de datione beneficii, de vtraque datione eodem modo erit intelligenda. Dixi pacto non reuocato, nam in omni sententia saltem est certum, quod si detur beneficium post reuocationem pacti de dando pretium, valet collatio beneficii. Ita *Caiet. Nau. & Soto. q. 8. art. 1.*

Dub 18. *An simoniacus mentalis teneatur restituere.* 18
Et non est sermo de habente animum emendi, aut vendendi spirituale sine effectu. Quia ille, etsi sit simoniacus ob animum: sed non punitur ab Ecclesia magis, quam homicida mentalis. Sermo est de illo, qui cum dicto animo recepit de facto spirituale pro temporali, sine pacto tamen externo etiam implicito, ipsi autem contrahentes mutuò se intelligunt.

1. Concl. Probabilis est sententia affirmatiua. *Soto Vileo. Penna. 2. 2. q. 100. art. 6.* Nam in foro externo, traditio pecuniæ ex vna parte, & traditio rei venditæ ex alia, etiam sine pacto externo, censetur vera emptio, & venditio. Item vsura mentalis in simili casu obligat restituere, ergo, & simonia mentalis.

2. Concl.

2. Conclusio. Probabilior videtur, & iuxta *cap. tua noi, de Simon.* sententia negatiua *Nauarri, cap. 21. num. 102.* vbi ait, quod est communis Theologis, & Canonistis, *Innocent. Siluest. verb. Simonia, & Caiet. cum D. Thom. art 6. ad 6.* dicente: quod si Deum sola voluntas facit simoniacum: sed quoad poenam non punitur vt simoniacus, ita vt abrenunciare teneatur. Et patet. Ille non tenetur renunciare, & restituere iure diuino, aut naturali: Aliàs Papa simoniacè mentaliter electus non esset verus Papa: quod esset periculosum, & confusione plenum. Nec ex iure Ecclesiastico: cum ibi non præcipiatur. Imò in *cap. mandato, de Simon.* cum glossa habetur, quod Monachi, qui dato aliquo sunt adepti locum in Monasterio, & Monasterium, quod pro illo concessit eis locum illum, non tenentur restituere, si nullum interfuit pactum externum.

Ad 1. primæ sententiæ dico, Probare ibi esse veram simoniā, sed Ecclesia non punit eam. Ad 2. negatur conseq. Quia vsurarius mentalis irrogat mutuatario iniuriam contra iustitiam commutatiuam, cuius violatio obligat restituere: at simoniacus solum irrogat in iuriam rebus sacris contra Religionem.

3. Conclusio. Quoties tenetur restituere qui accipit pretium pro spiritualibus, ante sententiam iudicis restituetur ei, qui dedit: cum non sit illo priuatus, & non Ecclesiæ, aut pauperibus, contra *Siluest. Caietan. Medin. Nauar. Couar. & alios.* At post sententiam restituetur Ecclesiæ, aut pauperibus. Ita *Ledesm. cum Orellam.*

QVÆSTIO QVINTA.

DE VSVRIS.

D. Thomas 2. 2. q. 78.

S V M M A R I V M.

An liceat accipere vsuram pro mutuo, num. 1.

An liceat exigere pro mutuo aliquam commoditatē, num. 2.

An liceat mutuanti deducere in pactum damnum emergens, vel lucrum cessans ex mutuo, num. 3.

An mutans possit uti pignore accepto pro mutuo, num. 4.

An

An possit retinere pignus acceptum si non solvatur mutuum, n. 5.

An liceat pro periculo recuperandi mutuum aliquid accipere, num. 6.

An liceat emere debita minori pretio quam valent ob periculum recuperandi, num. 7.

An liceat emere vilius ob anticipatam solutionem, & vendere carius ob solutionem expectatam, num. 8.

An usurarius teneatur restituere lucratum ex usura, num. 9.

An acquirat dominium usurarum, num. 10.

An contractus celebrati cum usurario valeant, num. 11.

An ministri usurarii teneantur restituere, usurario non restituente, num. 12.

An omnes consumptores usurarum, num. 13.

An heredes usurarii, num. 14.

An liceat accipere mutuum sub usuris, num. 15.

An liceat deponere pecunias apud usurarium, num. 16.

D VB. 1. *An liceat accipere usuram pro mutuo.*

1

1. Concl. Ad usuram requiruntur tria. 1. Quod interueniat pactum saltem implicitum, verbis, aut signis, quibus usurarius satis declarat mentem suam, vt si dicat, se maxime grauari ex mutuo, aut non habere alias quo viuat. 2. Quod interueniat mutuum saltem implicitum. 3. Quod lucrum accipiat pro mutuo, nec sit alias debitum.

2. Concl. *D Thom. art. 1.* Iniustum est accipere usuram pro mutuo. Nam usura est contra ius diuinum, *Luc. 6. Mutuum date nihil inde sperantes*: & contra ius naturale: cum ibi idem vendatur bis, aut vendatur quod non est. Ita *D Thom.* Nam in rebus, quæ sunt materia mutui, vt pecunia, vinum, oleum, &c. vsus est earum consumptio, nec seorsum computantur res, & vsus eius, sed cui conceditur vnum, conceditur aliud: sed usurarius separat ista, & seorsum vendit vsum istorum, ita vt pro vsu centum aureorum mutuatorum accipiat decem, v. g. vltra centum: ergo.

Dub. 2. *An liceat exigere pro mutuo aliquam commoditatem.*

2

1. Conclusio. *D Thom. art. 2.* Exigere ex pacto, pro mutuo commoditatem pecunia æstimabilem, erit usura, vt mutuari deducendo in pactum saltem tacitum, signa amicitie, aut remissionem iniurie, contra *Nauar. c. 17. num. 237.* Item est usura, ait *D Thom. ad 4.* mutuari alteri, vt obligetur remutuare,

re, aut molere etiam pretio iusto in suo molendino, seu affe-
curare suam mercem, aut vt sibi concedat affecurationem suæ
mercis. Ita *Sot. & Caiet. 2.2.q.78.art.2.* Item est vsura mu-
tuare mulieri, vt concedat actus turpes, & mutuare Regi, vt
concedat aliquod officium, aut non soluere tributa, dum sibi
non soluitur mutuum, aut mutuare alteri, vt obligetur labora-
re in vinea mutuantis. Nisi aliàs talis contractus celebretur
sub forma locationis, & pecunia non mutuetur, sed anticipatè
soluatur pro labore. Ita *Bannes 2.2.q.78. art.2.* Item est vsura
mutuare obligando mutuatarium, vt dimidium mutuum acci-
piat in mercibus. Secus si sine obligatione, dicendo se nolle
mutuare tantam pecuniam: sed quod accipiat mutuatarius, si
velit, aliquid in mercibus: tunc non erit vsura, etsi sciat mu-
tuans mutuatarium venditurum vilius illas merces. Imò licet
mutuans non possit obligare mutuatarium, vt illas merces si-
bi reuendat: tamen seclusa hac obligatione, licet mutuantis si-
cut & alijs, emere illas vili pretio aliorum. Quia idem est
pretium iustum respectu omnium emptorum.

2. Conclusio. *D. Thom. ibi.* Licet exigere pro mutuo com-
pensationem in rebus, quæ non æstimantur pretio, vt sunt
amor, beneuolentia. Et exigere pro mutuo ex sola gratitudi-
ne rem pretio æstimabilem, non est vsura, etsi mutuans expli-
cet se mutuare cum tali spe. Et dictæ conclusiones patent ex
conditionibus dictis dubio 1.

3 Dub. 3. *An liceat mutuantis deducere in pactum damnum
emergens, aut lucrum cessans.*

1. Conclusio. Licet deducere in pactum damnum emer-
gens ex mutuo, siue emergat à principio mutui, siue ex eo,
quod mutuatarius est in mora reddendi mutuum, vt si habeo
pecunias sufficientes pro reparanda domo, & hoc sciens adhuc
mutuo repetas ea, & domus ruit, quia non fuit reparata, tene-
ris ultra mutuum soluere, quæ defunt pro reparatione. Ita
D. Thom. art. 2. ad 1. Et patet; quia excelsus ille non accipitur
pro mutuo, sed pro damno, cuius causa est mutuatarius, aliàs
de eo præmonitus.

2. Conclusio. Qui extrahit pecunias à negotiatione, eo
quod non vult habere eas expositas periculo, si eas mutuet, ni-
hil potest accipere pro mutuo. Ita *D. Thom.* Benè tamen li-
cet exigere lucrum re vera cessans ex mutuo, vt si mutuans in
gratiam mutuatarij aliàs præmoniti de tali cessatione lucri,
extrahat etiam voluntariè pecunias à negotiatione. Ita com-
muniter

munitur Canonistæ in *cap. salubriter*, & *cap. conquestus*, de *usuris*, & Theologi in 4. d. 15. *Caietan. Bannes*, & alij contra *Soto*, 6. de *iustitia*, q. 1. art. 3. Et patet; quia pecunia negotiationi exposita pluris æstimatur: sicut triticum pluris æstimatur cum est in potentia ad fructificandum, ergo si mutuatarius impedit tale lucrum, tenetur illud refarcire. Et intelligitur si mutuans non habet alias pecunias præter expositas negotiationi; nam si habet, non cessat iam lucrum; nisi decreuisset illas seruare in alios vsus; quia tunc idem est ac si non haberentur. Et sic intelligitur *Nauar. cap. 17. num. 109.* dicens licere mutuanti ob mercedem sui laboris, & sui famuli in numerando mutuum, aliquid accipere. Licet enim hoc ratione lucri cessantis. Quod continget si numeretur magnæ pecuniæ summa, in quo infumitur aliquod tempus, & vacant à suis negotijs, vbi tantumdem lucraretur. Secus si parua pecunia numeretur, vbi nec consumitur tantum tempus, nec cessat lucrum, nec labor numerandi est pretio æstimabilis, sed mutuo annexus, & gratis præstandus.

3. Conclusio. Licet exigere ratione mutui totum damnum emergens, sed non totum lucrum cessans, sed consideretur lucrum vt res in potentia, quæ minoris æstimatur quam res in actu. Et deducantur expensæ, & pericula, sed non labor, & industria negotiantis. Quia mutuatarius est causa, quod iste non labore. Et sic intelligitur *D. Thom. ad primum* dum ait, licere accipere damnum emergens, non lucrum cessans.

4. Conclusio. Mutuans potest à principio conuenire cum mutuuario de pretio lucri cessantis: at non potest illud tunc accipere, vt si mutuo centum pro decem, non possum statim accipere illa decem; quia alter tunc solum accipit nonaginta, & ex istis solis cessat lucrum.

Dub. 4. *An liceat mutuanti accipienti pignus pro mutuo uti illo, dum sibi non soluitur mutuum.*

4

1. Conclus. Affirmatiua de pignore, cuius vsus solet gratis præstari, vt est liber. Secus de vsu rei, quæ solet seorsum computari ab ipsa re, vt vsus vestis. Ita *cap. cum contra*, de *pignoribus*, & *cap. ad nostram*, de *iureiuran.* & *D. Thom. ad 6.* Quia vsus iste est pretio æstimabilis seorsum ab ipsa re. Et sic si pignus sit fructuosum, fructus sunt computandi in sortem deducto labore, & expensis culturæ. Imò in sententia probabiliori contra *Hosien.* fructus, quos mutuans ex negligentia etiam leui ob defectum culturæ non colligit, sunt computandi,

tendi in sortem, si alias mutuarius illos colligeret. Ita
*glos. in c. cum contra. cit. & Panorm. ibi, & .oan. And. c. 1. & 2.
 de usuris, & iuxta c. gravis, de rest. spo. ia.*

2. Concl. Dicta doctrina regulariter est vera, sed in ali-
 quibus casibus contingit oppositum. Primò Magnates acci-
 pientes oppida in pignus pro mutuo, iuste retinent illorum
 redditus non computando in sortem, eo quod illa gubernant
 eo quod illi redditus à vassallis præstantur. Secundò. Licet
 directo domino agri feudalis sibi impignorati pro mutuo per-
 cipere fructus eius non computando in sortem: si interim feu-
 datarius liberatur à soluendo feudo. Ita *cap. 1. de feudis, & c.
 conquestus, de usuris*. Quia feudatarius non habet ius ad fru-
 ctus agri feudalis, nisi cum obligatione reddendi certam pen-
 sionem directo domino agri: ergo si illam non soluit, non po-
 test fructus capere. Secus si soluit, & seruat alias conditiones
 feudi. Quia tunc dominus deductis expensis & labore, cæte-
 ros fructus computabit in sortem. Et intelligitur, *ut ait Silu.
 verb. feudum*, dum tamen ager non sit melioratus industria
 feudatarij. Quia tunc dominus non potest capere fructus cor-
 respondentes meliorationi, etiam si alter non seruet condi-
 tiones feudi. Tertio. Licet marito dum sibi non datur vxor-
 is dos à patre, aut alio dotante eam, accipere fructus pigno-
 ris sibi interim dati, non computando eos in sortem. Ita *cap.
 salubriter, de usuris*. Quia maritus tenetur alere vxorem, &
 alia onera matrimonij ex dote: ergo dum non datur dos, po-
 test ex fructibus pignoris illa prouidere: maximè si maritus,
 ut in Castella, teneatur conseruare integram dotem. Et etiam
 si vir, & vxor habeant aliàs quo viuant. Quia non ex hoc,
 sed ex dote debet vir alere familiam. Imò & vxor iam vidua
 si adhuc non est sibi data dos potest eosdem fructus capere. Ei
 enim sicut & marito dantur loco alimentorum, & ut conser-
 uet integram dote in pro alio matrimonio. Ita *Nau. cap. 17.
 sum. 213 Silu. ver. usura, Panorem. in cap. salubriter. Fan-
 tom, 2. 2. q. 78. ars. 2. cent. Host Innocen. & Andr. ibi Item
 monasterium dum sibi non datur dos monialis, potest eosdem
 fructus capere ultra dotem, Quia dos datur ad alendam mo-
 nialem.*

*Sed an liceat marito accipere fructus pignoris excedentes
 fructus dotis?* In hoc Bannes, & alij affirmant Sed probabi-
 lius videtur oppositum. Ita *Sor. 6. de iust. q. 1. ars 2. & Silu.
 ver. usura*. Et patet ex l. Titia, ff. de sol. vbi videtur conce-
 ditur

ditur posse capere fructus pignoris adæquantes fructus dotis, & non plus: sed ius mariti, & viduæ in hoc est idem: imò maritus habet ius ad id ob vxorem: ergo.

Dub. 5. *An liceat mutuanti pacisci cum mutuuario, ut si infra certum tempus non soluat, cedat pignus datum mutuanti pro mutuo.* 5

1. Conclusio. Talis conditio non potest poni per modum pacti, & legis. Ita *cap. significante, de pignoribus, & l. fin. C. de pact.* Quia ad lucrum creditoris præsumitur fieri.

2. Conclusio. Talis conditio potest poni per modum lucri cessantis, aut damni emergentis, iuxta dicta, aut per modum pœnæ, ut ait *Siluest. verb. pactum*. Dum tamen, ut ait *Nauar. cap. 17. num. 215.* non soluatur ista pœna ab eo, qui ex impotentia, & sine culpa non valet soluere debitum. Quia ubi non est culpa, non debet esse pœna, ut dicitur *cap. 2. de constit. & Siluest. verb. usura*. Et quod dicitur de pignore, intelligitur etiam de omni pœna posita non soluenti tali tempore signato, ex sua culpa. Ita *Nauar. Siluest. Scot. & Canonista, quos refert, & sequitur Ludou. Lop. tom. 1. cap. 218. & 221.* Quia cuilibet licet seruare se indemnem.

Dub. 6. *An liceat aliquid exigere ultra sortem ratione periculi quod merisè timeatur in recuperando mutuum, aut aliud debitum.* 6

1. Conclusio. Licet mutuanti deducere in pacto ultra sortem expensas faciendas pro recuperando debitum. Imò secluso pacto tenetur mutuarius soluere illas ratione damni emergentis.

2. Conclusio. Non licet mutuanti exigere aliquid pro periculo, & metu recuperandi debitum. Ita *Sot. 6. de insti. 1. q. 4. art. 2. Bannes, & alij, quos refert, & sequitur Ludou. Lop. tom. 1. cap. 220.* Et oppositum, ait, est periculosum in fide. Quia in *cap. naviganti, de usuris*, definitur esse usurarium, qui recipit aliquid ultra sortem ex eo, quod suscipit in se periculum mutui. Nec est idem de fideiussore, & assecuratore, quibus licet aliquid accipere pro periculo assecurationis. Quia ista sunt pretio æstimabilia cum interueniat obligatio civilis ex parte fideiussoris, & assecuratoris: at periculum, & metus mutuantis non est quid separatum à mutuo, & sic gratis præstandus cum mutuo, quidquid dicat *Ioan. de Med. C. de resist. quest. 38.* tenens oppositum.

An liceat emere pagam acerbam minori pretio ob periculum 7

lucrum recuperandi illam. Ad hoc dico 1. Non licet debenti pagam acerbam, minori pretio redimere illam, per se loquendo. Quia periculum solutionis tenet se ex parte debentis, & sic emeret suam malitiam. Dixi per se, quia si debitor timet periculum solutionis sine culpa sua euenturum ex impotentia soluendi, poterit eam redimere. Ita *Nauar. cap. 17. num. 202*. Dico 2. Licet alijs emere minoris pagam re vera acerbam ob periculum solutionis. Ita *Adrian. Siluest. Med. citati à Bannes, art. 4. dub. 5*. Et patet; quia centum soluenda cum periculo æquivalent, v. g. nonaginta sine periculo. Dico 3. Probabile est posse emi vilius pagam, etsi non sit acerbam. Ita *Caiet. verb. usura, cap. ult. Nauar. in Man. cap. 17. num. 220*. & alij, qui dicunt ibi non reperiri mutuum etiam implicitum, sed veram emptionem vnius pecuniæ pro altera, aut pro iure ad illam. Sed probabilius videtur oppositum. Ita *Bannes*. Et patet; quia tanti æstimantur centum soluenda sine periculo, quanti centum præsentia. Aliàs liceret dare modò 90. pro 100. futuris, si ista æquivalent, & sic aperiretur via vsuris. Nec in hoc potest excludi mutuum saltem implicitum.

Sed an qui debet soluere centum in fine anni, satisfaciat dando creditori petenti nonaginta in principio anni. Ad hoc dico satisfacere ob lucrum cessans, aut damnum emergens cognitum à creditore. Ita *Siluest. verb. usura, 2. Ludou. Lop. tom. 1. cap. 107*. Imò & secluso lucro cessante, & damno emergente est probabile satisfacere. Ita *Armil. verb. usura, num. 33. Nauar. num. 210*. Et patet ex dicto. 3. Sed oppositum est probabilius, & est *D. Thom. opuscul. 67. & 73. cap. 8. & Anton. 2. par. tit. 1. cap. 8. §. 3. & 4. Caiet. verb. usura, Soto, & Gabr. in 4. d. 15. q. 11. art. 3. dub. 4. Med. C. de restit. q. 38. & Ludou. Lop.* Quia centum secuta in futurum soluenda tanti æstimantur contra *Nauar.* quanti centum præsentia. Aliàs omnes vsuræ iustificarentur. Et quod habetur *l. minus, ff. de regul. iur.* minus esse habere actionem ad rem, quàm habere rem; intelligitur de actione, seu iure ad rem, quando adest periculum recuperandi illam, aut cum expensis, & labore recuperabitur. 2. Quia in isto contractu reperitur implicitum mutuum cum lucro, sicut quando venditur merces minori pretio ob anticipatam solutionem.

8

Dub. 7. An liceat emere vilius ob anticipatam solutionem, & vendere carius ob solutionem expectandam ultra latitudinem iusti pretij. Nam intra latitudinem pretij iusti si
vlna

vlua panni valet à decem vsque ad duodecim, licitè venditur ad creditum pro duodecim, et si statim soluto pretio daretur pro decem. Ita D. Tho. opus. 67.

1. Concl. Si vendantur fructus futuri, licitè contrahentes se committunt æquali fortunæ pro pretio, quo probabiliter valebunt fructus tempore traditionis paulo plus minusvè. Iste enim contractus cum illo dubio probabili est æqualis, cum vterque contrahens committat se æquali fortunæ. Secus si emptor scit mercem plus valituram, aut venditor scit minus valituram.

2. Concl. Vsurà est palliata, vendere carius ob expectatam solutionem, aut emere vilius ob solutionem anticipatam. Ita D. Tho. art. 2. ad 7. Nam vendere rem valentem centum pro centum, & decem expectatis: idem est ac mutuare centum pro centum, & decem soluendis.

Et intelligitur conclusio ex natura rei. Nam ex alijs causis illud licebit. Primò, ob lucrum cessans, aut damnum emergens. Et vt hoc contingat, requiritur quòd venditores inueniant emptores statim soluentes, & emptores inueniant alios venditores statim vendentes, & quòd illæ pecuniæ, aut merces sint statim exponendæ negotiationi, de quo alter contrahens, moneatur, vt dixi dub. 2.

2. Si venditor erat seruaturus mercem in tempus, quo plus valebit, v. gr. si seruo mille coros tritici in Maium, possum illos vendere modò pretio corrente in Maium. Ita Nauarr. c. 17. n. 242. Bann. 2. 2. qu. 77. art. 4. dub. 7. Et communiter, & habetur cap. in ciuitate, & cap. consuluit, & cap. nauiganti de vsur. Sed moneatur emptor de hoc, vt sic sit causa moralis, quòd modo res vendatur, & non seruetur, & postea de pretio deducantur expensæ faciendæ pro conseruando tritico, & pericula si quæ probabiliter timentur in eius conseruatione, & habeatur ratio pretij, quo res in Maio æstimaretur si vsque tunc seruaretur. Nam si mille cori tritici in Maium seruentur, ex copia vilesceret pretium. Et idem est de emente vilius anticipata solutione merces vilii pretio æstimandas tempore traditionis. Licet enim emere in Maio triticum tradendum in Augusto pro pretio Augusti, etiam si detur pretium in Maio, quandò plus æstimatur, Ita cap. nauiganti cit. Nam merces æstimantur secundum quod veniunt in vsus hominum: Ergo cum illum triticum non veniat in Maio in vsus hominum, iustum pretiū erit quo

estimatur, cum tradetur, cum & tunc consummatur
 3. In mercibus quæ ob earum copiam, aut preti-
 venduntur expectata solutione, et si aliquæ istarum ven-
 dantur data statim pecunia, quæ mercatores sibi tur-
 niant: tamen hoc non censetur pretium iustum remanere,
 sed aliud earius arbitrio prudentum iuxta mercium
 tem, copiam, & inopiam. Priores enim merces cra-
 neæ; quærentes emptores qui statim soluerent ut in-
 sibi subueniant, sed istæ quæ remanent, non sic, cum
 illis multi emptores. Imo si quis statim soluat pretium
 dabuntur ei vili pretio primarum mercium. Et sic ca-
 tium istarum non soluitur ob expectatam solutionem
 quia tantæ merces æstimantur etiam dato statim pre-
 idem die de contractu olearum. Quæ quia in magis
 paulatim traduntur emptoribus, communiter venduntur
 peccata solutione & earius, quam ab aliquibus ob eor-
 gentiam oleæ venduntur dato statim pretio.

4. In contractu lanarum (quarum anticipata venditio
 fit pastoribus, ut pecunia sibi anticipatè soluta emanet
 pecoribus, & etiam expedit emptoribus, quibus ut mi-
 nas extra regnum oportet scire earum copiam, ut pro
 domos adeas lauandas, & texendas) variant Doctores
 Soto. 6. de inst. q. 4. art. 1. ad 4. Card. in sum. q. 85. tene-
 mere lanas anticipatè viliori pretio, quam quo æsti-
 tempore traditionis. Quia dicunt, si omnes lanæ ser-
 vendendæ tempore traditionis, ratione copiae non plu-
 marentur tunc Medin. in sum. §. 23. de usuris. Bannes,
 nes de Med. de resti. q. 88. art. 6. tenent oppositum. Qui-
 cunt, si omnes lanæ seruantur vendendæ tempore trad-
 et si tunc esset copia earum, esset etiam copia emptori-
 non vilescerent. Sed dico, quod si iste contractus reg-
 celebretur tempore attentionis lanarum, quando
 bella non mittuntur extra regnum, non possunt ob
 tam solutionem emi vilius, quam valent tempore et-
 nis. Ita Bannes, 2. 2. q. 77. art. 4. dub. 10. Alias liceret en-
 lius ob solutionem anticipatam quosvis fructus futuros

9. Dub. 8. an teneatur usurarius restituere lucra
 usuris.

1. Conclus. D. Thom. artic. 3. Usura fructifera resti-
 cum fructibus, demptis expensis, & labore; quia res
 fructificat.

2. *Concl. D. Thom. ibi.* Non restituatur lucrum partum ex
usura vno usu consumptibili, vt pecunia, &c. Nam hoc lucrum
non est fructus talis rei, sed indultia usurarij. Sed tenetur usu-
rarius restituere usuram, aut valorem, si ipsa non manet, cum
damno emergente, & lucro cessante ex detentione usuræ, vt
ait *D. Thom.* Imò si usura erat, v. g. triticum seruatum, quan-
do pluri vendidisti, etsi à domino non esset seruandum, re-
stitues totum pretium, demptis expensis factis pro eius con-
seruatione. Nam pretium est idem cum ipsa re, & sic eiusdem
domini. Et si usura erat scuta aurea, quorum valor est auctus,
si habes illa tempore augmenti, restitues ea cum augmento,
aut valore. Imò si dominus erat illa seruaturus in tempus aug-
menti, etsi ante istud tempus distraxeris ea, restitues illa cum
augmentis, aut valore, cum istius damni fueris causa. Et idem
est de tritico, &c. in simili casu, sed demptis expensis conser-
uationis, à domino faciendis.

Dub. 9. *An usurarius acquirat dominium usurarum.*

10

1. *Conclusio* Negatiua de usura non consumptibili primo
usu. Ita *D. Thom. art. 3. Caiet. tract. de usur. q. 1. Siluest.*
verb. usura 6. Aluizio. & Ricar. contra Palud. Adia. Enriq.
Scot. citatos à Bannes 2. 2. quest. 78. art. 3. Et patet 1. Usura-
rius non fit dominus talis usuræ per voluntatem mutuatarij,
qui solum intendit redimere suam vexationem permittendo
sibi fieri talem iniuriam: nec fit dominus per legem aliquam,
cum usura vetetur lege naturalij, diuina, & humana: nec fit do-
minus ex vi contractus mutui, quia cum in eo ematur usus
pecuniæ, qui non est distincto pretio æstimabilis à pecunia,
non transfert dominium. Sed non est alia via transferendi
dominium, ergo. 2. Aliàs non teneretur usurarius restituere
fructus usuræ fructificæ, cum res domino fructificet. Nec va-
let dicere, fructus deberi ratione mortis: aliàs si mutuatarius
non esset culturus fundum, non deberentur ei fructus, quod
est absurdum.

2. *Conclusio* etiam negatiua de usura vno usu consumpti-
bili, vt pecunia, maxime dum manet impermixta cum alijs
bonis usurarij. Ita *Caiet. Soto, & Siluest. contra Doctores citatos,*
& contra alios etiam tenentes primam conclusionem: Sed
ista conclusio patet ex *D. Thom. ad 3.* vbi insinuat, quod in
acquisito pecunia usuraria habet usurarius dominium, sed non
in ipsa pecunia usuraria. Et patet ex dictis *dub. 8.* de aureis
restituendis cum valore aucto.

II Dub. 10. *An contractus celebrati cum usurario valeant.*

1. Conclusio Negatiua de donationibus, & contractibus, quibus usurarius sit impotens ad soluendum vsuras. Ita *Sot. 6. de iustitia, quæst. 1. art. 4.* Et sic pauperes restituent elemosynas acceptas ab usurario. Et generi usurarij, etiam ignorantes socii impotentiam, restituent dotem, contra *Nauar. tract. de reddit. Ecclesia*. Vendentes etiam cum ignorantia, sed culpabili, superflua isti usurario, impotenti soluere vsuras, restituent pretium. Secus de vendentibus ei necessaria ad victum, aut ad conseruationem suarum diuitiarum. Et idem de famulis superfluis usurarij, qui restituent stipendia. Secus de famulis necessarijs pro conseruatione diuitiarum usurarij.

2. Conclusio. Qui accepit ab usurario vsuram non consumptibilem vno vsu, restituet eam cum fructibus, deimptis expensis. Tum quia cum usurarius non adquisierit dominium eius, nec transtulit in alterum. Tum etiam, quia cum ista vsura sit obnoxia restitutioni obligatione reali, eadem cum fructibus est restituenda.

3. Conclusio. Fundus ab usurario emptus, etiam pecunia vsuraria, potest vendi ab usurario, etsi non excedat debita vsuraria: Quia iste fundus non est obnoxius restitutioni obligatione reali, sed personali. Nec usurarius sic fit impotens ad soluendum vsuras, cum possit soluere cum pretio fundi. Et idem est, *ait Soto*, si usurarius emat pecunijs usurarijs aliquas possessiones, potest venditor retinere illas pecunias. Quia etsi usurarius non adquisierit dominium earum, vt dixi *dub. 9.* non tamen tenetur restituere easdem numero.

12 Dub. 11. *An ministri usurarij teneantur restituere, usurario non restituente.*

1. Conclusio Negatiua de ministris materialiter concurrentibus ad vsuras, vt sunt famuli deferentes, aut numerantes vsuras, & recipientes pignora. Ita *Silius. verb. usura: & alij contra Nauar. cap. 17. num. 267.* Qui isti non sunt causæ morales actionis vsurariæ. Et idem ait *Soto, 6. de iustitia, quæst. 1. art. 4. contra Ioseph. in Flo. de seruo misso ab usurario*, vt petat simpliciter vsuras, dum tamen non instet petendo, minando, &c.

2. Conclusio Affirmatiua de ministris ad illud formaliter concurrentibus, vt sunt fautores, proxenetæ quærentes mutuatarios pro usurario. Secus de quærentibus mutuata sub

sub vsuris pro mutuatario. Serui etiam scribentes debita vsuraria liberantur à Soto, Sila. & Aragon. à restituendo. Sed Caietan. & Nauarr. tenent oppositum, maxime si non sit alia scriptura, qua mutuatarius soluere cogatur vsuras. Quia talis scriptura excitat memoriam vsurarij, & vt causa moralis concurrat ad exigendum vsuras, & cogendum mutuatarium, vt iuret, an ita se obligauerit. Et idem est de iudice cogente soluere vsuras, & manet excommunicatus. Idem etiam est de procuratore, aduocato, testibus, & tabellione palliante vsuram in fauorem vsurarij. Secus sit, si in nullius fauorem. Et si palliet eam in fauorem mutuatarij, erit periurus, & infidelis Reip. cui obligatur debite exercere suum officium in neutram partem declinando, sed nihil restituet. Extensabuntur verò prædicti, si inuincibiliter ignorent aliquem contractum esse vsurarium. Ita Nauarr. in man. c. 27. nu. 267. Et si dubitent, consulant doctos, alias restituent.

Dub. 12. *An omnes consumptores vsurarum teneantur restituere, si vsurarius non habet quo restituat? Et idem de consumpente bona illius, cuius omnia sunt obnoxia restitutioni obligatione solum personali, iuxta dicenda infra qu. 7. ar. 7. de restitut.* 13

1. Conclus. Vxor vsurarij, quæ sufficientem attulit dotem, potest ex bonis licite acquisitis à viro, etiam obnoxijis restitutioni modo dicto, percipere sibi, & filijs necessarium victum, sine obligatione restituendi, aut augendi bona mariti. Quia tunc vsurarius magis tenetur alere vxorem & filios, quam soluere vsuras, Ita Lud. Top. tom. 1. c. 231.

2. Conclusio. Vxor quæ non attulit sufficientem dotem, conseruat tamen, & auget bona mariti, & filij in hoc patri seruientes, possunt accipere victum & stipendium sui laboris sine obligatione restituendi, sicut dixi de famulis necessarijs, dub. 10.

3. Conclus. Vxor quæ non attulit sufficientem dotem, nec auget, aut conseruat bona mariti, non potest sine obligatione restituendi, alijs ex bonis, etiam licite à viro acquisitis, etiam durante matrimonio: cum omnia ista sint restitutioni obnoxia obligatione personali pro vsuris. Et idem est de filijs, cum non sint melioris conditionis vsurario, qui ex illis bonis non potest subuenire suis grauibz necessitatibus, sine animo restituendi necessitate transacta. Itaque vxor, &

filij non peccabunt sumendo ex illis bonis necessaria pro vitu: sed restituent cum commodè possint, *quidquid dicat Nauarr. num. 269. contra Caiet. ver. restitu. & Silu. ver. usura 8.* Est enim contra ius naturale velle alii ex alieno sine animo restituendi.

14

Dub. 13. *An haeredes usurarii tenentur restituere usuras.*

1. Conclus. Si manet res per usuram accepta, restituitur à possessore, & alij haeredes restituent isti pro rata suae portionis, Ita communiter. Quia res ista erat obnoxia restitutioni obligatione reali ipsam comitante ubicumque sit.

2. Conclus. Probabile est singulos haeredes teneri restituere solum pro rata hereditatis. Ita Caiet. *quodl. de usura Soto 6. de iust. quæst. 1. art. 4. Silu. ver. usura 6. Connarr. 3. var. 1. Bannes, 2. 2. q. 78. art. 5. dub. 4. & Led. cum Orellan. tract. de usur. con. 26.* Quia omnes haeredes simul repræsentant testatorem, & quilibet repræsentat illum solum in sua parte, 2. Ex debitis testatori singuli haeredes hereditant pro rata, ergo & singuli solum pro rata tenentur ad debita testatoris, & non in solidum.

3. Conclus. Probabilius reputo singulos haeredes usurarii, sicut & furis, teneri in solidum restituere usuras: et si non ultra quantitatem hereditatam. Ita Nauarr. *in man. cap. 17. num. 278.* & alij quos refert & sequitur Lud. Lop. tom. 1. cap. 250. Et patet primo. Quia iuxta D. Thom. Omnia bona usurarii sunt obligata restitutioni pro usuris, sed successio haeredum non potuit tollere istam obligationem, ergo. 2. Alias sequitur, quod si quis haeredum non possit restituere, alter solum pro rata suae portionis teneatur restituere. Sequela conceditur à Soto, sed consequens falsum patet. Quia alias si apud usurarium dimidia pars substantiae periret, solum teneretur restituere dimidias usuras, quod est absurdum, sed eadem obligatio comitatur substantiam usurarii ubicumque sit, ergo.

15

Dub. 14. *An liceat accipere mutuum sub usuris.*

1. Conclusio. ex D. Thom. art. 4. Non licet petere mutuum sub usuris à non parato sic mutuat, aut ab eo, qui aliquando illud facit, & aliquando non. Quia esset inducere ad peccatum.

2. Conclusio. Licet accipere, ut ait D. Thomas, imò & petere mutuum sub usuris, ab usurario parato. Ita Cano. & Bannes art. 4. dub. 2. Caiet. ibi. & Nauarr. numer.

26. Quia

263, Quia sic petens nec complacet sibi in peccato alterius, nec enim inducit, nec approbat peccatum usurarii: cum iste sit animo paratus, sed vitur eius malitia in suum commodum. Imò ob istam rationem, et si nulla addit necessitas, aut utilitas, petere mutuum sub usuris ab isto parato sic mutuare, non erit peccatum mortale, cum nec sic petendo, eum alias paratum scandalizet. Ita Caietan. & Soto 6. de iustitia, qu. 1. art. 1. & Moderni Thomista contra Bannes, dub. 3. cum Durand. Si obijcias: Non licet petere ab alio, quod non potest prestare sine peccato; sed mutuare sub usuris est peccatum, & intrinsece malum, ut fornicatio, ergo. Ad hoc dico, quod tota fornicatio est mala, nec vlla via honestatur eius petitio, at in mutuo sub usuris reperitur aliquod bonum, utpotè mutuum. & hoc directe petitur, & reperitur aliquod malum, utpotè, acceptio usuraria, & hæc permittitur à mutuatario.

Dub. 15. An liceat deponere pecunias apud usurarium.

16

Conclus. Qui illud facit ex magna necessitate, & non habens ubi pecunias deponat, non peccat. Tunc enim damnum mutuarii, nec est directe volitum ab isto, ut patet, nec indirectè, cum non teneatur illud vitare cum suo gravi damno. Eisdem est si usurario, alias habenti, unde usuras exerceat, tradas tuas pecunias, ut tutius seruentur. Ita D. Thom. art. 4. ad 3.

2. Conclus. Qui prouidens damnum mutuatarii, absque necessitate dat etiam gratis usurario pecunias, quibus usuras exercebit, peccat morte, non peccato scandalii contra usurarium, cum iussit ad illud paratur, sed peccato iniustitiæ contra mutuatarios. Et sic ait D. Tho. quod sit particeps peccati usurarii, sicut qui dat alteri gladium, quem videt occisurum alium, quia tunc cooperatur iniustitiæ. Nam non vitando illam occisionem, cum teneatur & possit, videtur eam intendere, saltem indirectè. Non enim licet rei malitia alterius cum damno tertii.

QVÆSTIO SEXTA.

De contractibus ubi solet reperiri usura.

ARTICVLVS I. DE SENSIBVS.

SVMMARIVM.

*Quid, & quotuplex sit census, num. 1.**An contractus census sit licitus, num. 2.**Conditiones à Papa requisitæ pro censu redimibili, n. 3.**An ista conditiones obligent in conscientia, num. 4.**An liceat redimere censum per partes, n. 5.**An liceat emere censum cum pacto retrocendi vel retrahendi, num. 6.***D**V. 1. *Quid, & quotuplex sit census.*

1. *Conclus.* Censui est ius percipiendi annuam pensionem in pecunia, aut aliis rebus ex contractu emptionis, & venditionis. Et debet census in aliquo fundari, & solidum fundamentum ab omnibus censetur res fructifera. Imo secundum Theologos, quos refert, & sequitur Bannes contra Iuristas, stando in iure nature, rectè fundatur census supra personam fructiferam, ut est artifex. Nam iste potest operas suas locare, ergo & vendere ius ad illas quot annis exhibendas.

2. *Conclus.* Censui diuiditur ex quadruplici capite. 1. Ex parte modi faciendi contractum diuiditur in censum resignatiuum, cum quis dat alteri sua bona, reseruando sibi pensionem annuam; & in consignatiuum, cum quis retinendo bona, obligat illa ad soluendum annuam pensionem. 2. Diuiditur ex parte fundamenti in personalem, qui fundatur supra personam; & in realem, qui fundatur supra rem temporalem. 3. Diuiditur ex parte pensionis, in pecuniarium, quando pensio soluitur in pecunia; & in fructuarium, quando pensio soluitur in fructibus. 4. Diuiditur ex parte durationis, in perpetuum, & temporalem. Et iste alius est pro certo tempore, alius pro certa vita.

Dub. 2. An contractus census sit licitus.

2

1. *Conclus.* stando in iure nature, omnes dicti census iusto pretio

pretio facti, sunt liciti. Et sic approbantur à Mart. V. & Calixto III. cum quibusdam conditionibus in extrauagan. 1. & 2. de Emptione, & venditione, & a Pio V. in suo motu de censu. Licet lib. 5. nouæ Recopilatio. tit. 15. vetetur census fructuarius ob veritatem, quæ contingeret in soluendo pensiones frugum.

2. Concl. Stando in iure naturæ, census est taxandus, vt aliæ merces, arbitrio prudentum attento grauamine emptoris, & venditoris, vt si venditor obligetur non redimere censum, detur maius pretium, & si emptor obligetur censum extinguere redimente venditorè, detur minus. Item attendatur fundamentum census, an sit firmum, pro quo detur maius pretium quàm pro tenui.

3. Concl. Censui redimibiles sunt taxati in Hispania pro viginti in pecunia numerata, & coram tabellione dante fidem de his. Vbi non taxatur pretiū versus magnitudinem, sed versus paruitatem: cum sit facta taxatio in fauorem venditorum. Sed ista taxa procedit supposita securitate census. Nam si sit periculosus, potest in foro conscientiæ minoris emi, iuxta quantitatem periculi *Ita Bannes in tract. de censibus, dub. 3. Et Med. in summa*. Imo potest quis emere censum iam impositum minori pretio taxæ, etsi non sit periculosus, si ad id per venditorem rogatur. Quia merces vltionæ vilescunt. *Ita Nau in Man. cap. 23. num. 91. Silu. ver. usura, contra Med. in sum. §. 26.*

Dub. 3. An census redimibilis debeat habere condiciones à **3** Papa requisitas.

1. Conclusio Pius V. in motu incipiente, Cum onus, statuit decem condiciones pro istis censibus, quarum multas antea statuerant Mart. V. & Calixt. III. locis cit. dub. 2. vt notabimus. Prima conditio, quod fundetur supra rem immobilem, aut habitam pro immobili, ex natura sua fructiferam, & non supra personam. Et sic etiam statuitur à Mart. V. & Calixt. III. Ex quo patet, non posse fundari supra redditus annuos redimibiles, cum pro mobilibus habeantur: bene tamen supra redditus annuos perpetuos. *Ita Raldus & alij relati à Manu. Rud. in explicatione istius motus.*

2. Conditio, quod statuatur census de præsentī numerata pecunia coram tabellione, & testibus, & non prius recepto integro pretio. *Et ita statuitur à Mart. V. & Calixt. III.* Ex quo patet non posse institui censum de pecunijs ante debitis, cum non sint præsentēs, nec numerentur coram tabellione,

&

& reſtibus; licet opinio oppoſita *Manuel* ſ videatur pia, maxi-
mè ſi pecunia ſit debita, aut mutuata hic lego, vt ſi tali die
non ſoluitur, ſtatuatur cenſus. Sic eni inproſpicitur bonu
creditoris, dum non cogitur ſua vendere minoris; & ſoluit
creditori in pecunia numerata. Et conditio *Pij V.* poſita ad
obuiandum fraudibus regulariter hic euenientibus, tempera-
tur in hoc caſu per epicheiam, vbi deficit ſinis legis iſtius, &
aliàs ſi modo ſeruetur, imminet damnum debitori, vt dixi.
Et ſi Papa de hoc caſu conſuleretur, declararet non currere in
eo ſuam legem

3. Conditio. Solutiones penſionum non ſiant anticipatè.

4. Conditio. Conditiones, & obligationes de caſibus ſon-
tuitis ſint nullæ. Et huc tendit 8. Conditio, vt potè, quod
pereunte hypotheca cenſus abſque culpa, ſcilicet, venditoris
cenſus, pereat cenſus: cum res domino pereat, vt etiam dicunt
Martinus V. & *Calixtus III.* Et minuatur cenſus minuta hy-
potheca, ſi taliter minuitur, quod non poteſt ſolui integra
penſio. Ex quo colligit *Manuel Rodr.* obligationem, qua cen-
ſualiſta obligat ſe, & ſua ad ſecuritatem hypothecæ cenſus,
ſicut & alterius rei ab eo venditæ, eſſe nullam, & contra natu-
ram contractus emptionis, & venditionis, de cuius ratione
eſt, vt res vendita ſuo domino pereat.

5. Conditio. Quod liberè poſſit vendi hypotheca cenſus
ſine obligatione dandi aliquotam pretij: ſicut in cenſibus per-
petuis ſoluitur decima pars domino cenſus, ex eo quod eſt di-
rectus dominus hypothecæ, etſi alter habeat dominium vti-
le. At ſi vendatur hypotheca cenſus, vult Papa, quod domi-
nus cenſus alijs præferatur, & ei denuntientur conditiones,
quibus venditur, & exſpectetur per menſem.

6. Conditio. Quod ſit irritum pactum ſoluendi vltra pen-
ſionem, lucrum ceſſans ex mora ſoluendi penſionem, aut certa
ſalaria, ſeu expenſas medio iuramento creditoris liquidandas,
aut hypothecam, ſeu eius partem amittere, aut aliud ius pen-
dere, aut in aliam pecuniam cadere, aut quod teneatur ad cam-
bia, vel ad penſionem. Et intelligitur hoc quantum eſt ex par-
te pacti. Nam ſi aliàs moroſus debitor tenebatur iure naturæ
ad damnum emergens, vel lucrum ceſſans, non excuſatur iſta
lege, vt ait *Bannes*. Et notat, quod in contractu cenſus lici-
tè ponitur conditio deferendi penſionem ad domum cenſua-
rij, & ſoluendi expenſas factas in repetendo penſionem. Nam
ad iſta tenetur venditor cenſus ex natura rei. Nec obſtat iſta

6. conditio, quæ solum loquitur de taxatis expensis, & salarijs, aut iuramento creditoris liquidandis. Imò & hoc communiter non seruatur, sed salaria taxantur.

7. Conditiō, Censui semel fundatus nec augeatur, nec minuat̃ super eadem aut alia re, in fauorem emptoris.

De 8. conditione dixi in 4.

9. Conditiō. Venditor census possit, quando velit, illum extinguere pretio quo vendidit, non obstante præscriptione centum, aut plurium annorum. Et sic etiam statuit Martinus V. & Calixtus III. Ex quo patet, non valere censum cum pacto, vt fiat perpetuus, si intra certum tempus non redimatur. At fideiussor venditoris census potest cum venditore pacisci, vt intra certum tempus redimat censum, vt sic liberetur ab onere fideiussionis, dum hoc fiat sine fraude, & non in fauorem emptoris census.

10. Conditiō, Quod sit nullum pactum, si sit, quod pretium census ab inuito soluatur; id est, quod non fiat pactum retroemendi; nisi quando venditor volens redimere censum, ante duos menses moneat dominum, ad quod tenetur. Quibus mensibus transactis statuit Papa, vt dominus census possit ab inuito repetere pretium intra annum, & si non repetitur pretium, ei tamen facultas maneat redimendi censum, cum velit, ita vt census non fiat perpetuus. Et declarat Papa, quod pretium semel statutum non crescat, vel minuat̃ ob temporum, aut personarum qualitatem. Et quod dictæ conditiones seruentur, siue quando census de nouo creatur, siue cum iam creatus venditur. Et sic etiam statuitur ista conditiō à Martino V. & Calixto III.

2. Concl. Aliquibus videtur istum motum Pij V. non habere tantam vim, saltem in foro externo, eo quod in Hispania sic ab eo supplicatum, nec vsu receptum, vt patet ex comitijs generalibus Matriti, anno 1583. cum supplica suspendat executionem, dum Papa monitus de inconuenientibus aliud non iubet, iuxta cap. si quando, de rescriptis. Sed alijs doctissimis oppositum videtur, & quod saltem obligat in conscientia. Viri etiam timorati illud seruant, & in tribunalibus Regijs admittitur. Ita *Medin. in sum. & Bannes dub. 5.* Et patet 1. quia istæ conditiones sunt conformes iuri naturali. Nam cum contractus census sit palliativus usurarum, dictis conditionibus obuiatur istis periculis. Item plures ex dictis conditionibus erant iam statuta, vt videmus, à Martino V. & Calixto III. Ergo
saltem

saltem de illis, imò nec de alijs, est dubitandum, vt ait *Nannus* in *Man. cap. 17. num. 235*. Et cum dicitur supplicam suspendere executionem, intelligitur de particularibus rescriptis alicui directis pro casu particulari. Secus de legibus generalibus toti Ecclesie pro eius conseruatione. Quia cum lex consulat bono communi, & lata sit iuxta dictamen rationis, vult Papa, quod non suspendatur eius executio interposita supplica, etsi aliqui ex illa grauentur. At præceptum litterarum particularium facit quoddam ius particulare, iuxta illa, quæ ex parte petentis allegantur, aut proponuntur, in quo cum possit esse error ex sinistra relatione, non mirum si velit Papa, vt spectetur secunda eius iussio, vt executioni mandetur.

5 Dub. 4. *An liceat redimere censum per partes.*

1. Conclusio. Vna conditio ex politis à Martino V. & Calixto III. erat posse censum istam redimere censum per partes, sed non ponendo eam Pius V. in suo motu videtur eam reuocasse, dum non sit aliqua lege vetita, si vt ait *Bannes* dub. 6. minuatur de pretio census, & tanto magis, quanto per minores partes sit conditio, vt redimatur. Sicut è contra potest poni conditio, vt non redimatur nisi totus simul, si augeatur pretium eius.

2. Concl. Seclusa obligatione ex parte vtriusque, non est cogendus emptor acceptare redemptionem census per partes minimas. Tum quia ipse emit integrum censum. Tum quia redemptio ista est damnosa emptori, cum pecunia sic in partes diuisa, non sit ita utilis, nec tanti æstimetur, ac simul sumpta. Ita *Bannes*. At in foro externo cogetur emptor acceptare istam redemptionem per medietates.

6 Dub. 5. *An liceat emere censum, aut alia, cum pacto retroemendi, id est obligando venditorem, vt incertum tempus iterum emit illum; aut cum pacto retroemendi, id est, obligando emptorem, vt intra certum tempus, aut cum venditor velit, iterum vendat eum sibi.*

1. Conclusio. Emere censum, vel alia fructifera, cum pacto retroemendi, est usura: Nam ibi reperitur implicium mutuum cum luero, dum obligatur venditor redimere ultra fructus perceptos. Secus, si res emptæ non sit fructifera, vt liber. Quia tunc erit velut impignoratus pro mutuo. Secus etiam erit, si ematur res etiam fructifera, sed non cum pacto emendi pretio, quo est emptæ, sed quo valebit quando iterum emetur, & alias pro ista obligatione reemendi eam recom-

compensetur onus venditoris, dando ei maius pretium, quam daretur secluso dicto pacto.

2. Concl. Licitus est contractus ille cum pacto retromendendi cum tribus conditionibus. Primo. Si non fiat ex parte emptoris simulatè, animo mutuandi potius, quam emendi. Ita *Siluest. ver. usuræ 2. Nauar. c. 17. n. 247.* Et tunc deficit ista conditio quando emptor obligat venditorem, ut subeat periculum rei emptæ, & in omni euentu reddat totum pretium datum, etsi res casu pereat. Quia res domino perit sicut & fructificat. Et 2. Si ob istam obligationem reuendendi rem emptam, minuatur aliquid de pretio iuxta æstimationem dictæ obligationis, cum sit pretio æstimabilis, res cum illo onere minoris æstimetur. Et 3. si non fiat pactum à principio de redimenda re emptà certo pretio, sed quo æstimatur quando redimitur. Ita *Nauar. num. 148.*

3. Concl. Emptor potest pacisci cum venditore, ne intra quinquennium redimat rem emptam, aut ultra decennium. Ita *Siluest. & Nauar.* Quia sic emptor iuste seruat se indemnem: dum sine dolo intendit facere meliorationes in fundo empto. Et nota, quod talis emptor potest certa pensione locare fundum sic emptum venditori, sicut alteri, dum tamen non utatur dolo, nec obliget venditorem, ut eum sibi conducat.

ARTICVLVS II. DE CONTRACTV ASSECURATIONIS, & SOCIETATIS.

S V M M A R I V M.

Quid sit assecuratio, & an sit licita, num. 1.

An liceat locare pecora pro certa pensione, cum obligatione conseruandi illa integra, num. 2.

Quid sit societas, & an sit licita, num. 3.

An contractus societatis, assecurationis & emptionis possint cum eodem celebrari, num. 4.

DV. 1. *Quid sit assecuratio.*

1. Conclusio. Assecuratio est pactum de suscipiendo quis in se periculum rei alienæ accepto pretio. Vbi requiritur 1. Quod assecuratus habeat bona periculo exposita. 2. Quod assecurator habeat bona quibus suscipiat in se periculum rei assecuratæ. Et contractus iste factus iusto pretio.

attentis periculis valet. Quia illa periculi susceptie est pretio æstimabilis. Sed tenetur assecuratus explicare assecuranti spe ialia pericula rei assecuratæ, alia non potest recipere pretium navis assecuratæ, si per aliam viam nauigando perijt.

2. Concl. Si assecurator non habet bona, contractus ex parte eius est iniustus; quia alteri irrogat iniuriam relinquento eius rem sub periculo, quam alius assecuraret. Et sic iste nil potest recipere pro assecuratione, cum non suscepit in se periculum assecurationis, sed maneat res ita sub periculo, sicut ante assecurationem, cum non habeat quo soluat, si res pereat. Nec potest pretium illud accipere pro periculo carceris, & aliarum vexationum: cum ista sint inutilia assecurato, & accidentalia ad iustitiam contractus. Et licet Man. Rodrig. in sum. 2. par. cap. 105. dicat assecuratorem habentem bona adæquantia dimidias merces assecuratas, posse recipere dimidium pretium assecurationis, quia in illa parte assecuravit bona mercatoris, & tenebitur reddere illam dimidiam partem, si res assecurata pereat: sed probabilius est oppositum. Ita Bannes, maxime si facile possent haberi alij, qui assecurent omnem mercem. Quia ille contractus, vtpotè celebratur ex ignorantia antecedenti, & dante causam contractui, fuit inuoluntarius ex parte assecurati, & sic nullus. Unde ex vi illius nil potest recipere assecurator, etsi teneatur soluere bona quæ habet, si merces pereant, non ratione dicti contractus, sed ratione iniuriæ alteri illatæ ob dictum dolum.

3. Concl. Si iste contractus celebretur fide ex parte assecurati dicentis in navi vacua esse merces mille ducatorum, ex parte eius erit iniustus iste contractus, vtpotè celebratus ex ignorantia antecedenti ex parte assecurantis, qui non assecuraret si sciret nauem esse vacuum. Sed erit validus contractus, si aliàs ex parte assecurati ponitur tanta diligentia in seruanda navi vacua, ac si esset mercibus onusta. Quia iam periculum est idem, siue deficiant merces, siue non. Ita Bannes.

2. Dub. 2. An liceat locare oues, aut boves pro certa pensione, cum obligatione conseruandi integrum numerum ex factibus.

1. Concl. Id non licet in pecoribus infructuosis, vt in bouibus. Quia cum per contractum locationis non transferatur dominium, periculum sicut & commodum cedent locanti,

2. Si

DE CONTRACTV ASSECVRATIONIS. 191

1. Si alteri locas bouem, aut das decem aureos pro emendo eum, obligando illum vt post tempus locationis reddat illos decem aureos, aut bouem ita sanum ac recepit, cum pretio locationis, committis vsuram, *vt ait Medin. in sum. §. 27. de contrac. specie.* Quia idem est, ac mutuare decem, vt reddantur duodecim, cum conductor suscipiat in se periculum rei locatae contra rationem locationis, & de ratione mutui, sed idem fit hic, ergo.

2. Concl. Si ille contractus sit pecoribus fructuosus, & alias tanta petatur pensio, quod æquiualeat foetibus pecorum erit vsura. Secus si depensione iusta pro locatione tantum remittatur, quod æquiualeat oneri, quod subit conducent in assecrando numerum ouium sibi locatarum, ex foetibus suppleendum. Sicut licet mutuare alteri obligando, vt molat in molendino mutuantis, si pro illa obligatione demat de pretio moliturae.

Duo. 3. *Quid sit societas.* Conclusio. Societas est conuentio, seu pactum quorundam ad negotiandum lucri gratia. Et vt valeat iste contractus, requiritur. 1. Vt pecunia sociorum exponatur negotiationi, & æquali periculo. Nam si exponis negotiationi mille, ita vt alter socius ponens industriam valentem mille, in omni euentu reddat tibi tuos mille, aut partem cum lucro, erit vsura damnata, l. si non fuerit, ff. pro socio. 2. Requiritur, quod luctum diuidatur inter socios iuxta proportionem rerum & industrie singulorum.

Dub. 4. *An isti tres contractus, societatis, assecurationis, & emptionis lucri possint cum eodem celebrari.*

1. Concl. Contractus societatis, & emptionis lucri possunt fieri cum eodem. Ita *Bannes, & communiter.* Non enim addaret vsura, cum maneat societas, & pecunia negotiationi exposita, quæ non perit ementi luctum, sed vero domino. Et idem est, vt ait *Soto, & Bannes,* de contractu societatis, & assecurationis cum eodem, vbi nec tollitur societas, nec inducitur mutuum, vt ait *Soto, & Bannes:* cum assecurator non possit e. trahere pecuniam allecuratam à negotiatione in alium vsum, ergo ibi non est mutuum, cum per mutuum transferatur dominium.

2. Concl. Dicti tres contractus possunt successiue cum eodem fieri, si pecunia est iam negotiationi exposita. Imò, & à principio possunt cum eodem fieri cum pacto e. ponendi illam negotiationi. *Est ita intelligitur Sien. ver. societas. 2.*

Conar. 3. var. nu. 45. Nauar. c. 17. nu. 25. Caiet. opuse. 17. resp. 11. & Medin. in sum. §. 17.

3. Concl. Ablato dicto pacto non possunt dicti tres contractus fieri cum eodem à principio. Ita Soto 6. *de iust. qu. 6. art. 2. Bannes Aragon. & Mun. Rod. in sum. 1. p. cap. 46. n. 2.* Quia tunc destruitur societas, cum assecurator fiat dominus capitalis, & possit illud extrahere à negotiatione, & sub nomine societatis est verum mutuum. 2. Si sit æquale pretium assecurationis, & lucri, erit contractus ridiculus, & verum mutuum gratiosum. Et si detur maius pretium pro assecuratione, quam pro lucro, fit iniuria assecurato, recipiendo minus quam posuit in negotiatione, & sine spe lucri. Et si sit maius pretium lucri quam assecurationis, fit iniuria assecratori, dum alter illum obligat, vt reddat secura mille & centum, quod est accipere lucrum ex mutuo.

ARTICVLVS III. DE CAMBIIS.

S V M M A R I V M.

An in mutatione vnus pecunia pro alia, liceat aliquid accipere ultra pretium, num. 1.

An cambium ratione loci sit licitum, num. 2.

An sit licitum ratione custodia, num. 3.

An liceat per cambium dare minorem summam pecunia in vno loco, vt in alio recipias maiorem, & è contra, num. 4.

An liceat commutare pecuniam eiusdem valoris, vt ea detur alibi, vbi plus valet, num. 5.

I Cambium est permutatio vnus pecuniæ, aut rei, pro altera. Et est multiplex, cuius iustitia examinabitur sequentibus conclusionibus.

1. Concl. Licet cambire pecuniam inferiorem pro superiori, addendo aliquid pro superiore, iuxta copiam aut inopiam superioris, vt pro scuto aureo licet accipere 14. argenteos. Ita Bannes, *tract. de camb. dub. 2. Cano. Sos. 6. de iust. q. 9. art. 1. & Med in sum. contra Ioan. de Med. q. de cambijs, & alios.* Et patet. Quia etsi pecunia aurea in ratione pretij non sit pluris æstimanda, quam sit ei lege taxatum, ob quod qui debet centum non satisfacit dando nonaginta in auro, quibus æquivalent illa centum in ære; at ob alias commo-

ditates

ditates deurationis, medicinae, facilioris asportationis, &c. Pluris aestimatur, *ut etiam sentit Caiet. opusc. de camb. c. 6. Silu. uel. verbo, usura* 4. Ex quo patet, quod si emendo aliquid cogaris soluere in auro, ob hoc potes minuere de pretio. Et si mutuas centum aureos, licite obligas, ait Silu. mutuatarium ut si soluit in ære, reddat aliquid ultra sortem. Et ad idem tenetur, si furatus es centum aureos: cum dominus sit in toto illo damnificatus.

2. Concl. Cambium ratione loci iusto pretio factum est licitum, ut si per schedulam mittis alterius pecunias à Toletis in Romam, potes ob hoc aliquid accipere: cum facias in hoc officium agasonis, & excuses alterum ab expensis, & periculis asportationis. Imò si petis hic pecunias reddendas Romæ, & expedit mihi asportare huc ex Roma meas pecunias, qui tunc præuenit alterum potest pro cambio aliquid accipere. Quia in hoc solum attenditur natura contractus.

3. Concl. Cambium ratione officij est licitum, & Reip. utile. Et iste campfor pro obligatione potest accipere plus, quam alij campfores voluntarij.

4. Concl. Licitum est cambium ratione custodiæ, utpote, cum campfor habeat alterius pecunias, ut visis suis schedulis det pecuniam ibi signatam. Sed iste campfor recipiet stipendium sui laboris ab eo, cuius pecunias custodit: cum ei seruiat, & sit eius fideiussor, & non ab eo cui numerat pecunias, eo quod ei illas statim numerat. Quia iste dedit domino pecuniarum mille, v.g. ergo damnificatur, si non recipit totidem. Nisi alias mercator cui seruit mensarius accepit ab eo, cui dat schedulam mille pro mille & decem: tunc mensarius licite accipit ab isto illa decem. Et ita intelligitur Soto, 6. de iust. q. 11. art.

1. Ex dictis patet, esse iniustos mercatores qui ex eo quod deponunt pecunias apud mensarios, accipiunt pretium ab eis: eo quod isti illis pecunijs lucrantur. Imò mercatores tenentur dare aliquid mensarijs pro pecuniarum custodia.

5. Conclusio. Licet cambire monetam, ita ut ubi est copia illius, plus recipiatur, & ubi est inopia detur minus usque ad valorem pecuniarum prius receptarum. Qui enim dat Romæ decem, iuste recipit Toleti duodecim, quibus æquivalent. Imò ibidem alio die potest recipere quatuordecim pro decem. Nam in his cambijs est vera emptio vnius pecuniarum pro altera, & pretium pecuniarum emptarum, & sicut aliarum mercium variatur ex copia, & inopia earum, & emptorum,

N

Et

Et sic decem quæ hodie Romæ iuste venduntur pro duodecim dandis Toleti ob inopiam cambientium, & copiam moneta; cras iuste venduntur Romæ pro 14. dandis Toleti ob eius inopiam, & copiam cambientium. Nam inopia totius generis monetae, si non proveniat ex monopolio, aut alia culpa cambientium, iuste auget pretium cambiorum. *Sed nota 1.* Non licere cambire sic pecunias intra regnum ab uno in alterum oppidum, si facile pecunia, ut potè aurea vel argentea, huc & illuc asportatur: cum hoc vetetur *lib. 5. nou. Recop. tit. 18. lib. 8.* *Nota 2.* Esse iniustum cambium. v.g. à Roma in Metinam, si ut pretium datum Romæ solvatur Metinæ in proximis nundinis, & si tunc non solvitur, solvatur cariùs in secundis nundinis, & cariùs in tertijs, &c. Nam tunc crescit pretium ob spectatam solutionem. *Nota 3.* Esse licitum cambium ubi pretium relinquitur taxandum secundum quod curret in proximis nundinis, ut sit in alijs mercibus. Sed non licet statim determinare pretium minus pro proximis nundinis, si probabiliter creditur fore maius, sequi si uterque contrahens se committit æquali fortunæ. Nec licet cambire modo pecuniam pro pretio futuri temporis. Nisi alias campfor esset eam seruaturus in tempus, quo plus æstimabitur. Eadem enim est ratio de pecunia, ac de alijs mercibus. *Nota 4.* Cambium istius conclusionis esse celebrandum attenta æstimatione pecuniæ quando celebratur, v.g. si recepisti Metinæ decem dabis Romæ duodecim, si æquivalent, quando ea recepisti Metinæ, etiam si augeatur, aut minuatur valor pecuniæ ante præsentatam tuam schedulam. Quia copia aut inopia superueniens nec auget, nec minuit pecuniam iam in schedula signatam.

6. Conclusio. Cambium sicum, ubi petis à campfore, v.g. decem ut post duos menses des eos aut valorem Romæ, sed non intendis soluere Romæ sed hic, dato aliquo ultra sortem ob cambium, est usurarium. Quia hoc non est cambium, sed verum mutuum cum lucro ob expectatam solutionem.

7. Concl. Non licet commutare pecuniam eiusdem valoris, ut eadem detur, ubi pluri æstimatur, aut quando sit auctus eius valor, si alias non esset illam seruaturus in tempus augmenti, vel delaturus ubi pluri æstimatur, & de hoc aliter moneatur, ut dixi de tritico, *quest. 5. dup. 7.* Nec est idem de mutante tres modos tritici, v.gr. in Augusto, quando va-

lius æstimantur, vt totidem recipiantur in Maio, quando pluris æstimantur, dum tamen non obligetur mutuarius reddere illos tunc; sed cum velit. Quia triticum idem est, & æque vile in Augusto, & Maio, etsi extrinsecè varietur pretium, non sic pecunia. Et intelligitur conclusio de pecunia in ratione monete. Nam considerata in ordine ad alias utilitates, potest campfor obligare accipientem monetam auream reddere idem pondus auri, etsi valor sit auctus. Alias grauius ledere-tur. Sicut licet valor sit diminutus, satisfaciet alteri in eodem casu reddendo idem pondus.

ARTICVLVS IV. DE MONTE PIETATIS.

S V M M A R I V M.

Quid sit mons Pietatis, n. 1.

Cum cæcis conditionibus approbatur ab Ecclesia, n. 2.

MONS Pietatis est cumulus rerum quæ sunt materia mutui, statutus pro mutuando pauperibus sub pignore vendendo, si non redditur mutuum tempore signato, vbi mutuarij reddunt aliquid vltra sortem non pro mutuo, nec pro augendo monte, sed solum pro alendis ministris seruantibus montem in utilitatem & seruitium pauperum. Et mons iste istis conditionibus approbatur à Paulo II. Sixto IV. Innocent. VIII. Et in Conc. Trid. sess. 22. c. 8. & 6. numeratur inter opera pietatis. Et in Conc. Later. 3 sess. 10. approbatur, & excommunicantur oppositum asserentes. Et sic Caiet. oppositum tenens anno 1498. in opus. de hoc assistendo postea in isto Conc. vt magister nostri Ordinis Prædicatorum, anno 1515. cum illa sessio. 10. celebrata est, retractauit sententiam, approbando acta Concilii cum omnibus patribus isti assistantibus, vno excepto Hieremia Episcopo Tranen. Si obijcias non omnia acta illius Concilij maxime censuræ, esse recepta, vt ait Soto, & alij. Et saltem de hoc ambigitur à Caietan. ver. excommunicatio, & à Miranda, in summa istius Concilii. Ad hoc ita esse dico, loquendo de legibus ibi statutis: secus sit de declarationibus iuris diuini, aut naturalis: quæ inter diffinitiones fidei numerantur. Cuiusmodi etiam est declaratio monte Pietatis.

QVÆSTIO SEPTIMA.

DE RESTITVTIONE.

D. Thomas 2. 2. q. 62.

ARTICVLVS PRIMVS.

S V M M A R I V M.

*Quid sit iustitia & quotuplex. num. 1.**An restitutio sit actus iustitia commutativa, n. 2.**Vnde oriatur obligatio restituendi, num. 3.*

- I** *A*n restitutio sit actus iustitia commutativa. *Nota 1.* Quod iustitia est vna ex quatuor virtutibus cardinalibus. Et definitur à *D. Tho.* 2. 2. q. 58. *art.* 1. Quod sit perpetua, & constans voluntas ius suum cuique trihuens. Vbi voluntas sumitur pro actu voluntatis firmo, quo cuique ius suum tribuitur. Et diffinitur modo iustitia per suum actum cum per actum habitus specificetur. Et cum dicitur, quod iustitia est actus voluntatis, intelligitur non formaliter sed causaliter. At in forma scholastica sic diffinitur. Iustitia est habitus, quo constanti & perpetua voluntate ius suum cuique tribuitur. *Not. 2.* Quod iustitia alia est generalis seu legalis, cuius est ordinare homines, & eorum bona immediatè in bonum commune. Alia particularis, cuius est ordinare prædicta immediatè in bonum singularis personæ. Et iustitia legalis, alia est legalis strictè dicta: quæ intendit immediatum finem legis: alia est epicheia, quæ intendit finem mediatum, & extrinsecum legis, v.g. finis immediatus legis vetantis triticum deferri extra regnum est, vt sit copia panis: & finis mediatum, & principalis est conservatio Reip. Item iustitia particularis alia est distributiva, quæ dirigit ordinem totius ad partes, siue bonum commune in bonum partium. Alia est commutativa, quæ dirigit ordinem vnus personæ ad alteram. Ex dictis colligitur.

- 2** *1.* Conclusio. Restitutio est actus iustitiæ commutatiuæ. Ita *D. Thom. artic.* 1. Quia iustitia commutativa respicit æqualitatem rei ad rem: sed per restitutionem statuitur illa æqualitas: cum restituere, ait *D. Thom.* sit alterum iterum statuere.

tueret in possessionem integram rei suæ : ergo . Et nota, quod et si cū distribuuntur ciuibz bona communia , debeantur eis ex sola iustitia distributiuā : tamen distributor tenetur ex iustitia commutatiua ea distribuere iuxta normā iustitiæ distributiue, attendendo qualitatem, & merita personarum iuxta proportionem ad quantitatem boni communis . Et si alicui non detur sibi sic debitum , distributor ei, aut suis hæredibus, ad æqualitatem restituet . Ita *D. Thom. ad 3.*

2. Conclusio. Obligatio restituendi oritur ex duplici capite . 1. Ratione rei acceptæ, vtpotè, cū habeas alienum à domino, vel alio acceptum . 2. Ratione acceptionis, siue iustæ, vt in mutuo, & deposito, siue iniustæ, vt in furto . Et nomine acceptionis intelligitur omnis actus, quo quis habet minus quam debet habere , et si res accepta non maneat apud accipientem eam : vt abscissio manus , combustio domus . Et nomine acceptionis etiam intelligitur iniusta detentio alieni . Et nota, quod aliquando quis restituere tenebitur ex vtroque capite , vt patet in fure retinente furtum .

ARTICVLVS SECVNDVS.

S V M M A R I V M.

- Restitutio est necessaria ad salutem, & quando obliget, num. 1.*
An qui laesit in spiritualibus, teneatur aliquid restituere, nu. 2.
Ad quid teneatur auocans alterum à Religione, vel ad eam cogens, num. 3.
Ad quid teneatur mutilans, vel occidens alterum, num. 4.
Ad quid stuprator virginis, num. 5.
Infamans alterum quid, & quomodo teneatur restituere, nu. 6.
An si fama non potest restitui in proprio genere, restituenda sit in alio, num. 7.
An infamatus possit condonare restitutionem famæ, vel aliquis se infamare, num. 8.
An impediens alterum à consecutione alienius rei, teneatur ad restitutionem, num. 9.
An impediens à consecutione beneficij, num. 10.
An digniores sint eligendi ad beneficia, num. 11.
An digniores sint presentandi, num. 12.
An ad officia secularia sint eligendi digniores, num. 13.
An ista officia possint vendi, num. 14.

Quid, & quomodo teneatur restituere iniquus distributor bonorum communium, num. 15.

1. **A** Restitutio ablatis sit necessaria ad salutem.
 1. Conclusio. *D. Thom. art. 2. Affirmatiua. Ad Rom. 13. Nemini quicquam debeatis.* Ex August. epist. 54. *Nam dimittitur peccatum, nisi restituatur ablatum.* ut potest si restitui potest. 2. Restitutio est actus iustitiæ commutatiuæ, quæ eius inæqualitas reparatur: sed conseruatio iustitiæ est de necessitate salutis: ergo.
 2. Conclus. *D. Thom. art. 8. ad 1. Præceptum restituendi est affirmatiuum, cum per actum positiuum impleatur, & omissione violetur.* Sed reducitur ad præceptum non furandi. Et ideo includit istam negationem, non retineas alienum. Et ob id habet istam conditionem præcepti negatiui, quod obligat semper, & pro semper, ut dicitur *art. 8.*
2. **Dub. 1. An qui latis in spiritualibus, teneatur restituere.**
 1. Conclusio. Qui in istis latis, vi scilicet morali, ut si metu graui cogatur mulier ad coitum, aut dolo, contra *Bannes*, suadendo v. g. aliquem errorem, seu baptizandæ, siue absoluen-do sine intentione, restituet tollendo vim, aut dolum. Et si sic læsus nolit resipiscere, confertur voluntariè manere in peccato, & veluti condonare restitutionem. Ita *Soto 4. de iustitia, q. 6. art. 3. & alij hic.*
 2. Conclusio. Qui sine vi, & dolo alterum ad peccandum induxit, peccauit contra charitatem, & tenetur ex charitate strictius alijs corrigere; cum eum scandalizauerit, sed non ex iustitiâ, & sic nil restituet. Quia scienti, & volenti non fit iniuria. Et etiam alter liberè omnino consentit in peccatum, & eadem libertate potest resurgere à peccato.
3. **Dub. 2. An auocans alterum à Religione teneatur restituere.**
 1. Concl. Auocans alterum à Religione, vi, aut dolo, detinendo eum, aut detrahendo Religioni, restituet: non intrando ipse Religionem, sed tollendo vim, & dolum, & suadendo reuersum Religioso, cui est facta iniuria tollendo eius libertatem per vim, aut decipiendo ipsum per dolum. Qui enim per dolum alterius mutat propositum, non mutat voluntariè. Et si iste nolit reuerti, restituet alter Religioni famam suam detractione ablatam, & etiam bona, quæ Religio esset perceptura ex tali Religioso. Quia etsi Religio solum habeat ius ex mi-

Misericordia ad bona Religiosi, tantum habet ius ex iustitia, ne alter vi, aut dolo impediatur illam eleemosynam, vt alius pauper, Et idem est à fortiori de professore vtili dementato, vel vi, aut dolo à Religione extracto. Et nota, quod Eugenius IV. Bulla 7. & 8. relata in compendio Manuelis Rodriguez, excommunicat impediētes alios intrare Religionem, aut eos à Religione extrahētes, & extrahētes, & detinētes Religiosos professos sine consensu suorum Prælatorum. Et in *Concil. Trident. sess. 25. cap. 18.* excommunicantur qui sine iusta causa impediunt sanctam mulierum voluntatem vel accipiendi, aut yotemittendi, & cogentes mulierem, nisi in casibus in iure expressis, ad ingressum Monasterij, aut ad habitum accipiendum, vel professionem emittendam, & consiliantes, auxiliantes, fauētes, præsentiam, consensum, auctoritatem tali coactioni dantes.

12. Conclusio: Auocans alterum à Religione sine vi, aut dolo, sed consulendo bona fide, vt alij parentes, aut quia scit illi non conuenire Religionem, aut non duraturum in ea, nec peccat, nec restituit, cum nec ei, nec Monasterio sit allata iniuria, vt patet. Imò et si illud faciat sine causa, sed ex affectu ad amicum, aut etiam ex odio ad Religionem, dum ablit vis, & dolus, etsi ob odium peccet contra charitatem, sed non contra iustitiam. Cum Religio solū ex misericordia habeat ius ad bona religiosi, & sic nil restituit. Et idem est de extrahente sine vi, & dolo à religione professum vtilem, cum Monasterium ex sola virtute religionis habeat ius ad istius opera: Nec est idem de consulente seruo fugere dominum: cum dominus habeat ius ex iustitia ad personam serui, vt ad alias possessiones suas, & alias causa consulens iniustitie, si inquit in effectum, tenetur restituere, vt dicemus art. 2. in h. q. 2. in 2.

Dub. 3. An mutilans, aut occidens alterum, restituere debeat.

1. Concl. Si duo se mutuo prouocant ad pugnam, & unus moritur, alter nil restituit. Quia vterque cessit iuri suo. Et si alter alterum prouocauit, & prouocator leditur, prouocatus etiam si sine infamia fugere posset, & ideo peccet, nil restituit, ob dictam rationem. At si prouocatus leditur, prouocator restituit, cum prouocatus non esset simpliciter voluntarius in illa lesione, maxime si sine infamia fugere non potuit.

2. Concl. Probabile est, quod mutilans, aut occidens alterum, non tenetur restituere damnum naturale. Ita *Bañez hic.*

Genar. 1. vni. c. 2. n. 7. Namar. c. 15. num. 20. Et Ledesm. id putat probabilius *c. 6. de iustit. cum Vito. & Orella.* Quia etsi violet iustitiam commutatiuam, sed deobligatur à restitutione, sicut adulter, & Parochus, qui non ministravit Sacramenta morienti, ad quod ex iustitia tenetur. Nam in his, & similibus, ait *Bannes*, non est possibilis restitutio. Sed probabilius est oppositum. Ait enim *D. Thom. ad 1.* quando ablatum non est restituibile per aliquid æquale, debet fieri restitutio qualis possibilis est, vt si quis abstulit membrum soluat in pecunia, aut in alio honore; considerata conditione personæ vtriusque secundum arbitrium boni viri. Et ita communiter Thomistæ, *Med. in sum. Siluest. Soto 4. de iust. q. 6. art. 3.* Et patet. Nam restitutio famæ solet fieri in pecunia, ergo licet illud damnum naturale non sit restituibile in proprio genere, v. g. brachium pro brachio, erit compensandum in alio, vtpotè, in pecunia. Nec obstat, quod homo non est dominus vitæ suæ, & membrorum, sed solus Deus. Quia ad hoc, vt homini fiat iniuria si occidatur, aut mutiletur, sat est, vt sit custos vitæ suæ, præterquam quod, etiam est dominus vsus vitæ, & membrorum. *Et nota.* Quod ista restitutio fiet vxori, & hæredibus etiam voluntarijs, cum isti succedant in bonis defuncti cum omnibus iuribus comitantibus ista bona. Et si occisor non restituit, eius hæres, quidquid alij dicant, restituet quantum sufficiant bona hæreditata, & non plus, etsi hæres sit pater occisoris, cum ista sint obnoxia istius damni reparationi post mortem læsoris, sicut & ante mortem.

3. Conclusio. Mutilans, aut occidens alterum restituet expensas curationis, damnum emergens, & lucrum cessans: v. g. si occisus quotidie lucrabatur dimidium aureum, occisor restituet quod ex dimidio aureo obueniebat vxori, quæ est vna caro, & consors viri, & filijs, parentibus, & alijs hæredibus necessarijs, contra Victoriâ. Sed non restituet quod occisus secum consumeret in victu, vestitu, & infirmitatibus si viueret. Et in istorum taxatione attende quantum posset viuere occisus, & eius lucrum vt futurum, & impedibile, & dies, in quibus ob infirmitatem, festa, aut ob aliud occisus non laboraret. Non tamen tenetur occisor alere hæredes voluntarios occisi: cum isti quoad hoc non lædantur in proprijs bonis: cum nec sint partes defuncti, nec defunctus teneretur eos alere, sicut iure natura tenetur alere hæredes necessarios. Nec valet, pater non tenetur ex iustitia commutatiua alere filios;

ergo

ergo nec eius occisor : sicut nec valet , Petrus non tenetur ex iustitia dare eleemosynam Paulo , ergo nec qui per iniquitatem , & mendacium illam impediuit : cum occisor per iniquitatem impediuerit ius filiorum occisi ad alimenta .

4. Conclusio. Occisor non tenetur soluere debita creditoribus occisi , etsi ob suam occisionem non possit illis fieri restitutio . Ita communiter Thomistæ , *Bannes* , *Ledesma* , *etiam Orella* . Quia nec in foro externo , quod est custos iustitiæ , datur actio creditoribus contra occisorem . Nec in foro conscientie interrogatur occisor , si occisus haberet creditores . Nisi illum occiderit animo nocendi creditoribus . Nam tunc erit causa moralis damni creditorum , & iuxta *cap. si tua culpa , de iniurijs* . Si tua culpa , scilicet contra iustitiam commutatiuam , damnum illatum est , iure super his te satisfacere oportet .

Dub. 4. *An stuprator virginis restituere teneatur .*

1. Conclusio . Violans virginem promittendo , etiam si-
tè contra alios , eam ducere in vxorem , ad id tenetur per se loquendo , nec aliter reparatur eius iniuria . Ita *D. Anton. 2. par. tit. 5. cap. 6. §. 1. Siluest. verb. luxuria , Ledesm. cap. 6. de matrimonio , Ludow. Lop. tom. 1. cap. 77. Nauar. in Man. cap. 16. num. 17. Cord. in sum. quest. 50. & alij* . Imò si iurasti etiam non virgini ducere eam in vxorem , vt ea potiaris , ad id teneris , vt ait *Siluest. verb. matrimonium* . 2. Secus si credens esse virginem , quia ita putabatur , promisti illud , aliàs non facturum , aut si si- tè ob fornicandum cum ea illud promisti , tunc satisfacies in pecunia . Etsi *Soto 4. de iustitia , q. 7. art. 1. & Nauar. cap. 16. num. 18.* dicant teneri eam in vxorem ducere ob deceptionem . Quia ait , solida sunt facienda verba in contractu , do , vt des . Et citat pro se *D. Thom. in 4. d. 28. q. 1. art. 2. ad 4.* vbi ait , quod tenetur eam in vxorem ducere . Et si deceptor transiit ad alias nuptias , tenetur providere de-
ceptæ de nuptijs . Sed *D. Thom.* loquitur ibi de virgine detlo-
rata . Dixi per se loquendo . Nam aliquoties ad illud non te-
netur violator virginis . 1. Si sint multum dispares . 2. Si gran-
dia scandala ex illo matrimonio probabiliter timentur . 3. Si
vir interim sacris initiatur , vel intret Religionem , aut aliam
in vxorem duxit . 4. Si pater puellæ renuit eam ei tradere . In
his casibus , ait *Siluest. verb. luxuria* , aliter fiat damnorum
compensatio ad arbitrium prudentum . Si patri puellæ sit se-
cura infamia , restituatur , vt ait *D. Thom. & Caietan. 2. 2.*
quest. 154.

5

4

quæst. 194. art. 6. ad 1. Et puella docetur iuxta suum statum ita ut detur ei talis dos, quæ cum dote sua suppleat defectum virginidatis; & aliquid addatur ob contumeliosam vitam, quam cum aliis viro patietur cognito virginitatis defectu. Nam illorum fuit causa stuprator. Ita *Nauar. & Ludou. Lop.* At si nulla sit secuta infamia patri, & puella ita bene nupsit, ac si esset virgo, nec defectus sit a viro cognitus, nil stuprator restituet, ait *Nauar. sum. 19.* cum tunc nullum intuleris damnum.

2. *Concl.* Qui vi, dolo, vel precibus importunis merito in virgine causantibus inuoluntarium, aut alijs verbis amatorijs, suspirijs, muneribus, aut alijs vehementer excitantibus ad libidinem, violauit virginem, tenetur eam in uxorem ducere, præterquam in casibus primæ conclusionis. Nam non aliter restituitur honor virginis. Inò ait *Nauar. cap. 16. num. 29.* qui vi, dolo, aut dictis precibus accessit ad corruptam pro virgine reputatam, etsi pro virginitate nil restituet, bene tamen pro infamia, si sit secuta, & pro vi, & dolo. Ita si vir infirmus interfecit scētiā etiam corruptam, sed ignorantem virtutis infirmitatem, tenetur ei restituere expensas curationis, & alia dante emergentia, & lucra cessantia; iuxta dicta *sub. 3.*

3. *Conclusio.* Violans virginem omninò voluntariam, aut sine vi, dolo, aut precibus importunis, sed solum amatorijs verbis simplicibus inductam, tenetur ait *Mudm. in sum.* restituere; ac si vi, aut dolo eam violasset. Sed oppositum est probabilius. Ita *Soto 4. de iustitia, q. 7. art. Siluest. verb. iniuria, Nauar. in Man. cap. 16. Lodesm. in sum. tract. 8. cap. 6. cum Grelia, Bannes; & communiter Thomistæ, 2. 2. quæst. 62. art. 2.* Nam scienti, & volenti non fit iniuria. Ergo nil puelle restitues, nisi fuisse dehonorationem patri locutam ex suo pro diulgato; ut ait *Bannes, Nauar. & Cordoba contra Soto.* Nec obstat, quod virgo, ait *Medin* non est domina suæ integritatis, ut possit in eius iacturam consentire. Nam etiam homo non est dominus suorum membrorum, & si det alteri facultatem amputandi sibi manum, utriusque peccet, tamen amputator nihil tenetur restituere. Præterquam quod mulier est doufina vsus illius membri, sicut & aliorum. Aliàs ipsa etiam peccaret contra iustitiam amittenda suam virginem. Et intelligitur conclus. per se loquendo. Nam aliquando tenebitur violator restituere; vt potè, si de hoc fecit aliquam saltē tacitam conventionem; vt si virgo pau.

pauper, alias pudica & laceſſita ab alijs plebeis, eds repulſe, & conſenſit etiam leuiter rogata viro prædiuiti, tunc præſumitur non tam ex leuitate, quam ex neceſſitate id feciſſe: & ſic præſumitur tacita conuentio dandi aliquam ſaltem partem dotis, qua alteri nubat.

4. Concluſio. Dum aliud certo non conſtat, ſemper indiu-
uiduo præſumatur in virgine adfuſiſſe inuoluntarium, vel ob
ignorantiam boni amiſſi, aut ob paſſionem, quæ ſemper mi-
nuunt voluntarium *iuxta D Thom. 1.2. q. 76. art. 4. & qu. 77.
art. 6.* Et ſic his penſatis ſuprator obligetur ad aliquam ſatis-
factionem.

Dub. 5. *An infamans alterum teneatur reſtituere.*

1. Concluſio. Inuſtè infamans alterum nil reſtituet. Patet
in iudice legitime damnante reum, in teſtibus iuridicè depo-
nentibus contra ipſum, & in reuelante alterius crimen pro vi-
ctando damno proprio, vel proximi, aut ſeruato ordine corre-
ctionis fraternæ. In his enim & ſimilibus non peccatur contra
juſtitiam. Eſt aliquando peccetur contra charitatem, vt ſi ex
odio iſta fiant.

2. Concl. Si de facto tuis dictis non tollitur fama, nil reſti-
tues. Vt ſi detrahas viro infami, etiam dicendo falſum, vt de
meretrice amiſſiſſe lenonem, aut ſi de alio dicas crimen de-
quo ipſe non dedignatur, aut ſi tuis dictis non datur fides.
In his enim cum non ſit fama ablata nil erit reſtituendum.
Item ſi infamatus aliter recuperauit famam oſtendendo ſuam
innocentiam, infamator nil reſtituet. Et idem ſi alterum inſa-
maſti, & poſt longum tempus nullus de hoc recordatur.

3. Concluſ. Inuſtè infamans imponendo alteri crimen falſum,
tenetur dicere ſe fuiſſe mentitum, & ſi opus ſit, illud iu-
rabit, & adducet teſtes ſui mendacij ſi quos habet. Ita *Bannes,
& Soto 4. de iuſt. q. 6. art. 3.* Nam tenetur reſtituere ſamam om-
ni via poſſibili quouſque integrè recuperetur. Imo ad idem
tenetur, etiam ſi metu tormentorum tale crimen alteri impo-
ſuerit, contra *Armi. ver. reſtitutio.*

4. Concluſ. Inuſtè infamans alterum reuelando occultum
crimen, ita reſtituet, ac ſi falſum crimen imponeret. Nam
idem ius habet ad ſuam famam occultus peccator, ac qui
non peccauit. Et licet qui imponit crimen, plus peccet, ſed
non plus nocet. Et reſtitutio ſolam reſpicit, damnum illa-
rum repatandum, Ita *communiter Doctores.* Sed variant in
modo reſtituendi famam ſic ablatam, Primus modus eſt *D.*

Tho.

Tho. ad 1. dicendo se malè dixisse, iniuste diffamasse. Sed ob hominum malitiam modus iste regulariter iam non sufficit, nisi fortè apud rusticos. 2. Modus placens Bannesio est dicendo: Ego iniquè nesciens quidquam mali illius hominis, ex odio vel vindicta illud dixi, aut ignoranter dixi, sed veritate nota, & remordente conscientia restituo ei famam. Et modus iste licitus est, quia nescire, & ignorare dicitur etiam de eo, quod scitur, sed non ad reuelandum alijs, sicut Christus Matth. 13. ait se ignorare diem iudicij. Sed modus iste restituendi fortè non sufficit ob hominum malitiam. 3. Modus est dicendo esse mentitum, & modus iste licitus est, & sic obligabit si alius non sufficiat. Nam infamator tenetur restituere famam omni medio possibili licito quousque recuperetur. Sed licitè ait esse mentium, quia etsi dixerit verum speculatiuè, id est, aliquid conforme intellectui speculatio, tamen reuelando iniuste tale crimen occultum, dixit mendacium practicè, id est, aliquid discordans appetitui recto & sic verè dicit modo se fuisse mentitum, id est, peccasse, in quo sensu Psal. 4. peccatum dicitur mendacium in illo. Vt quid diligitis vanitatem, & queritis mendacium: id est, peccatum: ergo hac via, si non sit alia, tenetur restituere famam, & damna ex infamatione secuta. Et infamatus potest dicere infamatorem esse mentitum, id est, peccasse: sic enim licitè se defendit. Ita *Cajet. ad 2. Victor. & Bannes. Et nota.* Quod si Ioannes reuelauit Petro occultum crimen Pauli, credere debens, quod Petrus, ut potè leuis, reuelauit illud, si à Petro reueletur, Ioannes, Petro non se retractante, ostendet Petrum esse mentitum. At si Ioannes nouit Petrum timoratae conscientiae, tunc sat erit si Ioannes coram Petro se retractet, hortando eum, ut publicè dicat esse falsum, quod dixerat de Paulo, & quod ita competit examinando eum, à quo prius audiuit.

5. Conclusio. Infamator restituet famam cum æquali, & aliquantulum maiori damno famæ propriæ. Sed non cum maiori notabiliter. Non enim tenetur illustris cum damno suæ famæ reparare famam plebei. Imo si habes famam alijs obligatam, non potes uti illo medio. Sicut restitutio temporalium non est facienda cum longe maiori damno eorundem. Imo nec restitues famam cum damno temporalium nimis eam excedentium, ut illustris non tenetur restituere cum amissione sui status famam plebei. Ex dictis patet, quod si infamasti alium apud eos qui iam distant, si in
breui

breui videbis eos, differ vsque tunc restitutionem, si modo non potes restituere sine magnis expensis : at si non speres videre eos in breui, satisfacies per epistolas : & si hoc non potes, attende quantitatem expensarum faciendarum pro restituendo famam, & si ista non multum excedant famam, cum eis illam restitue : secus si excessus sit nimius.

Dub. 6. *An si fama non valet restitui in proprio genere, sit restituenda in alio?* 7

1. Concl. Si inter infamantem & infamatum sit conuentio de pecunia danda pro fama ablata, aut ad id infamator per iudicem damnetur, tenetur eam dare. Ita *Bannes & communiter*, 2. 2. q. 62. art. 2. Quia sententia, & pacta iusta obligant in conscientia. Et hac facta restitutiones, et si inueuiatur postea aliud medium quo fama in proprio genere restituatur, non obligat. Nisi restitutio in pecunia sit facta hac conditione saltem tacita, vt sit aliquando possit fama in proprio genere restitui, ad id teneatur infamator, & pecunia reddatur ab infamato.

2. Concl. Probabilius est *contra Siluest. verb. destructio*, quod qui non valet restituere famam in proprio genere, teneatur eam restituere in alijs bonis fortunæ. Ita *D. Anton 2. p. sit. 2. cap. 2. §. 8. Adr. quod l. 11. Soto de regen Men. 2 qu. 2. Med. in sum. Bannes, & communiter*. Et patet 1. ex *D. Tho. art. 2. ad 2. vbi ait*, si infamator non potest famam restituere, debet aliter fieri compensatio. 2. Pecunia est pretium omnium temporalium recipientium iustam estimationem, qualis est fama : licet enim fama ex se præstet pecuniæ : at tanta potest cumulari pecunia, vt adæquet, imo excedat famam. Sicut et si aurum sit pretiosius argento, at tantum potest cumulari argenti, vt excedat aurum. Ex dictis patet, quod si infamatus habet pecuniam infamatoris non valentis restituere famam, potest eam retinere saltem in quantitate adæquante famam. Ino si valet restituere famam, & n. lit, potest infamatus retinere pecuniam excedentem famam loco pignoris, quousque fama restituatur. Et dicta doctrina est sequenda per se loquendo. Aliquaudo tamen infamator non valens restituere famam in proprio genere de obligatur à restituendo, etiam in pecunia : vt si infamatus vult sibi fieri restitutionem in fama, & non aliter, vt sit inter nobiles.

3. Concl. Mortuo infamato pecunia danda pro fama hæredibus eius restituatur sicut mortuo infamatore eius hæredes restituent dictam pecuniam pro fama.

4. Concl.

4. Concl. Honor ablatuſ alapa, fuſte, aut ſimiliter, reſtituatur iuxta morem patriæ, ſed abſque peccato, vt eſt communis ſententia. At honor ablatuſ contumelia, etſi iuxta aliquos debet reſtitui petendo veniam, at iuxta D. Thom. & Caietan. 2. 2. q. 62. art. 2. ad 3. reſtituatur per exhibitionem reuerentiæ. Nam dehonoriatio fit non exhibendo alteri conſuetam reuerentiam ob excellentiam in ſanguine, dignitate, aut virtute, ſed contumeliator exhibendo reuerentiam ſubijcit ſe ei, à quo honorem obſtulit: ergo.

8 Dub. 7. *An infamatus poſſit condonare reſtitutionem famæ*

1. Concl. Qui habet famam alijs obligatam, vt Prælatos, &c. peccat contra iuſtitiam condonando famæ reſtitutionem: ſicut & infamando ſe de peccatis redundantibus in ſubditos, vt ſodomiz, hereſis, &c. Nam tunc læditur fama ſubditorum, & ſic non valet dicta condonatio. Imò ſecundum Medin. Bar. & alios, 2. 2. q. 62. art. 2. contra Soto q. de iuſt. qu. 6. art. 3. & Adrian. peccabit non ſolum contra charitatem, vt eſt communis ſententia, ſed etiam contra iuſtitiam, condonando reſtitutionem, aut infamando ſe etiam de peccatis non redundantibus in ſubditos, ſi alias vult manere in ſuo officio. Nam Prælatuſ ratione officij tenetur ex iuſtitia corrigere peccata ſubditorum, & eos ad ſpiritalia promouere: ſed Prælatuſ infamatuſ non poteſt hoc præſtare: quia iuxta D. Greg. in paſt. neceſſe eſt, vt cuiuſ deſpicitur doctrina, vita & prædicatio contemnatur.

2. Concl. Homo priuatuſ non peccat contra iuſtitiam infamando ſe, aut condonando famæ reſtitutionem: cum ſit dominuſ ſuæ famæ; ſed peccabit mortal. ex genere contra charitatem, cum exponat ſe periculo peccandi amiſſa verecundia, quæ eſt frenum, & cuſtodia virtutum. Et ſic præcipitur Eccl. 4. *Curam habe de bono nomine*. Et intelligitur conſuſio, quando illud ſit ſine rationabili cauſa. Nam ſi ablato ſcandalo & mendacio homo priuatuſ ex cauſa rationabili infamet ſe aut condonet reſtitutionem famæ, non peccat. Nam ſancti ita fecere. D. Ambroſiuſ publicas mulieres ad ſe ingredi fecit, vt ſic infamatuſ non eligeretur in Epiſcopum.

2. Homo priuatuſ eſt dominuſ ſuæ famæ: ergo ex cauſa rationabili poteſt eam expendere, vt ſi ſit alteri vtilis promouenda eiꝯ vita, aut fama. Sic etiam vita precioſior, licet exponitur periculo pro amico. Imò, vt in Soto, 5. de iuſt.

q. 20. art. 2. contra Caiet. & Armi. verb. detractio. metu tormentorum licite confiteris tuum peccatum occultum, & infame, etiam non interrogatus iuridice. Imò, ut ait Soto contra Nauar si tibi imponitur crimen falsum, quod occideris, & illud confitearis metu tormentorum, solum peccas venialiter mentiendo. Dixi ablato scandalo. Nam si ex confessione alicuius criminis, sequitur graue scandalum aliorum; sicut sequitur ex hæresi, sodomia; &c. erit peccatum mortal. ista confiteri in iudicio metu tormentorum, si non interrogetur reus istorum iuridice. Potius enim est subeunda mors quam istorum infamia: Imò ut ait Dm. Anton. 2. par. tit. 2. cap. 2. §. 3. Panormitan, in cap. ex parte, de sepul. Siluest. ver. detractio. tenetur se retractare postea dicendo metu tormentorum illud esse confessum. Nam etsi non sit per hoc à morte liberandus, aliquo tamen modo ab infamia liberatur. Hæc de restitutione famæ, honoris & vitæ. Nam de actionibus quibus ista læduntur alibi dico. De homicidio in 5. præcepto. De contumelia, detractio in 8. præcepto.

Dub. 8. *An impediens alterum à consecutione alicuius rei restituere teneatur.* 6

1. Concl. Impediens alterum etiam animo nocendi, sed sine vi & dolo, à consecutione dandi ex misericordia, liberalitate, aut gratitudine, nihil restituet: cum non violet iustitiam commutatiuam. Secus si illud facit vi, aut dolo, vt ait communis sententia contra Caietan. & Siluest. ver. restitutio. 3. Nam qui ius habet ius ex iustitia, ne vi, aut dolo impediatur sibi dandum etiam ex misericordia, liberalitate, vel gratitudine.

2. Concl. Impediens alterum etiam sine vi & dolo, sed consulendo, à consecutione sibi debiti ex iustitia distributiuæ, & simul iniuncti principaliter in bonum ciuium, vt sunt bona æuarij publici, tenetur restituere: Quia si distributor non det illa bona, tenetur restituere: sed qui impedit est concausa istius iniustitiæ, si suo consilio inluit in affectum: sicut, & qui impedit etiam sine vi, & dolo. Sed consulendo æconomum qui est à domino mandatum vt det illi elemosinam, si non det utique est iniustus, & restituet.

3. Concl. Qui etiam sine vi, & dolo, sed consulendo impedit dignum à consecutione beneficij, vt de re minus digno, tenetur sicut & principalis distributor restituere. Ita *Barbosa art. 2. dub. 12. cap. 9. de contrahitur Tholustæ* id

id colligunt ex *D. Tho. ad 4.* ubi ait, quod qui impedit, ne præbenda detur digno, consulens ut ei non detur, tenetur restituere. 2. Principalis distributor ideo restituere tenetur, quia non exercet debitè munus iustitiæ distributiæ, ad quod tenetur ex iustitia commutatiua, ut dicitur dub. 11. Sed qui impedit est causa consulens istius iniustitiæ, ergo. Patet etiam ex 2. concl. *Si obijcias.* Sequitur dignum opponentem se digniori teneri ei restituere beneficium, cum eum impediat recipiendo ipse beneficium, maximè si roget. *Ad hoc dico.* Quod si dignus bono animo etiam sciens se esse altero indigniorem, opponit se proponendo sua merita per examinatores examinanda sine vi, & dolo, nihil restituet; cum ad illud habeat ius. Secus si malo animo se opponat contra digniorem, ut sic diuisis suffragijs electorum dignior non obtineat præbendam, sed alius minus dignus.

4. Concl. Impediens dignum a consecutione beneficij, ut detur digniori, bene agit in bonum Ecclesiæ, aut Reipub. Ita *D. Thom. ad 4.* Imò etsi id faciat animo nocendi, dum non utatur vi, aut dolo, nihil restituet: cum non violet iustitiam commutatiuam. Nam dignus coram digniore non habet ius ad præbendam. Sed si impedas vi aut dolo, restitues non pro beneficio, cum alter non haberet ius ad illud, sed pro vi, & dolo. Nam habet ius ad hoc, ut non impediatur vi, aut dolo.

5. Concl. Impediens dignum a consecutione beneficij, ut detur æque digno, sed sine vi, & dolo, sed consulendo, rogando, &c. nihil restituet: cum uterque habeat ius ad illud. Sed si utatur vi, aut dolo, restituet, & pro beneficio, & pro vi, & dolo. Nam impeditus habet ius ad beneficium, & iniuste ab eo impeditur.

6. Concl. Dicta restitutio fiet Ecclesiæ in casu 3. conclusionis, ut dicemus dub. 11. & etiam digniori impedito. Imò & digno in casu 5. conclusionis. In quo, ait *D. Thom.* attende animum distributoris; nam si certum erat distributorem non daturum beneficium impedito, impeditor nihil restituet: cum non sit concausa damni. At si distributor erat paratus dare illi beneficium, impeditor integrè restituet. Et si dubitetur de animo distributoris, pro quantitate dubij restituit impeditor ad arbitrium prudentum, & pensatis circumstantijs, sicut fit restitutio damni illati in rebus quæ sunt in spe.

Dub. 9. *An sit eligendus dignior ad præbendam. Et na.*

21, quas conditiones habere debeant eligendi sunt. Prima est Vitæ probitas cū debānt esse exemplar gregis, vt dicitur. 1. Pet. 5. Secunda, Scientia, & prudentia, sine quibus virtus alijs non proderit, Tertia, Industria in agendis. Quod si inter duos vnus excedat in probitate morum; & alter in scientia; ille est isto dignior. 2. Nota, in beneficijs esse duo, primum, & potissimum est onus, & labor, secundum, est honor, & dignitas.

1. Concl. Electio digni relicto digniore valet, nec est cassanda. Hæc est contra aliquos Iuristas pro secunda parte: sed est D. Thom. 2.2. q. 63. art. 3. ad 3. Alias, ait, nulla esset electio firma in foro externo, circa quam non essent multe lites. Et hæc ratio D. Thomæ extollitur à Couar. super reg. peccatum, 2. p. §. 7. n. 13.

2. Concl. Electio digni relicto digniore est peccatum mortal. ex genere acceptionis personarum. Ita in Concil. Trident. sessio 24. cap 1. & D. Thom. 2.2. qu. 183. art. 3. Et est communis Theologis, quos refert & sequitur Soto. 3. de iust. qu. 6 art. 2. & iuristis, quo refert Cou. contra alios. Et patet. Nam ista beneficia sunt bona communia distribuenda secundum normam iustitiæ distributiue iuxta cuiusque merita. Dixi ex genere. Nam si beneficium sit tenue, aut excessus inter oppositores parvus, ob leuitatem materiæ erit peccatum ven. Et si electores iurassent eligere digniorem. Quia in iuramento promissorio, sicut & in voto, datur leuitas materiæ pro peccato ven. Imo aliquando, ob vtilitatem Ecclesiæ etiam cum dicto iuramento erit eligendus dignus, vt si sint duo beneficia, vnum simplex pingue, alterum parochiale tenue, eligatur dignus ad simplex, & dignior ad parochiale. Item, si sint plures electores, & maior pars vult eligere dignum omisso digniore, & ideo peccet, tamen minor pars potest ob pacem seruandam descendere cum maiori parte ad electionem digni. At nunquam licet in tali casu eligere indignum: cum hoc sit intrinsece malum. Imo si sint tres eligendi, & maior pars vult eligere indignum, alia pars dignum, alia dignissimum, tenetur ista pars si non potest eligere dignissimum, descendere cum volentibus eligere dignum, vt sic impediatur electio indigni Ecclesiæ nociua. Hæc de electionibus quæ sunt per concursum multorum oppositorum, siue eligendus debeat esse illius Ecclesiæ, sicut fit in beneficijs patrimonialibus (quod vt D. Thom. 2.2. qu. 63. art. 2. ad 4. ait, consuevit in pluribus esse vtilius bono communi, cum iste magis diligat Eccle-

nam, ubi est nutritus) electio fiat de concurrentibus a
sitionem intra tempus taxatum. Nam de resignantibus
præsentantibus ad beneficia, sit.

12. 3. Concl. Non licet istis præsentare indignum etiam
beneficium institutum ex bonis patroni. Nam hoc esset i
num animarum, & Ecclesie, & contra ius diuinum, &
Nec potest istius electio confirmari; benè verò electio d
rubeat in *Concl. Trid. sess. 24. cap. 18. Et iuxta 1. concl.*
4. Concl. Licet sit resignatio pro digno, relicto dig
Ita *Cuiet. verb. beneficium*. Et sic refert *Mann. Rodr.*
1. *part. cap. 106.* declarasse Congregationem Cardin
tet, Quia iusticia, quæ respicit digniorem non habet loc
in bonis communibus, ut ait *D. Thom. 1. 2. q. 98. art. 4.*
Sed beneficium hoc est bonum particulare resignantis
ergo licet resignat illud pro digno.

5. Conclusio. Probabile est posse dignum præsentari
beneficium etiam curatum, maxime si patronus sit laic
cum ita teneant multi Theologi, & Iuristas. Sed prob
est patronos etiam seculares teneri eligere digniores a
ficia etiam simplicia. Ita *Bannes 2. 2. q. 63. art. 1. dub. 1.*
in *Concl. eis. Et sess. 6. cap. 1.* absolute præcipitur electio
ris. 2. Beneficia sunt bona communia Ecclesie, ergo
buenda iuxta normam iustitiæ distributivæ. 3. Papa
dare beneficia etiam simplicia dignioribus iuxta dicta
mam: cum non sit eorum dominus, sed dispensator, et
solum concessit patronis.

13. Dub. 10. An ad officia sacralia sint eligendi digni
Et nota. Quod scientia, prudentia, animi fortitudo
lus iustitiæ, & boni communis, sunt dignitas requi
ista officia.

1. Conclusio. Non potest Rex dare ista officia ind
Ita *Bannes Soto, 3. de iustitiis, q. 6. art. 4. Et communiter*
et si Rex sit dominus istorum officiorum, ut ait *D. Thom.*
2. 1. *dub. 5.* & secundum Theologos, & Iuristas, quos re
sequitur *Bannes dub. 6. contra Adrian. in tract. de recti*
ob stipendium à Republica acceptum tenetur ex iustiti
mutativa providere ei de ministris idoneis: aliàs re
damna secuta. 2. Patet à fortiori ex dictis de resignant
ficium, *dub. 9. conclus. 3. Et 4.*

2. Concl. Contra *Cuiet. verb. electio*. Peccatum est
le ex genere, non eligere digniores ad hæc, sius electio

civibus eiusdem Reip. siue ex extraneis, siue electio fiat per votum, siue non. Nam ista sunt bona communia ordinata in bonum Reip. & pro eius conseruatione, etsi secundario ordinantur in bonum ciuium. 2. Etsi Rex sit dominus istorum officiorum, tamen Resp. *ut patet ex lege 1. de cons. prin.* transtulit dominium in eum hac conditione saltem tacita, vi distribuuntur iuxta normam iustitiæ distributiue, attendendo merita ciuium; ergo id omittere erit peccatum mort. ex genere. Et si aliquando sit peccatum ven. ob paruitalatem excessus dignioris supra dignum, etiam si electores iurassent eligere digniorem; *in ta dicta dub. 9.* Imo aliquando nullum erit peccatum eligere dignum omisso digniore, si expedit Reip. ut ista officia vendantur. *Vnde sit*

3. Concl. Venditio officiorum etiam non habentium curam iustitiæ male sonat; cū sic dentur ambitionis, & auaris sua iura rigorosè extorquentibus. Sed quæ male sonant, debitis ornata circumstantijs licita sunt, ut si ista, *sic D. Tho.* vendantur dignis, & pretio moderato, ne cogantur rigorosè recuperare pretium pro eis datum, & cum necessitas Reip. id petit. Et intelligitur etiam de officijs cum cura iustitiæ. Nam etsi ista non possint vendi iuxta ius commune, *l. unica, C. ad leg. Jul. Erc. sancimus, l. q. 7. & in iure Hispano, lib. 1. ord. tit. 5. lib. 2.* tamen Rex iustis causis potest in his legibus dispensare. Et de eius licentia saltem tacita potest quisque ista vendere. Imo est probabile contra Soto, quod si habes licentiam transferendi ista officia in alium, potes illa vendere. Quia licentia hoc videtur sonare, quod possis ea in alium transferre, siue vendendo, siue donando. Si obijcias, quod Pius V. in motu qui incipit, Etsi Romani Pontif. Nonis Decem. anni 1571. & in motu, qui incipit, Cum nuper; pridie idus Febr. anni 1572. vetat pœnis grauissimis ambire etiam per alium pretio, seu promissis, aut sic obtinere dignitates, & officia cum iurisdictione, aut pro istis pretium accipere, aut ad id mediatè: *Ad hoc dico.* Ista esse statuta pro temporaliter subiectis Papæ.

Dub. 1. 1. *An teneatur restituere iniquus distributor bonorum communium siue ordinatorum solum in bonum ciuium, ut bonum aerarij publici, siue ordinatorum immediatè in bonum Reip. & mediatè in bonum ciuium, ut officia.*

1. Concl. Iniquus distributor aerarij publici restituet. Nam etsi ciues in ordine ad Rempub. solum habeant ius ex iustitia distributiua, tamen in ordine ad distributorem, ha-

bent ius ex iustitia commutatiua, vt sibi i ta æqualiter proportionaliter distribuatur. Et ista est voluntas Reip. quam distributor ob stipendium acceptum tenetur sequi ex iustitia commutatiua. Ex his patet, quod etiam ciues accipientes de his bonis plus debito, tenentur restituere excessum Reip. aut ciuibz relictis: cum illud habeant contra voluntatem veri domini. Et intelligitur concl. quando distributor videns, & sciens, aut ex magna negligentia facit distributionem notabiliter iniquam. Nam si ex aliqua negligentia distributoris non fit bene distributio, nihil ab eo, sed à solis accipientibus excessus restituatur. Esset enim aliàs grauissimum onus distributoris. Et idem est de distributione tributorum. Si enim imponis maiora tributa quam opus sit, aut vni ciui plus debito applices, restitues excessum: cum in hoc iste lædatur.

47

2. Concluf. Distribuens officia Ecclesie, aut Reip. indigno, restituet damna secuta Ecclesie, aut Reip. Ita communiter Theologi, & Iurista. Nam ob stipendium acceptum, aut ob pactum cum Repub. initum tenetur providere ministros idoneos. Et intelligitur si distributor ex magna intelligentia dat officium indigno. Secus si bona fide putabat esse dignum, nam esset intolerabile obligare istum tunc restituere, sed indignus officium restituet.

3. Concluf. Eligens dignum omisso digniore, in sententia probabili nihil restituet Ecclesie, seu Reip. cum ei fiat satis providendo ministrum idoneum iuxta stipendium signatum. Nec restituet digniori relicto: cum ita sentiant Soto 3. de iust. q. 6. art. 3. ad 6. Con. in reg. peccatum 2. p. 5. 7. a. 6. Nauar. c. 17. in 69. & Cano. Sed probabilius est, esse restituendum, tum Ecclesie, aut Reip. secundum Medin. in iur. & Bannes 2. 2. qu. 63. art. 2. Nam distributor ob stipendium acceptum tenetur ex iustitia commutatiua providere si potest de diligentiori ministro. Tum etiam digniori relicto, vt ait Medin. Bannes. Palud. in 4. d. 15. Silu. ver. restitutio. 3. Vile. Penna & Orell. Et videtur D. Thom. 2. 2. q. 62. art. 2. ad 4. Quod maximè est verum in officijs distributis in concursu multorum oppositorum. Quia tunc dignior proponendo merita sua habet maius ius ad officium, vt ait Caiet. in D. Thom. loco cit. Item impertinens est ad restitutionem ordinari ista officia mediata, aut immediata in bonum ciuium.

71

4. Concluf. Restitutio ista sic fiet, si distributor omisit plures digniores, satisfaciet dando cui velit illorum aliud æqua-

le beneficium: & compensabit damna ei secuta vsque ad istam restitutionem. Et intelligitur hoc, dum tamen istud beneficium sit incompatible cum priori, nec ei aliàs debitum ex iusticia distributua, sicut primum. Dignus autem, cui est datum prius beneficium, nihil restituet: cum haberet ius proponendi sua merita per electores examinanda, vt dixi *dub. 8.*

ARTICVLVS TERTIVS.

S V M M A R I V M.

An sufficiat restituere simplum iniuste ablatum, num. 1.

Varia genera tributorum, & conditiones requisita vt sint iniusta, num. 2.

Persona exempta à tributis, num. 3.

An tributa obligent, num. 4.

An cadentes ligna in siluis teneantur ad restitutionem, num. 5.

An venatores, & piscatores, num. 6.

An liceat aucupari aues, & columbas, num. 7.

Ad quid teneatur negligens custos montium, & fluminum, num. 8.

AN satis sit restituere simplum iniuste ablatum.

1. Conclusio. Omnis inæqualitas ex ablatione rei secuta in vita, honore, & diuitijs, satis reparatur per eorundem restitutionem: sed culpa commissa in accipiendo alienum contra legem reparatur per pœnam iudicis. Et nota, quod si ex ablatione alieni non resultat alia notabilis iniuria præter acceptionem rei, sat est restituere ablatum: at si resultat aliud damnum in honore, fama, &c. vt in rapina, erit compensandum, nisi aliàs sit tale, quod non soleat compensari, sicut iniuria mariti in adulterio reperta. Ita *Medin. in sum. in 6. præcepto, & Man. Rodr. in sum. 1. par. cap. 26.*

2. Conclusio. Ante sententiam iudicis solum restitues ablatum: sed post eam erit etiam soluenda pœna in conscientia. Et præter dicta in principio de legibus, nunc agemus de legibus tributorum, venationum, &c.

Dub. 1. *An leges tributorum obligent.* Et nota ex *Siluest. verb. Gabella*, esse multa genera tributorum; quædam tribuuntur ex bonis à quouis possessis, & dicitur collecta; quædam ex bonis, quæ venduntur, & dicitur alcauala; quæ

nam ex comestibilibus, & dicitur sifa: alia ex bonis
 tis de vno in alium locum, & dicitur portazgo, &c.

2. **Conclusio** Tributa vt sint iusta, habebunt aliquas
 tiones. 1. Vt sint imposita ab habente auctoritatem, v.
 pite Reipublice perfectæ, aut à consuetudine immemori
 quo patet, dominos oppidorum non posse imponere
 vassallis, aliàs excommunicantur in Bulla Cœnæ: &
 docti dubitant de iustitia tributi dicti *seruitio*, & de
 tione, qua vassalli vendunt dominis gallinas, &c. certe
 minori iusta: nisi ista aliàs compensentur in solutione
 tuum, quos quotannis vassalli soluunt. Ita *Ludou. Lop.*
cap. 187. Et licet aliqui domini istorum ex dono, aut
 tione Regis habeant vestigia sacrorum oppidorum, te
 mitius quam Rex illa exigere, vt ait *Ludou. Lop. & Son.*
iustitia, q. 6. art. 7. Tum quia Rex habet illorum ma
 necessitatem illum iustificantem. Tum quia emerunt i
 tanti, ac modò aestimantur. 2. **Conditio**, quod tribu
 imponantur ad ditandos Reges, sed ob communem
 tem, qua cessante, & alia simili non succedente, cesser
 tum: vt ait *Caiet. & Siluest. verb. Vestigal.* 3. **quantis con**
 dine etiam immemoriali in contrarium non obstante

3. **Conditio**, vt seruetur proportio in soluendis tribu
 ordine ad necessitatem communem, & ad subditos. Ita
 parua, & breui necessitate non petantur magna, & di
 tributa, nec tantum à paupere, quantum à diuite. 4. **Con**
 ditio, vt non imponantur in rebus, quæ vehuntur ad pro
 vsum, iuxta *leg. vniuersa, C. de vestig.* Ita *Caiet. Nat. c.*
num. 202. & Lodezm. in 4. quest. 18. art. 3. Sed *D. Au.*
par. cap. 14. verius tenet oppositum. Et patet ex vsu in
 to dicto, Sifa, imposito in carne, vino, oleo, &c. Ne
 medium ita commodius pro subueniendo communib
 cessitatibus, vt ait *Siluest. verb. gabella.* 5. **Conditio**,
 non exigantur à personis exemptis, à monachis, moni
 à clericis maiorum Ordinum, nec à clericis minorum
 num habentibus beneficium Ecclesiasticum. Aliàs isti
 gentes, consiliantes, auxiliantes, fauentes, aut exequ
 excommunicantur, nec absoluantur, donec plenè satisfa
 Ita *cap. quamquam, de censib. in 6. & in Bulla Cœnæ*
cap. clericis, de immunit. Eccles. in 6. excommunicantur
 reservatione, Ecclesiastici sine licentia Papæ ista quon
 lore doni, aut mutui, &c. dantes, cum pena etiam d

tior

tionis, sed hoc reuocatur in *Clem. quoniam de immun. Eccles.* nec in Bulla Cœnæ innouatur, nisi solum decreta de hoc in Concilijs generalibus, & specialiter excommunicatio ista accipientium etiam à sponte donantibus. Sed non gaudent dicta ex emptione clerici negotiantes ter moniti, vt à negotiando desistant. Ita *ca. ex litteris, de vita, & honestate cleric.* Et intelligitur ista conditio de tributis immediate ordinatis pro bono communi sæcularium, et si mediatè respiciant bonum ecclesiasticorum, vt sunt pontis instructio, fontis purgatio, viarum communium, & murorum reparatio. Ad hæc enim non contribuent ecclesiastici: vt ait *Siluest. verb. immunitas.* 1. Poterunt autem si velint de consensu Episcopi, & cleri, & cum licentia Papæ. Ita *c. aduersus, & cap. non minus, de immun. Eccles.* Et si insitet necessitas, nec patet aditus ad Papam, sat erit deliberatio cleri cum Episcopo, vt dicitur in *cap. fin. de Eccles. adif.* At si necessitas communis ex æquo respicit utilitatem ecclesiasticorum, & laicorum; debent clerici contribuere de consensu Episcopi, & cleri; vt in tempore pestis tenentur clerici pro rata contribuere expensas pro extrahendis infirmis, ne Rempublicam inficiant. Ita *Ludou. Lop. c. 187. & communiser.* Et nota, posse Regem ex rationabili causa ex ordine ad bonum commune desumpta, eximere aliquos à tributis. Nam vt dixi, potest ista tributa imponere in ordine ad bonum commune; ergo in ordine ad istud bonum ob seruitia Reipublicæ impensa potest aliquos eximere. Ita *Soto, Nauar. in Man. cap. 15. num. 6. Ledesm. tract. de iustit. distrib. & communiser.* At non potest id facere sine causa, maxime si tributum istorum exemptorum alijs imponatur. Et idem est si Rex eximit aliquem ob pecuniam, non potest istius tributum alijs imponere. Ita *Soto, Siluest. Cord. & Ledesm.*

2. Conclusio. Tributa certò iniusta non obligant, sicut nec lex iniusta, vt dicitur 1. 2. q. 96. art. 4. Et in dubio de iustitia tributi, si sit antiquum, & vt iustum consuetudine receptum, et si modò insurgat dubium etiam rationabile, adhuc est reddendum. Nam tunc Rex possidet, & in dubio melior est conditio possidentis. Ita *Ledesm. cum alijs.* At si tributum sit nouum, & tunc rationabiliter dubitetur de eius iustitia, aliter est dicendum. Ita *Gabr. in q. d. 15. q. 15. art. 2. Mod. q. 13. Aragon. 2. 2. q. 62. art. 3. Manu. Rodr. & Ledesm.* Nam ciues tunc sunt in possessione, & in dubio melior est conditio possidentis. Et si obiecias, quia in dubio præsumendum est pro

Rege. *Ad hoc dico*, hoc debere intelligi, si non agitur interesse Regis. *Et nota*, quod si in aliquo cabildo tractatione impositione alicuius iniusti tributi, & maior pars vult resistere, minor pars peccabit contra iustitiam consentiendo. Scit quod non consentiendo maior pars non consentit, si causa sit efficax talis tributi. At si minore pars non consentiente, alijs consentientibus imponatur tributum, peccabit minor pars contra charitatem consentiendo, probando malum, sicut dixi de eligente indignum *art. 9.* Et ex hoc patet peccare mortaliter contra iustitiam, si res ciuitatum non astantes in cabildo, si sciunt conueniunt, faciundo aliquid iniustum: cum ex iustitia, & officio, cum periculo alicuius damni astare tunc teneantur, vt si damna sunt Reipublicæ. Aliàs illa restituent: nisi certa illa damna impedire non posse.

3. Conclusio. Vestigalia decimæ partis videntur iniuste. Ita *Soto, Med. 1.2. q. 96. art. 4. & alijs.* Sunt enim in maius Reipublicæ perniciem, cum cessent negotiationes, vt patet, est si trigesima pars soluatur, vt ait *Med. & Ledesm.* Non sit tanta Reipublicæ necessitas, vt ad decimam soluamur. Vnde si tributa sint nimis excessiua, solum teneantur subditi soluere quotam arbitrio prudentum moderata non plus, etiam sub iuramento demandati.

4. Conclusio. Tributa iusta obligant in conscientia. Moderatum stipendium debetur ex iustitia Regi etiam illi, quia gubernat, tuetur, & conseruat in pace Rempublicam. Sed ista non soluantur quousque petantur, vbi usus ita est, qui potest derogare legi contrarie, quæ habetur *en el c. no de las alcavalas, ley 120.* vbi præcipitur, vt intra quatuor dies tributum publicano tradatur. Sed hæc lex non est recepta. At si petantur, fideliter manifestentur. Ita *Med. & communiter.* Et addit *Ledesm. cum Bannes*, esse receptibile: quod semel occultato, etiam cum dolo, iusto reus non est restituendum post duos annos. Nam in dicto *terno, l. 129.* ponitur publicano terminus duorum annorum, intra quos possit petere tributum, & in certis mensibus, quæ non venduntur coram tabellione, ponitur terminus mensium. Sed alijs videtur, quod etiam transacto termino non deobligantur à soluendo tributum dolo ratum, etsi publicano denegetur actio in iudicio. Et quod qui à Rege damnum accepere, possunt compen-

in solutione istorum tributorum, etiam si sint à Rege alijs attendata. Ita *Silv. ver. Gabella. 2. & Nauar. lib. 3. de restit. cap. 1. m. 248. contra Ledes.* oppositum asserentem, & forte verius, de tributis attendatis.

5. Conclus. Si celebrata aliqua venditione rescindatur ante traditionem rei, & pretij, etiam dato signo emptionis, non debetur vestigal. Ita *Ledes & Lud. Lop. 2. p. c. 41.* Non enim censetur consummata venditio, cum nec res, nec pretium sint tradita. Secus, si res ad creditum venditur, & traditur. Cum iam emptio sit perfecta; & consummata. Nam hæc est natura contractus ad creditum.

Dub. 2. *An caesores lignorum restituere teneantur.*

1. Conclus. Cædens sibi ligna in siluis communibus sui oppidi non peccat saltem mort. cum ligna sint pro vtilitate ciuium. Nec restituet, *contra Mann. Ros. in sum. 1. p. c. 38.* Nam lex vetans cæsiōem lignorum solum obligat ad pœnam. Imo, etsi cædas ligna ad vendendum, non peccas mort. nisi ex frequenti cæsiōe lignorum silua deuastetur. Nam tunc restitues, *vt ait Bannes, 2. 2. q. 62. art. 3.* cum vires in iustitiam commutatuam priuando alios ciues iure, quod habent ex iustitia distributua ad ligna vt ad alia bona rerarij publici, *iuxta dicta art. 2. dub. 8.* Et idem de cædente ligna in silua particularis domini, quæ non constat esse ab eo, aut à suis maioribus constata. Nam istæ siluæ censentur applicatæ dominis particularibus hac lege, vt ipsis liceat cædere ligna sine pœna, etiam deuastando siluam, alijs verò liceat cum sua pœna. Nec aliter possunt applicari siluæ, vt potè, cum ligna producantur pro communi v su hominum sine labore humano.

1. Conclusio. Cædens ligna in silua oppidi vicini nihil restituet. Nam oppida vicina mutuò sibi compensant damna ista, cædendo quis ligna in siluis alterius, & sola pœna sunt contenti, si comprehenduntur. Et intelligitur conclus. 1. Nisi silua deuastetur, alias deuastator peccabit mort. contra iustitiam commutatuam, & restituet. 2. Nisi oppidanus cædens ligna non habeat in suo oppido siluas, in quibus fiat compensatio.

3. Conclusio. Cædens ligna in silua domini particularis, a b eo, aut suis maioribus constata, si inferat notabile damnum, etiam citra deuastationem, peccat mort. contra iustitiam commutatuam, & restituet. Et quod sit notabile damnum iudicetur attenta materiæ qualitate. Nam in lignis à terra
vltro

ultero sine cultura, & labore productus maior quantitas requiri-
tur ad graue damnum. Et quod dicitur de lignis istis syluestri-
bus, dic de eorum fructibus, vt de glandibus, ait *Bannes*, cum
fructus sequatur naturam, & conditionem arboris. Et idem
dic à fortiori de herbis facibus à terra ortis, in quibus omni-
bus attendatur consuetudo approbata.

6 Dub. 3. *An venatores, & piscatores teneantur restituere.*

1. Concl. Qui piscatur, aut venatur in fluuijs, aut memori-
bus patentibus Reip. seu partibus, nec peccat mort. nec re-
stituet nisi fiat magna deuastatio ferarum. Patet ex dub. 2. con.

2. Imò à fortiori, cum ista animalia non sic ac ligna sint appli-
cata, sed huc & illuc percurrant, & pascantur pastibus nemo-
rum vicinorum.

1. Conclusio. Qui venatur in nemoribus circumseptis à
domino particulari, aut piscatur in alieno stagno, restituet. Ita
Soto, 4. de iust. q. 6. art. 4. *Bannes*, 2. 2. q. 62. art. 3. *Com. in reg. pec-*
catum 2. p. § 8 n. 14. Nam fera ista per inclusionem sunt sim-
pliciter propriæ domini fundi: cum intra proprium fundum
pascantur. At feram semel egressam capere licet, etsi non am-
ferit consuetudinem eundi, & redeundi ad proprium nemus.
Ita *Bannes*, & communiter contra *Nau. in man. c. 27. n. 129* &
Matth. Rod. in sum. 1. p. c. 37.

7 Dub. 4. *An liceat aues aucupari.*

1. Concl. Aues domesticæ, vt gallina, anseres cicutres, & alia
animalia arte mansueta, capta etiam extra suam domum resti-
tuantur. Et hoc est omnibus certum. Et etiam est certum non
peccare qui aucupatur aues syluestres, etiam tempore vetito.
Et patet à fortiori ex dictis de venatione ferarum: cum aues li-
berius vagentur, & sint communiores.

2. Conclusio. Aucupator columbarum intra columbarium
iuste & sine iniuria vicini umc onstructum, restituet. Secus
de aucupatore illarum extra leucam à lege taxatam, vt ait *So-*
to 4. de iust. q. 6. art. 4. contra *Ludow. Lop. tom. 1. cap. 146. cum*
Cord. Nam ium sunt communes, & pascuntur alionis pa-
ficus. Imò etsi peccet contra obedientiam legis aucupando
columbas intra illam leucam, sed non contra iustitiam, vt ait
Bannes, & *Armi*, verb. columbarium, contra *Soto*, & *Canarr.*
Nam columbæ egressæ à columbario non sunt magis propriæ
domini columbarij, quam fera egressæ à fundo vallato. Et
lex vetans aucupium non applicat columbas domino colum-
barij.

Dub. 5.

Dub. 5. *Ad quid tenentur negligens custos montium, & fluuiorum, &c.* 8

1. Concl. Si ista vetare sit iniustum, peccauit custos etiam stipendiatus & iuratus, exigendo pœnas, aut denunciando venatores, & lignorum cæsores. Nam qui tunc vetat illorum acceptionem, peccat contra iustitiam: ergo & ministri ad id iuuantes.

2. Concl. Si ista vetare sit iustum, peccat contra iustitiam negligens custos, non denunciando, aut non exigendo pœnas. Nam ob stipendium acceptum tenetur ex iustitia diligenter custodire montes. Ita *Nau. cap. 25. num. 34.* Et idem ait de custodibus aduenarum custodientibus, ne merces extra regnum deferantur. Sed in duobus casibus excusabuntur. 1. Si dissimulent cum egenis. 2. Si dissimulent cum amicis domini fundi, & consanguineis, & rationabiliter intelligant id domini non placere. Ita *Nau. c. 17. n. 122. & 123.*

3. Concl. Custos negligens de leui culpa restituet damna. Ita *communiter*. Imò & pœnas quas venatores soluerent, si ab eo denunciarentur. Sicut idem dicitur de ministris iustitiæ in præcepto. 8. q. 3. art. 1. dub. 6. Ita *Aragon. 2. 2. qu. 62. artic. 3. & Manut. Rod. in sum. 1. part. cap. 123.* Et si opposita sententia Nauarri sit probabilis. Imò *cap. 25. num. 34.* ait satis probabiliter, custodem istum non teneri restituere pretium acceptum pro non denunciando. Quia ad istam acceptionem non est inhabilis per leges.

ARTICVLVS IV.

S V M M A R I V M.

Quomodo facienda restitutio rerum existentium in spe, n. 1.

An fructus percepti ex furto restituendi, n. 2.

Quomodo restituenda res furata, si sit meliorata vel deteriorata, num. 3.

Antendatur quis restituere quod non abstulit.

1. Concl. Qui intulit damnum in re adu habita, illam integrè restituet.

2. Concl. Qui intulit damnum in re habita in spe, restituet non ad aequalitatem, sed pensatis circumstantijs rei, &c.

De 1. Quomodo sit restitutio totius existentium in spe.

1. Concl.

1. Concl.

1

1. Concl. Qui per ignorantiam inuincibilem intulit damnum in istis, nihil restituet. Quia non ratione rei acceptæ; cum nihil habeat alienum: nec ratione acceptationis, vt patet; ergo. Si autem intulit damnum ex ignorantia culpabili, & a fortiori si videns, & sciens calcauit fata, etsi id non intendet primo, & per se, sed implere suam libidinem, restituet attentis circumstantijs spei, periculorum & futuri temporis, & demptis expensis faciendis pro colligendo rem. Ita ex *Dis Thom.*
2. Concluf. Res ablata fructuosa restituatur cum fructibus perceptis, cum res domino fructificet. Imo & cum fructibus non perceptis, si dominus rei erat illos percepturus, *iuxta cap. grauis de resti. spoliat.* & demptis expensis faciendis.
3. Concluf. Non est fructus pecuniæ furatæ, quod fur lucratur cum illa. Nam cum pecunia sit infructifera, lucrum ex ea acceptum industriae furis tribuitur. Restituatur tamen pecunia furata cum lucro cessante, & damno emergente ex eius ablatione, v. gr. si furatus es triticum, aut aliud seruandum in tempus, quo pluri æstimatur, restitues valorem, quo tunc æstimabitur. Quia illius damni fuisti causa.
4. Conclusio. Res furata meliorata apud furem restituatur demptis expensis non extraordinarijs, sed faciendis a domino si rem secum haberet. At si res sit deteriorata apud furem eius culpa, restituetur cum compensatione damni, vt patet ex illa regula iuris. Si tua culpa, vtpotè contra iustitiam commutatuam, damnum illatum est, iure super his te satisfacere oportet. Secus si non sit deteriorata culpa latronis, sed eodem modo fieret deterior apud dominum. Nisi aliàs dominus eam venderet ante deteriorationem. Nam iam latro erit causa istius damni. Etsi aliud dicant alij.

ARTICVLVS V.

S V M M A R I V M.

An restitutio sit facienda cum damno alicuius, n. 1.

An restituenda res illa cuius datio & acceptio est prohibita, num. 2.

Quid si sola acceptio sit iniqua, n. 3.

Quomodo restituenda bona incerti domini, n. 4.

Cuius expensis restituendum debitum domino absenti, n. 5.

An

An restitutio sit facienda ei à quo est res ablata.

1. Concl. Si res sit eius à quo ablata est, restituitur ei; sin minus, vero domino: Nisi restituenti damnum immineat in persona, aut bonis. Vel nisi dubitetur an res sit furtiua: Nam tunc melior est conditio possidentis.

Dub. 1. *An restitutio sit facienda domino cum damno eius, aut alterius.*

1. Conc. Peccas mort. contra iustitiam dando v. g. gladium domino petenti ad se, aut alterum occidendum, aut aliud damnum contra iustitiam inferendum, si sine tuo gravi damno potes illum retinere, & restitues damna secuta cum sis illorum causa. Imo si dominus petit depositum in damnum Reip. aut personæ Reip. maximè necessariæ, etiam cum periculo vitæ illum retine, si sic malum vitatur. Quia pars cum suo damno tenetur conservare totum.

3. Conclusio. Si redditio depositi cedit in damnum spirituale creditoris solum, vt si petit pecunias ad scortandum, reddantur. Nam dominus habet ius petendi, & alter retinendo non vitat eius peccatum: cum sit ad illud paratus, in quo consummatur. At si depositi redditio cedit in damnum spirituale tertij, vt si petuntur pecuniæ ad sollicitandam virginem, peccas mort. ex genere contra charitatem eas reddendo, si eas retinendo vitatur malum, & alias sine tuo gravi damno potes eas retinere. Nam si corporale damnum est à nobis vitandum in proximo, à fortiori spirituale.

Dub. 2. *An si datio, & acceptio rei sit lege vetita, sit restituendum acceptum, vt pretium datum iudici pro iniqua sententia, aut testi pro falso testimonio, aut fiscali pro non accusando.*

1. Concl. Stando in iure nature tale precium, aliud non excessiuum, non est restituendum. Nam labor & industria in his sunt pretio æstimabilia. Alias faber ferrarius nil posset accipere pro gladio ad hominem occidendum, nec miles pro bellando in bello iniusto.

2. Concl. Stando in iure positiuo, probabile est tale pretium esse restituendum, aut ei qui dedit, vt ait Soto. 4. de iust. qu. 1. art. 1. ad 2. aut pauperibus, vel cui est facta iniuria, vt ait Caiet. ver. restitutio c. 4. aut indifferenter pauperibus, vel ei qui dedit, vt ait Siluest. verb. restitutio. Nam in vtroque iure irritantur istæ donationes, l. iuris gentium, §. si hoc

si hoc

si hoc maleficium, ff. de pact. & cap. non sane, 14. q. 3.

3. Concl. Probabile etiam est, quod: dhuc stando in iure positum non est restituendum tale pretium. Ita *Nam. cap. 17. nu. 30. Ange. verb. concessa; Bannes, 2. 2. q. 62. art. 5. & communiter moderni*. Nam illæ leges etsi de iegent actionem in iudicio petenti pretium: sed non inhatitant recipientem
 1 pretium ad eius dominium, vt patet resu. iocueori. Item *ut ait D. Thom. ad 2. & communiter*, mulier etiam nupta recipiendo moderatum stipendium attenta eius qualitate pro vsu sui corporis, nil tenetur restituere, *contra Medinam, C. de rest. tract. de rebus restit. 6. Silu. & Nam. n. 39.*

3 Dub. 3. *An si sola acceptio sit iniqua, sit restituendum accipitum?*

1. Concl. Accipiens pretium pro re, quam non ex iustitia, sed ex alia virtute tenebatur prestare, nil restituet. Patet in medico recipiente pretium pro medendo extreme in ligentia, & in aduocato pro patrocinando eidem.

2. Concl. Accipiens pretium pro re, quam ex iustitia tenebatur prestare danti pretium, tenetur illud restituere. Patet in iudice recipiente pretium à me pro sententia iusta in meum fauorem, & in scholari pro suffragio ferendo digniori danti pretium. Nam res pro qua datur pretium, est dantis pretium ergo iniuste ei venditur. De teste an ex iustitia teneatur testificari, dico in 8. præcepto, qu. 3. art. 4. dub. 13.

3. Concl. Qui accipit à me pretium pro non faciendo alteri iniustitiam, nil restituet. Nam iste non accipit pretium pro non faciendo iniustitiam absolute, sed pro non faciendo illam in gratiam mei, & hoc est pretio restimabile, nec mihi debitum. Ita *Soto, Bannes, & alij, 2. 2. q. 62. art. 5. Etsi oppositum, ait Bannes, sit communius, Adrian. Silu. Caiet. & aliorum.*

4 Dub. 4. *Quomodo sint restituenda bona quorum dominus, & eius haeres diligenter inquisiti ignorantur. Et sermo est de iniuste acquisitiones; nam ne inuenis dixi, q. 2.*

2. Concl. Si scitur aliquem ex decem, v. g. esse dominum rei, diuidatur inter eos si sit diuisibilis, sin minus, fortianur de illa, aut diuides eius pretium. Et si solum scitur dominum esse de illo oppido, restituatur communicati, aut pauperibus istius oppidi, si res sit alicuius momenti, sin minus detur pauperibus occurrentibus. Ita *Bannes*. Et patet diuitijs captis in iusto bello in India. Nam cum dominus ab-

lati

fati non comparet, fiet restitutio iuxta eius voluntatem interpretatiuam. Sed in hoc presumitur voluntas interpretatiua veri domini, vt detur ciuius sue Reip. quibus merito est magis affectus, maximè quia ibi erunt eius hæredes, ergo.

2. Concl. Si dominus sit omnino ignotus, expendatur res in pios vsus de consilio confessoris, *vt al. si Barthes 36 communiter. Imò ut ait Nau. c. 17. num. 93.* potest confessor applicare totum, aut partem debiti debitori pauperi. Et facta ista restitutione, non tenetur debitor iterum restituere, si postea comparet dominus bene tamen pauperes, si res manet apud eos, aut restituent id in quo facti sunt ditiores ex illa. Et nomine pauperum, aut piarum causarum semper intelliguntur monasteria, hospitalia, Ecclesiæ indigentes ædificijs, ornamentis, &c. *Ita Nau. in Man. c. 26. n. 29.*

Dub. 5. Cuius expensis sit mittendum debitum domino absenti.

1. Concl. Debitum paruum, etiam iniuste acceptum non restituatur cum expensis notabilibus, *ut dixi de fama, art. 2. dub. 5.* sed differatur restitutio in tempus opportunius, vel erogetur pauperibus, si non speretur tale tempus. Et hæc debet esse rationalis domini voluntas. Imò etsi dictum debitum sit magnum, & iniuste acceptum, & pro nunc non potest solui sine magnis expensis, & expectato tempore fiet sine illis, differatur restitutio: nisi alias dominus grauer egeat.

2. Concl. Debitum etiam magnum licite contractum non restituatur cum expensis debitoris: dum tamen cesset in eo dolus, & mora. Nam si dominus recessit, sibi imputet. Satisfaciet enim debitor seruando rem, aut monendo dominum.

3. Concl. Debitum magnum iniuste acceptum aut detentum, vt si debitor fuit in mora soluendi, & interim dominus recessit; aut si debitor de industria recessit, restituatur cum expensis debitoris: nisi alias dominus esset eas factururus. Nam dominus est seruandus indemnis, cum non distet sua culpa.

4. Concl. Si debitor tenebatur restituere ratione rei acceptæ vt depositarius, & dedit debitum fidei nuntio, ad nil aliud tenetur: etsi in via pereat. At si tenebatur ratione acceptionis, siue iustæ vt in commodato, siue iniuste vt in furto, etsi det illud fidei nuntio, si pereat, iterum restituatur.

Nam

Nam debitor iſte accepit debitum in ſuum commodum, ergo & debet ſentire damnum. Et intelligitur, niſi ex voluntate domini, aut iudicis mittatur per iſtum nuntium.

ARTICVLVS VI.

SUMMARIVM.

An qui emit rem furto ſublatam teneatur eam reſtituere ſuo domino, num. 1.

Quid dicendum de emptore dubia fidei, num. 2.

An depoſitarius teneatur reſtituere depoſitum ſi ſua culpa pereat, num. 3.

An commodatarius ſi commodatum pereat, num. 4.

Ad quid teneatur conductor ſi res conducta pereat, num. 5.

An conductor teneatur ſoluere penſionem locationis ſi non utatur re conducta, num. 6.

An ob fortuitam ſterilitatem vel fertilitatem agri ſit minuenda vel augenda penſio agri ab agricola, num. 7.

An adultera teneatur ſe prodere ne filius adeat hereditatem, num. 8.

An adulter in hoc caſu teneatur inuare adulteram, ut ſatis faciat, num. 9.

1 **A**N ſemper teneatur reſtituere qui accepit.

1. Concl. Qui habet rem alienam, aut fructus eius, aut ſi ex illa ſit factus ditior, reſtituet ratione rei acceptæ. Quia habet plus, quàm debet habere. Ex hoc patet 1. eſſe probabilem ſententiam Viſtorix hic, *Silu. ver. reſtitutio* 4. *Nau. in Mann. c. 27. n. 29. & aliorum, contra Soto* 4. *de iuſt. q. 7. ar. 2. & Med. tract. de rebus reſt. q. 10.* quod qui bona fide emit rem furatam, ſi poſtea ſcit eſſe furatam, & alias videat aliter non poſſe pretium recuperare, poteſt reſcindere contractum cum latrone, et ſi ſciat iſtum non reſtituturum. Nam tunc non cooperatur latroni, ſed ponit rem in ſtatu in quo inuenit, & ſeruat ſe indemnem. At ſi aliter poteſt recuperare pretium, vero ſimile eſt, quod ex iuſtitia tenetur eam reddere vero domino. Alias, ait *Bannes*, videtur cooperari latroni. Et ſi emptor emit rem à latrone, ut det eam domino, demat pretium datum pro ea. Nam ex bono opere non debet reportare damnum. 2. Patet, quod ſi emptor bonæ fidei durante bona fide vendidit rem alteri non

non tenetur restituere pretium, sed id solum quo factus est ditior, vt si pluris vendidit, quantum emit, restituet excessum. Et si res erat fructifera, restituet id in quo factus est ditior, demptis expensis, & labore. At si rem gratis acceptam à fure gratis dedit, aut eodem pretio vendidit, & in nullo sit factus ditior, nihil restituet. Ita *Victor. Caiet. 2. 2. qu. 62. art. 6. Silu. ver. rest. 3. Soto 4. de iust. q. 7. a. 2.* & communiter, excepto Bannes cum Pena asserente totum pretium esse restituendum vero domino. Imò addit *Nauarr. numer. 7. & Medin. in sum. 30.* quòd in dicto casu primus emptor non tenetur seruare indemnem secundum emptorem; Quia sine culpa sua, & bona fide tradidit ei rem ex natura sua integram, etsi ab extrinseco vitiosam. Ergo si iuxta Bannes secundus emptor est seruandus indemnem, quia est sine culpa, primus etiam emptor erit seruandus indemnem, cum etiam sit sine culpa, & hoc est verius.

2. Concl. Si acceptio rei sit iniusta, restituetur, & ratione rei acceptæ & ratione acceptionis, & sic etiam si pereat restituetur. Ex quo patet *contra Siluest. ver. restitutio. 3. & contra Nauarr. n. 84.* emptorem malæ fidei non posse rescindere contractum cum latrone, sed tradet domino rem cum fructibus, & damnis, sicut fur, cui est cooperatus, etsi pereat in eius potestate, & etiam si ex sua negligentia non capiat fructus, quos dominus caperet. Et idem de e mente à fure dictam rem per ignorantiam crassam.

De emptore dubiæ fidei dico, quod si emit rem agens negotium veri domini, tenetur diligenter eum inquirere. Et si compareat, dempto sibi pretio dato, det illam ei, aut pauperibus, si non compareat dominus. At si cum dubia fide emit rem in suum commodum, peccat mortal. & restituet, sicut emptor malæ fidei. Quia exponit se periculo contrectandi alienum inuito domino. At si iste à principio bona fide emit, & postea dubitauit an res esset furtiua, diligenter veritatem inquiret. Et si hoc facto adhuc manet rationabile dubium, potest sibi retinere rem. Nam in dubio melior est conditio possidentis, quod intelligitur etiam de dubio rationabili, sed iam diligenter examinato. Et licet iste possit contractum rescindere cum venditore: cum sic velit se indemnem seruare, at non potest eam vendere alteri: *contra Siluest. ver. restitutio. 3.* nisi moneat eum talis fidei dubiæ; cum debeat declarare vitium

mercis, & seruare tunc emptorem indemnem. Ita *Battus dub.*

4. & 5.

3. Concl. Quis accipit alienum etiam sine iniuria per contractum quo transferitur dominium, ut per mutuum, tenetur restituere non solum ratione rei acceptæ, sed & ratione accptionis. Et sic restituet rem, etiam si pereat de casu fortuito, & si ne sua culpa: cum res domino pereat.

4. Conclu. Accipiens alienum in utilitatem domini, ut depositarius, solum restituet ratione rei acceptæ. Et sic si res sine culpa pereat, nil restituet.

3

Dub. 1. *Circa 4. Conclus. An depositarius teneatur restituere depositum, et si pereat sine sua culpa.* Et non sumitur nunc culpa pro peccato, sed pro negligentia custodiendi aliquid. Et hæc alia est leuis, quam homines diligentes vitant regulariter, ut ait *Navar. c. 27. n. 278.* vel ut ait *Med. in sum.* quæ solet cadere in hominem mediocriter diligentem, ut si relinquant librum in cubiculo aperto. Alia est culpa leuissima, quam homines diligentissimi vitare solent, ut ait *Navar.* vel ut ait *Medin.* quæ solet cadere in homines diligentissimos, ut si relinquant librum in cubiculo clauso, sed non obserato. Alia est culpa lata, quam homines regulariter vitant, ut ait *Navar.* vel ut ait *Medin.* quam homines negligentissimi solent committere, ut si relinquant librum in ostio domus.

1. Concl. Depositarius restituet depositum etiam si pereat sine culpa mort. aut ven. sed solum de lata culpa. Ita communiter contra *Sotum 4. de iust. qu. 7. ar. 2.* requirentem culpam mort. Sed conclusio est *D. Thom. hic, & colligitur ex l. 1. §. ult. ff. depositi.*

2. Conclusio. Depositarius non tenetur restituere de leui leuissima culpa. *communiter, & colligitur ex lege cit.* Et patet. Nam depositarius recepit depositum in gratiam deponentis, ergo solum est grauandus de lata culpa. Et intelligitur ex natura depositi. Nam si depositarius accepit pretium pro custodia depositi: sicut accipit stabularius pro seruandis quæ in eius stabulo deponuntur, tenetur ea restituere si pereant de leui culpa. Imò si accepto maiori pretio rem affecurauit, restituet de casu fortuito, ut fit in contractu assicurantis.

4

Dub. 2. *De qua culpa teneatur restituere commodatarius, qui accepit commodatum in suam solum utilitatem.*

1. Conclusio. Iste restituet commodatum periens de sua culpa

culpa leuissima. Hæc contra Soto requirentem etiam hic culpam mort. sed minorem quam in depositario. Et concl. est communis Theologis, & iuristis, Caiet. Bannes, & alij 2. 2. qu. 62. art. 6. Adrian. in 4. tract. de rest. Silu. verb. commodatum, & habetur cap. 1. de commodato. Nam iste accepit rem in suam solum vtilitatem.

2. Concl. Non tenetur iste restituere commodatum periens de casu fortuito. Nisi vt dicitur cap. 1. de commodato, accepto pretio ad id se obligauit, aut nisi casus ille fortuitus sua culpa accadat, vt si fuit in mora reddendi rem ob quod est deteriorata aut consumpta, & perijt aliter quam periret apud dominum, aut si eam applicuit ad alium vsum. Ex hoc patet teneri te restituere mulam commodatam vsque Toletum, & vltra deductam, ob quod incidisti in latrones, qui eam rapuere.

Dub 3. De qua culpa restituet conductor, qui accepit rem in suam, & locantis vtilitatem.

1. Conclusio. Conductor restituet de leui culpa. Ita communiter Thomst. 2. 2. qu. 62. art. 6. & Iurista in leg. contract. ff. de regul. iur. & in ti. de locato & conduc. Nam locatio fit in vtilitatem conducentis, & conductoris; sed depositarius, quia accepit in solam vtilitatem domini, tenetur solum de lata culpa, & commodatarius, quia accepit rem in suam vtilitatem solum, tenetur de culpa leuissima, ergo conductor tenetur de culpa media: cum vtilitas sit communis conducenti, & conductori.

2. Conclus. Si conductor accepit pretium pro custodia rei conductæ, restituet de culpa leuissima. Nam ob pretium ad amplius tenetur. Imo aliquando tenebitur de casu fortuito. Primò, si accepto maiori pretio ad id se obligauit. Secundò, si fuit in mora reddendi rem, aut ex alia culpa perijt aliter quam periret apud dominum, vt casu mulæ dubij secundi. Sed si à Valleoleto in Salmanticam conduxisti mulam per tres dies, & in duobus diebus iter absoluisti, si aliàs dedisti congruum pastum, non restitues mulam sic pere:ntem. Nam ordinarium iter mulæ sunt decem aut duodecim leucæ. Ita Medin. in sum. §. 29. Et intelligitur vt ait Ludou. Lop. tom. 1. c. 396. nisi ex eo quod mula erat fatigata, sit data hac conditione, vt tribus diebus iter fiat ne mula pereat.

Dub. 4. An si conductor domus, aut agri, istis non utitur, teneatur soluere pensionem locationis.

1. Conclus. Qui ob delictum bona amisit, & à fortiori si ob
P 2 aliam

aliam iustam causam v. gr. pestis aut quia in domo apparebant visiones, dimittit domum, aut agrum locatum, soluet pensionem pro rata temporis, quo talibus est usus. Ita *Nauarr. cap. 27. num. 187. ex communi sententia, & Man. Rod. in sum. 1. pars. cap. 20.* Secus si sine iusta causa deferat domum aut agrum, tunc reddet integram pensionem. Nisi dominus statim inueniret alium conductorem. Nam tunc recipiet pensionem pro rata temporis, & insuper compensationem damni secuti interim ac domus locatur. Et idem est de locante operas suas, qui si culpa sua omittat operari, restituet damnum secutum domino. N. si statim inueniatur alius qui similiter insequatur. Nam tunc dominus soluet priori salarium pro rata seruitij. Ita *Nauarr. cap. 17. num. 197.* At si ex casu fortuito omittit operari, remittetur illi pensio solum pro rata temporis, quo non est operatus. Ita *Nauarr. & habetur l. si uno ff. locati, §. item cum quidam.* Sed si omisit operari, quia dominus voluit, soluet dominus denarium promissum. Nisi alias operarius inueniret alium dominum pro tunc, *ut ait Siluest. verb. locatio,* & insuper soluet ei expensas, quibus se preparauit pro ei seruiendo. Ita *Siluest. & leg. pecuniam ff. de cond. ob causam, de eo qui parauerat ire ad locum, &c.* Nisi dominus iuste eiiceret eum. Nam tunc detur ei pensio pro rata seruitij.

2. Concl. Si dominus agri aut domus sine iusta causa eiicit conductorem, non soluet iste pensionem; nisi inueniat statim alteram domum. Imò dominus domus restituet conductori damnum secutum, ut si maiori pretio sibi locatur alia domus. Patet ex dictis à contrario sensu. At si dominus iuste eiicit à sua domo conductorem, soluet iste pensionem pro rata temporis. Et in quatuor casibus iuste eiicitur. 1. Si domino domus superuenit necessitas, cui aliter non potest subueniri. 2. Si conductor recipit meretrices, & lenones. 3. Si domus male tractatur. 4. Si non soluit pensionem. Ita *cap. propter, de locato, & cond. De quo Nauar. num. 193.*

7 Dub. 5. *An ob sterilitatem agri fortuitam sit aliquid remittendum agricolæ de pensione agri. Et similiter ob fertilitatem fortuitam an sit aliquid pensionis addendum domino agri.* Et dicitur sterilitas fortuita, quæ provenit ex insolito calore, frigore, tempestate, nimia pluuia, locusta, & similibus, seclusa negligentia culturæ, & debilitate terræ. Ita *ex leg. ex conducto. ff. locati. §. si vis.* Et iudicium de hac sterilitate, ait *Nauar.*

Narr. cap. 17. num. 186. arbitrio prudentum, & consuetudini regionis relinquatur. Et istis cessantibus, *ait ex Bart. ca. propter legem, ff. de conducto. ci.* sterilitas hæc est quando ex tribus partibus, quæ communiter colligi solent, vix duæ colliguntur. Et tunc si ager sit locatus tribus aureis, solum duo soluantur. Et si in Lusitania sit lex, vt si nulli colliguntur fructus, nulla detur pensio: at si aliqui etiam pauci, detur integra pensio; aut omnes fructus, dempta semente, domino relinquuntur. Similiter fertilitas fortuita non est, quæ provenit ex industria coloni, aut ex fecunditate agri. Nam dominus totum hoc locauit. Ita *Silv. verb. locatio.* Neque provenit, ex eo quod fructus ad maiorem valorem venerunt. Sed quando ex eo quod alia molendina, v.g. sunt diruta, meum molendinum tibi locatum plus tibi fructificat.

1. Conclusio. Si sterilitas sit tanta, vt non compensetur ex fertilitate præcedentis, & sequentis anni, fiet agricolæ aliqua remissio pensionis. Ita *Nauarr. ca. 17. num. 198.* *Et patet. ex cap. propter. de locato. & cond.* Secus, si compensetur; vt si in anno præcedente, & sequenti plus solito tertia pars colligatur:

2. Conclusio. Ob fertilitatem fortuitam augenda est pensio pro rata aucti fructus. Patet ex dictis.

Dub. 6. *An res inferioris ordinis sint restituenda cum damno superiorum?*

1. Conclusio. Negatiua, secluso bono communi. Ita *Caiet. & Bannes, 2. quæst. 62. art. 6. Med. in sum. §. 19. Soto, 4. de iustis. quæst. 7. art. 2. & alij.* Nam inferiora debent ancillari superioribus: ob quod in extrema necessitate licet rapere aliena ab subueniendum vitæ propriæ. Et sic adultera etiam infimæ sortis, & nupta viro nobili cui supponit filium & consequenter hæreditatem ommissis filiis legitimis, non se prodat, cum periculo famæ, etsi sciat profuturum, vt *ait Caietan. & Nauarr. cap. 16. numer. 43. & Doctores citati contra Cordo. lib. 1. quæst. 32.* Nec tenetur adultera hoc reuelare suo spurio, vt *ait Soto, & Medin.* Nisi fortè tantæ virtutis sit, *ait Nauarr.* vt secretè monitus credet matri, & restituet. Alias filius non tenetur credere, vt *ait Silvæst. cum Panorm. verb. adulterium.* Et si certo credat restituet absque infamia sua, & matris, & reseruando sibi congruum victum, ne mendicare cogatur. Tenebitur tamen adultera, si potest, & spurio non restituit, ex iustitia aliter satisfacere, aut con-

ferendo bona libera filijs legitimis, aut consulendo spurio intrare religionem.

2. Conclusio. Nec adultera, nec alius tenetur etiam in casu hæreditatis Regni prodere se cum periculo vitæ. *Ita communiter contra Soto*. Nam vita est finis omnium temporalium, cui ista debent seruire. Damna enim illata in bonis vnius generis reparantur cum damno bonorum eiusdem generis. Si imposuisti crimen alteri, ob quod occiditur, cum à morte cum damno vitæ tuæ eripies, si aliter non potes eripere, nisi sic; *ut ait Bannes, Soto 4. de iust. q. 6. art. 5. ad 4. Nauarr. cap. 15. n. 17. & Couar. in reg. peccatum 1. p. §. 3. n. 6.* Sed si iam est occisus, & manet infamis cum sua familia, & confiscatis bonis, non reuocet sententiam cum periculo vitæ: sed exeundo extra regnum pones te in loco tuto, *ut ait Bannes dub. 9.* & exinde recantabis sententiam, & de tuis bonis restitues hæredibus defuncti in quantitate læsa. Et si non potes exire à regno, in tuo testamento clauso illud declarabis.

Dub. 7. *An adulter teneatur in dicto casu innuare adulteram ut satisfaciat?*

1. Conclusio. Adulter regulariter non tenetur credere adulteræ dicenti aliquem esse filium amborum, maximè si sit leuis, & solita coire cum alijs. Et tunc adulter nil restituet.

2. Conclusio. Si adulter credit, aut ex coniecturis credere debet, in dicto casu non tenetur, secundum Soto, restituere sumptus factos à filio in domo patris putatiui, nisi aliàs sit diues, & potens. Quia, ait, sola adultera supponit spurium. Sed contrarium est probabilius. Ita *D. Anton. 3. part. 2. cap. 7. Siluest. & Medm. loco citato, Victor. & Bannes, 2. 2. quæst. 62. art. 6. & Nauarr. cap. 16. num. 48.* Nam adulter etiam inuitatus ab adultera est concausa suppositionis spurij: & fecit iniuriam sicut & adultera, istius marito. Et sic iuuabit adulteram pro restituendo iuxta maiorem, aut minorem certitudinem quam habet, an sit filius suus. Imò si adulter vi, aut minis coegit adulteram, restituet omnes sumptus, & insuper satisfaciet adulteræ pro vi. *Et nota.* Quod qui exponunt filios educandus hospitali, aut alibi, si possunt eos educare, restituent expensas educationis, cum defraudent pauperes, pro quorum educatione sunt instituta hospitalia. Ita *Siluest. & Nauarr.*

ARTICVLVS SEPTIMVS.

S V M M A R I V M.

Qui sint causa morales iniusta acceptionis, & quo ordine teneantur ad restitutionem, num. 1.

Itinerantes separatim denastantes vineam, quam restitutionem facient, num. 2.

An recipiens furē, & eius furti teneatur aliquid restituere, n. 3.

AN qui nihil accipere restituere teneantur.

1. Conclusio. *D. Thom.* Omnes causæ morales etiam indirectæ iniuriôsæ acceptionis, tenentur in solidum restituere: licet enim sint illæ causæ partiales physicæ, quia tamen totus effectus est singulis voluntarius, singuli censentur causa eius totalis moralis.

2. Conclusio. *D. Thom.* Inter istas causas. Prima est causa imperans, si suo imperio est secutum damnum. 2. Causa consulens eadem limitatione. Et restituet solum de lata culpa. Pater etiam in aduocato patrocinate in causa iniusta, qui restituet omnia damna partis contrariæ, si pars, quam defendit, non restituet. Imò ista non restituat, si ex consilio aduocati, aliàs non factura si sciret iniustitiam suæ causæ, mouit litem. Imò & tunc aduocatus tenetur de leui culpa ob stipendium acceptum restituere suæ parti expensas litis, & damna secuta ex hoc. Si verò bona fide consulisti aliquem contractum, ex quo secutum est damnum, aut si vt impedires maius damnum in eandem personam consulis minus, vt si videns Petrum paratum occidere Paulum, consulas vt sit contentus dando alampam, nec peccas, nec restitues. Tertia est causa consentiens, si sic est causa furti, vt pater consentiens filijs furari. Quarta est causa adulans, si sua aduolatio est causa alteri furandi. Quinta causa participans mala fide in ipsa acceptione iniusta, & restituet in solidum. Sed qui bona fide comedit gallinam furatam, censens esse inuitantis illum, solum restituet id, in quo factus est ditior. Et adhuc hoc, si inuitator non potest restituere. Nam si potest & aliàs res furata sit vno vsu consumptibilis, inuitatus, etsi sciat illas escas esse furatas, nil restituet: sicut nec si inuitetur ad alias escas furis: cum iste escæ non sint obnoxix restitutioni obligatione reali, sed personali, & satisfaciat

ciat fur reddendo valorem . *Et nota* circa eos , qui separatim sunt causæ alicuius damni , vt itinerantes deuastantes vineam existentem propè viam carpendo singulos racemos : quod si scisti , aut scire debuisti alia modica furta aliorum , peccasti mortaliter carpendo racemum , & teneris sub mortali illum restituere . At si illud non aduertis , nec debuisti aduertere , solùm peccasti venialiter . Sed si postea tibi constet de damno , teneris sub mortali tuum racemum restituere , & respondere ex communicationi latæ in hoc . Ita *Navar. cap. 17. num. 130.* Sexta causa , non obstitans , & non manifestans , si , vt ait *D. Thom. ad 3.* ex officio ad id tenetur , vt Prætor , custos vineæ , aut montis , peccat mortaliter , & restituere tenetur de leui culpa , si tacet . At qui non tenetur ex officio obstitare , aut manifestare , peccat mortaliter contra charitatem tacendo ; si aliàs potest obstitare sine suo damno graui .

3 3. Conclusio . Qui recipit latronem vt sic , & rem ab eo furatam , restituet in solidum damna ex hoc secuta : cum faueat furi ad furtum . Ita *D. Thom.* Secus si recipit furem , quia est amicus , consanguineus , aut quia habet necessitatem hospitij , aut si non potest tradere rem furtiuam ab eo habitam in deposito , sine periculo vitæ , aut famæ .

4. Conclusio . Si vnus socius alicuius iniustitiæ in solidum restituit , alij restituent isti pro rata . Ita *D. Thom. ad 2.* Nisi aliàs iste esset causa præcipua alios inducens . Ita *Caetan. & Bannes , art. 6. ad 3.*

ARTICVLVS OCTAVVS.

S V M M A R I V M.

An restitutio statim obliget , num. 1.

An facienda cum graui damno status , num. 2.

Quo ordine debita sunt soluenda dum non potest omnibus satisfieri , num. 3.

I **A**N teneamur restituere statim .

Conclusio . Tenemur restituere statim , ac possumus . Ita *D. Thom.* Nam cum præceptum restituendi , ait *D. Thom. ad 1.* includat istam negationem , non retineas alienum , obligat semper , & pro semper . Et si non potes statim restituere , habeto animum restituendi pro tempore quo possis . Et dum habes

habes animum contrarium, es in actuali peccato. Et explicabis in confessione tempus, quo habuisti talem animum, & quo potens restituere non restituisti.

Dub. 1. *An teneamur restituere cum graui damno status.* 2

1. Conclusio. Non tenemur restituere cum graui damno status iuste comparati, si alias creditor non patitur extremam necessitatem, qua mendicare cogatur. Sed tenemur parcè viuere in illo statu, vt paulatim restituamus. Vbi diligenter attende, quando debitor restituendo cadet à suo statu. Et in dubio declinabis in fauorem creditoris, cuius melior est conditio. Sed si debitori sequitur graue damnum, & creditori nullum, aut paruum commodum ex hoc, quod modo fiat restitutio, differatur pro tunc. Nisi alias illud damnum sequatur ex natura debiti, vtpotè magni, aut quia si debitor modo soluit, desinet lucrari aliquid. Excusatur etiam debitor, ait *Nauar. cap. 27. num. 79.* à mora soluendi si creditor scit debitum, & sine metu potest illud petere. Secus si creditor ignoret debitum, aut præsумitur non petere ob metum etiam reuerentialem.

2. Conclusio. Tenemur restituere cum amissione status iniuste comparati, retinendo parcè necessaria pro conseruando statu, à quo iniuste ascendimus. Ita communiter, ait *Bannes, 2. 2. q. 62. art. 8. paucis Iuristis exceptis.* Et patet. Nam non est minor iniquitas tueri statum iniuste acquisitum, quàm illum comparare tollendo alienum.

Dub. 2. *Quo ordine sunt debita soluenda, si non sint opus,* 3
pro omnibus creditoribus.

1. Conclusio. Primò soluantur debita existentia in propria specie iuste, aut iniuste contracta. Ita *Caiet. verb. restitutio, cap. 8.* Et loquitur, & de rebus, quæ non transierant in dominium accipientis illas, vt depositum, commodatum, furtum. Et de emptis non solutis exstantibus in propria specie, cum res ipsa in se manens, dum non soluitur eius pretium, sit restitutioni obnoxia. Secundò soluentur expensæ funeris. Ita *Siluest. verb. restitutio. 6.* Sed alia legata non sunt debitis præferenda, contra *Siluest.* Tertiò, debita certa incertis præferantur. Et inter certa, prius soluantur debita habentia realem actionem super bona debitoris, vel quia creditor habet pignus debitoris, vel quia habet hypothecam generalem, aut specialem expressam, aut tacitam super eius bona. Ita *ex l. eos, C. qui oner. in pignore habentur.*

ff. ut supra, & lege 11. tit. 19. p. 5. Et bona tacite hypothecata, sunt, Primò Bona mariti pro dote, arrhis, & alijs bonis paraphernalibus vxoris. Ita *l. assiduis, C. cit.* Et talium obligatio etiam sine verbo, & scriptura resultat. Ita *l. 2. 3. tit. 13. p. 5. & l. 17. tit. 11. p. 4.* Et quando ista hypotheca alijs præferatur dixi *questione 1. dub. 9.* Secundò, Bona facientis pactum cum fisco. Tertiò, Domus, nauis, vinea, vel alia emptæ, aut reparata pecunijs mutuatis, sunt specialiter hypothecata pro illis pecunijs. Ita *l. 2. ff. qui potior. in pign. & l. 18. tit. 13. p. 5.* Et idem est de re emptæ pecunijs orphanis, *l. 30. tit. 13. p. 5.* Et inter istos creditores præferantur habentes hypothecas antiquiores, ait *Bannes, & Comar. 1. variat. 7. num. 2. regulariter, & ceteris paribus.* Nam hypotheca specialis est præferenda generali omnium bonorum regulariter, excepta dote, & debito Regis. Ita *l. 30. tit. 13. p. 5.* Hæc de debitis habentibus hypothecas.

2. Conclusio. Debitum personale, quando, v. g. sola persona ob delictum commissum manet obligata, est præferendum debito reali, etiam priori: quando, v. g. obligantur bona. Ita *lege 11. tit. 14. p. 5.* Et inter debita realia prius soluantur pecuniæ mutuatae pro sepeliendo mortuo. Ita *lege 30. tit. 13. p. 5.* Et deinde soluantur pecuniæ mutuatae pro soluendo stipendio debito portantibus res venditas à creditore, etsi debitum venditoris sit prius. Ita *l. 29. tit. 13. p. 5.* Item obligatio constans per publicam scripturam præferatur alijs etiam prioribus sic non constantibus, excepta, vt dixi, dote, & debito Regis. Ita *l. 31. tit. 13. p. 5.* Et si quis creditorum præuenit alios in iudicio, petendo debitum, potest iudex isti integrè soluere. Ita *lege 11. tit. 14. p. 5.* At seclusis dictis, etsi antiquiora debita sint præferenda, iuxta *leg. 5. & 17. tit. 20. libr. 3. fori, & leg. 27. tit. 13. part. 5.* sed in conscientia iuxta communioem sententiam non est seruandus ordo, sed diuidantur debitoris bona singulis creditoribus pro rata debiti cuiusque. Et sic debitor non potest vni creditorum integrè soluere, si non habet bona, quibus alijs soluat, alias integra solutio debiti vnus reuocatur, *l. 1. & 2. ff. qua in fraudem creditorum.* Sed, vt ait *Seluest. verb. reuocatio. 6.* poterit debitor in conscientia integrè soluere pauperi etiam non petenti, etsi in foro externo talis solutio reuocetur. Ex dictis patet, quod non est seruandus ordo inter debita licite contracta, & inter contracta illicite, non obstanti.

stantibus, Caiet. dicente licite contracta esse prius soluenda; & Medina oppositum dicente: eo quod ad debita illicitè contracta tenemur, & ratione rei acceptæ, & ratione iniustæ acceptionis. *Et nota*, Quod si debitor acceptante creditore transfudit debitum in alium, etsi iste non soluat, primus debitor manet liber à debito. Ita lib. 3. *fori*, tit. ultim. l. 16.

3. Conclusio. Dictus ordo restituendi, si non obstat alia lex iusta, seruetur sub peccato mortali: aliàs debitor soluet damna ex hoc secuta creditoribus. Et idem est de creditore præoccupante bona debitoris, omisso dicto ordine. Ita *lege finali*, §. *etsi præfacta*, C. de iure delibe. & *lege 6. part. 6. & Bannes*. Si tamen vnus creditorum accepit à debitore integrum debitum, etiam contra dictum ordinem, tutus manet, si ex parte sua absit vis, aut dolus. Nec restituet antiquioribus creditoribus: cum non acceperit plusquam debeat habere. Nisi aliàs alij creditores haberent hypothecas, aut pignus supra bona debitoris.

OCTAVVM PRÆCEPTVM DECALOGI.

NON LOQVERIS CONTRA PRO-
ximum tuum falsum testimonium.

OMnia peccata contra hoc præceptum reducuntur ad tria prædicamenta. In primo continentur suspiciones, & iudicia temeraria. In 2. Peccata linguæ. In 3. Peccata commissæ in iudicio à iudice, accusatore, reo, teste, & aduo-

QVÆSTIO PRIMÆ.

DE IUDICIIS, ET SVSPICIONIBVS.

D. Thomas 2. 2. quæst. 60.

S V M M A R I V M.

*An iudicium temerarium sit peccatum mortale, num. 1.**An suspicio deliberata in re graui sit peccatum mortale, nu. 2.**Qua indicia requirantur ad rectè indicandum, vel suspicandum de proximo, num. 3.**Quomodo indicandum de his peccatis in confessione, num. 4.*

ID VB. 1. *An iudicium temerarium sit peccatum mortale.*
 1. Conclusio. Qui sine iudicijs sufficientibus ex plena deliberatione, & certo, finitè iudicat de bonitate alterius, peccat mortaliter. Ita *D Thom. art. 3.* Nam per hoc iudicium grauitè despicitur proximus, & indignus censetur honoribus, & in aliter ille; quod ab eo tolleres decem aureos, quàm quod de eo haberes talem æstimationem.

2. Conclusio. Qui ex indeliberatione, etiam in re grauissima, & leuibus iudicijs, aut si in re leui, etiam ex plena deliberatione, & leuibus iudicijs, finitè iudicat de alterius bonitate, solum peccat venialiter. Et grauis materia censetur illa, per quam proximus grauitè despicitur, & infamatur, etsi in illo nullum, aut leue sit peccatum; vt iudicare de viro grauissimo esse mendacem, fatuum, de gente Iudæorum, &c. Nec etiam omne peccatum mortale est grauis materia in hoc temerario iudicio. Nam iudicare de viro profano, quod sollicitat fornicationem, aut exercet aliud peccatum, de quo non dedignatur, non est grauis materia. Et ex dictis patet, non esse peccatum mortale, iudicare finitè etiam ex plena deliberatione, & in re graui, de aliquo cum sufficientibus iudicijs. Sed quæ sint indicia sufficientia arbitrio prudentium relinquuntur.

2 Dub. 2. *An suspicio plenè deliberata in re graui, & leuibus iudicijs sit peccatum mortale.*

1. Conclusio. Probabile est, quod sic. Ita *Bannes, Victor, & Thomista communiter*, 2. 2. quæst. 60. art. 3. *Soto 1. de iustitia, q. 4. art. 3. Medina in summ.* Nam maior iniuria fit proximo, suspi-

susplicando illum esse hæreticum, quam iudicando esse fornicarium, & magis læditur, & contemnitur per illam suspicionem, quàm per hoc iudicium; sed tale iudicium est peccatum mort. ergo.

2. Concl. Pars negatiua videtur mihi probabilior. Ita *Caiet. Rose. & Armi. verb. iudicium, & verb. suspicio. Lud. Lop tom. 1. cap. 283.* Et videtur D. Thomæ art. 3. vbi ait ex glossa, suspiciones vitare non possumus: iudicia tamen firmasque sententias contemnere debemus. Et quod l. 12. art. 34. ait, quod suspicio si non sit ex odio, ex suo genere non est peccatum mort. quia est imperfectus actus in genere iudicij. Et patet. Nul- lum iudicium citra certitudinem est peccatum mort. *iuxta D. Thomam, & Caiet.* Sed ista certitudo tollitur non solum per dubitationem, quæ in neutram partem declinat, sed etiam per suspensionem, & opinionem, quia etsi suspicio, & opinio vni parti magis adhæreant, sed non sine feruore alterius partis.

Ad argumentum 1. Conclusio Negatur antecedens. Nam per suspensionem non amittis tuam æstimationem, nec grauiter despiceris. Et si homines magis timent suspensionem de grauioribus, quàm iudicium certum de minoribus criminibus, idè est, quia inde sibi timent maius malum; vtpotè quia isti maleuoli suspiciosi in aliquo insidiabuntur, & aduersabuntur sibi, vel quia timent, quod saltem indirectè suas suspensiones alijs reuelabuunt. Ex dictis patet dictum Medinæ in sum. satis scrupulosum, quod qui habens bonam opinionem de aliquo ex leuibus indicijs in re graui deliberate suspendit actum, peccat mort. vt si censebas Petrum esse nobilem; & quia alius parue auctoritatis dixit esse de gente Iudæorum, suspendis actum. Hoc enim non videtur verum, cum maius sit suspicari quam dubitare, opinari, aut suspendere actum.

Nota. 1. quod cum maius sit iudicare quam suspicari, & hoc maius quàm dubitare, & opinari; maiora indicia requiruntur ad rectè iudicandum, quàm ad suspicandum, & adhuc maiora ad rectè suspicandum, quàm ad dubitandum, vt si fide dignus refert se audisse à fide dignis, alium bonæ famæ furatum esse, poteris suspicari, non iudicare. Et si vir timoratus refert hoc de alio non ita bonæ famæ, potes iudicare ita esse. Sed non si loquax & mendax id referat de viro timorato. Imo non potes suspicari ita esse, Et tantum potest esse bonum nomen eius, de quo ista referuntur, & adeo in famis

famis relator, vt nec dubitare possis. At si vterque sit bonæ famæ, attende circumstantias loci, temporis, &c. vt iudices grauitatem indiciorum, & si vtrunque apparent æquales rationes: suspende iudicium.

Nota 2. pro confessionis iudicio. Quod si pœnitens est timoratus. nec habet consuetudinem temerariè iudicandi, hoc est, non est malitiosus, non illicò dannetur, si dicit se iudicasse, tut suspicatum esse. Quia regulariter in his suspicio aut iudicium prouenit ex inde liberatione, maximè si sit melancholicus. At si pœnitens non sit ita timoratus, sed habet consuetudinem temerariè iudicandi, timendum est ex plena deliberatione iudicasse, & peccasse mort. ob prauam consuetudinem iudicandi: maximè si sit malitiosus, & malè affectus ad eum de quo sinistrè iudicat.

QVÆSTIO SECVNDA.

DE PECCATIS LINGVÆ.

ARTICVLVS I. DE CONTVMELIA.

D. Thomas. 2. 2. q. 72.

SVMMARIVM.

Quid sit contumelia & quotuplex, num. 1.

An contumelia sit semper peccatum mortale, num. 2.

I DV. 1. *Quid sit contumelia.*

1. Concl. D. Thom. art. 1. Contumelia propriè consistit in verbis. Nam contumelia est dehonoriatio contraria reuerentiæ honori exhibendæ, sed reuerentia præcipuè consistit in verbis; cum ista principalius significant, quàm facta: ergo. Sed contumelia largè sumptà consistit in factis. in quantum procedunt ex animo iniurandi: vt si animo paruipendendi percussis alium arundine.

2. Concl. Contumelia propriè diuiditur in contumeliam strictè dictam, vt si obijcias alteri sua peccata v. g. vocando eum ebrium animo iniurandi: & in conuicium, vt si obijcias alteri iniuriam, quæ non est peccatum in eo, vt si voces eum Iudæum, & in improperium, vt sit alteri obijcias inu-

iniuriosè beneficia ab eo recepta.

3. Concl. ex D. Thom. art. 2. Contumelia ex genere suo est peccatum mort. & gravius furto : cum tollat præstantius bonum , vtpotè honorem. *Et nota ex D. Thom.* quod malitia peccatorum linguæ non sumitur sicut in peccatis operis ex solo obiecto; sed etiam ex intentione proferentis illa ex qua habent significare inhonorationem. Ex iuxta utrumque aggrauatur, & alleviatur contumelia. Nam si contumelia sit de re leui, aut cum aliquali defectu cautelæ in præuidendo inhonorationem, quæ ex tuis verbis oriri potest, vt contingit inter mulierculas, & homines infimæ classis ad inuicem se iniuriantes, quibus parum solet adhiberi fidei; aut si fuisti negligens venialiter in præuidendo inhonorationem ex tuis verbis secuturam, erit solum peccatum ven. At si materia sit grauis, & procedant verba contumeliosa ex animo iniurandi, aut ex crassa ignorantia seu negligentia considerandi quod obijciatur, erit peccatum mort. Sed si contumelia etiam de re graui non procedit ex animo iniurandi, vt fit in parentibus, & prælatis obijcientibus verbis verba contumeliosa subditis ob correctionem, nullum erit peccatum. Sed in hoc, ait D. Th. moderatè procedatur, ne incautè tollant honorem à subdilis; alias peccabunt mort. etsi non intendant inhonorationem. De modo restituendi honorem dixi qu. de resti. art. 2. dub. 6.

ARTICVLVS II. DE DETRACTIONE.

D. Thomas 2. 2. q. 73.

S V M M A R I V M.

Quid sit detractio & quale peccatum, num. 1.

An & quando liceat reuelare crimen alterius occultum, num. 2.

An sit peccatum reuelare crimen publicum notitia iuris vel facti, num. 3.

An referre crimina occulta sub dubio & non assertiue, sit peccatum, num. 4.

An aperire vel legere litteras obseruatas, sit peccat. mort. num. 5.

An detractio sit grauior alijs peccatis contra proximum, num. 6.

An audiens detractorem peccet. num. 7.

Dub. 1.

I **D**VB. 1. *An detractio sit peccatum mortale.*

1. Concl. D. Thomæ art. 1. Detractio est denigratio alienæ famæ per occulta verba. Vbi occultatio non pertinet essentialiter ad detractiōem, sicut pertinet ad furti essentiam. Nam ille est verè detractor, qui ex intentione suis verbis tollit ab alio famam: quod fieri potest in eius præsentia. Et sic tunc tenebitur etiam honorem restituere. Ex quo patet, contumeliam, & detractiōem essentialiter differre & ex parte obiecti; quia contumelia tollit honorem, & detractio famam. Et ex parte modi; quia contumelia requirit essentialiter, vt fiat in præsentia; at detractio abstrahit à præsentia, & absentia.

2. Concl. D. Th. art. 2. Detractio ex suo genere est peccatum mort. Nam per illam tollitur fama pretiosior cunctis opibus iuxta illud. *Eccl. 41. Curam habe de bono nomine: hoc enim magis permanebit, tibi quam mille thesauri.*

3. Concl. Detractio, sicut & alia peccata, sit peccatum ven. aut ex imperfecta deliberatione, cum nec plene aduertit, nec potuit aduerrere; aut ex leuitate materiæ. Et leuis materia censetur per quam proximus parum infamatur, siue sit in se peccatum siue non. Dicere enim de viro graui, quod sit mendax aut Iudæus, est materia grauis: cum per hoc grauiter infametur: dicere vero de aulico dormisse cum meretrice, erit leuis materia in ordine ad detractiōem: cum de his parum iste infametur, imo gloriatur.

2 Dub. 3. *An liceat reuelare alterius crimen occultum.*

1. Concl. Peccas mort. ex genere contra iustitiam reuelando crimen occultum alterius etiam probabile tribus testibus. Ita communiter per se loquendo. Nam in aliquibus casibus illud licebit. Primò, seruato ordine correctionis fraternæ licet reuelare crimen fratris, vt corrigatur modo dicto supra in 5. Præcepto. Secundò, ex mente Caietani, 2. 2. qu. 73. art. 2. non erit peccatum mort. reuelare crimen alterius occultum viro graui, & timorato, si scitur quod iste alteri non reuelabit, nec reo nocebit. Et sic excusat Caiet. parentes reuelantes sibi ad inuicem crimina filiorum, & excusat eos qui in confessionibus, & consultationibus incautè reuelant complices suorum peccatorum. Sed hæc sententia, etsi ob tantum Doctorem probabilis sit, opposita tamen Soto 5. de iust. q. 10. art. 2. & Bannes, 2. 2. q. 73. ar. 2 est communior, Et videtur D. Thomæ art. 1. ad 2. Vbi ait, quod dicens

cens malum de absente vni soli corrumpit famam eius in parte. Item pluris aestimant viri cordati habere bonum nomen apud vnum virum grauem, quam apud multos vulgares, maximè si cum eo conuersantur, apud coniunctionem alicuius necessitudinis habent. it enim *D. Tho. 2. 2. q. 144. art. 3.* à sapientibus, studiosis, & à personis coniunctis, & ab his qui possunt iuuare, vel nocere, à quibus homo magis desiderat honorari, magis verecundatur. 3. Licet reuelare alterius crimen occultum pro vitando damno proprio: vt si quis torquetur, vt alterius crimen occultum reuelet, potest illud reuelare, *ait Sor.* Non enim tenetur cum tanto periculo tormentorum seruare famam, aut vitam alterius: si alias illud non sit secretum Regis, vel Reip. vel extortum ab isto, qui torquetur, cum iniuria illata illi occulto peccatori, & ex cuius reuelatione pendet istius peccatoris vita. 4. Tenemur reuelare occultum crimen alterius pro vitando damno proximi, & à fortiori pro bono communi, si aliter ei non subuenitur. Ita *D. Thom. quest. 70. art. 1. ad 2.* Et sic tenentur reuelare striges latrones, & alios peccatores nociuos Reip. & proximis. Ex dictis patet 1. Licere reuelare aliorum defectus naturales ex culpa parentum prouenientes, vt quod quis sit illegitimus, de gente Iudæorum, Saracenorum, aut damnatorum per sanctam Inquisitionem. Expedit enim, vt isti alias perniciosi noscantur, vt sic honores dignis, & non istis tribuantur. Ita tenent viri prudentes, & sapientes, *ait Medin in summ. §. 35.* etsi alijs hoc videtur scrupulosum, maximè si isti nulli nocent. 2. Patet, licere occultè patienti iniuriam, reuelare cui profit, iniuriantem, & in hoc durantem, si aliter non vitatur malum. Imò & reuelare iniuriam iam occultè illatam, cui interueniat pro compensatione, nisi iniuria sit leuis & iniuriator persona gravis, quæ magnam patietur infamiam. Nam tunc erit culpa mort. istum reuelare. At si persona secretò grauiter iniuriata non valens se à dolore cohibere in querimonias prorupit publicas, non illicò de culpa mort. damnetur, etsi iniuriator infametur. Durum enim videtur sic afflictum animum cohibere ne in querimonias prorumpat, cum hoc naturalissimum sit. Ita *Lud. Lop. som. 1. c. 263.*

2. Conclusio. Nec peccas contra iustitiam vbique reuelando infamatum per iudicem. Ita *Sor. Med. Bann. loco cit. & fere communiter.* Nam iste publico præconio in ultionem criminis sic iure famæ est spoliatus, vt cuique sit facta co-

piat ea crimina vbique publican- ti . Sed aliquando eri pecca- tum mortal. contra ch̄aritatē talia reuelare , vt si reus iam emendatus bonum nomen recuperauit vbi moratur: cū bona fama maximē conducat hominibus ad virtutē sectandam, & conseruandam, qua de medio ablata, quasi præcipites in malum coriunt. Ita *Sot. contra Caiet. & Nau.*

- 12 3. Conclu. Reuelans alterius delictum diuulgatum per maiorem partem vicinæ, aut collegij, dum non est damnatus per iudicem, peccat mort. contra iustitiā, *Secundum Sot. Cord. lib. 1. de detract. q. 3. Adrian. quodl. 11. q. 1. & Med. in summ. §. 14.* Vbi ait, quod non damnatus per iudicem, qui fugit è carcere, si alibi infametur, est in fama restituendus . Quia nullus nisi iudex potest eum fama priuare , & sic non est fama spoliatus . Sed oppositum est probabilius . Ita *Caiet. Bann & alij* . Imò nec peccat contra charitatē istum reuelando , ait *Bann.* si creditur , quod notitia talis criminis illuc deueniet . Imò etsi illic non esset diuulgandum, ait *Nauar. in man. c. 18. num. 26.* Quod maximē verum est in aliquibus insignibus criminibus quorum notitia expedit bono communi. Et sic excusantur chronistæ ista scribentes , & viri timorati illa per epistolas denuntiantes .

4. Concluf. Referre alterius delicta occulta sub dubio , & ex auditu, & non assertiuè, non est peccatum mort. ait *Caiet. 2. 2. q. 73. art. 2. & Silu. verb. detractio.* Sed *Sot. Bann. & communiter* oppositum docent . Nam etsi sic referens non generet determinatum assensum in audientibus, tamen generat suspicionem , & grauiter læditur proximus ob damna relata, q. 1. dub 2. Et si sententia *Caiet.* sit probabilis, moderanda est iuxta *Nauar. c. 18. nu. 36.* quando sic referens nec lædit notabiliter, nec intendit lædere , nec dat causam læsioni notabili, nec interuenit alia iusta causa credendi , vt auctoritas dicentis cum additione aliorum rem certificantium, quibus probabilis causa credendi audientibus præbeatur , sed solum simpliciter refert illud audisse .

- 13 *Nota*, quod qui legit literas obseratas animo lædendi notabiliter aut aduertens, seu aduertere debens inde posse sequi notabile damnum, peccat mortal. Ita *Caiet. Arm. ver. litera. Nauar. n. 33.* Imò *Med. in sum. §. 36.* absolute ait : quod qui aperit has litteras peccat mortal. ob periculum sciendi aliquid secretum . At si eas sine illo animo , & periculo aperit, sed vt ait *Nauar.* ob curiositatem vt sciat noua , aut vt

capet risum ex barbara compositione, aut ex eleganti voluntate, aut quia putabat epistolam sibi mitti, peccat venialiter. Et qui epistolam legit de consensu saltem implicito mittentis, aut eius cui mittitur, aut si est Prælati cuiuslibet istorum, aut ut ait *D. Anton. 2. p. tit. 1. cap. 22. §. 5. & Siluest. verb. falsarius*, si sit inimicus alicuius istorum, & iuste timet sibi parari malum, aut alteri iniuste, & ut caueatur, referat, non peccat.

Dub. 4. *An detractio sit grauior alijs peccatis contra proximum* 6

1. Conclusio. *D. Thom. art. 3.* Homicidium, & adulterium sunt grauiora, cum per homicidium tollatur vita pretiosior fama, & adulterium sit contra debitum ordinem humanæ generationis.

2. Conclusio. *D. Thom. ibi.* Detractio est grauior furto, cum tollat famam, quæ præstat diuitijs furto ablati, ut dicitur *Proverb. 22. Melius est nomen bonum, quam diuitia multa*. Et eadem ratione est grauior quam contumelia, cum fama sit pretiosior honore contumelia ablato. Et cum ait *D. Thom. art. 3. ad 2.* contumeliam esse grauiorem, loquitur ex parte modi, ex quo contumelia includit maiorem contemptum proximi, secus est ex parte obiecti, in quo attenditur essentialis grauitas peccatorum.

Dub. 5. *An audiens detractorem peccet.* 7

1. Conclusio. Qui audit detractorem ob necessitatem, aut pietatem, non peccat. Ita *Medin. in sum. §. 35.* Et qui ob timorem, verecundiam, negligentiam, aut animi leuitatem non resistit detractori, peccat venialiter. Ita ex *D. Thom. art. 4.*

2. Conclusio. *D. Thoma ibi.* Qui complacet sibi in detractone alterius, peccat mortaliter ex genere contra charitatem. Et idem de vidente damnum securum ex alterius detractone, si non resistit, cum possit sine damno. Et si ad id ex officio teneatur, peccat contra iustitiam non resistendo detractori, ut si sit Prælati detrahentis, aut eius cui detrahitur. Et sic restituet damna secuta: sicut & qui inducit detrahentem, aut addit ei animum ad detrahendum. Nam omnes isti sunt causæ morales talis damni.

3. Concl. Curiositas audientis alterius defectum, & intentantis certificari de eo, est peccatum veniale solum. Nisi alia moralis circumstantia misceatur, ut si ab alijs hoc sciscitatur cum dispendio alienæ famæ. Ita *Cord. in sum. q. 37.*

ARTICVLVS III. DE SVSVRRATIONE,
& derisione.

D. Thomas 2. 2. q. 74. & 75.

S V M M A R I V M.

- Quid sit susurratio, & quale peccatum, num. 1.*
Quid derisio, & quomodo differat ab alijs peccatis, num. 2.

I *Nota 1.* Quod etsi per susurrationem, sicut & per detractionem, malum de proximo occultè dicatur: tamen differunt in fine, quia detractor intendit denigrare famam proximi, & sic præcipuè dicit verba infamantia: At susurro intendit dissolvere aliquorum amicitiam. Et sic susurratio est peior, cum tollat amicitiam, quæ præstat famæ. Imò hæc disponit ad amicitiam. Ex quo patet susurrationem esse peccatum mortale ex genere, & sit peccatum veniale, aut ex indeliberatione, aut si parum minuat de amicitia. Imò ut ait *Soto 5. de iustitia, quæst. 11. ars. 1.* laudabile est, dicere aliqua sine infamatione, ut dissolvas malam amicitiam, ut si ut amoveas hominem ab amica, dicas illam esse deformem, aut insulsam. Item qui sine animo disseminandi inimicitias narrat de alio publica vitia, ut sic istius amicitia ab alio explosa loco eius substituatur, non peccat: cum quisque sine vi, & dolo possit commodum, cuius est dignus sibi procurare. Ita *Soto*.

2 *Nota 2.* Quod derisio differt à præcedentibus peccatis. Nam detractio tollit famam, contumelia honorem, susurratio amicitiam, derisio intendit causare erubescendum in irridendo, obijciendo ei mala culpæ, aut pœnæ: ut quod sit ebrius, aut cæcus. Et est peccatum mortale ex genere; cum sit grauior contumelia, & detractione. Nam per derisionem non solum tollitur honor, & fama, sicut per contumeliam, & detractionem: sed tolluntur ista maiori contemptu, & vilipendio. Et quanto persona, quæ deridetur, est dignior, est maior derisio.

ARTICVLVS IV. DE MALEDICTIONE.

D. Thomas 2. 2. q. 76.

S V M M A R I V M.

*An maledictio sit peccatum, num. 1.**An liceat maledicere creaturis irrationalibus, num. 2.**An maledictio sit grauior detractio, num. 3.***D**VB. 6. *An maledictio sit peccatum.*1. Concl. *D. Thom. art. 1.* Maledictio, in qua optatur, aut imprecatur malum peccatori non ex odio, sed vt resipiscat, aut ne peccata multiplicet, aut vt cesset nocere alijs, non est peccatum. Patet ex dictis *de homicidio dub. 3. in 5. precepto.*2. Conclusio. *D. Thoma ibi.* Maledictio, in qua imprecatur, aut optatur malum, vt sic, & ex animo, est peccatum mortale ex genere, & tanto grauius, quanto charius amare tenemur personam, cui maledicimus. Vnde *Leuit. 2.* dicitur. *Qui maledixerit patri, vel matri, morte moriatur.* Sed sit maledictio peccatum veniale ex paruitate mali optati, aut ex indeliberatione: vt si ex leui motu iræ, vel surreptione talia verba proferuntur. Nam verborum significatio, & grauitas maximè pensatur ex affectu. Et sic maledictiones parentum in filios regulariter sunt peccata venialia, cum regulariter ex ira, & non ex desiderio procedant, cuius signum est, quod statim eos poenitet maledixisse. Et idem est de aliorum maledictionibus sine desiderio mali.Dub. 7. *An liceat creaturas irracionales maledicere.*1. Conclusio. *D. Thoma art. 2.* Maledicere ista, in quantum sunt creaturæ Dei, est blasphemia. Et illa maledicere secundum se considerata, est quid vanum, & sic illicitum. Nam benedictio, & maledictio soli competit rei, cui aliquid bonè, aut malè contingere potest, vt creaturæ rationali, sed irrationalibus solum in ordine ad hominem contingit bonum, an malum: ergo.Dub. 8. *An maledictio sit grauior detractio.*1. Conclusio. *D. Thom. art. 4.* Negatiua de maledictione exprimente simplex mali desiderium. Nam detractor sicut & contumeliator dicit de altero malum culpæ, at maledicens

Q 3 dicit

dicat malum poenæ, aut culpæ sub ratione poenæ.

2. Conclusio. *D. Thom. ibi.* Maledictio, quæ fit per modum imperij, cum habeat rationem causæ, erit grauior detractio, si infert maius damnum, quam sit denigratio famæ, & minor, si minus. Et intelliguntur ista attentis per se pertinentibus ad ista vitia.

ARTICVLVS V. DE MENDACIO.

D. Thom. 2.2. quæst. 110. &c.

S V M M A R I V M.

Quid, & quotuplex mendacium, num. 1.

Quid hypocrisis, & quale peccatum, num. 2.

Quid iactantia, & quot modis committatur, num. 3.

Quid ironia, & adulatio, num. 4.

I *VB. 9. Quid, & quotuplex sit mendacium, & qua eius species.*

1. Conclusio. *D. Thom. art. 1.* Mentiri est dicere verum, aut falsum cum intentione dicendi falsum, & animo fallendi. Et sic qui dicit falsum putans se dicere verum, materialiter solum mentitur. At qui dicit verum putans se dicere falsum, mentitur formaliter, etsi materialiter dicat verum.

2. Concl. *D. Thom. art. 2.* Mendacium aliud est iocosum, quando ioci gratia, & sine ullius damno mentiris; aliud est officiosum, ut cum ut tibi, aut alteri pro suis mentiris: Aliud est perniciosum, ut si mentiaris cum damno alterius. Et licet omnia ista mendacia sint intrinsecè mala, sed mendacium iocosum, & officiosum sunt peccata venialia: at mendacium perniciosum ex genere suo est peccatum mortale: & si ex paruitate materiæ sit peccatum veniale. Ita ex *D. Thom. art. 3. & 4.*

2 3. Conclusio. Inter species mendacij prima est hypocrisis, cum non ita te geris exterius in factis, sicut interius. Et sic mentiris fingendo te bonum, cum non sis. Et peccas mortaliter si fingis te bonum, ut sis malus, aut ut adipiscaris præbendam, aut alia. At si es malus, & exterius ostendis te bonum, ne alios scandalizes, maxime si ratione status ad id teneris, non es hypocrita: sed laudabiliter facis. Ita ex *D. Thom. quæst. 111.*

2. Spe-

2. Species mendacij est iactantia: cū quis extollit se ver- 3
bis, dicendo de se aliquid supra se: vt quod sit nobilis, cū
non sit, & peccat mortaliter, primò si iactet se de his, quæ sunt
contra Dei gloriam, sicut fecit Rex Tyri, quando eleuatum est
cor eius, dicens, *Deus ego sum, Ezechiel. 18.* aut si iactanter pro-
rumpit in contemptum proximi, aut contumelias aliorum, si-
cut Phariseus dicendo, *Luc. 18. Non sum sicut ceteri hominum*
raptores, &c. velut hic publicanus. 2. Peccat mortaliter qui
iactat se de malo à se non commissio in damnum suæ famæ, vel
bonorum, sic enim mentitur perniciosè contra charitatem,
qua tenetur diligere se. At si iactes te de his, quæ nec sunt
contra Deum, nec contra te, nec contra proximum, peccas
venialiter, & mentiris officiosè. 3. Peccat mortaliter, qui ex
superbia, aut inani gloria mortali iactat se, ac si nihil acceperit
a Deo, aut ponendo finem in iactantia. 4. Qui iactat se ob
cupiditatem lucri peccat mortaliter, aut venialiter iuxta dam-
ni grauitatem, & restituet, vt si idiota iactet se esse Doctorem,
& sic adipiscatur præbendam aliàs non adepturus. At qui glo-
riatur de peccato à se commissio, etsi peccet mortaliter, aut ve-
nialiter iuxta grauitatem peccati, de quo gloriatur, sed hoc
non pertinet ad iactantiam: cū hæc supponat mendacium, si-
cut species eius, sed ad vanam gloriam. Ita ex *D. Thom. q. 111.*

Tertia Species mendacij est ironia, qua à veritate declinan- 4
do, minora de te dicis, vt si de te asseras aliquod vile, quod
in te non recognoscis, aut si deneges de te aliquod magnum,
quod percipis in te esse. Et est peccatum, cū sit menda-
cium, etsi id ex humilitate facias, aut ob vitandam arro-
gantiam. Nam mendacium nulla via honestatur. Et sic ait
August. Serm. 29. de verb. Apost. cum humilitatis causa men-
tiris, si non eras peccator antequam mentireris, mentiendo ef-
ficeris. Et *D. Gregor. 26. mor. 2.* Incautè sunt humiles, qui se
mentiendo illaqueant. Et si iste minora de se fingit, vt alios
dolosè capiat, peccat mortaliter. De isto enim dicitur *Ec-
cles. 19. Est qui nequiter se humiliat, & interiora eius plena*
sunt dolo. Ita ex *D. Thom. q. 113.*

Not. ex *D. Thom. quest. 115.* quod adulatio, qua quis dicit
alteri verba, quibus sit vanus, maximè si illud, de quo illum
laudat non est in eo, est contra hoc præceptum 8. Et est pecca-
tum mortale. Primò, si proximus aduletur de peccato mortali,
vt sic inducatur ad peccatum mortale. Secundò, si sic adulatus
prætendit ex hoc, ea quorum est indignus. At si adulario sit

de re bona, ex qua parum vanitatis est secutum in adulato,
erit peccatum veniale.

QVÆSTIO TERTIA. DE PECCATIS IN IVDICIO COMMISSIS.

ARTICVLVS I. DE INIVSTITIA IVDICIS.

D. Thomas 2. 2. q. 67.

S V M M A R I V M.

- An sententia iudicis excommunicati valeat, num. 1.*
Quæ persona non gaudeant immunitate Ecclesiæ, num. 2.
An rei confugientes ad Ecclesias possint inde extrahi, num. 3.
An possint ibi ligari, num. 4.
*In quibus fideles omnes, & clerici sint exempti à potestate
 saculari, num. 5.*
*Quando iudex sacularis possit comprehendere, vel punire cle-
 ricum, num. 6.*
Quibus legibus civilibus subdantur clerici, num. 7.
*Iudex in civilibus, & criminalibus tenetur iudicare secundum
 allegata, & probata contra scientiam priuatam, num. 8.*
*Ad quid teneatur tunc iudex, ut liberet quem certo scit inno-
 centem, num. 9.*
An iudex possit damnare reum sine accusatore, num. 10.
An semper teneatur iudicare secundum leges iustas, num. 11.
An possit relaxare pœnam legis, num. 12.
*An si non damnet reum ad pœnam pecuniariam applicandam
 à fisco, teneantur eam soluere, num. 13.*

I DVB. 1. *An iudex possit non sibi subditum indicare, ubi
 tres insinuantur difficultates.*

1. *An sententia iudicis excommunicati valeat. De quo in
 tract. de excommunicatione dicitur, quod sententia excommu-
 nicati tolerati, etiam publici, valet ut communiter tenent Ban-
 nes, & Thomista, 2. 2. q. 67. art. 1. contra Caiet. ver. excommuni-
 catio, & Soto 3. de iust. q. 4. art. 6. Imò & sententia excommuni-
 cati non tolerati occulti, iuxta l. Barbarius, ff. de offic. presid. va-
 let. Secus de sententia excommunicati non tolerati publici.*
 2. *Dis-*

2. *Difficultas An rei possint extrahi ab Ecclesia?* Et dicitur Ecclesia, quæ auctoritate Episcopi est ædificata; etsi non sit consecrata, sed in ea sacra celebrantur, *iuxta cap. Ecclesia, de immunitate Eccles.* Et idem est de monasterio, cœmiterio Ecclesiæ, domo Episcopi, & alijs locis iuxta morem. *Ita Ludon. Lop. tom. 1. cap. 285. & 286.* Et idem de associante Eucharistiam publicè delatam. *Ita Nauar. in man. cap. 25. num. 18. & alij, contra Comarr. 2. vari. 20. num. 5.*

1. Concl. Non gaudent immunitate Ecclesiæ hæretici, & alij in fideles, assassini, vtpotè, fidelem per infidelem occidentes, latrones publici, *iuxta cap. inter alia, de immunitate Eccles.* viarum grassatores, itinera obsidentes, ac viatores ex insidijs aggredientes, depopulatores agrorum, committètes in Ecclesia, aut cœmiterio homicidia, aut membrorum mutilationes, *iuxta cap. ultim. de immunitate Eccl.* aut aliud graue crimen: homicida proditorius, vtpotè, qui occidit alterum veneno, vel occidit non inimicum nihil tale præcauentem: cum non sit causa præcauendi. Et reus læsæ maiestatis in personam Principis non gaudet ista immunitate. *Ita Gregor. 14. in motu incipiente.* Cum alias nonnulli. Vbi etiam præcipitur Ecclesiasticis à ministris iustitiæ requisitis dictos reos tradere absque nota irregularitatis, aut alterius censuræ. Nec etiam gaudent Ecclesiæ immunitate euellentes terminos hæreditatum, nec reddituri Regi rationem de suis tributis, nec qui vt defraudent suis creditoribus *se alcancau;* id est consequuntur immunitatem, nec violatores Virginum. *De quo Hugo, verb. malhechor* De raptoribus virginum: de delinquentibus propè Ecclesiam vt sic ad eam statim confugiant, probabile est contra Couarru. gaudere immunitate Ecclesiæ, nisi vsus sit in contrarium. Et *prædictorum textus, & Doctores vide in Lud. Lop. & Nauar. num. 20.*

2. Concl. Alij delinquentes etiam excommunicati, & interdicti etsi fugerint ex carcere, aut supplicio, gaudent immunitate ista. Et iudex extrahens eos ab Ecclesia vi, aut dolo, est sacrilegus contra Ecclesiam, & iniustus contra reum. Et si iudex infringit fores Ecclesiæ, vt reum extrahat, manet excommunicatus, & restituet reo, & Ecclesiæ damna secuta. *Ita Bannes, 2. 2. qu. 77. art. 1. dub. 4. Med. in sum. cap. 16. & Ludon. Lop.* Et reus sic extractus non respondeat iudici interroganti, sed deludat eum verbis æquiuocis, cum leges illum extrahant à potestate iudicis: *vs patet tit. de*

2

3

de immunitate, 1. & 2. *quæst.* 4. & l. 1. *ord. tit.* 2. Imò reus iste dum actu extrahitur, potest se defendere occidendo iudicem, si opus sit. Et idem potest quando sententiam exequitur: cum ei inferatur iniuria. Ita communiter Doctores citati.

4. 3. Conclusio. Si certò constat reum gaudere immunitate Ecclesiæ, non potest ibi ligari, nec Ecclesiæ, aut cœmiterium obsideri, nec reo isti alimenta impediri. Et hæc est communis sententia, contra quam, ait Cotarruu. nulla consuetudo prævalere potest. Et synodalibus Toleti excommunicantur aliter facientes, sicut & istos reos ab Ecclesiâ extrahentes. Potest tamen iudex secularis tollere arma ab existentibus etiam licitè in Ecclesiâ, imò & à clericis in Hispania repertis cum armis, vt sic ab eis tollatur occasio liberius patrândi scelerum.

4. Conclusio. Si dubitetur an reus gaudeat Ecclesiæ immunitate, dum examinatur veritas, potest in Ecclesiâ ligari, ne fugiat interim. Et Gregor. 14. in motu cit. præcepit iudicibus secularibus, ne reos istos extrahant ab Ecclesiâ sine expressâ licentiâ Ordinarij. Et extracti ponantur in carcere iudicis Ecclesiastici compediti, & custoditi per iudicem secularem: dum per iudicem Ecclesiasticum declaratur, an gaudeant immunitate. Sed hæc lex non est vbique recepta. ait Man. Rodr. in sum. c. 154.

3. *Difficultas.* An clerici sint subiecti Reip. seculari.

5. 1. Conclusio. Omnes fideles ex iure diuino. sunt exempti à potestate seculari in spiritualibus; vt in Sacramentis, in creâdis Episcopis, & ministris Ecclesiæ, in ferendis censuris, & legibus concernentibus finem supernaturalem, in puniendis delictis, in quantum sunt contra vitam spiritualem. Ita diffinitur in Concil. Const. sessi. 8. 9. & 15. Nam Ecclesiâ est Resp. perfecta ab alia independens: ergo in concernentibus suum finem non subditur alteri potestati. Imò Resp. secularis, cum respiciat finem inferiorem, pendet ab Ecclesiâ in pertinentiibus ad finem supernaturalem. Et si sic Resp. secularis condit legem bonis moribus, aut fini supernaturali contrariam, potest ista lex ab Ecclesiâ tolli.

2. Concl. Clerici sunt exempti à potestate seculari in ciuilibus, & criminalibus, in soluendis tributis, &c. ex iure canonico, vt patet in Conc. Const. sessi. 13. & 15. & in Conc. Trid. sessi. 25. cap. 2. & ex iure ciuili. vt patet ex authen. statuimus. de Ep sc. & cler. & ex iure Hispano, lib. 5 tit. 6. p. 1. & lib. 1. ord.

ord. tit. 3. lib. 6. Et cap. 1. de iura. calum. vetatur clericis, aut religionis vtriusque sexus, iurare in ciuilibus aut criminalibus absque superioris licentia. Et ita expedit, vt qui præ est alijs in superioribus, non subdatur eis in inferioribus. Et etiam ne peccata clericorum ad secularia tribunalia deferantur, & cum secularium scandalo publicentur. Vnde in Bulla Cœne excommunicantur iudices seculares vocantes Ecclesiasticos ad sua tribunalia, & eorum causas cognoscentes.

3. Concl. Iudex secularis iure defensionis suæ, aut alterius innocentis licitè comprehendit clericum non solum in actuali aggressione, aut crimine patrando, præueniendo illud, detinendo, & incarcerando dum traditur suo superiori, sed etiam in crimine patrato, ne fugiat, vt præsentetur suo superiori: dum non excedat in hoc, de industria impingendo pugno clericum volentem se capi, & duci quietè, aut offerentem fideiussionem præsentandi se suo Prælato. Nisi immanitas delicti, aut alia iusta causa petat illum debere capi. *iuxta cap. si clericus, de sentent. excomm. in 6. & Silu. verb. excommunicatio, 6. & Lud. Lop. c. 20. de excomm.* Imo si Prelatus nolit punire clericum turbantem Remp. potest iudex secularis eum punire, quantum satis sit ad suam defensionem, si aliter Reip. non subuenitur. Et sic excusantur iudices isti aduocantes ad se causa Ecclesiasticorum iure defensionis, hoc est. *per viam de agrauio, de fuerca*, propter iniuriam aut vim, & sic est à Papa concessum Regi Hispaniarum: ait Bannes, 2. 2. q. 67. art. 1. dub. 2.

4. Concl. Clerici subduntur legibus ciuilibus conducen-
tibus bono regimini; & illos non dedecentibus; vt sunt le-
ges taxantes pretia rerum, &c. Quia sunt ciues, & membra
Reip. secularis: ergo tenentur eius legibus. Et si ad istorum
solum Prælatum spectet eos puniri, si violent istas leges.
Et in cap. eos qui, de immu. Eccles. excommunicantur man-
dantes suis subditis ne cum Ecclesiasticis contractus cele-
brent emendo, vendendo, aut alia obsequia eis exhiben-
do.

Dub. 2. *An iudex teneatur in ciuilibus, & criminalibus
iudicare iuxta allegata, & probata, etiam contra veritatem
sibi notam?*

1. Concl. D. Thom. ar. 2. affirmatiua. Ita Caiet. Bannes &
Thomist. ibi D. Ant. 3. p. tit. 9. c. 2. §. 6. Sil. verb. iudex, & alij
quos refert, & sequitur Conar. 1. vari. n. 3. & 6. contra Ange-
ver.

ver. iudicare, Panorm. in c. pastoralis, de offi. deleg. & contra Adria. id negantem in criminalibus, quod l. 6. art. 3. Sed patet concl. Nam potestas publica iudicis debet sequi scientiam publicam, sed hæc habetur ex dictis testium cum iuramento, *iuxta cap. nuper, de test. & attest. ergo. 2.* Si liceret iudici sequi scientiam priuatam contra publicam, posset malus iudex absolvere reos dicendo se scire, illos esse innocentes. Nec est idem de lictore, *sic D. Thom. 2. 2. quæst. 64. art. 6. ad 3.* Qui etsi non teneatur examinare iustitiam causæ, sed obedire iudici iubenti suspendere istum, etiam in dubio de innocentia eius, tamen si certo ei constet eius innocentia, non potest obedire iudici in hoc. Nam cum non fungatur auctoritate publica, sicut iudex, non potest sequi scientiam publicam, quidquid dicat Caiet. sed contra D. Thom. Sed dices, quid tenetur facere iudex, ut liberet quem certo scit esse innocentem? Ad hoc fit

- 9 2. Concl. Iste iudex non tenetur descerere officium; cum nulli faciat iniuriam, qui utitur iure suo. *Ita Bannes dub. 2. contra Silu. verb. iudex* Tenetur verò iudex inferior saltem ex charitate, *contra Bannes, & Soto. 5. de iust. qu. 4. art. 2.* remittere causam superiori, si potest sine graui damno, & infirmare coram illo testium probationes, & si id non possit, concedat reo appellationem, & restituetur in eius favorem coram superiore. Et si adhuc causa ad eum deuoluatur, pressius examinabit testes; exprobando eis, sicut Daniel, suum testimonium: & relaxabit quantum possit poenas legis, imo & relinquet carcerem apertum, ut fugiat, si possit fieri sine scandalo. Et si sit iudex supremus, tenetur eum liberare dispensando in legibus, si possit sine scandalo, & damno Reipub. Dicta doctrina colligitur ex *D. Thom. loco citato.*

Major, difficultas est; An iudex saltem supremus possit damnare reum, quem ipse solus certò scit deliquisse? Ad hoc fit

3. Concl. Ex cap. cum à nobis, de test. & attest. non potest iste damnare etiam secretò talem reum sine scientia publica talis delicti; cum fungatur auctoritate publica. Imò nec potest reum damnare ex aliorum dictis, antequam eius causa diligenter examinetur, & detur reo locus defendendi se per se, aut per alterum: cum ius naturæ id poscat, aliàs posset innocens damnari.

4. Conclusio. Examinatis testibus, & conuictò reo de crimine

erimine coram iudice supremo, aliquando licebit isti damnare reum, omiffa regulari forma iudicij, vtpotè, fine tabellione, fine processu, aut fine alijs solemnitatibus sine causa non omittendis. Nam sæpè expedit, ne aliqua delicta publicentur, vt si reus sit comes, cuius publica punitio turbabitur. Resp.

Dub. 3. *An possit iure damnare reum sine accusatore.*

10

1. Conclusio. *D.Thom. art. 3.* Negatiua. Nam homines confugiunt ad iudicem, sicut ad iustitiam animatam, sed iustitia est ad alterum, ergo iudex debet iudicare inter duos, quorum vnus sit reus, alter actor, seu accusator.

2. Concl. *D.Tho. ad 2.* Aliqua supplet vicem accusatoris ex quibus iudex licitè procedit contra reum. Primò, supplet clamorosa insinuatio, seu infamia sparsa per maiorem partem viciniae, aut communitalis, vtpotè, si proceditur via Inquisitionis, ait *Gaiet.* Secundo, supplet manifesta rebellio, & contumacia in Ecclesiam, cui crimen est denuntiatum: si, vt ait *Gaiet.* proceditur via denuntiationis, dicitur enim Matth. 18. *Si Ecclesiam non audierit, erit sicut Ethnicus*, id est excommunicandus. Tertio, In denuntiatione fraterna, cum ista ordinetur in bonum peccantis, nec intendatur eius punitio, non est opus accusatore. Quarto, Euidencia patrari sceleris coram iudice existente cum alijs supplet accusatorem Ita *Gaieta. ad 2. D.Thom. ex cap. euidencia, de accusa.*

3. Conclusio. Et si in criminalibus pars læsa non accuset, tenetur iudex procedere ex officio, dum sit aliquid supplens accusatorem. Aliàs Resp. maximè lædetur. At in ciuilibus regulariter requiritur actor, nec sat est infamia publica; cum non turbetur pax communis si quis possidet bona alterius, dum iste tacet. Sed si tacet, quia non audet litem deducere in iudicium, licebit tunc iudici procedere contra reum, si sit aliquid supplens accusatorem. Ita l. *nequaquam, §. secundum, ff. de offic. Pratoris.*

Dub. 4. *An iudex teneatur iudicare iuxta leges iustas.*

11

1. Conclusio. *D.Thom. 2. 2 q. 60. art. 5.* Affirmatiua. Nam iudicium seu sententia est determinatio iusti. sed aliquid dicitur iustum si est conforme legi naturali, & positivæ, ergo. Et intelligitur concl. regulariter. Nam vt ait *D.Thom. loco citato ad 2.* leges iustæ aliquando deficiunt in aliquibus casibus: & eas tunc seruare erit contra ius naturale. Sed attendatur tunc secundum epicheiam legislatoris intentio, quæ debet esse

esse talis, vt quod pro hominum vtilitate instituit, non obliget cum cedit in eorum damnum.

2. Concl. Si in civilibus sint variae opiniones circa intelligentiam alicuius legis, feratur sententia iuxta probabiliorē opinionem. Et si opiniones sint æquē probabiles, tutius erit componere partes diuidendo rem de qua est lis. Ita *Bannes*, 1.2. *quæst.* 63. *art.* 4. Nam tunc æquale est ius ambarum partium. Et si *Soto*, 3. *de iustis. quæst.* 6. *art.* 4. dicat, non esse certum, tunc peccare iudicem mortaliter, si in gratiam amici, & ablato scandalo alteram istarum quam maluerit opinionum, sequatur.

Dub. 5. *An liceat iudici pœnam legis relaxare.*

12

1. Concl. Non licet iudici etiam supremo pœnam legis relaxare renitente accusatore. Ita *D.Tho.* q. 67. *art.* 4. Et loquitur regulariter. Nam ob bonum commune illud licebit etiam iudici inferiori, maxime si non patet facilis aditus ad superiorem. Patet in reo Reip. maxime necessario, cuius morte Respublica patietur magnum damnum, ille tunc non occidatur. Quia iudici primo incumbit prospicere bono communi, deinde bono accusatoris.

2. Concl. Iudex inferior, etiam volente accusatore, non potest pœnam legis relaxare post latam omnino sententiam, cum iam functus sit officio suo. Bene tamen ante latam sententiam, vel quando iuxta iura potest admittere appellationem, seu supplicationem: tunc in secunda instantia potest minuire pœnam. Nam leges taxant pœnam delictis consideratis ex se, non attentis circumstantijs loci, temporis, personæ, &c. Sed aliquando ex his alleuiatur crimen, ergo etiam renitente accusatore licet ex his moderatur pœna. 2. Ratione dignitatis personæ licet minuire pœnam. Ita *l. ad bestias, ff. de pœnit. ergo*, & ex alijs alleuiantibus crimen, licet, etiam retinente accusatore, eam minuire, vt si constet reum ex ignorantia peccasse, aut si ipse, seu eius maiores notabilia seruitia Reipublice fecerunt; vt ait *Nauarr.* in rub. de indi. numer. 99. Tertio iudex potest aliquando augere pœnam. Ita *l. offerre, ff. de pœnis*. Sed leges sunt prouiores ad saluandum, quam ad puniendum, ergo.

13

Dub. 6. *An iudex si non damnet reum ad pœnam pecuniariam secundum leges applicandam fisco, accusatores, aut alijs, teneatur eam restituere illis. Et idem de alijs ministris iustitiæ.*

Concl.

Concl. Prædicti scienter, aut ex ignorantia culpabili non exercentes debitè sua officia, si ex hoc non applicatur pœna quibus ex lege competit, tenentur eam eis restituere. Nam ratione officij tenentur ex iustitia reddere partibus suum ius; sed accusator, & alij habent ius ad illas pœnas, ergo. Et intelligitur concl. in causis grauib. Nam circa leuia iudex prudenter faciet ob vitandas lites leuiter puniendo, aut non admittendo accusationem. Nec est idem de reo iniuste negante crimen ob quod talis pecunia prædictis non applicatur. Nam reus habet se merè passiuè in iudicio. Imo nec testis iniuste negans tenetur in hoc casu restituere: cum non sit minister iustitiæ sicut iudex. De custodibus montium, vide in 7. præcepto qu. 7. art. 3. dub. 5.

ARTICVLVS II. DE INIUSTITIA ACCVSATORIS.

D. Thomas q. 68.

S V M M A R I V M.

Quid denuntiatio & accusatio & quomodo differant, n. 1.

An correctio secreta sit præmittenda denuntiationi, n. 2.

Quando accusatio vel denuntiatio obliget, n. 3.

Ad quid teneantur accusatores, n. 4.

DVB. 7. *An teneamur accusare, aut denuntiare crimen fratris.* Es nota, quod denuntiatio, alia est secreta, seu Evangelica, qua intenditur emenda fratris; alia publica, seu iudicialis, qua interdicitur bonum commune, aut alterius innocentis: in quo conuenit cum accusatione, et si differant in hoc quod accusatio fit in scriptis, ut ait D. Thom. art. 2. ex cap. accusatorum, 2. qu. 8. Et obligatur accusator sub pœna talionis probare quæ deponit contra reum: ut ait D. Tho. art. 4. ex cap. qui non probaueris. 2. q. 3. at non sic denuntiator.

1. *Conclusio.* Proximus est secretè corrigendus etiam de crimine contra bonum commune, si sic probabiliter speretur eius emenda, nec alias periclitetur bonum commune. Ita Bannes, 2. 2. quæst. 68. art. 1. Et iuxta cap. si quis, & cap. cum dilectus, de accusa. Et si tunc non corrigas, sed accuses, aut depuntes, restitues ei damna secuta: cum tunc iniuste infametur. Habet enim ius ad suam famam, dum non expedit bono communi.

communi, vt eius crimen publicetur. Et sic intellige præceptum
 visitorum sub excommunicatione mandantium, sibi denun-
 tiari delicta. Si enim proximus sit emendatus, aut probabili-
 ter speretur eius emenda per correctionem fraternam, non po-
 test denunciari, aut accusari, si aliàs non periclitatur bonum
 commune.

3

2. Conclusio. In dubio an reus per secretam correctionem
 emendabitur, tenemur accusare, aut denuntiare iuridicè si
 desint testes pro accusatione. Peccata etiam mediata læden-
 tia bonum commune, vt sunt peccata atrocia, & peccata pu-
 blica. Cum in dubio inclinandum sit in fauorem boni com-
 munitis, & peccata etiam lædentia innocentem iniuste in vita,
 honore, fama, aut diuitijs: si aliàs possum ei sic subuenire sine
 meo graui damno. Ita colligitur ex *D. Thom. quodl. 11. art. 12.*
 Imò in eodem dubio de emenda rei per secretam correctio-
 nem, teneor accusare, aut denuntiare in meum commodum si
 habeo famam alijs obligatam, aut si timeo quod sine honore
 aut sine diuitijs faciliè in peccata ruam mortalia, aut alij scan-
 dalizantur, si non recuperò famam sic accusando. Et sub pec-
 cato ven. teneor accusare, ne sim prodigus mei honoris, aut
 census, quibus vtì possum pro colendis virtutibus & alenda
 familia.

3. Concl. Extra dictos casus non obligat accusatio, aut de-
 nuntiatio, sed licite omittitur etiam incepta, si ex hoc soli ac-
 cusatori sequitur damnum: qui extra dictos casus potest ce-
 dere iuri suo. Imò aliquando erit opus maioris perfectionis
 non accusare in causa propria. Nec ad id obligamur, cum vi-
 sitatores iubent sibi manifestari delicta.

4

4. Conclus. Qui accusat alterum de crimine occulto, quod
 non potest in iudicio probare, peccat mort. & restituet accusa-
 to damna secuta. Nisi ex ignorantia inculpabili excusetur pu-
 tans posse illud probare. *Patet ex dictis, q. 2. ar. 2. & in tract. de*
reuelante occultum crimen alterius art. 2. dub. 5.

5. Conclusio. Accusatores ex officio eodem modo ac in
 eiusdem casibus præmittere tenentur correctionem fraternam,
 ac alij accusatores ante accusationem, etiam si ex accusa-
 tione sibi proueniat maxima pecunia. Et solum accusare te-
 nentur in casibus secundæ conclusionis. Et quando accusa-
 tio, aut denuntiatio est licita. Et eo modo restituent quæ
 ob suam negligentem accusationem non applicantur fisco,
 aut alijs, sicut dixi de iudice dub. 6. Nam ob stipendium

acceptum à Rep. tenentur ex iustitia procurare bonum Reip.
& actoris, vt singulis suæ portiones applicentur. Sed qui sint le-
gitimi accusatores, iuxta *cap. 1. de accusat. vide infra dub. 16.*
Item laicus non potest accusare clericum. Ita *c. cum, de accusa.*

ARTICVLVS III. DE INIVSTITIA REI.

D. Thomas 2.2. quæst. 69.

S V M M A R I V M.

Reus non interrogatus iuridicè potest negare crimen, num. 1.

*Interrogatus verò iuridicè tenetur illud fateri etiam cum pe-
riculo vita, num. 2.*

*Necesse absolvendus quamdiu non fatetur, etiam data senten-
tia mortis, num. 3.*

*An teneatur aliquid restituere si ex negatione criminis fuit ab-
solutus, num. 4.*

*Quid requiratur vt index interroget iuridicè via accusationis,
vel denuntiationis, num. 5.*

Quid vt interroget per inquisitionem generalem, num. 6.

Quid vt interroget per inquisitionem omninò specialem, num. 7.

An liceat torquere reū, aut testem pro veritate inquirenda, n. 8.

Quando liceat reo appellare, num. 9.

*An damnatus ad mortem vel vt fame pereat teneatur fugere
dum potest, vel sumere panem oblatum, num. 10.*

*An iuste damnatus ad mortem, vel carcerem, possit fugere fran-
gendo vincula, & carcerem, num. 11.*

An hoc liceat consulere, & ad id inuare, num. 12.

An tali reo liceat impugnare custodes carceris, num. 13.

DVB. 8. *An reus iuridicè interrogatus teneatur confiteri
crimen.*

1. Conclusio. Dum non constat reo se iuridicè interrogari,
non confiteatur crimen, etiam sub iuramento, & excommuni-
catione quæsitus. Ita *Sot. de iustitia, q. 6. art. 2. Nauar. in Man.
cap. 18. num. 57. & cap. 25. num. 36. Caiet. Bann. & alij, 2. 2. q.
69. art. 2.* Et patet. Nam in dubio melior est conditio rei possi-
dentis suam famam. Et sic reus tunc vtatur verbis æquiuo-
cis, dicendo, non feci, non dixi; cum sic verum dicat iuxta men-
tem iudicis interrogantis de crimine in ordine ad iudicium;

R

& scien-

& scientiam publicam, cum eius crimen sit occultum. Imò et si iudex dicat se interrogare non solum ut iudicem, sed ut personam priuatam, non tenetur reus respondere ei, nisi ut publicæ personæ. Item quoties reus non potest probare suam innocentiam, et si aliàs à iudice ob ignorantiam sine peccato interrogetur, potest reus uti dictis verbis æquivocis, ut si Petrus occidit suum inuasorem cum debito moderamine, & interrogatus an illum occidit; non potest probare tale moderamen, licitè dicit, non occidi. Nam interrogatio iudicis terminatur ad reum de crimine, sed occisor tunc non est reus de tali occisione, cum esset necessaria pro sui licita defensione: ergo. Ex dictis patet 1. Quod si iudex tunc putans se interrogare reum legitimè in processu litis aduertit se iniuste procedere, tenetur cessare. Nisi aliàs sequatur scandalum, aut graue damnum in Republica, eo quod iam delictum sit diuulgatum. Imò ad idem tenetur, etiamsi à principio extorserit iniuste confessionem à reo. Nam tunc ut persona publica tenetur prospicere bono communi damnando reum, & ut persona priuata restituet reo damna secuta. Secundo patet, Non teneri reum restituere famam accusatori, cum utatur iure suo negando delictum occultum. Ita *Penna, Medina, Orellana, Bannes, Ledesma, contra Soto, dist. 15. q. 4. art. 3.*

2. Conclusio. Si constat reo se legitimè interrogari, tenetur sub mortali ex genere, etiam cum periculo vite, crimen confiteri. Ita *Caietanus, Soto, Bannes, & communiter cum D. Thoma, art. 1.* Nam in Republica est potestas ad puniendum crimina. Sed aliquando non possunt puniri, nisi reus confiteatur veritatem: ergo. Dixi ex genere. Nam mendacium etiam in iudicio, secluso iuramento, ex leuitate materiæ erit peccatum veniale. Ita *communiter contra Caietanum, & Siluest. verb. mendacium.* Et ex duplici capite pensatur leuitas materiæ in iudicio. Primo, Ex parte iuris, quod habet iudex ad interrogandum, qui si teneatur sub mortali interrogare, tenetur interrogatus sub mortali respondere. Sicut Religiosi tenentur sub mortali respondere visitatori interroganti de obseruantijs regularibus. Secundo, Ex ordine ad iudicium, in ordine ad quod res leuis in se potest esse grauis aliquando, ut maximè conducing pro noscenda veritate: v.g. Si vnus testis deposuit, quod homo tali indutus veste occidit Petrum, & alius testis, aut reus interrogatur de tali veste, tenetur sub mortali dicere veritatem. Nam illa circum-
- stantia

stantia vestis, tunc est materia gravis in ordine ad iudicium. Si obijcias: Nullus tenetur testificari contra suum cōsanguineum intra quartum gradum, vt dicitur *dub. 13.* ergo à fortiori nec contra se. Ob hoc argumentum *Nav. in c. inter verba, concl. 6. num. 142. Salic. in pract. crimin. cap. 26. & Manu. Rodr. tract. de ordin. iud. cap. 10. conclus. 1.* tenent quod in periculo vitæ, magni honoris, aut famæ potest reus occultare veritatem absque mendacio. Sed ad hoc negatur consequentia. Nam interrogatio iudicis, quæ non est iuxta legem, non censetur iuridica, & sic cum illi cōsanguinei rei eximantur per legem à testificando contra ipsum, nisi in delictis contra bonum commune, non censentur interrogari iuridicè de illius delicto, & sic nec tenentur respondere: Secus est de reo: cū per nullam legem eximatur à respondendo contra se. Vnde opposita sententia est improbabilis. Ita *Ledesm. tract. 8. cap. 24.*

3. Conclusio. Dum pendet iudicium, & reus sub mortali tenetur confiteri crimen, non absoluitur, diu non confite-
tur. Nam perseuerat in actuali inobedientia mortali, cum
censeatur actualiter à iudice interrogari. Et intelligitur, nisi
accrescat reo noua pœna ex prima negatione. Tunc enim non
obligetur, vt se prodatur.

An verò sententia iam prolata, & reo sine eius confessio-
ne ad mortem damnato, sit absoluendus, etiamsi tunc non
confiteatur veritatem. In hoc *Navar. in Mann. cap. 25. num. 38. Segura in direct. 2. part. cap. 17. num. 36. & Manu. Rodr. loco citato,* tenent quod sic. Quia, dicunt, iudicium est iam
finitum. Sed oppositum est communius, & sequendum, ait
Ledesm. cum Orellan. Medin. in summ. §. 35. Bannes, & Tho- mistis, loco citato. Nam adhuc reus interrogatur quousque
sententia exequatur. Sed si reus sit omninò absolutus, non
cogatur iterum confiteri crimen, cū iam cessauerit inter-
rogatio, & inobedientia, & negando solum peccauit contra
obedientiam, & iustitiam legalem, quarum violatio non
obligat restituere. Tenetur tamen restituere parti contrariæ
damna secuta ex sua negatione. Ita *Bannes, Navar. Ledesm. & alij.* Nam teneris ex iustitia commutatiua vitare actio-
nem ad quam non habes ius, si ex ea sequitur alteri damnum:
vt si ex tuo verbo otioso sequitur damnum alteri, teneris ex
iustitia illud vitare: sed reus modò non habet ius ad negan-
dum, & ex eius negatione sequitur alteri damnum in fama,
&c. ergo. Nec valet solutio contrariorum cum *Caiet. 2. 2.*

quæst. 62. art. 2. ad 2. probabiliter sentientium, quod accusator sibi imputet illa damna, accusando sine sufficientibus testibus. Nam accusator benè probabat si reus confiteretur crimen, ad quod cum semiplena probatione interrogatus tenebatur ex iustitia legali in ordine ad iudicium, & ex iustitia commutativa in ordine ad accusatorem ob vitandum eius damnum. Non tamen restituet reus fisco, & alijs pœnam, de qua dixi *dub. 6.* Ita *Ledesm. cum Orellan. & communiter Thomista contra Sot. & Medin.*

5 *Dnb. 9. Quando interrogatio iudicis dicetur iuridica.*

1. Conclusio. Vt iudex interroget iuridicè via accusationis, aut denuntiationis, est necessaria semiplena probatio, in qua cum accusatore, aut alio supplente accusatorem, vt supplet infamia, ait *Caict. art. 1.* sit etiam vnus testis sine exceptione: aut vt ait *Soto 5. de iust. q. 6. art. 2.* manifesta indicia maiora, vel minora iuxta qualitatem criminis. Nec sat est vnum indicium, nisi sit adeò efficax, quod æquiualeat multis. Et debent ista esse expressa, & quoad delictum, & quoad reum, & sunt explicanda in processu, & ostendenda reo, iuxta *cap. qualiter, & quando, de accusat.* vt sciat se iuridicè interrogari. Aliàs non credat iudici dicenti se habere manifesta indicia, & testes, nec petat processum, vt videat, si interrogetur iuridicè, ne sic veniat in suspicionem delicti. Ista conclusio colligitur ex *D. Thom. art. 2.* qui loquitur, vt patet ex contextu, quando iudex procedit via accusationis, aut denuntiationis, vt ibi explicat *Bannes, & communiter Thomista, & Iurist.*

6 2. Conclusio. Vt iudex iuridicè interroget per inquisitionem omninò generalem, v. g. cùm visitator interrogat an in aliqua comunitate sint delicta sine explicatione delicti, aut delinquentis, nec requiritur infamia, nec indicia, nec semiplena probatio. Ita *cap. relata, & cap. placuit, 1. q. 1.* Et patet ex vsu. Et sic etiam sub excommunicatione interrogatus solùm potes declarare, quæ aliàs poteras licitè denuntiare iuxta dicta *dub. 7.* & ad hoc teneris. Nec potes declarare quæ audisti à persona tam leui, aut quæ tali modo audisti, quod esset leuitas credere. Nec quæ scis in secreto, vtpotè, si à te sit petitum consilium pro salute animæ, corporis, aut temporalium, vt patet in Medicis, Aduocatis, &c. Nam si isti reuelent illa secreta, quando non est necesse pro vitando damno communi, aut proximi, peccant mortaliter, etsi sciant reum laborare infamia, & esse contra eum sufficientem probationem,

nem, & testes. Ita *Bann. Orell. cum D. Thom. 2.2. q.70. art. 1. ad 2.* Quia seruare fidem est de iure naturæ. Et sic isti solùm declarare tenentur quæ extra secretum nouerunt.

3. Conclusio. Vt iudex iuridicè interroget per inquisitionem omninò specialem, v. g. cùm interrogatur delictum, & reus, aut per inquisitionem partim generalem, & partim specialem, v. g. cùm de Petro queritur an sit vitiosus, aut cùm de aliquo delicto inquiritur auctor, requiritur infamia, seu clamorosa insinuatio, quæ à probis, & honestis, & non à maleuolis, & maledicis ortum habeat. Ita *cap. qualiter, & quando, 2. de accusat.* Nec sufficiunt indicia etiam grauias, ait *Bannes, & alij contra Caietan. & Sot.* nisi sint talia, quæ æquiualeant infamiae, vt si sint sparsa per maiorem partem viciniae, seu communitalis. Aliàs, vt colligitur *ex cap. Inquisitionis, de accusat.* tres testes oculati, & iurati non sufficiunt contra reum, quia non præcessit infamia. 2. Iudex non potest procedere contra reum sine accusatore, aut alio supplente accusatorem, sed sola infamia, seu euidentia patrati sceleris, iuxta dicta *dub. 3.* suppleat accusatorem: ergo. Et intelligitur conclusio secunda regulariter. Nam aliquoties, ait *Soto relect. regen. memb. 2. quæst. 6. dub. 6.* potest fieri specialis inquisitio sine præuia infamia. Primò si non intenditur punitio, sed vitatio erroris, aut damni: v. g. ne indignus assumatur ad officium, aut si inquiritur de impedimentis alicuius matrimonij. 2. Cùm quis publicè coram multis deliquit, aut confessus est suum delictum. Secus si solùm coram duobus. 3. Si inquirendo vnum crimen, detegitur aliud, quod est alterius circumstantia, vel indicium, aut pertinens ad illius perfectam cognitionem. Imò etsi non habeat coniunctionem cum priori delicto. Ita *Ledesm. cum Nauar. & Orellano contra Soto.* Et patet ex vsu, qui potest derogare legi requirenti infamiam. 4. Si crimen cedit in damnum tertij, & est in fieri, aut pendet in futurum, & à fortiori si cedit in damnum publicum, vt grassatio raptorum in vijs, falsificatio monetæ, insidiæ contra Rempublicam, ambitiones, subornationes. 5. Cùm crimen est atrox vt hæresis, crimen læsæ maiestatis. Imò Pius V. in motu incipiente, *Cum primùm*, statuit, vt in Sodomia, Simonia, & Blasphemia procedatur ad simplicem, & secretam denuntiationem, tam ratione delicti, quam personæ, dum tamen ex calumnia denuntiantes ad pœnam talionis teneantur. In dictis ergo casibus licet iudici sine infamia ex sola

euidencia patrat sceleris inquirere in generali reum, non verò in particulari, an, scilicet, Petrus illud commiserit: nisi aliàs laboret infamia. Sed licebit querere de infamia, an quis laboret infamia talis delicti: & hac probata duobus testibus, licebit inquirere de isto in particulari. Ita *Soto*, & *Nauar. in Mann. cap. 18. num. 38.* Et licet in casu 4. & 5. reus non teneatur respondere, benè tamen testis. Ex dictis patet 1. Non licere iudici extra dictos casus, ait *Ledesm. & communiter*, interrogare de complicibus sine dicta infamia, vt dicitur *cap. 1. de confessis*. Nec infamatus de vno delicto potest interrogari de alijs, in quibus non est infamatus, nisi ista sint priori annexa: vt convictus de vno furto rectè interrogatur de alijs. Ita *Soto*, *Caiet. Orellan. & Bannes*, 2. 2. *quest. 69. art. 2. & Medin. cum D. Thom. 2. 2. quest. 70. art. 1.* Secundò patet, Quod etiam cum crimen est notorium, & reus secretus, vt si inuenitur homo occisus, non potest iudex extra dictos casus inquirere etiam in generali quis eum occidit sine præuia infamia: vt ait *Caiet. & Soto*, 3. *de iustitia, quest. 6. art. 2. ex cap. qualiter, & quando 2. & cap. inquisitio, & cap. cum oporteat, de accusat.* vbi strictè cauetur, ne inquisitio personæ villo modo fiat; si non præcessit infamia, seu clamorosa insinuatio. Sed quod tunc liceat in genera'i inquirere homicidam, est factis probabile. Ita *Ledesm. cum Orellan. & Innocentio*. Et patet ex vsu iudicum, qui potest derogare legi contrariæ. Et ita expedit bono communi, cui aliter sequitur damnum, scandalizatur Respublica videns crimina manere impunita, & malefactores fiunt audaciores. Iudex tunc, ait *Nauar. cap. 18. num. 59.* inquirat reum in communi, monendo testes ne sibi reuelent reum omninò occultum; sed eum, qui laborat infamia, aut mittat eos ad alios, qui eos doceant qualiter debent respondere. Mens ergo iudicis est interrogare de his, quæ testes possunt declarare, & continget aliquoties reum laborare infamia nota testibus, & ignota iudici.

8 Dub. 10. *An liceat torquere reum, aut testem pro veritate inquirenda.*

1. Conclusio. *Contra Ludou. Vines 19. de ciuit. 6.* Erroneum est, aut saltem temerarium, negare esse licita tormenta. Patet *ex cap. illi qui 5. q. 5.* vbi ab Eusebio Papa approbantur. Ita etiam *D. Ambrosius lib. de Cain. Hieron. Episc. ad Innocent. Aug. 19. de ciuit. 6. D. Thom. in Iob 10. lect. 1.* Et patet ex vsu, & communi sententia Theologorum, & Iuristarum. Aliàs multa

multa crimina manerent impunita: cum sæpè non constet veritas nisi tormentis.

2. Concl. Testis vt sic non est torquendus, nisi præsumatur ex malitia nolle testificari. Vt si alij testantur Petrum adfuisse alicui negotio, & quæsitus non vult declarare quid sciat. Ita *Bannes, art. 2.*

3. Conclu. Reus licitè torquetur tribus conditionibus. 1. Cum semiplena probatione, vtpotè cum accusatore seu alio supplente accusatorem, & cum vno teste sine exceptione seu manifestis indiis, vt dixi dub. 9. Nec sat est infamia sola, nisi solum ad inquirendum: aliàs, vt ait *Sila. verb. tortura*, confessio sit extorta erit nulla, & iudex compensabit reo istam iniuriam, & alia damna ex hoc secuta. 2. Quod non possit iudex aliter scire veritatem. Peccat enim iudex torquendo reum duobus testibus legitimis conuictum; nisi confiteri renuat vt differat executionem iustæ sententiæ. Ita *Nauarr. c. 18. an. 59. cum communi sententia Theologorum. & Inrist. in c. inter verba*. Aut nisi expediat, quod reus iste sic conuictus statim puniatur, & sic torqueatur, vt confitendo non gaudeat appellatione iniusta, vt ait *Bannes*. Nam negatur appellatio reo crimen confitenti, sed non negatur conuictio duobus testibus, vt patet lib. 2. C. quorum appellatione, &c. At si non licet torquere reum asserentem nouas, & legitimas probationes ad reprobandum processum. Quia tunc iustè appellat, & sic male impeditur tormentis ab appellando. 3. Condicio: Quod priuilegiati non torqueantur. Nam etsi in casu hæresis, aut læsæ maiestatis omnes licitè torqueantur, at in alijs delictis non possunt torqueri minores quatuordecim annorum annorum, etsi vapulare possint. Nobiles etiam, & Doctores, & habentes prærogatiuam dignitatis, aut nobilitatis non possunt torqueri. Nec infirmi sine licentia medici; nec sexagenarii; etsi isti in causis grauibz possint leui tortura torqueri. Et distorum iura Vide in *Hugo de Gelfo. ver. tormenta*.

Dub. 11. An liceat appellari.

8

1. Conclusio. Non licet pro differenda executione legitimæ sententiæ appellare, nec petere terminos, seu fictas dilationes intuitu inducendi nouas probationes. Ita *D. Tho. art. 3. & ca. omni. & cap. quicumque, 2. q. 6.* Et patet. Nam sic appellans irrogat iniuriam iudici impediendo eius officium, & accusatori turbando eius iustitiam. Et sic restituet parti contrariæ expensas, & damna ex tali appellatione secuta. Ita *Bannes*,

Soto 5. de iust. q. 6. art. 3. Silu. verb. accusatio. Nauar. cap. 25. n. 14. 28. 29.

2. Concl. *D. Tho.* Licet appellare ex confidentia iustæ causæ. Vt si reus habet nouam probationem, quam non Potuit in tempore proferre, & dum dubitatur de iustitia sententiæ. Item damnato iuxta vnam opinionem licet appellare ad superiorem habentem contrariam, etiam minus probabilem, *contra Caiet. & Bannes.* Et licet reo appellare à iustâ sententia in his, quæ relinquuntur arbitrio iudicis, ad iudicem à quo sperat mitiorem sententiam. Et non solum in criminalibus, sed & in ciuilibus, si neutra pars litigantium possidet fundum, & opinionones sunt æquè probabiles, licet damnato iuxta vnam opinionem appellare ad superiorem habentem contrariam sibi fauorabilem. Imo etsi sententia lata sit iuxta opinionem aliquanto probabiliorem, & ego possideo fundum, possum appellare ad superiorem habentem opinionem contrariam probabilem. Sicut & ante litem poteram cum illa minore probabilitate retinere fundum. Nec vlli fit iniuria in hoc, cum reus prosequatur suum ius. Et in dictis, & similibus casibus semper fit appellatio ex confidentia iustæ causæ.

70 Dub. 12. *An liceat damnato ad mortem, seu aliam pœnam, fugere ex carcere, aut aliter se defendere.*

1. Conclusio. Damnatus ad mortem non tenetur fugere ex carcere, sed potest sicut martyres patienter sperare mortem. Nec ex non fugere sequitur mors propria directè, & per se, sed ab intrinseco inferente. Sicut licet damnato vt fame pereat, non sumere panem sibi secretò oblatum, *ait Soto. contra Caietan. 2. 2. quæst. 69. art. 4. & Victor. relec. de homi.* Nam hoc non est occidere se directè, sed non conseruare se pro zelo iustitiæ. Et præceptum conseruandi vitam, non obligat pro semper, cum sit affirmatiuum. Et sic intellige *D. Thomam, art. 4. ad 2.* dum ait, quod non sumere panem tunc, est occidere se: Loquitur enim de occisione indirecta. Non vero licet damnato vtumat venenum, sumere illud, *ait Caiet. Soto, Bannes contra Victor.* Nam hoc esset occidere se directè, ac si damnetur vt iugulet se. Nec est idem de apertione oris, vt infundatur venenum, & de ascensu scalæ, ad quæ reus tenetur sub peccato mort. Sicut & ire ad locum supplicij, *ut ait Vitt. & Med. 1. 2. qu. 96. art. 4. contra Caiet. & Soto.* Nam illa apertio oris; ascensus scalæ, sicut & extendere collum pro iugulatione, non sunt mala intrinsecè, nec cau-

causativa propriæ mortis, sed est parare se ad actionem mortis ab alio causandam.

2. Conclusio. Damnato iustè ad aliquam pœnam carceris non licet fugere, sicut & damnatus iustè ad exilium aut pœnam pecuniariam, tenetur illa subire. *Iuxta D. Thom. 2. 2. q. 62. art. 2.*

3. Concl. Damnato etiam iustè ad mortem, aut aliam pœnam corporalem, seu ad carcerem quousque vita prius, licet fugere ex carcere, nec imputantur sibi damna secuta carceri, aut custodi. Nam *ut ait D. Tho. artic. 4. ad 2.* in his non damnatur reus ut agat, sed ut patiatur: ergo nec tenetur facere id, ex quo sequitur mors, ut est manere in loco ex quo ad mortem ducatur. Et idem licet damnato ad carcerem perpetuum, aut ad triremes. Nam ista morti æquiparantur *ut dicitur lege antepenultim. ff. de regulis iuris. Et Ledesm. in sum. contra Caiet. Soto Navar. inc. statuimus, & contra Conar. 1. vari. cap. 2. & 14.*

4. Concl. Reo etiam iustè damnato ad mortem licet rumpere vincula, & parietes carceris. *Ita Caietan. contra Gaudap quodl. 9. art. 25.* Nec restituat damna secuta carceri, aut custodi, *ait Bonnes, Ledesm. & Navar. in man cap. 17. nu. 102. contra Soto.* Et patet. Nam non tenetur restituere ratione rei acceptæ: cum nil alienum habeat apud se, nec ratione iniustæ acceptionis: cum licitè illud faciat; ergo &c. Imò & licet consulere isti fugam. *Ita Con. Bannes, Soto. 5. de iust. q. 6. art. 4.* Nam licet consulere alteri, quod licitè potest facere. Imo etiam, *iuxta Caiet. Bannes. Med. Orella, & communiter contra Soto.* licet personæ privatæ dare reo damnato ad mortem instrumenta quibus carcerem rumpat, cum cooperetur rei licitæ, & aliàs magis influit in effectum dans consilium & industriam quam dans instrumenta. Non tamen id licet ministris iustitiæ, *ait Caietan.* quibus ex officio incumbit tueri publicam potestatem. Sicut etiam licet privatæ personæ, etsi ad id non teneatur, dare cibum damnato ut fame pereat, aliàs non nociuo Reipub. *ut ait Lud. Lop. tom. 1. cap. 64.* non vero id licet ministris iustitiæ.

5. Conclusio. Non licet iuvare reum iustè damnatum, ut rumpat vincula, aut carcerem. Nam quod respectu unius est effectus per accidens secutus ad actionem, ad quam habet ius, respectu alterius est per se intentum, & sic illicitum. Sicut cuilibet licet occidere suum inuasorem, etiam

eriam sine peccato inuadentem, vt si sit amens, & licet alijs hoc ei consulere, & dare arma ad id; sed non iuuare eum. Ita Caiet. Bannes, & Ledel. Et si iste tract. 3. de bello, dicat contra Bannes, licere iuuare ad fugam seruos captos in bello iusto, ex quo videtur licere iuuare dictos reos ad rapienda vincula.

13

6. Concl. ex D. Thom. art. 4. Non licet reo iuste damnato ad mortem, impugnare custodes carceris, bene verò iniuste damnato. Imò & innocenti iuste damnato iuxta allegata, & probata, licet, secluso scandalo, & damno communi, defendere se etiam occidendo iudicem, & ministros iustitiæ, si necesse sit. Ita *Victor & Bannes*, 2. 2. q. 69. art. 4. contra *Soto* 5. de iust. q. 6. art. 4. & *Lud. Lop. tom. 1. cap. 66.* Sicut licet innocenti se defendere etiam occidendo aggressorem innocentem, vtpote amentem. Imò & licet falsè denuntiatio se tueri falsis testibus vltro se ingerentibus ad testificandum pro eius innocentia. Quia licet vt iniquitate alterius parati in proprium commodum, dum tamen ad hoc non inducatur, vt dicitur de vfurario.

7. Concl. Iniuste etiam incarceratus, cui sub iuramento redeundi conceditur exire à carcere, tenetur seruare iuramentum dum non relaxatur, & redire ad carcerem. Ita *Caiet. 2. 2. q. 89. art. 7. & Nau. in man. c. 12. n. 18. contra Con. 1. ver. 2. & Lud. Lop. tom. 1. c. 276.* Nam iste potest sine peccato seruare iuramentum. Sicut & qui iurauit dare latroni bona sua. Nec redeundo occidit se magis, quam damnatus ad mortem, qui potest fugere carcerem non fugit: ergo tenetur implere iuramentum, cum sit de re licita.

ARTICVLVS IV. DE INIUSTITIA TESTIS.

D. Thomas. 2. 2. q. 70.

S V M M A R I V M.

Quando testis censendus iuridicè interrogati, num. 1.

An testis dubitans de interrogatione iuridica teneatur respondere, num. 2.

An testis non quasitus teneatur aliquando testari, num. 3.

Quando testis iuridicè interrogatus non teneatur respondere iudici, num. 4.

An

An quādo ad id tenetur, obligetur ex iustitia commutativa. n. 5.

An crimen notum per injuriam possit puniri, num. 6.

An in iudicio requiratur testimonium duorum aut trium. n. 7.

An testes debeant esse contestes, num. 8.

Quando liceat repellere in iudicio alterius testimonium, num. 9.

An liceat obijcere crimen pro infirmando testimonio, num. 10.

DVB. 13. *An testis iuridicè interrogatus respondere teneatur.* I
 Nota, quod quoties reus iuridicè interrogatur à fortiore iuridicè iuterrogatur testis. Et sic via accusationis, aut denuntiationis iuridicè interrogatur cum semiplena probatione modo dicto dub. 9. Sed si accusator habet solum vnum testem, iste dum sibi non constat de alio conteste, tenetur sub peccato mort. dicere se nil scire cum nec tunc interrogatur iuridicè. Ita Ledes. in sum. tract. 8. c. 25. cum Orella, & Bannes. 2. 2. qu. 70. art. 1. contra Soto 5. de iust. qu. 7. art. 1. Secundò, interrogatur testis iuridicè via inquisitionis generalis, etsi non præcedat semiplena probatio, aut infamia; iuxta dicta loco cit. concl. 2. Tertio, interrogatur testis iuridicè via inquisitionis omnino specialis, aut mixtæ si præcedit infamia modo dicto lococitat. concl. 3. Imò etsi reus interrogatus sine prævia infamia in casibus 4. & 5. dictis loco cit. conc. 4. non teneatur respondere, bene tamen testis. Nam testis respondendo tunc prospicit bono cōmuni, aut tertij, nec ei suppetit aliud medium pro bono communi tuendo, at reus prospicit tali bono cessando à malo. Ita Soto 5. de iu. q. 6. ar. 3. & Led.

1. Concl. Testis dubitans se legitime interrogari, si respondendo nulli nocet, respondeat; cū sic exerceat a- 2
 ctum obedientiæ. Et sitacendo nulli nocet, bene tamen respondendo, taceat. Ita Soto, Medina, Bannes, contra Siluest. Et sitacendo imminet damnum Reipub. respondeat etiam cum damno alterius, etsi pro parte boni communis sit minor probabilitas damni. Nam è duobus malis minus est eligendum, quale est damnum particulare. Sed si respondendo sequitur æquale damnum reo, & accusatori, & testis non sit consanguineus accusatoris, declinabit in favorem rei, cuius melior est conditio, cum possideat suam famam; nisi damnum accusatoris sit notabiliter maius, cum è duobus malis minus sit eligendum, aut nisi quando accusator tenebatur accusare, aut erat opus maioris virtutis accusare. Ex dictis patet, quod quando testis non tenetur respondere, utatur

tur

tur verbis æquiuocis, vt dixi de reo. Imò ad id tenetur, etsi reus non teneatur, cum reus possit cedere iuri suo, testis autem non possit cedere iuri alterius, *vt ait Bannes.*

2. Concl. Testis etiam non quæsitus tenetur aliquando testificari vltro de crimine alterius, etiam in secreto noto: *iuxta D. Thom. 2. 2. qu. 70. art. 1. ad 2.* Et primo tenetur ad id ex iustitia legali pro bono communi. Secundo tenetur ex charitate pro liberando innocente à morte, aut alia iniuria, si aliàs possit sine suo graui damno, *iuxta illud Prouer. 24. Erue eos qui ducuntur ad mortem.* Imò & pro vitando graui damno proximi in temporalibus. Tertio, quoties accusator tenetur accusare, tenetur testis vltro testificari, *vt ait Caieta. & Bannes, cap. 2. 2. q. 80. art. 1.* Sed accusator licitè accusat, sed ad id non tenetur, minus tenetur testis non notus testificari, etsi immineat periculum accusatori, qui vltro se congeffit in has angustias. *Ita D. Thomas.*

3. Concl. Testis iuridicè interrogatus tenetur sub mortali veritatem respondere per se loquendo. *Ita communiter cum D. Thom. art. 1.* Aliàs non possent puniri delicta, ex quo innumera mala Reipublicæ obuenerent. Dixi per se loquendo. Nam *vt ait Nan. in man. cap. 25. n. 46. & 47.* non tenebitur testis respondere in aliquibus casibus. Primum cum graui damno vitæ, honoris, aut diuitiarum, nisi pro bono communi. Quia cum graui damno proprio non tenemur prospicere bono particulari. Et si iudex id sciret, non possèt eum interrogare. Secundo, Consanguinei rectæ lineæ, etiam si velint, non admittuntur ad testificandum ad inuicem contra seipsos. *Ita 4. q. 3. cap. si testes. §. item parentes. & l. parentes. C. de testibus.* Bene tamen admittitur pro discernenda consanguinitate in causa matrimonij, *iuxta c. videtur, qui matri. accusare possunt.* Item fratres, sorores, gener, socer, vitricus, nouerca, priuigni, patruus, patruelis, auunculus, vel nepos ex fratre aut sorore, admittuntur vt testes contra se inuicem, sed ad id non sunt cogendi. *Patet in l. Julian. ff. de testibus.* Et communis sententia Iuristarum extendit hoc ad coniuges, *vt ait Bannes. q. 70. art. 1. dub. 4. ad 6.* Nec respectu istorum interrogatio est iuridica, *ait Ledesm. tract. 8. de iust. com. cap. 7. dub. 7.* Nisi in crimine hæresis, læsæ maiestatis, vel alijs contra bonum commune, cum hoc sit præferendum etiam vitæ propriæ. *Ita communiter. De quo Bannes & Ledesm.* Tertio, Si testis scit delictum à personis fide indignis, aut si scit in secreto sibi commissio

commisso modo dicto *dub. 9.* Ita *Bannes.* Quarto, si scio, quod per meā testificationem iudex plus iusto exacerbabitur contra reum. Ita *Nauarr.* Quinto, si proceditur via inquisitionis, celabis crimen fratris iam emendatum, etsi laboret infamia, si aliās nulli nocet, aut si probabiliter speretur eius emenda per correctionem fraternam, iuxta *D. Tho. 2. 2. qu. 33. art. 7. ad 5.* Aliās peccabis contra iustitiam commutativam testificando contra eum, & restitues damna. Nec iudex tunc iuridicè interrogat: sed peccat, nisi excusetur ex ignorantia de correctione profutura, ut ait *Bannes ad 3.*

An vero testis iuridicè interrogatus teneatur ex iustitia commutativa respondere. 5

Ad hoc fit 4. Concl. Probabile est quod sic. Ita *Orella. Med. in sum. §. 35. Soto 3. de iust. q. 7. art. 1. Nau. cap. 25. nu. 44.* Aliās restituet parti damna illata in bonis proprijs, & in illis ad quæ habet ius ex iustitia commutativa, sed non restituet pœnam applicandam per sententiam, sicut dixi de reo, *dub. 8.* Ita *Bannes, & Nau. n. 51.*

5. Conclusio. Probabilius est quod non. Itaque etsi testis tunc respondendo contrarium veritatis, peccet contra iustitiam commutativam: cum ex illa teneatur vitare actionem, ad quam non habet ius, si ex ea sequitur alicui damnum: secus si non respondet, dicendo se nil scire. Ita *Bann.* Et patet. Testis etiam vocatus ut testificetur, & abscondens se, non peccat contra iustitiam commutativam, ut etiam *Nauarr. fatetur contra Soto.* Sed præceptum iudicis iam intimatum solum addit obligationem ex obedientia, & ex iustitia legali ad respondendum, ut colligitur ex *D. Thom. art. 1.* ergo. Nec est idem de occultante scripturam, qui quæsitus tenetur ex iustitia commutativa eam tradere, quando pertinet ad ius alterius, & non ad suum ius. Secus si ei constet iuste possidere fundum, & si det scripturam, timet ne vexetur pro re quam iuste possidet, tunc non manifestet eam, etsi sit alteri necessaria. Nam cum damno proprio non tenetur prospicere alieno. Ita *Ludon. Lop. tom. 1. 159.*

Dub. 14. An crimen notum per iniquitatem possit puniri. 6

1. Concl. Negativa de crimine noto in confessione, aut ex consilio pro eius remedio. Nam cederet in odium, & irrisionem Sacramenti.

2. Conclus. Non potest puniri crimen notum per iniuriam factam à iudice, iniuste interrogando reum, aut testem, aut con-

con-

concurrente cum alio ad illam iniuriam, ut potè dando pecuniam testibus, aut accusatori. Ita *Bannes*. Nam illicitum est damnare innocentem, qualis censetur, qui legitimis testibus non probatur nocens. Et idem est, si iudex procedat ex infamia orta à maleuolis. Ita *cap. qualiter*, & quando de accusat. Et si ignorando vitium accusationis, aut infamiae accepit notitiam criminis, tunc cognito vitio non procedat ultra. Nam antea excusabatur ignorantia. Et intelligitur secluso bono communi. Nam si crimen detectum sit contra bonum commune, aut sequitur scandalum eo quod iam detectum non puniatur: iudex tunc, crimine detecto, inchoabit nouum processum, & inquirat vsque ad punitionem: cum bonum commune sit preferendum particulari. At iudex ratione iniuriæ prius à se illatæ resistit reo damna secuta ex tali iniuria, ut dixi dub. 8.

3. Concl. Iudex potest punire crimen notum per iniuriam illatam ab alio extra iudicium, ut si quis induxit metu aut aliter Petrum ad accusandum, aut testificandum contra reum. Nam iudex solum tepetur seruare quæ pertinent per se ad iustitiam externam. Aliàs non liceret ei recipere accusationem accusantis ex odio, aut omittentis correctionem fraternam profuturam, etiam alias iustam iuxta leges. Et idem est de crimine noto per iniuriam illatam à tertia persona in iudicio: ut si testis in inquisitione generali quoad personam reuelauit occultum crimen, quod non poterat reuelare. Nam parum refert, quod iniuria sit facta in iudicio, aut extra. Et ita est vsus
 7 Dub. 15. *An in iudicio requiratur testimonium duorum, aut trium testium.*

Conclus. *D. Thom. art. 2. ex cap. veniens, & c. licet, de test. & attest.* Affirmatiua. Patet Deut. 17. *In ore duorum aut trium testium peribit omnis qui interficietur.* Et Matt. 18. *In ore duorum, vel trium testium stat omne verbum.* Et intelligitur conclusio in causis grauib. Nam in leuib. sat est vnus testis, ut in custodibus montium, & vinearum, quorum declaratio sub iuramento sat est, ut reus pecunia multetur. Ita sancitur lib. 4. *fori. tit. 4. lege 7.* Nam in his regulariter non possunt esse plures testes. Et idem est in discernenda aliqua causa pia. Pater cap. cum itaque, d. 4. de consc. vbi præcipitur, ut pueri infidelium baptizentur extracti à cura parentum. Nisi fide dignus dicat esse baptizatos. Item in causis grauissimis ut contra Episcopum, requiruntur plures quam tres testes. Nam cum Epi-

sco-

scopus sit acerrimus iudex, credendum est habere inimicos ex odio cum accusantes. Nec derogat iuri naturali: cum circa numerum testium, nil statuar positivè, sed negativè, quod non sint minus duobus, aut tribus; pro causis scilicet gravibus. Et ex iure positivo taxatur numerus pro qualitate causarum.

2. Concl. D. Thom. ad 2. Testes singulares non faciunt fidem in iudicio, sed debent esse testes eiusdem casus in quo conveniant non solum in substantia facti, sed & in principalibus circumstantiis, loci, temporis, &c. quæ meritò variant substantiam facti. Si tamen unum testis dicat tempus & locum, & alius dicat de his non recordari, istæ non præiudicat testimonio illius. Et idem si testes discordent in circumstantiis non pertinentibus ad substantiam facti, v. gr. Si tempus erat nubilosum, aut domus depicta. Nam ad hæc parum attendunt homines, & sic facile obliuiscuntur. Et si testes actoris, & testes rei discordent in circumstantiis præcipuis, & sint æquales numero, & dignitate, stetur pro reo, cum debeat esse pronior iudex ad absoluendum, quam ad puniendum. Sed si testes rei inter se, aut testes actoris inter se discordent, iudex ex motu sui animi percipiet cui parti sit standum, aut ex numero testium, aut ex eorum dignitate, aut ex favorabilitate causæ, aut ex conditione negotij. Hæc D. Tho. & ex cap. si testes, 4. q. 2. & 3. vbi notant Caiet. & Sot. 5. de iust. qu. 7. art. 2. Quod etsi testes singulares de actionibus multiplicatis eiusdem personæ, vt de multis furtis, non faciant fidem certam stando in rigore iuris, tamen non debilem faciunt fidem, maximè in religionibus, vbi possunt haberi pro iudiciis, quibus procedatur ad aliquam inquisitionem, & interrogandum reum leui tortura. Sed hoc non licet in secularibus, vbi supplicia sunt acerbiora.

Dub 16. An alicuius testimonium, aut accusatio sit sine eius culpa in iudicio repellenda.

1. Conclus. Iuste repellitur alicuius testimonium, aut accusatio aliquando sine culpa, vt testimonium amentis, mulieris, consanguinei, pauperis, & minoris quatuordecim annorum, & inimici, in cap. honestum, 2. 2. quæst. 5. Et cohabitantes cum inimicis accusati, iuxta cap. repellantur, de accusat. Et dicitur inimicus meus, qui occidit mihi consanguineum intra quartum gradum, aut qui movit contra me litem servitutis, aut accusavit me de delicto merente mortem, membrum

am-

amputationem, aut amissionem maioris partis bonorum, aut me prouocauit ad pugnam, aut laborauit vt me occideret. Ita *lege 6. tit. 33. par. 7. & lege 2. tit. 17. par. 6.*

2. Conclusio. Aliquando repellitur iussè alicuius testimonium aut accusatio ob culpam, vt testimonium infidelis, publici peccatoris, periuri, & infamis; & isti & alij qui prima conclusio. non admittuntur ad accusandum, denuntiandum, aut testificandum. Nisi in casu hæresis, aut læsæ maiestatis. Ita *cap. præsul. 2. qu. 5. & cap. testimonium, de testi. & Soto relac. tegen. men. 2. qu. 5. conclusio. 3.* Et in crimine simoniæ, *iuxta capitul. si dominus, & capit. per tuas, de simonia.*

10 Dub. 17. *An liceat obijcere testi crimen pro infirmando eius testimonio.*

1. Conclus. Non licet obijcere testi etiam iniquo crimen falsum: cum mentiri sit intrinsecè malum. Imo etsi Bannes, & Ledesm. cum Orellan. probabiliter sentiant, esse solum mendacium veniale, obijcere testi iniquo crimen falsum, secluso periurio in obijciente & testibus ad hoc inducendis: sed probabilius est, & conformius *D Tho. art 4* esse mendacium perniciosum mortale. Nam ex iustitia tenemur vitare actionem ad quam non habemus ius, si ex illa sequitur alterius malum. Sed reus non habet ius defendendi se illo medio; cum sit mendacium intrinsecè malum, nec ordinabile in finem bonum: ergo. Sed adhuc in ista sententia reus iste nihil restituet, sed dabitur compensatio, cum alias iste testis iniquus teneatur restituere reo. At alius tertius, vt aduocatus imponens testi crimen falsum, pro reo restituet testi: cum nulla sit ei facta iniuria compensanda. Et dicta doctrina æqualiter procedit, siue reus accusetur de crimine falso, siue de crimine vero, sed occulto. Quia utrobique patitur æqualem iniuriam, & idem ius habet ad sui defensionem.

2. Conclusio. Testi iniquo imponenti crimen falsum, aut reuelanti occultum verum, licet obijcere crimen verum, etiam occultum. Ita *Ledesma, & communiter.* Nam vim vi repellere licet. Nec ista est aggressio, sed legitima defensio. Et hoc etiam licet, etsi testis per ignorantiam inculpabilem inferat talem iniuriam. Imò etsi testis ponat verum & legitime, si habet crimen probabile, quo eius testimonium repellatur: licet obijcere illud ei. Nam sic reus defendit se cum moderamine, quod ei licet; cum censetur innocens, dum

dum per legitimos testes non probatur nocens. Et damna secuta testi, ei imputantur, qui non tenebatur testificari cum periculo honoris. Et intelliguntur prædicta esse vera per se loquendo. Nam aliquando illud non licebit. Primò, Si crimen obiectum testi nihil conducit pro infirmando eius testimonio. Nam tunc talis obiectio criminis non erit defensio, sed vindicta. Secundò, si reus potest aliter se defendere. Tertiò, si damnum quod sequitur reo est paruum, non licet obijcere testi, maxime ad testificandum compulsio, crimen notabile. Et semper crimen obiectum debet esse minimum, quod sit necesse pro repellendo eius testimonio; cum teneatur reus se defendere cum inoderamine.

3. Conclu. Testis post debitam diligentiam deceptus testificando falsum, nec peccat, *ut ait D. Thom. art. 3. ad 1. Nam. in ma. c. 25. nu. 40.* etsi ob hoc reus ad mortem damnetur, nec teneatur cum periculo vitæ eum à morte eripere, nec alia damna reparare. Ita *Caiet. 2. 2. q. 70. art. 4. Solo contra Manu. Rod. trac. de ordi. iudi. c. 7. concl. 5.* Sed tenebitur testis secluso suo graui damno totum posse facere, *ut illum liberet, ut ait Naua* Nam etsi non admittatur testis nisi in incontinenti ad mutationem sui testimonij, *ut patet cap. præterea, de testi. cogen.* At quia, *ut ibi ait glossa,* correctio testimonij & prius testimonium minus firmum reddit, & ex qualitate personæ sit aliquando admittenda, *ut si certò creditur non esse subornatum, sed ex conscientia corrigere dictum suum, ideo tunc quiuis corriget suam obliuionem etiam cum iuramento, maxime si est persona bonæ famæ de qua præsumitur verum modò dicere, & non periurare.*

ARTICVLVS V. DE ADVOCATO.

D. Thom. 2. 2. q. 71.

S V M M A R I V M.

An aduocatus teneatur gratis patrocinari pauperibus. n. 1.

Quinam arceantur ab aduocando. n. 2.

An aduocatus peccet mors. defendens causam iniustam. n. 3.

An possit defendere causam dubiam. n. 4.

Quid possit accipere pro suo patrocinio. n. 5.

An possit recipere munera. n. 6.

D Vh. 18. *An aduocatus teneatur gratis patrocinari pauperibus.*

1. Concl. Aduocatus tenetur gratis patrocinari pauperibus iuxta opportunitatem loci, temporis, & personæ. Dixi iuxta opportunitatem loci, Nam non tenetur peragrare mundum, vt querat pauperes, sed subueniat pauperibus occurrentibus. Dixi iuxta opportunitatem temporis. Nam non tenetur providere futuræ necessitati alterius, sed præsentis. Dixi iuxta opportunitatem personæ. Nam iuxta eius necessitatem oritur obligatio patrocinandi ei. Si enim extremè eget, ei subueniatur cum damno necessariorum ad statum. Imò in communibus necessitatibus solus titulus superflui de pertinentibus ad decentiam status obligat patrocinari pauperibus, iuxta dicta de elemosyna in 5. præcepto. Item in grauibz necessitatibus tenetur aduocatus patrocinari de superfluo ad statum. Nam, vt dixi, in extrema necessitate tenetur quilibet elemosynam elargiri de necessarijs ad statum, ergo in grauibz tenetur de superfluo ad statum.

2. Conclusio. Aliquando tenetur aduocatus gratis patrocinari pauperibus, quando alij non tenentur dare eis elemosynam: vt cum quis si eius causa deferatur incidet in statum in quo patietur communes necessitates, tunc diuites non tenentur dari isti elemosynam, sed possunt eligere alios, quibus eam tribuant, & aduocatus tenetur tunc isti patrocinari. Nam tunc iste eget patrocinio, & non sunt alij egenes, nec aduocatus potest illud seruare alijs. Et idem est de medico, tabellione, relatore, procuratore, & alijs ministris iustitiæ.

3. Concl. Superfluum in aduocato est tempus, quod superest, nec est ei necessarium ad statum, nec ad eius decentiam seruandam. Et grauis necessitas est, cum quis, si ei non subuenitur, incarcerabitur, vbi cruciabitur, & vxor, & filij patientur maximam miseriam citra extremam. Et quæ dicta sunt de elemosyna hic accommodentur.

Dub. 19. *An aliqui communiēter arceantur ab aduocando.*

1. Concl. Aliqui iuste arceantur ab aduocando ob indecentiam, vt Ecclesiastici: cum sint diuinis adstricti, alij ob defectum corporalem, vt cæci, alij ob defectum spiritualem, vt infideles, & infames, in cap. infames qu. 7. Sed isti omnes in necessitate admittuntur tam pro se quam pro personis sibi unitis,

ris, aut miserabilibus, & clerici pro sua Ecclesia, & monachi pro suo monasterio. Ita c. 1. & 3. de postulando. Alij argentur ab aduocando, nec admittuntur etiam in necessitate, ob impotentiam, vt amentes, surdi, muti. Ita Thomista cum D. Thom. art. 2.

2. Concluf. Assumens officium aduocati sine sufficientia necessaria, peccat mort. & restituet parti damna, & expensas litis; cum sit istorum causa.

3. Concl. Non requiritur in aduocato summa iuris peritia, sed regularis, & ordinaria. Si enim deficiat in cognitione aliquius veritatis extraordinariæ, & notæ à solis peritissimis, non peccat mort. At si per culpam leuem amittit causam suæ partis, restituet, sicut dixi de locatore. art. 6. de restitutione. Ex dictis patet, peccare mort. aduocatum paratum admittere plures causas, etiam iustas: cum exponat se periculo morali committendi culpas leues ob plura negotia.

Dub. 20. An peccet mort. aduocatus defendens causam iniustam. 3

1. Concl. Aduocatus scienter defendens causam iniustam, & peccat mortal. & est perurus in Hispania, cum à principio sui officii iuret non suscipere scienter causam iniustam. Et restituet parti contrariæ expensas & damna secuta ex sua aduocacia. Et suæ parti restituet etiam expensas, si non mouit de iniustitia suæ causæ. Ita Nau. in mann. c. 25. nu. 28. Sed non tenetur aduocatus rei, etsi in eius fauorem alleget leges falsas, ob quod liberatur, restituere fisco, aut accusatori pœnam pecuniariam eis applicandam, si reus damnaretur, sicut dixi de teste, dub. 13. Imo minus quam testis: cum iste iuxta D. Tho. art. 4. ad 3. sit medius inter reum & accusatorem: at aduocatus rei tenet se ex parte rei. Aduocatus tamen accusatoris ob pretium acceptum, sicut dixi de iudice, tenetur illam pœnam restituere ei, si ob suam negligentiam leuem non damnetur reus ad illam.

2. Concl. Aduocatus accipiens causam, quam putabat iustam, comperta eius iniustitia tenetur eam deferere, ait Nau. & monere suam partem de tali iniustitia. Poterit tamen componere partes, sed sine præiudicio partis iustè litigantis. At non poterit prodere parti contrariæ, ait Nau. n. 29. iniustitiam, & secreta suæ causæ, si alias non imminet illi parti graue periculum in civilibus, aut criminalibus, cum ratio naturalis dicat secreta seruanda esse.

3. Conclusio. Aduocatus patrocinans in fauorem falsi criminis obiecti reo aut testi, aut in fauorem alterius mendacij perniciosi, peccat mortal. contra iustitiam, & restituet, sicut dixi de teste. At si patrocinetur in causa iusta, sed alligando scienter leges falsas pro innocente, solum peccat veniali mendacio, vt patet à simili de reo, & teste.

4 Dub. 12. *An liceat aduocato defendere causam dubiam.*

1. Concl. Si causa pro vna parte sit probabilissima, & pro altera fere improbabilis cum nec habeat rationes vrgentes, nec timorati iudicent secundum illam; non licet aduocato defendere istam partem.

2. Concluf. Causa vtrunque probabilis, æqualiter vtrunque potest defendi. Hæc enim est propria materia litis. Imo si pro vna parte est probabilis, & pro altera probabilior, potest defendi pro parte probabili, non solum pro reo, sed & pro accusatore: ait Soto, & Bannes. dub. 6. Quia accusatori licet tunc proponere merita suæ causæ examinanda per iudicem, ergo & aduocato id licebit pro accusatore. Et intelligitur hoc, ait Bannes, in causis leuibus: nam si agitur de rei vita, honore, aut magno censu, erit contra charitatem defendere partem minus probabilem contra reum, nisi alias æquale damnum imminet accusatori quem defendit. Tenebitur autem aduocatus ostendere suæ parti minorem probabilitatem suæ causæ, alias restituet ei damna, & expensas. Et quod dixi de aduocato, dic de alijs ministris iustitiæ, procuratore, tabellione, &c. Et nota pro tabellione, quod si confecit falsam & iniustam scripturam, peccauit mort. contra religionem, cum sit periurus, & contra iustitiam Reip. & contra iustitiam partis damnificatæ.

5 Dub. 22. *Quid possit aduocatus accipere pro suo patrocinio.*

1. Conclusio. Aduocatus accipiens pro petitionibus ordinarijs vltra duos argenteos restituet excessum. Ita taxatur lib. 2. nouæ Recopil. titul. 16 lib. 21. Quæ est lex iusta, & recepta à timoratis. Nec enim labor impensus in istis est ita magnus, nec status aduocatorum ita illustis, quod sit conseruandus tanta pompa & pauperum sanguine. Ita Ledesm. in summ. tractat. 8. capitul. 26. cum Orell. Bannes, & communiter Thomista. Et intelligitur conclusio per se loquendo. Nam si aduocatus vltra datam petitionem

nem instruxit suum clientem circa litem consulendo ei, aut assistendo quando examinatur causa in iudicio, ob hoc poterit plus accipere. Lex enim illa solum taxat petitiones ordinarias. *Si obijcias*, illa taxa facta est anno 1495. vt patet ex copilatione antiqua. preg. lib. 54. quando duo argentei erant maximum pretium: ergo cum iam creuerint rerum pretia, duo argentei non erunt iustum pretium. Ad hoc dico, quod rerum pretia crescunt, & decrescunt iuxta copiam, & inopiam earum, & emptorum, & venditorum, & tunc erant pauci aduocati, & paucae lites, & vix singuli aduocati poterant quotidie obtinere singulas petitiones. At nunc mediocris aduocatus obtinet plures, & habet etiam alia extraordinaria negotia.

2. Conclusio. Cum pretia non sunt taxata pro alijs negotijs, possunt aduocati pacisci cum clientibus de pretio, habita ratione causae, sufficientiae aduocati, & aliorum: sicut fit in alijs emptionibus, & venditionibus. Et seruatis conditionibus positis loco citat. l. 7. 8. 18. & 19. & 20. Prima, Vt fiat pactum inter aduocatum, & clientem in principio litis antequam aduocatus videat scripturas, & secreta causae. Secunda, Vt non possit accipere pretium pro asscuratione victoriae. Tertia, Vt non conueniat aduocatus, quod accepto pretio suis expensis defendet litem. Et istae tres conditiones iuste sunt obligantes saltem ex obedientia legis. At non erit obligatio restituendi, si alias taxatur iustum pretium. Quarta conditio, Quod ratione stipendij non possit aduocatus accipere ultra vigesimam partem pecuniae de qua litigatur, quam partem alias non excedentem triginta mille dipondia possunt accipere soli aduocati Cancellariae Regis, & Concilij Regalis. Alij tamen possunt illam accipere si non excedit quindecim mille dipondia. Et ista transgredientes restituent excessum: cum iam à lege taxetur pretium. Et ista taxa fit ex parte magnitudinis. Ita vt non excedatur, sed infra illam taxetur pretium iuxta qualitatem litis, sicut fit in taxa tritici. Quinta conditio, Ne paciscantur de quota litis, de quarta, aut quinta parte. Et ista conditio iusta est, alias daretur occasio aduocatis calumniose defendendi lites. Et regulariter non censetur iustum pretium aliquota pars litis. Si autem aliquando fit iustum pretium, et si peccet aduocatus non seruando istam conditionem.

sed non tenetur restituere. Sexta. Ne paciscantur de aliqua summa pecunie, si litem vicerit, alias restituatur. Nam suppono esse iam factum iustum pretium pro patrocinio. Ex hoc patet, quod etsi stando in iure communi possint advocati aliquid paruum accipere titulo boni nuntij, si pars voluntariè det: sed stando in lege Castellæ hoc expresse vetatur. Ita *Barrones, & Ledesma*. Licet *Alexand. & Salicetus in lege litem. C. de procuratoribus, & Nau. in manual. cap. 25. num. 30.* illud eis concedant. Et quæ dicta sunt intellige quando iudex remittit advocatis prædictorum taxationem. Nam per dictas leges sunt à iudice taxanda, & tenetur advocatus sub mortali adire iudicem ut dicta taxet, ut ibi præcipitur. A quo tamen excusabitur, quando ex voluntate iudicis interpretatiua convenit cura parte de pretio iusto. Imò omnes fere iudices remittunt iam advocatis talem taxam. Et quando advocatus tenetur adire iudicem, si non facit, & alias taxat iustum pretium, nihil restituit.

Dub. 23. *An liceat advocatis, & ministris iustitiæ accipere munera.* Et nota quod ista, aut liberè omnino dantur, aut titulo pretij etiam excessivi, ut si solvatur tabellioni pro suo labore ultra pretium taxatum, & ipso dicente non deberi sibi tantum, dicit qui dat, se velle illud liberè donare.

1. Conclusio. Donatio primi generis est nulla, nec transfert dominium. Ita *Ledesma, cum Medina, Orellan. & Barrones, & communiter Thomista*. Nam. lib. 2. novæ Recopilatio. tit. 5. lib. 6. prohibetur generaliter omnibus iudicibus etiam supremi Senatus, notarijs, tabellionibus, relatoribus, procuratoribus, & fiscalibus, ne per se, aut per alios directè, aut indirectè accipiant munera, etiam comestibilia, ab habente litem coram eis, aut ab eo qui de proximo habiturus est, aut habuit. Et lib. 19. & 21. vetatur receptio advocatorum ultra pretium taxatum, & etiam si partes voluntariè dent. Permittitur autem eis ibi, receptio aliquorum esculentorum, vel poculentorum in parva quantitate. Et lib. 4. cap. 27. l. unica, taxantur tabellionibus pretia pro singulis scripturis, & præcipitur ne plus accipiant etiam à gratiose donantibus. Iam regulariter dictæ donationes sunt nullæ, quæ naturæ sunt sine involuntario mixtæ. Nam litigantes experimuntur, quod si istis donis non dilliciantur non exerceant diligenter sua officia, & sic quasi evasivè dant, & ut redimant suam vacationem :

nem: cuius signum est, quod qui dant, postea conqueruntur de tali donatione. Imo, licet deat illa voluntariè, non transferunt dominium. Quia leges eos inhabilitant, sicut dicitur de legibus spuriorum in lib. 2. ord. 3. l. ultim. vbi postquam ventantur illæ donationes, & exigitur à iudicibus iuramentum de hoc seruando, subditur sic, *De suerte, que el que lo contrario hiziere sea obligado desde luego en el suero de la conciencia a pagar la dicha pena, quantoquier que lo culpa sua oculta*, id est, ita vt qui contrarium fecerit obligetur ipso facto in foro conscientie satisfacere dictæ penæ, quantumvis sit occulta culpa. Si tamen dictæ donationes fiant transacta lite, dum non præcesserit ante finem litis virtualis, seu implicita petitione, aut promissio illarum, erunt valide, cum iam non fiant intuitu litis, sed amicitie.

2. Conclusio. Donatio secundi generis etiam vetita sit iure Hispano, sed non irrita. Et sic nec restituet donatum. Nam dictæ leges loquuntur solum de donationibus vulgo dictis, *presentes y dadinas, id est donis gratuitis, quales non sunt istæ. Ita Orell. & Bannes, art. 4. dub. 4. Et si Ledes. cum Medin. tenet oppositum.*

3. Conclusio. Confessores interrogent aduocatos, & alios ministros iustitiæ, si sciant suæ leges, & eos ex ardent per illas. Vbi nota, quod inter leges ab istis iuratas, quædam iurantur in particulari, & istarum transgressor est periturus, aliæ iurantur in generali, & istarum transgressor peccat iuxta gravitatem materie mortaliter, aut venialiter, sed non est periturus. Ita Bannes loco cit.

Hæc de octauo præcepto. Alia autem duo præcepta reducuntur ad prædicta. v.g. Nonum præceptum reducitur ad sextum. Et præceptum decimum ad septimum.

280
**DIRECTORII
CONSCIENTIÆ**

2 Secunda pars, siue Summa de Sacramentis,
per Fratrem Ioannem de la Cruz, Tala-
bricensem Theologum sacri Ordinis
Prædicatorum.

DE SACRAMENTIS IN GENERE,

QVÆSTIO PRIMA.

De essentia Sacramentorum.

D. Thomas 3. p. q. 60.

S V M M A R I V M.

*Quid sit Sacramentum, & conditiones ad illud requisitæ
num. 1.*

Quale sit signum Sacramentum, & quid significet. n. 2.

Differentia inter Sacramenta noua, & antiqua legis. n. 3.

An & quomodo Sacramenta constent rebus, & verbis. n. 4.

An requirantur determinata verba. n. 5.

*An liceat aliquid addere vel tollere in verbis Sacramentorum
num. 6.*

2 **VBIVM 1. Quid sit Sacramentum.**



1. Conclusio D. Thomæ artic. 2. Sacramen-
tum est signum rei sacræ sanctificantis nos. Ba-
ptismus enim ad Rom. 6. dicitur signum mortis,
& sepulture Christi. Et Eucharistia, Lucæ 22. di-
citur signum commemoratiuum Passionis Christi. 2. Nam
Sacramenta sunt instituta, vt ex illis sicut ex visibilibus quasi
manu ducamur in cognitionem supernaturalium inuisibiliū,
quæ occultantur in Sacramentorum significatione. Vbi duplex
con-

conditio Sacramenti insinuat. Prima, ut sit signum sensibile, ait Divus Thomas articul. 4. habens rationem Sacre ceremonie, qua Deus colitur. Et patet. Nam ista signa dantur hominibus, ut ea intelligant: & eis utantur in cultum Dei, & suam sanctificationem, ergo debent esse sensibilia, ut sic cognoscenti proportionentur. Secunda conditio Sacramenti est, ut sit signum permanent. Et sic manna, serpens æneus, ignis descendens in Discipulos, non erant Sacramenta, cum non essent signa permanentia. Tertia conditio Sacramenti est, ut sit signum practicum rei Sacre perfecte sanctificantis nos, ita ut in actuali exercitio illius, res sacra nos sanctificans, utpotè gratia, nobis conferatur; siue virtute Sacramenti, ut sit in Sacramentis novis, siue conferatur à solo Deo ad præsentiam Sacramenti, ut in Sacramentis veteribus. Ex quo patet, quod nec Cruces, nec sacrificia, nec etiam Eucharistia in ratione sacrificij, sunt Sacramenta, cum nec sint signa practica, nec in ratione sacrificij dicant ordinem ad gratiam sanctificantem nos formaliter, nec ad Christum sanctificantem, sed solum ordinantur in cultum Dei. Et licet significant mortem Christi, sed non cum ordine ad nostram sanctificationem.

2. Conclusio. Sacramentum non est signum naturale. Ablutio enim Baptismi ex natura sua nihil significat. Sed est signum ad placitum Dei representans aliquid supernaturale, habita tamen proportionem cum re significata. Sicut ablutio exterior Baptismi proportionatur internæ ablutioni animæ per gratiam, quam ex Dei placito significat. Et licet materiale Sacramenti sit quid reale, & formale, utpotè, ratio signi sit ens rationis, tamen ablato formali, nec esset Sacramentum ceremonia Sacra, nec eius usus applicaretur ex virtute religionis, ad colendum Deum. Ratione enim significationis, sicut & vasa sacra ratione consecrationis, ordinantur in cultum Dei per virtutem religionis. Et sic indebita istorum tractatio pertinet ad peccatum irreligiositatis.

3. Conclusio. Sacramenta significant tria sacra. Primò, Christi Passionem, cuius sunt rememorative. Secundò, gratiam, cuius sunt demonstrative. Tertio, gloriam, cuius sunt prænuntiative. Ita *D. Thom. art. 3.* Nam Sacramenta ordinantur ad nostram sanctificationem, sed in hac sunt tria. Primò, causa fructificans, utpotè Passio Christi. Secundò, forma

forma sanctificans, utpote, gratia. Tertiò, finis nostræ sanctificationis, utpote nostra beatitudo. Ergo, &c.

3. 4. Conclusio. Sacramenta noua, & vetera differunt. Primò, quod vetera significant illa tria Sacra implicite, & confuse; at noua explicite, & clarè. Esti inter noua Eucharistia explicatius illa tria significat, ut patet ex illo: *O sacrum conuiuium, in quo Christus sumitur, recolitur memoria passionis eius.* Ecce primum. *Mens impletur gratia.* Ecce secundum. *Es futura gloria nobis pignus datur.* Ecce tertium. Deinde Baptismus explicatius significat illa. Nam significat mortem Christi, cui conspelimur per Baptismum, ut dicitur ad Rom. 6. Et significat gratiam eius virtute datam, & gloriam postea dandam, iuxta illud *Ioan. 3. Nisi quis renatus fuerit ex aqua, &c.* Alia etiam Sacramenta proportionabiliter illa tria Sacra significant. Nam Sacramenta consentientia in vñctione significant Christi Incarnationem, & Sanctitatem, qua dicitur vñctus oleo præ participibus suis, *Psal. 44.* & significant vñctionem nostram per gratiam, & consummationem per gloriam. Pœnitentia etiam per dolorem significat mortem Christi, per propositum nouæ vitæ renouationem per gratiam, & per absolutionem aperitionem Cœli. Matrimonium significat primò conjunctionem Christi cum Ecclesia factam ex merito suæ Passionis. 2. Conjunctionem Christi cum anima, cui Christus desponsatur per fidem, & gratiam. Et 3. significat per insolubilitatem, æternitatem gloriæ. Secundò. Differunt Sacramenta vetera, & noua, quod vetera significabant gratiam dandam per Christum in genere causæ finalis: at noua significant gratiam dandam per Christum in genere causæ efficientis, cum iam Christus, & eius merita sint præsentia.

4. Dub. 2. *An Sacramenta consent ex rebus, & verbis.*

1. Conclusio. Non est de essentia Sacramenti ut sic, componi ex rebus, ut ex materia, & ex verbis, ut ex forma, sed solum quod sit signum rei sacræ, &c. Quod ex Dei institutione potest saluari in re simplici, aut in aliqua actione sine verbis, ut in Sacramentis veteribus, vbi nulla erant verba saltem pertinentia ad rationem Sacramenti. At omnia Sacramenta noua constant essentialiter ex rebus, & verbis. Ita *D. Thom. art. 6.* Et patet ex Concil. Florent. & Trident. sess. 14. & ex illo ad Ephes. 5. vbi dicitur Christum mundasse Ecclesiam lauaero aquæ in verbo vitæ, vbi sermo est de verbis formæ Baptismi, ut ait Ambros. Hieron. & D. Thom. Esti in sensu tropologico,

gico, ait Hiero. sit sermo de prædicatione Euangelii. Et idem explicatur de Eucharistia Matth. 26. & de Extrema unctione, Iacobi 5.

2. Conclusio. In Sacramentis res sunt materia, & verba sunt forma, ex quibus fit vnum signum, & Sacramentum. Et res dicuntur omne, quod ex se est determinatum, & verba quod habet rationem determinantis, v. gr. in Pœnitentia confessio verbis, at signis facta, & contritio, sunt materia, & absolutio, qua istæ partes determinantur, est forma. Et in Matrimonio consensus contrahentium explicati verbis, aut signis, vt habent rationem traditionis, sunt res & materia, & vt habent rationem acceptantis alterius coniugis consensum, sunt verba & forma.

3. Dub. 5. An Sacramentis sint verba determinata.

1. Concl. D. Tho. 2. 7. Affirmatiua. Nam Christus determinata verba protulit in consecratione Eucharistiae. Et Matt. 26. iubet baptizare in nomine Patris, &c. Secundo, In Sacramentis requiruntur determinatæ res sensibiles pro materia, vt ait D. Tho. 2. 7. ergo à fortiori determinata verba pro forma. Nam principaliter requiritur ad esse rei determinata forma, quàm determinata materia: cum in compositis ex materia & forma principium determinationis sit forma, quæ est finis, & terminus materiae: & materia ideo requiritur determinata, vt proportionetur determinatæ formæ.

2. Conclusio. D. Thom. ad 1. Ex verbis quæ æquivalent illis, quibus vtitur Ecclesia, fit verum Sacramentum. Nam Christus expressit formas Sacramentorum in Hebræo, & nos vtiuntur verbis Latinis eis æquivalentibus. Imò in eadem lingua mutatis verbis in alia æquivalentia, vt si dicas, Ego te Iuuo in nomine Patris, &c. verum fit Sacramentum. Et si sit peccatum veni illud facere sine causâ, contra communem vsum. Etsi ponantur verba, quæ non constat certò esse æquivalentia, erit mortale sacrilegium ob periculum non conficiendi Sacramentum. Et Sacramentum sic collatum iteretur sub conditione.

3. Conclusio. Qui cum intentione faciendi quod facit Ecclesia, vtitur in Sacramentis verbis corruptis adhuc retinentibus veram significationem ex impositione, aut vsus accommodatione, verum conficit Sacramentum: cum ponat veram materiam & formam. Secus si corruptio verborum

variet significationem formæ, cum iam non ponatur vera forma.

6

Dub. 4. *An liceat addere, aut tollere aliquid in verbis Sacramentorum.*

1. Concl. *D. Thom. art. 3.* Si minister addendo, aut tollendo intendit introducere nouum ritum non toleratum in Ecclesia, non videtur fieri Sacramentum. Nam cum ex intentione recedat à ritu Ecclesiæ, non videtur habere intentionem Ecclesiæ. Et sic si dubites de intentione ministri iteretur Sacramentum sub conditione. Ex quo patet contra Soto, quod si tunc ponas veram materiam, & formam cum intentione faciendi quod facit Ecclesia, etsi alias intendas introducere nouum ritum non toleratum in Ecclesia, verum sit Sacramentum, vt si Latinus baptizet cum forma Græcorum. Et intelligitur hoc nisi aliàs immutatione formæ intendat explicare suum errorem, vt si Arianus tenens Filium esse minorem Patre, dicat baptizo te in nomine Patris maioris, & Filij minoris, &c. Nam iste tunc non ponit debitam formam. Et idem si baptizet in nomine patriæ, & filia, &c. intendens explicare in diuinis esse filiam. Ita *cap. retulerunt, d. 4. de conse.* Secus si id facit sine tali intentione, & ex ignorantia. Nam cum ignorantia lingue Latine mutando verba formæ, vt in exemplo dicto, verus sit Baptismus, & ex ylus accommodatione idem significant illa, ac alia verba. Ita *loco cit.*

2. Concl. *D. Thom. ibi.* Si addendo, aut tollendo varies sensum verborum, non fit Sacramentum. Et idem ait *D. Thom. ad 3. de transpositione, aut interruptione verborum.* Secus si non varies sensum. Et sic patet, quod si minister ponit debitam materiam, formam, & intentionem, etsi ex ignorantia putet aliquam partem esse de essentia formæ, quæ tamen non sit, vt si credit, ly enim, esse de essentia formæ consecrationis, verè consecrat, etsi eam omitrat.

3. Conclusio. Peccas mortal. si intendis introducere nouum ritum, etiam toleratum. Et à fortiori si mutes formam quando tollitur eius sensus, cum tunc Sacramentum reddatur nullum. Imò si mutatio est grauis, etsi non tollatur sensus formæ, erit peccatum mortal. vt si Latinus baptizet cum forma Græcorum. Item erit peccatum mortal. addere aliqua verba non essentialia, sicut essentialia, vt si baptizes in nomine Patris, & Filij, & Spiritus sancti, & Beatæ Virginis, & fortè non erit baptismus, ait *Diuus Thom. art. 8.*

At

At mutatio levis in forma Sacramentorum solum est peccatum veniale.

4. Conclusio. Si dubites rationabiliter, an sensus formæ sit variatus substantialiter, iteretur Sacramentum sub conditione. Sed non ob leue dubium. Et in Sacramentis non iterabilibus diligentius examinabis dubium, cum grauius sit iterare, v.g. Baptismum. At semel statuto rationabili dubio, etiam minori, quam requiritur ad alia Sacramenta, iteretur sub conditione. Nam baptismus est maioris necessitatis, maxime pueris, qui non possunt proprio actu iustificari.

QVÆSTIO SECVNDA.

De præcipuo effectû Sacramentorum,
qui est gratia.

D. Thomas 2. 2. quæst. 62.

S V M M A R I V M.

Sacramenta noua causant gratiam vt instrumenta Dei, num. 1.

An omnia possint causare primam gratiam, num. 2.

Sacramenta noua legis causant physicè gratiam, num. 3.

Etiam recedente fitione, num. 4.

Quomodo gratia contineatur in Sacramentis, & quid sit in illis virtus causatiua gratia, num. 5.

Sacramenta habent virtutem ex passione Christi, num. 6.

DVB. 1. *An noua Sacramenta sint causa gratia.*

1. Conclusio. D. Thoma art. 1. Affirmatiua, & definita in Concil. Trid. sess. 7. can. 6. Et de Baptismo patet ex illo ad Tit. 1. *Salues nos fecit per lauacrum regenerationis.* De Eucharistia Ioan. 6. *Nisi manducaueritis, &c.* De Confirmatione Act. 8. vbi per manus impositionem dabatur Spiritus sanctus. De Ordine 2. ad Timoth. 2. *Resuscites gratiam, quæ est in te per impositionem manuum mearum.* De Pœnitentia Ioan. 20. *Quorum remiseritis peccata, &c.* De Extrema vnctione, Iacob. 5. *Quod si in peccatis est, dimittentur ei.* De Matrimonio, ad Ephes. 5. Et hæc communis traditio Ecclesiæ. 2. Per Sacramenta incorporamur Christo, iuxta illud ad Galat. 3. vbi dicitur de Baptismo. *Quicumque in Chri-*

I

in Christo baptizati estis, Christum induistis. Sed hoc fit salum per gratiam, ergo.

1. Conclusio. *D. Thom. art. 1. Sacramenta noua, vt instrumenta Dei, ex opere operato, & virtute propria, causant gratiam. Ita diffinitur in Concil. Trid. sess. 7. can. 8. Si quis dixerit noua Sacramenta ex opere operato non conferre gratiam, sed solum fidem promissionis diuina ad gratiam suscipiendam sufficere, anathema sit.* Et patet ex differentia data à Concil. Flor. inter Sacramenta noua, & vetera, quòd noua continent, & causant gratiam, sed non sic vetera.

2. Dub. 2. *An omnia Sacramenta noua possint causare primam gratiam, & facere ex actvito contritum.*

1. Conclusio. Baptismus, & Pœnitentia, & secundùm rationem genericam, id est, vt Sacramenta nouæ legis, & secundùm rationem specificam talium Sacramentorum, causant per se primam gratiam. Nam idè dicuntur Sacramenta mortuorum, quia non supponunt vitam gratiæ, sed per se causant eam in non ponente obicem.

2. Conclusio. Alia Sacramenta non causant per se primam gratiam secundùm rationem specificam, cùm sint Sacramenta viuorum, supponentia vitam gratiæ in suscipiente, sed causant augmentum gratiæ, & speciales modos eius, vt Eucharistia causat gratiam per modum refectionis spiritualis.

3. Conclusio. Ista Sacramenta viuorum aliquando causant primam gratiam, non per accidens, vt dicebat *Soto d. 11. quest. 2. art. 1 & 3* sed per se secundo, id est, secundùm rationem genericam Sacramentorum nouæ legis, v.g. quando cum Sacramento Pœnitentiæ informi, & peccato mortali, cuius non habes conscientiam, nec affectum, accedis ad Confirmationem, aut Eucharistiam, ex quibus Sacramentis moueris actuali operatione in Deum amando eum, vel in peccatum detestando illud. Ita patet ex *D. Thom. & Caietan. 3. part. quest. 72. art. 7. ad 2. vbi de Confirmatione, & quest. 79. art. 3. de Eucharistia, ait, habere virtutem causandi primam gratiam. Sed non secundùm rationem specificam, vt dixi modò, ergo secundùm rationem genericam. Etsi semper causent primam, & secundam gratiam cum modo sibi proprio, v.g. Eucharistia causat tunc primam, & secundam gratiam per modum cibatvionis, & refectionis spiritualis. Nam non inconuenit, quod in eodem instanti homo viuat spiritualiter, & cibetur spiritualiter: sicut potuit creari Adam comedendo:*

dendo: eadem enim gratia secundum unam rationem, prius natura regenerat, quam intelligatur eademmet cibare. Si *arguas*, qui post Pœnitentiam informem, & antequam peccet mortaliter de nouo accedit ad Eucharistiam perfecte attritus, sit contritus virtute pœnitentiæ præcedentis, ergo non virtute Eucharistiæ. Ad hoc dico, istam attritionem perfectam debere causari ab Eucharistia ut sic, cum ea fiat homo ex attrito contritus.

Dub. 3. *An noua Sacramenta physice attingant gratiam.*

3

1. Conclusio: Affirmatiua, & communis contra Cans. dicentem, Sacramenta esse solum instrumenta moralia gratiæ. Ita quod attendens Deus ad Christi merita in Sacramentis contenta, confert gratiam, non quod Sacramenta illam attingant. Sed conclusio patet. Tum ex illo Ioan. 3. *Nisi quis renatus fuerit ex aqua, &c.* Tum ex Concilio Flor. & Trid. loco cit. determinantibus nostra Sacramenta continere gratiam, & virtutem causatiuam illius, in quo differunt à Sacramentis antiquis. Tum etiam ex *D. Thom. quest. 62. art. 1. ad 2.* ubi explicat, actionem præuiam, & propriam secundum ipsum requisitam ad instrumentum physicum. Si *arguas*, instrumentum physicum iuxta *D. Thom. 1. part. quest. 45. art. 5.* debet habere actionem præuiam circa subiectum, ubi operatur instrumentaliter: Sed ablutio Baptismi, v. g. non habet actionem circa animam, ubi gratia causatur: sed corpus abluat, ergo. Ad hoc dico, quod non vult D. Thom. quod instrumentum habeat illam actionem in subiectum in quod agit, sed solum ait, quod instrumentum non participat actionem causæ principalis, nisi in quantum ad effectum istius operatur dispositiue per aliquid sibi proprium. Et sic 2.2. *quest. 178. art. 1. ad 1.* ait, Deum uti creatura ad patranda miracula, in quantum creatura virtute Dei immutat aliam creaturam, aliquando interiori motu hominis, vel eius locutione, quæ actio cum sit immanens non attingit corpus, quod sanat instrumentaliter. Solum enim requiritur ad instrumentum, quod habeat actionem propriam, ut sic eleuetur à principali agente, aliàs non stat eleuari, & operari, si non habet actionem propriam. Et sic, quia aqua habet abluere, eleuatur à Deo ut attingat animam, non abluendo eam corporaliter, sed sanctificando instrumentaliter per gratiam. Nec requiritur, ut ista actione præuia contingat subiectum circa quod eleuatur. Nam iste contactus cum sit condi-

conditio sine qua non, à Deo potest suppleri. Et potest instrumentum, hac actione supposita, eleuari à Deo, vt operetur instrumentaliter physice in subiectum distans: sicut potest Deus medio igne hic existente comburere Romam. Ex dictis patet, posse Deum, semel supposita actione alicuius instrumenti, vti illo ad quemvis effectum, sicut potest calefactione infrigidare.

4. *An verò Sacramenta recedente fictione causent gratiam etiam physice.* V. g. accedis ad Baptismum putans te esse satis dispositum, & re vera solum accedis imperfectè attritus, ratione cuius recipis Sacramentum informe, & non gratiam: sed postea antequam de nouo pecces mortaliter habes sufficientem dispositionem, per quam cum Baptismo, si tunc reciperetur, consequeris gratiam. *Dubium ergo est, an Baptismus præcedens causet nunc gratiam physice.*

2. Conclusio. Probabile est, sola Sacramenta imprimentia characterem recedente fictione, physice causare gratiam, alia verò solum moraliter. Nam ista iam transiere, nec manent in sua virtute, vt alia, quod requiritur ad causam efficientem etiam instrumentalem, quæ operatur in quantum est in actu, saltem per suam virtutem.

3. Concl. Probabilius est omnia Sacramenta recedente fictione physice causare gratiam. Nam passio Christi, mors, & Resurrectio iam transactæ operantur modò physice gratiam, vt ait *D. Thom. de Passione*, 3. p. q. 48. art. 6. *de mor.* q. 50. art. 6. *de resurrect.* q. 56. art. 1. Ergo & Sacramenta transacta. Nec valet dicere, quod humanitas Christi morte, passione, & resurrectione mansit realiter immutata, ex quo accepit virtutem causandi gratiam physice; & sic passio, mors, & resurrectio virtualiter manent: nam etiam subiectum recipiendo entitatem realem Sacramenti mansit realiter immutatum. 2. Sicut contactus physicus non pertinet ad rationem formalem agendi, sed solum est conditio, iuxta *D. Thom.* 1. p. q. 56. art. 1. ad 3. sic & existentia. Illuminatione enim hodierna Solis potest Deus cras illuminare: ergo & Sacramento exhibito, recedente fictione media reali immutatione subiecti, operatur modò Deus gratiam physice. Et sicut humanitas Christi ex vi immutationis præteritæ passionis mansit determinata ad effectus, quos modo producit: sic Sacramentum manet virtualiter in illa determinatione diuinæ voluntatis, quæ manet in ordine ad immutationem Sacramentalem præcedentem circa subiectum...

4. Con-

4. Conclusio. *D. Thom. art. 3.* Gratia continetur in Sacramento, non ut in causa uniuoca, cum non sit ibi secundum similitudinem speciei: sicut homo genitus in generante: nec ut in causa æquiuoca, cum non sit ibi secundum aliquam formam propriam permanentem proportionatam effectui, sicut res generate sunt in Sole: sed est ibi ut in causa instrumentali, secundum esse fluens, & incompletum, ut ait *D. Thom. ad 3.* Et sic non inconuenit, quod gratia aqualiter transeat à Deo per Sacramenta in animam. At non migrat de subiecto in subiectum: cum non sit eodem modo in anima, & in Sacramento. Ita *D. Thom. ad 2.*

5. Conclusio. *D. Thom. art. 4.* In Sacramento est aliqua virtus instrumentalis causatiua gratiæ, non permanens, sed fluens, quæ nil aliud est, nisi motio Dei, quæ eleuatur actio propria Sacramenti ad effectum supernaturalem. Sicut in ferra ad faciendum scamnum, solum ponitur motio agentis principalis, quæ propria actio ferræ, scilicet scindere, eleuatur ad illud. Ista enim motio, & eleuatio sat est, ut ablutio baptismi, v. g. deferat diuinam virtutem usque ad animam, ita quod diuina virtus modificata in ablutione regeneret animam. Ista etiam actio Dei nec est corporea, nec incorporea absolute: cum istæ sint differentie entis completi, qualis non est ista motio. Tamen materialiter est corporea, & formaliter, & secundum causalitatem est incorporea. Nam est ad aliquid spirituale, utpotè, ad gratiam. Nec inconuenit, ait *D. Thom.* quod in corpore sit aliqua virtus spiritualis instrumentalis, in quantum mouetur à causa spirituali, scilicet, Deo ad effectum spirituales.

6. Conclusio. *D. Thoma art. 5.* Sacramenta noua habent virtutem ex Passione Christi: Nam agens principale per instrumentum coniunctum mouet separatum, sicut homo per manum mouet baculum, sed causa principalis gratiæ est Deus, & humanitas Christi est, ut instrumentum illi personaliter unitum: ergo Sacramenta ex humanitate Christi, & ex omnibus in ea operatis, ex natiuitate, circumcissione, & maxime ex passione, habent virtutem. Si arguas, Baptismus, & Eucharistia ante passionem habebant æqualem virtutem, ac modò: ergo non habent specialem virtutem ex passione Christi. Ad hoc dico 1. quod virtus causatiua gratiæ participabatur tunc in illis Sacramentis à Passione Christi in genere causæ finalis, & ab alijs Christi operibus iam exhi-

bitis in genere causæ efficientis. *Dica 2.* quod etiam tunc participabatur in illis dicta virtus à passione Christi in genere causæ efficientis: non à passione exhibita, sed per voluntatem acceptata. De quo latius dicemus *quæst. 1. de Baptismo in principio.*

QVÆSTIO TERTIA.

De effectu Sacramentorum, qui est character.

D. Thomas *quæst. 63.*

S V M M A R I V M.

Tria Sacramenta imprimunt characterem, num. 1.

Character est spiritualis potentia, reductivè pertinens ad secundam speciem qualisatis, num. 2.

Subiectatur in intellectu practico, num. 3.

I VB. 1. *An Sacramenta imprimant characterem.*

1. Conclusio. *D. Thom. art. 1. & 6.* Fideles insigniuntur characterem per Baptismum, Confirmationem, & Ordinem. Hæc est de fide ex traditione Apostolorum ab Ecclesia recepta, & diffinita in Concil. Trid. *sess. 7. can. 9.* sic. *Si quis dixerit in tribus Sacramentis, Baptismo, Confirmatione, & Ordine, non imprimi characterem in anima, hoc est, signum indelebile, & spirituale, unde iterari non possunt, anathema sit.* Secundò, qui deputantur ad aliquod munus, designari solent aliquo signo: ex eo enim, quod commendatarii deputantur ad militiam, insigniuntur cruce alba, aut rubea. Sed Sacramenta, etsi præcipuè ordinentur ad remittenda peccata causando gratiam, tamen per illa secundo deputamur ad aliquod officium spectans ad cultum Dei, utpotè, ad divina suscipienda, aut conferenda: ergo.

2. Conclusio. *D. Thom. art. 2.* Character est potestas spiritualis ad cultum Dei destinata. Nam character imprimitur à Sacramentis in quantum per illa deputamur ad ea, quæ sunt Christiani cultus, consistentis in recipiendo, aut tradendo divina, sed ad utrumque requiritur aliqua potentia, ad recipiendum, potentia passiva; ad tradendum, potentia activa: ergo.

3. Con-

3. Conclusio. *D. Thom. art. 2.* Potentia characteris cum sit potentia ministri, & instrumenti, est instrumentalis, & sic nec directe posita in prædicamento, ait *D. Thom.* sicut nec virtus Sacramentorum, cum sint quid incompletum, sed reducitur ad secundam speciem qualitatatis, & non ad primam. Nam in prima sunt habitus disponentes, & ad substantiam operationis, & ad modum operandi, utpotè benè, aut malè. Et in secunda sunt qualitates disponentes ad solam substantiam operationis. Sed character non datur ad benè, aut malè operandum, sed abstrahit ab hoc: verè enim consecrat Sacerdos in peccato mortali, sed datur ad simpliciter operandum. Nam qui caret characterè Sacerdotali, non consecrat: ergo. Et nota, quod character in Concilio Tridentino dicitur signum, non formaliter, aliàs esset ens rationis, sed dicitur signum denominatiuè, quia fundat relationem signi spiritualis, sicut fumus dicitur signum.

4. Conclusio. *Ex D. Thom. art. 4. ad 3.* Character subiectatur in intellectu practico. Quia non subiectatur in anima, ait *D. Thom.* cum sit operatiuus, at anima non operatur nisi medijs potentijs: ergo subiectatur in potentijs, sed non in potentijs corporis, cum sit potestas spiritualis, nec in voluntate: nam cum hæc sit principium bonæ, aut malæ operationis, qualitates ei inherentes per se respiciunt bonum, aut malum, ut disponant subiectum iuxta suam naturam, sed character abstrahit à bono, & malo: ergo non est in voluntate. Et quod sit in intellectu, patet: nam per se ordinatur ad protestationem fidei factam per externum cultum Dei; sed confessio fidei est actus intellectus: ergo. Et sic quando dicitur characterem imprimi in anima, sumitur anima prout includit suas potentias. Si arguas, Character ordinatur ad exhibendum cultum Deo, sed exhibere cultum Deo est actus virtutis religionis existentis in voluntate, ergo character existit in voluntate. Ad hoc dico, quod idem actus potest pertinere secundum diuersas rationes ad diuersas virtutes, v. g. confessio fidei per opera externa, in quantum est confessio fidei, elicitur à fide, & ut est cultus Dei religiosè factus, elicitur à religione, sed ut procedit ab homine deputato ad cultum Dei, hoc est, ad exercenda opera externa secundum se proportionata diuino cultui, quæ tamen possunt benè, aut malè fieri, elicitur à characterè maxime confirmationis, iuxta *D. Thom. 3. p. q. 72. art. 3. ad 2.*

QVÆSTIO QVARTA.

De causa Sacramentorum.

D. Thomas quæst. 64.

S V M M A R I V M.

*Quomodo Deus, & Christus operentur effectus Sacramentorum, num. 1.**Quomodo ministri, & Sacramenta, num. 2.**Qua intentio requisita ad Sacramenta, num. 3.**Quale peccatum ministrare Sacramenta in peccato mort. nu. 4.**Distribuens Eucharistiam, & diaconus exercens suum officium in peccato mortali non peccant mortaliter, num. 5.**An liceat petere Sacramenta à malo ministro, num. 6.**Qua dispositio requisita ad ministrandum Sacramenta, nu. 7.***I** DVB. 1. *An solus Deus sit causa effectuum Sacramentorum.*

1. Conclusio. *D. Thom. art. 1.* Solus Deus est causa principalis efficiens effectuum Sacramentorum, utpotè gratiæ, characteris, &c. Nam nulla causa principalis operatur efficienter ubi non est, sed solus Deus illabitur animæ, ubi ponuntur effectus Sacramentorum, ergo.

2. Conclusio. *D. Thom. art. 3.* Christus in quantum homo est causa principalis moralis effectuum Sacramentorum. Nam nobis meruit illos sua Passione, Morte, & Resurrectione. Et etiam est causa illorum instrumentalis physica. Et quia humanitas Christi, ait *D. Thom.* est instrumentum diuinitati unitum, habet Christus in quantum homo quandam principalitatem, & causalitatem supra alios ministros, quæ dicitur potestas excellentiæ, consistens 1. In hoc, quod eius merita operantur in Sacramentis. 2. In hoc, quod in nomine Christi Sacramenta celebrantur. 3. In hoc, quod Christus instituit Sacramenta. 4. In hoc, quod potest Christus præstare effectum Sacramenti sine Sacramento. Et hæc omnia habet Christus ex commissione Dei.

2. 3. Conclusio. *D. Thom. art. 1.* Ministri, & Sacramenta instrumentaliter physice causant effectus Sacramentorum. Et intelligitur 1. de ministro conficiente simul, & conferente Sacra-

Sacramentum: Qui enim confert, v. g. Eucharistiam, ab alio, aut à se prius consecratam, non causat per se gratiam, sed habet se tunc vt causa applicans, & sine qua non. Et ratio horum est; nam character principaliter ordinatur ad conficiendum Sacramenta, & secundo, & medio primo ad illa conferendum, & causandum gratiam: ergo supponitur quod minister attingat primum, vt simul attingat secundum. 2. Intelligitur conclusio de omnibus ministris, etiam malis, qui ponendo debitam materiam, & formam cum intentione faciendi quod facit Ecclesia, vera conferunt Sacramenta. Ita in *cap. à quondam Iudao, d. 4. de consecrat.* Et in Concilio Carthag. 2. diffinitur, baptizatos ab infidelibus non esse iterum baptizandos. Et idem diffinitur in Concil. Constant. *sess. 8. & in Concil. Trid. sess. 7. can. 12.* de Baptismo collato ab existente in peccato mortali. 3. Minister Sacramenti non agit sua forma, & virtute, nec assimilatur sibi effectum: cum solum sit causa instrumentalis operans ex motione, & voluntate Dei: ergo gratia ministri, & omnis alia virtus, præter requisitam ad rationem instrumenti est impertinens, sicut impertinens est, quod fistula, per quam fluit aqua sicut lutea, aut aurea. Ita D. Thom. *art. 5. Si arguas*, Deus suo auxilio concurrit cum ministro ad collationem Sacramentorum; sed collatio mali ministri est sacrilega: ergo non concurrit cum ea auxilio speciali. *Ad hoc dico*, quod Deus non concurrit speciali auxilio cum ministro considerato vt persona priuata: bene tamen considerato vt minister est, & sic concurrit ad substantiam Sacramenti, quæ est actio ministri vt sic: & ad hoc vnitur ei Deus non per charitatem, cum sit in peccato mortali, sed per specialem motionem, sicut baculus vnitur manui.

Dub. 2. *An intentio ministri in actu exercito non in actu signato, dicendo, volo habere intentionem, vt ait Caiet. requiratur ad Sacramenta.* 3

1. Conclusio. D. Thoma *art. 8.* Affirmatiua diffinita in Concilio Trident. *sess. 7. can. 11.* vbi dicitur: *Si quis dixerit, in ministris, dum Sacramenta conficiunt, & conferant, non requiri intentionem saltem faciendi quod facit Ecclesia, anathema sit.*

2. Conclusio. Non fat est intentio habitualis in ministro: cum ista non faciat actum perfectè humanum; nec est necessaria intentio actualis, cum ista sit difficillima, sed fat est virtualis, quæ à D. Thoma ad 3. vocatur habitualis, consistens

in hoc, quod aliquando actualiter decreuerit, quòd quoties se applicet ad conficienda Sacramenta, intendit facere quod facit Ecclesia. In ista enim actuali intentione præcedente, virtualiter continetur intentio necessaria ad quoduis Sacramentum postea celebrandum.

4 Dub. 3. *An peccent mali ministrando Sacramenta.*

1. Conclusio. Qui ministrat Sacramenta cum conscientia peccati mortalis, peccat mortaliter ex genere. Ita communiter cum *D. Thom.* art. 6. Et habetur *cap. per Isaiam*, 1. q. 1. Et patet. Nam ministri debent conformare se suo domino in operando, iuxta illud *Leu. 19. Sancti eritis, quia ego sanctus sum*: ergo. Dixi ex genere: nam in paruitate materię erit peccatum veniale, vt conferre Ordines minores; sicut & leuare Eucharistiam ex loco irreuerenti, vt est communis sententia, contra *Adrian.* in 4. q. 7. de Baptis. cum sic leuans non faciat hoc, vt ministret ex officio ad hoc consecratus: & benedicere loca, vestes, & vasa sacra, cum in his leuibus ministerijs parua irreuerentia fiat rebus sacris. Et idem est de consecratione olei, aut Chrismatis contra *Ledesm.* cap. 6. de Sacramentis in genere. Et intelligitur conclusio 1. de ministro solemnitatis, non de ministro necessitatis, vt de laico, aut etiam Sacerdote baptizante sine solemnitate in necessitate. Etsi enim istis occurrant tunc sua peccata mortalia non confessa, non tenentur dolere de illis, vt ait *Diuus Thomas ad tertium*. Secundò intelligitur de ministris specialiter consecratis pro ministrando Sacramenta. Nam etsi contrahentes matrimonium sint ministri Sacramenti Matrimonij, sed non peccant ministrando illud cum conscientia peccati mortalis, etsi aliàs peccant mortaliter non recipiendo illud dignè.

5 Ex dictis patet, solum peccare venialiter qui ministrat Eucharistiam cum conscientia peccati mortalis, vt ait *Ledesma*, & alij, & est conformius *Dino Thoma*. Nam sic ministrans non concurret vt minister ad causandum gratiam Eucharistię, iuxta dicta *dub. 1.* Et à fortiori patet sententia *Victoria*, *Soto*, *dist. 1. quæst. 5. art. 6.* & aliorum afferentium non peccare mortaliter Diaconos exercentes sua ministeria cum conscientia peccati mortalis. Tum quia non conficiunt aliquod Sacramentum. Tum etiam quia essi ministratio sanguinis ad Diaconum ex officio pertineat, illum fidelibus porrigendo, vt dicemus *quæst. 6. de Eucharistia, dub. 1.* at hoc non est grauius ministerium, quam eis porrigere

rigere hostias. Nec obstat, quod isti sunt consecrati, & receperunt gratiam ad sua ministeria exercendum. Tum quia ista reputantur leuia ministeria. Tum etiam quia confirmatus in confirmatione recipit gratiam ad profitendum fidem, & tamen non peccat mortaliter profitendo fidem cum conscientia peccati mortalis. Verum est, quod oppositum est etiam probabile, cum ita teneant *Albea. d. 23. D. Anton. 3. p. tit. 4. cap. 6. §. 14. Caieta. 2. 2. quæst. 60. art. 2. Siluest. ver. Clericus: 2.*

2. **Concl.** Grauius est ministrare Sacramenta cum grauioribus, & pluribus peccatis: cum sic ministrans minus confortetur in suo ministerio sanctitati causæ principalis Sacramentorum: At regulariter hoc non est in confessione explicandum, sed sat est dicere ministrasse Sacramentum in peccato mortali. Nisi minister esset in aliquo grauissimo & extraordinario peccato, aut si minister sceleratus sit multis & grauibz irretitus peccatis. Tunc, ait Ledesm. explicet speciem, & numerum peccatorum.

3. **Conclusio.** Qui cum conscientia peccati mortali. ministrat excellentius Sacramentum, grauius notabiliter peccat. Et sic confitebitur, ait Ledesma, quale Sacramentum ministravit.

Dub. 4. *An liceat petere Sacramenta à malo ministro.*

1. **Conclus.** Licet recipere, imo, & petere Sacramentum ab istq; alias parato, & ab Ecclesia tolerato, vt ab excommunicato tolerato. Ita *D. Thom. art. 6. ad 2.* Tum quia ab Ecclesia toleratur, & vt minister exhibetur. Tum quia sic petens non inducit istum: cum sit paratus ad id.

2. **Conclus.** Licet in graui necessitate, aut cum magna utilitate petere Sacramentum ab eo, qui ex officio, aut solum ex charitate tenetur ministrare, etsi non sit paratus, si sit ab Ecclesia toleratus, nec sit alius qui commodè ministret. Ita *Ledesm. & communiter* Nam sic petens vtitur iure suo, & alias ille minister potest, & tenetur se disponere ipso dignè ministrando Sacramento. At si necessitas, aut utilitas petentis Sacramentum sit parua, vel sit alius, qui commodè ministret Sacramentum, videtur alijs peccatum mort. contra charitatem petere tunc ab eo Sacramentum. Sed ex *D. Thoma* loco cit. oppositum colligitur, ex eo quod iste minister exhibetur ab Ecclesia, & potest facile disponere se ad Sacramenta ministrandum.

7 Dub. 5. *Quomodo se satis disponat minister pro ministrando Sacramento.*

1. Concl. Iste etsi non tenetur prius confiteri, tamen non satis disponitur per attritionem cognitam Ita *Ledesm. & communiter cum D. Thom. art. 6.* Nam sicut Deus est sanctus, sic eius ministri debent se cum eo conformare in sanctitate, sed per attritionem solam non sanctificatur minister habens peccatum mort. Ergo. Si arguas, cum attritione cognita dignè recipitur Baptismus, & Pœnitentia: ergo & dignè ista ministrantur: Ad hoc nego consequ. Nam maior perfectio requiritur in conferente, quam in recipiente illa Sacramenta, maxime quia qui illa recipit cum attritione fit per illa contritus: Non sic autem qui illa confert cum attritione.

2. Concl. Attritio reputata contritio, sat est ad ministrandum Sacramenta. Ita *Caietan. opusc. de usu spiri.* Effet enim intolerabile, obligare ministrium ad veram contritionem, & semper rationabiliter dubitabit, an illam habeat: cum hoc certo noscere sit impossibile, alias posset homo sine Dei reuelatione certò scire se esse in gratia. Secundò, ista contritio reputata sat est ad recipiendum Sacramenta viuorum, etiam Eucharistiam, si non sit copia confessoris parrocho, qui celebrare tenetur: ergo & sat erit ad Sacramenta ministrandum.

QVÆSTIO PRIMA.

De Baptismo, & eius essentia.

D. Thomas. q. 66.

SUMMARIUM.

Quando Baptismus fuit institutus. n. 1.

Quando cœpit obligare. n. 2.

Quid Baptismus & qua eius materia. n. 3.

Qua forma. n. 4.

An trina immersio sit necessaria. n. 5.

An Baptismus possit iterari. n. 6.

Quid sint & quomodo differant Baptismata aqua, flaminis & sanguinis. n. 7.

Dispositio requisita pro martirio seu Baptismo sanguinis. n. 8.

Nota

Nota 1. Baptismus esse primum Sacramentorum nouæ legis à Christo ante suam Passionem institutum, Ioan. 1. dum in Iordane baptizaretur, *ut ait D. Th. art. 2.* Nam etsi tunc Baptismo Ioannis sit baptizatus, tamen tunc instituit nouum Baptisma; sanctificando aquas. Sed ante passionem non erat omnino perfectus, cum nec aperiret cælum, nec haberet completam significationem. Nam licet significaret Christum, & eius merita præsentia, & præterita actu in eo efficienter operantia, in quo differebat à Sacramentis veteribus, quæ significabant Christum, ut futurum: non vero significabat Christi mortem præsentem, & Resurrectionem: cum ista nondum essent exhibita. Et quia Baptismus affectus est istam perfectionem post Resurrectionem, solet dici à sanctis, à D. Leone Epist. 62. & à Chrysost. hom. 28. in Ioan. esse institutum post Resurrectionem in illo Matth. 28. *Euntes docete omnes gentes, baptizantes eos, &c.*

Not. 2. Quod Baptismus, etsi ante Christi Passionem non significaret eam, ut præsentem, non vero significabat eam, ut futuram, sicut vetera Sacramenta, ita ut hoc esset de eius essentia, alias differret specie à nostro Baptismo, & cessaret moruo Christo: Sed dicebat ordinem ad Passionem Christi abstrahendo à præsentem, vel futuro, & solum differebat à nostro Baptismo accidentaliter, sicut puer, & vir. B. habebat virtutem sanctificandi à Passione Christi in genere causæ efficientis, non à passione reali, quæ nondum erat, sed à Passione acceptata. Iam enim erat præfens meritum Passionis Christi à primo instanti incarnationis, cum Christus ingrediens mundum præuidendo mortem dixit illud. ad. Hebræ 10. *Hospiam, & oblationem noluiisti, corpus autem aptasti mihi: tunc dixi, ecce venio.* Ecce quomodo acceptauit mortem. Et subdit Paulus, in qua voluntate, seu acceptatione sanctificati sumus.

Not. 3. Præceptum baptismi incœpisse statim post Christi Resurrectionem, *iuxta D. Th. art. 2.* & non ante. Et patet 1. Nam per Baptismum configuramur morti, & Resurrectioni Christi in quantum morimur peccato & incipimus nouam vitam: ergo oportuit Christum prius pati & resurgere antequam indiceretur nobis necessitas configurandi nos morti, & Resurrectioni eius. Secundo, Ante Resurrectionem obligabat circumcisio, & consequenter lex vetus, ad

ad quam introducebat ; iuxta illud ad Galat. *Testificor omni circumcidenti se, quod debitor est uniuersa legis facienda* : ergo licet tunc Baptismus esset in consilio, cum daret gratiam, non tamen in præcepto, sicut nec lex noua ad quam introducebat. Non enim est credibile, quod duæ leges, vetus, & noua, simul obligarent. Et Christus dicendo in cruce, consummatum est : non loquebatur de lege veteri, quæ adhuc durabat vsque ad resurrectionem, sed de suis laboribus, qui tunc finiebantur. At completa nostra redemptione per Resurrectionem, cuius lex vetus erat figura, statim cessauit lex vetus. Et ne admittatur, quod in aliquo tempore fuit mundus sine lege supernaturali positua, maximè cum iam erat copiosa redemptio, dic *cum Soto, d. 3. q. 1. art. 2. contra Cano* quod Baptismus cepit obligare ab instanti Resurrectionis, & etiam lex noua satis per Christum dum viueret promulgata. Et licet vsque ad solemnem promulgationem Euangelij in Pentecoste posset Iudæus ex ignorantia à peccato excusari non seruando legem nouam, sed veterem iam cassam, & per voluntatem legislatoris abrogatam, quod fat est *ut docetur 1. 2. quest. 90. art. 4.* non tamen consequeretur remissionem peccati originalis circumcidendo se. Nam Baptismus tunc erat medium necessarium ad salutem, & cessarant alia media legis naturæ, & veteris, sicut cessat umbra coram sole. Leges enim illæ erant umbræ legis nouæ.

3. Dub. 1. *Quid sit Baptismus, & eius materia, & forma.*
 1. Concl. D. Tho. art. 1. Baptismus est ablutio corporis exterior facta sub præscripta forma verborum.
 2. Concl. Materia proxima Baptismi est ablutio, & remota, est aqua. *Ita ex D. Thom. art. 3. & ex Concil. Trid. sess. 7. c. 2.* Et patet ex illo Ioan. 3. *Nisi quis renatus fuerit ex aqua, &c.* Hæc enim materia est convenientissima : cum ubique inueniatur pro Sacramento ita necessario. Et nota 1. *ex D. Thom. art. 4.* Quod aqua ista debet esse simplex, & elementaris, etsi ex arbore, aut alio corpore, vt glacie resoluta. Imò etsi sit transmutata ex mixtione alicuius non tollentis speciem aquæ, vt lixiuiam, & aqua decoctionis carniū. *Ita D. Thom. ad 2. & 4.* Socus, si talis transmutatio tollit speciem aquæ naturalis, vt fit in aqua rosacea. Et tunc saluatur vera aqua quando possumus vii illa ad lotionem, aut alios effectus aquæ, etsi taliter sit turbata quod non congruenter lauet. *Et not. 2. ex D. Thom. artic. 3. ad 5.* quod bene-

beredictio aquæ ante Baptismum non est de necessitate, sed pertinet ad quandam solennitatem, qua excitatur deuotio fidelium. Nam ex quo Christus tetigit aquas Iordanis sua carne purissima, fecit illas, & alias eiusdem speciei, aptas pro materia Baptismi, & contulit eis vim regenerandi spiritaliter.

4. Conc.D.Tho. art.5. Forma Baptismi est: ego te baptizo in nomine Patris, & Filij, & Spiritus sancti. *Ita in Concil. Trident. sess. 7. can. 3. & 4.* Et patet ex usu, & ex illo Matth. 28. *Euntes docete omnes gentes baptizantes eos in nomine Patris, &c.* Et nota non omnia verba dictæ formæ esse æquæ necessaria. Nam sine *ly* ego, ut ait D.Tho. ad 1. fit verus Baptismus. *Ita in Concil. Florent. tract. de bapt.* Sed sat est si in verbis explicetur actio baptizandi, & causa præcipuè operans, & subiectum. Et sic, ut ait *Soto, & Nunno*, vere baptizas, sic Baptizet te Christus in nomine Patris, &c. Nam Christus baptizat per ministrum. Et idem ait *Soto, d. 3. quest. 1. art. 5.* de absolutione. At si in verbis non explicetur actio baptizandi actiuè, aut passiuè, non erit Baptismus, ut ait *D.Thom. ad 2. ex cap. si quis presbyter, de baptis.* Nam ablutio aquæ est indifferens: ergo debet determinari per verba formæ. Item in forma Baptismi est necessitiò explicandus baptizatus, dicendo: baptizo te, aut Petrum. Nec sat est dicere, baptizo hominem. Et sic in Concil. Florent. pro forma Græcorum dicitur sic; *Baptizetur seruus Christi Petrus in nomine Patris, &c.* Item debet explicari Trinitas personarum. *Ita in Can. 49. Apostolorum, & cap. si quis Presbyter citat.* Nam Baptismus est Sacramentum fidei, & prima fidei professio. Sed fundamentum fidei est confessio Trinitatis: ergo. Et nota quod Baptismus in nominibus Patris, &c. aut in nomine Patris, & in nomine Filij, &c. *ly* nomen sumpto personaliter, & determinando ad singula, non valet. Nam in nomine Patris, idem est ac in virtute, in fide, in auctoritate Patris. Sed in diuinis est vna sola virtus, fides, & auctoritas Patris, & Filij, & Spiritus sancti: ergo illa forma ubi imponitur triplex virtus, &c. est falsa, & nulla. Item probabilius est, contra *Caietan.* esse nullum Baptismum in nomine Genitoris, & Geniti, & Procedentis. *Ita ex D.Tho. art. 5. ad 7.* Nam genitor, genitus, & procedens non significant quod Pater, & Filius, & Spiritus sanctus, ex vi suæ significationis: quia non sunt synonyma; cum importent formas diuersorum prædicamentorum: etsi alias sint termini con-

conuertibiles. Et idem est de Baptismo in nomine Christi vñcti à Deo, & in nomine eius à quo est vñctus, & in nomine eius quo est vñctus.

5 Dub. 2. *An trina immersio sit necessaria in Baptismo.*

1. Concl. D. Tho. art. 8. Negatiua diffinita in Conc. Tol. 4. vbi iubetur Baptismus sub vna immersione. Imò ex communi vsu, *vt ait D. Tho. art. 7.* approbatur baptismus sine immersione per solam asperisionem, aut effusionem. Nam Baptismus est ablutio, sed hæc saluatur in asperisione, aut effusione: ergo. *Et nota* quod in Baptismo per asperisionem non fat est contractus minimæ aquæ, sed requiritur contractus aquæ sufficientis ad veram abluionem, vt sic saluetur veritas formæ. Nec est idem de minimo pane, qui fat est ad Eucharistiam eo quod panis est proxima materia Eucharistiæ, & sic vbi saluatur substantia panis; saluatur vera consecratio. At proxima materia Baptismi non est aqua nisi in vsu abluionis, & sic requiritur aqua sufficiens pro abluionæ veræ partis corporis, non minimæ, sed alicuius ex præcipuis, v. g. capitis, &c. vt sic verificetur hominem ablui. Ex quo patet contra Cano, non fat esse aspergere vestes. Nam sic non homo, sed vestis abluatur. Nec fat est, contra Soto, aspergere capillos; cum sint partes imperfectissimæ, à quibus, sicut nec à digito homo ablutus, non dicitur simpliciter ablutus.

2. Conclusio D. Thom. art. 8. In primitiua Ecclesia erat præceptum baptizandæ sub trina immersione, quo significabatur tridum sepulturæ Christi: sed iam hoc præceptum non durat in tota Ecclesia: *vt patet ex Concil. Tol. 4.* Sed quouis tenetur saltem sub peccato v. & secluso scandalo seruare morem suæ patriæ. *Et nota* 1. quod si baptizando sub trina immersione intendis eam, sicut intendit eam Ecclesia, quæ intentio regulariter præsumatur dum non constat oppositum, etsi omittas tertiam immersionem, veræ baptizas, si alias protulisti verba formæ. Nam ex intentione Ecclesiæ, non requiritur trina immersio, vt necessaria, sed solum vera ablutio, quæ in prima immersione saluatur, & aliæ duæ sunt partes accidentales Sacramenti. At si intendis tertiam immersionem taliter, quod non vis baptizare sine illa, quæ intentione erit sacrilega, si obliuione, aut aliter omittis illam, non baptizas. Nam Sacramenta perficiuntur secundum intentionem ministri. *Nota* 2. quod si intendens alterum occidere, & baptizare projcis in puteum, vere baptizas. Nam ibi

ibi est vera materia, forma, & intentio ministri: nec intentio occidendi annullat Sacramentum. Secus si ex tuis manibus decidit. Quia tunc non baptizas eum tu.

3. Concl. Inter materiam, & formam Sacramento:um requiritur similtas, non metaphysica, sed moralis ad arbitrium prudentum, & iuxta cuiusvis Sacramenti naturam. Nam maior similtas requiritur in vno, quam in alio Sacramento. In Pœnitentia enim saluatur similtas moralis, si audita alicuius confessione differatur absolutio per aliquot dies. Sed in Baptismo cum ablutione ante, aut post, statim proferatur forma.

Dub 3. *An Baptismus sit iterabilis.*

1. Concl. *D. Tho. art. 9.* Negatiua diffinita in Conc. III. Cart. Florent. & Trid. sess. 7. can. 9. Tum quia Baptismus est regeneratio spiritualis, iuxta id Ioan. 3. *Nisi quis renatus fuerit ex aqua, &c.* sed vnus non est nisi vna generatio temporalis: ergo & vna regeneratio. Tum etiam, nam per Baptismum configuramur morti, & sepulture Christi, sed Christus semel mortuus est: ergo.

2. Concl. *D. Tho. ad 4. ex cap. de quibus, de Baptism.* In dubio probabili de sufficientia materie iteretur Baptismus sub conditione cum materia certa, Aliàs sequitur damnum baptizato dimisso cum dubio Sacramento, ita maximè necessario. At si dubium sit facti, v.g. an quis sit baptizatus: examinetur diligentius, & si duret dubium arbitrio prudentum, Baptismus iteretur sub conditione. Imo in cap. placuit r. d. 4. de consec. dicitur, quod si non adsint certissimi testes pro Baptismo paruulorum, baptizentur absque scrupulo. Sed si sit moraliter certum esse baptizatum, etsi alias sit scrupulus, non baptizetur, vt si fide dignus ait esse baptizatum, aut expositus sit alicubi cum scheda dicente esse baptizatum. Imo & sine scheda expositus, si sit alicuius ætatis, vt vnus nienlis, & inter Christianos. Nisi alias Christiani sint mixti Mauritanis, de quorum fide est vehemens suspicio. Tunc si probabiliter timeatur puerum illum ex illis esse, baptizetur sub conditione.

Dub. 4. *An sint tria Baptismata, aqua, flaminis, & sanguinis.*

1. Conclusio. *D. Thom. artic. 11.* Affirmatiua. Et sermo est de martyrio, & contritione antecedentibus Baptismum aquæ, in quibus saltem implicite includitur votum baptismi aquæ, in cuius virtute martyrium, & contritio remittunt actuale & originale peccatum. At martyrium, & con-

6

7

& contritio sequentia Baptismum aquæ, non dicuntur Baptismus propriè: cum non remittant originale peccatum; & si imperfectè baptisma dicantur Act. 1. ubi Apostolis iam baptizatis dicitur: *Vos autem baptizabimini Spiritu sancto, &c.*

2. Concl. Solus Baptismus aquæ dicitur simpliciter baptismus, alius analogicè in ordine ad Baptismum aquæ. Et erit proximum errori dicere martyrium esse Sacramentum, cum in Conc. Trid. sess. 7. can. 1. anathematizentur ponentes plura, aut pauciora, quàm septem Sacramenta. Nec valet dicere martyrium reduci ad Baptismum: nam etsi conveniant in effectu, sed non in materia, aut forma, in quo stat essentia Sacramentorum. *Vide D. Thom. ad 2.*

3. Conclusio. *D. Thom. art. 12.* Baptismus sanguinis præstat in effectu Baptismo aquæ & flaminis, & iste præstat Baptismo aquæ: cum in martyrio detur copiosior gratia, deinde in Baptismo flaminis. Sed in esse Baptismi, & Sacramenti, ait *D. Thomas ad 1.* præstat omnibus Baptismus aquæ, & in ordine ad istum alij dicuntur Baptismi, & remittunt peccatum originale.

4. Conclus. Si adultus non baptizatus, aut existens in peccato mortal. rapitur ad martyrium, tenetur prius baptizari, aut confiteri, si est baptizatus & habet confessorem. Et si non habet illum, nec alicuius peccati recordetur, iustificatur per actum dilectionis Dei super omnia, ubi virtualiter includitur votum implicitum penitentiae, ut dicemus infra de contrit. dub. 1. Et si recordetur peccati mortalis, tenetur habere saltem attritionem, & martyrium superueniens causat gratiam, & remittit totam penam, non virtute propria, & ex opere operato: Ita *Soto d. 13. qu. 1. art. 11. & Ludou. Lop. tom. 2. capitul. 62. contra Maior.* cum hoc sit proprium Sacramentorum, sed hæc causantur à Deo ad præsentiam martyrij, sicut olim ad præsentiam circumcisionis, ex privilegio concesso martyrio, & non alijs actibus virtutum. Nec etiam desiderio intensissimo martyrij, ob realem assimilationem ad mortem Christi repertam in solo opere externo mortis martyris. Et hoc privilegium colligitur maximè ex illo Matth. 10. *Qui me confessus fuerit coram hominibus, confitebor & ego eum coram Patre meo.* Secundò, in pueris incircumcisis, aut non baptizatis martyrium causat gratiam, etsi sint in peccato: ergo & in adultis non ponentibus obicem. Quem tamen non ponit qui habet displicentiam

niam peccati, sed qui actu inheret peccato, de quo intellige illud 1. Corinth. 13. *Si tradidero corpus meum ita ut ardeam, charitatem autem non habuero, nihil mihi prodest.* Et ita intellige *D. Thom.* ad 2. ubi videtur dicere, requiri charitatem. Ita enim verum est, quod qui accedit cum attritione hic per charitatem intellecta: quando accipit vulnus mortale, recipit charitatem & gratiam. Et sic ait *D. Thom.* 3. p. q. 87. art. 1. ad 2. Si quis dormiens occidatur pro Christo, martyrium hoc purgat ab omni peccato veniali, & mortali, si non inuenit voluntatem actualiter peccato inhaerentem.

QVÆSTIO SECUNDA

De ministro Baptismi.

D. Thom. qu. 67.

SUMMARIUM.

Minister Baptismi solemnitatis, est sacerdos, nec esset, qui libet, num. 1.

Qui nam peccent baptizando n. 2.

An plures simul possint baptizare. n. 3.

An in baptismo adhibendus sit patrinus. n. 4.

DVB. 1. *Quis sit minister Baptismi.*

1. *Concl. D. Tho. art. 2.* Solus Sacerdos est minister ex officio Baptismi. Ita in *Conc. Flor.* Nam soli Sacerdotes consecrantur ad conficiendum Eucharistiam, quæ est Sacramentum Ecclesiasticæ unitatis, ergo ad solum Sacerdotem attinet conferre Baptismum, quo homo fit particeps Ecclesiasticæ unitatis, & acquirit ius accedendi ad mensam Domini. Et intelligitur conclusio, & eius ratio stando in iure divino. Nam stando in iure Ecclesiastico soli parochi conveniunt ex officio baptizare, & alijs Sacerdotibus ex commissione ut patet in *Clem. 1. de privilegiis.* Imò & Diacono potest commitri à parochi, ut baptizet etiam cum solemnitate: ut patet cap. *Diaconos d. 93.*

2. *Conclus. D. Thom. art. 3. 4. & 5.* Laicus etiam non baptizatur, & femina, potest in necessitate baptizare. Ita in *Conc.*

Concl. Flor. Nam cum inter omnia Sacramenta Baptismus sit maximè necessarius, voluit Deus, quod eius materia, forma, & minister essent communes vt de facili inuenirentur.

3. *Conclu.* Volente parochio baptizare, peccat mort. quiuis alius baptizando. Nam in cap placuit 16. q. 1. dicitur hoc esse ministerium solius parochi: ergo alter, renuente parochio volente baptizare, vsurpat eius officium in re graui. Item peccat mort. non Sacerdos baptizando in præsentia Sacerdotis volentis baptizare. Et non Diaconus in præsentia Diaconi; cum Diaconus ex vi sue ordinationis possit ex commissione solemniter baptizare. Item peccat mortaliter infidelis, aut excommunicatus baptizando præsentem fidelem, aut non excommunicatum scientem & volentem baptizare. Nam illi non possunt baptizare nisi in necessitate: sed quando adest commodior minister, non adest necessitas, ergo. Sed inter alios ministros, utpote virum, & scæminam solum erit peccatum ven. non seruare ordinem. Et eo peccato, quo peccant ministri in dictis casibus, peccant iuuantem, & baptizandi adulti.

3

3. *Concl.* Peccat mort. Sacerdos baptizando extra necessitatem sine solemnitate, ob irreuerentiam factam Sacramento; sicut & peccat mort. laicus baptizando cum solemnitate, & fit irregularis, vt dicemus tract. de irregul.

Dub. 2. An plures simul possint vnum baptizare.

1. *Concl. D. Tho. art. 6.* Si plures vnum baptizant cum ista forma, nos te baptizamus, nil faciunt. Et non est sermo quando ly nos sumitur in vi numeri singularis, vt solet accipi ob dignitatem baptizantis, vt si Episcopus dicit, vos te baptizamus, sic enim verus fit Baptismus. Sermo est quando ly nos sumitur pluraliter. Et tunc adhuc dupliciter. 1. Ita vt quiuis baptizans ponendo integram materiam, & formam intendat exercere totaliter suum ministerium, siue dependentia ab altero simul baptizante: & sic pluralis æquiualeat singulari plurificato: & idem est ac dicere, ego te baptizo, & iste te baptizat. Et tunc baptizans vere baptizat. *Ita communiter.* At si sic baptizans intendit concurrere partialiter, non fit baptismus. *Et sic loquitur D. Thom. & communiter, contra Durandum, & Caiet.* Nam tunc non saluatur vera intentio ministri quæ debet esse iuxta intentionem Christi: cuius intentio est vt habet communis vsus Ecclesiæ, vt quiuis minister ponendo veram materiam, & formam, concurrat totaliter, & non partialiter, & dependenter ab alio.

2. *Conclus.*

2. Concluf. D. Tho. art. 6. ad 3. Si vnus minifter abluit, & alter dicit verba formæ, non fit Baptifmus, *contra Caiet.* quia non verificatur forma: cum verè non baptizet, qui dicit fola verba.

Dub. 3. *An ad Baptifmum requiratur patrinus.*

1. Concl. D. Th. art. 7 Patrinus folum eft de neceffitate præcepti & habetur ex traditione Apoftolorum, ait D. c. 7. de cœleft. Hierar. Et ad hoc eft neceffarius, vt baptizatum inſtruat in fide: ad quod tenetur, etfi excufetur quando præſumitur probabiliter, quod alia via fatis inſtruitur. Ita D. Tho. art. 8.

2. Concl. Patrinus debet eſſe fatis in fide inſtructus. Et non fit monachus, aut Abbas; & eadem ratione nec mortalis. Ita cap. *peruenit*, 18. q. 2. Et oppoſitum facere, ait Soto, eſt peccatum mort. De cognatione per Baptifmum contracta dicemus q. 4. de Matrim. dub. 12.

QVÆSTIO TERTIA.

De ſuſcipientibus Baptifmum.

D. Thom. q. 68.

S V M M A R I V M.

Baptifmus in re vel in voto eſt neceſſarius ad ſalutem. n. 1.

An Baptifmus ſit differendus. n. 2.

An peccatores baptizandi. n. 3.

An peccatores teneantur confiteri ante Baptifmum. n. 4.

An requiratur intentio ad ſuſcipiendum Baptifmum. n. 5.

An fides ſit neceſſaria. n. 6.

An pueri poſſint ſaluari ſine Baptifmo. n. 7.

An pueri infidelium inuitis parentibus ſint baptizandi. n. 8.

An puer in utero matris poſſit baptizari. n. 9.

An amentes ſint baptizandi. n. 10.

DVB. 1. *An poſſit quis ſaluari ſine Baptifmo.*

1. Conc. D. Th. art. 1. Negatiua, diffinita in Con. Trid. ſeſs. 7. cano. 5. Et patet ex illo Ioann. 3. *Niſi quis renatus fuerit ex aqua, & Spiritu ſancto non poteſt introire in Regnum Dei.* [Secundo non poteſt homo ſaluari niſi Chriſto incor-

potetur, & hat particeps meritōrum illius, vt diffinitur Concil. Trid. sess. 4. can. 5. Sed ista incorporatio fit per Baptismum, iuxta illud ad Gal. 3. *Quicumque in Christo baptizati estis, Christum induistis*: Ergo, &c. & loquitur conclusio de Baptismo in re, vel in voto, ut ait *D. Tho. art. 2.*

2. Conclusio. Ex *D. Tho. art. 2.* Baptismus aquæ in re susceptus est necessarius per se loquendo adultis ad gratiam & gloriam, vt patet. Sed per accidens quando non adest copia Baptismi aquæ, sat est votum, seu desiderium illius. Ita diffinitur in Conc. Trid. sess. 6. cap. 4. vbi dicitur: *translatio peccati ad statum gratiæ fit per Baptismum in re, vel voto*. Secundò; Cornelius ante Baptismum, per votum, & desiderium eius, dicitur iustus, Act. 10. Tertiò, Alias adultus, vel esset extra statum salutis quando non est qui illum baptizet, aut obligaretur ad impossibile. Et nota, quod qui habet notitiam Baptismi, & non habet copiam illius, tenetur ex præcepto diuino habere votum, & desiderium eius explicitum, vt iustificetur. Sed si inuincibiliter ignoret Baptismum, iustificabitur cum voto, seu desiderio eius implicito, incluso in proposito explicito vitandi peccata, & implendi præcepta Dei cum detestatione & dolore peccatorum.

3. Conclusio. Ex *D. Tho. art. 1.* Adulti tenentur ad Baptismum ex iure diuino, Matth. 28. *Euntes docete omnes gentes, baptizantes eos*. Vbi ponitur præceptum ministris baptizandi & consequenter alijs, vt baptizentur. Secundò, omne medium necessarium ad salutem existens in nostra facultate est nobis in præcepto diuino, sed tale est baptismus, vt constet ex illo Ioan. 3. *Nisi quis renatus fuerit, &c.* ergo. Et sic Innoc. cap. maiores, de Baptism. ait Sicut ex illo Genes. 17. *Anima cuius præputij caro circumcisa non fuerit, delebitur de populo suo*: colligitur præceptum circumcisionis: sic ex illo Ioan. 3. *Nisi quis renatus fuerit ex aqua, &c.* colligitur præceptum Baptismi. Ex dictis patet pueros ante usum rationis cum non possint habere votum baptismi, non posse saluari sine Baptismo aquæ, aut martyrio. Nam ex quo Christus resurrexit, non habent aliud remedium. Nec derogat Dei prouidentia, quod aliqui pueri moriantur sine Baptismo. Nam ad eius prouidentiam spectat providere de communi remedio, etsi per accidens non applicetur alicui.

Dub. 2. *An Baptismus sit differendus.*

1. Conclusio, *D. Thom. art. 3.* Baptismus pueroꝝ cum non

non sint in fide instruendi, non differatur ultra morem patriæ. Et erit peccatum mort. illum diu differre sine causa rationali: cum toto illo tempore sint ab Ecclesia separati, inimici Dei, & subiecti infestationibus dæmonum.

2. Concl. D. Thom. ibi. Adulto, secluso periculo mortis, differatur Baptismus, quousque instruat in fide, & moribus Ecclesiæ. 3

Dub. 3. *An adulti peccatores sint baptizandi.*

1. Concl. D. Tho. art. 4. Existentes in peccato habitualiter sunt baptizandi. Nam Baptismus est institutus ad abluendum sordes peccatorum, iuxta illud ad Ephes. 5. *Mundans eam la- uacro aqua.*

2. Concl. D. Thom. ibi. Existentes actu in peccato non sunt baptizandi. Hæc est de fide contra hæreticos asserentes solam fidem sat esse ad Baptismum. Per Baptismum incorporamur Christo, iuxta illud ad Gal. 3. *Quicumque in Christo baptizati estis, Christum induistis*: Sed dum homo habet voluntatem affectam peccato, non potest Christo vniri, iuxta illud 2. Corinth. 6. *Qua participatio iustitiae cum iniquitate?* Ergo. Si tamen iste baptizetur, peccat mort. nec ei remittitur peccatum orig. nec alia peccata; etsi recepit verum Sacramentum, & imperfectè incorporatur Christo per characterem, & professionem fidei informis, & implet præceptum Baptismi quantum ad substantiam, nec est iterum baptizandus. Si arguas, Cum actuali affectu ad peccatum non recipitur sacramentum Pœnitentiæ, ergo nec Baptismus; Ad hoc dico, quod non est idem. Nam pœnitentia componitur ex dolore pœnitentis, ut ex materia, & sic isto dolore non stante, non stat Sacramentum Pœnitentiæ. Secus est de Baptismo, & alijs Sacramentis.

Dub. 4. *An peccatores ante Baptismum confiteri teneantur.* 4

1. Concl. D. Thom. art. 6. Confessio interna, qua homo coram Deo recogitat peccata, & dolet de eis, est necessaria ad Baptismum. De ista enim dicitur Actor. 2. *Agite pœnitentiam, & baptizetur unusquisque vestrum.* Nam non potest homo inchoare nouam vitam, nisi eum pœniteat veteris vitæ, iuxta August. lib. de pœnit. cap. 2.

2. Conclus. Confessio Sacramentalis non est necessaria ante Baptismum. Ita Diu. Thomas ibi. Nam omnia Sacramenta supponunt Baptismum, ut ianuam ad illa. Si arguas;

quod Matth. 3. Baptizati à Ioanne confitebantur peccata sua; Ad hoc dico, Baptismum Ioannis non remittere peccata, sed erat Baptismus pœnitentiæ. Et sic ad illum venientes conuenienter confitebantur peccata, vt iuxta eorum qualitatem pœnitentia eis taxaretur.

5. Dub. 5. *An in adulto baptizando requiratur intentio recipiendi Baptismum.*

1. Conclus. D. Thomæ artic. 7. Adultus simpliciter inuitus non recipit Baptismum. Ita in *Conc. Tolet. 4. cap. 55.* Nam nullus inuitus cogendus est ad fidem, & professionem legis Christi.

2. Conclus. D. Tho. art. 7. ad 1. & 2. Non sat est non repugnantia, vt Caietan. ait, sed requiritur positua intentio suscipiendi Baptismum. Ita communiter. Nam nullus adultus iustificatur nisi volens, iuxta illud August. ser. 15. de ver. Apost. *Qui creauit te sine te, non saluabit te sine te.* Sed adultus non est volens sine intentione positua presente, aut precedente. Sat est enim intentio virtualis, vtpotè cum quis habuit intentionem actualem Baptismi, etsi postea quando baptizatur, diuertat se ad alia, aut sit dormiens, aut amens. Ita *cap. maiores de Baptismo.* Et ista intentio positua, etsi metu extorta, sat est ad Baptismum, vt ibi dicitur, nam est simpliciter voluntaria, etsi inuoluntario mixta, vt dicitur 1. 2. q. 6. art. 8.

6. Dub. 6. *An fides requiratur ad Baptismum.*

2. Conclus. D. Thom. art. 8. Ad effectum Baptismi qui est gratia, est necessaria recta fides, iuxta illud ad Roman. 2. *Instituta Dei per fidem Iesu Christi.* Et Marci 16. *Qui crediderit, & baptizatus fuerit, saluus erit.* Vbi fides & Baptismus requiruntur ad salutem.

2. Conclusio. D. Thom. ibi. Vt Baptismus valeat, & imprimat characterem, non requiritur recta fides, nec circa Baptismum, nec circa alios articulos fidei; sed sat est intentio recipiendi Baptismum, sicut Christus instituit, & Ecclesia tradit. Et si quæritur à baptizando, si credit in Deum Patrem, &c. & si abrenuntiat satanæ, ideo fit, vt assequatur effectum gratiæ per Baptismum, & tollatur peccatum.

Dub. 7. *An pueri sint baptizandi vt saluentur.*

1. Conclus. D. Thom. art. 9. Affirmatiua, diffinita in Conc. Trid. sess. 7. can. 13. Nam non habent aliud remedium nisi Baptismum. Et sic ex iure diuino sunt baptizandi, maximè si sint morti proximi.

1. Conclus.

2. Conclusio. Pueri baptizati ex voluntate parentum aut tutorum, quorum voluntas tunc reputatur voluntas pueri, aut quia parentes, utpotè fideles, coguntur illos baptizare quando venerint ad usum rationis: cum iam per Baptismum pertineant ad Ecclesiam, sunt ab ea compellendi ad fidem. Ita diffinitur contra Eras. in Concil. Trid. sess. 7. cap. 14. Secus si tunc non sunt baptizati, etsi sint filij baptizatorum. Imò nec possunt tunc cogi ad Baptismum. Ita communiter contra Soto. Nam fides & religio Christiana debent esse omnino voluntariæ, sed istis non sunt voluntariæ voluntate propria, ut patet, nec voluntate aliena. Quia dum quis est capax voluntatis propriæ, voluntas aliena non facit eum voluntarium, etiam interpretatiuè; cum iam sit sui iuris.

Dub. 8. *An pueri infidelium, utpote non baptizatorum, sine baptizandi inuitis parentibus. Nam filij hæreticorum possunt extrahi ab istorum cura, & baptizari.* 7

1. Conclusio. D. Thomæ artic. 10. Si isti habent usum rationis, & volunt Baptismum: cum iam sint sui iuris, baptizentur, etiam parentibus inuitis; nisi alias sint à parentibus educandi. Nam ob periculum apostatandi non baptizentur tunc, nisi sint morti proximi, aut certum sit, quod perseuerabunt.

2. Concl. D. Thom. ibi. Pueri infidelium, etiam subditorum Christianis, non possunt baptizari parentibus, aut tutoribus inuitis. Nam de iure naturæ filij ante usum rationis sunt sub cura parentum, vel tutorum, nec hoc ius tollitur per subiectionem ad Christianos; cum ista subiectio sit de iure gentium. Si arguas; Pater ex iure naturæ habet potestatem educandi filium in ordine ad bonum filij: ergo si abutatur ista potestate in malum filij, potest impediri: Ad hoc dico, quod pater potest impediri cum abutitur ista potestate in ordine ad finem naturalem, male instituendo filium in ordine ad istum finem. Secus si illa potestate abutatur in ordine ad finem supernaturalem. Nam quæ pertinent ad istum finem, suauius & sine coactione sunt instituenda.

3. Conclus. Baptizare licet istos pucros semel extractos, etiam iniuste, à parentum cura; si alias non speretur eos reddituros ad parentes. Cum iam tunc censeantur carere parentibus, & sic eorum cura deuoluitur ad Remp. ubi morantur, & voluntas Reip. est tunc eorum voluntas.

4. Conclus. Si alter parens fidelis, etiam mater consentit in

Baptismus filij, baptizetur altero inuito, nisi alias filius debeat manere sub parente infideli. Nam ad quemvis parentum spectat filij educatio: ergo in causa æquali standum est voluntari vnus eorum, quando illa est fauorabilior filio.

9 Dub. 9. *An puer in utero matris, sit baptizandus.*

1. Conclusio. Diu. Thomæ artic. 11. Negatiua. Nam antequam puer nascatur, non potest ablui: ablutio enim qua mater abluitur, non peruenit ad filium, cum sint distincta corpora.

2. Conclusio. Diu. Thomæ ad 4. In periculo mortis baptizetur puer, si ostendit caput, imo & manum, pedem, aut aliam partem. Et si postea perfectè nascitur, & sit baptizatus in capite, non baptizetur iterum. Nam cum in capite vigeant omnes sensus, baptismus in capite absque dubio valet: At si sit baptizatus in alia parte, baptizetur iterum sub conditione.

10 Dub. 10. *An amentes sint baptizandi.*

1. Conclusio. Diu. Thomæ artic. 10. Affirmatiua de eo, qui numquam habuit vsum rationis: cum idem sit de isto, ac de puero.

2. Conclusio. Diu. Thomæ ibi. Qui post vsum rationis incidit in amentiam, baptizetur si antea voluit Baptismum, alias non. Nam in adultis est necessaria voluntas positiua, vt dixi dub. 5. saltem virtualis, Baptismi. Imò vltro hoc in vltimo instanti vsum rationis debet habere dolorem de peccatis, iuxta dicta dub. 4. alias erit peccatum mortal. illum baptizare. Et idem est, ait Diu. Thomas de habente lucida intervalla, qui si instet mors, & habuit voluntatem Baptismi, & dolorem, baptizetur in amentia. At si non instet mors, expectetur vsum rationis vt reuerenter suscipiat Baptismum.

3. Conclus. D. Thom. ibi. Maniaci, qui scilicet habent sufficientem vsum rationis ad iudicandum de sua salute, & sciunt virtutem Baptismi, etsi circa alia careant vsum rationis, possunt baptizari, si volunt Baptismum.

QVÆSTIO QVARTA.

De effectibus Baptismi.

D. Thomas quæst. 69.

S V M M A R I V M.

*An Baptismus tollat omnia peccata, num. 1.**An liberet ab omni pœna, & pœnalitate, num. 2.**An fœlio impediat effectum Baptismi, num. 3.**An attritio sufficiat ad effectum Baptismi, num. 4.**An Baptismus fœdè susceptus recedente fœlitione sortietur suum effectum, num. 5.**Quæ præmittenda ante Baptismum ex præscripto Ecclesiæ, & eorum significatio, num. 6.***D**VB. 1. *An per Baptismum tollantur omnia peccata.* I

1. Conclusio. *D. Thom. art. 1.* Affirmatiua, diffinita in Conc. Flor. & Trid. sess. 5. & 7. Nam Baptismus est Sacramentum regenerationis, & renouationis: vt dicitur ad Tit. 3. sed per regenerationem repellitur forma contraria: ergo.

2. Conclusio. Etsi peccata sint per contritionem ante Baptismum dimissa, verè tamen dimittuntur postea per Baptismum. Nam postquam Baptismus cœpit obligare, non dimittuntur peccata ante Baptismum commissa, nisi per illum, aut in ordine ad illum: sed in contritione antecedente Baptismum includitur votum, & virtus Baptismi: ergo verè dimittuntur per Baptismum; sicut peccata antiquorum dicuntur dimissa per Passionem Christi, & Passio Christi postea in re habita verè liberauit eos à peccatis, nam in ordine ad eam sunt dimissa: Ita *D. Thom. ad 2.*

3. Conclusio. *D. Thom. art. 4.* Per Baptismum dantur gratia, & virtutes. Patet ex dictis. Et etiam prob. nam per Baptismum efficimur membra Christi: ergo sicut à capite naturali deriuantur in membra sensus, & motus, sic à capite Christo deriuantur in sua membra sensus, & motus spirituales, vt potè gratia, & virtutes, iuxta illud Ioan. 1. *De plenitudine eius omnes accepimus.*

Dub. 2. *An Baptismus liberet ab omni pœna, & pœnalitate.* 2

1. Conclusio. *D. Thoma art. 2.* Baptismus liberat ab omni pœna peccati. Ita diffinitur in *Concil. Trid. sess. 6. cap. 14. & sess. 14. cap. 4.* ubi datur differentia inter Baptismum, & Pœnitentiam, in hoc quod Baptismus ex se remittit totam pœnam, non sic Pœnitentia. Et desumitur ratio differentie ex voluntate Christi, quam semper ita intellexit Ecclesia. Et ratio *D. Thomæ* est congruentissima, utpotè, quia Baptismus est quædam regeneratio, cuius tota vis non est referenda in actus nostros, sed in regenerantem Christum. At alia Sacramenta operantur medijs nostris actibus, & sic etsi conferant copiosorem gratiam, & ex alijs excedant Baptismum: non verò remittunt regulariter totam pœnam; nam homo regulariter non disponitur ad totam remissionem eius.

2. Conclusio. *D. Thoma art. 3.* Per Baptismum tolluntur huius vitæ pœnalitates, non in hac vita, sed in gloria. Nam per Baptismum efficiuntur membra Christi, sed Christus, etsi ab instanti suæ conceptionis fuit plenus gratia, habuit tamen corpus passibile, & per mortem est ad vitam gloriæ suscitatus: ergo, ut seruetur proportio inter caput, & membra, licet baptizatus assequatur gratiam, debet habere corpus passibile, in quo pro Christo patiat, & suscitetur per mortem ad impassibilem vitam.

3. Conclusio. *D. Thoma art. 7.* Per Baptismum aperitur nobis cœlum: cum per eum tollatur impedimentum ingressus cœli, utpotè culpa, & pœna. Et licet apertio cœli tribuatur Passioni Christi, tribuitur etiam Sacramentis, cum contineant virtutem Passionis Christi. Et licet per omnia Sacramenta applicetur nobis Passio Christi; at quantum ad tollendum impedimentum ingressus cœli, perfectius operatur Passio Christi per Baptismum, cum remittat totam pœnam.

3 Dub. 3. *An fictio impediat effectum Baptismi.*

1. Conclusio. *D. Thom. art. 6.* Affirmatiua. Nam fictio est non conformatio animi interni cum opere externo, sed sic baptizatus non recipit effectum Baptismi. Nam si baptizetur sine animo recipiendi Baptismum, nec recipit gratiam, nec characterem, ut dixi supra. Et si vult baptizari, sed actu inhæret peccato, aut non habet attritionem, etsi recipiat characterem, & Baptismum, sed non recipit gratiam, nec remissionem culpæ, etiam originalis, contra Gabr. cum vnum peccatum non remittatur sine alio, & ad vtriusque remissionem requiratur infusio gratiæ, ergo.

2. Con.

2. Concl. Ad recipiendum Baptismum, & eius effectus, fat est attritio, quæ cum Baptismo facit contritum. *Ita communiter*. Nam Baptismus ex se habet regenerare, iuxta illud ad Tit. 4. *Saluos nos fecit per lauacrum regenerationis*: ergo ex sua ratione confert gratiam non habenti eam. Et nota non fat esse ad Baptismum attritionem naturalem habitam ex viribus naturæ, & ex motiuo naturali, scilicet ex metu pænæ temporalis, ex turpitudine peccati, ex affectu ad bonum rationis, aut ex amore Dei auctoris naturæ, *contra Soto. d. 6. q. 1. ar. 7. & Cano. relect. de pænip. vult.* Nec fat est dicta attritio naturalis iuncta actui fidei, & proposito & desiderio recipiendi Baptismum, *contra Ledesma c. 10. de Bap.* Sed requiritur attritio supernaturalis habita ex speciali auxilio Dei, & motiuo supernaturali. *Ita Nunno hic dub. 4. & communiter Theologi, maxime Thomista*. Nam nullus actus naturalis est sufficiens dispositio ad gratiam; cum forma & dispositiones debeant esse eiusdem ordinis: sed gratia est ordinis supernaturalis, ergo. 2. In Conc. Trid. sess. 14. c. 4. inter dispositiones ad iustificationem ponitur attritio, quæ est donum Spiritus sancti, & est ibi sermo de iustificatione, quæ fit etiam per Sacramenta.

Dub. 4. *An Baptismus ablato impedimento tollente, non Baptismum, sed gratiam, assequatur suum effectum.*

1. Concl. D. Th. ar. 10. Baptismus præcedens ablato dicto impedimento, remittit omnia peccata, quæ remitteret si sine fictione actu reciperetur, vtpotè omnia peccata antecedentia, & comitantia Baptismum. *Ita communiter*, Nam in lege gratiæ nullum peccatum dimittitur nisi in ordine ad aliquod Sacramentum; sed peccata antecedentia & comitantia Baptismum non dimittuntur per ordinem ad Sacramentum Pœnitentiæ: cum nec pertineant ad clauas Ecclesiæ, nec sint post Baptismum confitenda: ergo dimittuntur per Baptismum tunc physicè operantem; cum tunc sit præsens in sua virtute, vtpotè, in caractere.

2. Concl. Fictio post Baptismum continuata, vt cum quis baptizatur cum complacentia peccati mort. tollitur non per Baptismum, sed per Pœnitentiam: cum sit peccatum hominis baptizati pertinens ad clauas Ecclesiæ. Et de hac fictione loquitur D. Thom. ad 2. & iuxta solutionem ad 3. Secus sit de fictione solùm comitante Baptismum, vt cum quis baptizatur sine perfecta attritione. *Ita Palud. in 4. d. quest. 5. Siluester ver. Baptismus, 4. Ledesma cap. 11. de Bap.*

Nam

DVB. 1. *An confirmatio sit Sacramentum.*

1. Concl. D. Th. art. 1. Affirmatiua, diffinita in Conc. Flor. & Trid. sess. 7. cap. 1. Nam sicut in naturalibus, præter generationem qua acquiritur vita, est augmentatio qua homo perducitur in ætatem perfectam, sic in spiritualibus, præter regenerationem Baptismi qua accipit homo vitam spiritualem, ponitur Confirmatio, qua gratia, seu vita spiritualis per Baptisimum collata augeatur & roboretur: vt sic fiat homo fortis ad bellum spirituale.

2. Conclus. D. Tho. ad 1. Confirmatio est à Christo instituta, vt diffinitur in Conc. cit. Et vt ait Fabianus Papa, ex traditione Apostolorum constat esse in cœna institutam. Et patet ex vsu Ecclesiæ consecrantis tunc eius materiam; & si eius effectus promissus sit datus Apostolis in Pentecoste. in illo Ioan. 16. *Si non abiero, Paraclitus non veniet ad vos; & si abiero, mittam eum ad vos.* Tunc enim Apostoli acceperunt spirituale robur ad constituendum fidem. Et hæc confessio est specialis effectus Confirmationis.

Dub. 2. *Qua sit Materia Confirmationis.*

1. Conclusio D. Tho. ar. 2. Chrisma ex oleo, & balsamo confectum, est materia Confirmationis. Ita in Concil. Flo. Nam materia Confirmationis debet proportionari eius formæ, vt sic saluetur veritas eius, sed in forma explicatur vsus Chrismatis, cum dicitur. *Signo te signo Crucis, & confirmo te Chrismate salutis, in nomine Patris, &c.* Ergo. Ex dictis patet, mixturem balsami esse de necessitate istius Sacramenti Et c. litteris de consec. d. 3. refertur ex Fauv. Christum ita confecisse Chrisma. Et Dion. capit. 4 Eccles. Hierat. ait Apostolos docuisse, & confecisse Chrisma sic. At quia opposita sententia Soto, Caieta. Victo, hic. & Nau. iu man. c. 22. dicentium balsamum solum esse de præcepto Ecclesiastico, est probabilis, ideo si hoc Sacramentum aliquando ministraretur cum oleo simplici, non iteretur absolute, vt dicitur. c. 1. de Sacra. non iter. sed sub conditione cum materia indubitata.

2. Concl. D. Th. art. 3. Chrisma necessario debet consecrari: cum ex vsu Christi non sit sanctificatum; sicut materia baptismi, & Eucharistiæ. Patet ex Conc. Floren. & ex vsu Ecclesiæ, quotannis illud sic conficientis, & vetus comburentis ex traditione Apostolorum, vt refertur in dicto c. ex litteris.

3. Concl.

3. Concl. Simplici Sacerdoti potest committi consecratio Chrismatis. *Ita Caiet. & Paul.* Et de facto Urban. I. bul. 1. in compen. Man. Rod. id concessit Abbati Cœnobij Cauensis, sed alijs videtur oppositum probabilius. Nam in Conc. Flor. decernitur materiam confirmationis esse Chrisma ab Episcopo consecratum, nulla facta mentione simplicis Sacerdotis, quam fecisset, si hoc posset ei committi: sicut fecit mentionem eius in ordine ad ministrandum hoc Sacramentum ex commissione Papæ.

Dub. 3. *An confirmatio imprimat characterem.*

4 1. Concl. D. Thom. art. 5. Affirmatiua, diffinita in Conc. Flo. & Trid. cit Et sic, *ut dicitur c. debitum de conse. d. 5.* erit grauissimum sacrilegium illud reiterare. Etsi non incurratur irregularitas: cum nulla talis poena ponatur in iure. *Ita communiter contra D. Ant. 3. p. 111. 28. c. 6. §. 3. & Nam. in ma. c. 27 n. 247.*

2. Conclusio. Confirmatio, sicut & omnia alia Sacramenta, sine caractere Baptismi inualida sunt. *Ita diffinitur c. omnes fideles, & c. nouissimè. de conse. d. 3.* Nam per Baptismum regeneramur in vita spirituali, per confirmationem recipimus augmentum vitæ spiritualis; sed augmentum supponit vitam: ergo.

5 Dub. 4. *An per confirmationem datur gratia.*

1. Concl. D. Tho. art. 7. Per confirmationem datur gratia per modum roboris. Nam in confirmatione datur plenitudo Spiritus Sancti ad robur internè: sicut in Pentecoste collata est Apostolis, visibiliter in eos descendente Spiritu Sancto, sed non mittitur Spiritus Sanctus internè, nisi per gratiam, ut dicitur 1. p. q. 43. art. 2. ergo.

2. Concl. Ex D. Th. ad 2. Ad recipiendum gratiam istius Sacramenti est necessaria vera contritio; cum sit Sacramentum viuorum ex sua specie ordinatum ad augendam, & roborandam gratiam Baptismi, & consequenter supponit vitam gratiæ. Sed ut dignè recipiatur, sat est contritio existimata. Ex dictis patet, quod etsi in omni tempore, & ætate possit recipi hoc Sacramentum, ut ait D. Th. ar. 9. sed quia auget gratiam Baptismi, optimè recipitur cum accedis ad vsum rationis antequam amittas gratiam Baptismalem.

6 Dub. 5. *An confirmandus debeat ab alio teneri.*

1. Concl. D. Tho. art. 10. Affirmatiua. Nam gratia confirmationis datur ad robur pugnæ spiritualis, ergo sicut nuper natus

natus eget alterius pædagogio in pèrinentibus ad vitæ conseruationem, sic qui ad pugnam adscribuntur egent instructo-ribus ad certamen. De cognatione contracta per Confirma-tionem dicemus q. 4. de Matrimonio, dub. 10.

Dub 6. *Quis sit minister Confirmationis.*

1. Conclusio. *D. Thom. art. 11* Solus Episcopus est mini-ster ordinarius. Ita in *Concil. Flor. & Trid. sess. 7.*

2. Conclusio. *D. Thom. ad 1.* Simplex Sacerdos potest ex commissione Pape confirmare, vt est communis sententia con-tra *Scot. & Durand.* Et videtur diffinitum in *Concil. Florent. cis.* vbi dicitur, quod Episcopus est minister ordinarius, etsi aliquando ex rationabili, & urgente admodum causa sit à Se-de Apostolica commissa facultas ministrandi hoc Sacramen-tum simplici Sacerdoti. Et in *Concil. Tolet. 1. cap. 20.* dicitur, posse presbyterum absente Episcopo Chrismare. Hæc de hoc Sacramento.

DE EUCHARISTIÆ SACRAMENTO.

D. Thomas quæst. 73.

S V M M A R I V M.

Quando hoc Sacramentum sit institutum, num. 1.

Pro quo supponat, num. 2.

Et quomodo sit unum, num. 3.

Nota 1. Eucharistiam esse potissimum Sacramentorum, à Christo institutum secundum aliquos inter cœnan-dum, vt videtur colligi ex illo *Matth. 26. Cœnantibus illis accepit Iesus panem*, aut quod verius est, post cœnam, vt in-sinuatur in *Clement. de relig. & ven.* & Ecclesia canit, *Post agnum typicum expletis epulis Corpus Dominicum datum discipulis*: & colligitur ex *Luc. 22. & 1. Cor. 11.* Vbi dicitur Christum accepisse Calicem postquam cœnauit. Sicut enim ad vitam corporalem requiritur generatio, qua homo vitam accipit; & augmentum, quo deuenitur ad vitæ per-fectionem, & alimentum, quo vita conseruatur, sic in spiritualibus, Baptismo in vita spirituali regeneramur; Con-firma-

firmatione spiritualiter augemur, & Eucharistia alimentamur spiritualiter.

Nota 2. Species consecratas, prout continent corpus Christi, esse Sacramentum Eucharistiæ. Ita communiter cum D. Thom. 3. par. quest. 73. art. 2. ad 2. Et patet. Nam in Concil. Trident. sess. 14. dicitur quod Sacramentum Eucharistiæ est visibile, sub quo corpus Christi continetur: sed hoc solum conuenit speciebus consecratis: ergo. Et parum tute ait Gabriel, Sacramentum Eucharistiæ esse consecrationem, aut sumptionem specierum. Et temerariè dixit Vuald. lib. de Sacrament. 21. quod corpus Christi est Sacramentum tantum; cum dicatur cap. cum Martha, de celebrat. Miss. corpus Christi esse res, & Sacramentum simul.

- 3 *Nota 3.* Ex D. Thom. art. 2. Quod ut ciuitas etsi constet ex multis domibus est vna simpliciter, sic Eucharistia, etsi constet ex multis speciebus panis, & vini, est vnum Sacramentum simpliciter, & formaliter. Et oppositum est plusquam temerarium. Imò erroneum, ait Nund hic, aut proximum errori: cum sit contra communem Ecclesiæ consensum satis explicatum in Cathe. Pij V. tract. de Eucharistia, vbi dicitur: Non plura Sacramenta Eucharistiæ, sed vnum tantum, Ecclesiæ autoritate confitemur. Sicut enim in naturalibus vnum simpliciter conuiuium resultat ex cibo, & potu: ita hic integratur vnum spirituale conuiuium; & Sacramentum ex speciebus panis, & vini. Et licet in singula specie saluetur simpliciter ratio Sacramenti, & totus effectus Eucharistiæ causetur in sumptione vnius speciei; tamen neutra species seorsum sumpta, est integrum, & perfectum Sacramentum. Nam Eucharistia significat Christi passionem, in qua Christus non solum mortuus est, sed eius sanguis effusus, quorum verumque significatur explicite in ambabus speciebus panis simul, & vini. Et licet ista explicita significatio non pertineat simpliciter ad essentiam Eucharistiæ, benè verò ad eius complementum, & integritatem.

QVÆSTIO PRIMA.

De materia Eucharistiæ.

D. Thomas quæst. 74.

S V M M A R I V M.

*Panis, & vinum, materia Eucharistiæ, num. 1.**Qualis panis sit necessarius, num. 2.**Quale vinum requiratur, num. 3.**An Eucharistiæ conficienda ex pane azymo, num. 4.**Miscenda est aqua vino ex præcepto Ecclesiæ sub peccato mortali, num. 5.**Hac aqua non conuertitur immediatè in sanguinem, num. 6.**An requiratur ad consecrationem determinata quantitas panis, & vini, num. 7.**An determinata intentio, num. 8.***D**VB. 1. *An panis, & vinum sint materia Eucharistiæ.* I

1. Conclusio. *D. Thoma art. 1.* Affirmatiua, diffinita in Concilio Florent. & Trident. sess. 13. & 21. Nam sicut aqua assumitur in Baptismo ad spiritualem ablutionem, quia corporalis ablutio communiter fit cum aqua: ita panis, & vinum, quibus communis reficiuntur homines, sumuntur in hoc Sacramento ad vsum spiritualis manducationis. *Et nota ex D. Thoma ad 2.* quod deficiente vna istarum specierum non potest fieri consecratio in altera sine dispensatione, aut declaratione Papæ. Nam præceptum integrandi sacrificium est diuinum, & grauissimum.

2. Conclusio. *D. Thoma art. 3.* Panis Eucharistiæ debet esse triticeus. Ita in Conc. Flor. Nam secundum fidem materia Eucharistiæ est panis, sed solus panis triticeus est simpliciter panis, vt patet ex communi vsu hominum vtentium isto pane, & si aliquando alio vtuntur, est ex defectu istius: ergo. Ex quo patet 1. cum *D. Thoma ad 2.* quod quidquid sit de vsu aliquorum locorum, spelta, & far, idest, scanda non sunt materia Eucharistiæ. Nam ista sicut & hordeum, ait Auicenna, & alij medici, sunt pabula iumentorum. Et saltem erit reuerentia consecratio in istis, in consilio Papæ, ob periculum non confi.

conficiendi Sacramentum. Imò etſi in ſententia probabiliori *D. Thom. ibi*, ſiligo eſt apta materia Eucharistiæ, eo quod eſt eiufdem ſpeciei cum tritico, & ex eo generatur, ſed quia non eſt materia indubitata, erit temerarium conſecrare in ea: etſi iuxta alios in caſu neceſſitatis ſit licitum. 2. Patet ex *D. Thom. ad 3.* panem oleo, vel alio mixtum in magna quantitate, non eſſe panem. Nam verus panis materia Eucharistiæ ſit ex farina triticea cum aqua naturali, non roſacea, aut alia artificiali, contra *Gaiet. art. 7. & S. a. ver. Miſſa*, & virtute ignis cocta, aut aſſa, & non frixa. Nam panis ſic conſectus eſt, qui communiter venit in uſus hominum Et eadem ratione, nec amilium, quidquid alij dicant, ſed contra *D. Thom. ad 3.* eſt materia Eucharistiæ. Nam non venit communiter in uſus hominum, cum fiat ex tritico corrupto, vt acetum ex vino.

3. Concluſio. *D. Thom. art. 5.* Vinum Eucharistiæ debet eſſe vitis. Ita *cap. cum omne, de conſec. d. 1.* Nam Chriſtus in vino vitis conſecrauit, iuxta illud *Matth. 26.* Vbi circa institutionem huius Sacramenti, ait Chriſtus: *Non bibam de hoc genere vitis.* 2. Vinum vitis magis conuenit ad effectum Eucharistiæ, qui eſt ſpiritalis lætitia; nam vinum lætificat cor hominis. *Pſalm. 103.* Ex his patet, quod quoties diſſoluitur vera ſpecies vini, vt in aceto, ait *D. Thom. ad 2.* & vino multum lymphato, deſinit eſſe materia Eucharistiæ, & aliàs non. Et ſic, ait *Soto, & S. a. ver. Miſſa, contra Nunno*, in vino congelato ſit conſecratio: & in muſto, vt ait *D. Thom. ad 3.* Nam muſtum eſt vinum, etſi impurum, & imperfectum, vt patet ex *Concil. Bracar. 3. ca. 1.* vbi dicitur, ſi ſit neceſſe botrus exprimitur in calice, & miſceatur aqua, & ſic fiat conſecratio. Nec eſt idem de maſſa, quæ non eſt apta conſecrationi. Nam per actionem extrinſecam ignis acquirit formam panis: at muſtum ex ſua intrinſeca virtute acquirit illam depurationem, & decoctionem. Nec etiam eſt idem de muſto in uis, nam ſic non eſt potabile, ſed comediſibile.

4. Dub. 2. *An Eucharistia ſit conficienda ex pane azymo.*
1. Concluſio. *D. Thom. art. 4.* Etſi Eucharistia conficiatur ex pane azymo, aut fermentato, valida ſit conſecratio, vt diſſinitur in *Concil. Flor.* ſed uſus Latinorum conſecrantium in azymo eſt rationabilior. Nam Chriſtus cœnauit primo die azymorum, vtpotè quarta decima Luna ad vesp̄um, vt patet *Matth. 26. & Marc. 14.* Sed in diebus azymorum nihil fermentatum debebat eſſe in domibus Iudæorum;

vt habetur Exod. 12. ergo supposito quod Christus tunc instituit Eucharistiam, vt dixi, consecrauit in azimo; & sic hæc erit rationabilior materia.

2. Concl. Sacerdos in hoc tenetur seruare ritum suæ Ecclesiæ: Peccabit enim Latinus consecrando in fermentato, & Græcus consecrando in azymo, contra Scotum, etiam secluso scandalo, & cum magna necessitate, vt ob communicandum infirmis. *Ita communiter cum D. Thom. art. 4.* Et patet. Nam discedere priuata auctoritate à rationabili vsu suæ Ecclesiæ in re grauissima, vt est ista, est peccatum mort. Imò Pius. V. in motu incipiente, Prouidentia Romani Pontif. 13. Kalen. Septem anni. 1566. reuocat licentias Græcorum latino more, & Latinorum Græco ritu Missas, ac alia diuina officia celebrandi hæctenus concessas.

Dub. 3. *An mixtio aqua cum vino sit de necessitate Eucharistia.*

1. Conclusio Diu. Thomæ articul. 7. Ista mixtio solum est de necessitate præcepti. Et oppositum est temerarium contra communem sententiam. Et omnia Concilia solum assignant pro materia necessaria. panem, & vinum. Nec valet quod Christus vsus est tali mixtione. Nam non omnia quibus vsus est Christus sunt de essentia Sacramentorum, vt patet in benedictione Panis. Quæ enim sint necessaria, ex iudicio Ecclesiæ sunt accipienda. Imò in Concilio Trident. sess. 22. cap. 7. dicitur præceptum miscendi aquam cum vino esse Ecclesiasticum, & censetur impositum Ab Apostolis ob Christi exemplum, & ex tunc in Ecclesia obseruatum, vt sic in hac mixtione; vt dicitur in Concil. Trid. citat; fiat explicita commemoratio Passionis Christi, in qua fluxit sanguis, & aqua ex eius latere. Et sic, etsi aqua miscenda, sit in se res parua, & in ordine ad Eucharistiam est res grauissima. Tum ob significationem prædicti fluxus sanguinis, & aquæ. Tum etiam, quia, vt dicitur in Conc. Trid. cit. significat effectum Eucharistiæ, vtpotè vnionem populi fidelis ad Christum. Et sic omittere dictam mixtionem, erit grauissimum peccatum mort. *Ita ex D. Tho. art. 6.*

2. Conclus. Ex D. Thom. art. 8. Aqua miscetur vino in quantitate qua possit ante consecrationem conuerti in vinum, aliàs non erit consecrabilis. Et in Conc. Tribut. cap. 19. dicitur quod due partes sint vini, & tertia aquæ. Ex dictis patet temerarium dictum Altiss. lib. 4. summ. tract. 5. cap. 2.

Quod aqua immediate conuertitur in sanguinem Christi, contra communem sententiam cum D. Thom. hic. Nam illud solum conuertitur in sanguinem Christi, quod est materia Eucharistiae sed aqua non est sic: vt patet ex dictis: ergo. 2. In Conc. Trid. sess. 13. c. 2. dicitur quod facta consecratione solum manent species panis, & vini, & non ait, quod manent species aquae: ergo aqua non conuertitur immediate in sanguinem Christi, sed vinum. Alias si non sit in vinum conuersa cum sit consecratio sed postea conuertitur, non manebit consecrata pars vini in quam conuertitur post consecrationem, sed manet circumfusa speciebus vini consecratis, sicut antea aqua erat circumfusa substantiae vini.

7 Dub. 4. An ad Eucharistiam requiratur determinata quantitas panis, & vini.

1. Concl. D. Thomae art. 2. Recte fit consecratio per se loquendo in materia vbi est substantia panis, & vini, siue sit parua, siue magna. Nam Christus solum determinauit panem, & vinum pro materia Eucharistiae, nulla facta mentione quantitatis. Sed aliquando per accidens requiritur quantitas determinata. Nam vt valeat consecratio, materia debet esse praesens consecranti, vt verificetur forma, sed potest dari quantitas ita magna, quae non possit esse praesens, vt si totum mare conuertatur in vinum, ergo. Et nota non requiri praesentiam physicam materiae. Nam saepe Sacerdos consecrat magnam copiam hostiarum, quarum multas nullo percipit sensu, vt Sacerdos caecus, & sine odoratu, & tactu materiae, consecrat eas. Sat est praesentia physica, vel moralis, qua materia existens etiam a tergo, seu post parietem, ex odore, tactu, aut visu, etsi sit maxime distans, aut alia via certissima morali cognoscatur vt si fide dignus dicat Sacerdoti caeco illam esse praesentem. Hoc enim fat est vt Sacerdos designet materiam in particulari & vt verificetur forma consecrationis & vere dicat. *Hoc est corpus meum, & Hic est calix sanguinis mei.*

8 2. Conclusio. Ad valorem consecrationis requiritur determinata intentio ministri circa determinatam materiam. Nam etsi Sacerdos habens intentionem consecrandi totum cumulum hostiarum praesentem, verè consecret illum, etsi ignoret numerum hostiarum: imò etsi censeat esse plures, aut pauciores, quam sint de facto; tamen si intendit consecrare tantum quatuor ex eis, non signando eas in particulari, nullam consecrat.

QVÆSTIO SECVNDA.

De forma Eucharistiæ.

D. Thomas. q. 78

S V M M A R I V M .

*Qua sit forma necessaria consecrationis panis, num. 1.**Qua forma consecrationis vini, num. 2.**Virtute harum consecrationum panis & vinum conuertuntur in corpus & sanguinem Christi, num. 3.**Hæc conuersio est substantialis, num. 4.**Facta consecratione remanent accidentia panis & vini, n. 5.**Sola tamen quantitas sustentatur miraculosè; cetera accidentia non item, num. 6.**Non remanet existentia substantia panis, num. 7.**An species Sacramentales possint aliquid immutare, num. 8.**An ex eis possit alia substantia generari, num. 9.**An per mixtionem alterius liquoris in vino consecrata, desinat esse sanguis Christi, num. 10.***D**V.B. 11. *An sola ista quatuor verba. Hoc est corpus meum, aut alia æquivalentia sint forma consecrationis panis.* I

1. Concl. D. Tho. art. 2. Affirmatiua. Ita communiter contra Sco. in 4. d. 8. quæst. 2. asserentem dicta verba cum alijs præcedentibus, vtpotè, *accipiens panem, &c.* esse formam consecrationis panis. Sed concl. patet 1. ex Conc. Flor. circa finem. Vbi sola dicta quatuor verba assignantur pro forma, & iuxta vsum Ecclesiæ. Secundo, Illa est forma, quæ significat conuersionem panis in corpus Christi sed hoc significant illa sola verba, aut alia æquivalentia, vt si dicas, *ista est caro mea*, cum caro ex vsu Sacræ Scripturæ & Christi, vt patet Ioan. 6. pro corpore accipiat. ergo Ex hoc patet, quod non sit consecratio per ista verba: *Hoc fiat, aut sit corpus meum, aut corpus Christi*: Nam ista verba non æquivalent dictis verbis, Ita D. Thom. ad 1. q. 78. art. 2. ad 2. ad 3.

2. Concl. Sine ly. *enim* sit consecratio, cum non sit de essentia, sed de integritate formæ. Ita D. Thom. ad 5. art. 2. Est si

peccatum mort. illud omittere.

2. Dub. 2. *An sola ista verba, Hic est calix sanguinis mei; aut aequivalentia, ut si dicas, Hic est sanguis meus, sint forma consecrationis vini.*

1. Conclusio. D. Thomæ art. 3. affirmatiua. Nam sola illa verba significant conuersionem vini in sanguinem Christi, ait D. Thom.

2. Concl. Verba quæ sequuntur, scilicet, *novi, & aterni*, &c. solum sunt de integritate formæ; quod D. Thom. vocat de substantia formæ. Ita enim verba solum important expressiorem significationem eius, quod continetur implicite in verbis essentialibus vtpotè, passionem Christi, per sanguinis effusionem, & virtutem talis effusionis. Quæ ad tria ordinatur: 1. Ad adipiscendum gloriam, iuxta illud ad Heb. 10. *Habemus fiduciam in introitu sanctorum per sanguinem eius.* Et hoc designatur in illo; *novi & aterni testamenti*. Secundo, ordinatur ad iustitiam gratiæ, quæ est per fidem; iuxta illud ad Roman. 3. *Quam proposuit propitiatorem per fidem in sanguine eius, ut sit ipse iustus, & iustificans eum, qui ex fide est Iesu Christi.* Et quoad hoc dicitur, *Mysterium fidei*. Tertio, ordinatur ad remouendum impedimenta vtriusque prædictorum, vtpotè peccata; iuxta illud ad Heb. 9. *Sanguis Christi emundabit conscientias nostras ab operibus mortuis.* scilicet peccatis. Et quoad hoc dicitur, *Qui pro vobis, & pro multis effundetur.* Et si quæris, cur adduntur illa verba in consecratione calicis, & in consecratione panis non additur illud, *Quod pro vobis tradetur, ut fiat expressa intentio passionis Christi, & fructus eius, cum vtrumque sit memoriale Passionis Christi.* Ad hoc dico ex D. Thom. ad 2. & 7. quod per effusionem sanguinis expressius declaratur Christi passio, & specialiter dicitur sanguis pretium nostræ redemptionis.

3. Dub. 3. *An virtute prædictorum verborum substantia panis & vini conuertatur in corpus & sanguinem Christi.*

1. Conclusio. D. Thom. art. 4. & 5. affirmatiua, diffinita in Conc. Trident. sess. 13. cap. 4. & can. 2. Ex quo patet, terminum istius conuersionis non esse materiam nudam contra Gab. nec continentiam seu præsentiam corporis Christi sub speciebus: cum ista sit accidens de prædicamento vbi, sed ipsam substantiam corporis Christi, siue actu habentis animam, siue non, ut si consecratio fieret in triduo mortis Christi.

Christi. Nam ista conuersio est substantialis, & sic debet determinari ad substantiam. Nec requiritur ad hoc, vt corpus Christi ex vi talis conuersionis producatur de nouo. Inuò verba consecrationis supponunt corpus Christi præexistens. Quando enim dicitur, *Hoc est corpus meum*. *Iy meum* dicit ordinem ad Christum proferentem illa verba. Vnde si corpus Christi non esset tunc in rerum natura, deberet prius produci per distinctam actionem, vt postea transubstantiaretur in Eucharistiam. Dicta ergo conuersio dicitur substantialis; quia habet pro termino primario substantiam corporis Christi, cum ordine ad esse substantiale Sactamentale; nam panis vere conuertitur in corpus Christi: ergo conuersio illa attingit substantiam corporis Christi, non producendo eam, sed in eam conuertendo substantiam panis. Et sicut conuersio esset substantialis, si panis ita transiret in corpus Christi vt de nouo ei accresceret aliqua pars substantiæ; ita secundum fidem dicendum est istam conuersionem esse substantialem, quia panis vere conuertitur in corpus Christi, etsi nulla substantia addatur ei de nouo. *Et nota* quod modus essendi Sacramentaliter stat in hoc, quòd ex virtute supernaturali corpus in se extensum & diuisibile continetur sub speciebus indiuisibiliter, & sine ordine ad locum; sicut anima indiuisibiliter est tota in toto corpore, & tota in quauis parte corporis. Quod enim conuenit animæ ex natura sua, communicatur supernaturaliter corpori Christi in Eucharistia.

2. Conclusio. Ista conuersio habet pro termino secundo præsentiam, seu continentiam corporis Christi in Sacramento sub speciebus: Et sic illa verba, *Hoc est corpus meum*, ait D. Th. art. 5. verificantur, sic contentum sub speciebus est corpus meum. Ex dictis patet 1. istam conuersionem non esse substantialem, quia sit conseruatiua corporis Christi in Sacramento, vt dicebant alij: Tum quia implicat aliquid ab alio conseruari in vno loco, & non in omni loco, sed conuersio non conseruat corpus Christi in esse quod habet in cælo: ergo nec in Sacramento: cum sit idem esse, etsi diuerso modo se habens. Tum etiam: nam sic non attingeretur substantia, sed conditio accidentalis eius. Secundo patet, cont. Scoto substantiam panis in Eucharistia non annihilari; cum conuertatur in substantiam corporis Christi, & alias annihilatio tendat ad non esse rei, sine ordine ad aliam rem, excludendo terminum positiuū. Item annihilatio terminatur ad non esse absolute, sicut creatio ad esse

totius absolute. Sed in hac conuersione non definit esse totus panis: cum maneant accidentia, quæ sunt aliquid panis, vt statim dicemus.

8

Dub. 4. *An in Eucharistia maneant accidentia panis, & vini.*

1. Conclus. Diu. Thom. q. 77. artic. 1. Affirmatiua. Et quod maneant accidentia, expresse diffinitur cap. firmiter, de summa Trinitate. Et quod maneant omnia accidentia etiam propria, quæ alias differunt realiter à substantia, est ita certum, vt oppositum sit temerarium, & periculosum in fide, imo erroneum, ait Soto. Nam Concilia vniuersaliter docent manere accidentia panis, & vini, nulla facta distinctione: ergo cum non sit maior ratio de vno, quam de alio, de omnibus intelligitur conclusio.

2. Conclusio. D. Thomæ ibi. Ista accidentia manent in Eucharistia sine subiecto. Ita diffinitur in Conc. Constant. sess. 8. Et patet. Nam in Eucharistia non est substantia panis vbi sustententur, nec sustentantur in corpore Christi. Nam substantia corporis humani non potest affici accidentibus panis. Nec corpus impassibile & gloriosum potest suscipere istas qualitates, cum sit inalterabile. Nec subieciuntur in aere circumstante. Nam idem numero accidens, cum accipiat numerum à subiecto, non potest transire de subiecto in subiectum: ergo manent sine subiecto cum sola aptitudinali inhærentia, & ordine ad subiectum, quæ est de eius essentia, & non actualis inhærentia.

6

3. Concl. D. Thomæ ibi art. 2. Quantitas est in Eucharistia miraculose sustentata, sed alia accidentia etiam in passiones panis, & virtus nutritiua & confortatiua, sunt in quantitate sine nouo miraculo. Sicut si intellectus ab homine separetur, erunt in eo species: cum istæ inhæreant animæ medio intellectu. Sic accidentia corporalia inhærent substantiæ media quantitate. Et patet etiam ratione D. Tho. Nam illa accidentia manent in Eucharistia extensa: sed omnia extenduntur media quantitate, cum ista ex sua essentia habeat extendere partes: ergo. Si dicas accidentia manere quanta & extensa, sed non subiectata in quantitate, contra est; nam quantitas denominatur ab illis; dicitur enim alba: ergo.

An, verò in Eucharistia maneant forma panis. In hoc D. Thom. qu. 75. art. 6. negat. *Vbi nota*, quod etsi sit de fide, nil substantiæ panis manere possit consecrationem, vt dixi dub. 3. sed

sed quia non est de fide, formam qua constituitur panis, esse substantialem: cum dicat Sco. esse artificialem, non est error dicere quod manet, etsi vtrunque sit falsum, & parum tutum, ait Nunno.

4. Conclusio. Etsi sit p^o obabile accidentia non habere aliam existentiam, nisi existentiam substantiæ, *ut dicitur 1 p. qn. 3* non verò est probabile manere in accidentibus Eucharistiæ existentia substantiæ panis. Et oppositum secundum omnes est parum consonum fidei. Nam talis existentia pertinet ad substantiam panis, & aliquid eius: ergo cum tota substantia panis desinat esse, desinet etiam esse illa existentia. Et licet esset eadem existentia panis, & suorum accidentium, destrueretur illa existentia, & communicaretur accidentibus virtute diuina alia existentia accidentali.

Dub. 5. *An species Eucharistia possint aliquid immutare.*

1. Conclusio. *D. Thom. q. 77. art. 3.* Affirmatiua. Et intelligitur & de immutationibus accidentalibus, vt calefacere, respectu quorum quantitas est agens principale, sicut & est subiectum istarum specierum; & de immutationibus substantialibus, sicut calor vt octo à substantia separatus, si est vltima dispositio introducit formam ignis, & expellit formam contrariam. Et istæ immutationes semper sunt in virtute substantiæ præcedentis.

2. Conclusio. *D. Thom. art. 5.* Quod generatur ex speciebus Sacramentalibus non fit ex materia prima, cum ibi non sit sed ex quantitate gerente in vi prioris miraculi vicem materiæ primæ: non quod quantitas intret substantiam rei genitæ: cum sit accidens, & corrumpatur, sed quia materia producitur à Deo per quandam quasi conuersionem quantitatis in illam. Et ad hoc etiam disponit agens naturale corrumpendo quantitatem, & introducendo dispositiones, ad quas sequitur vnio materiæ & formæ geniti, ex cuius materiæ potentia educitur forma ab agente naturali. Ex dictis patet, quod nec materia prima, nec substantia producta creantur. Nam creatio fit ex nihilo, at materia ista, & substantia producuntur vt ex termino à quo ex quantitate Eucharistiæ gerente vicem materiæ, vt dixi. Nam verè ista productio dicitur generatio, cum succedat corruptioni, & corruptio vnus semper fit generatio alterius. *Si arguas:* Nil verum producti existerat antea: non materia, cum de nouo producat: non forma, nec accidentia vt patet: ergo est productio totius entis & creatio, *Ad hoc dico,* quod

materia quodammodo præexistebat in quantitate gerente vicem eius, in qua etiam disponebatur ad generationem vermis, & forma quodammodo præexistebat etiam in potentia quantitatis, secundum quod gerebat vicem materiæ, & ex vi dispositionum agentium naturalium producitur vermis, & producitur à Deo materia prima inclinata ad istam formam. Ex dictis patet, quod species Sacramentales nutriunt. Ita *D. Thom. art. 6.* Nam si ex eis de facto generatur substantia, ut vermis, poterunt etiam in virtute substantiæ, ait *D. Thomas ad 3. conuerti in substantiam corporis humani, quod est illud nutrire.*

3. Conclusio. *D. Thomæ artic. 7.* Diuisis speciebus Sacramentalibus non diuiditur Corpus Christi, sed integer durat in quauis particula, vbi conseruaretur substantia panis; cum sit incorruptibile. Ita *diffinitur in Conc. Trident. sess. 13. canon. 3.*

10 4. Conclus. *Diui. Thomæ artic. 7.* Si alius liquor misceatur vino consecrato in quantitate penetrante totum vinum consecratum, & fiat vtriusque integra permixtio, non manet vinum consecratum. Sed si mixtio fit in parua quantitate, nec diffundat se per totum vinum consecratum, in sola parte, quam attingit mixtio, definit esse sanguis Christi. Nec est idem de aqua addita aquæ benedictæ, ait *D. Thom. ad 3. vbi vide.*

QVÆSTIO TERTIA.

De modo essendi Christi in Eucharistia.

D. Thomas quæst. 76.

S V M M A R I V M.

Quid ponatur ex vi verborum consecrationis panis & vini, num. 1.

Quid ponatur per concomitantiam. n. 2.

An adsint ibi Pater & Spiritus sanctus. n. 3.

An totus Christus sit sub quauis particula specierum. n. 4.

Quam extensionem habeat ibi corpus Christi. n. 5.

An sit ibi tanquam in loco. n. 6.

An moueatur ad motum hostia. n. 7.

An possit videri oculo corporeo. n. 8.

An possit cognosci ab intellectu creato. n. 9.

An Christus in Eucharistia habeat actiones immanentes. n. 10.

An si in Eucharistia appareat caro aut puer, sit ibi corpus Christi. n. 11.

DVB. 1. *An totus Christus contineatur in Eucharistia.*

1. Conc. D. Tho. art. 1. & 2. Totus Christus continetur sub quavis specie Eucharistice. Ita diffinitur in Conc. Trident. sess. 23. can. 1.

2. Concl. Ex vi verborum consecrationis panis, continetur sub specie panis, ut dicitur in Conc. Trid. sess. 13. can. 3. corpus Christi organizatum, & constitutum formaliter, & intrinsecè per carnes, ossa, & nervos. Ita D. Tho. art. 1. ad 2. & communiter. Et sancti Patres, Imò & Christus Ioan. 6. contentum in Eucharistia indifferenter appellant corpus & carnem. Et patet. Nam id continetur sub specie panis ex vi verborum, in quod fit conuersio panis significata per verba, sed per verba ista, *Hoc est corpus meum*, significatur conuersio panis in corpus, quod est altera pars condistincta contra animam, dicens intrinsecè, & non solum radicaliter, carnes, nervos, & ossa: ergo. Et ex dictis patet, quod sub specie panis continetur ex vi verborum illa forma, quæ dat corpori esse corporeum: ita ut si corpus Christi sit viuum in se, ex vi verborum continetur anima ut dat esse corporeum solum. Et si corpus Christi sit mortuum, ut in triduo mortis Christi, ex vi verborum continetur forma cadaueris, ut dat esse corporeum. Nam terminus istius conuersionis est corpus: ergo intrinsecè includit formam dantem esse corporeum.

3. Conclusio. D. Thomæ ibi. Sub speciebus vini ex vi verborum consecrationis calicis solum continetur sanguis Christi. Ita in Concil. Trident. citat. Nam sic significatur in istis verbis: ergo sic fit.

4. Concl. D. Thom. artic. 1. in Eucharistia continentur per concomitantia omnia realiter vnita corpori, & sanguini Christi, v. gr. sub specie panis continetur sanguis, & sub specie vini corpus, & sub quavis specie continetur anima, & diuinitas. Ita in Concil. Trident. sess. 13. canon. 3. cum omnia ista pertineant ad suppositum Christi. Et continentur concomitanter, ait D. Tho. art. 5. ad 3. omnia accidentia intrinseca: cum intrinsecè aduent suppositum Christi. Et
idem

idem est de alijs tribus humoribus. Ex dictis patet, quod si in triduo mortis Christi, ait *D. Thom. art. 2.* consecraretur panis, esset ibi sub speciebus panis corpus sine sanguine; & si consecraretur vinum esset ibi sub speciebus vini solus sanguis. Nam corpus Christi ponitur sub speciebus panis ut est in se, sed totus sanguis Christi erat tunc à corpore separatus, & si aliquis sanguis maneret in cadavere Christi, non esset ei realiter vnitus, sed esset ibi ut in vase: ergo.

3. 5. *Conclus.* Pater & Spiritus sanctus non sunt concomitanter in Eucharistia; cum nec vniantur realiter supposito Christi, sed ab eo realiter differant; nec dicamus comedere Patrem, aut Spiritum sanctum, sicut dicimus comedere Deum, & Filium Dei, & alia quæ sunt concomitanter in Eucharistia. Sed quia Pater & Spiritus sanctus essentialiter vnuntur diuinæ essentiae, implicat essentiam esse in Eucharistia, quin sint ibi Pater & Spiritus sanctus, etsi non per concomitantiam, ut diuina, sed alio specialiori modo. Qui colligitur ex eo quod Trinitas operatur in Eucharistia alios mirabiles effectus, præter eos quos operatur in alijs rebus. Nam in istis existit sicut causa naturalis operando effectus naturales: At in Eucharistia existit operando quemdam extraordinarium effectum supernaturalem, qui est vnire corpus Christi cum speciebus, & sustentare accidentia sine subiecto: Ita *Lodesm. cap. 7. de Eucharistia. Si arguas*, Pater & Spiritus sanctus realiter vniantur diuinitati, sed diuinitas est in Eucharistia concomitanter: ergo & Pater & Spiritus sanctus: *Ad hoc nego consequent.* Nam ut Pater, & Spiritus sanctus sint concomitanter in Eucharistia, oportet ut vniantur supposito Christi, sicut alia quæ sunt ibi concomitanter. Et licet Pater & Spiritus sanctus vniantur diuinitati, sed non ut constituit suppositum Christi, sed ut formæ communi Trinitatis.

4. 6. *Conclusio. D. Tho. art. 3.* Totus Christus continetur sub quauis particula specierum, vnita, aut ab alijs diuisa. Sicut homo cum tota quantitate relucet in speculo, & fracto speculo totus relucet in quauis parte. Ita *diffinitur in Concil. Trident. sess. 13. can. 3.* Et colligitur ex facto Christi Matth. 26. ubi Christus consecrato integro pane, ut insinuat dum dicitur, *benedixit*, postea *fregit* illud, ac discipulis diuisit. Et de calice ait, *accipite & diuidite inter vos*, 2. Corpus Christi ex vi Sacramenti continetur sub speciebus per modum

dum substantiæ: ita ut etsi in se sit diuisibile, & quantum, & cum organizatione, & distinctione partium, non tamen est in Eucharistia secundum modum quantitatis per commensurationem partium continentis, & contenti, sed indiuisibiliter ad modum substantiæ. Sed substantia ex se seclusa quantitate est indiuisibilis tota in toto, & tota in quauis parte, ut anima: Ergo corpus Christi est totum in tota hostia, & totum in quauis parte eius, vnita, aut separata quantumuis minima, ubi antea erat substantia panis. Et idem est de quantitate corporis Christi, cum sit in Eucharistia per modum substantiæ, & non per modum quantitatis. Ita *D. Thom. art. 4. Et nota*, 5 quod effectus formalis quantitatis est, extendere substantiam, & facere distinctionem partium, & cum iste effectus sit ab ea inseparabilis, corpus Christi in Eucharistia habet partes ita extensas, & distinctas, sicut est in se. Manus enim distinguitur à capite, &c. Et ex isto effectui manat alter, qui est extendere, & commensurare partes locati cum partibus loci; ita ut locatum non cedat locum, & iste effectus est separabilis à quantitate. Et sic in minima parte hostiæ continetur totus Christus cum tota sua quantitate, quæ maior est quantitate hostiæ. Nec mirum si quando quantitas est in alio non per se, sed concomitanter ratione alterius, cui vnitur intrinsecè, utpote ratione corporis Christi, non sit, ait *D. Thom. ad primum*, iuxta suum modum, sed iuxta modum eius, quem comitatur, utpote iuxta modum substantiæ, tota in tota, & tota in quauis parte hostiæ, quod est esse indiuisibiliter, non in ordine ad se, quæ sic ubique est diuisibilis, sed in ordine ad locum. Ex quo patet, corpus Christi non habere situm in Eucharistia, aut aliquam differentiam positionis. Nam ista proueniunt ex varia dispositione partium in ordine ad locum hic non reperta.

Dub. 2. *An corpus Christi sit localiter in Eucharistia.*

1. Conclusio. *D. Thoma art. 5.* Negatiua. Nam locatum est in loco per hoc, quod commensuratur loco iuxta suam quantitatem, sed Christus est in Eucharistia secundum modum substantiæ, & non secundum modum quantitatis: ergo. Secundò patet ex *D. Thom. ad 1.* Corpus Christi non est in Eucharistia circumscriptiue, ita ut commensuretur speciebus, cum quantitas specierum sit multo minor. Nec est ibi diffinitiue, alias taliter determinaretur ad istas species, ut ex modo essendi in illis repugnaret esse eodem modo in alijs

alijs hostijs : ergo . Et quidem D. Thom. non solum negat Christum contineri localiter in speciebus, cum nec substantia panis cui succedit, contineretur in illis localiter : sed etiam negat Christum contineri in loco, ubi panis ante consecrationem continebatur cum speciebus . Nam corpus Christi non comparatur ad locum panis , & specierum media propria quantitate , sicut comparabatur panis , sed è contra quantitas corporis Christi comparatur ad illum locum mediante substantia corporis Christi , & secundum eius modum .

2. Conclusio . Corpus Christi continetur in Eucharistia modo ineffabili consistente in hoc , quod substantia corporis Christi succedit substantiæ panis, sub speciebus, intima vnione , sicut substantia panis vniebatur illis , ratione cuius verè manducatur Christus manducatis speciebus . Et ob istam intimam vnionem corporis Christi cum speciebus dicitur contineri per accidens in loco specierum, & moueri ad motum earum , & esse in multis locis . Et si enim vnum corpus non possit esse, etiam de potentia absoluta , in multis locis per se circumscriptiuè , & diffinitiuè : potest tamen esse in illis per accidens . Nam in loco per accidens non commensuratur , nec coarctatur loco , vt patet in Angelo .

7 Dub. 3. *An corpus Christi moueatur ad motum hostiæ .*

1. Conclusio . D. Thom. art. 6. Christus mouetur per accidens ad motum hostiæ . Et iste est communis sensus Ecclesiæ . Et sic opposita sententia Durandi censetur erronea . Nam Ecclesia communiter fatetur corpus Christi circumferri : eleuari, &c. ob realem visionem cum speciebus . At non conueniunt ei aliæ mutationes . Non enim calet, nec frangitur, calefactis , & fractis speciebus . Nam vnio Christi cum speciebus non est hypostatica , & sic non verificantur de Christo , quæ dicuntur de speciebus , nisi improprie , & figuratiuè . Sicut Chrysost. in Ioan. homil. 4. ait Christum videri à nobis in Eucharistia , & quod dentes nostri insiguntur carni eius, eò quod species videntur , & dentes insiguntur speciebus , in quibus Christus continetur .

2. Conclusio . D. Thomas ibi . Est impossibile Christum moueri per se localiter in Eucharistia . Nam motus localis est corporalis , & diuisibilis , requirens necessario extensionem , & modum se habendi quantitatuè in subiecto, sed corpus Christi , vt est in Eucharistia , non replet aliquod spatium diuisibiliter , sed est totum in tota hostia , & totum in quauis parte eius :

eius : ergo non potest se mouere per se per tale spatium motu diuisibili . Et sic quando species corrumpuntur non definit esse in illis corpus Christi per motum localem , & successiue , sed in instanti , quo est verum dicere , non sunt species . Nec definit esse in speciebus corruptis per motum substantialem in suo esse , cum corpus Christi non pendeat in suo esse à speciebus , etiam post consecrationem , sicut nec antea : sed definit esse sub speciebus per deperditionem modi Sacramentalis , utpotè indiuisibiliter existendi , pertinentis reductiue ad prædicamentum substantiæ . Nam istum modum acquisiuit per conuersionem Sacramentalem .

Dub. 4. *An corpus Christi possit videri in Eucharistia.*

8

1. Conclusio . *D. Thomæ art. 7.* Corpus Christi in Eucharistia non potest videri oculo corporali , etiam glorificato , nec percipi aliquo sensu , etiam interno . Nam corpus Christi est in Eucharistia per modum substantiæ , sed substantia ut sic non est visibilis , nec subiacet alicui sensui , etiam interno , sed solo intellectui : ergo . *Si arguas* , Christus videt se in Eucharistia : ergo & videri potest ab oculo saltem glorioso . *Ad hoc ex D. Thom. ad 2. negatur consequentia.* Nam Christus respectu sui est quantum , & coloratum , nec habet respectu sui modum indiuisibilem , & sic est sibi obiectum proportionatum . Item corpus Christi gloriosum est diaphanum , & sic sine alio medio extrinseco per suum corpus possunt species visibiles deferri vsque ad eius oculos .

2. Conclusio . *D. Thom. ibi.* Intellectus creatus , etiam Angelicus , non potest naturali virtute cognoscere modum Christi existendi Sacramentaliter in Eucharistia . Nam modus iste ex parte principij est omnino supernaturalis , & quoad entitatem est altioris ordinis lumine naturali . Nec etiam potest intellectus creatus cognoscere ipsam substantiam corporis Christi , prout est in Eucharistia . Nam corpus Christi , ut sic , nec pertinet ad ordinem vniuersi , nec habet aliquam colligationem , aut proportionem cum causis naturalibus , sed comparatur ad Deum operantem supernaturaliter : ergo non pertinet ad cognitionem naturalem Angeli . Nec valet , Christus cognoscit se in Eucharistia : ergo & Angelus eum cognoscit . Nam Christus etiam in Eucharistia non habet respectu sui modum Sacramentalem , sed est sibi realiter præsens , & obiectum proportionatum suæ cognitioni naturali , non sic autem respectu Angeli : cum non pertineat ad ordinem

9

dinem vniuersi . Et est exemplum in cogitationibus liberis Angeli , quæ naturaliter innotescunt habenti eas , sed non alteri Angelo .

3. Conclusio . *D. Thoma ibi* . Beati clarè vident in Verbo corpus Christi , etiam est in Eucharistia , & modum existendi Sacramentaliter , cum cognoscant alia excellentiora , utpotè essentiam Dei , ob eleuationem luminis gloriæ , quo participant supernaturalitatem , & proportionem cum obiecto supernaturali .

- 10 4. Conclusio . Christus in Eucharistia habet actiones immanentes , sed non potest immutare aliquod corpus per actionem transeuntem . Nam corpus Christi in Eucharistia comparatur ad alia extrinseca modo omninò indiuisibili , qui non potest esse connaturalis , nec proportionatus causæ corporali ad operandum . Imò nec possunt esse in Christo , prout est in Eucharistia , actiones immanentes in ordine ad extrinseca , ut visio , auditio . Nam istæ actiones formaliter suum dicunt ordinem ad extrinseca , & requirunt debitam approximationem ad obiectum , quæ non possunt conuenire corpori Christi in Eucharistia . Sed erunt istæ actiones secundum entitatem in Christo in Eucharistia concomitanter : Nam sunt accidentia intrinsecè in hærentia in potentijs Christi , quando operatur extra Sacramentum .

- 11 Dub. 5. *An si in Eucharistia appareat caro , aut puer , sit ibi corpus Christi* .

1. Conclusio . *D. Thom. art. 8.* Dum manent dimensiones panis , quæ erant ante consecrationem , & sunt fundamentum aliorum accidentium , manet ibi corpus Christi , non solum quando talis apparitio sit extrinsecè per immutationem medijs , vel visus , ut patet , cum nulla fiat tunc immutatio ex parte Sacramenti : sed etiam quando fit per immutationem specierum Sacramentalium circa colorem , aut figuram . Nam tandiu durat Christus in Eucharistia , quandiu durant accidentia , quæ conseruarent substantiam panis , sed licet color , & figura panis sint eius accidentia : at non sunt necessaria pro conseruando substantiam panis : ergo &c. Istæ enim apparitiones taliter fiunt , quod manet eadem quantitas , & aliqua accidentia sub quibus conseruaretur substantia panis , etsi varientur aliqua accidentia , ut color , & figura .

2. Conclusio . *D. Thom. ibi* . Si quantitas taliter varietur , ut caro , aut puer non appareat sub dimensionibus , sub quibus erat

erat antea substantia panis, sed sub multo maioribus non continebitur corpus Christi in tota illa quantitate de nouo apparen- te: sicut nec substantia panis sub ea contineretur.

3. Conclusio. *D. Thom. ad 2.* In istis apparitionibus non videtur propria species Christi, sed alia species miraculosè formata in oculis videntium, aut in ipsis Sacramentalibus dimensionibus. Iam enim dixi *dub. 4.* quod corpus Christi in Eucharistia non potest videri oculo corporeo.

QVÆSTIO QVARTA.

De effectibus Eucharistiæ.

D. Thomas quæst. 79.

S V M M A R I V M.

Quis sit effectus huius Sacramenti, num. 1.

Quando causatur isto effectus, num. 2.

An Eucharistia minuat somitem, num. 3.

An adeptio gloriæ sit effectus Eucharistiæ, num. 4.

An Eucharistia remittat peccata, & penas, num. 5.

An præseruet à peccatis futuris, num. 6.

An peccata venialia impediant eius effectum, num. 7.

DVB. 1. *An per Eucharistiam detur gratia.*

1. Conclusio. *D. Thom. art. 1.* Affirmatiua, diffinita in Conc. Flor. & in Conc. Ephes. epist. ad Nestor. dicitur carnem Christi esse viuificatricem, & quod eius virtute sanctificentur homines. Et patet ex illo Ioan. 6. *Panis quem ego dabo, caro mea est pro mundi vita*, scilicet, spiritali.

2. Conclusio. *D. Thom. ad 2.* Proprius effectus Eucharistiæ est perficere primam gratiam, reficiendo animam spiritualiter secundum spiritalem dulcedinem, & delectationem. Et sic quæ dicuntur de manna, & eius effectibus, Sancti accommodant spiritaliter Eucharistiæ. Et sicut corpus in vita naturali cibo reficitur, & delectatur, sic anima in vita gratiæ per Eucharistiam spiritaliter reficitur, & delectatur. Et nota, quod iste effectus Eucharistiæ non causatur cum primùm ore percipitur, cum adhuc non manducetur, cui manducationi promittitur Ioan. 6. in illo. *Nisi manducaueritis, &c. non habebitis*

vitam

vitam in vobis. Nec causatur toto tempore manducationis; cum non causetur successiue, sed in instanti, quo finitur manducatio. Ita communiter cum Soto. Sicut & alia Sacramenta causant suos effectus in ultimo instanti vsus illorum. Ex quo patet, ex D. Thom. art. 7. ad 3. quod qui sumit Eucharistiam diuisam in partes, aut sub multis speciebus, vnam solam gratiam recipit, etsi manducatio terminetur in multis instantibus. Nec est idem de his celebrante in vno die, qui in secunda celebratione nouam accipit gratiam; nam iste moraliter, & physice bis comedit: at ille semel comedit, & bibit, cum vnum solum sit conuiuium. Et sic ei datur gratia in instanti terminationis sumptionis primæ partis, cum tunc verè manducet Eucharistiam. At altera pars in termino sumptionis causat eandem gratiam, si non creuit dispositio; nam si creuit, crescit gratia. Imò, si in sumptione primæ partis non erat homo dispositus, non recepit gratiam, sed in sumptione secundæ partis, si tunc disponitur. Et ex dictis patet, contra Caiet. & Cano. Eucharistiam non causare gratiam toto tempore, quo est in stomacho, sicut nec toto tempore manducationis, aliàs esset melioris conditionis communicando sub multis hostijs, quod falsum est, & puniuntur vt suspecti per Inquisitores, qui sunt multum solliciti de communicando sub multis hostijs, vt diutius duret corpus Christi in stomacho. Nec est idem de cibo corporeo, cum iste operetur per conuersionem sui in substantiam aliti, & sic successiue.

3. Conclusio. D. Thoma ad 3. Effectus iste Eucharistiæ immediatè causatur in anima, & in corpore per redundantiam, minuendo fomitem peccati, iuxta D. Hieron in illud Zachar. 9. *Quod est pulchrum eius, nisi frumentum electorum, & vinum germinans virgines*? Et licet alia Sacramenta id etiam per redundantiam efficiant, sed specialius gratia Sacramentalis Eucharistiæ, & ad hoc ordinatur vt in carne nostra assimilemur Christo. Nam in hoc Sacramento datur Christus vt cibus animæ, commune autem est omni cibo communicare suam virtutem sumentibus illum, etiam quando cibus conuertitur in substantiam aliti, & multo magis cum effectus cibi consistit in assimilatione sumentis ad cibum, vt sic hic iuxta illud dictum à Christo, Augustino, *Nec tu me mutabis in te, sicut cibum carnis tuæ, sed tu mutaberis in me*, lib. 7. Confess. 10. Et dictis patet falsum esse, quod per Eucharistiam caro eam sumentis realiter uniatur carni Christi, & non

non solum mysticè; non enim intelligitur qualis sit ista realis vnio.

Dub.2. *An adeptio gloria sit effectus Eucharistia.*

1. Concl. D. Thom. art. 2. affirmatiua. Nam in Conc. Trid. 4
sess. 13. cap. 1. & ab Ecclesia hoc Sacramentum dicitur pignus
gloriæ. Et patet ex illo Ioann. 6. *Si quis manducauerit ex hoc
pane, uiuet in æternum*, id est vita gloriæ. Et licet iste sit
etiam effectus aliorum Sacramentorum; cum etiam causent
gratiam, quæ est semen gloriæ; sed specialiter tribuitur iste
effectus Eucharistiæ: quia gratia Eucharistiæ tribuit virtutem
perseuerandi in eadem gratia, & confortat in vita spirituali.
Et ob hoc Eucharistia vocatur viaticum: figuratum in cibo,
quo Elias confortatus ascendit in montem Oreb. Et sic Eu-
charistia, etsi non introducat statim in gloriam, sicut nec ipsa
passio Christi; tamen tribuit instrumentaliter virtutem per-
ueniendi ad montem gloriæ, vt insinuat D. Tho. ad 3.

Dub.3. *An per Eucharistiam remittantur peccata, & pœ- 5
na.*

1. Conclus. D. Thomæ artic. 3. Eucharistiæ ex se potest re-
mittere omnia peccata mort. cum in ea contineatur Christus,
& rememoretur eius passio, quæ est fons, & causa remissionis
peccatorum: sed ex parte suscipientis solum remittit pecca-
tum, cuius homo non habet conscientiam, iuxta dicta qu. 2. de
Sacram. in gen. dub. 2. vbi dixi, omnia Sacramenta viuorum
aliquando causare primam gratiam.

2. Concl. D. Thom. art. 4. Eucharistia remittit peccata ve-
nialia. Ita in Conc. Trid. sess. 3. canon. 2. *& communiter*. Et op-
positum est temerarium: imo & erroneum, ait Nunno. Nam
etsi remittere peccata ven. quibus homo non est affectus, con-
ueniat ex opere operato omnibus Sacramentis: cum omnia
causent primam gratiam, aut illam augeant, ad quod sequitur
remissio peccatorum ven. sed hoc tribuitur Eucharistiæ spe-
cialiter, quia ex sua ratione vt nutrimentum, & cibus animæ,
reparat vigorem charitatis, & expellit contraria illius, qualia
sunt peccata ven. sicut cibo corporeo reparatur quod quotidie
deperditur per actionem caloris naturalis, reparantur vires, &
ignauia expellitur.

3. Conclusio. D. Thom. artic. 5. Eucharistia in ratione Sa-
cramenti, id est, in quantum sumitur ex opere operato, in-
directè remittit pœnam, non totam, sed iuxta deuotio-
nem sumentis. Nam ex eo quod directè causat gratiam, &

charitatem, remittit penas peccatorum. At Eucharistia in ratione sacrificij, id est, in quantum offertur, habet vim satisfactionis, & sic directe remittit penam, non totam, sed iuxta deuotionem offerentis, aut eius pro quo offertur.

4. Conclusio. Diu. Thomæ artic. 7. Eucharistia in ratione Sacramenti soli prodest eam sumenti, sed in ratione sacrificij, & prodest sumenti, & omnibus pro quibus offertur.

6 Dub. 4. *An per Eucharistiam præseruentur à peccatis futuris.*

1. Conclusio. Diu. Thom. art. 6. Per Eucharistiam specialius, quam per alia Sacramenta fit homo potens ad vitandum peccata futura. Ita in *Concil. Trident. sess. 13. cap. 2.* Nam ut à morte futura præseruamur intus roborando naturam contra interna corruptentia, cibo, & medicinis; aut armis nos muniendo contra externas impugnationes: sic Eucharistia præseruat à morte peccati, & roborando spirituales vitam hominis, ut spiritualis cibus, & medicina, & in quantum est quoddam signum passionis Christi, quæ victi sunt demones, repellendo omnem impugnationem demonum. Vnde Chrysostomus homil. 45. in Iohann. *Ut Leones flammam spirantes, sic ab illa mensa discedimus terribiles effecti diabolo.*

7 Dub. 5. *An peccata ven. impediant effectum Eucharistia.*

1. Conclusio. Diu. Thomæ artic. 8. negatiua de peccatis venial. præteritis: Nam qui multa commisit peccata ven. potest deuotè sumere Eucharistiam; & sic plenè assequi fructus eius.

2. Conclusio. Diu. Thomæ ibi. Peccata ven. actu exercita, ut actualis inconsideratio, qua tollitur actualis deuotio, etsi impediant aliquem effectum Eucharistia, v. gr. actualem delectationem, & refectionem spiritualis dulcedinis, non tamen impediunt effectum gratiæ habitualis, Alias sic accedens ad Eucharistiam peccaret mort. cum poneret obicem gratiæ Sacramenti, quod est falsum.

QVÆSTIO QVINTA.

De sumptione Eucharistiæ.

D. Thom. q. 80.

S V M M A R I V M.

*Duo modi sumendi Eucharistiam. n. 1.**Consciens peccati mortalis tenetur sub mortali confiteri ante communionem. n. 2.**Aliquando tamen excusatur ab hoc precepto. n. 3.**An Eucharistia sit neganda peccatoribus. n. 4.**An pollutio nocturna impediat sumptionem Eucharistia. n. 5.**An sumptio cibi vel potus. n. 6.**Quando liceat sumere Eucharistiam post sumptum cibum aut potum. n. 7.**An hoc liceat ad communicandum infirmum in articulo mortis. n. 8.**An carentibus usu rationis Eucharistia sit danda. n. 9.**An liceat quotidie communicare. n. 10.**Quomodo Eucharistia sit necessaria ad salutem. n. 11.**Quando obliget eius preceptum. n. 12.**An qui non implevit hoc preceptum in paschate, teneatur adhuc illud statim implere. n. 13.**An sit communicandum sub utraque specie. n. 14.**An Christus in cœna sumpserit corpus suum & sanguinem & quomodo dedit discipulis. n. 15.*

NOta ex D. Tho. art. 1. esse duos modos manducandi Eucharistiam: Alius est Sacramentalis solum, cum percipitur Eucharistia sine fructu, alius spiritualis, cum sumitur Eucharistia in re, vel in voto, & fructus eius. Alia vero manducatio materialis, cum comeditur Eucharistia ut res quædam est, & sicut posset comedi à mure, nil ad rem attinet: & sic D. Tho. de ea non meminit. Not. 2. Ex D. Thom. art. 2. quod etsi beati & Angeli dicatur comedere Christum in patria, in quantum uniuntur ei per fruitionem charitatis, & per visionem claram videndo eum, etiam ut continetur in Eucharistia, cum sit eorum caput, at non dicuntur comedere Eucharistiam

etiam spiritualiter. Nam cum non sint viatores, non possunt percipere ab Eucharistia aliquem fructum, iuxta *D. Thom. ad 2. & 5.* Et illud, *panem Angelorum manducauit homo*, intelligitur, id est, panem, quo Angeli in patria fruuntur in propria specie, manducat homo sub Sacramento. Sed quia illa est principalis manducatio, ad quam etiam ordinatur nostra manducatio, ideo dicitur panis Angelorum: quia principaliter est Angelorum, illa in propria specie fruendum; secundario tamen est hominum sumentium Christum in Sacramento.

Dub. 1. *An sit peccatum mort. sumere Eucharistiam cum conscientia peccati mortalis.*

1. Concl. D. Th. art. 4. affirmatiua. Patet 1. Corinth. 11. *Qui manducat. & bibit indigne, iudicium sibi manducat, &c.* Et iterum. *Probet autem se ipsum homo, & sic de pane illo edat.* Vbi sermo est de preparatione Charitatis vt explicatur in Conc. Trid. sess. 13. cap. 7. & de probatione iuridica confessionis, vt consuetudo declarat Ecclesie. Et canon. 11. dicitur: *Si quis dixerit solam fidem esse sufficientem preparationem ad sumendam Eucharistiam, anathema sit.* Et ibi declaratur, & definitur esse necessario præmittendam confessionem Sacramentalem, habita copia confessoris, in habente conscientiam peccati mortalis, quantumvis contrito, ante sumptionem Eucharistie. Et præceptum de hoc censetur diuinum à Paulo explicatum loco cit. dum ait: *Ego enim accepi à Domino, quod & tradidi vobis.* Secundò ministri Ecclesie habent potestatem repellendi indignos ab Eucharistia, vt dicitur cap. multiplex, de pœn. d. 1. Sed hæc indignitas solum constat per confessionem: ergo, &c. Et sic opposita sententia. Caiet. Adriani, & Ricar. ponentium solam contritionem sat esse, est proxima errori, & contra D. Tho. in addi. q. 5. art. 1. ad 3.

3 2. Concl. Aliquoties excusamur à tali præcepto confessionis, vt dicitur in Conc. Trid. cit. Primò in periculo mortis, si non adsit confessor, potes contritus sumere Eucharistiam. Et idem de paroco, qui tenetur contritus in festo celebrare, si non adsit confessor. 2. Si adsit periculum magnæ infamie, aut scandali omittendo Missæ celebrationem, aut sperando confessorem. 3. ex *D. Thom. q. 83. art. 6. ad 4.* Si Sacerdos existens in altari, aut laicus ibi existens ad communionem, recordetur alicuius peccati mortalis, quod sine infamia, aut scandalo non potest confiteri, in his & similibus excusamur à confessione ante Eucharistiam præmittenda. Nam Christi præcepta sua-
uia

uia sunt, nec obligant cum tanto rigore. Tenentur tamen isti sic accedentes confiteri cum primum possint, vt dicitur in Conc. Trid. sess. 13. c. 7. Et interim, etsi non teneantur habere veram contritionem, cum hæc difficilè habeatur, nec certò cognoscatur, tenentur tamen habere contritionem existimatam. Nec sat est attritio cognita; nam dispositio per se requisita est confessio: ergo ista deficiente est ponendus dolor, qui prudenter censeatur supplere eam. Ita communiter, ait Ledesm. cap. 11. de Eucharistia. Vbi refert alios asserentes, posse fideles in Paschate sumere Eucharistiam sine confessione, si non adsit confessor, vt satisfaciant præcepto communionis obliganti tunc. Sed hoc non videtur verum, nisi alias non possit omitti communio sine scandalo, aut infamia. Nam præceptum præmittendi confessionem ante communionem fortius est præcepto communicandi in Paschate. Et ex hoc patet à fortiori contra Palu. Ricar. Siluest. & Armi. relatos a Ledesm. non licere sumere Eucharistiam omissio idoneo confessore, si speratur idonior, cui deuotius, & securius confiteantur. An vero si instat necessitas Eucharistiæ, & pœnitens ob vitandum scandalum, aut damnum suum, aut alienum, non potest integrè confiteri, liceat ei dimittere confessionem, & sumere Eucharistiam. In hoc Pal. in 4. d. 17. q. 6. & alij moderni tenent quod non. Nam dicunt, fortius est præceptum integrandi confessionem præcepto confitendi ante communionem. Sed oppositum, ait Ledesm. c. 20. de pœnitent. est communius. Nam iste tunc moraliter integrè confitetur, & hoc sat est, iuxta dicenda à nobis infra quæst. 3. de confession. dub. 5.

Dub. 2. An sit neganda Eucharistia peccatori.

1. Conclusio. Diu. Thom. artic. 6. Publico peccatori, qui nondum egit publicam pœnitentiam, negetur Eucharistia; cum non habeat ius ad eam, quousque publicè pœniteat. Et dicitur quis publicus peccator, vt ait Diu. Thomas ob euidentiam facti, cuius maior pars vicinæ est testis; aut sit damnatus à iudice. Nec per hoc quod isti negetur Eucharistia, satisfacit præcepto communionis. Nam præcepto quo obligamur ad communionem, obligamur ad eius dispositionem. Nec est idem de eo, cui de consilio confessoris differtur communicatio. Iste enim non violat hoc præceptum, vt constat in cap. omnis vtriusque sexus, de pœnit. & rem.

2. Conclusio. Peccatori secreto Eucharistiam secretè pe-

renti negetur, ait *D. Tho. in 4. d. 9. qu. 1. art. 5.* non si petat publicè. Aliàs infamabitur. Et ideo Christus in cœna dedit Iudæ corpus suum. Imò si infamatus in vno loco petit publicè Eucharistiam ubi non est infamatus, est ei danda, dum moraliter non timeatur, quod eius infamia illuc vsque deueniet. Nec vllò modo detur hostia non consecrata peccatori secreto, vt à fumente & alijs tollatur occasio idololatræ. Et saltem Sacerdos quantum est in se facite eos idololatrare, vt ait *D. Tho. art. 1.*

Dub. 3. An pollutio nocturna impediat sumptionem Eucharistia pro eodem die.

- 5 1. Conclusio. Ex *D. Tho. art. 7.* Pollutio nocturna, & idem est de coitu, procedens ex causa, quæ solum fuit peccatum ven. aut nullum peccatum, non impedit necessario communionem, sed ex congruitate, si alias non sit necessitas sumendi Eucharistiam, aut specialis deuotio pro tali die, &c.

2. Conclusio. Pollutio procedens ex peccato mort. cuius non præcessit confessio, impedit communionem. Secus si præcessit, cum nullum peccatum mort. per confessionem dimissum communionem impediat sub mort. Erit tamen peccatum ven. illam sumere ratione cuiusdam corporalis immunditiæ. Nisi alias inflet præceptum, aut necessitas defendendi honorem, aut specialis deuotio communicandi tunc, aut alia causa rationabilis.

- 6 *Dub. 4. An sumptio cibi aut potus impediat sumptionem Eucharistia.*

1. Conclusio. *D. Thom. art. 8.* affirmatiua. Ita *cap. Sacramenta, de conse. d. 1. & cap. nihil, 7. quæst. 1.* Et vsus iste laudatur in Concil. Constan. sess. 13. & cap. liquido, de consec. d. 2. dicitur: *Placuit Spiritui sancto, ne sumatur cibus ante corpus Dominicum.* Et hoc expedit ob honorem Eucharistiæ, ne in os hominis intret cibo aut potu infectum. Et etiam expedit ob vitandum periculum vomitus, aut ebrietatis, quæ accidere possunt.

2. Conclusio. *D. Thom. ad 4.* Ante sumptionem Eucharistiæ requiritur ieiunium naturæ, ita vt nihil cibi, potus, aut medicinæ, etiam minimum & etiam inaduertenter, aut casualiter sumatur. Nec etiam sumatur aliquid, quod non sit cibus, potus, aut medicina, per modum cibi, potus, aut medicinæ. Et sic mulieres terram, aut aliud simile comedentes, siue illa comedant ob delectationem, quod est comedere per modum cibi

cibi, siue comedant, vt calorem minuant, quod est comedere per modum medicinæ, non possunt post istorum sumptionem sumere Eucharistiam. At qui inaduertenter comedit modicum papyri; aut aliud simile non habens rationem cibi, aut medicinæ, potest iuxta sententiam probabilem, de qua Ledes. sumere Eucharistiam. Item quæ manent in ore ex externa cœna, si casualiter, ait *D. Thom. ad 4.* imò licet aduertenter secundum aliquos, deglutiantur, non impediunt sumptionem Eucharistiæ, cum non sumantur per modum cibi, sed saluæ, ait *D. Th.* Et idem est de aqua, aut vino relictis ex ablutione oris, dum non traiciantur in magna quantitate, sed permixta saluæ, quod vitari nequit ait *D. Thom.* Et idem de gustantibus cibum, aut potum, & aliquid imperceptibile cum saluæ deglutientibus.

3. Conclusio Aliquoties licet sumere Eucharistiam post cibum, aut potum. Ita in Conc. Constantien. Et primò si infirmus sit in probabili periculo mortis, & non potest ieiunus commodè sumere Eucharistiam. Ita *D. Thom.* Et ita est vsus. Sed non potest in eadem infirmitate sumere bis Eucharistiam post cibum: cum vna communione fiat satis præcepto sumendi Eucharistiam in mortis periculo; nisi quando infirmitate durante renouatur periculum mortis. Nam tunc potuit contingere infirmum peccasse mort. & sic tenebitur confiteri & habere propositum sumendi Eucharistiam: Ita *Ledesma. cap. 13.* Secundo, ob perficiendum sacrificium. Ita *D. Th. quest. 83. art. 6. ad 4.* vt si Sacerdos, sumpta Eucharistia reperit aquam in calice, & sumpsit eam, tenetur post hoc consecrare vinum; & sumere. Aut si Sacerdos incepta consecratione recordetur se non esse ieiunium, tenetur vltra procedere, ait *D. Thom. ad 2.* vbi ablato graui scandalo tutius reputat esse omittendam Missam, si ante inceptam consecrationem recordetur se non esse ieiunium. Item si Sacerdos post consecrationem non potest sumere Eucharistiam, debet alius Sacerdos, etiam non ieiunus, si non sit alius, sumere Eucharistiam & perficere sacrificium. Et dictorum vna est ratio, vtpotè nam præceptum integrandi sacrificium fortius est, cum sit diuinum, præcepto Ecclesiastico de sumendo Eucharistiam in ieiunio. Tertiò, ob reuerentiam Eucharistiæ, vt si Sacerdos sumpto lauatorio inuenit partem hostiæ, potest eam sumere: ait *Led.* Nam Sacerdos incipit ieiunius, & eius officium nõdum est terminatum. Alias non liceret deglutire partem hostiæ inheren-

tem palato, aut calici, sumpto vino. Imò licet reliquias hostiæ mittere in aquam calicis, vt dentur sic communicantibus, etiam sumpta aqua. Nam istæ sumptiones pertinent ad idem conuiuium, etsi decentius sumantur à Sacerdote.

- 8 *An liceat celebrare post sumptum cibum ob communicandum infirmum in articulo mortis.* In hoc Maior in 4. d. 9. q. 2. tenet quod sic, etiam si sit necesse celebrare in fermentato, & sine vestibus sacris: Sed ista sententia, ait Ledesma cum Soto, est contraria decretis, & vsui Ecclesiæ, maxime quia præceptum communicandi non obligat tunc, sed cum commodè, & reuerenter fieri potest.

Dub. 5. *An carentibus vsur rationis sit danda Eucharistia:*

- 9 1. Concl. D. Th. art. 9. Eucharistia detur habentibus debilem vsum rationis. Nam isti aliquam deuotionem Eucharistiæ concipere possunt. Sed istis raro detur, vt in Paschate, aut iubileo. Et prius instruuntur, vt deuotè accedant. Ita *Ledes. cap. 13. de Eucharistia.*

2. Conclusio. Eucharistia non detur eis qui numquam habuere vsum rationis. Ita communiter cum D. Thoma hic contra alios. Et patet ex vsu Ecclesiæ, cui contrariari erit peccatum mort. 2. Patet ex Concil. Trid. sess. 21. cap. 4. & can. 4. ita determinante: cum in his non præcedat deuotio Eucharistiæ.

3. Conclusio D. Th. Eucharistia in articulo mortis detur eis, qui aliquando habuere vsum rationis, dum tamen præcesserit in eis deuotio Eucharistiæ, nec alias timeatur periculum vomitus, aut spumationis: in quo adhibeatur magna cautela. Ita cap. is qui. 26. q. 6. vbi dicitur, quod isti sic phrenetico infundatur Eucharistia ori eius. At extra articulum mortis probabilius est cum D. Thom. non licere dare istis Eucharistiam. Et ita habetur in iure. Et nota, quod si de facto detur Eucharistia eis, qui non habuerunt vsum rationis, vt olim moris erat, & refertur in Conc. cit. iuxta Caiet. non causabit in eis effectum Eucharistiæ ex defectu deuotionis requisitæ, vt est dispositio ad illam: sed oppositum est probabilius: ait *Ledesma*, & *Nunno*. Nam Sacramenta causant gratiam in non ponentibus obicem: quem non ponunt isti, cum adhuc retineant innocentiam baptismalem. Nec dicta deuotio est dispositio necessaria pro effectum substantiali Eucharistiæ. Vide supra q. 4. dub. 5.

- 10 Dub. 6. *An liceat sumere Eucharistiam quotidie.*

1. Concl.

1. Concl. D. Thomæ art. 10. Laudabile est homini quotidie parato, & deuoto sumere quotidie Eucharistiam: cum hæc sit medicina fructuosa, & salutifera.

2. Concl. D. Thom. ibi. Cum sepè in pluribus hominum impedimenta istius deuotionis occurrant, ob corporis, vel animæ indispositionem, non est vtile omnibus quotidie Eucharistiam sumere, sed cum ad eam sit homo paratus, ob reuerentiam debitam tanto Sacramento. Et c. quotidie, de conse. dist. 2. ex August. dicitur. *Quotidie sumere Eucharistiam, nec laudo, nec vitupero, sed ad omnibus Dominicis diebus communicandum horror. Et nota*, quod etsi non peccet qui sumit Eucharistiam quoties sentit se non habere peccatum mort. vt communiter tenent Doctores; cum tunc digne ad illam accedat; tamen non conuenit illam sumere quoties potest sumi sine peccato, contra alios probabiliter oppositum sentientes, ob illud D. Ambro. 4. de Sacramentis, ca. vlt. *qui semper peccat, celestis Sacramenti medicinam semper accipiat.* Oportet ergo, vltra prædicta, vt sis deuotione paratus. Et ita supponitur à D. Ambros. & etiam insinuatür à D. Thoma hic, & in 4. d. 12. q. 3. art. 1. q. 2. vbi ait, quod qui ex communione quotidiana experitur feruorem charitatis, & reuerentiam huic Sacramento debitam augeri, debet quotidie Eucharistiam sumere. At si experitur id non augeri, sed potius minui, debet abstinere, quantum opus sit, vt crescat feruor, & reuerentia. Et sic optimum consilium erit, ait Ledsma. c. 24. de Euch. pro vitantibus regulariter peccata mortalia, sumere Eucharistiam semel in septimana, & aliquando bis, si occurrat magnum festum.

Dub. 7. *An liceat cessare omnino à communione.*

II

1. Concl. D. Thomæ art. 11. Sine Eucharistiæ sumptione in re, aut in voto, nulli patet salus. Patet Ioan. 6. *Nisi manducaueritis, &c. non habebitis vitam in vobis.* Quod etiam intelligitur de pueris, ait Aug. lib. contra Pelagianos, circa medium, tom. 7. & de Eucharistia in re, vel in voto saltem implicito incluso in contritione, aut gratia Baptismi. Nam cū Eucharistia sit finis primæ iustificationis baptismalis, & Baptismi, & per illam perficiantur, semper media includunt votum finis, & cum operatur medium, dicitur finem operari.

2. Concl. Omnis fidelis rationis compos, ait D. Thomas ibi, tenetur ex iure diuino sumere Eucharistiam. Patet ex dictis, & ex illo Christi mandato Lucæ 22. *Hoc facite in meam*

memoriam

meam commemorationem. 2. Sicut Baptismus est necessarius pro acquirendo vitam gratiæ, sic Eucharistia pro gratiæ conseruatione: ergo sicut ex iure diuino tenemur ad Baptismum, sic & ad Eucharistiam.

12. 3. Conclusio. Ex iure diuino non determinatur tempus præcepti Eucharistiæ, tamen obligat maximè in articulo mortis: cum tunc maximè occurrat eius necessitas: & sic sanctissimè à Pio V. damnatus est abusus non dandi Eucharistiam damnatis ad mortem: cum esset hoc contra ius diuinum, & contra ius canonicum, *in cap. super eo, de hære. in 6. & cap. quæsitum 15. q. 2.* Sed an qui Paulo ante infirmitatem recepit Eucharistiam, teneatur eam iterum recipere in infirmitate? In hoc Soto d. 18. q. 5. art. 4. & alij negant: sed Led. c. 13. de Eucharistia & Doctores communiter affirmant. Nam prior sumpsio Eucharistiæ nõ fuit; vt fieret satis præcepto de Eucharistia in ratione viatici. *Es nota contra Enri. tom. 2. lib. 8. de Euch. cap. 55 in fi* Eucharistiam non esse deferendam ad infirmos, qui non possunt eam sumere, vt eam solum adorent. Et ita est præceptum à Pio V. vt declarauit congregatio Cardin. & refertur à Farinap super Concil. Trident. sess. 13. cap. 7.

4. Concl. D. Thom. art. 10. ad 5. In primitiua Ecclesia quando magna fidei vigeat deuotio, quotidie fideles tenebantur Eucharistiam sumere, postea diminuto fidei feruore, statutum est vt ad id tenerentur solum in Natali Domini, Paschate, & Pentecoste. Et hoc omittentes, nec Catholici credebantur, nec inter Catholicos habebantur. *Ita c. secularis, de consec. d. 2.* Sed iam in cap. omnis vtriusque sexus, solum in Paschate obligamur ad Eucharistiam. Et sumitur Pascha pro toto tempore à Dominica in Ramis vsque ad Dominicam in Albis inclusiue, *Ita declarauit Eug. 4. relatus inter vna orac. à Man. Rod. in compen. & à Nau. in man. c. 21. n. 45.* Sed hoc præceptum, vt dicitur in Conc. Trid. sess. 21. c. 4. obligat solos rationis compotes scientes discernere Eucharistiam ab alijs cibis, & scientes, quis in Eucharistia contineatur, & ad quid fumatur. Nec potest in hoc dari certa regula: sicut alij taxant duodecim annos pro sceminis, & quatuordecim pro viris, ex eo quod prædicti tunc regulariter attingunt vsum rationis, Nam hoc sæpè deficit, cum alij citius, alij traditus illuc deueniant, & sic arbitrio prudentis confessoris relinquatur.

13. *An vero transgresso isto præcepto, ex vi illius adhuc sit*

ti m tenearis sumere Eucharistiam. In hoc *D. Anton. 2. par. tit. 9. c. 9. & 3. par tit. 12. c. 19. Silu. ver. Eucharistia 3. Sot. d. 18. q. 1. art. 4. & alij negant.* Nec est idem (ait *Soto, Victo. & Medin. in sum. cap. 14. §. 42.*) de confessione. Nam etsi præceptum confessionis sit affirmatiuum includit istam negationem, non diu permanas in Dei inimicitia, & sic obligat semper, & pro semper, sicut præcepta negatiua. Et durare in hoc vltra annum est diu permanere in inimicitia Dei. Sicut de præcepto restituendi aliàs affirmatiuo dicitur obligare semper, & pro semper, quia includit istam negationem, non retineas alienum. At præceptum hoc affirmatiuum de communicando in Paschate nullam includit negationem. Oppositum etiam est satis probabile. Ita *Nauar. Ledsen. cap. 8. de pœnit. dub. 7. & alij.* Nam sicut ex præcepto diuino tenemur confiteri, & ad hoc per Ecclesiam taxatur tempus vnus anni, intra quod confiteri tenemur; sic ex præcepto diuino in illo *Luc. 22. Hoc facite in meam commemorationem:* vt ait *D. Thom. hic,* tenemur sumere Eucharistiam, & ad hoc taxatur ab Ecclesia tempus Paschæ: ergo sicut transacto anno adhuc tenemur confiteri statim, sic transacto tempore Paschæ, tenemur statim sumere Eucharistiam. Cuius signum est, quod isti coguntur statim per excommunicationem ad sumendum Eucharistiam.

Dub. 8. An liceat sumere corpus sine sanguine.

14

1. Conclusio, *D. Thom. ars. 12. Negatiua de Sacerdote dum consecrat, & celebrat.* Ita *cap. relatum, & cap. comperimus, de consecrat. d. 2.* Nam ad Sacerdotem attinet hoc Sacramentum consecrare, & perficere, sed eius perfectio consistit in sumptione ambarum specierum: ergo.

2. Concl. *D. Thoma ibi.* Conuenienter denegatur alijs Eucharistia sub vtraque specie. Nani faciliè cflunderetur sanguis si omnibus porrigeretur. Et licet in primordio Ecclesiæ omnibus daretur, sed non erat necessarium ad salutem, vt diffinitur in Concil. Constan. *sess. 13.* & in Concil. Trid. *sess. 21. can. 1. & c. 2.* vbi vetatur etiam cum excommunicatione in dicto Concil. Constan. dare laicis communionem sub vtraque specie. Et *can. 1.* damnatur asserens Ecclesiam non iustis de causis vetasse laicis sumptionem sanguinis. Sat est enim ad salutem, vt diffinitur in eodem Concil. Trid. *sess. 21. c. 3. & can. 3.* sumptio vnus speciei, cum in quauis specie sit totus Christus, & tota essentia, & totus fructus. Et sic Ioan. 6. dicitur: *Si quis*

mandu-

manducaverit ex hoc pane, viuet in aeternum. Et si arguis ex illo Ioan. 6. Nisi manducaueritis carnem filij hominis, & biberitis eius sanguinem, non habebitis vitam in vobis. Ad hoc dico 1. quod sumendo Eucharistiam sub specie panis, sumitur etiam sanguis, ibi concomitanter existens. Dico 2. quod ly, &, ponitur sæpè in Sacra Scriptura pro vel. Sicut in illo Actor. 3. Argentum, & aurum non est mihi; id est, non habeo argentum, vel aurum. Nam ad leuandam miseriam pauperis petentis ibi eleemosynam à D. Petro, non erat necesse argentum, & aurum, sed sat erat alterum eorum. Sic modo nisi manducaueritis, & biberitis, id est, nisi manducaueritis, vel biberitis. Et sensus iste patet ex sequentibus dum dicitur, qui manducat hunc panem, nihil addendo de potu; viuet in aeternum.

15 Dub. 9. *An Christus in cœna sumpserit corpus suum, & sanguinem.*

1. Conclusio. *D. Thom. q. 81. art. 1. Affirmatiua. Et patet ex illo Luc. 22. Desidero desideravi hoc Pascha manducare vobiscum. Vbi non loquitur Christus de cœna legali, nam sæpè cum eis cœnarat cœnam istam, sed de Sacramentali, ait D. Tho. ad 3. Et sic eius sumptio fuit etiam Sacramentalis, & spiritualis manducatio. Nam etsi eius gratia ex sumptione Eucharistiæ non sit aucta, recepit tamen Christus ex ea quandam actualem delectationem spiritualis dulcedinis. Ita D. Thom.*

2. Conclusio. *D. Thoma art. 2. & 3. Christus sumpsit, & dedit Discipulis (etiam Iudæ, ait Dio cap. 3. Eccles. hierar. par. 3. August. tract. 62. in Ioan. & Chrysost. hom. 46. in Ioan. contra Diu. Hilar. cap. 30. in Matth.) corpus suum passibile in Eucharistia impassibiliter existens. Nam Christus tunc erat passibilis: ergo sic est datus discipulis, sub modo tamen impassibili. Sicut dicitur, quod Christus, qui in re est visibilis, datur in Eucharistia inuisibiliter. Ita D. Thom.*

3. Conclusio. *D. Thoma art. 4. Si Eucharistia seruaretur in tempore mortis Christi, in ea Christus moreretur. Nam Christus est in Eucharistia, vt est in se, cum suis accidentibus intrinsicis, etsi non cum extrinsecis, vt cum vestibus, &c. eo quod ibi non continetur localiter, & secundum dimensiones quantitatis, sed indiuisibiliter ad modum substantiæ, sed mori conuenit Christo intrinsicè: ergo.*

QVÆSTIO SEXTA.

De Ministro Eucharistiæ.

D. Thomas quæst. 82.

S V M M A R I V M.

*Solus Sacerdos per se loquendo dispensat Eucharistiam ,
num. 1.**Aliquando tamen id licet Diacono, num. 2.**Quando, & quoties teneatur celebrare Sacerdos, num. 3.***D**VB. 1. *An ad solum Sacerdotem pertineat Eucharisti-
am dispensare.*

1. Conclusio. *D. Thomas art. 3.* Ad solum Sacerdotem illud per se spectat. Nam ipse solus eam consecrat in persona Christi: sed Christus sicut consecrauit suum corpus in cœna, ita alijs sumendum dedit: ergo. 2. Sacerdos constituitur medius inter Deum, & populum, ergo sicut pertinet ad eum dona populi Deo offerre, sic & tradere plebi sanctificata dona Dei.

2. Conclusio. *D. Thomas ad 1.* Diaconus quasi propinquus Sacerdotio, participat de officio Sacerdotis dispensare sanguinem: cum ad hoc non tangatur sicut tangitur corpus: & sic non potest ab eo ministrari corpus, nisi vt Diuus Thomas ait, in necessitate iubente Episcopo, aut Presbytero, vt patet *ex Concil. Carthag. 4. cap. 38.* Imò in articulo mortis absente Parocho, aut nolente ministrare, potest quiuvis Sacerdos etiam Regularis, imò & Diaconus, si nullus sit Sacerdos, ministrare Eucharistiam. Ita *capit. Diaconus, distinct. 92. ex Concil. Niceph. Suarez cum Soto 3. par. dist. 72. sect. 1. & Manual. Rodrig. in quæstionibus regular. quæst. 56. articul. 8. contra Nauarr. capit. 21. numer. 52. vbi citat Cardinal. & Siluest.* Nec contra hoc *Clement. 2. de priuileg. vbi excommunicantur Religiosi Eucharistiam ministrando sine Parochi licentia saltem generali, vt declarat Eugenius Quartus, & habetur in supplement. Concess. 4*

Nam

Nam hoc procedit , tum extra necessitatem , tum etiam secluso privilegio , & stando in iure communi . Alias enim religiosi in hoc habent multa priuilegia . de quibus vide in nostro *Epitome de statu Relig. lib. 2. cap. 5.* Imò qui in Paschate inuenit se in aliena dioecesi , potest ibi confiteri , & Eucharistiam sumere , vt declarauit Eugenius Quartus inter viua orac. relata à Manuel Rodriguez in compendio : licet hoc priuilegium per Bullam Cruciatæ suspendatur , iuxta aliquos .

3 Dubium 2. *An liceat Sacerdoti omninò cessare à celebrando .*

1. Conclusio. *D. Thom. art. 10.* Hoc non licet etiam Sacerdoti non habenti curam animarum , saltem in festis præcipuis , & maximè cum alij fideles communicare solent , vt in Natali Domini , Paschate , & Pentecoste . Ita *Soto* , & *Ledesma* , cap. 9. de *Eucharistia* . Imò in cap. dolentes , de celebrat. *Miss.* grauiter reprehenduntur Sacerdotes vix quater in anno celebrantes . Et in Concilio Tridentino sess. 23. can. 14. dicitur , quod curent Episcopi , vt simplices Sacerdotes celebrent in Dominicis , & festis solemnibus , & curati vltra hoc , cùm sit necesse , vt suo officio satisfaciant .

2. Conclusio. Iuxta *Caetan.* non peccat mortaliter Sacerdos nunquam celebrans : at iuxta *Soto* , *Siluestrum verb. Missa* , & *Ledesm.* oppositum dicetur . Et dicunt sentire *D. Thom. loco citato* . Et patet 1. Nam iniuriam irrogat iste dignitati Sacerdotali ea non vtendo . 2. Isti nunquam celebrantes pessimè audiunt apud alios , grauiter plebem scandalizant , & in suspensionem veniunt aliquo teneri impedimento , quod sit obex gratiæ , quando non constat de alio impedimento naturali .

DE SACRIFICIO MISSÆ.

D. Thomas 3.par. quæst. 83.

QVÆSTIO PRIMA.

De essentia Sacrificij Missæ.

S V M M A R I V M.

*Missa verum Sacrificium à Christo institutum, cuius minister est Sacerdos, num.1.**In quo Christus immolatur, unde prodest etsi Sacerdos sit in malo statu, num.2.**Est idem cum Sacrificio crucis, etsi modus sit diversus, num.3. Eius essentia saluatur in oblatione vnius speciei, sed non integritas, num.4.**In quo præcisè consistat essentia Sacrificij Missæ, num.5.**Quæ fuerint Sacrificia vetera, & quomodo illorum effectus causet Sacrificium Missæ, num.6.**Non confert primam gratiam ex opere operato, num.7.**Remittit tamen poenas vivorum, & mortuorum, num.8.**Pro quibus possit offerri hoc sacrificium, num.9.**Quanti sit valoris, num.10.**Vnde valor iste limitetur in particulari, num.11.**Quod sit iustum stipendium Missæ, & unde taxandum, nu.12.**An pauper Sacerdos possit recipere plura stipendia pro una Missa, num.13.**Quando Sacerdos teneatur ex iustitia celebrare Missas, nu.14.**Quando sit obligatio in Capellano infirmo ad celebrandum, num.15.**An possit anticipatè dicere Missas sue Capellania, num.16.**An pastor teneatur celebrare Missas pro suis ouibus, num.17.***D**VB. I. *An Missa sit verum sacrificium à Christo institutum.*

I. Conclusio. Missa est verum, & proprium Sacrificium. Ita diffinitur in *Conc. Trid. sess. 22. can. 1.* Et patet. Nam ratio Sacrificij stat, ait *D. Thom. 2.2. q. 86. art. 3. ad 3.* in hoc, quod Deo aliquid solemniter, & cum debitis offeratur ceremonijs,

nij, faciendo aliquid circa rem oblatam ad honorem, & cultum Dei, sed in Missa offeruntur Deo solemniter, & cum debitis ceremonijs, species panis, & vini consecratæ, & fit aliquid circa illas ad honorem, & cultum Dei, cum benedicantur, frangantur, & consumantur: ergo.

2. Conclusio. Hoc Sacrificium est à Christo institutum. Patet ex traditione Ecclesiæ, & definitione Concilij Tridentini *sess. 22. can. 2.* & ex illo *Luc. 22.* ubi Christus consecrata hostia, ait Discipulis, & in eis, omnibus Sacerdotibus: *Hoc facite in meam commemorationem*, id est, sicut ego consecro Eucharistiam, & offero Patri, sic & vos facite. Ex quo patet, solum Sacerdotem Eucharistiam sacrificare exercendo circa eam requisita ad Sacrificium, sicut solus ille potest eam consecrare. Ita in *Concil. Trid. sess. 22. c. 2.* Nam solis Sacerdotibus in sua ordinatione datur potestas, seu character ad offerendum hoc Sacrificium in Ecclesia Dei pro viuis, & mortuis. Cum quo etiam stat alios fideles offerre, sicut in lege veteri, hoc Sacrificium ministerio Sacerdotum. Et sic ait Sacerdos in canone Missæ, *pro quibus tibi offerimus, vel qui tibi offerunt hoc sacrificium*. Et sic fideles ministerio Sacerdotum implent præceptum naturale, quo tenentur Deo offerre sacrificia.

2 Dub. 2. *An in Missa Christus imoletur.*

1. Conclusio. *D. Thoma art. 1.* Affirmatiua. Ita in *Concilio Trid. sess. 22. cap. 1. c. 2.* Et patet ex *Matth. 26.* & *Luc. 22.* ubi Christus præcepit Apostolis, & Sacerdotibus succedentibus, facere quod ipse fecit in cœna, sed Christus in cœna obtulit se Patri, ut dicitur in *Concilio Trid. sess. 22. c. 1.* ergo. Et ex hoc patet, quod etsi Sacerdos peccet mortaliter offerendo hoc sacrificium in malo statu, prodest tamen eis pro quibus offertur. Tum ratione oblatis, Deo infinitè grati: tum ratione principalis offerentis Christi, qui simul est Sacerdos, & hostia. Et sic ex his non valet minus Missa mali, ac boni Sacerdotis, sicut & orationes oblatae à malo Sacerdote ut est minister Ecclesiæ, & in persona illius, tam in Missa, quam in alijs officijs Ecclesiæ. Secus de orationibus oblatis etiam in Missa ab isto, ut est persona privata, & in quantum habent efficaciam ex eius deuotione. Ita *D. Thom. q. 82. art. 6.*

3 3. Conclusio. *D. Thoma ad 1.* Nostrum Sacrificium est idem cum Sacrificio Crucis. Ita in *Concilio Tridentino sess. 21. can. 1.* Nam oblatum, utpote Christus, est idem; etsi diuersum

versum quoad modum. 1. Quia Christus in Cruce obtulit suum corpus in propria specie, patiēdo verē & realiter in suo corpore vsque ad mortem: at in Missa offertur & sacrificatur sub speciebus Sacramentalibus in memoriam suæ mortis & sacrificij. 2. In Cruce sacrificauit se Christus passibiliter, & cruentē: at in Eucharistia sacrificatur incruentē, nec separatur sanguis à corpore, sed solum significatur talis separatio. 3. In Missa offert se Christus medio ministro: at in Cruce sine ministro. Sed non variatur actio, siue res producta, per instrumenta quibus producit: ergo. Et ex dictis patet, esse solum vnum numero sacrificio in Ecclesia. Ita *cap. in Christo, d. 2. de conse.* Nam etsi species Sacramentales, quæ quasi secundario offeruntur, sint diuersæ, ratione cuius sunt plures Missæ, at principaliter oblatum sicut & principaliter offerens est vnus Christus. In lege enim veteri erant plura sacrificia, & Sacerdotes, cum nullius eorum esset ita Deo gratus, vt posset reconciliare homines Deo: At modò vnus Sacerdos Christus, & sacrificium summè Deo gratum, sat est ad omnium redemptionem: & isto dato alia superfluum. Et sic ad Hebræ. 7. *Talis docebat vt nobis esset Pontifex*, &c qui non haberet necessitatem quotidie, sicut alij Sacerdotes, pro suis delictis primum hostias offerre, deinde pro populi: hoc autem fecit semel se offerendo. Non enim oportet vt sacrificium Christi cruentum iterum repetatur, oportet tamen, vt eius virtus infinita de facto in particulari applicetur ad peculiarem effectus per alia media, vt potè, per Sacramenta, & per nostra sacrificia incruenta eiusdem Christi. Nec hoc derogat infinito valori sanguinis Christi effusi in Cruce: sicut nec vsus multorum Sacramentorum. Vide infra dub. 6.

3. Conclusio. Essentia sacrificij Missæ saluatur in oblatione vnus solum speciei, etsi non integritas sicut & essentia Eucharistie, etsi non integritas, saluatur in vna sola specie. Exstat autem præceptum diuinum de offerendo ambas species, vt integretur sacrificium, ait *D. Thom. quest. 80. art. 12. ex cap. comperimus, de conse. d. 2.* Et præceptum hoc colligitur à *Concil. Trident. sess. 22. cap. 1. ex illo Luc. 22. Hoc facite*, ait Christus, *in meam commemorationem*, id est, sicut ego offero vtramque sdeciem, ita & vos. Nam hoc sacrificium est representatio passionis Christi, sed non potest representari, explicitè passio Christi nisi vtraque species offeratur. Nam per hoc quod vna species offertur separata ab alia, explicitè

repræsentatur mors Christi per separationem sanguinis à corpore. Vnde ex speciali Christi ordinatione habita ex traditione Apostolorum, offertur sola species panis in Parasceue. Et sic, licet illud sit verum, & essentiale sacrificium, sed non perfectum, & integrum, in quo implicite repræsentantur passio Christi.

5

Dub. 3. *In quo stet essentia sacrificij Missæ. Et nota ex D. Th. 2. 2. qu. 85. esse de essentia sacrificij, vt sit oblatio alicuius rei Deo facta in recognitionem supremi dominij, circa quam aliqua actio sacra & visibilis exerceatur, sed in sacrificio Missæ est à Christo in particulari determinata actio exterior illius constitutiva; & hanc intendimus inuestigare.*

1. Conclus. Ad hoc sacrificium prærequiritur consecratio, qua præparetur victima offerenda. Et sic non stat essentia sacrificij Missæ in consecratione, cum etiam sine illa in Parasceue saluetur hoc sacrificium, licet imperfectum. Et si D. Tho. 3. p. q. 82. art. 4. ad 1. ait, consecrationem esse sacrificium, ideo est, quia cum illa sit hostia pro isto sacrificio. Sicut & q. 79. art. 9. vocat Eucharistiam sacrificium, quia est hostia istius sacrificij.

2. Conclus. In sacrificio Missæ sunt multe actiones externæ, vt benedictiones hostiæ, fractiones, & oblationes, sed in nulla istarum, contra Nunno, nec in omnibus simul, contra alios, stat essentia istius sacrificij. Tum quia sacrificium Christi cruentum nullam istarum actionum habuit, nec verbalem oblationem, sed in exercitio se obtulit. Tum maxime, quia omnes istæ actiones, sunt ex statuto Ecclesiæ, & possunt ab ea tolli. At actio constitutiva sacrificij Missæ, sicut & ipsum sacrificium, est à Christo instituta: cum hoc pertineat ad potestatem excellentiæ Christo propriam, sicut & determinare materias, & formas Sacramentorum: Ergo.

3. Conclusio. Sacrificium Missæ stat formaliter in consumptione Sacerdotis sumentis Eucharistiam, non vt Sacramentum, sicut alij eam sumunt; sed nomine totius populi, sicut mediator inter Deum, & populum, gerendo personam Christi, & repræsentando in illa sumptionem mortem Christi, non vi repræsentatur per sumptionem in Eucharistiæ in ratione Sacramenti, sed secundum quod illa mors fuit à Christo oblata in sacrificium expiatorium peccatorum. Ita Mondragon referendo ex August. sic, *Manducatio corporis, & sanguinis Christi est sacrificium Ecclesiæ.* Et colligitur ex D. Thom. qu. 80. art.

80. *art. 12. ad 1. & ex Soto, d. 13. q. 2. art. 1. & ex dicendis infra q. 2. dub. 2.* Item: Hoc sacrificium est idem cum sacrificio cruento Crucis, ergo consistit in actione representante mortem Christi, ut fuit oblatus in sacrificium: sed in ista consumptione representatur Christi immolatio, quæ est de ratione istius sacrificij, iuxta *Conc. Trid. sess. 22. cap. 2.* ergo, &c. Cuius signum est, quod si ante consumptionem moriatur Sacerdos, ex iure diuino substituitur alius Sacerdos pro consummando sacrificio. *Vide Lud. Lop. 2. p. c. 76. in pri.*

Dub. 4. *De effectibus sacrificij Missæ. Et nota ex D. Tho. 1. 2. qu. 102.* inter sacrificia vetera, alia esse holocausta ordinata ad protestandum supremam excellentiam Dei in omni genere; & tota hostia istius sacrificij cremabatur in honorem Dei; & hoc dicit holocaustum, id est, totum incensum: Alia erant sacrificia propitiatoria, seu expiatiua, aut hostia pro peccato, ordinata ad placandum Deum, iratum. Et horum hostiæ quædam pars cremabatur, & alia à Sacerdote sumebatur. Et ista sacrificia erant diuersa iuxta diuersitatem peccatorum & peccantium. Alia sacrificia dicebantur hostia pacifica, oblata in gratiarum actionem pro beneficijs acceptis, & aliquando pro impetrando à Deo beneficia. 6

1. Conclus. Sacrificium Missæ continet omnem perfectionem, & causat omnes effectus sacrificiorum legis naturæ, & scriptæ. Ita in *Conc. Trid. sess. 22. c. 2.* ubi hoc colligitur ex eo quod illa sacrificia erant figura sacrificij Missæ. Et Ecclesia offert hoc sacrificium ad omnes effectus illorum, ut patet ex canone Missæ.

2. Conclusio. Sacrificium Missæ est expiatiuum peccatorum etiam mort. Patet ex *Conc. cit.* ubi dicitur: quod virtute huius sacrificij placatus Deus, concedit gratiam, & poenitentiam, & dimittit crimina etiam ingentia; at non intelligit per crimina poenas criminibus debitas. Nam expresse distinguit Concilium inter peccata & poenas, dum ait ibi, hoc Sacrificium offerri pro peccatis & poenis. 2. Vetera sacrificia expiabant à peccatis mort. sed sacrificium Missæ est illius perfectius, & in eo perfectius applicatur virtus sacrificij cruenti Christi: Ergo.

3. *Conc.* Sacrificium Missæ, ut patet ex *Concil. cit.* remittit poenas Purgatorij, conseruat, & auget gratiam, & impetrat bonæ spiritualia & temporalia. Sed an ista, causet ex opere operato, & infallibiliter, Ad hoc sit.

7. 4. Concl. Sacrificium Missæ nec confert ex opere operato, & infallibiliter primam gratiam, nec sic remittit peccata mort. faciendo ex attrito contritum: & oppositum, à sapientissimis error iudicatur. Nec in Conc. Trid. sess. 6. numeratur sacrificium hoc inter alias causas iustificationis, sed solum Sacramenta. 2. De fide est, non remitti peccata mort. baptizatorum, nisi in ordine ad Sacramentum pœnitentiæ, & claves Ecclesiæ, sed hoc sacrificium non dicit ordinem ad claves Ecclesiæ, nec ex hoc ordine habet suos effectus: Aliàs si ille pro quo offertur esset attritus, fieret contritus, quod est erroneum iuxta consensum fidelium. Et ex hoc patet *contra Soto dist. 13. qu. 2. art. 1.* quod hoc sacrificium, nec causat infallibiliter, & ex opere operato augmentum gratiæ: nam in Conc. Trident. solis Sacramentis tribuitur conferre gratiam ex opere operato. Et idem est de auxilio supernaturali necessario ad peccatoris conversionem.

5. Concl. Sacrificium Missæ specialiter delet culpas mort., & causat gratiam per modum impetrationis, & sic non causat ista semper. *Ita D. Tho. in 4. d. 12. q. 2. art. 2. q. 2. ad 4.* Et patet, nam remittit peccatum mort. vt dixi, sed non ex opere operato: ergo. 2. Oratio isto modo impetrat remissionem peccatorum: ergo à fortiori hoc sacrificium, in quo offertur Christus infiniti valoris. Et quod dicitur de gratia, intelligitur etiam de alijs bonis spiritualibus, & temporalibus.

6. Concl. Probabile est hoc sacrificium remittere peccata ven. ex opere operato, & infallibiliter. *Ita Nunno. Et ita docuit frater Gaspar de Mondragon in nostro insigni, & toto orbe celeberrimo collegio S. Gregorij Vallejoletani.* Sed oppositum est probabilius. Nam idem videtur esse de peccatis ven. ac de mortalibus. *Ita Ledesm. c. 17. de Eucharist.* Nam etsi sacrificium Crucis habeat dictos effectus ex opere operato: tamen ex voluntate diuina variè per varia media applicatur: per Sacramenta enim applicatur ex opere operato, & infallibiliter, non sic verò per sacrificia.

8. 7. Concl. Sacrificium Missæ ex opere operato, & infallibiliter remittit pœnas viuorum. *Ita fere communiter;* cum id haberent vetera sacrificia, & etiam pœnas defunctorum, vt videtur colligi ex Concil. Tridenti. sess. 22. cap. 2. vbi dicitur, hoc sacrificium offerri ad satisfaciendum pro pœnis viuorum, & defunctorum, nullam in hoc ponendo differentiam: etsi aliqui, vt Soto, dicant, defunctorum pœ-

nas remitti per modum impetrationis 2. In hoc sacrificio applicatur passio Christi per modum redemptionis, sed ista habet effectum ex opere operato: ergo. Nec obstat, hoc sacrificium prodesse defunctis per modum suffragij, id est, per modum cuiusdam auxilij collati defunctis à viuis, & ab Ecclesia, vt satisfaciant pro pœnis. Nam cum ratione suffragij saluatur lex iustitiæ, vt applicetur defuncto satisfactio Christi.

Dub. 5. *Pro quibus possit offerri hoc sacrificium.*

1. Conclus. Hoc sacrificium non prodest damnatis, quibus nulla est redemptio. Imò erit peccat. mort pro eis celebrare: cum sint incapaces fructus istius sacrificij.

2. Conclusio. Hoc sacrificium ex sua ratione potest offerri & prodesse infidelibus, & excommunicatis, impetrando eis suam conuersionem, & alia bona spiritualia, & temporalia. Et patet ex vsu Ecclesiæ olim celebrantis Missas, pro omnibus, vt ait Chrys. hom. de Adam. & Eva. Et modo Ecclesia in Parasceue pro omnibus etiam infidelibus, & excommunicatis offert hoc sacrificium. Sed iam non licet Sacerdoti (etiam vt personæ particulari) contra Gab. in can. Ang. Silu. ver. Missa 1. Con. in cap. alma mater. 1. p. §. 6. & Nau. in c. quando) offerre illud pro infidelibus: cum non sint partes Ecclesiæ; nec pro excommunicatis; cum per excommunicationem sint priuari suffragijs Ecclesiæ.

3. Conclus. Sacrificium Missæ potest offerri pro beatis, nam prodest eis ad gloriam accidentalem. Ita Silu. ver. Missa, Ledes. c. 17. de Eucharist. & communiter. Et sic optimè offertur pro baptizatis decedentibus ante vsum rationis: de quo D. Th. in 4. d. 1. 2. q. 2. art. 1. q. 2. ad 2.

4. Conclusio. Hoc sacrificium est offerendum pro omnibus fidelibus, etiam peccatoribus, vt diffinitur in Conc. Trid. sess. 22. can. 3. Est aliter profit iustis, aliter peccatoribus: isti enim cum non sint amici Dei, non participant virtutem huius sacrificij in ratione satisfactorij, vt iusti: tamen participant eius virtutem in quantum est expiatium à culpa. Imò nec potest applicari hoc sacrificium peccatori, vt illo satisfaciat, quando erit in gratia, contra Nauarr. in c. quando num. 73. Nam peccator est incapax talis satisfactionis: cum applicatur ei de facto hoc sacrificium. Ita Ledesma, & communiter.

5. Conclusio. Hoc sacrificium, etiam vt satisfactorium, potest offerri pro Catechumenis etiam mortuis. Ita cap. Apostolica, de cleri. non bapti. vbi pro quodam defuncto non ba-

ptizato decedente in fide Christi iubentur offerri sacrificia. Et ita fecit D. Amb. pro anima Valentini. Quia etsi isti non sint baptizati censentur membra viua Christi per fidem & charitatem: ergo sunt capaces talis satisfactionis. Et in Concil. Bracha c. 35. iubetur, ne pro Catechumenis decedentibus offeratur sacrificium; sermo est de Catechumenis ob suam culpam sine Baptismo decedentibus.

6. Conclusio. Sacrificium hoc prodest ad satisfactionem existentibus in purgatorio. Ita diffinitur contra Lutherum in Concil. Trident. sess. 2. canon. 3. & Sacerdotibus in sua ordinatione datur posse offerre hoc sacrificium pro viuis, & mortuis.

- 10 Dub. 6. de valore Missæ. Et non est sermo de valore accidentali orto ex dignitate Ecclesiæ offerentis, ex orationibus specialiter institutis ad peculiare effectus, ex speciali inuocatione Sanctorum, ex Missæ solemnitate, ex deuotione Sacerdotis, & assistantium Missæ, ex consumptione cereorum, & similium; nam valor iste est finitus. Sermo est de valore substantiali inseparabili ab hoc sacrificio, orto ex institutione istius sacrificij, ex re oblata, & principali offerente Christo.

1. Conclus. Hoc sacrificium est infiniti valoris, etsi semper habeat effectum finitum. Ita Caietan. & communiter cum D. Thom. q. 69. art. 5. Nam oblatum & offerens Christus, in ordine ad quem sumitur substantialis valor sacrificij, iuxta illud Genes. 4. Respexit Dominus ad Abel, & ad munera eius, sunt infinita. Nec obstat si minister Sacerdos sit finitus. Nam effectus attenditur ex principali agente, & eius virtuti commensuratur, nec limitatur ab instrumento, vt patet in naturalibus, vbi effectus substantiæ proportionatur suæ virtuti, & non potentij quibus operatur immediatè. Et in moralibus, si medio ministro des eleemosynam, non limitatur valor ex malitia ministri: & idem est in Sacramentis. Et si quæris, à quo limitatur in particularis; Ad hoc sit.

- II 2. Conclusio. Quoad numerum personarum limitatur à Sacerdote, vt solis profit, pro quibus à Sacerdote offertur. At semel oblato hoc sacrificio, v. gr. pro Petro, eius effectus, sicut & effectus Sacramentorum, non limitatur ex intentione Sacerdotis: cum iste solum se habeat vt instrumentum applicans hoc sacrificium, sed, vt ait D. Thom. ibo cit. ex deuotione eius pro quo offertur; cæteris partibus; sicut in natura-

turalibus forma commensuratur suis dispositionibus. Dixi cæteris paribus: Nam si Sacerdos offert sacrificium specialius pro vno, quam pro alio, aut pro vno in particulari, & pro alio in generali; illi pro hac parte magis proderit, cui specialius applicatur.

3. Concl. Ad percipiendum specialiter fructus sacrificij Missæ, requiritur deuotio saltem virtualis, sed ad percipiendum aliquem fructum, sat est deuotio habitualis reperta in habitu charitatis. Impetratur enim salus pueris nullam habentibus deuotionem, & adultis nil cogitantibus de aliquo sacrificio in particulari. Et cum sint membra Christi viua per charitatem, remittitur eis aliqua pœna peccatorum, saltem minima, per hoc sacrificium. Ex dictis patet, quod cum valor accidentalæ Missæ sit finitus, quanto in plures diuiditur, tanto minus singulis prouenit. Secus de valore essentiali, cum sit infinitus, aliàs non posset Sacerdos dicere Missam, nisi pro solo dante stipendium. Nec ex hoc sequitur licere applicare vnum sacrificium petenti plura. Nam cum de facto respondeat finitus fructus sacrificij petenti illud iuxta eius deuotionem, maiorem ex multis quam ex vna Missa percipiet fructum.

Dub. 7. De stipendio Missæ.

1. Conclusio. Missæ stipendium taxatur à superiore, v. g. à 12 Papa pro toto orbe, aut ab Episcopo pro sua diœcesi, aut taxatur ex communi vsu inter doctos, & timoratos recepto *Ita communiter, de quo Ledes. cap. 18. de Euchar.* Sic enim taxantur aliæ merces, nec in hoc vlla est simonia, ait *Caiet. 2. q. 100. art. 2. Soto, 9. de iust. q. 6. art. 1. & Nau. in man. c. 23. n. 102.* Nam etsi adsit pactum inter Sacerdotem, & dantem stipendium, tamen stipendium non datur in pretium pro Missa.

2. Concl. Probabiliter ait Soto, iustum stipendium esse taxandum in ordine ad congruam Sacerdotis sustentationem pro vno die, siue ab vno, siue à pluribus pro vna Missa accipiat. *Ita Ledes.* Nam Sacerdos habet ius viuendi ex suo ministerio: sed non habet aliud ministerium in vno die, nisi vnâ Missam. Quia etsi possit facere alia opera sacra, vt ministrare Sacramenta, recitare horas; at pro his fideles communiter non dant stipendia.

3. Concl. Oppositum etiam est probabile. *Ita Nauar. & Cordo, lib. 1. quæst. 4.* Nam Ecclesia taxando stipendia Missarum, non ita taxat ea, vt vnum stipendium sufficiat pro

integro victu diei : ob quod in Conc. Trid. sess. 21. cap. 2. statuitur vt nullus ordinetur sine beneficio, aut salutem patrimonio, quò congruè viuat, ne fideles grauentur in soluendo tam ampla stipendia.

4. Concl. Sacerdos reportans vltra iustum stipendium, peccat contra iustitiam commutatiuam, vt patet. Nec Caiet. ait Ledes. dixit oppositum, vt aliqui malè colligunt ex eo quod dixit cum D. Thom. sacrificium Missæ esse infiniti valoris.

- 13 An verò liceat Sacerdoti pauperi reportare duo, seu tria iusta stipendia pro vna Missa, cum habet opus his ad victum parcè & moderatè iuxta suum statum. In hoc Ledes. Cord. Nauar. & Can. 12. *de locis c. ap. 13. ad 10.* affirmant. Dedit enim Sacerdotem mendicare, aliàs vilipendetur. Et idem sentit Ledes. de communicantibus, maximè si exercendo sua ministeria; & petendo consueta eleemosynas, adhuc non habent victum sufficientem pro religiosis. Imò ait Ledes. non est improbable posse religiosos particulares dicta stipendia reportare pro Missis sibi à Prælatiis relictis ad supplendas suas necessitates parcè & moderatè: At probabilius reputo oppositum cum Nau. in *man. c. 25. n. 92.* Nam paupertas vendentis non auget pretium suæ mercis. Non enim potest pauper pluris vendere, v. g. gallinam, quam diues, cum pretium sit idem respectu omnium: ergo nec paupertas Sacerdotis auget stipendium Missæ, aliàs ex iustitia taxatum absolute, nullo habito respectu ad paupertatem, aut diuitias ministri. Et ex dictis patet posse Sacerdotem etiam ditissimum reportare pro sua Missa iustum stipendium, cum sit ex iustitia debitum. Ita D. Thom. quodl. 6. ar. 10. Soto Nauar. Et Ledes. idem ait de Sacerdote habente bona Ecclesiastica sufficientissima ad victum, qui pro Missis liberis potest, sicut alij, iustum reportare stipendium. Nam ratione istius operis nunc ab eo impensi debetur sibi stipendium. Cum enim sit operarius, dignus est cibo suo, vt dicitur Matth. 10. Et aliàs, *quis militat suis stipendijs vnquam?* 1. Cor. 9.

Dub. 8. Quando Sacerdos teneatur ex iustitia Missas celebrare.

- 14 1. Concl. Sacerdos tenetur ex iustitia celebrare per se, vel per alium. Primo, ex vi promissionis, vt si promittis obligato dicere Missas etiam ex solo voto, te eas dicturum. Nam promissio acceptata obligat ex iustitia. 2. Ratione stipendij

pendij accepti. Et peccant mort. colligentes magnam Missarum copiam, quas nisi per longum tempus dicere nequeunt; & postea non profunt eis pro quibus offeruntur, cum iam sint à purgatorio liberati. *Ita Ledesm. ca. 17. de Euchar. & communiter.* Salutare consilium erit in hac partes si Sacerdos semper celebret pro omnibus pro quibus vsque tunc accepit stipendia. Sic enim danti, v. g. vnum stipendium plura applicat sacrificia. Et si in vno die non sit iste dispositus pro recipiendo fructum istius sacrificij, in alijs erit dispositus. 3. Ratione Capellanix.

Et nota, quod si Capellanus infirmatus per duos, aut tres dies, non tenetur dicere etiam per alterum Missas illorum dierum, iuxta cap. 1. de clerico ægroto, nisi aliàs in fundatione Capellanix oppositum explicetur, & istud onus ex maiori stipendio Capellanix recompensetur. *Ita Man. Rod. in sum. c. 247. & Sa. ver. Missa, & alij, contra Ledes.* Secus si morbus sit prolixior; nam tunc dicet Missas per alterum, & satisfaciet dando isti consuetum stipendium. Nec est idem de recipiente pro vna Missa vltra consuetum stipendium, qui si alteri commendet eam, tenetur ei totum reddere stipendium, nisi ab isto spontè excessus consueti stipendij condonetur. Nam aliàs nullo alio titulo potest illum excessum sibi retinere. Quia non ex eo quod sit factus dominus stipendij, *ut tenet Sa. ver. Missa, & Suar. 3. p. 10. 2. d. 87. sect. 3.* nam factus est dominus stipendi cum obligatione dicendi Missam danti stipendium, sicut qui anticipatè accipit pretium pro aliqua re. Et sic si liberatur ab obligatione dicendi Missam, dando eam alteri, perdit ius ad stipendium. Secundo, intentio dantis stipendium est, vt detur dicenti Missam, vt sic fructus maior sacrificij sibi accrescat ratione maioris, & totius stipendij; Capellanus autem satisfacit dando consuetum stipendium. Nam amplius sibi proueniens ex fructibus Capellanix, datur sibi non pro Missa, sed pro obligatione perpetuò celebrandi, aut commendandi Missas.

Et nota, licere Capellano non habenti stipendia pro Missis liberis dicere anticipatè Missas Capellanix, cum soluat debitum anticipatè. *Ita Man. Rod. & alij contra Ledes.* Et patet etiam ex vsu communiatum religiosarum. Non tamen licet Sacerdoti non habenti stipendium, Missam celebrare pro illis, qui postea illi commendabunt Missas, siue reseruando Missæ applicationem in tempus, quo sibi Missæ com-

15

16

com

commendabuntur; siue applicando eas modò pro eo, quem Deus scit eas commendaturum, *Ita Led. Cord. lib. 4. qu. 4. dub. 3. & communiter contra Mann, Rodiri. loco cit. & alias, sed Manuel in impressione anni 1615. correxit, iuxta declarationem Pauli, V. & congregationis Card. præcipientium Ordinarijs, vt illud sub excommunicatione prohibeant, Nam fructus istius sacrificij non potest manere suspensus, & velut in aere.*

An vero parochus teneatur pro sua parochia celebrare: Ad hoc sit.

- 17 2. Concl. Probabilis est sententia Soto 3. de iust. q. 3. art. 1. & d. 19. q. 2. art. 2. quòd parochus teneatur quotidie per se, aut per alterum pro suis ouibus celebrare, maxime si habet beneficium pingue: sed probabilius est oppositum. *Ita Palud. in 4. d. 45. q. 3. dub. 9. Nau. in man. cap. 25. num. 140. Cordona, & Ledes.* Nam nullum extat præceptum, aut consuetudo de hoc, Nec aliàs talis obligatio colligitur ex natura beneficiorum: cum ista sint principaliter instituta ad pascendum oues doctrina, & Sacramentis.

3. Concl. Probabilius videtur, teneri pro parochos pro suis ouibus celebrare in festis, & Dominicis diebus. *Ita Doctores quos refert & sequitur Led.* sed in hoc stetur consuetudini.

Sed an in istis diebus possint à suis ouibus stipendia Missarum recipere: Soto tenet quod sic, Nam fideles vitro illa offerunt, scientes aliàs, quod tunc etiam pro populo celebrant ex obligatione. At probabilius videtur, ait Ledesm. quod sit in illis diebus ex iustitia celebrare tenentur pro populo, non possint pro illis Missis recipere alia stipendia. Nec credendum est, fideles ita liberaliter ea offerre, sed ad hoc vt pro eis altero die celebretur.

QVÆSTIO SECUNDA.

De tempore celebrationis.

D. Thomas. q. 38. art. 2.

S V M M A R I V M.

Conuenienter determinatur tempus celebrationis, & quod sit illud. num. 1.

Quando

Quando liceat illud praevenire, num. 2.

An liceat celebrare post meridiem, num. 3.

An in die Parasceues, vel Sabbato Sancto, num. 4.

An extra hos dies sit Missa dicenda quotidie, num. 5.

An, & quando liceat dicere plures Missas in die, num. 6.

An habens duas parochias, possit in die eadem consecrare in ambobus Eucharistiam sumendam in Parasceue, num. 7.

DVB. 1. An convenienter determinetur tempus celebrationis. I

1. Conclusio D. Thoma Affirmatiua. Nam in celebratione istius mysterij attenditur & representatio Dominicæ passionis, & participatio fructus eius: Ergo iuxta utramque convenienter determinatur tempus celebrationis. Ex eo enim quod quotidie egemus fructu Dominicæ passionis ob defectus quotidianos, quotidie hoc Sacrificium celebratur: & quia passio Christi celebrata est ab hora tertia vsque ad nonam, ideo in illa parte diei Missa solemnis celebratur. Et de hac Missa solemni loquitur Telephorus Papa in *epist. decret. c. 2. & iuxta cap. necesse, d. 1. de consec.* cum ait, quod ante horam tertiam non debet Missa celebrari. Nam tunc Christus linguis Iudæorum, ut ait D. Thom. ad 3. & iuxta D. Marc. 14. est crucifixus, & Spiritus sanctus descendit in discipulos tunc.

2. Conclusio, D. Thom. ad 4. Non potest incipi Missa regulariter ante initium auroræ. Ita communiter Doctores, quos refert, & sequitur *Ledesm. cap. 19 de Eucharistia*. Nam ante illud tempus non sunt homines regulariter ita dispositi ad tam diuinum opus. Vbi nota, initium auroræ esse initium crepusculi diei, seu primam lucis irradiationem. Et adhuc hoc moraliter taxetur: Nam etsi crepusculum non sit omni tempore æquale: at omni tempore licet incipere Missam hora, & dimidia ante Solis ortum. Ita *Ledesm. & Suarez 3. par. d. 8. sect. 4.* Et iuxta *Palud. in 4. d. 13. q. 2. & Victor. in sum. de Eucharist. num. 97.* licet celebrare media hora ante initium auroræ; ita ut Missa finiatur quando incipit aurora, paulò plus, minusve.

3. Conclusio, D. Thoma ad 3. Aliquando licet dicere Missam ante dictum tempus. Primò, ob necessitatem. Ita *capit. 2. necesse, de consecr. d. 1. v. g.* causa itinerandi, aut ut audiatur à laboraturis, aut ob communicandum infirmum morti proximum. Ita *Ledesm. cum alijs ab eo relatis*. Nec ad hoc est necessaria Episcopi licentia, maxime si sit absens: nam hoc conce-

conceditur in iure citato, non reuocato in Concilio Tridentino. Secundò, in nocte natalis Domini potest dici prima Missa illico post mediam noctem. Ita *cap. nocte sancta, de consecrat. dist. 1.* Et patet ex usu. Imò & aliæ duæ Missæ possunt dici tunc, ait *Ledesm.* etsi oppositum sit communius, & probabilius. Ita *Siluest. Angel. Tabien. Armil. verb. Missa, & Nauar. in manu. cap. 25. num. 87.* Et colligitur ex Canone, ubi pro prima Missa dicitur, *Communicantes, & noctem sacratissimam celebrantes*: & pro alijs Missis dicitur, *Communicantes, & diem sacratissimum*, &c. Tertiò, de licentiâ Episcopi potest dici Missa ante illud tempus. Ita *Ledesm. 4.* Religiosi iuxta sua priuilegia *relata in nostra Epitome lib. 2. cap. 5. dub. 6.* possunt illico post Matutinum, aut post duas horas mediæ noctis.

3. 4. Conclusio Missa incepta ante meridiem potest post meridiem terminari, sed illam incipere post meridiem, erit regulariter peccatum mortale. Ita Doctores, quos refert, & sequitur *Ledesm. c. 19. de Eucharistia.* Et licet *Nauar. c. 25. num. 22. Durand. Angel. Scot. Sa. verb. Missa,* teneant licere celebrare horam tertiam post meridiem: & tempore D. Thom. iste erat usus, ut patet *art. 2.* sed iam vetatur à Pio V. in motu incipienti, *Sanctissimus in Christo Pater*, anno 1566. Dixi regulariter: nam ex causa rationabili potest incipi Missa post meridiem. Primò, si in festo solemniori durat Missa sollemnis, & concio, v. g. post duas horas meridiæ, potest Missa priuata incipi finito officio sollemni, maxime, ne aliqui Missam omittant. 2. Ratione itineris potest Missa celebrari in festo post meridiem, dum tamen vnius horæ tempus non excedatur. Ita *Sor. 10. de iustitia, q. 5. art. 4.* Et ita est usus. 3. Etsi Episcopus non possit alicui concedere licentiam celebrandi generaliter post meridiem, sed hoc pertinet ad Papam: bene tamen in aliquo casu, & ex rationabili causa. Nam eadem est ratio de celebratione ante horam, & post horam ab Ecclesia statutam. Ita *Ledesm. 4.* Religiosi iuxta sua priuilegia, de quibus *in nostra Epitome loco citato*, possunt celebrare usque ad Nonam inclusiuè, id est, usque ad tres horas post meridiem.

4. Dub. 2. *An sit quotidie Missa celebranda.*

1. Conclusio. Non licet Missam celebrare in Parasceue consecrando Eucharistiam. Ita *cap. Sabbato, de consecrat. d. 3.* Et patet ex usu, & traditione Ecclesiæ. Nam ut ait D. Thom. *art. 2. ad 2.* in illo die recolitur passio Christi, prout realiter gesta est:

est: & ideo non celebratur consecratio Eucharistiæ. Solum ergo consumitur tunc Eucharistia pridie consecrata, ne Ecclesiæ, ait *D. Thom.* etiam ista die sit sine fructu passionis per hoc Sacramentum nobis exhibito. Licebit tamen tunc in probabiliiori sententia, ait *Ledesma*. ministrare Eucharistiam fidelibus: cum hoc in iure non vetetur.

An liceat dicere Missam in Sabbato Sancto, cum in dicto cap. Sabbato id aquè, ac de Parasceue vetetur. Ad hoc dico licere iam dicere tunc Missam solemnem, & dicta lex per contrarium usum totius Ecclesiæ est reuocata quoad hoc. Imò ut ait *Ledesma*. *Sot. d. 13. q. 2. art. 5a. verb. Missa*, & alij moderni contra *Nauar. cap. 25. num. 88.* non erit peccatum mortale dicere tunc Missas priuatas, cum sit idem ac de Missa solemni: ergo si cessauit prohibitio pro Missa solemni, etiam cessauit pro priuata: sed in hoc stetur consuetudini, & non violetur sine rationabili causa, & nisi ablato scandalo, ut si tunc occurrat festum de præcepto, & non possint omnes fideles audire tunc Missam solemnem Sicut anno 1617. occurrente festo Annunciationis in Sabbato isto plures Missæ celebratæ sunt in singulis Ecclesiæ Toletanæ diocesis. Et adhuc tunc, ait *Ledesma*. Missa priuata non celebretur; antequam incipiat solemnitas in *Gloria in excelsis* Missæ solemnis. Nam usque tunc durat prohibitio Ecclesiæ, & ratio eius; nisi alias dicas Missam de Cruce.

2. Conclusio. Extra Parasceuem non est vetita Missæ celebratio, nec præcepta quotidie Sacerdotibus particularibus. Imò multi timorati aliquot diebus omittunt celebrare, ut postea deuotius celebrent, & alij etiam viri Religiosi quotidie celebrant: ergo.

3. Conclusio. In Ecclesijs Cathedralibus, Collegialibus, Conuentualibus, imò & in Parochialibus, ubi est sufficiens numerus Sacerdotum, tenentur Rectores istarum Ecclesiarum quotidie providere sub mortali de Missa. Ita *Ledesma*, *Soto, art. 1. & communiter*. Et patet, tum ex cap. cum creatura, de celebrat. Missarum, cum glossa, ubi talis obligatio insinuat: tum etiam ex consuetudine habente vim legis: cuius signum est, quod si aliquando deficit Missa fideles scandalizantur.

Dub. 3. An possit Sacerdos dicere in uno die plures Missas: 6

1. Conclusio. *D. Thom. ad 5.* Peccas mortaliter pluries in die sine causa celebrando. Nam cap. sufficit, de consec. d. 1. dicitur, quod

quod qui in vno die præsumunt dicere plures Missas, non evadent damnationem. Et idem est de communione: de quo *Ledesm. cap. 19. de Eucharistia*.

2. Conclusio. Ex causa rationabili licet pluries celebrare. Primò in Natali Domini celebrantur tres Missæ. Ita *cap. nocte sanctæ, de consec. d. 1.* Et huius congruentiam assignat *D. Tho. ad 2.* Nam illæ tres Missæ significant triplicem Verbi natiuitatem, vtpotè, diuinam, humanam, & spiritualem in iustis per gratiam. Secundò, licet *iuxta cap. consului, de celebrat. Missæ.* ex causa necessaria, & honesta. Et huius sunt multi casus. Primus, si vnus Sacerdos præest duabus Ecclesijs indigentibus Missa, & sit solus, potest tot dicere Missas, quot habet Ecclesias. Ita *Ledesma, cap. 19. de Eucharistia*, & patet ex vsu. Et hoc, ait *Suarez, sect. 3.* licet, non solum in festis, sed & in alijs diebus, si aliàs in quauis Ecclesia sit sufficiens numerus fidelium audientium Missam, cum non debeat priuari populus tanto sacrificio, etiam in istis diebus. Sed in hoc, ait *Ledesma*, stetur consuetudini.

7 Sed an qui habet duas parochias, possit in die eadem consecrare in ambabus Eucharistiam sumendam in Parasceue cum vino non consecrato. In hoc, ait *Ledesma*, aliqui probabiliter affirmant, vt fideles non priuentur officio diuino illius deuotissimi diei: sed ipse tutius reputat consecrare hostiam in præcipua Ecclesia, & ibi perficere solemnitatem, & quod fideles alterius Ecclesiæ illuc accedant. Et si ambæ Ecclesiæ sint æquales, in vno anno celebretur officium in vna Ecclesia, & alibi in altero anno. Et si ex ignorantia Sacerdos in vtraque Ecclesia consecrauit,umat solam Eucharistiam in vna Ecclesia, & in altera Eucharistiam cum vino. Et si in priori Ecclesia sumpsit Eucharistiam cum vino, in altera nonumat, sed seruet illam.

Secundus casus: si in festo solempni Ecclesia non capit omnes fideles, ab eodem Sacerdote, si non sit alius, plures Missæ celebrantur, si opus sit. Ita *Duran lib. 2. de ritibus, cap. 7.* & videtur esse idem, ac de primo casu. Tertius, si post primam Missam occurrit defunctus ex more cum Missa sepeliendus. Ita *cap. sufficit, de consec. d. 1.* Quartus, si superuenit notabilis persona, vt Episcopus, quem vt dicitur *cap. quoniam, de priuil. in 6.* decet audire Missam quotidie: imò & ob peregrinos in festo. Quintus, si infirmus sit communicandus, & non sit consecrata Eucharistia. 6. Si in eodem die sunt duæ Missæ, vna festi, & altera vigilæ, Rogationum, aut Defunctorum: & sit vnus solus

Sacer-

Sacerdos. Ita *D. Thom. ad 2. 7.* Si sint nuptiæ benedicendæ. Dicti casus assignantur à *Palud. in 4. d. 12. q. 1. art. 4. D. Anson. 3. par. tit. 13. c. 6. §. 4. & 5. Soto d. 13. q. 2. art. 2. Navar. cap. 25. num. 87. Victor. num. 96. Siluest. verb. Missa, 1. & Angel. verb. Missa.* Et addunt alium casum, vtpotè si in aliqua Ecclesia ex more dicuntur duæ Missæ per duos Sacerdotes, & alter istorum infirmatur. Et in dictis casibus supponitur, quod celebrans sit ieiunus, ita vt in prima Missa non sumpserit lauatorium, sed solum sanguinem cum hostia. Ita *cap. ex parte, de celebrat. Missarum.* Item supponitur, vt non sit alius Sacerdos, qui velit celebrare. *Et nota,* quod in omnibus dictis casibus, excepto primo, & secundo, non apparet vrgens necessitas pluries celebrandi. Nam nil inconuenit, vt Episcopus omittat audire Missam, aut quod defunctus sine Missa sepeliatur, &c. Sed in his stetur consuetudini.

QVÆSTIO TERTIA.

De locis, vasibus, vestibus, pro Missa.

D. Thomas quæst. 83. art. 3.

S V M M A R I V M.

Missa per se celebranda est in loco sacro, num. 1.

Aliquando tamen extra hac loca licet celebrare, num. 2.

Quot modis Ecclesia violatur, num. 3.

An, & quando liceat celebrare in Ecclesia violata, num. 4.

Quod si Ecclesia violatur dum Sacerdos celebrat, num. 5.

Missa celebranda est cum ara, calice, & patena consecratis; &

quomodo illa amittant consecrationem, num. 6.

Sub mortali etiam celebranda est Missa cum corporali, & ve-

stibus sacris benedictis, num. 7.

Item cum candela cerea accensa, & ministro, num. 8.

DVB. 1. *An Missa sit celebranda in loco sacro.*

1. Conclusio. *D. Thom. ad 1. & 2.* Affirmatiua per se loquendo. Ita in multis *cap. de consec. d. 1. & in Concil. Trid. sess. 22. c. de obser. in Missa, & communiter, de quo Ledesm. c. 20. de Eucharist.* Et patet. Nam ita conuenit ad debitam reuerentiam tanti Sacramenti, & deuotionem fidelium. Et sic cum hoc

præce-

præceptum sit de re grauissima, obligat sub peccato mortali, vt ait *Ledesm. contra Soto, d. 13. q. 2. art. 3. & Sa. verb. Missa*, et si violator istius præcepti nullam incurrat censuram, vt ait *Ledesm. contra Siluest. Et nota*, quod stando in iure veteri non licet celebrare extra locum ab Episcopo consecratum: sed ob difficultatem consecrationis, vsus obtinuit, vt sufficiat locum esse benedictum.

2. 2. Conclusio. *D. Thomæ ad 2.* Ob necessitatem licet celebrare extra dicta loca. 1. Si in processionibus, & Missis nouis Ecclesiæ non capit omnes fideles. Ita *Nauarr. in manu. cap. 21. num. 10. & c. 25. num. 68. & 82. Ledesm. & Soto, d. 13.* Et locus iste sit decens. Nam in mari, aut fluuio ob periculum effusionis sanguinis non potest Missa celebrari. Item itinerantibus si defuit Ecclesiæ; licet sub dio, seu sub aere, aut sub tentorijs Missas celebrare in altari portatili. Ita *D. Thom. ad 1. ex cap. concedimus, de consecrat. d. 1. Si arguas*, quod solis Episcopis conceditur *cap. vltim. de priuileg. in 6.* dicere Missam etiam per alterum extra Ecclesiam in altari portatili, quod decretum non est reuocatum à Concilio Trident. *sess. 22. loco cit.* vt declarauit Congregatio Card. Episc. Elburen. die 9. Septembris anni 1591. & refertur à *Farin. decis. 38.* ergo alijs id non licet. *Ad hoc dito*, id licere Episcopis sine necessitate; cum absolutè eis ibi concedatur, sed alijs licet solum in necessitate?

Secundò, *in cap. Missarum, de consecrat. & cap. hic ergo, & cap. in his, de priuileg.* conceditur celebrare in locis permissis ab Episcopo. Et iuxta ista decreta poterat Episcopus id concedere sine vlla necessitate. Ita *Soto, Siluest. verb. Missa, 1. & Nauarr. in manu. capit. 25. numero 82.* Nam dando istam licentiam non dispensat in iure, & sic non eget causa, sed vtitur potestate sibi data in dictis decretis. Sed iam in Concilio Tridentino citato tollitur ab eis ista facultas, dum eis præcipitur, ne patiantur priuatis in domibus, ac omnino extra Ecclesiam, & ad diuinum cultum dedicata oratoria ab eisdem Ordinarijs designanda, & visitanda, sanctum hoc sacrificium à secularibus Sacerdotibus, aut regularibus peragi. Et Concilium non loquitur in casu necessitatis, sed solum condit legem ordinariè seruandam. In qua, sicut in alijs multis, potest Episcopus existente necessitate dispensare, vt patet, tum ex vsu præscripto, etiam post Concil. Trident. tum etiam, quia in casibus dictis in principio conclusionis licet celebrare extra dicta loca sine Episcopi licentia;

ut ait Nauarr. & Ledesm. cap. 20. de Eucharist. ergo à fortiori, licet Episcopo dispensare in necessitate etiam non ita euidenti, v. gr. si sit in aliqua domo ubi non est oratorium, in firmus, potest dare licentiam celebrandi in aliqua camera in altari portatili, in sua diocesi solum, ut ait Angel. ver. Missa & Ledesm. contra Siluest. etsi ablato altari illa camera deferuiat prioribus vsibus. Ita Guttierrez in 99. canon. cap. 30. num. 28. Vbi etiam refert congregationem Cardin. declarasse non licere celebrare in domibus priuatis, nisi in casu necessitatis.

1. Dub. 2. An liceat celebrare in Ecclesia violata.

3

1. Conclus. Sex modis violatur Ecclesia. 1. Ob homicidium publicum. Ita cap. proposuisti, de consecr. Eccles. & cap. semotum, de consecrat. dist. 1. Et sic non violatur per occisionem hominis purè casualem, aut factam in propriam defensionem, aut ab amente, aut ebrio, quando istis non imputatur ad culpā. Item, si extra Ecclesiā percutis alterum lethaliter, & moritur in Ecclesia, non violatur. Sicut nec è contra, si absque sanguinis effusione, v. g. veneno percutias alterum lethaliter in Ecclesia, & moritur extra Ecclesiam. Nam violatio ob homicidium non incurritur vsque ad homicidium intrā Ecclesiam per mortem consummatum. Si tamen iudex suspendat reum in Ecclesia, violatur. Nam illa occisio est voluntaria, & iniuriosa loco sacro. Et si suspenditur extra Ecclesiam in parietibus, aut supra tectum, violatur solum cimiterium. Ita Sil. ver. consecratio. 2. & Nau. cap. 25. nu. 85. & cap. 27. n. 250. Item si te ipsum occidisti in Ecclesia, violatur, cum ista occisio sit iniuriosa Deo, Ecclesie & Reip. Imo ex martyrio facto in Ecclesia violatur: cum ista occisio ex parte tyrannorum sit valdè iniuriosa loco sacro. Ita Led. cap. 10. de Euchar.

2. Violatur Ecclesia per effusionem sanguinis publicam, & illicitam mortaliter, & in magna quantitate. Ita cap. si Ecclesia, de consecr. Ecclesia, & c. Ecclesijs, de consecr. d. 1. cum glossa, & Ledesm. Silu. verb. interdictum, & communiter. Et sic non violatur per effusionem sanguinis in propriam defensionem, aut purè casualem, aut naturalem, vt cum è naribus effluit, aut medicinalem, vt cum quis in Ecclesia minuitur. Et idem est de effusione proprii sanguinis. Nam si culpabiliter mortaliter effundis tuum sanguinem in Ecclesia, violatur. Secus, si te flagellando pro peccatis, aut casualiter, aut aliter licitè. Et vt Ecclesia violetur non est necesse,

ut sanguis cadat in solum Ecclesiæ. Nam etsi recipiatur in vase, aut accepto vulnere statim exis ab Ecclesia, violatur. Nec est necesse, quod percussor sit in Ecclesia: nam si extra Ecclesiam existens percutis existentem in Ecclesia, violatur. Secus si existens in Ecclesia percutis extra Ecclesiam existentem. Ita *Ledesm.*

3. Violatur Ecclesia pollutione voluntaria & publica. Et idem de coitu. Ita *cap. Ecclesijs, de consecratio. d. 1.* Et non sat est parua distillatio, etiamsi sit peccatum mort. Nec requiritur quod semen, sicut nec sanguis, cadat in solum Ecclesiæ; cum non violetur Ecclesia ob contactum feminis, aut sanguinis sed ob iniuriam factam loco sacro. Ex dictis patet non violari Ecclesiam per pollutionem naturalem, aut in somnijs sine culpa mort. nec per pollutionem, aut coitum occultum, sicut nec per homicidium, aut effusionem sanguinis occultam, etsi à duobus, aut tribus sciatur, dum non publicatur. Ita *Paludan. in q. d. 18. q. 8. art. 4. Soto, 17. q. 2. art. 3. ad 2. Siluest. verb. consecrat. 2. Nau. in manu. cap. 25 num. 251.* Et patet ex cap. significasti, de adulterio: Vbi dicitur Ecclesiam esse violatam per quoddam adulterium, ex eo quod adultera publicè confessà est delictum: ergo requiritur publicitas. Et ex hoc etiam patet, non requiri sententiam declaratoriam iudicis, ut est communis sententia, contra Pennam citatum à *Ledesm.* Et patet ex *usu.*

An vero violetur Ecclesia per copulam coniugalem publicam. In hoc *Soto d. 23. q. 2. art. 3. ad 2. negat, sed Caiet. verbo, matrim. Victor. in sum. num. 99. & Nau. in manu. c. 27. n. 253.* affirmant. Sed ad hoc dico, quod si coniuges diu cogantur habitare in Ecclesia: nec extra eam ad coitum exire possint, sicut non peccant tunc coeundo, sic nec violatur Ecclesia, etsi talis coitus publicetur. Ita *Silu. verb. consecratio. 2. Cona. in 4. decre. 2. p. c. 7. § 2. Victo. nu. 276.* At si coniuges sine causa ibi coeunt, utpotè, si possunt exire ad coitum extra Ecclesiam, aut si per breue tempus coguntur esse in Ecclesia, & facillè possunt abstinere à coitu ibi, peccant mort. petendo & reddendo debitum contra reuerentiam loci, & violatur Ecclesia si coitus publicetur. Ita *Ledesm.*

4. Violatur Ecclesia sepeliendo in ea excommunicatum. Ita *consultasti de consecr. Ecl.* Et intelligitur post Conc. Const. de solo excommunicato non tolerato; nam iste solus est à nobis vitandus. Ita *communiter.* An verò Ecclesia consecra-

ta, aut benedicta ab excommunicato non tolerato sit violata: Probabilius est quod sic. Ita *Ledesma cap. 20. de Eucharist. Palud. & Siluest. loco citat. Panormit. & Hosti. in cap. consulti*.

5. Violatur Ecclesia sepeliendo in ea infidelem. Ita *cap. Ecclesiam 1. & 2. de consecrat. d. 1.* Et intelligitur etiam per infidelem puer non baptizatus, si separatim à matre sepelitur: Secus si in utero matris cum ea sepelitur. Ita *Silu. Ledesma, & alij.*

6. Violatur Ecclesia si eius parietes taliter ruant, ut sit necesse, quod iterum reedificetur, saltem quoad maiorem partem. Secus si paulatim ruat, & successiue, & reparetur. Nam tunc non amittitur consecratio. Nec sat est quod tectum ruat. Ita in *c. ligneis, de consec. Ecclesia, & Silu. verb. consecr. 2.* Nam vnctiones, & cruce consecrationis Ecclesie non in eius tecto, sed in parietibus sunt. Et si Ecclesia non sit consecrata, sed benedicta, & parietes ruant, non amittit benedictionem, cum solum tantum benedicatur. Et sic durante solo durat benedictio. Ita *Silu.*

7. Conclusio. Violata Ecclesia violatur cœmeterium contiguum: cum iuxta regul. 42. iuris in 6. accessorium, quale est cœmeterium, sequatur naturam principalis. At non violatur Ecclesia violato cœmeterio. Ita *cap. de consecrat. in 6.* Et dicitur Ecclesia, quod manet versus parietem internam clauso ostio Ecclesie, aliud vero quod manet extra, etiam limen ostij, & sacristia non reputantur Ecclesia. Et ista violatio non habet locum in oratoriis: sed in Ecclesijs consecratis, aut benedictis.

8. Conclusio. Peccat mort. per se loquendo, qui celebrat in Ecclesia violata: sed non incurrit aliquam censuram: cum nil tale in iure habeatur. Nec etiam incurritur irregularitas. Ita *c. is qui, de sen. excom. in 6. & Palud. in 4. d. 8. qu. 8. Silu. ver. consecrat. 2. Soto. d. 13. q. 2. art. 3. Nauar. in manu. c. 25. num. 83. & Ledesma. c. 20. de Euchar.*

9. Conclusio. Aliquando licet celebrare in Ecclesia violata: Primò, Ex privilegio, ut religiosi, *de quo in nostra Epitom. lib. 2. c. 5. dub. 7.* Secundò de licentia Episcopi. Ita *cap. Missarum, c. his ergo, de consec. d. 1.* Vbi dicitur, posse Missam celebrari ubi Episcopus permiserit, aut praeceperit. Nec hoc vetatur in Concil. Tridentin. sess. 21. decr. de obseru. in Missa, sed celebratio in domibus privatis extra Ecclesiam, iuxta

dicta dub. 1. Tertiò, quoties ob necessitatem, iuxta dicta dub. 2. licet celebrare extra locum sacrum, licebit à fortiori celebrare tunc in Ecclesia violata: cum hoc sit illo decentius. Ita *D. Thom. 2. p. qu. 83. art. 3. ad 2.* etsi requirat Episcopi consensus. Sed intelligitur, si necessitas non sit ita evidens, aut vrgens.

5. Concl. Si Ecclesia inter celebrandum violetur, & Sacerdos inceperat canonem, perficiat suum ministerium, alias omittat Missam quousque Ecclesia reconcilietur. Et si Ecclesia erat benedicta, ipse Sacerdos potest eam statim reconciliare. Ita *c. si Ecclesia, de consecrat.* At si sit consecrata, à proprio Episcopo, aut ab alio de eius licentia, debet reconciliari. Et sic Sacerdos tunc omittet Missam: cum simplex Sacerdos, nisi ex commissione Papæ, non possit Ecclesiam consecratam reconciliare. Ita *cap. aqua, de consec. Ecclesia.*

Dubium 3. *An Sacerdos teneatur celebrare cum ara, & calice.*

6. 1. Conclusio. Tenemur celebrare sub peccato mort. cum ara. Ita *D. Thom. art. 3. ad 8.* Et ara debet esse lapidea. Ita *cap. altaria, de consecr. d. 1.* Et significat Christi crucem, *ut ait D. Thom. art. 1. ad 2.* Et debet esse ita sufficiens, ut capiat calicem cum hostia, saltem quoad maiorem partem. Et est consecranda ab Episcopo. Nam simplex Sacerdos, nisi ex Papæ commissione, non potest eam consecrare. Et durat consecratio, quousque taliter frangatur, ut in neutra parte eius commodè ponatur calix, & hostia modo dicto. Ita *Siluest. verb. altare, Paludan. & Nauarr. loco citato iuxta cap. 1. & 3. de consecr.*

2. Conclus. Tenemur sub mort. celebrare cum calice, & patena ab Episcopo, aut à simplici Sacerdote, ex commissione Papæ consecratis. Ita *D. Thom. ad 6.* Nam in cap. ult. de celeb. Missar. ponitur pœna depositionis celebranti sine calice consecrato. Et durat calicis consecratio, quousque taliter diuidatur quod amittat formam, & quantitatem conuenientem suo vsui. Et si superficies calicis, & patenæ, ubi recipiuntur species Eucharistiæ iterum deaurentur, amittitur consecratio. Nam ista vasa consecrantur, ex eo quod immediatè tangunt Eucharistiam, sed in isto casu, quod immediatè tangit Eucharistiam iam non est consecratum, eo quod est de nouo deauratum; ergo. At si calicis copa intus deaurata paulatim amittat deaurationem, non eget noua consecratione,

tione, vt ait Ledes. cum communi sententia vsu recepta. Item, etsi amittatur consecratio cum copa calicis diuiditur à pede per fractionem, vt ait *Palud. in 4. d. 13. q. 2. art. 5. & Silu. ver. calix*. tamen si pes calicis sit tornatilis, id est, de tornillo, non amittitur consecratio ex hoc solo, quod à copa separetur, ait *Caiet. & Ledes. contra Siluest. & Armill. verb. calix. Et nota*, quod calix debet esse aureus, argenteus, aut stanneus. Ita *cap. vt calix, de consecratio. d. 1.* Et erit peccatum mort. celebrare cum calice ferreo, plumbeo, aut vitreo, &c. Nam istæ & similes materiæ habent multa inconuenientia, aut quia sanguis potest effundi, aut nimis vasi adhærere, &c. Ita *D. Th. loco cit.*

An vasa ubi recipitur Eucharistia in sacratio, aut pro communicandis fidelibus seruanda, debeant esse sicut calix aurea, argentea, aut stannea. Nil habetur in iure, & videtur esse idem, ac de calice, & patena.

An vero ista vasa debeant consecrari. In hoc probabile est quod non: cum ita teneant *Sot. d. 13. quest. 1. art. 3. Palud. quest. 1. art. 6. & Sil. ver. Eucharistia. 3.* & nil tale in iure præcipiatur, & à viris piis talis consecratio omittatur. Sed oppositum Durand. lib. 1. de ritibus Ecclesiæ, cap. 10. videtur certius. Nam vt ait *D. Thom. art. 3.* nil debet tangere Eucharistiam ob eius reuerentiam, quod non sit consecratum, aut benedictum.

Dub. 4. An Sacerdos teneatur celebrare cum corporalibus, & vestibus sacris.

1. Conclusio. Tenemur sub mort. celebrare cum corporalibus. Ita *D. Thom. ad 8.* Et corporalia sint linea ab Episcopo, aut simplici Sacerdote ex commissione, benedicta, Ita *cap. consulto, de consecratio. d. 5.* Et cum corporalia sint sordida, sunt prius sub peccato saltem veniali à Sacerdote, aut Diacono lauanda, & lotio mittetur in piscinam. Ita *cap. nemo 2. de consecr. d. 2.* Et post primam lotionem licetè traduntur corporalia, & purificatoria mulieribus maxime Religiosis iterum lauanda. Ita *Siluest. verbo, mulierum peccata, & Ledes. loc. cit.*

2. Conclusio. Tenemur sub mortali celebrare cum amictu, alba cingulo, manipulo, stola, & casula. Ita *Palud. Soto, d. 3. Siluest. & Summista. ver. Missa, Nauarr. in man. cap. 25. num. 84.* Et patet, tum ex vsu Ecclesiæ: tum, quia sic præcipitur *cap. vestimenta, de consecrat. d. 1.* Etsi possumus vti stola pro cingulo, & manipulo pro stola, ait *Sa. ver. Missa.*

stola pro cingulo, & manipulo pro stola, ait Sa. ver. Missa. Et vestes istæ debent sub peccato mort. esse benedictæ. Ita *Dofloras citati*. Et patet ex vsu. Falso enim ait Sa. & Sco. in 4. d. 13. q. 2. & *Ricard. art. 3. q. 4.* licere vti cingulo non benedicto, cum oppositum constet ex vsu Ecclesiæ. Potest tamen, ait Sa. ver. Missa, cingulum fractum necti, si altera pars non sufficit.

An vero deficiente aliqua ex dictis vestibus liceat in gravi necessitate celebrare sine illa: Ad hoc dico ex *Ledesm.* non esse peccatum mort. tunc celebrare sine aliqua veste ex minoribus, vt sine manipulo, aut cingulo.

3. Conclusio. Licet secularibus tangere vestes Sacerdotales, & alia quæ non tangunt immediatè Eucharistiam, aut non sunt chrismatæ vnctæ. Peccabunt tamen venialiter, si absque necessitate tangant aram, calicem, patenam, aut corporalia. Ita *Ledes. Nam. Et cap. sacratis*, &c. non oportet, d. 2. 1. præcipitur secularibus ne ista tangant, cuius etiam signum est, quod Pontifices concessere religiosis laicis ista tangere: ergo ex se erat illicitum. Imò quando in istis vasibus continetur Eucharistia, peccabunt mort. non Sacerdotes, aut non Diaconi ista tangendo sine necessitate. Ita *Palud. d. 13. q. 1. art. 4. Ledes. & alij.*

8 Dub. 5. An teneamur celebrare cum candela accensa, & adiutore.

1. Conclusio. Tenemur sub mort. celebrare cum candela accensa. Ita *c. literas, de celeb. Mis. Palud. Sot. d. 13. Silu. Nam. & communiter.* Et patet ex vsu. Et candela ista debet esse cerea. Et si in necessitate non videtur peccatum mort. celebrare cum lucerna olei. Ita *Ledes. cap. 20. de Euchar.*

2. Conclusio. D. Tho. art. 5. ad 2. Non possumus regulariter sine adiutore celebrare. Ita *glossa in c. hoc quoque, de consec. d. 1. Soto d. 13. quæst. 2. art. 5. ad 12.* Et addit quod etiam in festo, nisi alias solemnissimo, melius est non celebrare, quàm celebrare sine adiutore. Et ita etiam *Ledesm. c. 27. de Euch.* Sed cum hoc stat licere celebrare sine adiutore, non solum in festo, sed etiam à fortiori pro recipiendo, aut porrigendo viatico, aut alia simili necessitate, sed non sine illa, contra Sa. ver. Missa. At nunquam licet mulieri etiam deficiente viro, accedere ad altare, aut presbitero ministrare. Ita *cap. 1. de cohabi. cler. cum muli.* Et nota quod etsi in cap. hoc quoque cit. præcipiatur, vt sine duobus Sacerdoti respondere scientibus non celebretur, quia nisi adfuerint saltem duo adiu-

tores, non verificatur *Dominus vobiscum*; nec *Orate fratres*, &c. tamen hoc, ait D. Thomas, intelligitur de Missis solemnibus.

QVÆSTIO QVARTA.

De cæremonijs Missæ.

D. Thomas qu. 83. art. 4. & 5.

S V M M A R I V M.

An sit peccatum mortale omittere cæremoniam vel partem aliquam Missæ, num. 1.

An teneamur dicere Missam diei; & num. cum ista satisfiat petenti alteram, num. 2.

An liceat omittere Missam inceptam, num. 3.

Vel semel inceptam recipere, num. 4.

DVB. 1. *An Sacerdotes teneantur seruare ritum Missæ, ut in Missali habetur.*

1. Conclus. affirmatiua. Nam sic strictè iubetur in Conc. Trident. sess. 22. de re. de obser. in Missa. I

2. Concl. Peccas mort. omittendo aliquam grauem cæremoniam, vt si consecres sine vlla cæremonia, vel, seclusa negligentia aut inaduerentia inculpabili, omittas partem notabilem Missæ, vt Epistolam, Euangelium aut integram orationem canonis. Ita communiter; cum iam transgrediatur dictum præceptum in re graui.

3. Conclusio Peccas ven. omittendo cæremoniam, aut partem paruam, etiam canonis Missæ. Nam violatio istius præcepti, sicut & aliorum, ex paruitate materiæ fit veniale peccatum.

4. Concl. Si omisisti partem Missæ, quæ non est de substantia sacrificij, vt *Gloria*, aut *Credo*, non repetas eam postea. Nam regulariter id non fit sine nota, Ita Siluest. ver. Missa 1. & Ledesm. c. 24. de Euchar. Et celebrando cum ministris sat est ab eis audire Epistolam, & Euangelium, Ita communiter contra Nau. in ora. miscela. 78.

Dub. 1. *An teneamur dicere Missam diei.*

A 2 4 voti

1. Concl. Si Missa diei sit de feria, potes tunc dicere aliam votiuam. Patet ex usu timoratorum. Imò, si festum non sit duplex potes ex causa rationabili dicere Missas votiuas, vel si petitur Missa de defunctis: Et hæc procedunt de Sacerdote in particulari. Nam in Ecclesijs Cathedralibus, Collegialibus, & Conuentualibus dicenda est in communitate Missa diei. Nam sic præcipitur c. quidam, &c. cum creatura, de celeb. Mis. *An vero Sacerdos particularis possit pro una Missa petita dicere aliam, ad hoc sit*

2. Concl. Optimè satisfacis dicendo Missam diei. Tum quia sic conformaris regulæ Missalis. Tum etiam, quia æquè prodest vna Missa, ac alia. Ita Ledesma cap. 14 de Euchar. Siluest. verb. Missa, Soto, dist. 13. q. 2. art. 1. Nauar. c. 21. nu. 7. Et saluberrimum consilium est ita facere. Imò, ut ait Ang. verbo Missa, non excusatur à peccato, qui in festis solemnibus omittit Missam diei.

3 Dub. 3. *An liceat omittere Missam inceptam.*

1. Concl. Peccas mort. id faciendo sine causa vrgentissima. Nam cap. nullus. 3. de conse. d. 1. ponitur pœna suspensionis isti peccato. Et enim maxima irreuerentia, ait Ledesma, et si non incurriatur excommunicatio, ait Nauar. in ora. Misce. 42. Salce. cap. 45.

2. Concl. Ex causa legitima, illud licet. 1. Si incepta Missa, superuenit tibi infirmitas, ita vt commodè, & reuerenter eam perficere nequeas. 2. Si incepta Missa, recordaris te non esse ieiunum, aut esse excommunicatum, suspensum, interdictum, aut irregularem, omittes Missam: si alias non sequitur scandalum, vel non incepisti consecrare. Ita Nau. in Man. c. 25. n. 75. 3. Si excommunicatus non toleratus nolit exire à Missa. & alias non incepisti canonem, ut ait Nau. in c. 27. n. 34. omittes Missam. Et idem si non incepto canone ponitur cessatio à diuinis, aut violatur Ecclesia consecrata, & alias non habes priuilegium celebrandi tunc. At si inter celebrandum ponatur interdictum, perficies Missam ianuis clausis.

An liceat iterum incipere Missam inceptam? Ad hoc sit

3. Concl. Peccas mort. repetendo missam, incepto canone, ob quamuis causam. Nam vt ait Ledesma, est notabilis irreuerentia. At si ablato scandalo ob insignem personam, aut ob alios qui tenentur audire Missam, repetas Epistolam, aut Euangelium, non peccas mort. Ita Nau. cum alijs in orat. miscela, q. 42. n. 633. contra Salce. in pract. crim. n. 42.

n. 42. & *Man. Rod. in sum. c. 244.* Imò id facere sine causa, non videtur Petro de Ledesma peccatum mortale. Sed hoc non est consulendum. Nam saltem erit peccatum ven. prædicta repetere, etiam cum causa. Vide D. Th. ar. 4. non si ne diuino numine explicantem cæremonias Missæ.

QVÆSTIO QVINTA.

De defectibus in Missa occurrentibus.

D. Thomas. q. 83. art. 3.

S V M M A R I V M.

Quomodo occurrendum defectibus Missæ, num. 1.

Quid agendum si sumendo calicem reperis esse aquam, num. 2.

Quid si sit defectus circa substantiam panis, num. 3.

Quid si sit defectus in forma, num. 4.

Quomodo occurrendum defectibus accidentalibus, num. 5.

Quid si sacerdos post consecrationem infirmetur, num. 6.

Quid si species consecrata sint venenata, num. 7.

Quid si sanguis effundatur, num. 8.

DVBi 1. *Quomodo occurratur defectibus Missæ.*

1. Concl. D. Thom. Defectus substantialis in materia, aut forma, est necessario supplendus. Erit enim mortale peccatum efficere sacrificium imperfectum, v. g. si consecrata hostia non habes vinum in calice, pones illud antequam ultra procedas. Etsi non reperitur, omissis cæremoniis circa vinum, procedas ultra. Sic habetur in Missali Romano. Et si sumpto calice reperis esse aquam, degluties eam, ait Ledesm. contra Silu. & Angel. Nam excusaris, tunc, ait D. Thom. ad 4. à præcepto sumendi Eucharistiam ieiunus. Et consecra vinum & sumes statim: & sic perface sacrificium cum speciebus panis iam sumptis. Ita Scot. in 4. distinct. 8. quæst. 3. Et hoc cum in publico celebratur, iuxta Soto, distinct. 13. quæst. 2. art. 6. & Navar. in manna. cap. 25. num. 91. ob vitandum scandalum. Nam hoc ablato, utpotè in secreto celebrando, sententia Dni Thomæ ad 4. quod alia hostia est consecranda cum vino, & resumendus canon. ut probabilius, est tenenda: Sed si defectus notetur ante sumptio-

- ptionem hostiæ, posito vino cum aqua resumes ab illis verbis, *simili modo*, &c. cum ambæ species tunc sint simul. *Ita D.Th.*
- 3 Et si defectus sit in hostia, vt si sit hordeacea, hoc noto ante consecrationem, pones aliam; & ea simul cum vino oblata, repete canonem. *Ita Lodes & communiter*. Et si non inuenitur hostia triticea, non procedas vltra, cum nulla etiam in vino sit facta consecratio. At si defectus iste noscitur consecrato vino, & non sumpto, *iuxta Palud. & Angelum* sat erit consecrare tunc hostiam, & idem quando defectus noscitur sumpto vino, cum ordo consecrandi prius hostiam non sit ita simpliciter necessarius. At iuxta D. Thomam ponantur novæ species panis, & vini, eas offerendo, & resumendo canonem, vt sic debitus ordo in consecratione seruetur. Hæc de defectu substantiali materiæ.
- 4 Si tamen defectus in forma, vt si omittis aliquid substantiale formæ, aut si non habuisti intencionem consecrandi, &c. & contingat in ambabus speciebus, sumptâ vna earum saltem, cum iam nec sis ieiunius, nec sacrificium inceptum, nihil suppleatur. Sed nulla specie sumpta teneris ambas species consecrare resumendo ab illo, *qui pridie*, &c. non vt perficiatur sacrificium, cum non sit inceptum; sed vt tollatur fictio, & ne detur fidelibus occasio adorandi quod non est adoratione dignum. At si sola hostia consecrata, & non sumpta, consecrabis vinum resumendo ab illo, *simili modo*, &c. Et si solus sanguis sit consecratus, siue sit sumptus, siue non: pone aliud vinum, & hostiam, si prior sit etiam sumpta, & istis oblatis, resumes totum canonem, vt sic debitus ordo in consecrando, seruetur & perficiatur sacrificium. Et patet hoc ex dictis circa defectum materiæ. Sed si Sacerdos probabiliter dubitet de sua intensione, repetat verba formæ, sub conditione saltem tacita sine canone, *ut ait Lefesma contra Scos. Palud. & Angelum*. At si dictum dubium ex scrupulo oriatur, deponatur, & nihil suppleatur.
- 5 2. Concl. Defectus accidentalis gravis, vt sit panis sit fermentatus, aut si in vino non sit gutta aquæ immixta, suppleatur ante consecrationem, non tamen postea. *Ita D.Th. ad 4.* At si defectus non sit ita gravis, vt si hostia sit cum macula, aut fracta, aut vinum parum acidum, sed est verum vinum: si hoc noscitur a principio, ponatur alia materia ante oblationem, imò & postea, secluso scandalo, sed non post consecra-

secrationem. Et si non sit alia materia, cum illa celebrabis, nisi alias adsit scandalum.

Dub. 2. *Quid fiet, si post consecrationem evenit impedimentum sumptionis Eucharistia; aut quia Sacerdos infirmatur, aut Eucharistia est venenata, aut sanguis effunditur? &c.*

1. Conclusio. Si Sacerdos vna saltem specie consecrata: 6
ob infirmitatem ultra procedere non valet, substituatur alius pro perficiendo sacrificium. Ita D. Thom. ad 1. Et iste incipiet ab eo puncto, ubi alter cessauit. Ita D. Thom. in 4. dist. 8. quest. 2. art. 4. & Soto dist. 23. quest. 1. art. 1. Et substitutus sit ieiunus, si fieri possit, sin minus, per non ieiunum perficiatur sacrificium. Sed an iste teneatur supplere illud: Soto tenet quod non, secluso scandalo; Nauar. tenet quod sic. Et vtrumque, ait Ledesma, est probabile. At si non sit Sacerdos, qui perficiat sacrificium, species consecratæ, etiam vini, possunt sumi à laico, non vt perficiat sacrificium, cum hoc sit solius Sacerdotis habentis characterem ad consecrandum, & sacrificandum, sed ob reuerentiam Sacramenti. Ita Ledesma.

2. Conclusio. Si species consecratæ sint venenatæ, seruentur 7
quousque corrumpantur, & postea in piscinam mittantur, aut vinum corruptum in panno, aut stupa receptum comburatur, & cineres in piscinam mittantur. Ita in Missali Romano. Et posita alia specie pro venenata, resumatur ab illo. *Qui pridie, &c.* si est hostia, aut ab illo, *Simili modo, &c.* si est vinum. Ita D. Thom. ad 3. Et idem si in hostia appareat caro, aut puer, illa specie reseruata, alia pro illa consecratur. Ita D. Thom. 3. par quest. 82. art. 4. ad 3. Et si aranea, aut musca cadit in sanguinem ex quo manet venenatus, fiat de illo; vt nunc dixi. At si non manet venenatus, sumatur à Sacerdote cum illo animali si fieri possit sine periculo vomitus, aut alio graui damno. Sin minus, extracto animali, & prius loto, comburatur, & mittatur in piscinam, & sanguis sumatur. Ita D. Thom. ad 3.

3. Conclusio. Si hostia dispareat, aut totus sanguis effundatur, 8
alia hostia, aut vino posito, & oblato resumes à consecratione modo dicto. Sed si aliqua pars hostiæ, aut sanguinis manet, cum eis perficiatur sacrificium. Et si sanguis cadat in terram, radatur, & rasuræ comburantur, & mittantur in piscinam. Si cadat in tabulam, tapetem, aut lapidem lambantur à Sacerdote: deinde radantur, & rasuræ combustæ mittantur in piscinam.

scinam. Si eadat in sindonem altaris, in corporalia, aut veste Sacerdotale, lauentur ista ter super Calicem, & aqua lotionis mittatur in piscinam. Ita *D. Thom. ad 7. ex c. si per negligentiam, de consecrat. d. 2.* Et de sindone dicitur in Missali Romano, quod combusta parte tacta à sanguine post lotionem, mittatur in piscinam cum lotionem.

QVÆSTIO PRIMA.

De Sacramento Pœnitentiæ.

D. Thomas 3. par. quæst. 84.

S V M M A R I V M.

Pœnitentia Sacramentum à Christo institutum, & materia eius proxima sunt actus pœnitentis, num. 1.

Materia verò remota, & circa quam, sunt peccata post baptismum commissæ, num. 2.

Forma autem, hæc verba, absolue te, & eorum significatio, num. 3.

Non sola absolutio, sed etiam actus pœnitentis causant gratiam, num. 4.

Probabilius etiam absolutio postea exercita, num. 5.

Quomodo hoc Sacramentum sit necessarium ad salutem, nu. 6.

An sit iterabile circa peccata confessæ, num. 7.

An confessio peccatorum semel dimissorum, sit facienda cum nouo dolore, num. 8.

Nota ex *D. Thom. art. 1.* Pœnitentiam esse vnum ex septem Sacramentis, à Christo institutum in illo *Ioan. 20. Accipite Spiritum sanctum; quorum remisistis, &c.* Ita diffinitur in *Concil. Triâ sess. 6. cap. 14. & sess. 14. cap. 1. & can. 1.*

I Dub. 1. *An peccata sint materia pœnitentiæ.*

1. Conclusio. *D. Thom. art. 2.* Materia proxima Pœnitentiæ sunt actus pœnitentis, vtpotè, contritio, confessio, & satisfactio. Ita diffinitur in *Concil. Florent. & Trident. sess. 14. can. 4.* Et patet: Nam ista immediatè determinantur, & informantur per formam absolutionis ad componendum hoc Sacramentum, & efficiendum vnum signum practicum gratiæ remittentis peccata. Ex quo patet contra Durand. quod non
sola

sola absolutio, & confessio, sed & contritio, & satisfactio componunt hoc Sacramentum. Alias, sicut datur Baptismus sine ullo dolore, sic daretur Sacramentum poenitentiae sine dolore, & proposito satisfaciendi, quod est absurdum. Verum est istas partes non componere aequè hoc Sacramentum. Tum quia hoc Sacramentum non saluatur sine confessione, & contritione, seu attritione, benè tamen sine actuali satisfactione, cum solo proposito satisfaciendi. Tum etiam, quia confessio est signum sensibile, non sic contritio, cum resideat in corde. Et sic ex se non est signum sensibile, sed per confessionem per quam manifestatur.

2. Conclusio. *D. Thom. ibi.* Peccata sunt materia remota poenitentiae. Non materia ex qua, cum ex eis non componatur hoc Sacramentum, nec materia in quam introducatur forma, sed materia circa quam destruendam versatur poenitentia, sicut misericordia circa miseriam repellendam, & ignis circa lignum comburendum. Ex quo patet; quod etsi in Baptismo non sola materia proxima ut ablutio, sed & remota, ut aqua, eleuetur ad causandum gratiam, sed non sic peccata in poenitentia: Nam aqua perseverat in Baptismo, non verò peccata in poenitentia: sicut idem dicitur de substantia panis in Eucharistia.

3. Conclusio. *D. Thom. ad 3.* Peccata mortalia sunt materia necessaria poenitentiae, sed venialia sunt materia sufficiens, & propria, in quam licet cadit absolutio. Ita diffinitur *contra Luther. in Concil. Trid. sess. 14. can. 7. & in Bulla Leonis X.*

Dub. 2. *An peccata ante Baptismum, aut in Baptismo commissa, sint materia Sacramenti Poenitentiae.* 2

1. Conclusio. *D. Tho. 3. par. q. 63. art. 10. ad 2.* Peccata ante Baptismum commissa non sunt materia poenitentiae. Ita communiter *contra Angel. verb. Baptismus 6. & Ricard. in 4. d. 16. art. 2. q. 4.* Et patet 1. *ex Concil. Trid. sess. 14. c. 1.* ubi ait hoc Sacramentum esse institutum ad de'enda peccata post Baptismum commissa. 2. *Ad absoluendum sunt necessariae claves, & iurisdictio: ut patet ex illo Matth. 16. Tibi dabo claves, &c. & Ioan. 30. Quorum remisistis, &c.* Sed in Ecclesia non est iurisdictio in peccata commissa ante Baptismum, cum extra Ecclesiam committantur: ergo.

2. Conclusio. Peccata commissa cum Baptismo, ut si cum actu baptizaris, cupis mulierem, non sunt materia poenitentiae. Ita *D. Tho. & Caiet. loc. cit.* Nam cum ista non sint peccata homi-

hominis baptizati, non sunt commissi intra Ecclesiam. Secus si illa peccata post Baptismum continuentur iuxta *quest. 4. de Baptis. dub. 4.* Et tunc baptizatus, etsi recipiat Baptismum, & characterem, sed non gratiam, & remissionem peccatorum. At recipiendo postea Sacramentum Poenitentiae, per illud tollitur illa fictio, & peccatum, quo ablato Baptismus praecedens remittit peccata antecedentia, & comitantia Baptismum. Et sic ad ista peccata concurrunt Baptismus, & Poenitentia; Baptismus per se, & Poenitentia, ut causa per accidens, remouendo prohibens. Ita *D. Thom. loco citato.*

3. Dubium 3. *An forma Sacramenti Poenitentiae sit, Absolutio te.*

1. Conclusio. *D. Thomas art. 3.* Affirmatiua, & diffinita in Concil. Flor. & Trident. *sess. 14. cap. 3.* Nam Matth. 19. & Ioan. 20. datur Discipulis potestas exercendi hoc spirituale iudicium, & remittendi peccata: ergo illa verba erunt forma istius iudicij, & Sacramenti, quibus explicatur vsus talis potestatis, & eius virtus, sicut explicatur istis verbis, *absoluo te*, & alijs aequiualentibus, ut si dicas, *remitto*; aut *condono tibi peccata*, aut *absoluaris*.

2. Conclusio. Illa verba, à peccatis tuis, sicut & expressio Trinitatis, nec sunt de essentia, contra *Durand. Paludan. in 4. dist. 22. q. 3.* & *Angelum verb. confessio 5.* nec etiam sunt de integritate, contra *Martin. de Ledes 3. par. q. 84.* & sic nec peccas mortaliter illa omittendo. Nam satis intelligitur, quod illa absolutio sit à peccatis: cum hoc Sacramentum sit iudicium circa peccata, de quibus praecessit accusatio. Et ista est sententia *D. Thom. Caietan. loc. cit. ad 3. D. Anton. 3. par. tit. 17. cap. 21. §. 1. Siluest. verb. absolutio. Nauar. in manu. cap. 26. num. 11.* Et in Concil. Flor. & Trid. sola ista verba. Ego te absoluo, assignantur pro forma.

3. Conclusio. Sensus istorum verborum, ego te absoluo, non est, ego ostendo te absolutum, ut dicebat Magister sentent. sed, ego impendo tibi Sacramentum absolutionis, & verè te absoluo. Ita *D. Thom. art. 3. ad 5. Caiet. Soto, & communiter.* Nam Sacramenta sunt signa practica gratiae, utpotè efficientia quod significant. Quia etsi solus Deus sit causa principalis gratiae, tamen Sacramenta, & ministri sunt instrumenta eius. Et ut dicitur in Concilio Florent. *decret. de unio. Armil. & in Concilio Tridentino sess. 14. cap. 6.* Sacerdotes verè absoluunt, & remittunt peccata, & non poenas solum, ut dicebat *Ricard. lib. 1. de potest.*

potest. leg. cap. 12. Hugo lib. de Sacrament. part. 14. cap. 8. & Medin. tract. de Pœnitent. Si arguas, quòd quando accedis contritus ad hoc Sacramentum verè recipis illud, & tamen non absolueris à peccatis, cùm ista iam sint per contritionem dimissa: ergo. Ad hoc dico 1. quod etsi peccata sint iam dimissa, sed non iudicialiter, sed hoc fit per sententiam Sacerdotis. Sicut in iudicio sæculari, debito dimisso, absoluitur homo iudicialiter per sententiam iudicis. Et idem est de peccato iam confesso, & dimisso, quod si iterum confitetur, verè absoluitur. Hæc enim est natura iudicij; vt si sæpè in iudicio repetatur eadem materia, possit cadere super eam sententia iudicis. In iudicio enim sæculari sæpè homo accusatur, & absoluitur ab eodem delicto. 2. Dico illa peccata esse dimissa per contritionem in ordine ad hoc Sacramentum: & sic quando in re suscipitur, dicuntur absolui in hoc tribunali Sacramenti Pœnitentiæ, in quo nondum erant absoluta.

... Dub. 4. *An sola absolutio causet gratiam.*

1. Conclusio. Non sola absolutio, sed & actus pœnitentis, vt instrumenta Dei causant gratiam istius Sacramenti. Ita *D. Thom. art. 1. ad 3. & art. 2. ad 1. & ibi Caietan. & Thomista, & clarius, q. 86. artic. 6. Ricard. Palud. Capr. & Soto, dist. 14. q. 1. art. 1. & d. 18. q. 3. art. 1. Canon reluc. de pœnitent. q. 5. dub. 1. Fer. 4. con. cap. 72. & communiter contra Vega lib. 23. de iust. c. 15. & alios*. Itaque actus pœnitentis, non ex se, alias pœnitens suis actibus absolueret se à suis peccatis, sed eleuati per absolutionem, participant ab ea virtutem causatiuam gratiæ. Sicut in ferro candenti participatur virtus ignis ad comburendum, & sicut aqua eleuata per formam Baptismi causat gratiam Baptismi. Et ita patet ex Concilio Tridentino sess. 14. cap. 3. vbi dicitur, quod vis causatiua gratiæ in Sacramento Pœnitentiæ, est præcipuè in verbis Sacerdotis, vbi insinuat, quod etiam sit, etsi non ita præcipuè, in actibus pœnitentis. 2. Sacramenta efficiunt quod significant. sed significatio illius Sacramenti, etsi sit præcipuè in absolutione, existit etiam in actibus pœnitentis, cum ex eis, sicut ex materia, & ex absolutione; sicut ex forma, efficiatur vnum Sacramentum, & signum prædicum: ergo. *Si arguas*, gratia istius Sacramenti datur virtute clauium, & per iurisdictionem cum qua fertur sententia, sed ista sunt in solo Sacerdote: ergo. *Ad hoc dico*, effectum istius Sacramenti causari à clauibus, &c. cum virtus remittendi peccata, & causandi gratiam sit præcipuè

cipue in verbis Sacerdotis, tamen ex eis communicatur etiam actibus pœnitentis.

Maius dubium est de satisfactione, an causet gratiam. Nam aliqui negant, & dicunt, quod vt sit pars Sacramenti, sat est causare gratiam, vt contentam virtualiter in contritione, & confessione, aut in proposito eam implendi, cum acceptatur, etsi cum impletur postea, non causet gratiam. Sed ad hoc sit

2. Conclusio. Probabilius est, quod satisfactio quando impletur, si non adsit impedimentum peccati mortalis, causat gratiam ex opere operato, vt dicit ordinem ad clauus Ecclesiæ. *Ita Ledesma cap. 6. de Pœnitent. dub. 2.* Et colligitur ex Diu. Thom. quæst. 90. art. 2. ad 2. vbi ait, satisfactio prout est in proposito, causat gratiam, & auget illam, prout est in executione. 2. Satisfactio quæ est pars istius Sacramenti, non est quæ clauditur virtualiter in contritione, confessione, aut proposito eam implendi, sed quæ postea realiter exercetur: ergo ista in quantum est sub præcedenti absolutione, causat gratiam *si arguas*, Gratia pœnitentiæ causatur in instanti terminatiuo prolationis istorum verborum Sacerdotis, *Ego te absoluo*: sed satisfactio fit postea; ergo: *Ad hoc dico*, quod in illo instanti causatur gratia essentialis Sacramenti: at quando postea fit satisfactio, causatur quedam perfectio & augmentum gratiæ, vt patet ex D. Thom. loco citato. Sicut enim satisfactio est pars integralis istius Sacramenti, sic gratia ab ea causata efficit perfectionem & integritatem eiusdem gratiæ. Ex quo patet, non peccare mortalit. qui implet satisfactionem in peccato mortali, cum non ponat obicem effectui essentiali, sed soli perfectioni, & integritati eiusdem effectus. Sicut qui sumit Eucharistiam sine debita attentione, non peccat mort. etsi ponat obicem perfectioni gratiæ dandæ actualiter attentis & deuotis. *Si obijcias*: Alias, qui in peccato mortali, commisso post absolutionem cum sola attritione impleveret satisfactionem, fieret ex attrito contritus, ac si reciperet Sacramentum; *Ad hoc dico* quod efficere ex attrito contritum est proprietas totius Sacramenti & non partium seorsum. Item satisfactio est causatiua gratiæ in vi præcedentis absolutionis, vt dixi. At talis absolutio non se extendit ad peccatum post illam commissum, cum quo impletur satisfactio: cum non sit subiectum clauibus Ecclesiæ.

Dub. 5. *An Sacramentum poenitentiae sit necessarium ad salutem.* 6

1. Conclusio. D. Thom. artic. 5. Hoc Sacramentum non est absolutè necessarium ad salutem : cum multi, vt Beatissima Virgo, sine eo sint saluati. Est tamen absolutè necessarium baptizatis mortaliter peccantibus. Ita in Conc. Trid. sess. 6. cap. 14. & Matth. 3. & Luc. 13. explicatur necessitas poenitentiae pro peccatorum remissione, ita vt sine ea non iustificet homo : sed ista poenitentia ex Christi instituto debet esse secundum iudicium Sacerdotis absoluentis per potestatem clauium à peccatis, sine quo, aut sine ordine ad illud non remittuntur peccata : ergo.

2. Conclusio. Dum dicitur poenitentiam esse medium necessarium ad salutem, sermo est de poenitentia in re, vel in voto, seu desiderio. Ita declaratur in Conc. Triden. sess. 6. cap. 14. & sess. 14. cap. 4. Imò nec requiritur semper votum explicitum poenitentiae, quo recordatus Sacramenti Poenitentiae doleas de peccatis, & proponas confiteri suo tempore, & habita opportunitate; sed si non recorderis peccatorum, sat est votum, seu desiderium implicitum inclusum in actu dilectionis Dei super omnia, vt dicemus dub. 1. de contritione: aut si ignarus Sacramenti Poenitentiae, & recordatus peccatorum doles de eis, & firmiter proponis emendam. In isto enim proposito & dolore clauditur implicitè propositum confitendi.

Dub. 6. *An Sacramentum Poenitentiae sit iterabile.*

1. Concl. D. Th. art. 10. affirmatiua. In Conc. Trid. sess. 14. can. 1. & cap. omnis vtriusque sexus, praecipitur fidelibus confessio annualis. Imò viri timorati saepe continentur eadem peccata, cum aliquando dubitent probabiliter, an sint dimissa ob defectum doloris, aut aliter. Imò etsi constet esse dimissa quoad culpam: & poenam iterum licitè continentur. Nam tunc datur noua materia, vtpotè nouus dolor, & confessio peccatorum iam dimissorum, & propositum satisfaciendi pro eis: ergo potest applicari forma absolutionis, qua constituatur nouum Sacramentum, & detur noua gratia. Nec est idem de hostia consecrata, quæ non est iterum consecrabilis, cum maneat panis, qui consecratur, & sic forma secundo repetita non cadit supra aliquam materiam: at forma absolutionis cadit supra nouam confessionem peccatorum, &c. quæ sunt materia proxima poenitentiae.

An vero sufficiat repetere vocalem confessionem eorundem peccatorum dimissorum sine nouo dolore In hoc

2. Conclusio. Probabile est quod non. Nam materia proxima poenitentiae non est sola confessio, sed & contritio, & satisfactio: ergo totum est repetendum. Sed probabilius est oppositum. Ita *Ledesm cap. 4. de poenitent. dub. 2.* Nam repetita sola confessione vocali, repetitur materia proxima; etsi non totaliter: & hoc sat est vt iterum repetatur forma. Et sic patet ad argumensum oppositum. Præterquam quod repetita confessione vocali repetitur saltem virtualiter dolor in ordine ad confessionem vocalem. *Si arguas.* Nam etiam sat erit repetere dolorem eorundem peccatorum sine noua confessione vocali, cum contritio sicut & confessio sit pars Sacramenti Poenitentiae: *Ad hoc nego antecedens.* Nam etsi contritio sit absolute principalior confessione: tamen confessio in ratione partis Sacramenti est præcipua. Imò contritio non est pars Sacramenti nisi in ordine ad confessionem vocalem: cum non sit signum sensibile, nisi in quantum per confessionem manifestatur, vt dixi dub. 1. Et sic si non repetitur confessio, etsi repetatur contritio, non repetitur materia proxima sensibilis.

QVÆSTIO SECVNDA.

De Contritione.

D. Thom. in addit. q. 1.

SUMMARIUM.

Quid sit contritio. n. 1.

An necessario coniuncta dilectione Dei supernaturali. n. 2.

An contritio formalis sit necessaria ad iustificationem. n. 3.

An una contritio sufficiat pro omnibus peccatis. n. 4.

Quomodo differant contritio & attritio. n. 5.

An Attritio sufficiat ad Sacramentum Poenitentiae recipiendum. n. 6.

An contritio deleat omnem culpam & poenam. n. 7.

An sit in precepto & quando obliget. n. 8.

DVB. 1. *Quod sit contritio.*

1. Conclusio. D. Thom. art. 2. Contritio est actus virtutis poenitentiae. Poenitentia enim virtus est habitus supernaturalis à Deo infusus consequens gratiam in subiecto capaci, utpote, in homine peccatore, quo recuperet vitam gratiae peccato mortal. amissam. Et sic virtus ista versatur circa peccatum mort. destruendum, non ut est contra Deum aut proximum: cum hoc sit munus charitatis, sed ut est offensae Dei, ait D. Tho. 3. p. q. 83. art. 2. & 3. intendendo satisfacere pro illo, & reconciliare hominem cum Deo: quod praecipue assequitur per contritionem, & ab ea specificatur. *Et nota*, quod contritio potest considerari & secundum ea, quae includit ex natura sua, & in omni statu, & ut est pars Sacramenti Poenitentiae.

2. Conc. Contritio ex sua natura est dolor pro peccatis assumptus, id est, displicentia, seu detestatio, & odium peccati. Ita communiter cum D. Tho. art. 1. *Et nota* 1. Quod de essentia istius contritionis est propositum emendandi vitam servando mandata, & cauendo peccata futura. Ita D. Tho. 3. p. q. 83. art. 3. & 4. Et patet ex Conc. Trid. sess. 6. ca. 6. & sess. 14. cap. 4. ubi dicitur, quod contritio est dolor & detestatio peccatorum cum proposito emendae. Imò hoc includitur in ipsa detestatione. Nam contritio dicit satisfactionem amicabilem ordinatam ad reconciliationem, sed hoc non intelligitur, ut patet etiam in humanis, sine dicto proposito emendae explicito regulariter, utpote, quoties homo recordatur malae vitae praeteritae, quod regulariter occurrit poenitenti. At si aliquando non occurrant homini sua peccata, non tenetur habere explicitum propositum cauendi, sicut nec confitendi illa. Nam contritio est ultima dispositio ad gratiam, sed potest haberi contritio, sine illo proposito explicito, & cum sola displicentia, in qua consistit essentialiter contritio, & à qua causatur tale propositum quando peccata occurrunt memoriae ergo:

2. *Nota*. Quod contritio semper habet adiunctam dilectionem Dei supernaturalem, saltem implicitam. Nam charitas est medium necessarium ad iustificationem, iuxta illud. 1. Ioann. 3. *Qui non diligit manet in morte*, sed contritio disponit immediatè ad iustificationem: ergo, &c. Imò praeter actionem Dei conuertentis ad se cor hominis,

iuxta illud Thren. 5. *Conuertere nos Domine ad te, & conuertermur*: concurrunt ad iustificationem actus fidei, iuxta illud ad Hebr. 11. *Sine fide impossibile est placere Deo*, & actus spei; nam contritio est dolor de peccatis cum spe veniæ. Sed non est necesse, quod quoties iustificamur, habeamus actualem motum fidei & spei, vt experientia patet, sed sat est virtualis motus fidei & spei. Sæpè enim mouemur contra peccatum sine eo quod actu iudicemus Deum esse iustificatorem, & poenitentia placari. Et multo minus concurrunt necessariò cum contritione actus timoris seruilis, aut filialis, etsi aliquando præcedat aliquis timor, maximè seruilis. Timore enim poenarum concussi aliqui peccatores solent à peccato reuocari. Et licet. D. Thom. 3. p. q. 85. art. 5. inter actus requisitos ad contritionem numeret omnes actus dictos, ideo est quia omnes solent concurrere, etsi non eodem modo, nec eadem necessitate.

An possit peccator iustificari sine actu formali poenitentia detestantis peccatum: Ad hoc dico, quod regulariter illud non fit, cum regulariter occurrant homini sua peccata mort. sine quorum detestatione non iustificabitur: at si peccata non occurrant homini, vt si subito rapitur ad martyrium iustificabitur, contra Cano. & alios quos sequitur Ledesm. cap. 6. de poenitentia, concl. 13. per actum virtualem poenitentia inclusum in actu dilectionis Dei super omnia. Et patet ex D. Thom. 3. part. quæst. 87. art. 1. vbi ait, quod ad remissionem peccatorum mort. obliuorum post diligentem inquisitionem, sat est virtualis displicentia, & poenitentia reperta, scilicet, in actu charitatis vt in causa.

3

3. Conclusio. Contritio vt pars Sacramenti Poenitentia, est dolor pro peccatis assumptus, id est, displicentia, & detestatio peccatorum cum proposito confitendi, & satisfaciendi. Nam etsi contritio ex sua natura tale propositum non includat, vt patet in contritione hominis non baptizati: secus est de contritione, quæ est pars Sacramenti Poenitentia. Nam partes cuiusuis totius dicunt ordinem ad se inuicem, 2. Nam cum in lege noua confessio sit necessaria baptizatis mortaliter peccantibus, votum confessionis saltem implicitum debet necessariò includi in contritione peccatoris baptizati: alias contritio non iustificabit siue tali voto.

Dub. 2. *An sufficiat vna contritio pro omnibus peccatis*.

1. Conclusio. Vna sola contritio, siue loquendo de ea ex natura sua, siue vt est pars Sacramenti Poenitentia, sat est pro

pro omnibus peccatis. Ita Caieta. 2. p. quæst. 87. art. 1. Soto d. 17. q. 2. art. 3. cano. relect. de poenit. par. 3. & Ledesma cap. 6. de poenit. con. 3. contra Alex. Ricard. Durand & Palud. ab eo citatos. Alias si essent necessariae tot contritiones, quot peccata, non posset homo multis irretitus peccatis in momento iustificari. Nam in tam breui spatio non posset habere tot contritiones.

2. Conclus. Dicta contritio etsi vna formaliter debet esse plures virtualiter, per hoc quod singula peccata mort. saltem implicite, & virtualiter detestetur. Ita ex D. Thom. 3. p. q. 87. art. 1. Adria. q. 3. de bap Soto, Cano. & Ledesma con. 4. Nam quoduis peccatum mort. auertit à Deo: ergo contritio, quæ conuertit hominem in Deum, saltem virtualiter debet detestari singula auertentia à Deo.

An vero necess. ut ista vna contritio, saltem ut est pars Sacramenti, expressè detestetur omnia peccata mort. distinctè cognitæ. Ad hoc.

3. Conclusio. sit negatiua. Ita Caieta. q. 2. de contrit. Nam peccator in omni statu potest in momento iustificari: sed in tam breui spatio non potest homo cogitare expressè tot peccata: ergo.

4. Concl. In ordine ad confessionem faciendam sunt distinctè cogitanda singula peccata mort. & detestanda, siue per vnam, siue per plures contritiones. Ita communiter Caiet. Soto, Cano. Ledesma. & alij.

Dub. 3. An requiratur contritio ad Sacramentum Poenitentia.

In hoc Soto d. 12. q. 1. art. 4. ait, quod ad recipiendum gratiam istius Sacramenti est necessaria vera contritio, sed ad dignè recipiendum Sacramentum alias informe, sat erit attritio reputata contritio.

Sed nota. Quod contritio, & attritio conueniunt 1. in hoc quod vtraque versatur circa peccatum, detestando illud, & auertendo voluntatem ab eo 2. in hoc, quod vtraque secundum suam substantiam est supernaturalis: nec elicita viribus naturæ. Diffinitur enim in Concil. Trident. sess. 6. can. 3. Neminem posse poenitere sicut oportet, vtpotè ad iustificationem, ex solis naturæ viribus, sed ex auxilio Dei praeueniente, & eleuante potentiam: Sed differunt attritio, & contritio. 1. Quod contritio est actus virtutis Poenitentia; At attritio non oritur ex aliqua virtute, sed ex quodam auxilio supernaturali concesso à Deo per modum dispositionis;

2. Quod contritio est dolor perfectus vtpotè procedens ex sua natura ex motiuo dilectionis Dei super omnia : At attritio est dolor imperfectus, vtpote procedens ex alio imperfectiori motiuo, v.g. ex timore poenarum inferni, & turpitudine peccati, aut ex carentia diuinæ visionis, &c. 3. Quod attritio ; cum sit dolor imperfectus per se sola sine Sacramento, etiam cum voto, & desiderio illius non iustificat. *Ita communiter*. Nam attritio, etsi tollat affectum peccati, sed non tollit peccatum, sed saluatur cum eo. At contritio cum sit dolor perfectus, tollit peccatum etiam sine actuali Sacramento ; & plenè conuertit hominem, & subijcit Deo vltimi fini dilecto super omnia, in qua dilectione virtualiter continetur propositum seruandi omnia mandata. Et sic est vltima dispositio ad quam sequitur gratia infallibiliter, etiam sine actuali Sacramento.

6

1. Conclusio. Ad recipiendum Sacramentum poenitentiae sat est attritio, quæ cum Sacramento isto causat gratiam, & remittit peccata. Ita *D. Thom. 3. p. q. 80. art. 4. ad 2.* Et ob hoc poenitentia, sicut & baptizmus, dicitur Sacramentum mortuorum, causans vitam gratiæ in subiecto mortuo per peccatum mort. 2. In Concil. Tridenti. sess. 14. cap. 4. dicitur de attritione, quod cum illa adiutus poenitens viam sibi ad iustitiam parat, & quamuis sine Sacramento Poenitentiae per se ad iustificationem perducere peccatorem nequeat, tamen eum ad Dei gratiam in Sacramento Poenitentiae impetrandam disponit. Hæc Concilium. Et licet non dicat ista definiendo, ob quod nostra conclusio non est de fide, vt ait Soto d. 17. quæst. 2. artic. 5. docet tamen illa ex communi sententia Theologorum, cui etiam maximam præbet auctoritatem, & robur.

2. Conclusio. Cum dicitur de attritione, quod dolet de peccatis ob poenas inferni, non sit sensus quod taliter dolet ob poenas; quod si non essent poenæ non doleret, aut detestaretur peccata, seu quod principaliter detestatur poenas, & ob istas detestatur culpam. Nam iste dolor iam tunc esset malus, cum in eo adhuc durer affectus ad culpam, Sed dicitur esse ob poenas inferni, in quantum timor poenarum inferni per fidem cognitarum est occasio detestandi culpam. Et sic iam tunc in ista attritione principaliter detestaris culpam, etsi ista detestatio fiat ex motiuo poenarum.

Dub.

Dub. 4. *An contritio deleat omnem culpam.*

1. Conclusio D. Tho. ad di. quæst. 3. art. 3. affirmatiua : & patet ex dictis, dub. 3.

2. Con. Contritio iuxta suam quantitatem remittit de peccatis peccatorum. *Ita ex D. Thom. ar. 2.* Et ista maior aut minor culpæ detestatio prouenit ex maiori, aut minori charitate. *Ita D. Th.*

3. Concl. D. Th. art. 1. Contritio vt pars Sacramenti poenitentiae instrumentaliter causat gratiam, & expellit maculam peccati, vt patet à simili de alijs Sacramentis. Sed vt actus virtutis poenitentiae, efficienter expellit maculam istam : cum per contritionem voluntas peccatori, ordinetur, & conuertatur in Deum, & auertatur à bono commutabili. Dolet enim de peccatis ob Deum, cum intentione satisfaciendi pro peccato, & compensandi iniuriam : ergo expellit efficienter maculam peccati. Et ad istam expulsionem infallibiliter sequitur gratia, non efficienter, sed ex Dei ordinatione. Et prius in genere causæ materialis intelligitur expulsio peccati, quam introductio gratiae.

Dub. 5. *An contritio sit in præcepto.*

1. Conclus. In omni tempore fuit præceptum contritionis saltem virtualis. Patet ex Conc. Trid. sess. 14. c. 4. vbi ait, Poenitentiam omni tempore fuisse ad salutem necessariam. Sed de omni medio nobis possibili ad salutem necessario, vt est contritio ex auxilio Dei nobis concesso possibilis, habemus præceptum : ergo.

2. Conclusio. Quoties in lege noua tenemur confiteri, si non adsit confessor tenemur conteri, vt in articulo & periculo mortis, & quoties ob scandalum vitandum, aut infamiam, aut ob aliam causam teneris, aut potes celebrare. Nam etsi non teneamur ad habendam gratiam : cum hæc non sit in nostra potestate, sed à Deo infundatur, tamen in aliquibus casibus tenemur nos disponere ad eam per media nobis possibile : sed quando obligat confessio pro obtinendo gratiam, si desit confessor, non est aliud medium quod pro confessione substituitur nisi contritio, saltem reputata : ergo.

QVÆSTIO TERTIA.

De Confessione.

D. Thomas. in addit. q. 6. &c.

S V M M A R I V M.

*Præceptum confessionis est diuinum, num. 1.**Peccata venialia sunt materia sufficiens confessionis, sed non necessaria, num. 2.**Quando præceptum confessionis obliget, num. 3.**An aliquando sit faciendæ confessio ante tempus quo obligat, n. 4.**Quale sit peccatum, mentiri in confessione, num. 5.**Quomodo confessio debeat esse integra, num. 6.**An circumstantia aggravantes intra eandem speciem, sint confitenda, num. 7.**Quando liceat dimidiare confessionem. num. 8.**An circumstantiam manifestans complicem, sit exprimenda, num. 9.**An poenitens confitendo superiari peccata reservata, teneatur alia non reservata confiteri, num. 10.**Quot sint circumstantia & quomodo explicanda in confessione, num. 11.**An aliquando teneamur confiteri per scriptum vel interpretem, num. 12.**An possit fieri confessio absenti, num. 13.**An infirmus possit absolui, ostendendo sola signa doloris præsentis sacerdote, num. 14.**Quid si talia signa ostenderit in absentia sacerdotis, an possit absolui à sacerdote adveniente dum infirmus obmutuit, n. 15.**An detur confessio informis, num. 16.**Quomodo confessio fiat informis, num. 17.**An ablato impedimento sortiatur suum effectum, num. 18.**Quomodo tollatur tale impedimentum, num. 19.*

NOta, quod confessio quæ est pars Sacramenti Pœnitentiæ, est per quam morbus latens aperitur spe veniæ. Ita communiter cum D. Tb. ar. 1. q. 7.

Dub. 1.

Dub. 1. *An confessio sit in praecepto.*

1. Conclusio D. Thomæ quæst. 6. art. 3. Confessio est in praecepto baptizatis mort. paccantibus: Nam istis, *vt diffinitur in Conc. Trid. sess. 14. can. 6. & 7.* est medium necessarium ad salutem; sed de omni medio necessario ad salutem nobis possibili habemus praeceptum: ergo. Et cum dicitur confessionem esse medium necessarium ad salutem, sermo est de confessione in re, vel in voto explicito, aut implicito, *iuxta dicta q. 2. dub. 5.* Si enim non habes confessorem, sat est, si habeas dictum votum explicitum, aut implicitum inclusum in contritione aut actu charitatis.

2. Concl. Præceptum confessionis est diuinum: cum sit de medio necessario ad salutem. Et sic, in c. *omnis vtriusque sexus, de poenit. & remis.* non ponitur ab Ecclesia nouum præceptum, sed determinatur tempus præcepti confessionis, alias diuini, *vt dicitur in Conc. Tr. sess. 14. c. 5. & can. 6.*

3. Concl. Et si peccata ven. sint materia sufficiens pro confessione, *vt diffinitur in Conc. Trid. sess. 4. can. 7.* non tamen sunt materia necessaria, nec illa confiteri tenemur, *vt dicitur in eodem Conc. Trid. sess. 14. cap. 5.* Et colligitur. 1. ex potestate data Sacerdotibus, Matth. 16. & Ioan. 20. ad ligandum & soluendum aperiendo, & claudendo cælum: sed cælum non clauditur ob peccata venialia: ergo non tenemur illa confiteri. 2. in cap. *omnis vtriusque sexus*, præcipitur fidelibus confiteri omnia peccata proprio Sacerdoti. Sed vt ait D. Thomas ad 3. hoc non potest intelligi de venialibus: tum quia istorum integra confessio est mortaliter impossibilis; tum etiam, quia istorum confessio non est necessario facienda proprio Sacerdoti, sed potest fieri cuilibet Sacerdoti. Et licet D. Th. art. 3. videatur dicere, quod ex statuto Ecclesiæ, et si non ex iure diuino, tenentur omnes, etiam non habentes peccatum mort. ad confessionem, aut præsentare se Sacerdoti dicendo se non habere peccatum mort. vt sic ad communionem admittantur, tamen ibi ad 3. se explicat iuxta modo dicta, Ecclesia enim nil præcipit supra ius diuinum, sed solum taxat tempus confessionis.

4. Concl. Qui confitetur peccatum ven. declarabit circumstantiam dantem ei speciem, *contra Soto. d. 18. q. 2. art. 4.* Sic colligitur ex D. Th. opusc. 12. q. 6. vbi ait, non confitetur homo peccatum suum, nisi speciem confiteatur peccati: quod etiam de peccato veniali intelligitur.

5. Concl.

5. Conclusio. Qui confitetur peccata ven. sine aliquo mortali, tenetur habere dolorem, & propositum vitandi aliquod saltem eorum, vt sic saluetur materia proxima Sacramenti Poenitentiae, qui est dolor, & propositum vitandi peccata. Sed non tenetur habere propositum vitandi omnia venialia confessa, *contra Med. in sum.* cum alias non teneatur poenitens confiteri illa, & ponat iam proximam materiam Sacramenti, vtpotè dolorem & propositum cauendi aliquod eorum peccatorum ven. *Ita videtur loqui Nauar. cap. 21. num. 25. Manua. Rod. in sum. 1. par. cap. 54. & alij relati à Cord. l. 1. q. 1.*

An verò votum confitendi aliquod veniale, v.g. mendacium, obliget sub mort. problema sit. Tota difficultas stat in examinando, an ista sit grauis materia pro voto, alijs negantibus, alijs concedentibus.

3 3. Dub. 2. *Quando obligat praeceptum confessionis.*

1. Concl. D. Tho. art. 5. Non tenetur peccator statim, ac peccauit, confiteri. Nam praecepta affirmatiua, quale est praeceptum hoc, solum obligant in casu necessitatis, & non ad semper.

2. Conclusio. Praeceptum hoc obligat, 1. In articulo & periculo mortis. Ita communiter cum D. Tho. Nam tunc se offert maxima necessitas istius Sacramenti. 2. Obligat, quando sumenda est Eucharistia, *ais D. Th. de quo supra, q. 5. de Eucharistia, dub. 1.* 3. Semel in anno, vt taxatur in *c. omnis utriusque sexus.* de poenitent. & remis. Non in die, aut tempore determinato, sed intra annum in quo velis die, cum ibi non signetur dies, aut tempus intra annum.

3 Conclusio. Integra peccatorum confessio in dicto capite *omnis* praecepta non debet esse mathematica, sed moralis, ita vt confiteamur omnia peccata, quorum recordamur facto sufficienti examine. Et si facta hac confessione recorderis alterius peccati ex obliuione inculpabili omitti, potes illud reseruare pro confessione anni sequentis; nisi alias velis sumere Eucharistiam. *Ita Sot d. 18. quaest. 1. art. 4. Nauar. cap. 20. num. 17. & communiter Medin. in sum. lib. 1. cap. 14. §. 41.* Et patet, Nam iam iste impleuit praeceptum confessionis annualis confitendo integrè moraliter omnia peccata, quorum est recordatus post sufficiens examen: ergo non tenetur ad amplius.

4 Dub. 3. *An sitimes quod non erit tibi confessor, quando*
com-

confessio obligabit, teneris illam præuenire.

1. Conclusio. Si times quod non erit tibi confessor pro casibus referuatis, non teneris præuenire modo confessionem, sicut nec si times, quod differendo confessionem obliuisceris aliquorum peccatorum, aut non poteris integrè confiteri ob impedimenta dicenda *dub. 5.* Et istorum omnium ratio est: Nam confessio est in præcepto pro obtinendo remissionem peccatorum: sed confitendo tunc confessori, qui non potest absoluerè à referuatis, manes absolutus ab omnibus peccatis, directè à non referuatis, & indirectè à referuatis, aut oblitis, aut aliter licitè omissis: ergo.

2. Conclusio. Si times probabiliter, quod quando obligabit confessio, non erit tibi confessor, etiam pro non referuatis, teneris præuenire confessionem. Ita *D. Anton. 3. par. tit. 9. c. 6. §. 3. Durand. in 4. dist. 17. q. 10 Cano. relect. de poenit. p. 5. Navar. in manu. c. 2. num. 8. & Ledes. cap. 8. de poenit. contra alios oppositum probabiliter sentientes.* Nec est idem de non valente ieiunare, aut audire Missam in sequenti vigilia, aut festo, qui non tenetur præuenire ieiunium, aut Missam: tum quia confessio est medium necessarium ad salutem, non sic Missa, aut ieiunium: tum quia pro Missa, aut ieiunio taxatur tempus in cultum talis festi. Et sic isto transacto etiam culpabiliter, cessauit obligatio Missæ, aut ieiunij: at pro confessione taxatur tempus, vt mensura impletionis præcepti diuini de confessione: & sic isto tempore transacto, tenemur adhuc ulterius confiteri, & etiam præuenire confessionem in nostro casu, vt sic non permaneamus multo tempore in Dei inimicitia, vt intenditur in præcepto annualis confessionis.

Dub. 4. An possit confiteri peccatum quod non habes.

1. Conclusio. *D. Thom. art. 4.* negatiua. Nam iam mentiris.

2. Conclusio. Mentiri in confessione circa materiam grauem, vt negando peccatum mortale commissum, aut circumstantiam grauem, aut confitendo peccatum mortale non commissum, erit peccatum mortale per se loquendo. Nam est mendacium perniciosum, vtpotè circa materiam necessariam istius Sacramenti, & in re graui decipis confessorem, & turbas iudicium Sacramentale. Dixi per se loquendo. Nam aliquando excusaris à peccato mortali, aut ex turbatione, vt scrupulosus sæpè confitendo peccatum non commissum, aut si ex ignorantia inculpabili putas te non teneri confiteri peccatum negatum. Imò etsi non excuseris à peccato quando igno-

ignorantia ista est culpabilis, excusaris tamen ab obligatione iterandi confessionem, sed sat erit confiteri peccatum negatum, & talem ignorantiam.

3. Conclusio. Qui in confessione imponit sibi falsò peccatum veniale, quod est totalis materia confessionis, peccat mortaliter per se loquendo, & seclufa ignorantia: cum irroget iniuriam Sacramento non apponendo debitam materiam. Secus si illud peccatum veniale sit materia partialis, vtpotè confessum cum alijs peccatis verè commissis: cum iam saluetur vera materia pro Sacramento. Ita *Soto dist. 18. quest. 1. artic. 4. Siluest. verb. confessio. 1. Adrian. quest. de confessione, dub. 5. contra Caietan. 2. 2. q. 69. art. 1. ad 3.* Nec est idem de confitente peccatum mortale non commissum cum alijs commissis, ob rationem primæ conclusionis.

6 Dub 5. *An confessio debeat esse integra.*

1. Conclusio. Confessio omnium, & singulorum peccatorum mortalium secundum numerum, & speciem, tan mentalium, quam externorum, quorum recordamur post sufficiens examen, requiritur per se loquendo ex iure diuino. Ita *cap. 1. omnis utriusque sexus, & in Concil. Flor. & Trid. sess. 14. c. 5. & can. 7.* Et in Concil. Compl. contra Petrum Oxoniensem, asserentem solam confessionem generalem, qua homo cognoscit se peccatorem esse à Christo institutam: confessionem verò peccatorum in specie, & in particulari, esse de iure humano, non intelligendam de peccatis mentalibus. Quia respectu istorum, ait iste, Ecclesia non habet iurisdictionem. Sed error iste ibi damnatur. Et patet 1. Nam confessio ordinatur ad remissionem peccatorum, sed non remittitur vnum peccatum mortale sine alio; cum omnia auertant à Deo: ergo. 2. Confessor est iudex, & medicus, sed diuersa peccata secundum speciem, & plura secundum numerum petunt diuersam, & maiorem sententiam, & medicinam: cum causent maiorem, & diuersam infirmitatem: ergo.

7 2. Conclusio. Tenemur confiteri circumstantias mutantes speciem in genere moris, vt diffinitur in *Concilio Tridentino sess. 14. cap. 5. & can. 7.* vtpotè: quæ important specialem repugnantiam ad aliquod præceptum, vt furtum sacrilegum ad præceptum de veneratione sacrorum, vt ait *D. Thom. opuscul. 12. quest. 6.* Et tenemur confiteri circumstantias notabiliter aggrauantes, aut minuantes (si aliàs ex natura sua, ait *Nauar. lib. 5. de consecrat. 14. de penitent. & remis. & Enriq.*

viq. 1. tom. lib. 5. cap. 8. num. 3. non annectuntur actui confesso, vt annectuntur fornicationi oscula, amplexus, tactus, & alia dicta, facta, cogitata, & volita, antecedentia, comitantia, & sequentia proximè.) Ita *Soto, d. 18. q. 2. art. 4. concl. 7. Victor. §. 176. Cano. relect. de pœnit. pars. 5. Medin. in sum. cap. 9. §. 1. & Ledesm. cap. 18. de pœnitent. & communiter contra Paludan. in 4. d. 16. quæst. 3. art. 3. Adrian. q. 5. de consecr. & contra Nauar. in man. cap. 6. num. 6.* docentem non esse confitendas istas circumstantias, nisi cùm efficiunt actum de veniali mortalem, aut si actus ratione talis circumstantiæ sit reseruatus, aut habeat excommunicationem, aut damnum tertij. Sed istam sententiam reputo improbabilem Nam sæpè istæ circumstantiæ afferunt maiorem malitiam, quam circumstantiæ mutantes speciem: grauius enim est furari mille, quam decem in Ecclesia, & coire cum matre, quam cum consanguinea in quarto gradu. Nec quando *D Thom. in 4. d. 16. q. 3. art. 2. q. 5.* ait circumstantias aggrauantes non esse necessariò confitendas, loquitur de aggrauantibus notabiliter. Ita colligitur ex eodem *D Thom opusc. 12. quæst. 6.*

3. Conclusio. Aliquando per accidens licitè dimidiatur confessio. 1. Si pœnitens ex defectu lingue, aut infirmitate vexatus non potest omnia peccata confiteri. Ita *Medina in sum. lib. 2. cap. 8.* Secundò, si confessor timet, quod audiendo integram pœnitentis confessionem, eius mortali morbo inficietur, aut si sunt multi infirmi, & si confessor audit integram confessionem vnius, alij moriuntur sine confessione. 3. Si ex confessione alicuius peccati, aut circumstantiæ imminet pœnitenti, complici, aut alteri graue, & morale periculum vitæ, famæ, &c. aut scandalum. Si enim tunc non potest commodè differri confessio, nec sit alius confessor, cui sine tali periculo illud peccatum, aut circumstantia confiteatur, taceatur isti confessori etiam in articulo mortis, vt ait *Medina in sum. lib. 2. cap. 4. §. 1. & Bannes 2. 2. quæst. 33. art. 8.* Et illud peccatum tunc omissum confiteatur cùm aderit opportunitas Et dictorum casuum ratio est: Quia præceptum integrandi confessionem non obligat cum tanto periculo.

4. In sententia probabili Caietani, verbo confessio, conclus. 9
3. *Nauar. in man. cap. 7. num. 3. Cano. relect. de pœnitent. pars. 5. Marfil. in 4. quæst. 22. art. 1. dub. 1. & aliorum,* non potes confiteri peccatum, aut circumstantiam manifestatiuam complicitis, etiam si ex hoc nullum aliud damnum sequatur com-

complici præter infamiam apud confessorem, qui illud tenetur celare sub sigillo confessionis. Nam præceptum non infamandi alterum fortius est præcepto integrandi confessionem. Nec ab istis Doctoribus reputatur illa levis infamia: si alias confessor non sciebat de complice similia peccata. Cui consonat illud *D. Thom. 2.2. q. 73. art. 1. ad 2.* quod si vni soli quis de alio malum dicat, corrumpit eius famam in parte. Verum est quod *D. Thom. in 4. d. 16. quæst. 3. art. 2. quæst. 5. ad 5. & opusc. 12. quæst. 6.* tenet in isto casu esse confitendam, maxime in articulo mortis, circumstantiam istam. Et hoc sequitur *Videtur. & Soto, dist. 18. quæst. 2. art. 3.*

- IO** 5. Si poenitens accedit ad superiorem cum casibus referuatis, non tenetur superior audire peccata non referuata, nisi ex istis augeatur grauitas referuatorum, sed sola referuata, & ista absolueret. Ita *D. Anson. Palud. Capr. Siluest. verb. confessor. 1. Caiet. verb. confessio, condit. 10. & Soto.* Et patet ex vsu Poenitentiariorum Papæ, qui cum alijs rebus intendunt, non possunt audire integram confessionem. Nec tenentur poenitentem remittere confessori inferiori pro non referuatis. Imò, etsi superior possit audire integram confessionem, & ad id teneatur si non est occupatus, si tamen nolit, & solum absoluit à referuatis, valet Sacramentum. Nam ex parte poenitentis non est tunc possibilis maior integritas confessionis. Et licet poenitens tunc maneat absolutus ab omnibus peccatis, à referuatis directè, & indirectè à non referuatis, cum gratia data in illo Sacramento æquè excludat omnia peccata: tamen si vult sumere Eucharistiam tenetur prius confiteri alia peccata non referuata alteri confessori si adsit; & vt sic etiam impleat præceptum confessionis annualis, de confitendo singula peccata quorum recordatur. Nec sunt isti confitenda peccata referuata superiori confessa; cum iam sint subiecta clauibus Ecclesiæ, & directè absoluta. Ita *Maior, & Gerson.* Etsi *Soto, & Nauar.* oppositum sentiant, etiam probabiliter. De quo *Ledesma. cap. 20. de poenitent.*

- II** Dub. 6. *Quot sint circumstantiæ.*

1. Conclusio. Circumstantiæ sunt septem, explicatæ his dictionibus: *Quis, quid, vbi, quibus auxilijs, cur, quomodo, quando.* Ita *D. Thom. 1.2. q. 7. art. 3.* In dictione, *quis*, explicatur peccans, complex, & ille, in quem peccatur; & ista circumstantia confiteatur. 1. in homicidio, siue mutet speciem, vt in percussione Ecclesiastici, siue aggrauet notabiliter, vt si percussus paru-

parentes, aut constitutos in dignitate . 2. in peccatis luxurix, siue mutet speciem, siue notabiliter aggrauet, de quo dixi in 6. *præcepto*. In dictione, *quid*, explicatur damnum, & scandalum ex peccato secutum, quæ tunc imputantur peccanti, & sunt confitenda, quando sunt præuisa, & intenta saltem virtualiter in negligentia considerandi.

In dictione, *ubi*, explicatur circumstantia loci sacri; & hæc confiteatur. 1. in homicidio, & sanguinis effusione iniusta. 2. in peccatis externis luxurix, non in cogitationibus; cum istæ non repugnent sanctitati loci sacri, sicut illa. Imò, nec locutiones turpes in sententia probabiliori. 3. in furto, si furetur aliquid sacrum, etiam de loco non sacro: non si furetur non sacrum de loco sacro. Ita *Soto, dist. 18. q. 2. art. 4. & Victor. in sum. de poenitent. dub. 194. contra Nauar. & Ledesm. cap. 19. de poenitent.* 4. si extrahitur reus iniuste ab Ecclesia. Sed alia peccata, ut mendacia, murmurationes, &c. non repugnant sanctitati loci sacri.

In dictione, *quibus auxilijs*, aut instrumentis, nota, quod ista circumstantia regulariter non multum aggrauat, nisi utaris auxilio infidelium contra fideles, aut alio instrumento apto ad maiorem iniuriam, ut si alterum percutis arundine. In dictione, *cur*, explicatur circumstantia finis; & ista confiteatur, si addit nouam malitiam, ut in furto ob mœchiam; et si *Nauar. in manu. cap. 6. num. 10.* probabiliter ait, quod non tenemur explicare commississe furtum ob mœchiam, sed sat esse dicere furatum esse, & mœchatum esse. In dictione, *quomodo*; explicatur circumstantia modi, & hæc confiteatur, & cum mutat speciem, ut si abstulisti alienum vi, quod dicitur rapina, & cum notabiliter aggrauat, ut si alterum per insidias occidisti. *An sit explicandus modus operandi scienter, aut ignoranter*: dico, quod sic, si scientia, aut ignorantia excuset, aut accuset peccatum.

In dictione, *quando*, explicatur circumstantia temporis festi; & hæc non est necessario confitenda, ut communiter tenetur cum *D. Thom. contra D. Anton. Adrianum, Angelum*, de quo *Ledesm.* Et explicatur etiam circumstantia durationis temporis. Et sicut intensio actus regulariter non est confitenda, cum regulariter non multum aggrauet, nisi sit extraordinaria, ut cum quis ita intense alterum occidit, ut si posset illum dilaniaret; ita duratio actus non est confitenda, nisi sit notabilis, ut si per tres horas, v. g. durasti in actibus, colloquijs,

loquijs, aut cogitationibus turpibus, *ut ait Medina in summa, cap. 9. §. 2.* Ita si intra aliquod tempus notabile renouasti pluries cogitationes interscissas per cessationem, somnum, aut aliam occupationem, non teneris explicare singulas renouationes, cum omnes illæ censeantur vnum peccatum in genere moris, etsi materialiter multiplicentur. Sat est enim explicare tunc tempus illarum cogitationum. Secus si illæ cogitationes interrumpantur per actum contrarium. At in alijs peccatis, quæ non ita formaliter continuantur, vt in furto, periurio, &c. si facto sufficienti examine non recorderis singulorum furtorum, vel ex defectu memoriæ, vel quia diu fuisti in illo vitio, explicabis tempus istius vitij, & circumstantias, quas habebas in præparatione animi, vt si omnes mulieres occurrentes appetebas, aut si habebas animum furandi tam in loco sacro, quam alibi, & explicabis occasiones tibi regulariter occurrentes. Et si post hæc recorderis aliquorum peccatorum, confiteberis illa; nisi sint pauca supra numerum confessum. Nam pauca omiſſa virtualiter continentur in priori numero confessio. Ita Soto. Et notat Medina in summa, lib. 2. cap. 8. quod si poenitens tacuit de industria numerum peccatorum mortalium tenetur iterare confessionem: cum sit de industria dimidiata. At si id fecit ex ignorantia culpabili, sat erit confiteri postea ignorantiam istam, & numerum confessionum sic factarum, & si bono modo recordetur singulorum peccatorum, quæ non explicuit distinctè in præcedentibus confessionibus, ea modò declarabit.

2. Conclusio. D. Thom. 1. 2. quæst. 72. art. 7. Quando peccatum cordis, & oris ad opus ordinantur, & vnum disponit ad alterum, pertinent ad vnā perfectam peccati speciem. Vt si habes animum occidendi inimicum, & dum se offert occasio, renouas sæpè illum animum, dum non interrumpitur actu contrario, sed per cessationem, non teneris explicare singula peccata cordis, sed sat est dicere, occidi. Nam illa repetita renouatio materialiter se habet. Et licet voluntas sit formaliter interrupta, manebat tamen virtualiter, dum non fuit retractata, sed potius in virtute prioris actus durabat continuatio actus externi. Et idem est de alijs actibus internis, & externis intrinsecè ordinatis ad operis consummationem: vt præparatio gladij, conquisitio inimici ad eum occidendum. At si de facto illi actus non ordinantur ab operante ad opus, etsi ex sua natura ad illud ordinantur,

dinentur, erunt distincta, & peccata distinctè confitenda, ut si vis delectari in cogitatione turpi sistendo ibi, aut proferes verba turpia sistendo ibi.

Dub. 7. *An teneamur confiteri per scriptum, aut interpretem, si aliter confiteri non possumus.* 12

1. Concl. Ex vi præcepti confessionis non tenemur illo modo confiteri, etiam in articulo mortis. Nam confessio nobis præcepta solum est quæ fit secretè: sed ista confessio non est secreta ex se. Tum quia intetpres, ait Caiet. verbo confessio, cond. 11. *Viñ in sum. dub. 171. de poenitent. Soto, d. 18. q. 2. art. 6. contra Ledes. c. 13. de poenitent. con. 2. dub. 9.* non tenetur ad sigillum confessionis. Tum etiam: quia scriptura ex se est quid publicum, nec potest semper poni tanta cautela, quin aliquando timeri possit quod perdatur, & peccata publicentur. *quidquid dicant Caietan Silu. ver. confessio. 1. Cano. relect. de poenit. p. 4. Ergo, &c.*

3. Conclus. Ex charitate tenemur in dicto casu illo modo confiteri. Nam ex charitate tenemur providere nostræ salutis spirituali modo possibili, sed non suppetit aliud medium moraliter possibile, nisi istud; cum contritio sit difficilis, nec de ea constare possit. Ergo etiam cum periculo propriæ famæ, &c. ad id tenemur ex charitate.

3. Conclusio. Ista confessio debet fieri Sacerdoti præsentī, 13
alias erit nulla. Ita ex *D. Thom. in addit. quæst. 9. artic. 3. ad Caietan. Viñtor. & Ledesm. cap. 21. de poenitent. dub. 2. & communiter.* Et oppositum damnatur à Clemente VIII. die 20. Iunii anni 1602 in generali Congregatione Sanctæ Romanæ Inquisitionis habita in Palatio Apostolico coram Papa. *Vbi proposita questione, an liceat per litteras, seu internuntium confessorio absenti peccata Sacramentaliter confiteri, & ab eo absente absolutionem obtinere; Papa auditis votis Theologorum, & re cum Cardinalibus diligenter considerata, istam propositionem, licere per litteras, seu internuntium confessorio absenti peccata Sacramentaliter confiteri, & ab eo absente absolutionem obtinere, ad minus vi falsam, temerariam, & scandalosam damnavit. Et præcepit, ne deinceps publicis, vel privatis lectionibus, concionibus, & congressibus doceatur, nec unquam tanquam casu aliquo probabilis, defendatur, imprimatur, aut ad praxim, quoniam modo deducatur. Et qui eam defenderit, docuerit, imprimi fecerit; aut de ea etiam disputatus tractaverit, nisi forte impugnando; aut ad praxim etiam*
Cc

etiam indirectè deduxerit: præter excommunicationem lata sententia, quam ipso facto incurrat, & à qua nisi in mortis articulo ab alio quàm à Papa absolui non possit, alijs pœnis arbitrio intelligendis subiaceat. Hæc ibi.

2. Patet Conclusio. Nam Sacramenta requirunt subiectum præsens, & ita denotatur in forma absolutionis, *Ego te absolvo*, sicut in forma Eucharistiæ, *Hoc est corpus meum*. Non enim consecres hunc panem in foro existentem, etsi per Angelum certificeris ibi esse, quia non est præsens. Nec valet dicere Sacramentum Pœnitentiæ esse quoddam iudicium, quod in absentes exerceri potest. Nam hoc iudicium requirit sicut partem essentialem sui, dolorem, qui etiam sit dispositio ad gratiam, & debet durare saltem habitualiter in instanti absolutionis, ita ut hoc sit moraliter certum confessori. Sed hoc non potest constare in absentia pœnitentis, qui potest tunc esse mortuus, vel peccare, aut peccasse.

3. Ex tali confessione sequuntur regulariter multa damna, sacrilegia, scandala, & reuelatio confessionum: ergo non est credibile Christum instituisse confessionem in materia tot exposita periculis. Cuius etiam signum est, nunquam talem doctrinam esse in Ecclesia receptam, nec ab Apostolis, aut sacerdotibus Doctoribus edoctam: cum alias in primordio Ecclesiæ ob copiam fidelium, & inopiam confessorum esset necessaria talis praxis, si vera esset. Nec valet, quod matrimonium celebratur inter absentes per procuratores: Nam contractus matrimonij, in quo fundatur ratio Sacramenti, non est à Christo immutatus, sed eleuatus in lege gratiæ ad rationem Sacramenti, ita ut ubi saluatur talis contractus, sicut saluatur inter absentes, saluetur in Ecclesia etiam ratio Sacramenti: At Sacramentum Pœnitentiæ est totum à Christo institutum, & sub modo extraordinario, ita ut in eo idem sit accusator, testis & reus, nec potest saluari tale iudicium sine ratione Sacramenti.

Nec est idem de illo qui in articulo mortis confitetur peccata, aut ostendit signa doloris coram seculari, à quo Sacerdos veniens, cum infirmus est usu rationis priuatus, certificatus, ægrum de illis absoluit, quia etsi confessio sit facta in absentia confessoris, absolutio sit in præsentia, & confessor tunc habet moralem notitiam status pœnitentis, ad præsentem pœnitentem absoluendum. Non sic autem in dicto casu:

Et

DE SACRAMENTO POENITENTIAE. 403

Et quod habetur cap. qualis. 30. qu. 5. quod confessio adulteræ facta per scriptum admittatur, intelligitur de confessione facta per scriptum confessori præsentī. Ita glossa ibi.

Dub. 8. *An infirmus non valens explicare peccatum etiam in genere, aut minus, sit absolvens declarando in generali peccasse, & ostendendo signa doloris.* 14

In hoc. 1. Sententia negat. Ita Abulen. in Math. 17. dub. 71. Soto, d. 8. quæst. 2. artic. 5. ad 1. Canon. relict. de poenit. p. 5. Et patet: Nam Sacerdos sic non cognoscit conscientiam poenitentis. Quis enim etiam iustus potest confiteri se peccatorem, & ostendere signa doloris: ergo. 2. in hoc casu deficit Sacramento, & materia remota, ut peccata, & proxima, quæ non est sola contritio: sed præcipuè confessio explicatiua saltem virtualiter alicuius peccati. Et sic in Concil. Tridentin. sess. 14. canon. 9. dicitur requiri confessionem poenitentis, ut absoluat.

2. Sententia affirmat. Ita D. Anton. cum Host. 3. p. tit. 1. cap. 2. Nauar. in man. c. 21. num. 26. Drie. lib. 9. tract. 4. c. 2. Rodr. ar. 10. contra Calu. Cord. lib. 5. q. 39. & Euriq. tom. 1. lib. 6. cap. 10. num. 7. Et patet: Nam confessio generalis peccatorum obliuorum simul cum confessione aliquorum peccatorum in particulari est vera materia Sacramenti Poenitentiae, ut ait D. Thom. in 4. d. 21. qu. 2. art. 1. ad 1. ergo eadem confessio generalis potest esse materia totalis. Nam quod in hoc Sacramento est materia partialis, potest esse totalis. Sed per solam confessionem generalem peccatorum poenitens solum ostendit se peccatorem: ergo.

1. Conclusio. Vtraque sententia est probabilis. Ita Cano. Cord. c. 18. & Alcocer. c. 11. Et patet ex suis rationibus. Sed secunda est magis pia, & utilis existentibus in periculo mortis. Ledesm. cap. 21. de poenit. dub. 3. Et ad argumenta contraria, Dico quod confessor tunc cognoscit conscientiam poenitentis meliori modo possibili pro tunc, attento statu poenitentis. Et ibi etiam saluatur materia proxima, & remota poenitentiae, declarante poenitente se peccasse, & simul ostendente signa doloris.

2. Conclusio. In necessitate sequenda erit 2. sententia, & absolvens poenitens, saltem sub conditione, ut consulit Penna. Nam tunc confessor absoluendo non peccat, cum sequatur opinionem probabilem, nec vlli nocet, & fortè proderit poenitenti: ergo saltem ex charitate tenetur

absoluere. Imò si infirmus petit confessorem cum signis doloris, & veniente confessore tum vsu rationis priuatus non valet ista ostendere, potest absolui secundum sententia aliquorum speculatiue saltem probabilem (quo sensu loquuti sumus in fine dubij præcedentis) quam videtur amplecti *D. Anton 4. p. tit. 10 cap. 2. Palud. in 4. d. 21. q. 2. art. 2. Silu. verb. confessor. 3. Angel. ver. confess. 4.* Et videtur casus capituli *is qui 26. qu. 6.* ubi dicitur, qui in infirmitate penitentiam petijt, si casu dum Sacerdos inuitatus venerit oppressus infirmitate obmuerit, aut in phrenesim versus fuerit, dent testimonium qui eum audierunt, & accipiat penitentiam, id est, absolutionem, vt ait glossa; in sententia tamen communis Thomistarum talis infirmus non posset absolui, quia nulla est materia absolutionis, cum nulla fiat confessio, sed adsit solum propositum confitendi, quod maximè distinguitur à confessione, nec est materia huius Sacramenti.

Dices, ostendendo illa signa doloris fieri confessionem virtualem, quæ virtute talis propositi erat exterius exhibenda. Verum, esto sit ibi virtualis confessio, non sufficit ad hoc Sacramentum, sed necessaria est formalis & in re exhibita vt conferatur gratia ex opere operato: sicut frumentum & vix sunt virtualiter panis & vinum, non tamen possunt consecrari, quia in materijs Sacramentorum, id quod est virtuale, pro formali non potest substitui.

Præterea, qualiscumque ibi fingatur confessio, ea sit absenti, ac per consequens insufficiens est ad substantiam huius Sacramenti, iuxta decretum Clementis Octauī supra relatū.

Si dicas confessionem adhuc fieri dum adstantes declarant Sacerdoti superuenienti indicia doloris edita à moribundo, atque ita confessionem fieri in præsentia: *Sed contra*; fieri potest vt hæc declaratio fiat Sacerdoti, dum est adhuc in via, atque ita absenti. Deinde præsentia necessitaria ad hoc Sacramentum, non est præsentia mere corporalis & materialis tantum, sed humana & ad actiones morales sufficiens qualis, non reperitur in hoc infirmo, cum sit vsu rationis destitutus.

Ad extremum, maximè facit pro hac sententia quod cum P. Suarez tomo 4. in 3. partem *disput. 21. sectio. 4.* Decretum Pontificis ita interpretatus esset, vt ostenderet casum hunc de moribundo non comprehendi illo Decreto, tota
cuis

eius interpretatio fuit à Sede Apostolica damnata, & integra illa Sectio quarta prohibita, & ex libris iussa penitus amoueri, ita vt nulla alia loco eius subrogari possit, cum tamen nihil aliud præter doctrinam de tali moribundo contineret.

Ad Capitulum *is qui supra* & alia similia: R. solum ibi fieri mentionem de reconciliatione, quâ publicè poenitentibus dabatur ius ad Eucharistiam, quæ erat absolutio dumtaxat ceremonialis & non Sacramentalis.

His tamen non obstantibus absoluendus erit ille qui non valens explicare peccatum in specie, explicat eius genus. Imò, si poenitens solum recordetur se peccasse, est absoluendus: Nam iam tunc confessor cognoscit statum poenitentis, & potest ferre sententiam in eum. Ita *Nauarr. in manu. cap. 10. num 7.*

Dub.9. *An detur confessio in formis, & quando.* Et dicitur informis, idest, valida & non iteranda, etsi non conferat gratiam.

16

1. Conclusio affirmatiua *D. Thom in addi. q. 9. art. 1. & communiter, contra Maior. in 4. dist. 17. q. 3. Adria. q. 5. de confes. dub 9.* Aliàs, vt *Caiet. verbo, confessio iteranda*, numquam erit homo tutus, sed rationabiliter dubitabit, an sit assecutus gratiam præcedentibus confessionibus, & sic cum isto dubio teneretur eas iterare, quod esset intolerabile. *Si arguas: Qui sic absoluitur non recipit gratiam, nec in re absoluitur: ergo nec recipit Sacramentum non iterandum. Ad hoc nego consequent.* Nam etsi iste simpliciter & coram Deo non sit absolutus, tamen est absolutus ab obligatione confitendi iterum illa peccata; & sic implet præceptum confessionis, cum recipiat verum Sacramentum. Nec est idem de recipiente indignè Eucharistiam, aut confitente inualidè; vt meretrices, quia iuxta communem sententiam Theologorum, *Soto dist. 18. quæst. 3. artic. 4. d. Medina in summa cap. 14. §. 4. & aliorum, contra Paludan. in 4. dist. 17. quæst. 7. Silue. verb. confessio* 4. non implent præceptum Eucharistiæ, aut confessionis, & sic incurrunt censuras latas contra non confitentes. Nam præceptum hoc obligat ad recipiendum validum Sacramentum, quod non est tale si non sequitur valida absolutio. Secus sit de poenitentibus, quibus à confessore differtur absolutio, *iuxta cap. omnis utriusque sexus.*

2. Concluf. Confefsio informis fit , fi accedas ad eam cum ignorantia etiam culpabili fufficientis examinis , aut doloris. *Ita communiter: de quo Ledefma capit. 16. de pœnit. confil. 6.* Et patet: Nam hic reperitur vera materia, vtputè verus dolor cum propofito non peccandi , & integra confefsio peccatorum , quorum penitens recordatur poft aliquale examen ; ifta enim affignantur pro materia à Concil. Florent. & Trid. etfi ad caufandum effectum gratiæ requiratur diligentior examinatio , & maior dolor : ergo . *Si arguas* Iſte accedit attritus: ergo cum Sacramento fit contritus , & recipit gratiam , & Sacramentum formatum ; *Ad hoc dico* , quod dolor attritionis alius eſt imperfectus , & inefficax , qui non includit voluntatem abſolutam vitandi peccata , ſed velleitatem vitandi illa . Et iſta attritio ſat eſt ad Sacramentum informe ; ſed non ad caufandum gratiam cum Sacramento , cum non excludat omnino affectum peccati , qui manet implicite , etſi non expreſſe , & formaliter . Alius dolor attritionis eſt perfectus , & efficax , excludens omnino affectum peccati , & includens voluntatem abſolutam vitandi omnia peccata , & iſte dolor non ſolum eſt pars conſtituens Sacramentum validum , vt prior : ſed etiam eſt ſufficiens diſpoſitio ad effectum gratiæ cum Sacramento . Ex dictis patet , non eſſe repetendas confefsiones informes cum ſint validæ : ſed ſat eſſe confiteri poſtea dictam negligentiam ſufficientis doloris , aut examinis cum peccato ex negligentia omiſſio. *Ita Thomiſta cum D. Th. in addi. quaſt. 9. art. 1. & Ledefm. conc. 7.* Imò viri timorati ad cautelam ſe accuſant ſemper de negligentia præſentis , & præcedentium confefsionum . Raro enim obligatur penitens reiterare confefsiones ; niſi certo conſtet eſſe factas ſine vllò dolore , aut propoſito vitandi peccata , aut ſine vllò examine peccatorum , aut ſi certo conſtet eſſe factas cum ignorantia affectata talis diſpoſitionis .

2. Concluſio. Penitens ſcienter accedens cum attritione imperfecta , etſi integrè confiteatur omnia peccata , ob talis doloris inſufficientiam non recipit Sacramentum etiam informe , & ſic iterabit confefsionem . *Ita Soto. d. 18. quaſt. 3. art. 3. Ledefm. cap. 16. de pœnitent. concl. 3. & commun. Thomiſta contra D. Anton. 3. p. tit. 14. cap. 19. § 5. Palu. in 4. d. 17. qn. 8. & Sil. ver. confefsio. 1.* Et idem eſt ſi accedat penitens cum ignorantia affectata , ſeu craſſa , talis indiſpoſitionis . *Ita Soto, & Caiet. to. 1. opus. trac. 5. q. 5. Si arguas, Dolor iſte*

iste est attritio, etsi imperfecta, qui ignoratus etiam culpabiliter à poenitente constituit Sacramentum informe: ergo idem efficiet, etsi cognoscatur imperfectio talis attritionis; nam scientia, aut ignorantia non variat sufficientiam talis doloris pro constituendo veram materiam poenitentiae, & verum Sacramentum: *Ad hoc dico*, quod si accedis ad confessionem cognoscendo insufficientiam talis doloris, & non confiteris illam, dimidias confessionem, & sic non recipis Sacramentum. Ita *Caiet. & Soto*. Imò etsi illam confitearis, contra *Caiet.* cum accedas scienter cum actuali affectione ad peccatum mort. Nam debes te disponere non solum ad recipiendum validum Sacramentum, sed etiam eius fructum, à quo excusatur qui bona fide, etiam cum ignorantia culpabili, putat se accedere cum attritione perfecta, & sic recipit Sacramentum informe. Sicut si accedas bona fide ad Sacramenta viuorum cum attritione quae reputatur contritio.

Dub. 10. *An confessio informis ablato impedimento assequatur suum effectum.* 18

1. Conclusio. Omnia Sacramenta, etiam non imprimen-
tia characterem, causant suos effectus ablato impedimento.
*Ita D. Thom. quest. 9. artic. 1. Caietan. Paludam. loco ci-
tato & Ledesmi. con. 8.* Et pater: Nam peccata confessionis
informis remittuntur virtute alicuius confessionis, sed non
per confessionem sequentem; cum non sint iterum confiten-
da: ergo per confessionem informem præcedentem. *Si arguas*,
Confessio informis non existit in se, ut patet, nec in sua vir-
tute: cum non imprimat characterem: ergo non operatur mo-
do: *Ad hoc dico*, quod existit virtualiter: tum quia anima
recipiendo entitatem realem Sacramenti informis manet im-
mutata: tum etiam quia virtus, & voluntas Dei fuit iam
semel inclinata, & determinata medio illo Sacramento infor-
mi ad causandum eius effectum ablato impedimento. Si-
cut Christi humanitas ex vi immutationis præteritæ passio-
nis manet determinata ad effectus quos modo producit, *iux-
ta dicta quest. 2. de Sacramentis. in gener. dudum 3.* Sed dices,
per quid tollitur impedimentum confessionis informis? Ad
hoc

2. Concl. fit, impedimentum proveniens ex defectu do- 19
loris inculpabiliter ignorati tollitur per solam attritionem
perfectam habitam ante novum peccatum mortale. Hæc
est contra *Ledesm.* sed pater: Nam attritio perfecta qui-

Sacramento isto præfenti caufat gratiam : ergo , & cum Sacramento præcedente tollet impedimentum , feu fupplebit defectum confessionis informis , & caufabit gratiam. Nam Sacramentum præcedens operatur modo ac fi efferet præfens 2. Ille non habet nouum peccatum confitendum , cum fictio ifta excufetur à peccato ob ignorantiam inculpabilem . Et idem videtur de eo , qui in confessione informi confeflus eft ad cautelam infufficientiam fui doloris culpabiliter ignoratam , cum iam tunc hoc peccatum fit fubiectum clauibus Ecclefie .

3. Concl. Impedimentum proueniens ex defectu doloris , aut examini culpabiliter ignorati , tollitur per contritionem , aut per fequentem confessionem . *Ita communiter Thomiftæ.* Et patet. Nam facrilgium commiffum in receptione iftius Sacramenti informis , & peccatum culpabiliter oblitum non funt fubiecta clauibus Ecclefie , fed dicunt ordinem ad aliam confessionem : ergo funt confitenda vt remittantur , aut conterendum de eis , dum non confitentur. Et fic D. Th. q. 8. ar. 1. ait quod etfi cōfēfio informis valeat , tenetur homo cōfiteri fictionem illam culpabilem , feu impedimentum cum peccato culpabiliter oblitum . Et tunc per fequentem confessionem remittuntur ifta , & tollitur impedimentum præcedentis confessionis informis . *Et nota* , quod quando impedimentum confessionis informis tollitur per contritionem , aut per aliam confessionem , præter gratiam correfpondentem contritioni , aut confessioni præfenti , correfpondent ex opere operato alij gradus gratiæ præcedenti confessioni informi .

QVÆSTIO QVARTA.

De Satisfactione.

D. Thom. in addit. q. 12. &c.

SUMMARIVM.

Quid fit fatisfactio & an poffimus fatisfacere pro peccato temporali , num. 1.

An bona opera fine gratia fint fatisfactoria , num. 2.

An poenitens teneatur acceptare & implere fatisfactionem iniunctam

iniunctam à confessario, num. 3.

An unus confessarius possit commutare vel mitigare poenitentiam alterius confessarij, num. 4.

An labores huius vita sint satisfactorij, num. 5.

Satisfactio est recompensatio iniuriæ illatæ alteri secundum æqualitatem iustitiæ possibilem. Et non est modò sermo de satisfactione pro culpa, de hac enim agitur 3. p. q. 1. ar. 2. sed de satisfactione pro pœna temporali, cuius homo remissa culpa & pœna æterna, manet debitor, & est soluenda in hoc sæculo, aut in purgatorio: *iuxta Con. Trid. sess. 6. c. 14. & sess. 14. c. 6. & can. 12.*

Dub. 1. *An possit homo satisfacere pro ista pœna temporali.*

1. Concl. Non potest homo satisfacere, etiam pro ista pœna, secundum æqualitatem absolutam. *Ita D. Th. in addi. q. 13. art. 1.* Nam dijs, parentibus, & magistris, ait Arist. non possumus reddere æquale. Nec satisfacimus Deo ex proprijs, & alias indebitis, cum opera nostra sint magis dona Dei, & possent ab eo exigi pro innumeris beneficijs creationis, conseruationis, &c.

2. Concl. Homo potest pro ista pœna satisfacere secundum æqualitatem proportionalem. *Ita D. Th.* Nam ista satisfactio est nobis in præcepto, Luc. 3. *facite fructus dignos poenitentia*, vt necessaria ad obtinendam gloriam, vt dicitur in Conc. Tr. sess. 6. c. 14. ergo est nobis possibilis, alias obligaremur ad impossibile.

3. Concl. Per bona opera facta in gratia, & meremur gloriam, & satisfacimus pro dicta pœna. Et licet satisfaciamus per actus omnium virtutum relatos in finem poenitentia, qui est Deo satisfacere: sed specialius satisfacimus per bona opera iniuncta à confessore virtute clauium. Nam sic iniuncta fiunt pars integralis Sacramenti poenitentia: & sic ex vi Sacramenti ordinantur per se ad satisfaciendum pro istis pœnis. Nec obstat quod Christi satisfactio fuit infinita pro omni culpa, & pœna. Nam illa fuit causa vniuersalis, quæ debet medijs nostris satisfactionibus, nobis applicari.

Dub. 2. *An bona opera facta extra statum gratia sint satisfactoria pro pœna.* Et non est sermo de satisfactione voluntaria, vt est opus operantis. Nam ista extra charitatem facta est mortua, nec viuificatur per sequentem contritionem. *Ita D. Thom. qu. 14. art. 3.* Sed de satisfactione iniun-

iniuncta à confessore.

1. Concl. Pœnitens recipiens Sacramentum informis, & simul implens satisfactionem iniunctam à confessore antequam de nouo peccet mort. ablato impedimento confessionis informis, consequitur gratiam, remissionem pœnæ correspondentem satisfactioni. Ita Caiet. opusc. de satisfactione, & communiter Thomista contra Soto d. 19. quæst. 1. ars. 5. & videtur D. Thom. in addi. qu. 14. art. 3. ad 2. vbi ait, baptis-
mus non mortificatur, quia est opus Dei & non hominis. Ex quo sic: Satisfactio, vt pars Sacramenti, est opus Dei, & non hominis, ergo non mortificatur. Item Diu. Thom. 3. p. q. 90. art. 2. ad 2. æquiparat satisfactionem Sacramentalem cum baptismo, etiam in causando gratiam & remissionem pœnæ temporalis ex opere operato. Nam sicut totum Sacramentum, sic & eius partes ex opere operato causant gratiam & remissionem pœnæ: ergo sicut ablato impedimento totum Sacramentum Baptismi, aut Pœnitentiæ causat gratiam & remissionem pœnæ ex opere operato, sic & partes integrales; quales est satisfactio.

2. Concl. Qui post nouum peccatum mort. implet satisfactionem, facit satis præcepto confessoris de satisfaciendo: cum multa præcepta impleantur in peccato mort. sed non consequitur remissionem pœnæ temporalis, sicut nec augmentum gratiæ. Ita D. Thom. in addi. quæst. 14. art. 1. & communiter contra Sec. & iuxta dicta q. 1. dub. 4. Nam omnis iustitia inter nos, & Deum est amicabile, fundata in gratia & amicitia cum illo: ergo ablata tali gratia & amicitia per peccatum, tollitur omnis ratio iustitiæ & satisfactionis.

- 3 Dub. 3. An pœnitens teneatur acceptare, & implere satisfactionem rationabilem à Confessore iniunctam. Et non est sermo de satisfactione, seu pœnitentia medicinali, vt si præcipitur pœnitenti; ne ingrediatur domum vbi est occasio peccandi; nam istam implere tenetur: vt ait Silu. ver. confess. 2. & Armi. verbo confessio & communiter. sed sermo est de Pœnitentia purè satisfactoria.

In hoc 1. sententia ait, teneri pœnitentem illam sub peccato, scilicet ven. acceptare & implere. Ita Caiet. ver. satisfactio, & opusc. de satisfact. qu. 1. & Armi. verbo confessio. Et sic Ledesm. cap. 23. de pœnitent. falsò imponit Caietano asserere non teneri pœnitentem acceptare satisfactionem, nec acceptam implere, cum dicat expresse pœnitentem

non acceptando , aut non implendo satisfactionem , peccare.

2. Sententia ait non teneri pœnitentem pœnitentiam acceptare semel tamen acceptatam implere teneri sub mortali . Ita *Scot. in 4. dist. 18. & 19. Gabr. dist. 19. q. 2. & citatur pro hoc Hostien. & Panor. in cap. significavit , de pœnitent. & remiss. Et si obijcias* . Satisfactio est pars integralis Sacramenti Pœnitentiæ : ergo pœnitens tenetur acceptare , & implere aliquam saltem leuem satisfactionem , etsi non grauem , *ut ait Mann. Rodrig. in summa, 1. part. cap. 56.* Ad hoc dicunt, non teneri pœnitentem recipere integrum Sacramentum , sed sat esse recipere essentielle Sacramentum . Sicut nec tenemur recipere integram Eucharistiam sub specie panis , & vini . Alias qui impleteret pœnitentiam post nouum peccatum mortale , teneretur postea in gratia repetere illam , vt integretur Sacramentum ; cum tamen alias satisfecerit Ecclesiæ , etsi non Deo , vt dixi *dub. 2.*

1. Conclusio . Vtraque sententia est probabilis ob auctoritates , & rationes tantorum virorum : etsi *ut ait Caietan. verb. confessio , & Armill.* absoluator pœnitens , quamuis non acceptet , sed reseruet pœnitentiam in purgatorio soluendam .

2. Conclusio . Probabilius est teneri pœnitentem sub mortali acceptare , & implere satisfactionem rationabilem sibi à Confessore iniunctam . Ita *D. Thom. in 4. dist. 18. quest. 1. art. 3. quest. 3. Soto, dist. 20. quest. 2. art. 2. Ledesm. cap. 22. de pœnit. & communiter Thomista .* Et patet 1. *ex Concil. Trident. sess. 14 cap. 8.* vbi sic habetur. Debent Sacerdotes pro qualitate criminum , & pœnitentium facultate, salutare, & convenientes satisfactiones iniungere, ne si forte peccatis conuiueant, & indulgentius cum peccatoribus agant , leuissima opera pro grauissimis delictis iniungendo alienorum peccatorum participes efficiantur , & ibi etiam dicitur , clauēs Sacerdotum esse etiam ad sic ligandum concessas . Et loquitur Concilium non solum de pœnitentia medicinali , sed & de satisfactoria , vt ibi patet . Ergo pœnitens tenetur dictam pœnitentiam acceptare , & implere ; alias confessores frustra illam imponere tenerentur . 2. Confessor est iudex à Deo creatus cum potestate ordinaria ligandi , & soluendi : ergo potest obligare pœnitentem vt impleat pœnitentiam rationabilem sibi etiam pro venialibus iniunctam , nisi alias per indulgentias relaxetur .

Et no-

Et nota; non esse peccatum mortale omittere aliquid paruum satisfactionis; nisi alias illud sit totalis satisfactio, nec deficiat Sacramento vna pars integralis.

- 4 Dub. 4. *An confessor possit moderari, aut commutare alterius confessoris pœnitentiam rationabilem*. Nam si certò constet priorem confessorem errasse, vtpotè cognoscendo in confessione, aut extra, peccata talis pœnitentiæ, potest pœnitentiam commutare, aut moderari alius confessor; imò & vir doctus, etsi non sit confessor, ait *Ledesma*.

1. Conclusio. Sacerdos superior potest cognita culpa etiam extra Sacramentum commutare, aut moderari pœnitentiam impositam ab inferiore. Ita *Sa. & communiter*, sicut iudex superior moderatur sententiam inferioris. Item, nam primus confessor illud præstare potest: ergo & superior à fortiori.

2. Conclusio. Probabile est posse confessorem commutare, & moderari pœnitentiam etiam rationabilem à confessore sibi æquali iniunctam. Ita *Siluest. verb. confessio*, 1. & *Armell. verb. confessio*, cum *D. Raymundo*, & *Manuel. Rodrig. in summa*, 1. par. cap. 56. Et intelligitur hoc duplici limitatione. Primò, quod Sacerdos, qui commutat, aut moderatur pœnitentiam, habeat iurisdictionem in peccata talis pœnitentiæ, nec sint superiori reservata. Et tunc etsi primus confessor esset superior, vtpotè Episcopus, aut Papa, poterit moderari, aut commutari ab inferiore confessore, iuxta cap. *latores*, 33. q. 2. cum gloss. & *Manuel. Rodrig. & Sa. verb. confessor*. Secundò; Quod illa moderatio fiat ex iusta causa, vt si pœnitens ob senectutem, debilitatem, aut aegritudinem non possit eam implere, aut si timetur probabiliter quod illam difficile, aut cum periculo salutis spiritualis siue corporalis implebit, aut si sit tempus Iubilei, seu indulgentiarum. Ita *Nazar. in Mann. cap. 26. num. 22*. Et patet conclusio sic explicata ex vsu, vt Soto fatetur. Et vt secundus confessor commutet, aut moderetur illam pœnitentiam, non debet pœnitens confiteri priora peccata, sed potest illud fieri, quando iterum confitetur, ait *Manuel*.

3. Conclusio Probabile etiam est oppositum secundæ conclusionis. Ita *Soto, dist. 20. quest. 2. art. 3. Ledesm. cap. 23. de pœnitent.* Et intelligitur ex capis. placuit, de pœnitent. & *re-miss. dist. 6*. Vbi cauetur, ne Sacerdos pœnitentem alterius suscipiat ad pœnitentiam. Et licet ibi sermo sit de pœnitentia publica, idem est de pœnitentia ista. 2. Nam par in pa-

in parem non habet imperium,

Dubium 5. *An labores huius vita sint satisfactorij pro pœna.*

1. Conclusio. Labores isti, etiam ex peccato originali causati, ut calor, frigus, infirmitates, sunt satisfactorij pro pœna, sicut & meritorij gloriæ, dum tamen acceptentur saltem virtualiter à patiente eos. Secus si resistat per impatientiam, aut négatiuè se habeat circa illos sicut dormiens, aut amens. Nam tunc cum labores non se teneant ex parte patientis, sed ex parte inferentis eos, non habebunt rationem satisfactionis, sed satisfassionis. Ita *D. Thom. in addit. quest. 15. art. 2.* Et patet ex *Concil. Trident. sess. 14. cap. 9. & can. 13.* ubi hæc veritas diffinitur.

2. Conclusio contra Soto. Quantitas satisfactionis in his laboribus non attenditur ex sola quantitate patientiæ, qua tolerantur, sed & ex quantitate laborum, v. g. si cum æquali patientia Petrus maiora mala patiatur, quam Paulus, Petrus plus satisfacit. Nam iuxta *D. Thom. art. 1.* efficacia satisfactionis attenditur ex difficultate, & pœnalitate operis secundum se; ergo cæteris paribus opus difficilius est magis satisfactorium. Nec est idem de merito, cum commensuretur charitati cum qua fit. Et sic benè stat opus alias magis meritorium, esse minus satisfactorium, & è conuerso.

3. Conclusio. Et si satisfaciamus Deo per omne opus bonum, & meritorium etiam aliàs debitum, ut ait Soto, tamen confessor debet imponere in satisfactionem opus pœnale, & aliàs indebitum, ut elemosynam, orationem, ieiunium, &c. Ita communiter cum *D. Thom. art. 1.* Et semel taxata pœnitentia, imponatur pœnitenti in satisfactionem quidquid boni fecerit, & mali sustinuerit. Nam sic in satisfactionem iniuncta ista opera, alias libera, sunt pars Sacramenti Pœnitentiæ, & sic sunt magis satisfactoria pro hac parte, & ex opere operato.

QVÆSTIO QVINTA.

De Ministro confessionis.

D. Thomas in addit. quæst. 8.

S V M M A R I V M.

*Confessio soli Sacerdoti faciendâ, num. 1.**Quis sit proprius Sacerdos, & qui possint eligere Confessarium, num. 2.**Tenemur confiteri proprio Sacerdoti, num. 3.**Et ille rogatus tenetur audire confessiones suarum omnium, num. 4.**Casus reservati Papa in bulla cœna, num. 5.**Extra bullam reservatur etiam Papa percussio violenta clericorum, & quinam incurrant hunc casum, num. 6.**Quando percussio clericorum non inducit excommunicationem, num. 7.**Alij casus Papa reservati, num. 8.**Casus reservati Episcopo, num. 9.**Quis possit absolvere à casibus Papa reservatis, num. 10.**Quis à casibus Episcopo reservatis, num. 11.**An parochus possit delegare suam iurisdictionem alteri Sacerdoti non approbato ab Ordinario, num. 12.**An licentia audiendi confessiones semper duret, num. 13.**Quis confessarius sit eligibilis per bullam Cruciatâ, vel aliud indultum, num. 14.**An sit eligibilis Sacerdos approbatus à quovis Ordinario, num. 15.**In articulo mortis quilibet potest absolvi à quovis Sacerdote à quibusvis peccatis, & casibus, num. 16.**Si tamen evadat incolumis tenetur se præsentare superiori, num. 17.**An transacto tempore Iubilæi possit quis absolvi à reservatis oblitis in præcedenti confessione, num. 18.***I** DVB. 1. *An confessio debeat fieri Sacerdoti.*

Conclusio affirmatiua, sæpè diffinita in Concilio Tridentino sess. 14. can. 6. & 9. & alibi. Nam soli Sacerdotes habent potestatem clauium ad remittenda peccata. Ex quo patet

patet quod etsi aliquando liceat confiteri laico, ut sic humiliemur, & disponamur ad dolorem de peccatis, & ab eo confitemur, non tamen ad id tenemur. Ita *D. Thom. in addit. qu. 8. art. 2.* Nam confessio est in præcepto pro obtinenda absolutione Sacramentali virtute clauium, sed laicus non potest absolvere, cum non habeat claves: ergo.

Dub. 2. *An sit necesse confiteri proprio Sacerdoti.*

2

Et dicitur proprius Sacerdos, qui non est delegatus, v. g. Papa in toto orbe, Episcopus in sua Diœcesi, & parochus in sua parochia. Et pro peregrinis nullibi habentibus domicilium, aut pro existentibus extra sua oppida per bonam partem anni, ut Scholastici, & mercatores, ille erit proprius Sacerdos, etiam quoad peccata reservata, in cuius territorio existunt. Alij autem alibi habentes domicilium, etsi olim iter agentes petebant à parochis licentiam confitendi cui vellent, sed iam Eugen. IV. concessit istis, ait *Caiet. verbo, absolutio*, ut confiteantur, & Eucharistiam in Paschate sumant, sicut incolæ oppidorum ubi sunt, etiam quoad casus reservatos, ut ait *Manu. Rodrig. in summa, cap. 55. contra Ledesm. cap. 12. de poenitent. concl. 4. dub. 2.* Verum est hoc privilegium per Bullam Cruciate suspendi. Et etiam est verum contra Caietan. quod casus Episcopi ubi isti existunt non sunt pro eis reservati. Item Prælati omnibus etiam regularibus, & etiam Episcopis consecratis, qui renuntiaverunt, ait *Enriq. 1. tom. lib. 6. cap. 13. num. 3. contra Palud. d. 17. quest. 3.* (si non sint depositi, aut omnino suspensi, quia sic priuantur privilegijs) datur facultas, *cap. ultimo, de poenitent. & remiss.* eligendi quem velint prouidum, & discretum confessorem. Et *Farina in sess. 23. Concil. Trident. cap. 14. & 15.* refert Papam declarasse Episcopos vigore istius decreti non posse sibi eligere Sacerdotem sibi non subditum à suo Ordinario non approbatum. Item potest sibi eligere confessorem Decanus, & Archidiaconus Ecclesiæ Cathedralis. Ita *Enriq. cum Angelo, Soto, D. Anton. 3. part. tit. 17. cap. 9. & alijs.* Et Abbas exemptus. Et Vicarius etiam Cabildi in Sede vacante: cum iste sit Ordinarius, & pro alijs exponat confessarios. Cardinalis etiam, sicut & Episcopus, potest ex iure, privilegio, aut consuetudine, sibi & suis eligere confessorem. Ita *Enriq. cum Ledesm. & Caietan. verb. absolutio, cap. 2.*

1. Conclusio. Ex iure diuino tenemur confiteri proprio Sacerdoti, aut alteri de eius licentia. Ita *cap. omnis unusquisque sexus.*

sexus . Vbi iuxta *Concil. Trid. sess. 14. c. 5.* nihil additur supra ius diuinum, nisi sola determinatio temporis confessionis . Ex hoc patet, quod etsi Sacerdotibus in sua ordinatione detur potestas clauis ad absoluendum, non tamen datur eis tunc iurisdic-tio, qua applicatur materia in quam exerceatur potestas clauis . Et sic non possunt audire confessiones, nisi solum peccatorum venialium, aut mortalium iam dimissorum, vt communiter docent Theologi . Nam respectu istorum habent iurisdictionem, vel ex iure diuino iuxta aliquos, vel, quod verius est, à Papa sibi in sua ordinatione concessam . Nam omnis iurisdic-tio à capite Ecclesiæ deriuatur, de quo infra *dub 10.*

- 5 2. Conclusio . Proprius Sacerdos tenetur ex officio audire confessionem suæ ouis, & quando ista confiteri tenetur, & quoties prudenter petit, vt si sit in peccato mortali, & vult exire à tam malo statu . Ita *Enriq. tom. 2. lib. 8. cap. 55. num. 2. cum alijs citatis in gloss. & Mann. Rodrig. cum Nauar. in summa 1. par. cap. 63. contra Siluest. verb. confessor, 1. cum Ricard.* Imò ex eo, quod ex officio tenetur iste Sacramenta ministrare, potest eius ouis etiam citra necessitatem petere Sacramenta ab eo etiam in peccato mortali existente; cum sic petendo vtatur iure suo, & ob hoc fideles decimas soluant . Ita *Caietan. & communiter Thomista 3 par. q. 64. art. 6. Soto, dist. 1. quæst. 5. art. 6. Ludou. Lop. tom 2. cap. 59. & Ledesm. cap. 6. de Sacram. in gen. conf 11.* Excusabitur tamen ab illo parochus aliquando, vt si ouis sit nimis molesta in frequentando confessiones, aut si imprudenter petit, vtpotè, cum parochus vadit dormitum, aut ad prandium .

- 6 Dub. 3. *An omnes proprij Sacerdotes sint aequales in absoluendo .*

1. Conclusio negatiua : Papa enim de facto limitat inferiorum potestatem, & sibi reservat casus . Et istorum aliqui referuantur in Bulla Cœnæ . 1. Hæreticus, schismaticus, & istorum, vt sic fautores, & occultatores . Non si eos recipiant ob amicitiam, consanguinitatem, aut aliter, ait *Caiet. & Nauar. cap 17. num. 55.* Item scienter habentes, legentes, aut imprimentes libros vetitos . 2. Appellans à Papa ad futurum Concilium . 3. Pirata, Corsarius, & istorum, vt sic fautores, & occultatores, & rapientes bona naufragantium . 4. Dominus particularis imponens vassallis noua pedagia . 5. Falsarius litterarum Apostolicarum cum fautoribus, & defensoribus suis . 6. Deferens vetita infidelibus, vt arma, & quos, &c. 7.

&c. 7. Impediens, aut furans victualia, aut necessaria ad vsum Romanæ curiæ. 8. Offendens Romipetas, aut commorantes Romæ, aut à Roma recedentes. 9. Inijciens manus violentas in Cardinales, Prælatos, aut Nuntios, & istos insequentes, & capientes, cum suis focijs, consulentibus, fauentibus, rectoribus, mandantibus, defendentibus, &c. 10. Iudex secularis ingrens se ad cognoscendum causas ecclesiasticorum, aut impediens executionem litterarum Apostolicarum. Et idem de ministris in hoc seruientibus, & de iudicibus secularibus vocantibus ecclesiasticos ad sua tribunalia, aut auocantibus ad se causas ecclesiasticorum. 11. Vsurpans bona ecclesiastica, & faciens statuta contra Ecclesiæ libertatem. 12. Inuadens Romam per se, aut per alios, etiam indirectè, aut occupans, aut inuadens terras Ecclesiæ. 13. Intentas à prædictis absoluerè extra articulum mortis incidit in excommunicationem; sed iam non reseruata. Ita *Naaur. in manu. cap. 27. numer. 73. & 74. Enriq. lib. 7. canon. 13. numer. 2.* Et patet ex litteris Bullæ. Et si in tempore Pauli II. Sixti IV. extrauag. 1. & 2. de pœnit. & de remiss. esset Papæ reseruata, de quo tempore loquitur Feli. Caie. *verb. excommunicatio, cap. 77. Silu. verb. excommunicatio. 7. & alij.*

Alij casus reseruantur Papæ extra Bullam Cœnæ. Primò, iniicere manus violentas in clericum, aut monachum, si percussio sit notabilis, & id præcipere, consiliari, aut ad id iuuare. Ita *cap. si quis suadente, 18. quest. 4.* Et idem de eo, qui cum posset, non impediuit talem percussorem. Ita *cap. quanto, de sentent. excommunication.* Et intelligitur de eo, qui ex officio, & ex iustitia impedire tenebatur. Ita *gloss. ibi, Armell. & Siluest. ver. excommunicatio 6. & communiter,* contra Hosti. & alios absolute tenentes, omnem non impediens esse excommunicatum. Item manet excommunicatus, qui ratam habet percussorem suo nomine factam, cum rati habitio mandato comparetur. Ita *cap. cum quis, de sentent. excommunic. in 6.* Secus si percussio alterius nomine facta, à te ratificetur, etsi pecces, sed non excommunicaris, vt ibi dicitur.

Et nota 1. Quod per clericum hic intelligitur clericus maiorum Ordinum, etiam excommunicatus, suspensus, aut interdictus. Ita *Siluest. cum communi.* Secus de clerico deposito, aut degradato. Ita *cap. degradatio, de pœnit. Caietan. in sum. & Sil. cont. Man. Rod. in sum. 1. p. c. 8.* Et idem de hære-

418 DE SACRAMENTO POENITENTIAE.

zico contra eundem, vt ait Caietan. cum alijs. Item per clericum intelligitur clericus minorum Ordinum deferens tonsuram, & habitum clericalem, et si alias sit semel, sed cum Virgine vxoratus. Ita *cap. clerici, de clerico coniug. in 6.* Imò & clericus minorum Ordinum beneficiarius, et si habitum clericalem, & tonsuram non deferat, de quibus plura dicemus, dub. 8. de Sacram. Ordinis. Et per monachum hic intelligitur omnis religiosus vtriusque sexus religionis à Papa approbatus, etiam nouitius, & conuersus. Ita *cap. religioso, de senten. excomm. in 6. & c. de monialibus, eodem tit.* Secus de donatis, & oblatis contra Silu. ver. clericus. & ver. excomm. 6. & de Eremitis, & vulgo dictis beatis.

Nota 2. ex Caiet. & Armi. ver. excommunicatio; quod per manum violentam intelligitur omnis percussio etiam pulueris, sputi, luti, & similium, & acceptio violenta cuiusvis rei de manu clerici, nisi res sit capientis, & clericus velit eam asportare. Item intelligitur, iuxta *cap. nuper. de sent. excomm.* captio, detentio, incarceration. Nisi alias capiatur in crimine patrato, aut patrando, vt præsensetur suo superiori. Aut si creditor capiat, vel detineat clericum fugientem, vt eum Prælato suo præsenset pro iustitia seruanda. Item est percussio, ponere manus in vestes clerici, vel in mulam cui insidet. Ita *Man. Rod. c. 80.* Item si iniuriôsè insequaris clericum, & clericus fugiendo vt mortem euadat, iactat se in flumen, & submergitur, aut cadens grauiter læditur. Secus si insequeris eum sine animo iniuriandi, & clericus cadit sine percussione.

3. *Nota*, Percussionem notabilem esse occisionem, mutilationem, inhabilitationem membri ad suum actum, graue vulnus requirens medelam chirurgiæ, aut si sit abundans effusio sanguinis, aliunde quam ex naribus, aut ex alia parte ex qua facillè fluit. Item ex persona læsa dicitur percussio notabilis; vt si sit Prælati etiam leuiter percussus. Et ex persona lædente, vt si plebeius auctoritativè percutit clericum. Item si percussio sit cum magno scandalo, vt si percutitur clericus sacris indutus. Item si percussio sit in loco publico, in Ecclesia, aut in platea. Et ex loco vulneris, vt si sit in oculo, aut caditur alope. Ita *Armilla, & Mann. Rodrig. contra Nauarr. in man. cap. 27. numey. 31.* eo quod in extrau. perlectis ab eo citata, dicitur levis percussio quæ sit palma manus; sed intelligitur de percussione palmæ extra faciem. Item iudicare in dubio de percussione, an sit gra-

grauis; pertinet ad virum prudentem, vt est Episcopus, & confessor habens Episcopi auctoritatem ex commissione, aut priuilegio. Et quoties non potest determinari reputetur notabilis, vt ait Mann. Rodrig. & Namarr. ex dicta extrauag.

Nota. 4. Quod non manet excommunicatus, qui percutit clericum turpiter inuentum cum matre, filia sorore, vxore. Ita cap. si vero, de sent. excommunic. nisi adsit dolus, ait Armi. vt si vir confoctit vxori ad percutiendum clericum. Item, ibi non est excommunicatus percutiens clericum moderare pro defensione honoris, suarum rerum, aut aliorum, vt si mulier ne violetur percutit clericum, aut si id sit ex subita passione, & sine plena deliberatione, aut si exceditur modus in defensione ex impetu iræ. Et quoties percussio est solum peccatum veniale, vt contingit; inter pueros corrixantes; cum enim talis rixa non procedat regulariter ex odio, aut ira perfecta, regulariter non erit peccatum mortale, etsi aliquando oppositum contingat; quod arbitrio prudentis relinquitur, ait Aragon. 2. 2. q. 40. art. 4. Item licet Prælati regularium ob correctionem verberare subditos, etiam per alios sibi subditos. Ita concessit Minoribus, Alexand. VI. & Leo. X. inter viua ora. de quo Mann. Rodrig. in compend. m. 6. & Nam. lib. 5. conf. 28. de sentent. excommunic. Imò omnibus iudicibus ecclesiasticis permittitur, cap. vniuersitatis, de sentent. excommunicat. posse ob correctionem verberare clericos per se, & in necessitate, per clericum, aut monachum, & non per alios. Aliter facientes, tam mandantes, quam verberantes, excommunicantur ibi cum reservatione ad Papam. Item licet magistris verberare discipulos etiam maiorum Ordinum. Ita cap. 1. de sentent. excommunic. Imò & patribus idem licet. Ita Caietan. verb. excommunicatio, c. 10. Panormit. Resc. Silu. cum alijs, verb. excommunicatio, 6. et si Sot. 5. de iust. q. 3. art. 5. Nam. lib. 2. de rescript. cap. 3. num. 475. & Mann. Rodrig. id concedant patribus respectu solum Clericorum Minorum Ordinum, sed certè potestas patrum in filios non est minor, quàm magistrorum.

Secundò, reseruatur Papæ excommunicatio legati iam transacti. Tertiò, qui habet litteras falsas Papæ, & non rumpit eas, aut tradit Episcopo petenti sub excommunicatione. Quartò, clericus admittens ad diuina scienter excommunicatos à Papa nominatim. Quintò, spoliatus Ecclesiæ

cum effractione portarum, parietum, aut clausuræ, aut disce-
 periendo tectum. Ex sexto, iubens lædere, & lædens excom-
 municantem, suspendentem, aut interdicentem alterum, si
 damnum sit illatum in persona, aut bonis excommunicantis,
 &c. aut suorum. Septimo, minister inquisitionis odio, amore,
 aut lucro procedens contra iustitiam. Octauo, ecclesiasticus
 inducens alterum, vt promittat eligere sepulturam in sua Ec-
 clesia, aut non mutare iam habitam, non si exhortetur. Nono,
 inferens vim clerico, vt celebret in loco interdicto, aut non si-
 nens exire ab Ecclesia nominatim excommunicatos, aut inter-
 dictos per Sacerdotem expulsos, aut vocans istos ad diuina,
 aut si sic ligatus nominatim monitus à celebrantibus remane-
 re præsumit. 10. Deferens victualia infidelibus. 11. Offen-
 dens Ecclesiæ libertatem, aut eam impediens, aut faciens,
 quod seruentur statuta contra illam. 12. Exenterans corpora
 defunctorum, vt longius sepelienda deferantur. Sed in Hi-
 spania lex ista, aut non est acceptata, aut per vsum contrarium
 est abrogata. 13. Simonia in ordine, beneficio, aut religionis
 ingressu, & illius mediatores. Et per beneficium intelligitur
 etiam prelatura religiosorum, vt prioratus. 14. Qui à viris
 aut fœminis volentibus religionem intrare, ante, aut post in-
 gressum petere, aut exigere ex pacto præsumunt pastus, pran-
 dia, coenas, pecunias, iocalia, vel alia, etiam ad Ecclesiæ vsum.
 Et nota illud ex pacto, nam isto secluso, etsi adsit mala inten-
 tio in recipiendo, non agitur contra hoc præceptum, imo &
 licet monialibus petere solitas dotes, lectisternia, vestes, &
 similia: cum ista non pro ingressu, sed titulo alimentorum
 pro moniali recipiantur vt dicitur in tractatu de simonia. 15.
 Religiosi mendicantes transeuntes ad monachos, excepta
 Carthusia, & factum non tenet. Et idem de recipientibus ip-
 sos. 16. Intranies in casibus non concessis monasteria monia-
 lium Ordinis Prædicatorum aut Minorum. Imò etiam iam
 aliorum Ordinum, *iuxta dicta in nostra Episto. libr. 1. cap. 3.
 dub. 2.* 17. Religiosi extra necessitatem ministrantes clericis,
 aut laicis Eucharistiam, extremam Vnctionem, aut matri-
 monia solemnizantes sine parochi licentia, aut si præsu-
 munt absoluerè excommunicatum à canone, aut à sententijs
 latis per statuta prouincialia, aut synodalia, nisi in casibus
 sibi in iure, vel priuilegijs concessis. 18. Infamantes Or-
 dines Prædicatorum, & Minorum, aut docentes istos re-
 ligiosos non esse in statu perfectionis, aut quod non licet

eis ex eleemosynis vivere, aut quod non possunt prædicare, vel confessiones audire cum licentia Ordinarij, & sine licentia curatorum, aut facientes violentiam damnabilem in locis dictorum religiosorum, aut impediennes eos, ne in suis Ecclesijs celebrent, prædicent, vel eleemosynas recipiant. 19. Accedens sine Papæ licentia ad Christi sepulchrum, etiam ob deuotionem. 20. Præsumens ausu temerario non simpliciter, & ignoranter, affirmare tenentes alterutram opinionem de Conceptione Beatissimæ Virginis in hæresim incidere, aut mortaliter peccare. 21. Impugnantes montem pietatis iuxta dicto suo loco. 22. Prædicans falsa, aut incerta miracula, vel Prophetias, quæ non constant ex sacra Scriptura. 23. Detrahentes in suis concionibus Prælati Ecclesiæ nominatim, vel per circumlocutionem, quæ vicem habeat proprii nominis. Bene tamen licet tangere in generali vitia Prælatorum. Ita *glossa in Clementina. l. de privileg.* 24. Sixtus V. in motu incipiente, effrenatam, 4. Kalend. Nouemb. anni 1588. reseruauit cum excommunicatione abortum etiam inanimati foetus, & dantes, aut sumentes venena sterilitatis, & ad ista iuuantes, & consulentes. Sed postea Gregor. XIV. in motu incipiente, Sedes Apostolica pridie Kalend. Iunij anni 1591. reduxit prædicta ad terminos iuris, & statuit posse quemuis confessorem à prædictis absolueret, si sit ad hoc deputatus, de quo *Manuel. Rodrig. in summa. 1. part. cap. 5. & Enriquez. tom. 2. lib. 10. cap. 35. lib. 4.* Alio setiam casus refert *Caiet. Armil. verb. excommunicatio*, sed prædicti sunt comuniores. *Es nota omnes casus Papæ habere annexam excommunicationem: & ob eam esse reseruatos, & sic ea ablata, vt cum quis ab ea absoluitur extra Sacramentum, aut in Sacramento ob impedimentum inualido, casus non manet iam reseruatus.* Ista *D. Anton. Palud. Nauarr. cap. 26. num. 13. & c. cap. 27. num. 154. Canon. p. 5. de poenitent.*

2. Conclusio. Ediscopo etiam reseruantur casus, Et horum aliqui in iure. Et primo peccatum clericici habens annexam irregularitatem. Ita *Silu. ver. casus, & alij.* Sed iuxta *D. Tho. in 4. d. 19. q. 1. art. 3. q. 2. ad 2.* etsi irregularitas sit reseruata, sed non peccatum. Ita *Armi. ver. casus. 2.* Incendium domorum, frugum, & aliorum de industria factum. Ita *cap. pessimum. 23. quæst. 8.* Et si incendium sit Ecclesiæ, monasterij, aut loci sacri, incurritur excommunicatio. 3. Peccatum cui debetur sollemnis poenitentia quæ ob solum peccatum notorium,

422 DE SACRAMENTO POENITENTIAE.

imponitur, 2. 6. q. 6. *cap. fin. cum glossa*, sed ista poenitentia iam non est in usu. 4. Blasphemia publica & notoria. *Et nota cum Armil. & Nau. in manual. cap. 27. num. 256.* quod iuxta D. Thomam, casus iste reservatur Episcopo ratione solemnitis poenitentiae isti peccato imponendae, quae iam non est in usu. 5. Excommunicatio maior ob percussione[m] clerici, si percussio est levis. Ita *cap. peruenit de sentent. excommun.* Nam si sit grauis, reservatur Papae, ut dixi supra.

Alij casus reservantur Episcopo ex consuetudine, & horum aliqui sine excommunicatione. Et primò, Homicidium voluntarium, & membri mutilatio. 2. Falsarius litterarum, iurans falsum, & qui iuridicè interrogatus non respondet veritatem, & aduocatus, procurator, notarius ostendentes scripta parti contrariae, quando eis non licet iuxta ius. Ita Armil. Et idem de recipiente pretium, ut non sit testis. 3. Sacrilegium, id est, furtum sacrilegium, & percussio in loco sacro. 4. Retinere incerta aliena. 5. Superstitiones, veneficia, & diuinationes, & istorum petitio. 6. Matrimonium clandestinum, & testes eius, utpotè in foro externo, non aliter. 7. Sodomia, & bestialitas. 8. Retinentes decimas, & primitias.

Alij casus reservantur Episcopo cum excommunicatione. Et primò sepeliens defunctos in Ecclesia in interdicto aut cessatione, in casibus non concessis, & sepeliens excommunicatos publicè & nominatim, & iuxta Clement. I. de sepult. sepeliens scienter & praesumptuose usurarios manifestos. Et ab istis potest Episcopus absolvere praemissa satisfactione. 2. Index, aut publicus officialis faciens ut solvantur usurae, vel non plenè restituantur repetitae, & qui permittunt usurarios manifestos conducere domos, &c. utpotè, ad exercendum usuras, alias non, aut qui istos non expellunt. Et non absoluantur usurarii, aut heredes, nisi satisfecerint, aut de hoc dent cautionem, modo dicto cap. 1. & 2. de usuris, in 6. 3. Sciens contrahens matrimonium cum consanguineo, affine, moniali, religioso, aut clerico. 4. Alienans bona Ecclesiastica, nisi in casibus iuris, & alienatio est nulla. 5. Occidens Christianum per assassinum, id est, per infidelem ad hoc conductum. Et idem de mandante, etsi mors non sit secuta, & qui istos ut sic defenderit, receperit, aut occultauerit. Ita in *cap. 1. de homicidio. in 6.* Alijs referuntur ab Armil. non ita communes. Item Episcopi reservant sibi alios casus in suis synodis de quibus non datur certa regula, cum sint

sunt varij pro more dicte sum.

Dub. 4. *An solus Papa absoluat à suis casibus.*

1. Concl. Episcopus in diocesi sua per se, & per Vicarium 10
ad id specialiter deputandum absoluit in foro conscientie
suas oves ab omnibus casibus occultis, etiam Papæ reservatis.
Et ab hæresi occulta potest in eodem foro conscientie absolue-
re ipse Episcopus, sed non Vicarius. Ita in Conc. Trid. sessi-
24. cap. 6. *de reform.* Nec reuocatur hoc in Bulla Cænæ: cum
ibi non sit commune, maxime Concilium Trident. dum eius
non sit expressa mentio, sed sola privilegia reuocentur. Ita
Dannes, 2. l. qn. 11. art. 4. & Enriq. t. 1. lib. 6. cap. 1. cum Pen-
na, Gallo, Med. & alijs qui adfuerunt in Concilio. Quos etiam
sequitur Manuel. Rodrig. in 99. regul. tom. 1. q. 20. ar. 9. & 10.
Vbi etiam ait, quod et si Episcopus non possit committere al-
teri vices suas pro absoluendo ordinariè ab hæresi: bene tamen
pro casu particulari, vt pro absoluenda moniali, ad quam nec
Episcopus adire, nec ipsa egredi à monasterio valet. Et illud
Concilij, *ipsis solum*, & non Vicarijs licent, &c. intelligitur,
quod non potest Episcopus etate Vicarium cum potestate
ordinaria absoluendi omnes generaliter ab hæresi, non quod
non possit etate. commissariatum pro eadem particulari, si vr-
get necessitas. Ita Cordo. in sum. q. 8. Anglet in 4. qu. de con-
f. art. 5. & Nauarr. lib. 5. conf. 1. de consil. Et patet 1. Nam
ita censuit Congregatio Card. vt refert Farin. in cap. 6. citat.
Concilij Trid. Et ibi refert dictam Congregat. censuisse posse
Episcopum committere vices suas suo confessori, vt ipsummet
absoluat à contentis in dicto cap. 6. sicut & ab alijs, à qui-
bus iure ordinario potest Episcopus absolvere suas oves. Ita
etiam Enriq. tom. 1. lib. 6. cap. 6. num. 5. cum Palud. in 4. d.
38. q. 4. art. 4. Ange. verb. volumi. 3. Rose. volumi. 5. Panorm.
in cap. magh. de verb. 2. patet, Commissarius ex privilegio
perpetuo potest committere vices suas, vt ait Silu. cum com-
muni ver. absolutio. 4. Sed Episcopus ex privilegio iuris con-
cesso in dicto e. Concilij est commissarius ad istum effectum,
& alias non vetatur ibi committere vices suas in hoc casu, vt
patet ex explicatione data: ergo &c. Vel absoluat eam absen-
tem ab excommunicatione, qua sic ablata, peccatum
iam non manet reservatum, vt dixi dub. 3. Et nota 1. quod
illa concessio Concilij est pro solis Episcopis, non pro
alijs Prælati habentibus etiam iurisdictionem quasi Episco-
palem, nec pro Episcopis regionum vbi Concil. Triden. non

424 DE SACRAMENTO POENITENTIAE.

est receptum. *Ita Far. loco citato.* Nota 2. non posse Episcopum in vi istius decreti Concilii Trid. absolvere subditum à casibus etiam occultis Papæ reservatis post dictum decretum, ut à violatione clausuræ monasteriorum. Ita respondit Greg. XIII. audita relatione congregationis Card. ut refert Fario. ibi *An verò possit absolvere à simonia in ordine occulta*, dicens tractat. de suspensio. dub. 1.

2. Concl. Omnis Sacerdos ab Ordinario approbatus potest semel in vita absolvere habentes Bullam Cruciatæ à casibus Papæ, hæresi excepta, & ab alijs casibus non reservatis Papæ, quoties opus sit. Ita in Bulla. Vbi etiam conceditur bis fumentibus Bullam intra annum, bis à prædictis absolui. Vbi dictio, *bis*, aut *semel*, posita in Bulla, aut alio indulto non cadit supra illud à casibus reservatis, alijs posses in pluribus confessionibus absolui à reservatis à quibus non es absolutus, sed dictio, *semel*, aut *bis* cadit supra *ly absolui*. Ita Ledesm. cap. 13. de poenit. con. 2. dub. 1.

3. Concl. Religiosi approbati alijs iuxta Concil. Trid. scilicet 23. c. 15. possunt quoties opus sit absolvere fideles à reservatis Papæ extra bullam Cœnæ satisfacta parte modo explicando dub. 10. Ita concessit Societati Paul. III. Bul. 7. relata in compend. Man. Rod. Quo communicant aliæ Religionēs. Nec hoc privilegium, sicut nec alia Religionum, suspenditur in Bulla Cruciatæ: cum ibi suspendantur sola privilegia non Religionibus, sed monasterijs concessa. De quo in nostra Epitome lib. 2. c. 3. dub. 7.

II Dub. 5. *An solus Episcopus absoluat à suis casibus.*

1. Concl. Omnes casus Episcopi possunt absolui à Sacerdote ad confessiones approbato, quoties opus sit per Bullam Cruciatæ: ita in bulla, ut modo dixi.

2. Conclusio. Episcopus potest absolvere peregrinum alterius diocesis ad se venientem à casibus sui Episcopi, cuius præsumitur ad hoc virtualis licentia. Sed non potest istum absolvere à casibus in Concil. Trident. scilicet 24. cap. 6. concessis Episcopo pro solis suis ouibus, ut dixi dub. 4. Nisi illi peregrini ibi habitent per maiorem partem anni, ut scholastici, & mercatores. Ita Alco. in sum. c. 12. & Enri. l. 2. de poenit. c. 14. n. 8. Nam isti tunc reputantur oues istius Episcopi.

3. Conclusio. Si instante necessitate non patet facilis aditus ad Episcopum, potest parochus absolvere à casibus

Episcopi

Episcopi. Nam tunc censetur habere interpretatiuam Episcopi licentiam. *Ita Enriq. cum alijs, cap. 10. num. 4.* Imò vt ille ait, c. 9. n. 7. & iuxta c. nuper. de sentent. excom. potest parochus absoluerè à casibus Papæ, si non patet facilis aditus ad Papam, nec ad Episcopum.

4. Conclusio. Religiosi approbati possunt absoluerè à casibus etiam in iure Episcopo referuatis. Patet ex concessione Pauli III citata dub. 4. vbi conceditur Societati, & alijs religiosis per communicationem, absoluerè ab omnibus casibus, censuris & penis, solis casibus Bullæ Cœnæ exceptis. Et in nostra Epitome lib. 2. cap. 6. dub. 7. refero ad hoc alia multa priuilegia. Quæ omnia sicut & alia regularium priuilegia non contraria Concilio Trident. sunt de nouo confirmata, & innouata à Paulo V. vt ibi ostendo respondendo declarationibus Pontificum, & Cardinalium in contrarium.

Dub. 6. *An confessio ex commissione proprii Sacerdotis possit fieri alteri Sacerdoti.* 12

1. Concl. affirmatiua. Ita ca. omnis vtriusque sexus, de poenitent. & remission. vbi præcipitur, quod confiteamur, proprio Sacerdoti, aut alteri de eius licentia. Ex quo patet quod cum parochus sit proprius Sacerdos habens iurisdictionem ordinariam, potest eam delegare pro suis ouibus alteri Sacerdoti idoneo, modo statim explicando.

Si obijcias, quod in Concil. Trident. sess. 23 c. 15. dicitur quod nullus Sacerdos etiam regularis audiat confessiones sæcularium etiam Sacerdotum, nisi sit parochus, aut ab Episcopo approbatus: ergo. In hoc 1. sententia ait non esse mentem Concilij derogare dictæ auctoritati curatorum, sed tollere duo. 1. Ne fideles cum Bulla, aut alio indulto eligant in confessores quosuis Sacerdotes, etiam idiotas. 2. Ne Sacerdotes sæculares eosdem, vt ex consuetudine solebant, eligant. Et sic quando dicitur in Concilio citat. nullus audiat confessiones, &c. nisi sit parochus, &c. statim reuocantur priuilegia, & consuetudines immemorales in contrarium. *Ita Magister Gallo qui adfuit in Conc. Orestæ, & Ledesm.*

2. Sententia ait, facultatem datam parochis in cap. omnis vtriusque sexus, esse ablatam in Conc. Trid. loco citato. Nec ad hoc erat necesse, quod ibi fieret mentio capituli omnis vtriusque sexus, sicut fit mentio contrariorum priuilegiolorum, & consuetudinem. Nam vt habetur cap. licet,

de

416 DE SACRAMENTO POENITENTIAE.

de consi. in 6. cum Papa concedit novum ius revocare antiquum contrarium esse eius non faciat mentionem. Quia censetur habere totum ius in serinio pectoris sui. At cum sic non habeat privilegia, & consuetudines particulares, oportet, si vult illa revocare in lege generali, illorum facere mentionem.

Nota, pro explicatione. Aliud esse approbatum, aliud expositum ad confessiones. Nam approbatus non potest audire confessiones, tum per approbationem non datur sibi iurisdictio, bene tamen per expositionem.

2. Concil. Vtraque sententia est probabilis ob rationes, & Doctores utramque tuentes.

3. Concil. In Conc. Trident. citā. non fit mentio de expositione, sed de approbatione, ut ibi patet. Nam cum ex iure diuino confessor debeat esse idoneus, & in iudicando istam idoneitatem possit esse error, si cuius remittitur, de hoc iudicare voluit Concilium, ut ille solus idoneus reputetur pro confessionibus secularium, etiam Sacerdotum, qui est parochus, aut approbatus ab Episcopo, seu eius Vicario, aut ab habente iurisdictionem quasi Episcopalem in seculares, ut sunt Abbates, Prior de Vcles, &c. Et merito, nam cum hoc iudicium sit de rebus arduis ad salutem animarum spectantibus, reservatur solis praeclatis de hoc iudicare, siue per examen siue aliter. Non enim sat est, ut eligendus in confessorem sit Doctor: quidquid dicat Gallos, sed necessario debet esse ab Ordinario approbatus, ut dicitur in Concil. citat. Et patet, dum ibi dicitur, quae approbatio gratis datur.

Ex dictis patet 1. Perestatem concessam parochis in c. omnis utriusque sexus, delegandi suam iurisdictionem alijs Sacerdotibus, alijs idoneis, non esse ablatam in Concilio Trid. loco citato; sed solum quod parochi non possint iudicare de idoneitate requisita pro confessionibus audiendis. 2. Patet, posse parochum delegare suam iurisdictionem Sacerdoti semel approbato a suo, aut extraneo Ordinario: vel etiam extraneo parochi, & pro suis ouibus, & etiam pro se in eisdem casibus. Ita Enriq. tom. 1. lib. 6. c. 7. n. 5. cum Silu. de confess. 1. Panor. Angel. & Palud. in 4. d. 17. q. 3. Vide dicta lib. 2. ex Conc. Trid.

13 Dub. 7. An licentia audiendi confessiones duret more no. c. cedente.

1. Concil. Licentia data pro certo tempore cessat finito illo tem-

tempore . Nisi quando habes licentiam, v. g. vsque in Dominicam in Albis, & audita confessione alicuius intra illud tempus, oportuit differre absolutionem vsque ad Ascensionem, tunc potes istum absolueret. Ita *Ledesma, cap. 12. de poenitent.* etsi oppositum reputet securius. Sed patet; Nam confessor habuit intra illud tempus iurisdictionem ad audiendum illam confessionem, & differendum absolutionem pro tempore sibi viso expedire more periti medici, *intra cap. omnis utriusque sexus*: ergo & habet iurisdictionem ad illam perficiendam; nam etsi expirasset licentia audiendi nouas confessiones, sed non finiendi inceptas.

2. Conclusio. Licentiæ datæ absolutè durant dum Episcopi successores eas non reuocant. Ita *Ledesma cap. 13. de poenitent. ex extranag. inter cunctas*. Vide in nostra *Epitom. lib. 2. cap. 3. dub. 1.*

3. Conclusio. Etsi Episcopus extra suam diocesim non possit exercere in subditos suos iurisdictionem fori externi, alias pax turbaretur, potest tamen ipse, & parochus, & Sacerdotes ab istis expositi, vbique audire confessiones ouium istarum. Ita *Ledesma, & Siluest. verb. confessor. 2.*

Dub. 8. *Quis confessor sit eligibilis per Bullam Cruciatam, aut aliud simile indultum.* 14

1. Conclusio. Quiuis parochus saltem tuæ diocesis est à te eligibilis per Bullam. Ita communiter, de quo *Ledesma. cap. 12. de poenit. dub. 2.* Nam eo ipso, quod est parochus censetur idoneus, & vt talis ab Ordinario approbatus. Et idem est de alio Sacerdote seculari, aut regulari approbato ab Ordinario saltem poenitentis, etsi non exposito, cum in Bulla solum petatur vt sit approbatus, licet communiter, cum quis approbatur simul etiam exponatur.

2. Conclusio. Prælati regulares, qui habent iurisdictionem quasi Episcopalem respectu secularium, vt Prior de Vcles, &c. & alij ab istis pro secularibus approbati sunt in confessores eligibiles per Bullam. Secus de approbatis ab istis pro solis religiosi; qui à solis religiosi omnibus sunt in confessores eligibiles, cum Bulla, aut alio simili indulto. Ita *Ledesma. c. 13. de poenit. dub. 3. 6. & 11. contra Enrig. tom. 1. lib. 6. c. 6. num. 9.*

3. Conclusio. Approbatus ab Ordinario cum limitatione, v. g. exceptis mercatoribus, non est eligibilis in confessionem per Bullam à mercatoribus. Nam pro istis non reputatur idoneus. Ex quo patet esse probabilis quod approbatus pro

428. DE SACRAMENTO POENITENTIAE.

pro viris, & non pro sœminis ex defectu ætatis, non est ab istis in confessorem eligibilis per Bullam: nec pro eis idoneus iudicatur. Nam idoneitas consistit non in sola scientiæ peritia, sed & in vitæ probitate, in modestia, & discretionem, *iuxta Clem. dudum, de sepult.* quæ idoneitas non reperitur regulariter in Sacerdote iuveni respectu mulierum. Ita *Ludou. Lop. tom. 2. c. 8. de Bulla. Et si Enrig. tom. 1. lib. 6. cap. 6. num. 8.* tenet oppositum. Et id reputat probabile *Ledesm.* Et refert aliam opinionem, quam putat securiorem, quod iste sic approbatus non censetur absolutè, sed cum restrictione approbatus, & sic nec à viris est eligibilis per Bullam, cum Bulla loquatur de absolutè approbato. Sed prima opinio, videtur verior.

4. Conclusio. Qui fuit parochus, aut simpliciter approbatus, dum non sit nunc legitimè reprobatus, in sententia probabiliter potest eligi per Bullam. Sed oppositum est probabilius. Nam iam tunc iste non est approbatus. Et hoc videtur insinuari in Bulla plumbea, dum dicitur, licere eligere per Bullam confessorem secularem, aut regularem ab Ordinario approbatum, & de regularibus semel tantum approbatum: ergo de alijs Sacerdotibus non est eligibilis, qui aliquando fuit approbatus, sed qui modò non est approbatus, cum illud specialiter concedatur solis religiosis.

15

Dub. 9. *An per Bullam sit eligibilis in confessorem approbatus à quouis Ordinario. Et de religiosis vide in nostra Epitome lib. 2. cap. 6. dub. 5.*

1. Conclusio. Probabile est, quod debet esse approbatus ab Ordinario poenitentis. Ita *Ludou. Lop. & Manuel. Rodrig. in Bulla § 9. dub. 2. Gutier. in quest. Cano. cap. 27. & alij* Et patet. Nam verba generalia privilegiorum maximè in odiosis, quæ sunt contra ius commune, sunt limitanda iuxta ius commune, dum non constat aliud clarius in contrarium. Ita *Nauar. in manu cap. 27 num. 114 & 116. Siluest. verb. excommunicatio 10 & Cordu. in sum. q. 10.* Sed illa verba Bullæ, liceat eligere approbatum ab Ordinario, possunt intelligi, & de approbato à quouis Ordinario, & de approbato solum ab Ordinario eligentis confessorem: ergo sunt explicanda cum minori præiudicio Episcoporum, & iuxta ius commune Concilij Tridentini sess. 23 cap. 15. vbi per approbatum ab Episcopo intelligitur approbatus ab Episcopo poenitentis. 2. Consulta Congregatio Cardinalium ab Episcopo Valentiniæ censuit, approbatum ab alio, quàm ab Episcopo Valentino, non censeri

appro.

approbatum ab Ordinario in diœcesi Valentina. Et si obij-
cias, quod aliàs Bulla nil, aut parum concederet, cum etiam
sine Bulla posset eligi approbatus ab Ordinario poenitentis.
Ad hoc dico, per Bullam posse eligi approbatum ab Ordina-
rio, etiam pro casibus reservatis. Item per Bullam potest eli-
gi approbatus, etiam non expositus, sicut parochus vnus pa-
rochiæ est approbatus vt idoneus in tota diœcesi, & tamen
non habet iurisdictionem, nisi solum pro suis ouibus.

2. Conclusio. Probabile est, esse per Bullam eligibilem
in confessorem parochum, etiam extraneæ diœcesis, & ap-
probatum à quouis Ordinario, etiam clericum durante sal-
tem approbatione. Ita Enriq. tom. 1. lib. 6. cap. 6. num. 7. cum
Mancio, Gallo, Gueuara, Ludou. Lop. Bannes, Medina, 1. 2. q.
19. art. 6. & alij, de quo Ledesma cap. 13. de poenit. conclus. 1.
dub. 7. Nam hoc est privilegium: ergo non est restringendum
ad approbatum ab ordinario eligentis: cum quiuis parochus,
& à quouis Ordinario approbatus sit absolute approbatus.
Itaque Bulla solum intendit, ne in confessorem eligatur, vt
olim, quiuis Sacerdos, iuxta dicta dub. 6. sed qui sit ab Or-
dinario aliquo approbatus. Et sic patet ad 1. primæ conclu-
sionis. Ad 2. dico, quod illa est declaratio pro Concil. Trid.
loco citato, vbi statuitur, quis dicatur confessor idoneus, &
non pro Bulla, vbi verba sunt ample interpretanda, cum sint
priuilegium. Maxime, quia declarationes Cardinalium si-
cut & decisiones Rotæ inconsulto Papa, aut sine eius ordine
non faciunt ius, etsi sint magnæ auctoritatis. De quo in no-
stra Epitome lib. 2. cap. 2. dub. 1.

Dub. 10. An in articulo mortis possit ab omnibus casibus ab-
soluti à quouis Sacerdote, etiam hæretico, & degradato. 16

1. Conclusio affirmatiua D. Thom. in addit. quæst. 8. art. 6.
Et patet ex multis decretis, maxime ex Concil. Trid. sess. 14.
cap. 7. vbi dicitur. In Ecclesia semper fuit custoditum, vt
nulla sit casuum reservatio in articulo mortis. Et sic omnes
Sacerdotes, quosuis poenitentes, à quibusuis peccatis, & censu-
ris absoluerè possunt. Ita ibi. Imò est probabile hoc eis con-
uenire tunc ex iure diuino: cum eius vsus sit in Ecclesia à tem-
pore Apostolorum. Sed re vera solis Apostolicis, & Papæ
competit iurisdiclio ex iure diuino à Christo immediate
concessa: at alijs ex iure Ecclesiastico à Papa, vt à capite deri-
uatur. Ita Enriq. cum alijs, tom. 1. lib. 6. cap. 5. & 11. & com-
muniter, cum D. Thom. in 4. dist. 20. quæst. 1. art. 1. q. 2. Et sic
à Pa-

à Papa potest alijs limitari: etiam pro articulo mortis. Et nota, quod *ut ait Ledesm. cap. 14. de poenitent. dub. 2.* et si in iure detur cuius Sacerdoti sine exceptione possit tunc absolueret, tamen securius videtur, hæreticos, degradatos, suspensos, aut non expositos non posse tunc absolueret, si adsit Sacerdos expositus in confessorem.

2. Conclusio. Probabile est, quod qui existit in periculo mortis, sicut & qui existit in articulo mortis, potest eligere in confessorem etiam non expositum pro omnibus peccatis, & censuris etiam reservatis. Ita *iuxta cap. eos, qui, de sentent. excommunic. in 6. cum gloss. Paludan. Adrian. Siluest. verb. confessio, 1. & Nauar. cap. 27. num. 271.* Sed oppositum est probabilius. Ita *Sot. dist. 18. quest. 4. art. 4. Cano relect. de poenitent. part. 5. Ledesma dub. 3. & communiter.* Nam iura illud concedunt solis existentibus in articulo mortis, ut patet in Concilio. Alias faciliè posses absolui ab hæresi hoc colore constituenti te in morali periculo mortis, utpotè periculose navigationis. Item iste voluntariè se exponit periculo mortis, & sic antequam exponatur, potest accedere ad legitimam confessionem. At si aliquando non possit accedere ad confessorem reservatorum, constituendo alteri indirectè absoluetur ab eis, & directè ab alijs, & sic transacto periculo tenetur confiteri peccata reservata legitimo confessori.

3. Conclusio. Non est absolvendus poenitens etiam in articulo mortis à censuris, si non satisfacit per se, aut per alterum, si censuræ petunt satisfactionem. Et si non possit satisfacere, det cautionem de satisfaciendo cum primum possit: alias absolutio saltem extra articulum mortis non valet, & absolvens excommunicatur in *extrauag. Et si dominici, de poenitent. & remission.* Vide *Enriqu. tom. 1. lib. 7. cap. 13. num. 2.* qui ait, valere absolutionem in articulo mortis, etiam omniâ satisfactione, & cautione, nec incurri e communicationem ab absolvente. Quæ autem sit sufficiens cautio explicatur à *Gaiet. verb. excommunicatio, cap. 77.* utpotè, quod detur pignus si fieri possit, sin minus fideiussor, & si hoc non sit possibile, detur iuramentum, aut subscriptio poenitentis de satisfaciendo cum primum possit. Ita *D. Anson. 3. par. tit. 25. cap. 77. Armil. & Siluest. verb. absolutio, 3. Medina in sum. lib. 2. c. 12. Nauar. c. 27. num. 47. Sa. verb. absolutio ab excomm.* ubi ait, quod iste ab excommunicatione absolutè, & simpliciter absolutus cum dicta cautione, etiam extra

articulum mortis, non reincidit, etsi non satisfaciatur.

4. Conclusio. Si poenitens ab articulo mortis incolumis euadat, aut cesset impedimentum accedendi ad superiorem, secluto priuilegio tenetur se praesentare superiori, non pro absolutione referuatorum, cum iam sit absolutus; *ut ait D. Thom. in addit. quest. 8. art. 6. ad 2. sed ut innotescat ei, quod sit absolutus, & videat superior quid facto opus sit pro satisfactione. Et ita praecipitur in cap. eos, qui, de sententia excommunicat. in 6. Et si id omittat facere ex contemptu (non si aliter, ut ait Caiet, verb. excommunicatio, cap. 69. & Ledesm. cap. 8. de excommunicat. dub. 4.) ex vi istius decreti ita postulantem incidit in excommunicationem ibi latam. Dixi secluto priuilegio. Nam si poenitens in articulo mortis absoluitur virtute Bullae, aut alterius indulti, non tenetur praesentare se superiori pro casibus ibi concessis existentibus in articulo mortis, cuiusmodi sunt omnes praeter haeresim; cum ibi absolute, & sine dependentia concedatur praedictorum absolutio tunc. Ita Palud. in 4. d. 1. quest. 1. conclus. 3. Mediq. in summa lib. 2. c. 12. Ledesm. conclus. 2.*

Dub. 11. An cum posses in aliquo die ob Iubileum, aut licentiam superioris absolui à reservatis, transacto illo die, possis absolui à reservatis tunc in tua confessione oblitis. 18

1. Conclusio. Si confessio facta illo die fuit valida, potes postea absolui à reservatis tunc oblitis. Ita Cano par. 5. de poenitent. Siluest. verb. confessio, 1. Couar. in cap. Alma mater, §. 11. num. 12. & communiter contra Ledesm. dub. 8. Nam illud peccatum pertinet ad praecedentem confessionem. Sicut si Sacerdos ex rationabili causa differat absolutionem ultra dictum diem, potest postea virtute illius concessionis absolvere etiam à reservatis tunc concessis.

2. Conclusio. Si confessio, ex defectu doloris, aut quia poenitens de industria dimidiavit confessionem, fuit nulla, non potest poenitens illo die transacto absolui à reservatis, si sint reservata sine censura. Ita Ledesm. cap. 15. de poenitent. concl. 2. dub. 7. Nam illa confessio fuit nulla: ergo peccata manserunt reservata, cum iurisdictione nil fecerit circa illa.

3. Conclusio. Si peccata sint ob censuram reservata, etsi confessio fuerit nulla, adhuc illo die transacto possunt absolui. Nam cum censura sit ablata iam per absolutionem censurarum, saltem in generali, dicendo, si teneris aliquo vinculo excommunicationis, &c. peccatum mansit sine reservatione.

Ita

Ita Palud. Caietan. verb. casuum referu. Siluest. verb. confessor.
1. Vide supra dub. 3. conclus. 1.

QVÆSTIO SEXTA.

De sigillo Confessionis.

D. Thomas in addit. quæst. 11.

S V M M A R I V M.

Sub sigillo confessionis celanda sunt omnia peccata, & alia, quibus reuelatur confessio, num. 1.

Prælati non potest vti scientia parta ex confessione in regimine externo, num. 2.

An hoc sigillum extendat se ad ea, quæ non sunt de confessione, num. 3.

An solus Sacerdos teneatur ad sigillum, num. 4.

An liceat aliquando reuelare confessionem, num. 5.

I D. VB. 1. *An confessor teneatur celare peccata, & eorum circumstantias notas in confessione.*

1. Conclusio affirmatiua D. Thomæ in addit. quæst. 11. art. 1. Nam in remissione peccatorum habet se Deus, ac si eorum obliuisceretur: ergo eodem modo se debet habere confessor, cum sit Dei minister. Et aliàs destrueretur hoc Sacramentum, cum hoc sigillo conseruetur. Arcerentur enim fideles à confessione. Et nota, quod non potest reuelare peccata mortalia, etiam in communi, dicendo, iste mihi confessus est peccata mortalia, imò nec peccata venialia in particulari, dicendo, iste mihi confessus est, v. g. mendacium, aut verbum otiosum. Benè tamen in communi, dicendo, iste mihi confessus est peccata venialia, aut ego absolui istum.

2. Conclusio. Confessor tenetur celare sub isto sigillo etiam peccata enormia contra bonum commune, vt hæresim, etsi pœnitens dicat non habere animum cessandi ab illis. Et opposita sententia Alexand. 2. par. quæst. 78. men 2. art. 2. Siluest. verb. confessor. 3; Panormitan. in cap. omnis utriusque sexus, & aliorum asserentium posse confesorem illa reuelare cui profit, & non oblit, ait D. Thom. ad 1. videtur erronea. Nam illa est vera confessio Sacramentalis in ordine ad absol-

absolutionem, etsi de facto non sequatur: ergo tenetur confessor ad sigillum, de quo nullus excipitur casus, nisi cum poenitens non intendit facere veram, sed derisoriam confessionem, & decipere confessorem; cum ista tunc non sit vera confessio sacramentalis. Potest tamen confessor in casu istius Conclusio. ait D. Tho. ad 1. monere Prælatus, vt vigilet super gregem suum & hoc sine vlla manifestatione confessionis etiam indirecta, verbo aut signis. Imò interrogatus de illo, etiam sub iuramento, & excommunicatione, ait D. Thom. ad 2. verè dicit se nescire, quia vt homo verè illud ignorat, nec potest cogi iuramento aut excommunicatione, vt dicat quæ scit in confessione. Ita *cap. dilectus, de excess. Prælat.* Imò & potest sic quæ situs iurare illud non audisse, aut scire in confessione. Ita *communiter, contra Soto d. 18. qu. 4. art. 5.* Nam non interrogatur iuridice tunc, cum non sit superiori subiectus, nisi vt homo, ait D. Thom. & illud scit vt Deus.

3. Concl. Si Prælatus ex sola confessione scit alicuius indignitatem ad officium, non potest illum priuare illo officio, nisi alias constet de alijs demeritis, ita vt nullo modo intelligatur, etiam à poenitente; quod ob peccatum notum in confessione punitur. Ita D. Tho. ad 3. Aliàs odiosa redderetur à poenitente iste confessio, & ab ea fugeret. Potest tamen Prælatus ex scitis confessione subditi vigilare super eum, vt scito delicto extra confessionem, corrigatur.

Dub. 1. *An hoc sigillum se extendat ad ea qua non sunt de confessione.*

1. Conclus. D. Thom. art. 2. Sigillum confessionis directè se extendit ad ea quæ sunt de confessione, & indirectè ad alia: quæ etsi non sit peccata, tamen ex eorum manifestatione potest aliquo modo nosci peccatum poenitentis.

2. Concl. Si poenitens absq; necessitate manifestauit in confessione complicem sui peccati, non tenetur confessor complicitis peccatum occultare sub sigillo confessionis, sed ex solo secreto naturali. Nam tunc peccatum complicitis non pertinet ad istam confessionem, & sic pro bono cõmuni est manifestandũ, sicut alia secreta naturalia, dum tamen non explicetur poenitens. Secus si persona complicitis, aut eius peccatũ pertinet per se ad istam confessionem, vt si ex illa varietur species peccati poenitentis, aut alia circumstantia, vt si dicas coisse cum sorore.

Dub. 3. *An solus Sacerdos teneatur ad sigillum.*

1. Conclus. D. Thom. art. 3. Solus Sacerdos per se loquen-

434 DE SACRAMENTO POENITENTIAE.

do tenetur seruare sigillum: cum solus ille habeat clauēs, & iurisdictionem, quibus est annexa obligatio sigilli.

2. Conclus. Diu. Thom. ibi. Non Sacerdos, sicut aliquando participat aliquid de actu clauis, utpote, si ob necessitatem audit alicuius confessionem, ita etiam participat aliquid de actu sigilli, etsi propriè sigillum non habeat. Et inter istos sunt gradus. Nam strictius tenetur ad sigillum Prælati, si ab eo petitur licentia pro absolutione reſeruatorum: cum iam isti manifestentur peccata, sicut habenti iurisdictionem in illa. Deinde tenetur doctor à quo petitur consilium circa agenda in confessione. Et idem de eo qui se fingens confessorem audit poenitentis peccata, aut aliter audit istius peccata dum confiteatur. Omnes enim dicti tenentur ex iure naturali, & diuino, & cum periculo vitæ, & boni communis, ad sigillum. Vide supra quæst. 3. dub. 7.

Dub. 4. *An liceat aliquando reuelare confessionem.*

1. Conclusio. D. Tho. art. 4. De licentia poenitentis potest reuelari eius confessio. Sed hoc fiet cum cedit in eius bonum, & non aliter, ut ad communicandum eius confessionem cum alio peritiori. Alias sequerentur multa damna.

2. Conclus. D. Tho. art. 5. Si confessor scit etiam extra confessionem peccatum poenitentis, non tenetur illud celare sub sigillo, cum iam sciat illud peccatum, ut homo.

QVÆSTIO SEPTIMA.

De Clauibus.

D. Thomas in Supplem. q. 17.

S V M M A R I V M.

Quid sit clauis & quomodo differat à caractere. n. 1.

An in Ecclesia sint clauis & quot. n. 2.

An Sacerdos per clauis possit ligare & soluere, à culpa & pena. n. 3.

An possit pro libito ligare vel soluere. n. 4.

An soli Sacerdotes noua legis habeant clauis. n. 5.

DVB. 1. *Quid sit clauis.*

1. Conclus. D. Thom. in addi. q. 17. art. 2. Clauis diffinitur

tur

tur, quod sit potestas ligandi & soluendi, qua iudex ecclesiasticus dignos recipit, & indignos excludit à Regno celesti. Sicut enim clauē materiali, ait D. Th. art. 1. aperitur ostium, & clauditur, sic clauē spiritali tollitur impedimentum peccati ad ingressum celi, & ponitur impedimentum, non apponendo peccatum, sed, *ut ait D. Thom. art. 2. ad 4.* negando eius absolutiōem.

2. Conclusio. D. Th. ad 1. Potestas clauis sola ratione differt à caractere sacerdotali, vtpotè per ordinem ad diuersos actus. Nam eadem qualitas relata ad corpus Christi verum consecrandum dicitur caracter, seu potestas consecrandi, & relata ad soluendum, & ligandum fideles, dicitur clauis. Ita communiter Thomista contra Sco. Et patet. Nam ad duos actus subordinatos ad vnum finem; ait D. Thom. sat est vna potentia. Sicut ignis eodem calore disponit ad suam formam, & introducit eam. Sed potestas clauis disponit fideles ad recipiendam Eucharistiam, quam alia Sacramenta vt finem respiciunt: ergo eadem potentia, qua consecratur Eucharistia suscipienda, disponuntur ad eam fideles, eos absoluen- do. *Si arguas:* Nam caracter potest esse sine clauibus: Apostolis enim contulit Christus in Cœna caracterem, & post resurrectionem in illo Ioann. 20. *Accipite Spiritum sanctum, quorum, &c.* contulit eis clauēs: ergo: *Ad hoc dico* 1. Quod Christus in Cœna contulit Apostolis caracterem cum clauibus quantum ad substantiam, sed vsum clauium dedit eis Ioann. 20. Sicut modo datur Sacerdotibus potestas clauis quantum ad substantiam simul cum caractere in illis verbis: *Accipite potestatem offerendi sacrificium, &c.* Et postea quando in fine Missæ displicando eorum casulam dicitur eis iam ordinatis: *Accipite Spiritum sanctum, &c.* explicatur magis potestas iam eis prius data. Dico 2. Quod Christus per potestatem excellentiæ potuit conferre Apostolis caracterem cum sola Potestate consecrandi, & post Resurrectionem extendit caracterem conferendo eis virtutem remittendi peccata.

Dub. 2. An in Ecclesia sint clauēs & quos.

1. Concl. D. Th. art. 1. affirmatiua, diffinita cap. firmiter, & in Concilio Trid. sess. 14. can. 10. & 15. Et Matth. 16 ait Christus Petro: *Tibi dabo clauēs.*

2. Concl. D. Thom. q. 17. art. 3. Tantum sunt duæ clauēs in Ecclesia distinctæ non inter se, sed secundum diuersos actus ad inuicem ordinatos. Et vna dicitur clauis scientiæ,

consistens non in hoc quod est scire idoneitatem poenitentis, cum clavis non dicat scientiam, sed potestatem, sed in auctoritate iudicandi de dignitate, aut indignitate poenitentis. Alia est clavis potestatis ligandi, & soluendi, consistens in auctoritate ad ligandum, & soluendum. *Ita D. Th. ad 2.* Vbi etiam ait, quod etsi clavis scientiæ, & scientia requisita ad iudicandum de dignitate poenitentis, sint diuersæ: tamen qui sine tali scientia suscipit in sua ordinatione clauem scientiæ peccat saltem venialiter, etsi non sit vsurus tali clauē. Nam si ea sit vsurus sine scientia, peccat mort. cum exponat se periculo errandi grauiter. Ex dictis patet, potestatem iurisdictionis pro foro externo ad ferendum censuras; & pro foro interno ad absoluendum in foro conscientiæ, propriè non esse clauēs. Ita communiter cum D. Th. art. 2. ad 1. vbi ait, clauem esse idem cum caractere, & ad 2. ait, clauem dari cum consecratione & ordine. Sed neutra iurisdicatio datur tunc. Nam prima committitur sæculari baptizato, & ex iure diuino competit Episcopo confirmato nondum ordinato. Et secunda, licet necessario supponat caracterem, non tamen confertur cum eo, sed postea datur ab Ordinario sine noua consecratione: Ergo non est clavis, sed habet se ad clauēs sicut conditio applicans & constituens materiam, in quam exerceatur virtus clauis. Etsi à D. Th. in additio. qu. 25. art. 2. ad 1. & à Caiet. largè vocetur clavis.

3 Dub. 3. *An Sacerdos per clauēs possit ligare, & soluere à culpa, & pœna.*

1. Concl. D. Thomæ in addit. q. 18. art. 1. Sacerdos per clauēs remittit culpam. Ita diffinitur in Conc. Trid. sess. 14. Et quod D. Thom. ait, hoc Sacramentum, sicut & baptismum operando non pertingere directè ad gratiam, nec ad culpæ remissionem, sed dispositiuè, intelligitur iuxta eundem 3. p. q. 62. art. 1. & 3, idest, non causant gratiam principaliter, & virtute propria, sed dispositiuè & instrumentaliter. Et quod ait, quod in aliquibus Sacramentis virtus causatiua gratiæ est in materia, in alijs in forma, intelligitur, id est, quod in aliquibus Sacramentis virtus causatiua gratiæ explicatur in materia, in alijs in forma, &c. Alias vt sepè patet ex D. Thom. in omni Sacramento materia, forma, & minister efficienter instrumentaliter causant gratiam. *Vide supra. q. 1. dub. 4.*

2. Conclusio. Sacerdos per clauēs absoluendo, ut diffinitur

DE SACRAMENTO POENITENTIAE. 437

in Conc. Trid. sess. 14. canon. 12. & 15. non remittit totam, sed aliquam partem poenae correspondentem Sacramento Poenitentiae ex opere operato, praeter correspondentem contritioni, ut est opus operantis. Ita D. Thom. art. 2.

3. Conc. D. Tho. art. 3. Sacerdos per clauem potest ligare poenitentem in ordine ad culpam indirecte, utpote non absoluendo ab ea; & in ordine ad poenam potest ligare directe, obligando sub mortali poenitentem ad aliquam satisfactionem, iuxta dicta q. 4. dub. 3. *Nota 1.* Quod regulariter est imponenda poenitenti satisfactio; at si sit morti proximus, aut si incepta confessione incidit in amentiam, absoluator sine satisfactione cum satisfactio non sit de essentia, sed de integritate Sacramenti. *Nota 2.* Quod si poenitens obliuiscitur satisfactionis sibi iniunctae, etiam culpabiliter, non tenetur iterum repetere confessionem alias validam, sed sibi iterum taxetur satisfactio, sed tenetur confiteri illam culpabilem negligentiam.

Dub. 3. An Sacerdos possit pro libito ligare, aut soluere.

1. Concl. negatiua sed debet Sacerdos operari iuxta Dei motum, alias si absoluat indispositum, Sacramentum erit nullum. Ita *D. Thom. art. 4.*

2. Conclusio. D. Thomae ibi. Sacerdos sua scientia, & prudentia applicabit medicinam proportionatam peccatis, & poenitenti. Non enim debet applicare poenitenti satisfactionem omnino aequalem, nec poenitens eam acceptare tenetur. Nam praeterquam quod talis satisfactio non potest constare Sacerdoti, esset intolerabilis, si constaret. Item per se loquendo pro grauioribus peccatis maior satisfactio est in iungenda. Ita *cap. sicut, de homicidio, & iuxta Concil. Trident. sess. 14. c. 8.* Nam ubi debitum est maius, maior debet esse satisfactio. An aliquando per accidens pro grauiori peccato minor satisfactio imponatur. Nam in taxatione poenitentiae, & peccatum & persona considerentur: minor enim satisfactio imponatur seni, infirmo, aut mulieri, quam iuueni sano, aut viro. Et maior satisfactio imponatur vitioso, qui non ita rationibus, quam flagellis mouetur, & minor imponatur volenti lucrari indulgentiam, ait *Gaietan. ver. satisfactio, & Si luo. ver. confessio. 4.* Item auaro imponatur eleemosyna in satisfactionem, & gulo ieiunium,

Dub. 5. An soli Sacerdotes legis Evangelica habeant clauem.

1. Conclusio. D. Thomae, quae. 19. art. 3. affirmatiua. Nam clauis proprietate est idem cum caractere Sacerdotis, ut dixi

Sub. 1. sed soli Sacerdotes legis Euangelicæ habent caracterem: ergo.

2. Conclusio. D. Thomæ ad 4. Mulier non habet claves. Nam cum iuxta Apostol. 1 Corinth. 14. sit in statu subiectionis, non potest habere aliquam spiritualem iurisdictionem, etiam ex commissione contra Soto. Et patet ex cap. dilecta, de maiestate, ubi dicitur mulierem non posse excommunicare, aut suspendere. Si obijcias, aliquas Abbatissas conferre beneficia, & ab illis suspendere, ut habetur in dicto cap. dilecta, Ad hoc dico illam collationem esse solum præsentationem nec conferre possessionem, aut titulum spirituale. Sed hoc confert Prælatus. Er illa suspensio non est censura Ecclesiastica, ut ait Silu. verbo, Abbatissa. Et sic Sacerdos celebrando cum illa. non fit irregularis. Item Abbatissæ cum carcant potestate spirituali, ut dixi non possunt sicut Prælati ponere præcepta ex se obligantia ad culpam. At cum in ordine ad subditas habeant potestatem gubernatiuam, & sint velut matres familias, possunt in ordine ad regimen monasterij præcipere aliqua, quorum transgressio sit peccatum mortal. ob materiæ gravitatem.

QVÆSTIO OCTAVA.

De Indulgentijs.

D. Thomas. in Supplem. q. 25.

S V M M A R I V M.

Quid sit indulgentia n. 2.

Conditiones requisite ut indulgentia valeant n. 2.

Indulgentia mille annorum quomodo intelligenda. 3.

Ad indulgentia proficiant animabus Purgatorii n. 4.

An ut aliquis lucretur indulgentias pro defunctis, debeat esse in gratia n. 5.

An bulla compositionis sit licita. n. 6.

DVB. 1. An per indulgentias remittatur aliquid de pena peccati.

1. Conclusio. D. Thom. in addit. quæst. 25. art. 1. affirmativa. Nam indulgentia diffinitur, quod sit relaxatio poenæ debitæ

debitæ peccatis facta extra Sacramentum, siue ista pœna sit à confessore iniuncta, siue non. *Vbi nota ex D. Thom.* quod in Ecclesia est thesaurus constans præcipuè ex Christi satisfactionibus, & ex satisfactionibus, quæ superfluere sanctis. Nam in opere pœnali, & consideratur meritum, quod ultra condignum est præmiatum in sanctis, & consideratur pœna, quæ soluitur pro peccatis, quæ in sanctis solet esse maior, quam ab eis debeat pro peccatis: iuxta illud Iob, 6. *Vtinam appenderentur peccata mea, & calamitas, quam patior in statu meo, quasi arena maris hac grauior apparet.* Istæ ergo satisfactiones quæ superfluere sanctis dum viuerent, reconditæ sunt in thesauro Ecclesiæ; & eius dispensatio est tradita Papæ, & Episcopis, vt cum causa rationabili virtute clauium etiam extra Sacramentum applicent eas membris vniuersi Ecclesiæ, quæ sunt vnum corpus per gratiam, cum Sanctis, quorum sunt illæ satisfactiones; & sic per illas ergo satisfacio & solutio: & ista satisfactio vt mea acceptatur: & sic per Prælatum virtute clauium absoluo ab obligatione satisfaciendi pro meis peccatis.

2. Conc. Concessio indulgentiarum, etsi non sit pura absolutio; cum interueniat alicuius pœnæ solutio, est tamen vera absolutio à pœna. Ita Soto & colligitur ex D. Th. Aliàs non esset actus clauium, contra communem sententiam, nec requireret iurisdictionem, contra ea, quod autem, & c. eum ex eo, de poenit. & rem. Nec obstat istam absolutionem fieri extra Sacramentum: nam absolutio à pœna non est Sacramentis alligata, vt absolutio à culpa. Ex quo patet, quod cum defuncti sint extra Ecclesiam, non concedunt eis indulgentiæ sicut viuis, per modum absolutionis, sed per modum suffragij, & solutionis, sicut applicantur eis sacrificia, oblationes, & alia suffragia viuorum, & de condigno eis profuant, ait Soto.

Dub. 2. *An indulgentiæ valeant quantum sonant?*

1. Conc. D. Thomæ artic. 2. affirmatiua tribus conditionibus. Prima, Auctoritas in concedente; qui debet esse Papa, aut Concilium Generale pro tota Ecclesia, & Episcopus pro sua Diœcesi. Solis enim istis datur à Deo posse dispensare Thesaurum indulgentiarum. Ita ca. quod autem, & ca. cum ex eo, cit. Et sic Prælati regularium, etsi possint applicare sacrificia, & satisfactiones subditorum cui velint, antequam fiant vel dum fiunt, sed non possunt illa iam facta extrahere à thesauro Ecclesiæ; & alteri applicare, sicut

440 DE SACRAMENTO POENITENTIAE.
nec illud potest qui ea obtulit.

3. Condicio est Charitas in fuscipiente indulgentiam. Nam vt proſit tibi indulgentia, debes eſſe per gratiam vnitus alijs membris, quorum ſatisfactionibus ſoluis. Nam vt in corpore naturali manus abſciſſa non participat aliorum influxum mēbrorum: ſic nec qui eſt in peccato mortali poteſt ſatisfacere pro pēna peccati etiam antea remiſſi. An verò quando in iubileo conceditur indulgentia plenaria ieiunantibus, orantibus, & eleemoſynas largientibus in Feria 4. 6. & Sabato, & tandem in Dominica ſequenti Euchariftiam ſumentibus, neceſſum ſit vt omnia iſta in gratia fiant: In hoc Soto, & alij piē credunt ſat eſſe ſi ſola Euchariftia in gratia ſumatur. Sed probabilius videtur omnia illa, aut maiorem partem eſſe facienda in gratia. Nam omnia illa ſunt à Papa requiſita ſicut cauſa proportionalis pro lucranda indulgentia. Imò confeſſio, & communio potius ſunt diſpoſitiones, quibus homo in gratia poſitus indulgentiam lucretur, diſtis pijs operibus oblatiſ pro pace, pro extirpatione hæreſum, &c. Cuius ſignum eſt quod præcipitur in iubileis; vtpotē quod ſi quis aliquid prædictorum præſtare non poſſit, arbitrio confeſſoris in alia operacommuetur: ergo iſta omnia vt præcipuum obſequium petuntur pro bono communi. Non tamen eſt neceſſe, *contra Caietan.* vt potiariſ indulgentijs Bullæ Cruciatæ, quod ſis in gratia cum eam ſumis, ſed poſtea cum viſitando Eccleſiam lucrariſ indulgentiam. Nam indulgentia non conceditur pro ſola ſolutione duorum argenteorum, ſed & pro viſitando Eccleſiam certis diebus.

3 Condicio eſt, cauſa pia, non æquilis, vt dixit Adrianus. Aliàs indulgentia non eſſet abſolutio, ſed commutatio illius obſequij exhibiti pro relaxatione pœnitentiæ. Sat eſt euim, quod cauſa ſit proportionata indulgentiæ, iuxta D. Thomam art. 2. Nam ſi pro leui cauſa concedatur magna indulgentia, ſolùm fortietur effectum iuxta cauſæ proportionem. Sed quia cauſæ proportio non poteſt à Papa noſci, ſemper intendit concedere totum quod poteſt, & non plus, etſi maiorem indulgentiam concedat, quam ſit cauſa: Papa enim in concedendo indulgentias, habet ſe vt diſpenſator, qui tenetur diſpenſare Theſaurum indulgentiarum ex cauſa iuſta, & iuxta voluntatem veri domini. Aliàs diſpenſatio erit nulla, ſicut ſit in diſpenſatione aliorum diſpenſatorum.

Vbi

Vbi not. cum D. Thoma, causam indulgentiæ debere esse in bonum commune Ecclesiæ ordinatam, vt eleemosyna quæ exigitur in Bulla subsidium belli contra infideles, & visitatio Ecclesiæ, & oratio pro bono successu eius, & eleemosyna pro fabrica Ecclesiæ, aut hospitalis. Nam cum Thesaurus, ex quoq; conceduntur indulgentiæ, sit bonum commune, pro solo bono communi est dispensandus. *Nota 2.* Quod cum conceduntur mille anni indulgentiæ, non supponitur animas in purgatorio existere per mille annos. Imò vt ait Soto, *dist. 19. q. 3. art. 2. & d. 21. q. 1. art. 1. concl. 2.* nullus ibi existit per decem annos. Sed sensus est, quod per indulgentiam mille annorum relaxantur poenitentiae, quæ in hac vita essent pro peccatis exoluendæ, quæ possunt excedere mille annos. Nam olim pro singulis peccatis mortalibus imponebantur à confessore septem anni poenitentiae. Et si in tenore indulgentiarum solet dici, *indulgemus tot annos de poenitentijs iniunctis, aut iniungendis*. Et consequenter per indulgentiam relaxantur poenæ purgatorii correspondentes mille annis poenitentiae in hac vita, quæ ob suam acerbicatem non erunt plures quàm quatuor anni, aut minus. *Et nota 3.* Quod si in concessione indulgentiæ non sit restrictio, vt relaxentur poenitentiae in confessione iniunctæ, extenditur indulgentia, etiam ad poenitencias non iniunctas, *contra Caiet. cap. 7. de indulgent.* sed iuxta D. Th. *in addit. q. 25. art. 1.* & Soto. Nam beneficium Principis dum ab eo non limitatur, latè est interpretandum, *iuxta cap. Quis circa, de priu. cum glossa.*

Circa indulgentias defunctorum nota, esse de fide posse Papam concedere indulgentias animabus purgatorii. Nam vt aliqua bona possint alteri communicari, sat est quod dispensator habeat potestatem super ea, & quod cui sunt communicanda, sit capax pro recipiendo illorum communicationem, etsi non sit subditus dispensatoris, vt ait *Alexand. 4. p. q. 83. men. 5. D. Bonau. in 4. d. 20. art. 2. quest. 3. & Cord. q. 16. de indulg.* Sed Papæ est commissæ communicatio Theauri Ecclesiæ, & animæ purgatorii sunt capaces talis communicationis: cum sint in gratia, & oues Christi, qui est Dominus Theauri: ergo Papa, qui est pastor ouium Christi, potest dicta bona eis communicare.

Dub. 3. An vt indulgentia pro sit defunctis, debeat esse in gratia, qui in pro eis lucratur indulgentiam?

Et nota. Quod si sis in gratia potes applicare tuam satisfacti-

satisfactionem alijs, etiam defunctis in gratia existentibus, non verò indulgentiam aliquam, nisi tibi à Papa concedatur. Ita *Divus Thomas in additioni. quæst. 27. articul. 3. ad 2.* Nam hoc in sola facultate concedentis indulgentias situm est: cum concedere indulgentias sit actus iurisdictionis. Imò quando ex commissione Papæ lucraris pro alio indulgentiam, non applicas ei indulgentiam tibi iam lucratam, sed facis opus, quod alter deberet facere, ut eam lucraretur. 3. *Nota* Quod qui alteri lucratur indulgentiam, potest se habere, vel ut principale operans respectu operis exhibiti pro indulgentia, vel solum ut minister. Ita *D. Th. in addit. qu. 27. art. 3.*

1. Conclusio. Qui lucratur alteri indulgentiam faciendo ad hoc opus respectu cuius habet se ut principale agens, ut si oret, ieiunet, &c. ut alteri profit indulgentia, ambo debent esse in gratia. Nam alias si opus illud ob peccatum mort. sit mortuum, qui illud exercet nihil sibi meretur, nec pro se satisfacit: ergo nec pro alio. Ita *D. Thomas Soto. Caiet. contra Cord. quæ. 26. & Navarr. de indulgent. not. 22. numero 30.*

2. Conclusio. Qui alteri lucratur indulgentiam faciendo ad hoc opus respectu cuius se habet ut minister, ut offerendo Missam, aut alia suffragia ut minister Ecclesiæ, non requiritur quod sit in gratia, ut profit alteri in gratia esistenti; ut cum quis per malum ministrum eleemosynam porrigit, non vitatur hoc opus ob peccatum mortal. ministri. Ita *Divus Thom.* Ex quo patet, quod si sumis Bullam pro defuncto exhibendo duos argenteos, non debes esse in gratia, cum sumis illam, ut defuncto profit. Nam istud opus, sicut eleemosyna, est bonum, & utile pauperi. At oratio peccatoris nulli est sic utilis. Ita *Soto, Placios, in 4. dist. 20. disputat. 3. Mann. Rod. in bul. §. 8. contra Ludou. Lop. tom. 2. capit. 5. de indulgent.* Et hoc maximè est verum, quando defunctus morti proximus, & in gratia existens iubet, ut sibi sumantur bullæ, sicut petit alia sacrificia. Nam sic plus sibi profunt indulgentia, & sacrificia quam si alter ex suo motivo illa pro eis exercent, ut ait *Gab. in can. lec. 57.* Nam tunc ista suffragia ex opere operantis habebunt suum effectum; & qui ad mandatum alterius dant eleemosynas, aut offerunt sacrificia, solum se habent ut ministri.

6 Dub. 4. An bulla compositionis sit licita?

1. Concl.

DE SACRAMENTO POENITENTIAE. 443

1. Conclusio. Olim fuit suspecta Bulla ista de iniustitia, eo quod nulla videtur proportio, ut pro quinque mille pondijs componaris cum duobus argenteis, cum quo datur anfa cauponibus, & alijs paulatim defraudandi populum aliena minutatim furando.

2. Conclusio. Stando in iure naturæ posset rex ex causa honesta facere compositionem ex debitis incerto domino iniuste acquisitis, cum ista redeant ad communitatem, cuius Princeps est administrator. Tamen de facto solus Papa concedit illam. Ita *Bannes 2. 2. q. 62. art. 5. dub. 8.* Et merito: Nam cum ista debeant cedere in pios vsus, Papa, cum sit supremus administrator istorum, potest ea distribuere pro talibus vsibus, & applicare in subsidium belli contra infideles.

3. Conclusio. Papa concedendo istam compositionem, supponit adesse legitimam causam, ut bellum contra infideles, & seruandam esse legem naturalem, ut quod debita, domino diligenter inquisito, maneant incerta, & quod debitor intuitu istius compositionis non contraxerit ista debita, cum fraus, & dolus nulli patrocinentur.

4. Conclusio. Cum ista compositione sis dominus bonorum Ecclesiasticorum male perceptorum; v. g. ex eo quod horas non recitasti, &c. Nam cum ista bona debeantur Papæ, ut domino, si voluntariè ea concedit, transfert dominium eorum.

5. Conclusio. Facta compositione incertorum bonorum, si dominus eorum comparet, sunt ei reddenda, dempta elemosyna data pro compositione. Et si *Soto distinct. 21. quest. 1. artic. 4.* & *Bannes*, dicant non esse reddenda magis, quam si sint data pauperibus, Sed ut dixi *artic. 5. de restitutio. dub. 4.* si sint data pauperibus; isti tenentur ea restituere, si habent illa, aut id, quo facti sunt ditiores ex illis: ergo à fortiori tenentur isti debitores restituere, ad minus eo modo, ac pauperes. Ita *Cordub. quest. ultim. de indulgent. lib. 5.* Et hæc de Sacramento Pœnitentiæ. Nam de excommunicatione cum alijs censuris agemus in fine specialem tractatum.

DE SACRAMENTO EXTREMÆ VNCTIONIS.

D. Thomas in Supplemento q. 29.

S V M M A R I V M.

Extrema unctio est Sacramentum à Christo immediatè institutum, num. 1.

Integratur ex quinque unctionibus, num. 2.

Qua eius materia, & forma, num. 3.

Quis minister, num. 4.

Qui sint effectus, num. 5.

Quibus conferendum hoc Sacramentum, num. 6.

In quibus partibus corporis recipiendum, & an iterabile, nu. 7.

DVB. 1. *An extrema Unctio sit Sacramentum.*

1. Conclusio. *D. Thoma in addit. quæst. 29. art. 1. affirmatiua, diffinita in Concil. Trident. sess. 14. can. 1.* Et patet ex illo Iacob. 5. *Infirmatur quis in vobis? inducat presbyteros Ecclesia, & orant super eum, ungentes eum oleo in nomine Domini, &c.* Et subditur, *& si in peccatis est, remittentur ei.* Vbi illa peccati remissio non refertur ad orationem Sacerdotis, sed ad unctionem, ita vt illa unctio ex opere operato remittat peccata: ergo est Sacramentum.

2. Conclusio. *D. Thoma art. 3.* Hoc Sacramentum fuit à Christo institutum immediatè. Ita diffinitur in *Concil. Trid. sess. 14. can. 1.* Et D. Iacobus fuit tantum eius promulgator, vt ibi dicitur *sess. 14. cap. 1. & can. 1.* Et probabilissimum est, fuisse institutum in illo Ioan. 20. *Accipite Spiritum sanctum, quorum remiseritis peccata, &c.* vbi Apostoli, & Sacerdotes instituuntur ministri ordinarij trium Sacramentorum, vt potè, Baptismi, Pœnitentiæ, & Extremæ Vnctionis, quæ ordinantur contra peccata.

2 3. Conclusio. *D. Thoma art. 2.* Hoc Sacramentum est vnum essentialiter, etsi integretur ex unctionibus quinque sensuum exteriorum. Nam effectus istius Sacramenti, qui est expulsio debilitatis in anima relictæ ex peccatis, non causatur nisi in termino vltimæ unctionis, vt ait *D. Thom. quæst. 30.*

art. 1.

art. 1. ad 3. & respondet omnibus vnctionibus per modum vnius. Non enim partitur effectus, ita vt vna pars respondeat vni vnctioni, & altera alteri, cum sit simplex, etsi causetur illa debilitas ex diuersis principijs, vtpotè, ex peccatis commissis per visum, auditum, &c. Tum sic: expulsio istius debilitatis causatur in vltima vnctione; ergo vsque ad illam non saluatur essentia istius Sacramenti, & si infirmus sine illa moriatur non recipit hoc Sacramentum. Nec obstat, quod D. Thom. comparat hoc Sacramentum cum Eucharistia, cuius essentia saluatur in vna specie. Nam comparatio solum stat in hoc, quod sicut ex pluribus speciebus integratur vnum Sacramentum Eucharistiæ, sic ex pluribus vnctionibus integratur vnum Sacramentum extremæ Vnctionis.

4. Conclusio. *D. Thom. quaest. 29. art. 2. ad 3.* Si Sacerdos facta vna vnctione moriatur, non potest alius Sacerdos repetere illam, sed vltrà procedat; nam pluralitas ministrorum non tollit vnitatem Sacramenti. Sicut nec pluralitas instrumentorum tollit vnitatem effectus. Et iterum vngere partem vnctam, ait D. Thom. idem esset, ac iterum consecrare hostiam consecratam.

Dub. 2. *Qua sit materia, forma, & minister istius Sacramenti.* 3

1. Conclusio. *D. Thoma art. 4. 5. & 6.* Materia est vnctio cum oleo oliuæ consecrato ab Episcopo. Ita in *Concil. Flor. & Trident. sess. 14. cap. 1.* Et patet ex vsu Ecclesiæ. Hæc enim differentia versatur inter Sacramenta, quibus vsus est Christus, & alia, quod illorum materia ex vsu Christi mansit sanctificata, vt aqua ex contactu mundissimæ carnis Christi: & sic non eget necessario alia sanctificatione: At materiæ aliorum Sacramentorum, cum ex vsu Christi non sint sanctificatæ, ex necessitate egent sanctificatione, *contra Sæ, verb. Extrema Vnctio, & Victor. in summa, num. 217.* Sed sicut Chrisma pro confirmatione potest ex commissione Papæ consecrari à simplici Sacerdote, vt dixi, sic à fortiori oleum Extremæ Vnctionis. Ita *Victor nu. 126. cum Palud. Scot. Caiet. 3. p. q. 72. art. 3.* Et nota, quod si iuxta *cap. quod in dubijs, de consecrat. Eccles.* addatur oleum oleo consecrato, fiat paulatim, & in minori quantitate, vt sic oleum consecratum conuertat in se oleum non consecratum, aliàs amittetur consecratio. Ita *Le-desma.* Et idem de aqua addita aquæ benedictæ, *iuxta D. Thom. 3. par. quest. 77. art. 8. ad 3.*

2. Conclusio. *D. Thoma art. 9.* Forma istius Sacramenti explicatur per verba deprecativa, ut potest *Per istam sanctam unctionem, & suam piissimam misericordiam, indulgeat tibi Dominus, quidquid peccasti per visum, &c.* Ita in *Concil. Flor. & Trid. sess. 14. cap. 1.*

- 4 3. Conclusio. *D. Thoma q. 31. art. 3.* Solus Sacerdos est minister huius Sacramenti. Ita in *Concil. Flor. & Trid. sess. 14. c. 3. & can. 4.* Et patet ex illo *Iacob. 5. Inducat presbyteros Ecclesiam.* Et nota solum parochum esse ministrum ordinatum, & peccabit mortaliter alius Sacerdos ministrans hoc Sacramentum sine ratihabitione parochi saltem interpretatiua. Imò si sit religiosus, excommunicatur in *Clem. 1. de privilegiis.* Et intelligitur, si aliàs parochus vult hoc Sacramentum conferre. Nam si nolit, aut non possit, alius Sacerdos, parochus etiam inuito, illud conferre potest; imò ad id tenebitur, si aliàs infirmus non potuit confiteri. Nam tunc urget maxima istius Sacramenti necessitas, ut illius virtute fiat infirmus ex attrito contritus, iuxta dicta *q. 2. dub. 2. de Sacram. in genere.*

5 Dub. 3. *Qui sint effectus extrema unctionis.*

1. Conclusio. *D. Thom. q. 30. art. 1. & iuxta Concil. Trid. sess. 14. c. 2. & can. 2.* Primus effectus est tollere per gratiam reliquias peccatorum, quibus homo spiritualiter infirmatur, quæ sunt debilitas, & ineptitudo ad bonum ex peccato relicta, quæ tunc maximè inest, cum insurgunt vehementes tentationes tristitiæ, & desperationis, & aliàs vires, & sensus ex infirmitate corporis non possunt eas exercitio virtutum superare.

2. Conclusio. *D. Thom. ibi, & in Concil. Trid. loc. cit.* Hoc Sacramentum ex consequenti remittit peccata, si non sint per poenitentiam dimissa, & modò non adsit impedimentum. Et patet 1. ex illo *Iacobi 5. quod si in peccatis est, remittentur ei.* 2. Hoc Sacramentum causat gratiam, qua expellitur dicta debilitas: ergo expellit peccatum quod inuenit, cuius homo non habet conscientiam, nec affectum, modo explicato supra *q. 2. de Sacram. in genere.*

3. Conclusio. *D. Thoma art. 2.* Sanitas corporis est effectus istius Sacramenti non infallibilis, sed quando subiectum est dispositum, & aliàs salus corporis expedit salutì animæ. Et tunc subiectum est indispositum, quando est ita viribus corporis destitutum, quod virtus finita istius Sacramenti non potest illud sanare.

- 6 Dub. 4. *An hoc Sacramentum sit conferendum infirmis.*

1. Con-

1. Conclusio. *D. Thom. q. 32. art. 1.* Affirmatiua, patet ex illo Iacobi 1. *Infirmatur quis in vobis, &c.* Ex quo patet non esse conferendum euntibus ad supplicium, aut aggredientibus periculum mortis.

2. Conclusio. *D. Thom. art. 2.* Hoc Sacramentum est conferendum infirmo, de cuius salute timetur. Ita in *Concil. Flor.* Et patet: Nam hoc Sacramentum est vltimum remedium, quod Ecclesia confert, sicut immediatè disponens ad gloriam: ergo solis migrantibus ab hac vita est conferendum, vt eos ad fructum cœlesti fœlicitate disponat. Non tamen expectetur tempus, quo infirmus sensu careat, sed si sit possibile, habeat sensum, vt Sacramenti deuotione affectus, & animi hilaritate roboratus sp̃e gloriæ recreetur. Et cum hoc Sacramentum in causando salutem corporis non operetur miraculosè, sed virtute ordinaria supernaturali iuuando causas naturales, non speretur tempus, quo causæ naturales iuari non possint, sed adhuc spes salutis duret.

3. Conclusio. *D. Thom. art. 4.* Hoc Sacramentum, sicut nec Pœnitentia, & Eucharistia, non est conferendum pueris. Tum, quia est institutum ad delendas reliquias peccatorum actualium, quibus pueri carent. Tum etiam, quia pueri non habent deuotionem pro hoc Sacramento, sicut nec pro Eucharistia requisitam, ob quod nec datur amentibus, ait *D. Thom. art. 3. n. 1.* si aliàs saltem virtualiter petiuisent, cum erant rationis compotes, vt patet in phreneticis.

4. Conclusio. *D. Thom. art. 6.* Hoc Sacramentum recipitur in oculis, naribus, auribus, labijs, & manibus: Vnctio enim pedum, & renum non est de essentia. Et sat est vngere vnum oculum, vnam aurem, &c. Ita *Enriq. tom. 1. lib. 3. cap. 12. num. 1. & S. verb. Extrema Vnctio.* Et si quis sit aliquo membro istorum mutilatus, vngatur in partibus proximioribus dictis partibus. Nam etsi isti non habeant membra, habent tamen saltem in radice potentias animæ illis membris debitas, & interius peccare possunt per ea, quæ pertinent ad illas partes, etsi non exterius. Ita *D. Thom. art. 7.*

5. Conc. *D. Tho. q. 33. art. 1. & 2.* Hoc Sacramentum est iterabile, cum non imprimat characterem. Imò sicut dixi de Viatico, q. 5. *de Euchar. dub. 4.* si infirmus in eadē infirmitate pluries deueniat ad articulum mortis, pluries vngatur. Nam tunc censetur alius status infirmitatis, licet non sit alia infirmitas, simpliciter loquendo. Quod verificatur in infirmitatibus diuturnis.

DE ORDINE DE SACRAMENTO ORDINIS.

D. Thomas in Supplemento q. 34.

S V M M A R I V M.

- Quid sit Ordo, & an omnes Ordines sint Sacramenta, num. 1.*
Qua sit materia, forma, & minister Ordinum, num. 2.
Qui sint effectus, num. 3.
An possit quis ordinari ab Episcopo alterius diocesis, num. 4.
Quis possit concedere litteras dimissoriales, num. 5.
An ordinandi debeant sornare interstitia, num. 6.
An debeant habere necessaria ad victum, vel beneficium, num. 7.
An solo titulo patrimonij possit quis ordinari, num. 8.
An qui adeptus est beneficium, teneatur statim fieri Sacerdos, num. 9.
An Clerici minorum ordinum non habentes beneficium peccent non deferentes tonsuram, & habitum clericalem, & priventur suis privilegijs, num. 10.
Quid clericus prima tonsura habens pensionem, vel beneficium? num. 11.
Quid clericus maiorum ordinum dimittens habitum? num. 12.

ORdo vnum ex septem Sacramentis à Christo in Cœna institutum, vt diffinitur in *Concil. Trid. sess. 7. can. 1.* est signaculum quoddam Ecclesiæ, per quod traditur ordinato spiritualis potestas. Ita *D. Thom. in addit. q. 24. art. 2.*

I Dub. 1. *An omnes ordines sint Sacramenta.*

1. Conclusio. *D. Thoma q. 37. art. 2.* Ordines sunt septem, tres maiores, vtpotè, Sacerdotium, Diaconatus, & Subdiaconatus, & quatuor minores, vtpotè, Aco ytus, Lector, Exorcista, & Osiarius. Ita in *Concilio Tridentino sess. 23. ca. 2.* Et prima tonsura, nec ibi nominatur, nec est ordo, cùm in ea non detur aliqua spiritualis potestas. Ita *D. Thom. quest. 40. art. 2.* Episcopatus etiam in *ma D. Thom. & Thomistas, quest. 40. art. 5.* contra Canonistas non est ordo à Sacerdotio distinctus, nec imprimit nouum characterem, sed characterem Sacerdotij extendit ad nouos actus, vt sunt ordinare, confirmare, &c.

Cuius

Cuius signum est, quod si non presbyter in Episcopum consecratur, non manet consecratus. Nec est contra unitatem istius Sacramenti pluralitas ordinum; nam ex omnibus integratur vnum Sacramentum Ordinis.

2. Conclusio. Non solum Sacerdotium sed & Diaconatus, & Subdiaconatus sunt Sacramentum Ordinis. Ita communiter contra Durand. Et patet 1. ex Conc. Florent. & Trid. sess. 23. c. 2. vbi dicitur, Subdiaconatum, & à fortiori Diaconatum, pertinere ad ordines maiores, iuxta doctrinam sanctorum, & conciliorum. 2. Nam imprimunt characterem iuxta communionem sententiam cum D. Thom. q. 35. art. 2.

3. Conclusio. Alij quatuor Ordines iuxta communio-
sententiam cum D. Thom. sunt Sacramenta. Patet ex Concilio Trid. cit. vbi ait esse plures ordines in Ecclesia, vtpotè, septem dictos ibi numeratos. Et statim cap. 3. absolute ait, Ordinem esse verum Sacramentum nouæ legis. Ex quo patet omnes dictos ordines esse à Christo institutos. Tum etiam quia sunt Sacramenta, & Sacramenta omnia sunt à solo Christo instituta. Tum etiam, quia non constat eorum exordium ex lege positiua Ecclesiæ.

Dub. 2. *Qua sit materia, forma, & minister Ordinis.*

1. Conclusio. Materia Sacerdotij est traditio patenæ cum 2
hostia, & calicis cum vino Ita in Concilio Florent. Vnde si in patena non sit hostia triticea, & in calice vinum vitis, non manes ordinatus. Et materia Diaconatus est traditio libri Euangeliorum. Et materia Subdiaconatus, traditio calicis, & sic in alijs Ordinibus. Nam in istorum traditione significatur vsus potestatis acceptæ ab ordinato, & tunc recipit characterem. Aliæ autem actiones ab Episcopo exercitæ circa ordinatum, vt impositio manuum super caput eius, dicendo: *Accipe Spiritum sanctum*, &c. & impositio casulæ, stolæ, manipuli, &c. non sunt de essentia, sed de præcepto. Et nota. esse probabilius cum D. Thom. qu. 34. art. 5. ad 3. & Porreta ibi, cont. Alber. in 4. d. 24. art. 3. & Caiet. quod lib. 1. qu. 1. 6. & alios, ordinatum debere tangere instrumenta, in quibus ei datur potestas, vt maneat ordinatus. Nam in forma istius Sacramenti dicitur. *Accipe potestatem*: ergo ordinatus debet accipere, vt verba formæ verificentur. Et Concilium Tridentinum ait, hoc Sacramentum conferri per traditionem instrumentorum: At non est necesse tangere vinum aut hostiam, vt ait Ladesma cap. 3. de ordine, cum Silu. & Soto.

Ff

sed

sed sat est tangere calicem vbi vinum & hostia continentur. Moraliter enim censetur tangi & accipi, quod continetur in eo quod immediatè tangitur, & accipitur.

2. Conclusio. Ista est forma Sacerdotij: *Accipe potestatem offerendi sacrificium in Ecclesia Dei, tam pro viuis, quàm pro mortuis in nomine Patris, &c.* Ita in Concil. Florent. Et aliæ formæ aliorum ordinum sunt in Pontificali Romano.

3. Conclusio. Solus Episcopus, etiam hæreticus, est minister istius Sacramenti. Ita in Conc. Trident. sess. 23. cap. 4. Et ex commissione Papæ simplex Sacerdos confert ordines minores. Ita conceditur Abbatibus alias Sacerdotibus, & ab Episcopo per manus impositionem benedictis, in cap. cum contingat, de ætate, & cap. ordin. & cap. quoniam d. 69 Nec reuocatur in Conc. Trid. sess. 23. cap. 10. Imò Innocent. VIII. Bull. 5. re'ata à Manu. Rodrig. in Bullario concessit cuidam Abbati Cisterciensi conferre suis etiam diaconatum, & subdiaconatum. Sed de hoc vide Nauarr. lib. 5. conf. 14. de priui.

3 Dub. 3. *Qui sint effectus Sacramenti Ordinis?*

1. Conclus. Ordo confert gratiam. Ita diffinitur in Conc. Trid. sess. 23. can. 3. & 4. vbi dicitur, quod in ordine datur. Spiritus sanctus. Et nota, hoc Sacramentum ex sua specie non conferre gratiam, prout est solum sanctificatiua hominis, sed etiam in ordine ad rectè exequendum potestatem in eo acceptam; cum ex sua specie respiciat bonum communis.

2. Conclusio. Per omnes septem Ordines imprimitur character. Ita communiter cum D. Thom. quest. 35. art. 2. Nam per quemuis Ordinem constituitur supra plebem in aliquo gradu potestatis ordinatæ ad Sacramentorum dispensationem: sed character est signum distinctiuum ab alijs. ergo. Et huius signum est, quod isti ordines etiam minores perpetuò manent, nec iterantur.

3. Conclus. D. Tho. art. 3. Character Ordinis supponit necessario characterem Baptismi. Ita cap. 1. & ult. de presb. non bapt. cum Baptismus sit ianua omnium Sacramentorum. Et ex quadam decentia supponit characterem Confirmationis; manens enim ordinatus, etsi non sis confirmatus. Imò nec peccas mort. ait Lodesma cap. 6. de Ordine. cum Siluest. Soto. Visitor. Nauarr. contra Salce. in pract. cap. 24. Et sic nec incurris

ris aliquam pœnam. Nec est idem de recipiente vnum Ordinem ante alium, vt Sacerdotium ante Diaconatum, qui etsi maneat ordinatus, tamen peccat mort. & sit irregularis, vt dicitur tract. de irregularitate.

Dub. 4. *An possit quis ordinari ab extraneo Episcopo sine dimissorijs. Et quis istas concedat.* 4

1. Concl. Episcopus potest ordinare familiarem suum alienæ diœcesis, si per triennium secum sit commoratus, & ei det beneficium. Ita in Conc. Trident. sess. 23. c. 9. Imò & cum isto potest in interstitijs dispensare in casibus dicti Concilij c. 11. & 13. Ita congregatio Cardin. vt refert Farin. ibi.

2. Conclu. Episcopus exercens Pontificalia in aliena diœcesi de licentia ordinarij loci, potest ibi Ordines conferre suis subditis, & alijs habentibus dimissorias, non obstante Concil. Trid. sess. 6. cap. 5. de refor. Ita declarauit Congreg. Cardin. vt refert Farin. ibi. & decis. 143.

3. Conclusio. Ordinatus ab extraneo Episcopo sine dimissorijs manet suspensus pro tempore quo suo ordinario videbitur. Et Episcopus istum ordinans manet per annum suspensus à collatione Ordinum: in cap. eos, qui de tempor. ordi. in 6.

4. Concl. Cabilus in Sede vacante intra apnum primum Sedis vacantis non potest sub pœna interdicti conferre dimissorias, nisi illis qui ob beneficium, aut capellaniam tenentur statim sacris initiari. Ita *Congregat. Cardin. vt refert Farin. supra Concil. Trid. sess. 7. cap. 10. & decis. 252.* Et aliter ordinati in minoribus nullo gaudent priuilegio clericali. Et ordinati in maioribus sunt ab ordinibus suspensi ad beneplacitum futuri Prælati. Ita in Conc. Trident. loc. cit. Imò & sess. 23. ca. 10. præcipitur Abbatibus, etiam exemptis, sub suspensione ab officio, & beneficio per annum, ne istas dimissorias concedant clericis secularibus. Sed hoc non intelligitur de Abbatibus, & Prælatiis habentibus iurisdictionem quasi Episcopalem in istos, vt Prior de Vcles, &c. cum etiam istos exponant ad confessiones. Et hoc est probabile, ait Ledesm. c. 8. de Ordine.

5. Concl. Dimissoriæ concessæ à Cabillo post annum obitus Episcopi, aut concessæ ab Episcopo, durant etiam post obitum Episcopi, aut Cabillo. Ita Ledesm. cum sint gratia facta, quæ non spirat morte concedentis, iuxta dicta in nostra Epitome de statu relig. lib. 2. cap. 3. dub. 1. Item valent dimissoriæ

concessæ excommunicato, aut ab excommunicato; sicut & licentiæ prædicandi, & confessiones audiendi. Ita *Ledesma cum Nauarr.*

6 Dub. 5. *An ordinandi debeant seruare interstitia, ita vt mediet annus integer inter unum, & alterum Ordinem.*

1. Conclusio. affirmatiua. Ita in Concilio Tridentino, sess. 23. cap. 13. & 14. Et reputatur annus integer à ieiunijs, v. gr. Trinitatis, vsque ad ieiunia Trinitatis anni sequentis; etli ob variationem festorum mobilium non transierint duodecim menses integri. Ita *declarauit Sixtus Quintus pro suo Decreto contra male promotos, vt refert Farin. in Concil. Trid. sess. 23. cap. 13.*

2. Concl. Episcopus cum causa rationabili potest cum sibi subditis dispensare in interstitijs, iuxta Conc. Tri. sess. 23. c. 13. & 14. Et idem potest Vicarius Cabildi in sede vacante, iuxta declarationem Cardinal. de quo Farin. decis. 184. Vbi etiam declarauit, quod dispensare in interstitijs cum religiosis, pertinet ad Episcopum ordinantem, qui quo ad causas in Concilio expressas pro dispensando in hoc, debet deferre iudicio, & attestationi superioris religiosi ordinandi. At iuxta bullam Gregor. XIII. pro Societate in bullario Manuelis Rodrig. relata, Generales Ordinum, & ab istis delegati, possunt cum suis subditis dispensare in interstitijs. Vide in nostra Epitome, lib. 2. c. 8. dub. 1.

7 Dub. 6. *An ordinandus debeat habere necessaria ad vi-ctum.*

1. Conclu. Nullus potest maioribus initiari ordinibus, nisi pacificè possideat beneficium ad victum sufficiens. Nec sic ordinatus potest beneficium resignare, nisi prius declaret ad eius titulum se esse ordinatum. Nec admittatur resignatio, nisi constet illum habere alias quo viuatur. Alias resignatio est nulla, & peccatum mort. Ita in Conc. Trid. sess. 21. c. 2. Ex quo patet. 1. *contra Cordo. in sum q. 36. & Enriq. lib. 10 de ordine, ca. 17.* non posse ordinari Doctorem cum certa spe habendi quo viuatur: cum in dicto Conc. dicatur, quod nullus ordinetur, nisi possideat, &c. Patet 2. nulum posse ordinari ad titulum beneficij temporalis, aut cappellanix amouibilis, ad quam quis per patronum præsentatur remouendo cappellanum quoties vult. Ita *Enriq loco citat. cap. 19. num. 3* Nam ista capellania non est beneficium ecclesiasticum; cum non habeatur ex collatione Episcopi, sed ex sola patroni præsentatione, etli

etſi aliquando requiratur Epifcopi approbatio. Item iſta capellania poteſt ab iſto tolli per patronum, aut ſaltem per patronos ſucceſſores, quorum ius non potuit alter tollere per ſuam præſentationem. Et ſic Epifcopi, patroni, & alij coope-
rantes ad hoc quod quis cum ſimili capellania ordinetur, pec-
cant mort. contra Concilium. Et ordinatus ſic peccat etiam
mort. & manet ſuſpenſus, *ut ait Ledefma cap. 7. de Ordin. Patet*
3. poſſe clericum ordinari ad titulum Vicariæ perpetuæ; aut
coadiutoriæ alicuius beneficij: ſi aliàs coadiutoria habet
congruum victum; nam iſta æquivalent beneficio, *ut ait Ledef.*
& Nauar. c. 20. de oratione. num. 18.

2. Concluſio. Nullus ordinetur titulo patrimonij, aut 8
penſionis; niſi quos Epifcopus iudicet aſumendos pro ne-
ceſſitate, & commoditate Eccleſiarum, & eo prius per ſpe-
cto, patrimonium illud aut penſionem verè obtineri, & ſat
eſſe ad victum: atque iſta deinceps ſine Epifcopi licentia
alienari, extingui, aut remitti non poſſint, quouſque iſta
obtinens habeat aliàs quo viuat. Ita in Concilio Trid. loco
cit. Vbi pro iſtorum tranſgreſſoribus innouantur pœnæ an-
tiquorum canonum, vtpotè ſuſpenſio. *Vbi nota 1.* quod,
hic non irritatur alienatio, nec ſi fit, incurritur ſuſpenſio
ut ait Ledefma. c. 7. de ordi. Nauar. cum Gutierrez, & Salo
contra Medin. Nam etſi in dicto decreto innouentur pœnæ
antiquorum canonum, tamen in illis ſoli ordinato ſine
ſufficienti patrimonio ponitur ſuſpenſio, & non illud alie-
nanti.

2. *Nota.* Quod ordinatus cum patrimonio ficto, vtpotè,
donato ſecundum formam externam, vt ſic ordinetur, &
poſt ordines illud reſtituat donanti, non poteſt iſtud patri-
monium reddere donanti, *ait Ledefma.* Vnde nec incurrit
ſuſpenſionem. Er ſi donans meretur priuari donato, nec in
foro ſaltem externo cogetur donatarius illud reſtituere. At
ſecundum Cordou. in ſum. qu. 32. & Ludou. Lop. 1. par. ca. 240r
& 278. contra Iuriſtas, clericus tenetur reſtituere illud; nam ta-
lis donatio fuit conditionalis, & licet fraudolenter, & verbo
tenus facta ſit, tamen in iure non eſt reprobata, & aliàs dona-
tor potuit conditionaliter donare, & clericus ſic admiſit do-
nationem, vnde ſaltem in foro conſcientiæ, iuxta intentionem
donantis valet donatio.

Dub. 7. *An qui adoptus eſt beneficium teneatur ſtatim fieri 9*
Sacerdos.

1. Conclusio. Qui adeptus est beneficium non curatum, cui etiam est annexum Sacerdotium, sine animo assumendi Sacerdotium, non tenetur restituere fructus, si aliàs suo muneri satisfaci. Ita Soto 10. de iust. q. 5. a. 6. Nauarr. in manu. c. 25. n. 117. contra Panorm. & glos. in c. relatum, de clericis non res. Nam in re nihil tale iubetur.

2. Concl. Qui adeptus est beneficium curatum, aut Episcopatum, ait Soto, sine animo assumendi Sacerdotium, restituet fructus captos, nisi voluntate mutata intra annum à die obtenti fiat Sacerdos beneficij. Ita cap. commissa, de elect. cum glos. in 6. & Ludou. Lopez. 1. par. c. 255. contra Soto.

3. Concl. Qui adeptus est beneficium curatum cum dubio assumendi Sacerdotium, aut cum animo conditionali, utpotè, nisi frater primogenitus moriatur, aut nisi expedierit ducere uxorem ad augendum decus suæ familiæ, vel patriæ, iuxta Nauarr. nihil tenetur restituere, si per Vicarium idoneum suo muneri satisfaciatur. At iuxta cap. commissa cit. quod videtur requirere absolutam intentionem assumendi Sacerdotium in absolute percipiente fructus beneficij, opposita sententia Soto videtur verior.

4. Conclusio. Qui adeptus est curatum cum animo assumendi Sacerdotium, etsi postea mutato animo non ordinetur, non restituet fructus captos ante mutatum animum. Ita glos. citat. Ludou. Lop. & Nauarr. numer. 118. contra Soto, & Siluest. ver. beneficium. 3. Nam ratio dicti cap. commissæ, est quia fraudolenter illos fructus percepit: sed in hoc casu non percepit eos fraudolenter, sed cum sanâ intentione assumendi Sacerdotium: ergo. Imò addit Ludou. Lop. quod si suo muneri satisfaciatur per Vicarium idoneum toto anno, etsi mutet animum in medietate anni, demptis fructibus datis Vicario, alios sibi percipiat. Nam per dictum decretum non priuatur beneficio, nisi quando post integrum annum à die obtenti beneficij, & cessante omni legitimo impedimento non fit Sacerdos.

5. Conclusio. Episcopus dispensat cum parochio ratione studij, ut intra septennium non assumat Sacerdotium, dum tamen intra annum fiat diaconus. Ita cap. cum ex eo, de electio. in 6. Sed hæc dispensatio non prodest non eunti ad studium: ut ait Siluest. Et nota, ex Concilio Tridentin. sess. 23. cap. 2.

Quod promotus in Episcopum intra tres menses est consecrandus sub pœna amittendi fructus ipso facto, & intra alios

alios tres sub pœna amittendi Episcopatum .

6. Conclusio. Clericus minorum Ordinum habens beneficium ducendo uxorem amittit illud . *Paret ex glossa cap. 1. 3. & 5. de cleric. coniug. & communiter* . Nec recuperat illud, etiamsi vxor, non consummato matrimonio, intret religionem . *De quò Natâr. in Mann. cap. 25. nu. 120.* Imò etsi alias matrimonium sit nullum ob consanguinitatem, aut affinitatem, &c. dum tamen interuenit consensus, *ut ait Lud. Lop. cum Panorm.* Secus sit de contrahente sponsalia de futuro, aut de initiato in sacris, qui si attentet contrahere matrimonium, non amittit beneficium, *ut tenet glossa communiter recepta contra Panorm.*

Dub. 8. *An Clerici teneantur deferre tonsuram, & habitum clericalem ?*

1. Conclusio. Clerici minorum Ordinum sine beneficio, 10
solum peccant venialiter non deferendo tonsuram & habitum Clericalem, nec gaudent priuilegio capituli, si quis suadente diabolo, 17. quæstione. 4. benè tamen si illa deferant, etiam si alias sint vxorati, semel tamen, & cum Virgine . *Ita ex cap. clerici, de cleric. coniu. in 6. & Bannes 2. 2. q. 12. ar. 1. in fine.* Et ut prædicti potiuntur priuilegio fori, cum habitu & tonsura debent seruire Ecclesiæ ex mandato Episcopi, aut ex eius licentia esse in seminario clericorum, seu scholis, aut vniuersitate, sicut in via ad sacros Ordines, aut saltem debent habere beneficium Ecclesiasticum, etsi habitum, & tonsuram non deferant . Ita in Conc. Tr. sess. 23. c. 6. vbi etiam innouatur pro clericis vxoratis constitutio dicti c. clerici, vbi istis datur frui priuilegio canon. & priuilegio fori, si cum habitu clericali, & tonsura seruitio Ecclesiæ per Episcopum deputentur . *Et nota,* quod si prædicti aliqua occasione habitum à se gestari solitum ad breue tempus deponunt, non amittunt priuilegium fori . *Ita Cong. Card. ut refert Far. deci. 144.* Vbi etiam declaratur pertinere ad iudicem Ecclesiasticum declarare si habitus sit clericalis . Et deci. 148. refert dictam congreg. declarasse, habentem pensionem haberi per clerico beneficiato ad effectum priuilegij fori . Etsi idem Farinacius super Concil. Trid. sess. 22. cap. 6. ex alia Cardinalium declaratione referat, quod ut pensionarius potiatur priuilegio fori debet deferre habitum, & tonsuram . Et ibi etiam refert congregationem declarasse, clericum etiam vxoratum, qui dimisso habitu, & tonsura, pro delicto in curia laicali citatus in contumaciam

damnatus fuerit, si deinde reassumpto habitu & tonsura, modo non in fraudem, Ecclesiæ inferuiat, iuxta decretum Concilij, non posse a iudice laico ob hoc delictum incarcerari. Et facit ad hoc, cap. si iudex laicus, de sentent. excomm. Oldrad. conf. 2. Et idem refert decif. 165. Item ibi refert aliam decisionem anni 1586. ex capite ad audientiam, de sentent. excomm. ubi sic dicitur *Glaricus non beneficiatus, qui incedens in habitum, & tonsura seruit Ecclesiæ, si sit cum armis deprehensus, non caret privilegio fori.*

II 2. Conclusio. Clericus, etiam primæ tonsuræ, habens præstimoniam, pensionem, aut beneficium pingue (idest, excedens per se, aut cum alijs beneficijs, seu pensionibus sexaginta ducatos auri de camera, ut ait Sixtus V. in motu incipiente, Pastoralis, &c. pridie Kalend. Februar. anni 1588.) tenetur deferre tonsuram & habitum clericalem, idest, vestes talares, sub peccato mortali, & priuatione beneficiorum, & pensionum, & ipso facto declaratur priuatus à Sixto V. in motu incipiente, Cum Sacro-sanctam, edito 5. idus Ianuar. anni 1588. Et ita Bannes 2. 2. q. 12. a. 3. & Led. c. 9. de Ordine. Et patet: nam iste alitur bonis Ecclesiæ. ergo tenetur sub mortali deferre eius insignia.

12 3. Conclusio Clericus maiorum Ordinum deferendo solam tonsuram sine habitu clericali, iuxta Caiet. solum peccat ven. seclusa contemptu, & contumacia. At iuxta Victor. peccat mort. Nam ista est dimissio habitus sub grauissimis pœnis vetita in cap. præcipimus 21. qu. 4. & in Clem. quoniam, de vit. & ho. cle. Et hæc sententia maximè est vera, quando istius status non potest nosci alio signo externo; nam si alio signo noscatur solum erit peccatum venial. ait Bannes. Sed quod sit signum sufficiens pensetur ex more patriæ. Et intelligitur conclusio per se nam si ob tuendam vitam, honorem, diuitias, etiam alienas, dimittas habitum, aut si dimittas per breue tempus ad ludum, aut repræsentationem, non peccas, saltem mort.

4. Conclusio. Clericus maiorum Ordinum, qui animo vagandi per vicos, & plateas ad malum dimittit: aut occultat habitum, ita ut à circumstantibus non possit nosci, etsi id faciat ad breue tempus peccat mortaliter. Ita Bannes. Nam eadem ratio est in hoc de clerico, ac monacho: cum iura vtrumque obligent portare habitum sui status Et ut ait Sil. verb. *Apostasia*, ter monitus iste de hoc ab Episcopo amittit pri-

privilegium capituli, si quis suadente. *Ita cap. coningit. 2. de sentent. excomm.* Et si cum hoc se immiscet tyrannidi, & enormitatibus, idest, si sit seditiosus, etiam non monitus amittit dictum privilegium. *Ita Siluest. ver. clericus. 3. ex capit. perpendimus, & cap. cum non ab homine, de sentent. excomm. & ibi gloss. Caset. & Armi. verb. excommunicatio.* Imò dimittendo habitum, & portando arma, si ter monitus, etiam in generali, illa non deponit, amittit omne privilegium clericale. *Ita ca. in audientia, de sentent. excommunic.* Item clericus publicus ioculator, mimus, aut histrio, ter monitus, aut per annum etiam non monitus, in his se exercens, priuatur omni privilegio clericali in capit. clerici de vit. & hone cleric. in 6 de quo Silu. ver. clericus. 3. Item clericus gerens negotia secularia siuè administrationē rerum secularium, ter monitus, vt cesset, ait *Siluest. cum Innocent. & Hosti.* amittit omne privilegium clericale, *iuxta capit. ex litteris, de vit. & hon cleric. & c. Sacerdotibus, nec cleric. vel mon.* Et si in summa Rosella, & alij citati à Siluest. hoc melius intelligant de privilegio rerum, & non personæ clerici, vt de solutione vestigalis. Item clerici personaliter, & publicè exercentes officium carnificum, seu macellariorum, aut tabernorum, si ter moniti nominatim, non desistunt, vel officium dimissum reassumunt, si sint vxorati amittunt omne privilegium clericale. Et idem si non sint vxorati, si alias non incedunt vt clerici. At si non vxorati, & vt clerici incedunt, amittunt privilegium in rebus quamdiu omnes prædicti istis intederint. *Ita Clement. 1. de vit. & hone. cleric. de quo Silu. verb. clericus, 3. Vide supra.*

DE SACRAMENTO MATRIMONII.

D. Thom. in addit. q. 41. &c.

S V M A R I V M.

Quid sit Matrimonium, num. 1.

Quomodo diuersis temporibus fuerit mutatum, num. 2.

- 1 **M**atrimonium in ratione contractus naturalis diffinitur , quod sit coniunctio maritalis viri & foeminae, inter legitimas personas indiuiduam vitae consuetudinem retinens. Sed in ratione Sacramenti diffinitur, quod sit Sacramentum nouae legis significans essentialiter, & praecipue gratiam coniungentem coniuges ad inuicem inter se , & minus principaliter unionem Verbi cum humanitate ; & coniunctionem Christi cum Ecclesia . Nam sicut sponsa est subdita viro vt capiti , sic Ecclesia Christo : & sicut vir tenetur diligere vxorem , sic Christus ardentissime dilexit Ecclesiam ; iuxta illud ad Ephie. 4. *Viri diligite vxores vestras, sicut Christus dilexit Ecclesiam.* Et sicut vir ob vxorem relinquit patrem, & matrem : sic verbum diuinum, relicta domo & delicijs paternis, adhæsit Ecclesiae .
- 2 **N**ota ex D. Thomae qn. 42. art. 2. Matrimonium iuxta differentiam temporum esse varie institutum . Nam in statu innocentiae fuit institutum in officium naturae ad procreandos filios , & propagandam speciem In statu naturae lapsae , v. tra hoc fuit institutum etiam in remedium concupiscentiae . Sed in lege gratiae fuit à Christo institutum in ratione sacramenti , suae Ioan. 2. in nuptijs, suae Matth. 19. dicendo. *Quod Deus coniungit homo non separet.* Ita diffinitur in Conc. Trid. sess. 24. can. 1. Ex his patet, esse probabilius contra Caietanum opusc. de Matr. q. 1. Victor. in summa, num. 144 Cano. 8. de locis, cap. 5 Matrimonium celebratum inter baptizatos per procuratores coram parocho , & testibus esse Sacramentum . Itaque omne matrimonium baptizatorum firmum in ratione contractus naturalis , habet rationem Sacramenti ; cum ista iam in lege gratiae ex
coniun-

coniunctione Christi sunt inseparabilia. Ita *D. Thom. in addit. q. 42. art. 1. & ibi Ledesm. & communiter Thomista, Soto d. 27. q. 1. art. 3. Conar. in 4. decre. par. 2. c. 1. nu. 5.* Et patet ex usu Ecclesie sæpe celebrantis ista matrimonia, quæ tamen non celebrantur iterum in præsentia coniugum.

QVÆSTIO PRIMA.

De essentia Matrimonij.

D. Thomas quæst. 42.

S V M M A R I V M.

Qua materia, & forma huius Sacramenti, num. 1.

An causet gratiam, num. 2.

An copula carnalis sit de illius integritate, num. 3.

DVB. 1. *Qua sit materia, forma, & minister Sacramenti Matrimonij.*

1. Conclusio. Verba, aut signa contrahentium exprimentia consensus internos sunt materia, & forma pro matrimonio, secundum quod ad inuicem se determinant. Ita *D. Thomas q. 42. art. 1. ad 1. & 2. & serè communiter.* Itaque expressio vtriusque contrahentis respectu alterius habet se ut materia, & forma. Nam quilibet cum exprimit suum consensum duo facit, & tradit se alteri, & acceptat alterius traditionem, & sic expressio consensus secundum rationem traditionis est materia, & secundum rationem acceptationis est forma. Ita *Ledesm. in addit. loco cit. & Soto, d. 26 q. 2. art. 1.* Et patet. Nam quando Christus instituit hoc Sacramentum, nihil innouauit circa matrimonium, sed contractum matrimonij alias naturalem eleuauit ad rationem Sacramenti, dando ei virtutem cauſandi gratiam instrumentaliter, sed contractus matrimonij consistit essentialiter in solis verbis, aut signis explicantibus consensus contrahentium: ergo in solis istis consistit etiam essentia matrimonij in ratione Sacramenti.

2. Conclusio. *D. Thom. art. . ad 1.* Illa verba Sacerdotis: *Ego vos coniungo*, nec sunt materia, aut forma, ut patet ex dictis, nec de necessitate istius Sacramenti. Ita in *Concil. Trident. sess. 24. cap. 3.* Et patet. Nam ante Concil. Trident. erant valida

lida matrimonia etiam in ratione Sacramenti sine parrocho, vt diffinitur in *Concilio Tridentino cis*. Et licet Concilium irritauerit matrimonia celebrata sine parrocho, & testibus, tamen nec mutauit, nec potuit mutare materiam, aut formam istius Sacramenti, cum hoc pertineat ad potestatem excellentiæ soli Christo referuatam.

3. Conclusio. Sensus illorum verborum Sacerdotis : *Ego vos coniungo*, non est, ego vos coniungo, alias non coniunctos, vt ex dictis patet, sed sensus est, Ego vos coniungo, id est, confirmo, & benedico vestram coniunctionem : aut sensus est, Ego vos coniungo in facie Ecclesiæ, vt pro veris coniugibus ab omnibus habeamini.

2

Dub.2. *An hoc Sacramentum causet gratiam.*

1. Conclusio *D.Thom.art.3.* affirmatiua, diffinita in *Conc. Trid sess.24.can.1.* vbi sic dicitur: *Si quis dixerit Sacramentum matrimonij non esse unum ex septem Ecclesia à Christo institutum, sed ab hominibus inuentum nec gratiam conferre, anathema sit.* Maxime enim conuenit, vt detur gratia in hoc Sacramento ad bonum ita vniuersale, quale est finis matrimonij, vtpotè, ad propagationem speciei, ad educationem prolis, & ad bonum vsum matrimonij.

2. Conclusio. Sicut gratia aliorum Sacramentorum, v. g. Baptismi, proportionatur actioni Sacramentali, vtpotè ablutioni externæ, ita vt gratia Baptismi detur per modum ablutionis animam à peccatis ; sic gratia Sacramentalis matrimonij proportionatur vinculo naturali, quod efficit matrimonium in ratione contractus ciuilis. Et sic gratia datur in hoc Sacramento per modum vinculi coniunctionis coniugum ordinatæ ad actum matrimoniale, vt debitè fiat, ad debitam procreationem, & educationem prolis in esse naturæ, & gratiæ.

Ex dictis patet, hoc Sacramentum, sicut & alia viuorum, esse recipiendum cum contritione saltem estimata, & cum intentione saltem virtuali faciendi quod facit Ecclesia, & suscipiendi hoc Sacramentum, non cum affectu libidinis, sed cum affectu suscipiendi prolem ad gloriam Dei.

3

Dub.3. *An copula carnalis sit de integritate matrimonij.*

1. Conclusio. *D.Thom. artic. 4.* Copula carnalis actualis, nec est de essentia, nec de integritate matrimonij. Ita *cap. ex parte, & cap. veniens, de spons.* Nam de fide est inter Mariam, & Ioseph, fuisse verum, & integrum matrimonium : cum *Luc. 1. & Matth. 1.* Ioseph dicatur vir Mariæ, & Maria con-

iux

iux Ioseph . Sed de fide est non fuisse inter eos copulam carnalem : ergo.

2. Conclusio . *D. Thom ibi*. Copula carnalis actualis solum est de perfectione accidentalī matrimonij . Nam perfectio accidentalis cuiusvis rei stat in eius operatione , sed copula carnalis actualis est operatio, & vsus matrimonij , & ad quam datur potestas in matrimonio : ergo.

Si arguas, quod carnalis commixtio pertinet ad significationem matrimonij : cū significet vnionem humanitatis cum Verbo, & coniunctionem Christi cum Ecclesia: ergo . Ad hoc dico, quod significatio gratiæ, vt supra dixi, est de essentia Sacramenti matrimonij ; cum omnia Sacramenta sint signa practica rei sacræ sanctificantis nos . At significatio Verbi vniti humanitati , & coniunctionis Christi cum Ecclesia , solum est de perfectione accidentalī, sicut & ipsa carnis commixtio .

QVÆSTIO SECVNDA.

De Sponsalibus.

D. Thomas q. 43.

S V M M A R I V M.

Quid sint sponsalia, & an necessario implenda, num. 1.

An sint valida inter habentes impedimentum sub conditione, si Papa dispensat, num. 2.

Quibus de causis dirimuntur, num. 3.

DVB 1. *An sponsalia de futuro sint mutua promissio futurarum nuptiarum.*

1. Conclusio *D. Thom in addit. quæst. 43. art. 1.* affirmatiua. Sic enim definiuntur sponsalia . Et vt istorum promissio obliget , requiritur in promittente intentio promittendi , & obligandi se, etsi non habeat animum seruandi promissum, vt dicitur de voto . Imò licet vii fictè promittat sponsalia , tenetur , non ex vi promissionis , sed ob iniuriam sponsæ illatam implere, aut aliter resarcire damna

2. Conclusio. Sponsi tenentur sub mortali implere promissum, nisi obstat aliquod impedimentum ex dicendis *dub. 3.* Ita *cap. ex litteris, 2. de spons.* Vbi nota 1. Quod cum matrimonia sicut

sicut & sponsalia libera esse debeant ab omni coactione personæ, vel pecuniæ, si poena in eis ponatur, non obligat, nec soluetur ab eo, qui contraherit. Ita *cap. Gemma, de spons. Nota 2.* Quod si sponsus sine causa repudiet sponsam, tenetur rescire damna ex hoc secuta, utpotè, augendo dotem: nam fœmina repudiata non inueniet virum sibi æqualem. Imò, *l. 52. Tauri, Ioannæ Reginæ*, sponsa de futuro à sponso osculatâ lucratur dimidiam partem rerum sibi à sponso datarum ante copulam.

- 2 Dub. 2. *An mutua promissio nuptiarum inter habentes impedimentum dirimens cum conditione, si Papa dispenset, habeat vim sponsaliorum. Si enim illa sponsalia essent absoluta, certum est nulla esse nullamque inducere obligationem, ut est communis sententia. De quo Nauar. lib. 4. consil. 5. de consang.* Nam ut ait Petrus de Soto hic, non valet promissio rei, quæ iure impleri non potest.

1. Conclusio negatiua. Ita *Siluest. Victoria, Soto, Innocent. Panor. & alij citati à Ledesm. in addit. q. 57. art. 5. dub. 2. contra Adrianum, Cano, Couar. & alios, quos refert, & sequitur Ledesm.* Et patet conclusio. Nam si tale impedimentum superueniret sponsalibus, dirimeret ea: ergo à fortiori, si antecedit impediet ea. Et huius signum est, istos non se posse osculari, quod tamen licet sponsis de futuro.

2. Conclusio. Si vir promisit procurare dispensationem, & ob id interuenit copula, in omni sententia tenetur ad illud ob rescandendum illud damnum. Imò seclusa copula, sola promissio obligat ad illud. Nam omnis licita promissio, alias acceptata, obligat in conscientia.

- 3 Dub. 3. *An sponsalia sint dirimibilia.*

1. Conclusio. *D. Thom. art. 3.* Sponsalia, etiam iurata ex multis causis dirimuntur. Et primò, per ingressum Religionis alterius sponsi. Nec tenetur iste prius contrahere matrimonium ut seruet iuramentum. Ita *ex cap. commissimus, de spons. cum gloss.* Nisi aliàs alteri sponso sequatur utilitas, ut si sponsa manet infamata ob copulam etiam præsumptam, aut si sponsus habet filium ex sponsa, qui per sequens matrimonium legitimitur, & sponsa manet cum bona fama. Sic enim contrahendo prius matrimonium sine consummatione non impeditur ingressus Religionis, & alias rescinditur damnum alteri datum. Sed seclusa utilitate, impertinens est seruare sponsalia ante Religionis ingressum. Et sermo est in præsentia de solo ingressu Religionis sine professione, qui statim dirimit sponsalia,

galia, & sponsus manens in sæculo potest statim cum altero matrimonium contrahere. At si non contrahat illud, nec cedat iuri suo, & alter dimittat habitum, tenetur seruire sponsalia. 2. Votum simplex castitatis (etiam factum post sponsalia iurata, *contra Manar. cap. 22. num. 27. & Armil.*) dirimit illa. Ita *D. Thom. q. 53. art. 1. ad 1. & communiter, ex c. rursus, qui cler. vel vo.* Nam vinculum illius voti, ait *D. Thom.* fortius est, & incompatible cum vinculo sponsaliorum. Et idem est de voto Religionis. 3. Subsequens matrimonium cum altera dirimit sponsalia. Ita *cap. sicut, & cap. si inter virum, de sponsal.* At si qui contraxit matrimonium ab eo per mortem coniugis liberetur, tenetur si potest, & alias non sit senex, implere priora sponsalia, si alter sponsus velit. Nam antea excusabatur per matrimonium: ergo isto soluto confurgit prior obligatio. 4. Dirimit sponsalia affinitas superueniens, etiam ex copula illicita, aut aliud impediens matrimonium contrahendum. Imò & fama publica de tali impedimento, & scandalum. Ita *ex literis de eo, qui cog. & cap. cum in tua, de spons.* 5. Voluntas utriusque coniugis: illi enim possunt renuntiare iuri suo. Ita *cap. pratore, de spons.* Et sic soluta sponsalia nullum inducunt impedimentum. Ita *declaravit Congreg. Card. ut refert Farin. decis. 275.* Sextò, gravis infirmitas, ut lepra, morbus gallicus. Ita *c. list. de cons. lepro.* & insignis deformitas, ut orbitas oculorum. 7. Dirimit fornicatio alterius sponsi. Ita *cap. quemadmodum iureiurand.* De isto enim iuste creditur fore infidelem. Imò etsi fœmina sit violata. Ita *cap. raptor, 27. q. 2.* Et etiam si ante desponsationem mulier creditur virgo, & ut talis promittitur, & non est ita. Durum enim esset sponso, eam in uxorem ducere. 8. Si sponsus vagatur, & vadit longius. Ita *cap. de illis, de spons.* 9. Si in contractu sponsaliorum determinatur tempus pro contrahendo matrimonio, & illo impleto vnus non vult contrahere, alter tunc manet liber. Ita *cap. sicut, de spons.* 10. Si sponsalia sunt facta cum conditione, & illa non impletur, ut si promittitur tanta dos. Ita *c. de illis, de conditio. appof.* 11. Defectus ætatis, qui est tempus septennij, & sponsalia sunt nulla. Ita *cap. duo pueri, de despons. impub.* 12. Graues inimicitie ortæ inter sponsos, aut si alia vitia deteguntur, aut alia superueniunt, quæ si antea scirentur, meritò non fierent sponsalia. Ita *Nauar. lib. 4. cons. 6. iuxta cap. quemadmodum, citat. cum glossa.*

2. Conclusio. Sponsalia occultè contracta non egent dissolui per

per iudicem in dictis casibus . Nam occulta sponsalia non subiacent iudicio externo . Secus si sint publica , & causa dissolvens non ita notoria .

QVÆSTIO TERTIA.

De consensu Matrimonij.

D. Thomas quæst. 45.

S V M M A R I V M.

- Si vnus coniugum scit se, vel alium non consensisse, vel dubitet de valore matrimonij, an possit petere, vel reddere debitum, n. 1.*
An consensus sint exprimendi signis, aut verbis de presenti, n. 2.
An consensus exterior sine interiori sufficiat, num. 3.
An filij geniti ex tali matrimonio sint legitimi, num. 4.
An matrimonia clandestina sint inualida, num. 5.
Qualis presentia parochi, & testium requiratur, num. 6.
An debeat esse parochus contrahentium, vel alius de eius licentia, num. 7.
An sint pramittenda denunciationes ante matrimonium, nu. 8.
An consensus metu extortus sufficiat ad matrimonium, num. 9.
An matrimonia conditionata sint valida, num. 10.
An consensus matrimonij sint consensus in copulam, num. 11.
An actus matrimonij sit semper licitus, num. 12.

DVB. 1. *An consensus sit causa efficiens matrimonij.*

1. Conclusio D. Thomæ q. 45. art. 1. affirmatiua . Ita in Concil. Flor. & c. cum locum, & c. tua fraternitati, de spons. Nec obstat ; quod iudex solet cogere aliquos ad matrimonium . Nam hoc debet fieri medijs consensibus , & hoc præcipit iudex vt consentiant .

- I** 2. Conclusio ex D. Thom. q. 55 art. 9. ad 3. Si vnus coniux certò scit se, aut alterum coniugem non consensisse, aut aliter matrimonium fuisse nullum , nec potest petere , nec reddere debitum , vt clarum est . At si rationabiliter dubitet de prædictis , probabilius est contra Adrianum, quod tenetur reddere debitum , cum alter coniux per istius dubium non amiserit ius ad debitum . Sed non potest petere vt diffinitur *cap. inquisitioni, de sentent. excommum.* Nam petendo exponeret se peri.

periculo peccandi, & non reddendo faceret iniuriam alteri. Et intelligitur hoc, *ait Soto. 4. de iustitia, q. 5. ar. ult. & Viñt.* de sic dubitante ante sufficientem diligentiam in examinando veritatem. Nam ista iam præmissa, & adhuc etiam remanente rationabili dubio, potest iam iste petere debitum. Sicut qui eum eodem dubio possidet aliquid, facta sufficiente diligentia an sit suum, potest illud sibi retinere. Durum enim esset illum diu priuare iure petendi debitum. Si tamen dubium sit sine ratione, iudicio pastoris, aut confessoris deponatur, vt dicitur cap. cit. *Si arguas*: Si dubites, an reddere debitum noceat salutis, non teneris reddere: & si dubites, an iuridice interrogeris de crimine alterius, teneris tacere: ergo si dubites, an Maria sit vxor tua, non potes ei reddere debitum: *Ad hoc nego conf.* Nam in casibus antecedentis peior est infirmitas redditione debiti, & infamia alterius, quàm tacere tunc; & in dubiis maius malum est vitandum. At in casu conf. maior iniuria fit mulieri non reddendo ei debitum, quàm priori viro eius, v. gr. de quo dubitatur, an viuatur, per hoc quod debitum reddatur. Et sic debitum reddatur tunc, sed non petatur. Ita cap. dominus, de secundis nuptijs, sed nota quod dum vxor non certificatur de morte mariti etiam diu absentis, non potest alteri nubere. Ita cap. in presensia, de spons. & cap. dominus, citato.

34. Conclusio. Si ambo coniuges probabiliter dubitent de valore matrimonij, & alter eorum petat debitum, etsi petendo peccet contra castitatem, non contra iustitiam, sed habet ius petendi, cum sit in possessione, & sic alter tenetur ex iustitia reddere. Sicut si vnus coniux vouet castitatem, & petat debitum, etsi in hoc peccet contra votum, alter tenetur reddere. Ita communiter contra Arn. ver. debitum. De quo dicemus quæst. 6. dub. 2.

x. Dub. 2. An consensus sint exprimendi verbis aut signis.

1. Conclus. D. Thom. art. 2. affirmatiua; dissinita in Concil. Florent. &c. tux fraternitati, de spon. Nam matrimonium, & est mutuas contractus inter coniuges, & est Sacramentum: ergo sicut alia Sacramenta, debet constare ex rebus sensibilibus, & sicut alij contractus, ex talibus signis, quibus mutuo se intelligant, & obligent contrahentes. Et licet ista signa regulariter debeant esse verba. vt dicitur in Conc. citat. at aliquando sat erunt alia signa. Imò si puella interrogata præ verecundia tacet, & astantes pro ea respondent, ipsa non contradicente, fit matrimonium. Nam illa puellæ taciturnitas, cū

alijs circumstantijs temporis, & respondentium pro ea, est sufficiens signum sensibile significans eius internum consensum. Ita D. Thom. ad 3.

2. Conclusio. D. Tho. art. 3. Consensus explicatus verbis de futuro, vt si dicas, Habebo te, aut accipiam te in meam uxorem, non facit matrimonium: Requiruntur enim verba de presenti saltem in sensu. Per ista enim verba, Contraho tecum pro anno futuro, non fit matrimonium, nam in sensu sunt de futuro. At per ista, Ex nunc habebō te in meam uxorem, fit matrimonium. Ita cap. ex parte, de spon. nam ista verba explicant consensum presentem. Sed si verba in voce sint de presenti, & in sensu ambigua, iudicetur de eis iuxta intentionem contrahentium. Ita cap. intelligentia, de ver. sig.

3 Dub. 3. An exterior expressio consensus sine interiori consensu faciat matrimonium.

1. Conclus. D. Tho. art. 4. negatiua. Ita cap. sufficiat. 27. q. 2. Et patet ex dub. 1. Sed qui fide matrimonium contraxit, tenetur per se loquendo verè iterum cum coniuge defraudata contrahere illud, si interim non posuit impedimentum ditimens matrimonium; cum ei maximam introgauerit iniuriam etiam seclusa copula, quæ aliter non refarcitur. Nec satisfacit dotando illam, si ipsa hoc non acceptet. Dixi per se loquendo, nam aliquando excusabitur, vt si mulier corrupta decepit virum, dicendo se esse Virginem, aut si inter eos sit maxima inæqualitas, aut si ex tali matrimonio timetur malus exitus, aut graue damnum, vt si puella sit leuis. In his enim casibus vir recomponabit in pecunia illata damna. Vide dicta à nobis in materia de restit. ars. 2. dub. 4.

4 2. Conclus. Filij geniti ex hoc fide matrimonio sunt legitimi. Ita cap. cum inter, & cap. pralatum, qui filij sint legit. Vbi decernitur, quendam esse legitimum, eo quod sit genitus ex matrimonio celebrato in facie Ecclesiæ, etsi eius pater haberet primam uxorem viuam, sed secunda bona fide cum eo contraxit. Et idem est de parentum filiis, bona fide inter se matrimonium contrahentium ignorando inuincibiliter impedimentum dirimens. Ita D. Thom. qu. 68. ars. 2. ad 2. Et sat est ignorantia inuincibilis ex parte vnus coniugis; etsi alter mala fide contraxerit matrimonium. Ita Ledesma cap. ult. de matrim. Et clauè colligitur ex cap. perlatum, c. 1. & cap. ex tempore ibi.

3. Concl. Qui cum vna contraxit fide, & postea cum alia
verè

verè contraxit, etſi ab Eccleſia iuxta allegata & probata cogatur cenſuris cum prima habitare, & reddere debitum, adhuc non poteſt, & oppoſitum magiſtri ſententiarum eſt erroneum. Ita in *c. inquisitionis, de ſent. excomm.* Nam illa debiti redditio eſſet fornicatio, cum ſit acceſſus ad non ſuam. Per ſententiam enim illam, etiam alias iultam in foro externo, non efficitur ſua, iuxta *cap. laſor, de ſent. & re iud.* Nec eſt idem de occiſione innocentis probati nocentis, qui licitè occiditur; nam occiſio hominis non eſt intrinſecè mala: At fornicatio eſt intrinſecè mala, & ſic nulla via honeſtabilis. In iſto ergo caſu, ait *D. Tho. q. 45. art. 4. ad 3.* recedat vir longius ducendo ſecum ſi poteſt veram vxorem. Et ſi eſt mulier, & matrimonium non ſit conſummatum, intret religionem. Sin minus, patienter ferat excommunicationem iſti obediendo in foro externo quantum poſſit ſine peccato, utpote, ſimul cohabitando ſine acceſſu illicito. Et idem eſt quoties matrimonium ob aliud impedimentum occultum eſt nullum.

Dub. 4. *An matrimonia clandestina, ideſt, ſine parochio, & teſtibus celebrata, ſint valida.*

1. Concluſio. *D. Thom. art. 5.* Iſta matrimonia ante Conc. Trid. erant valida, etſi peccata mort. Dicitur enim in Concil. Trid. ſeſſ. 24. cap. 1. quod Eccleſia ſemper deteſtata eſt illa matrimonia ut illicita. Nam ex eis regulariter ſequebantur multa damna, infamia mulieris, diſcordiæ inter parentes, negatio fidei inter coniuges, ob quod contrahebant aliud matrimonium, & ſic manebant in perpetuo concubinato, & ſape puellæ metu parentum negabant matrimonium etiam conſummatum. Et ibi etiam definitur, non eſſe dubium matrimonia illa eſſe valida tunc, cum conſtarent ex legitimis conſenſibus.

2. Concluſ. Matrimonia iſta ſine parochio, & duobus teſtibus celebrata irritantur iam in Concil. citat. Nam ibi cano. 4. diffinitur poſſe Eccleſiam ſtatuerè impedimenta irritantia matrimonium. Sicut etiam inhabilitauit conſanguineos, & affines ad matrimonia inter ſe, alias iure naturæ valida. Nec ſic mutat materiam aut formam matrimoniij, ſed præambula ad illud. Nam materia & forma pro matrimonio ſunt conſenſus legitiſimarum perſonarum, & Eccleſia legitimat perſonas.

Si arguas, matrimonium celebratum coram parochio, & teſtibus, ob aliquod impedimentum nullum, obſtante diſpen-

satione impedimenti, non est necesse, vt iterum coram parocho, & testibus, sed clandestinè potest celebrari: ergo: *Ad hoc dico*: quod si non timetur scandalum aut aliud damnum graue, aut quod alter coniux cognito impedimento, aut defectu consensus, *se saldra a fuera*; obtenta dispensatione impedimenti, iterum coram parocho, & testibus celebrabitur. At si prædicta timeantur, sat est, quod coniuges inter se renouent consensus sic, cum vir sit lætus, mulier, v. gr. dicat ita te diligo, quod si non essemus coniugati vellem de nouo tecum contrahere, & nunc dico tecum libenter matrimonium contrahere, & petat à viro vt in gratiam sui eadem repetat verba. Et sic manent coniugati sine parocho, & testibus. Ita declarauit Pius V. *ut refert Nauarr. in manu. cap. 12. numer. 70.* Nec hoc matrimonium reputatur clandestinum; cum iam præcesserint solemnitates pro fine intento à concilio requisitæ, qui est vitare dicta damna, ex matrimonijs clandestinis sequi solita, quæ hic sunt iam vitata. *Et nota*; quod contrahentes matrimonium sine parocho, etsi consumment illud, possunt, si non obstat aliud impedimentum, sine dispensatione de nouo contrahere in facie Ecclesiæ, illis tamen & testibus punitis. Nam illa verba Concilij, *sint inhabiles ad sic contrahendum*, intelligitur, id est; ac sic clandestine contrahendum. Ita *Farinac. in Concil. loco citato.*

3. **Concl.** Non sat est pro matrimonio præsentia parochi & testium physica, qualem habet surdus, aut dormiens, sed debet esse moralis, ita vt assistant cum actuali aduertentia, qua possint reddere fidem de tali contractu, etsi ad id non sint vocati, & rogati. Imò etsi alias sint coacti, vt declarauit Congregatio Cardin. Ediscopo Salmantino, de quo *Farin. loco cit.* Nam Sacerdos non est minister matrimonij, sed ipsi contrahentes: ergo non est necesse, vt sit ibi voluntarius. Imò etsi parochus affectet non audire, obstruendo aures: claudendo oculos, valet matrimonium. Ita congregatio Cardin. ait *Ledesma. & Farin. loco citato.* Quia iam sua culpa non audiuit. *Et nota* valere matrimonium celebratum coram parocho excommunicato, etiam non tolerato. Ita congregatio Card. *ut refert Farin. decis. 89.* Et etiam valet celebratum coram parocho, aut eius vicario: etsi Episcopo eos prohibuisset aliquos matrimonio iungere. Ita *refert Farin. ex declaratione Card. super Concil. Trid. sess. 24. cap. 1.*

4. Conclusio. Necessario debet assistere matrimonio parochus contrahentium. Patet ex Concil. citat. cum dicitur: *Denunciationes, fiant à proprio paracho, & ille dicat, Ego vos coniungo.* Et de isto subditur, *Qui aliter quàm præsente paracho vel alio Sacerdote de parochi, vel Ordinarij licentia, &c. contrahere assentabunt, sancta Synodus eos ad sic contrahendum inhabiles reddit, & huiusmodi contractus nullos esse, decernit.* Et ex declaratione Cardin. patet, sat esse vt assistat parochus alicuius contrahentium, etsi matrimonium celebretur in aliena parochia. Ita refert Nauar. lib. 4. conf. 4. de cland. desp. Et licet ex illo Concilij, Parochus dicat illa verba: Ego vos coniungo, videatur sequi, parochum (& idem est de Episcopo, & eius Vicario) debere esse Sacerdotem cum dicta verba & benedictio non comuode proferantur à non Sacerdote: vnde Nauar. conf. 9. & 10. ait Congregationem Card. inclinasse in hanc sententiam ponderando illa verba Concilij, parochus, vel alius Sacerdos: & iterum sine paracho, vel alio Sacerdote; tamen Farin. decis. 70. refert Congregationem Card. declarasse Episcopo Abulensi, matrimonium celebratum coram paracho non Sacerdote valere. Et meritò: Nam exhibere præsentiam matrimonio, nec requirit ordinem, nec verba prolata à Sacerdote sunt de essentia istius Sacramenti.

Nota, quod parochus, vel ordinarius, & istius Vicarius generalis possunt dare licentiam alteri alias Sacerdoti, vt notatur etiam à Nauarr. consil. 5. ex Concil. citat. vt vice illorum assistat matrimonio. Et non requiritur licentia inscriptis, nea specialis ad istum actum, sed sat est verbalis generalis ad omnia requisita pro officio parochi. vt ait Nauarr. lib. 3. conf. 12. & 13. despon. Et communiter. Non tamen sat est licentia præsumpta, sed debet esse expressa. Ita refert Farin. loco citat. ex declaratione Cardin. & Ledes. cap. 6. de matrimo. Et si Sacerdos sine dicta licentia aliquos matrimonio iungit, aut benedicit, suspensus manet, quandiu Ordinario coniugum placuerit; & matrimonium est nullum. Ita in Concilio citato.

5. Conclusio. Ad matrimonia sufficiunt duo testes rationis compotes, quicumque illi sint, etsi in iure ad alias causas non admittantur, quales sunt infames, consanguinei, fratres, religiosi, &c. Ita communiter cum COMARR. in 4. decret. 2. par. 8.

6. Conclusio. In dicto Concil. præcipiuntur alia circa matri- 8

monium facienda. 1. Vt ante matrimonium ter fiant à proprio parochio denunciationes publicè in Ecclesia inter Missarum solemnia in tribus festis, vt impedimenta à scientibus detegantur. 2. Quod si sit probabilis suspicio matrimonium posse impediri malitiose, si tot præcedant denuntiationes, tunc vna sola fiat denuntiatio, aut saltem parochio, & duobus aut tribus testibus astantibus matrimonium celebretur. Dum tamen ante matrimonij consummationem denuntiationes fiant in Ecclesia, nisi Ordinarius iudicet expedire, vt omnino omittantur. *Et nota*, esse peccatum mort. omittere denuntiationes sine rationabili causa, ob damna quæ regulariter timeri possunt. Et filij geniti à parentibus habentibus impedimentum dirimens, omisiss denuntiationibus, & examine impedimentorum, sunt spurii. Ita *cap. cum inhibitis, de clandest. despon.* Secus si examinarunt, & bona fide eos genuerunt ignorando inuincibiliter tale impedimentum. Ita *Ledesm. cap. vlt. de matrim.* 3. Exhortantur, non mandantur, coniuges confiteri, & Euchariam sumere ante matrimonium. Et quod matrimonio contracto iu eadem domo non cohabitent ante benedictionem in Ecclesia à parochio, aut istius licentia ab alio Sacerdote recipiendam. 4. Præcipitur hoc decretum publicari in singulis parochiis, & quod incipiat habere robur post triginta dies à die primæ publicationis in quauis parochia. Ex quo patet, adhuc valere matrimonia clandestinè celebrata in aliquibus partibus Galliarum, vbi hoc decretum, etiam malitia parochorum, & Episcoporum, & Papa permittente, non est publicatum. Imò & extraneus illic clandestinè contrahens matrimonium, etsi peccet, validè contrahit, vt declarauit Congregatio Card. anno 1588. vt refert Farin. super *Concil. Trident. sess. 24. c. 1.* Possumus enim vti priuilegiis regionis vbi sumus.

- 9 Dub. 5. *An consensus metu extortus faciat matrimonium?* Es sermo est de metu cadente in virum constantem orto non à causa naturali, vt si metu mortis naturalis turbatus ducas uxorem tuam concubinam. Nec de metu iustè orto à causa libera, vt si capus cum virgine cogaris eam in uxorem ducere. Diffini enim metus non tollunt matrimonium. Sermo est de metu cadente in virum constantem orto à causa libera. iniustè extorqueute consensum.

1. Conclus. Stando in iure naturæ metus iste non tollit matrimonium, cum non tollat voluntarium simpliciter ex natura rei sufficiens pro omni contractu. At stando in iure

Ecclesiastico, in quo loquitur D. Th. q. 47. ar. 3. iste metus tollit matrimonium. *Ita cap. veniens, 1. & ca. consultationi, de spon.* Et meritò. Nam ex istis matrimonijs regulariter non consequitur finis matrimonij, vtpotè mutus amor coniugum ad procreationem prolis necessarius, ergo oportuit vt ista matrimonia etiam iurata, ab Ecclesia irritarentur. Nec obstat, quod multi contractus alias nulli, ob Religionē iuramenti sunt validi, vt patet in sponsalibus iuratis, & in promissione iurata extorta per metum à latrone; Quia licet isti contractus validi sint, possunt à iudice rescindi, at matrimonium semel validum est insolubile, & sic oportuit vt à principio irritaretur ab Ecclesia.

2. Concl. Ille sic contrahens non potest accedere ad istam mulierem, etsi super hoc sibi mors imminet; cum non sit sua. Sed cum sibi minatur mors, potest ad eam accedere affectu maritali, vt mortem euadat, & tunc verum sit matrimonium in sententia probabili. Nec erit necessaria tunc alia parochi, & testium præsentia, vt dixi dub. 4. in simili casu. Quia non est intentio legis annullantis matrimonia coacta, impedire istum tunc cum ista contrahere, si velit. Nam lex illa lata est in fauorem contrahentium coactè. Sed cum reduceris ad istas angustias, quod aut debes mori, aut peccare mort. est maximus fauor, vt tale matrimonium sit validum; ergo.

De matrimonijs conditionatis nil dicam, cum ista iam post Conc. Trident. rarò celebrentur, maximè cum conditionibus turpibus aut impossibilibus. Eo quod iam matrimonia coram parcho, & testibus necessario celebrantur. Sola nota, Esse declaratum à congreg. Card. quod si quis coram parcho, & testibus contraxit matrimonium cum aliqua conditione, v. g. si patri placuerit; & non expectato conditionis euentu, accessit ad eam affectu maritali, sit tunc matrimonium, nec opus est noua præsentia parochi, & testium. *Ita refert Fari. decis. 41.* Et idem censet Nauar. lib. 4. con. 1. de condit. appo. de matrimonio celebrato coram parcho, & testibus sub conditione licita, si antequam voluntas mutetur impletur conditio, perficitur matrimonium tunc sine parcho, & testibus. Sed oppositum alijs videtur verius.

Dub. 6. *An consensus matrimonij sit consensus in copulam.*

1. Concl. D. Th. q. 48. ar. 1. Consensus pro matrimonio est consensus in essentiam matrimonij, idest, in societatem

coniugalem, & mutuam corporum traditionem : nam ista sunt de essentia matrimonij .

2. Concl. Ad matrimonium sat est consensus implicitus & virtualis in copulam carnalem . Nam copula carnalis sumpta pro potestate ad copulam actualem continetur virtualiter in essentia matrimonij , vt eius propria passio : ergo qui consentit in essentiam consentit etiam in potentiam ibi inclusam . Imò, & consentit proportionabiliter in actum talis copulæ .

12 Dub. 7. *An actus matrimonij sit semper bonus .*

1. Concl. Actus iste est bonus , si in eo virtualiter saltem intendatur proles , aut fides ; vt si vnus coniux petat debitum saltem virtualiter . Et erit peccatum ven. si sit ob solam delectationem , aut sanitatem , ait *D. Thom. quest. 49. ar. 5. ad 4. & art. 6.* aut si sit ob vitandam fornicationem in se ipso , ait *D. Thom. ad 2.* quidquid alij probabiliter dicant ; licet tamen petere debitum ob vitandam alterius coniugis fornicationem ait *D. Th.* Imò si vir sentit tale periculum in vxore , tenetur ex fidelitate matrimonij petere debitum , vt sic prouideat bono spirituali vxoris , ad quod ex iustitia tenetur quoties commodè possit . Ex quo pater , quod etsi senes , steriles , prægnantes peccent venialiter petendo debitum : tamen ex fidelitate matrimonij tenentur illud reddere .

2. Conclusio . Peccant mort. coniuges voluntariè seminando extra vas , nisi sit parua distillatio : Et quoties voluntariè impediunt conceptum ; cum agant contra finem illius actus qui est concipere . Et ob id tactus , & amplexus coniugum si ex eis regulariter sequitur pollutio extra vas , erunt peccata mortalia . Sed si mulier ponatur supra virum , solum peccabunt venialiter , non mort. nisi sit morale periculum effundendi semen extra vas , quod regulariter non contingit , cum semen non intret locum conceptionis per projectionem , & descensum , sed media virtute naturali attractiua foeminae .

3. Conclusio . Si vir habens copulam cum vxore non seminet , cum possit , peccat mort. Nam tenetur perficere opus suum . Ita *Calet. 2. 2. quest. 154. art. 1. & Ledesm. c. 9. de matrim.* At si non seminet , quia valde debilitatur , probabile est non peccare . Ita *Ledesm. Soto. d. 43. quest. 1. art. & Nauarr. cap. 22. numr 60.* Nam ista copula , etsi non assequatur finem principale , qui est generatio , vitat tamen fornicationem , quæ est finis secundus . Imò Armilla, verbo

debet.

debitum coniugale, ait non esse peccatum mort. in coniugibus, si incepto coitu inter eos, vnus de alterius consensu desistat ab actu, sine periculo tamen pollutionis extra vas.

QVÆSTIO QVARTA.

De impedimentis matrimonij in communi.

D. Thom. q. 50.

S V M M A R I V M.

Impedimenta matrimonium impediencia, num. 1.

Impedimenta dirimentia, num. 2.

An testimonium vnus de aliquo impedimento, impediatur contrahentem matrimonij, num. 3.

Inter ista, quædam impediunt matrimonium contrahendum, sed non dirimunt contractum, ait *Caiet. verb. matrimonium*. Et ista sunt, 1. Interdictum. Ita in ca. 1. & 2. de *matrim contra interdictum* Vt si ab ordinario aut curato interdicas contrahere matrimonium interim dum constet non esse impedimentum, aut ob aliam causam. 2. Sponsalitium, idest, desponsatio cum alia per verba de futuro. 3. Votum simplex castitatis, aut religionis. 4. Incestus cum propria affine. Ita cap. ex litteris, de eo qui cong. conf. Et si contrahat, non potest petere debitum. Ita c. transmissio ibi. Imò et *Nau. cum alijs, l. 4. conf. 1. de eo qui cog. conf.* incestus cum consanguinea impedit contrahere cum omni scemina sed hoc est contra D. Th. D. Anto, Soto, Silu. & Cou. citatos a Nau. 5. Contrahere matrimonium cum moniali. Ita ca. hi ergo. & ca. si quis 25. qu. 1. 6. *Prasbytericidium*. Ita c. qui Prasbyterum, de penitentia & remis. 7. Occisio propriæ vxoris adu'teræ propriæ auctoritate facta. Ita c. admonere 33. q. 2. 8. Qui malitiosè baptizat filium suum vt fiat congruatus suæ vxoris Ita cap. de eo. 30. q. 1. 9. Raptus alienæ sponsæ. 10. Solemnis penitentia. 11. Catechismus. Ita c. per catechismum, de cogn. spir. in 6.

Alia impedimenta etiam dirimunt matrimonium. Et horum quædam ex iure nature, vt error, professio solemnis, matrimonium factum cum alia, impotentia perfecta, & perpe.

perpetua ad opera maritalia . Alia dirimunt ex iure diuino ,
 vt conuersio vnius coniugis ad fidem . Alia ex iure canonico ,
 vt consanguinitas , affinitas , cognatio spiritualis . Definitur enim in Concilio Tridentino session. 24. can. 4. posse
 Ecclesiam statuere impedimenta dirimentia matrimonium .
 Item in capit. 6. decernitur non possellare matrimonium inter
 raptorem & raptam , dum ista est in potestate raptoris . Et
 dicitur rapta , quando rapitur vi ad matrimonium , non
 si rapitur etiam vi ob aliam causam , nec si ipsa iuuenem in-
 sequitur amore illius tacta , etsi ab eo violetur , vt dixi in 6.
 3 præcepto . *Nota* , impediri matrimonium ad dictum vnius ,
 maximè matris , *iuxta cap. super eo. 2. de testimon.* deponen-
 tis de aliquo impedimento , nisi interueniat iuramentum in
 oppositum . *Ita capit. præterea , 2. de spon.* Et etiam impedi-
 tur ad dictum vnius personæ grauis cui fides debetur , & quæ
 de fama vel scandalo docet , etsi in oppositum interueniat
 iuramentum parentum , *iuxta capit. cum in tua, de spon.* Et
 notat. *Nauiar. lib. 4. conf. 2. de consanguin.* quod si vnus tes-
 tis declaret audisse ab vno ex suis maioribus , duos esse in
 4. gradu consanguinitatis , non impeditur matrimonium in-
 ter eos . Nam vnus testis maximè de auditu nil probat . Se-
 cus , si plures graues audissent à pluribus fide dignis , *iuxta*
cap. licet , 2. de testimon. &c. At matrimonium contractum
 non dissoluitur sine plurium iuramento . *Ita capit. super eo.*
2. de testib. cum glossa. In nulla enim causa sat est dictum
 vnius . Nec admittitur testis , qui ex confessione scit impe-
 dimentum pro matrimonio . Nam quæ sic scit confessor ,
 non scit vt homo , sed vt Deus . *Ita Dis. Thomas in addition*
quæst. 11 articul. 1. ad 1. Et sic si iste sit parochus , & petitur
 eius assistentia pro isto matrimonio , assistat si non habet aliud
 remedium . Nam maius malum est reuelatio confessionis ,
 quam permissio talis matrimonij inualidi . *Ita Ledesm. cap.*
15. de matrimonio. De dictis impedimentis dicemus sigilla-
 tum .

ARTICVLVS PRIMVS.

De impedimento erroris.

D. Thomas quæst. 51.

S V M M A R I V M.

*Error personæ, vel conditionis seruitutis irritat matrimonium, num. 1.**Sed non error circa qualitatem personæ, num. 2.***D**VB. 1. *An omnis error dirimat matrimonium.*1. Conclusio. *D. Thom. q. 1. art. 1.* Error essentialium matrimonij tollit matrimonium, cum tollat sensum requisitum pro matrimonio.2. Concl. *D. Tho. art. 2.* Solus error personæ, & error conditionis seruitutis tollit matrimonium. Nam matrimonium includit duo, & personas, quæ coniunguntur, & mutuam potestatem ad inuicem, in qua matrimonium consistit, sed primū tollitur per errorem personæ, & secundum per seruitutem: cum seruus non possit suum corpus alteri tradere sine licentia domini: ergo. *Si arguas*, si baptizes Petrum censens esse Paulum, verè baptizas: ergo si contrahis cum Maria censens esse Ioannam, manes vxoratus. *Ad hoc nego consequ.* Nam baptizans debet habere intentionem baptizandi puerum sibi oblatum, quicumque ille sit; & si eius intentio determinetur ad Paulum, erit sacrilegus, & baptismus nullus. At qui contrahit matrimonium, non tenetur habere intentionem contrahendi cum hac præsentī, sed cum aliqua determinatē. Et si alia supponatur, non erit matrimonium, vt patet, in matrimonio Iacob cum Lia, Genes. 29.3. Conclusio. Error circa personæ qualitatem, vel bona fortunæ, vt si contrahis cum aliqua censens esse virginem, aut diuitem, aut nobilem, quo motus es ad hoc, non irritat matrimonium, cum ista non pertineant ad essentiam matrimonij. Nisi aliās, vt ait *D. Thom. ad 5.* error iste refundatur in personam, vt si taliter intendas contrahere cum ista, quod si non sit virgo, aut diues, aut etiam nobilis, non vis contrahere. Nam error tunc tollit consensum, quo intendis contrahere cum istis conditionibus.

476 DE MATRIMONIO.
ARTICVLVS SECVNDVS.

De impedimento seruitutis .

D. Thomas quæst. 52.

S V M M A R I V M .

Quo iure conditio seruitutis tollat matrimonium, num. 1.

An seruus possit contrahere matrimonium inuito domino , num. 2.

I DVB. 2. *An conditio seruitutis tollat matrimonium .*
1. Conclusio. *D. Thoma q. 52. art. 1.* Seruitus ignorata ab alio coniuge solo iure canonico tollit matrimonium . Ita *cap. 2. & ultimo, de coniug. seru.* Nam seruitus ex natura rei non contrariatur matrimonio , aliàs siue ignorata , siue cognita tolleretur matrimonium . Sed stando in iure naturæ , id solùm tollit matrimonium , quod ei contrariatur : ergo non iure naturæ , sed solo iure humano est nullum , etsi fundetur in iure naturæ , eo quod proles non educatur commodè , nec seruus potest concedere plenam sui corporis facultatem suo coniugi . Et intelligitur conclusio , quando libera contrahit cum seruo , ignorando esse seruum . Nam si seruus contrahat cum ancilla censens esse liberam , valet matrimonium , ut ait *D. Thom. artic. 1. ad 1.* Nam in *capit. si quis liber , & cap. si ingenuus , 29. quæst. 2.* semper est sermo de matrimonio inter liberum , & ancillam , & sic communiter intelligitur . Nam iura intendunt tollere iniuriam alicuius sic contrahentium , sed ambo sunt eiusdem conditionis , & sic nulli fiat iniuria : ergo .

2. Conclusio. *D. Thoma ibi.* Seruitus nota ab alio coniuge libero non tollit matrimonium . Nam iam iste liber cedit iuri suo . Ita *locis citatis.*

2 Dub. 3. *An seruus possit contrahere matrimonium inuito domino .*

1. Conclusio. *D. Thoma art. 2. affirmatiua.* Ita *cap. 1. de coniugio seru.* Vbi dicitur ista matrimonia non esse vetanda . 2. Omnis homo , etiam seruus , habet ius à natura circa naturalia , & ad disponendum de se in ordine ad illa , cum
sit

se sui custos circa naturalia , & ad conseruationem indiuidui per sumptionem cibi , & ad conseruationem speciei per matrimonium . Sed ius humanum non potest derogare iuri naturali : erga cum seruus sit de iure humano , non potest tollere ius naturale conseruandi speciem per generationem , magis quam conseruandi indiuiduum per cibum . Seruus enim non subditur domino circa naturalia , sed circa ciuilia .

2. Conclusio *Dini Thomae ad 3.* Seruus contrahens matrimonium volente domino , omittet seruitutem domini , vt reddat debitum vxori . Nam concedente domino matrimonio , concessit omnia ei annexa . Secus de seruo contrahente inuito , aut inscio domino . Ita *cap. 1. citato* . Sed in his , ait *Din. Thom.* pensentur circumstantiae , vt periculum castitatis in vxore ex negatione debiti , & damnum domini , vt iudices , cui magis seruus obedire teneatur , domino , aut vxori .

3. Conclusio . *Ex D. Thom. ad 4. contra Nauarrum capitulo 21. num. 34.* Peccat mortaliter contra iustitiam dominus vendendo seruum in terras remotas , vbi vxor non potest eum commodè sequi ; cum priuet eos vsu matrimonij , ad quod habent ius ex iustitia . Excusabitur tamen dominus , si id faciat necessitate coactus .

4. Conclusio . *D. Thom. art. 3.* Maritus potest se vendere vxore inuita , non è contra . Nam vir est caput mulieris , & solum subditur ei in pertinentibus ad vsu matrimonij , in quo sunt pares . Sed peccabit vir si id faciat sine necessitate : Sicut & diu discedendo à cohabitatione cum vxore . Tum , ob periculum castitatis in vxore : tum , quia priuat eam facultate petendi debitum .

ARTICVLVS TERTIVS.

De impedimento Voti.

D. Thomas quæst. 53.

S V M M A R I V M.

*An votum simplex castitatis dirimat matrimonium, num. 1.**An qui cum tali voto contraxit matrimonium teneatur intrare religionem ante consummationem, num. 2.**An votum solemne religionis iure diuino dirimat matrimonium, num. 3.**An Sacer ordo illud dirimat, num. 4.***I** DVB. 4. *An votum simplex castitatis dirimat matrimonium.*

1. Conclusio. *D. Thomas quæst. 53. art. 1.* Votum hoc impedit matrimonium, sed non dirimit illud ex natura sua. Ita *capit. meminimus, & cap. rursus, qui clerici, &c.* Nam matrimonium est fortius vinculum, cum in eo fiat actualis traditio corporum, & per votum simplex solum fit promissio; quæ non transfert dominium rei promissæ. Et idem est de voto religionis, vt habetur *cap. meminimus citato*. Dixi ex natura sua. Nam secus fit ex Ecclesiæ statuto, sicut de facto Gregor. XIII. Bull. 26. relata in Bullario Manuelis Rodrig. statuit votum simplex castitatis patrum Societatis dirimere matrimonium, & istos cum tali voto verè, & propriè Religiosos esse declarat.

2. Conclusio. Cum voto simplici castitatis, sicut & Religionis licet contrahere matrimonium, animo tamen non consummandi illud, sed intrandi Religionem intra duos menses induciarum coniugibus in iure concessos ad deliberandum, an sibi expediat Religio. Nam vota ista non repugnant matrimonio, sed solum eius consummationi. Ita *Caietan. & Ledesma, cap. 13. de matrimonio, contra Siluest. verb. matrim. 2. Soto. 38. q. 2. art. 1. & Nauar. cap. 22. num. 73.* Et hoc maxime est verum si ex hoc matrimonio sequitur sponsæ aliqua utilitas; iuxta dicta *quæst. 2. dub. 3.*

2 *An verò qui votis castitatem, & contraxit matrimonium,*
tenetur

teneatur intrare Religionem ante matrimonij consummationem.

3. Conclusio. Si isti suppetit aliud medium pro seruando castitatem, vt si alter coniux ob adulterium, aut aliter amittat ius ad debitum, non tenetur intrare Religionem. Et idem si sit ineptus Religioni, sed potest iste ineptus, etiam interpretatiuè petitus reddere debitum, non tamen petere. Ita communiter cum D. Thom. ad 4. Sed peccauit mortaliter à principio, si cognoscendo istam ineptitudinem duxit vxorem; cum tunc illam duxerit animo consummandi matrimonium.

4. Conclusio. Si isti non suppetit aliud medium pro castitate seruanda, & aliàs est aptus Religioni, probabilius est teneatur illam intrare. Ita ex D. Thom. ad 3. & Palud. d. 38. q. 3. art. 1. Siluest. verb. matrimonium, 2. Caiet. verb. matrimonium, & Ledesma loco citato. Nam iste tenetur seruare castitatem medio moraliter possibili, sed tunc non habet ad hoc aliud medium nisi ingressum Religionis: ergo.

Dub. 5. An votum solemne Religionis dirimat matrimonium. 3

1. Conclusio. D. Thoma art. 2. Votum hoc ex sua natura, & ex iure diuino dirimit matrimonium cum eo contractum. Ita communiter Thomista, & Enriq. tom. 2. lib. 12. c. 5. num. 2. 3. & 7. contra Setum, Palud. Duran. Manu. Rodrig. in quest. regul. to. 3. q. 71. art. 1. Et contra Scholam Patrum Societatis assensum habere illam vim ex solo iure Ecclesiastico. Sed conclusio patet: Nam hoc votum habet dirimere matrimonium à tempore Apostolorum, nec extat lex Ecclesiæ, quæ ei tribuat istam vim: ergo ex sua natura habet illam. 2. Hoc votum dissoluit matrimonium tantum ratum aliàs iure diuino, & naturali insolubile: Sed non potuit Ecclesia conferre ei istam vim supra ius diuinum: ergo illam habet ex iure diuino, & ex sua natura. Et sic à fortiori, ait Enriquez, ex iure diuino habebit vim irritandi matrimonium cum illo contractum. Vide infra q. 5. dub. 3. Si obijcias, Voto solemnì ob solemnitatem conuenit dirimere matrimonium, sed solerinitas conuenit voto accidentaliter ex iure canonico in cap. 1. de voto, & vo. red. in 6. ergo. Ad hoc dico, Minorem esse veram de solemnitate accidentali, quæ consistit in externa benedictione cum conditionibus ab Ecclesia statutis, vt quod fiat professio in Religione elapso anno probationis, &c. & de ista loquitur dicta decretalis. Secus est de solemnitate substantiali consistente in interna conse-

consecratione , & traditione totali sui ad Deum per tria vota . Ista enim conuenit voto solemnī ex sua natura , iuxta illud *cap. cum ad monasterium, de statu monac.* Abdicatio proprietatis , sicut & custodia castitatis , adeo est annexa regulæ monachali , vt contra eam nec Papa possit licentiam indulgere . Et sic qui tenent posse Papam , ex iure scilicet diuino , dispensare cum Religioso ad nuptias , debent asserere , quod iam tunc non manet Religiosus . Aliās si manet Religiosus , cūm amiserit potestatem sui corporis tradendo se eo ad perpetuam continentiam , *vt ait D. Thom.* non potest illud tradere uxori : *Si inſtes* ; quod in dicto *cap. de voto* insinuat , quod ratione solemnitis inuentæ ex Ecclesiæ statuto , votum monachale dirimit matrimonium , nam quaesitus Papa quid sit votum solemnne pro dirimendo matrimonio , ait , & quod voti solemnitas est ex Ecclesiæ statuto , & quod votum solemnizatur per professionem in Religione ab Ecclesia approbata . *Ad hoc dico* , quod cum votum monachale sit traditio , debet acceptari , & Ecclesia ex Dei commissione illud acceptat cum dictis conditionibus . Vnde cum istius voti solemnitas substantialis non stet sine tali Ecclesiæ acceptatione , & accidentali solemnitate , ista solemnitas datur ibi veluti pro signo , quo noscatur quando votum monachale dirimit matrimonium : cūm tamen id habeat ex solemnitate substantiali , seu ex sua natura , quæ constat ex Christi institutione , ac sic de iure diuino . *Si arguas* , Cum voto simplici castitatis stat matrimonium ; ergo & cum solemnī , cum sint eiusdem speciei , & obiecti . *Ad hoc dico ex D. Thom. ad 3.* quod votum simplex est promissio sola , at votum solemnne est promissio , & datio , seu traditio , quæ transfert dominium : & sic non valet consequentia .

4 Dub. 6. *An Ordo Sacer dirimat matrimonium .*

1. Conclusio . *D. Thom. art. 3.* Ordo Sacer ex sua natura nec dirimit , nec impedit matrimonium , sed ex statuto Ecclesiæ Latine , in *cap. 1. & 2. qui cleri. vel vo. & in Clem. 1. de consang. & in Concil. Trid. sess. 24. ca. 9.* vbi clerici inhabilitantur ad matrimonium . Et si attentent contrahere , excommunicantur , & sunt irregulares . Congruum enim est , vt accedentes ad altare sanctificentur per munditiam carnis , & spiritus .

2. Conclusio . *D. Thom. art. 4.* Si maritus reclamante uxore , etiam non consummato matrimonio , ordinetur , manet irregularis , etiam mortua uxore , & peccat mortaliter . Ita in ex-

trans. antiqua, de voto. Et intelligitur, etiam si matrimonio non consummato habeat animum intrandi statim religionem. Nam ius citatum videtur intendere, quod matrimonium, & Ordo Sacer non sint simul: cum inhabiliter iam ordinatum ad matrimonium contrahendum. Et si non dissolvit contractum, facit quod potest vetando tales ordines reclamante vxore, habente alias ius reclamandi. Nam si dedit causam diuortij, amisit ius ad virum, & tunc ea inuita, licet ordinatur. Iste autem, de quo in 2. Conc. tenetur in sententia veriori, ait Ledesm. c. 13. de mat. intrare Religionem ante consummatum matrimonium. Et si nolit, tenetur post duos menses induciarum consummare illud petitus; & deinceps tenetur reddere debitum. Ita in *extran. cit.* & *D Tho. ad 1.* Ipse vero non potest petere; & si petat, ait D. Thomas, non tenetur vxor reddere; nam recipiendo ordines, cessit iuri petendi.

1. Conclusio. D. Thom. artic. 4. Vir ordinatus de licentia vxoris, etiam matrimonio consummato, non priuatur vsu ordinum. Ita cap. seriatim d. 32. vbi dicitur, non licere ascendere ad sacros Ordines, nisi de licentia vxoris. Et quod si vxor consentit, priuatur iure petendi debitum, & tenetur vouere castitatem. Imò si sit iuuenula, cuius castitas periclitatur, tenetur intrare Religionem. Ita ex *D. Thom. ad 2. Vide infra qu. 5. dub. 3.*

10

ARTICVLVS QVARTVS.

De impedimento consanguinitatis.

D. Thomas quæst. 54.

S V M M A R I V M.

Quid sit consanguinitas, & diuersi illius gradus. n. 1.
In quo gradu dirimat matrimonium. n. 2.

DVB. 7. An consanguinitas dirimat matrimonium.

1. Conclus. D. Tho. quæst. 54. art. 1. Consanguinitas est vinculum ab eodem stipite descendendum carnali propagatione contractum. Ita communiter diffinitur. Et nota ex *Diu. Thom. artic. 2.* esse tres lineas consanguinitatis 1. est linea recta descendendum à Patre in filios, nepotes, &c. 2. Linea recta

11

Hh

ascen-

ascendentium à filiis in patrem, auum, &c. 3. Est linea transuersalis sumpta per comparisonem plurium ab eodem stipite descendantium, sicut plures fratres sunt in ista linea. *Et pro linea recta, nota* quod si inter personas istius lineæ non mediat alia persona, sunt in primo gradu, sicut pater & filius: Et si mediat, tot erunt gradus, quot personæ mediæ numerando vnum extremum, sicut auus & nepos sunt in 2. gradu. *Et pro linea transuersali, nota* quod si duo sunt in ista linea, in gradu quo distant à stipite, distant inter se, vt duo fratres sunt in primo gradu: & si distant inæqualiter à stipite, in gradu quo remotior eorum distat à stipite, distant inter se. Ita *cap. vir. qui, de consang.* Et sic filius & nepos Petri sunt in 2. gradu. Vnde qui distat à stipite in quinto gradu, licet contrahit matrimonium cum eo qui distat ab eodem stipite in 4. 3. 2. vel primo gradu. Ita ibi cum glossa.

2

2. Conc. D. Tho. art. 3. Consanguinitas in primo gradu lineæ rectæ iure naturæ tollit matrimonium. Nam ex natura matrimonij oritur æqualitas inter coniuges, sed inter patrem & filiam, v.g. iure naturæ est inæqualitas, subiectio, & dominatus: ergo. Et ex hoc patet esse probabilius, quod non solum in primo gradu, sed & in alijs lineæ rectæ iure naturæ est nullum matrimonium: Ita vt si Adam esset in mundo, nullam feminam posset in vxorem ducere. Cum omnes ei vt principio debeant naturalem subiectionem.

3. Conclusio. D. Thom. artic. 4. Matrimonium in 2. 3. & 4. gradu lineæ transuersalis, est nullum ex solo iure ecclesiastico c. non debet, de consang. & sic solos obligat baptizatos. Nec infideles sic coniugati separentur si baptizentur. Ita *cap. de infidelibus, de consanguinit.* Et istorum filij sunt legitimi. Ita *cap. gaudemus, qui filij sint legi.* At consanguinitas istius lineæ in primo gradu, vt inter duos fratres, iure naturæ tollit matrimonium. Et sic Papa in nullo casu potest dispensare cum istis: & oppositum *Caiser. 2. 2. q. 54. artic. 9. & Barto. de Ledesm. diff. 27. de matrimon. & Man. Rod c. 224.* est improbable, ait *Ledesm. c. 14. de matri.* cum sit contra communem sententiam. Et patet ex vsu Ecclesiæ, quæ nunquam in hoc dispensauit. Solus enim Deus dispensauit cum duobus primis fratribus filiis Adæ.

ARTICVLVS QVINTVS.

De impedimento affinitatis.

D. Thom. quæst. 55.

S V M M A R I V M.

*Quid sit affinitas, & ex quo causetur, n. 1.**Affinitas orta ex matrimonio ad quem gradum extendatur, num. 2.**Ex sponsalibus de futuro qualis affinitas oriatur, n. 3.**Quomodo affinitas dirimat matrimonium, n. 4.**Quid si superveniat contractio iam matrimonio, n. 5.***D**VB. 8. *Quid sit affinitas, & ex quo causetur.*

1. Conclusio. D. Thom. qu. 55. art. 1. & 3. Affinitas est **I** propinquitas personarum ex carnali copula, aut ex eius potestate proveniens. Et in ista vltima particula denotatur affinitatem causari etiam ex matrimonio non consummato; et si Canonistæ vocent hoc impedimentum publicæ honestatis, dirimens matrimonium intra quartum gradum. Et à Congregat. Cardin. declaratur non oriri affinitatem ex matrimonio non consummato, *ut refert Farinac. super Conc. Trident. sess. 24. c. 3. & Nauar. lib. 4. conf. 11. de spon.* At D. Thom. & communiter Theologi vocant hoc impedimentum, affinitatem. Sed quæstio est de nomine; parum refert, an affinitas, aut aliter vocetur.

2. Conclusio. D. Thom. art. 3. Affinitas etiam causatur ex copula illicita. *Ita cap. neque eam, & ca. super eo. 35. q. 3.* Nam per istam copulam efficiuntur coeuntes vna caro iuxta illud 1. Coriath. 6. *Qui adhares meretrici, vnum corpus efficitur.* Et nota, quod sola copula, ex qua ex se nata est sequi generatio, et si de facto non sequatur, causat affinitatem. Ita communiter, & sic et si a pertione, aut penetratione foemine claustrum per copulam carnalem consummetur matrimonium, at affinitas proveniens ex copula sola non causatur vsque ad seminationem in vase legitimo, et si claustra non rumpantur. Nam vsque ad seminationem non efficiuntur

coeuntes vna caro, & vnum principium generationis. Ex-
 fat est seminatio ex parte viri; nam semen feminae, ait *Aristoteles libr. de generatione animalium capit. 20. & lib. 2. cap.*
 4. est impertinens ad generationem. Nec fuit in sacratissi-
 ma Virgine cum genuit Christum, vt ostenditur cum Diu.
 Thom. 3. part. quæst. 32. articul. 4. Et quando Diu. Thom.
 articul. 3. ait quod ad affinitatem requiritur commixtio se-
 minum viri, & feminae, per semen feminae intelligitur,
 aut verum semen, aut sanguis menstruus tenens se loco se-
 minis.

3. Conclus. D. Tho. art. 7. & 8. Gradus affinitatis desumun-
 tur iuxta gradus consanguinitatis. Itaque vir est in eo gradu
 affinitatis cum altero, in quo iste est cum sua coniuge in gra-
 du consanguinitatis. Ex eo enim quod vir & vxor sunt vna
 caro, communicant in parentela.

3 4. Conclusio. Affinitas orta ex matrimonio extenditur ad
 quartum gradum. At affinitas orta ex copula illicita non ex-
 cedit secundum gradum. Ita in Conc. Tridentin. sess. 24. cap. 4.
 Et hoc magis declaratur à Pio V. in motu incipiente, Ad Ro-
 manum spectat Pontif. 4. Kalend. Decembr. anni 1566. vbi
 dicitur, quod affinitas tertij, aut quarti gradus, orta ex copu-
 la illicita, nec impedit, nec dirimit matrimonium. Ex quo
 patet contra aliquos, quod maritus accedens ad consanguineam
 vxoris in tertio gradu, nec commisit incestum, nec pri-
 uatur iure petendi debitum à sua vxore, siquidem si ista co-
 pula antecederet matrimonium, non impediret illud, & pos-
 set petere debitum. Ita etiam declarauit Gregorius XIII.
 ex sententia congregatio. Cardinal. vt refert. Farinac. su-
 per Concil. Trident. session. 24. capit. 4. Et decis. 182. volum.
 4. refert aliam declarationem Cardinalium, quod in affini-
 tate orta ex fornicatione attendatur gradus remotior, si, quod
 possunt contrahere matrimonium, qui simul secundo & ter-
 tio gradibus, idest, tertio cum secundo gradu affinitatis ex
 fornicatione inducæ coniunguntur, vt si coisti. cum Maria,
 potes ducere in vxorem Ioannam filiam priuigni Mariæ, aut
 e contra.

4 5. Conclusio. Diu. Thomæ articul. 4. Ex sponsalibus
 de futuro causatur iustitia publicæ honestatis dirimens
 matrimonium in primo gradu lineæ rectæ, & transuer-
 salis. Ita Concil. Tridentin. session. 24. capit. 3. Nam ex
 promissione nuptiarum fit quædam vnio, licet inchoatiue,
 inter

inter sponſos: ergo conſanguinei vnius ſponſi alteri vniuntur, ratione cuius ſponſus a ccedens ad matrem, aut ſororem ſuæ ſponſæ committit inceſtum, eſſi imperfectum; ſed explicandum in confeſſione. Et intelligitur conſuſio. ait Nauarr. capit. 22. numer. 58. ſi aliàs ſponſalia fuere legitima, non ſi fuere nulla ex quauis cauſa, vt declaratur in Concil. citat. moderando in hoc caput ex ſponſalibus, de ſponſ. in 6. Item ſponſalia conditionata ſuſpentione conſenſum in futurum, vt ſi dicas promitto te in vxorem ducere, ſi factis denuntiationibus non ſit impedimentum, non cauſant hoc impedimentum. Ita congregat. Cardin. vt reſert Farinacius ſuper Conc. Trid. ſeſſ. 24. caput. 3. Item cap. ex ſponſalibus citat. dicitur, quod ſi ſponſalia fuere pura, id eſt abſoluta, & non ſub conditione, contrahitur hoc impedimentum.

Dub. 9. *An affinitas dirimat mairimoniũ.*
 1. Concluſio. D. Thom. quæſt. 55. artic. 6. Affinitas dirimit matrimonium cum ea contractum ex iure Eccleſiaſtico, in capite non debet 35. quæſtion. 3. & ſic ſolum impedit baptizatus. Ita Nauarrus lib. 4. conſil. 12. de conſanguinitate. Et ſic diſpenſat Papa in omni gradu affinitatis, ſicut diſpenſauit cum Henrico Rege Angliæ, vt cum Catharina vxore fratris ſui matrimonium iniret. Nota quod in Clement. vii. de conſanguinit. excommunicantur conſanguinei, affines, religioſi, moniales, & ſacris ordinibus initiati, attentantes ſcienter contrahere matrimonium. Ex quo patet 1. quod ſicte contrahens, & ſine vero conſenſu, non intendit contrahere; & qui omittit aliquod neceſſarium pro matrimonio, non contrahit matrimonium. Exigitur enim in dicto decreto, quod quantum eſt ex parte ſua intendat contrahere matrimonium, quod; aliàs non obſtante conſanguinitate, affinitate, &c. eſſet verum matrimonium. 2. Patet, quod non ſola ignorantia facti, ſed & ignorantia etiam vincibilis iſtius legis excuſat ab iſta excommunicatione. Nam dicitur ibi, quod qui ſcienter, &c. vbi abſolute requiritur ſcienter: ergo non eſt reſtringendum ad ſolam ſcientiam facti, maxime quia ſcientia abſolute opponitur omni ignorantie iuris, & facti, vincibili, & inuincibili, dum non ſit affectata, quæ red- dit actum in naturam ſuæ formæ. Et ita ſentis Diuus Anton. Caietan. Silueſter, Nauarrus relati à Ledefma cap. 15. de matrim.

5

2. Conclusio. Diu. Thomæ ibi. Affinitas matrimonio superueniens non dirimit illud; cum sit insolubile. At qui culpabiliter dedit causam affinitati, priuatur iure petendi debitum, sed tenetur ex iustitia reddere, etiam interpretatiuè petitem. Ita *c. tua fraternitatis, de eo qui cogn. consang. uxor.* quia alter coniux ob istius malitiam non debet suo iure priuari. Nec tenetur ille, etsi nondum consummasset matrimonium, religionem intrare. Ita *communiter contra Siluest. verb. matrimonium.* 8. Dixi culpabiliter: Nam si inculpabiliter accessit ad consanguineum viri sui, non priuatur iure petendi debitum, vtpotè si cum ignorantia inuincibili: Nam cum sic non sit incestuosa, excusatur à pena incestus. Ita *Enriquez. cum alijs, tom. 2. lib. 12. capitul. 2. numer. 2. ex cap. discretionem, sicul. citat.* Nam vt ibi dicitur, sine culpa non debet quis priuari iure suo. Et idem est, vt ibi dicitur, si coacta illud fecit. *Si arguas,* si talis affinitas coacta aut ignorata, antecederet matrimonium, dirimeret illud: ergo post matrimonium (causata priuat saltem iure petendi debitum: *Ad hoc nego consequentiam.* Nam ante matrimonium non habes ius contrahendi cum consanguinea alterius à te vi aut ignoranter cognitæ: at post matrimonium habes ius petendi debitum ab ea, quo sine culpa priuari nequis.

3. Conclus. Si ambo coniuges dederunt culpabiliter causam affinitati, priuantur iure petendi debitum. Patet ex 2. conclus. Nec est idem de vouente castitatem ante matrimonium, qui etsi peccet contra votum petendo debitum, non tamen contra iustitiam. Et sic alter non potest negare debitum ab isto petitem.

ARTICVLVLVS SEXTVS.

De impedi. cognatio. spiritualis, & legalis.

D. Thomas quæst. 56.

S V M M A R I V M.

*Vnde & inter quos contrahatur cognatio spiritualis, num. 1.**An patrini per procuratores & non tangentes puerum, illam contrahant. num. 2.**An tenentes puerum in necessitate, num. 3.**An non baptizati, num. 4.**Quid sit cognatio legalis & inter quos contrahatur, num. 5.**An ha cognationes dirimant matrimonium, num. 6.***D**VB. 10. *Ex quibus causis ista oriuntur.*

1. Conc. D. Th. q. 56. art. 2. Cognatio spiritualis contrahitur solo Baptismo, & Confirmatione. *Ita c. quamuis, de cogn. spiri. & in Conc. Trid. sess. 24. c. 2.* & nullibi habetur, quod contrahatur per alia Sacramenta. Ex hoc patet, quod etsi iuxta aliquos Thomistas sit explicandus in confessione accessus ad filiam confessionis, & D. Th. ad 8. videatur hoc insinuare, dum ait, quod tantum in illo accessu peccat, ac si esset sua spiritualis filia; cuius etiam signum est, quod in c. omnes, & c. si quis, 30. q. 1. ponitur poena isti delicto; tamen alij Thomistæ tenent oppositum. Nam in iure non habetur, quod per confessionem contrahatur aliquod vinculum, ut etiam ait D. Th. ibi. Sed utraque sententia, ait Led. c. 17. de matrim. est probabilis.

2. Conclusio. Ista cognatio contrahitur inter baptizantem, seu confirmantem, cum baptizato, seu confirmato, ac patribus eius: & inter patrum baptizati, seu confirmati, cum baptizato, seu confirmato, ac patribus eius. *Ita in Concilio Trid. sess. 24. c. 2.* ubi tollitur ius vetus, in quo extendebatur ista cognatio ad filios baptizati, & patrini. Inter patrilos ad inuicem non etiam contrahitur ista cognatio, [ut declarauit Pius V. in motu incipiente, Cum nullus vicem.

Es nota 1. quod ut patrini contrahant istam cognationem debent realiter tangere puerum quando actualiter baptizatur, 2

H h 4 zatur,

zatur, vt declarauit congregatio Card. Episcopo Abulensi circa matrīnam, quæ solum induit puerum iam baptizatum. Ex quo patet, magnates, qui sunt patrini per procuratores nō contrahere istam cognationem, sed solos procuratores tangentes puerum. Ita communiter Theologi, & Canonistæ, quos sequitur Nau. l. 4. conf. 6. de cognat. spiri. contra Marli. & alios: licet ibi referat congregationem Car. declarasse istam cognationem non à procuratoribus, sed à magnatibus contrahi. Et ita tenet Sā, ver. matrimonij impedim.

3 Nota 2. Tenentes puerum in baptismo necessitatis, non contrahere istam cognationem. Ita Ledesm. cap. 17. de matr. & Manuel Rod. 1. par. ca. 224. Nam Concilium solum loquitur de patrinis in baptismo solemnitatis, dum ait, quod parochus interroget qui sint patrini: Vbi nota, quod si ex negligentia parochi non designentur patrini, omnes & soli tangentes puerum contrahunt istam cognationem. Ita Nau. cap. 22. n. 39. Ledes. & alij contra Man. Rod. Et si designentur aliqui, & acceptentur à parcho, etiam plures quam petit Concilium, soli designati, non alij etiam tangentes, contrahunt cognationem, vt dicitur in Conc. cit. de quo Nauar. lib. 4. conf. 7. de cognat. spiri.

4 Nota 3. ex D. Tho. art. 3. ad 3. Non baptizatum, cum non sit membrum Ecclesiæ, non posse esse patrum in Baptismo, & si de facto sit, non contrahere istam cognationem, etiamsi postea baptizetur. Nam cum tunc sit expertus vitæ spiritualis, non potest spirituales cognationem contrahere. Et ob id non contrahitur cognatio cum patre baptizati non baptizato. Et idem est de non baptizato baptizante. Secus de baptizato non confirmato baptizante, aut tenente baptizandum, aut confirmandum. Nam iste iam habet vitam spirituales. Ita Nau. conf. 1. Sil. ver. matrimonium. 8. Item infans non doli capax si sit patrinus non contrahit istam cognationem. Ita Nauar. conf. 2. & 3.

5 3. Conc. ex D. Th. q. 57. art. 1. Cognatio legalis contrahitur ex adoptione perfecta, facta cum solemnitatibus iuris ciuilibus, vtpotè, auctoritate Principis, & ex consensu adoptantis & adoptati, & per quam adoptatus traducitur in potestatem adoptantis, & succedit intestato in hæreditate, nec adoptans potest eum sine culpa priuare quarta parte hæreditatis, vt ait D. Thom. ad 1.

4. Concl. D. Tho. art. 3. Ista cognatio contrahitur. 1. Inter adoptan-

adoptantem & adoptatum, & filios adoptati vsque ad quartum gradum. 2. inter adoptantem, & vxorem adoptati, & inter adoptatum, & vxorem adoptantis. 3. inter adoptatum, & filios legitimos adoptantis. Sed ista tertia species non est perpetua, sicut alia dux, sed durat dum alter eorum non emancipatur. Ita *insti. de nuptijs*, §. ergo & c. de *cong. legali*.

Dub. 11. *An dicta cognationes dirimant matrimonium.*

1. Conclusio D. Thom. art. 2. Adoptio perfecta dirimit matrimonium, cum ea contractum. *Patet ex cap. ita diligere* 30. q. 1. Et idem est de cognatione spirituali antecedente matrimonium, etiam contracta in extrema necessitate, vt si baptizes filium Mariæ, tunc non potes cum ea matrimonium contrahere. Ita D. Thom. q. 56. art. 1. ex *conueniens. de cogn. spirit.*

2. Conclusio D. Thom. loco cita. Cognatio spiritualis sequens matrimonium, non tollit ipsum, sed priuat dantem causam illius culpabiliter iure petendi debitum sicut dixi de affinitate. Et intelligitur *ait D. Thomas* 1. Extra necessitatem. Nam si pater baptizet filium suæ vxoris in extrema necessitate, quando non est alius qui baptizet, non priuatur iure petendi debitum, cum sine culpa non debeat suo iure priuari. Ita *cap. ad limita* 30. q. 1. Ex quo non sequitur patrem baptizantem filium ex fornicatione susceptum posse post hoc contrahere matrimonium cum matre istius, cum ad id non habeat ius, iuxta dicta dub. 92. Intelligitur; *ait D. Thom.* seclusa ignorantia inculpabili iuris, & facti, vt *explicat Soto*, d. 42. q. 1. ar. 1. & *Ledesma cap. 7. de matrimon.* Si enim pater baptizet filium ignorando inculpabiliter dictam legem, aut illum esse filium suæ vxoris, potest petere debitum ab vxore. Ita *cap. si vir, de cogn. spirit.* Et dictorum est ratio. Nam sine culpa non debet suo iure priuari, vt etiam dicitur *cap. discretionem, de affinitate*.

490 DE MATRIMONIO.
DE DISPENSATIONE IN
dictis impedimentis.

S V M M A R I V M.

Quis dispensez impedimentis dirimentibus antecedentibus matrimonio, num. 1.

Quis in impedimento affinitatis, num. 2.

Causa requisita ad dispensandum, num. 3.

An in petitione dispensationis debeat fieri mentio omnium impedimentorum, num. 4.

An quavis expressio falsi annullat dispensationem, num. 5.

An petentes dispensationem pro consanguineis debeant facere mentionem copulae habitae inter eos, num. 6.

I DVB. 12. *Quis dispensez in dictis impedimentis.*

1. Conclusio. Si impedimenta dirimentia antecedant matrimonium, solus Papa dispensat pro matrimonio contrahendo de lege ordinaria. Patet ex usu, de quo Sil. verb. *matrimonium* 6. & Nau. in man. c. 22. n. 84. Sed in casu raro, quando matrimonium est iam publicè celebratum cum impedimento occulto, & bona fide, si alias non patet facilis aditus ad Papam ob paupertatem contrahentium, aut ob aliud simile, nec possit fieri separatio sine magno scandalo, tunc probabile est posse Ordinarium in foro occulto conscientiae dispensare cum consanguineis, affinibus, &c. vt de nouo in secreto inter se renouando consensus contrahant matrimonium. Ita Nau. l. 4. conf. 14. de consang. Ange. Arm. ver. dispensatio. n. 20 Sil. n. 15. Sorq. Enriq. tom. 2. lib. 12. c. 3. n. 2.

2. Conclusio, Commissario Cruciatæ in Bulla plumbea, alijs commissarijs subdelegatis singularim diœcesium per Clem. VIII. concessum est, posse in foro conscientiae dispensare cum eo, qui bona fide cum affinitate ex fornicatione orta contraxit matrimonium publicè, vt iterum in occulto sine parrocho & testibus valide contrahat. Triplici tamen limitatione. 1. Quod illud impedimentum affinitatis sit omnino occultum, 2. Quod vnus saltem contrahentium ignarus talis impedimenti bona fide contraxerit, 3. Quod iste sic ignarus, antequam secretè contrahant, de nullitate prioris consensus certificetur: tacita tamen causa nullitatis, si videbi-

si videbitur, ob vitanda scandala. Et vt ista dispensatio, fiat, requiritur, quod sequatur scandalum ex eo, quod matrimonium dissoluitur, quod regulariter continget. *Vbi nota*, quod ambo tenentur repetere consensus, cum priores ob impedimentum fuerint nulli. Nec iterum sint reualidabiles etiam a Papa sicut nec absolutio, quæ ex defectu iurisdictionis fuit nulla. Ita *D. Thom. & communiter in 4. dist. 35. & Nauar. lib. 4. cons. 12. 13. & 14. de spons.* Imò & quando prius matrimonium fuit nullum ex defectu consensus vnus contrahentium, securius repetuntur ambo consensus, vt sic saluetur simultas inter materiam, & formam istius Sacramenti; quod saltem videtur necesse pro matrimonio, postquam inter Christianos habet rationem Sacramenti. Et si possit dici, sat esse, si qui fictè contraxit repetat suum consensum, & quod consensus alterius aliàs legitimus, semper durat dum non retractatur.

3. Conclusio. Circa impedimenta affinitatis superuenientia matrimonio, conceditur dictis commissarijs loco citato, dispensare cum istis incestuosis in petitione debiti. Et idem possunt Religiosi ab ordinario approbati, ex commissione suorum Prouincialium. Ita concessit Pius V. inter vicia ora. relata a Man. Rodrig. in compendio. Imò & idem potest Episcopus in sententia satis probabili. *D. Anton. 3. part. tit. 1. cap. 16. § 4. Paludan. in 4. dist. qua. st. 1. art. 2. Siluest. verb. matrimonium, 7. contra Couar. Epitom. de spons. 2. part. cap. 7. § 2.*

4. Conclusio. Ordinarij, & Legati Papæ in suis legatijs possunt dispensare in impedimentis non dirimentibus, exceptis impedimentis interdicti, sponsalitijs, voti castitatis, & Religionis. Ita *Caiet. verb. matrimonium, Nauar. c. 22. num. 85. & Ledesm. c. 27. de matrim.* Nam Episcopus in hoc non est restrictus. Et hoc ipsum, sicut & alia supra dicta, potest Episcopus alijs delegare, vt ait *Ledesm.*

5. Conclusio. Ad dispensandum in prædictis requiritur causa rationalis, vt ait *Nauarr. num. 21. 86. & 87. Ledesm. & Enriq. tom 2. lib. 12. cap. 3. num. 9.* Et inter istas, prima sit parentum concordia, & sedatio litium, & inimicitiarum. 2. Scandalum, quod timetur ex separatione matrimonij ex ignorantia celebrati inter consanguineos, aut affines. 3. Si quis habuit prolem ex consanguinea, aut affine, aut de hoc sit præsumptio, aut scandalum. 4. Defectus dotis competentis cum extraneo sibi æquali, ita vt in suo oppido (quid-
quid

quid sit de vicino) non inuenit virum sibi æqualem, qui eam velit cum illa dote. 5. Ob conseruandam illustrem familiam in eodem sanguine, aut successionem Regni. 6. Si cognatus dotat cognatam pauperem, hoc enim pertinet ad causam piam; aut si diues, & nobilis petat cognatam pauperem, quia sic implicite auget dotem. 7. Si maior pars populi est sibi consanguinea, ita vt difficile cum extraneo contrahere possit, erit iusta causa pro dispensando in quarto, & aliquando in tertio gradu. Et quanto gradus sit maior, requiritur maior causa pro dispensando. Et sic in *Concilio Tridentino sess. 24. cap. 6.* statuitur, quod in secundo gradu consanguinitatis non dispensetur, nisi cum magnis Principibus, & ob publicam causam. Et nomine Principum intelligunt *Enriq. & Molina. lib. 1. de primog. cap. 2. num. 24.* principales personas, seu diuites. Et ita est vsus dispensandi cum istis. Et nota, quod si obtenta dispensatione, dubites de eius valore, an testes dixerint verum, si matrimonium sit celebratum, depone scrupulum; cum in dubio melior sit conditio possidentis: at si non sit celebratum, non celebretur.

6. Conclusio. Papa scienter sine causa dispensans, etsi peccet mortaliter, & etiam petentes, & videntes scienter tali dispensatione, tamen dispensatio valet. Nam Papa est supra ius canonicum. Ita *Ledesma. cap. 23. de matrim.*

4 Dub. 13. *An in petitione dispensationis debeat fieri mentio omnium impedimentorum.*

1. Conclusio. Omnia impedimenta, etiam implicata intra eandem speciem, & gradum, vt si duo sint consanguinei, & affines, aut habent cognationem spiritualem, & legalem, aut sint consanguinei, siue affines ex vtroque parente, sunt declaranda in litteris petitionis, taliter quod Papa sciat illa impedimenta concurrere in eadem persona, alias si petantur seorsum dispensationes super singula impedimenta, neutra dispensatio valebit. Ita *Ledesma cap. 23. de matrimonio. Enriq. lib. 12. cap. 1. num. 3. Soto, d. 41. art. 2. & communiter contra Nauar. cum Panormit. & alijs lib. 4. cons. 7. de consang. & Mann. Rodrig. cap. 237. & contra alios. Et nota, quod si putans esse cum Maria in secundo gradu, obtenta dispensatione scis esse cum ea in tertio, non eges alia dispensatione. Ita *Mannel. Rodrig.* Item si vnus contrahentium distet à trunco in secundo gradu, & alter in tertio, valet dispensatio obtenta, etsi in petitione dispensationis solum fiat mentio de tertio gradu, im-*

petran-

petrando postea litteras declaratorias super secundum gradum, dum tamen primum gradum non attingant. Ita declaravit Pius V. in motu incipiente, *Attendens*, 20. Augusti, anni 1566. Itaque primæ litteræ non sunt subreptitiæ, eo quod in eis non fit mentio proximioris gradus in dicto casu.

2. Conclusio. Qui scienter cum impedimento dirimente attentavit contrahere matrimonium, & à fortiori si illud consummavit, tenetur omnia ista declarare in petitione dispensationis impedimenti, alias dispensatio erit nulla. Ita *Ledesm. cum alijs in addit. quest. 56. art. 4.* Nam in tali petitione tacetur aliquid de iure manifestandum. Dicitur enim in *Concil. Trid. sess. 14. c. 5* quod scienter contrahens in gradu vetito careat spe dispensationis. Imò si ignorando tale impedimentum, matrimonium contraxerunt omiſſis publicis denuntiationibus in Ecclesia, aut si contraxerunt sine parochio, & testibus, & id non declararunt in litteris petitionis dispensationis, etiam erit nulla dispensatio, ut patet *ex Concl. cit.* Nam non est dignus Ecclesiæ benignitate, qui eius præcepta contemnit.

An verò quavis expressio falsi in litteris petentibus dispensationem, annullat dispensationem. Ad hoc dico primo: Expressio falsi maxime ex ignorantia petentis, si per hoc Papa non fit promptior ad dispensandum, non vitiatur dispensationem obtentam. Ita *Enriquez tom. 2. lib. 12. cap. 2. num. 7. cum Nauar. lib. 3. cons. 78. de regul.* Imò nec tacitis, quæ retardarent concessionem dispensationis ex praxi, & stylo curiæ, vitiatur dispensationem in conscientia, quando expressio iure non iubetur explicari. Ita *Nauar. & alijs citati, & Conar. 2. par. cap. 6. § 7. num. 1.*

Dico 2. Expressio falsi, quæ est causa sine qua non, & principalis, ut Princeps ad concessionem dispensationis moueatur, inualidat eam in utroque foro, ut si ut allicias Papam ad dispensandum, dicas mendaciter interuenisse copulam, aut prolem. Ita Doctores citati. Secus si fuit motiuum secundarium, ut facilius Papa dispensaret. Ita *Conar. 1. variar. 20. num. 1. cum Felin. cap. super litteris, & alijs.*

Dico 3. Si iura iubent exprimi, quæ solent magnam ingerere difficultatem Principi ad dispensandum, & occultentur, non valet dispensatio obtenta. Ita *Nauar. cap. 22. num. 86. cum Rosa nona. Enriq. tom. 2. lib. 12. cap. 3. num. 7. cum Felin. Cordub. Sarmienti. & alijs.*

Dub. 14. *An in litteris petentibus dispensationem pro consanguineis, aut affinibus, &c. facienda sit mentio copula incestuosa habita inter eos.*

- 6 Et non est sermo de copula habita obtenta dispensatione, & licentia contrahendi. Ista enim non irritat dispensationem obtentam, cum iam sint habiles ad contrahendum. Ita *declavit Congregatio Cardin. ut refert Farinac. super Concil. Trid. sess. 25. cap. 5. & Cord. in sum. q. 45.* Nec est sermo de copula habita inter istos antequam intenderent contrahere. Ista etiam non irritat dispensationem postea obtentam, etsi occultetur. Ita *Ludov. Lop. 1. par. cap. 296. Manuel. Rodrig. 1. par. cap. 246. & Nauar. cap. 22. num. 86.* Et licet Farinac. referat declarationem Cardin. in oppositum, sed potest explicari, aut de copula habita post tractatum de contrahendo, quidquid aliter intelligat Farinac. ibi, aut pro tempore Pij V. sic explicantis mentem suam. Sermo est de copula habita inter prædictos, postquam tractarunt de contrahendo, & cum intentione facilius obtinendi dispensationem, quæ communiter vocatur copula malitiosa. An debeat fieri mentio istius copulæ, & cum ista intentione habitæ.

1. Conclusio. Si Papa committit ordinario, ut dispense cum aliquibus, dum tamen copulam non habuerint, non valet dispensatio occultata copula, sicut & in tempore Pij V. non valebat: ipse enim declaravit non esse mentem suam dispensare cum occultante talem copulam, *ut refert Nauar. lib. 4. consil. 8. de consang.* Et ita etiam censuit pro tempore Pij V. Congregatio Cardin. *ut refert Ioan. Gutier. in quæst. canon. cap. 15. num. 23.* Non tamen reputo verum, quod ait *Enriq. tom. 2. lib. 12. cap. 2. num. 7. in gloss.* quod dicta conditio nunquam solet addi per modum conditionis, sed ut modus, & onus, & quod hoc debet examinare commissarius.

2. Conclusio. Seclusa prædicta conditio valet in foro conscientie dicta dispensatio, etiam dolosè occultata copula incestuosa. Quia non habetur in iure, ut exprimatur. Ita *consulti Roma, & Hispania graves Doctores, & Nauar. lib. 5. consil. 1. & 2. de consang. & consil. 2. de spons. Enriquez, num. 6. littera P. cum Moia, Ver, Meneses, Sarmiento.* Et est receptum in praxi in diocesi Salmantina, Palentina, & alijs. Vide *Enriq. cap. 13. num. 8. lis. T. X.* Ex dictis patet à fortiori decisio casus, qui contingit in oppido de Yepes an-

no 1604. circa festum Purificationis, ubi duo consanguinei post commissionem factam Ordinario ad dispensandum cum eis, & antequam talis commissio Ordinario presentaretur habuerunt copulam. Et adhuc ista copula non irritauit dispensationem, sed præceptum est paracho sub certa pœna à consiliarijs Archiepiscopi, vt non obstante ista copula, eos matrimonio iungeret. Et hanc doctrinam in eorum fauorem ego semper contra alios defenſaui. De quo etiam *vide Nauar. lib. 4. cons. 10. & 11. Ludou. Lop. Enriq. lib. 12. cap. 2. num. 530m. 2. Ledesm. & Man Rodrig. 1. par. cap. 137. conclus. 8.*

ARTICVLVS SEPTIMVS.

De frigiditate, maleficio, amentia, &c.

D. Thomas quæst. 58.

S V M M A R I V M.

Qua impotentia viri dirimat matrimonium, num. 1.

Qua impotentia femina, num. 2.

An maleficiũ illud dirimat, num. 3.

An amentia, num. 4.

An defectus ætatis, num. 5.

DVB. 15. *An frigiditas, seu impotentia naturalis dirimat matrimonium.*

1. Conclusio. *D. Thom. quæst. 58. artic. 1.* Impotentia ista perpetua, & perfecta, vtpotè quando nec potes seminare in vase legitimo, nec erigere, & immittere membrum in vuluam mulieris, dirimit matrimonium cum ea contractum, etiamsi talis impotentia, ait *D. Thom. cum Porreſſa ad 4.* sic nota coniugibus, contra *D. Anton. & Palud. Ita cap. quod sedem, & cap. ex litteris, de frigid. & malef.* Nam in contractu matrimonij obligantur coniuges reddere debitum, sed habenti talem impotentiam est impossibilis debiti redditio: ergo. Nec possunt coniuges cedere iuri suo, cum matrimonium non solum ordinetur in bonum contrahentium, sed & in bonum naturæ. Dixi, impotentia perfecta perpetua: Nam si sit temporalis, quæ processu ætatis, aut arte humana, & sine periculo mortis tolli potest, non tollit matrimonium: *vs sic*

Dinu 1

Diuus Thomas, etsi ignoretur à coniugibus, *contra Soto*. Ita communiter, & habetur capit. fraternitatis, titulo citato. Et intelligitur conclusio, de perpetua, & perfecta impotentia cum omni fœmina. Nam si cum vna sis impotens, & non cum alia, probabilius est *contra Siluest.* & alios multos relatos à *Ledesma cap. 20. de matrimonio*, valere matrimonium, etiam cum illa, cum qua es impotens. Ita *D. Thomas*, & videtur colligi ex cap. laudabilem, & ex cap. fraternitatis, de frigid. & malef. vbi dicitur: Si quis separato priori matrimonio inuenitur habilis ad aliam fœminam, redeat ad priora connubia.

2

2. Conclusio. Impotentia generandi non tollit matrimonium. Matrimonia enim senum, & steriliū valida sunt, vt patet ex vsu. Nam etsi isti non possint habere filios, qui est finis vltimus matrimonij: saluatur tamen in eis finis proximus, vtpotè vsus matrimonij, ait *Diuus Thomas ad 3.* quo concupiscentia sedatur. Et est inter eos copula, & vera traditio corporum, & obligatio ad actus matrimoniales, & emittunt semen ex natura sua prolificum, etsi ineptum generationi ex accidentali frigiditate. Secus de spadonibus, qui etsi penetrent vas fœminæ, quia tamen non emittunt semen ex sua natura prolificum, sunt inhabiles ad matrimonium. Et sic est declaratum à Sixto V. in motu incipiente, *Venerabilis frater*, 27. Iunij, anni 1587. vbi spadones vxorati iubentur etiam separari.

3. Conclusio. *D. Thom. ad 6.* Quod dixi de impotentia viri, dic etiam de impotentia fœminæ, quæ si sit ita arcta, vt sine miraculo, aut arte magica, aut sine mortis periculo non possit aperiri, est inhabilis ad matrimonium, iuxta cap. ex litteris cit. Secus sit, vt dicitur in cap. fraternitatis, si per artem medicam aperiri potest, ad quod ipsa tenetur, vt ait *Soto*, etiam cum graui dolore, etsi non cum grauissimo. Illa autem fœmina, quæ bene recipit semen viri, etsi non possit illud retinere, erit habilis ad matrimonium, nec ipsa, nec vir accedens ad eam cum isto periculo, peccant mortaliter. Nam illa sola impotentia, vt dixi, dirimit matrimonium, quæ impedit coitum, & seminationem in vase fœminæ, cum per hoc consummatur matrimonium, & contrahatur affinitas. Isti enim, sicut & steriles, faciunt quod in se est, ponendo semen in vase legitimo, etsi ex aliquo accidentali impedimento effundatur, & non sequatur generatio.

4. Con-

4. Concluf. D. Thom. art. 1. Impotenti seminare in vase legitimo, quia mulier est arcta, aut ob aliam causam, conceduntur in ca. laudabilem, de frig. & malef. tres anni, quibus possit uti vxore, & spe niti ad seminandum. Et Caiet. 2. 2. qu. 134. art. 1. refert, quod quidam post sex annos sic nitens ex consilio bonorum habuit filios. At si isti essent alias certi de impotentia, non possent ad illud niti. Nam si impotentia præcessit matrimonium, fuit nullum. Et si successit post validum matrimonium, talis copula suo fine frustraretur, & sic esset illicita. Poterunt tamen isti vltimi libidinosè se tangere, & osculari, sine periculo tamen pollutionis.

Dub. 16. *An maleficium dirimat matrimonium.*

1. Concluf. Diu. Thom. artic. 2. Impotentia coeundi orta ex maleficio, & ligamine dæmonis, si sit perpetua & antecedit matrimonium, dirimit illud: sicut dixi de frigidityte. Secus, si sit temporalis, ad quod experiendum, sicut dixi de frigidityte, conceditur tempus trium annorum in ca. laudabilem cit.

2. Conclusio. Si maleficium sanetur per remedia posita in capitul. fin. 30. quæstion. prim. vtpotè per confessionem cum lachrymis, eleemosynis, orationibus, & exorcismis Ecclesiæ, signum est matrimonium valuisse; cum impedimentum sit ablatum per media ordinaria contra incursum dæmonum. At si maleficium sit ablatum per miraculum, aut arte dæmonis, signum est matrimonium non valuisse, & sic isti possunt cum alijs contrahere matrimonium, ut ait D. Thom.

3. Conclu. Licet petere à malefico dissolutionem maleficii si possit dissolui medio licito; nam iam petitur, quod licitè præstari potest. Secus si non possit dissolui medio licito; nam esset cooperari peccato alterius, etsi sit paratus. Nam si paratus non sit, dupliciter peccas petendo maleficium, & quia maleficium scandalizas, & quia vteris illo medio illicito pro dissolvendo maleficio.

Dub. 17. *An amentia tollat matrimonium.*

1. Concl. D. Thomæ art. 3. negatiua de amentia sequente matrimonium. Ita cap. hi qui, 32. quæst. 7. cum matrimonium sit ex sua natura insolubile. Secus de amentia tollente omnino vsum rationis, & antecedente matrimonium. Ita ca. dilectus, de spon. cum tollat consensum pro matrimonio requisitum.

2. Conclusio. D. Thom. art. ibi. Si coniux cum lucidis intervalis contrahat, quando habet usum rationis, valet matrimonium; sed erit peccatum mortal. siambo sic amentes matrimonium contrahant. Imò si sola foemina sic amentis sit, nec alius sit sterilis. Et interdicens sunt ab usu matrimonij ob periculum abortus, & educationis proles. Et ob hoc erit etiam peccatum mortal. coniungere carnaliter duos amentes.

Dub. 8. *An defectus aetatis impediat matrimonium.*

5 Conclus. Ex Div. Thom. artic. 5. Matrimonium puerorum ante 14 annum, & puellarum ante duodecimum, regulariter est nullum, ex defectu usus rationis pro matrimonio requisiti. Et sic praedictum tempus insinuat taxatum in capit. continerantur, & cap. attestations, de despon. impuber. At si ante illud tempus in aliquo acceleretur usus rationis, & vigor naturae: iuxta Soto, dist. 35. quest. 1. artic. 5. Conarr. in 4. decret. par. 2. cap. 5. numer. 1. Silvest. verbo, matrimon. 5. & Ledesma, capitul. 23. de matrimon. matrimonium ab istis celebratum, subtem sine licencia Papae, adhuc est nullum. Sed iuxta Div. Thom. & dicta iura, & capis. de illis, oppositum dices. Imò ut ait glossa, & iuxta cap. puberes, de despon. impuber. in matrimonio contrahendo non debet attendi tempus, sed an coniuges generare, & concipere possint. Et si qui ante annos dictos pubertatis habent sufficientem usum rationis, & contrahunt, valet matrimonium sine Papae dispensatione, iuxta caput tua nobis, de despon. impub. & caput si infantes, eodem ritu in 6. Etiam si pro tunc non habeant actualem potentiam coeundi, sed processu temporis habebunt. Nam potentia actualis coeundi non est essentia matrimonij. Vide Nauar. lib. 4. cons. 4. & 5. de despon. impub.

ARTICVLVLVS OCTAVVS.

De vxoricidio.

D. Thomas quæst. 60.

S V M M A R I V M.

*An occisio propria vxoris dirimat matrimonium, num. 1.
 Quomodo occisio mariti alterius ad illud inhabilitet, num. 2.
 Quid si vivente vxore contrahat quis cum alia, vel ei promittat nuptias, num. 3.*

DVB. 19. *An vxoricidium dirimat matrimonium.*

1. Conclusio. D. Thom. q. 60. art. 2. Occisio propria vxoris ob adulterium, aut odium, non dirimit, sed impedit matrimonium. *Ita Silu. verb. matrim. 7. Nam in Man. c. 22. num. 46.* Sed iuxta Caiet. verbo, matrim. non erit peccatum mort. imò nec ven. iuxta alios, contrahere matrimonium cum isto impedimento. *Et nota ex D. Thom. art. 1.* quod et si per leges non puniatur vir occidens vxorem in adulterio captam ob maximum incitamentum tunc viri ad vxoris occisionem: certum tamen est peccare mort. nisi alias deposito odio, & determinata causa eam occidat ex commissione iudicis; nam tunc habet se vt minister iustitiæ; & tunc sic eam occidendo fit dominus dotis, & arrærum. *Ita Sor. dist. 37. q. 1. art. 3. & leg. 82. Tauri, & Conar. in 4. decre. par. 2. c. 7. §. 7. n. 6. & 7.*

2. Conclusio: Vxoridium dirimit matrimonium, si occidisti v. g. virum Mariæ, istius machinatione, vt post vt tecum matrimonium contrahat, non valet matrimonium si sit: non si occidisti sine ista machinatione. *Ita cap. laudabilem, de conuers. infide.* Et idem si viua tua vxore cognouisti Mariam, & vt ambo matrimonio copulemini, tu aut illa, etiam per alium, eius virum occidisse notemini, non si casu, aut aliter. *Ita cap. super hoc. de eo qui duxit quam po. cum glosa, & clarus, cap. si quis. 31. qn. 1. cum glosa.* Et licet dicta decreta solum loquantur de occisione mariti adulteri; tamen idem dic de occisione vxoris adulteri.

li 2 Nam

Nam poena extendenda est ad correlatiua. Ita *Enriq. tom. 2. lib. 12. c. 2. n. 1. cum Caiet. Palu. & Sor. Sed Ledef. probabiliter illud limitat ad casum in iure expressum, quod maxime habet verum in odiosis, iuxta dicta in nostra Epito. de statu reli. lib. 2. c. 2. dub. 3. reg. 3.*

3. Conclusio. Qui viua sua vxore etiam quoad thorum, ab ea separatus, contraxit matrimonium cum alia, & matrimonium est nullum, & manent isti inhabiles ad contrahendum inter se in posterum, si alias præcessit copula inter eos & mulier sciebat virum illum esse vxoratum. Ita *cap. 1. & 2. cap. ex litterarum, cap. veniens, & cap. si quis, de eo qui duxit quatuor polla.*

- 3 4. Conclus. Si viuente tuo coniuge promittis nuptias cui carnaliter adhæcisti post datam fidem. (aut etiam ante fidem datam contra Ledef. sed iuxta cap. si quis citat.) non valet matrimonium si sit. Ita *cap. significasti. titulo citato & cap. relatum. 3. 1. quæst. 1.* Et intelligitur conclusio. quod vterque istorum sciat interesse matrimonium. Nam si vnus eorum id ignoret, in eius arbitrio positum est contrahere matrimonium aut non. Ita *cap. propositum, tit. citat. Nauarr. & Siluest. Secundo, et si Soto, dist. 37. quæst. 1. artic. 5.* dicat sat esse si cum dicta copula detur fides & promissio iurata ex parte vnus eorum solum iuxta caput relatum citat. alijs tamen verius videtur, requiri promissionem, etiam sine iuramento ex parte vnus, & acceptionem saltem virtualem ex parte alterius, & insuper repromissionem ex parte istius. Ita *Enriq. cum Palud. Siluest. Rosc. August. & iuxta Diu. Thom. in addit. quæstion. 46. artic. 1.* Et colligitur ex cap. significasti cum glossa, dum dicitur, vel ea viuente sibi ad inuicem fidem dederint. Itaque promissio debet esse mutua, & sufficiens ad sponsalia de futuro, si non obstaret præsens matrimonium. Ex quo patet, non sat esse promissionem fictam, cum ista non sufficiat ad sponsalia. Ita *Enriq. num. 3. litter. G. contra Specu.*

QVÆSTIO QVINTA.

De dissoluentibus matrimonium.

D. Thom. quæst. 67.

S V M M A R I V M.

*An insolubilitas matrimonij sit de iure natura, num. 1.**An infidelitas dirimat matrimonium, num. 2.**An votum solemne religionis, num. 3.**An fornicatio alterius coniugis, num. 4.**Causa propter quas potest fieri diuortium, num. 5.**An maritus teneatur dimittere uxorem fornicantem, & dimissa recipere, num. 6.***D**VB. 1. *An inseparabilitas matrimonij sit de lege natura.* I

1. Conclusio. *Diui Thomæ quæst. 67. artic. 1. affirmatiua, & oppositum sapit hæresim. Patet ex illo Genes. 2. Propter hoc relinquet homo, &c. & erunt duo in carne una. Et subdit Christus, Matth. 19. Quod Deus coniunxit homo non separet, id est, non est ab homine separabile. Et hæc testimonia referuntur à Sanctis, & Concilijs, ad probandum insolubilitatem matrimonij maxime consummati, etiam loquendo de eo quantum ad id, quod habet ex natura sua in statu innocentie, & antequam à Christo eleuaretur ad esse Sacramenti, licet ex hoc habeat maiorem insolubilitatem, ex eo quod iam in lege gratie significat coniunctionem Christi cum Ecclesia.*

2. Conclusio. *Separatio matrimonij non est intrinsecè mala, sed tamen à solo Deo fieri potest. Patet Matth. 19. Quod Deus coniunxit homo non separet. 2. Insolubilitas conuenit matrimonio iure naturali, & diuino: ergo solus Deus, qui solus est supra ius diuinum, & naturale, potest in eo dispensare. Si arguas, quod Papa sæpè dispensauit in matrimonio non consummato, vt testatur vidisse D. Antonin. 3. par. tit. 1. cap. 21. §. 3. Et Nauar. in manu. cap. 2. num. 21. ait ad sui petitionem esse factas plus quam quatuor dispensationes.*

Ii 3 Ad hoc

Ad hoc dico, Papam id facere in sententia probabili ex auctoritate diuina in matrimonio neq. consummato, in quo, *ut patet D. Thom. q. 68. art. 2. ad 1.* non est tanta insolubilitas, nec coniuges sunt ita perfecte vna caro representantes coniunctionem Christi cum Ecclesia, sicut in matrimonio consummato; sicut ex auctoritate diuina dispensat in votis, quorum tamen obligatio est de iure diuino, & naturali.

2. Dub. 2. *An infidelitas dissoluat matrimonium*. Et non est sermo de matrimonio catholici cum hæretica baptizata. Hoc enim valet, *ait D. Thom. q. 59. art. 1. ad 5. ex c. quanto, de diuor.* etsi sit peccatum mortale sic contrahere, cum veterat in *Concil. Calced. cap. 13.* nisi forte promittat se venire ad veram fidem. Ita etiam in *cap. caue*, & *cap. non oportet*, 28. *quæst. 1.* Sermo est de matrimonio inter dispares in Religione.

1. Conclusio. *D. Thoma art. 1.* Disparitas Religionis dirimit matrimonium, cum ea contractum. Ita est usus, & creditur esse Apostolicam traditionem, cum non constet eius initium ex aliqua lege Ecclesiæ. Et ratio *D. Thom.* id suadet. Nam proles non posset educari in cultu Dei, quod est principalis bonum matrimonij, si parentes sint diuersæ fidei, vnus Christianus, & alter mahometanus.

2. Conclusio *D. Tho. art. 3.* Non soluitur matrimonium paganorum per hoc solum, quod alter coniux ad fidem conuertatur. Ita *cap. gaudeamus, de diuor.* Et sic potest coniux conuersus habitare cum non conuerso, si sic speretur eius conuersio. Sic hoc consulit Paul. 1. Cor. 7. dum ait: *Si quis uxorem habet infidelem, & hæc consentit habitare cum illo, utpotè, sine iniuria creatoris, non dimittas illam.* Et subdit: *Vnde scis vir si mulierem saluam facies?* At si non sit talis conuersionis spes, non potest cum ea manere ob periculum fidei. In quo sensu dicitur 1. Cor. 6. *Nolite sugum ducere cum infidelibus.* Et quia iam post tempora Apostolorum regulariter imminet tale periculum, & nulla regulariter speratur utilitas, præcipitur in *Concil. Tolet. 4. cap. 61.* quod conuersus statim separetur à coniuge non conuerso. Et obligat ista lex, nisi in breui speretur alterius conuersio, aut nisi conuersus sine periculo mortis non possit separari. Ita *Ledesma cap. 24. de matrim.*

3. Conclusio. *D. Thom. art. 5.* Si coniux non conuersus nolit habitare cum conuerso, nisi cum iniuria creatoris, utpotè, illum blasphemando, & eius laudes audire reuendo, scandalizando, & seducendo coniugem conuersum, dissoluitur matri-

matrimonium, etiam consummatum, ex privilegio Christi in fauorem fidei. Ita colligitur *D. Th. art. 4. ex illo 1. Cor. 7.* ubi ait Pau. *Ego dico non Dominus, si quis uxorem habet infidelem, & hac consentit habitare cum illo non dimittat illum.* Vbi insinuat Apostolus hoc esse consilium suum non praeceptum Domini: & quod si non consentit habitare cum illo sine iniuria creatoris, est dimittenda, & fidelis potest aliam ducere in uxorem. Et idem est, si coniux infidelis discedit nolens habitare cum coniuge conuerso: ut patet ex illo *1. Cor. 7. quod si infidelis discedit, discedat; non enim seruituti subiectus est frater*: id est manet liber à iugo & seruitute matrimonij ut communiter explicatur.

c. 4. Conclusio. Prædictum matrimonium secundum aliquos dissoluitur statim ac infidelis discedit, aut non vult cohabitare cum alio sine iniuria creatoris: At iuxta *D. Thom. art. 5. ad 1. & 2. D. Anton. 3. part. tit. 1. cap. 6. Saluest. verborum matrimonium. 8. & communiter* non dissoluitur quousque fiat aliud matrimonium. Cuius signum est, quod si infidelis recipiscat, & conuertatur, fidelis conuersus nondum vxoratus tenetur ad eum redire, & potest id facere sine nouo consensu. *Ita cap. gaudemus, de diuor.*

Dub. 3. *An matrimonium dissoluatur per votum solenne Religionis.* 3

1. Conclusio, *D. Thom. quest. 61. artic. 1. negativa* de matrimonio consummato. Patet ex usu, & traditione Ecclesiae. Et oppositum cederet in maximam iniuriam proli & vxoris. Et dicitur matrimonium consummari, aut per penetrationem vasis feminei etiam sine seminatione, contra Soto & Saluest. aut per solam seminationem in vase feminae absque vasis penetratione. *Et nota*, quod etsi matrimonium vi, aut metu consummatum (vix potest intra duos menses induciarum à iure concessos coniugibus pro deliberando circa ingressum Religionis) sit omnino insolubile; tamen oppressus oppressore inuito, ut recuperet ius quod habebat intrandi Religionem, potest tunc religionem intrare, contra Soto, d. 27. q. 1. art. 4. asserentem oppositum, ut sic vitetur iniuria proli forte conceptæ. Nec hoc est mirum; nam etiam quoties coniuges per diuortium separantur, potest innocens altero inuito, intrare religionem matrimonio consummato manente insoluto: & isto etiam insoluto, possunt coniuges pacisci de intrando simul religionem. *Ita cap. sunt qui dicunt, 27. q. 2.*

& si tunc coeant, non peccant contra castitatem, sed contra votum: cum ille non sit accessus ad non suam. Per professionem enim, sicut nec per susceptionem sacri Ordinis, non desinit esse sua. Ita Led. c. 5. de voto, & Cai. 2. 2. q. 88. art. 5. Imò altero coniuge in sæculo manente, si sit senex, & sine periculo incontinentiæ, & cum voto castitatis, potest alter de illius licentia religionem intrare, & in religionem sacris initiari ordinibus. Ita Ledes. cap. 28. de matrimonio. ex c. cum sis, & cap. ad Apostolicam, & cap. significavit, de conuers. coniug. Si arguas. Matrimonium consummatum, cum sit insolubile repugnat statui religionis: ergo non possunt stare simul Ad hoc dico, quod matrimonium quoad vinculum non repugnat totali traditioni religionis: benè tamen matrimonium cum obligatione cohabitandi, & reddendi debitum.

2. Conclusio. D. Thom. artic. 1. Matrimonium non consummatum dissoluitur per professionem solemnem in religione approbata. Ita cap. verum de conuer. coniug. & in Conc. Tr. sess. 24. cap. 6. Et patet ex vñ Ecclesiæ à tempore Christi: Ioannes enim Euangelista de nuptijs, quibus Christus affuit, fuit ab eo vocatus ad Apostolatam, & votum solenne religionis, vt D. Tho. refert ex D. Hier. & B. Tecla fuit per Paulum à coniugio separata: iuxta Epiph. hæc. 78. Ex quo patet, votum hoc non dissoluere matrimonium istud, alias iure diuino, & naturali insolubile, vt dixi dub. 1. ex lege Ecclesiæ, cum à tempore Apostolorum habeat istam vim; & alias quos Deus coniunxit homo non separet, Matt. 19. Sed dissoluitur auctoritate Christi, qui cum sit auctor naturæ & gratiæ, potuit dispensare, etiam per modum legis in insolubilitate matrimonij ob bonum altius religionis. Ex quo patet, quod alter coniux manens in sæculo post alterius professionem, & non ante, potest cum altero matrimonium contrahere. Ita D. Th. art. 3. ad 2.

4 Dub. 4. An dissoluatur matrimonium per fornicationem vnius coniugum.

1. Concl. D. Th. qu. 62. art. 5. negatiua, diffinita in Conc. Trid. sess. 24. can. 7. Et illud. Matth. 19. qui dimiserit uxorem & aliam duxerit, excepta fornicationis causa, mæchatur, intelligitur, ait D. Th. ad 4. ita vt illa exceptio in verbis Domini referatur ad dimissionem vxoris.

2. Conc. D. Th. art. 1. & 4. Vir potest dimittere uxorem & vxor virum ob fornicationem. Patet 1. ex illa Matth. 19.

Omnis

Omnia quid dimiseris uxorem, excepta fornicationis causa.
 Vbi sunt duo mutua fide obligati inter se, ratio naturalis dicat, ut non seruetur fides frangenti fidem. Et sic, ut ait D. Th. artic. 3. si vnus coniux scit etiam in secreto alterum adulteratum esse, potest, etiam si excommunicatione compellatur, ei debitum denegare, etsi non possint sine iudicio Ecclesie ab inuicem separari quoad cohabitationem, ut habetur in cap. porro, de diuor. nisi aliàs adulterium, aut alia causa sufficiens pro diuortio, sit notissima.

3. Concl. D. Thom. art. 1. Non licet viro uxorem adulteram dimittere in septem casibus. 1. Si ipse ante diuortium, etiam inscia vxore, similiter fornicatus est, etiam post uxorem. Ita cap. significasti, & cap. ex litteris, de diuortijs, & D. Thom. art. 6. ad 5. 2. Si vir uxorem prostituit. 3. Si vxor probabiliter credens virum suum obiisse, alteri nuplit. 4. Si latenter est ab alio cognita sub specie viri. 5. Si fuit vi oppressa. 6. Si vir illam reconciliauit, eam carnaliter cognoscendo. 7. Si in matrimonio contracto in infidelitate vtriusque vir dedit vxori libellum repudij, & mulier alteri nupit, tunc si vterque conuertitur ad fidem, tenetur vir uxorem recipere. Ita cap. gaudemus, de diuor. Et dictorum casuum assignantur textus à Silu. ver. diuortium. Et in omnibus illis, ait D. Thom. vel vxor est sine culpa, vel ambo coniuges sunt æqualiter in culpa.

4. Concl. Præter fornicationem sunt aliæ causæ pro diuortio. 1. Sodomia. Ita D. Th. ad 4. Secundò, sœuitia mariti, cap. litteras, de resti. spo. 3. Si vnus coniux tentauit alterum occidere veneno. 4. Furia alterius coniugis. 5. Hæresis, c. fin. de conuer. coniu. 6. Vxor potest recedere à viro eam inducente ad quoduis peccatum mortal. & à viro fure nolente desistere Ita Nau. cap. 22. n. 22. Et quoties vxor licite à viro recedit, reddetur ei post diuortium tota dos, & medietas bonorum communium. Ita cap. 1 & 2. de dona inter vir. & vxor.

Dub. 5. An maritus teneatur dimittere uxorem fornicantem.

1. Conc. D. Th. art. 2. Vir tenetur dimittere uxorem fornicantem aliàs non pœnitentem, ne peccato eius consentire videatur. Ita cap. si vir, de adulterijs. Aliàs si esset tale commercium viro, & adultero, cum adultera, ut sit incertitudo prolis, sit iniuria matrimonio, quam vir condonare non potest. 2. Si illam non dimittat, sequitur scandalum regulariter, & dimissio

si eius sæpe proderit ut corrigatur, ad quod tenetur vir, cum sit caput. Et intelligitur concl. regulariter. Nam si ex dimissione vxoris subtrahantur viro pauperi & infirmo necessaria subsidia, aut subeat periculum incontinentiæ, & alias non sequitur incertitudo prolis, aut scandalum, etsi viro sequatur infamia, non diminuetur cum tanto damno.

2. Concl. Vir post diuortium rite celebratum non tenetur recipere vxorem etiam correctam & suppliciter veniam petentem. Ita cap. admonere 33. q. 2. & cap. gaudemus, de conuersionibus. cum iam vxor amiserit ius, etiam si vir post diuortium fornicatus esset, ut ait D. Thom. art. 6. ad 4. contra Nau. l. 4. cons. 1. de diuort. Potest tamen vir, ait D. Thom. vxorem recipere. Imò si diuortium sit factum in fauorem viri g. & vir vxorem reuocet, tenetur ipsa cum eo redire, ait D. Thad. 3. nisi religionem intrasset, aut de licentia viri castitatem voluisset. Imò etsi eam voluisset sine expressa licentia viri, ait Led. s. 29. de mati. Nam eo ipso quòd vir fecit diuortium, videtur dedisse licentiam ad illud votum.

QVÆSTIO SEXTA.

De annexis matrimonio, & redditione debiti.

D. Thom. q. 64.

S V M M A R I V M.

Quando coniuges teneantur reddere debitum vel ab eo excusantur, num. 1.

An coniuges possint vouere castitatem, num. 2.

An liceat potare debitum in diebus & locis sacris, num. 3.

An sit li. ita pluralitas vxorum, num. 4.

DV B. 1. *An coniuges teneantur ad inuicem reddere debitum.*

1. Conclusio. D. Thom. quæst. 64. art. 1. & 2. Per se loquendo vnus coniux tenetur reddere debitum alteri, etiam interpretatiue petenti. Nam ista debiti redditio est necessaria ad prolis procreationem, ad quod per matrimonium iunguntur.

2. Cõcl. Aliquando excusantur coniuges à reddendo debito.

bitum. 1. Ob periculum salutis. Ita *D. Thom. ad 2.* Et intelligitur de infirmitate superueniente matrimonio, aut de antecedente, sed ignorata ab alio coniuge. Nam si vir habet morbum Gallicum, aut aliam infirmitatem contagiosam, & id sciens vxor voluit cum eo nubere, tenetur reddere debitum etiam cum periculo infectionis. Nam à principio cum eo nubendo cessit iuri suo. Nec obstat, quod ex tali coitu generatur infirma proles, quia si coniugis infirmitas est perpetua, non sunt coniuges perpetuò priuandi iure petendi, & reddendi debitum ob proles infirmitatem. Imò si infirmitas aliàs levis sit temporalis, vt si vxor sit cum menstruos, tenetur ex iustitia sub mortali reddere debitum petitum, *contra Scot. d. 32. & Nanay. in man. c. 16. num. 32.* asserentes esse tunc peccatum mortale petere, & reddere debitum; & *contra Siluest. verb. debitum coniug.* tenentem esse peccatum mortale, petere tunc debitum. Sed *iuxta Caiet. verb. matrimonium. Scot. in 4. dist. 32. q. 1. art. 2. Victor. in summa, dub. 276.* solum peccat venialiter, qui tunc petit debitum. 2. Excusaris à reddendo debitum, si imminet proli conceptæ periculum abortus, aut salutis, vt si foemina sit grauidà, siue filium lactet, & si impregnetur, extinguitur lac, nec habet quo tradat puerum nutrici. 3. Excusantur si habent multos filios, nec eos alere possunt, & tunc potest vir iussu Regis ad bellum pergere. 4. Excusantur ob vitandum damnum notabile in temporalibus, siue ob acquirendum insigne commodum in bonis fortunæ. Sed in his attendatur breuitas temporis, in quo debitum negatur, & periculum incontinentiæ imminens coniugi petenti. 5. Non erit peccatum mortale negare debitum coniugi remisè petenti, aut tacente, rogato, aut si coniux nimis frequenter petit, secluso periculo pollutionis. 6. Non teneris reddere debitum intra duos menses induciarum, nec ante benedictiones nuptiales.

Dub. 2. *An coniuges possint vouere castitatem.*

1. Conclusio *D. Thom. art. 4.* Si vnus coniux vouet castitatem tenentur reddere debitum petitum, etiam interpretatiuè; sed non potest petere. Ita *cap. quidam, & cap. placet, de conuer. coniug.* Nam vñ debet fieri de his, quæ sunt in potestate vouentis: Sed non reddere debitum non est in potestate coniugum, benè tamen petere: ergo.

2. Conclusio. Si ambo coniuges conueniant in vouendo castitatem, probabile est, quod si vnus petat debitum, alter non possit reddere: cum vterque tunc renuntiaret iuri petendi.

tendi. Sed etiam est probabile, quod si vnus petat tunc, etiam interpretatiuè, alter teneatur ei debitum reddere; cum per votum etiam amborum sic inconuenientia factum, neuter amiserit ius ex iustitia, etsi peccet contra votum petitor. Et idem est si vnus coniux de alterius licentia emisit votum de non reddendo debitum. Vide dicta à nobis *dub. 10. de voto.*

3. Conclusio. In nulla opinione dictarum est probabilis sententia *Manuelis Rodrig. in summa 2. par. cap. 9. 1. ex mente Panor. Innoc. & Hostien.* asserentis quod filij à prædictis geniti sunt (purij). Ita *Ledesma cap. ultimo, de matrimonio.* Et alij ab eo, & à Manuele Rodrig. citati loquuntur, quando ambo coniuges, aut alter eorum iuxta dicta *q. 5. dub. 3.* vouent solemniter castitatem in religione, vt habetur *cap. 1. de filijs Presbyt.* Et idem est de mente istorum Doctorum, *contra Palud. dist. 41. q. 3. art. 1.* de filijs vxorati genitis, quando de licentia vxoris est iam maioribus ordinibus initiatus, *iuxta cap. litteras, de filijs presbyteror.*

3 Dub. 3. *An liceat petere debitum in diebus, & locis sacris.*

1. Conclusio. Indecens est, etsi non sit peccatum, petere debitum in diebus sacris, & maxime in die communionis, cum sic inepti reddamini ad spiritualia, quibus tunc vacandum est. Et quando *D. Thom. quæst. 64. art. 5.* ait, non licere tunc petere debitum, loquitur quando ex tali copula redditur homo valde ineptus, & distractus ad festa celebranda, & Missam audiendam, vt ibi patet.

2. Conclusio. Peccat mortaliter petens debitum in loco sacro sine magna necessitate, cum per coitum aliàs publicum violetur Ecclesia, & fiat ei iniuria. Secus si coniuges sint in Ecclesia, sicut in domo ob necessitatem aliquot diebus, nec extra Ecclesiam coire possint, tunc non erit peccatum petere, aut reddere debitum, nec violatur Ecclesia. Vide supra *quæst. 3. de Sacrificio Missæ dub. 2.*

4 Dub. 4. *An sit licita pluralitas vxorum.*

1. Conclusio. *D. Thomas quæst. 65. art. 1. & 2.* Non est intrinsecè malum habere plures vxores, cum ex Dei dispensatione Abraham, Iacob, David, & alij Sancti habuerint plures vxores. Cum enim Deus sit Auctor naturæ, & gratiæ, potest dispensare in præceptis naturalibus, & diuinis, aliàs non verantibus intrinsecè mala.

2. Conclusio. *D. Thomas art. 1.* Nunquam licuit accedere ad concubinam non matrimonio iunctam. Nam ille accessus esset

esset fornicatio, & sic intrinsecè malus. Vnde concubinæ Abraham, & Iacob erant veræ vxores matrimonio iunctæ, iuxta *D. Thom. ad 2.* etsi non tanta solemnitate, quanta aliæ, quæ dicebantur simpliciter vxores, ratione cuius illæ appellabantur concubinæ.

TRACTATVS DE CENSVRIS.

ARTICVLVS PRIMVS.

De Censuris in communi.

S V M M A R I V M.

Quid sit censura, & an Ecclesia possit eam ferre, num. 1.

Quot sint censura, & quomodo differant, num. 2.

Quis possit ferre censuras, num. 3.

An peccata interna possint puniri censuris, num. 4.

An peccata venialia, num. 5.

DVB. 1. *An Ecclesia possit ferre censuras.*

Conclusio affirmatiua in Concilio Constant. sess. 8. ex illo Matth. 16. *Quodcumque ligaueris, &c.* Vbi iuxta communem Ecclesiæ sensum explicatur etiam potestas Prælatorum ad ligandum subditos spiritualiter, censuris. 2. *Quævis Respublica perfecta, qualis est Ecclesia, potest punire suos subditos delinquentes priuando eos suis bonis, vt sic Respublica conseruetur.* Ex quo colligitur definitio censuræ in communi sic: *Censura est poena Ecclesiastica, qua index Ecclesiasticus punit baptizatos priuando eos bonis supernaturalibus, vt potè Sacramentis, indulgentijs, suffragijs, & alijs etiam temporalibus ad finem supernaturalem ordinatis, vt sepultura, & ingressu Ecclesiæ.*

Dub. 2. *Quot sint censura, & quomodo differant.*

1. Conclusio. Tres sunt species censuræ iuxta Canonistas, vt potè, excommunicatio, suspensio, interdictum, ad quod reducitur cessatio à diuinis. Nam interrogatus Papa quid intelligat per censuram, solum numerat in cap. *quærenti, de verb. signific.* dictas tres censuras. Sed *Sept. d. 22. q. 3. art. 1.* & com-

munitur

humiter Theologi inter censuras numerant irregularitatem, non in tota sua latitudine, sed cum habet rationem poenae.

2. Conclusio. Ista censura differunt essentialiter. Nam etsi per omnes censuras arcemur ab ordinibus, sed diuersimodè. Nam per irregularitatem arcemur immediate, & directè ab ordinibus, ut ordines sunt, sed non ut Sacramenta sunt. Et sic licet peccet mortaliter irregularis celebrando, non tamen incurrit aliam irregularitatem, ut ait Nauar. cap. 27. num. 194. At per excommunicationem arcemur immediate, & directè ab ordinibus, ut sunt Sacramenta, sicut & ab aliorum Sacramentorum administratione, & receptione. Et per suspensionem arcemur directè ab Ordinibus, ut sunt officia ecclesiastica, & mediatè in quantum Ordines sunt.

3 Dub. 3. Quis possit ferre censuras.

1. Conclusio. Mulier iure diuino est incapax ferendi censuras; cum sit incapax iurisdictionis spiritualis, etiam ex commissione. Ita communiter cum D. Thom. in addit. quast. 19. art. 3. ad 4.

2. Conclusio. Vir carens prima tonsura ex solo iure ecclesiastico est incapax ferendi censuras. Ita cap. Ecclesia sancta Maria, de consit. Et idem est de vxorato, etiam minoribus ordinibus initiato. Ita cap. 2. de cleri. coniug. & Ledesm. cap. 4. de censuris in comuni. Et sic istis à solo Papa potest committi facultas ferendi censuras.

3. Conclusio. Soli habentes iurisdictionem ordinariam Ecclesiasticam in foro externo possunt ex officio, & propria auctoritate ferre censuras, siue istam iurisdictionem habeant à iure, siue ex praeiugio, siue ex consuetudine; siue à Papa immediate. Cuiusmodi sunt Episcopi, & istorum Vicarij generales, ut ait Ludou. Lop. 1. par. cap. 204. & alij habentes iurisdictionem quasi Episcopalem, ut Praelati regulares, etiam religionum militarium, etsi non sint Sacerdotes. Et praedicti possunt delegare suam auctoritatem ad ferendum censuras subiectis alijs de iure capacibus, utpotè initiatis prima tonsura alijs non vxoratis.

4 Dub. 4. An peccata interna possint censuris puniri.

1. Conclusio. Peccata externa, etiam secreta, possunt puniri censuris latis per modum legis. Percussor enim clerici occultus, & haereticus, qui verbo, scripto, aut alio signo sufficienti, etiam occultissimo protulit suam haeresein, sunt excommunicati. Dixi, censuris latis per modum legis. Nam pecca-

peccator, etiam externus, sed occultus, & sine testibus, non potest in particulari, & nominatim puniri censuris latas ab homine. Quia Ecclesia non iudicat de occultis, ut dicitur *cap. erubescant, dist. 32. Et cap. tunc nos, de simonia. 2.* Quia reus sic occultus non potest censuris obligari, ut reuelet crimen suum: esset enim hoc contra ius naturale.

2. Conclusio. Ecclesia non potest punire peccata purè interna. Ita *communiter Theologi, de quo Ledesma, cap. 3. de censuris, dub. 2.* Nam ista non cadunt sub hominis cognitione, ut sic puniantur. Nec obstat quod in *cap. ad abolendam, de here.* excommunicatur qualiter quam Ecclesia, sentit de Sacramentis, tamen sentire est actus purè internus. Et in *Concilio Toletano 1. cap. 21.* excommunicantur credentes mundum non esse à Deo. Et Ecclesia excommunicat simoniacos mentales. Et in *Clement. 2. de statu monac.* excommunicantur euntes Romam, animo nocendi suis Prælati, & *cap. 1. de here.* excommunicantur Inquisitores odio, amore, aut alia affectione vexantes non hæreticos, aut non procedentes contra hæreticos. Nam istæ, & similes censure non incurruntur solo opere interno, nisi opere externo, etiam occultissimo manifestetur, ut dixi de hæresi. Nec etiam obstat, quod Prælati possunt reseruare peccata purè interna; nam reseruare peccata, pertinet ad forum internum, & ferre censuras pertinet ad forum externum Ecclesiæ.

Dub. 5. An peccata venialia possint censuris puniri.

1. Conclusio negatiua. Nam censure sunt pœnæ grauissimæ: ergo ob culpam grauissimam, qualis est peccatum mortale sunt infligendæ, ut pœna culpæ corresponderet.

2. Conclusio. Quoties ob ignorantiam, aut aliter excusamur à culpa mortali, aut à circumstantia cui est imposita aliqua censura, excusamur etiam à tali censura. Patet ex prima conclusione. Nam ubi non est culpa, non iuste infligitur pœna. Ut si occidisti hominem ignorando inuincibiliter esse clericum, non manes excommunicatus. Ita *cap. si quid, de sentent. excommunicat.*

ARTICVLVS SECVNDVS.

De Excommunicatione.

D. Thomas in Supplemento quæst. 21. &c.

S V M M A R I V M.

*Quibus priuet excommunicatio minor, num. 1.**Quando incurritur excommunicatio maior propter communicationem cum excommunicato, num. 2.**Quis absoluat ab excommunicatione minori, num. 3.**Quid sit excommunicatio maior, & quadruplex, num. 4.**Quis sint eius effectus, num. 5.**An excommunicatus valide recipiat Sacramentum penitentia, num. 6.**Quando liceat communicare cum excommunicato, num. 7.**An pro solo peccato mortali inobedientia possit ferri excommunicatio, num. 8.**An ignorantia iuris, vel facti excuset ab excommunicatione, num. 9.**An excommunicatio iniusta liget, num. 10.**Quis possit ferre excommunicationem, num. 11.**Quis possit ab ea absolueret, num. 12.*

EXcommunicatio, alia est minor, & hæc priuat sub peccato veniali administratione Sacramentorum. Ita communiter contra Siluest. verb. *Excommunicatio*. 4. & sub mortali priuat sumptione Sacramentorum. Ita communiter cum D. Thom. in addit. q. 21. art. 1. Et colligitur ex c. si celebrat. de cleri. excomm. minist. Qui si celebret, vt ibi dicitur, etsi non sit irregularis, peccat tamen grauiter. Et nomine peccati grauis intelligitur peccatum mortale. Item ista excommunicatio priuat electione passiuâ, seu collatione, aut præsentatione ad dignitatem, seu beneficium Ecclesiasticum, ita quod iste sic excommunicatus scienter acceptans electionem, & scienter illum eligentes peccant mortaliter. Ita communiter. De quo Med. in sum. § 3. Et licet talis electio non sit ipso facto irrita, quidquid dicant Canonistæ, est tamen irritanda. Ita cap. si celebrat. eis.

Est nota 1. Quod excommunicatio minor incurritur ob quamuis

quauis communicationem vetitam cum excommunicato non tolerato. Et in solis casibus sequentibus incurritur excommunicatio maior, communicando cum isto. 1. Si præsumis scienter sepelire publicè excommunicatū. *Ita Clem. 1. de sepul. & cap. quicumque de hares in 6.* Et licet Caiet. hoc intelligat de quouis excommunicato: tamen iam post Concil. Constant. intelligitur de solo excommunicato non tolerato, & de solo sciente, & præsumptuosè sepeliente, non de iubente, consulente, aut fauente, nec de ignoranter etiam vincibiliter id faciente: cum lex illa, vtpotè poenalis non sit extendenda, sed potius restringenda. *Ita Ledesm. ca. 7. de exco.* 2. Clericus scienter & spontè participans recipiendo in diuinis officiis à Papa excommunicatos, scilicet nominatim, vt ait Caiet. *verb. excommunicatio 38.* incurrit excommunicationè Papæ reseruatam. *Ita sap. significat, de sent. excom. 2.* Si participes in crimine excommunicationis cum iam excommunicato, scilicet nominatim, vt ex iure colligitur, vt si Maria sit excommunicata ob concubinatum cum Petro, Petrus cum ea fornicando eadè excommunicatione innodatur. *Ita cap. nuper, & c. si concubina, de sent. excom. Et D. Th. cum Porreta, in addi. q. 23. art. 2. 2.* Et idem est de fauentibus, auxiliantibus, aut consulentibus pro tali crimine, vt ibi habetur. 4. Si excommunicatur, v.g. Petrus ob aliquod crimen cum participantibus cum eo, incurritur excommunicatio maior participando cum eo in illo crimine, aut dando ei consilium, auxilium aut fauorem in eodem crimine. Secus si participes cum eo in alio crimine, loquela, mensa, &c. *Ita D. Thom. & iura cit. cum glossis, & iusta ca. statumimus, de sen. excom. in 6.*

Nota 2. Solum Sacerdotem expositum pro confessionibus posse absoluerè ab excommunicatione minori. *Ita Caiet. ver. excom. minor. Soto, d. 22. q. 2. ar. 6. Silu. ver. absolutio 1. & Arm. ibi.* Sed sententia Nauarri in man. c. 27. num. 25. quod omnis Sacerdos potest absoluerè ab ista excommunicatione, est satis probabilis. Et videtur colligi ex D. Thom. in addi. qu. 24. art. 1. vbi ait: Qui potest absoluerè à peccato participationi, potest absoluerè à minori excommunicatione. Sed peccatū participationis solet esse veniale, à quo quiuis Sacerdos absoluit: ergo. Et sic qui iuxta istam sententiam absoluit: non incurrit excommunicationem Clementinæ Religiosi, de priuilegiis, contra Religiosos

314 DE EXCOMMUNICATIONE:

fos non expositos ad confessiones, absoluentes ab excommunicatione. *Ita Silu. ver. excōm 7. Tabse. ver. excōm 5. & Man. Rod. in q. regul. 10. 1. q. 61. ar. 11. cōtra Gemini. c. unico; de his qui vi, &c.* Maximè quia nomine excommunicationis absolutè intelligitur excommunicatio maior, iuxta cap. si quem, de sent. excom. Hæc de excom. minori.

4 Alia est excommunicatio maior. Et hæc est censura Ecclesiastica separans ab externâ communicatione fidelium tam in ciuilibus, quàm in diuinis; & cōmuni bus Ecclesiæ suffragijs. Non tamen priuat priuatis fidelium satisfactio nibus, & orationibus. *Et nota 1.* quod excommunicatus in maiori excōmunitatione, alius dicitur toleratus, alius non toleratus. Nam in extrauag. insuper ad euitādā *Marti. V.* in Conc. Constan. relata à Caieta. verb. *excōm. minor.* ob frequentiam excommunicatorum, & difficultatem vitandi eos, statuitur quod solum teneamur vitare in diuinis, aut alijs, notorios clericorum percussores, ita vt hoc factum nulla possit tergiversatione celari, aut aliquo suffragio excusari, & nominatim, & publicè excommunicatos seu denuntiatis nomine proprio, aut sui officij. Et non sat est si in secreto sint nominatim excommunicati. Et isti appellantur excommunicati non tolerati: ceteri vērō præter dictos, appellantur tolerati. At quia illa constitutio facta est non in fauorem excommunicatorum toleratorum, sed fidelium, vt declaratur in Concil. Bas. sess. 20. non possunt excommunicati isti tolerati vltro se ingerere cōmunioni fidelium, sed à fidelibus inuitati. Et isti etiā extra necessitatem licet cum excommunicatis toleratis communicare in ciuilibus, & diuinis. *Ita Soto contra Ledesm. c. 6 de panis. &c.* Cum in Concil. Constantin. absolue concedatur fidelibus communicare cū excommunicatis toleratis. Et isti tūc licitè ministrant Sacramenta fidelibus petentibus; *vt ait Soto, d. 1. q. 5. ar. 6 & d. 22. q. 1. ar. 4. & alij contra Adrian. in 4. quest. 6. de Baptismo.* Aliās Concilium Constan. nil concederet fidelibus. Si quidem petendo quod excommunicatus iste sine peccato non potest præstare, inducerent cum ad peccatum, & sic peccarent.

5 *Nota 2.* quod excommunicatio maior habet plures effectus 1. Priuat suffragijs communibus Ecclesiæ, *in c. ult. 3. quaß. 4.*

2 Excommunicatus ministrando in Ordine maiori suscepto

cepto, seu de nouo illum recipiendo, sit irregularis *in c. e. illorū de sēt. excom. & c. 1. 2. & 3. de eo qui Ordī. fuerit*. Nō si ministrat, aut recipiat Ordines minores. *Ita Soto. d. 5. q. 1. ar. 3. contra Nau. c. 25. n. 77.* Et ministratio hic vetita, est consecrāre, baptizāre solemniter, & dicere sollemniter ex officio Epistolam, aut Euangelium, dicere collectas in choro ex officio vt hebdomadarius, benedicere sollemniter aquam, &c. Non tamen baptizare sine sollemnitate, aut canere litanias, responsoria, aut alia in choro.

3. Excommunicatus priuatur audire officia diuina, cōmunicare in oratione aut processione, etiā extra Ecclesiā. *Ita cap. alma, mater. de senten. excom.* Et intelligitur de orationibus cōmunitibus. Nam benè potest excommunicatus etiā in Ecclesia priuatim orare cum alijs priuatim orantibus. *Ita Soto. d. 22. q. 1. ar. 4.* Item intelligitur de existentia excommunicati, vt audiat sacrum, non si ibi sit exercendo suam artem, aut sedens, aut dormiens in angulo Ecclesiæ. *Ita Soto.* Ex dictis patet, quod si dum Missa celebratur intret excommunicatus non toleratus; & nō sit exire, astantes Missæ tenentur sub mort. exire, ne cum eō communicent, vt cōmuniter dicitur contra Durān. Et Sacerdos cessare tenetur, si non incēpit canonem. *De quo Soto, & Nauar. c. 27. n. 34.*

4. Excommunicatus nec potest eligere, nec eligi ad dignitatem ecclesiasticam. *Ita c. cum dilectus, de consue.* Et Med. in sum. id intelligit de electione actiua excommunicati non tolerati. Sed Couar. de omni excommunicato etiā occulto saltem post declarationem, non sustinebitur, ait, eius electio in foro externo, benè tamen in foro conscientie, iuxta Ludouic. López. *ca. 17. de excommunic.* Et nota, quod etsi electus ante excommunicationem peccet acceptando electionem in excommunicatione, valet tamē acceptatio. Nam iura solum irritant electionem, & collationem factam excommunicato, sed non acceptationem, quæ nulli ius nouum confert. *Ita Nauar. cap. si quando, de rescript. Couar. 3. varar. 16. num. 4. Lodes. c. 6. de penit. dub. vlt. & cōmuniter Thomista contra aliquos Theologos.*

5. Excommunicato non potest conferri beneficium, aut pensio quæ sit beneficium, vtpotè concessa ob spirituale ministerium, & collatio si fit, est nulla. *Ita c. postulasti, de cler. excomm. minist.* Et hoc etiā si excommunicatio

inculpabiliter ignoretur ab electo, aut eligente.

6. Excommunicatus non potest conferre beneficium ecclesiasticum. *Ita cap. tanta, de exce. Prala.* Ex quo colligit Silu. *ver. Clericus 4. & iuxta c. 1. de offi. Vicarij in 6.* Quod cum ille sit priuatus executione suæ iurisdictionis, non potest ligare, aut soluere etiam a censuris per se aut per alterum, delegando tunc alteri iurisdictionem ad hoc. Secus de iurisdictione data ante excommunicationem, quæ tunc non spirat. *Ita Enriq. tom. 1. lib. 6. cap. 7. num. 6.* Et patet ex usu. Et prædicta taliter sunt vera de excommunicato non tolerato, vt opposita sententia Palud. d. 23. *quæst. 2. artic. 2. & Silu. verb. unctio*, sit improbabilis, vt ait Ledesm. *cap. 6. de pœnitent. dub. 6.* Nisi aliàs excommunicatus iste non toleratus sit occultus. Nam tunc dicitur 2. 2. q. 67. artic. 1. sententia ab isto lata, & collatio per eum facta valet ex dispositione Ecclesiæ, ita pro bono communis ordinantis. Dixi de excommunicato non tolerato: Nam si sit toleratus etiam publicè excommunicatus, omnia quæ operatur ex iurisdictione ecclesiastica, aut seculari, vt collatio, & electio ad beneficium, valida sunt, cum isti excommunicati ob bonum fidelium in nullo sint ab istis vitandi, iuxta dicta supra.

7. Si excommunicatus impetrat aliquam gratiam à Papa, impetratio est nulla. *Ita cap. 1. de rescript in 6.*

8. Excommunicatus durante excommunicatione suspensus est ab officio, & beneficio, *in c. postulastis. de appellatio- ne.* Et sic si sua culpa non absoluitur, restituet omnes fructus beneficij: At si non stet per eum quin absoluator, potest sibi de fructibus, necessaria ad victum reservare *Ita Siluest. verb. clericus 4. & Nauar. capit. 25. num. 124. contra Led. ca 6. de pœnitent. dub. 8.*

9. Excommunicatus peccat mort. ministrando, & recipiendo Sacramenta. *Ita capit. ultimo 3. quæst. 1.* Et intelligitur extra extremam necessitatem. Nam in necessitate extrema quilibet excommunicatus etiam nō toleratus tenetur ministrare Baptismum, & Pœnitentiam. Imò est valde probabile, licere tunc recipere ab isto etiam nō tolerato Eucharistiam, vt ait Ledesma, *c. 6. de excommunicat. dum absit periculū contra auctoritatem Ecclesiæ, & reuerentiā istius Sacramēti.* Et si excommunicatus toleretur ab Ecclesiā, potest ministrare Sacramēta à fidelibus petita, vt dixi.

Ad

An verò excommunicatus recipiat aliquando validè 6

Sacramentum Pœnitentiæ ? Ad hoc dico quod sic in duobus casibus. Primo, Si pœnitens confitetur peccata & excommunicationem, & confessor ex obliuione, aut aliter solum absoluit à peccatis. *Ita communiter contra Adrian, & Paludan.* Secundo, Si pœnitens, ait Soto, d. 22. quæst. 1. artic. 1. cum Adrian. ex ignorantia, aut inaduertentia inculpabili iuris, aut facti non confitetur excommunicationem. In his duobus casibus, ait Med. in sum. §. 3. cum Caiet. verb. absolutio, & Ledesm. cap. 6. de pœnitent. excommunicatus recipit Sacramentum, & gratiam. Et sic in gratia positus, & excommunicatus participabit fructus aliorum membrorum mysticorum in charitate existentium; non verò participabit suffragia Ecclesiæ, & manebit priuatus sacris, vt antea. *Ita communiter Theologi contra Canonistas citatos à Ledesma, cap. 6. de excommunicat.* imò si excommunicatus ex ignorantia, seu inaduertentia iuris, aut facti culpabili, alias non crassa, obliuiscitur confiteri excommunicationem, peccat mort. ob negligentiam, nec recipit gratiam, recipit tamen Sacramentum Pœnitentiæ informe: Et sic non tenetur repetere postea confessionem, sed censuram, & negligentiam confitendi illam, & sic absolutus à tali censura & negligentia recipiet effectum præcedentis Sacramenti informis. *Ita Caiet. verb. absolutio. Nau. in man. cap. 9. num. 3. Covarr. relect. de excommuni. 1. p. §. 6. Medin. in summ. §. 3. Et communiter contra Soto, Palud. Silu. & Adrian.* Et patet exemplo eius, qui cum tali ignorantia, seu inaduertentia omittit confiteri aliquod peccatum mortal. qui iuxta Theologos, maximè Thomistas in addit. quæst. 9. art. 1. recipit Sacramentum Pœnitentiæ informe.

10. Excommunicatus durans pertinaciter per annum in excommunicatione, habetur vt suspectus in fide. *Ita in Conc. Trid. sess. 23. c. 3.*

11. Excommunicato morienti in excommunicatione, negatur sepultura Ecclesiastica in c. sacris, de sepul. Et Nauar. cap. 27. num. 36. intelligit hoc de excommunicato denunciato, aut notorio.

12. Subditi non tenentur seruare excommunicato fidem etiam iurata. *Ita cap. iuratos, 15. q. 6.*

13. Excommunicatus, vtpotè non toleratus, & alias non

secultus, iuxta dicta, impeditur ab actionibus fori iudicialis, etiam secularis; & si ferat sententiam etiam alias iustā, est nulla. Ita c. audimus, 24. quest. 1. Nec potest esse actor, accusator, advocatus, procurator, testis, nec instituere procuratorem, nisi in causa propria. Ita cap. intelleximus, de iudicijs. Et potest index secularis cogi censuris, ne istos in iudicio admittat. Ita cap. discernimus, de sentent. excommunicatione.

7. 14. Communicatio civilis, utpote est, id est, loquela, etiam scripto, aut signis, orare, vale, communitio, mesa negatur excommunicato in c. nuper, de sent. excom. Itaque tam excommunicatus, quam cum illo alias non tolerato in civilibus communicantes peccant ven. Ita D. Thom. q. 23. art. 3. Ca. iston. ver. excommunicari. Nam c. 27. n. 28. Ista enim communicatio levis materia communiter reputatur, eo quod sit frequens, & difficile vitabilis. Imò ista communicatio, ait D. Thom. art. 1. & communiter, erit licita etiam cum excommunicato non tolerato in casibus contentis in illo versu, *utile, lex, humile, res ignorata, necesse*. Per *utile* intelligitur omnis utilitas spiritualis, & temporalis: licet enim communicare cum isto excommunicato, dando ei victum, consilium, & recipiendo ab eo, et si alia verba misceantur vbanitatis causa. Ita c. cum voluntate, de sentent. excom. Et sic licet admittere excommunicatum etiam non toleratum ad concionandum. *lex*, intelligitur lex matrimonij: licet enim coniugibus inter se invicem communicare, *ut est communis sententia cum* D. Thom. contra Silu. ver. excommunicatione. 5. Cuius sententia solū est vera, quando excommunicatio lata est in causa matrimoniali. Per *humile*, intelligitur communicatio inter patres, & filios, dominos & servos. Per *res ignorata*, intellige quod ignorantia excusat à peccato excommunicationis. Imò si dubito an Petrus sit excommunicatus, possum cum eo communicare; nam in dubio melior est conditio possidentis. Per *necesse*, intellige licere communicare etiam in spiritualibus cum excommunicato non tolerato, ob vitandum mortem, infamiam, aut aliud damnum temporale proprium, aut excommunicati, aut alterius; dum tamen absit scandalum. Nam si quis in contemptum excommunicationis, seu potestatis ecclesiasticæ minetur mihi mortem, si non communico cum isto excommunicato, potius teneor subire mortem, quam sic com-
munica-

DE EXCOMMUNICATIONE. 319

municare, ut est communis sententia Tenemur enim exponere vitam pro bono comuni Fidei, & Ecclesie.

Dubium 1. *An pro omni peccato possimus excommunicari.* 8

1. Conc. Nullus potest excommunicari excommunicatione maiori pro peccato ven. *Ita communiter cum D. Thom. q. 24, art. 3.* Et colligitur ex Conc. Trid. sess. 25, cap. 3. Et patet: nam per istam excommunicationem excludimur ut indigni ab Ecclesia & gloria, sed per peccatum ven. non sumus indigni gloria: ergo.

2. Conc. D. Thom. ibi. Ut quis excommunicetur maiori excommunicatione, non sat est quodvis peccatum mortale, sed requiritur quod adsit contumacia, seu specialis inobedientia. Alias excommunicatio erit nulla, *ut ait Soto d. 22. q. 1, art. 2. iuxta cap. in presentia de sent. exco. & cap. Romana, eodem tit. in 6 contra glo. in cap. statumur tit. & contra Ledes. cum alijs cap. 3 de excomm. dub. 3.* Et patet ex cap. omnes decima, 16. q. 7. & cap. de Presbyterum, 17. q. 4. ubi tria admonitio cum tribus intervallis temporis præexigitur regulariter ante excommunicationem. Et Matth. 16. ubi fundatur potestas excommunicandi, supponitur quod excommunicandus non audiat *Et nota*, sat esse aliquando unam monitionem, iuxta cap. constitutionem, de sent. excom. in 6. ut cū statuitur per legem, qui tale fecerit, sit ipso facto excommunicatus. Et cum in casu raro urget necessitas cogendi aliquem statim per excommunicationem, ne, v. g. reus iniuste ab Ecclesia extractus subito rapiatur ad supplicium.

Si objicias quod excommunicatio solet ferri pro recompensando damno temporali alteri illato; *Ad hoc dico*, quod immediata materia excommunicationis est inobedientia contra Ecclesiam præcipientem sub excommunicatione restitui alienum. Ex quo patet, quod si ablatum erat auferentis, aut sibi aliter debitum, non incurrit excommunicationem illud retinendo, sicut, nec est tunc inobediens. Item qui non est soluendo, non tenetur respondere excommunicationi nec eam incurrit, *ait Soto, & Navar. c. 25. n. 40.* Nec restituet cum damno victus, aut restituit contra Soto: Et qui scit Petrum aliquid furatum esse, ob quod excommunicatio fulminatur, etiam contra id scientes, & non manifestantes, non tractatur respondere: *ait Alan. Rad. 1. p. c. 79, si scit Pe-*

§ 10 DE EXCOMMUNICATIONE.

trum nō posse in toto, aut in parte restituere. Nam si possit partem restituere, ad id tenetur sub excommunicatione. Et si modò quando excommunicatur non possit restituere, & postea possit, ad id sub priori excommunicatione tenetur, quæ, ut ait Soto, semper durat, etsi pro tempore quo non potuit soluere, ipsum non ligauit.

6 Dub. 2. *An ignorantia facti aut iuris, excuset ab excommunicatione.*

1. Conc. Ignorantia inuincibilis facti, seu culpæ, aut circumstantiæ, cui est imposita excommunicatio, sicut excusat à culpa, sic & à pœna illius, ut dixi supra. Imò & ignorantia vincibilis culpæ excusat ab eius excommunicatione, maximè lata hoc tenore, Qui scienter hoc fecerit, aut præsumpserit facere, aut audet temerarie facere, sit excommunicatus. Ita D. Anton. 3. p. tit. 24. c. 36. § 13. Silu. ver. ignorantia, Med. in sum. c. 11. §. 2. & communiter Thomista, in addit. q. 21. art. 2. Et patet: Nam Ecclesia intendit punire formalem inobedientiam, & formaliter volitam: sed illa inobedientia cum ignorantia vincibili, etsi sit peccatum mort. non tamen est directè & formaliter volita: ergo.

.. Maius dubium est de ignorantia iuris, ut in rustico, v. g. ignorante legem excommunicantem percussorem clericum. Ad hoc sit

2. Conc. Probabilius est, ignorantiam inuincibilem iuris excusare ab excommunicatione posita in iure existente peccato etià alias contra ius naturale. Ita D. Anto. 3. p. tit. 24. c. 33. Silu. ver. ignorantia. Rose. Nau. cap. 23. n. 48. & c. 27. num. 16. Victor. & Soto, d. 22. qu. 1. art. 2. dub. ult. contra Adrian. q. 3. de clau. Cano. in addit. q. 21. art. 2. Conradoco citato. §. 10. Patet ex cap. si vero, de sent. excomm. 2. Nam etsi iste sit Deo inobediens violando legem naturalem, non tamen est inobediens Ecclesiæ, cum ignoret eius statutum vetans sub excommunicatione, verbi gratia, furtum: Sed excommunicatio intendit punire inobedientiam contra Ecclesiam: ergo. Ex quo patet, idem esse, etsi ignorantia talis statuti sit culpabilis. Ita Lud. Lop. cap. 13. de excomm. cum Silu. Et patet etiam; Quia in cap. ut animarum peri. de cōsti. in 6. statuitur omnem ignorantiam citra supinam & crassam, excusare à sententijs latis in statutis ordinariorum; sed eadem videtur ratio, siue statutum sit de re cōtraria iuri naturali, siue de re mala quia vetita; cum excommunicatio non

tio non incurratur ob violationem præcepti naturalis, sed ob inobedientiam contra legem Ecclesiæ vetantem sub excommunicatione illum actum, etiam alias malum; ergo. Et idem ait Lud. Lop. cum Silu. de excommunicationibus iuris communis, cum sit eadem ratio, *Si arguas*: Nō est de ratione pœnæ quod sit voluntaria, & nota, ut ait D. Th. 1. p. q. 48. art. 5. ergo incurritur excommunicatio, etsi ignoretur: *Ad hoc dico*, quod etsi non requiratur pœnæ cognitio, bene tamen quod cognoscatur lex, cuius violationi est annexa illa pœna.

Dub. 3. *An excommunicatio iniuste lata liget.*

10

1. Concl. D. Thom. q. 24. art. 4. Excommunicatio iniusta ex parte excommunicantis, ut si ex ira, aut odio excommunicat, sed in causa iusta, ligat, ut certum est.

2. Conclusio D. Thom. ibi Excommunicatio iniusta ex parte excommunicationis, est nulla, verbi gratia, si fertur à non iudice, aut à iudice suspensio, seu excommunicatio non toleratis, iuxta dicta supra. Aut si fertur post legitimam appellationem, vel contra priuilegia Papæ. Aut si continet intolerabilem errorem, ut si sit contra innocentem, etiam probatum nocentem. Aut pro solo peccato ven. Aut si alias deficiat ordo essentialis iuris. Ita communiter Thomista cum D. Tho. Aut si fertur contra Collegium, vel Vniuersitatem. Ita cap. Romana, de sentent. excomm. in 6 Nec fit irregularis, qui celebrat cum ista excommunicatione, sicut nec qui in solo foro conscientie est absolutus ab excommunicatione. Ita Caiet. 2. 2. quest. 76. artic. 4. ad 2. Soto, d. 22. quest. 1. art. 3. contra Couarru. in c. alma mater. n. 5. 6. & 7. Verum est, quod ad vitandum scandalum debent isti se gere, ac si essent excommunicati iuxta illud cap. quibus, 11. quest. 3. *Sententia pastoris etiam iniusta timenda est.*

Dub. 4. *Qui possint excommunicare.*

I

1. Concl. D. Thomæ, qu. 22. art. 1. & 2. Soli habentes in foro contentioso Ecclesiæ, iurisdictionem ordinariam, etsi non sint Sacerdotes possunt propria auctoritate excommunicare, & id delegare personis de iure capacibus, iuxta dicta de censuris in communi. Dum tamen isti Ordinarii, seu delegari, ut ait D. Thom. non sint excommunicati, aut à iurisdictione suspensi, alias non tolerati, nec occulti. Nam sic impediuntur ab excommunicando alios, iuxta dicta supra.

2. Concl.

§22 DE EXCOMMUNICATIONE.

2. Conclusio. Prælati regulares possunt excommunicare subditos ubicunque sint, & ob delictum ubicunque commissum, cum nullibi sint exempti ab eorum iurisdictione. At alij Prælati possunt excommunicare subditos delinquentes in suo territorio, etsi discedant extra illud, ut patet ex usu. Imò, & possunt eos excommunicare delinquentes in territorio Prælati non valētis eos excommunicare, ut in monasterijs, cum ubique debeant habere iudicem ordinarium, ne delicta maneant impunita. Nō tamen potest Episcopus excommunicare subditum delinquentem extra suam diocesim, nec obligare eum, ut ad se reuertatur; sed tunc excommunicari potest ab ordinario loci, ubi deliquit. Itā c. ut animarum, de consti. ubi dicitur, quod excommunicatio extra proprium territorium ne extendatur. Et subditur ratio; Quia Episcopus non habet iurisdictionem extra suum territorium.

3. Concl. Excommunicatio ligat iuxta mentem excommunicantis. Et si fertur ad instantiam alterius, intentio excommunicantis intelligitur iuxta istius mentem. Ita Silu. ver. excomm. 2. Et sic in excommunicatione contra retinētes aliqua bona, non comprehenduntur regulariter vxor, filij, aut alij sic coniuncti, dum aliud non constat de intentione petentis excommunicationem. Item si ad instantiam creditoris fertur excommunicatio contra aliquem, nisi soluat intra certum tempus, si iste creditor ante impletum tempus prorogauit illud, non incurritur excommunicatio, etsi non solvatur debitum intra tempus prius taxatum. Imò nec transacto tempore prorogato, nisi alias fiat prorogatio de consensu Prælati saltem tacito: cum hoc sit iurisdictionis, quam pars non potest tribuere. Ita Nauar. cap. 25. nu. 15. Decius, & Couar. de quo Manu. Rodriq. in sum. 1. p. cap. 84.

12 Dub. 5. Quis absoluat ab excommunicatione. Et nota, quod censurarum absolutio vi aut metu extorta, non valet. Et extortor excommunicatur, cap. 1. de his qui vi, & c. in 6.

1. Concl. In articulo mortis vir baptizatus etiam laicus etsi sit hæreticus & præcisus, absoluit ab excommunicatione. Ita Silu. ver. absolutio, 8 & 9. Angel. ver. absolutio, 1. Ledesm. cap. 8. de excomm. dub. 4. contra Soto, d. 18. q. 4. art. 4. & Couar. in c. alma mater, 1 p. 5. l. 2. 9. & contra alios ab eo citatos. Sed pater 1. Nam stando in iure diuino vir baptizatus est capax iurisdictionis necessarie pro absoluen-

do ab excommunicatione: ergo piè credendum est, ut ait

Armi.

Armi. ver. absolutio. Ecclesiam cōcedere illam tunc: sicut in simili casu cōcedit omnibus Sacerdotibus absolvere ab omnibus peccatis: quia sunt capaces illius. 2. Omnes concedit clerico primæ tonsuræ posse tunc absolvere ab excommunicatione: ergo ideā dicēdum de viro solum baptizato, cum stando in iure diuino vterque sit capax talis iurisdictionis.

2. Concl. Ab excommunicatione lata ab homine in particulari, & nominatim contra aliquem, ille solus, qui eam tulit, aut eius successor, aut superior, aut alius ex istorū cōmissione potest absolvere regulariter, vt patet. At si ex iusta causa sit difficile excommunicato ad excommunicatorem accedere, conceditur cap. nuper de sentent. excom. vt præfita iuxta formam ecclesiæ cautione, quod excommunicationis mandato parebit, à suo absoluitur Episcopo, vel à proprio Sacerdote. *Et nota*, quod qui ex officio, aut cōmissione potest excommunicare, potest et si nō sit Sacerdos absolvere ab excommunicatione à se lata: cum vtriusque sit eadem ratio. *Ita Ledesm. cap. 8. de excomm. dub. 1.* Nisi in solis quatuor casibus. 1. Excommunicatio lata ab Episcopo contra incendiarios reservatur Papæ in cap. tua nos, de sentent. excomm. Et intelligitur, ait *Ledesma*, de omnibus incendiarijs, & nō de solis incendiarijs Ecclesiæ, cōtra alios relatos à Sicut verbo, excomm. 2. Secundo, si quis alterum excommunicauit, & ipse incidit in excommunicationem non toleratam, dum sic est excommunicatus, nō potest etiam per alium eū absolvere, iuxta dicta supra. 3. Excommunicatus à legato Papæ, transacto anno, à solo Papa absoluitur. *Ita cap. conquirenti, de offic. deleg.* Et hoc aliqui Canonistæ extendunt ad delegatos etiam inferiorum Prelatorum, sed hoc non habetur in iure, & sic non est certum. 4. Si Papa confirmat excommunicationem latam ab inferiore, solus Papa potest ab ea absolvere, vt patet ex usu. Nam confirmare sententiam tuæ, idem est ac si Papa ferret eam.

3. Concl. Confessor expositus absoluit ab excommunicatione generali lata ab homine, qualis est quæ fertur in visitationibus si alias non reservatur. *Ita Cod. in ca. almu. mager, l. p. § 22. n. 5. Nauar. cap. 27. n. 44. & Ledes. c. 8. de excomm. contra alios.* Et patet; nam aliquando isti superiores reservant istas excommunicationes. Ergo ex se non sunt reservatæ. Et ex hoc patet, posse dictos confessores absolvere etiam ab excommunicatione lata à iure, alias non re-

reſeruata. Ita communiter cum D. Tho. in addit. q. 24. art. 2. D. Bonau. d. 18. q. ult. Soto, d. 22. q. 1. art. 3. contra Durau. d. 15. q. 4. Palud. q. 5. art. 1. & alios.

4. Concluſio. Qui ex commiſſione abſoluit ab excommunicatione, debet ſeruare formam ſue commiſſionis, aliàs abſolutio erit nulla, vt ſi tibi committitur abſoluere ſatisfacta parte, aut cum tali pœnitentia; ſeu præmiſſa confeſſione Sacramentali. Aliàs, ſi nihil iſtorum iubetur in commiſſione, abſolutio valet ſine eis: cum ex ſe iſta non annectantur abſolutioni à cenſuris, ſed extra Sacramentum & ſine ſatisfactione ſunt abſolubiles. Ita Couar. in cap. alma mater, 2. p. §. 11. n. 16. Nauar. cap. 16. nu. 51. Ledefma, cap. 9. de excomm. dub. 3. Erit tamen peccatum, abſoluere ab excommunicatione, omiſſa ſatisfactione. Nam ſtando in iure naturali & diuino, realis ſatisfactio eſt præmittenda, ſi ſit poſſibilis, ſin minus, detur cautio modo dicto q. 5. de pœnitent. dub. 10.

Et nota, quod in Bulla Cruciatæ, vel alio ſimili indulto non petitur quod abſolutio excommunicationis fiat in Sacramento Pœnitentiæ, ſed quia confeſſio eſt præuia ad abſolutionem peccatorum, conceditur ibi vt poſſit eligi confeſſor approbatus pro peccatis, qui etiam poſſit abſoluere ab excommunicatione, & alijs cenſuris. Ita Enriq. tom. 1. lib. 7. c. 13. n. 2. cum alijs ab eo relatis, & Ledef. contra alios. Et valet etiam pro foro externo ſatisfacta parte, & ceſſante contumacia, abſolutio cenſurarum facta virtute bullæ aut alterius ſimilis indulti. Ita Medina in ſumma, lib. 2. cap. 12. contra Nauar. lib. 5. conſ. 47. de ſentent. excomm. & Couar. in Epit. cap. 6. de impedim. & contra Gutierrez in qq. canonic. capite 5. num. 29. Et conſtat ex declaratione Pij Quinti in quodam iubileo ab eo conſeſſo relato in noſtra Epitome de ſtatu Religionis, lib. 2. cap. 7. dub. 1. vbi ait, conſeſſiones illius iubilei, & ſimilium, & diſſimilium indulgentiarum à ſe, & prædeceſſoribus emanatas, & emanandas, Chriſti fidelibus ad earum effectum in foro conſcientiæ conſequendum, non in foro contentioſo, niſi ſatiſfecerint, ſuffragari. Vbi duo inſinuantur, & quod ſatisfacta parte poſſunt abſolui, etiam à cenſuris ab homine latis in foro contentioſo, & quod in foro conſcientiæ poſſunt abſolui ſine ſatisfactione, maximè cum cautione de ſatisfaciendo cum commodè fieri poſſit. Et ex his patet, non eſſe neceſſariam

riam realem satisfactionem, quando non est possibilis, vt potiaris in foro conscientię absolute censurarum concessa in bulla, aut alibi, non obstante quod ibi petatur. Nam hoc debet intelligi, aut pro foro contentioso iuxta declarationem *Pij V.* aut quando alias est possibilis. Ita *Caieran. Medina. Nauar. cap. 27. num. 27. Enriq. tom. 1. lib. 7. cap. 13. num. 2. Silu. ver. absolutio, 3. contra Soto, d. 22. qu. 2. art. 3. Armil. ver. absolutio, & Gutierrez in qq. canon. cap. 5. nu. 29.* Imò, quoties satisfactio non est liquida, interim ac liquidatur potest absolui cum cautione, etiam seclusio priuilegio. Item si offenso offertur condigna satisfactio ad arbitrium prudentum, & noli acceptare, aut differt acceptationem, absoluatür pœnitens.

Nota 1. Non posse excommunicatum absolui ad reincidentiam de consensu soli us partis, & sine consensu saltem tacito excommunicantis, cum absolutio ad reincidentiam requirat iurisdictionem. Ita *Nauar. cap. 27. numer. 14.* Et absolutus per bullam ad aliquem effectum cum reincidentia, non reincident, nisi in solo foro externo si res sit manifesta: aliàs in omnibus potest se gerere vt absolutum. Ita declarauit *Gregorius XIII.* vt refert Sà, verbo, absolutio. *Nota 2.* Quod per absolutionem generalem censurarum tollitur omnis censura, etiam culpabiliter oblita; si alias confessor poterat ab ea absoluerè, etiam si non maneat absolutus à peccato censuræ, sed sit postea confitendum. *Nota 3.* ex *D. Thoma, quæst. 24. art. 2.* Posse excommunicatum inuitum absolui. Et si est pluribus excommunicationibus ligatus à pluribus iudicibus, aut ob plures causas, potest ab vna absolui, manente alia excommunicatione ligato, vt ait *D. Tho. artic. 3. & cap. cum pro causa, de sentent. excommunic.* Et potest absolui ab excommunicatione, aut ab alijs censuris, in absentia, aut per litteras siue per procuratorem. Et tunc manet absolutus, quando litteræ sibi notificantur. Ita *cap. quanto, 11. qu. 5. & Ledesma cap. 8. de excommunicat. dub. 3.* Et sic Prælati Religionum in festis præcipuis in suis capitulis absoluunt à censuris subditos, etiam absentes. Imò & mortui, si constet eos pœnituisse, absoluendi sunt ab excommunicatione, vt pro eis offerantur suffragia. Ad quod cogantur hæredes. Ita c. à nobis, de sentent. excomm.

ARTICVLVS III. DE SVSPENSIONE.

S V M M A R I V M.

Quid & quoruplex suspensio. n. 1.

Suspensiones latae in iure. n. 2.

Violator suspensionis quam poenam incurrat. n. 3.

Quis possit absolvere à suspensione. n. 4.

- 1 **S**uspensio est censura Ecclesiastica; qua aliquod officium aut beneficium compètens certa personæ Ecclesiasticae interdicatur in totum, aut in partem ad certum tempus, aut in perpetuum quoad partem ob culpam. Nam perpetua prohibitio totius exercitiij, officij, aut beneficij, potius est depositio, & priuatio, quam suspensio, ut ait Panor. in cap. ac si clerici, de iudi. Dicitur ob culpam. Nam cum suspensio sit poenae, incurrenda est ob culpam saltem ven. quæ iuxta Caiet. ver. suspensio, lat est, sicut & ad incurrendam excommunicationem minorem, quæ à maximis excludit iuxta dicta art. 2 in princ. Suspendio enim ob lepram, senectutem, & similia non est propriè suspensio: ut ait Nauar. cap. 27. num. 151.

- Ex dictis patet, quod suspensio, alia est officij solum aut partis eius, alia est beneficij solum, aut rei pertinentis ad illud, alia est suspensio officij, & beneficij simul. Item suspensio alia est lata à homine, & potè habente iurisdictionem Ecclesiasticam in foro externo Ecclesiæ Et hæc in scriptis, & prævia monitione est ferenda, si imponatur ob contumaciam Et hæc suspensio, sicut & excommunicatio, & interdictum, non suspenditur sequenti appellatione. Ita cap. ad hæc 5. de appel. & cap. is cui, de sent. excom. in 6. Et si sit nulla, sicut & excommunicatio, & interdictum, si imponatur post legitimam appellationem. Ita communiter Canonista in cap. 1. de sent. excomm. in 6. & Nauar. cap. 27. n. 165. Alia est suspensio lata à iurè; vbi primò suspenditur sacris initiatus, notorius concubinarijs, in cap. nullus, & cap. præter, dist. 32. Sed ut ait Mèd. in sum §. 8 de suspens. ista suspensio non est in usu in Hispania, & sic ille celebrando non fit irregularis. 1. Qui recipit Ordinem sacrum sine licentia, sine ætate, vel extra tempora, manet suspensus, quan-

quandiu suo Ordinario videbitur Ita in extrau. cum ex 124
 crorum, & est Bulla 8. *Pij 11. in compend. Manualis Rodr.*
Et nota, quod si iste bona fide putans se habere ætatem,
 ordinetur, durante bona fide non est suspensus, & sic nec fit
 irregularis celebrando. Imò nec comperta veritate peccat
 celebrando, *ut ait Nana. citatus à Ledesm. cap 7. de ordi-*
ne: nec manet suspensus, nec irregularis. Nam et si loco ci-
 tato, & in *Concilio Trident. sess. 23. cap. 12.* habeatur,
 quod carens ætate non ordinetur; at si bona fide ordinetur,
 non vetatur exercere Ordines. Imò supposito, quod sit iam
 absque culpa ob bonam fidem ordinatus, habet ius exercen-
 di suum ministerium. Et de ordinato scienter sine ætate
 post absolutionem à suspensione, celebrando, ait Ledesma;
cum Siluest. & Armil. verbo irregularitas, non manere ir-
 regularem; cum non sit iam suspensus, sed peccare morta-
 liter. 3. Suspenditur, ait *Silu.* ordinatus per saltum, aut in
 excommunicatione, aut in apostasia; aut post contractum
 matrimonium, aut per Episcopum excommunicatum, su-
 spensum, aut degradatum. Et Episcopus ordinans scienter
 non subditum sine licentia, suspenditur per annum à
 collatione Ordinum in cap. eos, de tempo. ordi. in 6. Et
 suspenditur etiam ordinans alterum sine ætate, in cap. vel
 non, de tempo. ordi.

4. Suspenditur clericus prouocans ad duellum; aut illud
 acceptans, aut in arenam descendens, in cap. 1. de cleri. pug.
 in du. Ita *Sil.* Et si *Nau.* sentit oppositum, eo quod ibi dici-
 tur esse deponendum. 5. Qui excommunicat sine legitima
 monitione, iuxta dicta dub. 1. de excommu. suspenditur per
 mensem ab ingressu Ecclesiæ, in cap. sacro, de sentent. ex-
 comm. 6. Qui alterum excommunicat; interdicat, aut sus-
 pendit solo verbo sine scripto, aut sine expressa causa illius,
 aut si intra mensem non dat transumptum istius scripturæ,
 suspenditur per mensem ab ingressu Ecclesiæ, & diuinis of-
 ficijs in cap. 1. de sentent. excommunicat. in 6. 7. Capitula,
 conuentus, & personæ particulares, quæ vacante Ecclesia
 Cathedrali, regulari, vel Collégiata sibi usurpant, vel disti-
 pant ex bonis relictis à defuncto, aut bona collecta tempore
 vacationis, suspenduntur ab officio, & beneficio donec
 plenè restituât; in c. quia sæpè, de electione. Et idem est in
 redditibus sigilli, aut quouis alio emolumento. Ita in *Clemē-*
tina, statutum, de electione 8. Suspenditur Episcopus ab in-
 gressu

gressu Ecclesiæ, & inferiores ab officijs, & beneficijs, usurpando aliquid ex redditibus dignitatum, personatum, prioratuum, & Ecclesiarum vacantium, & illis subditarum quos reliquerant mortui, aut collecti sunt tempore vacationis, nisi habeant ad hoc priuilegium, aut consuetudinem præscriptam. *Ita in cap. presenti, de offic. Ordinarij, in 6.*

9. Conseruator Sedis Apostolicæ scienter cognoscens causas alias non notorias, suspenditur per annum ab officio in cap. final. de officio delega. Nisi alias concedatur ei posse cognoscere de illis; sicut cõceditur in priuilegijs religionis.

10. Iudex ecclesiasticus faciens aliquid contra iustitiam, & suam conscientiam, per gratiam aut per sordes, id est, per amorem, odium, aut timorem, in grauen partem alterius, suspenditur per annum ab officio, & perpetuo si in isto tempore ingerit se diuinis, cap. 1. de sentent. & re iudic. in 6.

11. Qui admittit ad officia diuina, ad Sacramenta, aut sepulturam ecclesiasticam excommunicatos non toleratos, aut interdictos publicos, suspenditur ab ingressu Ecclesiæ, dum non satisfacit, in cap. Episcoporum, de priuileg. in 6. Et hoc; ait Nauar. tantum habet locum contra exemptos.

12. Qui in Ordine mendicantium admittit nouitium ad professionem ante annum probationis expletum, excommunicatur, & suspenditur à receptione nouitiorum ad professionem, in cap. non solum, & cap. constitutionem, de regul. in 6.

13. Beneficiatus gestans publicè & sine rationabili causa vestes partitas aut coloribus distinctas, suspenditur per sex menses à fructibus beneficij. Et non beneficiatus in sacris Ordinibus citra Sacerdotium cõstitutus, tales vestes gestando est inhabilis per idem tempus ad beneficium. *Ita in Clementina. 2. de vita & hon. cle.* Et idem ibi statuitur pro clericis minoribus talem vestem cū tonsura publicè deferentibus. Et pro Sacerdotibus etiam Religiosis habentibus dignitatem, personatum seu beneficium cum cura animarum, ponitur poena suspensionis à dictis fructibus per annum si dictis vestibus vtantur. Et si non habent beneficium sunt per annum inuabiles, ad illud. 14. Religiosi habentes administrationem rerum Ecclesiasticarum, alienando aliquid ad eas pertинens, aut alicuius vitam concedendo absque necessitate, & utilitate, & licetia sui capituli, aut Prælati, si

ti, si non habet capitulum, etiam si illud pretio concedat, suspenditur ab officio in clementina 1. de rebus Ecclesiæ non alien. & contractus annullatur. Et licet ibi permittantur aliarum rerum locationes, & venditiones reddituum ad modicum tempus, tamen si dictæ solemnitates omittantur, incurritur excommunicatio, & contractus annullatur in ca. hoc consultiſſimo, de rebus Ecclesiæ non alien, in 6.

15. Ordinatus sine patrimonio cum pacto non petendi victum ab Episcopo, & ordinatus ad præsentationem alicuius beneficii cum pacto nihil petendi ab eo, suspenditur ab Ordine sic accepto, & ordinator à collatione ordinum, & præsentator ab executione ordinum per triennium, in cap. si quis, de simo. Et idem censet Nauarr. de ordinato cum alimentis, & patrimonio promissis, aut ab alio donatis cum pacto nihil petendi post Ordines. Secus si post Ordines remittat promissum, aut retrodonet sibi datum nullo pacto præmisso ante Ordines, iuxta dicta dubio 6. de Ordine 16. Qui sine titulo ordinat Religiosum Ordinis, ubi solum sit votum temporale Religionis, suspenditur in extra. cum ex sacrorum, *Pij II.* ut ait Nauarr. Sed Religiosis Societatis oppositum habetur iam concessum à Gregorio XIII. *Bulla 2. apud Mann. Rodriguez. in compend. 17.* Qui non seruat interdicta, iuxta dicenda in tractatu de interdicto, suspenditur ab officio, beneficio, & iurisdictione, in cap. tanta, de exce. præl. 18. Clericus admittens vsurarios manifestos ad Eucharistiam, sepulturam, aut oblationem suspenditur ab officio, quousque arbitrio Episcopi satisfaciatur in cap. qui in nobis de vsuris. 19. Simoniacus in Ordine suspenditur à functione Ordinum simoniacè susceptorum, etsi crimen sit secretum, iuxta *D. Thom. 2. 2. q. 100. art. 6. ad 1.* Et simoniacus in beneficio iuxta *D. Thomam & Soto, 9. de ius. q. 8. art. 2. contra Nauarr. in man. cap. 23. num. 111.* si est secretus, est suspensus quoad se, & idem de ordinante simoniacè: & si est publicus, est suspensus quoad se, & quoad alios. Et idem de mediatore simoniæ. Alias suspensiones vide in Silu. ver. suspensio.

Nota, quod suspensus à minoribus Ordinibus, v. g. à subdiaconatu, est suspensus à maioribus, ut à diaconatu, & Sacerdotio, sed non è contra, ut colligitur ex ca. cum illorum, de sent. excomm. At suspensus ab officio, non ideo est suspensus à beneficio, aut iurisdictione, nec è contra. Et sic

si ille interfit diuinis officijs, potest percipere fructus ob
assistentiam, & regimen debitos. *Ita Nauar. cap. 27. num.*
160. iuxta Bonifa. in Clem. cupientes, de pœnis. Et sic etiam
suspensus ab officio eo quod sine ætate est presbyter fa-
ctus, non amittit fructus beneficij. Et si assistat horis cano-
nicis potest percipere fructus assistentiæ, sicut & regimini
debitos. *Ita Nauar. iuxta dictam Clem.*

3

Dub. 1. *An violator suspensionis peccet, & fiat irregularis.*

1. Conclusio. Suspensus a beneficio tenetur sub peccato
mort. restituere fructus, demptis necessarijs ad victum mo-
deratum, si alias non habet quo viuatur, nec possit facere vt
absoluatur, vt dixi de excommunicatione. *Ita Medin. in*
sum. & Ludou. Lop. 2. tom. cap. 31. Sed non fit irregularis, etsi
non restituat; cum nihil tale in iure habeatur. Et idem ait
contra Nauar. Ludou. & Arnil. verb. suspensio. cum Ca-
ietan. de suspensio à prædicando, cum prædicare non sit
actus facer à charactere elicitus. Et idem etiam est de su-
spensio à receptione Sacramentorum, excepto Sacramento
Ordinis: cum in recipiendo Sacramenta non interueniat
actus ordinis, sed ista recipere competat etiam laicis. *Ita*
cõmuniter cum Conar. relet. de homicidio. l. part. §. 1. Dixi
excepto Sacramento Ordinis. Nam interdictus, aut suspen-
sus ab ordinibus recipiendis peccat mort. & fit irregularis
illos recipiendo. *Ita cap. cum illorum, de sent. excomm. &*
cap. 1. de eo, qui ordin. furt. Et licet iura loquantur de so-
lo excommunicato, ordines, scilicet maiores, recipiente,
sed idem reputat Siluest. ver. irregul. cum D. Raymundo de
interdicto, aut suspensio simpliciter, aut ab ordinibus, reci-
piendo scilicet Ordines maiores; iuxta dicta de excom-
munic. in 2. effectu.

2. Concl. Suspensus ab officio. ait Felin. & glos in cap.
Apostolici, de excep. & iuxta cap. cum inter. de electione nõ
potest eligere, quando, eligere competit ei, non ratione be-
nificij, sed officij à quo est suspensus. At non fit irregularis
eligendõ alterius, aut acceptando electionem Peccat tamẽ
mort. tam ipse, quam ipsum non vitantes, alias iuxta Con-
cil. Constans. publicẽ suspensum, & nominatim denun-
tium in eo, à quo est suspensus, cum violent præceptum
Ecclesiæ in re graui.

3. Concl. Suspensus ab ordine sacro, aut officio Ecclesia-
stico peccat mort. & fit irregularis exercendo solemniter
ex officio

ex officio actum maioribus Ordinibus deputatū, iuxta dicta in 2. effectu excom. Ita cap. 1. de sentent. & re iud. Non si exerceat ordines minores, et si ab eis sit suspensus. Ita Nau. l. 5. cons. 3. de sentent. excom. & iuxta dicta loco citat.

Dub. 2. Quis absoluat à suspensione. Et nota non esse determinatam formam pro absoluendo à suspensione, sed quibusvis verbis id significantibus tolli, vt si dicas: *Absoluo te à suspensione, quam incurristi ob talem causam, & restituo te pristina executioni.* Imò suspensus pro certo tempore, vel quousque satisfaciatur, illo tempore implero, aut facta satisfactione manet absolutus, absque alia verbalis absolute.

1. Conclusio. Suspendio lata ab homine absoluitur à ferente illam, à successore, aut superiore, siue ab alio ex istorum commissione, vt dixi de excommunicatione. Et sic etiam, lata à iure, vel ab homine absolui potest etiam in foro externo, sicut & excommunicatio, & interdictum, per Bullam, aut aliud simile indultum satisfacta parte, & cessante cōtumacia. Ita Medina in sim. lib. 2. c. 12. contra Nauarr. & alios citatos. dub. 5. de excom.

2. Conclusio. Episcopo in sua diœcesi, & eius Vicario conceditur in Conc. Trident. sess. 24. ca. 6. absoluere in foro conscientie subditos suos ab omni suspensione, etiam Papæ reseruata; ex delicto occulto orta, excepta deducta ad forū contentiosum; & excepta iam in decreto Sixti V. contra male promotos, suspensione simoniace ordinantis, & ordinati. Sed licet in bul. 21. Clem. 8. relata à Man. Rod. in compend. moderando dictum decretum Sixti statuatur, quod pœnæ simoniæ ibi contentæ in suo maneant robore: at nihil dicit de reseruacione, quæ cum inter pœnas non veniat intelligenda sed solum sit non concessio iurisdictionis; videtur posse Episcopum dispensare in dicta suspensione iuxta dictum Concilium. Nisi dicas, quod ista non concessio iurisdictionis sit etiam pœna, aut robur ipsius pœnæ. Dixi in foro conscientie: Nam si suspensio lata, scilicet à iure communi, aut particulari, aut ab homine generaliter sit posita cum termino, aut reseruacione, non potest tolli ab Episcopo in foro externo, sed transacto termino tollitur. Ita glo. in cap. nuper de sentent. excomm. Secus si sit posita sine termino, & reseruacione, & ob delictum in quo Episcopus potest dispensare, sicut ob adulterium, aut alia minora de-

licita *Iuxta cap. at si clerici de iudicis*: Nam vt ait Nauar. *cap. 27 num. 162. & Lud. Lop. loco citato*, si sit posita ob delictum in quo non potest Episcopus dispensare, non poterit ab eo absolueri in foro externo, etiam si sit posita sine termino, & reseruatione.

5. Concl. Idem ac Episcopus potest Cabildus in sede vacante. Succedit enim ei, & in iurisdictione ordinaria spectante ad Episcopum iure communi, & generali. *Iuxta cap. cum olim, & cap. cum abolendam, de hær. cum glossa, & in iurisdictione iure communi & speciali ad Episcopum pertinente, qualis est ista concessio Concilij loco citato. Ita ex Panormitan. in dicto cap. at si clerici. nume. 17. & Decio. num. 150. Et si non succedat in competentibus Episcopo iura communi speciali gratioso, vtpotè, ex priuilegio Papæ, & ex eius committione, iuxta Innocen. in cap. cum. in cunctis, num. 17. de elect. Et idem potest Cabildus in sede vacante circa alios casus, & censuras.*

ARTICVLVS IV. DE INTERDICTO.

S V M M A R I V M.

Quid sit interdictum & que Sacramenta sunt in illo vetita. num. 1.

Qua officia tempore interdicti vetita. n. 2.

Qui possint tunc interesse diuinis officijs. n. 3.

An sepultura tum licita. n. 4.

Interdictum est censura Ecclesiastica separans hominē ab aliquorum Sacramentorum ministratione, & receptione, à diuinis officijs, etiam audiendis, à sepultura Ecclesiastica, & ingressu Ecclesie.

Nota 1. Quod Sacramenta vetita in interdicto, sunt Ordo, Extrema vñctio, & Eucharistia extra articulum mortis potest tamen matrimonium celebrari sine benedictionibus nuptialibus, Confirmatio, & Baptismus. Et Pœnitentia potest omnibus ministrari, exceptis illis qui dederunt causam, auxilium, consilium, aut fauorem delicto interdicti. Nam isti dum non satisfaciunt, & si id non possint, dum non præstant idoneam cautionem de satisfaciendo per se aut per alterum, non admittuntur ad pœnitentiam, ait Silu. verb.

verb. interdictum, Lud. Lop. 2.p.cap.21. ex cap.alma mater, de sentent.excommun. in 6.

Nota 2. Officia in interdicto vetita, sunt Missa, Horæ, aspersio aquæ in principio Missæ, benedictio solemnîs Episcopi cum baculo, &c. benedictio Abbatis, & Abbatisse, consecratio altaris, olei, chrismatis, calicis, & virginis, benedictio aquæ corporalium, ramorum in Dominica in Ramis, candelarum in Purificatione, ornamentum Ecclesiæ, & velorum monialium, processiones, officia B. Virginis, & defunctorum, Prædicta non poterant olim celebrari: sed iam ex concessione capituli alma mater, de sent.excom.in 6 celebrantur submissa voce, ianuis clausis sine campanis, excommunicatis scilicet, non toleratis, ac interdictis exclusis; dum tamen, ut ait glos. ibi, Ecclesia ubi ista celebrantur non sit specialiter interdicta. Nam in ista solum licet Missam semel in septimana celebrare pro renouanda Eucharistia; & pro communicandis infirmis, iuxta cap. permittimus, de sent. excomm. & cum dicta cautela ca. alma mater. Possunt tamen intetesse diuinis officijs in interdicto; Primò Clerici primæ tonsuræ, alias non vxoratis, etiâ semel, & cum virgine; nisi vsus sit in contrarium, ut in Aragonia, ut ait Nauar. cap. 27. num. 174. Alias isti nec sunt ministri Ecclesiæ, iuxta Doctores in cap. 1. de Cleric. cõiug. in 6. Ita Soto d. 22. q. 1. Ludon. Lop. 2.p.cap. 21. Secundo habentes Bullam aut aliud privilegium ad hoc, dum tamen isti nec sint excommunicati, aut specialiter interdicti, nec dederint causam eîus, alias istis etiam clericis negatur interesse diuinis. Et priuilegium clericorum & habentium bullam, aut aliud simile indultum, fauet eorum famulis, & familiaribus ex more eos associantibus. Iuxta cap. licet, de priuileg. in 6. Tertio, interesse possunt adiutores Missarum secluso dolo, & pueri non doli capaces, vsque ad septennium regulariter, qui ex tunc iam intelligunt Missarum solemnita. Etsi adhuc non inteligant admittantur, ait Ludon. Lop.

Not. 3. circa sepulturam, quod solis clericis qui seruauit interdictum, alias non interdictis specialiter, conceditur, cap. quod in se, de poenit. & remiss. posse in cimiterio cū silentio, sine solemnitate & campanis sepeliri Sed iam ut ait Silu. & Armil. verb. interdictum, & Lud. Lop. cõceditur eis ecclesiastica sepultura cum Missa & officio funeris, & cum

cautela cap. alma mater, Alij etiam; quibus ex privilegio conceditur interesse divinis, possunt cum silentio in coemeterio sepeliri. Ita Nau. nu. 108. & Angel. verb. interdictum, 6. & contra Fredericum.

DIVISIO INTERDICTI.

SUMMARIUM.

Quotuplex interdictum. n. 1.

Quis possit interdicare, & interdicti n. 2.

- 1 **I**nterdictum dividitur in locale, utpotè quando interdictur aliqua Ecclesia; & in personale, quando interdictitur persona, & in locale, & personale quando utrumque interdictitur. Item interdictum locale, sicut & personale, aliud est generale, utpotè cum omnes Ecclesie, aut omnes ciues oppidi interdicuntur, aliud est particulare, cum aliqua Ecclesia, aut persona interdictitur. Item persona potest interdici quoad omnia, aut quoad aliquid, ut si interdictitur ab ingressu Ecclesie, & tunc potest iste celebrare extra Ecclesiam. Ita glossa in cap. in cui de senten. excommunicat. in 6. Et differunt interdictum personale, & locale, quod personale comitatur personam, nec ullibi potest admitti ad divina aut sepulturam. At si una Ecclesia sit interdicta, in alijs possunt audiri officia. Item interdictum aliud est à iure, de quo Angelus, verb. interdictum, refert novem casus in quibus incurritur: aliud est ab homine. Et solus ille potest interdicare, qui potest excommunicare, cum illud sit minus, ut patet ex ea. cum ab Ecclesiarum, de offic. ord. Et licet non sit in usu, Prælatos regularium interdicare locum, nisi in aliquod oppidum habeat iurisdictionem ecclesiasticam, possunt tamen interdicare personas sibi subditas ab audientia divinorum; ut patet ex cap. cit. & Ludou. Lap. Et nota quod communitas non potest interdici ob culpam hominis privati, nisi ex commissione Papæ, pene tamen interdictitur ob culpam personæ publicæ, ut Prætoris, Episcopi, & iuxta cap. non ex nobis, de spon. Et iste est usus.
- 2

DE CESSATIONE A DIVINIS.

SUMMARIUM.

Quid cessatio à divinis & qua tempore cessationis sine permissa. n. 1.

*Quando suspendatur interdictum & cessatio à divinis. n. 2.
Pœna quas incurrunt violantes interdictum & cessationem. n. 3.*

Quis absolvat ab interdicto. n. 4.

Cessatio reducitur ad interdictum, & consistit in totali suspensione divinatorum officiorum. Et ut ait Medina in sum. §. 14. ex resolutione Doctorum Salmanticæ, in cessatione ista solum permittuntur. 1. Quous octavo die vni Sacerdoti licet cum vno ministro secretè celebrare pro Eucharistiæ renouatione. 2. Horæ recitentur à quouis ecclesiastico seorsum, & non cum socio, secluso privilegio. 3. Permittitur Baptismus etiam pro adultis cum solemnitate chrismate, oleo, & catechismis. Confirmatio & Pœnitentia etiam pro sanis; & Eucharistia pro solis infirmis, ad quos potest deferri cum solemnitate, & campana, sed non recitentur officia diuina. Matrimonium sine velationibus etiam celebrari potest. Itè sepultura potest dari Sacerdotibus in cimiterio. Et licet iuxta Paluda. in 4. d. 18. q. 8. ar. 3. & alios relatos à Lud. Lop. possint in cessatione diuina celebrari cum cautela capituli *alma mater*; sed oppositum est verius, & ysu receptum. Ita Conar. §. 4. de interdicto. Lud. Lop. & cœmn. Solis ergo Episcopis permittitur tunc celebrare, c. ult. de priuileg. & religiosi iuxta sua privilegia. Dub. 1. *An liceas aliquoties suspendare interdictum & cessationem.*

1. Conclusio. Interdictum potest tolli, & suspendi à ferente illud, aut successore, siue superiore. Nam censuræ ligant ad nutum ferentis eas, Et nota, quod si suspenditur interdictum ad vnum actum, v. g. ad sepeliendum mortuum, id solum fieri potest.

2. Concl. In ca. *alma mater*, conceditur, vt in natali Domini, Paschate, Pentecoste, & Assumptione B. Virginis, campanæ pulsentur & officia diuina alta voce celebrentur.

tur, exclusis excommunicatis, scilicet non toleratis, & admissis interdictis, dum propius non accedant ad altare, qui dederunt causam interdicto. Idem similiter conceditur pro festo, & octauis corporis Christi in Clem. de reliq. & ven. sanct. Idem pro festo & octauis Conceptionis B. Virginis concedit Leo. 10. in compen. mendi. verb. conceptio, §. 12. Et intelliguntur ista de interdicto generali. Nam in Ecclesia specialiter interdicta, non licet diuina celebrare etiam secretè. Religiosi etiam in his festis suspendunt interdictum per sua priuilegia, de quibus in nostra Epist. de statu Rel. lib. 2. cap. 7. dub. 2.

3. Conc. Suspendio interdicti durat à primis vespere vsque ad completorium dictorum festorum inclusiue. Ita Cou. in cap. alma mater, 2. p. §. 5. Nam. c. 27. n. 184. & Silu. verb. interd. §. contra alios afferentes solum durare vsque ad dictas secundas vespere.

An liceat tunc sepelire mortuos in Ecclesia cum officio defunctorum. Ad hoc dico, quod etsi pars negativa communiter teneatur à Panor. Card. Bonif. & alijs cit. à Lud. Lop. sed pars affirmatiua est probabilis, cum D. Ant. 3. p. tit. 26. cap. 4. Angel. Anchar. & Couar. Et est benignior, & æquitati conformior. Cætera verò non fiant tunc, nisi alias licita in interdicto.

4. Concl. Cessatio à diuinis suspenditur etiam in festis in quibus suspenditur interdictum de iure. Ita Couar. in ca. alma mater, 1. par. §. 4. n. 7. & Man. Roll. in sum. 1. p. ca. 117. Et ita fertur practicum Salmanticæ in festo Corporis Christi, anno 1584. Nam etsi in iure solum fiat mentio de suspensione interdicti generalis pro illis festis, piè creditur Papam idem voluisse concedere in cessatione ob reuerentiam tantarum festiuitatum.

Dub. 2. An violator interdicti peccat, & fiat irregularis, aut suspensus.

1. Conclusio. Non tenemur seruare interdictum, nisi publice, & specialiter denunciatum, vtpotè contra personam, Collegium, Vniuersitatem, Ecclesiam, communitatem, aut locum certum à iudice promulgatum specialiter, & expresse, per extrauag. insuper ad euitandz, Martini V. in Concilio Constan. de qua Caiet. verb. excomm. minor. Arm. ver. interdictum, & Lud. Lop. §. 1. vbi dicitur, quod interdictum non obligat, nisi sit publicè & specialiter denunciatum.

2. Concl. Clericus maiorum Ordinum personaliter interdictus

dictus ab officio ecclesiastico, si exercet solemniter actum sacro Ordini deputatum, iuxta dicta in 2. effectu excommunicationis, peccat. mort. *contra Caiet. verb. interdictum*, & fit irregularis, *iuxta Nauar. & Soto, d. 22. q. 3. art. 3. Et patet ex cap. is cui, de sentent. excomm. in 6. & idem de exercente solemniter istos actus in loco specialiter interdicto, vt habetur c. is qui, eod. tit.*

3. Conclusio. Qui in tempore interdicti celebrat Ordines, etiam primam tonsuram, fit irregularis: cum hoc tunc non permittatur. Ita *Silu. verbo interdictum: §. contra Pan. in cap. non vobis, de spon. cuius sententia, ait Conar. §. 3. non est tuta. At qui tunc recipit Ordines minores, subdiaconatum, aut diaconatum, nisi in Missa Ordinum cantet Epistolam, aut Euangelium, non fit irregularis. Ita Soto, Conar. & Lud. Lop. quia nullum exercet actum ordinibus proprium, sed solum passiuè se habet recipiendo Ordines. Secus fit de suscipiente Sacerdotium, qui fit irregularis, cum celebret & consecret cum Episcopo tunc, & cooperetur ei, ait & D. Thom. 3. part. q. 82. art. 2. exercendo actum sacro Ordini deputatum, & sic, sicut Episcopus, fit irregularis. Nec est idem de suscipiente Sacerdotium sine ætate: qui celebrando cum Episcopo non fit irregularis. Nam isti sic iam ordinato ponitur pœna suspensionis, & non celebrat tunc post suspensionem. Sicut si alicui sub excommunicatione mandetur ne celebret, celebrando prima vice manet excommunicatus, non irregularis.*

4. Conclusio. Celebrans in interdicto sine cautela capituli *alma mater*, fit irregularis. Ita *Conar. de interd. §. 3. & Lud. Lop.* Nam olim ista pœna incurrebatur à celebrantibus, & recitantibus officia diuina in interdicto, & iam ista non permittuntur, nisi cum illa cautela, clausis ianuis, &c. ergo si ista omittantur, incurritur irregularitas.

5. Conclusio. Assistens auctoritatiuè & principaliter in interdicto celebrationi horarum sine dicta cautela, & qui officiat principaliter quasi soluendo horas vt clericus solemniter officiendo Ecclesiam, aut populum, & inchoando vel perficiendo, vt hebdomadarius, qui dicitur agere ex officio, vtpotè quod est proprium Sacerdotis, fiunt irregulares. Secus de alijs etiam clericis non sic authoritatiuè assistantibus, etsi cum alijs cantent, etiam Epistolant, aut Euangelium sine solemnitate. Ita *Ludovic. Lop. cum Sil.*

ver,

ver. interdictum §. *Hofien. Specul. & alij*. Imò etsi peccat mort. laicus assistens diuinis, si sit specialiter interdictus, secus si solus locus sit interdictus. *Ita Siluest. Soto, & Ca. verb. interdictum*; cum lex de seruando interdictum solis clericis directè ponatur. Nisi aliàs laicus vim faciat, vt se ingerat diuinorum celebrationi, aut mentiatur dicendo se habere priuilegium ad hoc, cum hoc sit mendacium perniciosum.

6. Conclusio. Qui in interdicto, etiam priuata auctoritate pulsat campanas, aperit ianuas vt auctoritatem præbeat diuinorum celebrationi, sit irregularis, iuxta *Innocent. & Panorm in c. tanta, de excess. pral. & communiter*. Et facit ad hoc c. illud de cleri. excom. mi. Secus si ista facit sine dicta intentione, vt ait *Conar. §. 4. contra D. Anton. & alios*.

7. Conclusio. Violator interdicti modo dicto suspensus est ab officio, beneficio, & iurisdictione, iuxta c. *ultim. de excess. Pralatorum. Ita Ludovic. Lop. & alij cum Conar. §. 2. de interdicto*. Et est ineligibilis, & impostulabilis ad prælaturam. *Ita cap. 1. de postu. Prala. & cap. cum dilectus. de consue.* Et si violator interdicti est religiosus, præter suspensionem, & irregularitatem, manet etiam excommunicatus. *Ita in Clemen. ex frequentibus, de sent. excommun.* Item violator interdicti potest puniri pœna perpetuæ priuationis ab officio. *Ita cap. clerici, & c. latores, de clerico excommuni.* Et potest priuari beneficio ecclesiastico. *Ita c. postulastis, sit. cita.* Item est interdictus ab ingressu Ecclesiæ dum non satisfacit, qui celebrat vel celebrare facit scienter in locis interdictis, aut admittit publicè excommunicatos, vel interdictos ad officia diuina, Sacramenta, aut sepulturam. *Ita c. Episcoporum, de priuileg. in 6.*

8. Conclusio. Religiosi violantes cessationem excommunicantur, in *Clement. 1. de sentent. excommunicat. ait Soto ars. 2.* tamen nec clerici, nec religiosi sunt irregulares: cum nil tale in iure exprimatur. *Ita Conar. in cap. alma mater. 2. parte. §. 2. num. 3. Ludovic. Lop. Enriq. li. 3. de interdict. c. 54. num. 3. Siluest. verbo interdict. 1. sed limitatur à Nau. c. 27. num. 189.* quando ponitur sola cessatio. Secus si cum illa etiam ponatur interdictum. Nam pro hac parte eius violator incurreret irregularitatem & alias pœnas dictas.

Dub. 3. *Quis absoluit ab interdicto.*

1. Conclu. Persona specialiter interdicta potest absolui ab eo qui eam interdixit, à successore, aut superiore, aut ab alio ex istorum commissione, vt dixi de alijs censuris.

2. Conclu. Persona specialiter interdicta cessante contumacia, & satisfacta parte, potest absolui a confessore approbato, per bullam, aut aliud simile indultum, etiam in foro exteriori, contra Lud. Lop. sed iuxta quæ dixi c. 5. de excom. Et patet; nam in bulla absolute conceditur facultas absoluendi ab omni censura satisfacta parte.

ARTICVLVS V. DE IRREGVLARITATE.

S V M M A R I V M.

Quid irregularitas & an in dubio liget. n. 1.

Quibus priuat n. 2.

Quo duplex irregularitas. n. 3.

Irregularitas est impedimētū iure canonico introductū ad suscipiēdos ecclesiasticos Ordines, vel ad ministrandum in iam susceptis. Ex quo patet, quod in solis casibus in iure expressis incurritur irregularitas, vt ait Bon. capir. quæ de sent. excomm. in 6. Et sic licet in dubio facti an commiserit homicidium, vt si dediti prægnanti quo aboriat, & dubites an fœtus sit animatus, credendum sit esse animatum, ac sic te incurrisse irregularitatem, cum hoc sit tutius; tamen in dubio iuris, an in aliquo casu incurritur irregularitas, non præsumatur irregularitas. Ita Conar. in 1. p. de irregul.

Nota. 1. Quod irregularitas priuat omni beneficio. Ita in Concil. Trident. sess. 14. cap. 7. Et sic si irregularis etiam secretus obtinet beneficium, cum non fiat dominus eius, i obtēta dispensatione super irregularitate, eget noua habilitatione ad beneficium. Ita Nauar. cap. 27. num. 194. & Lud. Lop. 2. par. cap. 22. contra Siluest. ver. excommunicatus. Nisi forte quando ignarus irregularitatis beneficium obtinuit, vt ait Lud. Lop. At si iam beneficiatus sit irregulariter non est ipso facto priuatus beneficio ante sententiam. Ita ca. Enricus, de cler. pug. in duo. & cap. ex litteris, de exco. Praet. & Nauar. nu. 249. Imò iste occultus irregularis pro vitando graui damno personæ, honoris, aut rerum suarum po-

potest celebrare; dum non sit in mora petendi dispensationem. Ita Cord. q. 142. Nauar. num. 239. Silu. verb. Eucharistia, & communiter, contra Conar. in c. alma mater 1. p. §. 2. nu. 11.

- 3 Nota 2. Quod irregularitas, alia est pure pœna; & ista inter censuras ab aliquibus numeratur, vt dixi dub. 2. de censuris in communi. Alia est irregularitas significationis: & huius sunt multæ species. Alia prouenit ex defectu Sacramenti, vt irregularitas bigamiæ, in qua deficit representatio Christi iuncti matrimonio cum vna sponsa virgine Ecclesia. Alia prouenit ex defectu corporis. Alia ex defectu animæ. Alia ex defectu lenitatis, vt quæ oritur ex homicidio, aut mutilatione. De quibus suo ordine dicemus.

D. E. B. I. G. A. M. I. A.

SVMMARIVM.

- 1 Omnis bigamus est irregularis, & quis in vera bigamia dispenset. n. 1.
 Quid bigamia interpretatiua & quomodo tollatur. n. 2.
 Quid bigamia similitudinaria. n. 3.

- 1 **D** Vb 1. An bigami sint irregulares, & quis dispenset.
 1. Conc. Omnis bigamus siue vetus, siue interpretatiuus, siue similitudinarius, est irregularis. De bigamo vero sic dicto eo quod habendo successiue; & cognoscendo plures uxores, deficit in eo significatio matrimonij Christi cum vna sponsa Ecclesia; patet c. debitum, de bigamis, c. feriatim, d. 32. & c. maritū, d. 33. Sil. ver. bigam. Nau. n. 196. Et cum isto solus Papa dispensat, etiam ad tonsuram & beneficium simplex, vt declarauit congregatio Card. die 30. Ianuar. anni 1587. Et licet omnis irregularitas Baptismo tollatur, vt communiter colligitur ex cap. si quis viduam, d. 34. excipitur tamē irregularitas bigamiæ, ait Medina in summa l. 1. c. 11. §. 12. Ita communiter Canoniste, in c. gaudeamus, de diuor. cum August. lib. de bono conu. q. 38. & D. Th. in addit. q. 66. ar. 4. & Innoc. episc. ad Rufum, contra D. Hier. episc. ad Ocea. & contra Maio. Ering. Almain. citatos à Lud. Lop. 2. p. c. 22.

- 2 De Bigamo interpretatiuo, qui etiā ignarus duxit in uxorem, & cognouit mulierē, ab alio corruptam, patet locis cit.

cit. Secus si ab ipso solo sit cognita, ut ait *D. Th. ar. 3. ad 2. q. Anto. 3. p. tit. 2. c. 2. Sil. ver. bigamus*, & cōmuniter cōtra alios relatos à *Lud. Lop.* Nam ista, ait *D. Th.* non diuisit tunc carnem suam in plures: quæ est ratio capituli debitū, citati. De bigamo interpretatiuo qui cognouit suā vxorē post eius adulterium etiam ignoratum, patet c. si cuius, d. 34. cum glos. & *D. Th. ad 3. & communiter.* Et licet per iudicem cogatur eam cognoscere. Ita *D. Th. ad 4. Palu. d. 27. cum Nau. Silu. & Lud. Lop. cum Hosti & Couar. §. 2. de irreg. contra Innocen. & alios.* Nam ista iam carnē suam diuisit in plures. De bigamo interpretatiuo qui cum pluribus vxoribus viuentibus matrimonium contraxit, et si alterum illorum, aut vtrumque ob impedimentum sit nullum, patet ex *D. Th. art. 1. & Nau. nu. 195. & communiter.* Et cum dictis bigamis interpretatiuis, solum ad Ordines minores dispensat Episcopus. Ita *D. Th. ar. 5. Siluest. verb. bigamia, contra Nauar.*

De bigamo similitudinario, vtpotē, quando Religiosus, 3 aut sacris Ordinibus initiatus, contraxit matrimonium etiam cum vna sola, & virgine, patet c. quotquot, 27. q. 1. & cap. nuper de bigam. & *Siluest. verbo, bigamia.* Et Episcopus dispensat cum isto si contraxit cum virgine. Ita communiter, ait *Nauar. cap. 27. nu. 197. ex cap. 1. qui Cleri. vel vo.* Imò etiam si contraxit cum corrupta, si aliàs hoc delictum sit occultum, nec deductum ad forum contentiosum, prout sibi conceditur in Concil. Trid. sess. 24. c. 6.

DE IRREGVLARITATE EX DEFECTV. CORPORIS.

S V M M A R I V M.

Qui defectus corporales inducant irregularitatem. n. 1.

An illegitimus & seruus sint irregulares n. 2.

An infamis, & Sodomita. n. 3.

Quis dispenses in his irregularitatibus. num. 4.

DVB. 2. *An corporalis defectus inducat irregularitatem.*

1. Conclu. Qui volens partem digiti sibi amputauit, sit irregul. in cap. qui partem d. 55. Et etiam qui sibi amputauit virilia, etiam pro vitando concupiscentiā. Ita c. si quis,

1. 2. & 3. d. 55. Et idem de illo cui abscissa sunt virilia ob eius culpam, ut si iussit, rogavit, dabat operam rei illicitæ aut à iudice, seu inimicis in poenam delicti sit abscissus; *argumento ca. Presbyterum, & c. continebant, de homicidio.* Secus sit si à medico ob salutem, vel casu ab inimicis sine sua culpa abscinditur; aut si à natura sit ita defectuosus, ut habetur, cap. si quis, cita. Sicut etiam, si sit gibbus, claudus taliter quod sine baculo celebrare potest; aut si sit claudus dum non sit visu privatus; aut notabili ter deformis, siue monoculus, *ut dicitur c. si Evangelica, d. 55. de otulo eruto.* Et licet careat visu oculi dextri, imo vel sinistri; dum tamen sine indecora, & nimia faciei conuersione canonem Missæ legat, potest ordinari. *Ita Nauar. cap. 27. num. 199. Ludouic. Lop. 2. part. cap. 23.*

2. Concl. Defectus & imbecillitas iudicio Episcopi rediens aliquem ineptum celebrationi, saltem cum notabili horrore, deformitate, aut scandalo, facit irregularem. Et idem de membro superfluo, aut nimis grandi, impediante alias Ordinis executionem, aut causante nimiam deformitatem, *iuxta glossam in cap. qui partem, d. 55.* Et si ante hos defectus sis ordinatus sis irregularis ad officia solum ad quæ es inhabilis. *Ita Nauar. num. 200.* Et idem si non potes bibere vinum sine periculo vomitus, durante isto defectu non potes ordinari. Et si sis Sacerdos, potes Epistolam, & alia præter Missam celebrare.

3. Concluf. Ad corporalem defectum inducentem irregularitatem reducitur lepra, & alia infinitas causans in celebrando notabile scandalum. *Pates in cap. de rectoribus c. tua nos, cap. ex parte, de clerico aegroto.* Et qui patitur epilepsiam seu morbum caducum, non potest ordinari, etsi sanetur: *argumento ca. fin. 15. q. 1. & Ludou. Lop. & communiter.* Et si sit ordinatus, & spumas vomat, aut sæpè decadat in morbum, non potest celebrare. At si raro, & sine spumatione decadat, celebret, ut colligitur ex cap. communiter cum glossa, d. 13. sed cum socio parato pericere sacrificium, si forte morbo arripiatur. *Ita cap. illud. & c. nihil, 7. q. 1. Nauar. num. 205.* Et addit. Lud. Lop. cum Silu. ver. de corpore vitia, *iuxta cap. communiter cit. cum glossa,* quod si iste caducus iam ordinatus videtur omnino liber, spectato tempore, arbitrio prudentum, potest Ordines exercere. Et idem dic de habente lucida interualla, de lunatico, &
de

de furioso. Sed obsessus à dæmone nunquam potest celebrare. *Ita D. Anton. 3. p. tit. 28. cap. 5.* Et nota, quod, vt ait Lud. Lop. si prædicti post ordines, & adepto beneficio in illos morbos inciderunt, non repellantur à beneficio, ne afflicto addatur afflictio. *iuxta c. cum percussio. 7. q. 1.* sed detur eis coadiutor iuxta decreta citata.

4. Concl. Illegitimitas etiã occultata reducitur ad corporalem defectũ. Et illegitimus est irregularis, & inhabilis etiã ad dignitates, & beneficia. *Ita c. 1. de filijs Presb.* Et dicitur illegitimus, qui non est genitus ex coniugatis. Sed si naturalis; idest, genitus ex parentibus non habentibus impedimentum dirimens matrimonium quando cum genuerunt, legitimetur per sequens matrimonium; sic ad omnia habilitatur. At si parentes habeant impedimentum dirimens matrimonium, non legitimatur per sequens matrimonium celebratum cum dispensatione, nisi aliàs nascatur post dispensationem, etiã si sit conceptus ante illam. *Ita Ledesma, cum Couar. Sarmiento, & Siluest. ca. vltim. de matrim.*

5. Conclusio. Seruitus reducitur ad corporalem defectum. Ita quod etsi seruus cum licentia domini possit ordinari; & sic ordinatus maneat liber, secus si sine illa. At si ordinatus possit se redimere etsi non se redimat, satisfacit exhibendo domino obsequia non indecora. Presbyterio. *Ita D. Anton. 3. par. tit. 28. cap. 6. §. 6. Solo d. 15. q. 1. ar. 1. & colligitur ex ca. 1. 2. & 3. ca. ex antiquis, d. 24. De vxorato quando possit ordinari dixi. q. 4. de matrim. dub. 6.*

6. Conclusio. Infamis infamia iuris, idest, exercens officium infame est irregularis. *Ita c. infamibus, de regu. in. in 6. & cap. ipsi Apostoli. 2. q. 7. & Nauar. nu. 304. & Ludou. Lop.* Et idem est de infami infamia facti, idest, qui committit delictum, cui est annexa infamia, vt adulterium notoriũ periurium, falsum testimonium, sodomia notoria. Secus de occultatis. *vt Nauar. num. 249. & Ludeni. Lop. contra Couarr.* Nam casus Sodomie non est expressus in iure, vt Couar. fatetur: Sed in solis casibus in iure expressis incurritus irregularitas: ergo nec facit contra hoc decretum Pij V. incipiens, *Cum primum Apostolatus*, contra Sodomitatem. Nã illud loquitur de Sodomita notorio, cum ait, quod si sit clericus degradatus tradatur pñniendus curiæ seculari. Quæ verba loquuntur de iudicio externo, quod ex notorie.

DE IRREGVLARITATE. 545

Iudæis, & neophitis, id est recenter conuersis, seu baptizatis intra decem annos à conuersione eorum. *ut ait. Nauar. n. 205. & Lud. Lop. cap. 24.*

3. Concl. Ignarus omnino litterarum est irregularis. *Ita cap. illiteratos d. 36. Et in Conc. Trid. ses. 23. ca. 4. 11. & 14. petitur pro ordinandis prima tonsura, vt sciant legere, & scribere, & pro quatuor minoribus ordinibus, quod intelligant linguam Latinam, & pro Sacerdotio petitur scientia necessaria pro instruendo populum necessaria ad salutem, & ad Sacramenta ministranda, præter pœnitentiam, vt patet ex vsu. Et quia ibi c. 15. præcipitur vt ad confessiones Sacerdos per examen ab Ordinario approbetur, quod non esset necesse, si quando ordinatur, esset vt idoneus ad confessiones approbatus.*

4. Conc. Ex omnibus prædictis, cum solo nouiter conuerso potest Episcopus dispensare ad ordines, & beneficia, *Ita Conar. in Clem. si furiosus, 1. p. §. 2. n. 7.*

DE IRREGVLARITATE OCCISIONIS IVSTE.

S V M M A R I V M.

An occidens alterum in sui defensionem sit irregularis. n. 1.

An qui alterum defendendo, occidit vel mutilat. n. 2.

An omnes concurrentes physica vel moraliter ad iustam hominis mortem vel accelerationem illius. n. 3.

An denuntians, vel accusans alterum. n. 4.

An bellans, exhortans ad pugnam, vel præbens arma. n. 5.

An membri mutilator. n. 6.

Quis dispenset in irregularitate iusta occisionis. n. 7.

DVB. 5. *An iustus hominis occisor sit irregularis.*

1. Conclusio. In tempore D. Thomæ excepto solo homicida Pure casuali in cap. delictus. de homici. qui quomodolibet alterum occidebat, erat irregularis: sed iam in Clem. si furiosus, de homicidio, liberatur ab irregularitate furiosus, infans, id est, non doli capax, vel dormiens alterum occidendo aut mutilando, & qui mortem aliter vitare non valens suum occidit, aut mutilat inuasorem. Et intelligitur, etiam si aggressus, daret operam rei illicitæ, vt si capitur cum vxore inuasoris. *Ita Soto. 5. de iust. q. 1. ar. 9. Lud.*

M m Lop.

Lop. Enriq. to. 2. lib. 12. cap. 14. num. 1. cum Silu. Armil. P. lud. Victor. Cano. Mantio, Penna, & Medin. contra Nauar. cap. 25. num. 7. & cap. 27. nu. 238. & contra alios Canonistas indistinctè asserentes, quod qui dat operam rei illicitæ ex qua sequitur mors, sit irregularis. Dixi, quando inuasus non potest aliter vitare mortem. Nam si sine periculo honoris, aut alterius rei fugere potuit, & non fugit, sed occidit in sui defensionem, etiam cum moderamine inculpatæ tutelæ, sit irregularis. Ita Siluest. verb. excommunicatio. 6. Panor. in cap. significauit. 2. & Canonista in cap. suscepimus de homicid. Secus sit, si fugiēdo grauiter in honore aut aliter lædatur. Nam non tenetur vti illo medio fugæ in suum graue damnum tunc, sed spectet: etsi de hoc dubitent Couar. & Lud. Lop. Ex dictis patet 1. Quod non sit irregularis qui pro vitanda sui membri mutilatione alterum cum moderatione occidit. Ita Silu. verb. homicidium. 3. Couar. in Clement. si furiosus, par. ult. §. ult. num. 2. Nau. cap. 27. nu. 211. Nam quoad hoc æquipollent mors, & mutilatio: cum ex abscissione membri interdum mors sequatur. Secus si pro vitando aliā minora mala, vt amissionem, v. g. diuitiarum, quis alterum fugientem cum eis sagittā confodit. 2. Patet quod qui alios conuocat, vt eum defendant, si alij occidant eius inuasorem, non sit irregularis. Ita communiter. Nam sicut ipse per se tunc, sic & cum aliorum auxilio potest eum occidere sine irregularitate.

2. Conc. Probabile est, quod qui alterū licitè defendendo, occidit aut mutilat cum moderamine inuasorem, non sit irregularis. Ita Couar. in Clem. cit. 2. p. §. 4. & p. 3. §. 1. n. 5. Et adhuc probabilius, si ex præcepto defendit alterum, aut Remp. Ita Enriq. to. 2. li. 15. c. 11. n. 4. cum alijs ab eo citatis lit. E. Maxime si iste defensor sit sacris Ordinibus initiatus. Sed communius est oppositum. Ita Caiet. 2. 2. q. 40. ar. 2. Bannes ibi. dub. 3. Soto 5. de iust. q. 1. a. 8. Silu. verb. bellum, 2. Nau. cap. 26. num. 213. Nam in iure soli innumerati in prima concl. excipiuntur ab irregularitate: ergo etsi defendas patrem, aut patriam, sis irregularis. Et à fortiori si occidis aut mutilas defendendo honorem aut diuitias, contra Couarr. 3. patt. num. 5. Nisi ut ait Enriq. tom. 2. libr. 14. cap. 11. nu. 3. simul defendas te cum moderamine. Si enim fugere possis, aut aliter vitare mortem, etiam relinquendo tua latroni, & nolis, sed occidis latronem bona tua de-

fen-

fendendo, sis irregularis. *Paret ex cap suscepimus, & capis. interfecisti, de homi. cum glossa.* Nisi alias defensio rerum tuarum, utpotè in extrema necessitate, sit necessaria vitæ. *Ita Enriq. n. 4. Soto. 5. de iust. qua. 1. art. 9. Armi. verb. irregularitas.*

3. Conclus. Causa proxima physica, aut moralis etiam iusta, aliter quam dixi, occisionis hominis, aut accelerationis mortis etiam occultissimæ, *contra Castro lib. 2. de lege pæn. cap. ult.* sit irregularis. *Ita communiter Theologi, & Canonista, de quo Nauar. n. 209. & Lud. Lop. cap. 25.* Et patet concl. in carnifice iustè suspendente furem, in iudice, & testibus damnantibus eum. Secus de testificantibus pro eo, ex quo accusator pœna talionis punitur. Nam hoc à testibus non intenditur, sed defensio accusati. Item patet in accusatore, & eius aduocato, in scribente sententiam mortis, in ferente reum non ad locum ubi est legenda sententia, sed ad locum supplicij, in hortante aut iuvante reum ad ascensum scalæ, aut ut submittat caput gladio, in faciente aliquid pro acceleratione mortis seu mutilationis, & in mouente incaute infirmum in lecto, ex quo acceleratur mors. *Ita D. Antonin. Lud. Lop. & communiter.* Aut si acceleret reum ad supplicium, aut carnificem, ut acuat gladium, seu præparet scalam. Et ut acceleratores mortis liberentur ab irregularitate, detineant mortem quanto tempore accelerarunt; ut non sint iam causa accelerationis. Item patet conclusio in stantibus supplicio non ex curiositate, sed illud autorizando, ut tabellio, notarius, satelles, & custodi damnati. Item patet in vendentibus, dantibus, aut præparantibus scièter instrumenta ad istam determinatam occisionem. Secus si ab istis ignorantibus, aut non volentibus accipiantur. Nam iam tunc non sunt isti causa proxima moralis occisionis. *Ita Siluest. ver. homicidum 3. Nauar. cap. 27. num. 209 & 214. & Covar. relect. de homicid. 2. p. 5. 5.* Et idem de seruo ignoranter deferente sententiam mortis. Item patet conclusio in deferente ligna ad cremandos homines viuos, etsi ea non applicent, *iuxta D. Anton. 3. par. tit. 28. c. 2. §. 5. Nauar. num. 217. Silu. Lud. Lop. & communiter, contra Med. in sum. §. 10.*

4. Concl. Causa remota occisionis non fit irregularis. Patet in Episcopo habète iurisdictionem temporalem creantæ iudicem pro causa sanguinis. *Ita cap. Episcopus ne cleric.*

vel mona. Nam multum remotè concurrit ad occisionem: cum non det iudici facultatem occideudi; sed leges id iubent. Imò etsi præcipiat iudici inquirere aliquem reum, & facere iustitiam sub pœna deponendj eum, cum non moveat eum, vt damnet ad mortem, nec auctorizet sententiã, aut eius executionem, non fit irregularis. Item patet in Doctoribus quæsitis an de aliquo delicto sit denunciadjs, aut an aliquis mortem mereatur, & veritatem docentibus, nil aliud præcipiendo, aut consulendo. Sicut licitè id faciunt scribentes libros de hoc & hoc docentes in scholis & prædicantes quod rei puniantur. Imò & licet confessori negare absolutionem iudici nolenti occidere reum quem occidere tenetur. Nam in foro pœnitentiæ confessor habet se vt Deus, & actus iste est omnino occultus in foro Ecclesiæ, & occultior actu interiore, sed per actum interiorum non fit homo irregularis: cum irregularitas sit pœna fori externi Ecclesiæ ergo.

4 Dub. 6. *An accusans aut denuntians alterum fiat irregularis.*

1. Concl. Denuntians, aut testificans etiam sine protestatione in tribunali sanctæ Inquisitionis contra reum relaxandum brachio seculari, & cremandum, non fit irregularis. Quia denuntiat coram iudice non procedente ad sanguinis effusionem, & sic est causa remota occisionis. Et multo minus sunt irregulares Inquisitores, cum non proferant sententiam, sed declarent pœnam reis debitam, & relaxent eos iudici seculari. Et non solum protestantur se non intendere eorum mortem, sed etiam orant iudices, vt benigne se gerant cum eis. Et maxime, Quia *Paulus IV. & Pius V.* concesserunt Inquisitoribus, ac eorum Vicarijs, Commissarijs, Consultoribus, in isto tribunali procedentibus contra aliquem, ne fiant irregulares. *Ita in direct. in q. 2. par. com. 20.*

2. Concl. Accusans alterum etiam sine protestatione in civilibus, non fit irregularis, etsi accusatus ob aliud ad mortem damnetur. *Ita cap. postulast. de homici.* Et idem est si accuset eum de crimine non merente mortem, aut mutilationem, sed iniuste ad eam damnatur. *Ita Conar. in Clem. si furiosus, 2. p. §. 5. n. 1. & 3. & Nauar. n. 214.*

3. Concl. Denuntians sine protestatione in causa sanguinis fit irregularis, si reus occiditur, aut mutilatur. *Ita c. cleri ne cleri.*

cleri. vel mona. Et intelligitur, etiam si interius nolit alterius mortem, sed solam suam satisfactionem. Nam Ecclesia non iudicat de occultis. *Ita Lud. Lop. c. 26. cum Couar.*

4. Conclusio. Detinens reum vt tradat iudici, & accusans in suam vtilitatem, protestando non intendere mortem, sed satisfactionem honoris, aut diuitiarum, & c. non fit irregularis, etsi sequatur mors. *Ita cap. Prælati, de homi. in 6.* Et si illud faciat ex odio, contra Siluest. Et licet illa protestatio fiat verbo tenus, contra Nauar. Nam in dicto cap. non fit mentio boni, aut mali animi, & alias illa protestatio non est effectus animi interni, nec ille animus est quid pertinens ad forum externum, nec causa mortis. *Ita Lud. Lop. & Couar. num. 2.* Et licet in dicto cap. Prælati, solus clericus excipitur ab irregularitate, tamen virtualiter excipitur secularis illo modo protestans, vt est communis sententia, & colligitur ex ratione illius cap. vtpotè ne metuentes irregularitatem non denuntient, & sic iniqui multiplicentur.

5. Conclusio. Probabile est non fieri irregularem, qui in fauorem alterius, & maximè Reip. accusat, testificatur aut patrocinatur contra alterum in causa sanguinis cum dicta protestatione. *Ita Caiet. 2. 2. qu. 40. art. 4. Bannez 2. 2. q. 64. art. 8. 1. par. dub. 5. Soto, relec. tegen. man. 2. qu. 4* Et videtur colligi ex ratione dicti ca. Prælati, & ex cap. accusasti, de accusat. vbi à pœna liberatur, qui pro pace Reip. cum dicta scilicet protestatione alterum accusauit ad mortem. Sed oppositum etiam est probabile. *Ita tenet Nauar. cap. 27. num. 215. Enriq. tom. 2 lib. 14. cap. 11. nu. 4. Couar. & Felin. in c. postulasti, de homici. & communiter.* Nam in cap. Prælati, solum excipitur, qui cum protestatione accusat in suam vtilitatem.

Dub. 7. *An bellans, exhortans ad bellum, aut præbens arma bellantibus, fiat irregularis.* Et non est sermo de ecclesiasticis ista cum licentia Papæ facientibus, qui eo ipso dispensat cum eis in irregularitate, & alijs pœnis, etsi hoc non declarat, vt ait Silu. verb. homicid. num. 3. & Couar. in Clemen. si furiosus, 2. p. §. 3. num. 2.

1. Concl. Omnes bellantes in bello iniusto si sequitur mors aut mutilatio, etiam qui non occiderunt, aut mutilauerunt, fiunt irregulares. *Ita Silu. verb. bellum, 3.* Nam totus exercitus tunc est causa totalis, & singulus miles causa par-

tialis occisionis. Imò etſi non belles, ſi exhortaris, præparaſ, præbes arma, aut alia inſtrumenta belli, induſtriam, fauorem, aut conſilium iniuſtè bellantibus, ſiſ irregularis, ſi ſequitur mors, aut mutilatio. *Ita communiter Canoniſta, & Bannes, 2. 2. q. 40. art. 1. dub. 4.* Iſti enim ſunt cauſæ morales mortis, &c.

2. Conc. Bellans in bello iuſto ſi non occidit, aut mutilauit, non ſit irregularis, etſi alij occiderint. *Ita Conar. Nauar. nu. 215. & communiter colligitur ex cap. petitiõ, de homi. & ibi. Panor. & cap. præſentium, & cap. continentia, de clericis percu.* Nam ille tunc non eſt cauſa homicidij directè cum non occiderit, nec indirectè, cum non teneatur à bello ceſſare. Et multo minus ſit irregularis exhortans in bello iuſto, etiam in actuali conſlictu, *contra Silu. verb. bellum.* Et licet habeat in animo intentionem occisionis contra Nauar. loco citat. Nam c. quicumque 23. q. 8. abſolutè conceditur clericis exhortari in bello iuſto; ergo ſue in actuali conſlictu, ſue quouis animo id faciant, dum non exprimunt verbis dictum animum, non ſunt irregulares.

3. Concluſio. Præbens in bello iuſto inſtrumenta bellica etiam in actuali conſlictu, ſed ſine intentione occisionis, aut mutilationis, non ſit irregularis. *Ita Conarr. §. 4. num. 9.* Nam non aliter eſt cauſa mortis exhortando, ac præbendo arma, utrobique enim eſt cauſa adiuuans extrinſeca. Secùs ſit ſi præbendo arma habeat intentionem occisionis, ut eſt communis ſententia. Nec eſt idem de exhortante cum eadem intentione. Nam exhortatio non explicat exterius dictam intentionem: at arma ex ſe ordinantur ad occisionem, & ſic data militibus ſunt manifeſtatiua talis intentionis, ſi adſit.

4. Concluſio. Probabile eſt, quod quoties clericus non peccat bellando, & maxime, *ut ait Enriq. tom. 2. lib. 14. cap. 11. num. 2.* ſi tenetur bellare pro deſenſione proximi, aut Reipub. grauiter oppreſſæ, non ſit irregularis. *Ita Silueſt. & Conarr. §. 4. num. 9.* Nam ſine culpa non debet quis ſuo iure priuari. *Ita cap. ad limina, 30. quaſt. 1.* Sed oppoſitum eſt communius: niſi alias defendendo Rempub. ſimul defendat ſe. *Ita Caietan. 2. 2. quaſt. 33. articul. 7. Bannes, qu. 40. art. 2. iuxta dicta dub. 5.*

6 Dub. 8. *An membri mutilator fiat irregularis: Et nota, quod*

DE IRREGVLARITATE. 551

quod membrum iuxta Arist. 1. de parti. anima. ca. 5. est pars corporis à natura destinata ad aliquā operationem ab alijs distinctam, & ad perfectionem totius suppositi ordinatam, vt pes, manus, lingua. Et mamilla mulieris est membrum, ait Bannes, cum Baldo. 2. 2. qu. 64. art. 8. contra Couarr. Habet enim distinctum officium in scēmina decoquendi lac ad alendos infantes. Et testiculi etiam sine parte genitali, iuxta Caiet. contra Nauar. ca. 27. num. 206. sunt membrum. Ista ergo definitio membri communiter acceptatur à Theologis, & Canonistis, de qua Couarr. in Clement. si furiosus. 3. part. in princip. num. 8. & 9. Nauar. & Thomista. 2. 2. q. 65.

1. Concl. Mutilator membri alterius fit irregularis; cum mors, & mutilatio in irregularitate æquiparentur in Clementina, si furiosus. Nisi alias mutilatio fiat ob sanitatem, vt patet in chirurgo, qui iuxta communem sententiam liberatur ab irregularitate, nisi ex sua negligentia infirmus moriatur, aut mutiletur.

2. Conclu. Abscissor cartilaginis auris, aut etiam trium principalium digitorum, non fit irregularis. Ita Bannes 2. 2. q. 64. art. 4. Couar. in Clement. si furiosus, 4. part. num. 8. & 9. Nauar. cap. 27. num. 206. & communiter contra Caiet. 2. 2. q. 65. art. 1. & Soto, 2. de infirmitatibus, qu. 5. art. 1. Nam mutilare, ait glossa in dicta Clementina, est membrum omnino à corpore separare, sed cartilago auris, & digiti iuxta dicta non sunt membra contra Caiet. & Soto, sed partes membri: ergo abscissor istorum non fit irregularis. Ista etiam concl. est contra Siluest. verbo, homici. 3. & Panormit. in cap. cum illorum, de sentent. excommunicat. Et contra alleretes manere irregularem, qui alterum facit irregularem. Sed hoc patet falsum. Nam qui alterius membrum debilitat, aut arefacit, non fit irregularis, ait Nauar. num. 207. bene tamen debilitatus, aut arefactus. Sic etiam non obstat, quod amputatus digitus, aut auris cartilagine fit irregularis, & non amputator.

Dub. 9. Quis dispensat in irregularitate iuxta occisionis.

1. Conclusio. Probabile est posse Episcopum dispensare. Ita Caiet. verbo, irregularitas, & Couar. in Clement. cit. 2. part. §. 3. Et id colligunt ex Concil. Trid. sess. 24. cap. 6. ubi conceditur Episcopis dispensare cum sui subditis, & in

lúa diœcesi, in irregularitate orta ex delicto occulto non deducto ad forum contentiosum, excepta irregularitate homicidij voluntarij, vtpote iniusti. Nam homicidium dicit occisionem hominis iniustam.

2. Conclusio. Probabilior est opposita sententia Nauarri in *man. cap. 27. n. 194. & 239.* Nec in dicto decreto Cõcilij id conceditur Episcopis, dum excipitur homicidium voluntarium. Nam etsi ibi solum excipiat occisio hominis iniusta, ibi nomine homicidij intellecta, ex hoc tamen nõ inferitur posse Episcopum dispensare in irregularitate iustæ occisionis hominis. Nam ibi solum fit exceptio irregularitatis ortæ ex delicto, & sic cum homicidiũ seu occisio hominis iusta non contineretur in illa vniuersali concessione, cum non sit delictum sicut nec irregularitas bigamiæ, sic neutra istarum erat necessario excipienda. Ita *Luden. Lopez, cap. 30.*

3. Conc. Episcopus potest com isto dispensare ad Ordines minores, & ad beneficium simplex. Ita tenent multi: ait *Medina in summa, cap. 11. §. 12. de irreg. & Lud. Lop. e. 30.* Imò, & vt retineat curatum, obtenti, vt dicetur de homicida casuali, dub. 12. Nam hoc homicidium, vt casuale & indirectè voluntarium reputatur, vt ait *Conar. in dicta Clemen. 2. p. §. 3. & Caiet. var. irregularitas.*

DE IRREGVLARITATE OCCISIONIS, & mutilationis iniusta.

S V M M A R I V M.

Iniustus hominis occisor aut mutilator, & causa morales, quomodo irregulares. n. 1.

An cum multi aliquem vulnerauerunt, si postea moriatur fiant omnes irregulares. n. 2.

Quando homicidium casuale inducat irregularitatẽ. n. 3.

Quis dispenset in irregularitate iniusta occisionis & mutilationis. n. 4.

I DV B. 10. *An iniustus homicida, aut mutilator sint irregulares; & sermo est de homicida & mutilatore directè voluntarijs: nam de casuali dicetur dub. 12.*

1. Conclu. Omnis causa physica, aut moralis proxima iniustæ

iniustæ occisionis, accelerationis mortis, aut mutilationis, fit irregularis. Patet à fortiori ex 3. conclusione dubij 5. Et causæ morales sunt. 1. Causa imperans, si suo imperio etiã interpretatiuo sequitur occisio, aut mutilatio; secus sit, si sine illo sequeretur. 2. Causa consulens, aut exhortans eadem limitatione ac de causa imperante. Et qui consulit occisionem, etsi statim reuocet consilium aut exhortationem, nisi contrarium persua-deat, fit irregularis si sequitur occisio, aut mutilatio: *Ita Nauar. cap. 27. num. 23. Lud. Lop. cap. 28. 3.* Causa non ob-stans, & non impediens, occisionem, si ex iustitia ad id tenetur, & cum posset, sciēter, aut negligenter omisit. *Ita Doctores; ait Bannes, 2. 2. q. 64. art. 8. 2. p. dub. 1.* Patet in Præ-tore non defendente ciuem; in medico ex pacto medente infirmum, cuius negligentia moritur; *juxta cap. ad aures, de arate præst.* Et in eo qui pro suo posse nō impedit alios tractantes de vindicando iniuriam sibi illatam, & sequitur mors, aut mutilatio. *Ita Con. rel. de homic. 2. p. §. 2. Nauar. & Bannes.* Nam tunc tacere est consentire; imò & exhortari; & ex iustitia tenebatur tunc impedire illud malum, *ut ait Angel. & Siluest. verb. homic. 1. Con. 2. p. §. 2. n. 8.* Secus si illud ignorauit, aut non potuit impedire aut monēre occisum ut se tutaret; *juxta c. Petrus, de homicidio.* Dixi si ex iustitia, scilicet propria, tenetur impedire. Nā si ex sola misericordia tenearis, ut si non pascis fame morientem, non sis irregularis. *Ita D. Ans. 3. p. tit. 29. cap. 2. Nauar. n. 231. Lud. Lop. c. 28. contra Sil. verb. homicidium 2. & Angel. homicidium. 1.* Imò etsi iuxta aliquos sit irregularis, qui ex iustitia largē dicta tenetur alterum à morte defendere, si non facit cum possit; sicut patet qui ex pietate tenetur defendere filium, & è contra: tamen hoc nō admittitur à Bannes. alias frater nō defendendo fratrem, & amicus amicū, essent irregulares; cum ad id ex iustitia largē dicta teneantur. Item qui impedit alterum ne defendat proximū, si ex hoc sequitur mors, aut mutilatio, fit irregularis, *Ita Nauar. n. 231.* Et intelligitur, & de impediēte etiam consulēdo obligatum ex iustitia defendere, & de impediēte vi aut dolo eum qui ex sola charitate defendere tenebatur. Nā utrobique impeditor peccauit cōtra iustitiā. Nisi quando pater præcipit filio aut seruo, vel amicus hortatur amicū, ne alterū defendat, nō malo animo, ut inuasus occidatur, sed ne & ipsi periclitentur, *Ita Aug. ver. homic. 1.*

Dub.

Dub. 11. *An si multi vulnerant alterum, & moritur, fiant omnes irregulares.*

- 2 1. Concl. Si alter eorum non intulit vulnus lethale, non fit irregularis. Nam ex sua actione non est secutum homicidium. *Ita c. significasti, de homicidio.* Et intelligitur nisi iste communi conspiratione conuenerit cum alijs occisoribus, *ut ait Silu. ver. homicidium, 1. & Lud. Lop. 2. p. c. 28.* Et patet ex dictis dub. 7. conclusione 1. de bellantibus in bello iusto.

2. Concl. Si primum vulnus fuit lethale, cui superuenire alia lethalia vulnera, & non constat ex quo vulnere sit immediatè mortuus, omnes vulneratores sunt irregulares. *Ita cap. cit.* Et idem est si dubitetur de aliquo vulnere, an fuerit lethale, iuxta dicta in principio de dubio facti. *Ita Lud. Lop. cum alijs.*

3. Concl. Si primum vulnus fuit lethale, & certo patet non ex illo, sed ex alijs postea illatis obijisse, videtur primum percussorem non esse irregularem, iuxta aliquos Canonistas teste Couar. Nam ad irregularitatem requiritur occisio cum effectu. Sed Couar. & alij quos refert, & sequitur Lud. Lop. tenent oppositum, etiam quando dubitatur de primo vulnere, an sit lethale. Hæc de homicidio iniusto directè voluntario.

- 3 Dub. 12. *An homicidium casuale inducat irregularitatem.* Et dicitur homicidium casuale, quod iungitur alicui causæ per accidens, & à casu. Et est duplex, aliud pure casuale, quando nec est intentum, etiam virtualiter nec præuisum in illa causa per accidens. Et hoc non inducit irregularitatem, cum nullo modo sit voluntarium, *ut habetur cap. lator, cap. dilectus, cum tribus sequentibus cap. Ioannes, & cap. quidam, de homicidio.* Aliud est quod saltem indirectè est volitum in illa causa, ut si sit in ea præuisum formaliter, aut virtualiter in negligentia considerandi, etsi non sit intentum.

1. Conclusio. Qui dat operam rei etiam illicitæ, alias non periculose homicidij, aut mutilationis, non fit irregularis, si non intendit, nec præuidit mortem, aut mutilationem secutam. *Ita Soto, 5. de iustitia, qu. 5. art. 9. Medin. 2. 2. quæst. 73. art. 8. Couar. in Clementina, si furiosus, 2. part. §. 5. num. 10. & Bannes, 2. 2. qu. 64. art. 8. contra Caiet. Silu. verbo homicidium, 2. & Nauar. cap. 27. num. 221.*

Sed

Sed conclusio colligitur ex cap. quantum, d. 50. vbi excusatur ab irregularitate, qui equis furto captis calcata[m] mulierem in via occidit. Nam mors tunc fuit volita in se, vt patet nec in sua causa per se, sed per accidens, & præter intentionem iungitur actioni furandi. Nec est volita indirectè: cum non teneatur vitare illud furtum in ordine ad homicidium; & sic homicidium hoc tanquam purè casuale reputatur.

2. Concl. Probabile est, quod qui dat operam rei illicitæ alias periculose homicidij, sit irregularis, si sequitur mors, aut mutilatio, etsi posuerit diligentiam ne sequatur: *iuxta Bannes, 2. p. dub. 3. Soto, Lud. Lop. 2. part. cap. 27. Coua. §. 4. num. 10. vbi citat. Castro, Ancharr. & Villadiego.* Et probant 1. Nam cum illa actio sit periculosa homicidij, eam exercens vult virtualiter homicidium. 2. Patet à simili de illo qui mandauit seruo alterum verberare solum, & tamen verberatus interiit: & mandator iudicatur irregularis, cap. fin. de homicidio, in 6. Patet 3. in illo qui videns furem, fugientem cum rebus suis, clamauit, fur, fur, & venientes vicini ad eius voces furem occiderunt, & vociferator etiam si protestetur, ne illum occidant, sit irregularis. *Ita communiter, ait Lud. Lop. 2. part. cap. 26. Et concl. videtur D. Thoma, 2. 2. quæst. 64. art. 8. ad 2. & 3.*

3. Conclusio. Probabile etiam est oppositum 2. conclusionis. Ita Cano, 1. 2. qu. 73. art. 8. & Penna explicando D. Thom. 2. 2. qu. 64. art. 8. qui videtur fauere huic sententiæ, dum ait, quod ob negligentiam considerandi imputantur homini damna secuta, si dabat operam rei illicitæ, id est, non ex eo solum quod daret operam rei illicitæ. Et sic intellige dicta decreta secundæ conclus. Et patet conclusio. Tum ex c. tua nos de homic. Tum etiam, nam illud homicidium non est directè, & per se volitum, vt patet, nec indirectè, cum nec etiam virtualiter fuerit intentum, nec præuisum in negligentia considerandi, iuxta dicta 1. 2. qu. 73. art. 8. Ergo non imputatur, nec ad culpam, nec ad poenam. Et huic accedit declaratio Congregationis Cardinalium, de qua Nauar. in man. cap. 27. num. 240. Quod non sit irregularis, qui mandauit alicui alterum percutere baculo, & armis percussit & occidit. Sicut nec sit irregularis, qui mandauit homicidium committi in vnam personam, si committitur in aliam.

4. Concl. Qui dat operam rei illicitæ, & periculofæ homicidij, aut mutilationis, fi omiffa fufficienti diligentia fequitur mors, aut mutilatio, fit irregularis. Patet ex dictis. Patet etiâ in eo, qui ob litteras amatoriâs miffas adulteræ, aut ex eo quod ea infequitur, eft in caufa, quod adultera à marito occidatur, tunc adulter fit irregularis. Ita Nauar. num. 238 Innocent. in cap. ad audientiam, de homicidio, & Hofien. & Ioannes Andr. relati à Lud. Lop. 2. part. c. 25. & communiter. Et hæc fententia placuit Pio Quinto cum in fagra Pœnitentiaria cafus ille difputaretur. Et patet: Nam illa infectio adulteræ cum fuis circumftantijs confiderata, eft periculofa, & fatis ordinata ad mortem, attento feruore zelotipiæ, qui ad vindictam mortis fumendam de adultera rapit virum Ex dictis patet, quod fi feruiens infirmo des ei vetita à medico ex quo moritur, aut acceleratur mors, fis irregularis. Secus fi des non vetita, credens profutura. Nifi alias fis ita negligens, quod cum poffes aduertere, & confulere, an illa noceant, non fecifti. Nam fi tunc certum fit ex hoc mortem, aut eius accelerationem fecutâ, fis irregularis ob negligentiam. At fi non fit certum, non credas ex hoc mortem fecutam. Ita D. Anton. 3. par. tit. 18. cap. 2. §. 6.

5. Concl. Qui dat operam rei licitæ, fed periculofæ homicidij, aut mutilationis, fi omiffa fufficienti diligentia fequitur mors, aut mutilatio, fit irregularis. Ita D. Thom. 2. 2. q. 64 art. 8. & Bannes, & habetur c. ad audientiam, de homicidio. Et patet in cafu clamantis fur. pofito in 2. Concl. Et intelligitur nifi alias ille habeat ius ad illam rem licitam, aut quia ex præcepto tenetur ad eam, aut quia ex illa fequitur pia vtilitas, feu iufta neceffitas. Et patet hoc ex doctrina Thomiftarum, 1. 2. q. 78. art. 8. circa pollutionem. Patet etiam in medico applicante licitè medicinam per fe caufatiuam falutis, & per accidens caufatiuam abortus. Et idem dic in fententia afferente quod qui defendendo patrem, patriam, aut proximum occidit cum moderamine inuaforem, non fit irregularis. Nam in his & fimilibus mors non eft volita directè, & ex intentione, vt patet, nec indirectè: cum non teneamur tunc vitare illam caufam per accidens illius.

6. Concluf. Vt in dictis cafibus incurratur irregularitas, requiritur negligentia mortalis. Ita Sor o, 5. de inftit. quæft.

1. art. 9. Bannes, 2. 2. q. 64 art. 8. 2. part. dub. 2. contra Caiet. ver. irregularitas, Siluest. ver. homici. 2. Couar. loc. cit. §. 4. num. 9. & contra Lud. Lop. 2. part. cap. 29. Sed concl. patet ex cap. quæsitum, de pœnit. & rem. vbi Sacerdotes Græci excusantur ab irregularitate ob mortem suorum filiorum paruulorum: si tamen malitiosè non procurarunt eam, aut ex negligentia non studiosa sit mors secuta. Ergo non incurritur irregularitas, quando negligentia est leuissima, qualis est culpa venialis. 2. Irregularitas est durissima pena: ergo supponit graue peccatum, vtpotè mortale, sicut dixi de excommunicatione. Ex quo patet, quod ignorantia, aut inaduertentia excusans à culpa mort. cui est annexa irregularitas, aut alia censura, excusat etiam à tali censura.

Dub. 13. Quis dispenset in irregularitate iniusta occisionis, & mutilationis. 4

1. Conclusio. Irregularitas iniustæ mutilationis olim erat Papæ reseruata, in cap. 2. de cler. pug. in due. Sed iam ex concessione Concilij Trident. sess. 24. cap. 6. dispensat Episcopus, & eius Vicarius cum sibi subditis, & in sua diœcesi in omni irregularitate orta ex delicto occulto, nō deducto ad forum contentiosum, sola irregularitate homicidij excepta. Et sic poterit dispensare in ista irregularitate alias occulta, cum ibi non excipiatur. Ita Lud. Lop. c. 22. & Nauar. in man. c. 27. n. 194.

2. Conclusio. Episcopus iuxta cap. ad audientiam, de homicid. potest dispensare cum homicida casuali, etiam publico, vt vtatur minoribus Ordinibus iam susceptis. Ita Couar. in Clementina, si furiosus, 2. p. §. 3. num. 9. Imò ex eo quod cum isto potest dispensare ad beneficium simplex, iuxta cap. 2. de cler. pug. in due. poterit, ait Nauar. cum eo dispensare vt recipiat Ordines minores, maxime si hoc sit necessarium pro obtinendo beneficium simplex, vt ait Lud. Lop. cap. 30. Item potest Episcopus cum isto dispensare, vt retineat curatum obtentum iuxta communem sententiam, vt ait Lud. Lop. sed non ad obtinendum illud de nouo, vt ait Nauar. num. 240. & Couar. §. 3. contra Medin. in sum. §. 12. cap. 11.

DE IRREGVLARITATE QVÆ EST POENÆ.

S V M M A R I V M.

Irregularitas quæ est poena, quando & à quibus incurritur. num. 1.

Quis in ea dispenset. n. 2.

DVB. 14. *Quando incurritur ista irregularitas.* Et suppono ex dictis dub. 12. conclus. 6. non incurri ob culpam ven. contra Caiet. Sed requiritur culpa mort. ait Naui in manu. c. 27. num. 249. & Lud. Lop. 2. p. c. 29. Et colligitur à fortiori ex dictis de homicidio casuali; cum ista irregularitas sit purè poena.

1. Conclusio. Rebaptizatus etiam ex ignorantia, sed culpabili est irregularis. Ita ca. quinis, & cap. eos quos de conf. d. 4. Et de acolyto ministrante dicitur cap. ex litterarum, de apost. quod si eius peccatum sit publicum, non promouetur ad sacros Ordines, nisi intret Religionē, sed de rebaptizante nihil exprimitur in iure. At iuxta communem sententiam vsu comprobata fit irregularis, et si ex ignorantia aliàs culpabili rebaptizet. Non enim est credibile, velle Papam ita grauiter punire ministratē rebaptismo, & non rebaptizantē, qui grauius peccat. Sed qui rebaptizat etiam scienter sub conditione, et si peccet mort. non fit irregularis Ita Nauar. num. 246. contra Soto, d. 2. q. 1. art. 9. & Lud. Lopez. cap. 29. ubi citat pro se Visio, Cord. & Ioseph. Sed nostra Sententia patet. Nam solis rebaptizantibus ponitur poena irregularitatis, sed iste non rebaptizat, nec intendit rebaptizare; cum apponat conditionem excludentem rebaptizationem, sicut nec rebaptizat, qui ob metum externum sine intentione rebaptizat. Ergo.

2. Conclusio. Ordinatus per saltum, vtpotè, recipiendo Ordines maiores ante minores, aut vnum Ordinem maiorem ante alium, & peccat mort. & fit irregularis, nec potest recipere Ordinem omissum sine dispensatione. Ita Ludou. Lop. c. 29. & Ledesm. cap. 6. de Ordine, cum Silis. & Nauar. iuxta ca. 1. de clerico per saltum prom. Et si alij tenent probabiliter, quod solum manet suspensus ab Ordine per saltum

tum

tum recepto, alij quod nec suspensus, nec irregularis. Item peccat mort. & fit irregularis, qui eodem die recipit duos Ordines maiores, & ordinator manet suspensus à collatione taliū ordinum. *Ita cap. litteras, & cap. dilectus, de temp. ordi.* Imò & qui eodem die recepit Ordines minores, & subdiaconatū. *Ita c. 2. de eo qui ord. fuit, et si ex vsu excusari possit: ait D. Anton. 7 part. tit. 14. cap. 16. §. 16.* Item fit irregularis, qui ornatur maioribus ordinibus ab Episcopo qui renuntiavit loco, & dignitati. *Ita cap. 2. de ordinato ab Episcopo, qui ren.* Item fit irregularis ordinatus ab Episcopo excommunicato suspensio, vel interdicto, alias denunciato, aut aliter nō tolerato, *iuxta extra, in super ad exi. d. de qua Caieta. verb. excommunicatio minor, & ordinatus ab hæretico, schismatico, simoniaco, degradato, vel depofito, f. colligis Ludou. Lop. cap. 30. argumento cap. gratiam, l. q. 1.*

3. Conclusio. Clericus qui ex officio vtitur Ordine à se non habito, est deponendus, nec amplius ordinatus. *Ita cap. 1. & 2. de cleri. non ordin. minif. Enriq. tom. 2. lib. 14. c. 6. num. 1. Soto, d. 4. art. 3. Nau. nu. 241. & Lud. Lop. cap. 29.* Et patet in non Sacerdote celebrante, baptizante solemniter, etiam in extrema necessitate, vel absolvente. Et in non subdiacono canente epistolam cum manipulo, & non diacono canente Euangelium cum stola.

4. Concl. Prælati, aut dominus excommunicatus, suspensus, scilicet à diuinis, aut interdictus, qui audit officia diuina autorizando illa, faciendo aliquem Sacerdotem coram se celebrare, aut si ipse nulla censura ligatus facit vt aliquis censura ligatus coram se celebret, fit irregularis. *Ita glossa in Clement. 2. de priuil. approbata per plures, & Ludou. Lop. 2. part. cap. 29. cum Panormit. Ioan. And. & Hostien. in cap. 2. de cleri. excom. minif.* Non tamen fit irregularis qui celebrat coram excommunicato. *Ita cap. is qui, de sentent. excommu. in 6.* Nec qui dat excommunicato licentiam celebrandi, nec astantes Missæ contra Cordo, & Nau. nu. 28.

5. Conclusio. Excommunicatus excommunicatione maiori ministrans in Ordine maiori, aut de nouo recipiens illum; suspensus etiam, aut interdictus violando suspensionem, aut interdictum iuxta dicta in tracta. de suspensione, & de interdicto, & peccant mortaliter, & sunt irregula-

res, vt ibi ostendi. *Et nota*, quod pluries excommunicatus, suspensus, aut interdictus vnā solam irregularitatem incurrit celebrando semel, sicut qui celebrat cum multis peccatis mortalibus vnum solum peccatum committit. At qui fit irregularis ob delictum, quoties illud committit incurrit nouam irregularitatem, vt patet in pluries rebaptizante, & in excommunicato, suspensio, aut interdicto pluries celebrante. Et vt dispensetur in omnibus illis irregularitatibus debet explicare earum numerum, etsi vna absolutio-
ne tollantur. Et iste est stylus curiæ, vt notat Nauar. in additione. ad cap. 27. num. 32.

Dub. 15. *Quis dispensat in dicta irregularitate.*

1. Conclusio. Episcopus per se, & per Vicarium ad id specialiter deputandū dispensat in foro cōscientiæ in omni irregularitate orta ex delicto occulto alias non deducto ad forum contentiosum cum sibi subditis, & in sua diocesi. Ita in Concil. Trident. sess. 24. cap. 7. de reformat. & dicitur occultum, etsi alias sit probabile in iudicio. *Ita Co-
narr. in Clemen. si furiosus 2. part. §. 3. num. 9. Et vt pro-
babile acceptatur à Bannes, 2. 2. q. 64. art. 8.*

2. Conclusio. Probabile est nullam irregularitatem esse dispensabilem per Bullam Cruciatæ: cum ita teneant Canonistæ, cum Nauar. in manual. capite 27. numero 250. Probabile etiam est, quod per bullam est dispensabilis omnis irregularitas, quæ est pœna. *Ita Soto, dist. 22. qu. 3. artic. 1. Medina in summa tractat. de irregul. §. 9. cum Cano, Bannes, 2. 2. quæst. 64. art. 8. Et communi-
ter Thomista.* Et patet. Nam in Bulla conceditur facultas absoluendi ab omni censura, sed irregularitas, quæ est pœna, est censura, iuxta dicta supra tracta. de censuris in communi: ergo. Hæc de irregularitate, & de omnibus censuris.

DE STATV
RELIGIONIS
ET DE
PRIVILEGIIS,
QVIBVS A SVMMIS
PONTIFICIBVS
EST DECORATVS,
EPITOME.

*Auctore R. P. F. IO ANNE DE LA CRVZ
Talabricensi Theologo Sacri Ordinis
Predicatorum.*



VENETIIS, MDC.LXXX.

Typis Antonij Bosij.

SVPERIORVMPERMISSV, ET PRIVILEGIO.

DE Mandato nostri Reuerendissimi Magistri Prioris Prouincialis Fratris Ioseph Gonzalez, vidimus *Epitomem de statu Religionis & de priuilegijs quibus à summis Pontificibus est decoratus*, compositam à R. P. F. Ioanne de la Cruz, & inuenimus in ea doctrinam securam, & veram, ac pro bono & defensione sacrarum Religionum, non solum vtilem, sed etiam necessariam, siquidem breuiter & compendiosè priuilegiorum & exemptionum, quibus status religiosus illustratur, notitiam præbet. Dat. in nostro Conuentu Sancti Thomæ de Madrid, 26. die Iunii, anni 1613.

F. Ioannes de la Puente M.

F. Augustinus Spinola M.

Facultas Reuerendissimi Prouincialis Auctori facta.

NOs Frater Ioseph Gonzalez, sacræ Theologiæ Professor, ac Prouinciæ Hispaniæ Ordinis Prædicatorum Prouincialis, facultatem concedimus fratri Ioanni de la Cruz, habitanti in nostro Conuentu S. Thomæ de Madrid, vt præmissis quæ sacrum Conc. Trid. & pragmaticæ istorum regnorum circa impressionem librorum disponunt, possit prælo mandare quandam *Epitomem de statu Religionis & de priuilegijs, quibus à summis Pontificibus est decoratus*, cum à personis doctissimis & valde grauibz nostræ sacræ Religionis, quibus hoc opus commisimus, sit approbata. Datis in nostro Conuentu S. Thomæ de Madrid, 28. die Iunii, anni 1613.

F. Ioseph Gonzalez, Prior Prouincialis.

C E N S V R A O P E R I S.

DE Mandato supremi Senatus Regij accuratè vidi *Epitomem de statu Religionis, & de priuilegijs, quibus à summis Pontificibus est decoratus*, compositam à P. F. Ioanne de la Cruz ex sacro ordine Prædicatorum, & nihil in eo inueni fidei Catholicæ, aut veræ sapientiæ dissonum, quin potius accuratam in explicandis summorum Pontificum & Conciliorum decretis diligentiam, solidam ac veram Patrum & doctorum doctrinam ad vnguem enucleatam, cœlestem Religionis statum, eiusque priuilegia, quibus à Sede Apostolica illustratur, pro virili ab erroribus hæreticorum vindicata, quæ omnia distinctè, clarè, & subtiliter, in hoc aureo opere ab auctore traduntur, non sine incredibili facilitate & felicitate, quare vt typis præloque mandetur, in Theologorum gratiam & magnam religiosorum vtilitatem, omnino censui. Madrid, 16. mensis Iulij, anno 1613.

Gundifalvus Sanctius Luzero sacræ Theologiæ Doctor.

S. A.

**SAPIENTISSIMO MAGISTRO PROVINCIALI
SACRI** Ordinis Prædicatorum
Prouinciæ Hispaniæ dignissimo, exi-
mioque Philippi III. Hispaniarum
Regis Concionatori, atque Confessori
meritissimo Principis Hispaniarum,
P. F. IOSEPH GONCALEZ,
suus Filius **F. IOANNES DE**
LACRUZ, perpetuam fælicita-
tem exoptat.



CONSVETVM est, Præ-
sul dignissime, volentibus
suas lucubrationes in lucem
prodere, pro eorum patro-
cinio patronos eligere. Hu-
ius opusculi materia, etsi
ita grauis sit, stylus tamen humilis, & au-
ctor humillimus auxilium vestræ Reueren-
dissimæ P. implorat, cui Religionum priui-
legia defendere valde proprium est, utpote
N^o 2 qui

qui inter omnes Religiosos literis & religione præstas, in insigni Vallisoletano Cœnobio nutritus, & à Catholicissimis Hispaniarum Regibus & Principibus ad munera ita honorifica euectus. Quamuis enim cœlestis Rex cum officijs simul & sufficientiam pro illorum exercitio conferat, Reges tamen terræ cum cunctipotentes minimè sint, ad sufficientiam pro officijs eligendorum maxime attendunt: ista autem in te cum tanto cumulo reperitur, quantum par est pro talium munerum exercitio, ad laudem & gloriam Dei, totiusque nostræ Religionis decus. Vale.



AD LECTOREM.

IN isto opere summa qua poterò breuitate referam Religiosorum priuilegia, tam circa spiritualia & sacramenta, quàm etiam circa temporalia: & quia plurima priuilegia sunt reuocata, maxime in Concil. Tridentin. vt ostendimus: vt ex non reuocatis multa, idem omnino concedant, ex istis quæ clarius & efficacius illud tribuunt, in medium proferam: cum nostræ intentionis sit, vt hoc opus præ manibus à religiosis habeatur, in quo sui status obligationem & potestatem, tam in ordine ad se, quam in ordine ad sæculares, sibi à iure, aut priuilegio competentem, facile videre possint: Bullas autem & viuæ vocis oracula in isto opere citata inuenies authentica in Bullario Reuerendi admodum P.^{ri} F. Emmanuelis Rodriguez, & pro alijs multis & necessarijs ibi deficientibus, citantur aliorum Auctorum compendia quæ licet authenticata ibidem non sint, valent saltem pro foro conscientie.



INDEX CAPITVM

Libri Primi.

1. De statu in communi.
2. De statu Religionis.
3. De voto Paupertatis.
4. De bonis in communi habendis à Religiosis.
5. De voto Caſtratis.
6. De voto Obedientiæ.
7. De ijs quæ competunt religioſis, vt ſunt prædicare, docere, mendicare, tranſire de vna in aliam religionem.
8. De recipiendis in Religione.

INDEX CAPITVM

Libri Secundi.

1. De natura Priuilegij.
2. De interpretatione legum & priuilegiorum.
3. De ceſſatione priuilegij.
4. De communicatione priuilegiorum.
5. De priuilegijs Regularium circa Sacramenta.
6. De priuilegijs circa Sacramentum Pœnitentiæ.
7. De priuilegijs Regularium circa cenſuras Eccleſiæ.
8. De priuilegijs circa Sacramentum Ordinis & Officium diuinum.
9. De priuilegijs circa temporalia.
10. De Iudice conſeruatore.





LIBER PRIMVS

DE STATV

RELIGIONIS.

PROLOGVS.



*N*isto libro explicatur, in quo consistat status Religionis, & ad quæ Religiosus ex vi suæ professionis obligetur, qualiter

suis superioribus, ut patribus, ut iudicibus & ut praelatis subdatur, & quanta sit istorum superiorum potestas, tam ex iure communi, & particulari suarum legum, quàm etiam ex priuilegijs eisdem competentibus, ad gubernandum, & puniendum, ad ligandum & soluendum subditos suos in vtroque foro.

CAPVT I.

De statu in communi.

S V M M A R I V M.

*Quid sit status. n. 1.**An episcopus possit fieri religiosus n. 2.**Qua sit diuersitas statuum in ecclesia. n. 3.**Status episcoporum est omnium perfectissimus. n. 4.**Status religiosi praestat statu Curati. n. 5.*

I DVB. I. *Quid sit status. Prima conclusio.* Status est dispositio conueniens homini secundum modum suae naturae (vt pote cum libertate & non coacte) cui obligatur homo cum quadam immobilitate, & firmitate. Dicitur, cui homo obligatur, quia licet laicus faciat omnia quae facit Religiosus, non tamen est in statu religionis : cum non exerceat illa ex obligatione; & dicitur, cum quadam firmitate, & immobilitate; quia sicut in corporalibus quod facile mutatur non est stabile, & quod mouetur, non stat; sic in spiritualibus; ista tamen firmitas, & immobilitas causatur per solemnitatem voti, sicut & contractus ciuilis firmatur per solemnitatem iuris; vnde viduitas & virginitas quae non sunt voto firmatae non sunt status, nec etiam Clericatus, cum ex illo ad coniugium possit Clericus retrocedere. Quamuis enim qui est in vno statu possit ad statum altiorem ascendere, sicut religiosus licet ad Episcopatum ascendit; non tamen potest à statu religionis ad inferiorem statum retrocedere. Praedicta doctrina est communis Thomistis cum *D. Thom. 2. 2. quest. 183. art. 1.* Si arguas, quod potest Episcopus retrocedere ad statum religionis; Ergo est licitus transitus à superiori ad inferiorem statum.

2 *Ad hoc argumentum Respondetur.* quod Episcopus dum manet Episcopus, vt pote cum cura animarum non potest fieri monachus, si tamen non valente suorum subditorum salutem procurare; & suis quibus proficere ob impedimenta statim à nobis numeranda, tollatur ab eo cura animarum, ex qua constituitur in statu Episcopali, & ad quam retinendam non obligatur ex voto, poterit tunc fieri monachus. Pro cuius maiori explicatione, *Nota ex D. Thom. 2. 2. quest. 184.*

ars.

art. 4. quod dum Episcopus suis ouibus prodesse potest, non potest Episcopatum deferere, ob quietem etiam contemplationis. Paulus enim *ad Ephes. 1.* ob necessitatem subditorum à contemplatione beatitudinis se deferri patienter tolerauit. Ob aliquas tamen causas potest Episcopus de licentia Papæ Episcopatum deferere, & Religionem intrare, & harum *prima causa* sit, ob defectum conscientie, vt si sit homicida, aut symoniacus. *Secunda*, ob defectum corporis, aut salutis, vt si sit senex. *Tertia*, ob defectum scientie requisitæ. *Quarta*, ob irregularitatem. *Quinta*, ob defectum subditorum, quibus Episcopus prodesse non potest. *Sexta*, quando ex alicuius prælatione graue oritur scandalum, nisi aliàs scandalum oriatur ex malitia volentium fidem, & iustitiam caleare: seclusis tamen prædictis causis, erit peccatum mort. illa dispensatio, nec erit valida, quia Episcopus iure diuino astringitur curæ animarum: sed Papa non potest dispensare in iure diuino, nisi iuxta voluntatem veri domini, quæ talis præsumitur esse, vt cum causa legitima dispense, seu declare ius diuinum non obligare tunc, & alias non: ergo.

Dub. 2. *An in Ecclesia sit diuersitas statuum.* *Prima conclusio.* In Ecclesia est diuersitas statuum, vt Episcoporum, & Monachorum, sicut & diuersitas officiorum, vt Prædicatorum, & Doëtorum. *Ita D. Thom. 2. 2. q. 84. art. 2:* hoc enim pertinet ad Ecclesiæ perfectionem: sicut enim in naturalibus perfectio, quæ est in Deo simpliciter, non potest esse in creaturis nisi multipliciter: sic perfectio gratiæ, quæ in Christo sicut in capite adunatur, ad eius membra diuersimode redundat, vt sic corpus Ecclesiæ perfectum sit. Vnde dicitur de Christo *ad Ephes. 4.* *ipse, scil. Christus, dedit quosdam Apostolos, alios verò Euangelistas, alios autem Pastores & Doctores ad consummationem Sanctorum:* & hoc ita expedit, tum ad necessitatem actionum Ecclesiæ, quæ vt expeditius exerceantur & sine confusione, debent ad eas diuersi homines deputari, tum etiam ad dignitatem & pulchritudinem Ecclesiæ quæ in quodâ ordine cõsistit. Vnde 3. *Reg. 10. videns Regina Saba omnem sapientiam Salomonis, habitacula seruatorum & ordines ministrantium, non habebat ultra spiritum.*

2. Conclu. Differentia status sumitur ex ordine ad perfectionem, prout vnus status est altero perfectior; differentia tamen officiorum sumitur ex ordine ad diuersas actiones, differentia verò graduum sumitur per respectum ad ordinem

dinem pulehritudinis Ecclesiasticæ, prout in eodem statu & officio vnus est altero superior, vnus præest, & alter est subditus. *Ita D. Thom. 2. 2. q. 184. art. 3.*

3. Conclusio. Status largè sumptus diuiditur in incipientes, proficientes, & perfectos. *Ita D. Thom. art. 4.*

4. Dub. 3. *Quis status sit perfectior. Prima conclusio.* Status Episcoporum est omnium perfectissimus. *Ita D. Thom. art. 7.* Et oppositum est erroneum, quia Episcopi obtrinent locum Apostolorum, sed esset erroneum negare statum Apostolorum esse alijs statibus perfectiorē, secundum illud 1. Cor. 12. *Quosdam posuit Deus in Ecclesia primum Apostolos, &c.* Et idem Apostolus ad Ephes. 4. ait, *Nos sumus primitias spiritus habentes.* Secundo, ad statum Episcopi requiritur vitæ perfectio, ut ait *D. Thom. 2. 2. q. 185. art. 1. ad 2.* & constat ex illo, *Ioan. 21.* vbi Christus antequam Petro pastorale officium committeret, ab eo quæsiuit an ipsum plus cæteris Apostolis diligeret. Secundo, Episcopi munus est, alios, etiam Religiosos ad perfectionem adducere; ad statum autem Religiosi non requiritur vitæ perfectio, sed Religio est via ad perfectionem. Vnde Christus *Matth. 19.* non dixit adolescenti, *Sies perfectus, sed, si vis perfectus esse, vade, & vende.* Et ratio istius differentie est, quia secundum *Dion. de Eccles. Hierar. cap. 6.* perfectio pertinet ad Episcopum actiue sicut ad perfectiorē, ad Monachum autem passiuē sicut ad perficiendum; requiritur verò, quod sit perfectus, qui alios debet ad perfectionem adducere, non sic autem, qui debet ad perfectionem adduci.

Si argu. *Qui vouit Religionem debet prius intrare Religionem, quam acceptare Episcopatum, ut diffinitur in c. per tuas, de voto: ergo status Episcopi non est perfectior.* Ad hoc respond. quod quando perfectio vnius rei includit alterius rei perfectionem, & alias sunt incompatibiles, qui vouet, quod est minus, satis implet votum, si omissa te minore faciat maiorem, ut si vouisti perpetuo seruire hospitali, imples votum intrando Religionem, ut habetur in c. scriptura, de voto, at Episcopatus etiam si sit status perfectior compatitur secum statum Religionis, & sic in dicto casu prius ille debet fieri Monachus.

5. 2. Conclu. *Status Religiosi est perfectior quam status Curati.* *Ita D. Thom. 2. 2. quæst. 184. art. 8.* quia Religiosus habet obligatam totam vitam ad opera perfectionis, scilicet ad castitatem, &c. at Curatus nec ratione ordinum obligatur ad opera

Opera externa perfectionis, vt ad castitatem, sed ex statuto Ecclesiæ Latinæ, vt patet in ca. placuit, d. 32. & ca. cum in præterito, d. 84. nec etiam sunt Curati in statu perfectionis ob curam animarum, quia status perfectionis inducit obligationem perpetuam ad opera perfectionis, sed Curatus non est obligatus ad perpetuam curam animarum, potest enim illam deserere, & transire ad religionem, etiam inconsulto Episcopo, vt dicitur in cap. dua sunt, 19. q. 2. ergo. Secundo: et si cura animarum sit quid perfectius quam ea ad quæ tenetur Religiosus, tamen ista cura non conuenit Curato cum obligatione perpetua vt dixi, nec conuenit ei principaliter sicut Episcopo, sed sicut coadiutori, & instrumento Episcopi, & sic ei non omnia, sed quædam peculiaria circa curam animarum committuntur.

CAPVT II.

De statu Religionis.

S V M M A R I V M.

Quid sit status religionis? n. 1.

An sit status perfectionis? n. 2.

An eius essentia consistat in tribus votis? n. 3.

An Religiosus peccet mortal. transgrediendo vota vel regulam? num. 4.

Ad qua teneatur religiosus factus Episcopus? n. 5.

DV.B.I. *Quid sit status Religionis. Prima conclus.* Status Religionis est quidam modus viuendi, totum hominem diuino cultui applicans sub al. qua regula, abducendo eum à curis sæculi retardantibus à perfecta charitate, & vnione cum Deo. Ita colligitur ex D. Thom. 2. 2. qu. 208. artic. 2.

2. Conclusio. Status Religionis, est status à Christo institutus, quia status iste consistit in obseruantia trium votorum, scilicet obedientiæ, castitatis, & paupertatis, sed vota ista sunt à Christo instituta; de paupertate enim dicitur Mat. 19. *Si vis perfectus esse, vade, & vende omnia qua habes, & da pauperibus, & de obedientia subditur ibi. & veni, sequere me;* De castitate etiam ibidem dicitur, *sunt eunuchi qui se*

ca.

castrauerunt, idest, amputauerunt vsum & potestatem venerorum, non per abscissionem membri corpoream, sed per votum castitatis, *propter Regnum Dei*.

Dub. 2. An Religio importet statum perfectionis. *Prima conclusio affirmatiua. Ita D. Thom. 2. 2. q. 186. art. 1.* quia omnis perpetua traditio in finem charitatis ordinata, constituit statum perfectionis; sed talis est Religio vt constat; ergo; *vbi nota*, quod traditio hominis ad Deum, alia est interior per charitatem, & ista est perfectio essentialis. Christianæ vitæ, & finis omnium præceptorum & consiliorum; alia est exterior, per quam homo solemniter dedicatur diuino cultui, & ista est veluti medium ad dictum finem assequendum: ex quo sequitur.

2. Conclusio. Religiosus non tenetur habere perfectionem charitatis, sed tenetur tendere ad illam. *Ita D. Thom. art. 2.* & patet, quia status Religionis est disciplina quædam quæ aliquibus exercitijs ad perfectionem deuenitur, sed qui operatur ad finem, non est assecutus finem necessario, sed tantum requiritur, quod ad eum tendat, ergo satisfacit Religiosus tendendo in finem charitatis medijs taxatis in sua regula, & sic qui assumit statum Religionis, & non habet animum mutandi vitam secundum illum statum, aut si iam professus mutet illum animum, peccat mort. cum sit simulator in re graui contra virtutem Religionis: imò, si tantum habet animum seruandi tria vota essentialia, & alia obligantia in sua regula sub peccato mort. peccat venialit. cum firmet animum contra spirituales profectum, & ponat obicem Spiritui Sancto, necum per media præstantissima ducat ad perfectionem.

Dub. 3. An essentia Religionis consistat in tribus votis, scilicet obedientia, castitatis, & paupertatis. **1. Conclusio.** Voluntaria paupertas est primum fundamentum ad perfectionem charitatis acquirendam, & ad statum Religionis. *Ita D. Thom. 2. 2. q. 186. art. 3.* Patet ex illo Matth. 19. *Si vis perfectus esse, vade, & vende omnia, quæ habes, & da pauperibus.* Ac si dicat; Ab hoc debes incipere, si vis tendere ad perfectionem. Secundo, status Religionis est quoddam exercitium & disciplina, qua deuenitur ad finem charitatis & eius perfectionem, sed ad hoc oportet abstrahere omnino affectum à rebus temporalibus per voluntariam paupertatem, vt enim ait Aug. lib. 83. q. 9. 36. *nutrimentum charitatis est diminutio cupiditatis; perfectio, nulla cupiditas.* Et l. 10.

confe. cap. 23. loquens Auguft. cum Deo, ait, *Minus te amat qui tecum aliquid amat, quod non propter te amat.*

3. Conclufio. Perpetua continentia requiritur ad ftatū Religionis. Ita D. Tho. art. 4. quia ad ftatum Religionis requiritur abfttractio impediētiū hominem ne totaliter feratur in Dei feruitium, fed vſus copulæ carnalis retrahit hominem ne totaliter feratur in Dei feruitium, tum ob vehementiam delectationis, tum etiam ob ſollicitudinem circa gubernationem vxoris, filiorum, & temporalium pro illorum vīctū: ergo. Ex hoc patet commendatarios de Daſtiago, & de Alcantara, & de Calatrava, non eſſe propriè Religioſos. Ita D. Thom. 2. 2. q. 186. art. 4. ad 3. & communiter Thomiſta contra Nau. & alios quos refert Rod. in q. q. regul. q. 1. art. 6. zo. 1. quia iſti non vouent abſolutam & omnimodam caſtitatem, cum ducant vxores; vnde nec gaudent priuilegio cap. ſi quis ſuadente diabolo, ut ait, Caiet. verb. excommun. nec ipſi mutando habitum manent excommunicati: ſecus eſt de commendatarijs Melitenſibus, cum ſolemniſter voucant perpetuam, & omnimodam Caſtitatem, Obedientiam, & Paupertatem. Verum eſt quod Alex. III. Bulla vnica, vbi approbat Religionem Sancti Iacobi de Spata cum voto coniugali, ſtatuit quod qui manus violentas iniecerit in fratres vel ſorores dicti Ordinis, manet excommunicatus, quo etiam priuilegio gaudent per communicationem ſuorum priuilegiorum alij commendatarij aliorum Ordinum militarium.

4. Conclufio. Ad ſtatum Religionis requiritur, quod paupertas, caſtitas & obedientia cadant ſub voto. Ita Din. Thom. art. 6. quia Religioſi ſunt in ſtatu perfectionis, ut dixi cap. 1. dubio 3. ſed ad ſtatum perfectionis requiritur obligatio ad ea quæ ſunt perfectionis; quæ obligatio fit per votum, ergo cum ſtatus Religionis conſiſtat eſſentialiter in Paupertate, Caſtitate, & Obedientia, & hæc ſint opera perfectionis externa, ſtatus religionis, ad hæc debet religioſus cum voto obligari.

5. Conclufio. Prædicta tria vota Paupertatis, Obedientię, & Caſtatis debent eſſe ſolemnia per profeſſionem expreſſam, vel tacitam, ad certam regulam ſeu Religionem à Sede Apoſtolica approbatam, ut ait Bonif. VIII. cap. vnicq. de voto, & vo. redemp. & ut iſta profeſſio valeat, debet fieri in manib. illius, qui poteſt proſtitentem tali Religioni incorporare, ut cum communi ſententia tenet Panormit. in cap. correctum, de reg. iur. & Silu. ver. Religio. 8. num. 14.

Ex dictis patet, quod licet *Greg. 13. Bn. 20.* declaret Patres Societatis Iesu, etiam simplici voto castitatis astrictos, esse verè & propriè Religiosos, & irritet matrimonium cum illo simplici voto celebratum, adhuc tamen est differentia inter istos, & alios Religiosos voti solemnitis, quod isti essentialiter & ex iure diuino sunt inhabiles ad matrimonium, tum quia illorum votum à tempore Apostolorum habet istam vim irritandi matrimonium, nec extat aliqua lex Ecclesiastica, quæ illam vim ei tribuat, tum etiam, quia per istud votum solemne totaliter homo Deo traditur, & consecratur per internam voluntatem iuxta doctrinam *D. Tho. 2.2. q. 88. art. 7.* at Religiosi Societatis, voti simplicis, ex iure Ecclesiastico prædicti decreti *Greg. XIII.* sunt inhabiles ad matrimonium, & sic in omni sententia possunt dispensari per Ecclesiam ad matrimonium contrahendum, imò in dicto decreto *Gregor.* habetur, quod ex causa rationabili possunt dicti Religiosi voti simplicis à Ministro generali dimitti, & votis istis liberari; si tamen isti sine licentia Ministri generalis recedant, sunt apostatz, & excommunicati, vt ibidem decernitur.

6. Conclusio. Inter illa tria vota Religionis votum obedientiæ est præstantius. Ita *D. Thom. art. 8.* quia per votum obedientiæ offertur Deo maius bonum; scilicet propria voluntas; ratione cuius, quod sit ex obedientia est magis acceptum Deo, quam id quod sit ex propria voluntate; vnde ieiunium ex propria voluntate factum non acceptatur à Deo. *Esa. 58.* vbi interrogantibus quibusdam ieiunantibus, *quare ieiunauimus, & non aspexisti?* respondet Deus: *quia in die ieiunij vestri inuenitur voluntas vestra.* Secundo, quia sub voto obedientiæ continentur alia vota, & cæremoniæ regulares, & sic in professione Fratrum Prædicatorum sola obedientia expressè promittitur.

- 4 Dub. 4. *An religiosus peccet mort. transgrediendo vota, & alia contenta in sua regula.* Prima conclusio. Religiosus tenetur sub peccato mort. ex genere seruare tria vota essentialia; alia tamen sub peccato veniali, nisi sub formali præcepto, & in virtute sanctæ obedientiæ mandentur. Ita *D. Thom. 2.2. q. 186. art. 9.* Imò vt ipse *D. Tho.* notat, in nostro Prædicatorum ordine, non obligamur etiam sub peccato veniali ad constitutionum obseruantiam, vt in iisdem disponitur; nisi ad vota & expressè mandata in virtute Spiritus Sancti, & sanctæ obedientiæ, nisi, vt ait *D. Thom.* ad primum,

inum, adde negligentia mortalis, vel venialis, aut contemptus: & tunc aderit negligentia, ut ibi explicat *Caiet.* quando supposito, quod vadis v.g. ad matutinas, vadis negligenter, tunc peccas venialiter negligenter cundo, quia etiam si non tenearis sub peccato ire ad matutinas, si tamen vadis, debes à te excutere omnem negligentiam; sicut etiam si hodie non tenearis orare, si tamen ores, debes attentè orare. Contemptus autem tunc aderit (*ait Div. Tho. ad tertium & ibi Caiet.*) quando quis renuit se subijcere legi; hoc est, non vult facere quod lex iubet, ex eo quod illud sibi iubetur, & contemptus iste ex suo genere est peccatum morte. cum opponatur directæ obedientiæ, quæ obligat sub peccato mort. ex genere, qui tamen habet animum, & consuetudinem ob iram, concupiscentiam, aut aliam causam violandi legem, non est contemptor formaliter, ut ait *D. Thom. ad 3*

2. Conclusio. Episcopus Monachus, ut ait *D. Thom. 2. 2. q. 88. art. 11.* ad 4. tenetur sub peccato mort. ad tria vota essentialia prædicta, sicut alij Religiosi, nec liberatur à voto paupertatis, *quidquid Rod. cum alijs intausè dicat in sum. à p. c. 70. num. 5* quia Episcopus iste manet Religiosus iuxta dicta: cum status Religionis non repugnet statui Episcopi, & alias status Religionis essentialiter consistat in tribus votis, paupertatis scilicet, castitatis, & obedientiæ.

Ex dictis patet primò, quod Episcopus Monachus de nullis bonis testari potest; cum non habeat proprium. *Ita communiter, cum D. Tho. 2. 2. q. 185. art. 6. & 8. Soto, 10 de iust. q. 5. art. 7. & Cob. cap. 1 de test. num. 18.* alij tamen Episcopi possunt de suis patrimonialibus testari, non tamen de bonis Ecclesiasticis, aut intuitu Ecclesiæ acquisitis: sed ista in dominio Ecclesiæ consecuentur: ut dicitur in cap. *quorundam, de test.* Et licet in cap. *cum in officijs, de test.* idem statuatur de Clericis, sed iam lex ista non est in usu in Hispania, sed de omnibus bonis testantur Clerici, & in eorum bonis succedunt eorum consanguinei ab intestato. *Ita lib. 5. nota Recop. tit. 8. l. 19.*

Secundo, sequitur Episcopum Monachum teneri portare habitum suæ Religionis, cum habitus iste sit obligationis signum. *Ita D. Tho. art. 8. imò in 8. Synod. generali actione 8. cap. 27.* præcipitur Episcopis Monachis, sub pœna depositionis, ne vestem monasticam deponant.

3. Conclusio. Episcopis Monachus, etsi non teneatur ad ob-

obseruantias suæ Religionis officio Pontificali repugnantes ; cuiusmodi sunt solitudo, silentium, aut vigiliæ graues , quibus impotens redderetur , ad exequendum Pontificale officium ; tamen tenetur ad obseruantias non impediētes Pontificale officium: quales sunt ieiunia, abstinentia à carnibus, &c. In quibus tamen potest secum in necessitate dispensare , sicut Prælati Religionum secum in necessitate dispensant. *Ita D. Thom. 2. 2. q. 185. art. 8.* Secundo, in constitutionibus Ordinis Prædicatorum, d. 2. cap. 13. in glos. habetur, quod Prouinciales, in suis Prouincijs moneant Episcopos ordinis , vt in vestibus, abstinentijs , & alijs non impediētibus Pontificale officium Ordini se conforment: alias non concedant eis fratres in socios ; & concessi reuocentur. Hæc de votis Religionis in communi, deinceps agemus de illis in speciali .

C A P V T I I I.

De voto Paupertatis .

S V M M A R I V M.

An Religiosus possit habere peculium ? n. 1.

An possit habere redditus annuos ? n. 2.

An possit sine licentia recipere sibi donata ? n. 3.

Vel sibi applicata sine licentia distrahere ? n. 4.

Quantam licentiam possit Prælatus Regularis sibi & subditis concedere ad donandum extraneis ? n. 5.

Quæ sint prohibita religiosis à Clemente VIII. circa largitionem munerum ? n. 6.

Pœna imposita transgressoribus huius decreti & qui eas incurrant ? n. 7.

NOT. Quod Religiosus per votum paupertatis abdicat à se dominium cuiusvis rei temporalis, & peccat mort. ex genere tale votum violando : in indiuiduo tamen peccabit mort. vel venialiter, eo modo quo peccat, qui contredicat rem alienam invito domino rationabiliter, & sic quæ est materia grauis ex obiecto pro furto ; eadem erit grauis pro constituendo peccato mortali contra votum paupertatis .

Dub. 1. *An Religiosus possit habere peculium* , Not. 1. quod peculium est habere aliquid deputatum , & sequitur

tur statum ab alijs ad vtendum illo , vel iure dominijs possidendo, & defendendo illud, vt proprium, vel iure solius administrationis ad illud, scilicet administrando, vel distribuendo secundum leges, & conditiones sibi præfixas; vel iure vsusfructus tantum, qui est facultas vtendi re & fructibus eius, in propriam, & etiam aliorum vtilitatem: salua tamen substantia rei fructiferæ, vel solius vsus, qui est facultas vtendi re ad vsus proprios tantum.

1. Conclusio. Religiosus non potest, etiam de licentia Papæ, habere peculium irreuocabile, quod scilicet saltem à Papa non possit reuocari, & limitari, in quos velit vsus. Ita Siluest. verb. Abbas 4. §. 3. et Lud. Lopez, 1. part. cap. 154. quia Religiosus per votum paupertatis abdicauit à se omne dominium & proprietatem quam importat prædictum peculium irreuocabile.

2. Conclusio. Licitum est Religiosis habere pecunias in cõmuni depositas ad vsus sibi à Prælato concessos, aut concedendos. Ita Lud. Lop. & patet ex vsu: nec sic habere pecuniam inducit proprietatem, cum sint per Prælatum reuocabiles, & limitabiles pro vsibus sibi placentibus. Vbi Not. Primò quod si Religiosus, habet licentiam distrahendi aliquas pecunias in quos velit vsus, potest etiam in actus illicitos consumere illas: vt ait Medina in summ. in 7 præcepto. §. 29. cuius sententia est communiter vsu recepta; licet alij oppositum sentiant, satis probabiliter, & fortè verius, quia cum Prælatus non sit dominus, sed dispensator bonorum Religionis, & non dissipator, non potest concedere licentiam expendendi pecunias, nisi pro vsibus licitis: & sic licentia ab eo data religioso, iuxta facultatem concedentis videtur esse interpretanda.

Not. 2. quod secundum Victoriam communiter receptum (de quo Ludouic. Lop.) non peccat Religiosus mort. retinendo pecunias in cella, & non in cõmuni deposito, dum tamen habeat animum expendendi eas de licentia Prælati. Et intelligitur hoc duplici limitatione. Prima, quod intelligitur hoc stando in natura voti paupertatis, & secluso speciali præcepto; si circa hoc imponatur. Secunda, quod non retineatur pecunia in cella, vel alibi extra cõmune depositum animo celandi illam Prælato: imo si religiosus quando à Prælato fit scrutinium, aliquid in cella, vel alibi retentum celaret, peccaret mortaliter ex genere: imo magister Bandelus censet esse peccatum mort. etiamsi

res celata sit levis, sed rei veritas est, quod etiam in istis præceptis, sicut & in alijs naturalibus & positivis, quod ex suo genere est peccatum mortale. sit veniale ob levitatem materię.

2 Dub. 2. *An liceat Religiosis habere census, & redditus annuales.*

1. Concl. Ante Conc. Trid. licebat Religiosis de licentia suorum Prælatorum habere tales census, etiam ad distrahendum in usus sibi placentes, dum Prælarus non revocaret, vel limitaret talem licentiam. *Ita Sil. Nauar. & aliquos refert, & sequitur Lud. Lop.* quia istud peculium cum sit à Prælato revocabile non inducit proprietatem.

2. Concl. Etiam post Conc. Trid. non peccant Religiosi habentes census, & redditus annuos: non tantum loquendo de redditibus sibi, à se ipsis legatis in testamento ab eisdem condito ante professionem, aut à parentibus, siue alijs sibi relictis: sed etiam loquendo de redditibus empiri ex bonis a Religioso iam professio acquisitis, & quorum dominium transierat iam in communiter, potest enim communiter redditus illius census, nomine tamen communiter fundati, concedere Religioso in præmium sui laboris, ut constat ex usu sapientissimorum, & timoratorum. *Si obijcias, quod in Conc. Trid. sess. 25. cap. 2. statuitur non licere Religiosis utriusque sexus, bona mobilia, vel immobilia quovis modo acquisita, ut propria possiderent: sed ista superiori tradantur, & conventui incorporentur.* Et iterum dicitur sic: *Non liceat superioribus Religiosorum bona stabilia Religiosis concedere etiam usumfructum, usum, vel commendam.* ubi per bona stabilia intelligantur bona immobilia, & census.

Ad hoc resp. quod loquitur Conciliū de redditibus non habendis etiam quantum ad usum, ut proprijs, & irrevocabilibus per Prælatos, & sine eorum licentia distrahendis, intendit enim Conc. tollere, à Religiosis dominium, & proprietatem, ut constat ex titulo dicti cap. qui est *de paupertatis voto integerrimè servando*: & si aliud intendat, illud decretum non est cum tanto rigore receptum ob multas necessitates Religiosorum, quibus ex bonis cōmunitatis non subvenitur, etiam iuxta suum statum, & Religiosam paupertatem, quod maxime verum est in Monialibus. *Ita Lud. Lop. cap. 154. ubi citat. Nauar. & Rod. in sum. tom. 1 cap. 90. num. 9.*

3 Dub. 3. *An possit Religiosus sine licentia sibi donatum*
re.

recipere. Not. duplicem esse licentiam, aliam expressam, & formalem, aliam virtualem seu interpretatiuam; & ista explicatur dupliciter. *Primò*, quando subditus certo scit, quod si petat licentiam à Prælato non sibi denegabit, sed simul scit Prælatum velle, quod nihil fiat sine eius licentia expressa, & ista virtualis licentia ad nihilum valet, cum illa enim non potest Religiosus exigere à Conuentu. *Secundò*, quando per signa probabilia credo, quod si ego faciam aliquid, v.g. emam librum, aut aliquid donem, hoc Prælato placebit: & de hac interpretatiua licentia loquimur, quorundam dicimus illam sufficere. Ita Lud. Lop. tom. 1. cap. 156. & Rodrig. in sum. 1. p. cap. 31. num. 3.

1. Conclusio. Et si sit probabilis sententia Victoris asserentis posse Religiosum seclufa speciali prohibitione circa hoc recipere aliquid sine Prælati licentia; dum tamen habeat animum petendi licentiam quando expenderit illud, probabilius tamen videtur, illud non posse recipere sine Prælati licentia, saltem interpretatiua: quia talis receptio sicut & datio eiusdem rei, est translatiua domini; ergo & est interdicta Religioso, cum per votum paupertatis reddatur incapax domini.

2. Concl. Religiosus accipiendo sine licentia aliquid communitalis, aut rem alteri Religioso applicatam, peccat mort. ex genere: cum accipiat alienum inuito domino rationabiliter. Ex paritate tamen materiz erit peccatum veniale, ut si à communitate accipiat sibi gallinam: secus esset si donaret eam extraneo.

3. Concl. Religiosus accipiendo ab amico prandium, aut alia comestibilia, non peccat: ad hoc enim præsumitur habere licentiam à Prælato interpretatiuam. Et idem est de Religioso existente cum licentia extra conuentum, qui habet consequenter licentiam interpretatiuam recipiendi sibi oblata.

Dub. 4. *An possit Religiosus sibi applicatam distrahere sine licentia.* Prima conclusio. Religiosus emens, vendens, commutans, aut donans aliquid communitalis, vel sibi applicatum sine licentia, saltem interpretatiua, peccat mort. ex genere. Quia in istis actibus cum sint translatiui domini, habet se ut dominus, & usurpat alterius dominium: poterit tamen commodare librum, aut aliam rem sine expressa licentia, quia per commodatum non transfertur dominium.

5. Conclusio. Religiosus potest dare alteri Religioso sui

conuentus librum valentem quinque argenteos , aut aliud simile. *Ita Lud. Lop. 1. p. q. 156. conc. 3. imo Rodrig. in sum. 1. p. cap. 90. nu. 11.* tenet , posse dare librum valentem quinque aureos. Item, potest Religiosus commutare libros cum alijs libris, etiam secularium, æquè bonis: *ut ait Lud. Lop. conclus. 4.* quia ad omnia prædicta præsumitur adesse licentia Prælati interpretatiua: si alias non stet specialis prohibitio Prælati in contrarium. Imò *ut ait Ludon. Lop. iuxta istam* interpretatiuam licentiam, Religiosus iter agens, ex pecunijs sibi datis in eleemosynam, aut aliter acceptis, potest expendere cum consanguineis etiam diuitibus, vsque ad decem aureos, aut eorum valorem. Hæc enim donatio non censetur prodiga: sed rationalis, in rationabilione Prælati fundata.

5 Dub. 5. *Quantam licentiam potest Prælatus regularis sibi & subditis concedere, ad donandum extraneis.*

2. Conclusio. Prælati regulares possunt sibi & suis, concedere licentiam donandi vsque ad decem aureos, de bonis sibi applicatis pro causa pia & rationabili: v.g. pro pauperibus, pro nuptijs cognatorum, pro gratificatione beneficiorum, pro cultu diuino, & similibus: non tamen possunt amplius infumere, sine licentia Prouincialis aut alterius similis, vel superioris Prælati. *Ita Cord. in sum. q. 54 & Lud. Lop. in infru. nego. cap. 40.* Et ita ait iste: præceptum est fratribus Ordinis Prædicatorum in capitulo Pisano. Et hoc ita seruant Prælati timorati & docti. Et intelligitur conclusio de donatione inter viuos, non de donatione causa mortis: hæc enim in multis æquiparatur testamento, quod Prælatus regularis condere non potest. *Ita Nauar. lib. 3. cons. 6. tit. de dona. & Man. Rod. in sum. 1. p. c. 90. num. 7.*

An verò prædicti Prælati possint concedere licentiam ad prædicta hospitibus sui ordinis. Ad hoc 2. Conclusio fit negatiua. *Ita Lud. Lop. in sum. 1. p. c. 156. in fine:* quia in constitutionibus Fratrum Prædicatorum. d. 1. cap. 14. habetur quod Religiosus non expendat pecunias sine licentia sui Prælati: sed Prælatus vnus conuentus non est propriè Prælatus hospitum in suo conuentu existentium, etiamsi in aliquibus ex dispositione dictarum constitutionum, & ordinationum superiorum hospites eis subdantur: ergo.

5. Conclusio. Religiosus extra suum conuentum cum licentia existens, censetur habere interpretatiuam licentiam ad expendendum pecunias non tantum pro vlibus in itinere

necessarijs : sed etiam quoties instat necessitas aut utilitas expendendi aliquid, nec adest Prælatus, potest cum interpretativa licentia, quæ tunc etiam præsumitur adesse, illud expendere.

Hæc dicta sint de religiosis intra Ordinem degentibus : nam alijs ex Papæ licentia ab Ordine exemptis, vt Episcopis, aut alijs beneficiatis, solet Papa ampliorem concedere licentiam, vt scilicet ex redditibus suorum beneficiorum vel ex aliter acceptis possint in vita, vel morte ad pia opera pro libito dispensare. Hactenus dicta procedunt stando in natura voti paupertatis, & seclusis specialibus prohibitionibus summorum Pontificum, aut aliorum Prælatorum.

Novissimè *Clem. VIII.* in motu qui incipit, *Religiosa Congregationis*, edicto 3. Calend. Iul. an. 1594. multa vetat Religiosis vtriusque sexus, exceptis militaribus, circa largitionem munerum: quæ tamen omnia, exceptis penis ibi impositis, continentur in iure communi antiquo, vt notauimus.

Primo, interdicitur Religiosis, etiam Prælati, & conuentibus, ne per se aut per alios, etiam indirectè, aliquid liberaliter, vel munera donent, exceptis leuibus esculentis, & poculentis, & ad deuotionem pertinentibus munusculis: & adhuc ista leuia nomine conuentus largiantur, & vbi superiori de consensu conuentus, videbitur, expedire. Et quidem donatio liberalis vetatur *Religiosis in ca. nulli liceat, & cap. si quis de rebus Eccles. non alien. & C. cum ad monasterium de fla. Mona.* Donatio leuium nomine conuentus facienda habetur etiam in *ca. Tuae super*, de his quæ fiunt à Prælato sine consensu capituli.

Not. Primo, pro explicatione: quod in hoc decreto sola liberalis donatio vetatur, quæ secundum *D. Th. in 1. d. 18. q. 1. art. 2.* est datio irreddibilis compensationem non intendens. Et sic benè possunt Religiosi cum licentia suorum Prælatorum eleemosynas facere, festa celebrare expendendo aliquid pro musica, &c. remunerare, & gratificare obsequia, & beneficia recepta à Medico, aduocato, aut ab alijs. Hæc enim & similia non sunt propriè donationes, sed satisfactiones. *Secundo nos*, quod donatio indirecta, in hoc decreto vetita dicitur, v.g. si conuentus remittat liberaliter, & non titulo eleemosynæ, aut alio iusto titulo, legitimam Religiosam hæreditatem, aut alia debita, aut si Religiosus mutuet, animo repetendi mutuum.

Tertio. Nota res leues esse in duplici differentia: aliz sunt ita parue quod nullam merentur recompensationem, vt calculus benedictus, modicus panis, & ad ista dispensandum non est necessaria dicta licentia: aliz sunt æstimabiles, & recompensabiles, siue sint comestibilia, sicut vna caja de conserua, siue sint res ad deuotionem pertinentes, sicut vna imago, vna horæ, &c. & de his præcipitur quod dentur nomine & consensu conuentus. Et licet in isto decreto tantum fiat mentio de leuibus comestibilibus, & ad deuotionem pertinentibus: idem etiam dicendum est de leuibus alterius generis, sicut vna caja de cuchillos, &c. quoties eniam in aliqua regula excipiuntur aliqui casus, consequenter manent excepti similes casus. Ita in *Clement. exim. de paradiso. §. deinde*, et est communis sententia iuristarum, *Bart. in cap. 2. de coniugio leproforum*, *Feli. in cap. Pastoralis*. Imo licet lex (dicunt isti) limitaret exceptiones dicendo, exceptis istis tantum casibus, adhuc exceptio est extendenda ad similes casus, sicut in *leg. final. C. de reuocandis donationibus* statuitur, quod per solas quinque causas potest reuocari donatio, & tamen glossa cum communi sententia, tenet posse reuocari per alias similes causas. Et ratio est quia cum lex non possit excipere omnes casus exceptione dignos: ponit aliquos loco exemplorum. Et si obijcias communem regulam iuris, quod casus exceptus firmat regulam in non exceptis; intelligitur de casibus non exceptis, qui alias sunt dissimiles exceptis.

Secundo, vetatur in dicto decreto Religiosis, etiam Prælati, ne ista dona inter se largiantur, nisi rerum minimarum, & cum licentia superioris in scriptis. Et quidem ista largitio vetatur Religiosis in locis supra citatis ad adipiscenda officia, & dignitates. Exceptio verò minimarum cum Prælati licentia habetur, in *e. Exijt qui seminat. de ver. signif. §. de vilib.*

Not. 4. Quod pro assignanda materia leui in hoc non datur certa regula: sed iuxta regulas prudentiæ, attentis circumstantiis loci, temporis, personæ, & finis rei habendæ, secundum *Nauarr. in cap. non dicatis n. 25.* quod enim respectu vnius personæ & in vno loco, vel tempore est paruum, respectu alterius personæ, &c. est magnum: & quod in se est paruum, respectu alicuius finis potest esse magnum: sicut deferre triticum, aut alia extra Regnum, in se est quid paruum; sed in ordine ad bonum Reipub. erit magnum; & sic

pro

pro assignanda materia leui sunt duæ regulæ .

Prima est, considerare finem istius legis vetantis donationes extra Ordinem ad fugienda multa damna, ex dissipatione patrimonij Christi provenientia, & vetantis donationes inter Religiosos, ne prava ambitione impulsij pro consequendis in Religione gradibus & dignitatibus, alter alterius gratiam aucupetur. Et sic secundum hoc licet Religiosus furando, aut sine licentia donando quatuor argenteos v.g. peccet mortaliter contra iustitiam, aut contra votum paupertatis (si ista materia, ut suppono, sit gravis pro furto, vel pro voto paupertatis) non tamen erit materia gravis pro virtute liberalitatis: nec eam donando Religiosis dissipatur patrimonium Christi, aut dignitas aucupatur: & sic nec peccatur contra istam legem. Ista doctrina approbatur à Nat. *tract. de dat. & promiss.* ubi explicando decretum Bonif. VIII. prohibentis data, & promissa ad aliquid gratis, vel ex iustitia obtinendum, ait, non satis esse dare rem, quæ si defraudetur, esset peccatum mortale, Nam tali personæ potest dari, verbi gratia, equus ut recte iudicet, tali dono eum non obsecante, qui est finis dictæ legis. Et confirmatur hoc ex capite, *ess. quæstiones de Simonia*, ubi Papa scribit cuidam Episcopo: Ne timeat incidisse in Simoniam, per hoc quod eius frater dedit equum Cardinali qui eum consecravit: quia præterquam quod ibi nullum interfuit pactum, equus erat donum nimis patuum respectu talium personarum, nec censetur Cardinalem ex hoc ad illud inclinatum.

Secunda regula pro cognoscenda materia leui istius legis est gravitas pœnarum impositarum pro eius transgressoribus: & secundum hoc, omnis donatio quæ non puniatur pœnis istius legis, etsi alias sit ista lege vetita, utpotè, si non sit cum licentia superioris, & nomine, & consensu conventus, reputatur levis. *Vbi nota*, quod ut pœna sit iusta, debet proportionari culpæ, & cum lex ista, utpotè, à Christi Vicario lata, sit sancta, & illius pœnæ gravissimæ, non est extendenda ad minima; verbi gratia ad vnum libellum, & similia, quia ad ista non se extendit ratio legis; imò licet istorum largitio sine licentia Prælati sit alias peccatum mortale contra votum paupertatis, tamen respectu illius legis, & in ordine ad finem illius, erit tantum culpa levis, cum sit donum leue, nec puniatur pœnis istius legis. Quævis enim lex intendit punire peccata, quæ sunt gravia in ordine ad eius finem.

Tertio. Præcipitur Religiosis, ne cum aliquo benefactore, vel præfule, etiam ex eodem ordine assumpto, occasione transitus, aut ad memoriam accepti beneficii gratique animi testificationem, aut quavis occasione pecunias infumant honorifice, laute, & opipare, pro eorum receptione, pro conuiuijs, pro exhibendis spectaculis etiam pijs: nisi reuera pro diuino cultu, & veris pauperum necessitatibus, habita in hoc necessitatis ratione, & ex consensu superioris; vel alias in rebus licitis, nec vetitis per capitula Prouincialia, aut Generalia. Ista etiam sumptuum prohibitio, sicut & conuiuia, & fercula, habentur in c. comestationes; & c. non licent, d. 44.

Not. Primò. Hic tantum vetati sumptus excessiuos, dum dicitur, honorifice, opipare, & laute. Vnde non est hic vetitum, inuitare aliquem sine ista prophanitate, & multo minus, quod fit in Religionibus quando in festis suorum patronorum inuitant alios Religiosos, & personas deuotas. Sic enim fraternitas conciliatur, & plebs ædificatur. Et quod infumitur in festis, monumentis, & Eucharistiæ solemnibus, & pauperum hospitio, seruata in hoc modestia Religiosa, iam excipitur in ista lege, ubi etiam habetur, quod si diuites occasione transitus, vel ex deuotione, aut necessitate, ad Religiosorum loca diuertant, communi refectorio sint contenti.

Secundo notatur; circa illam grati animi testificationem hoc esse intelligendum, quod non dissipent bona Religionis sumptibus excessiuis hoc colore gratificationis, quod continget, quoties volent gratificari aliquod obsequium parui momenti, vt si alicui donem, quia exhibet mihi consuetam reuerentiam; non tamen intendit lex ista tollere verum titulum gratificationis, ita necessariz ad hominum conuictum, & fundaræ in lege naturali: si enim Religiosi non essent grati suis benefactoribus, nullus eisdem benefaceret.

Quartò, in isto decreto inhabilitantur recipientes aliquid contra illius tenorem ad illud retinendum, nec absoluantur, dum non restituunt; si commodè possunt: sin minus, si non præstant cautionem de restituendo. Ita etiam habetur in *Clem. 1. de rebus Ecclesiæ non alie.* & præcipitur in dicto decreto, quod ista restitutio fiat conuentui, de cuius bonis facta est donatio, & si donatio non sit facta de bonis conuentus, fiat restitutio conuentui in quo Religiosus qui donauit, est professus; & si donatio sit facta nomine conuentus,

aut

aut provinciarum aut ordinis, restituatur donatum communi mensuræ eius cuius nomine datus est; ita quod nec donator, nec conventus valeat restitutionem remittere, vel concedere, *quod pauperibus erogetur, & hoc etiam habetur sic in c. abbati. d. 54.* Ex dictis patet legem istam loqui de donationibus factis ex bonis, quorum communis Religiosorum est dominus, cum præcipiat quod restitutio fiat communitati.

Quinto. Ponuntur gravissimæ pœnæ pro transgressoribus. *Primo*, Perpetua infamia. *Secundo*, Priuatio (ipso facto) utriusque vocis, dignitatum, graduum, munerum, & officiorum. *Tertio*, Inhabilitas ad ista; & similia. *Quarto*, Aliæ pœnæ furci, & symoniæ, & quæ continentur in iure, & in statutis Religionum contra proprietarios.

Nota 1. quod cum istæ pœnæ ponantur transgressoribus istius legis (quæ est de largitione munerum, ut patet ex eius titulo) non incurruntur à recipientibus, sed à solis largientibus dicta munera.

Nota 2. quod nomine officij vel dignitatis intelligitur officia habentia honorem cum superioritate, ut sunt Prioratus: non tamen intelligitur officium Lectoris, Prædicatoris, vel Confessoris. Ita declaravit *Sixt. V.* in motu qui incipit; *Ad Romanum spectat Pontificem*, edicto duodecimo Calendas Nouembris anni millesimi quingentesimi octogesimali octavi, præ explicando suo proprio motu contra illegitimos, ubi eos eodem tenore priuat officijs, dignitatibus, &c.

Nota 3. circa illud ipso facto, &c. quod ante sententiam declaratoriam non tenetur quis subire pœnam positivam consistentem in actione, & passione, ut exilium vel pœnam pecuniariam: imo nec pœnam consistentem in sola passione, ut pœnam mortis, aut abscissionis membri, etiamsi lex dicat ipso facto, & absque alia declaratione sint privati suis bonis, suo officio, &c. Hoc enim sic debet intelligi, ipso facto, absque alia declaratione, scilicet pœnæ, non tamen absque alia declaratione culpæ, cui est imposita illa pœna. Ita communiter Thomistæ cum *D. Th. 1. 2. q. 96. art. 4. et 2. 2. q. 62. art. 3. Bannes ibi dub. 2. Silu. ver. pœna n. 28.* inhumanum enim esset, quod reus occultus condemnaret, & proderet se: & simul esset iudex, testis, accusator sui, & executor sententiæ: secus sit de pœna consistente in sola priuatione, cuiusmodi sunt censure Ecclesiasticæ, quæ incurruntur ante sententiam declaratoriam à violentibus leges habentes tales pœnas. Et ratio differentię est, ut ait *Bannes*, quia per istas pœnas

pœnas non priuatur homo bonis iam habitis, sicut per excommunicationem non priuatur homo bonis iam acquisitis, sed suffragijs, quæ sibi ab Ecclesia prouenire poterant, & per suspensionem & irregularitatem non tollitur potestas iam habita: sed tantum impeditur exercitium talis potestatis: non sic autem in alijs, sed per illas priuatur reus bonis iam habitis.

Secundò, præcipitur Ordinarijs, ac eorum Vicarijs, & superioribus Regularium, vt curent hoc statutum inuiolabiliter obseruari. *Vbi notandum primò*, quod Papa non facit Episcopos executores istius legis, vt aliqui dixerunt, ratione cuius excusabantur aliqui dum lex ista per Episcopos non promulgabatur: sed ipsis Episcopis, sicut & superioribus Religionum, singulis pro sibi subditis, etiam Monialibus executio istius legis præcipitur. Multæ enim Moniales subduntur Episcopis. *Secundò Not.* quod quando Prælati inferiores sub formali præcepto, & in virtute Spiritus Sancti præcipiunt istius legis, sicut & aliarum legum suorum superiorum obseruantiam, sicut solet fieri in Religionibus, non imponunt nouum præceptum, nec istud præceptum cadit supra materiam, quæ stando in sola vi legis superioris non obligaret sub peccato mortali, sed præceptum inferioris Prælati cadit supra promulgationem legis, & supra totam legem in communi, in ea forma sicut in illa continetur: sicut qui vouet aut iurat statuta alicuius Religionis, vel Collegij, vel leges alicuius officij promittit illa seruare secundum formam, & rigorem in eis contentum, & non sub maiori obligatione.

Septimò. In isto decreto reuocantur contraria priuilegia, & statuta etiam iurata, ordinationes Apostolicæ; consuetudines, indulta cuiusvis Ordinis, aut Collegij, quouis iuramento, & auctoritate etiam Apostolica roboratæ: dum non fiat expressa mentio istius legis de verbo ad verbum. Et intelligitur hoc de indulgis concedendis ab eodem Papa, qui tulit istam legem. Nam vt Papæ successores aliter statuunt, non necessitantur facere istam expressionem istius legis de verbo ad verbum. De quo dicemus latius l. 2. cap. 5. dub. 3. Et notandum quod hic non reuocatur ius commune, vt patet, & sic nec priuilegia in illo inserta; cum ista vendicent sibi aliud nobilius nomen, & sint iam leges communes & sic non manent reuocata per generalem reuocationem omnium priuilegiorum. *Ita communiter Iurista in la hares absens ff. de*

ff. de iudicijs. Felin cap 1 de re scriptis, num. 12. O. NAAV, lib. 3. conf. 87. titulo de regularibus.

Oñando ponitur promulgatio dictæ legis; & præcipitur, quod ista lex incipiat obligare intra montes post sexaginta dies à promulgatione in Romana Curia: & ultra montes: post quatuor menses à dicta promulgatione. Et licet de hac lege fuit supplicatum, non tamen fuit à Papa admissa supplicatio. Et sic in Hispania per Nuntium Apostolicum fuit hoc intimatum cunctis Ordinum Procuratoribus, illis præcipiendo, vt de hoc suos superiores certiores faciant, & executioni mandent. Et ita est intimatum nostro Prædicatorum Ordini in Capitulo generali Romæ anno 1601. Hoc decretum latius à nobis est interpretatum, vt ex eius interpretatione similia decreta interpretari noscamus.

C A P V T I V.

DE BONIS IN COMMUNI HABENDIS à Religiosis.

S V M M A R I V M.

An Religiosi possint habere bona in communi? n. 1.

An habere bona in communi minuat paupertatem euangelicam? n. 2.

Quid sit alienatio & qua sit diuersitas inter bona monasterij? n. 3.

Conditiones requisitæ ad licitam alienationem bonorum monasterij? n. 4.

Quibus competat hæc potestas alienandi bona monasterij? num. 5.

DVb. I. *An possint Religiosi habere bona in communi.*

Conclus. Aliquæ Religiones non possunt habere bona etiam in cōmuni, sicut sacra Religio Seraphici Patris Frācis. Item nostra sacra Prædicatorum Religio fuit fundata à sanctissimo Patriarcha nostro Dominico, cum hoc rigore non habendi possessiones aut redditus etiam in communi, sed postea per Sixtum IV. fuit in hoc dispensatum vt habetur in nostris constit. 2. cap. 1. & 10. Et intus; quia cum nostra sacra

Re-

Religio sit specialiter instituta pro salute animarum, ad quod tanto studio, & litterarum exercitio, sicut in hac veluti generali Vniuersitate profitemur, opus est, si Religiosi ad subueniendum tot necessitatibus, extra septa monasterij passim egredi cogerentur & ab illo tam sancto & valde necessario litterario exercitio nimis retardarentur.

2. Concl. Aliæ Religiones, præter Seraphicā, possunt habere bona in communi: & sic succedunt Religiosi, & pro ipsis dum viuunt, religio in bonis parentū, & sanguineorū eo modo, quo succederēt si essent in sæculo. Ita concessit ordini Prædicatorū *Clem. 4. Bul. 2. & Nicol. 3. Benedictinis Bul. 1.* Itē monasteria possunt acquirere hæreditates, legata, fidei cōmissa, &c.

Et illa, & alia sibi debita reperere. Ita concessit Cælestinis *Eug. 4. Bul. 7. & Benedictinis Bul. 9.* vbi excommunicantur qui contrauerint, si intra tres dies à notitia huius indulti non desistunt. Item possunt religiosi recipere quæcunque sibi donantur de male acquisitis, incertis, & de legatis indistincte relictis in pios vsus. Ita concessit Minoribus *Alex. 4. Bul. 16. & 27.* Et possunt religiosi commutare sibi legata ad vnum vsus in alios vsus, sine scandalo tamen ista legantium. Ita concessit *Sixtus IV.* inter viua oracula, & idem etiam concessit inter viua oracula *Leo X.* de rebus donatis per viuentes.

- 2 Dub. 2. *An habere bona in communi, contrarietur paupertati Religionis, vel minuat paupertatem Euangelicam.* Conclusio. Habere bona in communi in nullo minuit paupertatem Euangelicam. Imò ista est perfectissima paupertas à Christo & Apostolis seruata, vt patet Actor. 2. Habebant enim Apostoli bona in cōmuni. Et oppositū nostræ Cōclusionis dānatur à Ioan. 22. in extrau. ad cōditorem. & in extrauag. inter nonnullos, de verb. sig. Et aliqui illud asserentes sunt sicut hæretici combusti. De quo inditect. in q. 17. & 18. Et *Nicol. 3.* qui hoc ipsū tenuit, errauit sicut Doctor particularis explicādo suam sententiam, vt declarat *Bened. 12.* in direct. in q. loc. cit.

- 3 Dub. 3. *An administratio bonorum monasterij pertineat ad solum Prælatum regularium, ita quod solus ille sine consensu conuentus possit bona alienare.*

Nos. 1. quod alienatio propriè sumpta est actus, quo transfertur dominium rei quæ alienatur. Ita leg. 2. C. de fundo. Sed large sumpta includit emphiteusim, locationem ad longum tempus, scilicet vltra triennium. Ita in extra ambitiosè, de reb. Ecclesia non alio. Includit etiam venditionē sub conditione,

ditione, donationem, venditionem, permutationem, ac emphiteuticum contractum perpetuum. *Ita in cap. nulli licent, de rebus Ecclesie non alie.* Et in materia odiosa sumitur alienatio propriè & in materia fauorabili, sicut modò sumitur large.

Not. 2. quod inter bona Monasterij alia sunt, quæ seruando seruari possunt, vt sunt bona immobilia, & mobilia, pretiosa scilicet, vestes sacræ, ius ad annuos redditus, etiam redimibiles; vel annuos fructus, vt ait *Panor. in cap. cum nullo, de reb. Ecclesie non alie.* & *Nauar. lib. 3. cons. c. 7. tit. de reb. Ecclesie alie.* Item res quæ non corrumpuntur triennio, & alias sunt fructiferæ: vt oues sunt res quæ seruando seruari possunt: *secundum Silu. ver. alienationum. 7.* Alia sunt bona, quæ seruando seruari non possunt, vt sunt vberes detritæ, fructus arboris exscissi, & res, quæ vnico consumuntur vsu, sicut olei, vinum, triticum, immò, & pecunia, nisi in duobus casibus. *Primo,* quando est deputata pro emendis immobilibus, ita quod Prælati & capitulum sic eam inuestire teneantur, non tamen quando simpliciter, & sine voto, aut iuramento sic eam inuestire deliberauit. *Secundo,* quando est in magna quantitate; *secundum Armi. verbo alienatio, n. 4.* & *secundum alios,* licet Silu. hoc nõ approbet, & merito: aliàs pecunia ista à solo prælato alienata, posset repeti à conuentu, iuxta dicenda infra.

1. Conclusio. Prælati ipse, sine conuentu potest alienare bona, quæ seruando seruari non possunt, vt patet ex vsu, semper tamen debet adesse causa sufficiens, cum Prælati non sit dominus, sed dispensator bonorum conuentus. *Ita Armi. ver. alienatio.*

2. Conclusio. Licitæ est alienatio bonorum Ecclesiæ, aut monasterij, etiam bonorum, quæ seruando seruari possunt, cum aliquib. tamen conditionibus. *Prima,* quod ad sit causa sufficiens, v. g. si debita vrgeant, & de redditibus monasterij solui non possint, ita in c. sicut, 12 q. 2. Item erit causa sufficiens utilitas conuentus, vt scilicet rem meliorem habeat, sicut fabricatio Ecclesiæ, ampliatio monasterij. *Ita in cap. sine exceptione 12. q. 2.* & *c. tua nuper, de his quæ sunt à prælato sine consensu.* Erit etiam causa sufficiens, incommoditas, vt potè quia res est magis damnosa, vel minus utilis. *Ita in c. terrulas 12. q. 2.* Item erit causa sufficiens, pietas: sicut pro redemptione captiuorum, pro cibis pauperum in tempore famis, *Ita in c. Sacror. 12. q. 2. de quo Sil. ver. alienatio. dub. 2.*

3. Condicio est, licentia Prælati superioris, v.g. in nostrò Prædicatorum Ordine postulat pro alienationibus istis licentia magistri Ordinis. Ita habetur in nostris const. d. 2. c. 1. & per Paulum Secundum excommunicatur vtrique pars aliter contrahentium, cum inualidatione contractus. Quia tamē iuxta easdem constitutiones, d. 2. c. 3. Provincialis in sua Provincia habet eandem potestatem, quam magister Ordinis in toto Ordine, Provincialis licentia sufficiet, & de facto ita servatur: *de quo Silu. verbo alienation. 3.* Sed nota quod ex cōcessione *Eug. 4. Bul. 20.* pro Cisterciensib. & ex concessione *Greg. 13. Bul. 9.* pro Augustinianis possunt Generales ordinū ratificare, & reualidare alienationes à suis Religiosis factas sine licentia eorundem Generalium, vel Provincialium, & ut notat *Rod. in qq. Reg. tom. 1. q. 27. art. 2.* cum Generales Ordinum sint tantum dispensatores bonorum Ordinis, non possunt reualidare dictas alienationes sine tractatu, & causæ cognitione. Conceditur enim in dictis priuilegijs *Greg. & Eug.* poss. se ratificare & reualidare non qualesvis alienationes à subditis factas, sed quæ sunt factæ in euidentem eorum vtilitatem. Dicitur enim in *Bul. Greg.* quod scilicet Generalis diligenter causa examinata, & euidenter vtili comprobata, possit ratificare contractus: ita tamen quod non sint validi ante dictam ratificationem, nec transferant dominium. Vnde ait *Geminianus conf. 48. præsbyt. colum. 3.* non posse dictos Prælatos suam auctoritatem impertiri sine causæ cognitione; alias non erit valida auctoritas Prælatorum præstita, & consequenter nec alienatio.

Tertia conditio, quod præcedat tractatus inter Religiosos in Capitulo congregatos, an expediat talis alienatio. Et licet regulariter præmittantur tres tractatus cum tribus interuallis temporis tamen vnus sollemnis & diligens sat est: *ut ait Armi. ex Silu. verb. alienationum. 10. cum Panor. in c. tua, de his qua sunt à Prælato, etc.* vbi etiam ait Glossa, quod tractatus non requirit deliberatum consensum, sed discussionem, & indagationem circa rem alienandam, an expediat, quod alienetur, & possit subueniri Ecclesiæ, vel monasterio in tali alienatione.

Quarta conditio, quod adsit consensus conuentus ad forum campanulæ iuxta morem in capitulo congregati. Et consensus iste debet esse expressus, nisi quando agitur de alienatione rei, respectu alicuius necessitatis, vbi parum læditur mo-

monasterium, tunc sat erit tacitus consensus, & taciturnitas. Ita Rebuffus de alienatione bonorum Ecclesiæ nu. 118. Vbi not. quod stando in iure communi sat est consensus maioris, & sanioris partis capituli, id enim communitas facere censetur quod facit maior & sanior pars, & maior pars totam communitatem repræsentat, *iuxta cap. Cum in cunctis, de his que sunt à maiori parte, &c. Et cap. dudum de elect. & dicitur maior, & sanior pars illa, quæ innuitur maiori rationi, & pietati, iuxta cap. sane quippe d. 9.* Standum tamen semper est maiori parti, nisi contrarium probetur, *iuxta cap. dudum el primero de electione, vel nisi (ut dicitur in cap. cum in cunctis)* minor pars rationabiliter contradicat, & id ostendat. Hæc procedunt stando in solo iure communi: Nam stando in priuilegijs, *Clem. VII.* (ut habetur inter priuilegia Ordinis Prædicatorum) concessit generali Prouinciali festinatio istius Ordinis, & Prouinciæ reformatæ huiusmodi, sibi subditis in Italia conuentibus vtriusque sexus, ut alienationes fiant de consensu duarum partium ex tribus partibus vocalium conuentus, & sic in constitutionibus istius Ordinis *dist. 1 c. 14.* petitur pro alienationibus in toto Ordine faciendis assensus prædictarum duarum partium. Hoc ipsum concessit Augustinianis & eorum monialibus. *Greg. 13. Bul. 9. & idem concessit Leo 10 Bul. 26* monialibus *S. Clare, & Tertiansis.* Sed istæ, & similes concessiones, in Religionibus, quibus sunt concessæ, debent obseruari. In alijs vero religionibus feruntur quæ illis fuerint concessæ, cum alijs de iure communi requisitis, vbi defuerit priuilegium.

Quinta conditio, quod fiat instrumentum alienationis, vbi nomina consentientium scribantur, *secundum Bara. in lib. 1. ff. de albo scribendo,* an vero sit necessaria subscriptio religiosorum, in hoc Panor. relatus à Solu. ver. alienatio num. 4. ait Innocentium dare regulam, quod non requiritur subscriptio nisi in casibus à iure expressis, quia regulariter in quauis dispositione sat est consensus, nec requiritur scriptura. *Ita l. pactum c. de pactis,* & sic in alienatione rei Ecclesiasticæ non est necessaria regulariter prædicta subscriptio: nisi in tribus, scilicet in venditione, permutatione, & donatione, *iuxta cap. sine except. 12. q. 2. & c. 1. & c. sua nuper, de his que sunt à Prelato, &c.*

3. Conclus. Alienatio sine dictis conditionibus facta irritatur in *Clem. monasteriorum.* de rebus Ecclesiæ non alie. &
in

in extraua. *ambrosio*, eodem titulo, & alibi sæpè, & incurritur excommunicatio, & suspensio ab officio ab alienante, & ab eo cui res alienatur, & Episcopo, & Abbati alienanti inconsulto Papa, aut contra tenorem dictæ extraua *ambrosiæ*, interdicitur ingressus Ecclesiæ. In quo si obdurato animo per sex menses perseveret, illi tranfactus est suspensus à regimine Ecclesiæ, vel monasterij. & alij inferiores prælati sunt ipso facto privati suis officijs Ecclesiasticis, sæcularibus, & regularibus, curatis, & simplicibus, dignitatibus, & administrationibus, & res alienatæ ad Ecclesiam, vel monasterium reuertuntur, nullo dato pretio, *ut notat D. Ant. 3 p. q. 24 c. 9.* Item in cap. omnes 17 q. 4. omnes raptores Eccl. arque suarum facultatum alienatores, & eis consentientes, à limine sanctæ Ecclesiæ pelluntur, anathematizantur, damnantur, & sacrilegi iudicantur.

5

4. Conclusio Generales Ordinum habent multa privilegia pro alienatione bonorum sui Ordinis. Primo possunt reualidare alienationes à subditis factas alias in eundem conventus utilitatem: sed sine solemnitatibus de iure requisitis, v. g. si sint factæ sine instrumento, de quo fiat mentio de tali, vel tali re, &c. *Ita Nauar. de spolijs Cleric. §. 2 n. 6.* Et patet in alienatione facta à pupillo sine licentia tutoris, *ut ait Gloss. in l. 2. ff. de acceptil.* Quia, quando in aliquo actu requiritur aliqua solemnitas in ordine ad certum finem, valet obrento sine, licet deficiat solemnitas. Sat est enim, quod solemnitas postea interueniat. Quia iura tantum volunt effectum ad finem. *Ita Corse. in addi. vers. pupil.* Patet etiam exemplo electionis validæ stando in iure naturæ, scilicet, ratione consensus eligentium, quæ valet in conscientia, nec electus tenetur renuntiare, licet sit nulla ob defectum solemnitarum requisitarum de iure positivo. *Ita Innoc. in c. quia propter de elec. & Anton. de Burr. & Panorm. relati à Silu. ver. alienatio. n. 12. & 13.* Quia ius posituum adiuvenit istas solemnitates ob vitanda scandala, & deceptiones, & sic, ex quo omnia ista cessant, & interuenit verus consensus, sat si erit iuxta, quoad Deum. *Et notatur hoc dictum à Silu.* quia valet in omni actu in quo est omnia solemnitas iuris positivi, seruato alias iure naturali.

Secundo Greg. XIII. Bul. 10. concessit Generali Societatis Iesu, ut accepta informatione à Præpositis, vel Rectoribus domorum, vel ab eorum Vicarijs, vel à Prouincialibus, vel ab alijs sibi bene visis, auditis, iuxta eorum institutum consultori.

fulcoribus possit, per se, vel per alterum in eundem tamen domorum utilitatem, quævis bona vendere, alienare, permutare, & in emphiteusim, seu libellum, ad tres generationes, vel ad longum tempus concedere. Et hoc privilegio communicant aliorum ordinum generales, iuxta dicendo *lib. 2.*

cap. 4.

Tertio. Generales ordinum ac capitula generalia possunt quævis bona conventuum pro illorum utilitate, & necessitate vendere, permutare, alienare, locare, vel in emphiteusim, seu libellum ad tres generationes, vel in longum tempus dare, etiam cum donationis, & investituræ acceptione, ac præsentata pecunia, sine diminutione tamen soliti eorum redditus, nec non generaliter, & specialiter obligare, & hypothecare, super illos census quosvis redimibiles imponere, & vendere, nec non de bonis eisdem compromittere, & quomolibet de eisdem transigere, illisque simpliciter aut liti desuper habitæ, & actionem etiam in non possessorem cedere, & renunciare utilitatem, venditionum, & aliorum huiusmodi, vel etiam necessitatem, vel aliam causam ob quam fiant simpliciter, & absque forma iudicii cognoscere, iudicare, & definire, & penitus determinare, libere, liciteque, & quod quilibet contractus super prædictis initi, usque ad instans concessionis tempus perpetuo valeant, partesque ipsæ ad illorum observationem omnino obligentur, & ipsi contractus quibus generalium vel capitulorum generalium consensus, seu confirmatio accesserit, non egeant alia Sedis Apostolicæ confirmatione, & approbatione. Ita concessit Societati Iesu, Iul. III. & Greg. XIII. *ut habetur in compend. Societatis tit. alienatio. §. 1. & 2. & refertur à Rodr. in qq. reg. tom. 1. qu. 27. art. 3.* Quo privilegio communicant aliæ Religiones, & sic earum generales ac capitula generalia possunt renunciare cuius actioni & liti habitæ super iuribus pertinentibus ad monasteria, etiam sine consensu conventuum, quibus competunt talia iura, & hoc est magnum privilegium pro sedandis litibus, interdum non sine scandalo ortis inter Religiosos ex utraque parte, & inter Religiosos & alics, ex hoc tamen non debent generales facillè cedere dictis iuribus, nisi re vera hoc redundet in utilitatem monasteriorum: alias, *ut ait Rod.* tenebuntur satisfacere conventibus lætis.

CAPUT V.

De voto Castitatis.

S V M M A R I V M.

*Quid votum castitatis & quomplex? n. 1.**Non licet mulieribus intrare monasteria veliaforum? n. 2.**Declaratio Pij V. circa hoc? n. 3.**Quibus casibus hoc liceat mulieribus? n. 4.**Nemini etiã per se licet intrare monasteria monialium? n. 5.**Aliquando tamen id licet? n. 6.**An & quando moniales possint exire à monasterio? n. 7.**Qua causa sufficiant ut in hoc licet dispensetur? n. 8.*

- I** **N**ot. 1. Religiosum per votum castitatis abdicare à se omnes venerorum delectationes, etiam aliã sibi in statu coniugali licitas: & quod castitas, quæ ante votum ad solam virtutem temperantiæ & castitatis pertinebat, per votum pertinet etiam ad virtutem Religionis; & sic violatio castitatis in Religioso habet duplicem specificam malitiam in confessione necessariò explicandam, vt potè & contra Religionem & contra temperantiam, & castitatem.

Not. 2. votum castitatis esse duplex, aliud simplex, aliud solemne: & sit solemne, vel per susceptionem sacri ordinis vel per professionem expressam, aut tacitam ad certam regulam seu Religionem à Sede Apostolica approbatam.

Not. 3. Quod cum Religiosi magis subdantur, etiam per votum obedientiæ, Papæ, quam Prælati suorum ordinum, & ei potius obedire teneantur, ad eundem Pontificem spectat, statuere leges, quibus status Religiosus conseruetur. Et sic pro voto castitatis melius seruando statuit leges vetantes ingressum sæcularium in monasteria Religiosorum, vtriusque sexus, & egressum monialium extra clausuram suarum domorum, quas in hoc capitulo explicare contendimus.

- 2** *Dub. 1. An liceat mulieribus intrare monasteria Religiosorum.* *Not.* quod per monasterium tantum intelligitur claustrum, dormitorium, & officinæ interiores, vt patet ex Innoc. IV. Nicol III. & Greg. IX. sic explicantibus regulam Minorum

norum vetantem dictum ingressum. Et sic mulieres intrantes hortos contiguos monasterijs & sacristiam, dum tamen per istorum portas, & conuentus non intrent, non violant Pontificum leges vetâtes ingressum in monasteria. Nec obstat, quod Greg. XIII. in suo proprio motu de quo statim, ait quod non liceat intrare monasteria, & loca: quia per monasteria, & loca idem importatur, licet Manu. Rod. exponendo decreta *Pij V. & Greg. XIII.* dicat intelligi de hortis etiam contiguis, sed contra vsum contrarium. Secundo in consti. fratrum Prædicatorum d. 2. c. 1. habetur, quod mulieres non intrent Claustrum, oratorium, vel alias officinas interiores. Et licet statim in Gloss. declarando, ponatur pœna grauioris culpæ introducētibz mulieres in hortos, in dormitorium, in cameras vel alias officinas interiores, tamen quantum attinet ad culpam, sola priora loca dicuntur monasterium, de quo loquitur prohibitio Summorum Pontificum.

1. Concl. Non licet mulieribus intrare monasteria Religiosorum. Quia *Eng. IV. Bul. 9.* pro Benedictinis excommunicat mulieres monasteria Religiosorum intrantes & ductores, & receptores eorum si voluntariè id fecerunt. Et si dicas legem istam per contrarium vsum esse abrogatam, vt dicebat sapiētissimus, & Religiosus valde magister frater Petrus Fernandez Confessarius Principis Hispaniarum Philippi III. tamen postea *Pius V. Bul. 20.* excommunicat eum reſervatione mulieres monasteria Religiosorum intrantes prætextu aliquarum licentiarum, quas ibi reuocat, etiam si istas licentias habentes sunt Ducissæ, Marchionissæ vel Comitissæ. Et ibidē præcipit Præsidentibus Conuentuum, ac eorum Religiosis sub priuatione officiorum, & inhabilitatione in posterum ad eadem & similia, & dissimilia, & suspensione à diuinis ipso facto, & sine alia declaratione incurrendis: ne eas introducere, admittere præsumant. Et postea *Greg. XIII. Bul. 41. idem ac Pius V.* & sub eisdem pœnis statuit, & confirmauit. Imo & addit imponendo excommunicationem latæ sententiæ, dictū ingressum sub prætextu dictarum licentiarum permittentibus: *ubi nota*, quod in dictis decretis non comprehenduntur Imperatrices, Reginae, Infantes, quibus ingredientibus licet secum ducere ancillas ex more eis associantes. Quia secundū Panor. tit. de priu. d. 7. priuilegium alicui concessum eius etiā socijs fauet, vt patet in illo, qui in tempore interdicti, interesse potest diuino officio, cum associantibus ei, ex more.

2. Conclusio. Licet stando in rigore prædictorum decretorum Pij V. & Greg. XIII. tantum videatur interdictus ingressus mulierum in monasteria, sub prætextu illarum licentiarum ibi reuocatorum, tamen stando in declaratione Pij V. data Romæ die 27. Ianuarij anno 1568. omnibus mulieribus est interdictus ingressus, quocunque motiuo id faciant. Et declaratio Pij V. talis est.

3 Nos Alexander miseratione diuina tituli S. Ioannis ante portam Latinam Presbyter Cardinalis Cribelus nuncupatus, omnibus, & singulis presentes litteras inspecturis, lecturis, & audituris, fidem facimus indubiã, & in verbo veritatis attestamus, qualiter sanctissimus in Christo Pater Pius diuina providentia Papa V. vna vocis oraculo nobis facta dixit, & declarauit, fuisse, & esse mentem suã, & intentionem, quod eius littera sub forma breuis, sub die 24. Oct. anni 1566. Pontificatus sui anno 1. edita, in quibus mulieribus quibuscunq; ingressus monasteriorum regularium cum derogatorijs clausulis, & irritantibus decretis prohibebatur, non solum comprehendere & comprehendant mulieres habentes, & habere prætendentes facultatẽ, & indulta ingrediendi huiusmodi monasteria, sed etiã omnes, & quascunq; mulieres alias tam in genere, quam in specie, &c. Ita refert Rod. inter viua oracu. Pij V. & ita seruant Romæ Papæ, pœnitentiarij de sententia Greg. XIII. & Nuncius in Hispania. Et in nostro Prædicatorum ordine sic est executioni mandatum. Et intelligitur de mulieribus habentibus sex annos completos, vt etiam notat Rod. dum exponit dicta decreta.

4 3. Conc. In aliquibus casibus licet mulieribus intrare monasteria Religiosorum Primo in declaratione prædicta Pij V. subiungitur sic, significans nihilominus idẽ sanctissimus dominus noster eadẽ vna vocis oraculo nobis factõ: quod propter hoc, & per dictas suas litteras non intellexit nec intelligit quod mulieribus præcludatur aditus accedendi ad monasteria, & loca regularium ac eorum claustra, quando in eis Missa, & alia diuina officia celebrantur, ac quando processiones fiunt & quando fidelium cadauera ibi sepeliuntur, ac etiã pro eis suffragia fiunt; sed liberẽ concessis, & concedit eisdẽ omnibus mulieribus facultatẽ, vt ad illa loca, in quibus dicta pia opera exercentur cum alijs Catholicis personis accedere, libere & licitẽ possint, & similiter, quod quando diuinũ verbum in Ecclesijs monasteriorum, & regularium loco-

rum huiusmodi proponitur, vel propter aliquā causam est tantus cōcursus populi, quod cōmode ingredi nō possunt, per principalē portā Ecclesiæ, concedit eodē viua vocis oraculo ut dictæ mulieres, una cum alijs secularibus personis possint ingredi, & egredi per portā claustrī monasteriorum, & regularium locorum huiusmodi, dum tamen recto tramite accedant ad portam, qua exitur à monasterio. Non obstantibus &c. Hæc Pius V. ubi Not. 1. non licere facere processiones extraordinarias, hoc animo, ut mulieres claustrum intrent: si tamen aliqua mulier petat Missam in aliqua capella claustrī, possunt cum ea omnes mulieres intrare.

Not. secundo, posse mulieres existere in dictis locis quando prædicta celebrantur, non taliter, quod statim finita celebratione egredi teneantur: sed possunt aliquantulum immorari, quia res morales non consistunt in indiuisibili, sed habent latitudinem moralem ad arbitrium prudentium. Si tamen mulieribus sic ingressis præbeatur ibi prandium, aut si quando in festo Corporis Christi processione facta de mane, mulieres per totum diem in claustrō, etiam ornato detinentur, violant dicta decreta. Secūs sit, si processio sit in mane, & vespere.

Secundo, licet mulieribus intrare monasteria Religiosorū. Religioso grauitæ ægrotante, & deficiente medico potest intrare mulier medica, quæ eum medeatur, si Religiosus exire non potest, cum licentia tamen Prioris de consilio Discretorum, & cum aliquibus sæcularibus associata, ut sic vitetur scādalum. Quia conseruare vitam est cuique naturalissimum. Item quia egressus monialium à clausura strictius vetatur, quam ingressus mulierum in monasteria Religiosorum: sed moniales ob causam legitimam morbi, & aliarum rerum possunt egredi à clausura, ut dicitur latius Dub. 3. ergo.

4 Cōc. Officia quibus priuātur & ad quæ inhabilitātur violatores istarū legi, sunt quæ habent iurisdictionē annexam, ut sunt Prioratus, &c. iuxta dicta supra in explicatione decreti de largitione munerum. Et sic possunt esse Definidores, Lectores, Prædicatores, &c. Itē isti violatores suspendūtur à diuinis, scilicet ab exercitio ordinū, etiā minorū. Non enim possunt solemniter ministrare aliquod Sacramētū, nec dicere solemniter orationes in choro, nec Euāgeliū, aut Epistolā solemniter, nec cereos deferre, vel alia annexa ordinibus etiā minoribus exercere. Suspenduntur etiā à diuinis officijs ordinibus non deputatis, etiā si fiant extra Ecclesiā, exceptis horis canonicis, quas

priuatum recitabunt. Et officia ordinibus non deputata, sive psallere in choro, psallere responsoria & litanias, baptizare sine solemnitate extra extremam necessitatē, audire Missam, acceptare electionem, excommunicare, & conferre beneficia. Verum est quod quando suspensus à diuinis exerceat ista non deputata ordinibus, non fit irregularis, licet peccet. *Ita Nau. in man. c. 36. n. 103. & Cou. in alma mater. 2. p. §. 2. n. 2.*

An verò istæ, & similes pœnæ incurrantur ipso facto per peccata externa omnino occulta; dixi *supra exponendo decretum de largitione munerum; quis autem possit absolueri ab istis censuris, dicetur in fin. c. 6. dub. 15.*

Dub. 2. *An liceat intrare monasteria monialium.*

1. Conclusio. Non licet ista loca intrare per se loquendo. Primò, quia in Conc. Trid. sess. 25. c. 5. vetatur sub excommunicatione talis ingressus omnibus personis cuiusvis status, & ætatis, nisi in casibus necessarijs, & cum expressa licentia. Episcopis in scriptis, pro suis scilicet subditis, aut aliterius superioris pro suis scilicet subditis. Secundò, quia Gregor. XII. Bul. 40. & 41. reuocat licentias personarum cuiusvis status, etiam Ducissarum, Comitissarum, & Marchionissarum, quarum prætextu dicta monasteria intrare conabantur: & sub excommunicatione sibi reseruata præcipit illis ne istarum licentiarum prætextu monasteria monialium, vel earum loca intrare audeant; nisi in casibus necessarijs, & cum licentia superioris in scriptis: iuxta dictum Concil. Trid. & Abbatissis, Præfidentibus, conuentibus ac alijs superioribus præcipit sub excommunicatione Papæ reseruata, nec non & priuatione dignitatum, beneficiorum, & officiorum suorum ac inhabilitate ad illa, & alia in posterum obtinenda, ne prætextu illarum licentiarum quemquam dicta monasteria, vel loca ingredi faciant aut permittant.

2. Conclusio. Prælati regulares possunt per se & per alios, capere, incatcerare, & secundum arbitrium suum, & delicti qualitatem punire quoscuque repererint intra clausuram monialium sibi subditarum. Ita concessit Bonifac. IX. Prædicatoribus, vt habetur in eorum constitutionibus, d. 2. cap. 17. in glo.

3. Concl. In aliquibus casibus licet intrare monasteria monialium. Primò, id licet infantibus discretionem carentibus, cum ad peccatum incitare non possint. Et quando Concil. excludit omnes cuiusvis ætatis, loquitur de habentibus usum rationis, & de illis, qui ad peccatum monere possunt:

possunt: vt sunt sacri qui licet intrando non peccent, peccant tamen moniales eos admittentes. *Ita Nau. inc. statimus* 19 q. 3. n. 59. Secundo licet intrare dicta monasteria, de licentia Episcopi, pro monialibus sibi subditis, aut de licentia alterius superioris pro sibi subditis: & in casibus necessarijs. Alias enim, sine necessitate etiam cum licentia intrantes, & moniales illos admittentes incurrunt excommunicationem, & alias pœnas, vt habetur in Bul. 41. *Gregor. XIII.* Et confirmatur hoc ex declaratione congreg. Card. in tempore *Clem. VIII.* relata à Rodrig. in compen. vbi dicitur non posse mulieres commorari in monasterijs monialium, etiam cum licentia Episcopi, vt moris erat in diœcesi Saluantina: ob casus scilicet occurrentes, litium scilicet matrimonialium, adulteriorum, dissensionum inter viros, & vxotes, quibus in casibus mulieres ibi sequestrari solent, cum non inueniantur alia securiora loca. Alias si sic intrent, incurrunt excommunicationem, & alias pœnas Conc. Trid. & ibidem declaratur non licere in monasterijs intra ostium clausuræ, & claustrum, habere cubiculum, quo ex consuetudine intrent mulieres ad colloquendum cum monialibus, sed quod contrarius vsus abusus reputetur, & pœnis Conc. puniatur. Verum est, quod Prosperus Farinacius Iurisconsultus Romanus refert ex practica in Curia seruata super Concil. Trident. sess. 25. cap. 5. posse ordinarium puellas in monasterijs collocare ad tempus donec lites finiantur, & mulieres suspectas de adulterio ob quod timent maritos: cum conditionibus infra dicendis circa ingressum viduarum, &c. ad ibi commorandum.

Not. 1. quod cum capitulum succedat Episcopo in Sede vacante, vt ait *Silv. ver. capitulum* n. 4. Prouisor à capitulo nominatus erit superior ad dictam licentiam concedendam respectu monialium Episcopo subditarum, sicut respectu monialium Religiosis subditarum mortuis Generali, vel Prouinciali, Vicarij istis succedentes habent omnem eorum auctoritatem, etiam circa moniales, vt conceditur à Iulio II. & habetur in constit. Prædicatorum d. 2. cap. 3.

Not. 2. quod licet minor causa sufficiat pro ingressu mulierum, quam virorum in ista monasteria monialium, & adhuc minor pro ingressu matris, vel sororis, non tamen est causa sufficiens pro matre visitare filiam morti proximam, aut quando proficitur, aut habitum recipit. Ita declarauit Cong. Card. vt refert Rod. in qq. reg. to. 1. q. 64. art. 11.

P p 4 quia

quia nec est in praxi talis ingressus aut saluti corporali, aut spiritali filię necessarius.

Not. 3. non esse necessariam licentiam in scriptis pro casibus communiter occurrentibus, ut pro ingressu medici, confessoris, visitatoris, artificis, & aliorum, quorum repentina opera passim sunt necessaria: potest enim superior hanc generalem licentiam in scriptis committere Priorissis, vel confessoribus monialium, ut in similibus casibus ipsi dent licentiam, vel potest dici, non esse necessariam licentiam superioris expressam in his etiam verbo tenus, sed Priorissa ex præsumpta interpretatiua voluntate superioris eam concedere potest iuxta *Diuum Tho. 2. 2. q. 147. art. 4.* ubi ait, non requiri superioris dispensationem quando causa non seruandi legem, est euident, aut superior adiri non potest, maxime si consuetudo ita habet.

Tertio, licet Religiosis curam monialium gerentibus illarum monasteria intrare, pro exercendo monasterij opere, pro conseruandis monialibus ab incēdio, aut similibus, & pro defendēdis à latronibus. Licet etiā Presbytero cum socio intrare pro ministrandis Sacramentis in infirmitate monialū, aut famularū ac pro cadauera sepeliēdo. Ita concessit Minoribus *Innoc. VIII. Bul. 12.* Quartò, licet superioribus monialū intrare earum monasteria in casibus tamen necessarijs, & comitari à paucis personis senibus, & Religiosis. Ita *Greg. XIII. Bul. 42.* & ibidem Episc. sine causa necessaria intrantes in monasteria suarum monialium, interdicuntur pro primo ingressu ab ingressu Ecclesię, & pro secundo ingressu excommunicantur, & suspenduntur à munere Pontificali, & à diuinis, & alij superiores regulares sine causa uecessaria, in monasteria monialium suarum intrantes excommunicantur, & officio, & omni ministerio sunt priuati. *Vbi Not.* quod licet in Concil. Trident. sess. 25. c. 5. statuatur, quod qui præest electioni Priorissę, aut Abbatisę Episcopus, aut alius superior, non intret monasterium, sed ante cancellorum fenestellam vota singularum audiat, aut accipiat, tamen lex ista, etsi nullam ponat exceptionem, est limitanda sic, nisi Prælati prudenter iudicent, non posse fieri canonice dictam electionem ipsis non intrantibus, ob inquietudinem monialium & suspicionem subornationis votorum inter ipsas subortę, aut ob alias iustas causas à superioribus prudenter arbitrandas, & ibi possunt vota recipere. Ita *Nau. loc. cit. n. 59. & Rodrig.*

Rodrig. art. 4. §. 5. & patet, quia cum ipsi possint cum alijs dispensare ex causa necessaria in isto ingressu, etiam secum idem poterunt, *secundum Caiet. 1. 2. q. 96. art. 5. & Codr. li. 5. q. 3.* & ita disponitur in Bulla Greg. citata.

Secundo, non obstante Conc. Trid. si alias non obstat statutum alicuius Religionis, licet recipere in monasterijs monialium viduas, mulieres nobiles, & puellas vsque ad vigesimum quintum annum, vt in moribus instruantur, cum habitu seculari honesto, & sine ancillis, & cum licentia superioris monialium, & consensu Abbatissæ, & maioris partis monialium, & seruando legem communem clausuræ: & sic semel è monasterio egrediantur, iterum illuc intrare sine noua licentia non permittantur, nisi ad hoc vt fiant moniales: licet tamen curandæ valetudinis causa dare licentias ad balnea, dictis puellis, & sic cum dicta licentia in monasterium redire possunt. Ita refert Prosp. Farin. lo. ci. ex practica in Curia seruata, vbi etiam refert declarationem Cardi factam Episcopo Abulensi, pro monasterio sanctæ Annæ eiusdem ciuitatis: vbi habetur non licere ancillis monialium secularibus claustra monasterij intrare, & exire quoties velint.

D V B I V M I I I.

An moniales possint exire monasteria.

1. Conclusio. Non licet moniali professæ exire à monasterio, etiam ad breue tempus quouis prætextu, nisi ex aliqua causa legitima per Episcopum approbanda. Ita in Con. Trid. sess. 25. c. 5. & loquitur Con. de monialibus Episcopo subiectis: nam approbatio causæ ad exeundum pro monialibus Religiosis subiectis debet fieri per eorum generalem, aut Prouincialem. Et licet *Pius V.* in motu, qui incipit, *decori, & honestati*, edito calendis Februarij anni 1569. requirat pro egressu monialium, non tantum licentiam suorum superiorum, sed etiam Episcopi, & ita etiam declarauit congregatio Cardinalium, vt refert Rod. in qq. reg. to. 1. q. 49. art. 6. tamen in Hispania hæc lex pro hac parte per contrarium vsum est abrogata, & cum sola licentia suorum superiorum exeunt moniales. Et intelligitur nostra conclusio, etiam de monialibus tertij Ordinis Prædicatorum, & Minorum collegialiter viuentium, cum istarum vota ita solemnia sint, & irritantia matrimonium, sicut & aliarum monialium vota ex priuilegio *Paul. III. Bul. 6.* & eodem rigore tenentur ad castitatem seruandam sicut & moniales habentes velum.

1. Con.

2. Conclu. Moniales exeuntes à Monasterio sine licentia, & superiores sine causa rationabili ad id licentiam concedentes & qui illas sic egressas comitantur, & recipiunt, incurrunt excommunicationem Papæ reservatam: & ultra hoc dicti superiores & moniales ipso facto priuantur officijs, dignitatibus, & administrationibus, & ad obventa, & in posterum obtinenda inhabilitantur. Ita statuit *Pius V.* in motu proprio citato. Quis autem possit absoluerè ab istis pœnis, dicitur *cap. 6. Dnb. 15.* eadem enim est ratio de istis ac de pœnis violantium clausuram monasteriorum.

Dub. 4. *Qua causa sufficiant, ut superior licite dispense cum egressu monialium à monasterio.*

1. Concl. Causa legitima pro isto egressu erit prima, magnum incœdium, lepra, aut epidymia. Ita *Pius V.* in motu citato. *Vbi not.* 1. quod existente aliqua istarum necessitatum petenda est licentia à superiore, si in breui haberi possit, cum sit in iure vetita talis egressio sine tali licentia: in *c. monachum. 20. q. 4. & in Conc. Trid. lo. cit.* si tamen sit periculum in mora, stat est licentia præsumpta, & tunc transferant se moniales ad locum competentem, vbi quantum commodè fieri possit, clausuræ morentur quousque de monasterio sit prouisum. Ita statuit *Vrba. 4. pro monialibus sanctæ Claræ*, ut refert *Rod. in 99. reg. 10 1 q. 49. art. 1.* & à *Pio V.* loc. cit. præcipitur, & declaratur, quod ad solum tempus necessarium stare licet monialibus extra monasterium, & non amplius.

Secundo not. quod stando in rigore vocabuli, *epidymia* potest hic accipi, pro morbo multos inuadente, & populariter grassante, etiã sine pernicië & morte, non enim est restringenda dicta lex *Pij V.* ad solam *Epidymiã* pestilentem, & mortiferam; considerauit enim patet ille sanctissimus, quod si dicta epidymia etiã absq; pernicië & morte ex vna in alias moniales transeat, & per monasteriũ grassetur, difficillime seruaretur monasteriorum clausura, cum ad minus necesse sit, illuc introducere mulieres sæculares ad monialium medicamen, & istas ad curationem extra septa monasterij frequenter exire.

2. Secunda causa legitima pro egressu monialis, erit, ut si à suo superiore mittitur ad fundandum alibi monasterium, vel ut in alio conuentu sit Prælata, vel magistra nouitiarum, vel ut ponatur in alio officio, in quo maxime consistit honestas Religionis: ex quo peracto officio ad suum monasterium reuertitur. Item ob correctionem potest duci monialis ad aliud

mona-

monasterium, quando in suo monasterio, ob cognatos, aut aliter non potest corrigi. Item possunt moniales exire, quando de mandato sui Prælati primo monasterio ex causa rationabili relicto, totus conventus ad aliud monasterium se transfert. Imò si ista translatio fit à locis desertis ad oppida, commendatur maxime à Conc. Trid. sess. 25. ca. 5. Prædicti casus referuntur ab *Urbano*. 4. loc. cit. nec sunt reuocati à *Pio V.* in suo proprio motu, ponendo tantum incendium, lepram, & epidymia: nam præterquam quod isti casus sunt similes casibus *Pij V.* cū omnes concernant bonum communitatis, & non bonum monialium in particulari, tamen ex usu etiam comprobantur. Et hoc etiam est conforme Conc. Trid. loco citat. disponenti non licet moniali exire à monasterio, nisi ex rationabili causa ab Episcopo approbanda: sed iam istæ causæ sunt approbatæ ab *Urbano IV.* totius orbis Episcopo, ergo: Vnde superiores dum concedunt monialibus licentiam exeundi è monasterio in istis casibus, solum debent declarare istosmet casus esse ex ijs, qui sunt approbati à Papa.

An verò liceat monialibus exire è monasterio ob alias causas præter iam dictas: In hoc Gutierrez in qq. can. cap. 14. ait illud esse licitum in causis similibus cum causis exceptis à *Pio V.* v. g. in casu hostium inuadentium monasterium, in casu aquæ ductus, aut ruinæ domus, & aliorum similibus, incendio, & in alijs infirmitatibus contagiosis, & nociuis communitati monialium: sicut sunt lepra, & epidymia. Et hoc tanquam tertium ab omnibus acceptatur, iuxta dicta à nobis supra explicando motum proprium de largitione munerum in principio, de quo etiam vide Silu. ver. aliena. num. 11. non tamen erit licitus iste egressus, ait iste Docteur, in infirmitatibus soli moniali nociuis, quia cum Papa iussis suis tribus exceptionibus, incendij scilicet, lepræ, & epidymie semper consuluerit & prouiderit bono communitatis, & non monialis in particulari, bene colligitur tantum voluisse, commoditatem communitatis esse præferendam clausuræ, & cum clausuræ detrimento esse conseruandam, secus tamen est de commoditate, & necessitate monialis in particulari. His non obstantibus.

2. Conclusio sit. Satis pia & probabilis est sententia N. N. in c. statumus num. 4. extendens dictum decretum *Pij V.* ad infirmitatem soli moniali nociuam: cui exeundo è monasterio remedium adhibetur, si alias periculum vitæ, aut grauis,

uis, & diuturnæ infirmitatis probabiliter timetur. Et hoc maximè est verum in monialibus non ex voto, sed ex statuto Ecclesiastico ad clausuram obligatis, lex enim humana non obligat cum tanto rigore, & morali periculo mortis, aut grauis & diuturnæ infirmitatis. Imò nec votum perpetuæ clausuræ ab aliquibus monialibus emissum sit ab eisdem cum isto rigore moriendi potius, quam exeundi à monasterio, nec in earum regula hoc postulatur, sicut postulatur in regula Carthusiensium potius esse moriendum, quam carnes gustandum. *Et confirmatur* ex doctrina Bald. in rubr. C. de Const. partic. & aliorum iuristarum communiter asserentium statuta regularium non esse ita rigorosè interpretanda, vt apices iuris feruentur, sed debent ampliari ex bono, & æquo, hoc est secundum æquitatem naturalem, licet non ad libitum, sed prudenter secundum terminos iuris naturalis & gentium, & hoc maximè debet verificari in nostro casu, vbi agitur de periculo vitæ, aut grauis, & diuturnæ infirmitatis.

CAPVT VI.

De voto Obedientiæ.

S V M M A R I V M.

Ad quid obligetur religiosus per votum obedientiæ.

NOt. 1. quod per votum obedientiæ obligatur Religiosus obedire Prælato secundum statuta suæ Religionis, & non maiori rigore, quam quo ibi obligatur. Si enim inter sua statuta aliqua non obligent sub peccato, non tenetur, ex vi voti illa sub peccato seruare. Ex quo patet non teneri Religiosum obedire Prælato præcipienti aliquid contra Dei mandata, aut Ecclesiæ ordinationes, aut si aliquid præcipiat contra regulam, aut statuta suæ Religionis, vt quod sanus comedat carnes. Item non tenetur obedire, si præcipit aliquid supra regulam, vel sua statuta; vt quod ieiunet in pane, & aqua, nisi alias hoc sibi imponatur, in penam suorum defectuum. Item non tenetur obedire quando præcipit ea ad quæ non se extendit prælaturæ auctoritas; vt quod sibi reuelet suum peccatum occultum, aut quod
confi.

confiteatur peccatum iam confessum. Ita habetur in constitut. Fratrum Prædicatorum d. 1. cap. 15.

Secundo Not. quod Religiosus per votum obedientiæ, subiicit se plenarie suo superiori, ut Patri, ut iudici, & ut Prælati, ut in sequentibus videbimus.

ARTICVLVS PRIMVS.

De potestate paterna Prælati regularium.

S Y M M A R I V M.

Ad qua se extendat potestas paterna Prælati regularium.

D V B I V M I.

Quanta sit ista paterna potestas.

1. **C**onclusio. Potestas ista extendit se ad corrigenda & punienda delicta subditorum, etiam leuia, nulla præmissa de istis leuibus accusatione, aut denuntiatione, nec facta super istis aliqua informatione, eo modo quo pater familias respectu suorum filiorum ad ista punienda procedit.

2. Conclusio. Prælati Religiosorum, sicut Prior & alij similes & superiores Prælati, possunt per potestatem dominationis irritare omnia suorum subditorum vota, & iuramenta: exceptis tribus votis solemnibus, paupertatis scilicet, castitatis & obedientiæ, & excepto voto transeundi ad arctiorem Religionem, ut est communis sententia, de quo latius in materia de voto: possunt tamen hoc votum dispensare, ut dicitur *dub. 2.*

ARTICVLVS SECVNDVS.

De potestate Prælati regularium in quantum est iudex.

S Y M M A R I V M.

An religiosi sint exempti à iurisdictione secularium. n. 1.

An superiores religiosorum sint eorum iudices n. 2.

An

An liceat religiosis appellare ad iudicem secularem n. 3.

An liceat appellare ad Papam, vel superiores Prælatos eiusdem Ordinis. n. 4.

D V B I V M . I I .

An Religiosi sint exempti à potestate iudicum secularium :

1. **C**onclusio. Omnes Religiosi & Ecclesiastici ex iure humano canonico, & civili, sunt exempti à potestate & iurisdictione seculari, tam in causis civilibus, quam in criminalibus. *Patet ex Conc. Trid. sess. 23. cap. 20. & in anthen. statumimus de Episcopis, & Cler. & in iure Hispano lib. 5. tit. 6. par. 1. & to. 1. ord. reg. tit. 5. le 6.* Et in Bulla Cænæ excommunicantur iudices seculares se intromittentes ad cognoscendas causas Ecclesiasticorum, vel vocantes ad sua tribunalia Ecclesiasticos Et si aliquando Religiosi, aut laici ad consilium regale recurrunt, quando vident se grauari aliquibus litteris Apostolicis, aliquid sub grauibus poenis præcipiendis, & tunc regale consilium detineat literas, præcipiendo ne executioni mandentur, non ideo fit, quia consilium regale de hoc velit iudicare, nec etiam præcipit quod litteris Apostolicis non obediamus: sed quod non mandentur executioni, quousque Papa certificetur de inconuenientibus talium litterarum executioni obstantibus, & videat quid facto opus sit. Et ista litterarum detentio licite fit, siue ex privilegio, *ut fertur à Bannes, 2. 2. q. 67. art. 1. du. 2. conc. 2.* siue ex causa rationabili, quia ita expedit paci & bono regimini, *ut ait Bald. in cendi. 2. pa. de Bulla Cæna, num. 22. Cod. in pra q. 35. n. 4. & alij quos refert Co. in qq. reg. tom. 1. qu. 6. art. 8.* & eadem autoritate auditores cancellariorum & consilij regalis sæpè præcipiunt iudicibus Ecclesiasticis, vt absoluant à censuris iudices seculares, aut alios ad eos confugientes, *pör via de agra. nio, d. fuerca,* dum examinatur, an iudex Ecclesiasticus legitime procedat.

2. Conclusio. Et si Religiosi, sicut & Clerici teneantur seruare leges civiles in bonum reip. ordinatas, cuiusmodi sunt: leges taxantes precia rerum, vetantes aliquod genus vestium, arma aliqua, venationem in certis temporibus: tamen istarum legum transgressionem punire, spectat ad superiores delinquentium, & non ad iudices seculares.

3. Concl.

3. Concl. Religiosi, sicut & Clerici, non possunt cogi ad iurandum, vel testificandum in extraneis secularium tribunalibus: imo nec in tribunalibus aliorum ordinariarum Ecclesiasticorum extra ordinem, licet eorum testimonia etiam pro ipsorum Religiosorum causis, in omni tribunali Ecclesiastico & seculari, sint legitima, & admittenda, prout concessit Cælestis Eug. 4. Bul. 7 & Benedict. Bul. 9. & 17.

D V B I V M. III.

An superiores Religiosorum sint eorum iudices.

1. **C**onclusio. Superiores Religiosorum sunt eorum iudices ad puniendâ eorum delicta iuxta sua statuta, & Bonif. VIII. & IX. concesserunt Prælati ordinis Prædicatorum, ad quos spectat Religiosorum puniitio, posse eos libere punire secundum constitutiones approbatas, & instituta Ordinis generalia facta, & faciendâ, relictis rimulis, & apicibus iuris, etiam iuris ordine postposito. Ita habetur in constit. istius ordinis, d. 2. c. 17. ubi nomine rimulorum, & apicum iuris non venit intelligendâ accusatio, & citatio; hæc enim in causis grauib. necessario debent præcedere, alias sententia lara, sine his, etiam inter Religiosos erit nulla. Ita Nau. lib. 2. cons. 1. tit. de sententia, & re iud. & Rodr. insu. tract. de ordi. iudi. cap. 12. n. 7. non tamen est necesse, quod ista accusatio fiat per Religiosum offensum, aut etiam per alium Religiosum, sicut enim iudex secularis, saltem in criminalibus, etiam non accusante iniuriato, per se, vel per alterum tenetur ex officio procedere, dum ad sit aliquid supplens vicem accusatoris, ut potè clamorosa insinuatio, publica infamia per maiorem partem vicinæ, vel communitatis sparsa, vel euidentia patrarî sceleris coram iudice existente cum alijs, ut ait Caset. 2. 2. q. 67. ar. 3. ad secundum D. Thø. exc. euidentia de accusat, à fortiori ad id tenetur superior regularium in iisdem casibus. Alias Religiosorum communitas, & Religio, quæ semper petit satisfactionem, maxime læderetur. Et cum Religiosi non ita faciliè conquerantur apud superiorem de iniurijs sibi illatis, sed ferant patienter, obseruantia regularis paulatim cotrueret delictis impune manentibus. Item inter rimulos & apices iuris non comprehenditur, quod dicta testium declarentur sub præcepto, iuramento, vel excommunicatione, & quod non scri-

scribantur à iudice, sed à secretario, vel notario, vel saltem ab ipsis testibus: hæc enim omnia cum alijs de iure substantialibus necessario debent interuenire etiam in causis regularium: *ut notat Rod. in qq. regul. som. 1. q. 13. art. 1. & 2.* secus sit de alijs non substantialibus, quæ nomine apicum & rimulorum intelliguntur.

2. *Concl.* Religiosus sine licentia ab ordine recedens, potest per suum superiorem compelli censuris ad hoc, ut reuertatur. Et istum detinentes post denuntiationem privilegiorum quæ regulares habent circa hoc, sunt excommunicati. Ita concessit Prædicatoribus *Sixtus IV. Bul. 13. & Inl. 2. Bul. 26.* Et ordinarij locorum à Religiosis requisiti tenentur denuntiare tanquam excommunicatos, eos qui dictum Religiosum detinent, auxilium, aut fauorem apostatandi præbent. Ita concessit minoribus *Clem. IV. Bul. 15.*

3. *Concl.* Religiosus fugitiuus, vel qui transijt ad alia monasteria, aut seruitia etiam alicuius Cardinalis sine licentia sui superioris, potest per ipsum etiam cum auxilio brachij secularis (si opus sit) capti, incarcerari, & censuris compelli. Ita concessit Benedictinis. *Eug. 4. Bul. 8.*

4. *Concl.* Ordinarij à religiosis requisiti examinare debent licentias religiosorum ab ordine exeuntium, & si non inueniantur veræ reuocentur, aut saltem non permittant eos morari ubi sunt monasteria suorum ordinum. Ita concessit Minoribus *Inl. 2. Bul. 12.*

D V B I V M I V.

An liceat Religiosis appellare à correctione suorum superiorum.

- 3 1. *Concl.* Non valet appellatio Religiosorum ad iudicē extra ordinem. *Primo*, quia *Inl. 2.* prohibet appellationes fratrum & monialium ad curias Ecclesiasticas, aut seculares, & præcipit sub excommunicatione iudicibus quatuorlibet curiarum: ne istas appellationes vlllo modo recipiant, vel cognoscant: & aliter factæ ab eo irritantur, non obstantibus ordinationibus Apostolicis vel dicti ordinis, scilicet Prædicatorum statutis in contrarium. Ita habetur in cōstit. ordinis Prædicatorum d. 2. c. 8. *Secundo ex Bonif. 8. loc. cit.* habetur, quod nullus frater, vel soror ordinis prædicti corā iudice extraneo ex quauis causa cōueniri, nec à correctione quauis seu alias ab aliquo Prælato, aut

aut fratre dicti ordinis quavis occasione appellare, aut contra eos querelam proponere audeat: nisi prius coram Priore seu Provinciali, seu Magistro ordinis causam, & querelam suam proposuerit verbo, aut scripto. *Tertio*, Greg. 13. *Bul.* 2. prohibet fratribus Minoribus sub excommunicatione, appellationes ad secularia tribunalia: sed Maior difficultas est, an liceat appellare ad Papam, aut ad prælatos superiores eiusdem ordinis. Et videtur quod non. *Primo*, quia est vetita religioſitalis appellatio in c. ad nostram, & c. reprehensibilis, de appellationibus *Secundo*, quia *Bonif.* 8. *Bul.* 1. pro Minoribus, & *Bul.* 10. pro Cisterci. & *Eng.* 4. *Bul.* 9. pro Benedict. dicunt non licere Religiosis appellare à correctionibus suorum superiorum, etiam ad Papam, & irritant appellationem, si fit.

Tertio, in constitutionibus ordinis prædicatorum dist. 2. c. 8. habetur sic, *Declaramus, quod licet appellatio sit de iure naturali, unusquisque potest iuri suo renunciare, & eo ipso, quo quis obedientiam profitetur secundum nostras constitutiones, secundum quas non licet appellare, ex hoc renuntiat iuri sibi à natura competenti de appellatione, sicut & iuri possidendi aliquid ut proprium: unde in c. apud Carcasonam celebrato an. 1612. sic dicitur: Volumus, & ordinamus, quod quicumque frater repertus fuerit iudicio eius ad quem spectas sine causa rationabili à suo superiori appellasse, incarceration: denuntiantes fratribus universis, quod de iure communi, & ex privilegio ordinis speciali, nulli licet à correctione vel officiorum remotione appellare. Et iterum, ne delicta maneat impunita, & obediētia per appellationes friuolas infringatur, qui contra obediētiā appellare præsumit, nisi infra duos menses renūties, vel infra annū prosequi nō incipiat, vel incepta prosecutione nō desistat, vel in ipsa succubat, sit ipso facto carceri addictus. Et iterum, qui appellat ab absolute facta, aut faciēda Provincialis, Vicariatus, Prioratus; etiam prætextu gravaminis, sit ipso facto ab illo officio absolutus. Pro parte affirmatiua sunt etiā aliquot argumenta. 1. ex tit. c. ad nostrā, citati in oppositū, ubi sic habetur: à correctione excessiva nō appellatur, nisi modus excedatur. Et hoc etiā ita videtur iuxta c. super quæst. & c. de priore, de appellatione, & Gloss. in cap. ad nostram 2. quia in c. generali celebrato in cōuentu S. Pauli Valeoletani an. 1605. sub magistro fratre Hieronymo Xavier, præcipitur quod in appellationibus seruetur constitutionis modus, utpote, quod ap-*

pellatio fiat gradatim, ergo iam admittuntur appellationes.

Tertio. Gregorius XIII. Bul. 2. concessit Minoribus posse appellare ad Generalem, ad Protectorem, vel ad Papam. Item à Congregatione Cardinal. Præceptum est an. 1587. vt appellatio gradatim hoc ordine prosequatur: à Guardiano ad Prouincialem, à Prouinciali ad Generalem, à Generali ad Protectorem, à Protectore ad sacram Cardinalium congregationem. Et ista appellatio permittitur in constitutione *Sixti V.* de quo Rod. in qq. reg. tom. 2. q. 29. art. 2. Propter ista argumenta Nauat. lib. 2. conf. 4. de appel. Lud. Lop. in su 1 p. c. 284. Arrag. 2. 2. q. 69. ar. 3. Sil. ver. appellatio, n. 9. Armi. ver. appel. nn. 15. & Rod. loc. cit. dicunt quod quamuis non liceat religiosus appellare à correctione suorum superiorum iuste facta secundum sua statuta, aut ad effugiendam Ecclesiasticam disciplinam, & hoc intendant testimonia in primo loco adducta, maxime priuilegia *Bonif. & Eugenij*; licet tamen religiosus in causis grauissimis, à mandatis aut correctionibus excessiuis recurrere per viam appellationis, aut simplicis querelæ, aut defensionis ad superiorem, non tantum intra ordinem, sed etiam ad Papam, ad Protectorem, ad sacram Cardinalium congregationem, ad legatos Papæ habentes iurisdictionem & potestatem in regulares. Et ad argumenta in contrarium adducta ex c. ad nostram, dicunt non loqui de correctione excessiua, vt ait Silu. & constat ex tit. dicti c. sed de correctione iuste facta, vel de correctione leui, & hoc ipsum intendunt priuilegia *Bonif. & Eugenij*. Testimonia verò ex constitutionibus Ordinis Prædicatorum allata, intendunt remouere appellationes factas sine causa rationabili, & appellationes friuolas, quibus obedientia infringitur; vt patet ex contextu, & appellationes circa res leues, in quibus parum iniuriæ religioso irrogatur. In his enim religiosus patienter ferat, & humiliter pareat, vt si in ordine nostro Prædicatorum damnetur quis, etiam iniuste, ad pœnas grauis culpæ, scilicet ad tria ieiunia in pane & aqua, & totidem disciplinas, quæ solent infligi pro negligentijs, quæ non sunt peccata etiam venialia. Appellationi enim ab istis, & similibus videtur Religiosus renuntiasse; secus esset, si in dicto ordine damnetur quis iniuste ad pœnas grauioris culpæ, cum ex hoc magnam incurrat infamiam, quam sine culpa pati non debet, sed habet ius à natura defendendi se. dijs licitis, qualis tunc est appellatio pro tuenda fama ad virtutem conseruandam maxime necessaria: secundum illud Eccl.

41. *Curam habe de bono nomine, hoc enim magis permanet tibi tibi quam mille thesauri pretiosi, & magni.* Imo quando sic esset fama necessaria pro virtute conservanda, ut regulariter contingit, & insinuat Eccl. loc. citato, non posset homo cedere iuri appellandi, quando hoc medio sibi recuperat famam iniuste ablatam, sicut licet homo sit dominus divitiarum, si tamen illis opus habet pro alenda familia, non potest illas pro libitu prodigere: sic etiam à fortiori non posset famæ renuntiare, quando est necessaria ad virtutem conservandam. His tamen non obstantibus sit.

1. Conclusio. Non licet Religiosis, maxime Dominicanis, appellare. Pater hoc argumentis in primo loco factis. Secundo, quia appellatio suspendit sententiæ executionē, ut patet ex lib. 6. tit. 23. p. 3 & alibi sæpe: sed non suspenditur executio sententiæ in Religionibus, ergo, &c. Religiosus enim bene potest omni appellationi renuntiare (maxime quando aliter potest recuperare famam pro bono Religionis altiori, sicut & Carthusianus pro eodē bono licite renuntiat comestioni carnum, etiā quādo hic & nunc esset necessaria pro vitæ cōservatione.

2. Conc. Licet Religiosis, quando sentiunt se iniuste in causis gravissimis gravari, recurrere ad superiores per viam simplicis querelæ, aut defensionis. Sic enim recuperant sibi famam, dum superiores talem querelam admittendo, maturo consilio, agendo potius parrum quam iudicum officium, & misericordiam cum iustitia coniungentes, pænarum temperant rigorem, aut innocentiam accusati declarant.

ARTICVLVS TERTIVS.

De potest. superioris regularium in quantum est Prælatus.

S V M M A R I V M.

An religiosi sint exempti à iurisdictione Episcoporum. n. 1.

An habeant intra Ordinem suos Prælatos. n. 2.

Quanta sit potestas Prælatorum regularium, & ad quæ se extendat. n. 3.

An iuridictio Prælatorum Regularium sit ordinaria et delegabilis. n. 4.

Quos casus possint reservare Prælati Regularium. n. 5.

Qq 2 An

An casus reservati in religione, sint reservati pro nōuitijs?
num. 6.

An Pralati regulares possint dare licentiam suis subditis, dum sunt extra conuentum, consistendi sacerdoti (seculari vel religioso alterius Ordinis. n. 7.

An religiosi sine licentia superiorum possint uti privilegijs eligendi confessorium. n. 8.

An Pralati regularium possint absolue subditos à reservationis Papa extra bullam Cæna. n. 9.

An possint etiam à reservatis in bulla Cæna, n. 10.

D V B I V M V.

I *An Religiosi sint exempti ab obedientia, & iurisdictione Episcoporum.*

1. **C**onclusio. Religiosi erant olim subiecti Episcopo diocesis ubi morabantur. Ita patet ex c. qui vere 16. q. 1. & ex Cons. Tol. 4. c. 5. & ex Cons. Calc. c. 4. & ex D. Th. 2. 2. q. 186. art. 5. ad 3. Et tunc Episcopus sicut generales, admittebant ad professionem Religiosos, ut habetur in cap. viduitatis 27. q. 1.

2. Concl. Religiosi iam nunc ex privilegio sunt exempti à iurisdictione Episcoporum, & aliorum ordinariorum & Sedi Apostolicæ immediate subiecti. Bonif. 8. & Mart. 5. excommunicarunt ordinem Prædicat. ac eorum moniales ab ordinarijs; ut habetur in monum. ordi. concess. 681. & Rod. in qq. reg. t. 2. q. 63. & idem Ro. in compen. authenticato multa refert privilegia circa hoc. Primò refert privilegium *Benedicti* 12. Bul. 1. concedentis nullum præter Papam, vel Cardinalem legatum posse censuris ligare monachos Benedictinos, imò nec Clericos Ecclesiæ suorum monasteriorum. Secundo *Eng.* 4. Bul. 7. exempt Celestinos cum suis bonis ab omnibus legatis, & Episcopis, & ab habentibus iurisdictionem ordinariam, & contra hoc facientes excommunicantur si moniti non desistant intra tres dies. Tertio *Sixtus IV.* Bul. 33. & *Inl.* 2. Bul. 25. concesserunt ordini Prædicatorum, ne ratione delicti, aut alterius rei possint conveniri coram ordinarijs. Imò & idem *Sixtus* 4 concessit Minoribus Bul. 14. & Prædicatoribus Bul. 33. quod Ecclesiæ Parochiales apud istos Religiosos constructæ, & capellanei seculares per istos Religiosos deputati, sint liberi

liberi ab omni ordinariorum superioritate. Sed postea *Leo X.* *Bul.* 45. edita in Conc. Late. statuit posse Episcopos visitare Ecclesias Parochiales monasterijs vnitas: & idem statuit Conc. Trid. sess. 25. cap. 11. excipiendo tamen monasteria, vbi capita ordinum sedem ordinariam principalem habent, & monasteria vbi prælati regulares exercent iurisdictionem Episcopalem & temporalem in Parochos, & Parochianos, & excipiendo etiam monasterium Cluniacense, cum suis limitibus. Alias Bullas ad hoc refert Rodri. loco citat.

3. Conclusio. Religiosi in Concil. Trid. & alibi, in aliquibus subduntur Episcopis, tanquam delegatis Sedis Apostolicæ, vt ex dicendis constabit.

D V B I V M V I.

An Religiosi habeant intra ordinem suos Prælatos?

2.

1. Conclusio affirmatiua, v. g. in nostro Prædicatorum Ordine, præter Papam, qui est omnium fidelium pastor, proprij Prælati sunt, Magister Ordinis pro toto Ordine: Prior Prouincialis pro sua Prouincia, & Prior conuentualis pro suo conuentu: & quolibet illorum mortuo vel amoto Vicarius eis succedens, quia *Inl.* 2. concessit istis Vicarijs omnem potestatem, tam Apostolica autoritate, quam quomodolibet concessam, aut concedendam illis quorum sunt Vicarij, exceptis istis tantum, quæ in suis constitutionibus eis inhihentur. Ita habetur in constitut. Prædicatorum d. 2. cap. 3. *Et notetur* ista concessio pro multis casibus. Ex quo colligitur, quod Vicarius Magistri Ordinis, & Vicarius Prouincialis habent potestatem in moniales: quam habebant dum viuerent Magister, & Prouinciales, & possunt etiam sicut illi creare Vicarios pro monialibus.

2. Conclusio. Licet superior ex officio suo nec habeat curam animarum, nec sit Prælatus, vt dicitur in prolog. constitutionum Fratrum Prædicatorum: tamen mortuo, vel amoto priore vices eius in omnibus plenariè obtinet, quousque Prior electus & confirmatus in domo præsens sit: nisi Prouincialis aliter ordinauerit. Ita colligitur ex dicto prin. *Inl.* 2. cum superior sit Vicarius prioris, & ita habetur in const. Prædicatorum d. 2. cap. 2. vbi gloss. conformiter ad

Qq 3 limi-

limitationem in dicto priuilegio contentam, scilicet exceptis illis, quæ in suis constitutionibus eis inhihentur, declarat esse intelligendum de his, quæ iure ordinario competunt Priori: vt sunt creare Vicarium, eligere sibi & subditis confessorem, recipere religiosos ad habitum, & professionem. Non tamen succedit superior priori, in illis, quæ competunt priori ex commissione: sicut sunt cura monialium, præsentare religiosos Episcopis pro ordinibus recipiendis, aut pro confessionibus sæcularium audiendis, &c. Verum est tamen Benedictum XIII. concessisse Vicario conuentus de Quada-lupe, in Sede vacante, omnia, & singula in spiritualibus, & temporalibus quæ prior quomodolibet facere poterat, vt ipse etiam facere valeat: nil limitando sicut limitauit *Iul. II.* vt vidimus. Ita habetur in compen. D. Hier. ver. Vicar. § 1. & sic iuxta hoc priuilegium dictorum religiosorum, Vicarij illos præsentant Episcopis pro ordinibus recipiendis. Quo etiam priuilegio communicant aliæ Religiones, iuxta dicenda à nobis lib. 2. c. 4. nisi consuetudo per centum annos perscripta, iuxta dicenda à nobis lib. 2. c. 3. dub. obstat in contrarium, vel alia lex, qua hoc priuilegium Benedict. XII. derogetur.

D V B I V M VII.

Quanta sit Prælatorum regularium potestas, & ad qua se extendat?

- 3 1. Conclusio. Prælati isti habent in sibi subditos tantam potestatem, quantam Episcopi in suas oues: Sunt enim verè Prælati habentes plenissimam potestatem in vtroque foro Eccles. ad ligandum etiam censuris & soluendum. Secundo quia *Eng. IV. Bull. 9.* concedit Abbatibus, Rectoribus, & Prioribus Benedictinorum, vna cum eorum conuentibus, in omnibus casibus auctoritatem ordinarij de iure necessariam. Ex quo colligitur, quod ea quæ in iure communi de nouo conceduntur Episcopis, consequenter censentur concessa dictis Prælati, pro sibi subditis: nisi oppositum exprimat. Ita Pan. in c. *ut si Clerici*, §. *de adult. num. 18. de iudijs*, sequendo Benedictum, & Fredericum: alias subditis istorum Prælatorum non esset ita ac sæcularibus prouisum, cum alias ne coganur egredi extra septa monasterij debeant esse melioris conditionis.

2. Conclusio. Religiosi quantumvis exempti, & licentia-
ti ad seruiendum alicui beneficio, sunt subiecti superioribus
suorum ordinum: nisi alias per Sedem Apostolicam habeant
Ecclesias Parochiales, aut earum perpetuas Vicarias illis
actualiter seruiendo. Ita concessit ordini Prædicatorum *Leo*
X. Bul. 32. Imo & Religiosi assumpti in Capellaneos Papæ,
manent subiecti suis Prælati. Ita concessit Gregorius XI.
Bul. 1.

3. Concl. Religiosus non potest assumi in socium Prælato-
rum, aut aliorum, nisi assignatus à suo Generali vel Prouin-
ciali; Qui adhuc eisdem subdatur, & per eosdem, aut per suos
Vicarios corrigatur, & amouetur, & alius substituatur. Ita
concessit Minoribus *Innoc. IV. Bul. 5. Inl. II. Bul. 25. & Alex.*
IV. Bul. 1. Et idem potest Prouincialis, circa prædicatores
Cruciata, eos amouendo, & alios substituendo. Ita idem
Inl. II & Sixtus IV. Bul. 33. pro Prædicatoribus. Item per
Leonem X. Bul. IV. nullus legatus, nisi de latere potest vllum
religiosum ad secum commorandum, vel pro suis negotijs
assumere.

4. Concl. Literæ vel exceptiones religionis à Papa concessæ
nullo modo eis suffragantur, sine expresso consensu Vica-
rij generalis. Ita concessit Minoribus *Leo X. Bul. IV.* quod
etiam postea concesserat Prædicatoribus *Innoc. VIII. Bul. 3.*
& potest Generalis reuocare gratias etiam à Papa conceden-
das sine licentia superiorum regularium cum limitatione de
qua dicemus lib. 2. c. 6. dub. 2.

5. Concl. Religiosus sine sui ordinis licentia non potest in
Episcopum assumi. Ita concessit Minoribus *Alex IV. Bul. 5.* &
in constit. Ordinis Prædicatorum d. 2. cap. 13. in gloss. habe-
tur tres Papas concessisse isti ordini, ne quis Religiosus sine
licentia Magistri ordinis vel Prouincialis speciali, vel manda-
to Sedis Apostolicæ, electioni, vel postulationi, ad quamvis
dignitatem extra ordinem de se factæ audeat consentire, aliter
factum sit irritum. Et ibidem statuitur in textu, quod Prouin-
cialis acceptans Episcopatum sine licentia Magistri ordinis &
quiuis alius, sine licentia Prouincialis, manet priuatus suf-
fragijs, societate ac omnibus beneficijs ordinis in vita, & in
morte: nisi per talem cogatur acceptare, quod peccatum sit
mort. non obedire.

6. Conclus. Episcopus Religiosus est iam ab obedientia sui
ordinis exemptus, & quando iam est consecratus licet Episco-

parum deferat, non potest in suo ordine officium tenere. Ita concessit, & statuit pro Episcopis cuiusvis Religionis *Paul. IV. Bul. 4.*

D V B I V M VIII.

4 *An iurisdictio Prælatorum regularium sit ordinaria, et consequenter delegabilis.*

1. Conclusio. Non tantum iurisdictio competens Prælati regularium, ex iure communi, vel particulari suarum legum, est ordinaria, ac subinde delegabilis: sed etiam iurisdictio illis concessa ex privilegio Principis perpetuo. *Ita Navar. in Manu. c. 27. num. 42. Bart. Bald. et Panorm. citati à Rod. in qq. regul. to. 1. q. 17. art. 11.* An vero delegatio talis potestatis ex spiret morte delegantis, dicitur lib. 2. cap. 3. dubio 1.

2. Conclusio. Si alicui etiam Prælato committitur certum, vel nudum ministerium, sine iurisdictione, ut prædicare, &c. non potest illud subdelegare: nisi alias sit delegatus Papæ, vel nisi illud ministerium sit leue, & parvi momenti. *Ita Silu. cum Panorm. & Innocen. verb. delegatus, nu. 10.* sicut nec etiam potest subdelegare ille cui aliquid committitur quando per verba rescripti seu commissionis sibi factæ deprehenditur electi fides, & industria istius, sicut quando dicitur in rescripto, *confidimus de tua industria*, vel si dicitur, *personaliter exequaris*, vel quando negotium non est per alium bene expeditibile: hoc autem (*ait Silu.*) non currit in delegato Papæ, qui adhuc in istis casibus subdelegare potest.

3. Conclusio. Etiam in nostro Prædicatorum ordine, (& idem est in alijs ordinibus) Prouincialis in sua Prouincia habet eandem auctoritatem quam Magister ordinis in toto ordine, ut habetur in nostris constit. d. 2. cap. 3. tamen auctoritas, quam de iure communi, vel particulari habent Prælati regulares, potest limitari non tantum à Papa, sed etiam auctoritas Prælatorum inferiorum potest limitari per superiores, iuxta sua statuta, quia licet utrisque Prælati sit concessa talis potestas iure communi, vel etiam diuino, secundum aliquos Doctores citatos à Rodrig. art. 1. & 6. tamen concessa est, ordine Hierarchico, ita ut minores pendeant à maioribus, ut ait Rod. art. 7.

D V B I V M I X.

An Prælati regularium possint referuare casus.

3

1. Conclusio affirmatiua, declarauit enim *Alexand. V I. Bul. 4.* posse Generales, Prouinciales, ac Guardianos, referuare casus: & quod ab illis sine istorum licentia absoluentes nil faciant, sed incurrunt excommunicationem latam in cap. *Religiosis de primil.* contra absoluentes à referuatis. Et in nostro Prædicatorum ordine Vicarij in capite ac superiores, in Sede vacante referuant casus, cum succedant Priori in competentibus ei ex officio secundum dicta dub. 6.

2. Concl. Olim dicti Prælati poterant quos vellènt referuare casus; sed iam ex decreto *Clem. VIII. edito 16. die Maij an. 1593.* solos casus infra scriptos referuare possunt. *Primo*, beneficia, sortilegia, incantationes. *Secundo*, apostasiam etiam retento habitu quando eo peruenit, vt extra septa monasterij fiat egressio. *Tertio*, nocturna ac furtiua egressio, à conuentu licet non fiat animo apostatandi. *Quarto*, proprietates contra votum paupertatis, quæ sit peccatum mortale. *Quinto*, lapsus carnis voluntarius opere consummatus. *Sexto*, occisio, vulneratio, seu grauis percussio alicuius grauis personæ.

Septimo, malitiosum impedimentum, retardatio, vel appetitio litterarum à superioribus ad inferiores, aut è contra. *Octauo*, iuramentum falsum in iudicio regulari, seu legitimo. *Nono*, auxilium, consilium, aut procuratio ad abortus, post animatum scætum etiam effectu non secuto. *10.* falsificatio manus, aut sigilli officialis conuentus. *11.* furtum de rebus monasterij in quantitate, quæ sit peccatum mort. & declaratum est ab eodem Papa esse intelligendum etiam de rebus applicatis ad vsum alicuius Religiosi, & addit Papa, quod si quid aliud pro Religionis conseruatione oporteat referuare, id fiat de consilio capituli prouincialis, pro tota prouincia matura discussione & consensu, & non aliter.

Item præcipit Papa superioribus regularium, ne confessiones subditorum audiant, nisi quando habent casum referuatum, aut ipsi subditi id spontè petunt, & derogantur contraria priuilegia, consuetudines immemorales, constitutiones, vel ordinationes Apostolicæ etiam Concilij generalis, & constitutiones ordinum etiam à Papa confirmatæ.

D V.

D V B I V M X.

6 *An casus referuati à Prælatiſ regularium, ſint etiam reſeruati pro ſuis nouitijs.*

1. Concluſio. Probabilis eſt pars affirmatiua. *Ita Cordu, lib. 1. q. 3. & Rod. in expoſitione Bullæ §. 9. n. 26.* quia cum nouitijs ſint exempti à iuriſdictione Epiſcoporum, *ut ait Silu, ver. Religio. 1 §. 11. & 12.* manebunt ſub iuriſdictione Prælatorum ſui ordinis.

2. Concluſio. Multo probabilior eſt pars negatiua. *Ita Ledesm. in ſum. c. 13. de poenitentia dub. 14.* quia ante profeſſionem non ſunt Religioſi: ergo nec ſunt aſtricti legibus religioſorum. Secundo, inter caſus referuatos Prælatiſ Religioſorum ſolent aliqui referuari, qui ſupponunt profeſſionem, ſicut peccata contra votum paupertatis, &c. quæ in nouitijs non imputantur ad culpam: ergo. *Si arguitur,* nouitijs gaudent privilegio *cap ſi quis ſuadente diabolo,* ut habetur in *cap. Religioſo de ſent. excommunicationis,* ſi enim iſtos percutias excommunicariſ, & gaudent alijs fauoribus, circa abſolutionem à peccatis, & cenſuris referuatis, ac ſi eſſent vere Religioſi, ut infra videbitur: ergo. *Ad hoc reſp.* quod nouitijs, etſi non ſint Religioſi participant aliqua Religioſorum, cum in ſint via ad Religionem, & ſic ſecundum ius gaudent fauoribus Religioſorum. In odioſis tamen cum non ſint profeſſi, non ſe habent ſicut Religioſi: & ſic non ſunt ſubiecti iuriſdictioni Prælatorum Religioſorum. Ex quo patet nouitios poſſe abſolui à caſibus Epiſcopo referuatis, & commiſſis ante Religionis ingreſſum, & per confeſſorem ab Epiſcopo expoſitum, & per confeſſorem expoſitum à Prælato ſui ordinis. Et cum Bulla poſſunt abſolui per confeſſorem approbatum ab ordinario, & per confeſſorem approbatum à ſolo Prælato ſui ordinis, ſicut & alij Religioſi profeſſi. Imo quando Religioſi profeſſi ob aliquod ſpeciale decretum Pape non gaudent Bulla Cruciaræ quoad clauſulam de eligendo confeſſorem, non tamen debet hoc intelligi de nouitijs qui in odioſis non intelliguntur nomine Religioſorum. *Ita Ledesm.*

D V B I V M X I.

An Prælati regulares possint sibi subditis concedere licentiam, ut dum sunt extra conuentum, possint confiteri idoneo Sacerdoti seculari, aut alterius ordinis regulari. 7

ET ratio dubitandi est, quia in constitutionibus Minorum cauetur ne Religiosi istius ordinis præter quam suis Prælati, & de eorum licentia fratribus sui ordinis confiteantur.

Secundò in Constit. Prædicatorum d. 1. cap. 14. in glossa habetur non posse priorem concedere sibi subdito licentiam confitendi Sacerdoti alterius ordinis; sed solus magister ordinis hoc potest concedere, quando non adest confessor ordinis. Per quod limitatur autoritas ordinaria istorum Prælatorum iuxta dicta dub. 8.

1. Concl. Prælati regulares possunt concedere sibi subditis dictam licentiam. Ita concessit Minoribus Sixtus IV. Bulla 30. hoc tenore. *Vt fratres vestri, vel aliorum Prælatorum & suorum, qui pro tempore erunt, licentia, solummodo tamen, cum itinerauerint, vel extra conuentum fuerint, pro ut eis concedetis, confiteri possint, &c. Concedimus.*

Secundo, Innoc. VII. Bulla vnica concessit Prædicatoribus hoc tenore. Innoc. Episcop. &c. *Nos igitur supplicationibus inclinati, fratribus huiusmodi, quos itinerare, & per eorum superiores migrare mitti contigerit, ut si aliquem Præsbyterum idoneum, ex professoribus dicti ordinis habere non possint, quemcumque alium Præsbyterum idoneum, & discretum Religiosum, vel secularem in eorum confessorem eligere valeant: qui confessiones eorum audire, & eorū confessionibus diligenter auditis pro commissis, eis debitam absolutionem impendere, ac pœnitentiam salutarem iniungere licitè possit: nisi talia commiserint, propter quæ Sedes Apostolica sit merito consulenda, autoritate Apostolica, tenore presentium, indulgemus.* Ex quo colligitur contra Rodr. in qq. regul. to. 1. q. 62 art. 5. posse dictos Prælatos concedere sibi subditis existentibus extra conuentum, licentiam ut absoluantur à sibi reservatis: cum in hoc priuilegio solum excipiantur casus Papæ reservati. Imò in eodem cum sola licentia itinerandi, aut existendi extra conuentum videtur concessa

cessa facultas confitendi, & absoluendi à prædictis sine alia speciali licentia Prælati circa hoc. Et licet in isto priuilegio concedatur ista facultas confitendi extraneo Sacerdoti in absentia idonei Sacerdotis proprii ordinis; tamen in priuilegio Sixti III. non limitatur hoc.

Not. idoneum Sacerdotem pro Religiosis absoluendis reputari quemlibet Sacerdotem alias non suspensum, aut excommunicatum. *Ita Diu. Antonius 3. p. tit. 1. cap. 7. Siluest. verb. confess. 1. §. 3. Soto dist. 18. quæst. 4. art. 3.* Et idem isti censebant de confessore idoneo pro sæcularibus ante Concilium Tridentinum; vbi iam sess. 25. cap. 15. statuitur quod pro sæcularibus etiam Sacerdotibus ille solus idoneus reputetur, qui est parochus, aut ab ordinario approbatus; ac pro Religiosis nihil ibi innouatur. Ex dictis patet solutio ad rationes dubitandi, illæ enim procedunt secluso priuilegio.

2. Conclusio. In licentia data Religioso itinerandi clauditur virtualiter licentia confitendi: maximè si ex naturali obliuione non petitur licentia confitendi idoneo Sacerdoti. Non tamen poterit cum sola ista licentia, & secluso priuilegio; imo nec cum expressa licentia confitendi cui velit, absolui à reseruatis. Iuxta c. si Episcopus de pœnis, & remi, vbi sic dicitur; *in generali concessione non veniunt qua non esset quis verisimiliter in specie concessurus.* Et sic, si Religiosus existens extra conuentum, & habens peccata reseruata celebrare debeat, respectu reseruatorum gerat se, ac si non haberet copiam confessoris. Ita quod licet teneatur illa confiteri cum alijs peccatis non reseruatis, & indirecte ab eis absolui, sed tamen cum obligatione illa iterum, confitendi legitimo confessori, quando aderit opportunitas.

3. Conclus. Religiosi hospites in conuentibus sui ordinis possunt absolui etiam à reseruatis suo Prælato, per priorem, seu præsentem talium conuentuum. Ita concessit Prioribus Prædicatorum ac eorum Vicarijs *Greg. 11. & Clem. IV.* vt patet in monu. ord. con. 318. 319. & 548. Et in prol. Const. Prædicatorum habetur quod Vicarius Prioris absente Priore, possit absoluere omnes fratres ordinis, etiam hospites à peccatis & censuris, tam à iure, quam ab homine generaliter latis, exceptis Papæ reseruatis. Et vt dicitur in cap. 14. dictarum Constit. d. 1. ista potestas non potest eis limitari per
Su-

Superiores Prælatos, cum sit eis à Papa concessa, ex quo sequitur, quod cum ista potestas, & iurisdictio sit ordinaria, utpotè ex privilegio perpetuo obtenta, iuxta dicta dubio 8. potest delegari cuius Sacerdoti etiam à nullo ordinario approbato. Nec hoc est contra Concil. Trid. loc. cit. cum, ut dixi, loquatur de confessoribus regularium etiam Sacerdotum, relinquendo Religiosos dispositioni suorum Prælatorum & statutorum.

4. Conclus. Prælati Ecclesiarum, & alij Confessores extra ordinem non possunt Religiosorum confessiones audire, eorum Superioribus inuitis. Ita concessit Minoribus *Sixtus IV. Bul. 14.* & Prædicatoribus *Bul. 33.* & Cisterciensibus *Alexand. IV. Bul. 14.*

D V B I V M XII.

An Religiosi possint sine licentia suorum Superiorum uti privilegijs eligendi confessorem. 8

Not. quod in aliquibus privilegijs conceditur Religiosis, ut per confessorem à suo Prælato deputatum absoluantur, sicut *Sixtus IV.* inter viua oracula concessit Minoribus, etiam novitijs habentibus animum profitendi, ac sororibus Sanctæ Claræ, ac Tertiarijs utriusque sexus, & istorum famulis semel eligere confessorem de huiusmodi observantia, qui eorum confessione audita, absoluat eos ab omnibus peccatis, & censuris, ab irregularitate, homicidio voluntario, & mutilatione exceptis, & idè concessit pro artic. mortis. *Secundo*, idè *Sixtus* concessit Prædicatoribus, & Minoribus etiã novitijs, plenissimam absolutionè à peccatis semel in vita, & in articulo mortis, per idoneum confessorem ordinis de licentia suorum Superiorum electum. Ita habetur in monu. ord. concessione 360. *Ter. Leo. X.* inter viua oracula concessit monialibus S. Claræ, ut per Confessorem à suis Superioribus deputatum, quater in anno absoluantur ab omnibus peccatis, & dispensentur in omnibus votis, exceptis substantialibus, dum tamen sub specie huius gratiæ nō peccent. *Quarto*, idè *Leo* concessit dictis monialibus sub cura Minorū observantiæ existentibus, ut in omnibus solemnitatibus Domini Sabaoth. B. Virginis, omnium Sanctorum, B. Francisci ac S. Claræ, earum Confessores in absolu-

soluzione suarum confessionum eas plenariè absoluant. Ita in monu. ordi. concess. 132. & idem concessit sororibus B. Virginis sub cura Minorum existentibus, pro dictis festis & pro festo sanctorum Apostolorum Petri & Pauli, & pro tota hebdomada maiori, vt patet concessione 137. De dictis priuilegijs non est difficultas, cum postulent confessorem à Prælato deputatum, aut de eius licentia electum, quod de confessoribus ordinariè deputatis, à Prælato etiam verificatur; licet alias seclusis istis priuilegijs non possent absolvere à reseruatis: ista enim priuilegia aliquid debent concedere, sicut absolutionem à reseruatis, nam alias, sine illis posset Prælatus concedere absolutionem, saltem à sibi reseruatis iuxta dicta dubio 8. & 11.

In alijs tamen priuilegijs Religiosorum proponitur quod confessio fiat confessori deputato à Prælato, vel de eius licentia electo, sicut *Innoc. VIII.* id concessit pro articulo mortis, sine ista limitatione, vt habetur in priuilegio *Benedictinorum*, & refertur à Rod. in qq. reg. tom. 1. q. 63. art. 6. *Secundo, Leo X.* concessit Minoribus quod in festo Sanctæ Catharinæ Martyris plenariè absoluantur. Ita habetur inter vna oracula.

Ter. in Bulla Cruciatæ conceditur sumentibus illam, posse per Sacerdotem ab ordinario approbatum semel in vita, & in morte absolui à casibus Papæ reseruatis, sola hæresi excepta, & ab alijs casibus non reseruatis Papæ quoties opus sit, dubium ergo est, an Religiosi inconsultis suis Prælatibus possint vti istis priuilegijs.

1. Conclusio. In aliquibus ordinibus speciali Papæ concessione cautum est ne Religiosi vtantur dictis priuilegijs, sine licentia suorum superiorum. Ita concessit Prædicatoribus *Iul. II. Bul. 15.* & *Pius V. Bul. 13.* *Secundo Leo X. Bul. 24.* concessit Minoribus, ne fratres absoluantur à reseruatis virtute cuiusvis priuilegij aut Bullæ etiam Cruciatæ. *Tertio, Gregor. XIII.* concessit, non posse Religiosos Societatis, sine expressa suorum superiorum licentia vti facultatibus Iubilæi orbi, Bullarum Cruciatæ, confessionalium vel aliorum Apostolicorum indultorum, quæ communitatibus, personis, vel pijs locis quouis modo concessa sunt, aut conceduntur; licet in eis exprimat, quod omnes regulares, etiam mendicantes illis vti valeant. Ita habetur in *Compen. Societatis ri. absolutio. §. 11.*

Quarto, Sixtus IV. idem concessit Hieronymianis, vt habetur in eorum *compen. Innoc. VIII.* Idem concessit Minoribus

bus & Augustinianis, & Iul. II. Cisterciensibus, & Greg. XI. concessit sic Congregationi montis Oliueti, si quis monachus, vel monialis quodcunque confessionale impetraverit, vel eo absque sui superioris licentia uti præsumperit, eo ipso impetratis caret, ac poenis constitutionum, & definitionum, scilicet inhabilitatis & suspensionis subijcitur; in quibus à nullo nisi à Papa dispensari potest, prout concessit Clem. VII. Congregationi Sancti Georgij de Alcala. Prædicta privilegia late refert Rodr. in qq. reg. t. 1. quæst. 62. art. 4. *Quinto, Innocent. VIII. Bul. 3.* concessit Prædicatoribus, & *Leo X. Bul. 4.* concessit Minoribus, ne literæ & exemptiones Religiosis à Papa concessæ, eis suffragentur, sine expresso consensu Vicarij generalis.

Tandem Clem. 8. Bul. 9. decernit concessionem Cruciatæ & aliorum indultorum particularium, quantum ad articulum eligendi confessorum, & absoluendi a reservatis cum Religiosis utriusque sexus, locum non habere, sed (ait Papa) nostræ intentionis esse quod dicti Religiosi in prædictis, dispositioni suorum Prælatorum sint subiecti auctoritate Apostolica tenore præsentium perpetuo declaramus. *Vbi nota*, quod his Clem. 8. solum declarat suam intentionem, ut patet ex contextu, pro bullis scilicet & indultis particularibus a se concessis, & concedendis; non tamen est absoluta, & generalis declaratio pro concedendis etiam a suis successoribus, quidquid alij dicant.

Sed difficultas est, *an ista privilegia suspendantur per Bullas Cruciatæ concessas post talia privilegia ab alijs Pontificibus*: nam certum est non suspendi per Bullas eorundem Pontificum etiam concessas post dicta privilegia: cum in eis habeatur non posse Religiosos uti Bullis concessis, aut concedendis, ab eisdem scilicet Pontificibus, ut ex concessione Greg. XIII. citata constat.

2. Conclusio. Probabile est, quod privilegia primæ conclus. non suspendatur per Bullam Cruciatæ, & sic Religiosi sumentes Bullam licet gaudeant gratijs suæ regulæ non contrarijs, ut sunt indulgentiæ, esus ouorum, &c. non tamen privilegio eligendi confessorum. Et patet, *Primo*, quia quando in Bulla suspenduntur omnes indulgentiæ, gratiæ facultates expressæ, excipiuntur gratiæ, Indulgentiæ & facultates concessæ superioribus Mendicantium, quoad sibi subditos: qualia videntur esse dicta privilegia. *Secundo, patet* quia

quia Episcopo Valentinx consulenti, an Moniales sibi subditi possent per Bullā eligere confessorem, resp. Cong. Card. in tempore Greg. XIII. sic. *Congregatio Consilij censuit, quatenus gratia ex Bul. Cruciatæ pertinet ad Moniales non posse vigore facultatis in eandē Bulla concessa, alios eligere confessores, præter eos qui ad audiēdas cōfessiones eorū ab ordinario sunt approbati.* Ita refert Rod. in exposit. Bul. §. 6. n. 24.

3. Conclusio. Probabile etiam est, priuilegia primæ conclusionis suspendi per Bullas concessas ab alijs Pontificibus: & sic Religiosi sumendo Bullam Cruciatæ possunt eligere confessorem, & absolui à reservatis iuxta tenorem eius. Ita. *Enriq. to. 1. fo. 1448. & 543. lit. B. & gloss. x. Antolinez de indulg. & ita fertur tenuisse Bannes, Ioan Vinc. Luna. et alij.* Qui etiam dicunt, quod quando Bulla post suspensionē omnium indulgentiarum, gratiarum, & facultatum, excipit concessa Superioribus medicantium, quoad suos Religiosos, ista exceptio intelligitur respectu tantum indulgentiarum: ut patet ex contextu, dum dicitur, quoad sibi subditos, quod verificari debet de indulgentijs, v. g. de indulgentia plenaria cōcessa visitantibus nostras Ecclesias in die B. Dominici Patris nostri, quæ suspenditur quoad sæculares, non tamen quoad Religiosos, sed sine Bulla lucrantur illam, & sic de alijs similibus. Secundo patet Conclusio, quia hæc doctrina, ut ait Rod. in expositione Cruciatæ §. 9. dub. 7. practicatur in eon. Cruciatæ, & patet etiam ex vsu sapientium, & timoratorum, videntibus, dissimulantibus, & consequenter consentientibus Prælati, quorum est tollere è subditis ignorantiam rei ita necessariæ ad salutem, & oppositum executioni mandare.

D V B I V M XIII.

9 *An Prælati regularium possint eos absoluerè à reservatis Papa extra Bullam Cœna.*

1. Conclusio. Ante publicationem Bullæ Cœnæ poterant Prælati regulares ac eorum Vicarij per se, & per alios absoluerè suos Religiosos, & hospites sui ordinis ab omnibus casibus etiam Papæ reservatis, & etiam commissis ante Religionis ingressum, exceptis tantum hæreticis relapsis, schismaticis, falsarijs literarum Apostolicarum & deferentibus prohibita ad Infideles. Ita declarauit & moderauit Six-

ius IV. Bul. 14. pro Minoribus & *Bul.* 53. pro Prædicatoribus. Et idem ante concesserant, ut constat ex Bullis *Sixti IV. Clem. IV.* Generalibus, Prouincialibus, & custodibus Minorum. Et licet *Sixtus* quartus *Bul.* 20. quæ dicitur Bulla aurea, abstulisset dictam potestatem antea commissam Prioribus Prædicatorum, & eorum Vicarijs: tamen postea idem *Sixtus Bul.* 12. & 22. illam iterum concessit Prioribus, & eorum Vicarijs Prouinciæ obseruantie Hispaniæ, & Lombardiæ. Quo etiam gaudent omnes Priores, & eorum Vicarij totius ordinis per communicationem, iuxta dicenda l. 2. c. 4.

Concl. Dicti Prælati possunt Religiosos etiam nouitios ad reincidentiam, si non profitentur, conuersos, perpetuo donatos, & oblatos absolvere ab omnibus criminibus, censuris, inhabilitatibus, & penis à iure, vel ab homine, quouis modo latis ex iam Papæ reservatis, semel in vita, & si ex ignorantia, vel inaduertentia talia incutrerint, possunt absolui quoties opus sit. Ita concessit Benedictinis *Eng. IV. Bul.* 1. & inter viua orac.

3. Concl. Generales ordinum ac ab eis deputati, possunt prædictos quoties opus sit absolvere à prædictis, exceptis tantum casibus *Sixti IV.* in 1. conclusione numeratis Ita concessit Soc. Iesu *Paul. III. Bul.* 8. Et intelliguntur dicta priuilegia, & alia similia de casibus etiam reservatis post dictas concessiones & priuilegia: nisi alias in alicuius casus reservatione illa expressè derogent, sicut iam derogantur in reservatione casuum Bullæ Cænæ. Item, per dicta priuilegia possunt absolui supradicti, etiam si peccent in contemptum clauium, vel ex confidentia istorum priuilegiorum; cum in illis non excipiantur isti sic peccantes, sicut in alijs solent excipi.

4. Conclusio. Generales ordinum & Prouinciales, & istis amoris eorum Vicarij, iuxta dicta *dub.* 6. ex confessione *Iul. II.* & confessores ab istis deputati, possunt absolvere moniales sibi subditas ab omnibus peccatis & censuris, à quibus possunt absolvere suos religiosos: quia *Sixtus IV.* concessit monialibus S. Claræ ac S. *Dominici* omnia priuilegia à suis prædecessoribus concessa, & à se concedenda Minoribus, Augustinianis, Carmelitis, Seruitis, ac Minimis. Ita in monum. ord. concess. 362. & *Red. in qq. reg. so. 1. q. 55. art.* 13. item *Bonif VIII. Bul.* 4. & *Leo X. Bul.* 16. & 21. concessit monialibus Sanctæ Claræ, ac alijs ordinibus Minorum omnia priuilegia concessa, & concedenda omnibus ordinibus.

An verò nouitia dictarum Monialium gaudeant priuilegijs professorum : Ad hoc dico, quod licet pro illis non sit speciale priuilegium, sicut pro Religiosis nouitijs, vt patet ex secunda conclusione, possunt tamen absolui, tum per priuilegium *Paul. III. Bul. 7.* concedentis Religiosis Societatis posse absoluere omnes fideles à casibus, censuris etiam Papæ extra Bullam Cœnæ reſeruatæ, tum etiam quia Generales, & Prouinciales, &c. habent potestatem ordinariam in suos nouitios, vt latè ostendit Rod. in qq. reg. tom. 1. q. 17. art. 1. ergo eandem etiam habent potestatem in nouitijs ad eas absol- tuendum, & in votis ac alijs legibus Ecclesiasticis cum illis dispensandum.

D V B I V M. X I V.

- 10 *An Prælati regulares possint absoluere sibi subditos à casibus Bullæ Cœnæ.*

IN hoc Rod. cum alijs ab eo relatis in qq. reg. tom. 1. q. 10. art. 9 tenet, quod sic, & probat 1. quia *Iul. II. Bul. 17* concedit Prælati ordinis Prædicatorum, posse absoluere sibi subditos à casibus Bullæ Cœnæ, exceptis casibus *Sixti IV.* citatis dubio præc. & excepto peccato conspirationis in Papam. Imo secundum Panor. & alios citatos à Rod. ibi, possunt absoluere ab hæresi occulta; quia istius absolutio conceditur Episcopis in Conc. Trid. sess. 24. cap. 6. de reſor. sed quæ in iure conceduntur de nouo Episcopis, consentunt etiam concessa dictis Prælati sibi subditis, nisi oppositum exprima- tur, cum isti Prælati is sibi subditos habeant iurisdictionem quasi Episcopalem: ergo, &c. Ita etiam Nauar. lib. 5. consil. 13. de priuilegijs Panor. in cap. et si clerici § de adult. n. 18. de iudicijs, sequens *Benedict. & Fredericum*. Alias, aut, istorum Prælatorum subditis non esset ita ac secularibus prouisi- sum, cum alias ne cogantur egredi extra septa monasterij, de- beant esse melioris conditionis.

Secundo, quia *Pius V. Bul. 13.* data ad petitionem Prouin- cialis Hispaniæ ordinis Prædicatorum sic concedit, Insuper quia sacrum Cone. Trid. concessit Episcopis posse absoluere in foro conscientię ab omnibus peccatis, & dispensare in irre- gularitatibus, prout habetur sess. 24. c. 6. ne Prior Conuentua- lis, & Superiores Prælati dicti ordi- nam in dicta Prouincia, quam

quam extra, deterioris conditionis, quam Clerici saculares existant, eisdem Priori conventuali, & Superioribus Prælati, ut ipsi per se ipsos idem omnino possint in sibi subditos, quoad absolvendi & dispensandi huiusmodi, & quoad alias quas-cumque facultates, eisdem autoritate & tenore etiam perpetuo concedimus & indulgemus, atque etiam declaramus, præ-sentes literas perpetuo durare, & valere. His non obstantibus.

1. Conclusio. In tempore *Iulij II Pij V.* & aliorum Pontificum, qui concesserunt Prælati regularium posse absolvere sibi subditos à casibus Bullæ Cœnæ, bene poterant isti Prælati uti dicta facultate absolvendi, ut constat ex dictis concessionibus, & hoc probant argumenta facta.

2. Conclusio. Iam nunc non possunt dicti Prælati absolvere à casibus Bullæ Cœnæ. Siquidem ista Bulla quot annis promulgatur, & in illa expressè reuocantur contraria privilegia, etiam mendicantium, & aliorum ordinum sub quavis forma concessa. Et de hæresi specialiter patet, quia olim etiam ab Episcopis erat ablata potestas absolvendi ab hæresi, & in Conc. Tridentino cit. solis Episcopis restituitur. Ad illud Panor. quod concessa de nouo in iure communi Episcopis, censentur concessa Prælati regularium, pro sibi subditis, nisi oppositum exprimat, dico quod iam exprimitur oppositum in Bulla Cœnæ: dum reuocantur contraria privilegia etiam Religiosorum. Et sic reuocantur privilegia *Iulij II. Pij V.* & aliorum. Ad illud quod Religiosi non debent esse peioris conditionis, dico, quod pro talium absolutione possunt Religiosi cum licentia suorum Superiorum subijcere se iurisdictioni Episcoporum, iuxta doctrinam Frederici Sementis, quam sequitur Navar. lib. 3. conf. 12. tit. de privileg. & colligitur ex Bull. 14. Sixti IV. pro Minoribus, & ex Bull. 33. pro Prædicatoribus. Vbi inhibetur Prælati Ecclesiarum, ne contra voluntatem Prælatorum regularium audiant suorum subditorum confessiones. Vbi insinuat, quod cum illorum licentia bene possunt.

628 DE VOTO OBEDIENTIÆ.
CIRCA CENSURAS.
SUMMARIUM.

*Pralati regulares & istis amotis eorum Vicarij, absolunt suos subditos, hospites & nonitios à casibus & censuris reservatis Papæ extra Bullam Cœna? n. 1.
Prædicti Pralati absolunt semel in vita à prædictis & ab inhabilitate, conuersos, oblatos, & donatos? n. 2.
Generales Ordinum dispensant cum subditis male promotis ad ordines? n. 3.*

D V B I V M X V.

An Pralati regularium possint sibi subditos absolvere ab excommunicatione, suspensione, interdicto, ac ab alijs priuationibus, & inhabilitatibus.

1. Concluf. Prælati regularium non possunt absolvere sibi subditos ab excommunicatione casuum Bullæ Cœnæ, quia in casibus Bullæ Cœnæ sicut & in casibus Papæ extra Bullam Cœnæ reservatis, excommunicatio est, quæ principaliter reservatur: & ob illam reservatur casus, taliter quod ablata excommunicatione, licet peccatum non remittatur, utpote si excommunicatio tollatur extra Sacramentum, aut in Sacramento invalido, peccatum non manebit reservatum. Ita D. Anton. Palud. & alij quos refert & sequitur Cano. 5. p. de pœnit. Namar. in man. cap. 26. n. 13. & cap. 27. n. 154. & Lop. in sum. 1. p. cap. 55.

2. Concluf. Prælati regularium, ac istis absentibus eorum Vicarij possunt absolvere in foro conscientiæ sibi subditos ab omni excommunicatione Papæ extra Bullam Cœnæ reservata. Ita concessit Benedictinis Mars. V. ut refert Rod. in qq. reg. com. 1. qm. 10. art. 2. & quod dicitur in foro conscientiæ, non intelligas, quod debeat fieri absolutio præmissa confessione in foro Sacramentali, cum absolutio à censuris non sit annexa absolutioni à peccatis: sed sensus est quod illa absolutio illis suffragetur in foro conscientiæ, & non in foro externo Ecclesiæ, siue impendatur absolutio ista in Sacramento siue extra. Ita Enriq. lib. 3. & 7. de indul. cap. 13. ubi cit. pro se Victoriæ, Penam, & Med. Dominicana familia.

3. Concl.

3. Concl. Dicti Prælati possunt absolvere suos Religiosos , etiam nouitios ad reincidentiam, si non profitentur, & hospites sui ordinis, ab omni excommunicatione, suspensione, ac interdicto, à iure vel ab homine generaliter latis, etiam incurfis ante Religionis ingressum. Ita concessit *Clem. IV. Generali* , Prouincialibus ac custodibus Minorum , vt ait Rodr. in qq. reg. to. 1. q. 1. art. 21. vbi refert aliam similem concessionem eiusdem Papæ extensam ad Priores conuentuales ordinis Prædicatorum. Et licet *Leo X. Bul. 45.* vbi moderatur priuilegia regularium, exigit satisfactionem ante professionem in excommunicationato, pro aliquo interesse, tamen postea *Paul. III. Bul. 8.* idē concessit sine tali limitatione, Præposito tamen generali & alijs ab eo deputatis. Et ibidem concedit Præposito isti, & ab eo deputatis, posse absolvere prædictos ab omnibus censuris, penis, & inhabilitatibus etiā Papæ reseruatis, quoties opus sit, exceptis casibus *Sixti IV.* de quibus dub. 13. concl. 1.

4. Conclusio. Prouincialis, & eo absente eius Vicarius, & alij ex istorum commissione, possunt absolvere, etiam volentes ordinem intrare, licet de facto non iuxtent, & nouitios licet retrocedant, ab omnibus excommunicationibus, sententijs, censuris, & peccatis etiam Papæ extra Bullam Cænæ reseruatis. Ita concessit *Clem. VII.* Prouinciali Prædicatorum S. Crucis, de la Espanola, vt refert Rodr. q. 20. art. 21. quæ concessione gaudent omnes orbis Prouinciales, & ipsis absentibus eorum Vicarij, & alij ex istorum commissione iuxta dicenda lib. 2. cap. 3. & iuxta itam & illam *Mart. V.* concessionem positam in secunda conclusione, & alias similes, possunt prædicti in hac & secunda conclusione, absolvere à censuris à iure vel ab homine, etiam specialiter latis. Quia concessis casibus & censuris Papæ, consequenter conceduntur censuræ aliorum inferiorum. Cui enim licet plus, licet etiam minus, vt habetur de reg. iuris in 6.

5. Conclusio. Priores, & per istos deputati, possunt semel in vita absolvere nouitios cum animo profitendi, conuersos, perpetuo donatos, & oblatos, ab omni censura, & inhabilitate ad dignitates, administrationes, & officia ordinis, etiam habentia curam animarum: etiamsi istam inhabilitatem contraxerint ob violationem legum Papalium ponentium istam penam, & licet dictæ censuræ sint Papæ extra Bullam Cænæ reseruatz. Ita concessit *Eugen. IV.* inter vltra oracula, & postea *Iulij II. Bul. 2.* extendit hoc indultū ad totā fami-

liam Minorum. Simile etiam indukum concesserat pro Benedictinis, & pro semel in vita *Eug. IV. Bul. 1.* licet nouitij secundum istud indukum reincidant in censuras, si non profiteantur, sicut etiam dixi dub. 13. Conclusionem 2.

Et not. 1. quod etiam facultas istius V. Conc. non detur Vicarijs Priorum, aut aliorum Superiorum in eorum absentia, tamen mortuis, vel amotis dictis Prælati, Vicarij eis succedentes iuxta concessionem *Iul. II.* de qua dub. 6. succedunt illis in omni potestate, quouis modo concessa, aut concedenda dictis Prælati, scilicet ordinis Prædicatorum, exceptis illis, quæ in suis statutis eis inhihentur, vt ibi dixi, quo etiam privilegio communicant aliæ Religiones, vt dicitur lib. 2. cap. 4. Et hoc indultum notetur pro similibus concessionibus factis Prælati, & non eorum Vicarijs.

Secundo, not. quod in concessione *Eug. IV.* inter viua oratur pro habilitatis, si sint satis literati, recitatio septem Psalmodum Pœnitentiæ cum litanis per annum in singulis septimanis: dum non sint legitime impediti. Et si non sint sufficientis literaturæ, recitatio aliarum orationum, arbitrio confessorum taxandarum. Et si ista non recitent in vna septimana, ob impedimentum, aut obliuionem, suppleantur in septimanis sequentis anni. Ista tamen satisfactio non est conditio qua cessante, absolutio, aut dispensatio erit nulla. Et colligitur ex eo quod ibi conceditur absolutio à peccatis, & censuris, quæ in sui valore non pendet ex impletionem dictæ satisfactionis: ergo idem erit de illa habilitatione. Si tamen habilitandus non acceptet istam satisfactionem, non est absoluehdus, etiam in sententia asserente non teneri pœnitentem acceptare pœnitentiam sibi à confessorio iniunctam. Quia sub peccato mortali tenetur acceptare & implere dictam satisfactionem, ob præceptum à Papa impositum volentibus gaudere dicto indulto. Ita *Rodr. in qu. reg. tom. 2. qu. 20. art. 20.*

6. Conclusio. Generales, & Prouinciales, & istis amotis, eorum Vicarij, iuxta supradicta, possunt, etiam in foro externo restituere priuatos ab officijs, & perpetuo inhabiles ad illa, per Constitutiones Apostolicas ob crimina grauia: si alias Papa non reseruat sibi talem dispensationem, quia in cap. *ut sc. Clerici, de iudicijs*, dicitur, quod in adulterio, & alijs minoribus delictis potest Episcopus dispensare cum Clericis peracta pœnitentia in pœnis talium delictorum, quando alias il-

istæ pœnæ non referuantur: etiam si in illorum tenore ponantur ista verba, *ipso facto sit perpetuò priuatus: Et ita docent doctissimi iurista Salmanticenses, quos refert, & sequitur Rodr. in qq. reg. tom. 1. q. 14. arr. ult.* Sed Generales, & Prouinciales respectu suorum subditorum habent iurisdictionem, quasi Episcopalem iuxta dub. 7. & 14. ergo sicut Episcopi possunt isti dispensare.

Ex dictis sequitur primò, posse dictos Prælatos dispensare cum sibi subditis in pœnis introducentiũ mulieres in monasteria, cum hoc non sit grauius adulterio, cum hoc sit prohibitũ, quia malum: illud verò est malum, quia prohibitum, & alias istæ pœnæ non referuantur Papæ, de quibus vide supra cap. 5. dub. 1. & 2. *Secundo sequitur*, non posse dictos Prælatos dispensare in pœnis subornantium in electionibus, cuiusmodi est priuatio vtriusque vocis per sex menses: tum quia ista priuatio est seruata Papæ specialiter: tum etiam quia subornatio est peior adulterio, cum lædat immediatius bonum commune, & ob eandem rationem, nec dispensare possunt in pœnis moris proprii de largitione munerum; cum transgressio illius legis alias etiã prohibita, quia mala, sit peior adulterio.

7. Conclus. Generales ordinum possunt cum sibi subditis dispensare alias ad ordines male promotis, etiam dum erant in sæculo, vt ministrent in ordinibus male susceptis, & vt vlteterius ad ordines promoueantur. Ita concessit Generali Prædictorum *Honorius III. Bul. 5. Si obijcias*, quòd *Sixtus V.* in motu qui incipit, *Sæctum, & salutare edictum*, nouis Ianuar. anni 1588. imponit malè promotis ad ordines, (scilicet per saltum, sine ætate, vel dimissorijs, &c. pœnã suspensionis ab exercitio ordinum, etiam minorum, susceptorum, & sine spe ascendiendi ad vltiores ordines, & si ministrare præsumunt, facti irregulares manent priuati omni beneficio, officio, & administratione, & inhabiles ad hæc, & similia, & dissimilia: & vltra hoc, si sint regulares, priuantur vtraq; voce, & prædictorum absolutio, & dispensatio etiã irregularitatis soli Papæ etiam in foro conscientie referuatur: Non obstante quouis indulto, Iubilæo, Cruciata, vel Mari magno. Imò & reuocatur Concil. Trid. sess. 24. c. 6. vbi cõceditur Episcopis, in foro tamẽ cõscientie, dispẽsare in omni suspẽsione ex delicto occulto orta, &c.

Ad hoc resp. quod post hæc Clem. VIII. Bul. 21. reducit dictũ decretũ *Sixti* ad Conc. Trid. & ad constitutionem Pij II. cum ex sacrorum quæ est Bul. 8. Pij II. & vlt. Clem. VIII.

quod pœnz contentæ in illo decreto Sixti, cum dicta referuat-
tione, tantum habeant robur in symoniace ordinantibus & or-
dinatis, ita quod cum istis, nec Episcopus, nec Prælati regu-
larium, etiam in foro conscientiz dispensare valeant, bene
tamen cum alijs aliter male promotis.

CIRCA IRREGVLARITATES

S V M M A R I V M.

*An Prælati regularium possint dispensare in irregularita-
te orta ex delicto? n. 1.*

*An possint dispensare cum bigamis, vel orbatis aliquo
membro? n. 2.*

Qui sint illegitimi & ad qua sint irregulares? n. 3.

Quis dispense in hac irregularitate? n. 4.

*Quis dispense in irregularitate homicidij, aut mutilatio-
nis? n. 5.*

D V B I V M XVI.

*An Prælati regularium possint dispensare in irregularita-
te orta ex delicto.*

1. Conclusio. Isti Prælati non possunt dispensare in irre-
gularitate orta ex celebratione symoniace ordinati, in ordine
scilicet symoniacè recepto. Cum ista irregularitas, etiam
occultè contracta sit Papæ reservata, etiam in foro conscien-
tiz, iuxta dicta dub. 15. in fine.

2. Conclus. Prælati regularium & eorum Vicarij in suis cõ-
uentibus, possunt cum sibi subditis & hospitibus sui ordinis,
dispensare in alijs irregularitatibus ortis, non tantũ ex delicto
occulto, alias non deducto ad forum contentiosum, cum hoc
concedatur Episcopis in Conc. Trid. sess. 24. c. 6. sed etiam ex
delicto notorio, & ipsis Prælati potest idem beneficium im-
pertiri ab eorum confessoribus. Ita concessit Prædicatoribus
Clem. IV. vt habetur in eorũ Mari Magno de quo Rod. in q.
reg. 10. 1. q. 20. art. 1. & sola ista concessio extenditur ad hos-
pites. Imo & à Sixto IV. *Bul. 14.* cõceditur ista facultas euso-
dibus Minorum & superioribus Prælati pro nouitijs, dum-
tamen istæ & aliæ censuræ ibi cõcessæ, sint latæ à iure, vel ab
ho-

homine generaliter, & non specialiter contra istū, licet postea ab eodē *Sixto*, vt habetur in mon. ord. cōcess. 131. sit ablata ista restrictio, & pro eisdē nouitijs ad reincidentiā, si non profitentur concedatur prædictarum irregularitatum dispensatio. Et non est modo sermo de irregularitate orta ex delicto homicidij, vel mutilationis, de his enim postea dicetur, sed de illa quæ contrahitur ab excommunicato, suspensio, interdicto, vel in loco interdicto celebrante.

3. Conclusio. Generales ordinum, & ab istis deputati, possunt quoties opus sit dispensare cum sibi subditis, etiam nouitijs ad reincidentiā, si non profitentur in dictis irregularitatibus. Ita concessit præposito generali Societatis, *Paul. 3. Bul. 8.*

4. Conclusio. Religiosi etiam nouitij cum animo profitemur, & religiosorum famuli, possunt dispensari, semel in vita, in omni irregularitate, homicidio & mutilatione, voluntarijs exceptis, per confessorem eiusdem ordinis ab eis electum, audita prius eorum confessione. Ita concessit Minoribus *Sixtus IV.* vt refert *Rodr. loc. cit. & qu. 62. art. 13.* Et licet hic non excipiantur irregularitas bigamiæ, semper tamen intelligitur exceptat cum etiam excipiantur à *Pio IV.* in concessione facta Minorum Prælati, vt patet in lib. monum. ord. conc. 152.

5. Conclusio. Dicti religiosi per aliam concessionem *Eng. 4.* inter viua ora. possunt semel in vita dispensari, per confessorem à suo Prælato deputatum in omni irregularitate, excepta bigamia, homicidio & mutilatione voluntarijs, & si dictas censuras ignoranter, aut inaduertenter contraxerint, absoluantur quoties opus sit, & cum onere recitandi in singulis septimanis septem Psalmos modo dicto dubio præcedenti, conclus. 4. & idem *Pap. 4.* idem, pro semel in vita concessit Benedictinis *Bul. 1.* sed sine onere recitandi dictos Psalmos.

D V B I V M XVII.

An Prælati regularium possint dispensare in irregularitate cum sibi subditis, bigamis, orbatis, aut nouiter conuersis.

1. Conclusio. Prælati regularium possunt dispensare ad ordines & ad Prælaturas cum sibi subditis, bigamis similitudinarijs, scilicet cum Religioso, vel initiato maioribus ordi-

ordinibus: qui contraxit & consummauit matrimonium. Iste enim dicitur bigamus similitudinarius, *ut ait Sil. ver. bigamia & communiter*. Et patet conclusio, quia Episcopi possunt dispensare cum sibi subditis in ista bigamia orta alias ex delicto occulto, & non deducto ad forum contentiosum, prout sibi conceditur in Conc. Trid. sess. 24. cap. 6. sed Prælati regularium pro sibi subditis habent auctoritatem Episcoporum: ut patet ex dictis dub. 7. & 14 in princ. maximè ex declaratione *Pij V.* ibi relata, & idem declarauit concedendo Abbatibus Cisterciensibus Hispaniæ Greg. 13. anno 1574. ut haberetur in compen. dicti ordinis, ver. absolutio quæ ad fratres, § 11. ergo & Prælati regularium poterunt cum suis dispensare in ista irregularitate alias orta ex delicto occulto, & non deducto ad forum contentiosum.

2. Conclusio. Dicti Prælati possunt cum sibi subditis dispensare in irregularitate, cum habente membrum abscissum, etiam manifestum & sua culpa: dum tamen cesset homicidij præsumptio, ut si caret pede, oculo dextro, vel digito, qui alias non sit pollex. Quia cum prædictis sui subditis potest Episcopus dispensare, ergo & dicti Prælati cum sibi subditis sic orbaris. Et ex hoc sequitur posse dictos Prælatos dispensare etiam cum infami infamia facti in irregularitate, cum ista irregularitas ab Episcopo dispensetur, ut ostenditur in tract. de irregularitate.

3. Concl. Dicti Prælati possunt dispensare ad ordines & beneficia cum noniter conuerso sibi subdito, sicut & Episcopi id possunt. Ita *Con. in Clem. si furiosus. 1. pars. § 2. nu. 7.* & patet conclusio ex dictis in 1. Conclusionem.

D V B I V M X V I I I.

3 An Prælati regularium possint cum sibi subditis dispensare in irregularitate illegitimitatis?

1. Concl. Illegitimi sunt irregulares & ad ordines & ad dignitates, *ut constat. ex cap. 1. & ult. de filiis Presby.* Et sic non possunt habere officia quibus possibiliter sit annexa iurisdictio ordinaria: ut officium superioris cui in nostro Prædicatorum ordine competit iurisdictio ordinaria mortuo, vel amoto priore. Non tamen vetatur eis iurisdictio delegata, & sic possunt esse Vicarij Prioris absentis: dum tamen ista delegata

gata iurisdicção non sit superior aliqua iurisdicçãoe ordinaria: qualis est iurisdicção Vicarij generalis, vel Prouincialis, qui est superior prioribus, & sic illegitimi non possunt esse visitatores conuentuum, vel Prouinciarum, nec Vicarij generalis, vel Vicarij Prouincialis, nisi dispensentur. *Ita Silu. ver. Prælatus. n. 3. & Rod. 20. in quæstionibus reg. tom. 1. qu. 13. art. 20.*

Not quod ille dicitur in præsentī illegitimus, qui est genitus ex parentibus inter se non coniugatis: & licet naturalis filius, utporè ex soluto, & soluta non habentibus impedimentum dirimens matrimonium, genitus, per sequens matrimonium etiam in senectute, vel post aliud intermedium matrimonium celebratum legitimetur. *secundum Bars. in l. cum mihi, Cen. in epi 10. 4 p. ca. 8. §. 2. nn. 10. & Sarmienta l. 1. selec. c. 9. n. 9.* tamen si isti habereant impedimentum dirimens, eorum filius nec dicitur naturalis, nec legitimabitur: licet postea dispensato impedimento matrimonium inter eos contrahatur: nisi alias ante filij concepti natalem parentes ad matrimonium dispensentur. *Ita Cen. Sarmient. Sil. verb. de filiis legitimis q. 7. & Led. in su. c. ult. de matrim.*

An verò filij geniti ex soluta & Commendatarijs sancti Iacobi, Alcantara, & Calatrana, sint sacrilegi, nec legitimabiles per sequens matrimonium. Ad hoc aliqui Doctores quos refert & sequitur Rod. in quæstionibus reg. 10. 1. q. 13. art. 2. dicunt esse sacrilegos & à veris Religiosis genitos. Sed oppositum tenet D. Th. 2. 2. q. 186. ar. 4. ad 3. iuxta sup. dict. c. 2. dub. 3. *Secundo*, quia licet in l. 11. Taur. inter sacrilegos comprehendantur *los hijos de los frailes y de los freiles*. tamen iam in noua reco. lib. 5. tit. 8. le 7. ablata sunt illa verba, *y de los freiles*; ex eo, quod isti Commendatarij per dispensationem Papæ non emittunt votū solemne castitatis, sed vxorantur, & sic eorum filij dicto modo geniti, sunt naturales, & legitimabiles per sequens matrimonium.

2. Concl. Illegitimi per professionem in Religione approbata manent dispensati ad omnes ordines, ut patet ex cap. 1. *de filiis Presbyt.*

3. Concl. Prælati regulariū poterant olim dispensare cum sibi subditis illegitimis ad personatus & dignitates, qualia sūt Prælatuæ, & officiū diffinitoris, ut cūcesserit Minoribus Sixtus 4. Bul. 14. & Prædicatoribus, Bul. 33. sed iam non possunt isti illegitimi ad prædicta dispensari, nisi per Generalem, vel Pro.

Prouincialem cum Generali; vel Prouinciali, seu intermedio capitulo. Ita concessit Greg. 14. data Bulla anno 1590. idibus Martij, quam refert, manu. 20. in qu. reg. to. 1. q. 13. art. 6. vbi *Greg. 14. moderatur rigorem Sixti V. qui in suo motu contra illegitimos, qui incipit: Cum de omnibus Ecclesiasticis ordinibus.* dato 6. Calend Decēb. Anno 1587. tollebat ab omnibus sibi inferioribus facultatē dispensandi cum illegitimis, rā ad ordines, quā ad officia, de quo etiā iterum dicemus c. 8. d. 1.

4. Conclusio. Licet Papa sine causa dispensans cum illegitimo peccet, valet tamen dispensatio ob plenitudinem potestatis. Secus sit si sit dispensatio à Prælati religionum sine rationabili causa: quia in dicta Bulla *Greg. 14.* conceditur istis Prælati, dispensare cum illegitimis suffragantibus eorum meritis, & non alias. Verum est, quod examinatio, & iudicium de his relinquatur arbitrio boni iuris.

5. Conclusio. Sæcularis dispensatus ad quævis beneficia, intrando Religionem non eget noua dispensatione à Prælati ordinis. Secus sit si tantum sit dispensatus ad beneficium simplex, vel curatum: quia cum illa dispensatio sit limitata, & secundum Nauar. l. 4. consilio 1. tit. *qui filij sunt legitimi*, stricti iuris, erit stricte interpretanda secundum ius commune, ut tenet Panormit. in decre. in cap. de multa nu. 4. *Geminia. consilio 47. n. 3.* Nec in dispensationibus valet extensio, etiam ad casum maiori ratione pollentem; ut docent Doctores in cap. *postulastis, de rescript. cum Panor. in c. ad aures, nu. 7. eod. tit.* & secundum hoc dispensatus ad curatum, non potest habere beneficium simplex, vel dignitatem.

Ex dictis sequitur, quod cum dicti Prælati tantum possint modo dicto dispensare ad beneficia in religione obtinenda, ut patet ex Bul. *Greg. 14.* consequenter si isti à religione recedant egent, alia dispensatione ad beneficia Ecclesiastica. Imò si dispensati in vna religione ad aliam se transferant egent, in illa noua dispensatione, pro Prælaturis illius religionis: cum per priorē dispensationem in priori religione factam, non sint absolute legitimati; sed tantum ad dignitates prioris religionis.

6. Conclusio. Non valet legitimatio per facultatem principis obtentam: nisi legitimanti manifestetur omne id quod eum potest retrahere à tali legitimatione concedenda, alias subreptitia iudicabitur. Secus tamen est de legitimatione in religione facta. 1. pars patet ex multis capitulis citatis à Cou. in 4. 2. p. c. 8. §. 9. num. 1. manifestandum enim est legitimanti: an legi-

timan-

zemandus sit spurius: & si ex adulterio, incestu, vel sacrilegio, & si ex adulterio utrimque, & in quo gradu incestus, & si ex sacrilegio, an ex sacerdote, religioso, moniali, aut utrimque, & an concurrerint simul sacrilegium, adulterium, vel incestus. Ita *Cou. Panor. in c. per venerabilem, qui filij sint legitimi Silu. ver. legitimus n. 8.* & alij ab istis citati. Si tamen princeps in tali dispensatione dicat; ex quouis coitu conceptum legitimo te, valet dispensatio, licet prædicta reticeantur, nisi alias illegitimitas sit talis de qua præsumitur, quod in particulari explicata non dispensaretur. *Secunda pars patet*, quia in religionibus verisimiliter creditur Prælatos earum velle dispensare cum illegitimo in quouis gradu, maxime quia cum religiosis facilius, quam cum sæcularibus est dispensandum, & ius commune, ut dixi, eos habilitat per professionem mulcum confidens de eorum continentia ad sacros ordines.

D V B I V M XIX.

An Prælati regularium possint cum subditis dispensare in irregularitate homicidij, aut mutilatione membri. 5

1. Conclusio. Prælati regularium possunt dispensare cum sibi subditis iuste occidentibus homines, & ad ordines minores, & ad beneficium simplex. Cum hoc ipsum possit Episcopus, ut ait *Medina in summ.* & alij communiter in tract. de irregularitate. Imo dicti Prælati possunt cum prædictis dispensare ad ordines maiores & ad dignitates & Prælaturas, &c. quia *Sixtus 4. Bul. 10. pro Minoribus & Bul. 33. pro Prædicatoribus* concessit Prælati istorum ordinum, posse dispensare cum sibi subditis in omni irregularitate, excepta irregularitate bigamie, homicidij & mutilationis: & *Inl. 2. inter viua* orac. tantum excipit bigamiam, & homicidium voluntarium. Quod intelligitur de bigamia vera & de homicidio propriè, scilicet de iniusta hominis occisione, hoc enim significat homicidium: ergo, &c. Et ita sentit *Caio. de irregularitas in fine, quem sequitur Cou. in Cle. si furiosus, 2. p. §. 3. n. 7. Naua. in manu. c. 28. n. 217. & 240. Bannes. 2. 2. qn. 40. ar. 2. & Rod. in qq. reg. to. 1. q. 24. ar. 8.*

2. Conclusio. Dicti Prælati possunt dispensare ad ordines maiores cum sibi subdito iniusto mutilatore, & cum homicida casuali ad minores ordines; quia, ut ostenditur in materia

ria

ria de irregularitate, Episcopus potest in hoc dispensare cum sibi subditis; ergo & dicti prelati idem possunt iuxta dicta d. 17.
 3. Concl. Dicti prelati possunt ad omnia dispensare cum sibi subditis in irregularitate homicidij iusti alias occulti. Et dicitur occultum, *secundum Nāuin m. c. 27. n. m. 20.* quod non est notorium; ita quod à multis sciatur, nec in iudicio probari possit. Et patet conclusio, quia Mart. 5. concessit Abbati Benedictino Valeoletano, posse cum sibi subditis dispensare in omni irregularitate, quam Papa solet sibi reservare, utpote in irregularitate homicidij voluntarij, & mutilationis, & enormi sanguinis effusione; dum tamen hoc non sit notorium, ob scandalum. Ita habetur in quadam bulla que servatur in dicto Conventus; & *Inl. 2.* idem concessit ordini prædicatorum, ut habetur in compen. Societatis, ver. dispensatio, §. 1.

Si obijcias, quod post Mart. 5. concessit Sixtus. 4. facultatem dispensandi cum homicida casuali excipiendo homicidium, & mutilationem voluntariam; ut dixi concl. 1. *Ad hoc dico*, quod ista exceptio Sixti, tantum procedit respectu concessionem eiusdem Sixti, & non aliorum Pontificum; cum hoc non exprimat. Nullum enim privilegium revocatur, etiam per legem communem contrariam, nisi de illo fiat expressa mentio, saltem in communi dicendo, quibusvis privilegijs. in contrariam non obstantibus; & ita habet usus, ut patet, ex Concil. Trid. sess. 33. cap. 17. ubi quando statuitur, quod nullus nisi ab ordinario approbatus, audiat sæcularium confessiones, statim subditur quibusvis privilegijs in contrarium non obstantibus, & sic in alijs locis, quod latius ostendimus t. 2. c. 3. dub. 6.

Si obijcias secundo, quod ista privilegia Mart. 5. & Inlra. videntur per non usum abrogata, *ad hoc dico*, quod hoc non constat ex eo, quod prelati non dispensant in plateis & coram omnibus, cum ista privilegia concedantur pro casibus occultis, nec tot se offerant casus ad dispensandum. Præterquam quod *Pernerus* in suo compendio manu scripto refert, religiosos ordinis Prædicatorum usos esse ista facultate in suo primo capitulo, celebrato in Guatimala anno 1555. Item etiam ut cesset aliquod privilegium per non usum, multa requiruntur, de quibus dicitur lib. 2. c. 3. dub. 1. Vide dubio 5. ubi ostenditur privilegia regularium per non usum revocata, esse à Paulo 5. confirmata.

DE POTESTATE PRÆLATORVM regularium, circa vota, iuramenta, leges Ec- clesiæ, officium diuinum, ieiunia, & cibo- rum qualitatem.

S V M M A R I V M.

*An Prælati regularium possint dispensare in votis & iura-
mentis subditorum. n. 1.*

An possint cum eisdem dispensare in legibus Ecclesiæ. n. 2.

An in recitatione horarum & ieiunijs. n. 3.

D V B I V M X X.

*An Prælati regularium possint cum sibi subditis dispensa-
re in votis & iuramentis.*

1. **C**onclusio. *Idem.* 2. inter vna orac. absoluit moniales à
votis & iuramentis; & statuit quod de cætero illarum
vota, aut iuramenta si fiant, non valeant, nec obligent ad pec-
catum mortale.

2. Conclusio. Dicti prælati possunt dispensare omnia suo-
rum subditorum vota & iuramenta, etiam transeundi ad ar-
ctiorem religionem; solis tribus votis essentialibus exceptis.
Ita Caiet. 2. 2 q. 88. quia votum arctioris religionis non est
simpliciter votum religionis, sed religionis arctioris.

Ex quo sequitur posse istos Prælatos ista vota commutare,
cum sit minus commutare, quam dispensare, ex eo quod per
dispensationem tollitur omnino vinculum voti; non sic au-
tem per commutationem, sed obligatio voti mutatur in
aliam materiam, ratione cuius minor causa sufficit pro com-
mutatione.

3. Conclu. Dicti Prælati non possunt suorum nouitio-
rum vota commutare, cum non sint sibi per professionem &
votum obedientiæ traditi; ob potestatem tamen, quam in
eos habent spiritualement, possunt vota eorum & iuramenta
dispensare & commutare in exercitia ab eis in religione re-
gulariter facta. Et patet hoc ex *Bul. 21. Eug. 4.* ubi concedit
Abbatibus Cisterciensibus posse absolueri in foro confessio-
nis ab omni voto, excepto voto religionis, omnes donatos,
obla.

oblato, & commissos, idest, nouitios cum reincidentia, si non proficiuntur. Item, idem *Eng. Bul. 11.* idem & eodem modo concedit, respectu commissorum, Praesidenti, Visitationibus, Abbatibus, Prioribus, & Rectoribus conuentus Sanctae Iustinae ordinis S. Benedicti in Roma. Et ibidem ei idem concedit, posse dispensare cum vouente religionem arctiorem, dum tamen ipsorum dispensantium religionem solemniter profiteatur: & licet ad dispensandum requiratur semper causa rationabilis, sufficiet nunc pro causa, si dispensandus putet Deo, melius in hoc ordine, quam in arctiori famulaturum.

4. Conclus. Omnia vota commutantur cum professione in religione approbata. Ita *D. Th. 2. 2. q. 88. art. 12. ad 1. & in 4. 38. q. 1. art. 3. & Armi. ver. votum.*

D V B I V M X X I.

2 *An Praelati regularium possint cum sibi subditis dispensare in legibus Ecclesiae.*

1. Conclusio. Stando in iure & secluso privilegio, dicti Praelati possunt cum sibi subditis dispensare in legibus Ecclesiae: nisi quando specialiter, vel ex consuetudine dispensatio reservatur Papae. Et patet quia iuxta dicta dub. 6. 7. & 14. Praelati regulares habent in sibi subditos potestatem, Episcoporum, sed Episcopi, licet non possint cum aliquo generaliter dispensare in legibus Ecclesiae, sed hoc sit supremi capitis Ecclesiae: tamen ex causa rationabili, possunt cum sibi subditis dispensare in omnibus casibus, sibi alias non prohibitis expressè, vel saltem ex consuetudine, iuxta *Clē. ne Romani de electione, cum glo. ibi, &c. unic. de ata. & qual. praeficiendorum in 6. & habetur etiam lib. 20. tit. 17. p. 1.* ergo id ipsum possunt dicti Praelati cum sibi subditis.

2. Conclus. Si certo constat obseruantiam legis nocere communi, vel particulari saluti propriae, vel alienae, potest omitti etiam inconsulto superiore, secundum *D. Tho. 1. 2. q. 96. art. 6. & 2. 2. q. 47. art. 4.* potest enim comedere quis carnes die vetito, si non habet alium cibum, quod enim pro charitate institutum est, contra charitatem militare non debet. Imò ut ait *D. Thom. 1. 2. loc. cit.* licet sit recurrendum ad superiorem pro dispensatione, vel interpretatione legis, quando seruare legem, non habet ita subitum periculum, si

tamen

tamen periculum sit ita subitum, quod illam moram non patiarur, ipsa necessitas dispensationem habet annexam; necessitas enim non subditur legi: vbi *Caiet. & Med.* pro maiori declaratione dicunt, quod in casu dubij an lex obliget in aliquo casu, consulatur superior si fieri potest, sin minus, seruetur lex: nisi alias dubium sit de periculo salutis; quia quando res est dubia & vtrinque periculosa, eligatur minus periculum, cuiusmodi est non seruare legem. Imò secluso periculo salutis, si sit verisimile viro prudenti, quod si adesset legislator, nō obligaret illū, non tenetur tunc seruare legē, quia licet dubiū sit speculatiuum, tamen certū est moraliter licere tunc vti epicheia.

D V B I V M X X I I.

An Prælati regularium possint dispensare cum sibi subditis in recitatione horarum, in ieiunijs, & in qualitate ciborum.

1. Concl. Dicti Prælati possunt dispensare cum sibi subditis senibus, vel infirmis, non valentibus sine tadio horas canonicas recitare, vt in tempore infirmitatis, vel conualescentiæ loco horarum recitent aliquid, ad arbitrium Prælatorum, & similiter cum ipsis Prælati, Presbyter, monachus ab eis electus dispensare potest. Ita concessit Abbatibus Cisterciensibus *Eng. 4. Bul. 21.* & idem concessit Hieronymianis *Mart. 5.* vt habetur in compen. mendicantium de quo Rod. in quæstionibus reg. 10. 1. q. 42. art. 7. & licet iuxta dicta dubio præce. posset Prælatus regularium, sicut & Episcopus dispensare cum suis in recitatione horarum in casu necessitatis, absque priuilegio, valet tamen priuilegium ad maiorem claritatem & securitatem, vt dicitur l. 2. c. 1. d. 1.

2. Concl. Prælati regularium, possunt cum sibi subditis, de Consilio medici si cōmode haberi potest, sin minus, sine illo, dispensare in esu carniū, ouorum, & lacticiniorum: & idem potest Vicarius absente Priore, & id ipsum potest cōcedi istis Prælati ab eorū confessoribus. Ita concessit Hieronymianis *Eng. 4.* vt habetur in compend. mendican. ti. ieiunium. § 7. Et idē ibi conceditur dictis superioribus pro familiaribus monasterij, licet quantū ad istos hoc priuilegium per Bullam Cruciatæ suspendatur; vt ibi patet, vbi in generali suspensiones indulgentiarum, gratiarum & facultatum excipiuntur concessæ superioribus mendicantium quoad suos tantum subditos.

3. Conclu. Dicti Prælati & ipsis absentibus eorum Vicarij, possunt cum sibi subditis & familiaribus monasterij (modo explicato in secunda conclusione) dispensare etiam sine medico in ieiunijs Ecclesiæ. Et idem possunt istis superioribus concedere eorum confessores. Ita concessit *Eug. 4.* loco cit. imo & *Sixtus 4.* concessit Minoribus non valentibus bono modo ieiunare ob infirmitatem vel debilitatem, quod ad id non teneantur. Ita in lib. monumen. ordinum concess. 99 & *Rod. in sum. 1. par. cap. 24. n. 4.* & sic Religiosi non tenentur adire Prælatum pro hac dispensatione

4. Concl. Religiosi maximè actu prædicantes, possunt seruatim ieiunio anticipare, & retardare horam coemptionis, & collationis. Ita concessit Minoribus *Leo X.* inter viua orac. nu. 57. & n. 60. concedit Minoribus itinerantibus posse transferre ieiunia diei itineris in aliū diem, & *Pius V.* inter viua orac. n. 11, concedit pedestrè itinerantibus posse in die ieiunij desmanari, & vespere cœnare, & hoc, vt habeant meritū ieiunij.

CAPVT VII.

De his quæ competunt religiosis, vt sunt prædicare, docere, mendicare, transire de vna in aliam religionem.

S V M M A R I V M.

An liceat religiosus mendicare. n. 1.

An liceat eis prædicare sine licentia Episcopi. n. 2.

An & quando liceat eis transire ad alium Ordinem. n. 3.

Quomodo peccet & quas pœnas incurrat religiosus non portans habitum suæ religionis. n. 4.

D V B I V M I.

An liceat religiosus mendicare.

1. **C**onclusio. Licet religiosis mendicare, nec tenentur manibus laborare. Ita definitur contra *Vuicleph. in Conc. Constantien. & D Tho. 2. 2. qu. 18. art. 5.* Et licet religiosi (quod absit) male viuant, non tenentur, sicut nec alij pauperes restituere elemosynas sibi etiam hoc animo datas vt pro benefactoribus orent; cum in hoc non interueniat pactum. Et sic licet peccent non orando contra virtutem gratitudinis, non tamen contra iusticiam.

2. Conclusio. Ordinarij, aut alij impediētes, scilicet per vim aut dolum, ne elemosynæ dentur religiosis, sunt ipso facto excommunicati. Ita concessit Augustinianis *Sixt. IV. Bul. 34.* & Carmelitis, *Bul. 37.* vbi præcipitur, quod ad petitionem religiosorum procedatur contra sic impediētes sicut contra hæreticos.

D V B I V M II.

An liceat religiosis docere & prædicare.

1. Concl. Etsi prædicare ex officio competat solis habentibus curam animarū, licitè tamen cōmittitur religiosis prædicationis munus. Ita *D. Th. 2. 2. q. 187. art. 1. & definitur in ca. moderamine, & e. ex autoritate 16 q. 1.* & in Ecclesia sūt institutæ religiones ad prædicandū: sicut ordo SS. *Patriarchæ Dominici*, & iuxta doctrinam, *D. Th. 2. 2. q. 188. ar. 6.* religio ad prædicandum instituta inter omnes eminet, vtpote cū attingat contemplationis supremum gradum; qui est contemplata alijs tradere, ex quo propius statui Apostolorū accedit.

2. Concl. Parochus poterat olim in sua parochia committere religiosis, aut alijs, prædicationis munus, sed iam in Conc. Trid. sess. 5. ca. 16. de refor. statuitur, quod nullus religiosus prædicet in suo monasterio sine licentia saltem interpretatiua sui superioris, & alias Episcopo non contradicente, vt habetur sess. 14 cap. 4. de refor. & ad prædicandum in Ecclesijs extra ordinem, cum licentia sui superioris, debet etiam habere religiosus licentiam Episcopi. Vnde si prædicet sine vlla dictarum licentiarum, peccabit, cum hoc sibi sub excommunicatione ferenda interdicitur, in cap. *excommunicamus*, 1. §. *quia verò de hæreticis*: si tamen habet licentiam saltem interpretatiuam alicuius ex dictis Prælati, peccabit tantum venialiter, si de consensu parochi, & alias Episcopo non renuente) prædicet in sua parochia: quia quoad hoc verba Conc. non importat tantum rigorem, vt ex vsu comprobatur.

Not. tamen, quod si religiosus prædicet absque vlla dictarum licentiarum, non potest ab Episcopo, sed à suo superiore puniri. Ita declarauit congreg. Card. in tempore *Clem. 8.* vt refert Mann. Rod. in compen.

3. Conclusio. Licet per dictum decretum Conc. Trid. sit reuocatum priuilegium concessum religiosis Societatis à *Pau. 3. Bul. 7.* quo vbique prædicare poterant: cum hoc pri-

privilegium sit concessum anno 1544. & illa sess. 5. Conc. Trid. sit celebrata anno 1545. non tamen est reuocatum privilegium postea eidem Societati concessum à Greg. 13. *Bul.* 28. vbi reuoluit dictum privilegium *Paul.* 3. & concedit religionis istius Societatis, alias idoneis, etiam sola prima tonsura initiatis, ubique prædicare verbum Dei de licentia suorum Prælatorum, non obstante quouis Concilio generali, & ibidem mandatur ordinarijs, ne eos impendant. Et hoc privilegio gaudent alie religiones iuxta dicenda. lib. 2. cap. 4.

Caveant tamen religiosi ne ponendo os in Cælum in suis concionibus detrahant sacerdotibus eos specialiter nominando, aut æquivalenter dicendo. Alias peccabunt mort. secus sit si in genere, & sine scandalo eos reprehendant. *Ita Nauar. in manu. cap. 25. n. 142.* imo in Clem. *Religiosi, de primi.* præcipitur religionis in virtute sanctæ obedientie, & sub interminatione maledictionis æternæ; ne in concionibus suis detrahant Prælati Ecclesiarum, eos scilicet nominando, vel per circumlocutionem, quæ vicem habeat proprii nominis, *vs explicat glo. & Arm. ver. prædicare, n. 6.*

D V B I V M III.

3 *An liceat religionis transire de una in aliam religionem.*

1. Conclu. Transitus iste seclusa magna necessitate, vel utilitate non approbatur à *D. Th.* 2. 2. q. 189. *ars.* 8. quia facilius (alt) proficit quis in religione quam consuevit; quam in alia quam non est expertus.

2. Conclusio. Transitus iste sine causa & licentia factus, est peccatum mort. cum in iure, maxime in Conc. Trid. sess. 25. c. 4. sub grauissimis pœnis vetetur. Imo in extraua. *ambrosiæ*, excommunicantur cum reservatione ad Papam mendicantes transeuntes ad monachales, excepta Carthusia, & qui illos recipiunt, & ipse receptus nihil faciunt; sed sunt in malo statu dum receptus ad priorem religionem non reuertitur. Hæc habentur de iure communi.

3. Concl. Omnibus fere religionis est vetitus dictus transitus ex privilegio. *Primo*, Cistercienses sine licentia sui Generalis, vel capituli generalis, nō possunt ad alium ordinem transire. Ita *Mart. 5. Bul. 6. 2.* Religiosi ordinis Prædicatorum non possunt recipi in alio ordine Mendicantium, etiam vigore cuius

in suis licentiæ, nisi in ea fiat mentio ordinis à quo recedit, & ad quem se vertit. Ita habetur in consti. Prædicatorum, d. 2. c. 17. Item, Prædicatores sub excommunicatione Papæ reseruatæ, non possunt recipere Minores, nec isti Prædicatores. Et aliter factum est irritum. Ita concessit Minoribus Innoc. 4. Bul. 3. & Prædicatoribus *Alexa. 4. Bul. 20. & Clemens 4. Bul. 12. Tercio*, Mercedarij, non possunt recipere, aut retinere Minores, aut alios strictioris regulæ, prætextu cuiusvis priuilegij, aut quarti voti. Ita *Clem. 5. Bul. 13.* vbi declarat regulam esse iudicandam strictiorem ab alio, quam à quarto voto. *Quarto*, Minimi sine licentia sui Generalis transeuntes ad alium ordinem, & illos retinentes excommunicantur à *Iul. 2. Bul. 27. & a Ioan. 10. Bul. 42.* Et ab eodem *Iul. 2. Bul. 11.* præcipitur istis Minimis ne recipiant, aut retineant Minores. *Quinto*, religiosi professi Societatis Iesu, sine licentia sui Generalis, non possunt intrare, aut recipi in alia religione, excepta Carthusia, alias possunt reduci censuris & brachio seculari. Ita concessit *Paul. 3. Bul. 8.* imo nec post votum simplex possunt isti religiosi alium ordinem intrare: vt concessit *Greg. 14. Bul. 4.* Aliæ etiam religiones possunt se iuuare dictis priuilegijs per communicationem.

4. Concl. Religiosus habens licentiam transeundi ad alium ordinem, si intra tres menses, vel intra tempus in licentia taxatum non transit, eius Prælatus potest procedere contra ipsum, sicut contra apostatam. Ita concessit Benedictinis *Eng. 4. Bul. 9.* & idem est si exuto habitu de licentia sumpto non reuertitur ad priorem religionem. Ita *Iul. 2. Bul. 25.*

5. Conc. Mendicantes transeuntes, etiam cum licentia Papæ ad non mendicantes, priuantur in Clem. 1. de regula, vtraque voce, & loco in capitulo, licet ista ab alijs sibi libere concedantur. Nec possunt habere administrationes, prioratus, vel officia, etiam sicut Vicarij; nec pro se, nec pro alijs curam animarum exercere, & aliter factum est irritum. Item religiosus ordinis Minorum, ex priuilegio *Nico. 4. Bul. 4.* si intret aliam religionem, etiam cum licentia, non potest ibi aliquam habere administrationem, Prælaturam, personatum, vel officium, cum cura animarum, absque expressa licentia Papæ, in scriptis facientibus memoriam de hoc statuto.

6. Conc. Religiosus etiam cum licentia transiens ad alium ordinem, non potest ferre secum bona ad proprium, vel commune bonum deputata; & potest censuris compelli à priori

religione, vt illa sibi restituat. Ita concessit *Greg. 11. Bul. 3.* Et idem est de religiosis ad dignitates assumptis, qui omnia sua resignare debent, nisi eis à suo ordine ad tempus concedantur. Ita *Alex. 4. Bul. 3. & Clemens. 4. Bul. 5.*

7. Conc. Religiosi Episcopi non possunt consecrari antequam resignent quæ habent ab ordine: nisi Prior cum conuentu vsu illorum ad tempus illis concedat: alias suspenduntur ab executione Pontificalis ministerij: inter ista tamen bona, non comprehenduntur quaterni sermonum, aut aliarum rerum notabilium. Ita declarant *Alex. 4. & Cle. 4. loc. cit.*

8. Concl. Religiosus in Episcopum promotus & consecratus, non potest in suo ordine officium tenere. Ita concessit *Paul. 4. Bul. 4.*

9. Conc. Religiosi sine licentia ad alium ordinem transeuntes, sicut & expulsi, & egressi à religione, non tantum sunt priuari muneribus, & dignitatibus Ecclesiasticis, & sæcularibus: sed etiam officio docendi, prædicandi, & confessions audienti, super quibus à Prælati suæ religionis excommunicari possunt. Ita concessit Celestinus *Eug. 4. Bul. 18.* Minoribus, *Innoc. 4. Bul. 8. & Alex. 4. Bul. 9. & Iul. 2. Bul. 26.* Et isti expulsi, sine licentia suorum Generalium, aut Prouincialium, non possunt in alio ordine recipi: Ita concessit Minoribus *Sixtus 4. Bul. 14.* & Prædicatoribus *Bul. 33.* & Minimis *Iul. 2. Bul. 28.*

D V B I V M III.

4 An religiosi teneantur portare habitum suæ religionis.

De Episcopis an ad id teneantur dixi iam c. 2. dub. 4.

1. Conc. Religiosus tenetur publice portare habitum suæ religionis. Ita decernitur in Con. Tri. sess. 25. c. 19. imo qui animo vagandi occultat habitum suum, taliter quod à prætereuntibus propius accedentibus non cognoscatur, incurrit excommunicationem latam in c. *ut pericul. ne cler. vel monac. contra dimittentes* temerarie habitum suæ religionis; ista enim habitus occultatio ad libere vagandum, est formalis dimissio habitus, secundum *Cais. ver. excomm. c. 61. Sil. et Arm. ver. habitus Bann. 2. 2. q. 12. ar. 1. et comm. Canonist.* licet Pan. in c. *Deus qui, de vita et hon. cle.* satis probabiliter oppositum teneat; quia ait, illa pœna fertur contra dimittentes temerarie habitum, ergo non est extendenda ad occultantes habitum; & di.

dicitur temeraria dimissio habitus, quando dimittitur habitus ad patrandum aliquod malum. v. g. furtum, homicidium, aut aliquam turpitudinem, quæ sit peccatum mort. aho habitu assumpto. Nam si non assumit alium habitum quo liberè possit vagari, aut si dimittit suum habitum, & assumit alium, ex motu tantum peccati venialis; non incurrit dictam excommunicationem. Vt si religiosus nocte vt transeat de vna in aliam domum, sine malo sine mortali; sed ad euitandum scandalum assumit pallium, quo occultetur, secus esset si ille transitus ex aliqua quacunque circumstantia fieret peccatum mort. Ita *Bann. loc. cit. et commun.*

Ex hoc sequitur, quod si religiosus assumit habitum alterius religionis, de licentia Prælati talis religionis ad præstandum aliquod obsequium pro tali religione, verbi gratia, ad prædicandum, vel disputandum, & non ad ibi profitendum; nec peccat, nec incurrit dictam excommunicationem cap. *ut periculosam*, cum non sit dimissio proprii habitus temeraria, vt pote ad libere vagandum, vel scelus patrandum.

CAPUT VIII.

De recipiendis in religione.

S V M M A R I V M.

An illegitimi possint admitti in religionibus. n. 1.

Qui siue inhabiles ad religionem. n. 2.

An in receptione nouitiorum possint monasteria aliquid recipere. num. 3.

Qua atas necessaria ad professionem. n. 4.

D V B I V M I.

An illegitimi possint admitti in religionibus.

1. **C**onclusio. In tempore Sixti. 5. illegitimi, vt pote sacrilegi & incestuosi, intra tertium gradum erant inhabiles ad religionem, & alij illegitimi poterant admitti certis conditionibus & habita prius informatione de eorum vita & moribus, & aliter facta professio erat nulla; Ita statuit Sixtus. 5. in motu qui incipit. *Cum de omnibus Ecclesiasticis ordinibus*, sexto Calendas. Decemb. anni 1587. vbi tamen non comprehendebantur legitimati per sequens matrimonium; sed habiles censebantur ad professionem, ad gradus, honores, & dignitates, sicut alij legitimi; Ita declarauit idem Sixtus in motu qui incipit, *Ad Re-*

manū spectat Pontificem, edito die 13. Nouemb. Anni 1588.

2. Concl. Post *Sixtum* 5. eius successor *Greg.* 14. in bulla edita idibus Martij, anni 1590. reduxit decretum *Sixti* prædictum ad ius commune: in iure tamen communi, illegitimus non est inhabilis ad professionem, sed ad ordines & dignitates, &c. Et ad ista dispensatur iuxta dicta cap. 6. d. 18. prohibet tamen prædictus *Greg.* ne dictus illegitimus patre viuente admittatur in religione, in qua eius pater ante, vel post filij natalem fuerit professus: si tamen de facto admittitur & proficetur, valet professio cum ibi non irritetur.

D V B I V M II.

An maiores sexdecim annorum sint ad religionem admittendi.

- 2 1. Concl. In dicto motu *Sixt.* 5. habetur, quod nullus maior sexdecim annorum ad habitum religiosum admittatur, nisi prius de suis parentibus, patria, vita, & moribus diligenter inquisitus, & compertum sit ex fide digna relatione, eos non aliquorum criminum, sicut sunt homicidia facta, latrocinia, vel similia, aut grauiora, reos, vel suspectos existere, vt propterea damnati sint, vel ne damnentur formident, nec ingenti ære alieno supra vires suarum facultatum grauatos, vel reddendis ratiocinijs ita obnoxios, vt ex hoc lis, vel molestia eis iam illata, vel timendum sit ne inferatur, & nisi constet eos non humana aliqua ratione, sed tantum deuotionis & pietatis seruire vitam religiosam sponte, & ex animo elegisse: & quod de his omnibus in Generali, vel Prouinciali capitulo plena, & indubitata fide facta; tam generalis, sue Prouincialis, quam deffinitorum consensu approbati, & ad habitum admissi fuerint. Et omnes dicti criminosi, vel suspecti, aut ære alieno oppressi, vel ratiocinijs obligati, ad religionem inhabilitantur: & istorum receptores, tam religiosi quicumque, quam eorum superiores voce actiua & passiuā, officijs, gradibus, honoribus & dignitatibus quibuscumque per eos obrentis, ipso facto priuantur: & ad illa & alia obtinenda perpetuo inhabilitantur. Et postea idem *Sixtus* in motu, qui incipit: *Ad Romanum spectat Pontificem*, edito die 12. Calendas Nouemb. 1588. declarauit criminosos, &c. debere intelligi, quando actibus publicis constiterit, ipsos iudices & Curiam sæcularem ante susceptum habitum, de ipso crimine aduersus eos accusationem suscepisse, vel inquisitionem instituisse.

2. Con-

2. Concluf. Post hæc *Greg. XIV.* in decreto cit. dub. 1. statuit, quod modus recipiendi istos maiores sexdecim annorum iuxta decretum *Sixti*, facto prius examine sufficienti de eorū vita & moribus modo à *Sixto* explicato, sub eisdem pœnis in eodem maneat robore. Excepto, quod istorum approbatio non spectet ad capitulum, sed ad eos quos Prouincialis designauerit. Et post hæc *Clem. VIII. Bul. 7.* reducit ad ius commune receptionem maiorum sexdecim annorum, quoad hoc quod si recipiantur sine dicta informatione de moribus, valet eorum receptio, & professio illorum: tamen receptores manent obnoxij pœnis contentis in *Bul. Sixt. V. & Greg. XIV.*

D V B I V M I I I.

An in receptione nouitiorum possint monasteria aliquid recipere. 3

1. Concluf. Licet sit symonia recipere aliquid in precium pro ingressu religionis, vt ostenditur cum *D. Th. 2. 2. q. 100. art. 3.* licet tamen aliquid recipere, etiam ante professionem, pro alimentis recipiendis. Ita permittitur in *Conc. Trid. sess. 23. c. 16.* & ita habet vñus in aliquibus religionibus, maximè inter moniales.

2. Concl. Ante professionem præter victum & vestitum est vetita cum excommunicatione, datio & receptio ex bonis nouitij, vel nouitiæ: ne hac occasione discedere nequeat, quod totam, vel maiorem partem suæ substantiæ, monasteriū possideat. Ita *Conc. Trid. loc. cit.* vbi etiam præcipitur quod nouitio ante professionem recedentis omnia sua integre restituatur, ad quod si opus sit religiosi ab Episcopo censuris cogantur.

3. Concl. Conuentus, & capitula sub suspensione, Prælati & singulæ personæ regulares vtriusque sexus sub excommunicatione Papæ reservata, tenentur in receptione nouitorum vtriusque sexus, vel post receptionem non petere, vel exigere etiam indirecte, pastus, prandia, cœnas, pecunias, vel alia localia, etiam ad Ecclesiasticum, vel alium pium vñum. Ita præcipit ante *Concil. Trid. Greg. X. Bul. 2.* sed hic tantum vetatur prædictorum petitio, sed non receptio eorum quæ libere donantur: item vetatur hæc petitio ex pacto. Ita *Gaiet. ver. excom. c. 73.* imo & licet petere solitas dotes, lectisternia & similia, cum ista titulo alimentorum exigantur.

D V.

4. *Ad professionem sit necessaria ætas sexdecim annorum.*

1. Conclusio. In omni religione virorum & mulierum, non fiat professio ante decimum sextum ætatis annum expletum, nec qui minori tempore, quam per annum in probatione steterit post susceptum habitum: aliter facta professio irritatur in Conc. Trid. sess. 25. c. 15. Post hæc *Pius V. Bul. 11.* concessit, pro novitijs monialium ordinis Prædicatorum posse profiteri in articulo mortis ante annum probationis expletum, ut indulgentiam consequantur: sed hoc videtur iam reuocatum iuxta dicenda lib. 2. c. 3. dub. 6.

2. Conclusio. Religiosus prætendens per vim aut metum religionem intrasse, aut ante debitam ætatem esse professum, aut aliud simile, volensque habitum dimittere quacunq; de causa, aut cum habitu discedere sine licentiâ Superiorum, non audiatur nisi intra quinque annos à die professionis causas deduxerit, quas prætendit, coram Ordinario & suo Superiore. Et si ante hoc sponte habitum dimiserit, non admittatur ad allegandum quamcunq; causam, sed ad monasterium redire cogatur, & sicut apostata puniatur: interim tamen nullo privilegio suæ religionis iuuetur. Ita statuitur in Conc. Trid. sess. 25. cap. 19.

Nota, quod qui cogit mulierem præterquam in casibus in iure expressis, ad ingressum monasterij, vel ad suscipiendum habitum cuiusvis religionis, aut profitendum, & ad id, consilium, auxilium, aut fauorem dantes, & qui coactionem scientes, quouis modo eisdem actui præsentiam, consensum, vel auctoritatem interposuerint, excommunicantur in Concil. Trid. sess. 25. c. 18. Et eadem pœna imponitur ibi impediētib; mulierem, ne velum accipiat, vel votum emitat. *Et Eng. IV. Bul. 7.* pro Cælestinis & *Bul. 8.* pro Benedictinis, excommunicat. non tantum extrahentes vel retinentes religiosos professos sine saorum Superiorum licentiâ, sed etiam impediētes alios (scilicet vi, aut dolo) religionem intrare. Item, in Conc. Trid. sess. 25. c. 17. dicitur quod Episcopus vel eius Vicarius, aut alius eorum subditus, ante mensem professionis monitus à præfecta monasterij, exploret monialis voluntatem; an libere, an coactè profiteatur.

Finis huius Libri primi.



LIBER SECVNDVS
DE PRIVILEGIIS
REGVLARIVM.

PROLOGVS.

Quamuis in primo Libro multa sint Regularium adducta priuilegia: quibus status religiosus maximè illustratur: in hoc tamen libro ad particularia descendentes, ex professo tractabimus de priuilegijs, eorum naturam ostendentes, & specialiter explicantes multa priuilegia Regularibus concessa, pro se & pro secularibus: tam circa spiritualia, & Sacramenta, quàm circa temporalia.

CAPVT I.

De natura Priuilegij .

S V M M A R I V M .

Quid sit Priuilegium et quomodo differat à dispensatione ?
num. 1.

Ad vsum Priuilegij an necessaria sit scriptura ? n. 2.

An et qua promulgatio sit de ratione legis ? n. 3.

An interposita supplicatione suspēdatur obligatio legis ? n. 4.

An efficacia legis pendeat ab acceptatione ? n. 5.

An ad effectum priuilegij sit necessaria eius notitia ? n. 6.

D V B I V M I.

Quid sit Priuilegium .

1. Concl. Priuilegium, quod (*ut dicitur in c. priuilegia, d. 3. et in D. Tho. 1. 2. q. 96. art. 1. ad 1.* priuatorum lex seu priuata lex nuncupatur) est singulare ius contra ius commune indultum. *Ita Silu. ver. priuilegium, ex c. Abbat. de verb. signif.* semper enim priuilegium operatur aliquid contra ius commune, *ut dicitur in l. fin. C. de inoffic. test. ff. de usuris*, & licet aliquando non tribuat aliquid contra ius commune, aut præter ius commune, tamen vt vere dicatur priuilegium, sat est quod tribuat clarius & facilius, idem ius quod tribuit ius commune : & sic priuilegia continentia ius commune, hoc contra ius commune operantur.

2. Conclus. Priuilegium differt & à dispensatione in hoc quod priuilegium solet concedi sine causa : at dispensatio est prouida iuris relaxatio, seu moderatio vtilitate siue necessitate pensata. *Ita Pan. in c. cū in cunctis 1. de elect.* sic adeo, quod dispensatio facta sine causa etiā à Papa, circa legem pēdentem à iure diuino, erit nulla, sicut dispensatio in votis, aut iuramentis, & tam dispensantes, quā id procurantes peccent. *Ita Caie. 1. 2. q. 96. a. 5. & q. 97. a. 4. & Soto, 1. de iust. q. 7. art. 3.* imo licet dispensatio circa legem purē humanam, sicut circa ieiunia, qualitatem ciborum, & circa impedimenta matrimonij facta à legislatore sine causa sit valida, & dispensatus possit

possit vti illa absq; peccato, saltem mortali, *ut ait Sor. 1. de iust. q. 3. Nau. in man. cap. 23. n. 42. & Viñ. de potest. Papa n. 15. contra Caiet.* tamen si talis dispensatio fit à Prælatis inferioribus, taliter pender à causa iusta, quod illa deficiente dispensatio erit nulla, *ut ait Nauar. in manu. prelud. 9. n. 13. & 14.* quæ tamen censeatur causa iusta in particulari, arbitrio prudenti relinquitur, *ut ait Sil. ver. religio 4. §. 1. & 2.* omnis tamen causæ iustitia est sumenda in ordine ad bonum commune. Nam cum lex iusta non sit, nisi ad bonum commune referatur, sic nec dispensatio circa eam. Et iuxta istam doctrinam numerantur in Conc. Trid. sess. 23. cap. 1. de reformatione quatuor causæ vt Prælatus licite dispense in obligatione residendi de iure diuino & naturali cum suis ouibus: quæ omnes ad commune bonum referuntur: quarum prima est, Christiana charitas vt pro liberanda altera Ecclesia ab hæresibus: quibus proprius Episcopus resistere non valet, vel ad componenda dissidia inter Episcopum & clerum. *Secunda*, vrgens necessitas Ecclesiæ, vel Episcopi. *Tertia*, debita obedientia, vt si vocetur à Papa, vel à Rege pro negotijs Regni, vt pro iurando, vel baptizando Principe: tunc potest Episcopus illuc accedere pro paruo tempore. *Quarta*, euidens Ecclesiæ, vel Reip. utilitas, &c. Ex dictis sequitur, quod ex eo quod dispensatio requirit causam, est strictius interpretanda, quam priuilegium, *ut late ostendit Rebus. citatus à Rodr. in qq. reg. to. 1. q. 22. art. 2. Vide dicta supra lib. 1. c. 6. dub. 18. con. 5.*

D V B I V M I I

An Priuilegium sit dandum in scriptis.

1. Concl. Vt priuilegium in iudicio probetur, debet dari in scriptis; alias si viuæ vocis oraculis eadem fides quæ literis Apostolicis adhiberetur, multæ fraudes passim euenirent.

2. Concluf. Scriptura, seu bullatio, non est de essentia priuilegij. *Ita in Clem. dudum de sepul. in fine cum gloss. & Innocen. in cap. constitutus de rescriptis, Archid. & Ioan. Andr. in prac. sexti.* Item Leo X. inter viuæ ora. n. 4. die 15. April. anni 1516. concessit Minoribus, quod vtantur secunda conscientia omnibus concessis à Sede Apostolica, & à Romanis Pontificibus, siue per bullas, siue per breuia, siue per viuæ vocis oracula, pro vt in libris ordinis reperiuntur, ac si omnia tunc essent specificè expressa: & pro maiore conscientiarum securitate omnia de nouo concedit, item quod nō sint minoris effi-

efficaciz vix vocis oracula, quam si per brevia, aut per bul-
lam ad perpetuam rei memoriam essent concessa. *Vide Silu.*
& Arm. verbo, Gratia.

3. Concl. Privilegia regularium, siue facta in forma brevis,
siue per supplicationes expedita, in quibus placuit, ut sola si-
gnatura sufficiat, eandem omnino habent efficaciam, etiam
in iudicio: ac si plumbeo sigillo essent signata. Ita concessit
Augustinianis *Iul. II. Bul. 22.* ubi sic dicitur. *Præterea, ut om-*
nia firmissima sint, &c. volumus, ut hæc nostra concessio, &
quacunque alia tibi vel tuo ordini facta, siue per se, siue per
commutationem cum alijs ordinibus, eandem vim & effi-
caciam habeant, tam in iudicio, quam extra ac si plumbeo
sigillo signata essent. Quod intelligi volumus, tam de his
qua in forma brevis, quam de his qua per supplicationes
expedita sunt: in quibus placuit ut sola signatura suffice-
ret. Quamobrem, tam omnia præmissa, quam quacunque
alia fuerunt tuo ordini utcumque concessa, siue per ipsa
exemplaria, siue istorum transumpta ostendantur, Prælati
alicuius, vel publici notarij manu signata, vel etiam Gene-
ralis ordinis sigillo firmata, eodem motu, scientia & pote-
state, mandamus eandem omnino & vim esse & fidem adhi-
beri: ac si plumbi signum haberent, hæc Iul. II.

D V B I V M I I I.

An ad valorem privilegij, sicut & ad valorem legis, sit ne-
cessaria eius promulgatio.

1. Conclus. Promulgatio est de ratione legis. Leges enim
instituantur cum promulgantur, *ut habetur in c. in istis, d.*
4. ita D Tho. & communiter, Th. 1. 2. q. 90. art. 4. & patet in-
ductivè in omnibus legibus: lex enim naturalis satis omni-
bus promulgatur per lumen rationis, lex vetus fuit promul-
gata *Exod. 20.* quando populus Israeliticus audiebat voces,
videbat fulgura montemq; fumantem, lex etiam Evangelica à
Christo dum viveret, & in die sancto Pentecostes, fuit Hiero-
solyms solemnitè promulgata; & de legibus humanis, cano-
nicis & civilibus experientia constat earum promulgatio.

2. Conclusio. Ut lex humana dicatur satis promulgata,
non sat est, quod in curia promulgetur; nec requiritur, quod
singulis notificetur, sed sat est, quod in locis insignioribus
pro-

promulgetur. Patet ex athen. *ut facta Constitutiones*: ubi præcipitur, quod leges civiles proponantur in omnibus Provinciis: & quod post promulgationem non valeant vsque post duos menses elapsos: ut sic ad omnium notitiam perueniant: lex etiam Ecclesiastica debet promulgari in omnibus diocesis. Et hæc doctrina non tantum habet verum in legibus præceptiuis: sed etiam in legibus reuocantibus gratias & priuilegia quæ nullam vim habent, quousque promulgentur, non tantum in Prouincia, sed etiam in diocesi. Ita Soto 1. de iust. q. 2. art. 4. Silu. & Armi. ver. gratia, Med 12. q. 90. art. 4. Rod. in qq. reg. to. 1. q. 21. art. 10. Facta tamen sufficienti promulgatione lex incipit obligare etiam ignorantes, licet ob ignorantiam inuincibilem, à culpa & pœna excusentur.

An vero interposita supplicatione suspendatur obligatio legis: dum legislatori sit relatio de inconuenientibus obstaculis executioni legis. In hoc aliquibus viris doctissimis & timoratis visum est, quod sic: & ita obseruauerunt absq; scrupulo in motu de largitione munerum supra explicato lib. 1. cap. 5. dub. 5. *Ad hoc tamen dico*, quod licet executio litterarum Papæ, aut alterius, etiam cum excommunicatione super aliquo negotio missarum, suspendatur interposita supplicatione, obediendo illis litteris, & allegando causas executioni obstantes, *ut habetur in cap. si quando de rescriptis, et ibidem Fel. Bart et Innoc.* secus tamen est de legibus generalibus latis pro conseruatione Ecclesiæ, vel resp. quia cum legis sit consulere bono communi, & sit lata iuxta dictamen rationis; vult Papa, aut legislator, quod non suspendatur eius executio interposita supplicatione, licet aliqui ex illa grauentur: at præceptum litterarum particularium facit quoddam ius particulare, secundum allegata ex parte petentis, vel proponentis: in quo cum possit esse error ob malam relationem, non mirum si velit Superior, quod spectetur secunda iussio ipsius, ut executioni mandetur.

An vero efficacia legis pendeat ex eius acceptione. *Ad hoc dico*, quod lex quæ reuocat gratiam aliquam, aut priuilegium, quale est decretum Papæ statuens ne religiosi vtantur aliqua gratia bullæ Cruciatæ, verbi gratia, facultate eligendi confessorem in illa contenta, &c. non pendet ex acceptione. Quia cum istæ gratiæ & priuilegia ex mera principis voluntate concedantur, ex eadem voluntate sine ordine ad acceptionem possunt in toto, vel in parte reuocari: lex tamen præ-

ce-

ceptiua vel prohibitiua non obligat dum non recipitur per maiorem partem reip. *ut ait Nau. in man. cap. 23. num. 41. et alij quos refert et sequitur Rod. in qq. reg. tom. 1. q. 6. art. 10.* & dicitur lex non recipi, vel quando ignorante principe per decennium illi contrauenitur, *ut ait Con. 2. variarum n. 6.* aut quando sciente, & tacente Principe per binos, aut trinos actus illi contrauenitur: cum ad inducendum consuetudinem sufficiant illi actus, *ut ait Panor. c. de tregua et pace, Bart. Casanens, et alij Relati à Rodr. art. 2.* imo sat est, quod isti actus fiant scientibus, & non contradicentibus auditoribus Regijs, & Principis correctoribus, si lex sit civilis: & si est Ecclesiastica, scientibus Nuntio Apostolico & ordinario, vel Superiore quibus incumbit prædicta executione, mandare, *ut ait Burgos in leg. 1. Taur. n. 132. et 133.*

- 6 3. Conclus. Non est necessaria notitia priuilegij in illo contra quem obtinetur, ad hoc quod suum effectum operetur. *Ita Bart. in l. omnes populi, q. 105. par. principalis, n. 37. ff. de iust. et iur.* Requiritur tamen scientia eius in priuilegiato, nisi oppositum constet de voluntate concedentis. *Ita Card. in proæ. Clem. c. 3. de concessione præbenda in 6. Bart. et communiter in l. penul. C. de curia lib. 10.* imo si quis per se, vel per alterum obtinet aliquod priuilegium, verbi gratia, ne ab ordinario possit excommunicari: statim bullato priuilegio incipit habere suos effectus: licet priuilegiatus ignoret tale priuilegium. Nam tunc iam concurret voluntas Papæ concedentis, & voluntas priuilegiati tale priuilegium acceptantis, per se, aut per alterum. *Ita Silu. ver. priuilegium, n. 14.*

C A P V T II.

De interpretatione legum & priuilegiorum.

S V M M A R I V M.

- Quis possit leges et priuilegia interpretari? n. 1.*
Quis possit statuta et priuilegia dubia religiosorum? n. 2.
Regula communes pro interpretandis legibus et priuilegijs? num. 3.
Regula speciales pro interpretandis priuilegijs? n. 4.
Alie speciales pro priuilegijs regularum? n. 5.

D V B.

Quis possit leges & privilegia interpretari.

7

1. Concl. Iudicialis istorum interpretatio, soli legislatori reservatur, in c. *cum venissent, de iudicijs*. Et aliquando alijs à Papa committitur, sicut interpretatio dubiorum emergentium circa Conc. Trid. commissæ est Congregationi Cardinalium quorum declaratio, authenticata sigillo Congregationis, aut alio iuridico obligat in conscientia & in iudicio. Habet enim dicta Congregatio auctoritatem declarandi ista dubia: maxime, quia consulit Papam, ut constat ex commissione sibi data, relata à Rod. in qq. reg. tom. 1. q. 11. art. 1. quæ est *Sixt. V.* & talis est.

CONGREGATIO OCTAVA, pro interpretatione, & executione Concil. Trident.

DEo autem Patri misericordiarum gratias agentes, qui in œcumenico Conc. Trid. Spiritus Sancti lumine diffuso Catholicam veritatem omnibus patefecit, hæreses nostrorum temporum confutavit, mores & disciplinam restituit, eiusdemque Concil. decreta ab omnibus observari volentes: cum ad singularem Romani Pontificis auctoritatem tantummodo spectet generalia Concilia indicere, confirmare, interpretari, & ut ubique locorum serventur curare, & præcipere, eorum quidem decretorum, quæ ad fidei dogmata pertinent, interpretationem nobis ipsis reservamus Cardinalibus vero præfectis interpretationi & executioni Concil. Trid. si quando in his quæ de morum reformatione, disciplina ac moderamine, & Ecclesiasticis iudicijs alijsque huiusmodi statuta sunt, dubietas, aut difficultas emerferint, interpretandi facultatem, nobis tamen consultis, impartimur, &c.

2. Concl. Doctrinalis declaratio legum & privilegiorum, licita est doctoribus, & literatis, & iudicibus in tribunalibus, pro communi utilitate, iuxta tradita in Conc. Trid. sess. 25. c. 2 de refor. qui sæpè per epicheiam temperant legum rigorem, iuxta præsumptam legislatoris interpretationem, ut docet *Con. in regula possessor. 2. p. 5. 6. num. 2. Caes. & alij communiter cum D. Thom. 1. 2. q. 97. & 2. 2. q. 6. art. 5.*

Sor. 1. de iust. q. 7. art. 3. & hoc ita expedit, maxime quando Superior adiri non potest pro interpretatione suæ legis.

Si obijcias, quòd Pius IV. in bulla confirmationis Concilij, quæ incipit, Benedictus, præcipit Prælati sub pœna interdicti ingressus Ecclesiæ, & alijs sub excommunicatione, ne commentarios, glossas, scholia, vllumve interpretationis genus super ipsius Conc. decretis quouis modò edere, vel statuere audeant, etiam prætextu maioris corroborationis, vel executionis ipsius Conc. Ad hoc respondetur, quod in hoc decreto non vetamur facere annotationes, vel commentarios ad iuvandam memoriam, sed ne fiant ista commentaria & scholia ad publicandum, sicut qui imprimunt libros eo animo, vt ad omnium notitiam deueniant. Sic etiam Doctores licite in suis libris incidenter declarant, aliqua decreta Conc. cum hoc non sit edere commentarios, glossas, &c. super decreta Concilij.

D V B I V M I I.

2. *Quis possit interpretari statuta & privilegia dubia religionum.*

1. Conclusio. Archiepiscopi & alij inferiores Prælati illud non possunt. Ita concessit Prædicatoribus & Minoribus *Clem. IV. Bul. 3 1.*

2. Conclus. Generales ordinum possunt interpretari omnia dubia occurrentia in ordine, regula, statutis & consuetudinibus, & omnibus alijs vtpote in privilegijs. Ita concessit Tertiarijs *Clem. VII. Bul. 5.*

Item, *Iul. III.* viuz vocis oraculo concessit magistro ordinis Prædicatorum (qui tunc erat frater Stephanus Vlusmaris) vt quæcumq; in capitulo Romæ an. 1553 per eum sint instituta, concessa, declarata, & approbata, pro reformatione & bono sui ordinis statu, valida sint, derogando pro hac tantum vice omnibus oraculis & literis Papæ in contrarium. Ita habetur inter acta istius capituli, & in virtute istius indulti, in secunda declaratione dicti capituli sic habetur: Declaramus nullū breue, vel oraculū Apostolicum esse ponendum in vsu, in aliqua prouincia, nisi de licetia magistri ordinis obtentū, & ab ipsa Prouincia prius petitū, vel saltem postea acceptatum; & acta istius capituli, sunt acceptata in eodem anno 1553 à Prouincia Hispaniæ in capitulo Burgis celebrato 22. Octobris.

3. Conclus.

3. Conclus. Prior Prouincialis, de consensu maioris partis capituli Prouincialis potest declarare, an sit abstinendum ab vſu alicuius viuæ vocis oraculi, & post talium declarationem, non possunt subditi, vti tali concessione ac si esset reuocata. Ita concessit Leo X. inter vna orac.

4. Concl. Vicarius generalis, cum aliqua persona in dignitate constituta, & duobus iurisperitis, potest interpretari dubia, circa leges & priuilegia exorta. Et religiosi subditi possunt securè stare istis declarationibus. Ita concessit fratribus Prædicatoribus Hispaniæ Innoc. VIII. inter vna orac.

5. Concl. In rebus dubijs & scrupulosis conscientias Minorum tangentibus: eorum Generales, Prouinciales & Custodes, cum consilio aliquorum Patrum, si res sit magnæ importantiæ, possunt in his determinare, & istorum determinationi subditi securæ conscientia possunt & debent stare. Ita concessit Minoribus Leo X. inter vna orac. nu. 14. Imo & nu. 61. concedit, quod fratres nimis scrupulosi possint in omnibus dubijs stas conscientias tangentibus, stare declarationi & determinationi sui Guardiani vel cuiusvis alterius Prælati.

Ex dictis patet declarationem Prælati in dubijs esse optimam ad quietandas timoratas subditorum conscientias: & religiosus debet captiuare intellectum tali declarationi ac: quiescendo, iuxta D. Tho & Caiet. 2. 2. q. 147. art. 4. & Nau. in man. c. 21. n. 22. vbi ait imprudenter agere Prælatum, qui dubitantibus subditis an ad ieiunia teneantur, hoc suis conscientijs relinquunt, & idem ait Caiet. de qualitate ciborum.

D V B I V M III.

An sint aliqua regula pro legum & priuilegiorum interpretatione.

1. Conclusio. Multæ à iuristis dantur regulæ pro interpretandis legibus & priuilegijs; ex quibus communiores & magis necessarias referam.

Prima, quod attendatur intentio legislatoris: quæ ex processu legis, aut priuilegij indagatur: processus enim ista causâ finalem continent. Ita in cap. Marcion. 1. q. 3. & c. sedulo d. 28. & c. intelligentia, & c. in his de verb. signif. & in l. fin. ff. de heret. & inf. & ibi. Barr. Bal. & Ang. Et huc tendit ista regula ab aliquibus assignata, scilicet, *verba legum & priuilegiorum*

legiorum sunt intelligenda, secundum id ad quod principa-
liter proferuntur à legislatore, & sic verba posita ad vnū fi-
niem, in ordine ad illum sunt interpretanda. Ita in cap. intel-
ligentia, & cap. fin. de verb. signif. Et sic quando in Concil.
 Trid. sess. 6. cap. 4. diffinitur nos iustificari per gratiam &
 charitatem in cordibus nostris diffusam, non intenditur nos
 iustificari per habitus infusos, sed quod non iustificamur ab
 extrinseco per non imputationem peccati; vt dicebat Luthe-
 rus, sed per internam renouationem.

2. Conclusio. Vna scriptura declaratur, & per vnā par-
 tē eius, & per alias partes omnino ab ea separatas Ita August.
 3. de doct. c. 26. vbi ait, cum verba scripturæ apertius in vno
 loco ponitur, ibi discendum est quomodo in locis intelligatur
 obscurioribus; & in c. secundo requiris, de appellat. dicitur,
 vtriusq; iuris argumenta nos docent ea quæ in principio ad
 medium, & ad finem, & quæ in medio ad finem & principium
 sepē referri cōtingat. Quod sumit Bald. ibi. his verbis. Per me-
 dia declaratur extrema, & per vnū extremū declaratur aliud.

3. Concl. Volūtas legislatoris à verosimili indagatur. Ita in
 l. non est verosimile, ff. de eo quod metus causa. Nā qui arguit
 à verosimili, arguit à ratione naturali: cum similitudo sit co-
 gnata naturæ, vt ait Bal. conf. 180. n. 3. vol. 3. Et pro lege ha-
 betur, vt ait Oldradus conf. 13. & Grauea conf. 292. n. 6. vbi
 refert eū qui habet verosimile pro se, habere causam legis pro
 se: vnde verba generalia cōstitutionū ad verosimilia extendū-
 tur, ista tamen regula deficit in legibus pñalibus: nam pñæ
 legū potius sunt molliendæ ex declaratione legū; quā ex aspe-
 randæ. Et sic primū casum non excedunt. Ita in l. in his, ff. de
 condi. & demonst. Secus est in alijs legibus, quia aliæ leges nō
 pñales taliter pendent à ratione quod ratio legis dicitur mēs
 & anima legis. Et sic Panor. in l. fin. de rescript. & Bald. l. nō
 dubium. C. de legibus, dicunt quod lex nō est aliud quā ratio
 eius. Ita quod vbi illa eadē ratio inueniatur, ibi etiam eadem
 habeatur lex. At lex pñalis non pendet omnino à ratione,
 sed ex legislatoris voluntate, in quantum certam pñam de-
 creuit: quia licet ex recta ratione procedat, quod crimina
 puniantur, nulla tamen ratio cogit quod tale crimen tali pñ-
 a puniatur, sed hoc pendet ex sola legislatoris voluntate.

4. Concl. Leges fauorabiles sunt ampliandæ, & odiosæ
 restringendæ, iuxta regulam vulgarem: & illa lex censetur
 fauorabilis, quæ principaliter intendit fauorem, licet ex
 con-

consequenti in alicuius damnum cedat. *Ita glos. in cap. sciāt cuncti, de elect. secundum Nau. lib. 3. cons. 32. de reg. de quo Feli. in c. nov. dubiū, de elect. & secundū hoc lex quæ excommunicat percussores clericorum, est fauorabilis, quia intendit præcipuè fauorem Ecclesiæ, licet sit pœnalis delinquenti.*

1. *Regula.* Lex taliter interpretetur quod inutilis non reddatur. *Ita in l. non dubiū, C. de legi, & sic licet lex sit pœnalis & consequenter stricte interpretanda, debet etiam ampliari ne inutilis & ridicula reddatur; & eius verba sunt propriè intelligenda, ut eius mens seruetur. Ita Sarmiento lib. 1. seles. c. 12. n. 7. & 8. unde licet in expositione legum pœnaliū, semper præsumatur pro parte per quam pœna vitatur, ut dicitur in l. proximè, ff. de his qua in test. de l. n. non tamen quando casus est clarus; utpote quia si proprietas verborum importaret pœnam, staremus proprietati, ut dicitur in l. cum leg. ubi Aret. ff. de reg. iuris; & confirmatur ex doctrina Panorm. in c. 2. de const. ubi ait, quod licet in dubio præualeat interpretatio legis, quæ est benignior, tamen plurimum debet attendi verborum proprietas.*

2. *Regula.* Vbi lex non distinguit, nec nos distinguere debemus, nisi autoritate alterius legis. *Ita Bart. in l. unica, C. quorum leg.* quia constitutio generalis per aliam specialem limitatur. *Ita Bart. in l. quæsum § fur. n. 12. ff. de fide instr.*

3. *Regula.* Lex non includit id ad quod mens & ratio auctoris non se extendit. *Ita l. cum pater, §. dolo. ff. de leg. 2. & Panor. in c. suggestum; & in c. meminimus, de appell. & in dubijs mens Principis semper præsumitur esse talis qualis de iure debet esse, ut notat Bald. ex l. ex facto, not. 4.*

4. *Regula.* Verba legis intelliguntur, iuxta subiectam materiā, ut dicitur in c. cum intelligentia, de verborum signif. unde quando Clemens VIII. præcipit, quod informationes intrantiū religionē fiant coram notario; non est necesse quod sit notarius regius, vel Apostolicus; sat est enim quod sit notarius ordinis creatus à Generali, vel Prouinciali, prout est consuetū in religionibus. Concessū enim est à Pio V. Bul. 12. Generali & Prouincialibus ordinis Prædicatorum posse creare quinque aut plures religiosos sui ordinis ab eis approbatos, in notarios publicos pro intimandis mādatis & rescriptis Apostolicis, publicā aut priuatā utilitatē dicti ordini concernētibus.

5. *Conclusio.* Aliæ etiam regulæ sunt specialiter pro interpretatione priuilegiū.

1. *Regula sit*. Privilegia recipiunt interpretationem à sup-
plicatis; cum mente enim supplicantis præsumitur se confor-
mare concedens. *Ita in c. inter dilectos, §. caterum, de fide
instrumentorum, cum glo. ibi.*

2. *Regula*. Quando privilegium est obscurum & contra-
rium, debet stricte interpretari, ut minus quam possit dero-
get iuri communi. *Ita in cap. cum dilectus, de consuetu.* ut si
cum illegitimo dispensetur ad ordines, intelligitur de ordi-
nibus minoribus tantum. *secundum Panor. in cap. si quisquam,
de cohabitatio. clerici & mulie. Silu. & Armi. ver. privile-
gium:* imo si non exprimitur causa concessionis, vel non fit ex
certa scientia, vel motu proprio, non præsumitur de volunta-
te principis, *l. 1. C. de pet. bono:* imo per importunitatem obtē-
tum *per l. 1. C. de fundis lisi.* & vult Bald. & alij in *c. licet
causam, de prob.* quod ponatur simul ex certa scientia & mo-
tu proprio, & idem est de rescripto tollente ius tertij, ut de
privilegio ad beneficia; ut habetur in *c. quamvis, de prob. in
6* & hoc nisi consuetudo aliter interpretetur: *ut notatur in
cap. quod dilectio, de consang. & affin.* vel nisi verba aliud ex-
primant; quia ab illorum propria significatione non debemus
recedere, nisi de mente aliter constet, *ut in cap. olim & c.
in his, de verb. signif.*

3. *Regula*. Privilegium enormiter lædens Ecclesiam, aut
alios, non valet, nisi fiat mentio de ista enormi læsione: quia
in dubio non præsumitur principem concedere aliquid cum
alterius graui dispendio, *l. quoties, C. de praben. in pet. offi. &
Pan. in c. cum ad hac, de cler. non resid.* unde privilegium
immunitatis ab oneribus alicui concessum non liberat eum
ab oneribus, quæ potest leuiter & breuiter expedire: ut est *ca-
sus in l. decurio. C. de decurio.*

4. *Regula*. Privilegium large sumptum pro omni concessio-
ne præter ius, largissime interpretetur in præiudicium conceden-
tis: stricte tamen si est in aliorum præiudicium. *Ita in c. quia
circa, de priu. in glos. ult. & Innocen. in c. olim de verb. si-
gnif.* sed non interpretetur ita stricte, quod nihil operetur, sē-
per enim privilegium debet aliquid operari. *Ita in c. si Papa,
de priu. in 6.* & seruetur proprietates verborum: quia quando in
privilegio sunt verba lata, vniuersalia & præcisa, est late in-
terpretandum, *secundum Anton. de Butrio in c. olim de ver.
signif.* & licet materia sit odiosa, non excluditur lata inter-
pretatio, quæ ex proprietate verborum nascitur, ut insinuat
Pan.

Pan. in d. c. olim: ubi ait, quod privilegiū late est interpretandum, ubi verba hoc patiuntur, & quando privilegium concessum personę loquitur simpliciter, intelligitur secundum conditionem personę. Ita c. si placuit, & c. si viua 16. q. 1. & quando constat de mente legis, vel privilegij, debet seruari, secundum Panor. in c. quanto in glo. fin. in dubio requirendum est ad verba. reg. si. de regu. iuris in 6.

5. Regula. Privilegium latissime interpretetur, quantum fieri possit, de donat. c. cum dilectus ff. de consti. princ. l. beneficia nisi præiudicet iuri alieno, quia tunc reducitur ad ius commune. Ita in c. dilectus, de consue. §. pen. & fin. dum tamen aliquid operetur. Ita Innocen. Bernar. Gose. relati à Silu. verb. privilegium.

6. Concl. Alię etiam regulę solent specialiter assignari pro interpretandis privilegijs regularium. Prima regula. Privilegia dubia regularium, dubietate orta ex ambiguitate verborum, & ex iuristarum interpretationem, in favorem regularium sunt intelligenda. Ita concessit Camaldulensibus Leo X. & Iul. I. Congregationi montis Oliveti, vt habetur in Compe. Societatis, ver. privilegia. §. 4. & hæc regula notetur à regularibus pro decisione multorum dubiorum.

7. Concl. Statuta regularium non ita rigorose interpretentur, vt apices iuris seruentur, sed ampliari debent ex bono & æquo. Hoc est secundū naturālē æquitatem, non ad libitum, sed secundū terminos iuris; vt ait Bald. in rub. C. de constit. pecu. quod humanę æquitates in se vim statuti minimē habent; nisi aliquo statuto & consuetudine legitimē præscripta sint munitę, & sic (ait) debent interpretari, quę ad regulares pertinent, non secundū apices iuris, sed ex bono, & æquo secundum terminos iuris naturalis & gentium, & non ad libitum cuiusque.

C A P V T III.

De cessatione privilegij.

S Y M M A R I V M.

An gratia vel privilegium spires morte concedentis? n. 1.
An licentia delegata audiendi confessiones spires mortuo
vel amoto delegante? n. 2.

An licentia eligendi confessoriū spiret morte cōcedētis? n. 3.

An & quomodo Priuilegium cesset per non vsum? n. 4.

An cesset per vsum contrarium? n. 5.

An per reuocationem? n. 6.

Priuilegia regularium reuocata à Leone X. ? n. 7.

Sed postea reuolidata? n. 8.

Priuilegia regularium reuocata à Concil. Trid. ? n. 9.

An in foro conscientia sint reuocata? n. 10.

An Priuilegia regularium suspendantur per Bullam Cruciatā ubi pradicatur? n. 11.

An censura contra Priuilegia religiosorum & eorum benefactōres sint valida? n. 12.

D V B I V M I.

An gratia vel Priuilegiū cōcessum cesset morte concedētis.

Not. quod gratia, aut Priuilegium dupliciter conceditur. *Primo*, absolutē. *Secundo*, cum limitatione, utpote ad beneplacitum concedentis, aut eius dignitatis, vel donec illud reuocet. Item, Priuilegium aut gratia, alia dicitur facta, quæ scilicet perfectē conceditur ei in cuius gratiam datur, & independentē ab eo cui faciēda committitur; alia dicitur gratia faciēda, quando non conceditur absolutē ei in cuius fauorem datur; sed dependentē ab alio cui faciēda committitur; ut si in fauorem certæ personæ, cum qua dispensandum est, committitur alicui potestas dispensandi cum illa.

1. *Concl.* Gratia concessa cum limitatione, utpote ad beneplacitū personæ concedentis, eius amotione spirat; quia voluntas personæ morte petit, & cōsequenter peribit gratia cōcessa, dum ea voluntas durauerit; sicut etiā priuilegiū concessum pro certo tempore, cessat elapso tali tempore; & priuilegium concessum ex certa causa, cessat cessante causa, iuxta c. *Suggestum de decimis*: ubi habetur quod Priuilegium concessum de decimis non soluendis certis monachis cessauit, ex eo quod postea creuerūt monasteria illius ordinis; & concessum fuit ex eo, quod cū à principio essent pauca monasteria illius ordinis, paruum præiudiciū sequebatur, his quibus de iure competeabant. *Ita Panor. cum communi in c. cum accessissent.*

2. *Concl.* Gratia concessa etiā cum limitatione, sed ad beneplacitum sedis, vel dignitatis, scilicet perpetuæ & habentis successorem, non spirat morte concedentis; quia
cum

cum dignitas sit perpetua, eadem reputatur in successore; & sic idem erit de gratia ad eius beneplacitum concessa; Ita in *c. si gratiose. de rescrip. in 6. de quo Sanchez lib. 8. de matrimonio, disp. 28 num. 49. & 59. eo. 3.*

3. Conclusio. Gratia absolute concessa, & est gratia facta, non spirat morte concedentis, etiam re integra, si tamen sit gratia facienda, perit morte concedentis re integra. Secus si res non esset integra, patet ex *c. si cui nulla, de praben. in 6.* Vbi habetur, facultatem alicui concessam concedendi beneficia non spirare obitu concedentis, etiam re integra; secus si detur potestas conferendi personis expressis, non in gratiam & favorem conferentis, sed eorum quibus beneficia conferenda sunt, ea enim facultas spirabit morte concedentis re integra; & glo. dat rationem ex textu deductam; quia in primo casu erat gratia facta & omnino perfecta, nulliusque executione egens respectu eius in cuius favorem concessa est, scilicet respectu collaturi beneficia; at in secundo casu non erat gratia facta, sed facienda. Mandabatur enim fieri in cuius favorem conceditur; & sic habet vim commissionis & mandati, quod perit morte mandantis re integra. Ita colligitur glo. *Anch. Bald. & alij quos refert & sequitur Sanchez n. 64. Rose. & Silu. ver. gratia, & Nau. in manu. cap. 27. num. 253.* & intelligitur primo nisi sit gratia facienda sub nomine dignitatis concedentis, vel ad beneplacitum sedis; tunc enim non perit morte concedentis, etiam re integra, cum sedes illa non moriatur. Secundo, nisi potestas executoris, cui est facta commissio, sit accessoria gratiae iam factae; tunc non spirat morte concedentis re integra; sed sequitur naturam principalis gratiae. Ita in *c. super gratia, de officio deleg. in 6.* de potestate data executori ad exequendam gratiam a Sede Apostolica concessam; & datur ibi dicta ratio; & idem est de executore gratiae ab alijs inferioribus concessae; cum sit eadem ratio. Tercio intelligitur, licet gratia facta tempore mortis concedentis non esset acceptata ab eo cui est facta, non spirat. Sic Doctores quos refert, & sequitur Sanchez, num. 43.

Ex dictis sequitur primo, licentiam delegatam audiendi confessiones non spirare mortuo, vel amoto delegante. Ita *Frede. Ioan. Andre Panoym. & alij quos refert & sequitur Sanchez nu. 80. Anch. Rose. Sil. Armi. Tabie. ver. gratia, & Nau. lib. 5. conf. 1. de privil.* quia licet ista licentia sit data in favorem penitentium, cum non concedatur in favorem

perso-

personarum determinatur, aut ad eius petitionem, reputatur potius gratia facta ipsis sacerdotibus, & in fauorem eorum: Et sic statim ac illis conceditur est perfecte concessa; & à nullius executione dependens; & hac ratione potestas dispensandi cum personis incertis, non spirat morte concedentis: quia cum in gratiam dispensatur sit concessa, est gratia facta, ut in simili casu de potestate conferendi beneficia personis incertis dicitur in *c. si cui nulla de praben. in 6.* Patet etiam ex usu: mortuo enim Episcopo confessores ab eo expositi, audiunt confessiones, sicut antea, donec licentiæ à successore, vel capitulo reuocentur.

Si arguitur: Iurisdicção contentiosa cessat morte delegantis re integra: quia delegatus non habet illam iure proprio, ac in se radicatam, ante eius usum; sed ea est in delegante & censeatur una & eadē cum delegantis potestate quæ cū eius morte spirat, sed idem est in nostro casu, quando tali potestate uti nō ceperat: ergo. *Confir.* Licet iurisdicção Vicarij sit ordinaria, spirat morte Episcopi, ex eo quod ab eo est participata, ergo à fortiori iurisdicção confessorum, cum sint quasi Vicarij Episcopi. *Ad argum. resp.* illam non esse rationem adæquatam, sed supposita dispositione iuris statuentis iurisdictionem delegatam contentiosam spirare morte concedentis re integra; Doctores tradunt illam cōgruentiæ rationem, quæ non est applicanda his, in quibus est contraria iuris dispositio; ut contingit in gratijs iam factis, inter quas computatur licentia audiendi confessiones. *Secundo resp.* quod cum istæ gratiæ à tempore concessionis sint iam omnino factæ, transferunt ex tunc efficaciter potestatem in delegatum. *Ad confir. resp.* Episc. & eius Vic. constituere vnum & idem tribunal; & ita re etiam non integra perire potestatem Vicarij cum morte Episcopi.

Si arguitur secundo, quod cap. *super gratiam, de offi. dele. in 6.* & *c. si cui nulla, de prab. in 6.* agunt de gratijs à Papa concessis; qui ob supremam potestatem potest priuilegia perpetua concedere; non sic autem Episcopus vel alius. Ob hoc, tenet oppositum Palud. in 4. d. 17. q. 4. ar. ult. D. Anton. 3. p. 11. 17 cap. 9. Naua. in su. Hispana, c. 27 n. 264. solum excipit quando nomine dignitatis delegantis concessa esset. *Sed ad hoc respondetur,* idem esse de gratijs concessis à Papæ inferioribus; nec dicti textus inniuntur supremæ potestati Papæ, sed eo quod illæ gratiæ factæ iam sunt, quæ non pereunt morte concedentis; ut enim colligitur ex cap. *si cui nulla, de prab.*

præb. gratia absolute, & sine temporis limitatione concessa, non spirat morte concedentis re integra: si tamen sit gratia facienda, perit morte concedentis re integra: secus si res non esset integra; quæ verificantur de licentijs Episcopi pro audiendis confessionibus, cum in eo gratias factas computentur: eo idem est de licentia data alicui absolvendi à reservatis: Ita Sa. ver. gratia, & Suarez de pœnis. disp. 26. sect. 3. num. 9.

Secundo sequitur, licentiam datam sacerdoti audiendi confessionem pœnitentis determinati, & in illius favorem, spirare morte concedentis re integra, hoc est, quoad confessionem nondum ante mortem inceptam: quia cum ista gratia sit concessa in istius pœnitentis favorem, & nondum perfecta, sed per confessorem exequenda, non habet rationem gratiæ factæ, sed gratiæ faciendæ: quæ morte concedentis re integra spirat.

An vero licentia data à Prelato, vel à valente eam iure ordinario concedere, alicui eligendi confessorem, spirat morte concedentis In hoc Panor. Ange. Silu. Cord. Feli. & alij citati à Sanchez tenent quod sic: at Sanchez in. 74. & 75. tenet non spirare morte concedentis, etiam re integra. Quia (ait) ista facultas non tanquam delegatio, sed tanquam gratia facta reputatur, ut etiam contrarij fatentur; alias, etiamsi esset à Papa concessa, periret; & patet, quia in hoc casu non datur directè facultas confessori, sed pœnitenti, & consequenter confessori electo indirectè; & sic statim ac conceditur, censetur gratia absoluta & perfectè facta respectu pœnitentis cui conceditur.

Si arguitur: Iurisdictio non datur sacerdoti eligendo quousque actu eligatur; at quando eligitur, non potest ei dari iurisdictio ab Episcopo mortuo, nec à pœnitente, qui solet esse laicus, ergo. *Ad hoc resp.* quod datur à concedente licentiam, cuius virtus moraliter manet in privilegio, vel gratia ita concessis; quia concedens istam facultatem ex tunc transfert iurisditionem in alium quantum est ex efficacia voluntatis quam tunc habet, quæ dum non retractatur à concedente, vel successore, sat est absque nova voluntate, & sola applicatio quasi materialis ad talem personam deest, quæ sufficienter fieri potest virtute privilegij permanentis. *Ista est sententia Nau. in cap. placuit num. 162. de pœni. d. 6. Man. Rod. in qq. reg. tom. 2. q. 46. a. 8. Enr. lib. 7 de indul. c. 22. n. 9. Suarez de pœnis. d. sp. 27. sect. 4. numer. 8. & 9. Sa. ver. gratia,*

gratia, num. 4. et alij quos refert Sanch. loc. cit.

Tertio sequitur, licentiam celebrandi in priuato oratorio concessam ab Episcopo non spirare eius morte; cum sit gratia facta. *Ita Nau. ex decis. Rota. in c. placuit. n. 163. de pœni. d. 6.* & idem est de licentia faciendi alias vetita; vt comedendi carnes, non ieiunandi, aut prædicandi. *Istæ enim sunt gratiæ factæ. Ita Nau. lib. 5. conf. 6. de primi.* Item non spirat facultas dispensandi cum personis incertis & indeterminatis; quia cum in gratiam dispensaturi sit concessa, censetur gratia facta, vt in simili de potestate conferendi beneficia personis incertis statuitur in *ca. si cui nulla, de præb. in 6.* cum enim hæc non sit potestas ad iurisdictionem contentiosam exercendam, numeratur inter gratias factas. *Ita Fred. Ioan. And. Panor. Feli. et alij quos refert et sequitur Sanch. n. 80. Ange. Ros. Sil. Armi. Tabia. ver. gra. et Nau. in Man. c. 27. n. 2; 3.* Idem etiam dicendum de licentia testandi concessa Episcopo monacho, est enim gratia facta. *Ita Cou. Nau. Enri. Gutie. et alij quos refert et sequitur Sanch. n. 82.* & ob eandem rationem, idem dic de dimissorijs ad ordines concessis ab Episcopo, capitulo, vel Prælati religionum. *Ita Doctores cit. et Led. c. 8. de ordi.* Item, licentiæ ad omnia concessæ à quouis superiore absolute, & non ad certum vsum temporaneum, vel ad certum tempus, sunt perpetuæ dum à concedente successore vel superiore non reuocantur, cum sint gratiæ factæ. *Ita Panor. Card. et alij quos refert et sequitur Sanch. n. 85.*

Et intellige prædicta stando in iure communi, & seclusis peculiaribus statutis alicuius status, aut religionis, quæ semper erunt seruanda, sicut in religione Seraphica inter acta c. generalis Toleti celebrati an. 1583. c. 6. §. *de casibus reſeruatis*, habetur, quod gratia alicui à Generali, vel Prouinciali concessa pro absoluendo à casibus reſeruatis, non spitat mortuo concedente, si alius eius loco non sit electus itaque secundum hoc quando alius concedentis loco sit electus, spirat.

D V B I V M II.

4

An priuilegium cesset per non vsum.

1. Concl. Priuilegium concessum Ecclesiæ, cessat per non vsum quadraginta annorum, secundum *Innoc. 3 in ca. accedentibus, de primi.* Et contra Ecclesiam Romanam est necessaria præscriptio, seu non vsum centum annorum.

2. Conc. Contra monasteria, loca, personas, vel alia bona reli.

religiosorum, non currit præscriptio non vsus nisi post 60. annos. Ita concessit Benedictinis *Eng. IV. Bul. 7. imo Bul. 17.* concedit Benedictinis Romæ, quod sicut contra Romanam Ecclesiam, non nisi centenaria currat præscriptio. Ita dicto monasterio minoris temporis præscriptio non obstat. Et iam hoc priuilegium est ad totum ordinem extensum, ac alijs ordinibus communicatum, iuxta dicenda ca. 4.

3. Conc. Priuilegium concessum personæ priuatz, cessat per non vsum decem annorum: *iuxta l. 1. de nundinis, & Bald. in l. omnes populi. ff. de iurisd. Armi. ver. priuileg.* & idem tenet Bart. cum communi, de priuilegio concessio communitati, in cap. *cum accessissent*, secluso scilicet priuilegio circa hoc stando in iure communi.

4. Conclu. Vt currat dicta præscriptio, requiritur *Primo*, quod habeatur noticia talis priuilegij, & voluntas non vtendi illo. *Secundo*, quod occurrat casus de quo loquitur priuilegium infra tempus talis præscriptionis: alias si non occurrat, non amittitur priuilegium.

5. Concluf. Non potest Prouincialis renunciare priuilegio concessio. *Ita Sil. & Armi. ver. exemptio;* & patet ex cap. *cum tempore, de arbi.* vbi dicitur, exemptū non posse renunciare, quando scilicet cedit, non tantum in suum fauorem, sed etiam in fauorem aliorum; & constit. ordinis Prædicatorum d. 1. c. 18. imponitur pœna grauioris culpæ renuntianti alicui priuilegio ordini concessio, sine assensu capituli generalis; & ibi dicitur, quod renunciatio sine tali licentia facta est nulla.

6. Conc. Quādo Papa cōfirmat aliqua priuilegia hoc tenore, scilicet, *quatenus sunt in usu*, hoc est, quæ adhuc sunt in vsu, per ista verba fit, quod si sint aliqui anni transacti pro præscriptione cōtra talia priuilegia, incipiant de nouo priuilegia ex instāti talis cōfirmationis; ac si tūc de nouo cōcederentur, & sic anni trāsacti nil defetuiūt præscriptioni. *Ita Cord. in add. ad comp. ti absolutio, quo ad seculares, 2. vers. quod d. §. 15.* Itē si in cōfirmatione priuilegiorū addantur ista verba, scilicet, *de nouo concedimus*; intelligitur de priuilegijs alias non reuocatis; Ita declarat Iul. II. Bul. 9. nisi alias addātur ista verba, scil. *nō obstatibus renocationibus Apostolicis*; tūc enim per ista verba viuificātur & de nouo cōcedūtur, etiā priuilegia reuocata. *Ita Cord. et Panor. in c. cū super. de can. pos. et propr. et Ros. sit. absolutio l. §. 121. 122. & multi Doctores Salmantini ita determinarunt, vt testatur Rodrig. in questionibus regul.*

regul.tom.1.q.8.art.2. alias illa verba, non obstantibus reuocationibus Apostolicis, &c. nil operarentur: cum tamen verba posita in litteris Apostolicis, aliquid debeant operari.

D V B I V M III.

An priuilegium cesset per vsum contrarium.

5

i. Conclusio. Stando in iure communi priuilegium cessat vnico actu contrario directè factò ab habente potestatem renuntiandi priuilegio; sic enim censetur ille renuntiare, nisi alias fiat protestatio in contrarium, iuxta doctrinam Bartol. communiter receptam, in l.1.C.de his qui spon. Et intelligitur conclusio, *Primo*, de priuilegio habente actum momentaneum, sicut in casu cap. *cum accessissent, de const.* Si u. alicui Ecclesiæ conceditur, non habere primicerium, & canonici contraueniunt huic priuilegio, eligendo etiam semel primicerium, amittitur illud priuilegium. Non tamen intelligitur conclusio de priuilegio habente actum successiuum; vt si conceditur alicui priuilegium non soluendi decimas, aut alia tributa, semel illa soluendo, etiam sine protestatione, non amittitur priuilegium. Ita Bart. in l. fin. infra de const. principum, & Alexand. conf. 193. qui citat Bossum in pract. crim. ti. de princ. & prin. n. 320. Vbi etiam aduertit, quod siue priuilegium consistat in faciendo, siue in non faciendo, non amittitur quando potest capi alia coniectura, quam coniectura renuntiationis priuileg. j, secundum glo. communiter receptā in c. *cum illorum de prob. Secundo*, intelligitur conclusio de priuilegio concesso personæ priuatæ, non de concesso communitati, aut Ecclesiæ. Ita Arm. verb. priuileg. ex gl. in c. *cum accessissent. Et si obijcias* quòd decisio istius cap. *cum accessissent*, procedit de priuilegio non eligendi primicerium concesso canonicis Ecclesiæ Tulingensis; quod tamen ibi decernitur amitti per vnā contrauentionem; *Ad hoc respondeatur*, quod hoc priuilegium non est datum fauore Ecclesiæ, sed fauore & intuitu personarum, & sic amittitur vna contrauentione. Ita habetur ibi in glo.

2. Conclusio. Priuilegia religiosorum non amittuntur per vnā, aut plures contrauentiones. Ita concessit Benedictinis *Eng. 4. Bul. 9.* & Celestinis *Bul. 11,*

D V B I V M IV.

An priuilegia cessent per reuocationem.

1. Conclusio affirmatiua & omnibus certa. *Nota* tamen, quod quando gratia seu priuilegium concessum reuocatur, non spirat ante certificationem de reuocatione; nisi quando Papa velit expresse statim non valere. *Ita Siluester ver. gratia, & Gemini, ca. 1. de concessione præben. in 6. & iuxta dicta cap. 1. dub. 3. Secundo not.* quod gratia iam facta, seu dispensatio, aut priuilegium non tollitur per legem contrariam sequentem; etiamsi effectus pendeat à futuro euentu, sicut forma data pro testamentis faciendis non comprehendit testamenta iam facta, licet nondum sint sortita effectum. Præterea enim perfecte acta non tolluntur per dispositionem sequentem, etiamsi effectus eorum pendeat à futuro euentu. *Ita Nauarra. lib. 4. conf. 1. si quis filij sunt legi. cum Panor. Imola Feli. & Bart.*

2. Concl. Priuilegia regularium non reuocantur per generalem reuocationem omnium priuilegiorum; quia cum ista ob merita concedantur, non reuocantur, licet in reuocationibus verba generalia & geminata ponantur. *Ita Mando. in regula Cance. 3. q. 8. nu. 6. Secundo Leo 10. inter viua ora n. 19.* concessit Minoribus die 15 April. anni 1516. quod per reuocationem omnium priuilegiorum etiam mendicantium, non intelligantur reuocata, vel suspensa priuilegia, indulta, vel gratiæ Minorum; nisi de illis fiat expressa mentio specificè & nominatim, & ista concessio saltem quoad illa verba, *specificè, & nominatim*, tantum verificatur respectu renocationum priuilegiorum mendicantium ab eodem Leone promulgatarum, non respectu Pontificum successorum; iuxta modo dicenda.

3. Conclusio. Ad hoc quod regularium priuilegia reuocentur, non est necesse, quod illorum fiat expressa mentio de verbo ad verbum, licet hoc in eorum concessionibus aliquando postuletur. Sæpe enim quod eorum fiat mentio sub quauis forma generali; & iste est stylus Curie, nec in vllis fere reuocationibus priores litteræ inseruntur. Nisi forte aliquando ad abundantiorẽ cautelam; alias si hoc esset necessarium, manus Pontificum essent ligatæ ad reuocandum concessa à suis prædecessoribus; cum sit moraliter impossibile omnia scire; ad

ad hoc, quod in litteris reuocatorijs priores litterarū inferantur. Ita Armi. ver. priuilegium. Et idem ait de testamentis reuocantibus aliqua ex prioribus testamentis.

D V B I V M I I I.

7 *An priuilegia regularium reuocata à Leone X. sint postea reuoludata.*

1. Conclusio. *Leo X.* in Con Latera. anno 1516. die 19. Decemb. (& refertur à Rod. in compen. Bul. 45. inter Bullas Leonis.) reuocat aliqua priuilegia regularibus antea concessa.

Primò, Alex. 4. Bul. 25. concesserat, quod pacta & conuentiones factæ in præiudicium ordinum & suorum priuilegiortum, cum Prælati, Rectoribus & clericis Ecclesiarum, aut cum alijs; sint irritæ sine licentia Generalis vel Prouincialis factæ; aut nisi acceptentur à Generali, aut à capitulo generali. Ita etiam concessit *Honorius 4. Bul. 1.* & licet hoc sit postea reuocatum à *Benif. 8.* tamen post hæc *Iul. 2. Bul. 26.* declarat nullas esse transactiones & concordias super funeralibus & quartis, etiam si fiant cum licentia Prouincialis, vel Vicarij generalis, sine consensu generalis, vel capituli generalis, aut sine confirmatione eorundem. Sed in Bul. 45. prædicta *Leo 10.* statuitur, pacta & conuentiones factas inter Curias & Prælatos & regulares valere: nisi per sequens capitulum generale, vel prouinciale refutentur, & talis refutatio sit debito tempore intimata.

Secundò, statuitur Presbyteros seculares posse in Ecclesijs regularium deuotionis causa celebrare, & quod regulares libenter eos recipiant.

Tertiò, quod religiosi non intrent processionaliter cum Cruce in alienas parochias ad leuanda corpora defunctorum in suis vbi domibus sepelienda: nisi vbi de hoc sit consuetudo, vel nisi clerici requisiti ad deferendum corpus id facere recusent, vt etiam concesserat *Sixs. 4.* inter viua orac.

Quartò, quod non possint religiosi absoluerè laicos & clericos à sententijs ab homine latis: sed de hoc c. 7. d. 1.

Quintò, quod religiosi ordinandi possint per ordinarios examinari, & per eosdem si competenter respondeant libere admitti, ac in eorum domibus ab alio, quam à diocesano Episcopo, (nisi ipso, aut eius Vicario super hoc cum debita iuitantia

instantia requisito, & sine causa rationabili contradicente, vel eo à diœcesi absente) ad dictos ordines promoucantur, sed de hoc c. 8. dub. 1.

Sextò, quod Ecclesiæ, aut altaria religiosorum consecrentur & benedicantur ab Episcopo diœcesano: nisi bis, vel ter requisitus cum debita reuerentia, & instantia venire recuset: & sic manet reuocata Bul. 1. *Urbana*. 2. & Bu. 5. *Innocen.* 8. concessa Abbati Cisterc. & communicata à *Greg.* 14. Bu. 3. alijs Abbatibus dicti ordinis, quibus poterant prælati regulares Ecclesiam, altaria, etiam de nouo constructa, translata, restaurata, aut mutata chrismate facto ab aliquo antistite Catholico recepto consecrare: de quo cap. 5. dub. 9.

Septimò, quod non possint religiosi sine consensu curatorum sponso benedicere.

Octauò, quod religiosi sub pœna centum ducatorum, non pulsent campanas in Sabbato sancto: antequam campana Cathedralis, vel Matricis Ecclesiæ pulsetur: & nomine Matricis Ecclesiæ, intelligitur Ecclesia Cathedralis, vt habetur in ca. *venerabilis de verb. signifi.*

Nonò, quod religiosi moneant seculares, vt soluât decimas.

Decimò, quod conseruatores religiosorum sint in dignitate Ecclesiastica constituti, nec vllum reum trahant ultra duas dietas à loco suæ solitæ habitationis, sed de hoc dicemus, c. 10. dub. 1. & 3.

Vndecimò, quod excommunicati ob aliquod interesse, Ordinem Mendicantium intrare volentes, non possint absolui, nisi præuia satisfactione; procuratores etiam, operarij, & famuli religiosorum subsint sententijs excommunicationis Episcoporum, sed de hoc ca. 5. dub. 4.

Duodecimo, quod fratres & sorores tertij Ordinis, mantellati, corregiati, pinchochere Cordelati, & alij quouis nomine nuncupati, in proprijs domibus habitantes; non gaudeant priuilegijs collegialiter viuentium, & castitatem vouentium. Et post hæc idem *Leo X. Bu.* 44. apud Manu. Rod. quæ est posterior quam dicta bulla 45. vt patet ex eorum datis, ista declarat sic, quod dicti fratres & sorores, licet possint eligere sepulturam ubi velint, tenentur tamen Eucharistiam in Paschate, extremam Vnctionem, ac alia sacramenta præter pœnitentiam, à proprio sacerdotio recipere. Et tenentur ad alia onera laicorum, nec sunt admittendi ad diuina, quando interdicto causam, vel dantibus causam, dede-

runt auxilium, consilium, aut fauorem: ac collegialiter viuētes, ac mulieres virginalem, seu cælibem, aut castam vidualem expresso voto etiam simplici, vt ibi declaratur, & sub dicto habitu vitam ducentes, priuilegijs quibus fratres ordinis, cuius tertiæ regulæ habitum gestant, gaudere debent; prout in Conc. Late. continetur, etiam si habitent in proprijs, vel consanguineorum domibus.

Vltimò, in dicta Bul. 44. statuuntur alia quæ postea in Concil. Trid. iterum renouantur: vt dicemus dub. 6. *Primo*, quod Episcopi possunt visitare Ecclesias parochiales monasterijs vnitas. *Secundò*, quod religiosi à Prælatiis requisiti vadant ad processiones solemnes. *Tersò*, qualiter religiosi debeant ordinarijs præsentari, pro confessionibus sæcularium audiendis. *Quarto*, quod suis tantum famulis dum durant in eorum obsequio (cum limitatione dicenda dub. 6.) possunt viaticum, penitentiam, extremam unctionem ministrare. *Quinto*, quod teneantur publicare & seruare in suis Ecclesijs, censuras ab ordinario in eius Ecclesijs promulgatas; quando ab eisdem ordinarijs sint requisiti. Prædicta omnia statuuntur in dicta 8 Bulla reuocando contraria priuilegia religiosorum. *Et de istis dubitatur, an adhuc modo sint renouata*: & non procedit dubium de modo numeratis in Conc. Trid. reuocatis: de his enim, ac de alijs ibi reuocatis dicitur dubio sequenti, sed de solis reuocatis, aut moderatis in dicta Bulla 45.

2. Conclusio. Aliqua ex priuilegijs in dicta Bulla reuocatis sunt postea à Pontificibus successoribus iterum religionibus concessa in toto, vel in parte, vt notabimus in suis locis. s

3. Conclusio. Probabilissimum puto esse iam reualidata priuilegia à Leone X. in Bulla 45. prædicta reuocata: & ad hoc moueor non propter rationes Man. Rod. quibus in qq. reg. to. 1. q. 8. tenet & probat istam sententiam, sed ex eo, quod multi Pontifices post Leonem diuersorum ordinum priuilegia confirmarunt, excipiendo tantum quæ per non usum sunt reuocata, & quæ sunt contraria decretis Conc. Trid. ac sacris Canonibus, eiusdem scilicet Concil. Trid. cum in illo decreta & canones contineantur. Sic confirmat Greg. 13. Bul. 1. priuilegia Minorum. Eodem etiam tenore confirmat idem Greg. Bul. 20. priuilegia Cisterciensium; & Bul. 13. priuilegia sancti Hieronymi, Iesuatarum; & Bulla 14. priuilegia Militiæ sancti Ioannis; & Bul. 15. priuilegia Præmonstratensium; & sic

sic de alijs; & excipiendo tantum quæ non sunt in usu & quæ sunt tantum contra Concil. Trident. firmat magis nostram conclusionem. Nec valet dicere, quod dicta priuilegia erant reuocata saltem per non usum: quia ad istam reuocationem per non usum, vt constat ex dubio tertio, est necessarius non usus centum annorum; quos certum est, non transisse à reuocatione Leonis vsque ad primam confirmationem dictorum priuilegiorum; imo nec sexaginta. Item, per hoc quod Conc. Trid. reuocat aliqua ex priuilegijs reuocatis in dicta Bulla *Leo. X.* virtualiter insinuat, & vult alia non esse reuocata, sed in suo robore permanere, sicut ex eo, quod apponendo *Pius V.* in suo proprio motu de censibus aliquas condiciones ex appositis à *Martino V.* & *Calisto 3.* in suis decretis de censibus & omittendo alias, colligunt Theologi istas condiciones omittas à *Pio V.* non esse iam necessarias pro censibus.

Tandem ista conclusio efficacius comprobatur, tum ex quadam Bulla *Paul. V.* quæ incipit; *Ad perpetuam rei memoriam*, data Romæ, 1. die Decemb. Anni 1609. vbi confirmat & innouat, tam pro foro conscientie, quam pro foro externo, omnes gratias, indulgentias, priuilegia, &c. Minoribus etiam per communicationem cum alijs ordinibus concessa: ac etiam à *Clem. 8.* ex certa scientia antea confirmata, non excipiendo priuilegia, quæ non sunt in usu, sed illa tantum quæ aduersantur decretis Concil. Trident. & saluis etiam decretis ab eodem *Clem. 8.* concessis in fauorem Fratrum Reformatorum. Tum etiam adhuc fortius ostenditur conclusio ex quibusdam litteris monitorialibus Auditoris Cameræ Apostolicæ, ad fauorem & pro mutatione priuilegiorum ordinis Prædicatorum, incipientibus: *Ioannes Dominicus Spinula*, datis Romæ die 12. Oct. anni 1612. Vbi fidem facit *Paulum 5.* ad instantiam procuratoris generalis dicti ordinis manutenere, & velle in suo robore manere omnia Priuilegia, quomodolibet à prædecessoribus etiam per viam communicationis dicto ordini concessa; & præcipit ordinarijs, & omnibus alijs sub grauissimis censuris, excommunicatione, suspensione, &c. ne eos impediant quominus eisdem priuilegijs, gratijs, immunitatibus & exceptionibus uti valeant: & signanter manutenet priuilegium *Iulij*, die decima *Iulij* an. 1551. in quo amplissimam facit communicationem ordini Prædicatorum priuilegiorum omnium ordinum. Et specialiter communicat dicto ordini, omnia priuilegia con-

gregationi Sanct. Mariæ Fulienſis conceſſa, in quibus inter alia ab ordinario eximuntur, & immediatè Sedi Apoſtolicæ ſubduntur, & à decimarum talium & exactionum aliarum ſolutione liberantur. Item tollitur ab omnibus facultas interpretandi illorum privilegia, & ſoli Papæ iſtorum interpretatio reſervatur. Deinde præcipitur ne quis per ſe, vel per alios audeat iſtos Religioſos, Conventus, Eccleſias, domos contra formam dictarum literarum Apoſtolicarum moleſtare, vexare, vel perturbare, aut in eos aliquam iuriſdictionem vlllo prætextu exercere, viſitare, punire, corrigere, ſeu emendare aut de redditibus & bonis Conventus Fratrum & Monialium, aut receptis, & expoſitis eorundem aliquam exigere rationem, &c. Hæc & alia communicat *Pau. 5.* in iſta bulla Ordini Prædicatorum; & tam iſta quam omnia alia ab alijs Pontificibus conceſſa, ſine exceptione aliqua vult in ſuo robore permanere. *Vbi nota* quòd licet in hac bulla, ſicut nec in Bul. 26. Greg. 13. ubi privilegia Societ. Ieſu confirmantur, non excipiantur privilegia contraria Conc. Trid. tamen ex ſtylo Curia Romanæ ſæpè iſta privilegia intelliguntur excepta; vt teſtantur Naua, & alij curiales.

D V B I V M V I.

9 *An privilegia Regularium à Conc. Triden. reuocata adhuc ſint etiam pro foro conſcientia reuocata.*

1. Concl. In Concil. Trid. multa decreta ſtatuuntur, expreſſè reuocando privilegia regulatium contraria dictis decretis. *Primo*, in ſe. 5. c. 2. de ref. præcipitur religioſis ne prædicent, etiam in ſuis Eccleſijs, ſine ſuorum Superiorum approbatione, & cum iſta approbatione Epifcopo ſe præſentent, & ab eo benedictionem petant. Et quod in Eccleſijs quæ non ſunt ſuorum ordinum, non prædicent ſine Epifcopi licentia, nec in Eccleſijs ſuorum Ordinum prædicent contradicente Epifcopo; ſed de hoc dixi lib. 1. c. 7. du. 2. *Secundo* ibidem dicitur, quod ſi Prædicator quis errores. vel ſcandala diſſeminet, etiã in ſuo monaſterio, Epifcopus ei prædicationem interdicit; & ſi hæreſes prædicet, ſecundum iuris diſpoſitionem, aut loci conſtitutionem procedat, licet Prædicator ipſe generali, vel ſpeciali privilegio, exemptum ſe eſſe prætendat.

Tertio, in ſ. 14. c. 11 dicitur, quod nullus ſuperior regularium, etiam vigore cuiusvis facultatis, religioſum alterius Ordinis

clinis ad habitum; vel promissionem admittat; nisi in ordine ad quem transfertur sub obedientia Superioris in claustro perpetuo viuat. Et sic translatus etiam si sit canonicus regularis, ad beneficia etiam curata incapax existat.

Quarto in sc. 22. decreto de obserua. in Missa præcipitur Episcopis; vel alijs ordinarijs, ne patiantur Missam celebrari, etiam à regularibus in domibus priuatis; atque omnino extra Ecclesiam, & ad diuinum tantum cultum dedicata oratoria ab eisdem ordinarijs designanda, & visitanda, sed de hoc dicitur c. 5. dub. 7.

Quinto, in sc. 23. c. 10. dicitur quod non liceat abbatibus, aut alijs quantumuis exemptis infra fines alterius diœcesis; vel subditis alterius, sed tantum suis regularibus tonsuram, & Ordines Minores conferre.

Sexto, ibi cap. 12. dicitur, quod nullus ad subdiaconatum ante vigesimum secundum ætatis annum, nec ad diaconatum ante 23. nec ad Presbyteratum ante 25. promoueatur; etiam si sint regulares; nec sine diligenti examine ordinentur isti, non obstante quouis priuilegio.

Septimo, ibi c. 13. dicitur quod nemini etiam regulari, duo sacri ordines eodem die conferantur.

Octauo, ibi c. 25. dicitur quod nullus etiam regularis audiat confessiones sæcularium etiam sacerdotum; nisi sit parochus; vel ab Episcopo per examen si ei videatur, vel alias idoneus iudicetur. Et approbationem quæ gratis detur obtineat; & in omnibus prædictis expressè reuocantur regularium priuilegia, vt ibi patet.

Nono in sc. 25. multa præcipiuntur regularibus reuocando eorum priuilegia in contrarium. *Primo*, in 2. dicitur quod religiosi non habeant bona immobilia; imò nec mobilia, vt propria, vel nomine conuentus, sed conuentui incorporentur, & superiori tradantur, sed de hoc dixi lib. 1. c. 3. dub. 2. *Secundo*, in c. 3. præcipitur, quod non fundentur Conuentus sine Episcopi licentia obtenta, sed de hoc c. 9. dub. 1. *Tertio*, in c. 5. vetatur egressus Monialium à Conuentu; & ingressus ad eas, de quo dixi, l. 1. c. 5. dub. 2. & 2. *Quarto*, in c. 6. ponitur modus seruandus in electionibus, scilicet per vota secreta; & nõ supplendo absentium voces. *Quinto*, in c. 7. ponitur modus seruandus in electione prælatæ Monialiũ, scilicet quod eligatur non minor annis quadraginta; & quæ octo annis post professionem expressam laudabiliter vixerit; & si nulla talis in Conuentu re-

V u 3 peritur,

peritur, ex alio Conuentu eiusdem ordinis eligi potest. Et si hoc incommodum præfidenti electioni videatur, ex his quæ ibi annum trigefimum excefferint, & quinque saltē annis post professionem rectē vixerint; Episcopo, vel alio, superiore scilicet monialiū consentiente eligatur; & quod præfident electioni, claustra monasterij non intret, sed ante cancellorū fenestellam vota singularium audiat, vel accipiat; sed de hoc dixi l. 1. c. 5. dub. 1. *Sexto*, in c. 10. dicitur, quod Eucharistia intra chorum, vel intra septa monasterij monialium, & non in publica Ecclesia minime seruetur, non obstante quouis privilegio. *Septimo* in c. 11. dicitur, quod in monasterijs habentibus curam animarum, præter eas quæ sunt de eorum familia, regulares & sæculares istam curam exercentes subsint immediate in pertinentibus ad istam curam & sacramentorum administrationem, iurisdictioni, visitationi & correctioni Episcopi in cuius diocesi sunt sita; nec ibi aliqui etiam ad nutum amouibiles deputentur, nisi de consensu Episcopi & præuio examine per eum, aut eius Vicarium faciendo: excepto monasterio Cluniacensi cum suis limitibus; & exceptis monasterijs in quibus capita ordinum sedem ordinariam principalem habent; & exceptis monasterijs vbi Prælati regulares Episcopalem & tēporalem iurisdictionem in parochos, ac parochianos exercent; saluo tamen Episcoporum iure, qui maiorem in dicta loca, vel personas exercent iurisdictionem. *Vbi not.* 1. non posse Episcopos visitare sacristias, paramenta, vasa sacra, altaria, Eucharistiam in Ecclesijs regularium, quibus non incumbit cura animarum sæcularium. Ita declarauit Congregatio Cardi. in tempore *Clem.* 8. vt refert Rod. in compendio. *Secundo not.* quod religiosi & Vicarij etiam sæculares Ecclesiarum monasterijs vniatarum, in vacatione istarum Ecclesiarum non sint vocandi ad concursum per edicta iuxta Concil. Trid. sed præsentati à Prælati religiosorum approbentur ab ordinarij. Ita concedit *Sixtus 5. bu.* 22. & in *bu.* 24. concedit, quod isti Vicarij, seu parochi sint ad nutum amouibiles per monachos, & taxato eis seruientibus salario decenti, reliqui fructus monasterio cedant. *Octauo*, in cap. 12. dicitur quod censuræ & interdicta etiam ordinariorum mandante Episcopo, à regularibus in eorum Ecclesijs & publicentur & seruentur, & dies festi ab Episcopo præcepti seruentur, etiam à regularibus. *Nono*, in cap. 13. dicitur, quod Episcopus a motu omni appellatione componat regularium controuersias, etiam

etiam circa præcedentiam in processionibus exortas, & quod exempti omnes, tam clerici sæculares, quam regulares & monachi, ad publicas processiones vocati accedere compellantur: his tantum exceptis qui in strictiori clausura perpetuo viuunt: & exceptis etiam illis qui distant à ciuitate per dimidium milliare, vt declarauit Congregatio Card. in tempore Clem. 8. vt refert Manu. Rod. in compendio.

Decimo, in c. 14. dicitur, quod regulares extra claustra monasterij ita notorie delinquentes, quod populum scandalizet, instante Episcopo à superiore intra tempus ab Episcopo taxatum seuerè puniantur; ac de punitione Episcopum certiores faciat: sin minus à suo superiore ab officio priuetur, & reus ab Episcopo puniri possit.

Vndecimo, in cap. 15. dicitur, quod professio regularium vtriusque sexus non fiat ante decimum sextum annum expletum: & nisi habitu suscepto per annum in probatione steterint alias professio sit nulla.

Duodecimo, dicitur in c. 16. quod renuntiatio nouitij vt valeat, fiat de licentia Episcopi, aut eius Vicarij: & infra duos menses proximos ante professionem; ac non aliter suum effectum sortiatur, nisi professione secuta: nec ante professionem præter victum & vestitum aliquid à parentibus, propinquis, vel curatoribus ex bonis nouitij monasterio detur: ne sic discedere nequeat, quia monasterium totam, aut maiorem partem suæ substantiæ possideat: nec faciliè si discedat recuperare possit. Et sub anathemate præcipitur dantibus & accipiētibus, ne hoc vlllo modo fiat. Et quod abeuntibus ante professionem omnia sua restituantur, & ad hoc per censuras si opus sit ab Episcopo compellantur, sed de hoc dixi lib. 1. c. 8. dub. 3.

Decimotertio, in cap. 19. præcipitur regularibus ne transeant ad laxiorem religionem: nec possit alicui concedi licentia ferendi occultè habitum sui ordinis, de quo dixi lib. 1. cap. 7. dub. 4. & statim in cap. 22. subditur, Hæc omnia & singula in superioribus decretis contenta præcepit sancta Synodus obseruari in omnibus Cœnobijs, monasterijs, collegijs, &c. non obstantibus eorum priuilegijs, &c. Vbi illa verba, in superioribus decretis contenta, loquuntur de decretis istius sessionis, non de alijs aliarum sessionum: & sic priuilegia decretis istius sessionis contraria tantum reuocantur in illis verbis, *non obstantibus eorum priuilegijs*. Ita Rod. in qq. æg. to. 1. q. 8. art. 6.

Decimo 4. in se. 25. cap. de refor. vetantur locationes bonorum Ecclesie anticipatis solutionibus in damnum successorum.

Decimo quinto ibi c. 23. statuitur de quarta funerali soluenda Cathedralibus & Parochialibus Ecclesijs, quæ solita est persolui ante annos quadraginta, sed de hoc dicitur latius infra c. 9. dub. 5. In prædictis ergo decretis expressè reuocantur regularium privilegia. Et ista tantum privilegia sic reuocata censentur contraria Conc. Trid. de quibus fit sermo quoties in confirmatione privilegiorum regularium, excipiuntur privilegia contraria Conc. Tridentini. Ita sentiunt multi sapientissimi quos refert & sequitur Rod. in qq. reg. tom. i. qu. 8. artic. 6.

Ex hoc sequitur, quod licet in eodem Con. Trid. se. 23. c. 1. de refor. statnatur; quod ordines celebrentur temporibus à iure statutis: quia tamen ibi non reuocantur regularium privilegia, quæ habent circa hoc, possunt religiosi iuxta illa ordinari extra tempora statuta pro ordinibus celebrandis; & ita declaratum est à Congregatio. Card. in tempore Greg. 13. de quo Rod. in compen. Nec ista & similia privilegia censentur contraria illi decreto, nec per illud reuocari. cum lex generalis non renocet privilegium paucorum, quando de illò saltem in generali non fit expressa reuocatio iuxta dicenda c. 6. dub. 1. & ita tenent multi sapientissimi Theologi & Iuristæ, quos refert & sequitur Rod. quam sententiam, ait, secutus quidam Episcopus ordinauit extra tempora quosdam religiosos.

Secundo sequitur, quod licet in sess. 24. cap. 3. de reformatio statuatur; quod non subdiaconus voce careat in cap. quia tantum ibi non reuocantur privilegia religiosorum, nec eorum statuta, aut consuetudines, possunt religiosi, si circa hoc habent privilegium, vocem abere prædictam, etiam non subdiaconi; & ita declarauit Congregatio Card. fratri Gaspari Paraselo generali Minimorum, anno 1573. quod scilicet Concilium non contrariatur constitutionibus regularium; si in aliquo ordine non subdiaconi de consuetudine, constitutione, vel privilegio ad actus capitulares admittantur.

- 10 Dubium ergo præsens procedit de privilegijs modo explicato contrarijs Concilio Tridentino, an per illud sint adhuc etiam in foro conscientie reuocata; unde ad hoc fit.

I. CONCLUSIO.

Prædicta privilegia saltem pro foro externo, sunt adhuc reuocata in dictis decretis, & clarius in Bulla Paul. IV. quæ incipit, *In Principis Apostolorum sede*. Secundò, quia quoties Pontifices post Conc. Trident. confirmant privilegia regularium, addunt expressè, *Dum tamen non sint contra Conc. Trid.* Ita confirmant privilegia Minorum Greg. XIII. Bul. 1. et Clem. IV. Bul. 9. sic confirmat privilegia Hieronymianorum & Bul. 20. privilegia Præmonstratensium, & Bul. 21. & 22. privilegia Benedictinorum. Eisdem de alijs confirmationibus, una excepta confirmatione Greg. 13. Bul. 26. privilegiorum Societatis Iesu, de qua dixi dubio quinto. Nec obstat, quod Pius V. Bulla 7 quæ incipit: *Et si mendicantiùm ordines*, multa concedit religiosis ex privilegijs in Conc. Trid. reuocatis: quia postea Greg. 13. in Bul. 38 quæ incipit: *In tantâ rerum, et negotiorum mole*, statuit de prædictis, & alijs literis Pij V. de eisdem rebus pro quorumlibet regularium ordinibus editis: eam dispositionem, ac decisionem haberi de cætero, quæ siue ex iure veteri, siue ex sacris decretis Concil. Trid. siue alias legitime ante editionem dictarum literarum erat: ac si ipsæ non emanassent, ad quam dispositionem illa omnia reducit.

II. CONCLUSIO.

Certissimum puto non posse religiosos vti etiam in foro conscientie privilegijs modo explicato contrarijs Conc. Trident. Ista conclusio est contra Man. Rodr. in qq. reg. to. 1. qu. 8. art. 9. vbi suam sententiam probat ex quodâ viuz vocis oraculo Pij V. vbi Pius V. confirmat privilegia Minorum pro foro conscientie, & consequenter aliorum religiosorum: etiam illa, quæ sunt contra Conc. Trid. Nec ista concessio (ait Manuel) tetuocatur à Greg. 13. loco cit. quia ibi (ait) tantum reuocantur literæ & constitutiones concessæ mendicantibus contrariæ Concil. Trid. ex quibus perturbatio inter Episcopos & religiosos solet oriri: at ex istorum privilegiorum usu in foro tantum conscientie, nulla perturbatio oriri potest.

Secundò probat, quia in dicta Bulla Greg. non reuocantur (ait) viuz vocis oracula, etiam contra Concil. Trident.
con-

concessa: sed solæ litteræ & constitutiones: ergo possunt religiosi in virtute viuæ vocis oraculi Pij prædicti, vti priuilegijs sibi concessis, etiam contrarijs Conc. Trid.

Sed istæ rationes nihil conuincunt; quia vt ait Lud. Lop. in *sum. 1. p. cap. 8. de Bul. Greg. XIII. in sua Bulla* non tantum reuocat priuilegia scripta, & literas, sed etiam reliqua indulta, etiam sine literis expedita: dum dicitur, *quin etiam abrogamus omnia irritantia, & alia decreta, & quacumque alia nostris statutis, ordinationi & reductioni contraria*: ecce quomodo abrogantur quæcumque alia, &c. vbi per ista verba satis intelligitur reuocatum illud viuæ vocis oraculi.

Secundo, quia Greg. XIII. in dicta bulla etiam meminit confessionum audiendarum, pœnitentiarum iniungendarum & religiosi: quæ pertinent ad forum conscientiæ. Et etiam, quia non sunt ista ita secrete, quin factum in publicum prodeat, & ad aures Episcoporum deueniat: ex quo oriuntur turbationes & lites. Has cupiens Papa vitare, & confessiones & iniunctiones pœnitentiarum, quæ in foro conscientiæ fiebant ex indultis Pij V. contra decreta supra dicta Concil. Tridenti, concessas, voluit reuocare illas. Ex dictis patet nostra conclusio, & argumentorum Manuelis solutio.

[D V B I V M V I I.]

II *An priuilegia regularium suspendantur per bullam Cruciatam in regno vbi ista bulla predicatur.*

Not. quod inter priuilegia regularium quædam conceduntur Prælati regulati pro sibi subditis: alia conceduntur religiosi pro sibi ipsis, vt quod tali die lucrentur tales indulgentias: alia conceduntur religiosi pro sæcularibus, vt quod possint eos absoluerè à talibus peccatis & censuris.

1. *Conclus.* Quando in bulla, vel alibi suspenduntur aut reuocantur omnia priuilegia, intelligitur de priuilegijs similibus priuilegijs bullæ. Qualia sunt priuilegia assistendi diuinorum celebrationi in tempore interdicti, eligendi confessorum, lucrandi indulgentias, edendi lactinia, &c. Secus est de priuilegijs circa alias materias dissimilibus illis quæ in bulla conceduntur. Ita Aug. ver. excommunicatio, quinto, casu 31. Fe. Pan. & alij quos refert & sequitur Man. Rod. in qq. reg. tom. 1. q. 13. art. 23.

2. Concl. Priuilegia concessa Prælatiſ religionum pro ſibi ſubditis, & quæ conceduntur religioſis pro ſibi iſſis, non ſuſpenduntur in bulla: ſed potius ibi excipiuntur à generali ſuſpenſione priuilegiorum. *Et Leo X. Bul. 45.* conceſſit, quod non intelligantur ſuſpenſa per bul. Cruciat. aut alias indulgentias, indulta conceſſa quoad perſonas Minorum.

3. Concl. Priuilegia concessa religioſis pro ſæcularibus, non ſuſpenduntur in bul. Ita Rod. qq. reg. to. 1. qu. 61. art. 14. ubi retractat oppoſitum, quod docuerat in expoſitione Cruciatæ: & ait iſtam eſſe ſentenſiam ſapientiſſimorum, & patet, quia in bulla tantum ſuſpenduntur gratiæ conceſſæ aut concedendæ alicui monaſterio, hoſpitali, vel alteri loco pio, vniuerſitati, confraternitati, aut alicui ſingulari perſonæ: ſed priuilegia iſta tertiæ concluſionis ſunt conceſſa ordinibus in eorum fauorem & authoritatem: ergo non ſuſpenduntur; ſed poſſunt religioſi abſoluere ſecundū illa priuilegia, à peccatis & cenſuris, diſpenſare & commutare vota & iuramenta, licet ſæculares abſoluendi aut diſpenſandi, careant bulla Cruciatæ. Sicut etiam per ſua priuilegia, poſſunt religioſi in ſuis domibus miniſtrare Eucharistiā fidelibus, etiam carentibus bulla Cruciatæ; quia licet hoc & alia priuilegia cedant in bonum ſæcularium, ſed immediatius & principalius, reſpiciunt authoritatem & fauorem religionum *Si obijcias*, quod in bulla tantum excipiuntur à generali priuilegiorum ſuſpenſione priuilegia conceſſa Superioribus regularium quoad ſibi ſubditos: ergo manent ſuſpenſa priuilegia illis pro ſæcularibus conceſſa: *Ad hoc reſpondetur*, quod illud dictum bullæ, *exceptis gratijs, &c. conceſſis Superioribus mendicantium*, &c. non eſt exceptio gratiarum conceſſarum religionibus: cum iſtæ, vt dixi, non ſuſpendantur in bulla, ſed eſt exceptio ſuſpenſionis gratiarum, &c. conceſſarum monaſterijs, verbi gratia, indulgentia plenaria conceſſa viſitantiſ uoſtras Eccleſias in die *S. Dominici* Patris noſtri, ſuſpenditur pro ſæcularibus, qui ſine bulla illam non lucrantur, non tamen ſuſpenditur pro religioſis, ſed ſine bulla lucrantur illam; & ita etiam declarauit *Leo X.* inter viua orac. n. 19. quod ſcilicet per bullam, aut alias indulgentias reuocantes generaliter vel ſuſpendentes alia priuilegia, etiam mendicantiſ, non intelligantur reuocata, vel ſuſpenſa indulta, priuilegia & gratiæ conceſſæ quoad perſonas Fratrum Minorum de Obſeruantia, & quoad ſuſpendendum interdictum, in ſectis Sancto.

624 DE CESSATIONE PRIVILEGII.

ctorum sui ordinis : nisi de his specificè & nominatim fiat mentio, hoc autem quomodo sit intelligendum, dixi dub. 3.

D V B I V M VIII.

12. *An excommunicationes contra statuta, privilegia, benefactores, servitores religionum, sint valida et idem de alijs literis.*

1. Concluf. Quævis privilegia & literæ obtentæ à Sede Apostolica contra religionum statuta, sunt nullæ. Ita concessit Cisterciensibus *Clem IV. Bul. 1.*

2. Concl. Censuræ latæ contra privilegia religionum sunt nullæ. Ita concessit Minimis *Inl. 2. Bul. 26.*

3. Concl. Excommunicationes latæ contra benefactores ut sic religionum, vel quia communicant cum religiosis, aut ab eis Sacramenta recipiunt, à quocumque sint latæ, irritantur ab *Eng. IV. Bul. 9.*

4. Concluf. Familiæ servitores religionum molentes in eorum molendinis, vel coquentes in eorum furnis, aut aliter cum religiosis communicantes, non possunt excommunicari in fraudem privilegiorum religionum : & aliter factum est irritum. Ita concessit Cisterciensibus *Innocen. IV. Bul. 26.*

C A P V T IV.

De communicatione privilegiorum.

S V M M A R I V M.

Omnes religiones communicant in privilegijs? n. 1.

Quomodo hac communicatio sit intelligenda? n. 2.

An alie religiones cõmunicent privilegijs Societatis Iesù? n. 3.

D V B I V M.

1. **A**N omnes religiones communicent in privilegijs, id est, an eo ipso, quod alicui religioni conceditur aliquod privilegium, censetur alijs religionibus concessum.

1. Concl. Omnes religiones, etiam non mendicantes, com-
mu-

communicant in priuilegijs; *Leo enim X. Bul. 13.* communicauit, & de nouo cōcessit ordini Prædicatorum & illius Ecclesijs & oratorijs, & ista loca visitantibus, & contribuentibus pro earū manutēctione & ornatu, & domibus ipsis. Generali, Prouinciali, Priori, Fratribus, Sororibus, Monialibus, conuersis, oblatis, ac vtriusq; sexus personis de penitentie nominatis, & alijs personis eiusdē ordinis: omnes & singulas gratias, concessiones, indulgēcias, remissiones peccatorū, prerogatiuas, fauores, immunitates, exemptiones, facultates, priuilegia, & indulta spiritualia & rēporalia qualiācūque illa sint, concessa ab ipso, vel à suis prædecessoribus; & cōcedēda ab ipso; vel à suis successoribus coniunctim vel diuisim, in genere vel in specie, ordini Minorū, Augustinianorum, Carmelitarum, Seruorum S. Mariæ ac Minimorū & eorum Ecclesijs & oratorijs, ac ipsas Ecclesias & oratoria visitantibus & domibus & Præsidentibus, Generalibus, Prouincialibus & Prioribus Cōuentualibus, Fratribus, Sororibus, Monialibus, conuersis & oblatis, ac vtriusq; sexus personis de penitentie, seu tertij habitus nuncupatis. Et licet per hoc priuilegium tantum communicentur ordini Prædicatorum expresse priuilegia Minorū, Augustinianorū, Carmelitarum, Seruorum B. Mariæ, ac Minimorum: tamen *Clem. VII. Bul. 4.* cūmunicat Minoribus priuilegia & gratias concessas, & concedendas mendicantibus, & non mendicantibus; & sic Prædicatorū ordo, ac alij quibus Minorū priuilegia communicantur, gaudent eisdem, per priuilegia communicationis, cum concedantur eis priuilegia Minorum, Augustinianorum, &c. qualiācūque illa sint in genere, vel in specie, coniunctim vel diuisim concessa & concedenda. Præterquā, quod *Iul. III. Bul. 3.* concessit ordini Prædicatorum, domibus, Ecclesijs ac alijs locis eius, omnia priuilegia, ab ipso & prædecessoribus concessa: alijs mendicantibus, alijsq; ordinibus, cōgregationibus, confraternitatibus, Fratribus, & personis, Ecclesijs, monasterijs, domibus, & oratorijs, ac alijs locis pijs. Hęc de priuilegijs ex cōmunicationis Prædicatorū & Minorū.

Aliæ etiam religiones mendicantes habent familia cōmunicationis priuilegia. Ita cōcessit Augustiniani *Alex. VI. Bul. 12.* & Carmel. *Six. IV. Bul. 37. & 38.* & Minimis *Pius V. Bul. 19. & 20.* ibi numerat illos inter mendicantes. Et idem statuit ibi de ordine Seruorum B. Mariæ, & de ordine Iesuitarum, B. Hieronymi, & de ordine Societatis Iesu. Hos enim quatuor ordines facit mendicantes *Pius V. ibi.* Et sic gaudent pri-

uilegijs aliorum mendicantium, religiones etiam monachales, & alij non mendicantes: habent etiam similia priuilegia cōmunicationis: ita concessit Benedictinis *Eng. IV. Bul. 7.* & Cisterc. *Greg. 13. Bul. 3.* Carthusiensibus *Greg. 11. & Pius V.* vt refert Man. Rod. in qq. reg. to. 1. q. 55. art. 8. & ord. ni S. Hieronymi *Pius IV. & V. Sixtus V.* vt refert Rod. loc. cit. art. 6. & *Adri. Bul. 4.* fecit amplam communicationem pro fratribus & monialibus SS. Trinitatis & Redemptionis captiuorum: & pro Mercedarijs *Leo X. & Sixtus V.* vt refert Rodrig. art. 12. & refert in hac quæstione alia priuilegia communicationis pro alijs religionibus etiam militaribus. *Item*, moniales Prædicatorum, vt constat ex priuilegio *Leo X.* citato in principio: & moniales minoribus subiectæ ex concessione *Bonif. VIII. Bul. 5.* habent etiam similia cōmunicationis priuilegia cum mendicantibus, & non mendicantibus, etiam si dictæ moniales sint tertiæ. Ita concessit. *Leo X. Bul. 16.*

2. 2. Concl. Communicatio priuilegiorum sic intelligitur, quod ea quæ conceduntur, v. g. magistro generali ord. Præd. censeantur communicata generalibus aliorum ordinum: & quæ conceduntur Prouincialibus, vel prioribus, censeantur communicata similibus Prælati aliorum ordinum: & quæ conceduntur vni religioni, & festis eius, censeantur communicata alijs religionibus & festis eorum. Ita declarauit & cōcessit Prædicatorum ordini *Iul. II. Bul. 18. & Sixtus 4. Bul. 32.* & sic priuilegia & indulgentiæ concessæ pro festis Sanctorum ordinis Minorum, intelliguntur communicata Prædicatoribus pro festis suorum Sanctorum, non obstante quod plures Sancti in vno, quam in alio ordine celebrentur.

3. Concl. In communicatione priuilegiorum non communicatur vsus vel non vsus priuilegij, sed ius vtendi priuilegio; & sic licet vnus non vtatur priuilegio multis concessio; non præiudicat alijs vtentibus illo. Ita Panor. in cap. cum accessissent, de constit. & Silu. ver. priuilegium §. 11. Vnde priuilegia vni ordini concessa; quæ per communicationem alijs ordinibus sunt communia, non omittuntur nisi legitimo tempore contra illa præscribatur modo dicto cap. 3. dub. 2. vt habetur in c. accedentibus, de prin. Et cum contrarior sit eadem ratio; si aliquis ordo vtitur aliquo priuilegio, alius ordo, vbi contrarius viget vsus sufficiens ad præscriptionem contra tale priuilegium, non potest iuberi ex alterius vsu ad gaudendum priuilegio præscripto. Quod enim à Papa im-

petratur per viam communicationis & extensionis, est ius vtendi priuilegio; non tamen vsus, vel non vsus, cum in ista non in iure, sed in facto contingant.

Ex dictis sequitur, Primò, quod cum *Pius IV.* ad instantiam Catholicissimi & prudentissimi *Philippi II.* Hispaniarum Regis, de quo *Rod. art. 9. & Clem. VIII. Bul. 19.* priuilegia spiritualia & temporalia concessa vni monasterio *D. Hieron.* communicauerit toti ordini: & idem *Clemens Bul. 20.* idem & eodẽ modo concesserit *Præmonstratensibus*: & in *Bul. 21. & 22.* gratiæ & priuilegia monasterij *Montis Serrati* ordinis *Sancti Benedicti*, communicauerit toti ordini *Sancti Benedicti*, & ante hæc *Iul. II. Bul. 26.* concessa vni monasterio *Minorum*, toti ordini communicauerit: consequenter aliæ religiones per priuilegia communicationis eodem gaudent extensionis indulto, ac si eis specialiter concederetur: & sic priuilegium concessum vni monasterio nostri ordinis *Prædicatorum* eo ipso ad alia extenditur monasteria eiusdem ordinis: priuilegia tamen singulis religiosis concessa, non communicantur alijs etiam eiusdem ordinis, alias tota religionis obseruantia funditus euerteretur: & sic quoad hoc manet in suo robore declaratio *Leonis X.* quod fratres ordini *Heremitarum* gaudeant priuilegijs generaliter concessis congregationibus, personis & locis congregationum, non domibus & personis particularibus congregationum, seu ordinum concessis. Ita in supple. concess. 157. & *Rod. art. 8.*

Secundo sequitur, omnes religiosos gaudere omnibus priuilegijs Societatis Iesu per priuilegia communicationis: cum in illis communicentur priuilegia concessa & concedenda. *Nec obstat*, quod quando *Leo X. & Iul. 3.* concesserunt, verbi gratia, *Prædicatoribus* priuilegium communicationis, ordo Societatis nondum erat fundatus, ratione cuius aliqui tenent communicationem istam non extendi ad priuilegia concedenda ordinibus nondum fundatis; sed ad concedenda ordinibus iam tunc existentibus. *Ad hoc respondetur*, quod postea *Paul. 4. Bul. 1.* pro Minoribus: & *Pius IV. Bul. 2.* pro eisdem: & *Pius V. Bul. 7.* pro mendicantibus: & *Greg. 13. Bul. 1.* pro Minoribus; & *Bul. 10.* pro *Cisterciensibus*: & *Bul. 13. 14. & 15.* pro alijs ordinibus; & *Sixt. V. Bul. 14. 18. 19. & 20.* approbarunt & de nouo concesserunt priuilegia dictorum religiosorum; quando iam ordo Societatis erat fundatus, & post hæc *Greg. 14. Bul. 3.* determinauit ordinem

Ci.

Cisterciensium frui posse priuilegijs Societatis: dum ei concedit cōmunicationem omnium priuilegiorum omnium ordinum: & vt refert Rod. loco cit. art. 7. idem *Greg. XIV.* specialiter concessit ordini Crucifigerorum, vt fruantur priuilegijs Societatis. Et sic aliæ religiones gaudent illa concessione, cum communicent in priuilegijs Cisterciensium & Crucifigerorum. Ex quo patet, quod si ante *Greg. XIV.* concessum fuit Societati Iesu aliquod priuilegium, tollendo eius cōmunicationem pro alijs ordinibus, tamen iam per dictam cōmunicationem, & extensionem *Greg. 14.* manet cōmunicatum: cum absolute à *Greg. 14.* concedantur & cōmunicentur omnia priuilegia Societatis prædictæ absque vlla restrictione.

Tertio sequitur, quod licet religiosi Societatis Iesu non possint vti suis priuilegijs, nisi à præposito generali, vel ab alio per ipsum deputato eis cōmunicentur, prout illis concessit *Greg. XIII.* cuius indulti tenorem refert Man. Rod. ar. 5. probabile tamen est posse vti talibus priuilegijs Societatis alios religiosos absque eo, quod à suis generalibus, vel ab alijs sibi cōmunicentur. Ita tenet Rod. & patet, quia *Greg. XIV.* concessit Cisterciensibus & Crucifigeris cōmunicationem priuilegiorum Societatis absolute: & absque dicta dependentia, & nobis etiam absolute, ac si esset nostra conceduntur, per cōmunicationem siue restrictionibus quibus ab alijs ordinibus ob eorum peculiare regimen sunt à Papa impetrata.

C A P V T V.

De priuilegijs regularium circa Sacramenta,

Circa Baptismum.

S V M M A R I V M.

*Quibus competat solemniter baptizare? n. 1.
Religiosi in Indijs possunt baptizare & alia Sacramenta,
sicut Parochi ministrare? n. 2.
In suis tamen Ecclesijs, & non alienis? n. 3.
Et in baptismo licite vtuntur Chrismate 4. annorum? n. 4.*

D V B.

D V B I V M I.

An religiosi possint baptizare.

Et non est sermo de Baptismo in necessitate : certum est enim licete tunc cuilibet etiam infideli , & non baptizato, viro, vel scemina: baptizare, *ut docet D.Tho. 3 p.q.67. art.3. & 4.* sed sermo est de Baptismo extra casum necessitatis.

1. Concl. Stando in iure diuino, cuilibet sacerdoti etiam monacho competit ex officio baptizare. *Ita D.Tho.art.2. & intelligitur ex c. diaconos, d. 93.* Et patet quia soli Sacerdotes consecrantur ad conficiendum Eucharistiam, quæ est Sacramentum Ecclesiasticæ unitatis : ergo ad solum sacerdotem spectat conferre Baptismum quo homo fit particeps Ecclesiasticæ unitatis, & acquirit ius accedendi ad mensam Dei.

2. Concl. Stando in iure canonico, soli Parocho competit ex officio baptizare. Ita in cap. *placuit*, 16. q. 1. ubi dicitur hoc esse ministerium parochi , & non altèrius etiam Sacerdotis : ergo peccat mortaliter sacerdos qui baptizat inuito Parocho & volente baptizare: cum usurpet eius officium in re graui: *Ita Soto, cum communi sent. d. 4 q. 1. art. 3. conc.* 3. non tamen est excommunicatus vel irregularis, cum nulla talis pœna imponatur in iure isti delicto.

3. Concl. Cuilibet Sacerdoti etiam monacho, imo & diacono potest à Parocho committi , vt etiam extra necessitatem, & cum solemnitate baptizet. *Ita in c. diacono, d. 39 & si obijcias quòd in c. placuit 16. q. 1. prohibentur Monachi baptizare: ad hoc resp. quod intelligitur sine licentia Parochi.*

4. Concl. Religiosi Indiarum possunt ibi omnia sacramenta infidelibus & nouer conuersis ministrare. Ita concessit *Leo X. Bul. 3.* duobus fratribus Minoribus euntibus ad Indos. *Et Adria. 6. Bul. 1.* cõcedit Prouincialib. & religiosis quibus ipsi cõmiserint, posse baptizare filios etiã Hispanorum, & alios citra necessitatẽ cum limitationibus ibi positis, vt potè concedit istis, vbi nõ sint Episcopatus creati, vel si creati sint infra duas dietas ipsi, aut officiales eorũ inueniri nõ possint; tam quoad suos fratres & alios cuiusvis ordinis, vbi sũt deputati, ac super Indos ad fidẽ conuersos, quã ad alios Christicolas ad dictum opus eisdem mittentes, omnimodã autoritatẽ suã in vtroq; foro habeãt, tantã quantã ipsi, & per eos deputati de fratribus

fujs iudicauerint opportunam, & expedientem, pro conuerſione dictorum Indorum & manutione, ac proſectu eorū & aliorum præſectorum, in fide Catholica, & obedientia Sanctæ Romanæ Eccleſiæ viuentium. Er quod dicta authoritas extendatur etiam quoad omnes actus Episcopales exercendos, qui non requirunt ordinem Episcopalem. Idem poſtea conceſſit *Paul. IV.* inter viua orac. Fratribus Prædicatoribus de Mexico, de Chiapa, & de Peru; vt fidem fecit Cardinalis Alexandrinus, qui fuit poſtea electus Papa *Pius V.* Et confirmauit omnia ſuorum prædeceſſorum priuilegia pro Indorum conuerſione. Præſertim, quod poſſint fratres mendicantes omnia Sacramenta miniſtrare infidelibus & nouiter conuerſis: & de nouo roborauit Apoſtolica authoritate non obſtantibus, &c. & ſic manent roborata priuilegia *Leo X.* & *Adria. VI.* & idem poſtea conceſſit dictus *Paul. IV.* inter viua orac. cuidam religioſo ordinis Minorum.

- 3 5. Concluſio. Religioſi Indiarum non debent baptizare in aliena parochia, alias confunderetur Eccleſiaſticus ordo contra ſacros canones in *c. peruenit* 11. q. 1. ſed in ſuis Eccleſijs debent baptizare, nec aliter colligi poteſt ex dictis priuilegijs. Numquam enim Papa in generali conceſſione, viſus eſt alicui præiudicare: imo & *Pius V. Bul. 4.* conceſſit religioſis Indiarum, vt in ſuis monaſterijs & locis ſibi deputatis ibidem, poſſint baptizare, & alia Sacramenta, ſicut pærochi miniſtrare; quo priuilegio gaudent omnes prouinciæ Indiarum, & ſic religioſi omnes in ſuis Eccleſijs, & locis ſuorum monaſteriorum poſſunt baptizare, non tantum Indos ſubditos, ſed etiam non ſubditos: & ita eſt obſeruatum, vt teſtantur viri graues.

D V B I V M II.

An dicti religioſi poſſint uti in Baptiſmò, Oleo ſancti & Chriſmate antiquo.

1. Concl. Licet chriſma & oleum catechumenorum & infirmorum ſit quotannis in die cœnæ conficiendum & vetus comburendum, vt dicitur in *c. liſeris, de conſ. d. 3.* non tamen debet vetus comburi quouſque notum ſit allatam. Nam præoccupante morte poteſt ſacerdos veteri chriſmate baptizare: nam licet ſit peccatum mort. ſecundum *Nauar. in man. cap. 25. n. 79. & glo. in c. quoniam, de ſententia excommunicatio.*

rio.

tionis, vti dictis materijs veteribus, ex natura rei, secus est in articulo mortis. *Ex quo sequitur* licere semper vti veteri chrismate in Baptismo paruulorum, si nondum venit nouum: cum isti ob eorum teneram ætatem semper sint in periculo mortis: & ob hoc mandatur iam quod in omni tempore anni possint pueri baptizari, quod olim non licebat extra tempora ab Ecclesia statuta, nisi in articulo mortis.

2. Conclusio. Religiosi in Indijs ex concessione *Leo X. Bul.* possunt vti oleo & chrismate trium annorum, imo & quatuor annorum, ex concessione *Greg. XIII.* vt refert. *Rod. in 3 qq. reg. tom. 1. q. 91. att. 5.* quia in istis partibus oleum & balsamum difficile habentur.

CIRCA EVCHARISTIAM.

S V M M A R I V M.

*An & quando liceat religiosi Eucharistiam ministrare? n. 1.
An id liceat eis in paschate? n. 2.
Vel in articulo mortis? n. 3.*

D V B I V M II.

An liceat religiosi Eucharistiam fidelibus ministrare : 1
& non est sermo de articulo mortis: tunc enim absente Parocho aut nolente eam ministrare illud licet cuilibet sacerdoti; imo Sacerdote deficiente aut nolente Eucharistiam conferre, id potest diaconus. *Ita Soto, d. 13. q. 1. art. 4. quem sequitur Suarez 3. p. disp. 72. sec. 1. & Man. Rod. in qu. reg. tom. 1. q. 56. art. 8. contra Card. & Silu. quos refert & sequitur Nauar. in man. c. 21. n. 52.* Sermo est hic de ministracione Eucharistiæ extra mortis articulum.

1. Conclusio. Stando in iure diuino, omni & soli Sacerdoti competit Eucharistiam ministrare: vt late probat *D. Tho. 3. p. q. 82. art. 5.*

2. Concl. Stando in iure communi canonico soli Parocho ex officio competit Eucharistiam ministrare. Patet ex *Clem. 1. de prinil.* vbi etiam excommunicantur religiosi Eucharistiam, Extremam Vnctionem ministrantes, vel matrimonia solemnizantes, sine Parochi licentia speciali, vel generali iuxta declarationem *Eugen. IV.* vsu etiam comprobata: de

qua fit mentio in supplem. concess. 4.

Secundo, quia Sacramentorum administratio (ut ait Soto) est actus iuridicus: ergo, qui administrat illa, debet habere iurisdictionem, ex iure communi, vel privilegio, vel ex commissione concessam in eos quibus illa ministrat.

3. *Conclusio*. Religiosi ex privilegio possunt ubiq; saltem extra tempus Paschæ, Eucharistiam fidelibus ministrare: quia *Nicol. V. Bul. 2. & Sixtus IV. Bul. 11.* concesserunt Minoribus, ut quorum confessiones audierint, eisdem Eucharistiam ministrarent in omni tempore, excepto die Paschatis Resurrectionis. Et postea *Leo X.* inter vna orac. extendit illam concessionem ad omnes religiosos Sacerdotes: imò & postea *Iul. II.* ut habetur in supplem. concess. 160. de qua Rod. loco cit. art. 3. concessit Minoribus, ut in suis Ecclesijs quoties opus sit ministrarent, vel ministrare faciant Eucharistiam. Et sic Sacerdotes sæculares de licentia religiosorum in istorum Ecclesijs, idem præstare possunt, quoties religiosi illud facere licet. Ita *Med. in sum. lib. 1. c. 11. §. 13. & Enriq. tom. 2. de Euchar. lib. 7. n. 1.* Vide quando possunt religiosi uti istis privilegijs, etiam extra sua loca, sup. c. 6. dub. 5. conc. 3.

D V B I V M I V.

- 2 *An liceat religiosi ministrare in Paschate Eucharistiam fidelibus*. Et sumitur modo Pascha pro toto tempore ab Ecclesia taxato, ad communionem annualem, scilicet à Dominica in Ramis, vsque ad Dominicam in Albis inclusivæ.

1. *Concl.* Licet religiosi ministrare, etiam in Paschate, & in articulo mortis, omnia sacramenta familiaribus & servitoribus actualiter religiosi servientibus, & intra monasteria, aut loca religiosorum cōmorantibus: & sub eorum obedientia viventibus. Patet ex concessione *Clem. IV. & Sixti IV.* pro Benedictinis, ut habetur in monu. ord. concess. 315. & confirmatur hoc à Conc. Tr. sess. 24. c. 11. respectu istorum sic servientium; ubi etiam à iurisdictione ordinarij eximuntur: licet sit ibi reuocata dicta concessio respectu familiarium extra septa, ac domos religiosorum cōmorantium, quibus in dictis privilegijs etiam erat concessum recipere dicta Sacramenta à religiosi tunc. *Secundo*, consulti Cardinales in tempore *Greg. XIII.* ut refert Manu. Rod. in compend. an Prælati regularium possint audire cōfessiones sæcularium qui sunt de sua familia; aut

aut alias deseruiunt in eorum monasterijs, absque licentia & approbatione Episcoporum: & similiter confessores aliorum religiosorum idem possint, respondet sic *Congr. Conc. censuit dictos religiosos audire posse confessores secularium, qui sint de sua familia & continui commensales, non tamen eorum qui deseruiunt in eorum monasterijs: & idem est de Eucharistia, & extrema unctione.* Vide cap. 6, dub. 1.

2. Conclusio. Licet religiosi ministrare etiam in Paschate, Eucharistiam fidelibus comunicantibus ob deuotionem: nam quando in dictis concessionibus excipitur comunicio Paschalis, sermo est de comunicione impletiva praecepti comunicionis: hæc enim siue fiat in Paschate, siue intra dies taxatos pro impletione praecepti comunicionis, debet fieri in propria Parochia, ut ait Suar. 3. p. dif. 82. sess. 2. Secus sit de comunicione quæ fit ob deuotionem, hæc enim etiam in Paschate licet fit in Ecclesijs religiosorum: contr. Nau. in Man. c. 21. n. 52.

3. Conclusio. Licet religiosi ministrare fidelibus in suis Ecclesijs Eucharistiam in Paschate, etiam ad implendum praeceptum comunicionis. Ita concessit fratribus de Guadalupe *Nic. V. & Iul. II.* ut habetur in compend. istius ordi. § 2. & 6. & eidem concessit *Paul. III.* inter viua orac. quod tam intus, quam extra in oratorijs, grangijs, & locis monasterij, non contradicente Priore, vel Vicario, in absentia Prioris possint ministrare Eucharistiam, etiam in Paschate subditis monasterij, & ab eo dependentibus & illuc confluentibus vtriusq; sexus: licentia curatorum, vel rectorum, vel locorum diœcesanorum minime requisita, & sic Ecclesiæ praecepto satisfaciant, non obstantibus contrarijs quibuscumque; &c. *Ita in compend. istius ordinis, tit. Eucharist. Sacrament. §. 6.* Et cum hoc & alia priuilegia vni monasterio D. Hieron. concessa, sint toti ordini communicata, iuxta dicta c. 4. alijs ordinibus censentur communicata.

Nec ista priuilegia sunt per non vsum reuocata: tum quia priuilegia Minorum, & consequenter aliorum ordinum, sunt à *Pio IV. Bul. 2.* confirmata ex certa scientia, & de plenitudine potestatis, quæ verba ut ait Rodr. in qq. reg. tom. 1. qu. 8. art. 3. confirmant priuilegia per non vsum reuocata, non tamen aliter reuocata, iuxta dicta cap. 3. dub. 2. tum etiam, quia idem Papa non tantum confirmauit; sed & de nouo concessit dicta priuilegia; & sic de nouo roborauit

694 DE PRIVILEGIIS CIRCA EVCHARIST.
cessit Minoribus per communicatione, priuilegia dicta, *Nic.
V. Iul. II & Paul. III.* Tum potissime, quia *Paul. V.* confirma-
uit, & de nouo roborauit priuilegia Minorum & Prædicato-
rum, etiam per non vsum reuocata iuxta dicta c. 3. dub. 5.

D V B I V M V.

3 *An liceat religiosis ministrare Eucharistiam fidelibus in art. mortis.*

1. Conclusio negatiua, in sententia asserente non licere
religiosis ministrare Eucharistiam fidelibus in Paschate, eo
quod talis communio est impletiva præcepti: cum etiam sum-
ptio Eucharistiæ in articulo mortis sit etiam impletiva præ-
cepti. Ita Suarez sec. 2. dub. vlt. & ait esse communem senten-
tiam, & refert. priuileg. Paul. III. concessum Societati Iesu, ubi
illis concedit posse Eucharistiam fidelibus ministrare, exci-
piendo communionem in Paschate, & in artic. mort.

2. Conclusio. In sententia asserente licere religiosis mini-
strare fidelibus Eucharistiam in Paschate, idem videtur di-
cendum de ministracione Eucharistiæ in art. mort. maxime,
quia *Leo X.* loco citato dub. 3. tantum excipit communionem
Paschatis.

C I R C A M I S S A M.

S V M M A R I V M.

*An liceat religiosis celebrare ante & post horam ab Eccle-
sia statutam? n. 1.*

An liceat eis celebrare extra Ecclesiam? n. 2.

*Satisfaciunt recitando collectas promissis vsque ad nonem
& quando? n. 3.*

*Soli Ordini Prædic. licet solemnizare festum Corporis Chri-
sti dominica infra Octauas? n. 4.*

*Vestes sacerdotales & Corporalia benedicuntur à Prælati-
bus regularium? n. 5.*

*Ab eisdem calices consecrantur, Chrisma conficitur in
suis terris Ecclesia consecrantur & reconciliantur? n. 6.*

D V B I V M V I.

*An liceat religiosis Missas celebrare ante horam & post
horam ab Ecclesia statutam.*

1. Concl. Interstitium temporis intra quod est Missa celebranda, est ab initio auroræ usque ad meridiem: *ut communiter docent Doctores cum D. Tho. 3. p. q. 83. art. 2. ad 4. & initium auroræ est initium crepusculi diei, & prima lucis irradiatio, & adhuc moraliter taxetur: licet enim crepusculum non sit æquale in omni tempore, tamen in omni tempore licet incipere Missam hora & dimidia ante ortum Solis. Ita tenet Suarez, 3. p. dist. 8. sec. 4. & Led. c. 19. de Euch.*

2. Concl. Religiosi ex causa rationabili, possunt Missam celebrare ante horam & post horam ab Ecclesia statutam. Ita concessit Minoribus Sixt. IV. inter viua orac. & Pius V. etiam inter viua orac. concessit Generali Minorum posse concedere suis religiosis licentiam celebrandi Missas per vnā horam ante auroram: & Alex. VI. Bul. 13. concessit Benedictinis Montis Serrati, posse in suo monasterio celebrare Missas immediate post duas horas post mediam noctem. Et Leo X. inter viua orac. concessit Minoribus posse de licentia suorum Superiorum, illico post matutinum Missam celebrare, & post meridiem, quando itinerando non potuerunt venire ad locum, ubi commodè celebrarent, vel Missam audiant, maxime in festis. Item Eng. Bul. 11. concessit Cælestinis itinerantibus posse Missas celebrare, usque ad nouam exclusiue. Imo inter viua ora. absolute concedit Minoribus posse Missas sine scrupulo celebrare usque ad nonam. Item Greg. XIII. Bul. 22. concessit religiosis Societatis posse Missas celebrare, de licentia sui Generalis, vel alterius ab eo deputati, ante auroram circa lucem, & infra horam post meridiem, itineris, aut alterius legitimi impedimenti existente causa legitima.

D V B I V M V I I.

An liceat religiosis extra Ecclesiam celebrare.

2

1. Conclus. affirmatiua. Ita Soto d. 13. q. 2. art. 1. & de Prædicatoribus & Minoribus habetur in c. in his de privilegijs.

X x 4 2. Con.

2. Concluf. Licet religiofis Miſſas celebrare in grangijs, & alijs locis monaſterij. Ita conceſſit Prædicatoribus *Sixtus IV. Bul. 33. & Inl. 2. Bul. 10. & Innoc. IV. Bul. 24. & Alex. VII. Bul. 14.* conceſſit Ciſterciienſibus poſſe in grangijs & alijs locis monaſterij capellas, Eccleſias, & oratoria conſtruere, vbi ſine licentia ordinarij, vel alterius, poſſint Miſſas & diuina officia celebrare, & vaſallorum, colonorum, ſincolarum ibi commorantium, confeſſiones audire, poenitentias iniungere, Euchariftiam & alia Sacramenta ſine Parochiæ præiudicio, per monaſteriorum Abbates, & ſuos monachos ad id deputatos miniſtrare: & per Parochiæ præiudicium intelligitur, quoad exactionem decimarum & primitiarum, quæ ſolent clericis exhiberi: ſi enim in hoc nullum ſequitur clericis præiudicium, poſſunt religioſi prædicta exercere. Ita declarauit *Sixtus IV.* vt habetur in li. monu. ord. conceſ. 465.

Si obijciat ex Conc. Trid. ſeſſ. 22. decr. de obſer. in Miſſa, vbi præcipitur Episcopis, ne patientur Miſſas celebrari, etiam à regularibus, in domibus priuatis, & omnino extra Eccleſias & oratoria ad diuinum cultum dedicata, designanda & viſitanda ab eiſdem Episcopis: *Ad hoc reſpondetur*, quod ibi tantum intenditur, quod in domibus priuatis non erigantur oratoria, ſine approbatione ordinarij, vbi Miſſa celebretur. Secus eſt de grangijs monaſteriorum: vbi ſicut in eorum inſirmarijs erigi poſſint oratoria, & patet ex contex. dum dicitur, non patientur Episcopi vt Miſſæ celebrentur etiam à regularibus, omnino extra Eccleſiam: Oratoria enim & altaria portatilia in grangijs & inſirmarijs religioſorum erecta, non cenſentur eſſe omnino extra Eccleſiam: quia ſecundum DD. communiter, nomine Eccleſiæ monaſteria intelliguntur. Ita *Man. Rod. in qq. reg. tom. 2. q. 75. art. 1. Et conſir.* quia *Eng. IV.* vt habetur in compe. Ciſter. ti. grangia. §. 2. conceſſit, iſtorum grangias ſicut & Eccleſiarum atria, prauorum hominum incurſu & violentia, debere eſſe liberas & quietas. Ita vt nemo in eis poſſit hominum capere ſpolium & ruinam exercere præſumat: & hoc in virtute Spiritus Sancti inhibendo ſtatuit: ergo non debemus de iſtis grangijs iudicare, ſicut de domibus priuatis: vbi Concilium vetat diuinorum celebrationem: cum domus priuata non gaudeat prædicta immunitate, & *Leo X.* vt habetur in ſupplem. conceſſione 186. conceſſit, quod inſringentes, aut violentiam facientes, in Eccleſijs, aut locis religioſorum, ſint excommunicati, nec poſ.

possint absolui, nisi à Papa, aut à confertuatoribus religioso-
rum: grangiarum autem inter loca religiosorum computantur.

3. Conclusio. Licet religiosi in castris & arcibus, ad quæ ob bella confugiant, altare portatile erigere, & ibi Missas & officia diuina celebrare, saluo iure parochialium Ecclesiarum, & cuiusvis alterius. Ita concessit Cister. *Vrb. 5. Bul. 1.*

4. Conclusio. Religiosi vbique etiam in priuatis domibus sæcularium possunt Missas celebrare. Ita concessit Minoribus *Sixtus 4. Bul. 14. & Alexand. 6.* inter vna ora. concessit eisdem, posse Missas celebrare in cameris sæcularium, & in plateis, dato, quod non videantur loca honesta: quia in cameris sæcularium dormiunt coniugati, & in plateis sunt multa prophana.

Si obijcias decretum Concil. Triden. supra relatum: ad hoc Nauar. in *Manu. c. 25. n. 8.* & alij dicunt dicta priuilegia esse reuocata per hoc decretum? at Rod in *qq. reg. 10. 1. q. 28. ar. 3.* tenet oppositum, sed ad hoc dico, quod Concilium aliquo modo reuocat ista priuilegia: licet enim religiosi antequam ab Episcopo moneantur; possint vti dictis priuilegijs, non tamen post monitionem; quia in Concilio sic dicitur, *non patiantur Episcopi, quod sacerdotes etiam regulares in domibus priuatis, & omnino extra Ecclesiam, velatoria &c. celebrent.* ergo dum Episcopi illud non vetant, poterunt religiosi ibi celebrare. Secus tamen erit post prohibitionem cum ibi expressè reuocentur contraria priuilegia, etiam religiosorum. Ex dictis patet à fortiori licere religiosi celebrare iuxta dicta priuilegia in Ecclesia violata; nec hoc vetatur in dicto decreto Conc. Trid. sed celebratio in domibus priuatis & omnino extra Ecclesiam.

Not. 1. quod *Inl. 2. Bul. 28.* concessit generali Minorum, qui tunc erat, posse dispensare, vt valeant collectæ pro missis vsq; ad nouē, tam pro Ecclesiarum fabricis, quam pro alijs fratrum necessitatibus, quando inuenerit conuentus ita grauatos multitudinem Missarum, vt eas celebrare non possint, applicando etiam porrigentibus talium elemosynas Missarum, alia suffragia, beneficia & satisfactiones. Et postea *Leo 10.* anno 1513. in constitutione quæ incipit, *Exposcit dilectorum*: idem extendit & concessit cui libet generali dicti ordinis pro tempore existenti, vt refert Parascillus in lib. priui. fol. 45. & 58.

Secundo, not. quod licet *Greg. 13.* concesserit omnibus religionibus, posse celebrare solemniter cum processione festum

3

stum SS. Corporis Christi in Domini, infra octauas eiusdem solemnitatis, reuocando priuilegium *Pij V.* nostro Prædicatorum ordini concessum: vbi soli nostro ordini illud concedebatur, vt videre est in *Bul. 39. Greg. 13.* tamen post hæc *Clem. 8.* nostro ordini maximè affectus, in Bulla quæ incipit: *Dudum feliciæ recordationis Pius Papa 5.* edita die 8. Martij, anni 1592. & habetur authenticatum transumptum illius Bullæ in Conuentibus nostri Ordinis, reuocat Bullam *Greg.* & soli nostro Prædicatorum Ordini concessit, posse tunc dictum festum celebrare, & posse tunc deferre Eucharistiam per vicos & plateas, & per loca à nobis electa. & concedit indulgentiam plenariam astantibus tali solemnitati: & merito hoc nostro ordini conceditur, ex eo quod noster Doctor Angelicus *D. Thomas* officium de SS. Eucharistiæ Sacramento, ab omni Ecclesia receptum & decantatum, & tot diuinis refertum sequentijs, diuino numine in lucem protulit.

D V B I V M V I I I.

An liceat regularibus benedicere vestes sacerdotales & corporalia.

5 1. Conclusio. Religiosi sacerdotes, possunt benedicere omnes vestes sacerdotales. Ita concessit *Sixtus 4.* Minoribus inter viua ora.

2. Conclusio. Prælati regularium, & istis absentibus eorum vicarij, & qui habent principale regimen monasterij: possunt benedicere non tantum vestes sacerdotales, & alia ornamenta Ecclesiæ, sed etiam corporalia. Ita concessit Minoribus pro vestibus & corporalibus pro eorum vsu tantum, *Leo X. Bul. 6. sed Pius 5. & Innoc. 8. pro Hier.* idem absolute, & sine vlla limitatione concesserunt: vt refert *Rod. in qq. reg. to. q. 16. art. 2.*

Nor. posse religiosos, etiam laicos, tangere calices & corporalia, cum reuerentia tamen. Ita concessit *Sixt. 4.* inter viua ora. possunt etiam lauare corporalia, & alia Ecclesiastica ex concessione *Calix. 3.* inter viua ora. & idem *Sixtus* concessit etiam monialibus sub clausura, & in congregatione viucentibus; posse tangere corporalia & purificatoria prius à religiosis lota.

D V B I V M I X.

An liceat religiosis consecrare calices, benedicere & reconciliare Ecclesias & chrisma conficere.

1. Conclusio. Prælati regularium possunt consecrare calices & patenas suorum Monasteriorum, grangiarum & beneficiorum. Ita concessit Benedictinis *Inl. 2. Bul. 25.* imò iuxta concessionem *Innoc. 8. Bu. 5.* factam Abbati Cisterc. & alijs primis coabbatibus dicti Ordinis, & iam communicatam per *Gregor. 14. Bu. 3.* omnibus Abbatibus dicti Ordinis possunt consecrare calices etiam extraneos. 6

2. Concl. Prælati regularium possunt in suis terris conficere chrism. Ita concessit *Vrba. 2. Bu. 1.* Nec hoc privilegium sicut nec alia primæ conclusionis, sunt revocata per non usum. Tum quia ut privilegium per non usum revocetur, requiritur notitia talis privilegij, & non usus centum annorum: iuxta dicta *ca. 3. dub. 2.* Tum etiam, qui iuxta dicta *cap. 3. dub. 5.* privilegia per non usum revocata, iam sunt per *Pau- lum 5.* revalidata.

3. Conclusio, Prælati regularium possunt consecrare Ecclesias, vel altaria chrismate sacro ab aliquo antiquitate Catholico recepto. Ita concessit *Innocen. 8. & Vrba. 2.* locis cit. & licet postea *Leo X.* ut dixi *c. 3. dub. 5.* statuerit, quod Ecclesiæ, vel altaria religionum consecrentur & benedicantur ab Episcopo diocesano, nisi bis, vel ter, cum instantia & debita reverentia requisitus, venire recusasset (per quod etiam revocabatur privilegium concessum Augustinianis à *Sixto 4. Bul. 34. & Eugen. 4. Bul. 9.* quod quilibet Episcopus absque diocesani licentia possit Ecclesias monasteriorum & altaria consecrare) tamen iam *Pau. 5.* ut dixi loco cit. imò & alij ante ipsum ut probavi, confirmarunt & revalidarunt privilegia à *Leo 10. Bul. 45.* revocata: & ad minus certissimum est, non esse revocatum privilegium post *Leo. 10.* à *Paul. Bul. 8.* concessum pro religionis Societatis, ut eorum Ecclesiæ & cæmiteria consecrentur à quovis Episcopo si diocesanus ultra quatuor menses illud facere differat: imò si diocesanus ter requisitus modo dicto venire recusasset, potest quilibet Episcopus iuxta privilegium *Sixti 4. & Eug. 4.* dictas Ecclesias & altaria consecrare, non expectatis dictis quatuor mensibus.

4. Concl.

700 DE PRIVILEGIIS CIRCA CONFES.

4. Concl. Prælati regularium, possunt reconciliare Ecclesias etiam consecratas, cæmisteria & oratoria quoniam modo polluta: & hoc cum aqua ab eis benedicta: maxime in locis remotis, ubi Episcopum per duas dietas adire non possunt pro aquæ benedictione. Ita concessit Minoribus *Leo. 10. Bul. 6. & Iul. 2.* idem concessit Minimis, ut habetur in supplem. concess. 30. quod etiam intelligitur iuxta concess. *Leo. 10.* quando Episcopus non exstat intra duas dietas & una dieta continet viginti milliaria, seu septem leucas, *secundum Sil. ver. benefic. 2. §. 1. & Mandos. in Cancel. reg. 3. q. 2. n. 20.* imo secundum *l. 8. tit. 3. l. 2. fori, & l. 25. in prog.* una dieta continet decem leucas.

5. Concl. Religiosi in terris infidelium, possunt Ecclesias erigere, & reformare, vestes, corporalia, calices, cæmisteria (si Episcopus non adsit) benedicere, ac Ecclesias violatas reconciliare, & statuta necessaria facere, & ea mutare, & bis in die celebrare. Ita concessit religiosis Societatis Iesu *Pau. 3. Bul. 8.* & supra cap. 5. dub. 1. concl. 4. adduxi privilegium *Adria. 6.* concedentis religiosis ordinis Minorum, in terris Indiarum omnem Episcoporum authoritatē, pro actibus non requirentibus ordinem Episcopalem cum limitationibus ibi positis.

C A P V T V I.

De privilegijs circa Sacramentum Pœnitentiæ.

S V M M A R I V M.

Religiosi ut audiant confessiones regularium debent ab Episcopo admitti. n. 1.

Prædicatores tamen & Minores presentati Ordinarijs & sine causa reiecti, sunt à Papa expositi. n. 2.

Religiosi ab Episcopo approbati, possunt inuitis parochis audire confessiones ouium talis Episcopi. n. 3.

Dominicani sine licentia superiorum non absoluunt valide, secus de alijs cum licentia Ordinarij. n. 4.

An religiosi approbati ab Episcopo, prohibiti ab audientia confessionum per superiores, valide absoluant. nu. 5.

An Approbatio regularium possit limitari ad certum tempus, locum & personas. n. 6.

An approbatio regularium sit perpetua & irrenocabilis. n. 7.

An

An approbatio pro una diœcesi, valeat pro omnibus alijs.
nu. 8.

An Religiosi possint absolucere à casibus Dapa. n. 9.

An à casibus Episcopo reservatis. n. 10.

An possint in foro pœnitentia dispensare in votis, & iuramento. n. 11.

An possint cum coniugibus incestuosiss, vel voto castitatis obstrictis, dispensare in petitione debiti. n. 12.

D V B I V M I.

An Religiosi cum sola licentia suorum Prælatorum, & sine licentia ordinarij possint absolucere seculares.

1. Concl. Religiosi cum sola licentia suorum Prælatorum, possunt etiam in Paschate, & in articulo mortis ministrare Sacramenta Pœnitentiæ, Eucharistiæ, & Extremæ Vnctionis, suis famulis qui in eorum morantur obsequijs; & possunt eos in suis domibus sepelire, & gaudent isti famuli in articulo mortis priuilegijs & indulgentijs religiosorum. Ita concessit Augustinianis *Innoc. 6. Bul. 1.* & Carmelitis *Sixtus 4. Bul. 37.* & Minimis *Leo X. Bul. 41.* & Congregatio Cardinaliũ, vt refert Manu. Rod. in compen. in tempore Greg. 13. declarauit posse religiosos audire confessiones sæcularium, qui sunt de sua familia. & continui chmmenales, non tamen eorum qui deseruiunt in eorum monasterijs iuxta dicta c. 5. dub. 4.

2. Concl. Religiosi omnes præter Prædicatores & Minores, non absolunt valide sæculares, qui iuxta modo dicta non sunt de sua familia, si non habent licentiam ordinarij ipsorum sæcularium. Patet ex Concil. Trident. ses. 23. ca. 15. vbi dicitur, quod nullus sacerdos etiam regularis audiat confessiones sæcularium etiam sacerdotum, nisi sit parochus, aut ab ordinario approbatus, non obstante quouis priuilegio, & consuetudine etiam immemoriali in contrarium. Dixi præter Prædicatores & Minores, nam de istis disponitur in Clem. *dudum de sepul.* quod electi à suis Prælati coram ordinario se præsentent, humiliter petentes, vt suo placito liceat suarum ouium audire confessiones: & si ordinarius ex causa rationabili aliquem expellit, non potest confessiones audire: si tamen sine causa expellatur, non manet expulsus, sed à Papa tunc sibi conceditur ibi iurisdictio; imo si non, expe-

expectata præsentatione dicta, ordinarius præmonens dicat; non præsentetis aliquos Religiosos; quia non admittemus, secundum Card. ibi possunt qui erant præsentandi, confessio- nes audire absque alia præsentatione. Nec reuocatur dicta Clementina in Conc. Trid. loc. cit. quia ibi tantum reuocantur mera priuilegia & consuetudines contrariæ, ut ibi exprimitur. At illa facultas Prædicatorum & Minorum est inserta in iure communi illius Clementinæ, sicut aliæ leges Ecclesiæ, & iux- ta morem loquendi Iuristarum, nomine priuilegij non intel- ligitur quod est in corpore iuris insertum. *Secundo*, quod lex de nouo instituta non reuocat priuilegia in iure inserta, nisi de illis fiat expressa mentio, licet apponat quaslibet non obsta- tias generales & reuocet omnia priuilegia, quia priuilegia in iure inserta vendicant sibi aliud nobilius nomen, & sunt iam leges communes; *Ita communiter Iurista in l. hæreses ab- sens, ff. de iudicijs. Feli. c. 1. de rescrip. n. 12. Naua. lib. 3. cons. 87. tit. de regu. Bart. vel diuersius in authen. qua in- prouincia, & alij quos refert & sequitur Mann. Kod. lin 79. reg. co. l. qu. 59. art. 2.*

Si arguas ex ca. licet de const. in 6. vbi habetur, quod Prin- cep̃s condens legem censetur abrogare priorem contrariam, cum præsumatur habere totum ius in scrinio pectoris sui: *Ad hoc respondetur*, quod hoc decretum non intelligitur gene- raliter, ita quod ferente Papa aliquam legem negatiuam, de- roget omnibus affirmatiuis circa eandem materiam. Hoc enim est contra Doctores communiter sentientes quod nulla lex posterior absolutè lata derogat legi speciali, vel priuilegijs in iure insertis, si nulla sit istorum mentio. Sicut lex concedens nobilibus noctu arma deferre non reuocatur per legem postea absolutè præcipientem, quod nullus tunc arma deferat, sine reuocatione prioris legis; & patet hoc ex regula 34. de reg. iu- ris in 6. quæ sic ait. *generi per speciem derogatur*, id est, legi generali per specialem derogatur; & secundum hoc ait Naua. lib. 3. cons. 1. *de clericis non residen.* quod leges generales li- mitantur per particulares. Intelligitur ergo illud decretum, quando duæ leges contrariæ conduuntur, & dicuntur contra- riæ, non quando vna est negatiua, & altera affirmatiua; sed quando sunt incompatibiles, ut istæ; compatres possunt con- trahere matrimonium, compatres non possunt contrahere ma- trimonium. Tunc enim quando vna istarum legum editur, al- tera reuocatur, licet non fiat mentio illius. Bene tamen com- patium.

patiuntur inter se duæ leges, quarum una est vniuersalis negatiua, altera particularis affirmatiua; vt istæ; Nullus regularis sine approbatione ordinarij, audiat sæcularium confessiones, Fratres Prædicatores, & Minores sine tali approbatione audiant sæcularium confessiones. Præterquam quod Concilium tantum procedit contra audientes sæcularium confessiones ex consuetudine, aut privilegio; vt patet ex text. dum subditur, *quibusvis consuetudinibus & privilegijs in contrarium non obstantibus*; quod est priorum verborum explicatio, non tamen loquitur contra Fratres Prædicatores, & Minores, qui ex iure communi dictæ *Clem.* dudum de sepul. cum sola præsentatione coram Episcopis modo ibi declarato, illud (vt iam dixi) præstare possunt.

2. Conclu. Religiosi ab Episcopo approbati, etiam parochio renuente, possunt audire confessiones ouium talis Episcopi. Ita concessit minoribus *Alexan. 4. Bu. 24.* vbi eis concedit, posse prædicare, & confessiones audire assensu parochorum minime requisito. Et *Clem. 4. Bul. 10* concedit Minoribus, quod si talis licentia prædicandi, & confessiones audiendi, datur eis à legatis Papæ, possint ea vti sine consensu inferiorum Prælatorum & curatorum, & à *Ioan. 22. Bu. 1.* damnatur Ioannes de Poliacio asserens quod confelsi religionis expositi teneant iterum eadem peccata confiteri proprio Sacerdoti, aut parochio; & *Sixt. 4. Bu. 33.* pro Prædicatoribus, committit inquisitoribus hæreticæ prauitatis hoc punire. Ex dictis patet, quod licet clerici ab Episcopo expositi cum limitatione ne confessiones audiant renuente parochio, non possint confessiones audire parochio renuente, cum iurisdictio istorum sit à solo Episcopo, & sit ab eo limitabilis, secus tamen est de religioso exposito cum eadem limitatione: quia dicta Pontificum privilegia religionis concessa hoc illis concedunt expressè, quæ concessio non potest ab Episcopo tolli aut limitari.

D V B I U M I I.

An religiosi cum sola licentia ordinarij & sine præsentatione facta per suos superiores possint audire confessiones ouium talis ordinarij. 4.

1. Conclusio. Religiosi nostri Ordinis Prædicatorum sine dicta præsentatione, etiam cum licentia ordinarij, non absol-

soluunt validè. Cauetur enim in constitutionibus istius ordinis, ne isti religiosi audiant extraneorum confessiones, sine licentia & approbatione sui ordinis. Ita in dis. 2. c. 12. Et in ca. Romæ, anno 1589. statuitur auctoritate Apostolica, quod nullus admittatur ad confessiones fratrum, aut sæcularium, nisi per quinque examinatores, & ubi tot non suppetunt idonei patres, per tres ad minus idoneus iudicetur; & præcipitur examinatribus in virtute Spiritus sancti, & sanctæ obediætiæ, & sub excommunicatione latæ sententiæ; vt per vota secreta sua dantes suffragia, secluso omni particulari affectu insufficientes excludant, & sufficientes admittant tantum. Ec in capitulo Venetijs celebrato anno 1592. idem etiam statuitur, & suspenduntur non approbati, vt supra, ab audientia confessionum, quousque per quinque examinatores per vota secreta sint approbati.

Secundo, in quadam Bulla Iul. 2. intimata in capitulo generali Salmanticæ, an. 1551. sub Francisco Romeo Castellionensi tunc Magistro generali, & in isto capitulo acceptata, annullantur omnes licentiæ obtentæ, & obtinendæ ab ordinarijs per dictos religiosos ad confessiones audiendû sine licentia & consensu suorû Prælatorum. Ita etiam refert Rod. in qq. reg. to. 1. q. 60. art. 3. Et licet aliæ religiones possint vti ista Bulla per communicationem, cum contineat priuilegium concessum in fauorem iurisdictionis Prælatorum regularium, ad quos spectat præsentare suos religiosos ab ordinario approbandos, si tamen tales Prælati ista Bulla non vtantur, eorum religiosi possunt absolueræ sæculares iuxta potestatem sibi ab eorum ordinarijs concessam. Non tamen poterunt absolueræ à casibus tali ordinario reservatis: quia priuilegia Papæ concedentia religiosis posse absolueræ à casibus ordinario reservatis, supponunt quod sint ordinario præsentati per suos superiores. Ita communiter Doctores in 4. d. 17. Nau. in Man. c. 9. nu. 6. Enriq. l. 3. de pœnit. c. 6. n. 6. & idem sentit Manu. Rod. de casibus Papæ reservatis: nō enim est credibile Papā concedere absolutionē à suis casibus, & non à casibus Episcoporum.

- 5 2. Concl. Taliter est necessaria omnibus religiosis dicta præsentatio, quod si semel per suos superiores præsentati, & ab ordinario expositi, iuridicè & legitimè per suos Prælatos inhibeantur, & suspendantur ab audientia confessionum & intenteant absolueræ, nihil faciunt. Ita Sil. ver. confessor. 2. §. 11. Lud. Lep. to. 2. c. 8. de Bulla, & Man. Rod. art. 2. Et patet ex priui-

privilegio à Leo. 10. concessio Prædicatoribus ad instantiam
 sui generalis Stephani Vfus maris, dato Romæ die 7. Ianuarii
 1515. vbi reuocantur licentiæ concessæ & concedendæ suis
 religiosis, ad confessorē eligendum, & confessiones audiendū,
 quas ipse magister generalis reuocandas iudicauerit, & vnde
 cumque manaturas gratias, sine licentia Superiorum conce-
 dendas annullat, nisi manu Papæ, aut Cardinalis protectoris
 sint signatæ; ergo religiosi Ordinis Prædicatorum, & alij etiā
 per communicationem, non faciunt confessiones validas con-
 tra prohibitionem iuridicam suorum Prælatorum. Dixi, si iu-
 ridice inhiuantur; nam si per prohibitionem extraiudicialem
 interdicitur religiosus à suo superiore, ne audiat confessiones,
 peccabit illas audiendo, *secundum Soto d. 18 q. 4. a. 3. circa
 fin. & Lu. Lop. contra Cano. relec. de pœni p. 5.* tamen confes-
 siones erunt validæ; & ita intelligit Ledesm. c. 13. de pœn. dub.
 12. & patet, quia iam iste est adeptus legitimam approbationē,
 sed in religionibus bene & suauiter omnia disponentibus, non
 potest quis priuari officio Prædicatoris, vel Confessoris, nisi
 per sententiam latam in conuictum; cum priuatio ista inter
 pœnas grauiores computetur; ergo per simplicem Prælati pro-
 hibitionem non manet religiosus dictis officijs priuatus.

D V B I V M III.

*An approbatio regularium possit ab ordinario limitari ad
 certum tempus, locum & personas.* 6

1. Conclusio. Si ordinarius sine rationabili causa limitat re-
 gularium approbationem, manet limitata quantum ad iuris-
 dictionem ab eo delegatam, non tamen quantum ad iurisdi-
 ctionem ex privilegio Papæ concessam ipsis Religiosis semel
 approbatis; sed quantum ad hoc sunt habendi veluti absolute
 approbati; Ita *Enriq. lib. 3. de pœnit. cap. 6. num. 8.*

2. Concl. Si ordinarius ex rationabili causa sicut ex de-
 fectu scientiæ pro mercatoribus, &c. restringat regularium
 approbationem, valet restrictio, nec potest religiosus etiam
 per Bullam, aut sua privilegia agere contra illam restrictio-
 nem; Ita *Angelus. si. confessor. 4. n. 25.* conceditur enim Epi-
 scopis in Clem. dudum, de sepult. posse ex rationabili causa
 non approbare religiosum à suo Prælato præsentatum; ergo
 à fortiori possunt limitare approbationem ex causa rationa-
 bili.

bili, ita ut sit approbatus ad certum locum & non ad alia ubi maiori scientia opus est, & sit approbatus ad certum tempus, ut vacet studijs. Ex dictis patet, quod sicut approbatus pro omnibus, exceptis negotiantibus ex defectu scientiæ, non est ab istis, etiam per bullam, eligibilis in confessorem, sic nec approbatus pro omnibus, exceptis mulieribus ex defectu ætatis, est ab istis etiam per bullam eligibilis in confessorem, nec pro illis idoneus censetur: quia idoneitas confessoris consistit non tantum in sciendi peritia, sed etiam in probitate vitæ, in morum venustate, modestia & discretionem, ut colligitur ex Clement. dudum. de sepult. quæ idoneitas regulariter non reperitur in sacerdote iuveni respectu foeminarum. Ita tenet Lud. Lop. 2. p. c. 8. de Bulla, & hoc reputat securius Led. c. 13 de pœnit. & Manu. Rod. in sum. 1. p. c. 60 nu. 4. licet alij aliter probabiliter sentiant, sicut Antolinez in expositione Cruciatæ, Enr. 10. 1. l. 6. c. 6 num. 8. Vega t. 1. c. 62. casu 75. in fi. Et Sanch. 30. 3. de matrim. disp. 74. n. 16.

D V B I V M IV.

7 An approbatio, seu expositio regularium ad confessiones audiendum, sit perpetua.

1. Conclu. Sacerdos sæcularis aut regularis expositus pro certo tempore, illo tempore finito, finitur eius expositio: nisi in casu, quo quis sit expositus, usque ad Dominicam in Albis, verbi gratia, & audita infra illud tempus alicuius confessione, oportuit differre absolutionem per aliquot dies, tunc poterit ille sacerdos illum pœnitentem absolvere, etiam post Dominicam in Albis. Ita Ledes. c. 12. de pœnit. licet oppositum reputet securius: sed patet, quia confessor ille habuit tunc iurisdictionem ad audiendam illam confessionem, & differendam absolutionem pro tempore sibi viso convenienti, iuxta cap. omnis utriusque sexus, de pœnit. & rem. ergo potest perficere Sacramentum, licet enim expirasset licentia audiendi novas confessiones, non tamen licentia finiendi inceptas:

2. Concl. Religiosi semel expositi ad confessiones audiendum in aliqua diœcesi, si inde exeant & iterum reuertantur, non tenentur se iterum præsentare eidem Episcopo pro nova licentia. Ita concessit Eug. 4. inter viva ora, de quo Soto, d. 18. qu. 1, art. 3. & Nau. in Man. c. 27. n. 262. Imo nec tenentur

ut se presentare Episcopo successori dum non reuocat eorum licentias, *ut ait Silu. ver. confessor. 2. n. 4. & Ange. ver. confessor. 4. n. 25.* & idem etiam est de quouis confessore, etiam seculari, *ut ait Led. & iuxta dicta a nobis c. 3. dub. 1.*

Maiores difficultates est, *an talis expositio possit reuocari ab Episcopo qui exposuit, vel saltem ab Episcopo succedente, & ad hoc sit.*

1. Concl. Expositio regularium non potest reuocari ab Episcopo qui exposuit, nec à capitulo Sede vacante. Ita concessit *Clem. 4. Bul. 4.* potest tamen reuocari ab Episcopo succedente. Ita *Pius 5. Bul. 10.* vbi decernitur, quod religiosus semel ab Episcopo prauo examine approbatus, ab eodem iterum non debet examinari, bene tamen ab Episcopo successore: non obstantibus priuilegijs, &c. vbi reuocat quoad hoc, quod antea concesserat inter viua orac. die 23. Martij anno 1567 reuolando priuilegia Minorum in foro conscientie, licet sint contra Conc. Trid. Item, similis declaratio facta à Congregatione Card. refertur à Man. Rod. in 99. reg. to. 1. q. 95. art. 4. Et talis Congregatio Concilij censuit regulares semel ab Episcopo prauo examine approbatos, iterum ab eodem Episcopo non esse examinandos. Bene tamen à successore iuxta constitutionem prædictam *Pij V* quæ à *Greg. 13.* non est reuocata per reductionem priuilegiorum mendicantium ad terminos iuris, & Conc. Trid. & ista declaratio Congreg. Cardin. in tempore *Sixti. 5.* & post *Greg. 13.* facta est, & sic à *Greg. 13.* non potuit reuocari.

4. Concl. Probabile est expositionem fratrum Prædicatorum & Minorum esse perpetuam. Ita tenet Manu. Rod. in 99. reg. tom. 1. q. 59. & probat primo, & extranea. inter cunctas, vbi ista perpetuitas istorum ordinum pro confessionibus audiendis, videtur insinuata dum dicitur: data vero licentia (prædictis scilicet religiosi) per diocesanos mortem nolumus terminari; quæ verba videntur approbari in *Clem. dudum de sepult.* dum conceditur Prædicatoribus & Minoribus eadem autoritas quam habent parochi, sed Episcopi à parochijs tollere auctoritatem absoluedi minime possunt cum de iure diuino illam habeant: vt patet ex Conc. Trid. sess. 23. c. 15. id insinuant: ergo idem videtur dicendum de prædictis religiosi. Si dicas, dictos religiosos habere extensiuè tantam auctoritatem, quantam parochi; & hoc probare argumentum, non tamen quod illam habeant eo modo quo parochi; alias de iure diuino illam haberent: Ideo proba-

faciunt possint audire confessiones, vbi non sunt approbati. Ita in compend. Societ. rit. confessores. §. 2.

Quinto, in bulla plumbea Cruciatæ conceditur sumentibus illam, posse eligere in confessorem ex regularibus semel tantum approbatum, hoc est, approbatum semel ab aliquo ordinario.

3. Concl. Religiosi possunt uti dictis privilegijs, etiam extra sua monasteria, quia secundum Pan. in ca. *tuam*, & in c. *cum capella*, de *privil.* quando datur exemptio ratione loci, scilicet ratione alicuius Ecclesiæ, aut monasterij, sicut sunt privilegia concessa religiosis ad celebrandum in suis Ecclesijs in tempore interdicti, non habet locum, nisi in suis Ecclesijs, attamen quando datur exemptio ratione personæ, sicut privilegia dicta supra, comitatur ipsam personam. *Secundo*, quia *Pius 4. Bul. 3.* & *Pius 5. Bul. 7.* concesserunt religiosis, alias scilicet expositis, posse ubique etiam extra conveniunt ministrare fidelibus Sacramenta Pœnitentiæ & Eucharistiæ.

D V B I V M V L

9. *An religiosi expositi possint absolvere à casibus Papæ.*

1. Concl. Regularis, sicut & alius Sacerdos ab ordinario approbatus, potest absolvere habentes Bullam Cruciatæ, à casibus Papæ (sola hæresi excepta) semel in vita, & in articulo mortis. Ita habetur in Bulla: vbi etiam conceditur, his sumentibus Bullam intra annum, posse bis in vita à prædictis (excepta hæresi) absolui.

2. Conclusio. Regulares (alias approbati, iuxta Concil. Trident. sess. 23. ca. 15.) possunt iuxta sua privilegia absolvere quoties opus sit, omnes fideles à casibus, sententijs, censuris & pœnis Ecclesiasticis Papæ extra Bullam Cenzæ reservatis. Ita habetur in privilegio *Pan. 3. Bul. 6.* de qua dub. præconc. 2. & intelligitur satisfacta parte modo explicando cap. 7. dub. 1. nec hoc privilegium suspenditur per Bullam, iuxta dicta cap. 3. dub. 7.

3. Concl. Religiosi in terris infidelium remotissimis à Sede Apostolica, possunt omnes fideles absolvere, etiam à reservatis in Bulla Cenzæ. Ita concessit religiosis Societatis *Pan. 1. Bul. 8.* & *Adri. 6. Bul. 1.* iam concesserat ad instantiam *Carol. 5. Imperatoris*, quod Provinciales Indiarum & fratres quibus

quibus ipsi commiserint, possint omnes Indos & omnes Chresticolos comitantes ad opus conuersionis absolueri in vtroque foro, & Papæ auctoritatem quantam iudicauerint expedire pro conuersione Indorum, & manutentione ac profectu illorum, ac aliorum præfectorum in fide Catholica & obedientia Romanæ Ecclesiæ viuentium. Vide c. 5. dub. 1.

D V B I V M V I I.

An religiosi expositi possint absolueri à casibus Episcopo reſeruatis. 10

1. Concl. Regularis sicut & alius sacerdos ab ordinario approbatus, potest quoties opus sit absolueri habentes Bullam Cruciatæ à casibus Episcopo reſeruatis. Pater in Bulla.

2. Concl. Probabilius est posse religiosos, stando in solo iure communi & secluso priuilegio, absolueri à casibus extra ius commune Episcopo reſeruatis. Ita *Diuus Ant. 3. p. tit. 17. cap. 11. Silu. ver. casibus, & ver. confessio. n. 28. Tabie. ver. dispensatio, §. 15. Armi. ver. absolutio. n. 25. Panor. in c. super specula, ne cler. vel monach. Bonif. in clem. dudum, de sepult. & alij contra Nau. in man. c. 27 n. 363. & contra alios*: sed conclusio patet, quia quando alicui conceditur priuilegiū ad instar aliorum, non limitatur isti, si postea alijs limitatur, sed in *Clem. dudum de sepult.* conceditur Prædicatoribus & Minoribus, & consequenter alijs religionibus per communicationem, *iuxta dicta dub. 4. in finem*, facultas absolue: di à casibus, à quibus curati de iure possunt absolueri: & ibi datur facultas curatis absoluedi ab omnibus, exceptis casibus in iure Episcopo reſeruatis: ergo licet post hæc sit limitata curatis ista potestas per Episcopum, vel Papam, non ex hoc limitatur religiosis, sicut è contra, si extendetur curatis, non ex hoc extendetur religiosis, secundum Bonif. loco cit. *Secundo*, quia in dicta *Clemen. datur religiosis à Papa tanta facultas, quanta in iure conceditur curatis*: nec habuit Papa respectum ad statuta Episcoporum, quæ pro loco & tempore variantur: maximè, quia Episcopi tunc habebant alios casus ex consuetudine sibi reſeruatos, ut patet ex extra. *inter cunctas, de priuil.* quæ præcessit dictam *Clem. dudum*.

3. Concl. Religiosi iuxta sua priuilegia, possunt absolute ab omnibus casibus Episcopo etiam in iure reſeruatis.

Patet *Primò*, ex concessione *Paul. 3. cit. dub. 5.* vbi conceditur religionis Societatis, posse absoluerè ab omnibus casibus, censuris & pœnis, sôlis casibus Bullæ Cœnæ exceptis.

Secundò, *Eug. 4. Bul. 11.* concessit Benedictinis, posse absoluerè fideles ab omni peccato, excommunicatione, suspensione, ac interdicto, exceptis Papæ reservatis: & inter viua ora. concessit Confessoribus Ordinis Prædicatorum, vt dum sunt in itinere, aut alibi, ita quod non possint petere casus Episcopales, eo ipso possint vti plenarie authoritate Episcopi.

Tertiò, *Vrbæ 4. vt constat ex Bul. 37. Sixti. 4.* concessit Carmelitis, posse audire confessiones fidelium, nisi talia commiserint, ob quæ Sedes Apostolica sit merito consulenda. Et *Eug. 4. vt constat ex eadem Bul. Sixti* concessit eisdem Carmelitæ, eandem in hoc potestatem quam habent ex officio Minores pœnitentiarij Romanæ Curiæ. Nec obstat si Carmelitæ non vtantur isto priuilegio, ad hoc quod alij religioni illo vti valeant per communicationem: cum per communicationem non communicetur priuilegiolorum vsus, aut non vsus, sed ius vtendi priuilegijs, iuxta dicta l. 2. c. 4. Ex dictis patet, quod licet *Pius 2. & Sixtus 4. Bul. 42.* concesserint Benedictinis Valeoleti, posse absoluerè sæculares in suo conuentu à casibus Episcopi, tamen in dictis priuilegijs nulla ponitur restrictio: & sic religiosi possunt absoluerè à concessis in illis, etiam dum existunt extra sua monasteria.

Si arguas primo, quod videntur dicta priuilegia reuocari in Conc. Trid. sess. 14. c. 7. vbi declaratur, posse Episcopos reservare casus, à quibus inferiores absoluerè non possunt: *ad hoc respondetur*, quod in Conc. Trid. non reuocantur regularium priuilegia, & multo minus, Clem. *dudum de sepult.* vbi Prædicatoribus & Minoribus, & consequenter alijs per communicationem, conceditur posse absoluerè à casibus Episcopo extra ius reservatis: cū non fiat expressa mentio istorum priuilegiolorum, sicut fit semper quoties in aliquo decreto intenditur alicuius priuilegij reuocatio: iuxta dicta ca. 3. dub. 6. Nec ista Episcoporum reservatio est impertinens: tum quia est alias necessaria de lege ordinaria & efficaciam habens secluso priuilegio, tum etiam, quia vim habet respectu non habentium priuilegium, scilicet clericorū. *Si arguas secundo*, quod consultus Papa cum Cong. Card. an religiosi per sua priuilegia, possint absoluerè à casibus Episcopi, resp. *Greg. 13. Romæ die 5. Sept. anni 1577.* quod non. Item, Episcopo Caiet. consulenti Congr.

Card.

Card an per bullas ordinarias, in quibus conceditur posse absolui à casibus Papæ, comprehendantur etiam casus referuati Episcopis & Prælati religionum; respond. quod non, nisi de eis fiat expressa mentio, *ad hoc respondetur Greg. XIII.* die 10. Maij anni 1583. declarasse, non esse mentis suæ, quod per dictam reuocationem sit derogata facultas religionum Societ. Iesu, eamq; quatenus opus est confirmat. Ita refert collector privilegiorum Societatis absolut. §. 1. Ex quo sequitur religiosos istos, & alios cum istis communicantes, posse virtute suorum privilegiorum absolueri à casibus Episcopi, iuxta dicta c. 4. conc. 3. maxime in 2. corollario.

D V B I V M V I I I.

*An religiosi in Sacramento pœnit possint cum fidelibus 11
dispensare in votis & iuramentis.*

1. Conclus. Religiosi ad confessiones expositi ab ordinario, possunt dispensare in votis Episcopo referuatis, quia *Eng. IV. bul. 25. & Iul. II. bul. 23.* hoc concesserunt priori, seu præsidenti & quatuor monachis ab istis deputatis, vel ad nutu deputandis conuētus Benedictini Valeolerani: & licet istæ cōcessionēs petant talum dispensationē fieri debere in istorum conuentu, tamen *Mat. V.* idem eisdem sine tali restrictione concessit. Ita habetur in com. Soc. ti. de pœn. §. 10. imò licet religiosi non possint dispensare in votis Papæ referuatis, scilicet in votis simplicibus absolutæ & perpetuæ castitatis, religionis, & peregrinationis Hierosolymitanæ, Romanæ & Cōpostellanæ, quādo sunt absoluta, bene tamen quādo ista vota sūt pœnalia, aut cōditionata, quia vt sic non sunt Papæ referuata.

2. Conclus. Licet qui etiam ex privilegio potest dispensare in votis possit illa à fortiori commutare, cum sit minus commutare quam dispensare, tamen vltra hoc possunt religiosi commutare in quoduis opus pium omnia vota præter illa quinque Papæ referuata. Ita concessit Benedictinis. *Eng. IV. bul. 11. & Paul. III. Societati bul. 7. & Greg. XIII. vt refert Manu. Rod. in qq. reg. tom. 1. q. 61. art. 5.* extendit prædictam concessionem ad vota iurata eiusdem materiæ, dum tamen non fiat commutatio in præiudicium tertiæ personæ, non tamen sit in præiudicium tertiæ personæ, quando iuramentum factum Deo, de dando calicem vni Ecclesiæ, commutatur aut appli.

714 DE PRIVILEGIIS CIRCA CONFESS.

applicatur alteri Ecclesiæ : vt cum communi sententia tenet Nauar. & ista concessio Greg. est peculiaris: quia licet qui potest dispensare & commutare vota , idem possit circa iuramenta votiua, cum idem sit & simul referrentur & concedantur, *vt ait Sot. 8. de iust. q. 1. art. 9.* non tamen potest ex hoc dispensare aut commutare vota iurata, ob duplex vinculum , voti scilicet, & iuramenti. *Ita Enriq. l. 7. de indulg. c. 30. lit. T. O. Man. Rod. loco cit. Secundo, Sixtus IV. vt dicitur cap. 7. dub. 1. conc. 2. inter alia concessit Minimis, posse omnia vota commutare & relaxare , sicut potest diocesanus .*

3. Conclusio . Qui potest dispensare & commutare vota , melius faciet vtendo in hoc vtraque potestate ; vt sic defectus in assignando sufficientem materiam pro commutatione , suppleatur per dispensationem : & causa sufficiens maior pro dispensatione quam pro commutatione, suppleatur per commutationem .

4. Conclusio. Probabilis est sententia Nauar. in Manu. c. 27. n. 272. quod cui conceditur dispensare & commutare vota , non ex hoc possit dispensare , & commutare iuramenta votiua: cum sint distincta vincula, & quando Papa hoc concedere intendit, exprimit illud , tamen opposita sententia Soto , loco cit. vt dixi, est etiā valde probabilis: quod pro certo tenendum est de religiosis: cum ex cōcessione Greg. vt dixi, possint dispensare & cōmutare vota iurata, cū limitatione prædicta ,

D V B I V M I X.

12. *An religiosi ad confessiones expositi, possint cum coniugibus incestuosis, aut voto castitatis astricis, dispensare in petitione debiti.*

1. Conclusio . Isti religiosi ex commissione suorum Præfectorum, possunt in foro tantum conscientie dispensare cum coniugibus qui carnaliter peccauerunt cum consanguineis alterius suis coniugis , vt possint petere debitum à suo coniuge. *Ita Pius V. inter viua orac. imo & Iul. II. Bul. 23.* iam concesserat Priori seu Præsidenti monasterij Benedictini Valeolerani, & tribus, aut quatuor monachis eiusdē conuentus per Priorem, seu Præsidentem deputandis, & ad nutum reuocandis, vt possint in suo monasterio cum prædictis dispensare: & ista concessio vt in eadem bulla habetur, est iam

extensa ad alia monasteria dicti ordinis: & consequenter alijs ordinibus communicata iuxta dicta cap. 4.

2. Concl. Dicti religiosi ab ordinario expositi, ex commisso-
sione suorum Prouincialium, possunt in foro tantū conscientie,
dispensare cum eo qui ante matrimonium vouit castita-
tem, vt possit à suo coniuge petere debitum. Ita cōcessit *Pius*
V. inter viua ora. sed aduertant confessores, dispensatum, si so-
luto matrimonio superuixerit, non posse aliud matrimonium
contrahere, & sic de facto peccando illud contrahat, non pos-
se petere debitum à nouo coniuge sine noua dispensatione.

3. Concl. Prædictorum dispensatio, non potest fieri sine
causa legitima, & erit pro tunc causa legitima, si coniuges
non se possunt continere. Ita *Manu. Rod. in sum. 1. p. c. 238.*

5. Conclus. Religiosi ab ordinario expositi, designati à suo
generali, aut de istius licentia ab alio superiore dicto generali
subordinato, possunt aperire literas sacræ pœnitentiariæ obli-
gnatas & directas in foro conscientie Doctores in Theolo-
gia, vel iure canonico, & absolvere & dispensare iuxta ea-
rum tenorem. Ita concessit Societati Iesu *Greg. XIII. Bul. 39.*

C A P V T V I I.

De priuilegijs regularium circa censuras
Ecclesiæ.

S V M M A R I V M.

Priuilegia regularium circa absolutionem à censuris? n. 1.

Priuilegia circa interdictum & cessationem à diuinis? n. 2.

An sint iam reuocata? n. 3.

An suspendantur per bullam cruciatam? n. 4.

D V B I V M I.

An religiosi expositi possint absolvere à censuris.

1. Concl. Religiosi ab ordinario expositi possunt quoties
opus sit absolvere ab omnibus censuris, etiam Papæ extra
Bullam Cœnæ referuatis. Pater ex dictis cap. 6. dub. 6. & 7.
consequenter possunt absolvere manifestos percussores cle-
ricorum, & nominatim ex communicatos & alijs sententijs
latis

latis ab homine ligatos: non obstante quod *Leo X. in bul. 45* de qua supra c. 3. dub. 5. decreuerat non posse religiosos absolueri sæculares à sententijs ab homine latis, reuocando contraria priuilegia: tum quia iuxta dicta ibi, priuilegia in illa bulla contenta, iam sunt iterum per alios Pontifices, maxime per *Paulum V.* confirmata & reualidata: tum etiam, quia alij Pontifices post *Leonem*, ut patet ex c. 6. dub. 6. & 7. absolute concesserunt religionis posse absolueri à censuris, non excipiendo censuras ab homine latis, sed tantum reseruatas Papæ in bulla Cœnz: & sic præter istas, alias à Papa, & alijs inferioribus latis tollere possunt, iuxta dicta l. 1. c. 6. dub. 15. *Item, Sixt. IV.* concessit Minimis posse absolueri ab omni excommunicatione, suspensione, interdicto, ac irregularitate, tã à iure, quam ab homine reseruatis, quoties opus sit, ac omnia vota commutare & relaxare, sicut potest diœcesanus: & quia posset dubitari an ista concedantur religionis pro sæcularibus: ideo *Iul. 17.* in confirmatione ordinis Minimorum, ait quod dicti Minimi quorumlibet personarum Ecclesiasticarum & sæcularium vbilibet possint audire confessiones, & ipsis auditis personas ipsas iuxta tenorem priuilegij *Sixti IV.* Minimis dudum concessi ac confirmati absolueri & pœnitentiam salutarem illis iniungere possint. *Ita refert Man. Rod. in q. reg. tom. 1. q. 61. art. 3.*

2. Conclusio. Prædictæ absolutiones, sicut & absolutiones factæ per bullam Cruciatæ, valent etiam pro foro externo præmissa satisfactione: & sine illa pro foro conscientie tantum. *Ita Med. in sum l. 2. c. 12. Nau. l. 5. conf. 26. tit. de sent. excomm. Man. Rod. q. 61. art. 6. contra Guti. & Con. ab eo relatos.* Et confir. ex declaratione *Pij V.* in quodam Iubileo ab eo concessa 15. Kalend. Nouemb. anni 1568. vbi sic ait: *decl. rantes in super tam presentes quam alias quascumq; confessiones similium & dissimilium indulgentiarum, à nobis & prædecessoribus nostris emanatas, & in futurum quomodolibet emanandas literas Christi fidelibus ipsis nisi ad eorum effectum in foro conscientia, & pœnitentiali conseruandum dumtaxat, non tamen in foro contentioso, nisi satisfecerint, ullatenus suffragari: vbi duo insinuantur.*

Primo, quod satisfacta parte, possunt absolui etiam à censuris ab homine latis etiam in foro contentioso.

Secundo, quod possunt in foro conscientie absolui sine satisfactione: maxime cum cautione de satisfaciendo, cum

cōmode fieri possit, sicut cum subscriptione pēnitentis, fideiussore, pignore, vel saltem pręstito iuramento, si alia non sint possibilia.

CIRCA INTERDICTVM.

D V B I V M II.

An religiosi habeant aliquot priuilegia circa interdictum, & cessationem à diuinis, & an sint reuocata.

1. Concluf. Religiosi in hoc habent multa priuilegia. *Primò*, in conuentibus separatis à populo, possunt religiosi in tēpore interdicti generalis diuina celebrare alta voce, campanis pulsatis, ianuis apertis, exclusis tamen interdictis, scilicet specialiter, & excommunicatis, scilicet non toleratis Ita concessit Cisterc. *Vrbā. IV. Bul. 3.* & iuxta hoc *Inl. II. Bul. 9.* pro Minoribus concessit, quod si in aliquo oppido promulgetur interdictū extendendo illud ad tria milliaria, sic cōprehēdat aliquod Monasteriū religiosorum: non teneātur religiosi illud seruare, nisi alias Monasteriū existat intra terminū ex more pręscriptū, vt iuxta ius cōmune teneantur religiosi illud seruare. *Secundò*, Ecclesię religiosorum non possunt interdicti specialiter, nisi religiosi dederint causam interdicto; vel nisi ille ad cuius instantiam interdicuntur, prouideat religiosis de victu. Ita concessit Minoribus *Leo X. Bul. 29.*

Tertiò, Religiosi in tempore interdicti, alias nō Apostolici, possunt canere benedictionem mensę, & gratias post refectionem, & facere processiones per clauitra, canēdo hymnos, litanias & alia quę sunt in vsu. Ita in cōpen. tit. interdictū. 1. §. 20

Quartò, in interdicto & cessatione, possunt religiosi bin, & plures extra Ecclesiam officiū diuinum recitare. Ita ibi. §. 18.

Quintò, in interdicto etiam Apostolico, possunt religiosi celebrare publice & solemniter, festa Sanctorum ordinis etiam si talia festa in octauis habeant solam memoriam. Et etiam si ista festa sint translata, cum quibus etiam indulgentię pro illis diebus transferuntur: & intelliguntur ista, nisi alias Ecclesię religiosorum sint specialiter interdictę, aut ipsi religiosi sint nominatim interdicti, vel dederint causam interdicto. Ita concessit Prędicatoribus *Leo X. Bul. 34.* Et idem concessit pro celsatione *Inl. II. Bul. 15.* idem concessit *Leo. X. Bul. 38.* & 39. cū dicta limitatione, & exclusis nominatim in-

bili, ita vt sit approbatus ad certum locum & non ad alia vbi
 maiori scientia opus est, & sit approbatus ad certum tempus,
 vt vacet studijs. Ex dictis patet, quod sicut approbatus pro
 omnibus, exceptis negotiantibus ex defectu scientiæ, non est
 ab istis, etiam per bullam, eligibilis in confessorem, sic nec ap-
 probatus pro omnibus, exceptis mulieribus ex defectu ætatis,
 est ab istis etiam per bullam eligibilis in confessorem, nec pro
 illis idoneus censetur: quia idoneitas confessoris consistit non
 tantum in sciendi petitijs, sed etiam in probitate vitæ, in mo-
 rum venustate, modestia & discretionem, vt colligitur ex Cle-
 ment. *dudum. de sepult.* quæ idoneitas regulariter non repe-
 ritur in sacerdote iuueni respectu fœminarum. Ita tenet Lud.
Lop. 2. p. c. 2. de Bulla, & hoc reputat securius Led. c. 13. de
pœnit. & Manu. Rod. in sum. 1. p. c. 60. nu. 4. licet alij aliter
probabiliter sentiant, sicut Antolinez in expositione Cru-
ciata, Enr. 10. 1. l. 6. c. 6. num. 8. Vega t. 1. c. 62. casu 75. in fi. Et
Sancho. 3. de matrim. disp. 74. n. 16.

D V B I V M IV.

7 *An approbatio, seu expositio regularium ad confessiones au-*
diendum, sit perpetua.

1. Conclu. Sacerdos secularis aut regularis expositus pro
 certo tempore, illo tempore finito, finitur eius expositio: nisi
 in casu, quo quis sit expositus, vsque ad Dominicam in Albis,
 verbi gratia, & audita infra illud tempus alicuius confessione,
 oportuit differre absolutionem per aliquot dies, tunc poterit
 ille sacerdos illum pœnitentem absolueret, etiam post Domi-
 nicam in Albis. Ita Ledes. c. 12. de pœnit. licet oppositum re-
 putet securius: sed patet, quia confessor ille habuit tunc iuris-
 dictionem ad audiendam illam confessionem, & differendam
 absolutionem pro tempore sibi viso conuenienti, iuxta cap. *om-*
nis vtriusque sexus, de pœnit. & rem. ergo potest perficere
 Sacramentum, licet enim expirasset licentia audiendi nouas
 confessiones, non tamen licentia finiendi inceptas:

2. Concl. Religiosi semel expositi ad confessiones audien-
 dum in aliqua diocesi, si inde exeant & iterum reuertantur,
 non tenentur se iterum præsentare eidem Episcopo pro no-
 ua licentia. Ita concessit Eug. 4. inter viua ora, de quo Soto,
 d. 18. qu. 1, art. 3. & Nau. in Man. c. 27. n. 262. immo nec tenen-
 tur

ut se presentare Episcopo successori dum non reuocat eorum licentias, *ut ait Silu. ver. confessor. 2. n. 4. & Ange. ver. confessor. 4. n. 25.* & idem etiam est de quouis confessore, etiam seculari, *ut ait Led. & iuxta dicta a nobis c. 3. dub. 1.*

Maiores difficultates est, *an talis expositio possit reuocari ab Episcopo qui exposuit, vel saltem ab Episcopo succedente, & ad hoc sit.*

1. Concl. Expositio regularium non potest reuocari ab Episcopo qui exposuit, nec à capitulo Sede vacante. Ita concessit *Clem. 4. Bul. 4.* potest tamen reuocari ab Episcopo succedente. Ita *Pius 5. Bul. 10.* vbi decernitur, quod religiosus semel ab Episcopo prauo examine approbatus, ab eodem iterum non debet examinari, bene tamen ab Episcopo successore: non obstantibus privilegijs, &c. vbi reuocat quoad hoc, quod antea concesserat inter viua orac. die 23. Martij anno 1567 reuolando priuilegia Minorum in foro conscientie, licet sint contra Conc. Trid. Item, similis declaratio facta à Congregatione Card. refertur à Man. Rod. in qq. reg. to. 1. q. 95. art. 4. Et talis Congregatio Concilij censuit regulares semel ab Episcopo prauo examine approbatos, iterum ab eodem Episcopo non esse examinandos Bene tamen à successore iuxta constitutionem prædictam *Pij V* quæ à *Greg. 13.* non est reuocata per reductionem priuilegiorum mendicantium ad terminos iuris, & Conc. Trid. & ista declaratio Congreg. Cardin. in tempore *Sixti. 5.* & post *Greg. 13.* facta est, & sic à *Greg. 13.* non potuit reuocari.

4. Concl. Probabile est expositionem fratrum Prædicatorum & Minorum esse perpetuam. Ita tenet Man. Rod. in qq. reg. tom. 1. q. 59. & probat primo, & extrava. *inter cunctas*, vbi ista perpetuitas istorum ordinum pro confessionibus audiendis, videtur insinuata dum dicitur: data vero licentia (prædictis scilicet religiosi) per diocesanos mortem nolumus terminari; quæ verba videntur approbari in *Clem. dudum de sepult.* dum conceditur Prædicatoribus & Minoribus eadem autoritas quam habent parochi, sed Episcopi à parochiis tollere autoritatem absolendi minime possunt cum de iure diuino illam habeant: ut patet ex Conc. Trid. sess. 21. c. 15. id insinuant: ergo idem videtur dicendum de prædictis religiosi. Si dicas, dictos religiosos habere extensiuè tantam autoritatem, quantam parochi; & hoc probare argumentum, non tamen quod illam habeant eo modo quo parochi; alias de iure diuino illam haberent: Ideo proba-

tur *secundo*, quia *Pius V. Bul. 12.* declarat expositionem prædictorum religiosorum esse perpetuam. Nec reuocatur ista declaratio à *Greg. 13. Bul. 18* ubi reuocantur omnia concessa Mendicantibus per *Pium V.* contraria Conc. Trident. Tum quia declarationes *Pij V.* cum sint declarationes Concil. Trid. non sunt contra Concil. Trident. vt dicemus cap. 9. dub. 5. Tum etiam, quia *Greg. 13.* reducit istam reuocationem ad terminos iuris communis, & Concil. Trid. sed concessio & declaratio *Pij V.* prout concernit Prædicatores & Minores, non est contraria decretis iuris, vel Conc. Trid. ergo.

Si obijcias, quòd ex declarationibus allatis in tertia conclusione, sequitur Prædicatores & Minores, posse iterum examinari ab Episcopo successore, cum ibi reuocentur contraria Priuilegia; *Ad hoc dico*, quod si declaratio *Pij V.* allata in tertia conclusione sit à *Greg. 13.* reuocata & reducta ad ius commune: iam secundum ius commune Clem. *dudum*, de sepult. non reuocatum in Conc. Trident. Prædicatorum & Minorum expositio est perpetua: si tamen non sit reuocata dicta declaratio, vt declarauit Congreg. Card. adhuc ista Prædicatorum & Minorum expositio est perpetua: cum ista perpetuitas competat illis ex iure communi dictæ Clementinæ, & non ex priuilegio, sicut alijs religionibus. In declaratione enim prædicta *Pij V.* sicut & in Concil. Trident. non reuocatur ius commune, vt ibidem patet, nec priuilegia in iure communi inserta, quia cum ista vendicent sibi aliud nobilius nomen, & sint iam leges communes, non manent reuocata per generalem reuocationem omnium priuilegiorum: Ita communiter Iurista, in l. *hæres absens ff. de iudicijs Foli. cap. 1. de rescrip. num. 12.* & Nau. l. 3. conf. 87. sit. de regula. ribus, secus tamen est de alijs priuilegijs. Ex dictis patet, quod licet ante declarationes allatas in 3. Conc. Clem. *dudum* esset extensa, & communicata August. per Clem. V. & Carmelitis per Ioannem 21. vt refert Manua. Rod. quia tamen extensio ista non competit illis ex iure communi, sed ex mero priuilegio reuocato iam per istas declarationes, si valent, vt certum puto, vel per Conc. Trid. si dictæ declarationes sint reuocata & reducta ad ius commune, & à Conc. Trident. iam non fauent eis, vt patet.

D V B I V M V.

An expositio regularium pro una diœcesi, valent pro alijs diœcesibus.

1. Concl. negatiua; stando in iure communi: *Ita Archidi. in cap. per lectis 25. d. 17. Sil. ver. confessor. 1. §. 14. Soto d. 18. q. 4. art. 3. & communiter*; & quando in Conc. Triden. sc. 21. c. 15. dicitur, quod confessorius sit ab Episcopo approbatus, intelligitur ab Episcopo eius cuius confessionem audit: nec est audiendus Eord. in addit. ad §. 16. vbi ait, quod regularis in vna diœcesi approbatus, est pro omnibus approbatus: ex eo, quod *Clem. 7. vt habetur in compen. mend. si. absolutio quo ad saculares 1. §. 16.* concessit Minimis alicui Episcopo presentari, non debere iterum presentari, licet ad aliam transseant diœcesim, sed ista concessio *Clem. 7.* est similis illi concessioni *Eng. 4* de qua dub. præce. conc. 2.

2. Concl. Religiosi ex priuilegio possunt aliquando audire confessiones omnium diœcesis, vbi non sunt approbati.

Primò, Nic. 5. Bul. 2. & Leo 10. inter viua ora. concesserunt Minoribus obseruantie, vt in diœcesi vbi sunt expositi, audiant confessiones quorumlibet fidelium.

Secundò, Sixtus 4. inter viua ora. concessit Minoribus posse audire confessiones sæcularium, vnde quaque venientium ea autoritate quam habent ab Episcopo diœcesis vbi existunt.

Tertio, Pau. 3. Bu. 7. concessit Presbyteris Societatis *Iesu* (alias scilicet iuxta Conc. Trid. sc. 25. c. 15. approbatis ab ordinario) posse absolvere omnes fideles, etiam à reseruat. Pa. pæ extra Bullam Cenzæ. *Et not* quod licet ista concessio vniuersaliter loquatur de omnibus fidelibus, non tamen intelligitur de religiosis, quidquid aliqui improbabiler dicant: cum isti ex vi suorum statutorum & Priuilegiorum, non possint absolui sine licentia suorum Superiorum, aut alio clariori indulto, iuxta dicta l. 1. c. 6. dub. 11. & 12. nec in concessionibus generalibus, vnquam Papæ videantur derogare statutis quæ ignorante iuxta notata in c. ex parte, de foro competentis: ita *Silm. ver. confessor 2. n. 6. Armi. ver. absolutio. n. 2.*

Quartò, Greg. 13. concessit Confessoribus & Prædicatoribus Societatis, semel ab aliquo ordinario approbatis, & à suis Superioribus ad ista officia deputatis; vt quoties iter

Y y 3 faciunt

faciunt possint audire confessiones, ubi non sunt approbati. Ita in compend. Societ. rit. confessores. §. 2.

Quinto, in bulla plumbea Cruciatæ conceditur sumenti illam, posse eligere in confessorem ex regularibus semel tantum approbatum, hoc est, approbatum semel ab aliquo ordinario.

3. Concl. Religiosi possunt uti dictis privilegijs, etiam extra sua monasteria, quia secundum Pan. in ca. *tuarum*, & in c. *eum capella*, de *privil.* quando datur exemptio ratione loci, scilicet ratione alicuius Ecclesiæ, aut monasterij, sicut sunt privilegia concessa religiosis ad celebrandum in suis Ecclesijs in tempore interdicti, non habet locum, nisi in suis Ecclesijs, attamen quando datur exemptio ratione personæ, sicut privilegia dicta supra, comitatur ipsam personam. *Secundo*, quia *Pius 4. Bul. 3. & Pius 5. Bul. 7.* concesserunt religiosis, alias scilicet expositis, posse ubique etiam extra conventum ministrare fidelibus Sacramenta Pœnitentiæ & Eucharistiæ.

D V B I V M V L

9. *An religiosi expositi possint absolvere à casibus Papæ.*

1. Concl. Regularis, sicut & alius Sacerdos ab ordinario approbatus, potest absolvere habentes Bullam Cruciatæ, à casibus Papæ (sola hæresi excepta) semel in vita, & in articulo mortis. Ita habetur in Bulla: ubi etiam conceditur, bis sumenti Bullam intra annum, posse bis in vita à prædictis (excepta hæresi) absolui.

2. Conclusio. Regulares (alias approbati, iuxta Concil. Trident. sess. 23. ca. 15.) possunt iuxta sua privilegia absolvere quoties opus sit, omnes fideles à casibus, sententijs, censuris & pœnis Ecclesiasticis Papæ extra Bullam Cenzæ reservatis. Ita habetur in privilegio *Pan. 3. Bul. 6.* de qua dub. præconc. 2. & intelligitur satisfacta parte modo explicando cap. 7. dub. 1. nec hoc privilegium suspenditur per Bullam, iuxta dicta cap. 3. dub. 7.

3. Concl. Religiosi in tertia infidelium remotissimis à Sede Apostolica, possunt omnes fideles absolvere, etiam à reservatis in Bulla Cenzæ. Ita concessit religiosis Societatis *Pan. 1. Bul. 8. & Advs. 6. Bul. 1.* iam concesserat ad instantiam *Carol. 5.* Imperatoris, quod Provinciales Indiarum & fratres quibus

quibus ipsi commiserint, possint omnes Indos & omnes Christianicos comitantes ad opus conuersionis absolueri in utroque foro, & Papæ autoritatem quantam iudicauerint expedire pro conuersione Indorum, & manutentione ac profectu illorum, ac aliorum præfectorum in fide Catholica & obedientia Romanæ Ecclesiæ viuentium. Vide c. 5. dub. 1.

D V B I V M VII.

An religiosi expositi possint absolueri à casibus Episcopo reſeruatis. 10

1. Concl. Regularis sicut & alius sacerdos ab ordinario approbatus, potest quoties opus sit absolueri habentes Bullam Cruciatæ à casibus Episcopo reſeruatis. Patet in Bulla.

2. Concl. Probabilius est posse religiosos, stando in solo iure communi & secluso priuilegio, absolueri à casibus extra ius commune Episcopo reſeruatis. Ita *Diuus Ant. 3. p. tit. 17. cap. 11. Silu. ver. casibus, & ver. confessio. n. 28. Tabie. ver. dispensatio, 6. 15. Armi. ver. absolutio. n. 25. Panor. in c. super Specula, ne cler. vel monach. Bonif. in clem. dudum, de sepult. & alij contra Nau. in man. c. 27 n. 363. & contra alios*: sed conclusio patet, quia quando alicui conceditur priuilegiū ad instar aliorum, non limitatur isti, si postea alijs limitatur, sed in Clem. dudum de sepult. conceditur Prædicatoribus & Minoribus, & consequenter alijs religionibus per communicationem, iuxta dicta dub. 4. in finem, facultas absolue: dī à casibus, à quibus curati de iure possunt absolueri: & ibi datur facultas curatis absoluedi ab omnibus, exceptis casibus in iure Episcopo reſeruatis: ergo licet post hæc sit limitata curatis ista potestas per Episcopum, vel Papam, non ex hoc limitatur religiosis, sicut è contra, si extenderetur curatis, non ex hoc extenderetur religiosis, secundum Bonif. loco cit. *Secundo*, quia in dicta Clemen. datur religiosis à Papa tanta facultas, quanta in iure conceditur curatis: nec habuit Papa respectum ad statuta Episcoporum, quæ pro loco & tempore variantur: maximè, quia Episcopi tunc habebant alios casus ex consuetudine sibi reſeruatos, ut patet ex extrau. inter cunctas, de priuileg. quæ præcessit dictam Clem. dudum.

3. Concl. Religiosi iuxta sua priuilegia, possunt absolueri ab omnibus casibus Episcopo etiam in iure reſeruatis.

Patet *Primò*, ex concessione *Paul. 3. cit. dub. 5.* ubi conceditur religionis Societatis, posse absolvere ab omnibus casibus, censuris & penis, solis casibus Bullæ Cenzæ exceptis.

Secundò, *Eng. 4. Bul. 11.* concessit Benedictinis, posse absolvere fideles ab omni peccato, excommunicatione, suspensione, ac interdicto, exceptis Papæ reservatis: & inter *viua* ora. concessit Confessoribus Ordinis Prædicatorum, ut dum sunt in itinere, aut alibi, ita quod non possint petere casus Episcopales, eo ipso possint uti plenarie autoritate Episcopi.

Tertio, *Urban. 4. ut constat ex Bul. 37. Sixti. 4.* concessit Carmelitis, posse audire confessiones fidelium, nisi talia commiserint, ob quæ Sedes Apostolica sit merito consulenda. Et *Eug. 4. ut constat ex eadem Bul. Sixti* concessit eisdem Carmelitis, eandem in hoc potestatem quam habent ex officio Minores pœnitentiarij Romanæ Curie. Nec obstat si Carmelitarum non utantur isto privilegio, ad hoc quod alij religiosi illo uti valeant per communicationem: cum per communicationem non communicetur privilegiorum usus, aut non usus, sed ius utendi privilegijs, iuxta dicta l. 2. c. 4. Ex dictis patet, quod licet *Pius 2. & Sixtus 4. Bul. 42.* concesserint Benedictinis Valerolei, posse absolvere sæculares in suo conventu à casibus Episcopi, tamen in dictis privilegijs nulla ponitur restrictio: & sic religiosi possunt absolvere à concessis in illis, etiam dum existunt extra sua monasteria.

Si arguas primo, quod videntur dicta privilegia reuocari in Conc. Trid. sess. 14. c. 7. ubi declaratur, posse Episcopos reservare casus, à quibus inferiores absolvere non possunt: *ad hoc respondetur*, quod in Conc. Trid. non reuocantur regularium privilegia, & multo minus, Clem. dudum de sepult. ubi Prædicatoribus & Minoribus, & consequenter alijs per communicationem, conceditur posse absolvere à casibus Episcopo extra ius reservatis: cum non fiat expressa mentio istorum privilegiorum, sicut fit semper quoties in aliquo decreto intenditur alicuius privilegij reuocatio: iuxta dicta ca. 3. dub. 6. Nec ista Episcoporum reservatio est impetinens; tum quia est alias necessaria de lege ordinata & efficaciam habens secluso privilegio, tum etiam, quia vim habet respectu non habentium privilegium, scilicet clericorum. *Si arguas secundo*, quod consultus Papa cum Cong. Card. an religiosi per sua privilegia, possint absolvere à casibus Episcopi, resp. *Greg. 13. Romæ die 5. Sept. anni 1577.* quod non. Item, Episcopo Caiet. consulenti Congr.

Card.

Card an per bullas ordinarias, in quibus conceditur posse absolui à casibus Papæ, comprehendantur etiam casus reservati Episcopis & Prælati religionum; respond. quod non, nisi de eis fiat expressa mentio, *ad hoc respondetur Greg. XIII.* die 10. Maij anni 1583. declarasse, non esse mentis suæ, quod per dictam reuocationem sit derogata facultas religiosorum Societ. Iesu, eamq; quatenus opus est confirmat. Ita refert collector privilegiorum Societatis absolut. §. 1. Ex quo sequitur religiosos istos, & alios cum istis communicantes, posse virtute suorum privilegiorum absolvere à casibus Episcopi, iuxta dicta c. 4. conc. 3. maxime in 2. corollario.

D V B I V M V I I I.

*An religiosi in Sacramento pœnit possint cum fidelibus
dispensare in votis & iuramentis.* 11

1. Conclus. Religiosi ad confessiones expositi ab ordinario, possunt dispensare in votis Episcopo reservatis, quia *Eng. IV. bul. 25. & Iul. II. bul. 23.* hoc concesserunt priori, seu præsideti & quatuor monachis ab istis deputatis, vel ad nutu deputandis conventus Benedictini Valeoletani: & licet istæ confessiones petant talium dispensationē fieri debere in istorum conventu, tamen *Mart. V.* idem eisdem sine tali restrictione concessit. Ita habetur in com. Soc. ti. de pœn. §. 10. imò licet religiosi non possint dispensare in votis Papæ reservatis, scilicet in votis simplicibus absolutæ & perpetuæ castitatis, religionis, & peregrinationis Hierosolymitanæ, Romanæ & Cōpostellanæ, quādo sunt absoluta, bene tamen quādo ista vota sūt pœnalia, aut cōditionata, quia vt sic non sunt Papæ reservata.

2. Concl. Licet qui etiam ex privilegio potest dispensare in votis possit illa à fortiori commutare, cum sit minus commutare quam dispensare, tamen ultra hoc possunt religiosi commutare in quodvis opus pium omnia vota præter illa quinque Papæ reservata. Ita concessit Benedictinis. *Eng. IV. bul. 11. & Paul. III. Societati bul. 7. & Greg. XIII. vt refert Manu. Rod. in qq. reg. tom. 1. q. 61. art. 5.* extendit prædictam concessionem ad vota iurata eiusdem materiæ, dum tamen non fiat commutatio in præiudicium tertiæ personæ, non tamen sit in præiudicium tertiæ personæ, quando iuramentum factum Deo, de dando calicem vni Ecclesiæ, commutatur aut appli.

applicatur alteri Ecclesiae : vt cum communi sententia tenet Nauar. & ista concessio Greg. est peculiaris: quia licet qui potest dispensare & commutare vota , idem possit circa iuramenta votiua, cum idem sit & simul referentur & concedantur, *vt ait Sot. 8. de iust. q. 1. art. 9.* non tamen potest ex hoc dispensare aut commutare vota iurata, ob duplex vinculum, voti scilicet, & iuramenti. *Ita Enriq. l. 7. de indulg. c. 30. lit. X. O. Man. Rod. loco cit. Secundo, Sixtus IV. vt dicitur cap. 7. dub. 1. conc. 2. inter alia concessit Minimis, posse omnia vota commutare & relaxare, sicut potest diocesanus.*

3. Conclusio . Qui potest dispensare & commutare vota, melius faciet vtendo in hoc vtraque potestate ; vt sic defectus in assignando sufficientem materiam pro commutatione, suppleatur per dispensationem : & causa sufficiens maior pro dispensatione quam pro commutatione, suppleatur per commutationem .

4. Conclusio. Probabilis est sententia Nauar. in Manu. c. 27. n. 272. quod cui conceditur dispensare & commutare vota, non ex hoc possit dispensare, & commutare iuramenta votiua: cum sint distincta vincula, & quando Papa hoc concedere intendit, exprimit illud, tamen opposita sententia Soto, loco cit. vt dixi, est etiā valde probabilis: quod pro certo tenendum est de religiosis: cum ex concessione Greg. vt dixi, possint dispensare & commutare vota iurata, cū limitatione prædicta,

D V B I V M I X.

12. *An religiosi ad confessiones expositi, possint cum coniugibus incestuosis, aut voto castitatis astrictis, dispensare in petitione debiti.*

1. Conclusio . Isti religiosi ex commissione suorum Præuincialium, possunt in foro tantum conscientie dispensare cum coniugibus qui carnaliter peccauerunt cum consanguineis alterius suis coniugis, vt possint petere debitum à suo coniuge. *Ita Pius V. inter vna orac. imo & Iul. II. Bul. 23.* iam concesserat Priori seu Præsidenti monasterij Benedictini Valeoletani, & tribus, aut quatuor monachis eiusdē conuentus per Priorem, seu Præsidentem deputandis, & ad nutum reuocandis, vt possint in suo monasterio cum prædictis dispensare: & ista concessio vt in eadem bulla habetur, est iam

ex.

extensa ad alia monasteria dicti ordinis: & consequenter alijs ordinibus communicata iuxta dicta cap. 4.

2. Concl. Dicti religiosi ab ordinario expositi, ex commisione suorum Prouincialium, possunt in foro tantū conscientie, dispensare cum eo qui ante matrimonium vouit castitatem, vt possit à suo coniuge petere debitum. Ita cōcessit *Pius V.* inter vna ora. sed aduertant confessores, dispensatum, si soluto matrimonio superuixerit, non posse aliud matrimonium contrahere, & sic de facto peccando illud contrahat, non posse petere debitum à nouo coniuge sine noua dispensatione.

3. Concl. Prædictorum dispensatio, non potest fieri sine causa legitima, & erit pro tunc causa legitima, si coniuges non se possunt continere. Ita *Manu. Rod. in sum. 1. p. c. 238.*

5. Conclus. Religiosi ab ordinario expositi, designati à suo generali, aut de istius licentia ab alio superiore dicto generali subordinato, possunt aperire literas sacre pœnitentiariæ obsequatas & directas in foro conscientie Dactoribus in Theologia, vel iure canonico, & absolvere & dispensare iuxta earum tenorem. Ita concessit Societati Iesu *Greg. XIII. Bul. 33.*

C A P V T VII.

De priuilegijs regularium circa censuras
Ecclesiæ.

S V M M A R I V M.

Priuilegia regularium circa absolutionem à censuris? n. 1.

Priuilegia circa interdictum & cessationem à diuinis? n. 2.

An sint iam reuocata? n. 3.

An suspendantur per bullam cruciatam? n. 4.

D V B I V M I.

An religiosi expositi possint absolvere à censuris.

I

1. Concl. Religiosi ab ordinario expositi possunt quoties opus sit absolvere ab omnibus censuris, etiam Papæ extra Bullam Cœnæ reservatis. Patet ex dictis cap. 6. dub. 6. & 7. consequenter possunt absolvere manifestos percussores clericorum, & nominatim ex communicatos & alijs sententijs latis

latis ab homine ligatos: non obstante quod *Leo X. in bul. 45.* de qua supra c. 3. dub. 5. decreuerat non posse religiosos absolueri sæculares à sententijs ab homine latis, reuocando contraria priuilegia: tum quia iuxta dicta ibi, priuilegia in illa bulla contenta, iam sunt iterum per alios Pontifices, maxime per *Paulum V.* confirmata & reualidata: tum etiam, quia alij Pontifices post *Leonem*, vt patet ex c. 6. dub. 6. & 7. absolute concesserunt religionis posse absolueri à censuris, non excipiendo censuras ab homine latis, sed tantum reseruatas Papæ in bulla Cœnz: & sic præter istas, alias à Papa, & alijs inferioribus latis tollere possunt, iuxta dicta l. 1. c. 6. dub. 15. *Item, Sixt. IV.* concessit Minimis posse absolueri ab omni excommunicatione, suspensione, interdicto, ac irregularitate, tã à iure, quam ab homine reseruatis, quoties opus sit, ac omnia vota commutare & relaxare, sicut potest diocesanus: & quia posset dubitari an ista concedantur religionis pro sæcularibus: ideo *Iul. II.* in confirmatione ordinis Minimorum, ait quod dicti Minimi quarumlibet personarum Ecclesiasticarum & sæcularium vbilibet possint audire confessiones, & ipsis auditis personas ipsas iuxta tenorem priuilegij *Sixti IV.* Minimis dudum concessi ac confirmati absolueri & pœnitentiam salutarem illis iniungere possint. *Ita refert Man. Rod. in q. reg. tom. 1. q. 61. art. 3.*

2. Conclusio. Prædictæ absolutiones, sicut & absolutiones factæ per bullam Cruciatæ, valent etiam pro foro externo præmissa satisfactione: & sine illa pro foro conscientie tantum. *Ita Med. in sum l. 2. c. 12. Nau. l. 5. conf. 26. tit. de sent. excomm. Man. Rod. q. 61. art. 6. contra Gut. & Con. ab eo relatos.* Et confir. ex declaratione *Pij V.* in quodam Iubileo ab eo concessa 15. Kalend. Nouemb. anni 1568. vbi sic ait: *decla- rantes in super tam presentes quam alias quascumq; con- cessiones similium & dissimilium indulgentiarum, à nobis & prædecessoribus nostris emanatas, & in futurum quomodolibet emanandas literas Christi fidelibus ipsis nisi ad eorum effectum in foro conscientia, & pœnitentiali conso- quendum dumtaxat, non tamen in foro contentioso, nisi satisfecerint, vllatenus suffragari: vbi duo insinuantur.*

Primo, quod satisfacta parte, possunt absolui etiam à censuris ab homine latis etiam in foro contentioso.

Secundo, quod possunt in foro conscientie absolui sine satisfactione: maxime cum cautione de satisfaciendo, cum

eōmode fieri possit, sicut cum subscriptione penitentis, fidei-
iussore, pignore, vel saltem præstito iuramento, si alia non
sint possibilia.

CIRCA INTERDICTVM.

D V B I V M I I.

*An religiosi habeant aliquot privilegia circa interdictum,
& cessationem à divinis, & an sint revocata.*

1. Concluf. Religiosi in hoc habent multa privilegia. Pri-
mò, in conventibus separatis à populo, possunt religiosi in tē-
pore interdicti generalis divina celebrare alta voce, campanis
pulsatis, ianuis apertis, exclusis tamen interdictis, scilicet spe-
cialiter, & excommunicatis, scilicet non toleratis Ita concessit
Cisterc. *Urban. IV.* Bul. 3. & iuxta hoc *Inl. II.* Bul. 9. pro Mino-
ribus cōcessit, quod si in aliquo oppido promulgetur interdi-
ctū extendendo illud ad tria milliaria, sic cōprehēdat aliquod
Monasteriū religiosorum: non teneātur religiosi illud serva-
re, nisi alias Monasteriū existat intra terminū ex more præ-
scriptū, ut iuxta ius cōmune teneantur religiosi illud servare.

Secundò, Ecclesiæ religiosorum non possunt interdicti spe-
cialiter, nisi religiosi dederint causam interdicto; vel nisi ille
ad cuius instantiam interdicuntur, provideat religiosi de vi-
ctu. Ita concessit Minoribus *Leo X.* Bul. 29.

Tertiò, Religiosi in tempore interdicti, alias nō Apostolici,
possunt canere benedictionem mensę, & gratias post refectio-
nem, & facere processiones per claustra, canēdo hymnos, lita-
nias & alia quæ sunt in usu. Ita in cōpen. tit. interdictū. 1. §. 20

Quartò, in interdicto & cessatione, possunt religiosi bini, &
plures extra Ecclesiam officiū divinum recitare. Ita ib. §. 18.

Quintò, in interdicto etiam Apostolico, possunt religiosi
celebrare publice & solemniter, festa Sanctorum ordinis
etiam si talia festa in octavis habeant solam memoriam. Et
etiam si ista festa sint translata, cum quibus etiam indulgentiæ
pro illis diebus transferuntur: & intelliguntur ista, nisi alias
Ecclesiæ religiosorum sint specialiter interdictæ, aut ipsi re-
ligiosi sint nominatim interdicti, vel dederint causam interdi-
cto. Ita concessit Prædicatoribus *Leo X.* Bul. 34. Et idem con-
cessit pro celsatione *Inl. II.* Bul. 15. idem concessit *Leo. X.*
Bul. 38. & 39. cū dicta limitatione, & exclusis nominatim in-

terdictis, & excommunicatis non toleratis, pro festo Conceptionis, Natiuit. ac Visitat. B. Virginis, & pro Nariuitate S. Ioannis Baptistæ, & pro festis & octauis Patronorum suarum Ecclesiarum & Sanctorum quorum corpora in eorum Ecclesijs sunt condita, & à primis vespers Dominicæ in Ramis, vsque ad Dominicam in Albis, & pro Missis nouis religiosorum à primis vespers vsque ad finitam Missam, & pro tempore quo religiosus, vel religiosa proficetur, aut velum accipit, potest interdictum suspendi. *Item*, interdictum latum ab ordinario, potest suspendi in domibus religiosorum ad sepeliendum ibi religiosos, cum solemnitate & campanis. Ita concessit Minoribus Iul. II. bul. 7. imo & per bullam concessam Benedictinis, *ut habetur in compen. mendi. tit. interdictum* 1. §. 24. & *tit. interdictum* 2. §. 10. potest suspendi omne interdictum etiam Apostolicum & cessatio à diuinis, ad sepeliendos religiosos, etiam nouitios, conuersos & famulos solemniter cum officio & Missa, exclusis specialiter interdictis & excommunicatis non toleratis, Quin etiam in festis in quibus religiosi suspendunt interdictum, possunt omnes fideles ibi cum dicta solemnitate sepeliri, ac alia fieri, ac si non esset interdictum, exclusis iam dictis. Ita concessit Leo X. loco citato §. 7. & 11. & sic iuxta istam concessionem, possunt tunc in Ecclesijs religiosorum omnia Sacramenta ministrari; ut ibi exprimitur. Ita Cord. in quadam resolutione ab eo circa hoc facta. Vbi nota, quod quoties in domibus religiosorum suspenditur interdictum, aut cessatio, possunt clerici, & alij ibi solemniter omnia quæ religiosi, exercere. *Ita loc. cit.* §. 1. 2. & 3. & *Silu. ver. interdictum* §. 9 §. 5. 6. 7.

Sexto, famuli, procuratores negotiorum religiosorum & operarij non ligantur interdicto aut excommunicatione lata in personas, aut terras vbi religiosi habitant, & possunt audire diuina in interdicto, nisi sint excommunicati, aut specialiter interdicti, vel ei causam dederint. Ita Alex. IV. Bul. 7. imo ex concessione Eng. IV. Bul. 9. pro Benedictinis, omnes habitantes intra septa monasterij in interdicto, possunt non tantum audire diuina, sed & Sacramenta recipere. *Item* in interdicto & cessatione, fratres omnes, etiam conuersi, nouitij, donati, moniales, seruitores, famuli & famulæ monasteriorum, possunt omnia Sacramenta recipere: dum tamen Eucharistiam recipiant coram valentibus ex iure, aut privilegio audire officia diuina. *Ita in compen. mendi. tit. interdictum* §. 4 & *1. interdictum* 2. §.

1. *Item* tertiarij, beatæ, serui, familiares, domestici, iudici, economi, procuratores, aduocati, officiales ordinarij monasteriorum, religiosorum & monialium in interdicto generali, aut speciali interesse possunt diuinis, & in domibus religiosorum sine pompa sepeliri, & ibi omnia Sacramenta recipere cum cautela cap. *Alma mater*, dum tamen prædicti, nec sint excommunicati, nec dederint causam interdicto: & iuxta ius commune & religiosorum priuilegia, familiares & domestici vocantur qui in domibus religiosorum commorantur; & illorum bonis aluntur, licet aliquando ob aliqua negotia absint à monasterijs: & sic ancillæ, & seruitrices monialium, & aliæ mulieres intra illarum monasteria existentes, licet sint portio-nistæ, gaudent dicto priuilegio, *ut habetur loco cit. sit. in-terdictum* 3. & idem etiam est de operarijs ob stipendium pro diebus operis, & de famulis operarijs, & mercenarijs residentibus in grangijs, aut alijs locis religiosorum, qui dicto gaudent priuilegio, quando veniunt ad domos religiosorum. *Item* Prælati regulares possunt eligere sex personas successi- uè, quæ in interdicto speciali & celsatione; alias non latis à Papa vel autoritate Apostolica, possint gaudere prædictis: Ita concessit *Nicol. V. Bul. 4.* Et per aliam concessionem eu-iusdam legati à latere, possunt eligere ad prædicta quindecimi personas, dum tamen non sint excommunicatæ non toleratæ, vel specialiter interdictæ, nec dederint causam interdicto. *Ita in compend. Cisterc. c. interdictum* 1. §. 23. & 24.

Septimo, ex concess. Iul. II. loco cit. §. 14. possunt religiosi facere in interdicto speciali, omnia quæ facere possunt in interdicto generali: & ista est magna concessio: quia iuxta ius commune, quando suspenditur interdictum non suspenditur pro personis & Ecclesijs specialiter interdictis: & iuxta istam concessionem, quæ fiunt in interdicto generali in Ecclesijs religiosorum, licite etiam fiunt in eisdem Ecclesijs, etiam specialiter interdictis, licet non coram personis specialiter interdictis. Et *Leo X.* inter viua orac. concedit religiosis, ut eodem modo se gerant, etiam quoad familiares, & alios de quibus supra, in celsatione, ac interdicto.

2. Concl. Dicta priuilegia habent modo suam vim, nec sunt reuocata, etiam in Conc. Trid. *Ita Medin. in sum. lib. 1. §. 13. Lud. Lop. 2. p. c. 21. & alij quos refert & sequitur Man. Kod. in expositione Cruciatæ, §. 5. contra Nauar. in Mann. c. 27. n. ult. & patet conc. ex dictis cap. 3. dub. 6. Si obijcias, quòd*

quodd in Conc. Trid. sess. 25. c. 12. præcipitur religiosis seruare interdicta ordinariorum: & confirmatur, quia licet *Pius V. Bul. 7.* declaret Conc. Trident. non intelligi in festis religionum & octauis, in quibus religiosi non obstante interdicto, possunt diuina solemniter celebrare: tamen postea *Gregor. XIII. Bul. 38.* reuocauit bullam *Pij V.* & vult non habere vim in contrarijs Conc. Trid. & licet postea idem *Greg. Bul. 1.* pro Minoribus confirmet, & de nouo concedat omne id quod non contrariatur Concil. Trid. & alias sit in vsu: tamen priuilegium non seruandi interdictum in dictis festis videtur contra Concil. Trid. Ad hoc responderetur, Concilium tantum præcipere, quod religiosi seruent interdicta ordinariorum, sicut de facto seruant: sed non reuocat dicta priuilegia, in quibus conceditur religiosis posse aliquando suspendere interdictum, & aliqua ministeria in interdicto exercere. Mens ergo Concilij est reuocare aliquarum religionum priuilegia, in quibus concedebatur eis, nulla interdicta seruare, sicut fuit concessum religiosis Sancti Ioannis hospitalis Hierusalem per *Auastasiū IV. Alex. III. & IV. Vrb. 3. Clem. III. & IV.* & idē erat concessum Minimis per *Leo. X.* hæc & similia priuilegia reuocantur à Conc. Trid. loc. cit. *Ex quo sequitur* dicta priuilegia non esse reuocata cum non sint contra Conc. nec declaratio *Pij* citata, est quoad hæc per *Greg.* reuocata cum nec sit contra Concil. Trident.

D V B I V M I I I.

4 *An per bullam Cruciatæ suspendantur dicta priuilegia.*

1. Concl. Bulla Cruciatæ non suspendit priuilegia in iure communi inserta, nec consuetudinem habentem vim legis: quia vt ait Bart. in extranag. *ad reprimendam, verbo non obstantibus*: ad hoc quod ista reuocentur, debet fieri expressa illorum mentio, sicut sæpe fit in Conc. Trid. & in bulla Cœnæ ubi priuilegia, & consuetudines immemorales solent reuocari. *Secundo*, priuilegia inserta in iure communi pertinent iam ad ius commune: ex quo colligunt Doctores, initiatos prima tonsura posse in interdicto interesse diuinis: cum hoc sibi in iure concedatur, *secundum Naua. in manu. c. 27. n. 173.* & potestas Prælatorum regularium ad concedendas literas fraternitatis, in quibus admittunt sæculares ad suffragia ordinis non suspenditur per bullam; & sæculares. etiam

etiam sine bulla possunt illis frui, cum facultas ista sit de iure communi, *secundum Nauar. de indulg. notabili* 31. nu. 21. & 22. 870; & c.

2. Concl. Religiosi etiam sine bulla gaudent dictis priuilegijs: cum in bulla expresse excipiantur priuilegia concessa Superioribus mendicantium quoad sibi subditos, licet suspendantur quoad sæculares, & sic famuli & alij sæculares nominati dub. 2. imo & donati non habentes animum perseverandi, non possunt in regnis ubi Bulla Cruciatæ prædicatur interesse diuinis sine tali bulla, nisi forte quis eorum sit necessarius pro adiuvando in Missa: tunc enim iste iuxta ius commune potest assistere.

3. Concl. Religiosi etiam sine bulla rectè suspendunt interdictum iuxta sua indulta, & sæculares tunc etiam sine bulla, si alias non sint excommunicati, aut specialiter interdicti, aut dederint illi causam, licet assistunt diuinis: quia priuilegium suspendendi tunc interdictum, etiam pro sæcularibus, non suspenditur per bullam iuxta dicta c. 3. dub. 7. Item, *Leo X* inter viua orac. n. 19. concedit Minoribus, quod per bullam Cruciatæ, aut aliam gratiam generaliter reuocantem omnia priuilegia etiam mendicantium, non intelligantur reuocata, aut suspensa indulta, priuilegia, aut gratiæ concessæ quoad personas Minorum, & quoad suspendendum interdictum in festis Sanctorum sui ordinis, nisi de istis fiat expressa mentio, de quo vide cap. 3. dub. 4.

An vero dicta priuilegia concessa pro tempore cessationis, valida sint etiam si cessatio sit rigorosa, utpote quando in Ecclesia non celebrantur diuina, nisi baptismus pro paruulis & Sacramentum Pœnitentiæ pro adultis. In hoc aliqui negant, sed licet hoc ita verum sit, respectu particularium personarum, vt in suis domibus, vel in altari portatili in Ecclesia audiant Missam: secus tamen est de priuilegijs, in quibus ista religiosi pro tempore cessationis conceduntur: quia religionum priuilegia sunt ample interpretanda, iuxta dicta c. 2. dub. 2. & ita habet vsus.

CAPVT VIII.

De priuilegijs circa Sacramentum Ordinis & Offici-
cium diuinum.

S V M M A R I V M.

*Priuilegia religionum circa Sacramentum Ordinis? n. 1.
Priuilegia circa Officium diuinum? n. 2.*

D V B I V M I.

*An priuilegia aliqua habeant religiosi circa Sacramentum
Ordinis, & quæ sint ista.*

1. *Concl.* Religiosi circa Sacramentum ordinis habent priuilegia. *Primo*, etsi nouitij alias non habentes beneficiũ Ecclesiasticum sufficiens ad vñctum, iuxta Conc. Trid. sess. 21. c. 2. de refor. & *Pium V. bul.* 26. ad sacros ordines promoueri non possint, nec alter promoti in altari ministrare valeant; tamen *Greg. XIII. bul.* 25. hoc reuocat pro religiosi Societatis & præcipit ordinarijs vt istos religiosos cum licentia suorum superiorum ordinent, etiam extra tẽpora in tribus festis continuis, & non seruatis interstirijs, & absq; vlla ordinum functione, nec eos inquirant de cantu, de officijs & ceremonijs Ecclesiasticis, vel de proprijs ordinarij licentia, & Parochi approbatione in vita & moribus. Et *Greg. XIV bul.* 2. concessit istis religiosi emissis votis simplicibus ad sacros ordines promoueri posse, quibus priuilegijs gaudent omnes religiosi, iuxta dicta c. 4. conc. 3. in fine.

Secundo. Religiosi possunt extra tempora ordines recipere, iuxta declarationem Card. de qua cap. 3. dub. 6. cum in hoc habeant multa priuilegia, maxime priuilegium *Greg. XIII.* modo citatum pro Societate Iesu.

Tertio. Etsi in Conc. Trid. sess. 14. c. 2. statuatur quod quilibet à suo Episcopo ordinetur, aut si ab alio, cum dimissorijs proprij Episcopi, quod *Greg. XIII.* voluit intelligi etiam de religiosi: imo & Congreg. Card. de mandato *Sixti V.* & auditis procuratoribus circa hoc, idem ac *Greg. XII.* declarauit, tamen post hæc *Sixtus V.* ex sententia Congregationis
di-

dixit, regulares Prælatos suis posse concedere dimissorias ad Episcopum diocesānum: & isto absente, aut ordines non conferente, vel sede vacante, de quo fiat mentio in dimissorijs ad quemlibet alium, modo ab isto quoad doctrinam examinetur. *Ita refert Mann. Rod. in compend. & Prosper. Farina. decis. 240.* Postea autem *Clem. 8.* hoc ipsum absolute, & sine dictis limitationibus *Sixt. V.* concessit Cisterciensibus, de quo *Mann. Rod. in qu. regul. tom. 1. qu. 18. art. 6.* & hoc ipsum prius concesserat *Urban. 2. bul. 1.* Benedictinis, & Minoribus *Alexand. V. bul. 10.* & Prædicatoribus *Sixtus 4. bulla 33.*

Quarto, Ex concessione *Eug. 4. bul. 9.* pro Benedictinis, quilibet Episcopus absq; diocesani licentia, potest in monasterijs monachos ordinare: sed ista moderantur in bul. 45. *Leo. X.* de qua supra cap. 3. dub. 5. ubi quoad ordines habetur: Nullatenus in Ecclesijs, domibus, aut alijs locis religiosorum ab alio, quam ab diocesano Episcopo, nisi isto, vel eius Vicario super hoc cum debita instantia requisito, & absque rationabili causa contradicente, vel eo à diocesi absente, ad dictos ordines promoueri debeant, scilicet, religiosi; sed vide supra loco citato an ista moderatio habeat modo suam vim.

Quinto, Abbas Benedictinus potest suos subditos, etiam sæculares, ad Minores ordines promouere. Ita concessit *Greg. 9. bul. 23.* & *Inl. 2. bul. 25.* & hoc ipsum conceditur Abbatibus, cap. *quoniam, dist. 10.* nec hoc reuocatur in Concil. Trid. sess. 23. cap. 10 pro sibi subditis regularibus, sed pro alijs. *Item, Innoc. 8. bul. 5.* concessit Abbati Cisterc. Cabiloniensis dioc. & alijs quatuor Abbatibus aliorum conuentuum, & istorum successoribus, posse suis subditis conferre subdiaconatum & diaconatum ac alios ordines Minores.

Sexto, In monasterijs religiosorum ipsis inuitis, non possunt ordines celebrari, vel alia Pontificalia, exerceri, vel Synodi, aut processiones, Missæ, &c. celebrari, nec alix causæ agi. Ita concessit Cisterc. & *Eug. 4. bul. 18.* & in bul. 9. pro Benedictinis, idem mandatur Episcopis; & ordinarijs. Ita etiam concessit August. *Sixt. 4. bul. 34.*

2. *An religiosi habeant privilegia circa officium divinum.*

1. Conclusio. Religiosi possunt mentaliter legendo intra se per librum recitare horas, & alia quæ in officio divino & Missa præcipiuntur dici secrete sub silentio. Ita concessit Minoribus *Leo X.* inter viua ora. n. 12.

2. Concl. Religiosi non valentes bene recitare in choro, ob defectum visus, vel auditus, si quid horarum sic omittant, satisfaciunt dicendo in fine horarum *Pater noster*, vel *Aue Maria*. Ita concessit Minoribus Innoc. VIII. inter viua ora. & *Leo X.* inter viua ora. concessit plenariam indulgentiam, & remissionem omnium defectuum humana fragilitate, & non ex malitia commissorum in diuinis horis, dicendo hanc orationem, scilicet, *Sacrosancta, ac indiuidua Trinitati, Crucifixi Domini nostri Iesu Christi humanitati, & beatissima, ac gloriosissima Virginis Maria fecunditati, seu integritati, & omnium Sanctorum vniuersitati, sit sempiterna laus, honor, virtus & gloria ab omni creatura, nobiscum remissio peccatorum, per infinita seculorum secula. Amen. Et Beata viscera Maria Virginis, qua portauerunt Eterni Patris Filium. Et beata ubera qua lactauerunt Christum Dominum.* Et deinde *Pater noster* & *Aue Maria* pro felici statu suæ Sanctitatis & Ecclesiæ. Et explicat idem *Leo* inter viua ora. n. 69. sat esse, dicere ista in fine plurium horarum vno contextu dicendum. Et vt notat Nau. cap. 19. de oratione n. 89. ista privilegia non intelliguntur de omittentibus aliquam partem notabilem, sed de omittentibus aliqua parua cum culpa veniali. Et ita etiam intelligitur aliud privilegium Minoribus concessum à *Leo X.* de quo *Manu. Rod. in qq. regul. tom. 1. q. 41. ars. 2.* quod scilicet satisfaciunt præcepto recitandi horas, quando non integre pronuntiant, ob negligentiam, imperitiam, malam pronuntiationem naturalem, ob defectum linguae, aut aliter horas imperfectè dicendo, vel cum animi distractione, sensuum vagatione: dum tamen hoc non fiat ex malitia, & quod recitantes cum istis non teneantur iterum recitare, ab istis imperfectè dicta, vel non integre audita, ob distantiam loci, ob strepitum, vel aliam causam.

3. Concluf. Religiosi dum prædicant, vel confessiones audiunt,

diunt, scilicet in aduentu, vel quadragesima, possunt officium feriale anticipare, & festa illis diebus seruare, quibus illos plus laborare necesse est: & non in fraudem officij diuini, sed vt liberius studio & consolationi spiritali fidelium vacent. Ita concessit Minoribus *Leo. X.* inter viua orac. n. 44.

4. Concl. Religiosi extra sua loca existentes, possunt se cum alijs regularibus & clericis conformare in diuino officio. Ita concessit Minoribus *Innoc. IV.* bul. 11.

CAPVT IX.

De priuilegijs circa temporalia.

S V M M A R I V M.

Quomodo religiosi possint recipere nouas domos, & eas in alium locum transferre? n. 1.

An possint unum monasterium alteri unire? n. 2.

An sint exempti à legibus tributorum? n. 3.

An sint exempti à decimis soluendis? n. 4.

An sint exempti à solutione canonica & quarta funeralis? n. 5.

D V B I V M I.

An regulares possint noua loca & domos recipere, ac sua monasteria in alium locum transferre.

1. Concl. Religiosi mendicantes, domos, vel loca recipientes, vel recepta murantes, alienantes, vel differentes, sine licentia Sedis Apostolicæ, excommunicantur in Clem. *cupientes, de panis.* & rem & in c. 1. *de excessibus pralat.* sed per priuilegia Minorum & Augustinianorū, vt habetur in const. Prædicatorum, d. 2. cap. 1. possunt de nouo loca recipere, cum licentia tamen Episcopi: vt decernitur in Conc. Trid. sess. 25. c. 3. & ex decreto Clem. VII. bul. 18. nō possunt Episcopi dare istā licentiam, nisi vocatis & auditis prioribus vel procuratoribus conuentuum eiusdem oppidi, & alijs interesse habentibus, cognito quod sine istorū conuentuum damno possint illi cōmodè sustentari: & si super hoc ad Sedem Apostolicā sit appellatio, erectio nouorū conuentuum suspendatur, quo vs-

que à Sede Apostolica in eadem causa sit pronuntiata, aliter factum sit irritum.

2. Concl. Prælati regularium possunt transferre monasteria fundata in locis sterilibus, & aquosis, aut dominorum temporalium eorum bona occupantium ad alia loca, cum suis redditibus, fructibus & proventibus. Ita concessit Benedictus Valeoletanus *Pius 2. bul. 6.* & Minoribus *Sixt. 4. bul. 14.* & Prædicatoribus *bul. 33.* & *Alex. IV. bul. 7.* & isti concesserunt posse secum bona deferre, & vendere ædificia, & solum, præter Ecclesias.

3. Concl. Nullus ordo etiam mendicantium, aut alia persona prope domos Carmelitarum, infra spatium centum quadraginta cannarum, per aerem mensurandarum, Ecclesiam, vel loca construat, aut de nouo recipiat. Ita *Sixtus IV. bul. 37.* & Augustinianis idem conceditur, respectu ordinum in paupertate fundatorum, per *Bonif. 8. bul. 6.* imo & Prædicatoribus conceditur per *Clem. 4. bul. 7.* quod nullus ordo in paupertate fundatus, qui ex suis legibus extra sua monasteria nullas debet habere possessiones, possit prope Ecclesias Prædicatorum ad trecentas cannas octo palmorum, per aerem mensurandas, monasterium Ecclesiam, vel oratorium construere, vel ex alio loco transferre: excipitur à prædictis ordo Minorum per *Inl. II. bul. 10.*

D V B I V M I I.

2. *An religiosi possint unum monasterium alteri reunire.*

1. Concl. Generales ordinum ac capitula generalia possunt monasteria & Prioratus ordinis, etiam monialium, unire pauperibus monasterijs, sine licentia diocesani, aut alterius, non obstantibus statutis Apostolicis, vel monasteriorum, etiã iuratis. Ita concessit Cisterc. *Ioan. 23. bul. 1.* & *Pius 2. bul. 6.* concessit Priori Benedictino Valeoletano, posse duo, vel tria monasteria, ubi ob exiguos redditus, tres aut quatuor monachi sustentari non possunt, cum consensu Superiorum talium conuentuum in unum monasterium unire, ubi duodecim saltem monachi constituentur: imo *Innoc. 8. bul. 3.* concessit Prædicatoribus, quod conuentus non valens sustentare octo religiosos, possit alteri incorporari per Vicarium congregationis cum diffinitoribus: dum tamen sine scandalo fiat & in Ec.

Ecclesia loci incorporati non cesser cultus diuinus.

2. Conclus. Bona monasteriorum destructorum monialium Minoribus subiectarum, licet non sint sui ordinis, sunt applicanda Minoribus vicinioribus. Ita concessit *Sixtus 4. bul. 14.* & idem concessit bul. 33. Prædicatoribus respectu monialium sibi subiectarum.

D V B I V M I I I.

An religiosi sint exempti à legibus tributorum.

3

1. Concl. Religiosi vtriusq; sexus, non tantum ex iure, cõmuni sicut alij clerici, in cap. *quonquam, de censibus*, sed etiã per multa priuilegia sunt exempti à legibus tributorum.

Primo, Alex. 4. statuit, quod imponentes Minoribus angarias, aut alias impositiones & exactiones, vel similia, sunt ipso facto excommunicati. Et si contumaces ab hoc non desistant, non possunt absolui nisi à Papa. Ita in monum. ord. conc. 656.

Secundo, Eng. 4 bul. 29. facit amplissimam exemptionem pro monialibus S. Claræ: & in compen. Societ. ver. exemptio. §. 8. refertur alia amplissima exemptio pro Camaldulensibus.

Tertio, Pius V. bul. 7. eximit monasteria & collegia mendicantium à contributione pro seminarijs, quæ ab Episcopo exigitur, iuxta Conc. Trid. sess. 23. c. 18.

D V B I V M I V.

An religiosi sint excepti à decimis soluendis.

4

1. Conclus. Religiosi non tenentur decimas soluere de laboribus, quos suis manibus aut sumptibus colunt, nec de nutrimentis suorum animalium, vt concessit Benedictinis Benedict. XII. bul. 1.

2. Conclusio. Religiosi non tenentur decimas soluere, de suis bonis mobilibus, & immob. possessionibus, & prædijs præsentibus & futuris, etiam ab alijs conductis, dum tamen illa suis manibus, vel sumptibus excolantur, aut pro sustentatione excoli faciant. Nec tenentur decimare de pratijs, herbis, pascuis, nutrimentis animalium, ac pastorum corundem. Ita concessit fratribus de Guadalupe *Greg. 11. Mart. V. et Pau. 3* anno 1535. vt habetur in comp. D. Hieron. sit. decim.

marum exemptio 12. 15. & 16. *Item, Sixt. V. bul. 18.* eximie religioſos S. Ioan. Hieroſolymitani, vaſallos, colonos, ſeruitores, &c. & ipſorum animalia, prædia, domos, molendina, & quævis bona, à ſolutione decimarum, iurium, etiam ſynodaliũ, cenſuum & canonicarum portionum, ſeu charitatiui ſubſidij, aut iucundi aduentus, ſeu quartæ & aliorum onerum: & præcipitur ordinarijs, ne in hoc eos moleſtent.

3. *Concluſio.* Religioſi iuxta cap. *nuper, de decimis* tenebantur decimare de poſſeſſionibus acquiſitis poſt Conc. latè, ſi alias de iſtis poſſeſſionibus decimæ ſoluebantur: ſed iam ab iſta decimarum ſolutione liberantur per *Paul. III bul. 8* ubi concedit Societati, vt de eorũ domibus, prædijs, hortis, ac alijs locis quæ pro eiſdem emendis ipſis pro tempore largiri, vel donari contigerit, & de alijs bonis ab eis poſſeſſis & obrentis, non ſoluant decimã, etiam Papalem, ſeu canonicam portionem, nec ad præſtationẽ præcarationum Legatorum dictæ Scdis, vel exactionẽ collectarum, vel prouiſionum quatumcumque, nec ad id per literas Apoſtolicas, poſſunt compelli, niſi iſtæ literæ de hoc indulto de verbo ad verbum, ac de Societate fecerint mentionem: & ſi per ſedem Apoſtolicam ex pijs legatis diſpoſitis vel relictis aliqua pars alteri præ, vel nõ præ cauſæ ſit conceſſa vel concedatur, legata Societati, vel relictæ, vel in fauorem eius diſpoſita ſub hīs conceſſionibus non comprehendantur, niſi de ipſa Societate & de hoc indulto, & de Pontificis voluntate fiat mentio in eiſdem, & non per clauſulas generales idem importantes. Sed quomodo iſta verba intelligantur de concedendis ab iſtomet Papa hoc tenore iſta concedente; Vide cap. 3. dub. 4. *Item poſtea Pius IV. bul. 5.* confirmauit exemptionem à quibuſuis decimis, etiam Papalibus, prædialibus, perſonalibus, quartis, medietatibus, & alijs fructuum partibus, ſubſidijs, etiam charitatiuis & alijs ordinarijs oneribus, etiam pro expeditione contra infideles deſenſioneq; patriæ, ac alijs quomodolibet, etiam ab Imperatorum & inferiorum principum impoſitis: & licet in ipſa impoſitione caueatur, quod nulla omnino exemptio cuiq; aduerſus illa ſuffragetur: & idem poſtea etiam confirmauit *Greg. XIII. bul. 21.* expreſſè derogando dicto c. *nuper de decimis*.

4. *Concluſio.* Religioſi non tenentur decimare, etiam de terris & poſſeſſionibus, alijs ad colendum traditis: imo ipſi poſſunt percipere decimas quas coloni tenentur alijs ſolvere, etiam ſi alijs in poſſeſſione, vel quaſi, eas à colonis exacturi fue-

fuerint Ita concessit Cisterc. *Bonif. 8. Bul. 10. & 104. 22.* Carthusiensibus. ut habetur in compen. Cister. ver. decima. §. 4. & idem *Bonif. 8.* præcipit Prælati Ecclesiæ, ut cum censuris inhibeant suis subditis, ne à fratribus hospitalis S. Ioa. decimas exigere præsumant de noualibus, vel alijs terris quas suis sumptibus, vel per suos amendatarios, vel cultores ad tempus, & non in perpetuum excoli faciunt, vel de animalium nutrimenti; vel aliorum à suis terris nascentium, vel de hortis, virgultis, & piscatoribus non obstante longa præscriptione, seu potius violenta supra dictis exactione eisdem fratribus irrogata: *Ita in comp. mendi. t. i. decima §. 7 & Manu. Rod. in qq. reg. to. 2. q. 44. art. 4.* Item, *Cle. 7. Bul. 10.* concedit ordini Milit. S. Iacobi amplum priuilegium circa hoc.

Ex dictis sequitur primò, dicta priuilegia finistrè interpretari ab aliquibus iudicibus Ecclesiæ atticis, dicendo quod quando religiosi proprijs manibus vel sumptibus dictas terras excolunt integram decimam recipere possunt: si tamen illas excolunt, per colonos, ex communi aceruo prius extrahatur redditus monasterio soluendus, & de residuo decima pars parrocho solua:ur, nisi alias per quadraginta annos religiosi integram decimam à colonis percepissent. *Sed ad hoc dico*, quod bona regularium per suum reale priuilegium eximuntur à decimis prædialibus, & non tenentur soluere decimam personalem, vel quartam, aut aliam partem: *ut probat Mandosus ad instar glo. 15 nu. 4.* Et cum sit priuilegium reale, ut constat ex littera priuilegiorum, terra cum eodem priuilegio transit ad colonos, quod adhuc citius patet ex priuilegijs Societatis Iesu, & peritissimi iuristæ fatentur, concedere plenum ius exceptionis etiam colonis conducentibus religiosorum agros: & ita iudicatum est in multis tribunalibus in fauorem Societatis & colonorum, sicut Salmanticæ anno 1588. Beticæ, & Murtiæ adductis executoribus Pontificis mandatum est executioni, & contra confirmatum sententiam rei iudicatæ: *ut refert Enri. l. 7. de indulg. c. 7. n. 7. art. 1.* & sic coloni debent soluere decimas monasterio. *Secundò sequitur*, quod ubi soluitur decima personalis, non tenentur seruitores monasteriorum eam soluere: alias monasteria illam decimam soluerent: cum seruitores carius opætas suas locarent, si eam soluerent.

3. Concl. Moniales eodem modo ac religiosi sunt exemptæ à decimarum & primitiarum solutione. Ita concessio
mo-

monialibus S. Claræ *Bonif. 8. Bul. 3.* vbi eximuntur, à solutione decimarum, à contributione in procuracionibus ordinariorum, legatorum, & nuntiorum Papæ, à collectis, talliis, pedagiis, à teloniis & aliis exactionibus, regibus, aut aliis soluendis, & idem eisdem concedit *Leo. 10. Bul. 23.* habentque moniales sua priuilegia communicationis, iuxta dicta supra c. 4.

D V B I V M V.

§ An religiosi sine exempti à solutione canonica portionis, & quarta funeralis.

Not. quod canonica portio dicitur, quæ à canonibus est approbata, & iure decretorū debita; & est duplex: alia quæ debetur Episcopo ab omnibus Ecclesijs suæ diocesis, vt habetur c. *de his 10. q. 1.* vbi dicitur, quod de terris, vineis, mancipiis, & pecuniis Ecclesiæ à fidelibus oblatis tertia pars Episcopo fideliter deferatur; & intelligitur *secundum Panor. quem refert & sequitur Arm. ver. canonica portio, & secundum communem sententiam*, de Ecclesijs Episcopo immediate subiectis, & non de exemptis; quia ista portio deberur Episcopo ratione sollicitudinis, quam de suis tantum Ecclesijs habere debet; vt dicitur in c. *conquerente, de officio ordinarij*. Alia canonica portio debetur Ecclesiæ parochiali, de omnibus à suo parochiano relictis vel ratione funeris obuenientibus illi loco, vbi quis eligit sepulturam relictæ suæ parochia; vt habetur in Clem. *dudum, de sepult.* Et licet olim ista portio esset varia pro more patriæ, nam alibi medietas, alibi tertia pars soluebatur, tamen ibi taxatur quarta pars, & sic communiter appellatur quarta funeralis.

1. *Concl.* Stando in iure communi, & secluso priuilegio, vel consuetudine, religiosi omnes, etiam Prædicatores & Minores tenentur soluere dictam quartam funeralem, & non amplius. Ita in Clem. cit. vbi habetur, quod vltra dictam quartā, nil aliud valeant parochi exigere, nec religiosi amplius illis impendere teneantur, nec ad id ab aliquo cogantur, & reuocantur illic consuetudines & priuilegia illuc vsque concessa, & conuentiones, statuta & pacta in quantum alicui ex præmissis contrariantur.

2. *Conclusio.* Religiosi iam iuxta sua priuilegia, non tenentur soluere Episcopo, vel parochio dictam portionem, nec
de

de funeralibus, oblationibus, sepulturis, legatis, ultimis voluntatibus, nec de alijs pro victu, ornamentis, aut alijs quomodo. libet largitis: nec ipsi, nec qui eis illa solvunt, possunt ad illud coartari; non obstante decreto Clem. *dudum de sepult.* & alijs statutis. Ita concessit post dictam clementinam *Eng. 4. Bul. 12.* pro Benedictinis & *Sixt. 4. Bul. 14.* pro Minoribus, & *Bul. 37.* pro Carmelitis. Vbi etiam conceditur, quod si à Papa mandetur dari alicui causæ piæ aut non piæ de pijs legatis, non intelligitur de legatis relictis religionis, nisi de eis fiat expressa mentio; item in *Bul. 26. Clem. 8.* Carmelitæ discalceati post contradictorium iudicium, & ventilata causa, à solutione quartæ funeralis liberantur.

Si obijcias, quod in Conc. Trid. *sess. 15. c. 13.* de reformatione habetur, quod dicta quarta funeralis solvatur, vbi solita est persolui ante annos quadraginta, hoc est *de quadraginta annos aca*, non obstante quouis privilegio, *Ad hoc respondetur*, Cōcilium loqui de monasterijs ante annos quadraginta fundatis quæ dictam portionem soluebant: & sic si aliqua monasteria sint fundata à quadraginta annis & citra, hoc est, *de quadraginta annis aca*, non tenentur solvere dictam quartam. Ita declaravit *Pius V. Bul. 7.* Et si *infes*, quod ista bulla est reuocata à *Greg. 13. Bul. 38* & reducta ad terminos Conc. Trid. *Ad hoc respondetur*, *Primo*, quod in bulla illa *Pij V.* & conceduntur quædā privilegia, ex quibus sola ista reuocantur à *Greg.* quæ sunt contraria Conc. Trid. modo explicato *dub. 6. c. 3.* & insuper declaratur aliqua decreta Conc. Trid. & istæ declarationes non etiā reuocantur ibidē à *Greg. 13.* cum non sint contra Cōcilium, sed potius eius declarationes, & alias ad Papā spectat declarare ius. *Secundo respondetur*, quod eadē omnino declaratio *Pij V.* data etiā est postea à Congr. Card. quæ nec à *Greg. 13.* nec ab alio est reuocata, cuius declarationis tenor refertur à *Rod. in qq. reg. 20. l. 9. 39. a. 2.* & talis est. *Congr. Con. censuit non cōprehendi in dictis verbis Cencilij monasteria adificata à quadraginta annis & citra, vel quæ in dies adificatur, supposito quod ista monasteria sint illius religionis cui à Sede Apostolica sit indultū ut quartā funeralem non debeant solvere Episcopo:* & ut refert *Veracruz* in suo compedio, orta lite circa hoc inter religiosos & Episcopū de Guarimala, Archiepiscopus Mexicanus tulit sententiā pro religiosis: & hoc ipsum patet ex Bulla cit. *Clem. 8.* pro discalceatis Carmelitæ: & sunt alia innumera privilegia religionis ante & post Clem.

732 DE PRIVILEGIIS CIRCA TEMPORALIA.
dudum de sepult. concessa, quæ consulto omitto, cum nil aliud præter iam dicta contineant.

3. Concl. Religiosi quartam funeralem soluentes, iuxta tenorem prædictum Conc. Trid. adhuc non tenentur illam soluere de omnibus eis relictis, ut de Missis, de candelis quæ dantur in manibus religiosorum: ut habetur in Bu. 14. *Sixt.* 4. pro Minoribus, sed de his tantum quæ cum corpore defuncti deferri solent. Ita declaravit Pius V loc. cit. & ita habet usus, ut notat Card. in *Clem. dudum, de sepult. §. verum. Con. c. ult. de testa. n. 6. & 7. Mon. de ius. trac. 2. disp. 215.*

4. Concl. Quidquid à fidelibus in monasterijs Religiosorum offertur, Monachis ibi seruientibus debet proficere, nec super hoc ab Episcopo, vel alijs Presbiteris possunt religiosi molestari. Ita habetur definitum expressis terminis in c. 1. *de statu mon. & c. nimis iniqua, de excessi præl.* Et constat etiam ex dictis concl. 2. de quo etiam Silu. & Arm. *ver. oblationes.* Imo, si Prælati celebrent in Monasterijs Religiosorum, non possunt sibi usurpare eis ibi oblata, sed tenentur ea monasterio dimittere. Ita concessit Cisterc. Bonif. 8. Bu. 9. Ex quo patet non posse parochos sibi postulare candelas aut alia oblata in Ecclesijs religiosorum, à mulieribus puerperis suos filios Domino præsentantibus, ut aliqui clerici perperam, & contra dicta decreta & priuilegia sibi usurpari contendunt.

C A P V T X.

De Iudice Conseruatore.

S V M M A R I V M.

Quis possit esse Index Conseruator religiosorum, & an tenentur acceptare. n. 1.

An talis conseruator possit delegare suas vices. n. 2.

Ad quam distantiam loci se extendat eius auctoritas. n. 3.

Contra quos & quibus pœnis possit procedere. n. 4.

An possit procedere contra debitores ex causa ciuili. n. 5.

An Religiosi pro debitis ciuilibus conueniri possint coram Iudice Conseruatore, vel Ordinario n. 6.

Conseruator excedens suam potestatem, & qui illum inducit ad hoc, quam pœnam incurrat. n. 7.

Not.

NOt. Religiosos per sua priuilegia posse creare iudices conseruatores, qui eos à suis molestatoribus defendant. etiam per censuras. Ita concessit Prædicatoribus *Sixt. 4. Bul. 33.* & sunt alia multa priuilegia pro alijs religiosis circa hoc, vt ex dicendis in hoc constabit.

DVBIVM I.

Qua persona possint à religiosis creari in Iudices conseruatores, & an ad hoc munus creati à religiosis teneantur acceptare.

1. Conclusio. Stando in iure communi cap. *fin. de officio de leg. Iudex conseruator, debet esse Episcopus, vel Abbas, vel constitutus in dignitate Ecclesiastica, in Ecclesia Cathedrali aut Collegiata. Et Leo 10 Bul. 45. edita in Conc. Latera. de qua supra c. 3. dub. 5. statuit, quod conseruatores religiosorum sint in dignitate Ecclesiæ constituti, & reuocantur contraria priuilegia. Ex quo tamen sequitur Priores & similes Prælatos regularium, imo & Vicarios conuentuum, non habentium Priores, posse esse Iudices conseruatores, cum sint in dignitate Ecclesiastica constituti. Ita Sil. ver. de leg. nu. 3. & man. Rod. in qq. reg. 10. l. 9 65. art. 3.*

2. Concl. Conseruatores religiosorum vltra prædictos de iure communi, possunt esse canonici Cathedralium Ecclesiarum & Vicarij Episcoporum in spiritualibus, & eorum officiales generales vbilibet constituti. Ita concessit Societati post dictam reuocationem *Leo 10 Greg. 13. Bulla 18.*

3. Conclusio. Omnes prædicti (præter Religiosos) requisiti à regularibus, tenentur sub excommunicatione acceptare iudicaturam, nisi alias sint legitime impediti. Ita concessit Minoribus *Iul. 2. Bul. 9.* Dixi præter religiosos: nam isti ex priuilegio non tenentur acceptare iudicaturas, & commissiones à Sede Apostolica, vel eius Legatis iniunctas. Ita concessit Prædicatoribus *Honor. 3. Bul. 6.* & Minoribus *Gregor. 9. Bul. 2. & Innoc. 4. Bul. 12. & Alexand. 4. Bul. 9. & Eug. 4. En. 7. pro Celestinis, & Bu. 9 pro Benedictinis, & Six. 4. Rn. 37. pro Carmelitis.*

4. Conclu. Semel nominato aliquo conseruatore & acceptante & inchoante, non potest alius pro eadem causa

nominati, stando in iure communi cap. *cum plures* nisi nominatus infirmitate, aut alia iusta causa impediatur, vel si nolit, aut malitiosè in eo procedat, ex priuilegio tamen Societati concessò à *Greg. 13. Bul. 18.* quilibet conseruatorum potest prosequi articulum per alium inchoatum, licet qui inchoauit nullo sit canonico impedimento præpeditus.

5. Conclusio. Stando in iure communi cap. *fin. de offic. de leg.* iudices delegati morte concedentis extinguuntur: nisi quoad negotia incepta. Secus tamen est de conseruatoribus regularium: quia isti eliguntur à religiosi virtute suorum priuilegiorum, quæ non sunt gratiæ personales, sed reales certo generi personarum concessæ, & consequenter perpetuæ, sicut & priuilegia concessa ciuitati, vel loco, *iuxta l. forma §. quamquam ff. de cens.* & idem est de priuilegio concessò ciuibus, vel religiosi *iuxta l. 2. ff. de rebus dub.* & ita habet vsus secundum iuristas relatos à *Mann. Rod. q. 65, art. 6.*

D V B I V M I I.

2. *An iudex Conseruator possit delegare vices suas.*

1. Conclusio. Stando in iure communi cap. *fin. de officio delegat.* iudex iste non potest delegare vices suas, exceptis citationibus & sententiarum denuntiationibus, nisi aliter eis specialiter committatur: & tunc non aliter nisi infra ciuitatem, aut diocesium in qua fuerint deputati.

2. Conclusio. Conseruator religiosorum potest ex priuilegio committere vices suas: concessit enim Minoribus *Sixt. 4. Bul. 14.* & Prædicatoribus *Bul. 33.* & Aug. *Bul. 34.* & Carmelitis *Bul. 37.* vt eorum conseruatores conseruent eos per se & per alios contra iniuriantes: & idem concessit Societati Iesu *Greg. 13. Bul. 18.* debent tamen isti committere vices suas illis, quia alia iuxta dicta dub. 1. possunt esse iudices conseruatores, conformiter ad id quod habetur in cap. *fin. ci. ita Man. Rodri. cum Ioann. Andr. loco citato artic. 10.*

D V B I V M III.

*Ad quantam loci distantiam se extendat Conseruatorum
iudicum auctoritas.*

3

1. Conclusio. Stando in iure communi cap. *fin. de officio deleg.* non potest iudex conseruator procedere contra aliquem extra ciuitatem, aut diocesim, vbi est deputatus, aut aliquem trahere vltra vnam dietam à fine talis diocesis, computandam: & vna dicta secundum Doctores in cap. *nonnulli, de rescrip. & Silm. ver. beneficium* 2. §. 1. & *Mandos. in lan. ce, reg. 3. q. 2. n. 2.* continet viginti miliaria, hoc est, septem leucas, aut iuxta l. 8. tit. 3. lib. 2. fori, & leg. in preg. continet decem leucas.

2. Concl. Conseruator religiosorum potest procedere vltra duas dietas, non obitante dicto c. *fin. de vna dieta, & Bul. 45. Leo 10. de qua c. 3. dub. 5 de duabus dietis: dum tamen vltra duas dietas non trahant aliquem ad iudicium. Ita concessit Cisterciensibus Greg. 13. Bul. 3. post Leo 10. & istæ dietæ computantur à fine diocesis, vbi citandi morantur, ut habetur in noua recop. l. 20 tit. 7. l. 1 iuxta decretum Bonif. 8. in c. *fin.**

3. Concl. Quando conseruator regulariū non valet tunc accedere, ad loca vbi morantur qui sunt citandi, monendi, vel inhibendi, possunt ista efficere per edicta publica, affingendo illa in locis publicis, de quibus sit verisimilis coniectura, quod ab ipsorum citatorū, monitorum, & inhibitorū noticiam peruenire valeant. Ita concessit Societati Iesu Greg. 12. Bul. 18. citat.

D V B I V M I V.

*Contra quos & quibus pœnis possit iudex Conseruator
procedere.*

4

1. Conclusio. Conseruator religiosorum potest procedere contra alios religiosos, & Ecclesiasticos, contra collegia, vniuersitates, & communitates habentes etiam facultatem eligendi conseruatorem, non obstantibus quibusuis inhibitionibus sibi factis, etiam prætextu quantumlibet licentiarum, aut priuilegiarum concessorum & concedendorum. Ita concessit. Greg. 13. Bul. 18.

2. Con-

2. Conclusio. Conseruator iste potest appellatione postposita, procedere per censuras Ecclesiasticas quoties opus sit, & vsque ad inuocationem brachij sæcularis. Patet ex priuilegijs cit. nec potest ab ordinario impediri, sub priuatione exercitij, officij & iurisdictionis ipso facto incurrenda, & aliter attentatum est irritum. Ita concessit Cisterc. Mart. 5. vt habetur in istorum compen. ti. Bullæ conseruatoriæ, §. 1. *Vbi not.* quod si conseruator nolit facere fidem ordinario de suis literis, non potest eum nolentem exequi eius sententiam excommunicare: quia delegatus non habet iurisdictionem supra ordinariũ, nisi ordinarius sit ei rebellis, non tamen dicitur rebellis, dum petit fidem de sua commissione, cum sic petendo faciat quod sibi competit de iure: secus sit si ordinarius malitiosè asserat, se dubitare de commissione conseruatoris, maxime allegando falsitatẽ rescripti, tunc enim delegatus exequatur per se quod possit, vt patet ex c. *ex literis, de officio deleg.* & puniat ordinariũ, si constat malitiosè se opponere, & potest eum dampnare in triginta libras, iuxta l. 2. C. de legibus.

D Y B I V M V.

S *An conseruator Regularium possit procedere contra debitores ex causa ciuili.*

1. Conclusio. Cum Papa sit supremus administrator bonorum regularium & Ecclesiasticorum, potest per se & per alios procedere contra illorum retentores, etiam laicos, vt sic illa recuperet, nec sic turba regiam iurisdictionem, cum ista bona non sint laicalia: & hoc ita facere etiam creando ad hoc iudices conseruatores expedit, maxime tum quia Indices sæculares solent esse negligentes in administrando iustitiam Ecclesiasticis, tum maxime ne Ecclesiastici ad tribunalia sæcularia trahantur, vbi causæ cum strepitu & figura iudicij tractantur, quæ omnia dedecent viros Ecclesiasticos.

2. Conclu. Conseruator religionum, potest procedere contra debitores ex causa ciuili, etiam laicos. *Patesc primò,* quia in cap. *fin. de officio deleg.* conceditur istis conseruatoribus posse cognoscere de manifestis iniurijs & violentijs, vbi iniuria non tantum sumitur pro contumelia, vel conuicio, (*quidquid dicat Gutierrez in pract. crim. lib. 3. quæst. 9.* sed

sed pro omni isto quod fit contra ius & infert damnum monasterio.

Secundo, Pius V. Bul. 28. concedit religiosis Melitenſibus, conſervatores iudices contra inferentes perſonis ſui inſtituti, ac eorum ſervitoribus & familiaribus iniurias, ſive grauamina, vel damna in perſonas, res & bona: licet hoc, quod hic dicitur de familiaribus & ſervitoribus, limiretur in Conc. Trident. ſeſ. 24. c. 11. de reſ. vt ſolis proſit ſeruientibus alijs intra ſepa domus commorantibus, ac ſub regularium obedientia viuentibus; & hiſ qui legitime, & ſecundum regulam profeſſionem fecerunt, de qua ordinario conſtet, & reuocantur ibi priuilegia, etiam religioſorū in cōtrarium *Tertio, Greg. 13. Bul. 18.* conceſſit Societati Ieſu, quod poſſint in criminalibus, ciuilibus, & m. xis, & in fauorē ſuorum priuilegioſi, ſive ſint actores, ſive rei, creare iudices conſeruatores cōtra quaſcumq; cōmunitates, collegia, &c. Alia etiā extāt religioſorū priuilegia circa hoc, de quib. Vide Man. Rod. in qq. reg. to. 1. q. 65. ar. 12.

Si obiecias primo, quod in l. 1. tit. 5. l. 1. noua recopilas. præcipitur iſtis conſeruatoribus, quod cognoscant tantum de iniurijs & offenſis manifeſtis, contra monaſteria, Eccleſias, vel perſonas Eccleſiaſticas, ſecundum quod iura Papæ diſponunt, etiam ſi vberior poteſtas & iuriſdictio eis concedatur, ſub pœna amiſſionis temporalium & naturalitatis iſtorum regnorum: ergo in Hiſpania conſeruator religioſorum, non poteſt compellere debitores, ſaltem ſæculares, ad ſoluendum monaſterijs debita ciuilia.

Ad hoc reſpondetur, quod iſta lex non eſt contra ſupradicta: nam in eo quod ait, ſecundum quod iura Papæ diſponunt, iam ſe ſubiicit legibus Pontificum, qui ſucceſſu temporis alia ampliora in fauorem religioſorum ordinant: & quando ibi dicitur, non obſtante quod vberior poteſtas eis concedatur, non eſt ſermo de vberiore poteſtate à Papa, ſed ab alijs inferioribus conceſſa, qui iuxta ius commune non poſſunt concedere conſeruatorias.

Si obiecias ſecundo, quod in c. 1. de officio del. in 6. præcipitur iudicibus conſeruatoribus, ne cognoscant de exigentibus iudicalem indaginem hoc eſt, cauſæ cognitionem, ſeu examinationem quando dubia ſunt: ergo ſi debitum negatur à debitore alias legitimæ exceptiones allegando, non poterit conueniri coram iudice conſeruatore: cum ſic debitum reddatur dubium, & requiratur indagor *Ad hoc reſpon-*

detur, quod post hæc est iam concessa iurisdicção Conseruatoribus religiosorum in requirentibus iudicialem indaginem per Benedictum 11. Ordinis Prædicatorum in fauorem Minorum: & per Eug. 4. in fauorem conuentus de Guadalupe: vt habetur in eorum compen. ti Bulla conseruatoria, §. ult. de quo Rod. loc. cit. art. 2. & tandem per Greg. 13. Bul. 18. conceditur conseruatoribus Societatis Iesu, quod procedant in requirentibus iudicialem indaginem summarie, simpliciter & de plano, sine strepitu & figura iudicij, in alijs autem prout eorum qualitas exegerit.

D V B I V M V I.

- 6 *An religiosi pro debitis ciuilibus conueniri possint coram Iudice Conseruatore, vel ordinario.*

1. Conclusio. Religiosi in claustro degentes, non possunt pro debitis ciuilibus conueniri coram ordinario Ecclesiastico. Hæc est contra Gutie. in *pract. cri. li. 1. q. 10.* sed patet, quia isti religiosi sunt exempti à iurisdictione Ecclesiastica ordinarij, iuxta l. 1. cap. 6. dub. 5.

Si obijcias, quod in Conc. Trid. sess. 7. c. 14. dicitur, quod in causis mercedum & miserabilium personarum clerici sæculares & regulares extra Monasterium degentes quomodolibet exempti, etsi certum iudicem in partibus habeant, in alijs autem si ipsum iudicem non habuerint, coram locorum ordinarijs, tanquam ad hoc à Sedē Apostolica delegatis conueniri, & ad soluendum cogi possunt, non obstantibus, &c. Ad hoc respondetur, Concilium loqui de regularibus extra Monasteriū degentibus, vt patet ibi, & sunt illi qui ex privilegio, vel speciali licentia, habent domicilium extra sua monasteria: ille tamen, qui iuxta sua regularia instituta seruit Monasterio Monialium, vel alicui beneficio, & maxime qui ob prædicationes, confessiones, elemosynas, vel ob aliam similem causam extra monasteriū moratur, non comprehenditur in isto decreto: cum non degat proprie extra Monasterium, sed ad tempus & non permanens. Ita Naua. in c. non dicatis, nu. 96. Prædictis tamen regularibus extra monasterium degentibus, conceduntur in licentia degendi extra monasterium Iudices delegati, pro omnibus causis eorum, & coram istis debent conueniri pro debitis ciuilibus, sicut deberent conueniri coram Prælatis sui

sui ordinis, si extra Monasteriū degerent: & si isti alicubi tales Iudices non habent, debent conueniri coram ordinarijs, & ab eis cogi ad debita soluendum, vt dicitur in Conc. Trid. cit.

2. Conclusio. Religiosi non possunt conueniri pro debitis ciuilibus coram Iudice conseruatore, quidquid aliqui improbabiler dicant.

Patet primò, ex priuilegio concessio Carthusiensibus à Nic. 5. & relato à Rod. in quaestionibus reg. tom. 1. quaest. 65. art. 3. vbi statuitur, quod isti religiosi, & consequenter alij per communicationem non possint ad prædicta compelli per suos iudices conseruatores.

Secundò, quia religiosi non sunt astricti ad conseruatores perpetuos sicut olim, sed sunt ad nutum amouibiles, & pro singulis causis creant illos.

Tertiò, quia Iudex iste conceditur à Sede Aposto. religiosi pro conseruatione & defensione à molestantibus ipsos. Debent ergo religiosi à creditoribus, etiam secularibus conueniri coram suis Prælatiis, cum isti sint illorum iudices ordinarij, & sic seculares solent recurrere ad prouinciales, vel generales, vel ad generalia, & prouincialia capitula pro exigendis sibi debitis à religiosiis, vel monasterijs.

Ex dictis constat, ordinarios iniuste aliquando cogere religiosos, ad creando Iudices conseruatores pro istis debitis: cum religiosi sint alias excepti à iurisdictione ordinariorum, vt patet ex l. 1. ca. 6. dub. 5. nec ordinarij habent à Papa commissionem ad sic in isto casu cogendos religiosos: imo contrarium eis præcipitur à Nic. 5. in priuilegio cit. nec ista causa pertinet ad Iudices conseruatores: quæ omnia aduertens Dionysius de Melgar, Vicarius generalis in ciuitate Toleti, postquam Priorem sancti Dominici de Hiepes censuris cõpulerat, vt designaret Iudicẽ conseruatore super quadam lite cum patrono eiusdem Conuentus, ostensis sibi dicto priu. Nic. 5. & alijs priuilegijs exemptionis loc. cit. relatis, à dicta coactione dictus Vicarius cessauit, & causa deuoluta est ad Reuerendissimũ Magistrum Fratrem Iosephũ Gonzalez à sacris confessionibus Serenissimi Principis Hispaniarũ Philippi Dominici Victoris, qui tunc erat Prior Prouincialis eiusdẽ Ordinis.

Si obijciat quandam declarationem Congreg. Cardi. die 19. Iunij anni 1573. vbi sic habetur, *Regulares non possunt conueniri à suis creditoribus coram Episcopo, bene tamen coram suis conseruatoribus in casibus permissis in Conc. Trid.*

sess. 14. c. 5. Ita refert Prosper Farina. super Conc. Tri. lo. ci.
Ad hoc respondetur, hoc non obstat, quia in isto loco concilij expressè eximuntur à statutis in illo loca regularia & illorum personarum, & tantum vult in suo robore manere, quæ statuta sunt de religiosis, *sess. 7. c. 14. circa causas mercedum & miserabilium personatum iuxta dicta supra.*

D V B I V M V I I.

7 *An conservator excedens suam potestatem, & qui illum inducit ad hoc, incurrant aliquam pœnam.*

1. Conclusio. Conservator iste scienter excedens suam potestatem, suspensus manet per annum ab officio, & consequenter à beneficio. *Ita in c. fin. de officio deleg. cum glos. & in c. prater hoc, d. 52. & c. si qui. d. 81. & in lib. 1. nona recap. privatur temporalitate & naturalitate istorum regnorum;* & ille etiam dicitur scienter illud facere qui laborat ignorantia affectata, utpote quando illud scire tenebatur & potuit scire & noluit, sed dissimulavit, licet in foro externo, ut scientia valeat debet probari: quia iuxta regulam 43. iuris, *presumitur ignorantia, ubi scientia non probatur*: imo & ignorantia affectata est probanda, ut valeat, *ut habetur in lege gener. C. de tabul. lib. 10.*

2. Conclusio. Pars quæ procurat, quod conservator iudex excedat suam potestatem, excommunicata manet ipso facto, nec potest absolui, quo usque integraliter satisfaciatur de expensis, ei quæ indebitè fatigavit. *Ita in cap. fin. de officio deleg.*

Et notat Natia. *in manu. cap. 27. num. 123.* quod non incurritur ista excommunicatio ab illo qui non est pars in iudicio; etiam procurasset talem excessum, si iudex aliàs non excessit: quia lex quæ excommunicat operantem aliquid, regulariter non comprehendit consentientem, etiam si mandet, consulat, foueat, aut auxilietur antequàm fiat, nisi ex eius tenore, aut ex tenore aliarum legum id expressè aut tacitè colligatur, *ut ait cap. ver. excommunicat. rap. 47. notab. 5. & Navar. in manu. c. 25. n. 51.*

Hæc ad laudem & gloriam Iesu Christi Domini nostri Beatissimæ Matris eius, ac Beati Dominici Patris nostri, neque non & Angelici Doctoris Dni, Thomæ Aquinatis dicta sufficiant.

INDEX NOTABILIVM.

A.

Absoluunt Pralati regulares, & istis amotis eorum vicarij etiam per alios, suos etiam hospites & nouitios ad reincidentiam si non profitentur, à casibus & censuris reservatis etiam Papa extra Bullam cœna, satisfacta parte, l. 1. cap. 6. dub. 5.

Absoluunt prædicti à prædictis conuersos, oblatos, ac perpetuo donatos, semel in visa & ignorantes, aut inaduercentes quoties opus sit, dub. 13.

Absoluunt generales, & provinciales, & istorum absentium vicarij, etiam per alios, nouitios & volentes ordinem intrare, à censuris, etiam ab homine latis & peccatis Papa extra bullam cœna reservatis, dub. 15.

Absoluunt religiosi cum sola licentia suorum Pralatorum famulos monasterij, l. 2. c. 6. dub. 1.

Absoluunt religiosi expositi fideles à Papa reservatis extra bullam cœna, & à casibus & censuris ab homine latis etiam in foro externo, l. 2. c. 6. & 7. & c. 7. dub. 1.

Absoluunt religiosi ex commissione suorum provincialium in terris infidelium remotissimis à Sede Apostolica omnes fideles à reservatis in bulla cœna, l. 2. c. 6. dub. 6.

Alienatio bonorum monasterij quibus solemnitatibus debeat fieri ut valeat, & de pœnis aliter alienantium ista, l. 1. c. 4. dub. 3. & 4.

Apostata non est religiosus recedens sine habitu cum animo redeundi, sed excommunicatus, & potest cogi ad reditum censuris à suo superiore, & sunt excommunicati istis fauentes scienter, aut detinentes, & idem circa religiosos sine licentia transeuntes ad alia monasteria, aut servitia, etiam Cardinalis, lib. 1. cap. 6. dub. 3. Portans alterius ordinis habitum, aut ei similem, potest censuris cogi ob ordinario requisito, ut dimittat illum, c. 7. dub. 4.

B.

Baptizant in suis Ecclesijs, & locis religiosi Indiarum, l. 2. cap. 5. dub. 1.

Bulla non suspendit privilegia religionum pro secularibus, l. 2. c. 3. d. 6. nec privilegia inserta in iure, nec consuetudines habentes vim legis, nec literas fratricidii, bene tamen privilegia suis privilegijs similia, c. 7. d. 3. & c. 3. d. 6.

Gaudet religiosi bulla indulto eligendi confessorum, lib. 1. c. 6. dub. 12.

Calices consecrantur à Prælati regularium, lib. 1. c. 5. d. 9. Casus reservabiles à Prælati regularium. l. 1. c. 6. d. 9. Et isti casus non sunt pro novitijs reservati. dub. 10. Religiosus cum sola licentia generalis confitendi, non potest absolvi à reservatis, dub. 11.

Chrisma conficitur à Prælati regularium in suis terris, l. 2. c. 5. d. 9. Religiosi in Indijs possunt uti oleo & Chrysma quatuor annorum. dub. 2. In cibis quomodo dispensent Prælati regulares & istorum absentium vicarij, l. 1. c. 6. d. 21.

Confitendi idoneo sacerdoti licentia elaudetur in licentia itinerandi data religioso, l. 1. c. 6. d. 11. Predicantes & Missiones ordinario debere prædicti. & sine ratione ab eisdem. Ibi sunt à Papa expositi, l. 2. c. 9. dub. 1. Dominici sine licentia ordinis non absoluntur valide, sed alij cum sola licentia ordinis vere absoluntur. licet non à casibus Papa, vel ordinarij, l. 2. cap. 6. d. 2. Religiosus rationabiliter pro viris expositus, non absoluit mulieres, etiam cum privilegio, d. 3. Si tamen sine causa rationabili limitate exponatur, non manet limitatus, quo ad iurisdictionem ex privilegio Papa. Expositio Predicatorum & Minorum est perpetua, nec revocabilis etiam ab Episcopo succedente. ibi. Religiosi ubi sunt expositi absolunt omnes alterius diocesis, & expositi in una diocesi ubique absolunt habentes bullam, & in itinere omnes, nisi in locis ubi ordinarij sunt, ibi. Corporalia etiam extranea benedicuntur à quocumque prædicante monasterij, c. 5. dub. 8.

D.

Decimarum exemptio pro Religiosis de omnibus rebus, l. 2. cap. 9. dub. 4.

Dispensatio sine causa in iure divino non valet, nec dispensatio in lege humana facta sine causa ab inferiori Papa, c. 2. dub. 1. Religiosus ex commissione generalis aperit litteras penitentiaria, & dispensat iuxta illas, c. 6. dub. 8.

E.

Ecclæsia, camisteria & altaria regularium ab eorum Prælati consecrantur & reconciliantur, c. 5. d. 9.

Electio

Electio iure natura valida valet in conscientia etiam reiectis solemnitatibus iuris, l. 1. c. 4. dub. 9.

Episcopus monachus tenetur ad tria vota essentialia, & ad caremonias ordinis suo officio non repugnantes, & ad portandum vestem monasticam, nec potest testari, c. 2. dub. 4. & iam consecratus licet Episcopatum dimittat, nō potest in suo ordine officium tenere, c. 6. d. 7. & acceptando Episcopatum sine licentia ordinis, aut mandato Papa, priuatus est suffragijs & beneficijs ordinis, ibi. Et ante consecrationem resignabit quæ habet præter quatuordecim, c. 7. d. 3.

Eucharistia quibus & quando possit à religiosis ministrari, l. 2. c. 6. d. 4. & c. 5. d. 4.

F.

Famuli religiosorum sunt exempti ab ordinario, l. 2. c. 3. dub. 4. Et gaudent in articulo mortis privilegijs & indulgentijs religiosorum, c. 6. d. 1.

G.

Gratia facta morte concedentis non spirat, secus est de gratia facienda, c. 3. d. 1.

Gratia concessa religiosis Dominicanis, sine suorum superiorum licentia annullantur, l. 2. c. 6. d. 2.

H.

Hora dici possunt à religiosis mentaliter legendo per librum, l. 2. c. 8. d. 2. In horarum recitatione quomodo dispensant Prælati regulares l. 1. c. 6. d. 21. Religiosi habent privilegia ad supplendum defectus horarum, & ad alia, l. 2. c. 8. d. 2.

I.

Ieiunia regularium quomodo dispensantur à Prælati, l. 1. c. 6. d. 21. Religiosus ieiunare non valens ob debilitatē ad id non tenetur, ibi Religiosus potest seruato ieiunio anticipare, aut retardare prandium, aut collationem, & potest itinerando transferre ieiunia in alios dies, ibi.

Illegitimus non admittitur in religione ubi eius pater vixit professus, l. 1. c. 8. d. 1. Et dispensatur ad ordines per professionem, & ad dignitates. A quo dispensetur. Vide c. 6. d. 18. & alia circa hoc tibi. Interdictum quando suspenditur à religiosis, & quod eorum Ecclesia non possunt specialiter interdici, & quæ possunt canere in interdicto, & quod monasteria à populo separata, non tenentur seruare interdictum & alia plura, c. 7. d. 2.

Irregularitas religio iuste occidentis & illicita, & occi-

dentis occultè dispensatur à Pralato illius, lib. 1. c. 6. d. 19. & idem de irregularitate religioso, etiam hospitis orta ex delicto, excepta irregularitate celebrantis in ordine symoniacè suscepto, d. 16. idem de irregularitate bigami similidinarij occulti, aut habentis manifestè & culpabiliter membrum abscissum, & de infami infamia facti, vel nouiter conuerso, d. 17.

Iudices religiosorum sunt eorum Pralati, & coram eis debent conueniri, quia possunt eos punire iuxta sua statuta, l. 1. c. 6. d. 3. & 5. & l. 2. c. 10. d. 6.

Iudex conseruator religiosorum, quis possit esse, & an teneatur acceptare, & an possit committere vices suas. d. 1. & 2. potest procedere ad tres dietas d. 3. & contra quos d. 4. & 5. & c.

L.

Leges civiles obligant religiosos, l. 1. c. 6. d. 2. & in illis dispensat Pralatus regularis, d. 21 promulgatio est de ratione legis etiam reuocantis gratias, l. 2. c. 1. d. 3.

Lex non suspenditur interposita supplica, secus est de rescripto peculiari ibi.

Lex pendet ex acceptatione, si alias non reuocat gratias & priuilegia, ibi, & l. 1. c. 6. d. 12. & ibi quando dicitur lex non recipi. Pro legum & priuilegiorum declaratione dantur regula, d. 3.

Lex generalis non reuocat speciales eiusdem materia, nisi de illis fiat mentio, c. 6. d. 1.

M.

Missa intra quod tempus celebranda, & ubi, l. 2. c. 5. d. 6. & 7.

Monasteria religiosorum & monialium intrare an, & quando liceat, & de pœnis illicitè intrantium, l. 1. c. 5. dub. 1. et 2. In monasterijs monialium reperti possunt incarcerationi et puniri per Pralatos regulares monialium. ibi. Quando liceat monialibus exire à monasterio, d. 3. et 4.

N.

Notarij creantur à prouincialib. l. 2. c. 2. d. 3. Nouitij in fauorabilibus reputantur religiosi, et à quo possint absolui à casibus Episcopi. l. 1. c. 6. d. 10. Quomodo sint recipiendi maiores sexdecim annorum, c. 8. d. 2. De pœna cogentis, aut impediētis mulierem à religione, l. 1. c. 8. d. 4. De pœna impediētis, aut extrahētis alterum à religione, vel retinētis professum sine licentia superioris, ibi.

Obla.

Oblatum etiam Pralatis celebrantibus in Ecclesijs religioforum, istis debet prouenire, l. 2. c. 3. dub. 5.

Ordinantur religiosi à quouis Episcopo cum sola licentia sui Pralati, & quomodo in suis domibus, & extra tempora, & non seruatis interstitijs, l. 2. c. 8. d. 1.

Paupertas non minuitur habendo bona in communis, imo & religioso viuente succedit in bonis parentum eius & licite acquirit alia de quibus l. 1. c. 4. dub. 1. & 2. Si religiosus potest habere peculium, si redditus annuos, si pecunias, etiam extra depositum, si potest illas in usus illicitos expendere, & quomodo potest aliqua recipere, dum est extra vel intra conuentum, c. 3. dub. 1. 2. & 3.

Non licet religioso sine licentia emere, vendere, mutare, aut donare, bene tamen commodare, imo si abest Pralatus, & adest necessitas, aut utilitas, habet interpretatiuam licentiam expendendi pecunias. dub. 4. & 5. Donatio liberalis vetatur religiosi etiam inter se & est irrita, ibid.

Pradicare potest religiosus idoneus prima consensu cū sola licentia sui superiori: nec potest ab ordinari impediri. c. 7. d. 2.

Præuilegijs scriptura, aut bullatio est necessaria pro fora externo, l. 2. c. 1. d. 2.

Præuilegium persona cessat per non usum decem annorū: præuilegium Ecclesia per non usum 40. annorum, præuilegia regularium per non usum centum annorum, & quid requiritur ad cessationem per non usum, c. 3. dub. 1.

Præuilegiorum confirmatio varijs tenoribus quomodo intelligitur, c. 5. d. 4.

Præuilegiū quomodo cessat per actum contrariū, c. 3. d. 2.

Præuilegia regularium non cessant per unam, aut pluras contrauentiones ibi. nec per generalem renocationem præuilegiorum, sed per generalem renocationem præuilegiorum regularium, l. 1. c. 3. d. 5. & c. 6. d. 1. & l. 2. c. 3. d. 3.

Præuilegia renocata à Leo X. iā valēt. dub. 5. secus de renocatis in Cōc. Trid. dub. 6. In præuilegijs cōmunicāt omnes religiones, etiā cū Societ. Iesu, & quomodo intelligitur hoc, & quod nō cōmunicatur usus, sed ius utendi præuilegio, c. 4.

Præuilegia unius monasterij cōmunicantur alijs eiusdem ordinis, ibid. ad processiones non tenentur venire conuentus distantes à ciuitate per dimidium milliariū, l. 2. c. 3. d. 5.

Quar-

Quarta funeralis à quibus & de quibus debeat, cap.
9. dub. 5.

Religiosi expulsi, aut à religione egressi, aut sine licen-
tia alium ordinem intrantes, quibus priuatur &
quomodo expulsus sine licentia Provincialis, non possit in
alio ordine recipi, l. 1. c. 7. d. 3. Religiosi in terris infidelium
multa possunt, de quibus l. 2. c. 5. d. 9.

Suspensio à divinis quid, & quid includat, l. 1. c. 5. dub. 1.
Testes possunt esse religiosi in omni tribunali etiam pro
suis causis, c. 6. dub. 2.

Transitus de uno in alium ordinem vocatur multis re-
ligiosis imo mendicantes transeunt ad monachos nil fa-
ciunt, sed sunt excommunicati dum non reuerentur, &
qui habent licentiam ad istum transitum, intra quod
tempus debeant illam exequi, c. 7. dub. 3.

Tributum imponentes religiosi sunt excommunicati,
l. 2. c. 9. dub. 3.

Vestes sacra benedicuntur à religiosiis sacerdotibus, c. 5.
d. 8.

Vota regularium præter solemnia irritantur ab eorum
Prelato, & ab eodem dispensatur votum religiosi trans-
eundi ad altiorem ordinem; & vota & iuramenta noni-
riorum vblutorum, &c. excepto voto castitatis & religio-
nis, &c. l. 1. c. 6. & 20.

Regularium potestas pro secularium votis, aut iuramen-
tis dispensandis, aut commutandis, l. 2. c. 6. d. 8. Religiosus
quomodo dispensat cum veniente castitatem ante matrimo-
nium ut copulatus petat debitum, dub. 6.

Finis huius Indicis ¶



Computus annorum
 AB ADAMVSQVE AD CHRISTVM
 EX SACRA SCRIPTVRA
 COLLECTVS PER R. P. F. IOANNEM
 DE LA CRVZ THEOLOGVM SACRI
 Ordinis FF. Prædicatorum,

(*Prima ætas mundi continet 1656. annos*)

In quo anno creationis
 singuli nati sunt.

Anni vitæ sin-
 gulorum.

A D A M		
1.		930.
130.	Seth genitus ab Adam 130. ætatis suæ.	912.
235.	Enos genitus à Seth 107. ætatis suæ.	605.
325.	Cainam genitus ab Enos 90. ætatis suæ.	910.
395.	Malaleel genitus à Cainam 70. ætatis suæ.	895.
460.	Iareb genitus à Malaleel 65. ætatis suæ.	962.
622.	Henoch genitus à Iareb 162. ætatis suæ.	365.
687.	Mathufalam genitus ab Henoc 65. ætat. suæ.	969.
874.	Lamech genitus à Mathufalam 187. ætat. suæ.	777.
1056.	Noë genitus à Lamech 182. ætatis suæ.	950.
1559.	Sem genitus à Noë 503. ætatis suæ.	600.

Hæc prima ætas durauit ab exordio mundi vsque ad diluuium inclusiue per 1656. annos, vt colligitur ex Genes. 5. in qua ætate ob robustiorem naturam, vbertatem fructuum, & terræ feracitatem, nunquam aquis Oceani salissimis sterilizatam; circiter millenos annos homines vixerunt. Nec audiendi sunt asserentes, illos annos ex tribus, vel qua-

quatuor, vel sex mensibus constare: qui in cap. 8. Genes. fit mentio septimi & decimi mensis & 27. dierum mensis secundi; imò post nouum mensem expletum numerantur alij 40. dies ante emissionem corui, & propterea numerantur tria septenna dierum pro tribus emissionibus columbæ, qui omnes faciunt 61. dies pro duobus mensibus, & post istos dies, & ut credo post alios necessarios ad duodecimum mensem componendum, subditur: *Igitur sexcentesimo primo anno, primo mense; prima die mensis, imminuta sunt aqua super terram: & aperiens Noe tectum arce, aspexit & vidit quod exsiccata esset superficies terra.* Ante enim hunc diem aquæ erant super omnem terram, ut constat ex eodẽ cap. 8. Genesis.

Istorum prædictorum Patrum ætates patent Genesis 5. præterquam quod in fine dicitur quod Noe quingentorum annorum genuit Sem, Cham & Iapheth; & sensus est, quod tunc cœpit generare: non enim in eodem anno omnes generauit: sed Sem genuit 503. anno, & pater Gen. 11. ubi Sem centum annorum, biennio post diluuium, genuit Arphaxad; sed tunc Noe attigit 603. annum; siquidem diluuium cessauit anno 601. vitæ Noe, quibus addendo duos annos, faciunt 603. annos. Quare ab istis 603. annis remouendo centum vitæ Sem antequam generaret Arphaxad, remaneant 503. anni vitæ Noe quando genuit Sem.

Et si obijcias quod Sem nominatur prius quam Cham & Iapheth: R. quod non prius nominatur, quia sit maior natu, sed quia dignior alijs: ex ordinatione enim patris adeptus est primogenituram, sicut Iacob & Ioseph; ratione cuius erat etiam Sacerdos. Nam vsq; ad Aaron sacerdotium erat annexum primogenituræ. Et iste Sem secundum Hebræos, quos refert & sequitur D. Hieronymus in Quæstionibus Hebraicis, fuit Melchisedech, qui adhuc viuus (ut patet ex suppuratione 500. annorum quos vixit post diluuium) occurrit Abraham Genes. 14. reuertenti à cæde regum, cum pane & vino, quæ sicut Sacerdos obrulit in gratiarum actionem pro victoria Abraham; & oblato sacrificio benedixit Abraham ut inferiori, & consequenter benedixit Sacerdoti legali, qui erat tunc in lumbis Abraham secundum seminalem rationem. Et ipse Abraham & consequenter Leuiticus Sacerdos, ut exponitur ad Hebræos 7. decimas soluit Melchisedech ut meliori, & consequenter Christo cui Melchisedech assimilatur. Sicut enim Melchisedech (ut Paulus ait) erat *Sacerdos & Rex Salem*, id est, pacis & iu.

AB ADAMO VSQVE AD CHRISTVM. 749

& iustitiæ: sic Christus erat Sacerdos & rex pacificus, & sicut Melchisedech (ait Paulus) erat *sine patre & sine matre, & sine genealogia, nec initium dierum, nec finem visa habes*, hoc est, quod in sacra scriptura, ut ait Sanctus Thom. 3. p. q. 22. art. 6. ad 3. sub illius nomine Melchisedech, non textitur genealogia, sed subito introducitur in Genesi occurrens Abraham, nec ante nec post, sub tali nomine de eo fit mentio. Ita Christus in terris sine patre & in cœlis sine matre, nec habuit initium sui esse nec habebit finem, cum sit Deus æternus & sicut Melchisedech obtulit Deo panem & vinum in sacrificium; ita Christus in cœna seipsum sub speciebus panis & vini obtulit.

(Secunda ætas Mundi continet 352. annos.)

In quo anno creationis
singuli nati sunt.

Anni vitæ sin-
gulorum.

	N O E	
1056.		950
1559.	Sem genitus à Noe 503. ætatis suæ.	600
1659.	Arphaxad genitus à Sem 100. ætatis suæ.	338
1694.	Sale seu Cainam genitus ab Arphaxad. 35. æt. suæ.	433
1724.	Heber genitus à Sale 30 ætatis suæ.	464
1754.	Phaleg genitus ab Heber 34. ætatis suæ.	239
1784.	Reu genitus à Phaleg 30. ætatis suæ.	239
1814.	Sarug genitus à Reu 32. ætatis suæ.	230
1844.	Nachor genitus à Sarug 30. ætatis suæ.	148
1878.	Thare genitus à Nachor 29. ætatis suæ.	205
2009.	Abraham genitus à Thare 150. ætatis suæ.	173

Hæc secunda ætas duravit à diluvio exclusivè vsque ad natalè Abraham exclusivè per 152. annos, & licet D. Aug. 16. de ciuit. c. 10. secutus translationem 70. Interpretum, & alios Græcos codices inter Arphaxad & Sale ponat Cainam assignando ei 130. annos antequam generaret Sale, nostra Editio vulgata, quæ iuxta decretum Conc. Trident. sess. 4. pro authentica habenda est Genes. 11. & 1. Paralip. 1. & D. Hieron. & omnes translationes ex Hebræo nihil tale ponunt.

Et si obiecias, quod in vulgata editione Lucæ 3. ponitur, dum dicitur; *qui fuit Sa. 9. qui fuit Caina, qui fuit Arphaxad.*

xad. Respondeo, quod *Sale & Cainam* sunt duo nomina eiusdem hominis: & hic sensus est, quod ille qui fuit Sale, fuit etiam Cainam. Ita Samotheus lib. 1. cap. 6. Genebrard. in Chronic. & Maffeus 1. 2. Chronic.

Prædictorum Parrum ætates constant Genes. 11. præterquam quod ponimus quod Thare anno ætatis suæ 130. genuit Abraham & videtur colligi ex Genesis 11. & 12. ubi narratur profecto Abrahæ in Chanaam cum patre Thare de Vr Chaldæorum ex reuelatione facta Abrahæ, ibidem antequam moraretur in Charam seu Aram, ut ait D. Stephanus Acto. 7. ibi enim narratur quod habitantibus illis in Charam in itinere ad terram Chanaam ad quam pergebant, mortuus est Thare 205. annorum, post cuius obitum volens Abraham reuertere in terram suam, & ad domum patris sui, siue ad cognationem suam, rursus ait ei Dominus: *Exi de terra tua*, in qua scilicet habitas (non corporaliter, cum adhuc esset in Charam) sed per affectum, & propositum in illam redeundi, ut explicat D. Aug. 16. de ciuit. c. 15. Exijt igitur, sicut præcepit ei Deus; & subditur: *75. annorum erat Abraham cum egrederetur de Haram*. Itaque quando pater Thare erat 205. annorum, Abraham habebat 75. annos: ergo Thare genuit Abraham quando habebat 130. annos.

Nec obstat illud Genes. 11. *Vixit Thare 70. annis, & genuit Abraham, Nachor & Aran*. Sensus enim est quod tunc cepit eos generare, non enim illos omnes eodem anno septuagesimo vitæ suæ generauit, sicut dixi supra de filiis Noë. Et licet ob dignitatem, Abraham prius nominetur, non tamen fuit maior natu. Et hoc probatur, & præcedens doctrina magis roboratur; quia Abraham duxit uxorem Sara, quæ secundum D. Hieron. eadem est cum Iescha filia fratris sui Aran, qui ut dicitur Genes. 11. ante Thare patrem suum, id est adhuc viuente Thare, aut in eius præsentia, obiit suffocatus à Chaldæis, quia noluit adorare ignem. Si ergo Sara erat filia Aran, esset iunior illo plusquam decem annis, non enim illam genuisset in anno decimo ætatis suæ; maxime tunc quando tardè coniugio copulabantur, at vero Abraham tantum habebat decem annos plusquam Sara ut patet Genes. 17. ubi dicit Abraham de se; *putasne centenarius nascetur filius*; (scilicet Isaac) & *Sara nonagenaria pariet*? ergo Aran erat maior natu. Ex his quoque patet quomodo Sara, ut notat D. Tho. 2. 2. qu. 110. art. 3. ad 3. non sit soror Abrahæ

hæ, sed consobrina, filia scilicet fratris sui Aran.

Nec obstât, quod ipse Abraham vocat eam sorem. 42. Iam patris sui, Genes. 20. nam præterquam quod auunculus & consobrinus, sæpe in sacra scriptura appellantur fratres, vt patet Genes. 13 & 14. vbi Abraham vocat Loth fratrem suum, cum alias sit eius consobrinus filius Aran fratris sui, & Genes. 29. Laban vocat Iacob fratrem suum, cum alias sit consobrinus filius sororis suæ Rebecæ; est etiam alia ratio, nam mortuo Aran filij eius Loth & Sara mansere in domo aui sui Thare sicut filij adoptiui: & ob hoc dicuntur fratres Abraham. Sic etiam Gen. 48. Ephraim & Manasse filij Ioseph adoptantur ab auo suo Iacob, & succedunt ei in hæreditate sicut alij filij eiusdem Iacob.

(Tertia ætas Mundi continet 505. annos.)

In quo anno creationis
singuli nati sunt.

Anni vitæ singulorum.

1009.	A B R A H A M.	175. Gen. 25.
1109.	Isaac genitus ab Abraham 100. ætat. suæ.	180. Gen. 21. Gen. 35.
1169.	Iacob genitus ab Isaac 40. ætatis suæ.	147. Gen. 25. Gen. 47.

Linea Regia.

Linea Sacerdotalis.

Iudas filius Iacob.
Phares filius Iudæ.
Efron filius Phares.
Aram & Caleph filij Efron.

Leui filius Iacob.
Caath filius Leui.
Amram filius Caath.
Aaron filius Amram.
Eleazar filius Aaron.

Hæc tertia ætas durauit à natali Abraham vsque ad exitum Israël de Ægypto per 505. annos, qui sic supputantur. Nam Abraham cum esset 75. annorum, vt pater Genes. 12. statim ingressus terram Chanaan promittitur à Deo Isaac: sed ab hac promissione vsque ad exitum Israel de Ægypto, & datam legem in monte Sina transierunt 430. anni à qui

qui cum prædictis 75. vitæ Abrahæ faciunt 305. annos i ergo.

Minor patet ad Galatas 3. vbi Paulus referens prædictas promissiones ait. *Abraha dicta (id est factæ) sunt promissiones, & hoc autem dico (ait Paulus) testamentum, id est has promissiones voco testamentum, confirmatum à Deo* (quia scilicet per modum testamenti sunt firmata iuramento diuino) & subditur: *qua post 450. annos facta est lex, non irritum facit ad euacuandam promissionem* id est lex quæ post 430. annos data est eis in monte Sina, non irritabat illas promissiones; alias, vt ibi ait Paulus, *si ex lege hæreditas* (scilicet datur) *i am non ex promissione.*

Et si obijcias illud quod dictum est Abrahæ Genes. 15. Peregrinum eris semen tuum in terra non sua, & affligent eos 400. annis &c. generatione autem quarta reuerentur huc. Si ergo istis 400. annis addantur alij 290. transacti à natali Abrahæ vsque ad ingressum in Ægyptum, durasset hæc ætas per 690. annos.

Resp. quod Israelitæ non vixerunt in Ægypto per 400. annos. Nam Caath cum patre suo Levi Genes. 46. intrauit in Ægyptum & vixit Caath 133. annis, vt patet Exodi 6. & filius Amram vixit 137. annis, vt ibi patet: & Exodi 7. patet Moysen filium Amram octogenarium eduxisse Israel de Ægypto, qui omnes anni adhuc vniti faciunt 350. & adhuc ex istis tollendi sunt anni quos habebat Caath quando ingressus est Ægyptum, & anni quos habebat Amram antequam generaret Moysen. Itaque à prædictis 408. annis tollendi sunt anni vitæ Isaac antequam generaret Iacob, qui fuere 60. vt dicitur Genes. 25. & anni vitæ Iacob ante descensum in Ægyptum, qui fuere 130. vt dicitur Genes. 47. & sic remanent 210. anni; quibus addendi sunt quinque; vt locus iste consonet cum alio loco ad Galat. 3. & Exod. 12. vbi istis 400. adduntur 30. videlicet, qui præcesserunt natiuitatem Isaac à tempore promissionis factæ Abrahæ, & isti quinque qui ex eo quod erant parua res, sacra Scriptura in loco prædicto Genes. 15. non curauit de eis. Hæc explicatio & supputatio consonat cum textu dicti loci Genes. 15. vbi enim dicitur. *Peregrinum eris semen tuum* (id est Isaac & eius posteri qui erant semen Abrahæ) *in terra non sua*: non enim ait in terra Ægypti; sed absolute ait, *in terra non sua*, per quam etiam intelligitur terra Chanaan in qua tunc

tunc erat, quæ adhuc non erat tradita; sed promissa, ut dicitur Acto. 7. & ipse Isaac & Iacob sæpe vocant se peregrinos, ut patet Genes. 23. 26. 28. & 47. & licet Exod. 12. dicatur habitatio filiorum Israel, qua manserunt in Ægypto 430. annis: ideo est quia ex istis annis per plures peregrinati sunt in Ægypto, & fuit peregrinatio ista magis continuâ, & non interrupta per 215. annos: alijs autem 215. annis peregrinati sunt modo in terra Chanaam, modo Geraris ut patet Genes. 10. & 26. & postea Iacob apud Laban peregrinatus est, ut dicitur Genes. 24. Quod autem dicitur, *Peregrinum eris semen tuum in terra non sua, et affligent eos 400. annis*, construendum est per Hyperbaton, ut ait glossa ex August. Ita ut illa dictio 400. annis cadat super illud *peregrinum etc.* Alias enim plusquam 70. annis fuerant in Ægypto sine afflictione, toto scilicet tempore vitæ Ioseph, & donec *surrexit Rex novus qui ignorabat Ioseph* ut dicitur Exod. 1. & quod dicitur, *generatione quarta reuertentur huc*, intelligitur à die qua ingressi sunt Ægyptum. Quæ generationes per lineam regiam supputantur sic. Nam Iudas ingressus est Ægyptum cum Iacob, & Iudas genuit Phares, Phares genuit Esron, Esron genuit Aram & Caleph, ut patet 1. Paralip. 2. & iste Caleph, in quo completur quarta generatio, ingressus est terram promissionis, ut patet num. 14. Sept. Interpretes legunt sic; generatione quinta reuertentur huc. Et hoc etiam verificatur si fiat supputatio per lineam sacerdotalem. Nam Leui qui cum patre Iacob ingressus est Ægyptum, genuit Caath, Caath genuit Amram, Amram genuit Aaron & Moysen, Aaron genuit Eleazar, ut dicitur 1. Paralip. 6. & iste Eleazar, in quo completur quinta generatio, ingressus est terram promissionis.

(*Quarta ætas mundi continet 436. annos.*)

Anni crea-
tionis.

Anni Regni
singulorum.

Duces & Iudices Israel.

2514.	Moyſes de Tribu Leui.		40.
	Iofue de Tribu Ioseph.		
255.	Othoniel de Tribu Iudæ.	Iudic. 3.	40.
2594.	Aod. de Tribu Benjamin.		30.
	Sangar.	Iud. 3.	
2674.	Debora ſimul cum Barac.	Iud. 4.	40.
2714.	Gedeon de Tribu Manaffe.	Iud. 8.	40.
2754.	Abimelech filius ſpurius Gedeonis.	Iud. 9.	3.
2757.	Thola de Tribu Iſſachar.	Iud. 10.	23.
2780.	Iair Galadites.	Iud. 10.	22.

Hic Iſrael fuit ſine Iudice per 18. annos.
Iud. 10.

2820.	Iephte.	Iud. 12.	6.
2826.	Abefan.	Iud. 12.	7.
2833.	Ahialom.	Iud. 12.	10.
2843.	Abdon.	Iud. 12.	8.
2851.	Sanſon de Tribu Dan.		20.
2871.	Heli de Tribu Leui.	1. Reg. 4.	40.
2911.	Samuel & Saul.	Actor. 13.	40.

Hæc quarta ætas durauit à tempore quo Moyſes octogenuarius eduxit Iſrael de Ægypto, uſque ad regnum Dauid per 436. annos completos, ut patet ex 3. Reg. 6. ubi dicitur quod quadrageſimo & octogefimo anno exitus de Ægypto in anno quarto menſe ſecundo Regni Salomonis, cepit ædificare domum Domini, à quibus annis ſi tollas iſtos quatuor regni Salomonis, & alios 40. regni Dauid 2. Reg. 4. remanent dicti 436. anni.

Item

AB ADAMO VSQVE AD CHRISTVM: 759

Item istorum annorum supputatio patet ex annis quibus Iudices gubernarunt Israel, *ubi nota* 1. quod istis Iudicibus quibus in sacra scriptura non taxantur anni suæ Iudicaturæ, adscribuntur anni Iudicis sibi vicini, ut sic dicta supputatio 2. Reg. 4. integra maneat. Et sic anni Iosue sub annis Othoniel, & vnus annus Sangar, sub annis Aod, & anni Samuel sub annis Saul comprehenduntur.

Nota 2. quod tempus medians inter duos Iudices adscribitur iudici succedenti, ut notant August. Isido. Beda & alij expostitores libri Iudicum. Excipiuntur tamen illi decem & octo anni qui sine Iudice antecesserunt Iephthe, qui non numerantur inter sex annos istius, ut clare patet.

Et si obijcias quod in hoc tempore medio, ut sæpe dicitur in libro Iudicum, Hebræi idolis immolabant, & à regibus vicinis infestabantur, & postea in annis Iudicum quietabantur: v.g. Iud. 3. electo Othoniele, quieuit terra 40. annis, quibus ipse præfuit, & in octo annis antecedentibus non quieuerat: ergo illi octo anni seorsim computantur.

Respondetur quod illi octo anni respectu 40. cum sint parua res, pro nihilo reputantur, & sic absolutè dicitur, quod quieuit Israel 40. annis.

(Quinta ætas mundi continet 454. annos.)

Anni creationis.

Anni regni singulorum.

Reges totius Israel.

2951. Dauid filius Isai.	2. Reg. 15. 40.
2991. Salomon filius Dauid.	3. Reg. 11. 40.

Mortuo Salomone, ob eius peccata, diuisum est regnum in tribum Iuda & Benjamin ex vna parte, quibus præfuit Roboam filius Salomonis; & in alias decem Tribus, quibus præfuit Hieroboam, ut habetur 3. Reg. 12. & ambas lineas apponemus incipiendo à regibus Iuda & Benjamin.

(Reges Iuda.)

Anni crea-
tionis.Anni regni sin-
gulorum.

3030. Roboam filius Salomonis.	3. Reg. 14.	17
3047. Abias filius Roboam.	3. Reg. 15.	3
3049. Afa filius Abiaz.	3. Reg. 15.	41
3089. Iofaphat filius Afa.	3. Reg. 22.	25
3110. Ioram filius Iofaphat.	4. Reg. 8.	8
3117. Ochozias filius Ioram.	4. Reg. 8.	1
3117. Athalia mater Ochoziaz.	4. Reg. 11.	7
3123. Ioas filius Ochoziaz.	4. Reg. 12.	40
3162. Amasias filius Ioas.	4. Reg. 14.	29
3190. Ozias siue Azarias filius Amasiaz.	4. Reg. 15.	52
3241. Ioathan filius Oziaz.	4. Reg. 15.	16
3256. Achaz filius Ioathan.	4. Reg. 16.	16
3271. Ezechias filius Achaz.	4. Reg. 18.	29
3299. Manasses filius Ezechiaz.	4. Reg. 21.	55
3353. Amon filius Manasses.	4. Reg. 21.	2
3354. Iofias filius Amon.	3. Reg. 22.	31
3384. Ioachan filius Iofiaz.	4. Reg. 13. 3. mēses.	
3384. Eliachim seu Ioachim filius etiam Iofiaz.	4. Reg. 23. 11.	
Ioachim seu Iechonias Pater.		
3394. Salathiel & filius Ioachim.	4. Reg. 4. 3. mēses.	
3394. Sedechias filius Iofiaz.	4. Reg. 24.	11

Hæc quinta ætas durauit à principio regni Dauid vsque ad captiuitatem Babylonicam per 454. annos, vt patet ex supputatione annorum, quibus singuli reges gubernarunt. Vbi *Aduerte primo* quod vltimus annus vnus Regis est primus sequentis, & patet, nam 3. Reg. 15. dicitur, quod anno 18. Hieroboam Regis Israel regnauit Abias super Iudam tribus annis; & postea de Afa successore Abiaz dicitur, quod regnauit in anno 20. Hieroboam; itaque annis vigesimus Hieroboam numeratur pro tertio & vltimo anno Abiaz, & pro primo Afa, & sic de alijs. Ex quo colligitur, quod in summa annorum omnium Regum Iuda vel Israel non est bis, sed semel tantum numerandus iste annus medius. Excipitur ta-

men

men ab hac regula Dauid, qui cum regnauerit 40. annis & sex mensibus, vt constar 2. Reg. 5. pro illo debent numerari 40. anni integri, & alij sex menses illius debent connumerari inter 40. annos Salomonis, excipitur etiam Roboam primus Rex super Iudam & Benjamin, cuius 17. anni sunt integri. Nam de eius successore Abia dicitur 3. Reg. 15. quod incepit regnare decimo octauo anno Hieroboam Regis Israel, cum tamen Roboam & Hieroboam in eodem anno regnare inceperint, vt patet 3. Reg. 14. & 15.

Aduerte secundo, quod aliquando tam in Israel quam in Iuda regnabant duo reges simul, quando enim pater procedebat ad bellum, vel erat impotens ad gubernandum, designabat filium vt secum corregeret. Sic enim in Iuda Ioram correxnavit cum patre Iosaphat tribus annis. Et patet hoc quia iste Ioram vt dicitur 4. Reg. 8. incepit regnare in anno quinto alterius Ioram Regis Israel, sed tunc erat annus vigesimus secundus regni Iosaphat, post quod regnavit Iosaphat alios tres annos, cum regnauerit viginti quinque annis: Ergo Minor pater; nam Ioram Rex Israel cepit regnare anno octauo Iosaphat vt dicitur 4. Reg. 3. Ex his patet quod Ioram rex Iuda post mortem patris in anno vigesimo quinto regni sui, regnavit in solidum per quinque annos tantum, vsque ad vltimum annum alterius Ioram Regis Israel, & successit ei suus filius Ochosis per vnum annum in duodecimo & vltimo anno Ioram Regis Israel, vt patet 4. Regum 8. in illo enim eodem duodecimo anno, isti duo Ochosis & Ioram Rex Israel occisi sunt à Iehu 4. Regum 9. & sic istorum successores, vt pote Athalia super Iudam & idem Iehu super Israel inceperunt regnare in eodem anno ab orbe condito 3117.

Aduerte Tertio, quod anni 52 Ozias numerantur à vigesimo nono anno regni patris sui Amazias, in quo obiit profugus in Lachis. Tunc enim licet Ozias esset 4. tantum annorum, ratione cuius regnum gubernabatur per tutores 12. annis, vsque ad 16. annum ætatis Ozias, illi tamen 12. anni numerantur inter 50. annos regni eiusdem Ozias, vt sic vera consurgat supputatio regni aliorum regum.

Nec obstat quod 4. Reg. 15. dicitur: Ozias incepit anno 27. Hieroboam Regis Israel, qui Hieroboam inceperat regnare anno 15. Amazias patris Ozias, vt dicitur 4. Reg. 14. ex quo tempore vsque ad 27. annum regni Hieroboam me-

758 COMPVTVS ANNORVM

diant 14. anni regni Amazie vsque ad 29. & vltimum annum regni eius, & isti 12. anni tutorum. Ad hoc enim dico quod sensus est, quod in illo 27. anno Hieroboam, cœpit Ozias regnare per se solum & sine tutoribus, cum quo etiam fiat, quod antea inccœperat regnare cum tutoribus.

(Reges Israel durauerunt per 247. annos.)

Anni crea-
tionis.

Anni regni sin-
gulorum.

3030.	Hieroboam seruus Salomonis.	3. Reg. 4.	22
3030.	Nadab filius Hieroboam.	3. Reg. 15.	2
3051.	Baasa de tribu Isacar.	3. Reg. 15.	24
3074.	Elia filius Baasa.	3. Reg. 16.	2
3075.	Zambri seruus Ela.	3. Reg. 16. sep. dies	
3075.	Amri dux & seruus Ela.	3. Reg. 16.	12
3086.	Achab filius Amri.	3. Reg. 16.	22
3105.	Ochozias filius Achab.	3. Reg. 16.	2
3106.	Ioram filius etiam Achab.	4. Reg. 1.	12
3117.	Iehu seruus Achab.	4. Reg. 10.	28

Hic fuit interregnum anni vnus.

3145.	Ioacham filius Iehu.	4. Reg. 13.	17
3161.	Ioas filius Ioacham.	4. Reg. 13.	16
3176.	Hieroboam filius Ioab.	4. Reg. 14.	41

Hic fuit interregnum duodecim an-
norum.

3227.	Zacharias filius Hieroboam.	4. Reg. 15. sex men.	
3227.	Sellum filius Iabes coniurator.	4. Re. 15. vnus men.	
3228.	Manahem filius Gadi.	4. Reg. 15.	10

Hic

Hic fuit interregnum trium annorum .

3240. Phaccia filius Manahen. 4.Reg.15. 2
 3241. Phare dux Phaccia & filius Romeliaz. 4.Reg. 15. 20

Hic fuit interregnum 8. annorum .

3268. Osee coniurator. 4.Reg.17. 9

Regnum Israel à Hieroboam vsque ad Oseam inclusiue durauit per 247. annos, vt patet ex supputatione annorum quibus isti reges regnarunt, in quibus etiam, sicut in Regibus Iuda, annus vltimus vnus Regis est primus sequentis. Item in Israel sicut & in Iuda, aliquando regnabant duo reges simul, sic enim Nadab coregnauit per vnum annum cum patre suo Hieroboam. Quia incepit regnare in anno secundo Asa regis Iuda 3. Reg. 15. & tamen pater eius Hieroboam obiit anno tertio Asa, quia Asa incepit regnare anno vigesimo Hieroboam qui regnauit viginti duobus annis. Et Annus Nadab in quo cum patre regnauit numeratur inter duos annos qui ei adscribuntur cum eius successor Baassa inceperit regnare in anno 3. Asa. Item Ochozias suis diebus annis coregnauit cum Achab Quia vt dicitur 3. Reg. vltimo, coepit regnare anno 17 Iosaphat regis Iuda; in cuius anno 19. obiit Achab cum regnarit per 22. annos: & alias Iosaphat inceperit regnare anno 4. Achab, vt dicitur 3. Reg. 22. Imo mortuo Ochozia eius frater Ioram regnauit simul cum patre suo Achab per vnum annum, cum inceperit regnare anno 18. regni Iosaphat. Item Ioas coregnauit cum patre suo Ioachan tribus annis. Quia incepit regnare, 4. Reg. 13. in annos 37. Ioas Regis Iuda & pater eius obiit anno 39. eiusdem Ioas, cum inceperit regnare anno 23. eiusdem per 17. annos 4. Reg. 13. isti tamen tres anni non numerantur inter 16. annos eiusdem, quia post istos statim incepit regnare Hieroboam. Et alias hoc consonat supputationi regum Iuda, quorum Amasias coepit regnare anno 2. istius Ioas, vt dicitur 4. Reg. 14.

Nota secundo, quod inter Reges Israel aliquando mediant aliqui anni, qui non computantur inter annos ipsorum

rum Regum. Cum enim filij non semper succederent patribus in regia dignitate, sæpe populus erat sine lege. Et licet aliqui statim regnum occuparent, ex eo quod hoc fiebat per tyrannidem, populus non quietabatur, & sic anni Regis tyranni non incipiebant numerari quousque populus pacificabatur. Sic inter Iehu & Ioacham ponimus vnum annum interregni: quia Ioacham incepit regnare anno viginti tres Ioas Regis Iuda vt dicitur 4. Reg. 13. & pater eius Iehu obiit anno viginti duo incepto eiusdem cum incepit regnare per viginti octo annos cum Athalia sex & cum Ioas successores viginti duo. Item inter Hieroboam & Zachariam mediant 12. anni interregni, quia Hieroboam incepit regnare anno 15. Amasæ regis Iuda per 41. annos vsque ad istius 29. & vltimum annum; & in tempore Ozia filij Amasæ & tutorum eius regnavit alios 27. cum quibus impleuit 41. annum regni sui, sed eius successor Zacharias vt dicitur 4. Reg. 15. incepit regnare anno triginta octo Ozia regis Iuda, ergo mediant inter Hieroboam & Zachariam duodecim anni, qui non ascribuntur Zachariæ, sed soli sex menses cum quibus tamen impleuit 38. annos Ozia: cum in anno 39. Ozia incepit regnare in Israel Sellum successor Zachariæ per vnum mensem. Item inter Manahen & Phacciam mediant tres anni, quia Manahen 4. Reg. 15. incepit regnare anno 39. Ozia regis Iuda per 10. annos & sic obiit anno quadraginta octo eiusdem Ozia: & tum Phaccia, vt ibi dicitur, incepit regnare anno 50. regni Ozia. Item inter Phacee & Osee mediant octo anni, quia Phacee 4. Reg. 15. incepit regnare anno 52. & vltimo Ozia, & in anno 1. regni Ioatham filij Ozia per 20. annos; & sic regnavit in tempore Ioatham per istius 16. annos; & obiit anno 5. regni Achab filij Ioatham, sed Osee 4. Reg. 17. incepit regnare anno 12. regni Achab. Quia licet Osee occiderit Phacee anno 5. regni Achab regis Iuda, qui abnus 4. Reg. 15. vocatur vigesimus Ioatham, si vsque tunc scilicet regnaret, & licet dicatur ibi, quod tunc Osee incepit regnare non tamen pacifice regnavit vsq; ad 12. regni Achab, & sic illi anni non numerantur inter nouem annos eiusdem, & hæc supputatio consonat sacræ scripturæ 4. Reg. 18. vbi dicitur, quod in anno 6. Ezechia regis Iuda & 9. Osee; & sic anno ab orbe condito 3278. Salmanasar Rex Babylonis transiit in Arabibus Israel in Assyrios & Medos. Inter quos Tobias ductus est in Niniuen. Et Rex Babylonis misit ad inhabitandam Samam.

Samaritam, & alia loca istarum tribuum, Curtheos & alios vassallos suos, qui successa temporis à terra quam inhabitabant, vocati sunt Samaritani. Ex quibus descendit mulier illa Samaritana de qua Ioan. 4. Qui ex eo quod recipiebant 5. libros Moyfi, & ex eo quod ob metum leonum eos dilacerantium colebant Deum Israel, vocabant patrem Iacob, sicut vocat eum Samaritana Ioan. 4. & quando Iudæi à regibus Syriæ & Alexandro Magno honorabantur, dicebant se esse Iudæos, quibus tamen alias non coutebantur, vt dixit mulier illa Samaritana Ioan. 4. Hæc de captiuitate 10. tribuum.

Nota vltimo, circa captiuitatem tribus Iudæ & Benjamin, quod ista facta fuit in duabus vicibus, vt constat ex 4 Reg. 24. primo in tempore Iechoniz Regis Iuda, quando Nabuchodonosor tulit secum istum Iechoniam, matrem & filios eius ac nobiles regni inter quos Ezechielem & Danielelem, & hæc captiuitas vocatur transmigratio Math. 1. quia sponte Iudæi isti se obtulerunt Regi Babylonis. Secunda captiuitas fuit in tempore Sedechiæ, quem Nabuchodonosor constituerat regem pro Iechonia cum certo tributo, qui rebellans contra Nabuchodonosor vocato in suum auxilium rege Ægypti, venit Nabuchodonosor & effugato rege Ægypti obsedit Ierusalem per 10. & 8. menses & tandem cepit Sedechiam in 11. anno regni eius, & euulsis oculis duxit in Babylonem, vt impleteretur quod dicitur de isto Sedechia Hier. 51. quod esset ducendus in Babylonem; & illud Ezech. 12. quod non esset visurus Babylonem. Putabat enim Sedechias istas prophetias esse contrarias; & sic noluit credere Hieremiz suadenti cap. 28. & 29. vt sponte se traderet Nabuchodonosor, quia iam Deus ob eius scelera detreuerat tradere eum illi. Post hoc Nabuchodonosor misit Nabuzardan principem militiæ suæ in Ierusalem, qui succendit templum & domos Ierusalem & muros destruxit & reliquum vulgus ex prima captiuitate relictum cum vasibus Templi duxit in Babylonem, exceptis paucis agricolis pro cultura agrorum, & sic impletur illud Hierem. 25. *Reliquit Leo* id est Deus, *umbraculum suum*, id est Ierusalem quam suis rugitibus & præsentia sicut Leo tuebatur; *facta est terra in desolationem à facie ira columba.* 1. à facie Regis Babylonis, qui dicitur columba ex eo quod in suis

voxillis

vexillis columbam portabat depictam, vt ait D. Thom. ibi. Credebant enim Babylonij, quod sua regina Semiramis fuit in columbam conuersa & sic in vexillis columbam depictam portabant, hoc etiam erat ostensum Ezechieli cap. 1. existenti iuxta fluium Chobar ante vltimam captiuitatem in visione quatuor animalium figurantium quatuor Monarchias destructuras Israel. In leone enim figurabatur Monarchia Assyriana; quæ sicut leo erat fortior & prima inter alias, cuius reges Hier. 5. vocantur Leones, quorum Salmanasar captiuauit decem tribus, & tandem Nabuchodonosor, vt diximus, captiuauit Tribum Iuda & Benjamin & desolatus est Ierusalem. In homine figurabatur Monarchia Persiana quæ humanius & mitius se gessit cum Iudæis, vt patet in Cyro & Assuero Longimano, qui post reunitam Monarchiam Persianam cum Assyriana, alias ante diuisam in tempore Sardapali, dederunt licentiam Iudæis reedificandi Templum & Ierusalem. In tauro figurabatur Monarchia Græca, quæ incepit in Alexandro magno, cuius multi Reges, vt patet in Antiocho illustri, sicut Tauri impetu furibundo percusserunt Iudæos. Vnde Alexander Dan. 8. vocatur cornu, ex quo per mortem fracto orta sunt quatuor cornua, qui sunt quatuor Reges ei succedentes, vtpote Philippus Arideus in Macedonia, Ptolomæus Lagus in Ægypto, Antigonus in Asia, Seleucus in Syria & Babylonia, Ecce quomodo Reges istius Monarchiæ cornu vocantur ob eorum crudelitates, de quibus in libris Machabæorum satis constat. In aquila figurabatur Monarchia Romana, quæ vt aquila rapacissima, non iustitia, sed potentia omnes gentes subiugauit & Iudæos omnino deuastauit, vt patet in Tito & Vespasiano. Item desolatio Iudæorum erat figurata, Zachar. 6. in visione quatuor quadrigarum. In quadriga enim rutorum equorum figurabatur prima Monarchia effusiva sanguinis Iudæorum. In figura equorum nigtorum figurabatur secunda Monarchia, cuius reges maximè Assuerus, ad instantiam Aman, causarunt luctum Iudæis, quando præcepit eos occidere. In quadriga equorum alborum figurabatur tertia Monarchia, cuius Rex Alexander lætificauit Iudæos, eos honorando & reuelando à tributo septimi anni, in quo secundum legem non seminabant quando veniens manu armata contra Ierusalem, Pontifice Onia in Pontificali habitum & omni ciui-

tate

AB ADAMO VSQVE AD CHRISTVM. 763
 tate magna cum solemnitate eum recipiente benignè se gessit
 circa eos, Angelo sibi apparente & præcipiente ne sanctam
 ciuitatem & templum violaret. In quadriga equorum varij
 coloris figurabatur varietas quatræ Monarchiæ Romanorum
 quorum aliqui Imperatores fuerunt pij cum Iudæis & mites,
 alij verò impij & crudeles.

(Sexta ætas Mundi continet 589. annos.)

Anni crea-
 tionis.

Anni Iudi-
 caturæ.

D V C E S I S R A E L.

3404. Salathiel filius Iechoniæ in captiuitate Babylonjæ.	70
3474. Zorobabel seu Barachias filius Salathielis.	58
3532. Resa seu Mosola filius Zorobabelis.	66
3598. Ioanna Benresa filius Resa.	53
3651. Iudas Hircanus filius Ioanna.	14

Hic incipit Monarchia Græcorum in Ale-
 xandro Magno.

3665. Iosephus filius primus Iudæ.	7
3672. Abner Semei filius Ioseph.	11
3683. Eli Marathias filius Semei.	12
3695. Assar Maath filius Matathix.	9
3704. Nagath Arphaxad filius eius.	10
3714. Agai Hestli filius Nagath.	8
3722. Mafeth Nathum filius Hestli.	7
3729. Amos Scirach filius Nahum.	14
3743. Matathias Siloa filius Amos.	10
3753. Iosephus Arses Matathix.	60
3813. Ianneus Hircanus filius Iosephi.	16

Hic

Hic opprimente Antiocho Israel, vt patet 1. Machab. 1. insurgit Matathias cum Machabæis filijs suis & mortuo Ianeo Hircano, qui erat de tribu Iuda, vt patet Luc. 3. transijt ducatus cum summo sacerdotio ad Iudam Machabæum filium Matathiaz & eius successores, qui erant de tribu Leui vt patet 1. Machab. 2. vbi Matathias patet Iudæ dicitur sacerdos ex filijs Ioarim, seu Ioarib; qui Ioarib erat vnus illorum viginti quatuor sacerdotum, quos elegit Dauid 1. Paral. 24. Sic etiam Zacharias dicitur sacerdos de vice Abiaz.

3829.	Iudas Machabæus filius Matathiaz.	5
3834.	Ionathas frater Iudæ.	19
3853.	Simon frater etiam Iudæ.	8
3861.	Ioannes Hircanus filius Simonis.	26
3887.	Aristobolus filius Hitcani.	1
3888.	Ianeus Alexander filius Aristobuli.	27
3915.	Alexandra vxor Alexandri.	9
3924.	Hircanus filius Alexandri.	34

Iste Hitcanus statim mortuo patre, etiam regnante matre, fuit summus sacerdos, & iste fuit vltimus, qui habuit sceptrum & ducatum. Nam post illum suscepit principatum Herodes Ascalonita, qui non erat de gente Iudæorum & accepit regnum Iudæorum anno creationis 3958. per 37. annos in cuius 35. & consequenter ab orbe condito 3992. anno Iesus Christus filius Dei viui, pro salute hominum, ex virgine nasci dignatus est.

Hæc sexta & vltima ætas durauit à primo anno, quo populus Iudæorum captiuus ductus est in Babylonem vsque ad Christi natalem per 589. annos, vt patet ex supputatione annorum, quibus duces istius ætatis gubernarunt. Quæ omnia non constant ex sacra scriptura, cum eius historiarum in hac ætate non continuentur, sed ex Philone l. 2. breuiarum; cuius autoritas communiter in hac parte præ omnibus eligitur, & hæc supputatio consonat supputationi Olympiadum Eusebij in Chronico, qui ait Christum esse natum anno 3. Olympiadis centesimæ nonagesimæ quartæ, & quod in anno secundo Darij in quo impleti sunt anni 70. captiuitatis Babylonicæ incepit Olympias sexagesima quinta.

to. Ita quod ab anno secundo Darij vsque ad Christum transierunt centum triginta Olympiades, dempto vno anno. Ergo cum quælibet Olympias constet ex 4. annis, prædictæ centum triginta Olympiades vno anno dempto summa bunt 519. annos; quibus si addantur septuaginta anni captiuitatis Babylonice, facient 589. annos.

Hæc enim supputatio consonat supputationi septuaginta hebdomadarum Dan cap. 9. vbi Daniel in anno primo regni Darij, qui etiam erat primus annus regni Cyri consobrini sui, vt dicitur 1. Esdr. 1. ambo enim cum essent reges Persarum, venerūt contra Babylonem & occiso Balthasar rege Babylonie in eadem nocte, qua ipse prophanarat vasa sacra delata à patre suo ex Ierusalē, vt dicitur Daniel. 5. reunierunt Monarchiā alias in tempore Sardanapali diuisam in Assyrios & Persas; & in isto Cyro incepit Monarchia Persiana, finita iam Assyriana. In anno igitur primo istorum, qui simul per duos annos vsque ad mortē eiusdem Darij in Babylonia regnarunt, intelligens Daniel esse completos 70. annos captiuitatis prænuntiatos Hiere. 25. orauit ad Deū, vt promissa impleteret circa libertatē populi tēporalem, & apparuit Gabriel Angelus ostēdens ei finem captiuitatis etiam spiritualis per Christum fiendum: ait enim: *Septuaginta hebdomades abbreviata* (id est definitæ) *sunt super populum tuum, vt finē accipiat peccatum, & adducatur iustitia sempiterna, & impleatur visio eo prophetia et ungatur sanctus sanctorum* (id est Christus qui solus inter homines vocatur sanctus sanctorum) & *vnctus oleo lætitiæ præ participibus suis* vt dicitur Psal. 44. & determinat Angelus Tempus à quo incipiunt numerari istæ hebdomadæ, ait enim. *Animaduertere: ab exitu sermonis* (id est à licentia data Iudæis) *ut iterum adificaretur Ierusalem vsque ad Christum ducem hebdomades 7. et hebdomades sexaginta duæ erunt*, id est hebdomades sexaginta nouem erunt vsque ad tempus in quo Christus baptizatus sicut dux verbo & exēplo gubernabit gentes, & postea ait quod *in medio hebdomadis sequentis* (id est septuagessimæ) *deficiet hostia et sacrificium* (ob præsentiam scilicet sacrificij Christi in Cruce) hæc autem licentia de reādicanda Ierusalem concessa est Nehemiæ 2. Esdr. 2. à Dario Assuero Longimano marito, vt fertur, Esther anno 20. regni sui, à Cyro enim non fuit data licentia, vt ciuitas reādicaretur, sed solum Templum restitutus vasis sacris delatis à Nabuchodonosor in Babylonem,

vt dicitur 1. Esdr. 1. & nullus alius ante Darium legitur concessisse facultatem reedificandi Ierusalem & quando Darius concessit istam licentiam, incipiebat annus secundus olympiadis 81. vt referunt Romanæ historiæ, quibus vt ait Aug. 2. de doct. 28. standum est sæpe, quando deficit sacra scriptura, & transierant pro hac ætate centum 35. anni, vt pote 70. anni captiuitatis, & alij 65. anni ab illo primo anno Cyri. Quia tunc secundum Eusebiũ, & alios Chronistas incipiebat olympias sexagesima quinta, & illis centum triginta quinque annis addantur 480. & 6. anni cum dimidio, ex quibus constans sexaginta nouem hebdomades cum dimidia, faciunt sexcentos viginti vnum annos cum dimidio. Istæ enim hebdomades nõ sunt dierum, alias cito transirent, sed sunt hebdomades annorum. Ita quod quæuis constat ex septem annis, & de talibus hebdomadibus fit mentio Gen. 29. dum dicitur impleuisse hebdomadam pro Rachel; & Leui 25. dum dicitur: *Numerabis tibi septem hebdomades annorum.* A prædictis tamen sexcentis viginti vno annis cum dimidio, tollendo 32. annos & 3. menses vitæ Christi, remanent prædicti 589. anni pro ista sexta ætate.

Dubitatur circa prædicta de sensu illorum verborum Gen. 47. *Non auferetur sceptrum de Iuda. & dux de femore eius, donec veniat qui mittendum est,* id est Christus: videtur enim sæpe defecisse sceptrum de tribu Iuda ante aduentum Christi, nam licet illa verba intelligantur de scepro semel suscepto, cum non dicatur auferri nisi iam habitum: vnde cum Tribus Iuda nõdum acceperit sceptrum saltem permanenter vsque ad Dauid, non mirum quod Iudices præcedentes Dauid in quarta mundi ætate fuerint ex varijs tribubus, tamen post Dauid videtur sæpe esse ablatum sceptrum de domo Iuda ante natalẽ Christi. Nam in 70. annis captiuitatis Babylonis, vt notat D. Hieron. in Isai. 11. Iudæi nullibi habuerunt iurisdictionem temporalẽ, & de Iechonia 18. rege Iuda dicitur Hier. 22. *Scribe virum istum sterilem* (non quia caruerit filiis cum genuerit Salathiel, sed quia vt ibi subditur) *non eris de semine eius vir, qui sedens super solium Dauid.* Nec obstat historia Susannæ, Daniel 13. vbi senibus eã iudicantibus dicitur quod constituti sunt Iudices illo anno. Nã licet illi senes essent Hebræi, siquidem vt amici frequentabant domum mariti Susannæ, non tamen constat illos fuisse de tribu Iuda. Itẽ in tempore Machabæorum. qui erant de tribu Leui per lineam masculinam,

AB ADAMO VSQVE AD CHRISTVM. 767

linam, ipsi habuerunt sceptrum. Nec valet dicere illos fuisse de Tribu Iuda per lineam scemininam. Istæ enim duæ tribus sæpe matrimonio iungebantur: Aaron enim, ex quo descendunt Machabæi & omnes Sacerdotes, duxit vxorē Elizabeth filiam Aminadab sororem Naason de Tribu Iuda: sed hoc nõ facit, vt dicatur sceptrum durasse in Tribu Iuda, alias ob eā. dem rationem posset dici Sacerdotium etiam fuisse semper in domo Iuda. Sed his non obstantibus dicendum est, quod tam in tempore captiuitatis, quam in tempore Machabæorum, mansit sceptrum, seu ducatus in Tribu Iuda, licet non quantum ad vsum & possessionem, bene tamen quantum ad dominium & proprietatem quam nullus ab eis, ipsi inuitis poterat auferre, & Salathiel in Babylonia dicitur dux populi 4. Esdr. 5. & ipsi semper reclamauerunt etiam in tempore Machabæorum, vt ait Philo. in lib. 2. breuiarij; licet Machabæi ex multis de causis ab iniustitia excusentur. In tempore verò Herodis Gentilis Ascalonitæ, omnino defecit sceptrum à Tribu Iuda, siquidem vt ait Iosephus 17. Antiq. cap. 3. omnes Tribus Israel post 1 annum quo iste Herodes tyrannice regnarat, conuenerunt in vnum, & voluntariè in eum regem iurarunt & sic impleta tunc prophetia Iacob prædicta anno 35. regni Herodis nascitur Christus.

*Summa annorum ab Adam vsque ad Christum
3992. anni.*

Sacerdotum linea ab exordio mundi vsque ad Christum 2
prima, secunda & tertia ætas mundi.

Ab exordio mundi Ecclesia militans in terris plantata, & vsque in finem sæculi est duratura, iuxta illud Christi dictum Matth. 28. *Ecce ego vobiscum sum vsque ad consummationem sæculi*, & cum Ecclesia sit visibilis collectio fidelium sub vno capite, semper habuit Sacerdotes quibus sensibile Sacramentorum administratio & sacrificiorum oblatio incumberet, & in tribus primis ætatibus mundi dignitas sacerdotalis maioritati annectebatur, & sic Esaij vendendo suam primogenituram Gen. 25. commisit vitium simoniæ, vt ait D. Thom. in epist. ad Hebræos cap. 12. Ioc 3.

QUARTA

Quarta ætatis mundi summi Sacerdotes.

Primus	Aaron de tribu Leui.
2.	Eleazar filius Aaron.
3.	Phinees filius Eleazari.
4.	Abisue filius Phinees.
5.	Bocci filius Abisue.
6.	Eli de linea Aaron per Ithamar.
7.	Phinees filius Eli.
8.	Achitob filius Phinees.
9.	Achias filius Achitob.
10.	Abiathar filius Achitob vel Abimelech.

In hac quarta ætate in primo anno exitus Israel de Ægypto, Deo præcipiente Leuit. 8. separatur Aaron de tribu Leui, & in summum sacerdotem specialiter consecratur. Cui successit eius filius Eleazar num. 20. & isti successit eius filius Phinees, sicut promiserat ei Deus Num. 25. quarto successit Abisue filius Phinees, & 5. Bocci filius Abisue, & licet isti duo vltimi texantur in genealogia Sacerdotum 1. Paralip. 6. non tamen sit mentio de illis in libro Iudicum, quia fuerunt negligentes in reuocando populo ab idololatria cui intendeant, nisi pro tempore quo surgebat iudex nouus in Israel. Imò ob istam negligentiam tulit Deus Pontificatum à successoribus Eleazari ad successores Ithamar alterius filij Aaron. Et horum primus fuit Eli qui simul fuit iudex 40. annis, sed quia fuit negligens in corrigendis sacrilegijs filiorum, minatur ei Deus 1. Reg. 2. dicens: *Ecce dies venient et prœcidam brachium suum* (i. robur sacerdotij, vt explicat glossa interlin.) quod impletum est quando Salomon 3. Reg. 2. deposuit Abiathar à sacerdotio. Nam statim subditur; *Vt impleatur sermo Domini, quem locutum est super domum Eli in Silo.* Interim Eli adhuc viventi & non valenti præ senectute ministrare, successit filius eius Phinees, quo mortuo in bello & capta Arca à Philistæi 1. Reg. 4. successit eius filius maior Achitob. De hoc enim dicitur 1. Re. 14. *et Achias filius Achis fratris Ichabod filij Phinees qui, ortus fuerat ex Eli sacerdote.* Iste enim Ichabod fuit minor quam Achitob, siquidem natus est mortuo patre suo Phinees & mater in partu eius obiit, vt dicitur 1. Reg. 4. & sic Achitob.

Achitob fuit Sacerdos, cum sacerdotium primogenito daretur, nisi aliter Deus ordinasset. Nonus sacerdos fuit Achias filius Achitob. Iste enim in tempore Saul consuluit dominum 1. Reg. 14. & de isto dicunt aliqui, quod fuit Abimelech occisus cum alijs minoribus Sacerdotibus à Saule in Nobe, 1. Reg. 21. eo quod dedisset panem & gladium Dauidi, sed ad minus erant fratres, cum uterque vocetur filius Achitob 1. Reg. 22. Decimus Sacerdos fuit Abiathar filius Abimelech, qui ex dicta occisione fugit ad Dauid & fuit summus Sacerdos eius, licet Saul haberet in Gabaon (vbi ex Nobe transtulit Tabernaculum) alium Sacerdotem de linea Eleazari, nomine Sadoc. & mortuo Saule ambo isti Sacerdotes fuere cum Dauid 2. Reg. 4. & postea cum Salomone 3. Reg. 4. quousque Abiathar 3. Reg. 2. fuit per Salomonem ab officio depositus & in exilium missus; & sic Sacerdotium mansit cum Sadoc. & eius successoribus descendentibus ab Aaron per Eleazarum. Hæc de sacerdotibus huius quartæ ætatis.

Arca & Tabernaculum.

ARca cum Tabernaculo, ingressis Hebræis terram promissionis, collocatur primo in Galgala, Iosue 4. & inde in Silo, Iosue 18. vbi fuit circiter 330. annis vsque ad mortem Heli, 1. Reg. 4. quando capta à Philisthæis fuit apud eos septem mensibus in Azotho, in Geth, & in Acharon, quousque reduectur in Israel, & collocatur in Bethsames, & statim in Cariathiarim in domo Aminadab: & ut ait Diuus Hiero. in qq. Hebræic. super 1. Reg. ex illo loco translata est in Masphar, & colligitur ex 1. Reg. 7. vbi numeratis 20. annis mansionis Arce in Cariathiarim, ait Samuel: *Congregate uniuersum Israel in Masphas, ut orẽ pro vobis Dominum.* Et subditur; *Et conuenerunt & hauserunt aquã & effuderũt in conspectu Domini*, id est Arce. Deinde, ait Hiero. fuit translata in Galgala, postea in Nobe, postea in Gabaa, & inde in domũ Obededon &c. Alij communiter dicunt, quod licet à Cariathiarim sæpe ad bellũ portaretur, vt colligitur ex 1. Reg. 14. tamen illuc reduebatur, & illic mansit quousq; in anno 8. regni Dauid ducitur in Hierusalem in domum Obededon, vt habetur 1. Paralj. 13. ex quo loco post tres menses portatur in domum Dauid, in

montem Sion, vbi stetit vsque ad vndecimum annum regni Salomonis, quando ædificato Templo ibidem collocatur. 3. Reg. 6. & 7.

Tabernaculum vero à tempore quo capta est arca à Philistæis, fuit translatum à Silo in Nobe trans Iordanem, & ibi mansit quousque Saul (occisus sacerdotibus illic ministranti. bus & destructa Nobe, eo quod dederant gladium & panem David 1. Reg. 7.) illud transtulit in Gabaon. & ibi etiam mansit sine arca, quousque ædificato templo, illuc portatur & reconditur inter Thesauros Templi. Postea autem quando populus ducebatur captiuus in Babylonē, vt dicitur 2. Machab. 2. Hieremias sumptam arcam, Tabernaculum & altare incensæ abscondit in monte vbi Moyles sepultus iacet, in quadam speculæ à Domino sibi ostensa, & huc vsque non sunt inuenta. Vnde in templo Zorobabel & multo minus in templo Herodis, non fuit Arca Testamenti.

Quinta ætatis mundi summi Sacerdotes.

- 11 Sadoc filius Achitob.
- 12 Achimaas, filius Sadoc.
- 13 Azarias filius Achimaas.
- 14 Ioannam seu Ioiada filius Azariæ.

Iste nutritiuit occultè in Templo Regem Ioas vt seruarietur à nece quam Athalia parabat orani semini regio. 4. Reg. 11.

- 15 Azarias seu Zacharias filius Ioiadæ.

Iste occisus est à Ioas in atrio domus Domini. 2. Paralip. 24.

- 16 Amarias filius Azariæ.
- 17 Achitob filius Amariæ.
- 18 Sadoc filius Achitob.
- 19 Sellum filius Sadoc.
- 20 Helchias filius Sellum.

Iste in tempore Iosif Regis Iuda inuenit Deuteronomiæ legem. 4. Reg. 22.

- 11 Azarias filius Helchiz.
12 Saraias filius Azariæ.

Isti duodecim Sacerdotes descendentes ab Aaron per Eleazarum, vt patet 1. Paralip. 6. ministrarunt Domino in hac quinta ætate. Ex quibus solus primus Sadoc non ministravit in templo Salomonis, cum obierit ante eius consummationem, & vltimus eorum Saraias fuit occisus à Nabuchodonosor quando fuit destructa ciuitas & templum, vt patet 4. Reg. 25. & isti successit filius eius Iosedech, qui fuit primus sacerdos in captiuitate Babylonis, licet ibi nullum sacerdotale ministerium exercuerit, cum hoc alias non esset licitum extra Hierusalem.

Sexta ætatis mundi summi Sacerdotes.

- 13 Iosedec filius Saraiæ.
14 Iesus filius Iosedec.

Et iste cum Zorobabel reedificauit Templum 1. Efd. 3.

- 15 Eliasib filius Iesus.
16 Iudas filius Eliasib.
17 Ioannes filius Iudæ.
18 Iado filius Ioannis.
19 Onias filius Iadi.
20 Simon iustus filius Oniæ.
21 Eleazarus frater Simonis.

Iste misit Ptolomæo Philadelpho Regi Ægypti, filio Ptolemæi Lagi successoris Alexandri Magni. 72. senes Hebræos, qui in 72. diebus, vt ait Ioseph 12. antiq. 2. verterunt de Hebræa in Græcam linguam quinque libros Moyfi tantum, vt ait idem Iosephus in Prolog. Antiq. & D. Hieron. in proœmio quæstionum Hebraicarum, licet postea, vt ait historia Ecclesiastica, reuersi illi Rabbini in Hierusalem, verterint Psalmos & Prophetas & miserint Philadelpho.

- 22 Manasses filius Eleazari.
23 Onias filius Simonis Iusti.

Qui ex eo quod mansit puer moriente patre, non ministravit statim.

34 Simon filius istius Oniaz.

35 Alter Onias filius Simonis.

Iste apparuit Iudæ Machabæo. 2. Mach. 15.

36 Iesus, seu Iason frater Oniaz.

37 Menelaus frater etiam Oniaz.

Dè istis duobus dicitur 2. Machab. 4. quod per Simoniam adepti sunt sacerdotium. Et post illos, licet alij ponant alium sacerdotem nomine Alcimum, alij tamen id negant, sed immediatè ponunt Indam Machabæum & eius successores. Qui omnes vsque ad tempus Herodis Aſcalonitis, simul etiam fuerunt Duces populi & Sacerdotes. In tempore vero Herodis vsque ad mortem Christi cum sacerdotium vetale redderetur, multi sacerdotio fungebantur, de quorum nominibus nihil ad rem. Sed satis ex dictis constat quomodo à principio mundi vsque ad Christum semper fuit in Ecclesia sacerdos & hostia visibilis.

F I N I S.



INDVLGENTIÆ PLENARIÆ.

Desumptæ ex nouo Compendio Prædicato-
rum, diligentia R.P. F.Ioannis de la Cruz,
Theologi eiusdem Ordinis compilato; qui-
bus gaudent per communicationem omnes
Religiosi vtriusque sexus, etiam Tertiarij.

1. **I**ndulgentia plenaria conceditur religiosis in suis Eccle-
sijs orantibus pro pace Ecclesiæ, &c. In festo B.P.N.
Dominici Bul. 17. Gregorij IX. & Sixti IV. Bul. 11. Idem &
Indulgentias stationum Romæ eisdem pro eodem festo & pro
articulo mortis concessit, & Paulus V. Bul. vltim. idem eisdem
pro festo nostri Patroni Dominici concessit, & Clemens VIII.
Bul. 6. idem pro eodem festo & octauis omnibus fidelibus
concessit: & Pius 5. Bul. 27. idem concessit visitantibus in
eodem festo Ecclesiam monialium Calarogæ, ac per com-
mutationem alias nostri ordinis Ecclesias: & Sixtus IV. Bul. 1.
idem concessit orantibus vt sup. in nostris Ecclesijs in festo B.
P.N. Dominici, Petri Martyris, & Catharinæ de Senis, &
Clemens VIII. inter viua orac. idem concessit pro festo B.
Thomæ de Aquino, Antonini & Vincentij Ferrerij, & In-
dulgentiæ concessæ pro festis Sanctorum Ordinis, concessæ
sunt à Clemente VIII. & in Bullis canonizationis SS. Hy-
acinthi & Raymundi pro eorum festis; & istas lucrantur reli-
giosi aliorum ordinum in similibus festis suorum ordinum,
iuxta dicta à nobis supra lib. 2. cap. 4.

2. Indulgentias stationum Romæ lucrantur quotidie reli-
giosi recitando in singulis trium altarium vnum Psalm. Pe-
nitent. Ita Sixtus IV. Bul. 13. & Innocent. 8. Bul. 8. idem con-
cessit religiosis, etiam nouitijs, recitando ad altare maius Psalm.
Miserere, & officialibus & familiaribus Conuentus ibi reci-
tando septies *Pater noster*, & *Aue Maria*, & Iul. 2. Bul. 6.
idem concessit religiosis recitantibus ad quinque altaria vel
ad vnum, quinquies quinque Psalmos vel quinque *Pater no-*

ster, & Paul. V. Bul. vlt. idem concessit eisdem, quotidie in sua Ecclesia pro pace Ecclesie &c. orantibus.

3. Indulgentia Portiunculæ conceditur religiosis venientibus ad suum capitulum Prouinciale, ac fidelibus elemosynas pro dicto capitulo largientibus & orantibus in singulis octo dierum capituli in Ecclesia vbi celebratur capitulum. Bul. 6 Bonif. 9.

4. Indulgentiæ Sanctæ Mariæ de Populo conceduntur religiosis ac eorum familiaribus Ecclesias religiosorum visitantibus. Bul. 6 Leonis 10.

5. Indulgentia plenaria potest religiosis à suis confessoribus concedi in natali ac resurrectione Domini. Bul. Innocent. IV.

6. Indulgentia plenaria conceditur fidelibus recitantibus in nostris Ecclesijs semel *Pater noster* & *Aue Maria*, pro pace Ecclesie &c. In Natiuitate Virginis. Bul. 2. Paul. 5. In festo ac decollatione S. Ioannis Baptiste, & in festo S. Ioannis Euangeliste. Bul. 8. Clement. 8. Et idem conceditur fidelibus quoties recitauerint quinquies *Pater noster* & *Aue*, ad altare crucifixi in Inuentione & Exaltatione S. Crucis. Bul. 4 Pij 4. & iterum Clemens 8. Bul. 6. idem eisdem concessit pro eisdem festis & pro feria 5. & 6. hebdomadæ sanctæ.

7. Indulgentia plenaria conceditur religiosis confessis & sacra communione refectis. Primo cum ordine intrant. 2. cum profitentur. 3. cum primam Missam celebrant, vel aliter religiosi primam Missam audiunt, 4. in articulo mortis dicendo *Iesu* saltem corde, si non possint ore. Bul. vlt. Pauli V.

8. Indulgentiæ concessæ religiosis corporaliter visitantibus, lucrantur à religiosis infirmis recitantibus in lecto, vel in infirmaria. Bul. 7. Iulij 2.

9. Indulgentiæ stationum Romæ, Hierusalem, Compostellæ & Portiunculæ lucrantur à religiosis vbi libet recitantibus quinquies *Pater noster* & *Aue Maria*, cum Gloria Patri, &c. & alterum *Pater noster* & *Aue*, cum Gloria Patri, &c. pro intentione Papæ concedentis. Ita concessit Leo X. inter vna orac. num. 24. apud Manuelem Rod. & Bul. 46. concessit monialibus S. Claræ ac omnibus religiosis vtriusque sexus per communicationem, Indulgentiam plenariam, quoties sumunt Eucharistiam.

Et nota, quod Romæ quotidie lucrantur septem Indulgentiæ

tiæ plenariæ , & vna anima à purgatorio à quouis visitante
 liberatur , & in Hierusalem altera anima liberatur , & vigin-
 ti duæ Indulgentiæ plenariæ præter alias indulgentias die-
 rum & annorum lucrantur . Alias indulgentias passim inue-
 nies in compendijs aliorum ordinum ; quibus omnibus &
 alijs concessis confraternitatibus , congregationibus , pijs lo-
 cis , & singulis personis secularibus & regularibus potiuntur
 religiosi omnes vtriusque sexus , iuxta dicta à nobis lib. 2.
 cap. 4. & licet sæculares indigeant Bulla Cruciatæ , vbi ista
 prædicatur pro lucrando indulgentias sibi concessas , secus est
 de religiosis iuxta dicta à nobis , lib. 2. cap. 3. dub. 7.

F I N I S.



THE
JOURNAL
OF
THE
ROYAL
ANTHROPOLOGICAL
INSTITUTE
OF GREAT BRITAIN
AND IRELAND
VOLUME 10
PART 1
1880

1880





6-4



